


SOLD BY
THOMAS BAKER



SUMMA PHILOSOPHIÆ

E

D. THOMÆ AQUINATIS

DOCTRINA

TOM. II. SECT. III. — PHYSICÆ PARS SECUNDA.

IMPRIMATUR

Fr. Raphael PIEROTTI, O. P.

S. P. A. Magister.

CONSPECTUS

TOTIUS OPERIS

TOMI TRES, IN SEX SECTIONES DIVISI

TOMUS I	{	SECTIO I. — Logica
		SECTIO II. — Physica, pars prima
TOMUS II	{	SECTIO III. — Physica, pars secunda
		SECTIO IV. — Physica, pars tertia
TOMUS III	{	SECTIO V. — Ethica
		SECTIO VI. — Metaphysica

BIBLIOTHECA THEOLOGIÆ ET PHILOSOPHIÆ SCHOLASTICÆ
SELECTA ATQUE COMPOSITA
A FRANCISCO EHRLE, S. J.

SUMMA
PHILOSOPHIÆ
EX VARIIS LIBRIS
D. THOMÆ AQUINATIS DOCTORIS ANGELICI
IN ORDINEM
CURSUS PHILOSOPHICI
ACCOMMODATA
A COSMO ALAMANNO, S. J.

EDITIO JUXTA ALTERAM PARISIENSEM VULGATAM A CANONICIS REGULARIBUS
ORD. S. AUG. CONGREGATIONIS GALlicanæ

ADORNATA

A FRANCISCO BERINGER, Soc. JES. PRESB.

TOMUS II — SECTIO III — PHYSICÆ PARS SECUNDA



PARISIIS, MDCCCXC
SUMPTIBUS P. LETHIELLEUX, BIBLIOP.-EDITORIS
10, VIA DICTA & CASSETTE 10

ET APUD FRED. PUSTET, S. SEDIS APOSTOL. TYP., RATISBONÆ ET NEO-EBORACI.



JUN 16 1933

5892

EXCELLENTISSIMO ET ILLUSTRISSIMO
CAROLO AURIACO
DUCI TURSI, ORDINIS ALCANTARÆ EQUITI, ETC.

COSMUS ALAMANNUS MEDIOLANENSIS; SOCIETATIS JESU THEOLOGUS

Quæstiones in summi Philosophi *libros de Cœlo et Generatione* ad sensum inen-
temque Doctoris Angelici tibi, Princeps Excellentissime, dico. Sed cur dicem, ne
tibi veniat in mentem mirari. Hujusce rei, nisi quid me fallit ratioeinantem, facilis
est et prompta responsio. Ratiocinor enim sic, et per hos quasi gradus ascendo.
Cujus nomini par est illud opus dicatum in lucem emittere, in quo de siderum ortu
agitur et occasu, de cœlestium orbium natura et motibus tam variis atque perpetuis?
Cujus itidem id ut optimi perfectique patroni titulo est honestandum, quod rerum
mobilium et caducarum tam generationis quam corruptionis rationem aperit uni-
versam? Peritissimi nobilissimique nautæ suspicientis cœlum, stellas servantis,
vocantis, numerantis; summi optimique gubernatoris bene navigandi artis scientis-
simi, immensa vastissimaque maria innumeris fœta piscibus et monstruosis belluis
celeberrima, plenis, ut aiunt, velis et secundissime percurrentis. Quis rerum nauti-
carum cœli stellarumque scientia adeo excellit et eminent universis, ut quas naves
gubernat, non ad syrtes et scopulos allisas, non flatu resflatuque ventorum disso-
lutas et dissipatas, sed emersas e vadis et e fluctibus, procellis, maximisque peri-
culis eximiæ cum artis ope, tum ingenii dexteritate mirabili, extractas felici naviga-
tione salvas et incolumes in portu collocet? Tibi uni, Dux Excellentissime, rei-
nauticæ peritissimi, eximias hasce laudes incredibili omnium consensione tribuunt;
Te unum hac summa et singulari commendatione æternaque gloria dignissimum
judicant, cum te invictæ classis gubernatorem, procellosi domitorem maris alte-
rumque Neptunum et contra turbines, tempestates victorem felicissimum appellant.
Ergo jure tibi tuo meum hoc de cœlo rerumque natura conflantium generatione
libellum vindicas et tanquam debitum merito exigis. Verum, ne tibi ullus omnino
admirandi relinquatur locus, et a me non imprudenter factum fatearis, quod labo-
rum et vigiliarum mearum fructum tam illustri et gloriose tui nominis titulo deco-

rarim; obseero te, reser paulisper animum ad ea, quæ de quo agitur longe plurimi facienda existimo. Quod libri propositis quæstionibus iisque solutis explicati sint in agni Philosophi, num magnum quoque Principem tui similem patronum requirebant? Quod ipse Angelici Doctoris sensa doctrinamque sectatus sim, alione auspice par erat illa proferre et divulgare, quam te Principe cœlestia animo agitante cœlestesque mentes moribus exprimente? Non uno igitur vel altero, sed multis nominibus opus tibi debitum merito et jure optimo dieo. Sed addo longe præstantius haud temere ac fortuito, sed prudenti consilio extremo servatum loco. Tuis quam plurimis meritis nostram Societatem arctissime districtam et obligatam tenes. Ingratus sim, nisi ea peregrino hoc munere tuæ administrationi non incongruo memor agnoscam, et nos tibi addictos, deditos obstrictosque profitear. Accipe ergo pignus devinctæ et obstrictæ voluntatis, et qua prædictus es benignitate, hoc qualcumque opus tuo nomine illustra ac tuere. Vale.

AD BENEVOLUM LECTOREM

Habes in hoc tertio libro, Lector benevole, quæ de cœlestium orbium natura, motibus, affectionibus, et quæ de mutua rerum natura constantium generatione et corruptione sanctissimus præceptor, Doctor Angelicus, excellenti cum doctrinam eruditione disputavit. Cœlestium corporum admirabilis ac plane divina cognitio te ad præpotentis et sapientissimi architecti notitiam suavissime invitabit. Fluxarum vero rerum et caducarum sub luna contentarum ambitu ad easdem omnino flocei faciendas habendasque contemptui tua te sponte incitatum impellet et attrahet vel invitum. Jam vero illud tibi reliquum esset, ut te tui animi rationis compotis intelligentia, qua de agitur in libro propediem in lucem edendo ad sacrosancti divinique numinis cognitionem et amorem jam excitatum incenderet et inflammareret. Interim igitur ita te ad utriusque generis rerum inter se plane dissimilium, ne dicam oppositarum, confer et converte contemplationem, ut veræ solidæque tui ipsius cognitionis accessione tanti operis fabricatorem, totius universitatis parentem ardenterissimo amore complectaris, illumque tibi ad imitandum in animi corporisque functionibus universis tanquam excellentissimum virtutum omnium exemplar ante oculos ponas: ut quem ad finem omnes sanctissimi Angelicique Doctoris conatus, et qualescumque nostri perpetui labores ejus potissimum exemplo relati fuerunt, ad eumdem tuum itidem in hac Philosophica Summa e D. Thomæ doctrina diligenter eyolvenda studium omnino referatur. Vale.

*Attestatio Rever. P. Fr. Francisci Ghetii de Como Sacrae Theologiæ Lectoris primi
in conventu S. Thomæ de Papia, Ordinis Prædicatorum.*

Insigne opus continens libros *de Cœlo et Mundo* et *de Generatione et Corruptione* a præstantissimo viro Pâtre Cosmo Alamanno Societatis JESU ingenti labore, summa diligentia ex

doctrina D. Thomae Aquinatis confectum, jussu Admodum Rever. Patris Inquisitoris vidi, legi et consideravi, nihilque quod fidei, legum et morum integritati ac regulis novi Indicis Librorum repugnet in eo animadverti, quin potius opus Thomisticæ Doctrinæ professoribus perutile, ac omnibus veræ Philosophiae sinceritatem et puritatem desiderantibus maxime proficuum fore judicavi. Datum Papiæ die 4. Julii 1622.

Ita est. — Ego Fr. FRANCISCUS GHETIUS de Como
Sacrae Theologie Lector Ordinis Prædicatorum.

Die 4. Iulii 1622. IMPRIMATUR.

Fr. DEODATUS SEGUITIUS De Lauda, Inquisitor Papiæ.

Cujus nomini assurgit Saccus; et adnexum opus Senatus Excellentissimi nomine approbavit et excudendi potestatem facit.

Io. BAPTISTA SACCUS, etc., a secretis ejusdem Ordinis, etc.

EX EDITIONE HUJUS OPERIS PRIMA, PAPLE 1622

Rever. P. Fr. Francisci Ghetii de Como Lectoris Primi in conventu S. Thomæ de Papia Ordinis Prædicatorum.

EPIGRAMMA IN LAUDEM AUCTORIS

Ad Lectorem.

Dum sapiens Cosmus de *cælo* est alta locutus
Ad mentem Angelici, nomen ad astra tulit.
Quis magni potuit *mundi* memoranda referre?
Ilic certe Cosmus; perlege, doctus eris.
Ortum ac interitum rerum dum pandere scriptis
Nititur, illius maxima fama volat.
Miraris si de rebus sit talia fatus?
Angelico est Cosmus prædictus ingenio.

EJUSDEM ALIUD EPIGRAMMA

Ad Lectorem.

Non tanto splendens ornatur lumine Phœbus.
Nec tot sideribus fulget in orbe polus;
Tot violæ in pratis, flores, tot lilia non sunt.
Nec risus tantus tempore veris adest;
Nec Crœsus gazas tot possidet ille superbus.
Non tot opes gaudens possidet ille Mida:
Quod bona de Cosmi generoso pectore manant:
Hunc probitas, pietas religioque beat;
Hunc specimen virtutis cuncti ad sidera tollunt;
Relligiosus amat, docta Minerva colit.
Maximus iste Sophos, hic maximus atque Thomista.
Hunc celebrem efficiunt, nomen ad astra ferunt.

BQ
6832
S. 2. 1

BREVIS CONSPECTUS
SCRIPTORUM S. THOMÆ
QUÆ IN EDITIONE ROMÆ AN. 1570 VULGATA

CONTINENTUR

SUMMA THEOLOGIE; la (scil. prima pars),
la 2æ (scil. prima pars secundæ partis),
2a 2æ (scil. secunda pars secundæ partis),
3a (scil. tertia pars).

SUMMA CONTRA GENTILES; II. 4 c. Gent.

QUESTIONES DISPUTATÆ de potentia Dei, de
malo, de spiritualibus creaturis, de anima,
de unione Verbi, de virtutibus in com-
muni, de caritate, de correctione fraterna,
de spe, de virtutibus cardinalibus, de ve-
ritate (1).

QUODLIBETA 12.

SCRIPTUM in 4 libros Sententiarum.

COMMENTARIUS in 2 lib. Perihermenias, in
2 lib. Posteriorum Analyticorum, in 8 lib.
Physicorum, in 4 lib. de Cœlo et Mundo,
in 2 lib. de Generatione et Corruptione, in
4 lib. Meteorum, in 3 lib. de Anima, in
lib. de Sensu et Sensato, de Memoria et
Reminiscentia, de Somno et Vigilia *, de
Somniis *, de Divinatione per Somnum *,
in 12 lib Metaphysicorum (de Causis.),
in 10 lib Ethicorum, in 8 lib. Politico-
rum (2).

OPUSCULA : 1. Contra errores Græcorum. —
2. Compendium theologiae. — 3. Declara-
tio quorundam articulorum contra Græ-
cos, Armenos et Saracenos. — 4. De duo-
bus præceptis caritatis. — 5. De articulis
fidei et sacramentis ecclesiae. — 6. Exposi-
tio super symbolum Apostolorum. —
7. Expositio orationis dominicæ. — 8. Ex-
positio salutationis angelicæ. — 9. Re-
sponsio de 108 articulis *. — 10. Responsio
de 42 articulis. — 11. Responsio de
36 articulis. — 12. Responsio de 6 articulis
ad lectorem Bisuntin. — 13. De differen-
tia divini verbi et humani. — 14. De na-
tura verbi intellectus. — 15. De substantiis
separatis. — 16. De unitate intellectus
contra Averroistas. — 17. Contra
retrahentes a religionis ingressu. — 18.
De perfectione vitæ spiritualis. — 19.
Contra impugnantes Dei cultum et reli-
gionem. — 20. De regimine principum.

(1) Compluries allegatur quæstio de Motoribus Corporum
Cœlestium; cf. quæ pag. 59 annotavimus.

(2) De aliis quibusdam commentationibus quæ nonnunquam
in hac Summa Philosophica citantur, vide annotata in præfa-
tione hujus, editionis, tom. I, pp. vi-ix; et in notis,
tom. III, p. 180; tom. IV, p. 228.

- 21. De regimine Judeorum. — 22. De
forma absolutionis. — 23. Expositio pri-
mae decretalis. — 24. Expositio super se-
cundam decretalem. — 25. De sortibus.
— 26. De judiciis astrorum. — 27. De
aeternitate mundi. — 28. De fato. —
29. De principio individuationis. — 30. De
ente et essentia. — 31. De principiis na-
turæ. — 32. De natura materiæ et dimen-
sionibus interminatis — 33. De mixtione
elementorum. — 34. De occultis operibus
naturæ. — 35. De motu cordis. — 36. De
instantibus. — 37. De quatuor oppositis.
— 38. De demonstratione. — 39. De fal-
laciis. — 40. De propositionibus modali-
bus. — 41. De natura accidentis. —
42. De natura generis *. — 43. De potentiis
animæ *. — 44. De tempore. — 45. De
pluralitate formarum *. — 46. De dimen-
sionibus interminatis. Cf. n. 32. — 47. De
natura syllogismorum *. — 48. Summa
totius Logicæ Aristot. *. — 49. De sensu
resp. singularium et intellectu resp. uni-
versalium *. — 50. De inventione medii *.
— 51. De natura luminis *. — 52. De na-
tura loci *. — 53. De intellectu et intelli-
gibili *. — 54. De quo est et quod est *. —
55 et 56. De universalibus *. — 57. Offi-
cium de festo corp. Chr. — 58. De sacra-
mento altaris *. — 59. De sacramento encha-
ristiae *. — 60. De humanitate J. Chr. *. —
61. De dilectione Chr. et proximi *. —
62. De divinis moribus *. — 63. De beatitu-
dine *. — 64. De modo confitendi *. —
65. De officio sacerdotis *. — 66. Expositio
missæ *. — 67. De emptione et venditione
ad tempus *. — 68. Epistola de modo ac-
quirendi scientiam *. — 69. Expositio in
lib. Boethii de hebdomadibus. — 70. Quæ-
stiones in lib. Boethii de Trinitate. —
71. De vitiis et virtutibus *. — 72. De
concordantiis *. — 73. De usuris *.

EXPOSITIO : in Job, in Psalmos, in Cantica
Canticorum, in Isaiam, in Jeremiam, in
Threnos [in Matthæum et Joannem];
Catena aurea in quatuor evangelia; expo-
sitio in epist. S. Pauli, in Genesim *, in
Danicem *, in lib. Machabæorum *, in
epist. canonicas *.

SUMMÆ
PHILOSOPHICÆ
E DIVI THOMÆ DOCTORIS ANGELICI
DOCTRINA
SECUNDA SECUNDÆ
IN LIBROS
DE CŒLO ET MUNDO

Post considerationem corporis mobilis in quantum est mobile, reliquum est hujusmodi communia applicare ad propria subjecta. Subiectum autem motus est magnitudo et corpus, quia nihil movetur nisi quantum. In corporibus autem prius est considerare totum ipsum universum quam partes, quæ secundum situm illud constituant. (Cf. Procœm. S. Thomæ in lib. *de Cœlo*.) Et ideo *primum* agemus de universo; *deinde* de partibus illius, nimirum de corporibus simplicibus; nam cum corporibus mixtis non determinetur situs secundum se, sed secundum simplicia corpora, haec sola, quia primo et per se habent situm in universo, censentur esse partes illius constitutivæ, scilicet

secundum ordinem situs (*de Pot.* q. 5, a. 7 et 9, c.). Inter hæc autem prius agemus de corpore cœlesti, quia per ipsum alia corpora firmantur, tum de aliis, quod est agere de corpore mobili secundum situm vel locum, quod inter subiecta partialia priorem locum habet, sicut et inter motus localis prior est omnibus, ut docet Philosophus 8. *Phys.* (text. 55; c. 7; — S. Thomas 8. *Phys.* l. 14). Consideratio vero universi tripartita erit; nam *primum* agemus de existentia mundi sive universi, *secundo* de modo productionis ejusdem, *tertio* de proprietatibus illius; hæc enim tria peculiarem habent in hac tractatione difficultatem.

QUESTIO XXVI

DE EXISTENTIA MUNDI.

CIRCA MUNDI EXISTENTIAM

QUERUNTUR DICO:

1. An mundus semper fuerit.
2. An mundum incepisse sit articulus fidei.

ARTICULUS I

UTRUM MUNDUS SEMPER FUERIT.

Videtur quod mundus semper fuerit; et ad hoc possunt adduci rationes sumptae ex triplici capite, nimurum ex parte Dei, ex parte creaturarum, et ex modo factionis rerum.

1. *Ex parte Dei* sic: Omne agens, quod non semper agit, movetur vel per se vel per accidens; sed Deus neque movetur per se neque per accidens: ergo Deus semper eodem modo agit; ex sua autem actione mundus in esse consistit; semper igitur mundus fuit. — 2. c. *Gent.* c. 32, n. 1.

2. Præterea, Deus produxit mundum secundum suum esse et non per aliquod aliud additum; sed esse Dei est æternum: ergo cum effectus sit similis suo principio activo, mundus debet semper fuisse. — 1. *de Cœlo* 1. 6.

3. Præterea, bonitas Dei est causa rerum; sed bonitas Dei otiosa et vacans esse non potest: ergo cum talis fuisse, antequam mundus esset, si ex aliquo determinato principio temporis incepit, debet semper fuisse. — *Ibid.*

4. Præterea, posita causa sufficienti ponitur effectus; nam causa ad quam non sequitur effectus, est causa imperfecta, indigens alio ad hoc, quod effectus sequatur; sed Deus est sufficiens causa mundi, et finalis ratione suæ bonitatis, et exemplaris ratione suæ sapientiae, et effectiva ratione suæ potentiae: cum ergo Dens sit ab æterno, et mundus fuit ab æterno. — 2. c. *Gent.*

c. 32, n. 3; 1a, q. 46, a. 4, arg. 9.

5. Præterea, agens per voluntatem non retardat exequi propositum de aliquo faciendo, nisi propter aliquid in futurum exspectatum, quod nondum adest, sive illud sit in agente, ut cum exspectatur perfectio virtutis ad agendum aut sublatio alicujus impeditis virtutem; sive sit extra agentem, ut cum exspectatur vel præsentia alicujus, coram quo fiat actio, vel præsentia alicujus temporis opportuni, quod nondum adest; sed quidquid Deus vult quod nunc sit, ab æterno voluit quod sit, quia nec novus motus voluntatis advenire potest nec ullum impedimentum ejus potentiae, nec aliquid aliud exspectari potuit ad mundi productionem; ergo mundus ab æterno productus fuit. — 2. c. *Gent.* l. c. n. 4; 1a, l. c. arg. 6.

6. Præterea, voluntas divina æqualiter se habet ad producendam creaturam per totam æternitatem; nam cum in nihilo non possint assignari differentiae aliquæ momentorum, ut in uno magis oporteat aliquid fieri quam in alio; nec similiter in æternitate, quæ tota est uniformis, potest præelectio fieri unius ad alterum; aut ergo divina voluntas est de hoc, quod nunquam mundus sub æternitate ejus constituitur, aut quod semper; sed constat, quod non est voluntas ejus de hoc, quod nunquam sub æternitate ejus constituatur: ergo necesse est quod mundus semper fuerit. — 2. c. *Gent.* l. c. n. 5.

7. Præterea, idem potest ostendi *ex parte creaturarum* sic: Quæ non habent potentiam ad non esse, impossibile est ea non esse; sed quædam creaturæ non habent potentiam ad non esse, quia nimurum *vel* carent materia, quæ est potentia ad esse (quod est per formam) et ad non esse (quod est per privationem), ut substantiæ intellectuales; *vel* non habent materiam contrarietati subjectam (unde etiam oritur potentia ad non esse), ut corpora cœlestia, quod eorum motus ostendit, qui contrarietatem non habet: — ergo quasdam creaturas impossibile est non esse; ergo eas semper esse necesse est, et per consequens mundus ratione ha-

rum erit aeternus, — 2. c. *Gent.* c. 33, n. 1; 1a, q. 46, a. 4, arg. 1.

8. Praeterea, nihil quod habet virtutem ut semper sit, quandoque est et quandoque non est, quia ad quantum se extendit virtus alienus rei, tandem est. Sed omne incorruptibile habet virtutem ut sit semper; non enim virtutem habet ad determinatum durationis tempus. Nihil ergo incorruptibile quandoque est et quandoque non est. Sed omne, quod incepit esse, quandoque est et quandoque non est; nullum ergo incorruptibile incepit esse. Sed multa sunt in mundo incorruptibilia, ut columnæ et intelligentiae; ergo mundus non incepit esse. — 1a, l. c. arg. 2.

9. Praeterea, quandocumque aliquid de novo incepit moveri, oportet quod movens vel motum vel utrumque aliter se habeat nunc, quando est motus, quam prius, quando non erat motus; est enim relatio quædam moventis ad motum, secundum quod est movens actu; sed relatio nova non incepit sine mutatione utriusque vel alterius extreborum. Quod autem aliter se habet nunc quam prius, movetur; ergo oportet ante motum, qui de novo incepit, aliud motum præcedere in mobili vel movente; oportet ergo quod quilibet motus vel sit aeternus vel habeat aliud motum ante se; motus ergo semper fuit; ergo et mobilia, et sic mundus semper fuit; Deus enim omnino immobilis est, ut dictum est (supra q. 25, a. 3, ad primam quæst.). — 1a, l. c. arg. 5; 2. c. *Gent.* c. 33, n. 3.

10. Praeterea, idem potest argui *ex parte factiovis*. Cum enim communis opinio omnium philosophorum sit, ex nihilo nihil fieri, oportet esse verum; nam quod communiter ab omnibus dicitur, impossibile est totaliter esse falsum; nam falsa opinio infirmitas quædam intellectus est et defectus; defectus autem quia per accidens est et præter naturæ intentionem, non potest esse semper et in omnibus. Si igitur aliquid est factum, oportet ex aliquo esse factum, quod si etiam factum sit, oportet etiam hoc ex alio fieri; non potest autem hoc in infinitum procedere, quia sic nulla generatio comple-

retur, cum non sit possibile infinita transire. Oportet ergo devenire ad aliquod primum, quod non sit factum. Omne autem ens, quod non semper fuit, oportet esse factum; ergo oportet illud, ex quo omnia fiunt, esse sempiternum. Hoc autem non est Deus, quia ipse non potest esse materia alicujus rei; ergo relinquitur, quod aliquid extra Deum sit aeternum, puta materia prima, et consequenter mundus ratione materiæ. — 2. c. *Gent.* c. 34, n. 1.

11. Praeterea, omne quod de novo incepit esse, antequam esset, possibile erat ipsum esse; si enim possibile non erat ipsum esse, necesse erat non esse, et sic semper fuisset non ens, et nunquam esse incepisset; sed quod est possibile esse, est subjectum potentia ens; oportet igitur ante quodlibet de novo incipiens præexistere subjectum potentia ens; et cum hoc in infinitum procedere non possit, oportet ponere aliquod primum subjectum, quod non incepit de novo esse. — *Ibid.* n. 3.

12. Praeterea, nulla substantia permanens est, dum fit; et universaliter, quod fit, dum fit, non est, sed quando jam factum est, tunc primo est, ut dicitur 5. *Phys. tert.* 13; c. 2. Et ratio est, quia ad hoc res fit, ut sit; non enim fieret, si jam esset; sed dum fit, oportet aliquid esse, quod sit factiois subjectum; non enim factio, cum sit accidens, sine subjecto esse potest. Omne igitur, quod fit, habet aliquod subjectum præexistens; et cum hoc in infinitum ire non possit, sequitur primum subjectum non esse factum, sed sempiternum esse; ex quo ulterius sequitur, aliquid præter Deum esse aeternum, cum ipse subjectum factiois esse non possit. — 2. c. *Gent.* c. 34, n. 4; 5. *Phys.* l. 3 (2); *de Pot.* q. 3, a. 13, arg. 3 et ad 3; 2. *Sent. dist.* 1, q. 1, a. 2, arg. 3; 2. *de Generat.* l. 10.

13. Praeterea, omne illud, cuius motus quandoque est et quandoque quiescit, reducitur ad aliquem motum continuum, qui semper est; quia ejus successionis, quæ est ex vicissitudine motus et quietis, non potest esse causa aliquid eodem modo se habens, quia idem eodem modo se habens

semper facit idem; ergo oportet quod causa hujus vicissitudinis sit aliquis motus, qui non est semper, et sic oportet quod habeat aliquem motum præcedentem; et cum non sit abire in infinitum, oportet devenire ad aliquem motum, qui semper est, et per consequens ratione talis motus et ejus mobilis, mundus erit æternus. — 2. *Sent.* dist. 1, q. 1, a. 5, arg. 9.

Sed contra est, quod dicitur *Joan.* 17, 5: « Clarifica me tu, Pater, apud temetipsum claritate, quam habui, priusquam mundus fieret », et *Prov.* 8, 22: « Dominus possedit me in initio viarum suarum, antequam quidquam ficeret ». — 1a, q. 46, a. 1, arg. *Sed contra.*

RESPONDEO DICENDUM, quod hac de reverentes philosophi varie locuti sunt, licet in eo consentiant, quod non solus Deus est æternus, sed etiam aliae res. Nam *quidam* ante Aristotelem posuerunt, quod mundus est generabilis et corruptibilis, et quod ita est de toto universo, sicut de toto aliquo particulari alienus speciei, cuius unum individuum corrumpit et aliud generatur; et haec fuit opinio Empedoclis. *Alii* dixerunt, quod res ab aeterno movebantur motu inordinato, et postea reductæ sunt ad ordinem *vel* casu, sicut ponit Democritus, quod corpora indivisibilia ex se mobilia casu adunata sunt ad invicem, *vel* a creatore, et hoc ponit Plato, ut dicitur in 3. *de Cœlo*. *Alii* dixerunt, quod res fuerunt ab aeterno secundum illum ordinem, quo modo sunt; et ista est opinio Aristotelis et omnium philosophorum sequentium ipsum, et haec opinio inter prædictas probabilior est; omnes tamen sunt falsæ et hæreticæ. — 2. *Sent.* dist. 1, q. 1, a. 5, c.

Dicendum enim est, quod nihil potest praeter Deum ab aeterno fuisse, et quod hoc ponere non est impossibile. Cujus ratio est, quia cum voluntas Dei sit causa rerum (non enim agit Deus per necessitatem naturæ, sed per voluntatem, ut patet *tum* ex ordine causarum agentium; nam præstituit naturæ finem, propter quem operetur; *tum* ex ratione agentis naturalis; non enim est ad unum effectum producendum determinatus,

sicut natura), sic aliqua necesse est esse, sicut necesse est Deum velle illa, cum necessitas effectus ex necessitate cause dependeat, ut dicitur 5. *Metaphys. text.* 6; l. 4, c. 5. Absolute autem loquendo, non est necesse Deum velle aliquid nisi seipsum suamque bonitatem; nam ad hanc habet Deus necessariam habitudinem; secus autem ad res extra ipsum, cum Dei bonitas sit perfecta et esse possit sine illis, cum nihil ei perfectionis accrescat ex aliis. Non est ergo necessarium Deum velle, quod mundus fuerit semper; sed eatenus mundus est, quatenus Deus vult illum esse, cum esse mundi ex voluntate Dei dependeat sicut ex causa. Non est igitur necessarium inmundum semper esse, et per consequens nec demonstratione probari potest; nec rationes, quas ad hoc Aristoteles inducit, sunt demonstrativæ simpliciter, sed secundum quid, scilicet ad contradicendum rationibus antiquorum ponentium, mundum incipere secundum quosdam modos in veritate impossibles. — Et hoc apparet ex tribus: *primo* quidem, quia tam in 8. *Phys.* (initio) quam in 1. *de Cœlo* (*text.* 101 sqq.; c. 10) præmittit quasdam opiniones, ut Anaxagorae et Empedoclis et Platonis, contra quos rationes contradictorias inducit. *Secundo*, quia ubique de hac materia loquitur, inducit testimonia antiquorum, quod non est demonstratoris, sed probabiliter persuadentis. *Tertio*, quia expresse dicit (1. *Top.* c. 9; c. 11), quod quædam sunt problemata dialectica, de quibus rationes non habemus, ut utrum mundus sit æternus; quamquam ipse firmiter opinatus est necessarium fore, quod cœli motus sit sempiternus, similiter et tempus et per consequens et ipsum cœlum. Nam super sempiternitate motus et temporis et cœli fundavit intentionem suam de inquisitione substantiarum immaterialium. — 1a, q. 46, a. 1, c.; 12. *Metaphys.* l. 6 (4).

Ad primum ergo dicendum, quod non oportet quod vel per se vel per accidens Deus moveatur, si effectus eius de novo incipit esse. Novitas enim effectus indicare potest mutationem agentis, in quantum demonstrat novitatem actionis; non enim potest esse

quod in agente sit nova actio, nisi aliquo modo moveatur, saltem de otio in actum. Novitas autem divini effectus non demonstrat novitatem actionis in Deo, cum actio sua sit sua essentia; unde neque novitas effectus mutationem Dei agentis demonstrare potest. — 2. c. *Gent.* c. 35, n. 4.

Ad secundum dicendum, quod verum quidem est, quod Deus agit per suum esse et non per aliquid superadditum, sed etiam esse suum non est distinctum a suo intelligere, sicut in nobis, nec etiam a suo velle; unde produxit res secundum intelligere et velle suum. In his autem, quæ producuntur ab aliquo agente in quantum est intelligens et volens, oportet esse id, quod producitur, hoc modo, sicut est intellectum a producente, non autem eo modo, quo est ipse producens secundum suum esse. Unde sicut non oportet quod id, quod est productum a Deo producente secundum suum esse, sit in aliis conditionibus tale, quale est esse divinum, sed quale est determinatum per ejus intelligere; ita non est necessarium quod id, quod est productum a Deo, sit tam diuturnum, quantum Deus, sed quantum est determinatum per intellectum ipsius. — 1. *de Cœlo* I. 6.

Et similiter non oportet quod, si primi agentis actio sit æterna, ejus effectus sit æternus; nam Deus agit voluntarie in rerum productione, non autem ita, quod sit aliqua actio media ipsius, sicut in nobis actio virtutis motivæ est media inter actum voluntatis et effectum; sed suum intelligere et velle est suum facere; effectus autem ab intellectu et voluntate sequitur secundum determinationen intellectus et imperium voluntatis, ut dictum est. Sicut autem per intellectum determinatur rei factio et quæcumque alia conditio, ita et præscribitur ei tempus, ut nimirum sit, quando Deus voluerit illam esse, ex vi nimirum antiquæ voluntatis efficacis, nulla actione de novo existente. — 2. c. *Gent.* c. 35, n. 2.

Ad tertium dicendum, quod otiosum dicitur, quod non consequitur finem, ad quem est; bonitas autem divina non est propter creaturas; unde creaturæ essent otiosæ, si

non consequerentur divinam bonitatem; divina autem bonitas non esset otiosa, etiam si nullam creaturam unquam produxisset. — 1. *de Cœlo* I. 6.

Ad quartum dicendum, quod etsi Deus sit sufficiens causa productionis rerum in esse, non tamen oportet quod ejus effectus æternus ponatur, eo existente æterno; nam posita causa sufficiente ponitur ejus effectus; non autem effectus extraneus a causa; hoc enim esset ex insufficientia causæ, ac si calidum non calefaceret. Proprius autem effectus voluntatis est, ut sit hoc, quod voluntas vult; si autem aliquid aliud esset, quam voluntas velit, non poneretur proprius effectus causæ, sed alienus ab ea. Voluntas autem sicut vult hoc esse tale, ita vult hoc esse tunc; unde oportet ad hoc, quod voluntas sit sufficiens causa, quod effectus sit, quando voluntas est ut sit, et quando voluntas effectum esse disposuit. In his autem, quæ a causa naturaliter agente procedunt, secus est, quia actio naturæ est secundum quod ipsa est; unde ad esse causæ sequi oportet effectum. Voluntas autem non agit secundum modum sui esse, sed secundum modum sui propositi; et ideo sicut effectus naturalis agentis sequitur esse agentis, si sit sufficiens, ita effectus agentis per voluntatem sequitur modum propositi. — 2. c. *Gent.* c. 35, n. 3.

Ad quintum dicendum, quod divinæ voluntatis non retardatur effectus, quamvis non semper fuerit, voluntate de eo existente; nam sub voluntate divina cadit non solum quod ejus effectus sit, sed quod *tunc* sit; hoc igitur volitum, quod est *tunc* creaturam esse, non retardatur, quia tunc incepit creatura esse, quando ab æterno Deus disposuit. — *Ibid.* n. 4.

Ad sextum dicendum, quod ante totius creaturæ inchoationem non est accipere diversitatem aliquam partium alicujus durationis, quia nihil mensuram non habet nec durationem; Dei autem duratio, quæ est æternitas, non habet partes, sed est simplex omnino, non habens prius et posterius, cum Deus sit immobilis. Unde non est comparare inchoationem totius creaturæ ad aliqua

diversa signata in aliqua mensura praeexistente, ad quae initium creaturarum similiter et dissimiliter se possit habere, ut oporteat rationem esse apud agentem, quare in hoc signo illius durationis creaturam in esse produixerit, et non in alio praecedenti vel sequenti; quae quidem ratio requireretur, si aliqua duratio in partes divisibilis esset praeter totam creaturam productam, sicut accedit in particularibus agentibus, a quibus producitur effectus in tempore, non autem ipsum tempus. Deus autem simul in esse produxit et creaturam et tempus. Non est igitur ratio, quare nunc et non prius, in hoc consideranda, sed solum quare non semper; sicut per simile in loco apparet. Particularia enim corpora sicut in tempore determinato, ita etiam in loco determinato producuntur; et quia habent extra se tempus et locum, a quibus continentur, oportet esse rationem, quare magis in hoc loco et in hoc tempore producuntur quam in alio. In toto autem celo, extra quod non est locus, et cum quo universalis locus omnium producitur, non est ratio consideranda, quare hic et non ibi est constitutum. — 2. c. *Gent.* c. 35, n. 5.

Propterea vero non semper fuit mundus, quia cum in his, quae voluntarie aguntur, solus finis possit inducere necessitatem, et hujusmodi finis respectu divinae voluntatis sit eius bonitas, haec nullam necessitatem potuit Deo imponere faciendi creaturam ullam ab aeterno, ita ut semper fuerit; quia Deus non agit propter suam bonitatem vel producendam in esse vel meliorandam vel sibi acquirendam, sed ut alia illam suo modo participant et ad illam ordinentur. Convenientius autem ordinantur ad illam, si producuntur in tempore, quam ab aeterno; nam eo modo magis repraesentant divinam bonitatem. Cum enim illam repraesentare non possint per aequalitatem, ut contingit in effectis univocis, debent illam repraesentare eo modo, quo excedens repraesentatur ab eo, quod exceditur; excessus autem divinae bonitatis supra creaturam per hoc maxime exprimitur, quod creaturae non semper fuerunt. Ex hoc enim apparet expresse, quod omnia alia praeter ipsum eum habent

sui esse auctorem, et quod virtus ejus non obligatur ad hujusmodi effectus producendos, sicut natura ad effectus naturales. — *Ibid.* n. 6 et 7.

Ad septimum dicendum, quod necessitas essendi, quae in creaturis invenitur, est necessitas ordinis; necessitas autem ordinis non cogit ipsum, cui talis necessitas inest, semper fuisse. Licet enim substantia coeli per hoc, quod caret potentia ad non esse, habeat necessitatem ad esse, non tamen necessitas sequitur ejus substantiam; unde substantia eius iam in esse instituta, talis necessitas impotentialitatem non essendi inducit, non autem facit esse impossibile coelum non esse in consideratione, qua agitur de productione substantiae ipsius. — 2. c. *Gent.* c. 36, n. 1.

Ad octavum dicendum, quod illud, quod habet virtutem ut sit semper, ex quo habet illam virtutem, non quandoque est et quandoque non est; sed antequam haberet illam virtutem, non fuit; et ideo ex virtute essendi semper, non sumitur argumentum sufficiens ad probandam productionem aeternam. Unde haec ratio, quae ponitur a Philosopho (4. *de Cœlo* text. 120; c. 12), non concludit simpliciter, quod incorruptibilia, ut coelum et intelligentiae, non incepérunt esse, sed quod non incepérunt esse per modum naturalem, quo generabilia et corruptibilia incipiunt esse. — 1a, q. 46, a. 4, ad 2; 2. c. *Gent.* c. 36, n. 2.

Ad nonum dicendum, quod primus motor semper eodem modo se habuit; primum autem mobile non semper eodem modo se habuit, quia incepit esse, cum prius non fuisset; sed hoc non fuit per mutationem, sed per creationem, quae non est mutatio. Unde patet, quod haec ratio, quam ponit Aristoteles (8. *Phys.*), procedit contra eos, qui ponebant mobilia aeterna, sed motum non aeternum, ut patet ex opinionibus Anaxagoræ et Empedoclis. Nos autem ponimus, ex quo mobilia incepérunt, semper fuisse motum. — 1a, q. 46, a. 4, ad 5.

Ad decimum dicendum, quod ex nihilo nihil fieri habet veritatem in factione particulari, quam philosophi considerabant, non

autem in productione totius entis, de qua nos loquimur; præterquam quod nomen factionis proprie isti universalis rerum productioni non convenit, cum tale nomen motum vel mutationem importet, licet per quandam similitudinem a nobis ad illam originem transferatur, ut dicamus ea facta, quorum natura ab aliis originem trahit. — 2. c. *Genit.* c. 37, n. 1.

Ad undecimum dicendum, quod non oportet aliquam potentiam passivam præcedere esse totius entis creati. Hoc enim est necessarium in illis, quæ per motum essendi principium sumunt, eo quod motus est actus existentis in potentia. Possibile autem fuit ens creatum esse, antequam esset, per potentiam agentis, per quam et esse incepit, vel propter habitudinem terminorum, in quibus nulla repugnativa invenitur; quod quidem possibile secundum nullam potentiam dicitur, ut patet per Philosophum (5. *Metaphys. text.* 17; 1. 4, c. 12); hoc enim prædicatum, quod est esse, non repugnat huic subiecto, quod est mundus vel homo, sicut commensurabile repugnat diametro. Et sic sequitur quod non sit impossibile esse, et per consequens quod sit possibile esse, antequam esset, etiam nulla potentia existente. In his autem, quæ per motum fiunt, oportet prius fuisse possibile esse, antequam esset, etiam nulla potentia existente, per aliquam potentiam passivam; in quibus Philosophus (7. *Metaphys. text.* 22; 1. 6, c. 7) hac utitur ratione. — 2. c. *Genit.* c. 37, n. 3.

Ad duodecimum dicendum, quod fieri non simul est cum esse rei in his, quæ per motum fiunt, in quorum fieri successio invenitur. In his autem, quæ non fiunt per motum, non prius est fieri quam esse; sic igitur evidenter apparet, quod nihil prohibet ponere, mundum non semper fuisse, quod fides catholica ponit (*Gen. 1, 4.*): *In principio creavit Deus cœlum et terram.* — *Ibid. n. 4.*

Ad decimum tertium dicendum, quod hujusmodi vicissitudinis, quod quandoque mundus non fuit et postea fuit, non est causa efficiens aliquis motus, sed aliqua res semper eodem modo se habens, id est voluntas

divina, quæ ab aeterno fuit de hoc, quod mundus in esse post non esse exiret. Et si dicatur, quod idem semper facit idem, dico, quod verum est, si accipiat agens secundum propriam rationem, quia producit determinate hunc effectum. Sicut autem agens naturale determinatur per propriam formam, ut nunquam sequatur actio nisi secundum convenientiam ad illam formam, ita agens voluntarium determinatur ad actionem per propositum voluntatis; unde si voluntas non sit impedibilis nec mobilis, non sequitur effectus nisi secundum hoc, quod voluntas proposuit. Et hoc est verum, quod voluntas divina in hoc quod semper est eadem, semper facit illud, quod ab aeterno voluit, quia nunquam causatur; non tamen facit, ut sua volita semper sint, quia hoc ipsa non vult; unde si hoc faceret, quia faceret illud, quod ipsa non vult, esset simile, ac si calor faceret frigus. — 2. *Sent.* dist. 4, q. 1, a. 5, ad 9.

ARTICULUS II

UTRUM MUNDUM INCEPISSE SIT ARTICULUS FIDEI AN VERO SIT CONCLUSIO DEMONSTRATA, ITA UT MUNDUM SEMPER FUISSE SIT IMPOSSIBILE.

Videtur quod mundum incepisse sit conclusio demonstrata, ita ut impossibile sit mundum semper fuisse vel ab aeterno fuisse productum.

1. Omne enim factum habet principium sua durationis, ac proinde est posterius duratione sua causa efficiente; sed demonstrative probari potest, quod Deus sit causa efficiens mundi: ergo demonstrative probari potest, quod mundus incepit et quod ab aeterno produci non potuit. — 2. c. *Genit.* c. 38, n. 1; *Ia*, q. 46, a. 2, arg. 1.

2. Præterea, cum totum ens sit a Deo creatum, non potest dici factum ex aliquo ente, et sic relinquitor, quod sit factum ex nihilo; sed quod est factum ex nihilo, habet esse post non esse, ac proinde esse incepit; dicit enim Joan. Damascenus (*de Fide orthodoxa* I. 1, c. 8; — Migne P.P. Gr. t.

94, col. 814): «quod ex non ente ad esse deducitur, non est aptum natum esse coæternum ei, quod sine principio et semper est»: ergo mundus non semper fuit. — 2. c. *Gent.* c. 38, n. 2; 1a, q. 46, a. 2, arg. 2; *de Pot.* q. 3, a. 14, arg. 2 *Sed contra*; 2. *Sent.* dist. 1, q. 1, a. 5, arg. 2 *Sed contra*.

3. Præterea, manifeste apparet, artes aliquas et habitationes regionum ex determinatis temporibus incepisse; sed hoc non esset, si mundus semper fuisset: mundum igitur non semper fuisse manifestum est. — 1a, q. 46, a. 2, arg. 4.

4. Præterea, certum est, nihil Deo æquari posse; sed si mundus semper fuisset, æquipararetur Deo in duratione: ergo certum est, mundum non semper fuisse. — *Ibid.* arg. 5.

5. Præterea, si mundus semper fuit, infiniti dies præcesserunt diem istum et consequenter pertransierunt; sed infinita non est pertransire: ergo nunquam fuisset pervenatum ad hunc diem, quod est manifeste falsum. — 1a, q. 46, a. 2, arg. 6; 2. c. *Gent.* c. 38, n. 3.

6. Præterea, si mundus potuit esse ab æterno, sequitur quod infinito possit fieri additio; nam ad dies et circulationes præteritas, quæ essent infinitæ, quotidie de novo adderetur, quod tamen est falsum: ergo mundus non potuit esse æternus. — 2. c. *Gent.* l. c. n. 4; 2. *Sent.* dist. 1, q. 1, a. 5, arg. 4 *Sed contra*.

7. Præterea, si mundus fuit æternus, et generatio fuit ab æterno; ergo unus homo genitus esset ab alio, et ille ab alio in infinitum; sed pater est causa efficiens filii, ut dicitur 2. *Phys. text.* 29 (c. 3): ergo in causis efficientibus esset procedere in infinitum, quod improbat in 2. *Metaphys. text.* 5; l. 1 min., c. 2. — 1a, q. 46, a. 2, arg. 7; 2. c. *Gent.* c. 38, n. 5; 2. *Sent.* dist. 1, q. 1, a. 5, arg. 5 *Sed contra*.

8. Præterea, si mundus et generatio semper fuit, infiniti homines præcesserunt; sed anima hominis est immortalis: ergo infinitæ animæ humanæ nunc essent actu, quod est impossibile. — 1a, l. c. arg. 8; 2. c.

Gent. l. c. n. 6; 2. *Sent.* dist. 1, q. 1, a. 5, arg. 6 *Sed contra*; *Opusc.* 27.

9. Præterea, nullus dubitat, quin Deus natura præcedat mundum; sed in Deo idem est natura et duratio sua: ergo duratione debet Deus præcedere mundum, et sic mundus non potuit esse ab æterno. — 2. *Sent.* l. c. arg. 9 *Sed contra*.

10. Præterea, de ratione æterni est non habere principium; sed de ratione creaturae est habere principium: ergo creatura seu mundus non potest esse ab æterno. — *de Pot.* q. 3, a. 14, arg. 8 *Sed contra*.

Sed contra: 1. fidei articuli demonstrative probari non possunt, quia fides est de non apparentibus, ut dicitur *Hebr.* 11, 1; sed Deum esse creatorem mundi sic, quod mundus incepit esse, est articulus fidei; dicimus enim: *Credo in unum Deum*, etc. — 1a, q. 46, a. 2, arg. *Sed contra*.

2. Præterea, si novitas mundi demonstrari potest, *vel* id est ex parte mundi, *vel* ex parte causæ agentis. *Primum* dici non potest, quia demonstrationis ex parte mundi sumptæ principium est *quod quid est*; unumquodque autem secundum rationem suæ speciei abstrahit ab *hic* et *nunc*, propter quod dicitur, quod universalia sunt ubique et semper; unde demonstrari non potest, quod homo aut cœlum aut lapis non semper fuit. Neque etiam *secundum* dici potest, quia causa efficiens mundi est voluntas Dei; hæc autem ratione investigari non potest nisi circa ea, quæ absolute necesse est Deum velle; talia autem non sunt, quæ circa creatureas vult, cum ad hæc non necessarium habitudinem dicat, quia non sunt proprium et principale objectum ipsius, ut sit de ratione divinæ voluntatis ut in illa tendat; potest autem voluntas divina homini manifestari per revelationem, cui fides innititur: ergo mundum incepisse est credibile, non autem demonstrabile vel scibile. — 1a, q. 46, a. 2, c. et q. 19, a. 3, c.

RESPONDEO DICENDUM, quod hac de re duæ sunt positiones philosophorum: *una* est dicentium, quod mundus incepit esse, postquam non fuerit, et quod Deus non po-

tuit mundum ab æterno facere ,non ex impotentia ejus, sed quia mundus ab æterno fieri non potuit, cum sit creatus; unde etiam dicunt, quod mundum incepisse non solum fide tenetur, sed etiam demonstrative probatur. *Altera* positio est dicentium, quod mundus ita incepit esse in tempore, ut ab æterno produci a Deo potuerit, et per consequens mundum incepisse non posse demonstrari, sed tantum per revelationem divinam esse habitum et fide creditum; quæ positio mihi placet. — *de Pot.* q. 3, a. 14, c. ; 2. *Sent.* dist. 4, q. 4, a. 5, c. ; 1a. q. 46, a. 2, c.

Ad eujus manifestationem sciendum, quod tota quæstio in hoc consistit, utrum esse creatum a Deo secundum totam substantiam, et non habere durationis principium repugnat ad invicem, vel non. Nam si repugnant, mundum incepisse erit demonstrabile et non tantum fide creditum; si vero non repugnat, erit tunc fide creditum, quod mundus inceperit, cum potuerit ab æterno esse, si Deus voluisse. — Quod ergo non repugnat illa duo, sic ostenditur. Si enim repugnant, hoc non est nisi propter alterum duorum, vel propter utrumque, nimurum *aut* quia oportet ut causa agens præcedat duratione effectum, *aut* quia oportet quod non esse effectus præcedat esse duratione; sed neutrum impedire potest. — Quod enim necesse non sit ut causa agens, scilicet Deus, præcedat duratione suum causatum, si ipse voluisse, probatur *primo* sic: Nulla causa producens effectum snum subito, necessario præcedit effectum snum duratione; sed Deus est causa producens effectum suum non per motum, sed subito: ergo non est necessarium, quod præcedat effectum suum duratione. *Major* patet tum inductione in omnibus mutationibus subitis, sicut est illuminatio et hujusmodi; tum ratione sic: In quocumque instanti ponitur r̄es esse, potest poni principium actionis ejus, ut patet in omnibus generabilibus, quia in illo instanti, in quo incipit ignis esse ignis, incipit esse calefactio; sed in operatione subita similiter, imo idem est principium et finis ejus, sicut in omnibus indivisibilibus; ergo in quocumque instanti ponitur agens producens effec-

ctum suum subito, potest poni terminus actionis ipsius; sed terminus actionis est simul cum ipso facto: ergo non repugnat intellectui, si ponatur causa producens effectum suum subito, non præcedere duratione causatum suum. Repugnaret autem in causis producentibus effectus suos per motum, quia oportet quod principium motus præcedat finem ejus; et quia homines consueti sunt considerare hujusmodi factiones, quæ sunt per motum, ideo non facile capiunt, quod causa agens duratione effectum suum non præcedat. — Nec potest huic rationi obviari, quia Deus est causa agens per voluntatem; quia non est necessarium, quod voluntas duratione præcedat effectum suum, nec agens per voluntatem, nisi per hoc, quod agit ex deliberatione, quod absit ut in Deo ponamus. — *Opusc.* 27; *de Pot.* et 2. *Sent.* II. supra cit. ; 1a, q. 46, a. 2, c. et ad 1, 2, 3.

Præterea, causa producens totam substantiam rei non minus potest in producendo totam substantiam, quam causa producens formam in productione formæ, imo multo magis, quia non producit educendo de potentia materiæ, sicut est in eo, qui producet formam; sed aliquod agens, quod producet formam tantum, potest in hoc, ut forma ab eo producta sit, quandocunque ipsum est, ut patet in sole illuminante: ergo fortius Deus, qui producit totam substantiam rei, potest facere, ut causatum suum sit quandocunque ipse est. — *Præterea*, si aliqua sit causa, qua posita in aliquo instanti non possit poni effectus ejus ab ea procedens in eodem instanti, hoc non est nisi quia illi causæ deest aliquid de complemento; causa enim completa et causatum sunt simul; sed Deo nunquam deficit aliquid de complemento: ergo causatum ejus semper poni potest eo posito, et ita non est necessarium quod duratione præcedat. — Unde patet, quod non repugnat intellectui, quod causa agens non præcedat duratione effectum suum, quia in illis, quæ repugnant intellectui, Deus non potest facere, ut illud sit. — II. cit.

Quod vero nec repugnet intellectui aliquod productum a Deo diversum, cuiusmodi est mundus, semper fuisse propter hoc, quod necessarium sit *non esse ejus esse* duratione praecedere, propter hoc, quod dicitur ex nihilo factum esse, ostenditur *primum* per dictum Anselmi in *Monolog.* (c. 8; — Migne PP. L. t. 158, col. 156), ubi docet, creaturam dici posse factam ex nihilo, quamvis ab æterno facta esset, quia non est aliquid, unde sit facta, quomodo dicimus hominem contristatum sine causa, contristatum de nihilo. — *Preterea*, licet supponatur, quod ordo ad nihil in propositione importatus remaneat affirmatus, ut sit sensus: «mundus factus est ex nihilo, id est post nihil»; adhuc sequitur rem posse fieri ex nihilo et ab æterno. Nam hæc dictio *post ordinem importat absolute*; sed ordo multiplex est, scilicet durationis et naturæ. Si igitur ex communi et universali non sequitur proprium et particolare, non erit necessarium ut propter hoc, quod creatura esse post nihil dicitur, prius duratione fuerit nihil et postea fuerit aliquid; sed sufficit, si prius natura sit nihil quam ens. Prius enim inest unicuique naturaliter, quod convenit sibi in se, quam quod solum ex alio habet; esse autem non habet creatura nisi ab alio; sibi autem relicta in se considerata nihil est; unde prius naturaliter inest sibi nihil quam esse. Nec oportet quod propter hoc sit simul nihil et ens, quia duratione non præcessit; non enim ponitur, si creatura semper fuit, ut in aliquo tempore nihil sit; sed ponitur, quod natura ejus est talis, quod esset nihil, si sibi relinqueretur; — ut si dicamus, aerem semper illuminatum fuisse a sole, oportebit dicere, quod est factus lucidus a sole; et quia omne, quod fit, ex incontingenti fit, id est ex eo, quod non contingit simul esse cum eo, quod dicitur fieri, oportebit dicere, quod sit factus lucidus ex non lucido vel tenebroso: non ita, quod unquam fuerit non lucidus vel tenebrosus, sed quia esset talis, si sibi soli relinqueretur, ut expressius patet in stellis et orbibus, qui semper illuminantur a sole. — *Opusc.* 27; *de Pot.* q. 3, a. 14, ad 7 secundæ partis.

Demum si aliqua esset repugnantia, mirum est, quod S. Augustinus eam non vidit, quia haec efficacissima via esset ad improbandam æternitatem mundi, quam ille multis rationibus improbat (*de Civ. Dei* I. 44 et 42; — Migne PP. L. t. 41, col. 315 sqq.); et hanc viam omnino prætermittit; quin etiam videtur indicare, nullam esse repugnantiam intellectum. Nam lib. 10 *de Civ. Dei* c. 31 (Migne l. c. col. 311) non improbat modum, quo platonici probant mundum æternum et tamen factum exemplo vestigii pedis æterni, quod esset factum, a pede et tamen ab æterno esset simul cum pede; et ibid. I. 44, c. 4 (Migne l. c. col. 319) eos, qui ponunt mundum a Deo factum, sed ab æterno, dicit aliquid dicere, nec unquam hoc dictum arguit ullus repugnantiae et impossibilitatis. Quin ex prædicto exemplo potest sumi hæc ratio ad idem probandum: si repugnat rei productæ, ut producta est, quod sit ab æterno, *vel* repugnat illi quatenus est ab alio, *vel* quatenus est diversum ab alio, a quo productum est; *non primum*, quia in divinis Filius est ab alio, puta a Patre, et tamen est ab æterno; *neque secundum*, quia si pès esset ab æterno, etiam vestigium pedis, quod est quid diversum a pede, esset ab æterno, ut fatetur S. Augustinus. — Ergo dicendum est, quod non repugnat mundum esse productum et tamen esse ab æterno. — *Opusc.* 27; 1a, q. 46, a. 2, ad 1.

Ad primum ergo dicendum, quod illud, quod est factum per motum, habet principium durationis et est posterius duratione suo agente; nam effectus motus non est nisi in termino motus. Agens autem per motum necesse est quod sit etiam quando motus incipit; secus vero si sit factum ab agente in instanti operante; sicut similiter dum est sol in orientis puncto, illuminat nostrum hemisphærium. — *Ibid.* 2. c. *Gent.* c. 38, ad primam rationem.

Ad secundum dicendum, quod si mundus ab æterno crearetur, diceretur fieri ex nihilo, quia fieret ex non subjecto, vel post nihil, natura præcedens esse, non tempore, ut dictum est (in c.). — V. resp. ad II. cit. in arg.

Ad tertium dicendum, quod si poneretur mundus ab aeterno, diceretur, quod aliqua regio infinites esset mutata de inhabitabili in habitabilem et e converso; et similiter quod artes propter diversas corruptiones et accidentia infinites fuerint inventae et iterum corruptae. Unde Philosophus dicit (*4. Meteorol. c. 14*), quod ridiculum est ex huiusmodi mutationibus opinionem accipere de novitate mundi totius. — 1a, q. 46, a. 2, ad 4.

Ad quartum dicendum, quod secundum Boethium (*de Consol. Philosophiae* l. 5, pros. 6; — Migne PP. L. t. 63, col. 859) etiam si mundus semper fuisset, non parificaretur Deo in aeternitate seu non esset Deo coeternus; nam ejus duratio non esset tota simul, quod ad aeternitatis rationem requiritur; est enim aeternitas interminabilis vita tota simul et perfecta possessio, ut ibidem dicitur. — 1a, q. 46, a. 2, ad 5; *Opusc.* 27; *de Pot.* q. 3, a. 14, ad 1 secundae part.

Ad quintum dicendum, quod transitus semper intelligitur a termino in terminum; quaecunque autem praeterita dies signetur, ab illa usque ad istam sunt finiti dies, qui pertransiri poterunt; objectio autem procedit ac si positis extremis, puta a parte ante et a parte post, sint infinita media, quod tamen non est concedendum. Nam si mundus semper fuisset, quilibet dies praecedentium pertransiri potuit, quia finitus fuit; in omnibus autem simul non esset accipere primum et ita nec transitum, qui semper exigit duo extrema. — 1a, l. c. ad 6; 2. c. *Gent.* c. 38, ad 3.

Ad sextum dicendum, quod nihil prohibet infinito ex ea parte additionem fieri, qua est finitum; ex hoc autem, quod ponitur tempus aeternum, sequitur quod sit infinitum ex parte ante, sed finitum ex parte post; nam praesens est terminus praeteriti. — 2. c. *Gent.* c. 38, ad 4; 2. *Sent.* dist. 1, q. 1, a. 5, ad 4 secundae part.

Ad septimum dicendum, quod in causis efficientibus impossibile est procedere in infinitum per se, puta si causae, quae per se et simul requiruntur ad aliquem effectum,

multiplicarentur in infinitum, sicut si lapis moveretur a baculo, et baculus a manu, et hoc in infinitum; quia oportet effectum dependere ex actionibus infinitis simul existentibus; hujusmodi enim causae sunt causae per se infinitae, quia earum infinitas ad causatum requiritur. In causis autem non simul agentibus et per accidens infinitis, non est impossibile procedere et multiplicari in infinitum; nam cum non teneant ordinem nisi unius causae, eorum multiplicatio fit per accidens, et per accidens accidit illis infinitas. Unde sicut accidit huic martello, quod agat post actionem alterius martelli, quando artifex agit multis martellis per accidens, quia unus post alium frangitur; ita accidit huic homini, in quantum generat, quod sit generatus ab alio; generat enim in quantum homo, non in quantum filius alterius hominis. Omnes enim homines generantes habent gradum unum in causis efficientibus, scilicet gradum particularis generantis; unde non est impossibile, quod homo generetur ab homine in infinitum; esset autem impossibile, si generatio huius hominis dependeret ab hoc homine, et a corpore elementi, et a sole, et sic in infinitum. — 2. c. *Gent.* c. 38, ad 5; 1 a, q. 46, a. 2, ad 7.

Ad octavum dicendum, quod hanc rationem ponentes aeternitatem mundi multipliciter esfugint; nam quidam non reputant impossibile esse infinitas animas actu, ut patet in *Metaphys.* Algazelis dicentis, hoc esse infinitum per accidens. Alii, ut dicit Augustinus (*de Hæres.* c. 46; — Migne P. P. L. t. 42, col. 37), posuerunt propter hoc circuitum animarum, ut scilicet animæ separatae a corporibus post determinata temporum curricula iterum redirent ad corpora. Nos vero dicimus, hanc rationem esse particularem; nam posset dicere aliquis, quod mundus fuit aeternus vel saltem aliqua creatura, ut angelus, non autem homo, vel etiam homo, sed non plures; hic autem querimus universaliter, an aliqua creatura fuerit vel potuerit esse ab aeterno. — 1a, l. c. ad 8; 2. c. *Gent.* l. c. ad 6; *Opusc.* 27.

Ad nonum dicendum, quod duratio Dei,

quæ æternitas ejus est, et natura ipsius sunt una res et tamen distinguuntur ratione et modo significandi; quia natura significat quandam causalitatem, prout dicitur natura principium motus; duratio autem significat quandam permanentiam; et ideo, si accipiantur præminentia naturæ divinae et durationis ad creaturam, secundum quod utrumque est res quædam, invenietur eadem præminentia; sicut enim natura divina præcedit creaturam dignitate et causalitate, ita et duratio divina eisdem modis creaturam præcedit. Non tamen oportet, si Deus præcedit mundum per modum naturæ, ut significatur cum dicitur: «naturaliter præcedit mundum», quod etiam mundum præcedat per modum durationis, ut significatur, cum dicitur: «Deus duratione præcedit mundum»; cum non sit idem modus significandi naturæ et durationis. — Et similiter solvuntur multæ aliæ similes objectiones. — 2. *Sent.* dist. 1, q. 1, a. 5, ad 9 secundæ part.

Ad decimum dicendum, quod de ratione æterni est non habere durationis principium, de ratione vero creationis est habere principium originis, non autem durationis, nisi accipiendo creationem ut accipit fides. — *de Pot.* q. 3, a. 14, ad 8 secundæ part.

QUÆSTIO XXVII

DE PRODUCTIONE MUNDI.

Deinde considerandum est de productione mundi.

CIRCA QUAM QUÆRUNTUR NOVEM:

1. Utrum creare sit ex nihilo facere.
2. Utrum creatio sit mutatio.
3. Utrum creatio sit aliquid realiter in creatura.
4. Utrum Deus possit aliquid creare.
5. Utrum solius Dei sit creare.
6. Utrum creari sit proprium compositorum et subsistentium.
7. Utrum necesse sit omne ens atque adeo mundum esse creatum a Deo.
8. Utrum materia prima sit creata a Deo.
9. Utrum mundus seu res omnes processerint a

Deo per necessitatem naturæ an vero per arbitrium voluntatis.

ARTICULUS I

UTRUM CREARE SIT EX NIHIL FACERE.

Videtur quod creare non sit ex nihilo aliquid facere.

1. Dicit enim Augustinus (*contra Adversarium Legis* l. 1, c. 23, n. 48; — Migne P.P. L. t. 42, col. 633): quod facere est quod omnino non erat; creare vero est ex eo, quod jam erat, educendo aliquid constitutere. — 1a, q. 45, a. 1, arg. 1.

2. Præterea, nobilitas actionis et motus ex terminis consideratur; nobilior igitur est actio, quæ ex bono in bonum est et ex ente in ens, quam quæ ex nihilo in aliquid; sed creatio videtur esse nobilissima actio et prima inter omnes actiones: ergo non est ex nihilo in aliquid, sed magis ex ente in ens. — *Ibid.* arg. 2.

3. Præterea, hæc præpositio *ex* importat habitudinem alicujus causæ, et maxime materialis, sicut cum dicimus, quod statua fit ex aere; sed *nihil* non est materia entis nec aliquo modo causa entis: ergo creare non est ex nihilo aliquid facere. — *Ibid.* arg. 3.

Sed contra est: 1. Quod creare dicimus producere rem secundum totam substantiam; sed quod ita producitur, necessario debet ex nihilo produci: ergo creare est ex nihilo aliquid facere.

2. Præterea, super illud *Gen.* 1, 1: «In principio creavit Deus cœlum et terram» dicit Glossa Bedæ, quod creare est ex nihilo aliquid facere. — 1a, q. 45, a. 1 *Sed contra.*

RESPONDEO DICENDUM, quod non solum oportet considerare emanationem alicuius entis particularis ab aliquo particulari agente, sed etiam emanationem totius entis a causa universalis, quæ est Deus; et hanc quidem emanationem designamus nomine creationis. Quod autem procedit secundum emanationem particularem, non præsupponitur emanationi; sicut si generatur homo, non fuit prius homo, sed homo fit ex non homine et album ex non albo. Unde si consideretur

emanatio totius entis universalis a primo principio, impossibile est quod aliquod ens presupponatur huic emanationi. Idem autem est nihil, quod nullum ens. Sicut igitur generatio hominis est ex non ente, quod est non homo, ita creatio, quæ est emanatio totius esse, est ex non ente, quod est nihil. — *Ibid.* q. 45, a. 4, c.

Ad primum ergo dicendum, quod Augustinus æquivoce utitur nomine creationis, secundum quod creari dicuntur ea, quæ in melius reformantur, ut cum dicitur aliquis creari in episcopum; sic autem non loquimur hic de creatione, sed sicut dictum est. — *Ibid.* ad 1.

Ad secundum dicendum, quod mutationes accipiunt speciem et dignitatem non a termino a quo, sed a termino ad quem. Tanto ergo perfectior et prior est aliqua mutatio, quanto terminus ad quem illius mutationis est nobilior et prior, licet terminus a quo, qui opponitur termino ad quem, sit imperfectior; sicut generatio simpliciter est nobilior et prior quam alteratio propter hoc, quod forma substantialis est nobilior quam forma accidentalis; tamen privatio formæ substantialis, quæ est terminus a quo in generatione, est imperfectior quam contrarium, quod est terminus a quo in alteratione. Et similiter creatio est perfectior et prior quam generatio et alteratio, quia terminus ad quem est tota substantia rei; id autem, quod intelligitur ut terminus a quo, est simpliciter non ens. — *Ibid.* q. 45, a. 4, ad 2.

Ad tertium dicendum, quod cum dicitur aliquid ex nihilo fieri, hæc præpositio *ex* non designat causam materialem, sed ordinem tantum, sicut cum dicitur ex mane fit meridies, id est post mane fit meridies. Sed intelligendum est, quod hæc propositio *ex* potest includere negationem importatam in hoc, quod dico *nihil*, vel includi in ea. Si primo modo, tunc ordo remanet affirmatus, et ostenditur ordo ejus, quod est, ad non esse præcedens; si vero negatio includat præpositionem, tunc ordo negatur, et est sensus: fit ex nihilo, id est, non fit ex aliquo, sicut si dicatur: iste loquitur de nihilo, quia non loquitur de aliquo. Et utro-

que modo verificatur, cum dicitur ex nihilo aliquid fieri; sed primo modo haec præpositio importat ordinem, ut dictum est. Secundo modo importat habitudinem causæ materialis, quæ negatur. — *Ibid.* ad 3.

ARTICULUS II

UTRUM CREATIO SIT MUTATIO.

Videtur quod creatio sit mutatio.

1. Ut enim dictum est, creare est aliquid ex nihilo facere; ergo creari est aliquid fieri; sed omne fieri est mutari: ergo creatio est mutatio. — *Ibid.* q. 45, a. 2, arg. 2.

2. Præterea, mutatio secundum suum nomen designat hoc esse post hoc, ut patet 5. *Phys.* (*text.* 7; c. 1); sed per creationem fit esse post non esse: ergo creatio est mutatio. — *de Pot.* q. 3, a. 2, arg. 1.

3. Præterea, omne quod fit, fit aliquo modo ex non ente, quia quod est, non fit; sicut ergo se habet generatio, secundum quam fit res secundum partem substantię suæ, ad privationem formæ, quæ est non esse secundum quid, ita se habet creatio, per quam fit res secundum totam suam substantiam, ad non esse simpliciter; sed privatio proprie loquendo est terminus generationis: ergo et non esse simpliciter est terminus creationis, et sic sicut generatio est mutatio, ita creatio proprie loquendo erit mutatio. — *Ibid.* arg. 2.

4. Præterea, quod non similiter se habet nunc et prius, mutatur vel movetur; sed quod creatur, non similiter se habet nunc et prius, quia prius erat simpliciter non ens, et postea fit ens: ergo quod creatur, movetur vel mutatur. — *Ibid.* arg. 4.

5. Præterea, quanto est major distantia inter terminos, tanto major est mutatio; major enim est mutatio de albo in nigrum, quam de albo in pallidum; sed plus distat non ens simpliciter ab ente, quam contrarium a contrario vel non ens secundum quid ab ente: ergo cum transitus de contrario in contrarium, vel de non ente secundum quid in ens, sit mutatio, multo magis transitus de non ente simpliciter in ens,

quod est creatio, erit mutatio. — *de Pot.* q. 3, a. 2, arg. 3.

6. Praeterea, quod creatur, exit de potentia in actum, quia ante creationem erat tantum in potentia facientis, postea autem est in actu; ergo quod creatur, movetur vel mutatur; ergo creatio est mutatio. — *Ibid.* arg. 5.

Sed contra: 1. Species motus vel mutationis sunt sex, secundum Philosophum (*Prælicam.*) c. 15; c. 14); nulla autem earum est creatio, ut patet per singula inducenti: ergo creatio non est motus neque mutatio. — *Ibid.* arg. *Sed contra.*

2. Praeterea, motus omnis vel mutatio est actus existentis in potentia secundum quod huiusmodi; sed in creatione non præexistit aliquid in potentia, quod suscipiat actionem: ergo creatio non est motus neque mutatio. — 2. c. *Gent.* c. 17, n. 1.

3. Praeterea, extrema motus cadunt in eundem ordinem, *vel* quia sunt sub uno genere, sicut contraria, ut patet in motu augmenti, alterationis et secundum locum latitatis; *vel* quia communicant in una potentia materiæ, ut privatio et forma in generatione et corruptione. Neutrum autem potest dici in creatione; neque enim ibi est potentia neque aliquid ejusdem generis, quod præsupponatur creationi. Ergo non est ibi motus neque mutatio. — *Ibid.* n. 2.

RESPONDEO DICENDUM, quod in qualibet mutatione requiritur, quod sit aliquid idem commune utriusque mutationis termino; si enim termini mutationis oppositi in nullo eodem convenient, non posset vocari transitus de uno in alterum. Nomine enim mutationis et transitus designatur aliquid idem aliter se habere nunc et prius; et etiam ipsi mutationis termini non sunt incontingentes, quod requiritur ad hoc, ut sint mutationis termini, nisi in quantum referuntur ad idem. Nam duo contraria si referantur ad idem subjectum, contingit simul esse. Quandoque ergo contingit, quod utriusque mutationis termino est unum subjectum commune actu existens; et tunc proprie est motus, sicut accidit in alteratione, augmendo et decremento, et loci mutatione; nam

in omnibus his motibus subjectum unum et idem existens actu de opposito in oppositum mutatur. Quandoque vero est idem commune subjectum utriusque termino, non quidem ens actu, sed ens in potentia tantum, sicut accidit in generatione et corruptione simpliciter; formæ enim substantialis et privationis subjectum est materia prima, quæ non est ens actu; unde nec generatio nec corruptio proprie dicuntur motus, sed mutationes quedam. Quandoque vero non est aliquod subjectum commune, neque actu neque potentia existens, sed est idem tempus continuum, in cuius prima parte est unum oppositum et in secunda aliud; ut cum dicimus, hoc fieri ex hoc, id est post hoc, sicut ex mane fit meridies; sed haec non proprie vocatur mutatio, sed per similitudinem, prout ipsum tempus imaginatur quasi subjectum eorum, quæ in tempore aguntur. In creatione autem non est aliquod commune aliquo prædictorum modorum. Neque enim est aliquod commune subjectum actu existens neque potentia. Tempus etiam non est idem, si loquamur de creatione universi; nam ante mundum tempus non erat. — *de Pot.* q. 3, a. 2, c.

Invenitur tamen duplice aliquod commune subjectum esse secundum imaginationem tantum et secundum nostrum modum intelligendi: *primo* quidem, quatenus imaginatur unum tempus commune, dum mundus non erat, et postquam mundus in esse productus est. Sicut enim extra universum non est aliqua realis magnitudo, possumus tamen eam imaginari; ita et ante principium mundi non fuit aliquod tempus, quamvis sit possibile ipsum imaginari; et quantum ad hoc creatio, secundum veritatem et proprie loquendo, non habet rationem mutationis, sed solum secundum imaginationem quandam, non proprie, sed similitudinarie. *Secondo* vero, quatenus in creatione, per quam producitur tota substantia rei, licet non possit accipi aliquid idem aliter se habens nunc et prius, per intellectum tamen id intelligitur prius non fuisse totaliter et postea esse; et hoc etiam modo creatio dicitur mutatio et nomine mutationis signifi-

catur. — *Ibid.*; 1a, q. 45, a. 2, ad 2; 2. c. *Gent.* c. 17 et 18.

Ad primum ergo dicendum, quod quia modus significandi sequitur modum intelligendi, creatio significatur per modum mutationis, et propter hoc dicitur, quod creare est ex nihilo facere aliquid, quanvis facere et fieri magis in hoc convenienter quam mutare et mutari, quia facere et fieri important habitudinem causae ad effectum et effectus ad causam, sed mutationem ex consequenti. — 1a, l. c. ad 2.

Ad secundum dicendum, quod mutatio secundum suum nomen designat hoc esse post hoc circa aliquod idem; nam est de ratione mutationis, ut dictum est, quod aliquid idem se habeat aliter nunc et prius, sive illud sit idem ens actualiter se habens nunc et prius, ut est in motibus secundum quantitatem et qualitatem, sive sit idem ens in potentia tantum, ut est in mutatione secundum substantiam, quorum neutrum est in creatione, ut dictum est (in c.). — *de Pot.* q. 3, a. 2, ad 1; 1a, q. 45, a. 2, ad 2.

Ad tertium dicendum, quod in generatione, secundum quam fit aliquid secundum partem substantiae suae, est aliquid commune subjectum privationi et formae, et non est in actu existens; et ideo sicut proprius ibi accipitur terminus, sic etiam et proprius ibi accipitur transitus; quod in creatione non est, ut dictum est (in c.). — *de Pot.* l. c. ad 2.

Ad quartum dicendum, quod id, quod non similiter se habet nunc et prius, mutatur supposita consistentia subjecti; alias non ens simpliciter mutaretur; quia non ens simpliciter, non similiter se habet nunc et prius neque dissimiliter, nisi secundum modum intelligendi tantum, ut dictum est; oportet autem ad hoc quod sit mutatio, quod sit realiter aliquid idem dissimiliter se habens nunc et prius, ut dictum est (in c. et ad 1 et 2). — *de Pot.* q. 3, a. 2, ad 4.

Ad quintum dicendum, quod ubi est major distantia terminorum, est major mutatio, supposita identitate subjecti. — *Ibid.* ad 3.

Ad sextum dicendum, quod potentia passiva est subjectum mutationis, non autem activa; et ideo quod exit de potentia passiva in actum, mutatur, non autem quod exit de potentia activa; et ideo non valet objectio. — *Ibid.* ad 5.

ARTICULUS III

UTRUM CREATIO SIT ALIQUID IN CREATURA; ET SI EST, QUID SIT.

Videtur quod creatio non sit aliquid reale in creatura.

1. Ut enim dicitur in lib. *de Causis* (propos. 10), omne quod recipitur in aliquo, est in eo per modum recipientis; sed actio Dei creantis recipitur simpliciter in non ente, quia Deus creando ex nihilo aliquid facit: ergo creatio nihil ponit reale in creatura. — *de Pot.* q. 3. a. 3, arg. 1.

2. Praeterea, omne quod est in rerum natura, aut est creator aut creatura; sed creatio non est creator, quia sic esset ab aeterno, nec etiam creatura, quia aliqua creatione crearetur, quae etiam creatio aliqua creatione indigeret creari, et sic in infinitum, quod est impossibile, ut patet ex 5. *Phys.* (tert. 10; c. 2), ubi dicitur, quod actionis non est actio in infinitum: ergo creatio non est aliquid reale in rerum natura. — *Ibid.* arg. 2; 1a, q. 45, a. 3, arg. 2; 2. *Sent.* dist. 1, q. 1, a. 2, arg. 5.

3. Praeterea, sicut creatio passive accepta attribuitur creaturæ, ita creatio active accepta tribuitur creatori; sed creatio active accepta non est aliquid in creatore, quia si sic, sequeretur quod in Deo esset aliquid temporale: ergo creatio passive accepta non est aliquid in creatura. — 1a, q. 45, a. 3, arg. 4.

4. Praeterea, omne quod est, vel est substantia vel accidens; sed creatio non est substantia, cum neque sit materia neque forma neque compositum, ut de facili patere potest. Nec etiam accidens; nam cum omne accidens sit in subjecto, res creata esset subjectum creationis, et sic idem esset subjectum creationis et terminus, quod

est impossibile, quia subjectum est prius accidente et conservat accidens; terminus autem est posterior actione et passione, cuius est terminus, et eo existente cessat actio et passio; creatio vero est naturaliter prior re creata: ergo creatio non est aliquid in rerum natura. — *Ibid.* arg. 3; *de Pot.* q. 3, a. 3, arg. 3; 2. *Sent.* dist. 1, q. 4, a. 2, arg. 4.

5. Præterea, sicut se habet generatio ad rem generatam, ita se habet creatio ad rem creatam; sed generationis subjectum non est res generata, sed magis terminus; subjectum vero ejus est materia prima, ut dicitur 1. *de Generat.* (*text.* 1; c. 1): ergo nec subjectum creationis est res creata. Nec potest dici, quod subjectum ejus sit materia aliqua; quia res creata non creatur ex aliqua materia. Ergo creatio non habet subjectum aliquod, et ita non est accidens. Constat autem, quod non est substantia: ergo non est aliquid in rerum natura. — *de Pot.* l. c. arg. 4.

6. Præterea, si creatio est aliquid in rerum natura, cum non sit mutatio, ut dictum est, maxime videtur esse relatio; nam cum actio et passio convenienter in substantia motus, et differant solum secundum habitudines diversas, ut dicitur 3. *Phys. text.* 20 et 21 (c. 3), oportet quod subtracto motu non remaneant nisi diversæ habitudines in creante et creato. Sed creatio non est relatio, cum in nulla specie relationis contineri possit; simpliciter enim non enti, ex quo est creatio, ens simpliciter neque supponitur neque æquatur. Ergo creatio non est aliquid in rerum natura. — *de Pot.* q. 3, a. 3, arg. 5; 1a, q. 45, a. 3, arg. 3.

7. Præterea, si creatio importat relationem entis creati ad Deum, a quo esse habet, cum ista relatio semper maneat in creatura, non solum quando incipit esse, sed quamdiu res est, continue aliquid crearetur; quod videtur absurdum; ergo creatio non est relatio, et sic idem quod prius. — *de Pot.* l. c. arg. 6.

8. Præterea, omnis relatio realiter in rebus existens acquiritur ex aliquo, quod est diversum ab ipsa relatione, sicut æqualitas

a quantitate et similitudo a qualitate. Si ergo creatio sit aliqua relatio in creatura realiter existens, oportet quod differat ab eo, ex quo acquiritur relatio; hoc autem est quod per creationem accipitur: ergo sequitur quod ipsa creatio non sit per creationem accepta, et ita sequitur quod sit aliquid increatum, quod est impossibile. — l. c. arg. 7.

9. Præterea, omnis mutatio reducitur ad illud genus, ad quod terminatur, sicut alteratio ad qualitatem, et augmentum ad quantitatem; et ideo dicitur 3. *Phys. (text.* 5; c. 4), quod quot sunt species entis, tot sunt species motus; sed creatio terminatur ad substantiam, nec tamen potest dici, quod sit in genere substantiæ, ut supra dictum est: ergo non videtur quod sit aliquid secundum rem. — l. c. arg. 8.

Sed contra: majus est fieri aliquid secundum totam substantiam, quam secundum formam substantialem vel accidentalem; sed generatio simpliciter vel secundum quid, quafit aliquid secundum formam substantialem vel accidentalem, est aliquid in generato: ergo multo magis creatio, qua fit aliquid secundum totam substantiam, est aliquid in creato. — 1a, q. 45, a. 3 *Sed contra.*

RESPONDEO DICENDUM, quod *quidam* dixerunt, creationem aliquid esse in rerum natura medium inter creatorem et creaturam; et quia medium neutrum extremorum est, ideo sequebatur quod creatio neque esset creator neque creature. Sed hoc a magistris reputatum est erroneum, cum omnis res quocumque modo existens non habeat esse nisi a Deo, et sic est creature. Et ideo *alii* dixerunt, quod ipsa creatio non ponit aliquid in creatura realiter. Sed hoc etiam videtur inconveniens. Nam in omnibus, quæ secundum respectum ad invicem referuntur, quorum unum ab altero dependet, et non e converso, in eo, quod ab altero dependet, relatio realiter invenitur, in altero vero secundum rationem tantum, sicut patet in scientia et scibili, ut dicit Philosophus (5. *Metaphys. text.* 20; l. 4, c. 15). Creatura autem secundum nomen refertur ad creatorem. Dependet autem creature a cre-

atore et non e converso; unde oportet quod relatio, qua creatura ad creatorem referatur, sit realis; sed in Deo est relatio secundum rationem tantum. — *de Pot.* q. 3, a. 3, c.

Et ideo dicendum est, quod creatio potest sumi active et passive. Si sumatur *active*, sic designat Dei actionem, quæ est ejus essentia, cum relatione ad creaturam; que non est realis relatio, sed secundum rationem tantum. Deus enim non agit actionem media inter ipsum et effectum, sed ejus actio, considerata ex parte Dei, una est et realiter eadem cum ejus potentia et essentia (ad distinctionem actionis creaturæ, quæ realiter differt ab ipsa), licet sit multiplex considerata ex parte effectus, ex parte cuius etiam dicitur, quod Deus intensius vel minus intense operatur. — *Ibid.*; *Tabula Aurea* voce «actio» n. 1, 3, 4, 7; *de Pot.* q. 1, a. 2, c. et q. 7, a. 1, ad 4.

Si autem accipiatur *passive*, creatio ponit aliquid in creato secundum relationem tantum, quia quod creaturæ, non sit per motum vel mutationem; quod enim sit per motum vel mutationem, fit ex aliquo præexistente, ut contingit in productionibus particularibus aliquorum entium, non autem in productione totius esse a causa universalí omnium entium, quæ est Deus. Deus enim creando produxit res sine motu; subtracto autem motu ab actione et passione, nihil remanet nisi relatio, ut dictum est. Unde relinquitur, quod creatio in creatura non sit nisi relatio quædam ad creatorem ut ad principium sui esse, sicut in passione, quæ est cum motu, importatur relatio ad principium motus. — *1a*, q. 45, a. 3, c.

Ad primum ergo dicendum, quod in creatione non ens non se habet sicut accipiens divinam actionem, sed id, quod creatum est. — *de Pot.* q. 3, a. 3, ad 1.

Ad secundum dicendum, quod creatio *active* accepta significat divinam actionem, quæ est ejus essentia, cum quadam relatione in ea intellecta ad creaturam, quæ est rationis, et sic est quid increatum; accepta vero *passive*, sicut dictum est, realiter relatio quædam est significata per modum

mutationis, ratione novitatis vel inceptionis importatæ. — *Ibid.* ad 2; *1a*, q. 45, a. 3, ad 1 et 2.

Quod præter dicta sic etiam patet. Nam in omni vera mutatione et motu invenitur duplex processus: *unus* ab uno termino motus in aliud, sicut ab albedine in nigredinem; *alius* ab agente in patiens, sicut a faciente in factum. Sed hi processus non similiter se habent in ipso moveri et in termino motus. Nam in ipso moveri id, quod movetur, recedit ab uno termino motus et accedit ad alterum; quod non est in termino motus, ut patet in eo, quod movetur de albedine in nigredinem, quia in ipso termino motus jam non accedit ad nigredinem, sed incipit esse nigrum. Similiter dum est in ipso moveri patiens vel factum, transmutatur ab agente; cum autem est in termino motus, non ulterius transmutatur ab agente, sed consequitur factum quandam relationem ad agentem, prout habet esse ab ipso, et prout est ei simile quoquo modo; sicut in termino generationis humanæ consequitur natus filiationem. Creatio autem, sicut dictum est, non potest accipi ut moveri, quod est ante terminum motus, sed accipitur ut in facto esse; unde in ipsa creatione non importatur aliquis accessus ad esse, nec transmutatio a creante, sed solummodo incepio essendi et relatio ad creatorem, a quo esse habet. Et sic creatio nihil aliud est realiter quam relatio realis ad Deum, cum novitate essendi, quæ relatio creatura quædam est, accepto communiter nomine creaturæ pro omni eo, quod est a Deo.

— Neque oportet procedere in infinitum, quia creationis relatio non refertur ad Deum alia relatione reali, sed se ipsa; nihil enim quod est per essentiam relatio, seu nulla relatio realis, cum hoc ipso quod est, ad aliquid dicatur, refertur per aliquam relationem realem, sed per se ipsam, vel certe per relationem rationis, quam non est absurdum vel impossibile multiplicari in infinitum. — Si vero nomen creaturæ accipiamus magis stricte pro eo tantum, quod subsistit (quod proprio fit et creaturæ, sicut propriæ habet esse), tunc relatio prædicta non

est quoddam creatum, sed concreatum, sicut nec est ens proprie loquendo, sed inhaerens; et simile est de omnibus accidentibus. — *de Pot.* q. 3, a. 3, c. et ad 2; 2. *Sent.* dist. 4, q. 1, a. 2, ad 5.

Ad tertium dicendum, quod creatio active significata, ut dictum est (ad secundum), significat actionem divinam, quae est ejus essentia, cum relatione rationis ad creaturam; nam relatio creaturæ ad Deum est relatio realis. — 1a, q. 45, a. 3, ad 1.

Ad quartum dicendum, quod illa relatio, quae est creatio passiva, est accidens, et secundum suum esse considerata, prout inhaeret subjecto, posterius est quam res creata, sicut accidens subjecto intellectu et natura posterius est; quamvis non sit tale accidens, quod causatur ex principiis subjecti. Si vero consideretur secundum suam rationem, prout ex actione agentis innascitur praedicta relatio, sic est quodammodo prior subjecto, sicut et ipsa divina actio, quae est ejus causa proxima, quamque ipsa immediate sequitur. — *de Pot.* q. 3, a. 3, ad 3; 2. *Sent.* dist. 4, q. 1, a. 2, ad 4.

Vel dic, quod creationis, secundum quod significatur ut mutatio, creatura est terminus; sed secundum quod vere est relatio, creatura est ejus subjectum et prius ea in esse, sicut subjectum accidente; sed habet quandam rationem prioritatis ex parte objecti, ad quod dicitur, quod est principium creaturæ. — 1a, q. 45, a. 3, ad 3.

Ad quintum dicendum, quod in generatione et est mutatio et relatio, qua refertur genitum ad generans; ratione ergo mutationis non habet pro subjecto ipsum generatum, sed ejus materiam; sed ratione relationis habet subjectum ipsum generatum. In creatione vero est relatio, sed non mutatio proprie, ut dictum est (art. præced.), et ideo non est simile. — *de Pot.* q. 3, a. 3, ad 4.

Ad sextum dicendum, quod relatio praedicta non est intelligenda entis ad non ens, quia talis relatio non potest esse realis, ut Avicenna dicit (*Metaphys.* l. 3, c. 10), sed est entis creati ad creatorem; unde patet, quod est relatio suppositionis. — *Ibid.* ad 5.

Ad septimum dicendum, quod creatio passive accepta importat relationem et habitudinem creaturæ ad creatorem cum quadam novitate essendi seu inceptione; unde non oportet quod res, quandcumque est, creetur, licet semper referatur ad Deum. Quamvis non esset inconveniens dicere, quod sicut aer, quamdiu luceat, illuminatur a sole, ita creatura, quamdiu habet esse, fiat a Deo, ut etiam Augustinus dicit (*de Genes. ad Litt.* l. 8, c. 12; — Migne P.P. L. t. 34, col. 383); sed in hoc non est diversitas nisi secundum nomen, prout nomen creationis potest accipi cum novitate vel sine novitate essendi. — *Ibid.* ad 6; 1a, q. 45, a. 3, ad 3.

Ad octarum dicendum, quod id, ex quo acquiritur relatio creationis, principaliter est res subsistens, a qua differt ipsa creationis relatio, quae et ipsa creatura est, et non principaliter, sed quasi secundario, sicut quid concreatum. — *de Pot.* q. 3, a. 3, ad 7.

Ad nonum dicendum, quod motus reducitur ad genus sui termini, in quantum proceditur de potentia in actum; nam in ipso motu terminus motus est in potentia, et potentia et actus reducuntur ad idem genus. In creatione autem non est exitus de potentia in actum, et ideo non est simile. — l. c. ad 8.

ARTICULUS IV

UTRUM DEUS POSSIT ALIQUID CREARE.

Videtur quod Deus non possit aliquid creare: —

1. quia secundum Philosophum (1. *Phys. text.* 34; c. 4) antiqui philosophi acceperunt ut communem conceptionem animi, ex nihilo nihil fieri; sed potentia Dei non se extendit ad contraria primorum principiorum, utpote quod Deus faciat, quod totum non sit majus sua parte, vel quod affirmatio et negatio sint simul vera: ergo Deus non potest aliquid ex nihilo facere vel creare. — 1a, q. 45, a. 2, arg. 1; *de Pot.* q. 3, a. 1, arg. 1.

2. Præterea, quod factum est, nécessite est

aliquando fieri; sed non potest dici, quod illud, quod creatur, simul fiat et factum sit, quia in permanentibus quod sit, non est; quod autem factum est, jam est; simul ergo aliquid esset et non esset; ergo si aliiquid sit, fieri ejus præcedit factum esse; sed hoc non potest esse, nisi prius existat subiectum, in quo sustentetur ipsum fieri: ergo impossibile est aliquid fieri a Deo ex nihilo et consequenter creari. — 1a, l. c. arg. 3; *de Pot.* l. c. arg. 11; 2. *Sent.* dist. 1, q. 1, a. 2, arg. 3.

3. Præterea, infinitam distantiam non est pertransire; sed inter ens et nihil est infinita distantia, quod ex hoc patet, quia quanto potentia est minus disposita ad actum, tanto magis ab actu distat; unde si omnino potentia subtrahatur, erit infinita distantia: ergo impossibile est quod aliquid transeat de simpliciter non ente ad ens, et per consequens aliquid ex nihilo fieri. — 1a, l. c. arg. 4; *de Pot.* l. c. arg. 3.

4. Præterea, omne quod fit, possibile erat prius fieri, quia si non possibile erat fieri, erat necesse non fieri ab æquipollenti, et ita factum non esset; sed quidquid possibile est fieri vel moveri, est possibile per potentiam passivam, quæ cum non sit ens per se existens, oportet quod sit in aliquo ente quod est in potentia; sed nihil est ens in potentia ad aliquid, quin etiam ad aliquid sit in actu: ergo omne quod fit, fit ex aliquo ente in actu præexistente; sed nullum tale creatur, quia creare est ex nihilo aliquid facere, ut dictum est: ergo nihil a Deo creari potest. — 2. *Sent.* dist. 1, q. 1, a. 2, arg. 1.

5. Præterea, in rebus invenitur diversitas, prout una res est alia perfectior; hujus autem diversitatis causa non est ex parte Dei, qui est unus et simplex: ergo oportet hujus diversitatis causam assignare ex parte materiae; ergo oportet ponere res factas ex materia et non ex nihilo. — *de Pot.* q. 3, a. 1, arg. 9.

6. Præterea, non potest esse idem perfectionis et imperfectionis principium; in rebus autem imperfectio invenitur, cum rerum quædam aliis potiores sint, quod

contingere non potest nisi per internam imperfectionem; cum ergo perfectionis principium sit Deus, oportebit imperfectionem in aliud principium referre; sed non nisi in materiam: ergo oportet res ex aliqua materia esse factas et non ex nihilo. — 1. c. arg. 14.

7. Præterea ei, quod fit, faciens dat esse; si ergo Deus facit aliquid ex nihilo, Deus alicui dat esse. Aut ergo est aliquid recipiens esse, aut nihil. Si nihil, ergo nihil constituitur in esse per illam actionem, et sic non fit aliquid. Si autem est aliquid recipiens esse, hoc erit aliud ab eo, quod est Deus, quia non est idem recipiens et receptum: ergo Deus facit ex aliquo præexistente, et ita non ex nihilo. — l. c. arg. 17.

Sed contra est: 1. quod unaquæque materia per formam superinductam contrahitur ad aliquam speciem; unde operari ex materia præjacente, superinducendo formam quocunque modo, est agentis ad aliquam determinatam speciem. Tale autem agens est agens particulare; causæ enim causatis proportionales sunt. Ergo agens requirens ex necessitate materiam præjacentem, ex qua operatur, est agens particulare; sed Deus est agens sicut causa universalis essendi: ergo ipse in sua actione materiam præjacentem non requirit, et sic poterit creare. — 2. c. *Gent.* c. 16, n. 2.

2. Præterea, quanto aliquis effectus est universalior, tanto habet propriam causam altiorem, quia quanto causa est altior, tanto ad plura virtus ejus extenditur. Esse autem est universalius quam moveri; sunt enim quædam entium immobilia, ut etiam philosophi tradunt, ut lapides et hujusmodi. Oportet ergo quod supra causam quæ non agit nisi movendo et transmutando, sit illa causa quæ est primum essendi principium, puta Deus; ergo Deus non agit tantum movendo et transmutando; sed omne quod non potest producere res in esse nisi ex materia præjacente, agit solum movendo et transmutando: ergo cum Deus non tantum agat movendo, poterit producere res sine materia præjacente et sic creare. — l. c. n. 3.

3. Praeterea, agere tantum per motum et mutationem non competit universalis causæ ejus, quod est esse; non enim per motum et mutationem fit ens ex non ente simpliciter, sed ens *hoc* ex non ente *hoc*; sed Deus est universale essendi principium: ergo non ei competit tantum agere per motum et mutationem; ergo neque etiam illi competit indigere præjacenti materia ad aliquid agendum; unde poterit creare.

— 1. c. n. 4.

4. Praeterea, quiunque facit aliquid ex aliquo, illud, ex quo facit, præsupponitur ejus actioni et non producitur per ipsam actionem; sicut artifex operatur ex ligno et ære, quæ per artis actionem non causantur, sed per actionem naturæ; quin et ipsa natura causat res naturales quantum ad formam, sed præsupponit materiam. Si ergo Deus non ageret nisi ex aliquo præsupposito, sequeretur quod illud præsuppositum non esset causatum ab ipso; sed nihil potest esse in entibus, quod non sit a Deo, qui est causa universalis totius esse: ergo necesse est dicere, quod Deus potest aliquid ex nihilo facere atque adeo creare.

— 1a, q. 45, a. 2, c.

RESPONDEO DICENDUM, quod Deum posse aliquid creare non solum fides docet, juxta illud *Gen. 1, 4: In principio creavit Deus cœlum et terram*, sed etiam ratio demonstrat. — Ad cuius evidentiam sciendum est, quod omne agens agit secundum quod est actu; unde oportet quod per illum modum actio alieni agenti attribuatur, quo convenit ei esse in actu. Res autem particularis est particulariter in actu, et hoc dupliciter: *primo* ex comparatione sui, quia non tota sua substantia est actus, cum hujusmodi res sint compositæ ex materia et forma; et inde est quod res naturalis non agit secundum se totam, sed agit per formam suam, per quam est in actu. *Secundo* in comparatione ad ea, quæ sunt in actu; nam in nulla re naturali includuntur actus et perfectiones omnium eorum, quæ sunt in actu; sed quaelibet illarum habet actum determinatum ad unum genus et ad unam speciem. Et inde est quod nulla ea-

rum est activa entis, secundum quod est ens, sed *hujus* entis, secundum quod est *hoc* ens determinatum in hac vel illa specie; nam agens agit sibi simile. Et ideo agens naturale non producit simpliciter ens, sed ens præexistens et determinatum ad hoc vel ad illud, puta ad speciem ignis vel ad albedinem vel ad aliquid hujusmodi; et propter hoc agens naturale agit movendō, et ideo requirit materiam, quæ sit subjectum mutationis vel motus; et propter hoc non potest aliquid ex nihilo facere. Deus autem e contrario est totaliter actus: *et in comparatione* sui, quia est actus purus non habens potentiam permixtam, *et in comparatione* rerum, quæ sunt in actu, quia in eo est omnium entium origo; unde per suam actionem producit totum ens subsistens, nullo præsupposito, utpote quia est totius esse principium, et secundum se totum. Et propter hoc ex nihilo aliquid facere potest, et hæc ejus actio vocatur *creatio*. Et inde est quod in lib. *de Causis* (propos. 18) dicitur, quod esse entis est per creationem, vivere vero et cetera hujusmodi per informationem. Causalitates enim entis absolute reducuntur in primam causam universalē; causalitas vero aliorum, quæ ad esse superadduntur, vel quibus esse specificatur, pertinet ad causas secundas, quæ agunt per informationem, quasi supposito effectu causæ universalis. Et inde etiam est quod nulla res dat esse, nisi in quantum est in ea participatio divinæ virtutis; propter quod etiam dicitur in lib. *de Causis* (propos. 3), quod anima nobilis habet operationem divinam, in quantum dat esse. — *de Pot. q. 3, a. 1, c.*

Ad primum ergo dicendum, quod antiqui philosophi non consideraverunt nisi emanationem effectuum particularium a causis particularibus, quas necesse est præsupponere aliquid in sua actione; nam cum agant per motum, oportet esse aliquid subjectum mutationis vel motus, et secundum hoc erat eorum communis opinio, ex nihilo nihil fieri; sed tamen hoc locum non habet in prima emanatione ab universalis rerum principio et in agente supernaturali. — 1a,

q. 45, a. 2, ad 1; *de Pot.* q. 3, a. 1, ad 1.

Ad secundum dicendum, quod in his, quæ sunt cum motu, prius est fieri quam factum esse; in his vero, quæ sunt sine motu, simul est fieri et factum esse, sive talis factio sit terminus motus, sicut illuminatio (nam simul aliquid illuminatur et illuminatum est), sive non sit terminus motus, sicut simul formatur verbum in corde et formatum est. Et in his quod fit, est, cum dicitur fieri, sed significatur ab alio esse et prius non fuisse. Unde cum creatio sit sine motu, simul aliquid creator et creatum est. — 1a, l. c. ad 3; 2. *Sent.* dist. 1, q. 1, a. 2, ad 3; *de Pot.* l. c. ad 11.

Vel dic, quod id, quod fit ex nihilo, dicitur fieri, quando factum est non secundum motum, qui est ab uno termino in alterum, sed secundum effluxum ab agente in factum; hæc enim duo in generatione naturali inveniuntur, scilicet transitus de uno termino in alterum, sed secundum effluxum ab agente in factum. — *de Pot.* l. c. ad 11.

Ad tertium dicendum, quod objectio illa procedit ex falsa imaginatione, ac si sit aliquod infinitum medium inter nihilum et ens, quod patet esse falsum; procedit autem haec falsa imaginatio ex eo, quod creatio significatur ut quedam mutatio inter duos terminos. — 1a, q. 45, a. 2, ad 4.

Ad quartum dicendum, quod secundum Avicennam (*Metaphys.* l. 6, c. 1) duplex est agens: quoddam *naturale*, quod est agens per motum, et quoddam *divinum*, quod est dans esse, ut dictum est. Et similiter oportet accipere duplex actum vel factum: *quoddam* per motum agentis naturalis; et omne tale fieri oportet quod præcedat tempore potentia non tantum activa, sed etiam passiva, quia motus est actus existentis in potentia. *Quoddam* vero est factum, in quantum recipit esse ab agente divino sine motu; et si istud factum sit novum, oportet quod præcedat esse ejus natura et duratione potentia activa et non passiva; et ab activa potentia tale factum dicitur possibile fieri; si autem non sit novum, tunc potentia activa non præcedit

duratione, sed natura. — 2. *Sent.* dist. 1, q. 1, a. 2, ad 1.

Ad quintum dicendum, quod Deus non producit res ex necessitate naturæ, sed ex ordine suæ sapientie; et ideo diversitas rerum non oportet quod sit ex materia, sed ex ordine divinæ sapientie, quæ ad complementum universi diversas naturas instituit. — *de Pot.* q. 3, a. 1, ad 9.

Ad sextum dicendum, quod non oportet, si duarum creaturarum est aliqua dignior, quod minus digna habeat aliquam imperfectionem; nam imperfectio designat carentiam alicujus, quod natum est haberi vel debet haberi; unde et in gloria quamvis unus sanctorum alium excedat, nullus tamen imperfectus erit. Si tamen aliqua imperfectio in creaturis sit, non oportet quod sit ex Deo neque ex materia, sed in quantum creatum est ex nihilo. — l. c. ad 14.

Ad septimum dicendum, quod Deus simul dans esse producit id, quod esse recipit, et sic non oportet quod agat ex aliquo præexistente. — l. c. ad 17.

ARTICULUS V

UTRUM SOLIUS DEI SIT CREARE.

Videtur quod non solius Dei sit creare: —

1. quia secundum Philosophum (2. *de Anima* text. 34; c. 4) perfectum est, quod potest sibi simile facere; sed creaturæ immateriales sunt perfectiores creaturis materialibus, quæ faciunt sibi similia; ignis enim generat ignem et homo hominem: ergo substantia immaterialis potest facere substantiam sibi similem; sed substantia immaterialis non potest fieri nisi per creationem, cum non habeat materiam, ex qua fiat: ergo aliqua creatura potest creare. — 1a, q. 45, a. 5, arg. 1.

2. Præterea, quanto major est resistentia ex parte facti, tanto major virtus requiritur in faciente; sed plus resistit contrarium quam nihil: ergo majoris virtutis est aliquid facere ex contrario, quod tamen creatura facit, quam aliquid facere ex nihilo; multo magis igitur creatura hoc facere potest. — l. c. arg. 2.

3. Præterea, virtus facientis consideratur secundum mensuram ejus quod sit; sed ens creatum est finitum, ut supra probatum est: ergo ad producendum per creationem aliquid non requiritur nisi virtus finita; sed habere virtutem finitam non est contra rationem creature: ergo non est impossibile creaturem creare. — l. c. arg. 3.

4. Præterea, in causatum causæ secundæ nunquam agit causa prima, nisi secundum quod agit in ipsa causa secunda agente; sed Deus, qui est causa prima omnium rerum, cuiuslibet rei creator est: ergo et quælibet causa secunda, in qua Deus operando creat, creatrix dici debet, et sic creare non tantum conveniet Deo. — 2. *Sent. dist. 1, q. 1, a. 3, arg. 5.*

5. Præterea, plus Deus potest facere, quam homo possit intelligere, quia non est impossibile apud Deum omne verbum, ut dicitur *Luc. 1, 37*; sed quidam philosophi posuerunt in aliquibus creaturis potentiam creandi, sicut Avicenna, qui dicit, quod intelligentia prima producit secundam et sic deinceps: ergo posset Deus hoc creaturem communicare. — 4. *Sent. dist. 5, q. 1, a. 3, quæstiunc. 3, arg. 4.*

6. Præterea, nihil potentiae divinæ absolute acceptæ subtrahendum est, quod in se contradictionem non implicat vel defectum; sed quod aliqua creature possit creare, nullam contradictionem implicat, ut videtur, neque in aliquem defectum sonat, imo magis in perfectionem divinam: ergo. — l. c. arg. 2.

7. Præterea, cum formæ substantiales non generentur, eo quod solum compositum generatur, ut probat Philosphus (*7. Metaphys. text. 26*; l. 6, c. 8), non possunt deduci in esse nisi per creationem; sed natura creata disponit materiam ad formam: ergo ministerio aliquid operatur ad creationem, et sic communicari a Deo potest creature, quod possit creare saltem instrumentaliter et ministerialiter. — *de Pot. q. 3, a. 4, arg. 7.*

8. Præterea, Sacraenta sunt physica causa instrumentalis gratiæ; sed gratia creature, cum a solo Deo produci possit,

et ex quo est qualitas supernaturalis, excedat virtutem causæ naturalis: ergo saltem instrumentaliter potest creature aliquid creare. — 3a, q. 62, a. 1 et 4.

Sed contra: 1. Nihil agit, nisi secundum quod est actu; sed creaturem communicari non potest, quod sit actus purus: ergo non potest illi communicari, quod agat se tota; ergo neque quod agat totum, quod est in re, quod est creare. — 4. *Sent. dist. 5, q. 1, a. 3, quæstiunc. 3, arg. 7, al. arg. 3* *Sed contra.*

2. Præterea, si creature potest aliquid creare, vel illud facit virtute propria vel virtute Dei ut ejus instrumentum; sed neutrum dici potest. Non *primum*, quia productio universalissimi effectus debet tribui universalissimæ causæ; sed universalissimus effectus est ipsum esse absolute, non hoc vel illud, et universalissima causa est Deus: ergo productio ipsius esse absolute, quæ est creatio, est solius Dei. Neque *secundum*, quia causa secunda instrumentalis non participat actionem causæ primæ superioris, nisi in quantum per aliquid sibi proprium dispositivo operatur ad effectum principalis agentis; quia alioqui, si nihil ageret secundum sibi proprium, frustra adhiberetur ad agendum, et non oporteret esse determinata instrumenta determinatarum actionum; et patet inductione, quia securis scindendo lignum, quod habet ex proprietate sua formæ, producit scamni formam, quæ est effectus proprius principalis agentis. Sed nullum agens secundum potest aliquid dispositivo operari ad effectum Dei creantis, quia esse absolute, quod est proprius effectus creantis, omnibus aliis præsupponitur, et quia creatio cum non sit ex aliquo, excludit omne disponibile: ergo nulla creature potest esse causa instrumentalis ad creandum. — 1a, q. 45, a. 5, c.

RESPONDEO DICENDUM, quod cum de ratione creationis sit, ut non præexistat aliquid sibi, ad minus secundum naturæ ordinem, hoc potest dupliciter contingere: *uno modo* ita, quod excludatur omne præexistens tum ex parte agentis tum ex parte facti, ut scilicet creatio dicatur, quando

nec agens agit virtute alicujus prioris agentis, quia nimirum ejus actio non firmatur super actione alicujus causæ præcedentis; nec factum est ex aliqua præexistente materia, quomodo creatio proprie sumitur; et hoc modo nulli creaturæ potest communicari quod possit creare, quia talis creatio est actio tantum causæ primæ. Unde sicut non potest communicari alicui creaturæ quod sit causa prima, ita non potest illi communicari quod sit creans. Et similiter potentia sic creandi spectat ad potentiam auctoritatis in creando, quæ solius Dei est propria. — *Alio modo*, quod excludat præexistens ex parte facti, sed non ex parte agentis, ut scilicet dicatur creatio minus proprie, quando aliquod agens virtute prioris agentis atque adeo ut ejus instrumentum, vel ex non præsupposita materia aliquem effectum vel certe aliquid producere, cui non præexistit aliquid in re, quod est esse. Ut enim dictum est ex lib. *de Causis* (propos. 4), prima rerum creatarum est esse, et ibidem (propos. 48) dicitur, quod esse est per creationem, et aliae perfectiones superadditæ sunt per informationem, et in compositis præcipue illud esse, quod est primæ partis, scilicet materiæ. Et hoc modo accipiendo creationem neque etiam potest communicari creaturæ posse instrumentaliter creare, si instrumentum proprie sumatur, cujusmodi communiter est instrumentum naturale et artificiale, quæ habent actionem præviam ad effectum principalis agentis, et supposito modo operandi Dei secundum suavem providentiam accommodantem sè modo agendi causæ naturalis. Potest autem instrumentaliter creare aliquem effectum vel aliquid esse simplex vel materiam, si sumatur instrumentum absolute et simpliciter, et si consideretur absoluta potentia Dei. — 2. *Sent.* dist. 1, q. 1, a. 3, c.; 1a, q. 45, a. 5, c.

Ad cujus manifestationem sciendum, quod dupliciter sumi potest instrumentum: *uno modo* proprie, cujusmodi communiter est instrumentum naturale et artificiale, quæ communiter secundum propriam actionem præviam ad effectum principalis agentis

habent aliquam similitudinem et proportionem naturalem cum illo, propter quam Deus hoc potius instrumentum assumit quam aliud. Cum enim Deus secundum suavem suam providentiam accommodet se modo agendi causæ naturalis, regulariter assumit instrumenta, quæ habent talem actionem præviam, ut videre est in Sacramentis. Utitur enim in Baptismo ablutione aquæ ad gratiam producendam, quia habet similitudinem cum effectu gratiæ Baptismi; et sic de aliis Sacramentis, quorum modus concurrendi ad producendam gratiam optimè explicatur ex similitudine instrumenti naturalis et artificialis. Unde Augustinus dicit, quod aqua Baptismi corpus tangit et cor abluit; et alibi ex ejus doctrina colligitur, quod si Sacraenta non haberent secundum proprias actiones naturales proportionem naturalem cum effectu gratiæ, non essent Sacraenta. Et si hoc modo accipiatur instrumentum, non potest creatura etiam instrumentaliter creare ad modum instrumenti naturalis et artificialis, et supposito modo operandi Dei secundum suavem providentiam accommodantem se communis modo agendi naturali; hæc enim instrumenta, cum inclinent ad determinatos et particulares effectus, non frustra adhibentur ad effectus producendos; et cum habeant proprias actiones, exigunt aliquid subjectum præexistens, in quod illas exercant, quod in creatione non requiritur. — 3a, q. 62, a. 1, c. et ad 2 et q. 60, a. 1; 4. *Sent.* dist. 1, q. 1, a. 4, sol. 1; 1a, q. 45, a. 5, c.

Alio modo potest accipi instrumentum minus proprie pro omni eo, quo Deus uti potest secundum potentiam obedientiam, quæ illi inest vel ad aliquid recipiendum vel ad aliquid agendum. Sicut enim nulla creatura potest agere ea, quæ sunt supra naturam, quasi principale agens, ita potest agere ut agens instrumentale a virtute increata motum; quia sicut creaturæ inest obedientiæ potentia, ut ea fiat quidquid creator disposuerit, ita etiam ut ea mediante fiat, quod est ratio instrumenti; quo modo verba consecrationis ut instrumenta

Dei convertunt substantiam pannis in Corpus Christi. Similiter daemones ut instrumenta Dei potuissent convertere uxorem Loth in statuam salis, et omnes spiritus angelici boni seu creatura spiritualis potest non solum precibus impetrando vel applicando activa passivis, atque adeo sua naturali virtute materiam disponendo, sed etiam instrumentaliter et potestative coagendo mirabiles effectus producere ac miracula facere, ut docet S. Gregorius (*Dialog. I. 2, c. 30*; — Migne PP. L. t. 66, col. 188). Quod mirum non est; nam si corporali creatura utitur instrumentaliter Deus ad spirituum justificationem, ut in Sacramentis patet, similiter poterit uti spirituali creatura instrumentaliter ad faciendum mirabiles effectus in natura corporali. — 4. *Sent.* dist. 8, q. 2, a. 3, ad 4 et in c.; 3a, q. 78, a. 4; *de Malo* q. 16, a. 9, ad 3; *de Pot.* q. 6, a. 4, c.

Quamquam si sumatur etiam instrumentum naturale absolute et simpliciter, non necessario requirit actionem propriam præviam effectui principalis agentis, licet, ut dictum est, communiter illam habeat: quia phantasma est instrumentum naturale animæ et intellectus agentis in productione speciei intelligibilis, et tamen non habet actionem præviam ad tales productionem; et potentia generativa est instrumentum animæ ad productionem formæ viventis, et tamen non habet actionem ullam præviam ad illam, ut manifeste patet. Unde simpliciter et absolute, sicut solius Dei proprium est auctoritative creare, ita simpliciter et absolute dici potest, quod creature communicari potest, quod instrumentaliter creet. Solvenda tamen sunt argumenta utriusque partis; nam priora videntur probare, non esse solius Dei auctoritative atque adeo proprie creare; posteriora vero, non posse creaturam quomodounque creare, etiam instrumentaliter. — *Opusc.* c. 43, 6; *Quodl.* 8, a. 3; *de Verit.* q. 10, a. 6, ad 4, 7 et 8.

Ad primum ergo dicendum, quod aliquod perfectum participans aliquam naturam facit sibi simile, non quidem producendo ab-

solute illam naturam, sed applicando eam ad aliquid. Non enim hic homo potest esse causa naturæ humanae absolute, quia sic es- set causa sui ipsius; sed est causa, quod natura humana sit in hoc homine generata; et sic præsupponit in sua actione determinata materiam, per quam est hic homo. Sed sicut hic homo participat humanam natu- ram, ita quocunque ens creatum partici- pat, ut ita dixerim, naturam essendi, quia solus Deus est suum esse, ut dictum est. Nullum igitur ens creatum potest producere aliquod ens absolute, nisi in quantum esse causat in hoc; et sic oportet quod præintelligitur id, per quod aliquid est hoc, actioni, qua fecit sibi simile. In substantia autem immateriali non potest præintelligi aliquid, per quod sit *haec*, quia est *haec* per suam formam, per quam habet esse, cum sit forma subsistens. Igitur substantia im- materialis non potest producere aliam sub- stantiam immateriale sibi similem, quan- tum ad esse ejus, sed quantum ad perfe- ctionem aliquam superadditam, sicut si dicamus, quod superior angelus illuminat inferiorem, ut Dionysius (*de Cœl. Hierar- chia* c. 4, § 3 et c. 10, § 2; — Migne P.P. Gr. t. 3, col. 182 et 274) dicit; secundum quem modum etiam in cœlestibus est pa- ternitas, ut ex verbis Apostoli patet (*ad Ephes.* 3, 15): «Ex quo omnis paternitas in cœlo et in terra nominatur». Et ex hoc etiam evidenter apparet, quod nullum crea- tum potest causare aliquid nisi præsuppo- sito aliquo; quod repugnat rationi creatio- nis. — 1a, q. 45, a. 5, ad 4.

Ad secundum dicendum, quod ex con- trariis fit aliquid per accidens, ut dicitur 1. *Phys.* (text. 43; c. 5); per se autem fit ali- quid ex subjecto, quod est in potentia. Con- trarium igitur resistit agenti, in quantum impedit potentiam ab actu, in quem agens intendit reducere materiam; sicut ignis in- tendit reducere aquam in actum sibi simi- lem, sed impeditur per formam et disposi- tiones contrarias, quibus quasi ligatur po- tentia, ne reducatur in actum; et quanto magis fuerit potentia ligata, tanto requiritur major virtus in agente ad reducendam ma-

teriam in actum. Unde multo major potentia requiritur in agente, si nulla potentia præexistat. Sic ergo patet, quod multo majoris virtutis est facere aliquid ex nihilo quam ex contrario. — *1a, q. 45, a. 5, ad 2.*

Ad tertium dicendum, quod virtus facientis non solum consideratur ex substantia facti, sed etiam ex modo faciendi; major enim calor non solum magis, sed etiam citoius calefacit. Quamvis igitur creare aliquem effectum finitum non demonstret potentiam infinitam, tamen creare ipsum ex nihilo demonstrat potentiam infinitam, quod ex prædictis patet. Si enim tanto major virtus requiritur in agente, quanto potentia est magis remota ab actu, oportet quod virtus agentis ex nulla præsupposita potentia, quale agens est creans, sit infinita, quia nulla proportio est nullius potentiae ad aliquam potentiam, quam præsupponit virtus agentis naturalis, sicut non entis ad ens; et quia nulla creatura habet simpliciter potentiam infinitam, sicut neque esse infinitum, relinquitur quod nulla creatura possit per propriam virtutem creare. — *1a, q. 45, a. 5, ad 3.*

Ad quartum dicendum, quod agens proximum, ut generans, non operatur in hac re generata, nisi educendo de potentia materiæ formam; sed operatio causæ primæ est etiam in creando ipsam materiam; et ideo agens naturale proximum est tantum generans hanc rem, sed agens divinum est creans. Et ex hoc patet, quod sicut operatio artis fundatur super operationem naturæ, in quantum natura præparat arti materiam, ita et operatio naturæ fundatur supra creationem, in quantum ministrat naturæ materiam. — *2. Sent. dist. 1, q. 1, a. 3, ad 5.*

Ad quintum dicendum, quod illi philosophi, qui hoc posuerunt, non intellexerunt plene rationem creationis, et quomodo requirit potentiam infinitam agentem; et ideo non intellexerunt incompossibilitatem suæ positionis. — *4. Sent. dist. 5, q. 1, a. 3, sol. 3, ad 1.*

Ad sextum dicendum, quod hoc etiam implicat contradictionem, in quantum po-

nitur creaturam habere essentiam infinitam, et per consequens non esse creaturam; et sonat in defectum divinae majestatis, cui ponitur aliquid in essentia infinitate posse æquari. Non enim oportet ut, quod est perfectionis apud nos, scilicet posse facere aliquid æquale sibi, sit perfectionis apud Deum, ut scilicet possit facere aliquid æquale sibi. — *4. Sent. l. c. ad 2.*

Ad septimum dicendum, quod formæ potest considerari dupliciter: *uno modo*, secundum quod est in potentia, et sic a Deo materiæ concreatur, nulla disponentis naturæ actione interveniente; *alio modo*, secundum quod est in actu, et sic non creatur, sed de potentia materiæ educitur per agens naturale. Unde non oportet quod natura aliquid agat dispositive ad hoc quod aliquid creetur. Quia tamen aliqua forma naturalis est, quæ per creationem in esse producitur, scilicet anima rationalis, cuius materiam natura disponit; ideo sciendum est, quod quia creationis opus materiam tollit, dupliciter aliquid creari dicitur. Nam *quædam* creantur nulla materia præsupposita, nec ex qua nec in qua, sicut angeli et corpora cœlestia; et ad horum creationem natura nihil operari potest dispositive. *Quædam* vero creantur, etsi non ex præsupposita materia ex qua sint, præsupposita tamen materia in qua sint, ut animæ humanæ. Ex parte ergo illa, qua habent materiam in qua, natura potest dispositive operari; non tamen quod ex ipsa ad substantiam creati naturæ actio se extendat. — *de Pot. q. 3, a. 4, ad 7.*

Ad octavum dicendum, quod gratia non creatur, sed educitur de potentia obedienciali animæ rationalis a Deo. — *de Virt. in com. a. 10, ad 13; de Verit. q. 27, a. 3, ad 8, 9, 10; de Pot. q. 3, a. 8, ad 3; 1a 2æ, q. 110, a. 2.*

Ad primum secundæ partis dicendum, quod creatura non potest virtute propria pertransire distantiam, quæ est inter ens et non ens, ut dictum est (*in c.*).

Ad secundum dicendum, quod quamvis nulla creatura sit, in qua non sit aliquid de potentia, ad minus secundum quod ejus

natura se habet ad esse, quod recipit a Deo, sicut potentia ad actum; tamen aliqua creatura est, in qua nihil de potentia remanet, quæ non sit completa per actum, sicut est angelus; et ideo talis creatura se tota potest agere, quamvis primum principium suæ actionis sit aliquid aliud ab ipsa, scilicet Deus, qui est primum agens. — 4. *Sent. dist.* 5, q. 4, a. 3. sol. 3, ad 7.

ARTICULUS VI

UTRUM CREARI SIT PROPRIUM COMPOSITORUM ET SUBSISTENTIUM.

Videtur quod creari non sit proprium compositorum et subsistentium.

1. Dicitur enim in lib. *de Causis* (propos. 4), quod prima rerum creatarum est esse; sed esse rei creatæ non est subsistens: ergo creatio proprie non est subsistentis et compositi. — 1a, q. 45, a. 4, arg. 1.

2. Præterea, quod creaturæ est ex nihilo; composita autem non sunt ex nihilo, sed ex suis componentibus; ergo compositis non convenit creari. — *Ibid.* arg. 2.

3. Præterea, illud proprie producitur per primam emanationem, quod supponitur in secunda; sicut res naturalis producitur per generationem naturalem, quæ supponitur in operatione artis; sed illud, quod supponitur in generatione naturali, est materia: ergo materia est, quæ proprie creaturæ, et non compositum. — *Ibid.* arg. 3.

4. Præterea, omne cui proprie convenit fieri, vel fit ex nihilo vel fit ex aliquo; sed multa sunt, quæ non sunt composita, quibus convenit proprie fieri, ut anima vegetabilis et sensibilis: ergo cum non fiant ex aliquo, et quia non habent materiam partem sui, relinquuntur quod fiant ex nihilo, et per consequens quod creentur. — *Minor* probatur, quia omne, quod proprie habet esse, si non semper fuit, proprie dicitur fieri; sed prædictæ animæ proprie et vere habent esse, cum sint substantiæ operantes; movent enim corpus; nihil autem habet propriam operationem, nisi quod habet proprium es-

se; ergo cum illæ non semper fuerint, proprie illis competit fieri et sic creari. — *Quodl.* 9, a. 11, arg. 2.

Sed contra est, quod dicitur *Gen.* 1, 1: «In principio creavit Deus cœlum et terram»; sed cœlum et terra sunt res compositæ subsistentes: ergo horum proprie est creatio. — 1a, q. 45, a. 4, arg. *Sed contra*.

RESPONDEO DICENDUM, quod creari est quoddam fieri; fieri autem ordinatur ad esse rei; unde illis proprie convenit fieri et creari, quibus convenit esse; quod quidem convenit proprie subsistentibus, sive sint simplicia, sicut substantiæ separatae, sive sint composita, sicut substantiæ materiales. Illi enim proprie convenit esse, quod habet esse et quod est subsistens in suo esse; formæ autem et accidentia et alia hujusmodi non dicuntur entia, quasi ipsa sint, sed quia eis aliquid est, ut albedo ea ratione dicitur ens, quia ejus subjectum est album; unde secundum Philosophum (7. *Metaphys. text.* 2; l. 6, c. 1) accidens magis proprie dicitur entis quam ens. Sicut igitur accidentia et formæ et hujusmodi, quæ non subsistunt, magis sunt coexistentia quam entia, ita magis debent dici concreata quam creata; proprie vero creata sunt subsistentia. — 1a, q. 45, a. 4, c.

Ad primum ergo dicendum, quod cum dicitur: prima rerum creatarum est esse, ly esse non importat substantiam creatam, sed importat propriam rationem objecti creationis; nam ex eo dicitur aliquid creatum quod est ens, non ex eo quod est hoc ens, cum creatio sit emanatio totius esse ab ente universalis, ut dictum est. Et est similis modus loquendi, sicut si diceretur, quod primum visibile est color, quamvis illud, quod videtur proprie, sit coloratum. — *Ibid. ad 1.*

Ad secundum dicendum, quod creatio non dicit constitutionem rei compositæ ex principiis præexistentibus; sed compositum sic dicitur creari, quod simul cum omnibus suis principiis in esse producitur. — *Ibid. ad 2.*

Ad tertium dicendum, quod ratio illa non probat, quod sola materia creaturæ, sed

quod materia non sit nisi ex creatione; nam creatio est productio totius esse et non solum materiae. — *Ibid.* ad 3.

Ad quartum dicendum, quod omnes formæ materiales esse dicuntur non ut subsistentes, sed ut quibus composita sunt; unde et fieri dicuntur non propria factio, sed per factioem suppositorum, quæ transmutantur transmutatione materiae de potentia in actum; unde sicut composita sunt per agentia naturalia, ita etiam formæ, quæ non sunt subsistentes. Quia ergo animæ vegetabiles et sensibiles non sunt formæ subsistentes (alias remanerent post corpora), oportet quod fiant a generante per actionem compositorum, sicut et ceteræ formæ materiales; et ideo non convenit illis per se esse nec fieri nec operari; nulla enim est actio talium animarum, in qua corpus non communicet. Est enim duplex potentia motiva animæ sensitivæ: *una* imperans, scilicet appetitiva; *altera* exsequens, quæ affixa musculis et nervis, est principium mobilitatis in eis; sed ipsa distinctio partium corporalium facit, quod una pars animalis est movens et alia mota, et ita possunt moveri ex se. — *Quodl.* 9, a. 11, c. et ad 2.

ARTICULUS VII

UTRUM NECESSSE SIT OMNE ENS ATQUE A DEO MUNDUM ESSE CREATUM A DEO.

Videtur quod non sit necessarium omne ens esse creatum a Deo.

1. Nihil enim prohibet inveniri rem sine eo, quod non est de ratione rei, sicut hominem sine albedine; sed habitudo causati ad causam non videtur esse de ratione entium, quia sine hac possunt aliqua entia intelligi: ergo sine hac possunt esse; ergo nihil prohibet esse aliqua entia non creata a Deo. — 1a, q. 44, a. 4, arg. 4.

2. Praeterea, ad hoc indiget aliquid causa efficiente, ut sit; ergo quod non potest non esse, non indiget causa efficiente; sed nullum necessarium potest non esse, quia quod necesse est esse, non potest non esse; cum igitur multa sint necessaria in rebus,

videtur quod non omnia entia sint a Deo. — l. c. arg. 2:

3. Praeterea, quoruincumque est aliqua causa, in his potest fieri demonstratio per causam illam; sed in mathematicis non fit demonstratio per causam agentem, ut per Philosophum patet (3. *Metaphys. text.* 3; l. 2, c. 2): non igitur omnia entia sunt a Deo ut a causa agente. — l. c. arg. 3.

4. Praeterea, omnia quæ a Deo sunt facta, dicuntur esse Dei creature; creatio autem terminatur ad esse; prima enim rerum creatarum est esse, ut dictum est ex lib. *de Causis* (propos. 4). Cum ergo quidditas rei sit praeter esse ipsius, videtur quod quidditas rei non sit a Deo. — *de Pot.* q. 3, a. 5, arg. 2.

Sed contra est: 1. quod dicitur *ad Rom.* 11, 36: «Ex ipso et per ipsum et in ipso sunt omnia»; et *Joan.* 1, 3: «Omnia per ipsum facta sunt, et sine ipso factum est nihil»; et *Ps. 145*, 6: «Qui fecit cœlum et terram, mare et omnia, quæ in eis sunt». — 1a, l. c. arg. *Sed contra*; 2. c. *Gent.* c. 45, n. 7.

2. Praeterea, dicit Philosophus (2. *Metaphys. text.* 4; l. 1 min., c. 1), quod id quod est maxime ens et maxime verum, est causa omnis entis et omnis veri, sicut id, quod maxime calidum est, est causa omnis caliditatis; Deus autem solus est id, quod est maxime ens et maxime verum, ut manifestum est: ergo necesse est omne ens esse a Deo. — 1a, q. 44, a. 1, c.

RESPONDEO DICENDUM, quod necesse est dicere, omne quod quocunque modo est, a Deo esse. Quod multipliciter demonstrari potest. Et *primo* quidem sic: Omne quod alieni convenit non secundum quod ipsum, per aliquam causam convenit ei, sicut album homini; nam quod causam non habet, primum et immediatum est; unde necesse est quod sit per se et secundum quod ipsum. Impossibile est autem aliquid unum duobus convenire, et utrique secundum quod ipsum; quod enim de aliquo secundum quod ipsum dicitur, ipsum non excedit; sicut habere tres angulos duobus rectis æquales non excedit triangulum, de quo prædicatur, sed est eidem convertibiliter.

Si igitur aliquid duobus conveniat, non convenit utriusque secundum quod ipsum est. Impossibile est igitur aliquod unum de duobus prædicari, ita quod de neutro per causam dicatur; sed oportet vel unum esse alterius causam, sicut ignis est causa caloris corpori mixto, cum tamen utrumque calidum dicatur; vel oportet quod aliquod tertium sit causa utriusque, sicut duabus candelis ignis est causa lueendi. Esse autem dicitur de omni eo quod est; impossibile est igitur esse aliqua duo, quorum neutrum habeat causam essendi, sed oportet utrumque acceptorum esse per causam, vel alterum alteri esse causam essendi. Oportet igitur quod ab illo, cui nihil est causa essendi, sit omne illud, quod quoctunque modo est; sed Deus est hujusmodi ens, cui nihil est causa essendi: ergo ab eo est omne quod quoctunque modo est. — 2. c. *Gent.* c. 45, n. 1.

Secundo sic: Secundum ordinem effectuum oportet esse ordinem causarum, eo quod effectus causis suis proportionati sint; unde oportet quod sicut effectus proprii reducuntur in causas proprias, ita id, quod commune est in effectibus propriis, reducatur in aliquam causam communem; sed omnibus commune est esse: ergo oportet quod supra omnes causas sit aliqua causa, cujus sit dare esse. Prima autem causa Deus est, ut manifestum est; ergo necesse est omnia, quæ sunt, a Deo esse. — *Tertio*, quod per essentiam dicitur, est causa omnium, quæ per participationem dicuntur, sicut ignis est causa omnium ignitorum in quantum hujusmodi; sed Deus est ens per essentiam suam, quia est ipsum esse; omne autem aliud ens est ens per participationem, quia ens quod est suum esse, non potest esse nisi unum: ergo Deus est causa essendi omnibus aliis. — *Quarto*, omne quod est possibile esse et non esse, habet aliquam causam, quia in se consideratum ad utrumlibet se habet, et sic oportet esse aliquod aliud, quod ipsum ad unum determinet; unde cum in infinitum procedi non possit, oportet quod sit aliquod necessarium, quod sit causa omnium possibilium

esse et non esse. Necessarium autem quoddam est habens causam suæ necessitatis, in quo etiam in infinitum procedi non potest; et sic est devenire ad aliquid, quod est per se necesse esse; hoc autem non potest esse nisi unum, et hoc est Deus: ergo oportet omne aliud ab ipso reduci in ipsum, sicut in causam essendi. Unde manifestum est, quod ommia, quæ sunt, necesse est a Deo esse. — 2. c. *Gent.* c. 15. n. 3, 4, 5; 1a, q. 44, a. 1, c; *de Pot.* q. 3, a. 5, c.

Ad primum ergo dicendum, quod licet habitudo ad causam non intret definitionem entis, quod est causatum, tamen sequitur ad ea, quæ sunt de ejus ratione; quia ex hoc, quod aliquid per participationem est ens, sequitur quod sit causatum ab alio; unde hujusmodi ens non potest esse quin sit causatum, sicut nec homo quin sit risibilis; sed quia esse causatum non est de ratione entis simpliciter, propter hoc inventur aliquod ens non causatum. — 1a, l. c. ad 1; *de Pot.* l. c. ad 1; *Quodl.* 7, a. 10, ad 4.

Ad secundum dicendum, quod ex hac ratione quidam moti fuerunt ad ponendum, quod ens necessarium non habeat causam, ut dicitur 8. *Phys. text.* 46; c. 6. Sed hoc manifeste falsum appareat in scientiis demonstrativis, in quibus principia necessaria sunt causæ conclusionum necessariarum; et ideo dicit Aristoteles (5. *Metaphys. text.* 6; l. 4, c. 5), quod sunt quædam necessaria, quæ habent causam suæ necessitatis. Non ergo propter hoc solum requiritur causa agens, quia effectus potest non esse, sed quia effectus non esset, si causa non esset; hæc enim conditionalis est vera, sive antecedens sive consequens sint possibilia sive impossibilia. — 1a, l. c. ad 2.

Ad tertium dicendum, quod mathematica accipiuntur ut abstracta secundum rationem, cum tamen non sint abstracta secundum esse. Unicuique autem competit habere causam agentem, secundum quod habet esse. Licet igitur ea, quæ sunt mathematica, habeant causam agentem: non tamen secundum habitudinem, quam habent ad causam agentem, sunt sub consideratione mathematici; et ideo in scientiis mathematicis

ticis non demonstratur aliquid per causam agentem. — 4a, q. 44, a. 4, ad 3.

Ad quartum dicendum, quod ex hoc ipso, quod quidditati esse attribuitur, non solum esse, sed ipsa quidditas creari dicitur, quia antequam esse habeat, nihil est nisi forte in intellectu creantis, ubi non est creatura, sed creatrix essentia. — *de Pot.* q. 3, a. 5, ad 2, et a. 4, ad 47.

ARTICULUS VIII

UTRUM MATERIA PRIMA SIT CREATA A DEO.

Videtur quod materia prima non sit creata a Deo.

1. Omne enim quod fit, componitur ex subjecto et aliquo alio, ut dicitur 1. *Phys. text.* 62; c. 7; sed materiæ primæ non est aliquod subjectum: ergo materia prima non potest esse facta a Deo. — 4a, q. 44, a. 2, arg. 4.

2. Præterea, actio et passio dividuntur contra se invicem; sed sicut primum principium activum est Deus, ita primum principium passivum est materia: ergo Deus et materia prima sunt duo principia contra se invicem divisa, quorum neutrum est ab alio. — l. c. arg. 2.

3. Præterea, omne agens agit sibi simile, et sic, cum omne agens agat in quantum est actu, sequitur quod omne factum aliquo modo sit in actu, seu quod omnis actio terminetur ab aliquem actu, sicut et procedit ab aliquo actu; sed materia prima est tantum in potentia, in quantum hujusmodi: ergo contra rationem materiæ primæ est, quod sit facta. — l. c. arg. 3; *de Pot.* q. 3, a. 5, arg. 3.

4. Præterea, omne quod procedit in esse a Deo per creationem, habet ideam; sed materia prima non habet ideam. Quod patet, *tum* quia idea est forma et secundum illam aliquid formatur; sed materia prima neque ullam habet formam neque potest formari, ita ut forma sit de ejus essentia; *tum* quia materia non est nisi ens in potentia nec per se separata existit nec potest existere; at nulla idea in Deo est ens in potentia,

proportionaliter respondens materiae, cum in Deum nulla potentialitas cadat, et omnis idea est eorum, quæ per se sunt vel esse possunt: ergo materia non est creata a Deo. — *de Verit.* q. 3, a. 5, arg. 1. *Sed contra*, et arg. 1, 2, 3 et 4.

5. Præterea, cum scientia Dei sit causa omnium quæ sunt, quod a Deo est per creationem debet a Deo cognosci; sed materia prima non est cognoscibilis a Deo, quia cognitionis omnis sit per aliquam similitudinem, quæ nulla esse potest in Deo respectu materiæ primæ, quia cum haec sit ens in potentia tantum, omnino est dissimilis Deo, qui est actus purus: ergo materia prima non est a Deo creata. — 4a, q. 14, a. 8, c., et a. 44, arg. 3.

Sed contra est: 1. quia materia prima aliquo modo est, quia est ens in potentia; sed Deus est causa omnium quæ sunt, ut supra ostensum est: ergo Deus est causa materiæ primæ, cui nulla præexistit; et sic est causa illius per creationem, illam producendo. — 2. c. *Gent.* c. 16, n. 11.

2. Præterea, dicit Philosophus (2. *Metaphys. text.* 4; l. 1 min., e. 1), quod id quod est maxime verum et maxime ens, est causa essendi omnibus existentibus; sed hoc ipsum esse in potentia, quod habet materia prima, est aliquod ens: ergo debet esse derivatum a primo essendi principio, quod est maxime ens, et consequenter a Deo productum. — 8. *Phys.* l. 2.

RESPONDEO DICENDUM, quod antiqui philosophi paulatim et quasi pedetentim intraverunt in cognitionem veritatis. A principio enim quasi grossiores existentes non estimabant esse entia nisi corpora sensibilia; quorum qui ponebant in eis motum, non considerabant motum nisi secundum aliqua accidentia, ut puta secundum raritatem et densitatem, per congregationem et segregationem; et supponentes ipsam substantiam corporum increatam, assignabant alias causas hujusmodi accidentalium transmutationum, ut puta amicitiam, litem, intellectum aut aliquid hujusmodi. Ulterius vero procedentes distinxerunt per intellectum inter formam substantiam et materiam,

quam ponebant increatam, et perceperunt fieri transmutationem in corporibus secundum formas essentiales; quarum transmutationum quasdam causas universaliores ponebant, ut obliquum circulum secundum Aristotelem (2. *de Generat. text.* 56; c. 10), vel ideas secundum Platonem. Sed considerandum est, quod materia per formam contrahitur ad determinatam speciem, sicut substantia alicujus speciei per accidens ei adveniens contrahitur ad determinatum modum essendi, ut homo contrahitur per album. Utrique igitur consideraverunt ens particulari quadam consideratione, vel in quantum est hoc ens, vel in quantum est tale ens, et sic rebus causas agentes particulares assignaverunt. Et ulterius aliqui erexerunt se ad considerandum ens in quantum est ens, et consideraverunt causam rerum, non solum secundum quod sunt hæc vel talia, sed secundum quod sunt entia. — 1a, q. 44, a. 2, c.

Hoc igitur, quod est causa rerum, in quantum sunt entia, oportet esse causam rerum non solum secundum quod sunt talia per formas accidentales, nec secundum quod sunt hæc per formas substantiales, sed etiam secundum omne illud, quod pertinet ad esse illorum quocunque modo. Et sic oportet ponere etiam materiam primam creatam ab universalis causa entium. — *Ibid.*; 2. c. *Gent.* c. 16.

Ad primum ergo dicendum, quod Philosophus (1. c. in arg.) loquitur de fieri particulari, quod est de forma in formam sive accidentalem sive substantialem; nunc autem loquimur de rebus secundum emanationem earum ab universalis principio essendi, a qua quidem emanatione nec materia excluditur, licet a primo modo factio- nis excludatur. — 1a, q. 44, a. 2, ad 1.

Ad secundum dicendum, quod passio est effectus actionis; unde et rationabile est quod primum principium passivum sit effectus primi principii activi. Nam omne imperfectum causatur a perfecto; oportet enim primum principium esse perfectissimum, ut dicit Aristoteles (12. *Metaphys. text.* 51; l. 11, c. 9). — *Ibid.* ad 2.

Ad tertium dicendum, quod ratio illa non ostendit, quod materia non sit creata, sed quod non sit creata sine forma; licet enim omne creatum sit in actu, non tamen est actus purus. Unde oportet quod etiam illud, quod se habet ex parte potentie, sit creatum, si totum, quod ad esse ipsius pertinet, creatum est; et sic materia, quia est ens potentia, non per se creatur, sed creatur sub forma, quia sic habet esse in actu. — 1. c. ad 3; *de Pot.* q. 3, a. 5, ad 3.

Ad quartum dicendum, quod eo ipso, quod ponimus materiam causatam esse a Deo, necesse est ponere quod aliquo modo sit ejus idea in Deo, cum quidquid ab ipso causatur, similitudinem ipsius utcumque retineat. Sed tamen si de propria idea loquamur, non potest poni quod materia prima per se habeat ideam in Deo distin-ctam ab idea formæ vel compositi; quia idea proprie dicta, secundum quam scilicet aliquid formatur (quæ est idea practica actu vel virtute), respicit rem secundum quod est producibilis in esse; materia autem non potest exire in esse sine forma, nec e con-verso. Unde propria idea non respondet materiæ tantum nec formæ tantum; sed composto toti respondet una idea, quæ est factiva totius et quantum ad formam et quantum ad materiam. Si autem large accipiatur idea pro similitudine vel ratione, tunc illa possunt per se distinctam habere ideam, quæ possunt distinete considerari, quamvis separatim esse non possint; et sic nihil prohibet materiæ primæ etiam secundum se ideam esse. — Unde ad *primam rationem in contrarium* dicendum, quod quamvis materia prima sit informis, tamen inest ei imitatio primæ formæ; quantumcunque enim debile esse habeat, illud tamen est imitatio primi entis, et secundum hoc potest habere similitudinem in Deo. — *Ad secundum* vero dicendum, quod idea et ideatum non oportet esse similia secundum conformitatem naturæ, sed secundum re-præsentationem tantum; unde et rerum compositarum est simplex idea, et similiter existentis in potentia est idealis similitudo

etiam in actu. — *de Verit.* q. 3, a. 5, c.
et ad argumenta.

Ad quintum dicendum, quod materia licet recedat a Dei similitudine secundum suam potentialitatem, tamen in quantum vel sic esse habet, similitudinem quandam retinet divini esse. — 1a, q. 14, a. 11, ad 3.

Vel dic, quod quamvis in Deo non sit aliquid materiale et potentiale, sed essentia ejus sit actus tantum, tamen ille actus est causa omnium, quae sunt in re, et materialium et formalium, quem actum imitatur, quantum potest, omnis res et quidquid in re est; et ideo essentia divina est similitudo non tantum formalium, sed etiam materialium rei. Et ideo per ipsum potest cognosci materia prima. — 1. *Sent.* dist. 36, q. 1, a. 1, ad 3.

ARTICULUS IX

UTRUM MUNDUS SEU RES OMNES PROCESSE-
RINT A DEO PER NECESSITATEM NATURÆ
AN VERO PER ARBITRIUM VOLUNTATIS.

Videtur quod res omnes processerint a Deo per necessitatem naturæ, non autem per arbitrium voluntatis.

1. Id enim, quod est per essentiam, est primum in quolibet ordine, sicut in ordine ignitorum est primum, quod est ignis per essentiam; sed Deus est primum agens: ergo est agens per essentiam suam, quæ est natura ejus; ergo agit per naturam et non per voluntatem. — 1a, q. 19, a. 4, arg. 2.

2. Præterea, quidquid est causa alicujus per hoc quod est tale, est causa per naturam et non per voluntatem (ignis enim est causa calefactionis, quia est calidus; sed artifex est causa domus, quia vult eam facere); sed quia Deus est bonus, nos sumus, et in quantum est, operatur, ut dicit Augustinus (*de Doctrina Christiana* l. 1, c. 32; — Migne P P. L. t. 34, col. 32): ergo Deus per suam naturam est causa rerum et non per voluntatem. — l. c. arg. 3; *de Pot.* q. 3, a. 15, arg. 5 et 10.

3. Præterea, omnis perfectio inferioris

naturæ a perfectione divinæ naturæ derivatur; sed ad perfectionem naturæ inferioris pertinet, quod sua virtute aliquid simile sibi faciat producendo effectum: ergo multo fortius Deus similitudinem suæ bonitatis creaturis communicat naturaliter et non voluntarie. — *de Pot.* q. 3, a. 15, arg. 2.

4. Præterea, similitudo naturæ communicari non potest nisi virtute naturæ; sed virtus naturæ in nulla re subjacet voluntati; unde et in Deo generatio Filii a Patre, quæ est naturalis, non fit per imperium voluntatis; nec etiam in hominibus vires animæ vegetabilis, quæ naturales dicuntur, voluntati subduntur: ergo voluntate divina non communicatur similitudo naturæ, sed per virtutem naturæ, atque adeo naturaliter et non voluntarie. — l. c. arg. 4.

5. Præterea, necessitas naturæ provenit ex hoc, quod natura immobiliter operatur idem, nisi impedimentum eveniat; sed major est immutabilitas Dei quam naturæ inferioris: ergo magis ex necessitate Deus producit effectum suum quam natura inferior. — l. c. arg. 7.

6. Præterea, operatio Dei est ejus essentia; sed essentia sua est ei naturalis: ergo naturaliter operatur, quidquid operatur. — *de Pot.* q. 3, a. 15, arg. 8.

7. Præterea, dicit Dionysius (*de Div. Nom.* c. 4, § 1; — Migne P P. Gr. t. 3, col. 694), quod sicut noster sol non ratiocinans aut præelicens, sed per ipsum suum esse omnia lumen ejus participare valentia illuminat, ita divina bonitas per essentiam suam omnibus existentibus proportionaliter radios bonitatis immittit; sed sol sine ratione et electione illuminans hoc agit ex necessitate naturæ: ergo et Deus creature producit, suam bonitatem communicando per necessitatem naturæ. — l. c. arg. 1; 1a, q. 19, a. 4, arg. 4.

Sed contra est, quod dicitur *Sap.* 11, 26: «Quomodo posset aliquid permanere, nisi tu voluisses?» et *ad Ephes.* 1, 11: «Qui operatur omnia secundum consilium voluntatis suæ»; quod autem operatur ex consilio voluntatis, non operatur ex necessitate: ergo res a Deo non processerunt ex neces-

sitate naturæ, sed per arbitrium voluntatis. — 1a, q. 19, a. 4, et 3, arg. *Sed contra.*

RESPONDEO DICENDUM, quod necesse est dicere Deum agere per voluntatem, et non per necessitatem naturæ, ut quidam existimaverunt. Quod quidem apparere potest tripliciter: *primo* quidem ex ipso ordine causarum agentium. Cum enim propter finem agat intellectus et natura, ut probatur 2. *Phys. tert.* 49 (c. 5), necesse est ut agenti per naturam prædeterminentur finis et media necessaria ad finem ab aliquo superiore intellectu, sicut sagittæ prædeterminantur finis et certus modus a sagittante. Unde necesse est quod agens per intellectum et voluntatem sit prius agente per naturam. Unde cum primum in ordine agentium sit Deus, necesse est quod per intellectum et voluntatem agat. — *Secundo*, ex ratione naturalis agentis, ad quod pertinet, ut unum effectum producat; quia natura uno et eodem modo operatur, nisi impediatur; et hoc ideo, quia secundum quod est tale, agit; unde quamdiu est tale, non facit nisi tale; omne enim agens per naturam habet esse determinatum. Cum igitur esse divinum non sit determinatum, sed contineat in se totam perfectionem essendi, non potest esse quod agat per necessitatem naturæ, sed effectus determinati ab infinita ipsius perfectione procedunt secundum determinationem voluntatis et intellectus ipsius. — *Tertio*, ex habitudine effectuum ad causam. Secundum hoc enim effectus procedunt a causa agente, secundum quod præexistunt in ea, quia omne agens agit sibi simile; præexistunt autem effectus in causa secundum modum causæ. Unde cum esse divinum sit ipsum ejus intelligere, præexistunt in eo effectus ejus secundum modum intelligibilem, et per modum intelligibilem procedunt ab eo, et per consequens per modum voluntatis; nam inclinatio ejus ad agendum, quod intellectu conceptum est, pertinet ad voluntatem. Deus igitur est causa rerum per arbitrium suæ voluntatis et non ex necessitate naturæ. — 1a, q. 19, a. 4, c.

Ad primum ergo dicendum, quod quia

essentia Dei est ejus intelligere et velle, ex hoc ipso, quod per essentiam suam agit, sequitur quod agat per modum intellectus et voluntatis. — 1a, l. c. ad 2.

Ad secundum dicendum, quod bonum est objectum voluntatis. Pro tanto ergo dicitur «quia Deus bonus est, sumus», in quantum bonitas Dei ab ipso amata et volita est ei ratio volendi omnia alia, et consequenter est, mediante voluntate, creature causa. — l. c. ad 3; *de Pot.* q. 3, a. 15, ad 5.

Ad tertium dicendum, quod ex perfectione divinæ naturæ est, quod virtute naturæ divinæ ipsius naturæ similitudo creaturis communicetur; non tamen hæc communicatio fit per necessitatem naturæ, sed per voluntatem. — *de Pot.* l. c. ad 2.

Ad quartum dicendum, quod natura non subjacet voluntati in his, quæ sunt intima rei; sed quantum ad ea, quæ sunt extra rem, nihil prohibet naturam subjici voluntati. Unde et in motu locali in animalibus natura muscularum et nervorum subjacet appetitui imperanti. Unde nec est inconveniens, si virtute naturæ divinæ creaturæ producuntur in esse secundum arbitrium divinæ voluntatis. — l. c. ad 4.

Ad quintum dicendum, quod non est ex immobilitate naturæ solum, quod aliquid ex necessitate producit, sed ex ejus determinatione ad unum, quæ non competit divinæ voluntati, licet in ea sit immutabilitas summa. — l. c. ad 7.

Ad sextum dicendum, quod licet operatio Dei naturaliter ei competit, cum sit ejus natura vel essentia; effectus tamen creaturæ operationem consequitur, quæ per modum intelligendi consideratur ut principium voluntatis, sicut et effectus calefactionis sequitur secundum modum caloris. — l. c. ad 8.

Ad septimum dicendum, quod Dionysius per verba illa non intendit excludere electionem a Deo simpliciter, sed secundum quid, in quantum scilicet non quibusdam solum bonitatem suam communicat, sed omnibus, prout scilicet electio discretionem quandam importat. — *Vel dic*, quod similitudo Dionysii est intelligenda quan-

tum ad universalitatem diffusionis (sol enim in omnia corpora radios effundit, non discernendo unum ab alio ; et similiter divina bonitas) ; non autem intelligitur quantum ad privationem voluntatis. — 1a, q. 19, a. 4, ad 4; *de Pot.* l. c. ad 4.

fico formam ; cum autem dico *hic homo*, significo formam in materia ; ita cum dicitur *mundus*, significatur forma ; cum autem dicitur *hic mundus*, significatur forma in materia : ergo nihil prohibet esse plures mundos. — 1a, l. c. arg. 3.

4. Præterea, quanto aliquid est nobilior, tanto ejus species est magis virtuosa ; mundus autem est nobilior qualibet re naturali hic existente : igitur cum species rei naturalis hic existentis, puta equi aut bovis, possit perficere plura individua, multo magis species totius mundi potest plura individua perficere, et sic erunt plures mundi. — 1. *de Cœlo* l. 49.

Sed contra est : 4. Quod dicitur *Ioan.* 1, 40 : *Mundus per ipsum factus est*; ubi singulariter mundus nominatur, quasi uno solo mundo existente. — 1a, l. c. arg. *Sed contra*.

2. Præterea, Philosophus (1. *de Cœlo* a *text.* 76; c. 8; et a *text.* 93; c. 9) probat unicum esse mundum, non autem plures ; idemque ostendit (12. *Metaphys.* *text.* 49; l. 44, c. 8), ex immaterialitate primi motoris arguens ejus unitatem et ex hac unitate mundi. — 1. *de Cœlo* l. 16 et 19; 12. *Metaphys.* l. 40 (7).

RESPONDEO DICENDUM, quod ipse ordo in rebus sic a Deo creatis existens unitatem mundi manifestat. Mundus enim iste unus dicitur unitate ordinis, secundum quod quædam ad alia ordinantur ; quæcumque autem sunt a Deo, ordinem habent ad invicem et ad ipsum Deum. Quædam enim quibusdam deserviunt ; quæ autem diversa sunt, in unum ordinem non convenienter, nisi ab aliquo uno ordinarentur. Melius enim multa reducuntur in unum ordinem per unum quam per multos, quia per se unius unum est causa, et multa non sunt causa unius nisi per accidens, in quantum scilicet sunt aliquo modo unum. Unde cum illud, quod est primum, sit perfectissimum et per se, non per accidens, oportet quod primum reducens omnia in unum ordinem sit unum tantum, et hoc est Deus ; et ita necesse est quod omnia ad unum mundum pertineant. Et ideo illi potuerunt po-

QUÆSTIO XXVIII

DE PROPRIETATIBUS MUNDI.

Deinde considerandum est de proprietatibus mundi.

CIRCA QUAS QUÆRUNTUR TRIA :

1. Utrum mundus sit tantum unus vel plures.
2. Utrum mundus sit perfectus.
3. Utrum potuerit Deus facere mundum meliorem et perfectiorem, quam fecerit.

ARTICULUS I

UTRUM MUNDUS SIT TANTUM UNUS AN PLURES.

Videtur quod mundus non sit unus, sed sint plures : —

1. quia inconveniens est dicere, quod Deus sine ratione res creaverit, ut dicit Augustinus (libro LXXXIII Quæstionum, q. 46; — Migne PP. L. t. 40, col. 30); sed ea ratione, qua creavit unum, potuit creare multos, cum ejus potentia non sit limitata ad unius mundi creationem, sed sit infinita : ergo Deus plures mundos produxit. — 1a, q. 47, a. 3, arg. 4; 1. *de Cœlo* l. 19.

2. Præterea, natura facit quod melius est, et multo magis Deus ; sed melius esset esse plures mundos quam unum ; quia plura bona paucioribus meliora sunt : ergo plures mundi facti sunt a Deo. — 1a, l. c. arg. 2; 1. *de Cœlo* l. 19.

3. Praeterea, omne quod habet formam in materia, potest multiplicari secundum numerum, manente eadem specie, quia multiplicatio secundum numerum est ex materia ; sed mundus habet formam in materia. Sicut enim cum dico *homo*, signi-

nere plures mundos, qui causam mundi non posuerunt aliquam sapientiam ordinantem, sed casum, ut Democritus, qui dixit ex conursu atomorum factum esse hunc mundum et alios infinitos. — 1a, q. 47, a. 3, c., et q. 41, a. 3, c.

Ad primum ergo dicendum, quod hæc est ratio, quare mundus est unus, quia debent omnia esse ordinata uno ordine et ad unum; propter quod Aristoteles (12. *Metaphys.* a. *text.* 52; l. 11, c. 10) ex unitate ordinis in rebus existentis concludit unitatem Dei gubernantis; et Plato in *Timæo* ex unitate exemplaris probat unitatem mundi quasi exemplati. — 1a, q. 47, a. 3, ad 1.

Vel dicendum, quod si Deus ficeret alios mundos, aut ficeret eos similes huic mundo aut dissimiles; si omnino similes, essent frustra, quod non competit sapientiæ ipsius; si autem dissimiles, nullus eorum comprehendenderet in se omnem naturam corporis sensibilis, et ita nullus eorum esset perfectus, sed ex omnibus constitueretur unus mundus perfectus. — 1. *de Cœlo* l. 19.

Ad secundum dicendum, quod nullum agens intendit pluralitatem materialem ut finem, quia materialis multitudo non habet certum terminum, sed de se tendit in infinitum; infinitum autem repugnat rationi finis. Cum autem dicitur, plures mundos esse meliores quam unum, hoc dicitur secundum multitudinem materialem. Tale autem melius non est de intentione Dei agentis, quia eadem ratione dici posset, quod si fecisset duos, melius esset quod essent tres, et sic in infinitum. — 1a, q. 47, a. 3, ad 2.

Vel dic, quod hoc ipsum pertinet ad bonitatem mundi, quod sit unus, quia unum habet rationem boni; videmus enim, quod per divisionem aliqua decidunt a bonitate propria. — 1. *de Cœlo* l. 19.

Ad tertium dicendum, quod mundus constat ex tota sua materia; non enim est possibile, esse aliam terram quam istam, quia omnis terra ferretur naturaliter ad hoc medium, ubiquecumque esset. Et eadem ratio est de aliis corporibus, quæ sunt partes

mundi. — 1a, l. c. ad 3; 1. *de Cœlo* l. 16.

Ad quartum dicendum, quod majoris virtutis est facere unum perfectum quam facere multa imperfecta; singula autem individua rerum naturalium, quæ sunt hic, sunt imperfecta, quia nullum eorum comprehendit in se totum quod pertinet ad suam speciem. Sed mundus hoc modo perfectus est; unde ex hoc ipso ejus species ostenditur magis virtuosa. — 1. *de Cœlo* l. 19.

ARTICULUS II

UTRUM MUNDUS SIT PERFECTUS.

Videtur quod mundus non sit perfectus.

1. Perfectum enim est illud, cui nihil deest, ut dicit Philosophus (5. *Metaphys.* *text.* 21; l. 4, c. 16); sed mundi perfectio essentialis consistit in speciebus; non sunt autem in illo omnes species rerum a Deo producibiles, cum quibuscumque datis possit Deus producere plures et nobiliores in infinitum: ergo mundus non est perfectus. — 5. *Metaphys.* l. 18 (21); 1a, q. 25, a. 6; *de Verit.* q. 20, a. 4, c.; 1. *Sent.* dist. 44, q. 1, a. 3; 2. c. *Gent.* c. 27 et 46.

2. Præterea, non dicitur aliquid esse perfectum et completum, cui multa superadduuntur, nisi sint illa superflua; sed post septimum diem, quo dicitur Deus quievisse a productione universi, multa sunt facta, puta nova individua, et novæ quædam species animalium frequenter apparent, quæ prius nunquam apparebant, ut patet in illis quæ ex putrefactione generantur, ut dicit Philosophus (*de Animalibus* l. 17 seu *de Generat. Animal.* l. 3, c. 11). Quædam etiam sunt, in quibus sola divina virtus operatur, quæ post illum septimum diem apparuerunt, ut animarum creatio, gratiæ infusio, miraculorum operatio, opus Incarnationis et gloria beatorum quoad animas et corpora futura post resurrectionem. Ergo mundus non sicut factus perfectus. — 1a, q. 73, a. 1, arg. 3; 2. *Sent.* dist. 15, q. 3, a. 1, arg. 7 et 8.

3. Præterea, quamdiu artifex ab opere

suo non cessat, opus suum non perficit; sed Deus nunquam ab operatione sua cessat, cum operatio sit sua essentia, quæ æterna est; ergo Deus non fecit mundum perfectum.

— 2. *Sent.* I. c. arg. 3.

4. Præterea, secundum Avicennam (*de Intelligentiis* c. 1 et sqq.) omne agens, quod non agit per motum, non habet actionem in effectu solum quamdiu sit, sed quamdiu in eo perdurat, cum non tantum sit causa fieri, sed essendi; sed Deus est causa agens rei non per motum, cum non requirat materiam ex qua agat, quam oportet esse subjectum motus: ergo videtur quod ipse, quamdiu mundus durat, sua actione esse mundo influat, et ita videtur quod, quando Deus fecit mundum, non fecerit illum perfectum. — *Ibid.* arg. 4.

Sed contra: 1. consummatio et completio rei est quædam illius perfectio; sed *Gen.* 2, 2 dicitur, quod Deus die septimo consummavit opus, quod fecerat, puta totum universum: ergo mundus est a Deo factus perfectus. — 1a, l. c. et 2. *Sent.* I. c. arg. *Sed contra.*

2. Præterea, *Deuter.* 32, 4 dicitur, quod Dei perfecta sunt opera, et *Gen.* 1 singula, quæ Deus creavit, dicuntur bona; omnia autem simul dicuntur valde bona, ad indicandam mundi perfectionem: ergo mundus a Deo factus est perfectus. — *de Spirit. Creat.* a. 5, c.

3. Præterea, omne agens agit sibi simile, secundum quod possibile est; sed Deus est perfectissimum agens: ergo debet mundum a se factum produxisse perfectum. — *Opusc.* 2, c. 72.

RESPONDEO DICENDUM, quod mundus a Deo productus est perfectus. Quod manifeste patet, *primo*, quia secundum hoc dicitur aliquid esse perfectum, secundum quod nihil illi deest secundum modum suæ perfectionis. Duplex autem est perfectio rei: *una* totalitatis, quam res habet ex hoc, quod ex omnibus partibus suis integralibus constat; et hanc habet mundus, ut inquit Philosophus (4. *de Cœlo* text. 4 et 5; c. 1). Nam partes integrales universi sunt tantum corpora cœlestia et elementa, quibus

manifeste patet illud constare; nam animalia et plantæ et alia hujusmodi sunt secundarie partes ejus, quæ magis pertinent ad bene esse ipsius quam ad primam institutionem; quia constitutus universum corporeum ex suis partibus secundum ordinem situs; quæ autem primo et per se habent ordinem situs in universo, sunt corpora simplicia, puta cœlum et elementa; nam aliis partibus universi, puta lapidibus, plantis et animalibus, non determinatur situs secundum se, sed secundum simplicia corpora. *Altera* perfectio est finis; finis autem vel est operatio, sicut finis cytharistæ est cytharizare; vel est aliquid ad quod per operationem pervenitur, sicut finis ædificatoris est domus, quam ædificando facit. Et hæc etiam inest universo. Nam corpora cœlestia influunt in sublunaria, hæc autem in se agunt et patiuntur, ut dicimus. — 1a, q. 4, a. 1, c. et q. 73. a. 4, c.; 1. *de Corlo* l. 3 et Proœm.; *Tabula Aurea* voce « cœlum » n. 50, 69, 70, 458.

Secundo, perfectio universi essentialis non attenditur in individuis, quorum multiplicatio ordinatur ad perfectionem speciei, sed in speciebus per se; sed in universo omnes naturæ possibles inveniuntur, puta omnes modi generales essendi et omnes gradus perfectionis. Nam capacitas potentiae naturalis tota impleta est quoad genera singulorum, non quoad singula generum, ad differentiam potentiae obedientialis, quæ neutrō modo impleri potest. Cujus ratio est, quia Deus unicuique rei dat secundum capacitatem naturalium; ad ipsum enim, qui infinito amore diligit ea, quæ sunt, pertinet ut nullum bonum creaturæ deneget, atque adeo ipsi universo, cuius ipsum sit naturaliter capax. Unde manifestum est, quod mundus est perfectus. — *Tabula Aurea* voce « perfectio » n. 9 et 25; 2. c. *Gent.* c. 91, n. 5, et c. 46; vide Francisc. Silvestrum (Ferrariensem) in h. loc., et Cajetanum in 1am, q. 51, a. 1; — *de Verit.* q. 29, a. 3, ad 3; 3a, q. 1, a. 3, ad 3; 3. *Sent.* dist. 1, q. 1, a. 3, ad 4.

Ad primum ergo dicendum, quod de perfectione essentiali universi non sunt

modi particulares et specifici essendi (nam cum hi sint infiniti, non possunt simul omnes ponи), sed tantum modi generales essendi, qui sunt finiti, puta tres: insensibilium, sensibilium et intellectualium. — 2. c. *Gent.* c. 46; v. Ferrariensem in h. loc.

Ad secundum dicendum, quod nihil post mundum conditum a Deo factum est novum totaliter, quin aliquo modo in ipso continetur. Quando enim in mundo creato tantum erat Adam, nondum creata Eva, haec materialiter praeexistit in costa Adae. Similiter individua, quae de novo in mundo producuntur, causaliter præcesserunt in primis individuis suarum specierum. Species etiam novae, si quae generantur, præexistenterunt virtualiter in productis a Deo. Sic animalia ex putrefactione generata producuntur ex virtutibus stellarum et elementorum, quas in mundi conditione acceperunt, etiamsi novae species talium animalium producuntur. Animalia etiam quædam secundum novam speciem aliquando oriuntur ex commixtione animalium diversorum secundum speciem, sicut cum ex asino et equa generatur mulus; et haec etiam causaliter præcesserunt in primis individuis a Deo conditis. — Quædam denique præcesserunt secundum similitudinem, sicut animæ, quæ nunc creantur; et similiter Incarnationis opus, quia, ut dicitur ad *Phil.* 2, 7: « Filius Dei in similitudinem hominum factus ». Nisi dicas quoad creationem animalium, quod essentialis universi perfectio consistit in speciebus, accidentalis vero in individuis; et propterea quia multiplicatio animalium non est secundum diversam speciem, sed secundum numerum tantum, ex hoc quod multæ animæ quotidie creantur, nihil ad essentiale universi perfectionem adjungitur, sed ad accidentalem tantum, quod non est inconveniens. Gloria vero spiritualis secundum similitudinem præcessit in angelis, corporalis vero in cœlo, præcipue empyreo. Unde dicitur *Eccle.* 1, 10: « Nihil sub sole novum . . . Jam enim præcessit in sæculis, quæ fuerunt ante nos. » — 1a, q. 73, a. 1, ad 3; 2. *Sent.*

dist. 15, q. 3, a. 1, ad 7 et 8, et dist. 17, q. 2, a. 2, ad 6.

Vel dic, quod nihil facit Deus in creatura, quod aliquo modo in primis diebus non præcesserit, sed diversimode. Quædam enim fuerunt in operibus sex dierum ut in principiis activis et materialibus et secundum similitudinem speciei, ut ea, quæ generantur ex sibi similibus in natura. Quædam vero sicut in principiis activis et materialibus, sed non secundum similitudinem speciei, sicut quædam animalia ex putrefactione genita; cum enim haec producantur ex virtute cœlesti, quæ tenet in eorum generatione locum virtutis formativæ, fuerunt producta in operibus sex dierum in suis principiis, scilicet materia, et in rationibus seminalibus, sicut etiam alia, quæ per operationem naturæ producuntur. Quædam vero fuerunt in prædictis operibus sicut in principiis disponentibus et non activis, et secundum similitudinem speciei, sicut anima rationalis. Quædam denique ut in potentia obedientiae tantum, sicut ea, quæ per miraculum fiunt et quæ ad gratiam pertinent. — 2. *Sent.* dist. 15, q. 3, a. 1, ad 7 et 8.

Ad tertium dicendum, quod Deus non dicitur cessare ab operatione nisi ex parte effectus consequentis; ipse enim non agit aliqua operatione media vel intrinseca vel extrinseca, quæ non sit sua essentia, quia suum velle est suum facere, et suum velle est suum esse; nec tamen ab æterna operatione sequitur effectus nisi secundum determinationem voluntatis. Unde dicitur incipere operari vel ab operatione cessare ex parte effectus. — l. c. ad 3.

Ad quartum dicendum, quod sicut influentia solis per irradiationem est semper, quamdiu aer illuminatur, ut possit dici: semper sol facit lumen in aere; ita divina bonitas semper esse rebus influit, non aliud et aliud, sed unum et idem. Nec tamen res dicuntur semper fieri vel creari vel institui apud nos, sed tunc, cum primo esse acceperunt. Et ideo dicitur, quod cessat creare vel facere mundum. — l. c. ad 4.

ARTICULUS III

UTRUM DEUS POTUERIT FACERE UNIVERSUM
PERFECTIUS.

Videtur quod Deus non potuerit facere universum perfectius.

1. Quidquid enim Deus facit, potentissime et sapientissime facit; sed tanto sit aliquid melius, quanto sit potentius et sapientius: ergo Deus non potest facere universum melius. — *Ia*, q. 25, a. 6, arg. 1; *I. Sent.* dist. 44, q. 1, a. 1, arg. 3.

2. Praeterea, Augustinus (*contra Maximinum* l. 2, c. 7; — Migne PP. L. t. 42, col. 762) sic argumentatur: Si Deus potuit et noluit gignere Filium sibi aequalem, invidus fuit; eadem ratione, si Deus potuit universum facere melius et perfectius quam fecerit, et noluit, invidus fuit; sed invidia est omnino releganda a Deo: ergo Deus universum fecit optimum; non ergo potuit illud facere perfectius quam fecit. — *Ia*, l. c. arg. 2.

3. Praeterea, id quod est maxime et valde bonum, non potest melius fieri, quia maximo nihil est majus; sed, sicut dicitur *Gen.* 1, 31, vedit Deus cuncta quæ fecerat, et erant valde bona: ergo bonum universi non potest a Deo fieri melius. — *Ia*, l. c. arg. 3.

4. Praeterea, omne quod est communicabile creaturæ, est ei communicatum; cum enim bonitas Dei infinita sit, ad eum pertinet, ut communicet se quantum potest; sed ex hoc universum est bonum, quod consistit ex creaturis divinam bonitatem participantibus: ergo universum melius esse non potest. — Hannibaldus in *I. Sent.* dist. 44, q. 1, a. 1, arg. 2; *I. Sent.* dist. 44, q. 1, a. 2, arg. 3.

5. Praeterea, omni agenti propter finem finis est ratio faciendi et non faciendi; sed Deus agit propter finem, qui est sua bonitas, quæ non potest esse ratio non faciendi universum in meliori bonitate, si melius esse posset: ergo Deus non potest universum facere melius. — Hannibaldus in *I. Sent.* l. c. arg. 3.

6. Praeterea, secundum Dionysium (*de Div. Nom.* c. 4; — Migne PP. Gr. t. 3, col. 694) et Platonem (*in Convivio* c. 4) optimi est optima adducere; sed optimo nihil est melius: ergo universo, quod Deus fecit, qui optimus est, nihil melius esse potest. — *I. Sent.* l. c. a. 1, arg. 1.

7. Praeterea, una res non deficit a bonitate alterius nisi per hoc quod deficit a participatione divinæ bonitatis; sed iste defectus non est ex parte Dei, quia æqualiter se habet, ut ait Dionysius (l. c. c. 2, § 5 et 6; — Migne PP. Gr. t. 3, col. 643), ad omnes creaturem; sed ex parte ipsius rei, quæ magis vel minus bonitatis divinæ capax est: ergo videtur quod Deus rem quamlibet et consequenter ipsum universum melius facere non possit. — l. c. arg. 4.

Sed contra, omni finito Deus potest facere majus, cum sua potentia sit infinita; sed bonitas universi est finita, alias æquaretur bonitati factoris, quod est impossibile: ergo Deus potest facere bonitatem majorem et perfectiorem, quam sit bonitas universi. — Hannibaldus in *I. Sent.* dist. 44, q. 1, a. 1, arg. 1. *Sed contra*.

RESPONDEO DICENDUM, quod secundum Philosophum (12. *Metaphys. text.* 52; l. 11, c. 10) bonum universi consistit in duplice ordine, nimirum in ordine partium universi ad invicem, et in ordine totius universi ad finem, qui est ipse Deus; sicut etiam in exercitu est ordo partium exercitus ad invicem secundum diversa officia, et est ordo ad bonum ducis, quod est victoria, et hic ordo est præcipuus, propter quem est primus ordo. — Accipiendo ergo bonum ordinis, qui est in partibus universi ad invicem, tale bonum considerari potest *vel* quantum ad partes ipsas ordinatas *vel* quantum ad ordinem partium. Si quantum ad *partes ipsas*, tunc potest intelligi universum fieri melius et perfectius *vel* per additionem plurium partium, si nimirum multæ aliae species creentur, et impleantur multi gradus bonitatis, qui possunt esse, cum etiam inter summam creaturam et Deum sit infinita distantia; et sic Deus melius et perfectius universum facere potuisset et posset. Sed

illud universum se haberet ad hoc sicut totum ad partem, et sic nec penitus esset idem nec penitus esset diversum; et hæc additio bonitatis esset per modum quantitatis discretæ. — *Vel* potest intelligi fieri melius quasi intensive, quasi mutatis omnibus partibus ejus in melius; quia si aliquæ partes meliorarentur aliis non melioratis, non esset tanta bonitas ordinis; sicut patet in cythara, cujus si omnes chordæ meliorantur, fit dulcior harmonia, sed quibusdam tantum melioratis fit dissonantia. Haec autem melioratio omnium partium vel potest intelligi secundum bonitatem accidentalem, et sic posset Deus facere universum melius et perfectius quam sit, manentibus iisdem partibus et eodem universo; vel secundum bonitatem essentialiem, et sic non potest Deus facere universum melius quam ipsum sit, sicut nec rem meliorem quam ipsa sit, licet possit aliquid aliud universum facere eo melius, alias species creando, ut dictum est: sicut etiam non potest facere quaternarium majorem, quia si esset major, jam non esset quaternarius, sed alius numerus; sic enim se habet additio differentiæ substancialis in definitionibus, sicut additio unitatis in numeris, ut dicitur 8. *Metaphys.* (*text.* 10; l. 7, c. 3). — 1. *Sent.* dist. 44, q. 4, a. 4 et 2; Hammibaldus *Ibid.*; 1a, q. 25, a. 6, c.

Si autem accipiatur ipse *ordo partium*, sic non potest universum esse melius per modum quantitatis discretæ, nisi fiat additio in partibus universi, quia in universo nihil est inordinatum. Sed intensive posset esse melius, manentibus iisdem partibus, quantum ad ordinem qui sequitur bonitatem accidentalem; quanto enim aliquid in majus bonum redundant, tanto ordo melior est. Sed ordo qui sequitur bonitatem essentialiem, non potest esse melior, nisi fiant aliæ partes et aliud universum.

Similiter *ordo* qui est *ad finem* potest considerari *vel* ex parte ipsius finis; et sic non potest esse melior, ut scilicet in meliorem finem universum ordinetur, sicut Deo nihil melius esse potest; — *vel* quantum ad ipsum ordinem; et sic secundum

quod cresceret bonitas partium universi et ordo earum ad invicem, posset meliorari ordo in finem ex eo quod propinquius ad finem se haberent, quanto similitudinem divinæ bonitatis magis consequerentur, quæ est omnium finis. — *Ibid.*

Ad primum ergo dicendum, quod cum dicimus Deum posse aliquid facere melius, quam fecit, si ly *melius* sit nomen, verum est; qualibet enim re potest facere aliam meliorem. Eandem vero potest facere meliorem quodammodo, et quodammodo non, sicut dictum est; et idem dico de universo. — Si vero ly *melius* sit adverbium et importet modum ex parte facientis, Deus non potest facere melius quam sicut facit, quia non potest facere ex majori bonitate et sapientia. Si autem importet modum ex parte facti, sic potest facere melius, quia potest dare rebus a se factis meliorem modum essendi quantum ad accidentalia, licet non quantum ad essentialia. — 1a, q. 25, a. 6, ad 4.

Vel dic, quod licet Deus produxerit universum et producat unamquamque rem tota sua potentia infinita, non tamen sequitur quantitas bonitatis in effectu nisi secundum voluntatem opificis, quæ se habet ut imperans ad opus, quod potentia exsequendo educit. — 1. *Sent.* dist. 44, q. 4, a. 1, ad 3.

Ad secundum dicendum, quod de ratione Filii est quod æquetur Patri; non est autem de ratione creaturæ, quod sit melior quam a Deo facta est (1a, l. c. ad 2). — *Vel dic*, quod quamvis accipere a Patre sit commune Filio cum omni creatura communitate analogiæ, tamen habere per naturam est sibi proprium, sicut ipsem dicit. Et ideo æqualitas paterna debetur sibi per naturam; unde si non æqualem genuisset, cum potuisse, Deus Pater invidus fuisset, quia subtraxisset dignitatem Filio, quam deberet et posset habere. Sed creatura nunquam potest perlingere ad æqualitatem Dei, nec alia mensura bonitatis illi debetur quam secundum determinationem divinæ voluntatis; et ideo nulla invidia in Deo resultat, si universum melius facere potuit quam

fecit. Et hoc est, quod Hilarius dicit (*de Synodis* c. 24, n. 58; — Migne P.P. L. t. 10, col. 520), quod omnibus creaturis substantiam Dei voluntas attulit, sed Filio natura dedit. — 1. *Sent.* l. c. ad 2.

Ad tertium dicendum, quod universum suppositis istis rebus non potest esse melius propter decentissimum ordinem his rebus attributum a Deo, in quo bonum universi consistit; quorum si unum aliquod esset melius, corrumperetur proportio ordinis; sicut si una chorda plus debito intenderetur, corrumperetur citharae melodia. Posset tamen Deus alias res atque adeo aliud universum facere vel alias res addere istis rebus factis, et sic esset illud universum melius. — 1a, q. 25, a. 6, ad 3.

Ad quartum dicendum, quod multa sunt communicabilia creaturae, quæ non sunt communicata, et tamen Deus infinita bonitate creaturis communicat bona sua; communicat enim eis secundum quod ratio sapientiae exigit secundum respectum ad modum, quem divina bonitas præfixit. — Hannibald. in 1. *Sent.* dist. 44, q. 1, a. 1, ad 2.

Ad quintum dicendum, quod licet absolute loquendo divina voluntas non possit esse ratio, quare universum non fiat melius, tamen potest esse ratio ejus, si præsupponatur modus a voluntate divina præfixus; hoc enim divinæ competit voluntati, ut illud sit in rebus, quod divina sapientia et voluntas determinavit. — *Ibid.* ad 3.

Ad sextum dicendum, quod quælibet res in se considerata non est optima, nisi forte in quantum attingit omnem bonitatem suam essentialē, sicut si dicatur ternarius esse maximus, quia attingit quantitatem suæ speciei; sed in ordine ad universum est optima, sicut Augustinus dicit (*Enchirid.* c. 10; — Migne P.P. L. t. 40, col. 236). — 1. *Sent.* dist. 44, q. 1, a. 1, ad 1.

Ad septimum dicendum, quod diversitas graduum in entibus non tantum est ex parte rerum, quarum capacitates ad invicem distant, sed etiam ex ordine sapientiae disponentis, quæ diversas capacitates rebus tri-

buit, quibus postmodum secundum providentiam suam dona sua largitur, quæ pro diversitate capacitatum a Deo ordinatarum, diversimode a diversis participantur. — 1. c. ad 4.

QUÆSTIO XXIX

DE NATURA CŒLI.

Deinde considerandum est de cœlo, de quo quinque investiganda sunt: natura, unitas, motus, actio et accidentia.

CIRCA PRIMUM QUÆRUNTUR QUATUOR;

1. Utrum cœlum habeat materiam vel illa caret, seu utrum sit compositum ex materia et forma.
2. Utrum cœlum habeat materiam diversæ rationis a materia sublunarium, an vero ejusdem, ita ut sit una materia omnium corporalium.
3. Utrum cœlum sit animatum.
4. Utrum cœlum sit ingenerabile et incorruptibile.

ARTICUTUS I

UTRUM CŒLUM HABEAT MATERIAM VELILLA CAREAT, SEU UTRUM SIT COMPOSITUM EX MATERIA ET FORMA.

Videtur quod cœlum caret materia ac proinde non sit compositum ex materia et forma.

1. Dicit enim Philosophus (8. *Metaphys. text.* 42; l. 7, c. 4; et 12. *Metaphys. text.* 40; l. 11, c. 2), quod naturales et sempiternæ substancialē, ut cœli, vel non habent materiam, vel si habent, habent tantum mobilem secundum locum; ergo cœlum non habet materiam. — 8. *Metaphys.* l. 4 (3); 12. *Metaphys.* l. 2 (1).

2. Praeterea, dicit Philosophus (8. *Metaphys. text.* 44; l. 7, c. 5), quod non cuiuslibet rei materia est pars, sed tantum rei generabilis et corruptibilis; sed cœlum, ex Philosopho (1. *de Cœlo text.* 20; c. 3), est ingenerabile et incorruptibile: ergo cœlum non habet materiam. — 8. *Metaphys.* l. 4 (3); 1. *de Cœlo* l. 6.

3. Præterea, materia, ut dicit Philosophus (*1. Phys. tert.* 82; c. 9), est subiectum, ex quo fit aliquid, cum insit; sed cœlum, ut dicitur *2. de Cœlo* (*text.* 4; c. 1), non est factum: ergo non est compositum ex materia et forma. — *1. Phys.* I. 15 (14); *2. de Cœlo* I. 1.

4. Præterea, ea quæ habent materiam, necessario habent contraria, ut dicitur *1. de Cœlo* (*text.* 20; c. 3) et *de Longitudine et Brevitate Vitæ* (c. 2); unde dicit Philosophus (*1. Phys. tert.* 68; c. 7), quod materia est subiectum contrariorum; sed cœlum non habet contrarium, quia est incorruptibile, ut dicitur *1. de Cœlo* (I. c.): ergo cœlum non habet materiam. — *1. de Cœlo* I. 6; *1. Phys.* I. 13 (12).

5. Præterea, dicit Philosophus (*9. Metaphys. text.* 17; I. 7, c. 8), quod nullum æternum habet potentiam passivam, eo quod omnis potentia passiva est potentia contradictionis; sed cœlum secundum Philosophum est æternum, ut dictum est (supra arg. 1): ergo cœlum non est compositum ex materia. — *9. Metaphys.* I. 9 (4).

6. Præterea, dicit Philosophus (*1. de Generat. text.* 54; c. 7), quod illa activa sunt impassibilia, quæ non habent formam in materia, illa vero sunt passibilia, quæ habent formam in materia; sed cœlum est activum impassibile: ergo caret materia. — *1. de Generat.* I. 20.

7. Præterea, Philosophus (*12. Metaphys. text.* 30; I. 11, c. 6) ex eo quod intelligentiae sunt substantiae sempiternæ, arguit, quod debeant carere materia; sed cœlum secundum Philosophum (*2. de Cœlo text.* 1; c. 1) est æternum: ergo cœlum non est compositum ex materia. — *12. Metaphys.* I. 5 (4); *2. de Cœlo* I. 1.

8. Præterea, ut colligitur ex Philosopho (*8. Metaphys. text.* 4; I. 7, c. 1), sola generatio et corruptio sunt principium venienti in cognitionem materiæ primæ; sed in cœlo non est generatio neque corruptio, cum sit ingenerabile et incorruptibile, ut dicitur *1. de Cœlo* (*text.* 20; c. 3): ergo in cœlo non est materia. — *8. Metaphys.* I. 1; *1. de Cœlo* I. 6.

Sed contra est: 1. cœlum est corpus naturale, ut dicit Philosophus *1. de Cœlo* (*text.* 1; c. 1) et *8. Metaphys.* (*text.* 1; I. 7, c. 1); sed omnis substantia naturalis, ut dicit Philosophus *2. Phys.* (*text.* 4; c. 1), est composita ex materia et forma: ergo. — *1. de Cœlo* I. 1; *8. Metaphys.* I. 1; *2. Phys.* I. 1.

2. Præterea, dicitur *2. de Generat.* (*text.* 51; c. 9), quod eadem genere et numero æqualia sunt principia in sempiternis atque in generabilibus; sed hujusmodi principia sunt materia et forma, ut ibidem dicitur: ergo cœlum est compositum ex materia et forma. — *2. de Generat.* I. 9.

3. Præterea, omnis substantia, ut dicit Philosophus *2. de Anima* (*text.* 2; c. 1) et *7. Metaphys.* (*text.* 7; I. 6, c. 3) et *8. Metaphys.* (*text.* 3; I. 7, c. 1) vel est materia vel forma vel compositum ex illis; sed cœlum non est sola forma; nam forma materialis respicit, eum sit actus ipsius; neque est sola materia, tum quia materia est propter formam, tum quia motus localis, qui convenit cœlo, habet pro subiecto compositum ex materia et forma, ut dicitur *1. de Generat.* (*text.* 23 et 24; c. 4): ergo cœlum est compositum ex materia et forma. — *2. de Anima* *text.* I. 1; *7. Metaphys.* I. 2; *8. Metaphys.* I. 1; *Tabula Aurea* voce «forma» n. 84 et 79.

4. Præterea, dicit Philosophus (*8. Metaphys. text.* 4; I. 7, c. 1), quod in omni mutatione est accipere materiam, sicut in omni mutatione est aliquis modus fieri vel simpliciter vel secundum quid; sed in cœlo est mutatio aliqua et aliquod fieri secundum quid; est enim mutatio localis et aliqua alteratio secundum illuminationem et obscurationem: ergo in cœlo etiam est materia. — *8. Metaphys.* I. 1.

RESPONDEO DICENDUM, quod Averroes (*de Substantia Orbis* c. 2) dicit, quod corpus cœleste non est compositum ex materia et forma quasi ex potentia et actu, sed dicit ipsum esse materiam actu existentem, et formam ejus dicit animam ipsius, ita tamen, quod non constituantur in esse per formam, sed solum in moveri; et sic dicit

in eo esse non potentiam ad esse, sed solum ad ubi, sicut dicit Philosophus (42. *Metaphys. text.* 40; l. 41, c. 2). Sed haec positio et veritati repugnat et intentioni Aristotelis. Veritati quidem repugnat, quia manifestum est, quod corpus cœleste est aliquid ens actu; alioqui non ageret in haec inferiora, nec moveretur, quia quod est in potentia tantum, non est subjectum motus, ut dicitur in 6. *Phys.*, et quia unumquodque agit in quantum est actu (*Tabula Aurea* voce «agens» n. 108). Oportet autem omne quod est actu ens, vel esse formam subsistentem, sicut sunt substantiae separatae, vel habere formam in alio, quod quidem se habet ad formam sicut materia, et sicut potentia ad actum. Non autem potest dici, quod corpus cœleste sit forma subsistens, quia sic esset intellectum in actu, non cadens sub sensum neque sub quantitatem. Relinquitur ergo, quod est compositum ex materia et forma, et potentia et actu, et per consequens in illo est subjectum actualitatis ipsius. — *de Cœlo* l. 6; 8. *Phys.* l. 21; 1a, q. 66, a. 2.

Verum est tamen, quod non oportet quod istud subjectum vel materia habeat privationem, quia privatio nihil aliud est quam absentia formæ quæ est nata inesse. Huic autem materiæ vel subiecto non est nata inesse alia forma, sed forma ipsius replet totam potentialitatem materiæ, cum sit quædam totalis et universalis perfectio. Quod patet ex hoc, quod virtus activa ejus est universalis, non particularis, sicut virtus inferiorum corporum, quorum formæ tamquam particulares existentes non possunt replere totam potentialitatem materiæ; unde simul cum una forma remanet in materia privatio formæ alterius, quæ est apta nata inesse. Et hinc patet error Averrois; deceptus enim fuit per aequivocationem potentiae. Nam potentia quandoque se habet ad opposita; et haec excluditur a corpore cœlesti et a substantiis simplicibus separatis, quia non est in eis potentia ad non esse secundum intentionem Aristotelis: eo quod substantiae simplices sunt formæ tantum; formæ autem convenit esse. Materia

autem corporis cœlestis non est in potentia ad aliam formam. Sicut enim corpus cœleste comparatur ad suam figuram, cuius est subjectum, ut potentia ad actum, et tamen non potest non habere talam figuram: ita materia corporis cœlestis comparatur ad talam formam ut potentia ad actum, et non est in potentia ad privationem hujus formæ vel ad non esse. Non enim omnis potentia est oppositorum; alioquin possibile non sequeretur ad necesse, sicut dicitur in 2. *Periherm.* c. 3 (al. *de Interpret.* c. 43). Est etiam ejus positio contra Philosophum, qui l. *de Cœlo* in quadam demonstratione dicit, quod corpus cœleste habet potentiam vel virtutem ad hoc quod sit semper; ergo secundum Philosophum cœlum habet potentiam ad esse. — 4. *de Cœlo* l. 6; 8. *Phys.* l. 21; 1a, q. 66, a. 2.

Quod confirmari potest etiam dato quod corpus cœleste non sit compositum ex materia et forma: quia necesse est quod omnis substantia simplex subsistens vel ipsa sit suum esse, vel participet esse. Substantia autem simplex, quæ est ipsum esse subsistens, non potest esse nisi una, sicut neque albedo, si esset subsistens, posset esse nisi una; omnis ergo substantia, quæ est post primam substantiam simplicem, participat esse. Omne autem participans componitur ex participante et participato, et participans est in potentia ad participatum; ergo substantia quantumunque simplex post primam substantiam simplicem est potentia essendi. Unde relinquitur quod in corpore cœlesti est potentia ad esse, non tamen ad privationem illius, quia non est in illo potentia ad aliam formam; et praeterea, quia est compositum ex materia et forma, licet in ejus materia non sit privatio alicuius formæ, sed tantum alicuius *ubi*; unde consequenter non est mutabile secundum formam per generationem et corruptionem, sed solum secundum *ubi*. — 8. *Phys.* l. 21.

Ad primum ergo dicendum, quod sensus Philosophi (42. *Metaphys.* l. c.) est, quod quæcumque transmutantur oportet quod habeant materiam, sed aliam et aliam.

Ea enim quæ transmutantur secundum substantiam seu quæ generantur et corruptuntur, habent materiam, quæ est subjectum generationis et corruptionis, quæ scilicet de se est in potentia ad formas et privationes; sed corpora cœlestia, quæ sunt sempiterna et ingenerabilia, sed mobilia secundum locum, habent quidem materiam, sed non quæ est subjectum generationis, aut quæ sit in potentia ad formam et privationem, sed quæ est in potentia ad terminos motus localis, qui sunt, unde incipit motus, et quo motus tendit. — 12. *Metaphys.* l. 2 (1).

Sensus vero 8. *Metaphys.* (l. c.), ubi dicitur, quod forsitan cœlestia corpora non habent materiam, vel si habent, non talem qualiter habent generabilia et corruptibilia, sed solum secundum potentiam quæ est in motu locali, hic est. Cum enim, ut colligitur ex Philosopho (8. *Metaphys. text.* 4; l. 7, c. 1), in rebus generabilibus et corruptibilibus generatio et corruptio induant in cognitionem materiae, quia in generatione et corruptione oportet esse unum subjectum commune ad privationem et formam, sequitur quod, quia in corpore cœlesti non est potentia ad privationem formæ, sed solum ad diversa loca, cœlum non habet materiam, quæ sit in potentia ad formam et privationem, sed quæ est in potentia ad diversa loca. Corpus autem comparatur ad locum non sicut materia ad formam, sed magis sicut subjectum ad accidens; et licet comparatio subjecti ad accidens sit quoddammodo ut materiae ad formam, non tamen subjectum est omnino materia. Et sic corpus cœleste universaliter nullo modo habet materiam si subjectum materiam non dicit, vel habet materiam ad ubi si sujectum dicitur materia. — 8. *Metaphys.* l. 4 (3).

Ad secundum dicendum, quod Philosophus ibi comparat compositum generabile et corruptibile ad ejus partem, puta formam, et dicit, quod sicut solum compositum dicitur proprie et per se generari et corrumpi, non autem ejus pars, puta forma, nisi per accidens, ita solius compositi, quod

per se generatur, est ex materia fieri et constare, non autem formæ. — *Ibid.*

Ad tertium dicendum, quod Philosophus loquitur de materia sublunarium, quæ proprie dicuntur fieri et generari, ut dictum est (ad primum); cœlum enim non est factum per generationem, sed a Deo simul forma cœli cum ejus materia productæ sunt per creationem. — 2. *de Cœlo* l. 1; 2. *Sent.* dist. 15, q. 1, a. 1, ad 1; *Opusc.* 42, c. 15 (6).

Ad quartum dicendum, quod quia in omni motu est aliqua contrarietas, ideo etiam in motu cœli est talis contrarietas. Cum enim, ut dictum est (ad primum), in cœlo sit alteratio et motus localis, est contrarietas formæ accidentalis et privationis talis formæ. — 1. *de Cœlo* l. 8.

Ad quintum dicendum, quod Philosophus loquitur de potentia passiva seu de materia ut dicit ordinem ad esse simpliciter, ut patet ex 1. *de Cœlo* (*text.* 136; c. 12), ubi ait, quod ea, quæ generantur et corruptuntur, a natura habent quod quandoque sint vel non sint, et quod eorum, quæ sunt hujusmodi, est eadem potentia contradictionis, scilicet ad esse et non esse: quia quod quandoque sint, quandoque non sint, habent ex materia, quæ subjicitur privationi vel formæ. — 1. *de Cœlo* l. 29.

Vel dic, quod nullum æternum habet potentiam passivam contradictionis ad esse et non esse simpliciter, habet tamen ad esse et non esse secundum quid aut secundum quale aut ubi, ut luna est in potentia ut sit illustrata a sole, et sol est in potentia, cum est in oriente, quod sit in occidente. — 9. *Metaphys.* l. 9 (4).

Ad sextum dicendum, quod sensus Philosophi in 1. *de Generat.* (l. c.) est, quod quæcunque agentia non habent eandem formam in materia, quæ sit ejusdem rationis cum passilibus, hæc, cum sint de numero agentium sive activorum, sunt impassibilia; quæcunque autem habent formam in materia ejusdem rationis, agendo patiuntur. Et patet hoc ex his, quæ subdit; declarat enim, quæ dicatur una materia activorum et passivorum, et dicit quod di-

citur esse una materia cuiuslibet, quæ est susceptiva contrariorum, quæ licet sit una subjecto, differt tamen secundum esse; substantia enim duobus contrariis, quorum unum quia est in activo, alterum in passivo, ideo una materia dicitur esse activi et passivi. Cœlum autem non habet materiam ejusdem rationis cum materia sublunarum, cum in agendo non patiatur. — 4. *de Generat.* I. 20.

Ad septimum dicendum, quod Philosophus optime probat ex eo quod intelligentiae sunt æternæ, quod debent carere materia, quæ sit potentia ad esse simpliciter; ibi enim rationem assert hujus dicti, quia quod potentia est, contingit non esse; unde oportet quod substantia intelligentiae motentis cœlum tota sit actus. — 12. *Metaphys.* I. 5 (4).

Ad octavum dicendum, quod licet ex generatione et corruptione primum deveniamus in cognitionem materiæ primæ (nam hæc proprie est, quæ est subjectum formæ substantialis et privationis; nam si materia prima de se haberet aliquam formam propriam, per eam esset aliquid actu, et sic, cum superinduceretur alia forma, non simpliciter materia per eam esset, sed fieret hoc vel illud ens, et sic esset generatio secundum quid et non simpliciter. Unde omnes ponentes primum subjectum esse aliquod corpus, ut aereum et aquam, posuerunt generationem idem esse quod alterationem); — ex mutatione tamen in universum possumus devenire in cognitionem materiæ, quicunque hanc inesse in omnibus substancialibus sensibilius probat Philosophus 8. *Metaphys.* (text. 4; I. 7, c. 1). — 8. *Metaphys.* I. 1.

ARTICULUS II

UTRUM CŒLUM HABEAT MATERIAM DIVERSÆ RATIONIS, AN EJUSDEM CUM MATERIA SUBLUNARUM.

Videtur quod materia cœli sit ejusdem rationis cum materia sublunarum.

1. Philosophus enim (1. *Phys. text.* 79 et 80; c. 9) unam tantum materiam ponit; sed in illo libro determinat de mobili in communi; ergo omnium corporum cœle-

stium et sublunarum est una materia ejusdem rationis in omnibus. — 2. *Sent. dist.* 12, q. 1, a. 1, arg. 4.

2. Præterea, secundum Philosophum (2. *Metaphys. text.* 42; I. 1 min., c. 2) necesse est imaginari materiam in re mota; ergo quæcumque convenient in aliquo motu, videntur in materia convenire; sed loci mutatio est communis superioribus et inferioribus corporibus: ergo et materia. — I. c. arg. 5.

3. Præterea, Philosophus dicit (5. *Metaphys. text.* 40; I. 4, c. 6), quod illa, quæ sunt unum in genere, sunt unum in materia; sed omnia corporalia convenient in genere corporis: ergo omnium corporum tam cœlestium quam sublunarum est una eademque materia. — 1a, q. 66, a. 2, arg. 2.

4. Præterea, diversus actus fit in diversa potentia, et unus in una; sed omnium corporum est una forma, scilicet corporeitas: ergo etiam est una materia. — *Ibid.* arg. 3; 2. *Sent. dist.* 12, q. 1, a. 1, arg. 4.

5. Præterea, materia in se considerata est solum in potentia, sed distinctio est per formas; ergo materia in se considerata est una tantum ejusdem rationis in corporibus cœlestibus et inferioribus. — 1a, I. c. arg. 4; 2. *Sent. I. c. arg. 3.*

6. Præterea, omne agens agit sibi simile; sed corpora cœlestia habent in inferioribus effectum caliditatis et humiditatis: ergo videtur quod qualitatibus afficiantur, et ita videtur quod sint de natura horum inferiorum, et consequenter quod convenient in materia. — 2. *Sent. dist.* 14, q. 1, a. 2, arg. 3.

7. Præterea, si non esset eadem materia corporum cœlestium et sublunarum, oportet quod materia esset composita ex eo quod est commune utriusque materiæ, et ex eo quod facit diversitatem inter illas; quod tamen est falsum, cum materia sit omnino quid simplex et pura potentia: ergo dicendum est, quod materia corporum cœlestium et sublunarum sit ejusdem rationis. — 1. *de Cœlo* I. 6.

Sed contra: 1. quæcunque convenient in materia, sunt transmutabilia ad invicem, et agunt et patinntur ad invicem, ut dicitur 1. *de Generat.* (*text.* 50 sqq. ; c. 7); sed corpora cœlestia et inferiora non sic se habent ad invicem: ergo eorum materia non est una, et per consequens nec ejusdem rationis. — 1a, q. 66, a. 2, arg.

Sed contra.

2. Praeterea, quorūcunque non est una potentia, nec una materia: quia sicut forma est actus, ita materia est potentia; sed corporum inferiorum et superiorum non est potentia eadem, quia secundum Philosophum 8. *Metaphys.* (*text.* 4 et 42; l. 7, c. 1 et 4) et 12. *Metaphys.* (*text.* 10; l. 11, c. 2) in inferioribus est potentia ad esse, sed in superioribus tantum ad ubi; ergo non videtur quod sit materia ejusdem rationis in corporibus cœlestibus et sublunaribus. — 2. *Sent.* dist. 12, q. 1, a. 1, arg.

1 *Sed contra.*

3. Præterea, in quoçunque invenitur aliiquid, oportet invenire illud, a quo numquam separatur; sed materia prima quæ est in inferioribus, nunquam separatur a privatione formæ, quia quandocunque est sub forma una, adjungitur illi privatio formæ alterius; privatio autem adjuncta materiæ inducit corruptibilitatem: ergo videtur quod materia prima inferiorum corporum non inveniatur in corporibus cœlestibus per suam naturam incorruptilibus. — *Ibid.* arg. 2 *Sed contra.*

RESPONDEO DICENDUM, quod circa hoc fuerunt diversæ philosophorum opinione. Plato enim et omnes philosophi ante Aristotelem posuerunt omnia corpora esse de natura quatuor elementorum; unde cum quatuor elementa communicent in materia una, ut mutua generatio et corruptio in eis ostendit, per consequens sequebatur quod omnium corporum sit una materia ejusdem rationis in illis. Quod autem quædam corpora sint incorruptibilia, Plato in *Timæo* adscribebat non conditioni materiæ, sed voluntati artificis, scilicet Dei, quem introducit corporibus cœlestibus dicentem, ut refert S. Augustinus *de Civ. Dei* (l. 13,

c. 16; — Migne PP. L. t. 41, col. 388): natura vestra estis dissolubilia, voluntate autem mea indissolubilia, quia voluntas mea major est nexu vestro. — Hanc autem positionem Aristoteles (1. *de Cœlo* a *text.* 5 usque ad 19; c. 2 et 3) reprobat per motus naturales corporum. Cum enim corpus cœleste habeat naturalem motum diversum a naturali motu elementorum, sequitur quod ejus natura sit alia a natura quatuor elementorum. Et sicut motus circularis, qui est proprius corporis cœlestis, caret contrarietate, motus autem elementorum sunt invicem contrariori, ut qui est sursum, ei qui est deorsum: ita corpus cœleste est absque contrarietate, corpora vero elementaria sunt cum contrarietate. Et quia corruptio et generatio sunt ex contrariis, sequitur quod secundum suam naturam corpus cœleste sit incorruptibile, elementa vero sunt corruptibila. — 1a, q. 66, a. 2, c.

Sed non obstante hac differentia corruptibilitatis et incorruptibilitatis naturalis, Avicebron posuit unam materiam omnium corporum tam cœlestium quam inferiorum, attendens ad unitatem formæ corporalis. Verum hæc positio non est possibilis: primo, quia si forma corporeitatis esset una forma per se, cui supervenirent aliæ formæ quibus corpora distinguuntur, haberet id quod dicit talis positio necessitatem, quia illa forma immutabiliter materiæ inhæreret, et quantum ad illam esset omne corpus incorruptibile; sed corruptio accideret per remotionem sequentium formarum, quæ non esset corruptio simpliciter, sed secundum quid, quia privationi substerretur aliquod ens actu; sicut etiam accidebat antiquis naturalibus, qui ponebant subjectum corporum aliquod ens actu, puta ignem aut aerem, aut aliiquid hujusmodi. — 1a, l. c.

Supposito autem quod nulla forma, quæ sit in corpore corruptibili, remaneat ut substrata generationi et corruptioni, sequitur de necessitate quod non sit eadem materia corporum corruptibilem et incorruptibilem. Materia enim secundum id, quod est, est in potentia ad formam; oportet ergo quod materia secundum se considerata sit in pò-

tentia ad formam omnium illorum, quorum est materia communis; per unam autem formam non sit in actu nisi quantum ad illam formam: remanet ergo in potentia quantum ad omnes alias formas. Nec hoc excluditur, si una illarum formarum sit perfectior et continens in se virtute alias: quia potentia, quantum est de se, indifferenter se habet ad perfectum et imperfectum. Unde sicut quando est sub forma imperfecta, est in potentia ad formam perfectam, ita e converso. Sic ergo materia, secundum quod est sub forma incorruptibilis corporis, erit adhuc in potentia ad formam corporis corruptibilis; et cum non habeat eam in actu, erit simul sub forma et privatione, quia carentia formæ in eo quod est in potentia ad formam, est privatio. Haec autem dispositio est corruptibilis corporis. Impossibile ergo est quod corporis corruptibilis et incorruptibilis per naturam sit una materia. — 1a, q. 66, a. 2, c.

Nec tamen dicendum est, ut fingit Averroes (*de Substantia Orbis* c. 2), quod ipsum corpus cœleste sit materia cœli, ut est ens in potentia ad *ubi* et non ad *esse*, et quod forma ejus sit substantia separata, quæ uniatur ei ut motor; — quia, ut dictum est, impossibile est ponere aliquod ens actu, quin vel ipsum totum sit actus et forma, vel habeat actum seu formam. Remota ergo per intellectum substantia separata, quæ ponitur motor, si corpus cœleste non est habens formam (quod est componi ex forma et subiecto formæ), sequitur quod sit totum forma et actus. Omne autem tale est intellectum in actu, quod de corpore cœlesti dici non potest, cum sit sensibile. Relinquitur ergo quod materia corporis cœlestis secundum se considerata non est in potentia nisi ad formam, quam habet; nec refert ad propositum, quæcumque sit illa sive anima sive aliquid aliud. Unde illa forma sic perficit illam materiam, quod nullo modo in ea remanet potentia ad *esse*, sed ad *ubi* tantum, ut Aristoteles (1. *de Cœlo* a *text.* 20 usque ad 32; c. 3 et 4) dicit; et sic non est eadem materia corporis cœlestis et sublunarisi nisi secundum analogiam, secun-

dum quod convenient in ratione potentiae. Unde cum Philosophus 1. *de Cœlo* (*text.* 91; c. 8) numerat cœlum inter elementa, et 3. *de Cœlo* (*text.* 4; c. 4) vocat cœlum primum elementorum, vel id dicit quia cœlum est pars præcipua universi, ut dicit Alexander, vel quia est corpus simplex; non autem quia sit in corporibus cœlestibus et elementis una materia ejusdem rationis in illis. — 1a, q. 66, a. 2, c.; 1. *de Cœlo* 1. 18; 3. *de Cœlo* 1. 4.

Ad primum ergo dicendum, quod Philosophus in libris *Phys.* nondum probaverat esse quintam essentiam, quod in 1. *de Cœlo* demonstrat; et ideo in libris *Phys.* nihil determinat de his, quae sunt propria illius essentiae, propter quod etiam tractatum de infinito replicat, ut dicit Commentator in 1. *de Cœlo*. — 2. *Sent.* dist. 12, q. 1, a. 1, ad 4.

Ad secundum dicendum, quod sicut in 1. *de Generat.* (*text.* 48 sqq.; c. 3) dicitur, materia est immediate subjectum generationis et corruptionis, aliorum autem motuum per prius et posterius, tanto plus quanto illud, secundum quod est mutatio, majorem perfectionem motus præsupponit. Et ideo in illis tantum est unitas materiae primæ, quæ in generatione et corruptione convenient, et per consequens etiam illa, quæ convenient in tribus motibus, scilicet augmento et diminutione et alteratione, secundum quod augmentum et diminutio non est sine generatione et corruptione, quæ etiam alterationis terminus est. Sed loci mutatio, ut in 8. *Phys.* (*text.* 58; c. 7) probatur, est maxime perfecta, quia nihil variat de eo, quod est intrinsecum rei. Unde subjectum hujus motus est ens completum in esse primo et in omnibus proprietatis intraneis rei; et talis motus convenit corpori cœlesti. Et ideo materia ejus est subjectum completum in istis inferioribus, ut dicit Commentator (*de Substantia Orbis* c. 2); unde remanet communitas materiae secundum analogiam tantum. — 2. *Sent.* dist. 12, q. 1, a. 1, ad 5.

Ad tertium dicendum, quod si genus consideretur physice, corruptibilia et incor-

ruptibilitia non sunt in eodem genere, propter diversum modum potentiae in eis, ut dicitur 10. *Metaphys.* (*text.* 26; *l.* 9, *c.* 10); secundum autem logicam considerationem est unum genus omnium corporum, propter unam rationem corporeitatis. — 1a, *q.* 66, *a.* 2, *ad* 2.

Ad quartum dicendum, quod forma corporeitatis non est una in omnibus corporibus, cum non sit alia a formis, quibus corpora distinguuntur, ut dictum est (*in c.*). Corporeitas enim dupliciter dicitur: *uno modo* tria dimensio; et haec non est forma substantialis, sed accidentalis; *altero modo* dicitur quedam forma, ex qua provenit tria dimensio; et haec non est alia a forma specifica. — *Ibid.* ad 3; *Quodl.* 12, *a.* 9, *c.*

Ad quintum dicendum, quod cum potentia dicatur ad actum, ens in potentia est diversum ex hoc ipso quod ordinatur ad diversum actum, sicut visus ad colorem et auditus ad sonum; unde ex hoc ipso materia celestis corporis est alia a materia elementi, quia non est in potentia ad formam elementi. — 1a, *q.* 66, *a.* 2, *ad* 4.

Ad sextum dicendum, quod quando materia est proportionata ad recipiendam actionem secundum virtutem agentis, tunc agens facit sibi simile in specie et dicitur agens univocum; quando autem materia non est proportionata ad recipiendam actionem secundum virtutem agentis, servatur quidem aliqua similitudo effectus ad agentem, secundum quod dicit Dionysius (*de Div. Nom.* *c.* 2, § 8; — Migne P.P. Gr. *t.* 3, *col.* 646), quod habent causata causarum suarum contingentes imagines. Et tamen non oportet eodem modo inveniri aliquid in causa, quo est in effectu, sed eminentiori; et ita etiam calor aliquo modo est in sole, non quidem denominans ipsum, ut dicatur calidus formaliter, sed effective secundum virtutem calefaciendi, quae in eo est. — 2. *Sent.* *dist.* 14, *q.* 1, *a.* 2, *ad* 3.

Ad septimum dicendum, quod materia cœli est diversæ rationis a materia sublunari, non quidem per aliquam compositionem, sicut dicit Philoponus, sed per habitudinem ad diversas formas, quarum

una est totalis et alia partialis; sic enim potentiae diversificantur secundum diversitatem actuum, ad quos sunt. — 1. *de Cœlo* *l.* 6.

ARTICULUS III

UTRUM CŒLUM SIT ANIMATUM.

Videtur quod cœlum sit animatum.

1. Probat enim Philosophus (8. *Phys. tert.* 34. sqq.; *c.* 5), quod in genere mobilium primum est movens se ipsum, quia quod est per se, prius est eo quod est per aliud; sola autem animata movent se ipsa, ut in eodem lib. (*text.* 29; *c.* 4) ostenditur; sed primum mobile est cœlum: ergo cœlum est animatum. — 1a, *q.* 70, *a.* 3, *arg.* 5; 2. *c.* *Gent.* *c.* 70; *de Spirit. Creat.* *a.* 6, *arg.* 6.

2. Præterea, motus cœli est naturalis, ut patet ex 4. *de Cœlo* (*text.* 7 sqq.; *c.* 2); motus autem naturalis est a principio intrinseco; cum igitur principium motus cœlestium corporum sit aliqua substantia intellectualiter apprehensiva, quæ movetur sicut intellectualiter desiderans a desiderato, ut probat Philosophus in 12. *Metaphys.* (*text.* 36 *l.* 41, *c.* 7), videtur quod principium apprehendens sit principium intrinsecum corporibus cœlestibus; ergo sunt animata. — 1a, *l.* *c.* *arg.* 4; 12. *Metaphys.* *l.* 7 (5); 2. *c.* *Gent.* *c.* 70; 2. *de Cœlo* *l.* 3.

3. Præterea, Philosophus 2. *de Cœlo* (*text.* 43; *c.* 2) dicit, quod cœlum est animatum, et propter hoc oportet ponere in illo differentias positionis non solum quoad nos, sed etiam secundum se; et 2. *de Anima* (*text.* 29; *c.* 3) dicit, quod quibusdam inest intellectivum et intellectus, ut hominibus, et si aliquid hujusmodi est activum aut etiam honorabilis, scilicet cœlum. Constat autem quod cœlum non habet animam sensitivam secundum opinionem Aristotelis; haberet enim diversa organa, quæ non competit simplicitati cœli, et ad hoc signandum subjungit Aristoteles, quod quibus de numero corruptibilium inest intellectus, insunt omnes aliæ potentiae; ut daret intelligere quod

aliqua incorruptibilia habent intellectum, quæ non habent alias potentias animæ, scilicet corpora cœlestia. Ergo secundum Philosophum cœlum est animatum anima, quæ sit forma ipsius. — 2. *c. Gent.* l. c. ; 2. *de Cœlo* l. 3.

4. Præterea, omissis motus corporis diversimode moti, est moti moventis se ipsum, quia quod movetur uno motu tantum, non videtur esse movens se ipsum, ut dicitur 8. *Phys.* (*text.* 29; *c. 4*) ; sed corpus cœleste movetur diversis motibus, unde planetæ ab astrologis quandoque dicuntur recti, quandoque retrogradi, quandoque stationarii : ergo motus superiorum corporum est mobilium moventium se ipsa, et sic corpora illa sunt composita ex substantia corporali et spirituali, quæ est anima. — *de Pot.* q. 6, a. 6, arg. 9.

5. Præterea, nihil agit ultra speciem suam ; sed corpora cœlestia causant vitam in istis inferioribus, ut patet in animalibus ex putrefactione genitis per virtutem cœlestium corporum. Cum ergo substantia vivens sit nobilior non vivente, videtur quod corpora cœlestia habeant vitam, et ita erunt animata. — *Ibid.* arg. 10 ; 1a, q. 70, a. 3, arg. 3 ; *de Spirit. Creat.* a. 6, arg. 12.

6. Præterea, nobilioris corporis nobilior est forma ; sed corpus cœli est nobilior corpore humano, sicut perpetuum corruptibili : ergo si corporis humani forma est anima, multo magis forma cœli est anima. — *de Spirit. Creat.* l. c. arg. 2 ; 1a, l. c. arg. 2 ; *de Pot.* l. c. arg. 13.

7. Præterea, substantia spiritualis movens cœlum si esset extrinseca cœlo, non posset dici quod moveret cœlum solum volendo, quia sic ejus velle esset ejus agere, quod est solius Dei ; oportet igitur quod aliquid immitteret ad movendum ; et sic cum ejus virtus sit finita, sequitur quod accideret ei fatigatio in movendo per diuturnitatem temporis ; quod est inconveniens, et maxime secundum ponentes æternitatem motus : ergo substantia spiritualis, quæ movet cœlum, est ei unita, et sic cœli erunt animati. — *de Spirit. Creat.* a. 6, arg. 8.

8. Præterea, sicut habetur 4. *Phys.* (*text.*

32; *c. 4*; et *text.* 133; *c. 14*), motores orbium inferiorum moventur per accidens, non autem motor superioris orbis ; sed motor orbis superioris unitur suo orbi ut motor : ergo motores orbium inferiorum uniuntur eis non solum ut motores, sed ut formæ, et sic ad minus inferiores orbes sunt animati. — l. c. arg. 9.

Sed contra est : 1. quod Philosophus (2. *de Cœlo* *text.* 50; *c. 8*) distinguit corpora cœlestia ab animalibus ; at si essent animata anima intellectiva, essent animalia, ut patet in hominibus : ergo corpora cœlestia non sunt animata. — 2. *de Cœlo* l. 13.

2. Præterea, dicit Philosophus (3. *de Anima* *text.* 61; *c. 12*), quod non potest corpus habere animam et intellectum, quin habeat etiam sensum, etiamsi tale corpus sit ingenerabile ; ergo si cœlum habet animam intellectivam, habebit etiam sensitivam ; sed hanc non habet ; nam supponit vegetativam, ut patet ex 2. *de Anima* (*text.* 3; *c. 1*) et 3. *de Anima* (*text.* 59 et 60; *c. 12*) ; vegetativa autem non est in cœlo, ut dicitur 4. *de Cœlo* (*text.* 20 et 21; *c. 3*), quia alioqui non esset æternum ; nam quod nutritur, non potest esse æternum : ergo cœlum non est animatum. — 3. *de Anima* l. 17; 2. *de Cœlo* l. 13; 1. *de Cœlo* l. 6; 2. *de Anima* l. 1.

3. Præterea, nullum corpus simplex potest esse animatum, ut dicitur 3. *de Anima* (*text.* 62; *c. 12*) ; sed cœlum est corpus simplex, ut probat Philosophus 1. *de Cœlo* (*text.* 7 sqq.; *c. 2*) : ergo cœlum non est animatum. — 3. *de Animal.* 17; 1. *de Cœlo* l. 3 et 4.

4. Præterea, si motor orbis esset anima ejus, moveretur per accidens ad ejus motum ; nam, ut dicitur 8. *Phys.* (*text.* 51; *c. 6*), moto corpore movetur et quod est in corpore, ut patet similiter in animabus animalium, quæ moventur per accidens ad motum corporum ; sed hoc est contra Philosophum, qui 8. *Phys.* (*text.* 52; *c. 6*) probat, oportere partem primi moventis se ipsum esse immobilem tam per se quam per accidens, cum causet motum sempiternum : ergo motor cœli non est anima ipsius, et sic cœlum

non erit animatum. — 8. *Phys.* l. 13; v. Ferrariensem in 2. c. *Gent.* c. 70.

5. Praeterea, si cœlum esset animatum anima informante, cum haec eadem ipsum cœlum moveat, non haberet talis anima motrix cœli determinatum situm in cœlo, sed esset in toto cœlo tamquam in subjecto adæquato, ut patet de anima intellectiva, quæ habet totum corpus pro subjecto adæquato; sed hoc est contra Philosophum, qui ponit intelligentiam moventem cœlum esse in ejus circumferentia, ut patet 8. *Phys.* (*text.* 84; c. 10): ergo cœlum non est animatum. — 8. *Phys.* l. 23.

RESPONDEO DICENDUM, quod circa hanc quæstionem fuerunt diversæ opiniones tam inter antiquos philosophos, quam etiam inter Doctores ecclesiasticos. Anaxagoras enim, ut refert S. Augustinus (*de Civ. Dei* l. 18, c. 41; — Migne PP. L. t. 41, col. 601) existimavit corpora cœlestia esse inanimata; dixit enim solem esse lapidem accensum, et ideo ab Atheniensibus occisus est. Plato vero et Aristoteles posuerunt corpora cœlestia esse animata anima intellectiva dante esse, unita tamen illi non propter operationem intellectualis, sed propter executionem virtutis activæ, secundum quam potest adipisci divinam similitudinem in causando per motum cœli. Similiter etiam apud Doctores fidei fuit circa hoc diversa opinio. Origines enim (*Periarchon* l. 4, c. 7; — Migne PP. Gr. t. 41, col. 172) posuit corpora cœlestia animata. Hieronymus etiam idem sentire videtur, exponens illud *Eccle.* 1, 6: «Lustrans universa in circuitu pergit spiritus». Basilius vero (*in Hexaem.* hom. 3; — Migne PP. Gr. t. 29, col. 75) et Damascenus (*de Fide Orthod.* l. 2, c. 6; — Migne PP. Gr. t. 94, col. 886) dicunt corpora cœlestia non esse animata. Augustinus vero (*de Genes. ad Litt.* l. 2, c. 48, et in *Enchirid.* c. 58; — Migne PP. L. t. 34, col. 280 et t. 40, col. 260) sub dubio relinquimus, asserens ad fidem nil pertinere, utrum cœlum sit animatum, vel inanimatum, et quod, si sit animatum non ideo erunt in judicio tres ordines judicandorum, scilicet angelorum, hominum et animalium cœlestium, quia illæ computabun-

tur cum angelis. — 4a, q. 70, a. 3 et Cajetan. in h. loc. ; 2. c. *Gent.* c. 70; *Quæst. disp. de Anima* a. 8, ad 3; *Quodl.* 42, a. 8; 2. *de Cœlo* l. 3; *de Spirit. Creat.* a. 6, c.

Quia tamen probabilior est sententia negantium corpora cœlestia esse animata, ideo ad illius manifestationem considerandum est, quod unio animæ et corporis est propter animam, non autem propter corpus; non enim forma est propter materiam, sed e converso. Natura autem et virtus animæ deprehenditur ex ejus operatione, et etiam quodammodo est finis ejus. Invenitur autem corpus nostrum necessarium ad aliquam operationem animæ, quæ mediante corpore exercetur, sicut patet in operibus animæ sensitivæ et nutritivæ. Unde necesse est tales animas esse unitas corporibus propter suas operationes. Est autem aliqua operatio animæ quæ non exercetur mediante corpore, sed tamen ex corpore aliquod adminiculum tali operationi exhibetur, sicut per corpus exhibentur animæ humanæ phantasmatum, quibus indiget ad intelligendum. Unde etiam talem animam necesse est miri corpori propter suam operationem, licet contingat ipsam separari. Manifestum est autem, quod anima cœlestis corporis non potest habere operationes animæ nutritivæ, quæ sunt nutritire, augere et generare; hujusmodi enim operationes non competit corpori incorruptibili per naturam. Similiter etiam nec operationes animæ sensitivæ cœlesti corpori convenient, quia omnes sensus fundantur super tactum, qui est apprehensivus qualitatum elementarium. Omnia etiam organa potentiarum sensitivarum requirunt determinatam proportionem secundum commixtionem aliquam elementorum, a quorum natura corpora cœlestia ponuntur remota. — 4a, q. 70, a. 3.

Relinquitur ergo quod de operationibus animæ nulla potest competere cœlesti animæ nisi duæ, intelligere et mouere; nam appetere consequitur sensum et intellectum, et cum utroque ordinatur. Intellectus autem operatio, cum non exerceatur per corpus, non indiget corpore, nisi in quantum ei per

sensus ministrantur phantasmata. Operationes autem sensitivæ animæ corporibus cœlestibus non convenient, ut dictum est. Sie igitur propter operationem intellectualem anima cœlesti corpori non uniretur; relinquitur ergo quod propter solam motionem. Ad hoc autem, quod moveat, non oportet quod umiatur ei ut forma, sed per contactum virtutis, sicut motor unitur mobili. Unde Aristoteles (*8. Phys. text. 40, 41, 42, 43; c. 5*), postquam ostendit, quod primum movens se ipsum componitur ex duabus partibus, quarum una est movens et alia mota, assignans quomodo hæc duæ partes umiantur, dicit, quod per contactum vel duorum ad invicem, si utrumque sit corpus, vel unius ad alterum, et non e converso, si unum sit corpus et aliud non corpus. — Quare probabilius est, quod cœlum non sit animatum anima intellectiva informante, sed tantum assistente atque adeo unita illi tantum ut motor unitur mobili. — *la, q. 70, a. 3, c.*

Ad primum ergo dicendum, quod cœlum dicitur movere se ipsum, in quantum componitur ex motore et mobili, non sicut ex forma et materia, sed secundum contactum virtutis. Et hoc etiam modo potest dici, quod ejus motor est principium intrinsecum, ut sic etiam motus cœli possit dici naturalis ex parte principii activi, sicut motus voluntarius dicitur esse naturalis animali, in quantum est animal, ut dicitur *8. Phys. (text. 27; c. 4.)* — *la, q. 70, a. 3, ad 5.*

Ad secundum dicendum, quod motus cœli est naturalis, et propter principium passivum, quia scilicet habet aptitudinem ut tali motu ab intellectu moveatur, et propter principium activum, ut dictum est (*ad primum*), quia substantia spiritualis, quæ movet cœlum, habet virtutem naturalem determinatam ad talis corporis motum, sicut similiter corpus cœli habet naturalem aptitudinem ut tali motu moveatur. — *de Spirit. Creat. a. 6, ad 7.*

Ad tertium dicendum, quod vere Philosophus sentit cœlum esse animatum anima dante esse, et quod propterea secundum se habet differentias positionum. Qui vero ne-

gant cœlum esse animatum, negant etiam hujusmodi positiones non solum quoad nos, sed etiam secundum se. — *2. c. Gent. c. 70.*

Ad quartum dicendum, quod retrogradatio, quæ videtur in planetis, et statio et directio non provenit ex difformitate motus unius et ejusdem mobilis, sed ex diversis motibus diversorum mobilium, vel ponendo excentricos et epicyclos secundum Ptolemaeum, vel ponendo diversitatem motuum secundum diversitates polorum, sicut alii posuerunt. Et tamen si etiam difformiter moverentur corpora cœlestia, per hoc non magis ostenderetur, quod moverentur a motore voluntario coniuncto, quam quod a separato. — *de Pot. q. 6, a. 6, ad 9.*

Ad quintum dicendum, quod corpora cœlestia, etiamsi non sint animata, moventur tamen a substantia vivente separata, cujus virtute agunt sicut instrumentum virtute principalis agentis, et ex hoc causant in inferioribus vitam. — *l. c. ad 10; Tabula Aurea voce « cœlum » n. 400, 105.*

Ad sextum dicendum, quod nihil prohibet aliquid esse nobilior simpliciter, quod tamen non est nobilior quantum ad aliquid. Forma ergo cœlestis corporis licet non sit secundum se et secundum suam essentiam simpliciter nobilior anima animalis, est tamen nobilior quantum ad rationem formæ, seu in quantum est forma et actus; perficit enim totaliter suam materiam ejusque potentiam totaliter implet, ut non sit in potentia ad aliam formam, quod anima non facit, et secundum quod format corpus; perfectiori enim modo perficit materiam, cui præbet esse incorruptibile. — *la, q. 70, a. 3, ad 2; de Spirit. Creat. a. 6, ad 2; de Pot. q. 6, a. 6, ad 13.*

Ad septimum dicendum, quod probabiliter dicitur, quod imperio voluntatis substantia spiritualis movet cœlum. Quamvis enim materia corporalis secundum formalem transmutationem non obediatur ad nutum spiritui creato, sed soli Deo, ut Augustinus dicit (*de Trin. l. 3, c. 8*; — Migne PP. L. t. 42, col. 875); tamen quod ei ad nutum

obedire possit secundum transmutationem localēm, etiam in nobis apparet, in quibus statim ad imperium voluntatis sequitur motus corporalium membrorum. Si tamen supra imperium voluntatis etiam addatur influxus virtutis, non propter hoc sequitur fatigatio ex finitate virtutis; qualibet enim virtus superioris ordinis, licet sit finita in se et respectu sui superioris, est tamen infinita respectu suorum inferiorum, sicut etiam virtus solis est infinita respectu generabilium et corruptibilium, per quorum productionem, etiamsi in infinitum esset, non minoraretur; et similiter virtus intellectus est infinita respectu formarum sensibilium. Et sic etiam virtus substantiae spiritualis, quae movet cœlum, est infinita respectu motus corporalis; unde non sequitur in ea fatigatio. — *de Spirit. Creat.* a. 6, ad 8.

Ad octavum dicendum, quod anima, quæ movet animalia corruptibilia, unitur eis secundum esse; sed substantia spiritualis, quæ movet cœlestia corpora, unitur eis secundum moveri tantum. Unde moveri per accidens attribuitur animæ corruptibilis animalis ratione sui ipsius; oportet enim quod moto corpore, cum quo est unum secundum esse, ipsam per accidens moveatur. Sed moveri per accidens attribuitur motori inferioris orbis non ratione sui ipsius, sed ratione mobilis, in quantum scilicet inferior orbis movetur per accidens, ut de latus motu superioris; motor vero superioris orbis neutro modo per accidens moveatur, quia orbis ejus non defertur, sed alios defert. — *Ibid.* ad 9.

Ad primum vero eorum, quæ in *contrarium* objiciuntur, quatenus probant Philosophum non sensisse corpora cœlestia esse animata anima intellectiva dante esse, dicendum, quod ideo Philosophus (*2. de Cœlo* text. 50; c. 8) non vocat stellas et corpora cœlestia animalia, quia, ut ait Alexander, sensitivum constituit animal; in cœlestibus autem corporibus, si sunt animata, non est virtus animæ sensitivæ, sicut neque etiam nutritivæ. Unde non dicuntur animalia nisi æquivoce, ex eo scilicet quod habent animam intellectivam. — *2. de Cœlo* 1. 13.

Ad secundum dicendum, quod Philosophus loco citato per corpus ingenerabile non intelligit corpus cœleste, quod patet ex hoc quod cœlum est mansivum et in eodem loco secundum totum, ipse autem loquitur de corpore non mansivo; sed intelligit corpora quorumdam animalium, quæ Platonici daemons nominabant, dicentes eos esse animalia, corpore aera, mente rationalia, animo passiva, tempore æterna. Et de hujusmodi animalium corporibus vult Philosophus ostendere, quod non est possibile, quod habeant intellectum sine sensu, sicut Platonici posuerunt, ut interrogative legatur, quod dicitur: « quare enim non habebit hujusmodi corpus sensum? » — quasi diceret: non est hujus rationem assignare. Si enim non habet, aut hoc est propter bonum animæ, aut propter bonum corporis; sed neutrum horum est, quia sine sensu anima ejus intelligit melius, neque corpus magis conservabitur. Et ex hoc directe sequitur conclusio, quam inducit, quod nullum corpus mobile habens animam careat sensu. Apparet autem, hanc esse intentionem Aristotelis, ex hoc quod immediate subiungit, quod impossibile est aliquod corpus simplex esse corpus animatum. — *2. de Cœlo* 1. 13; *3. de Anima* 1. 17.

Ad tertium dicendum, quod nullum corpus simplex potest esse animatum anima intellectiva, quæ simul sit sensitiva et nutritiva; potest autem esse animatum anima pure intellectiva, cuiusmodi est intelligentia, quæ unitur corpori cœlesti ut forma propter motum et actionem, non quidem simpliciter, quia sine tali unione posset agere et mouere, sed propter actionis nobilitatem. Nam substantia spiritualis, quæ determinata est ad motum cœli, quod sine labore mouet, nobilis operatur et agit per motum cœli, si illi uniatur secundum esse, quam si sit ab eo separata; perfectior enim actio est, quam quis agit per instrumentum conjunctum, ea quam agit per instrumentum separatum. — *2. de Cœlo* 1. 3 et 13; *3. de Anima* 1. 17; *Quæst. disp. de Anima* a. 8, ad 3.

Ad quartum dicendum, quod duplex est motor orbis: *unus* movens per modum finis, et hic est omnino immobilis et per se et per accidens. *Alter secundum* Philosophum est movens effective per modum formæ, et hic movetur per accidens ad motum totius, cuius est forma, non quidem ita quod varietur ejus dispositio ad corpus, sed sine ulla variatione eodem modo se habeat ad illud, cum ab illo non dependeat in esse, quomodo dependent animæ animalium, excepta rationali, quæ propterea movetur per accidens, recipiendo variam dispositionem ad corpus. Non autem moveretur per accidens intelligentia, si moveret cœlum ut motor mobile, non autem ut forma dans esse. — *de Spirit. Creat.* a. 5, c.; 8. *Phys.* I. 13; v. Ferrariensem in 2. c. *Gent.* c. 70; *Tabula Aurea* voce «cœlum» n. 439 et 440.

Ad quintum dicendum, quod intelligentia, quæ est anima cœli, non habet determinatum situm in cœlo secundum determinationem suæ substantiæ ad unam partem cœli, sed per influentiam et efficientiam motus, quia ex aliqua parte sui mobilis movere incipit. — 8. *Phys.* I. 23.

ARTICULUS IV

UTRUM CŒLUM SIT INGENERABILE ET INCORRUPTIBILE.

Videtur quod cœlum sit generabile et corruptibile: —

1. quia corpora stellarum videntur habere diversitatem ad corpora sphærarum cœlestium ex eo quod sunt lucida et spissiora, et ita videtur in corporibus cœlestibus esse aliqua contrarietas; sed contrarietas est causa corruptionis: ergo videtur quod corpora cœlestia sint corruptibilia secundum suam naturam. — 2. *de Cœlo* I. 40.

2. Præterea, Plato posuit cœlum esse genitum et similiter totum mundum; sed illud quod est genitum, est generabile: ergo cœlum est generabile. — 1. *de Cœlo* I. 6.

3. Præterea, omnis virtus corporis finiti

est finita, ut probatur 8. *Phys.* (text. 78 sqq.; c. 40); sed virtus finita non potest se extendere ad durationem infinitam; unde per virtutem finitam non potest aliud moveri tempore infinito, ut ibidem probatur: ergo cœlum non habet virtutem ut sit infinito tempore, et per consequens erit corruptibile. — *Ibid.*

4. Præterea, in omni corpore naturali est materia et privatio, ut patet ex 1. *Phys.* (text. 66; c. 7), et in cœlo materia stellæ habet privationem formæ totius cœli; sed ubique est materia cum privatione, et est sufficiens subjectum transmutationis substantialis, ut dictum est, et per consequens est potentia ad corruptionem: ergo cœlum est corruptibile. — *Ibid.*

5. Præterea, si cœlum est ingenerabile et incorruptibile, maxime propter rationem Philosophi (1. *de Cœlo* text. 20; c. 3), quia omne generabile fit ex contrario; cœlo autem nihil est contrarium, quia contrariorum contrarii sunt motus; motui autem circularei cœli nullus motus est contrarius. Sed hæc ratio nulla est, *tum* quia, cum substantiæ non sit aliquid contrarium, ut manifestum est in animalibus et plantis, sequeretur nullam substantiam generari, quod est falsum; *tum* quia ignis in propria sphæra et suprema pars aeris circulariter moventur, ut dicitur 1. *Meteorol.* (c. 4, al. 3), et tamen aeri et igni est aliquid contrarium; unde licet motui cœli nihil sit contrarium, potest tamen ipsi cœlo esse aliquid contrarium, et per consequens poterit cœlum esse generabile et corruptibile: ergo dicendum est ita esse. — 1. *de Cœlo* I. 6.

6. Præterea, motus circularis ab oriente in occidentem contrariatur motui ab occidente in orientem; sed firmamentum motu diurno ab oriente in occidentem, planetæ vero propriis motibus moventur ab occidente in orientem: ergo in cœlo est contrarietas, et consequenter corruptibilitas. — 1. *de Cœlo* I. 8.

7. Præterea, cœlum est alterabile; manifeste enim patet lunam a sole illuminari et per umbram terræ obscurari; sed quod est alterabile, est generabile et corruptibile;

num alteratio terminatur ad generationem et corruptionem: ergo etc. — 1. *de Cœlo* 1. 7.

Sed contra est, quod Philosophus 1. *de Cœlo* *text.* 20 (c. 3) negat cœlum esse generabile et corruptibile, et *text.* 21 (c. 3) negat alterari; ergo cœlum est ingenerabile et incorruptibile; nam alteratio præquiritur ad omnem generationem et corruptionem, cum sit prima inter omnes alios motus, excepto locali. — 1. *de Cœlo* 1. 6 et 7; 2. *de Cœlo* 1. 10.

RESPONDEO DICENDUM, quod cœlum est ingenerabile et incorruptibile. Quod *probatur primo*, quia omne generabile fit ex contrario et subiecto quodam sive materia. Nam ex contrario fit aliquid sicut ex non permanente; ex subiecto vero sicut ex permanente, ut patet ex 1. *Phys.* (*text.* 61; c. 7); et similiter etiam omne corruptibile corrumperit existente aliquo subiecto; et preterea omnis corruptio est a contrario activo et terminatur in contrarium; sed corpori cœlesti nihil est contrarium. Nam contrariorum contrarii sunt motus, sicut leve movetur sursum et grave deorsum; motui autem naturali cœli nihil est contrarium. — 1. *de Cœlo* 1. 6.

Tripleiter enim potest singi contrarietas in motu circulari: primo, ut motui circulari sit contrarius rectus; secundo, ut sit contrarietas in ipsis partibus motus circularis; tertio, ut uni motui circulari sit contrarius aliis motus circularis. Nullo autem horum modorum potest aliquid esse contrarium motui circulari. Non quidem primo, quia unum uni est contrarium; motui autem recto contrariatur aliis motus rectus, ut motui sursum motus deorsum. Neque secundo, quia neque est contrarietas in partibus motus circularis, quæ accipiuntur secundum diversas portiones circuli, quæ designantur inter duo puncta; neque in partibus, quæ accipiuntur secundum eundem semicirculum; neque in his, quæ accipiuntur secundum duos semicirculos, ut fuse probat Philosophus (1. *de Cœlo* *text.* 27 sqq.; c. 4). Neque tertio, quia tales motus incipiunt ab eodem et terminantur

in idem, cum tamen motus contrarius sit is, qui est a contrario in contrarium; Ergo dicendum est, quod corpori cœlesti nihil est contrarium, et consequenter, quod neque est generabile et corruptibile. — 1. *de Cœlo* 1. 8.

Quod *secundo probatur*, quia in corpore cœlesti non est mutatio alicujus formæ substantialis, sed solum est privatio alicujus *ubi*; nam cum ejus forma repleat totam potentialitatem materiæ (cum sit quedam totalis et universalis perfectio, ut manifestum est ex hoc, quod virtus activa ejus est universalis, non particularis, sicut virtus inferiorum corporum, quorum formæ, tanquam particulares existentes, non possunt replere totam potentialitatem materiæ; unde simul cum una forma remanet in materia privatio alterius formæ), non remanet in materia cœli privatio alterius formæ, quæ apta sit inesse, et ideo non est ejusdem rationis cum materia horum inferiorum, et per consequens non est mutabile secundum generationem et corruptionem secundum suam naturam, sed solum secundum *ubi*, utpote primum in genere mobilium et propinquissimum rebus immobilibus; unde est quod minimum habet de motu. Movetur enim solum motu locali, qui nihil variat intrinsecum rei, et inter motus locales habet motum circularem, qui etiam minimum variationis habet, quia in motu sphærico totum non mulat suum *ubi* subiecto, sed solum ratione, ut probatur 6. *Phys. text.* 85 (c. 9); sed partes mutant *ubi* diversum etiam subiectō. — 1. *de Cœlo* 1. 6.

Ceterum, licet cœlum sit ingenerabile et incorruptibile secundum suam naturam, non tamen dicimus secundum fidem catholicam quod cœlum semper fuerit, licet dicamus quod semper sit duraturum. Neque hoc est contra positionem et demonstrationem Philosophi supra allatam, qua probat cœlum esse ingenerabile et corruptibile; non enim dicimus, quod inceperit esse per generationem, sed per effluxum a primo principio, a quo perficitur totum esse omnium rerum, sicut etiam philosophi posuerunt; a quibus tamen in hoc differimus,

quod illi ponunt, Deum produxisse cœlum coeternum sibi; nos vero ponimus, cœlum esse productum a Deo secundum totam sui substantiam, in aliquo determinato principio temporis. — 1. *de Cœlo* I. 6.

Ad primum ergo dicendum, quod non omnis diversitas, proprie loquendo, habet rationem contrarietatis; sed ad hoc quod aliqua diversa sint contraria, duo requiruntur: quorum *unum* est, quod sint nata aliquatenus esse in eodem subjecto vel proximo vel saltem remoto; calor enim contrariatur frigori, quod tamen non est natum esse in igne, sed est natum esse in materia ignis, quæ est primum subjectum. *Secundo* requiritur, quod diversa, quæ sunt contraria, non possint esse simul, sed mutuo se expellant. Unde album et nigrum, secundum quod sunt in materia, sunt contraria mutuo se expellentia; secundum quod tamen in sunt intellectu, non habent contrarietatem, sed sunt simul; quinimo unum eorum cognoscitur per aliud. — 2. *de Cœlo* I. 10.

Formæ autem vel qualitates diversæ, quæ videntur esse in corporibus cœlestibus, nullo modo natæ sunt esse in eodem, nec sicut in proximo nec sicut in primo subjecto; non enim corpus stellæ natum est reduci ad dispositionem ceterarum partium sphæræ cœlestis, sed nec e converso. Similiter autem oportet dicere formas seu qualitates contrarias, quæ sunt in inferioribus, esse aliquatenus in corporibus cœlestibus, non quidem univocæ, sed sicut in causis universalibus per quandam similitudinem, ad modum, quo formæ, quæ sunt particulariter in materia sensibili, sunt universaliter in intellectu; et ideo sicut in intellectu non sunt sub ratione contrarietatis, ita nec in corporibus cœlestibus sunt sub tali ratione. Unde et Plato dixit, quod in corporibus cœlestibus sunt excellentiæ seu sublimitates elementorum, quasi primordialia eorum activa principia; comparantur enim corpora cœlestia ad elementaria sicut activa ad passiva. — *Ibid.*

Et ideo e contrario accidit in corporibus cœlestibus et elementaribus. Nam hæc quantum magis congregantur per inspissationem,

tanto sunt magis materialia et passiva et minus habentia de luce; sicut patet in terra, quæ etiam dominatur in corporibus mixtis; sed in illis quanto est major congregatio per modum inspissationis, tanto magis multiplicatur luminositas et virtus activa, sicut patet in ipsis corporibus stellarum. Sic igitur patet, quod talis diversitas, quæ in corporibus cœlestibus apparet, non videtur habere rationem contrarietatis; unde non sequitur, quod sint susceptiva corruptionis; sequeretur autem hoc, si ibi esset vera contrarietas, sicut 1. *de Cœlo* (text. 10; c. 3) Aristoteles ostendit. — *Ibid.*

Ad secundum dicendum, quod Plato posuit cœlum genitum, non quia sit per generationem productum, sed quia necesse est quod habeat esse ab aliqua superiori causa, utpote multitudinem et distinctionem in suis partibus habens, per quod signatur esse ejus a primo uno causari, a quo oportet multitudinem causari. — 1. *de Cœlo* I. 6.

Ad tertium dicendum, quod illud, quod requirit virtutem infinitam, oportet esse infinitum. Infinitum autem secundum Philosophum (1. *Phys.* text. 45; c. 2) pertinet ad quantitatem, ita quod illud, quod quantitate caret, neque finitum neque infinitum est; motus autem quantitatem habet, quæ mensuratur tempore et magnitudine, ut patet ex 6. *Phys.* (text. 36; c. 4). Et ideo virtus, quæ potest in motum æternum, potest effectum infinitum, et propter hoc talem virtutem oportet esse infinitam. Ipsum autem esse alicujus rei secundum se consideratum non est quantum; non enim habet partes, sed totum est simul. Accidit autem ei quod sit quantum, *uno* quidem modo secundum durationem, in quantum est subjectum motui et consequenter temporis, sicut esse rerum variabilium. Unde virtus cuiuslibet rei temporalis, cuius esse subjectum est variationi, non potest nisi in durationem finitam. *Alio* autem modo esse alicujus rei potest per accidens dici quantum ex parte subjecti, quod habet determinatam quantitatem. Quoniam ergo esse cœli non est subjectum variationi nec temporis, non est quantum quantitate durationis et per consequens ne-

que finitum neque infinitum; est autem quantum quantitate corporis extensi, et secundum hoc est finitum. Et ideo dicendum, quod virtus essendi corporis cœlestis est finita; nec tamen hinc sequitur, quod sit ad essendum tempore finito, quia finitum et infinitum tempus accidit ipsi esse rei, quod non est subjectum varietati temporis; non tamen posset hujusmodi virtus habere esse in infinita magnitudine vel etiam in majori, quam sit magnitudo cœlestis corporis, — 1. *de Cœlo* 1. 6.

Ad quartum dicendum, quod in materia cœli, cum sit diversæ rationis a materia sublunariorum, non est potentia cum privatione forme substantialis, quæ sit nata inesse tali potentiae, sed tantum est privatio alienus *ubi*. Et quod dicitur de toto corpore cœlesti, idem dicitur de parte respectu aliarum partium; corpus enim stellæ non est natum reduci ad dispositionem ceterarum partium sphaeræ cœlestis, nec e converso, ut dictum est (ad primum et in c.) — 1. *de Cœlo* 1. 6.

Ad quintum dicendum, quod substantiæ non est contrarium aliquod compositum vel secundum materiam vel secundum formam; est tamen illi aliquid contrarium secundum propriam dispositionem ad tales formam, sicut ignis dicitur contrarius aquæ contrarietate calidi et frigidi; et talis contrarietas reperitur in omnibus quæ generantur et corrumpuntur. Hujusmodi autem contrarietatem consequitur contrarietas motuum secundum grave et leve, per quorum subtractionem intelligitur corpus cœleste esse exemplum ab omnibus aliis contrariis, quæ comitantur grave et leve. Quod vero attinet ad id, quod dictum est de aere et igne, dicendum est, quod illa non moventur circulariter quasi proprio motu, sed deferuntur per motum cœli; corpora autem cœlestia moventur circulariter proprio motu; unde non est similis ratio. — 1. *de Cœlo* 1. 6.

Ad sextum dicendum, quod tales motus habent quidem diversitatem ad invicem, quæ designat aliquo modo diversitatem mobilium; non tamen est aliqua contrarietas, propter tria: primo quidem, quia hujus-

modi diversitas non est secundum contrarios terminos, sed secundum contrarias vias perveniendi ad eundem terminum; puta quia firmamentum a puncto orientis movetur ad punctum occidentis per hemisphærium superius, et redit ad punctum orientis per hemisphærium inferius; et planeta movetur a puncto occidentis ad orientem per aliud hemisphærium. Moveri autem diversis viis ad eundem finem, non facit contrarietatem actionum vel motuum, sed pertinet ad diversum ordinem motuum vel mobilium: quia quod nobiliori via pertingit ad terminum, est nobilis, sicut melior est medius, qui efficaciori via sanitatem inducit. Et inde est quod primus motus firmamenti est nobilior secundo motu, qui est planetarum, sicut et supremus orbis est nobilior; unde et orbes planetarum moventur motu primi orbis, absque hoc quod impedianter a suis motibus propriis. — *Secunda ratio* est, quia quamvis uterque motus sit super idem centrum, est tamen uterque motus super alios et alios polos; unde non sunt contrarii. — *Tertia ratio* est, quia non sunt in eodem circulo, sed motus planetarum sunt in inferioribus circulis; oportet autem contrarietatem attendi circa eandem distantiam, sicut patet in motibus rectis, quorum contrarietas consistit in distantia centri et circumferentiae. — 1. *de Cœlo* 1. 8.

Ad septimum dicendum, quod duplex est alteratio: una passiva seu corruptiva, secundum quam ita aliquid abjicitur, quod etiam aliquid aliud additur; sicut cum aliquid alteratur de calido in frigidum, amittit calorem et accipit frigiditatem; et tali alteratione non alteratur cœlum, et hanc removet Philosophus a cœlo (1. *de Cœlo* text. 22; c. 3). Est autem altera alteratio perfectiva, quæ fit secundum quod aliquid ab alio perficitur absque alterius abjectione; qualem alterationem ponit Philosophus in 2. *de Anima* (text. 57; c. 5); et hanc nil prohibet esse in cœlis, quorum quidam recipiunt virtutes ab aliis secundum conjunctiones et varios aspectus, absque hoc quod aliquid eorum propriam virtutem amittat. — 1. *de Cœlo* 1. 7.

QUESTIO XXX

DE UNITATE ET PLURALITATE CŒLORUM.

Deinde considerandum est de unitate et pluralitate cœlorum.

CIRCA QUALE QUERUNTUR DUO:

1. Utrum cœlum sit unum tantum, au vero plures.
2. Utrum omnes cœli sint ejusdem speciei.

ARTICULUS I

UTRUM CŒLUM SIT UNUM TANTUM,
AN VERO SINT PLURES.

Videtur quod cœlum sit unum tantum.

1. Dicit enim Philosophus 1. *de Cœlo* (*text.* 90; c. 8) et 12. *Metaphys.* (*text.* 49; l. 11, c. 8), quod necesse est esse unum cœlum ; ergo secundum Philosophum non sunt plures cœli, sed unum. — 12. *Metaphys.* l. 10 (7); 1. *de Cœlo* l. 18.

2. Praeterea, cœlum contra terram dividitur, cum dicitur *Genes.* l. 1: « In principio creavit Deus cœlum et terram » ; sed terra est una tantum ; ergo cœlum est unum tantum. — 1a, q. 68, a. 4, arg. 1.

3. Praeterea, omne quod constat ex tota sua materia, est unum tantum ; sed cœlum est hujusmodi, ut probat Philosophus (1. *de Cœlo* *text.* 95; c. 9): ergo cœlum est unum. — *Ibid.* arg. 2.

4. Praeterea, quidquid dicitur de pluribus univoce, dicitur de iis secundum unam rationem communem ; sed si sunt plures cœli, cœlum dicitur univoce de pluribus ; quia si aequivoce, non proprie dicentur plures cœli: oportet ergo, si dicuntur plures cœli, quod sit aliqua ratio communis, secundum quam dicantur plures cœli ; hanc autem non est assignare : non est ergo dicendum, quod sint plures cœli. — *Ibid.* arg. 3.

Sed contra est: 1. quod Philosophus (12.

Metaphys. a *text.* 45; l. 11, c. 8) probat, plures esse cœlos, ex pluribus motibus. — 12. *Metaphys.* l. 9 (6) et 10 (7).

2. Praeterea, dicitur in *Psalmis*: « Laudate Deum cœli cœlorum » ; ergo sunt plures cœli et non unum tantum.

RESPONDEO DICENDUM, quod cœli sunt plures. Cuius ratio est, quia uni corpori simplici debetur unus motus simplex, ut dicit Philosophus 1. *de Cœlo* (*text.* 8; c. 2); cœlum autem est corpus simplex, ut dicitur ibidem ; et in cœlo percipiuntur plures motus simplices ; nam planetæ tunc per comparationem ad invicem, tunc per comparationem ad stellas fixas habent motus specie diversos : ergo et cœli erunt plures. Quot vero sint, non consentiunt tam antiqui philosophi, ut videre est apud Philosophum 12. *Metaphys.* (*text.* 42 sqq.; l. 11, c. 8), quam Doctores ecclesiastici, cum ex Scripturis non ita certus numerus colligatur, eum aliquando plures, aliquando pauciores significentur. — 1. *de Cœlo* l. 4; 2. *de Cœlo* l. 16; 1a, q. 68, a. 4, c.

Ad distinctionem ergo cœlorum considerandum est, quod *cœlum* tripliciter sumitur in Scripturis. Quandoque enim dicitur *proprie* et *naturaliter*. Et sic dicitur cœlum corpus aliquod sublime, et luminosum actu vel potentia, et incorruptibile per naturam. Et secundum hoc ponuntur tres cœli: primum totaliter lucidum, quod vocant empyreum; secundum totaliter diaphanum, quod vocant cœlum aqueum et crystallinum; tertium partim diaphanum et partim lucidum actu, quod vocant cœlum sidereum, et dividitur in octo spheras, scilicet in spharam stellarum fixarum, et septem spheras planetarum, quæ possunt dici septem sphæræ. — 1a, q. 68, a. 4, c.

Secundo, dicitur cœlum *per participacionem* alicuius proprietatis cœlestis corporis, scilicet sublimitatis et luminositatis actu vel potentia. Et sic totum illud spatium, quod est ab aquis usque ad orbem lunæ, Damascenus (*de Fide Orthod.* l. 2, c. 6; — Migne PP. Gr. t. 94, col. 883) ponit unum cœlum, nominans illud aereum; et sic secundum eum sunt tres cœli: aereum, sidereum et

aliud superius, de quo intelligitur quod legitur de D. Paulo, quod raptus fuit usque ad tertium cœlum. Sed quia istud spatiū conjungit duo elementa, scilicet ignis et aeris, et in utroque eorum vocatur superior et inferior regio, ideo istud cœlum Rabanus (*in Genes. l. 1, c. 1*; — Migne PP. L. t. 107, col. 445) distinguit in quatuor: supremam regionem ignis nominans cœlum igneum, inferiorem vero regionem cœlum olympicum ab altitudine cuiusdam montis, qui vocatur Olympus; supremam vero regionem aeris vocat cœlum æthereum propter inflammationem, inferiorem vero regionem cœlum aereum. Et sic, cum isti quatuor cœli tribus superioribus connumerentur, fiunt in universo secundum Rabanum septem cœli corporei. — 1a, q. 68, a. 4, c.

Tertio dicitur cœlum *metaphorice*, et sic quandoque ipsa Sancta Trinitas dicitur cœlum, propter ejus spiritualem sublimitatem et lucem; de quo cœlo exponitur, diabolum dixisse (*Isui. 14, 13*): «Ascendam in cœlum», id est ad aequalitatem Dei. — Quandoque etiam spiritualia bona, in quibus est Sanctorum remuneratio, propter eorum eminentiam cœli nominantur, quomodo exponitura S. Augustino (*de Serm. Domini in Monte* l. 1, c. 5; — Migne PP. L. t. 34, col. 1237) illud Scripturæ: «Merce vestra multa est in cœlis» (*Matth. 5, 12*). Quandoque vero tria genera supernaturalium visionum, scilicet corporalis, imaginariæ et intellectualis, tres cœli nominantur, de quibus Augustinus (*de Genes. ad Litt. l. 12*, c. 29 et 34; — Migne PP. L. t. 34, col. 478 et 482) exponit, quod D. Paulus est raptus usque ad tertium cœlum. — 1a, q. 68, a. 4, c.

Ad primum ergo dicendum, quod Philosophus nomine cœli intelligit mundum, quem loco citato probat esse unum ex unitate primi motoris, ut dictum est. — 12. *Metaphys.* l. 10 (7); 1. *de Cœlo* l. 18.

Ad secundum dicendum, quod terra se habet ad cœlum ut centrum ad circumferentiam. Circa unum autem centrum possunt esse multæ circumferentiae; unde una terra existente multi cœli ponuntur. — 1a, q. 68, a. 4, ad 1.

Ad tertium dicendum, quod ratio illa procedit de cœlo, secundum quod importat universitatem creaturarum corporalium; sic enim est unum cœlum tantum. — *Ibid.* ad 2.

Ad quartum dicendum, quod in omnibus cœlis invenitur communiter sublimitas et aliqua luminositas, ut ex dictis patet. — *Ibid.* ad 3.

ARTICULUS II

UTRUM OMNES COELI SINT EJUSDEM SPECIEI.

Videtur quod omnes cœli sint ejusdem speciei.

1. Dicit enim Philosophus (2. *de Cœlo* text. 41; c. 7), quod astra sunt ejusdem speciei cum propria sphæra et orbe; sed eadem est ratio stellæ et proprii orbis ac duorum orbium; nam sicut in his diversa accidentia reperiuntur, ita et in illis: ergo cœli sunt ejusdem speciei. — 2. *de Cœlo* l. 10.

2. Praeterea, loca consequuntur naturas corporum; sed omnes cœli habent eundem locum: ergo omnes sunt ejusdem naturæ specificæ. — *Ibid.*

3. Praeterea, si corpora cœlestia essent specie diversa, sequeretur quod essent maxime materialia; sed hoc videtur falsum, cum sint longe perfectiora corpora, quam sit corpus humanum, ut patet ex eorum incorruptibilitate: ergo corpora cœlestia sunt ejusdem speciei. — 2. *de Cœlo* l. 16; *Tabula Aurea* voce «cœlum» n. 455.

4. Praeterea, figura consequitur formam, sicut et motus; sed est eadem specie figura, eodemque modo omnes cœli circa medium moventur: ergo cœli omnes sunt ejusdem speciei. — 2. *de Cœlo* l. 16.

Sed contra est, quod Philosophus (42. *Metaphys.* a text. 42; l. 14, c. 8) ex numero cœlorum colligit numerum intelligentiarum, quæ distinguuntur specie. — 12. *Metaphys.* l. 9 (6).

RESPONDEO DICENDUM, quod Averroes in suo Commento in 2. *de Cœlo* (text. 59) dicit, quod corpora cœlestia et omnes stellæ

sunt ejusdem speciei. Sed hoc est manifeste falsum. Et *primo* quidem, quia si essent ejusdem speciei, haberent easdem specie operationes et eosdem effectus, sicut patet in omnibus rebus naturalibus ejusdem speciei. *Secundo*, quia cum motus cœlestium corporum sint naturales, sequeretur quod omnia corpora cœlestia haberent uniformes motus; quod patet esse falsum cum de planetis eorumque orbibus per comparationem ad invicem, tum per comparationem ad stellas fixas earumque orbes. *Tertio*, quia hoc repugnat perfectioni cœlestium corporum; probavit enim Aristoteles in 1. *de Cœlo* (tert. 98; c. 9), quod universum est perfectum, eo quod est unum; unum enim est in una specie; ex hoc enim apparet, quod constat ex tota materia suæ speciei; unde et hoc ad perfectionem cœlestium corporum pertinet, quod sit unum solum in una specie. Videmus enim, in inferioribus corporibus multa individua esse unius speciei propter aliquam impotentiam: — *vel quia* unum individuum non potest semper durare, unde oportet quod species conservetur per successionem individuorum in eadem specie; *tum etiam quia* unum non suscepit perfectam operationem speciei, sicut maxime patet in hominibus, quorum unus juvatur ab alio in sua operatione. Pertinet etiam magis ad perfectionem uniuscujusque multiplicatio specierum, cum sit formalis, quam multiplicatio individuorum, cum sit materialis. — Dicendum ergo est, quod omnes cœli sunt inter se diversæ speciei. — 2. *de Cœlo* I. 16; *Tabula Aurea* voce « cœlum » n. 62.

Ad primum ergo dicendum, quod non est eadem ratio duorum orbitum, et stellæ cum suo orbe; nam stella est ejusdem naturæ specificæ cum proprio orbe, quia habent eundem specie motum; secus vero plures ac distincti orbes, ut dictum est (in c.) — 2. *de Cœlo* I. 10 et 16.

Ad secundum dicendum, quod locus corporum cœlestium, sicut et motus circa medium seu circularis, consequitur naturam generis in illis. — 2. *de Cœlo* I. 16.

Ad tertium dicendum, quod hæc ratio, quæ est fundamentum positionis Averrois,

est ridicula; multo enim magis sequeretur cœlestia corpora esse maxime materialia, si poneremus, sicut ipse vult, diversa corpora cœlestia esse individua unius speciei, quia multiplicatio individuorum in una specie fit per divisionem materiae; quamvis non oporteat a corporibus cœlestibus totaliter materiam excludere. — *Ibid.*

Ad quartum dicendum, quod figura sphærica sequitur in corporibus cœlestibus naturam generis, sicut et motus circulatis. — *Ibid.*

QUÆSTIO XXXI

DE MOTU CORPORUM CŒLESTIUM.

Deinde considerandum est de motu corporum cœlestium.

CIRCA QUEM QUERUNTUR NOVEM :

1. Utrum motus cœli sit naturalis.
2. Utrum motus cœli sit a propria forma an vero ab intelligentia.
3. Utrum, si motus cœli sit ab intelligentia, sit a Deo an ab angelo.
4. Utrum potentia motiva in angelo movente cœlum, sit realiter distincta ab intellectu et voluntate in angelo.
5. Utrum motus cœli quandoque deficiat.
6. Utrum cessante motu cœli elementa remanerent.
7. Utrum cessante motu cœli remaneat actio et passio in elementis.
8. Utrum cessante motu cœli remaneant plantæ et animalia bruta et corpora mineralia.
9. Utrum cessante motu cœli remaneant corpora humana.

ARTICULUS I

UTRUM MOTUS CŒLI SIT NATURALIS.

Videtur quod motus cœli non sit naturalis: —

1. quia nihil movetur naturaliter dum est in suo *ubi*, sed solum quando est extra proprium *ubi*; sed cœlum movetur in suo

ubi existens: ergo non movetur naturaliter. — *Qwest. disp. de Anima* a. 8, arg. 18.

2. Praeterea, nunquam natura inclinat ad motum propter ipsum motum, sed propter aliquid acquisitum per motum: quomodo gravia inclinant ad motum, quia per illum tendunt ad quietem; sed cœlum suo motu nibil acquirit, in quod inclinetur, quia quodlibet *ubi* est principium et finis sui motus: ergo motus cœli non est illi naturalis. — *de Pot.* q. 5, a. 5, c.

3. Praeterea, mobile per motum localem naturalem tendit ad locum, ut loco persificatur: sicut corpora inferiora in proprio loco conservantur: sed cœlum non persicitur per locum; nam si secundum se consideretur, non major perfectio est quod sit in uno situ vel loco quam in alio, sed indifferenter se habet ad omnia: ergo cœli motus non est naturalis. — *Ibid.* ad 7.

4. Praeterea, quæ naturaliter moventur, naturaliter quiescent, quia natura definitur a Philosopho, quod sit principium motus et quietis; sed cœlum non quiescit naturaliter: ergo nec movetur naturaliter. — 2. *Phys.* l. 1.

5. Praeterea, si motus cœli esset naturalis, sequeretur cœlum esse animatum, quod est falsum, ut dictum est. Sequela autem probatur, quia motus naturalis est a principio intrinseco; principio autem motus cœli est substantia apprehensiva, quæ movetur sicut desiderans a desiderato, ut dicitur 12. *Metaphys.* (text. 36; l. 11, c. 7); unde videtur quod talis substantia sit intrinseca cœlo, et sic cœlum erit animatum. — 1a, q. 70, a. 3, arg. 4.

6. Praeterea, si motus cœli est naturalis, ergo quia opposita quiescet in fine mundi violenter: ergo neque nunc movetur naturaliter. — *de Pot.* q. 5, a. 5, arg. 12.

Sed contra est: 1. quod Philosophus 1. *de Cœlo* (text. 7 et 8; c. 2) dicit, quod motus cœli est naturalis. — 1. *de Cœlo* l. 4.

2. Praeterea, motus cœli ita se habet ad cœlum, sicut motus localis gravium et levium ad ipsa elementa; sed horum motus est naturalis et ex parte principii passivi et

ex parte principii activi: ergo et motus cœli erit sic naturalis. — *de Pot.* q. 5, a. 5, arg. 12.

RESPONDEO DICENDUM, quod motus naturalis dicitur, cuius principium est natura. Natura autem dupliciter dicitur, scilicet de forma, quæ est principium activum motus, et de materia, quæ est principium passivum. Secundum hoc igitur dupliciter dicitur aliquis motus naturalis: *uno modo*, quia in eo quod movetur, est principium activum motus; et sic corpora gravia et levia moventur naturaliter. Et hoc modo non moventur cœli. Manifestum enim est, quod una forma naturalis non inclinat nisi ad unum; ratio autem motus repugnat unitati, quia de ratione motus est, quod aliquid aliter se habeat nunc et prius; unde non inclinat forma naturalis ad motum propter ipsum motum, sed propter esse in aliquo *ubi*, quo adepto quiescit motus. Et sic accideret in motu cœli, si conquereretur aliquam formam naturalem, quomodo consequitur motus in elementis. — 3. *Sent.* dist. 22, q. 3, a. 2, sol. 1; *de Spirit. Creat.* a. 6, c.; *de Pot.* q. 5, a. 5, c.

Alio modo, quia in eo quod movetur, est dispositio naturalis, per quam aliquid est mobile ab aliquo movente. Et hoc continget dupliciter: quia *vel* inest ista aptitudo ad hoc, quod moveatur ab illo movente, cum inclinatione ad contrarium motum, sicut est in corpore animali; et tunc motus ille dicitur violentus, quatenus comparatur ad naturam corporis, in quantum est corpus; naturalis vero comparatus ad naturam corporis, in quantum est animatum, ut dicit Philosophus (8. *Phys.* text. 27; c. 4); — *aut* non est aptitudo ad contrarium inclinans; et hoc modo se res habet in motu celestium corporum, quæ licet moveantur a substantia separata, quia tamen ex parte cœli est principium passivum naturale talis motus, atque adeo aptitudo naturalis ad recipiendum talem motum a tali movente, ut dicit Commentator in 1. *de Cœlo* (text. 89); ideo motus ejus dicitur naturalis. Cum enim natura, ut dictum est, duplex sit, materia et forma, sufficit, quod cœli motus sit

a natura atque adeo naturalis ratione materiae, quæ in cœlo habet aptitudinem ad motum circularem, ut patet ex figura ipsius; quamquam etiam dici potest, quod motus cœli sit etiam naturalis aliquo modo ex parte principii activi, quia sicut, ut dictum est, habet naturalem aptitudinem ut tali motu moveatur, ita substantia spiritualis, quæ movet cœlum, habet virtutem naturalem determinatam ad talis corporis motum. — 3. *Sent.* dist. 22, q. 3, a. 2, sol. 1; 2. *Sent.* dist. 14, q. 1, a. 3, ad 1; *de Spirit. Creat.* a. 6, ad 7; *Quest. disp. de Anima* a. 8, ad 18; 1. *de Cœlo* l. 3.

Ad primum ergo dicendum, quod motus cœli est naturalis, et ex parte principii passivi sive receptivi motus, et aliquo etiam modo ex parte principii activi, ut dictum est (in c. art., et supra q. 29, a. 3, ad 2). — Quod autem dicitur, quod nullum corpus existens in suo *ubi* naturaliter moveatur, intelligitur de corpore mobili motu recto, quod mutat locum secundum totum, non solum ratione, sed et subjecto; corpus autem, quod moveatur circulariter, totum quidem non mutat locum subjecto, sed ratione tantum; unde nunquam est extra suum *ubi*. — *Quest. disp. de Anima* a. 8, ad 18.

Ad secundum dicendum, quod hoc argumentum optime probat, motum cœli non esse naturalem proprie et simpliciter ratione principii activi, sicut est motus localis elementorum; est tamen naturalis ratione principii passivi, et aliquo etiam modo ratione principii activi, ut dictum est (in c. art., et ad 1).

Ad tertium dicendum, quod cœlum non perficitur per locum, sicut corpora inferiora, quæ in proprio *ubi* conservantur; et ideo ex hoc, quod localiter moveatur, non significatur, quod ex parte principii activi habeat inclinationem ad motum tamquam ad perfectionem suam, quomodo habent elementa. — *de Pot.* q. 5, a. 5, ad 7 et 12.

Ad quartum dicendum, quod motus cœli est a principio intrinseco passivo, non autem activo, ut dictum est (in c. art., et ad arg. præced.); natura autem est principium

motus et quietis in illis quæ moventur ad locum; non autem in illis quæ moventur circa locum, ut corpora celestia. — Et ex his patet *ad quintum*. — 2. *Phys.* l. 1.

Ad sextum dicendum, quod quia motus cœli non est naturalis propter activam inclinationem formalis principii corporis celestis ad talem motum, sicut est in elementis, non inde sequitur, quod si cœlum quiescat, ejus quies sit futura violenta. — *de Pot.* q. 5, a. 5, ad 12.

Ad primum secundæ partis patet ex dictis; nam illud concedimus.

Ad secundum dicendum, quod motus cœli non est eo modo naturalis, quo motus elementorum, ut dictum est (in c.).

ARTICULUS II

UTRUM MOTUS CŒLI SIT A PROPRIA FORMA SUBSTANTIALI AN VERO AB INTELLIGENTIA.

Videtur quod motus cœli sit a propria forma substantiali, non autem ab intelligentia.

1. Motus enim cœli est naturalis, ut constat ex 1. *de Cœlo text.* 82 (c. 8), et 2. *de Cœlo text.* 5 et 6 (c. 1); sed motus naturalis est, cuius principium est forma corporis naturalis: ergo motus cœli est a propria forma substantiali, et non ab intelligentia. — 1. *de Cœlo* l. 17; 2. *de Cœlo* l. 1; 2. *Sent.* dist. 14, q. 1, a. 3, arg. 1.

2. Praeterea, leve potest sua virtute sursum ascendere, nullo impellente, et similiiter grave descendere, absque intelligentia moveante. Si ergo forma cœli est perfectior quam forma elementaris, et figura ejus est aptissima ad motum circularem, videtur quod possit moveri a propria forma absque intelligentia. — *Quest. de Motoribus Orbium.* (1)

(1) Quæstiones duas: unam, *Utrum materia sit principium individuationis in corporalibus*, alteram *de Motoribus Corporum Cœlestium*, cum Thomas Buonensegnis O. P. Florentiæ in codice S. Marci invenisset S. Thomæ attributas, anno 1588 Venetiis apud Juntas in octo foliis in folio vulgavit. At nunc eae quæstiones communi omnium consensu spuriae habentur. — Quæstionem *de Motoribus Corporum Cœlestium* habes in editionis Parmensis tom. 24, pag. 217 — 219.

3. Præterea, plus est mouere se ipsum exeundo a proprio loco, quam non exeundo; sed virtus lucis est se diffundere per corpora alterius naturæ: ergo videtur quod multo fortius corpus cœli per naturam lucis possit in suo orbe se mouere, absque influentia alicujus substantiæ separatae. — *Ibid.*

4. Præterea, nullus motus necessarius dependet a voluntate creature tamquam a primo motore; sed motus cœli est necessarius, secundum sanctos Patres et philosophos, ut patet ex Aristotele 2. *de Cœlo* (*text. 21; c. 3*) et 12. *Metaphys.* (*text. 38; l. 11, c. 7*): ergo motus cœli non est a voluntate alicujus intelligentiæ. — *Ibid.*; 12. *Metaphys.* l. 7 (5).

Sed contra: 1. Motor est in actu respectu mobilis; sed cœlum est mobile; nil autem idem simul est in actu et in potentia: ergo cœlum non potest moveri a se. — Quest. *de Motoribus Orbium*, arg. *Sed contra*.

2. Præterea, omnis motus naturalis est corporis existentis extra suum *ubi*; sed hoc est impossibile in cœlo ponere: ergo motus cœli non est a propria forma naturali. — 2. *Sent. dist. 14*, q. 1, a. 3, arg. 2. *Sed contra*.

RESPONDEO DICENDUM, quod circa hoc est multiplex opinio. *Quidam* enim dicunt, quod sicut motus aliorum corporum simplicium est ex naturis eorum corporalibus, ita etiam motus corporis cœlestis. — Sed hoc non videtur verum, *primo*, quia omnis motus est ab aliquo motore; in motu autem corporum simplicium, quamvis forma naturalis sit principium motus, non tamen est motor; sed essentialis motor est generans, quod dedit formam, et accidentalis est removens prohibens, ut probatur 8. *Phys.* (*text. 33; c. 4*), quæ nullo modo competit corpori cœlesti. *Præterea*, quia motus naturalis est ad unam partem tantum et perficitur quiete naturali, et est corporis existentis extra *ubi* naturale; quæ omnia etiam a corpore cœlesti aliena sunt. *Item*, natura non movet nisi ad unum, quo habito quiescit; quod in motu corporum cœlestium non apparet. *Amplius*, omni motui, qui est a natura sicut a principio activo, oportet quod si accessus ad

aliquid est naturalis, quod recessus ab eodem sit innaturalis et contra naturam: sicut grave accedit deorsum naturaliter, recedit autem inde contra naturam. Si igitur motus cœli esset naturalis, cum tendit ad occidentem, contra naturam ab occidente recedens in orientem rediret; hoc autem est impossibile; in motu enim cœlesti nihil est violentum et contra naturam. Impossibile est igitur, quod principium activum motus cœlestis sit natura. — 2. *Sent. dist. 14*, q. 1, a. 3, c.; *de Spirit. Creat.* a. 6, c.; 1a, q. 70, a. 3, c.; 3 c. *Gent.* c. 23; *Opusc.* 10 et 41, primis quinque art.; *de Motoribus Orbium*.

Et ideo *alii* dixerunt, quod motus cœli est ab aliquo intellectu et voluntate. Verum hi sunt divisi inter se; nam aliqui dixerunt moveri quidem cœlos a substantia intelligentiæ, sed quæ sit forma non solum dans illis motum sed etiam esse, atque adeo quæ sit anima illorum, et hunc volunt esse motorem orbis proximum. Nam unicuique orbis assignaverunt duos motores: unum coniunctum, quem dixerunt animam orbis, et alterum sejunctum, quem dixerunt intelligentiam. Cujus positionis ratio fuit, quia intelligentia secundum eos habet formas universales, quæ non conveniunt, ut immediate dirigant in renovationibus diversis motus cœli, et in his, quæ per motum cœli edueuntur; et ideo oportet habere motorem, in quo sint formæ particulares dirigentes in motu, et hanc dicunt esse animam orbis. — 2. *Sent. dist. 14*, q. 1, a. 3, c.

Hæc autem positio partim est hæretica et partim catholice sustineri potest. Ipsi enim ponunt, quod res secundum ordinem exeunt a Deo, ita quod a causa prima, quæ est Deus, creaturæ immediate intelligentia, a qua deinde exit anima orbis, et ab illa producitur substantia ipsius orbis; et pro tanto dici potest motor proximus forma ejus vel anima, quia dat illi esse, sicut causa ipsi proportionata. Hoc autem fides nostra non patitur, quæ solum Deum creatorum rerum ponit; et ideo angelos, qui movent orbes proxime, possumus dicere motores, non formas vel animas: quia orbis recipiunt ab eis motum tantum,

non autem esse. In hoc autem sustineri potest, ut dicamus superiores angelos, qui habent formas magis universales, esse motores separatos et remotos; angelos autem inferiores, qui habent formas magis particulares, esse motores proximos. Unde etiam Avicenna (tract. 10, c. 1 in princ.) dicit, quod intelligentiae apud philosophos sunt, qui in Lege vocantur superiores angeli, ut Cherubim atque Seraphim; animæ vero orbium dicuntur inferiores angeli et angeli ministerii. — *Ibid.*

Alii vero dixerunt cœlos immediate moveri a substantia intelligente, quæ illis tantum tribuit motum non autem esse; quæ positio melior est. Cum enim moveri ab aliquo debeant (nam omne quod movetur, ab aliquo movetur); nec possint immediate moveri a propria forma, ut dictum est, nec a substantia intelligente, quæ sit forma informans; nam cœli non sunt animati, ut dictum est; — necessario debent moveri a substantia intelligente separata, quæ tantum illis conjugatur ut motor mobili. — *de Spirit. Creat.* a. 6, c. ; 2. *Sent.* dist. 14, q. 1, a. 3, c. ; 1a, q. 70, a. 3, c. ; 3. *c. Gent.* c. 23.

Ad primum ergo dicendum, quod, sicut Commentator dicit in 1. *de Cœlo* (*text.* 89), motus cœli dicitur naturalis, non quia principium ejus activum sit aliqua forma naturalis, sed quia ipsum corpus cœleste est talis naturæ, ut talem motum natum sit suscipere ab aliquo intellectu, non habens naturam repugnantem huic motui voluntario, sicut est in nobis; natura enim non tantum dicitur de forma, sed etiam de materia. — 2. *Sent.* dist. 14, q. 1, a. 3, ad 1.

Vel dic, quod motus cœli est naturalis tam propter principium passivum quam activum, ut dictum est (supra q. 29, a. 3, ad 2). — *Vel dic*, quod motus cœli est naturalis illi, quia natura et figura cœli illi motui concordant: non enim oportet quod omne naturale sit a principio intrinseco sicut a tota causa, sed sufficit quod virtus naturalis intrinseca cooperetur virtuti activæ. — II. cit. supra in e.

Ad secundum dicendum, quod ad motum

gravis non sufficit sola gravitas sive qualitas propria, sed concurrit virtus quinti corporis, praeter illa duo moventia, quæ ponit Philosophus 8. *Phys.* (*text.* 32; c. 4), scilicet generans grave et leve, et removens prohibens. Et quia haec ad motum cœli non possunt concurrere, oportet ut concurrat virtus spiritualis substantiae. — Quest. cit. *de Motoribus Orbium*.

Ad tertium dicendum, quod diffusio lucis non est motus localis proprius, sed magis alterationis. Unde sicut ignis potest calorem suum diffundere deorsum virtute propria, et tamen non se movet loco, in quo est, sic in cœlesti corpore intelligendum est esse. — *Ibid.*

Ad quartum dicendum, quod nullus motus necessarius potest pendere a voluntate veritibili. Quamvis autem voluntas angeli sit per naturam veritabilis, per gratiam tamen omnino invertibilis efficitur, et talem substantiam intelligendum est esse motorem cœli, quod ostendit ipsius motus nobilitas, uniformitas et necessitas et quies futura, cum erit perfecta superna civitas, ad quam consummandam ordinatur finaliter angelica ministratio. — *Ibid.*

ARTICULUS III

UTRUM MOTUS CŒLI SIT IMMEDIATE A DEO AN VERO AB INTELLIGENTIA SEU ANGELO.

Videtur quod motus cœli sit proxime et immediate a solo Deo, non autem ab angelo.

1. Dicit enim Philosophus (2. *de Cœlo* *text.* 36; c. 6), quod prima causa movet causatum primum; sed causa prima est Deus, causatum primum est primum mobile: ergo saltem hoc movetur immediate a Deo. — Quest. cit. *de Motoribus Orbium*.

2. Præterea, melius est aliquid fieri per unum quam per multa, si sit possibile, ut dicitur 8. *Phys.* (*text.* 48; c. 6); sed Deus potest per se ipsum movere cœlos absque mediis angelis: ergo videtur quod cœli immediate moveantur a Deo. — Ia, q. 103, a. 9, arg. 2.

3. Praeterea, motor cœli debet esse omnino immobitis et primus, ut dicit Philosophus (8. *Phys.* a *text.* 46; c. 6), quia, ut dictum est (in Prima Secundæ huj. op. q. 25, a. 3, *ad princ. quest.*), in moventibus non datur processus in infinitum; sed motor omnino immobilis est tantum Deus, ut dictum est (*ibid.*): ergo cœlum immediate movetur a Deo. — *de Motoribus Orbium.*

4. Praeterea, ex motu et influentia corporis celestis est conservatio omnium corporum viventium; ergo ex ejus motore erit conservatio omnium spirituum vivificantium, quia sicut se habet mobile ad mobile, ita se habet motor ad motorem; sed solus Deus est conservator et vivificator spirituum: ergo ipse solus movet cœlum. — *Ibid.*

5. Praeterea, cœlum ut instrumentum sui motoris producit animalia; sed non posset illa producere, si moveretur ab angelō, quia materia non obedit angelō ad formam ullam substantialem: ergo debet immediate moveri cœlum a Deo, — 1a, q. 110, a. 2, c.; *de Pot.* q. 3, a. 11, arg. 12, 13, 14, 15.

6. Praeterea, motus localis corporum naturalium sequitur formas eorum; sed angeli non causant formas corporum naturalium: ergo nec possunt in eis causare motum localem. — 1a, l. c. a. 3, arg. 1.

7. Praeterea, in 8. *Phys.* (*text.* 54 sqq.; c. 7) probatur, quod motus localis est primus motum; sed angeli non possunt causare alios motus transmutando materiam formaliter: ergo neque etiam possunt causare motum localem. — *Ibid.* arg. 2.

Sed contra est, quod Philosophus 12. *Metaphys.* (*text.* 42 sqq.; l. 11, c. 8) ex numero cœlorum collegit numerum intelligentiarum quæ movent cœlos; sed Deus unus est, ut dicit Philosophus (l.c. *text.* 56; l. 11, c. 10): ergo cœlum non movetur immediate a Deo. — 12. *Metaphys.* l. 9 (6); 1a, q. 103, a. 3, c.

RESPONDEO DICENDUM, quod cœli moventur immediate ab angelis, seu a Deo mediantibus angelis; quod potest esse manifestum ex multis. Et *primo* quidem, quia hoc magis congruit divinæ sapientiæ, quæ inferiora regit et movet per superiora, et media per prima; corpora vero cœlestia

media sunt inter superiora et inferiora, et ideo quantum ad durationem mensurantur ævo, sicut et angeli; quantum autem ad motus successivos mensurantur tempore, sicut et alia inferiora corpora. — *Secundo*, quia magis congruit dignitati naturæ angelicæ; cum enim servire Deo regnare sit, dignius obsequium esse non potest, quantum ad obsequentis naturam, quam cooperari Deo in regimine suæ providentiæ: quod fit movendo cœlos, ex quorum motu generantur omnia inferiora. Unde servire Deo in exsecutione divinæ providentiæ in majori et minori mundo majus est, quam servire Deo in exsecutione alicujus ministerii inferioris. Propterea valde probabiliter quidam dicunt, quod motores orbium sunt de media hierarchia et medio ordine, puta Virtutes, ut dicit Dionysius (*de Cœlesti Hierarchia* c. 8, § 4; — Migne PP. Gr. t. 3, col. 239). — *Tertio*, quia id magis congruit auctoritati Sanctorum; dicit enim S. Augustinus (*de Trin.* l. 3, c. 4; — Migne PP. L. t. 42, col. 873), quod sicut corpora grossiora et inferiora per subtilliora et superiora quodam ordine reguntur, ita omnia corpora per spiritum vitæ rationalem. In *Libro* etiam *LXXXIII Quæst.* q. 79; — Migne PP. L. t. 40, col. 90 dicit, quod unaquæque res visibilis in hoc mundo habet angelicam potestatem sibi præpositam. S. Gregorius citam dicit (*Dialog.* l. 4, c. 6; — Migne PP. L. t. 77, col. 329), quod in hoc mundo visibili nihil nisi per creaturam invisibilem disponi potest. Unde manifestum est, quod cœli moventur immediate ab angelis et non a Deo. — *De Motoribus Orbium;* *Opusc.* 10 et 11 primis quinque art.; *de Spirit.* *Creat.* a. 6, c.; 1a, q. 110, a. 3, c.

Ad primum ergo dicendum, quod secundum Philosophum duplex est motor primoris, sicut et reliquorum, ut patet ex 12. *Metaphys.* (*text.* 36; l. 11, c. 7): *unus*, qui movet per modum finis et amati, et hic est Deus; *alter*, qui movet per modum causæ efficientis, et hic movet per modum amantis et desiderantis et moti a fine, et est angelus. Et hoc modo intelligendus est Philosophus, quod primus motor primum mobile movet,

puta finaliter. Vel si intelligendus sit, quod moveat ipsum efficienter, dictum Philosophi intelligendum est per quandam appropriationem et primariam influentiae susceptionem. — *de Motoribus Orbium*; 12. *Metaphys.* l. 7 (5).

Ad secundum dicendum, quod si solus Deus immediate moveret cœlos, subtraheretur perfectio causalis a perfectioribus creaturis, eujusmodi sunt angeli; unde non totum melius fieret per unum, quod fit per multa. — *Ia*, q. 103, a. 6, ad 2.

Ad tertium dicendum, quod nterque motor cœli est immobilis omnino tam per se quam per accidens; nam Deus est omnino immutabilis, angelus vero movens cœlum non movetur ad motum orbis, ut dictum est (in Prima Secundæ Iun. op. q. 25, a. 3, *ad tert. quest.*) .

Vel dic, quod non oportet primi mobilis motorem esse omnimode primum vel omnimode immobilem; sed sufficit quod sit primum respectu aliorum motorum, et quod sit immobilis motu, quo movet; non enim oportet esse statum in motore primi mobilis simpliciter, sed in genere creaturarum. Omnes enim creaturæ defectibiles sunt et reducuntur in ipsum Deum, qui est principium et finis omnium. — *de Motoribus Orbium*.

Ad quartum dicendum, quod proportio non sequitur; ordo enim inter corpora tantum est secundum prædominium et excellentiam, secundum quod unum potest influere in aliud; spiritus vero rationales, qui sunt motores et vivificatores corporum, sic habent gradum et ordinem, ut immediate a Deo perficiantur et formantur, et hoc est propter rationem imaginis, per quam sunt ipsius Dei capaces. — *Ibid.*

Ad quintum dicendum, quod cœlum, ut instrumentum angeli, potest causare vitam, ut patet in animalibus ex putrefactione genitis, sicut et calor naturalis, ut instrumentum animæ vegetativæ, agit ad productionem carnis; neque hoc est materiam obedire angelis ad nutum, et angelos posse transmutare materiam corporalem ad aliquam formam substantialem, et non tantum

ad motum localem. Nam cum id quod potest virtus inferior, possit superior non eodem sed excellentiori modo, sicut intellectus cognoscit sensibilia excellentiori modo quam sensus, angelus excellentiori modo transmutat materiam corporalem quam agentia corporalia, scilicet localiter movendo ipsa agentia corporalia tamquam causa superior. — *Ia*, q. 110, a. 2, ad 2, et a. 3, ad 2; *de Pot.* q. 6, a. 3, c. et ad argg.; *de Malo* q. 16, a. 9.

Ad sextum dicendum, quod in corporibus sunt alii motus locales præter eos, qui consequuntur formas: sicut fluxus et refluxus maris non consequitur formam substantialem aquæ, sed virtutem lunæ; et multo magis aliqui motus locales consequi possunt virtutem spiritualium substancialium. — *Ia*, q. 110, a. 3, ad 4.

Ad septimum dicendum, quod angeli causando motum localem tamquam priorem, per eum causare possunt alios motus, adhibendo scilicet agentia corporalia ad hujusmodi effectus producendos, sicut faber adhibet ignem ad emollitionem ferri. — *Ibid.* ad 2.

ARTICULUS IV

UTRUM POTENTIA MOTIVA IN ANGELO MOVENTE CŒLUM SIT REALITER DISTINCTA AB INTELLECTU ET VOLUNTATE.

Videtur quod potentia motiva in angelo movente cœlum sit realiter distincta ab intellectu et voluntate.

1. *Intellectus enim et voluntas æquali-*ter se habent ad propinquæ et remota. Si ergo angelus solum ageret per intellectum et voluntatem, sequeretur quod non differret ad hoc, quod angelus aliquid ageret, quod esset propinquum vel remotum illud, in quod agit, et sic nunquam oporteret quod de cœlo ad terram descenderet ad aliquid hie agendum; quod est contra traditionem Sacrae Scripturæ. — *Quodl.* 6, a. 2, arg. 1.

2. *Præterea, quantum ad voluntatem non* differt unitas et multitudo; sicut enim aliquis potest velle mouere unam rem,

ita potest velle movere plures res vel etiam totam terram vel totum universum. Si ergo angelus moveret cœlum per intellectum et voluntatem, sequeretur quod posset movere totam terram atque adeo totum universum; quod est impossibile, cum ipse sit pars universi; non ergo angelus movet cœlum per solum intellectum vel voluntatem, sed per aliquam aliam potentiam. — *Ibid.* arg. 2.

3. Praeterea, in nobis potentia motiva est distincta ab intellectu et voluntate; ergo et in angelis erit talis potentia distincta, sicut et intellectus et voluntas inter se realiter in illis distinguuntur, sicut et in nobis. — *Ibid.* in e.

4. Praeterea, intellectus et voluntas ad diversa se habent; ergo si angelus movet cœlum solum per intellectum et voluntatem et non per aliam potentiam, sequeretur quod posset diversimode movere corpora cœlestia, et per consequens efficere varias transmutationes formales in inferioribus corporibus, quod est falsum; ergo potentia motiva angeli est distincta ab intellectu et voluntate. — *de Malo* q. 16, a. 9, arg. 7.

Sed contra: Omnis actio est ab aliqua virtute; sed in angelo non est alia virtus quam intellectus et voluntas; intellectus autem non agit nisi per voluntatem: ergo virtus motiva angeli non est distincta realiter ab intellectu et voluntate. — *Quodl.* 6, a. 2, arg. *Sed contra.*

RESPONDEO DICENDUM, quod omnis actio cuiuscunque rei est per formam naturæ illius rei. Nam etsi sint aliquæ formæ accidentales principia actionum alicujus rei, oportet quod hujusmodi actiones reducantur sicut in primum principium in formam specificam illius rei agentis; sicut actio caloris ignis reducitur sicut in primum principium in formam substantialem ipsius, quæ est etiam principium omnium accidentium priorum ignis. Et ideo oportet se aliter habere in actionibus alicujus rei habentis naturam simplicem, quam in actionibus rei habentis naturam compositam. Si enim fuerit aliquid habens naturam simplicem, omnis

actio ejus erit secundum proprietatem et modum illius naturæ; quod non contingit, si habeat naturam compositam. Omnis enim actio ignis est secundum proprietatem naturæ ignis; in cultello autem ignito est quedam actio non pertinens ad proprietatem ignis, scilicet incisio. — *Quodl.* 6, a. 2, c.

Et hoc etiam considerandum est in substantiis spiritualibus. Anima enim humana non est totaliter intellectus, sed participat intellectualitatem; unde est in ea aliqua virtus et actio, quæ non est secundum intellectum: sicut præcipue patet in his, quæ pertinent ad animam vegetativam. Sed angelus est totaliter intellectualis naturæ; et ideo oportet quod omnis ejus actio sit secundum intellectum; unde Dionysius dicit (*de Div. Nom.* c. 4, § 4; — Migne PP. Gr. t. 3, col. 694), quod angeli habent substancias et virtutes et operationes intellectuales. Intellectus autem non agit nisi mediante voluntate, tum quia motus voluntatis est inclinatio sequens formam intellectam, tum quia cum intellectus non agat nisi mediante cognitione seu scientia: sicut a scientia ut scientia non procedit effectus nisi mediante voluntate, quæ de sui ratione importat influxum quandam in volita: sicut et a substantia nunquam exit actio nisi mediante virtute (eo quod actio est ut in exeundo ab agente, scientia vero significatur per hoc quod est aliquid in scientie, non ex hoc quod aliquid sit a scientie; sicut similiter forma naturalis, in quantum est forma, cum tantum habeat esse in perficiendo illud in quo est, et quiescendo in ipso, non nominat principium actionis, nisi secundum quod habet inclinationem ad effectum, quod illi convenit ratione virtutis adjunctæ: unde ubi forma est virtus, forma non est principium actionis quatenus forma, sed quatenus est virtus); — ita nec intellectus est principium actionis nisi mediante inclinatione ad effectum, quæ est per voluntatem. Unde oportet quod quidquid angelus agit, agat per imperium voluntatis. — *Quodl.* 6, a. 2, c.; *1a*, q. 14, a. 8, c.; *de Verit.* q. 2, a. 14, c.

Sed tamen considerandum est, quod, cum virtus sit media inter essentiam et operationem, oportet quod virtus et operatio enjuslibet rei proportionetur essentiae ejus; unde superioris angeli, ejus essentiae est nobilior, est etiam virtus efficacior sicut ad intelligendum, ita et ad agendum in res exteriore; et secundum hoc actio angeli limitatur ad aliquem effectum, quia nec virtutem nec essentiam habet infinitam. — *Quodl.* 6, a. 2, c.

Ad primum ergo dicendum, quod actio voluntatis angelicæ radicatur in essentia ejus, a qua procedit ejus virtus et operatio; oportet autem movens esse simul cum mobili, quod ab eo moveretur, ut habeatur 7. *Phys. (text. 12; c. 2)*. Et ideo oportet substantiam angeli aliqualiter conjungi rebus quas movet. — *Quodl.* 6, a. 2, ad 1.

Ad secundum dicendum, quod, quia voluntas limitatur secundum modum essentiae, non oportet quod angelus possit agere omnia, quae velle potest. — *Ibid.* ad 2.

Ad tertium dicendum, quod anima propter intellectum et voluntatem habet alias vires, sicut sensitivas et nutritivas, quia non est totaliter intellectus, sed tantum participat intellectualitatem; at in angelo non est alia vis quam natura intellectiva et voluntas, quae ad intellectum consequitur; et propter hoc angelus dicitur mens vel intellectus, quia tota virtus ejus in hoc consistit. Unde non est mirum, si in angelo potentia motiva non sit distincta ab intellectu et voluntate; seens vero in nobis. — *Ia, q. 79, a. 1, ad 3;* *Quodl.* 6, a. 2, c.

Ad quartum dicendum, quod licet angelus per intellectum et voluntatem moveat cœlum, non tamen sequitur quod possit aliter movere, sed secundum modum proportionatum naturæ ipsius. Angelus enim non est sua voluntas, sicut Deus, sed habet voluntatem in natura determinata, et secundum modum ejus voluntas effectum sortitur; Deus autem, quia est ipsa voluntas, potest indifferenter facere quidquid potest eaderè sub voluntatem. — *de Mato* q. 16, a. 9, ad 7.

ARTICULUS V

UTRUM MOTUS CÆLI ALIQUANDO CESSABIT.

Videtur quod motus cœli nunquam cessabit.

1. Quaecunque enim necessitatem habent ex priori, sunt necessaria absolute, ut patet per Philosophum (2. *Phys. text.* 86; c. 9): sicut mors animalis, quæ necessaria est propter materię necessitatem; operationes autem rerum incorruptibilium, inter quas motum cœli oportet ponere, sunt propter substantias eorum, quorum sunt operationes, et sic necessitatem ex priori habere videntur; cum e converso sit in corruptibilibus, quorum substantiae sunt propter earum operationes, unde ex posteriori necessitatem habent, ut Commentator dicit (*Ibid.*): ergo motus cœli necessitate absoluta necessarius est et ita nunquam cessabit. — *de Pot.* q. 5, a. 5, arg. 3; 4. *Sent.* dist. 48, q. 2, a. 2; 4. c. *Gent.* c. 97; *Tabula Aurea* voce « cœlum » n. 415.

2. Praeterea, finis motus cœli est, ut cœlum per motum assimiletur Deo, in quantum exit de potentia in actum, per situm renovationem, quos successive actualiter acquirit; unumquodque enim secundum hoc Deo, qui est actus purus, assimilatur, quod actu est; iste autem finis cessaret cœsante motu. Cum ergo motus non cesseret nisi obtento fine, propter quem est, nunquam motus cœli cessabit. — *de Pot.* q. 5, a. 5, arg. 4.

3. Sed dices, quod motus cœli non est propter hunc finem, sed ad complendum numerum electorum, quo completo motus cœli cessabit. — Sed contra, nihil est propter vilius se, eo quod finis est nobilior his quæ sunt ad finem, cum finis sit causa beatitudinis in his quæ sunt ad finem; sed cœlum cum sit incorruptibile, est nobilis quam generabilia et corruptibilia: ergo non potest dici, quod motus cœli sit propter aliquam generationem in istis inferioribus, per quam numerus electorum possit compleri. — *Ibid.* arg. 5.

4. Sed dices, quod motus cœli non est

propter generationem electorum sicut propter generadēm finem, sed sicut propter finem secundarium. — Sed contra, habito fine secundario non quiescit quod propter finem motus movetur; si ergo generatio, per quam completur numerus electorum, est secundarius finis motus cœli, eo habito nondum quiescat cœlum. — *de Pot.* q. 5, a. 5, arg. 6.

5. Praeterea, omne quod est in potentia, est imperfectum, nisi ad actum reducatur; sed Deus in mundi consummatione non dimittet aliquid imperfectum: ergo cum potentia qua est in cœlo ad *ubi*, non reducatur in actum nisi per motum, videtur quod motus cœli etiam in mundi consummatione non quiescat. — *Ibid.* arg. 7.

6. Praeterea, si causæ alicujus effectus sunt incorruptibles et semper eodem modo se habentes, et effectus ipse est sempiterinus; sed omnes causæ motus cœli sunt incorruptibles et eodem modo semper se habentes, sive accipiamus causam moventem sive ipsum mobile: ergo motus cœli semper durabit. — *Ibid.* arg. 8.

7. Praeterea, motus cœli est naturalis cœlo, sicut et motus gravium et levium est eis naturalis, ut patet ex 1. *de Cœlo* (*text.* 78; c. 8), nisi quod elementa non moventur nisi cum sunt extra suum *ubi*, cœlum autem movetur etiam in suo *ubi* existens; sed elementum cum est extra suum *ubi*, non quiescit nisi violenter: ergo et cœlum non potest quiescere, nisi quies sit violenta. Sed hoc est inconveniens; nam cum nullum violentum possit esse perpetuum, sequitur quod illa quies cœli non esset perpetua, sed quandoque cœlum iterum moveri inciperet, quod est fabulosum: ergo non est dicendum, quod motus cœli aliquando quiescat. — *Ibid.* arg. 12.

8. Praeterea, illud quod æqualiter se habet ad duo, aut utriusque adhæret aut neutri; sed sol æqualiter se habet, quantum est de sua natura, ad quodlibet *ubi* cœli: ergo vel erit in quodlibet aut in nullo; sed non potest esse in nullo, quia omne corpus sensibile alicubi est: ergo oportet quod sit in quolibet; sed hoc non potest esse nisi per mo-

tus successionem: ergo semper movebitur. — *Ibid.* arg. 18.

Sed contra: 1. Omnis motus est propter aliquem finem, ut dicitur 2. *Metaphys.* (*text.* 8; l. I min., c. 2); sed omnis motus, qui est propter finem, habito fine quiescit: ergo vel motus cœli nunquam consequetur suum finem, et sic esset frustra, vel aliquando quiescat. — 4. *Sent.* dist. 48, q. 2, a. 2, arg. 4 *Sed contra.*

2. Praeterea, quies est nobilior quam motus, quia secundum hoc quod res sunt immobiles, Deo assimilantur, in quo est summa immobilitas; sed corporum inferiorum motus terminatur naturaliter ad quietem: ergo cum corpora cœlestia sint multo nobiliora, eorum motus naturaliter ad quietem terminabitur. — *Ibid.* arg. 5 *Sed contra.*

RESPONDEO DICENDUM, quod secundum doctrinam Sanctorum ponimus, motum cœli quandoque cessaturum, quamvis hoc magis fide teneatur, quam ratione demonstrari possit. Ut autem manifestum esse possit, in quo difficultas consistat hujus quæstionis, attendendum est, quod motus cœli non hoc modo est naturalis corpori celesti, sicut motus elementi est illi naturalis; habet enim hujusmodi motus in mobili principium non solum materiale et receptivum, sed etiam formale et activum. Formam enim elementi sequitur talis motus, sicut et aliæ naturales proprietates ex essentialibus principiis consequuntur; unde in eis generans dicitur esse principium movens, in quantum dat formam, quam consequitur motus. Sie autem in cœlo dici non potest. Cum enim natura semper in unum tendat determinate, non se habens ad multa, impossibile est quod aliqua natura inclinet ad motum secundum se ipsum; eo quod in quolibet motu deformitas quædam est, in quantum non eodem modo se habet quod movetur; uniformitas vero mobilis est contra rationem motus. Unde natura nunquam inclinat ad motum propter motum, sed propter aliquid determinatum, quod ex motu consequatur: sicut natura gravis inclinat ad quietem in medio, et per conseqnens inclinat ad motum qui

est deorsum, secundum quod tali motu in talem locum pervenitur. Cœlum autem non pervenit suo motu in aliquod *ubi*, ad quod per suam naturam inclinatur, quia quodlibet *ubi* est principium et finis motus; unde non potest esse sius motus naturalis, quasi sequens aliquam inclinationem naturalis virtutis inhærentis, sicut sursum ferri est motus naturalis ignis. — *de Pot.* q. 5, a. 5, c.

Dicitur autem motus cireñlaris esse naturalis cœlo, in quantum in sua natura habet aptitudinem ad talem motum, et sic in se ipso habet principium talis motus passivum. Activum autem principium motus est aliqua substantia separata, ut Deus vel intelligentia vel anima, ut quidam ponunt; quantum enim ad præsentem questionem nihil differt. — Ratio ergo permanentiae motus non potest sumi ex natura aliqua cœlestis corporis, ex qua tantum est aptitudo ad motum, sed oportet eam sumere ex principio activo separato; et quia omne agens propter finem agit, oportet considerare, quis est finis motus cœli. Si namque fini ejus congruat, quod motus aliquando terminetur, cœlum quandoque quiescat; si autem fini ejus non competit quies, motus ejus erit sempiternus. Non enim potest esse, quod motus deficiat ex mutatione causæ moventis, cum voluntas Dei sit immutabilis, sicut etiam natura, et per illam consequuntur immobilitatem, si quæ sunt causæ mediæ moventes. — *de Pot.* q. 5, a. 5, c.

In hac autem consideratione oportet tria vitare: quorum *primum* est, ne dicamus cœlum moveri propter ipsum motum. Motus enim ex ipsa sua ratione repugnat, ne possit poni finis, eo quod motus est in aliud tendens; unde non habet rationem finis, sed magis ejus quod est ad finem. Cui etiam attestatur, quod est actus imperfectus, ut dicitur 3. *Phys.* (tert. 45; c. 2); finis autem est ultima perfectio rei. — *Secundum* est, ut non ponatur motus cœli esse propter aliquid vilius; nam cum finis sit unde ratio sumitur, oportet finem præeminere his quæ sunt ad finem. Potest autem contingere, quod vilius sit terminus operationis rei inobiliarioris, non autem ut sit finis intentionis;

sicut securitas rustici est quidam terminus, ad quem operatio regis gubernantis terminatur, non tamen regimen regis est ordinatum ad hujus rustici securitatem sicut in finem, sed ad aliquid melius, scilicet ad bonum commune. Unde non potest dici, quod generatio istorum inferiorum sit finis motus cœli, etsi sit effectus vel terminus, quia et cœlum his inferioribus præeminet, et motus ejus motibus et mutationibus horum. — *Tertium* est, ut non ponatur finis motus cœli aliquid infinitum, quia, ut dicitur 2. *Metaphys.* (tert. 8; l. I min., c. 2), qui ponit infinitum in causa finali, destruit finem et naturam boni. Pertingere enim quod infinitum est, impossibile est; nihil autem movetur ad id, quod impossibile est ipsum consequi, ut dicitur 1. *de Cœlo* (tert. 58; c. 7). Unde dici non potest, quod finis motus cœli sit, ut consequatur in actu nisi id, ad quod est in potentia, licet hoc Avicenna dicere videatur. Hoc enim impossibile est consequi, cum infinitum sit, quia dum est in actu in *ubi* aliquo, erit in potentia ad aliud *ubi*, in quo prius existebat actu. — *de Pot.* q. 5, a. 5, c.

Debet ergo finis motus cœli poni aliquid, quod cœlum per motum possit consequi, quod sit aliud a motu et eo nobilior. Hoc autem duplice potest poni: *uno modo*, ut ponatur finis motus cœli aliquid in ipso cœlo, quod simul cum motu existit; et *secundum* hoc a quibusdam philosophis ponitur, quod similitudo ad Deum in causando est finis motus cœli; quod quidem sit ipso motu durante; unde *secundum* hoc non convenit quod motus cœli deficiat, quia, deficiente motu, finis ex motu proveniens cessaret. *Aliomodo* potest poni finis motus cœli aliquid extra cœlum, ad quod pervenitur per motum cœli, quo cessante illud potest permanere. Et haec est nostra positio; ponimus enim, quod motus cœli est propter implendum numerum electorum. Anima namque rationalis est qualibet corpore nobilior, etiam ipso cœlo; unde nullum est inconveniens, si ponatur finis motus cœli multiplicatio animalium rationalium; non autem in infinitum, quia hoc per mo-

tum cœli proventire non posset, et sic moveretur ad aliquid, quod consequi non posset. Unde relinquitur quod determinata multitudo animalium rationalium sit finis motus cœli; unde ea habita motus cœli cessabit. — *de Pot.*, l. c.

Licet autem utraque positionum praedictarum posset rationabiliter sustineri, tamen secunda, quæ fidei est, videtur esse probabilius propter tres rationes: *primo* quidem, quia nihil differt dicere, finem alicujus esse assimilationem ad Deum secundum aliquid, et illud, secundum quod assimilatio attenditur; sicut supra dictum est, quod finis rerum posset dicitur vel ipsa assimilatio divinae bonitatis, vel esse rerum, secundum quod res Deo assimilantur. Idem ergo est dicere finem motus cœli esse assimilari Deo in causando, et causare; causare autem non potest esse finis, cum sit operatio habens operatum et tendens in aliud; hujusmodi enim operationibus meliora sunt operata, ut dicitur *l. Eth.* (c. 1). Unde hujusmodi factio[n]es non possunt esse fines agentium, cum non sint perfectiones facientium, sed magis factorum; unde et ipsa facta sunt magis fines, ut patet ex *9. Metaphys.* (*text.* 16; *l. 8, c. 8*) et *l. Eth.* (c. 1). Ipsa autem operata non sunt fines, cum sint vilia cœlo, ut supra dictum est. Unde relinquitur convenienter non dici, quod finis motus cœli sit assimilari Deo in causando. — *Secundo* vero, quia cum cœlum moveatur, in ipso existente sola aptitudine ad motum, principio vero activo existente extra, ut dictum est, movetur et agit sicut instrumentum. Haec enim est dispositio instrumenti, ut patet in artificialibus; nam in securi est sola aptitudo ad talem motum, principium autem motus in artifice est. Unde et secundum philosophos, quod movet motum, movet ut instrumentum; in actione autem, quæ est per instrumentum, non potest esse finis aliquis in ipso instrumento nisi per accidens, in quantum instrumentum accipitur ut artificialium et non ut instrumentum. Unde non est probabile, quod finis motus cœli sit aliqua ejus perfectio, sed magis aliquid extra ipsum. — *Tertio*, quia

si similitudo ad Deum in causando est finis motus cœli, præcipue attenditur haec similitudo secundum causalitatem ejus, quod a Deo immediate causatur, scilicet animæ rationalis, ad cuius causalitatem concurredit cœlum per motum suum materiali disponendo. Et ideo probabilius est, quod finis motus cœli sit numerus electorum quam assimilatio ad Deum in causalitate generationis et corruptionis, secundum quod philosophi ponunt. Et ideo concedimus, quod motus cœli completo numero electorum finietur. — *de Pot.* q. 5, a. 5, c.

Ad primum ergo dicendum, quod haec præpositio *propter* denotat causam; unde quandoque denotat causam finalem, quæ est posterior in esse; quandoque autem materiale vel efficientem, quæ sunt priores. Cum autem dicitur: in rebus incorruptilibus actus sunt propter agentia, ly *propter* non denotat causam finalem, sed efficientem, ex qua est necessitas ibi et non ex fine. Motus ergo cœli si comparetur ad ipsum mobile, non habet ex eo necessitatem sicut ex causa efficiente, ut dictum est; habet autem hanc necessitatem ex movente, quod quia est voluntarie movens, secundum hoc necessitatem in motu inducit, secundum quod determinatum est per ordinem divinæ sapientiae, et non ad moveri semper. — *Ibid.* ad 3.

Ad secundum dicendum, quod assimilari Deo secundum hoc quod actu acquirit successive diversos situs, ad quos prius erat in potentia, non potest esse finis motus cœli, tum quia hoc infinitum est, ut supra ostensum est; tum quia sicut ex una parte per motum acceditur ad divinam similitudinem, per hoc quod situs qui erant in potentia, sicut actu, ita ab alia parte receditur a divina similitudine, per hoc quod situs qui erant in actu, sicut in potentia. — *de Pot.* q. 5, a. 5, ad 4.

Ad tertium dicendum, quod licet generabilia et corruptibilia sint vilia cœlo, tamen animæ rationales sunt corpore cœli nobiliores, quæ tamen a Deo producuntur ad esse in materia disposita per motum cœli. — *Ibid.* ad 5.

Ad quartam dicendum, quod completio numeri electorum, secundum doctrinam fidei, non ponitur secundarius finis motus cœli, sed principalis, licet non ultimus, quia finis ultimus minusenjusque rei est bonitas divina, in quantum creature quoquo modo ad eam perflingunt vel per similitudinem vel per debitum simulatum. — *Ibid.* ad 6.

Ad quintum dicendum, quod res non dicitur esse imperfecta, quacunque potentia in ipsa non reducta ad actum, sed solum quando per reductionem in actum res consequitur suum complementum. Non enim homo qui est in potentia ut sit in India, imperfectus erit, si ibi non fuerit; sed imperfectus dicitur, si scientia vel virtute careat qua natus est perfici; cœlum autem non perficitur per locum, sicut corpora inferiora, que in proprio *ubi* conservantur. Unde licet potentia qua potest esse in aliquo *ubi*, nunquam reducatur ad actum, non tamen sequitur quod sit imperfectum; nam si secundum se consideretur, non magis persistit, cum est in uno situ quam in alio, sed indifferenter se habet ad omnia *ubi*, cum ad quodlibet moveatur naturaliter. Ipsa autem indifferentia magis inducit ad quietem quam ad perpetuitatem motus, nisi consideretur voluntas moventis et intendentis finem, sicut etiam quidam philosophi assignaverunt causam quietis terræ in medio propter indifferentiam ejus respectu cujuslibet partis circumferentiae cœli. — *Ibid.* ad 7.

Ad sextum dicendum, quod licet causæ motus cœli omnes sint aeternæ, tamen movens, ex quo necessitas ejus dependet, moveat per voluntatem, et non est necessarium quod semper moveat, sed secundum quod exigit ratio finis. — *Ibid.* ad 8.

Ad septimum dicendum, quod motus cœli non est naturalis propter activam inclinationem formalis principii in corpore colesti ad talem motum, sicut est in elementis. Unde non sequitur, si cœlum quiescit, quod ejus quies sit violentia. — *Ibid.* ad 12.

Ad octavum dicendum, quod quamvis cœlum æqualiter se habeat ad quemlibet situm sibi possibilem, non tamen motus

est propter acquisitionem situs, sed propter aliquid aliud; unde in quounque situ remaneat, impleto eo ad quod erat, nihil differt. — *Ibid.* ad 18.

ARTICULUS VI

UTRUM CESSANTE MOTU CÉLI REMANEANT ELEMENTA.

Videlur quod cessante motu cœli non remaneant elementa.

1. Dicitur enim 2. *Petri* 3, 10, quod in fine mundi elementa calore solventur; quod autem dissolvitur, non manet: ergo elementa non manebunt. — *de Pot.* q. 5, a. 7, arg. 1.

2. Sed dices, quod manebunt secundum substantiam, sed non secundum qualitates activas et passivas. — Sed contra, manente causa manet effectus; sed principia essentialia sunt causa propriorum accidentium: cum ergo qualitates activæ et passivæ sint propria elementorum accidentia, videtur quod principiis essentialibus manentibus, sine quibus substantia esse non potest, etiam remaneant qualitates activæ et passivæ. — *Ibid.* arg. 2.

3. Praeterea, elementa facta sunt propter hominem in beatitudinem tendentem; sed habito fine cessant ea, que ad finem sunt: ergo homine totaliter jam in beatitudine collocato, quod erit in fine mundi, elementa cessabunt. — *Ibid.* arg. 9.

4. Praeterea, materia est propter formam, quam per generationem acquirit; elementa autem comparantur ad omnia alia corpora mixta sicut materia: ergo cum generatio mixtorum cœsset post finem mundi, videtur quod elementa non maneant. — *Ibid.* arg. 10.

5. Praeterea, illud quod non habet virtutem ut sit semper, non potest in perpetuum manere; sed elementa, cum sint corruptibilia, non habent virtutem ut sint semper: ergo non possunt in perpetuum manere, motu cœli cessante. — *Ibid.* arg. 15.

6. Sed dices, quod elementa sunt incorruptibilia secundum totum, licet sint corruptibilia secundum partem. — Sed contra, hoc competit elementis per motum

cœli, in quantum una pars elementi corruptitur et alia generatur; sic enim ipsius elementi totalitas conservatur; motu ergo cœli cessante non poterit assignari causa incorruptionis in toto elemento. — *de Pot.* q. 5, a. 7, arg. 16.

7. Praeterea, Philosophus dicit (*8. Phys. text. I*; c. 1.), quod motus cœli est ut vita quadam natura existentibus omnibus; et Rabbi Meyses dicit, quod motus cœli in universo est sicut motus cordis in animali, a quo dependet vita totius animalis; cessante autem motu cordis omnes partes animalis dissolvuntur: ergo cessante motu cœli omnes partes universi peribunt, et ita elementa non remanebunt. — *Ibid.* arg. 17.

8. Praeterea, esse cujuslibet rei est a sua forma; sed motus cœli est causa formarum in istis inferioribus; quod patet ex hoc quod nihil in inferioribus agit ad speciem nisi ex virtute motus cœli, ut philosophi dicunt: ergo cessante motu cœli elementa esse desinent, formis eorum destructis. — *Ibid.* arg. 18.

9. Praeterea, ad præsentiam solis elementa superiora vincunt semper inferiora, sicut accidit in æstate propter caloris fortificationem, sed ad solis absentiam e converso; motu autem cœli cessante sol semper ex una parte præsens erit et ex alia absens: ergo ex una parte totaliter destruentur elementa frigida, et ex alia elementa calida, et sic elementa non remanebunt, motu cœli cessante. — *Ibid.* arg. 19.

Sed contra est, quod elementa facta sunt ad divinam bonitatem manifestandam; sed tunc maxime oportebit divinam bonitatem manifestari, quando res ultimam consummationem accipient: ergo in fine mundi elementa manebunt. — *Ibid.* arg. 2 *Sed contra.*

RESPONDEO DICENDUM, quod apud omnes communiter dicitur, quod elementa quodammodo manebunt et quodammodo transibunt; sed in modo manendi et transeundi est diversa opinio. — *Quidam* enim dixerunt, quod omnia elementa manebunt quantum ad materiam; sed quædam nobiliorēm formam accipient, scilicet aqua et

ignis, quæ accipient formam cœli, ut sie tria elementa possint dici cœlum, aer scilicet, qui ex sua natura habet, ut cœlum quandoque in Scripturis dicatur, et aqua et ignis, quæ formam cœli assument, ut sic intelligatur verificari, quod dicitur *Apoc. 21*, I: «Vidi cœlum novum et terram novam», sub cœli nomine tribus comprehensis, scilicet igne, aere et aqua. — Sed ista positio est impossibilis. Elementa enim non sunt in potentia ad formam cœli, eo quod forma cœli contrarium non habeat, et sub forma cœli sit tota materia, quæ est in potentia ad ipsam; sic enim cœlum esset generabile et corruptibile; quod Philosophus ostendit esse falsum (*1. de Cœlo text. 20*; c. 3). Ratio etiam, qua hoc asseritur, frivola est: quia in Scriptura, sicut dicit Basilius (*Homil. I in Hexaemeron* n. 7; — Migne PP. Gr. t. 29, col. 19), per extrema media intelliguntur, ut patet *Genes. 1*, 4, cum dicitur: «In principio creavit Deus cœlum et terram»; nam per creationem cœli et terræ etiam elementa media intelliguntur. Quandoque etiam sub certo nomine omnia inferiora comprehenduntur, ut patet in *Psalmo 148*, 7: «Laudate Dominum de terra», et postea subditur: «ignis, grando». Unde nihil prohibet dicere, quod per innovationem cœli et terræ Scriptura innovationem etiam mediorum elementorum intellexit, vel quod sub nomine terræ omnia elementa comprehendat. — *de Pot.* q. 5, a. 7, c.

Et ideo *alii* dicunt, quod omnia elementa manebunt secundum substantiam, non solum quantum ad materiam, sed etiam quantum ad formas substantiales. Sicut enim secundum opinionem Avicennæ remanent formæ substantiales elementorum in mixto, qualitatibus activis et passivis non remanentibus in suis excellentiis, sed ad medium redactis, ita possibile erit quod in ultimo statu mundi absque prædictis qualitatibus remaneant elementa. Cui videatur consonare quod Augustinus dicit (*de Civ. Dei* l. 20, c. 16; — Migne PP. L. t. 41, col. 682): «In illa conflagratione mundana elementorum corruptibilium qualitates, quæ corporibus nostris corruptilibus congrue-

bant, ardendo penitus interibunt, atque ita substantia eas qualitates habebit, quæ corporibus immortalibus mirabili mutatione convenient. — Sed hoc non videtur rationabiliter dictum: *primo* quidem, quia cum qualitates activæ et passivæ sint per se elementorum accidentia, oportet quod a principiis essentialibus causentur; unde non potest esse, quod principiis essentialibus manentibus in elementis, qualitates deficiant nisi per violentiam, quod non potest esse diuturnum. Et ideo nec opinio Avicennæ videtur esse probabilis, quod formæ elementorum actu maneant in mixto, sed solum virtute, ut dicit Philosophus; quia oportet quod diversorum elementorum formæ in diversis partibus materiae conservarentur, quod non esset, nisi essent etiam situ distinctæ; et sic non esset vera commixtio, sed solum secundum sensum; et tamen in mixto impediuntur qualitates unius elementi per qualitates alterius; quod non potest dici in mundi consummatione, ubi omnino cessabit violentia. *Secundo* quia, cum qualitates activæ et passivæ sint de integritate naturæ elementorum, sequeretur quod elementa imperfecta remanerent; unde auctoritas Augustini inducta non loquitur de qualitatibus activis et passivis, sed de dispositionibus eorum, quæ generantur et corrumpuntur et alterantur. — *de Pot.* q. 5, a. 7, c.

Et ideo videtur dicendum, quod elementa in sua substantia remanebunt, et etiam in suis qualitatibus naturalibus; sed mutuæ generationes et corruptiones et alterationes cessabunt. Per hujusmodi enim elementa ordinantur ad completionem numeri electorum, sicut et cœlum per motum suum; sed substantiæ elementorum manebunt, sicut et substantia cœli. Cum enim universum in perpetuum remaneat, oportet quod ea quæ sunt de perfectione universi, primo et per se remaneant; hoc autem competit elementis, cum sint essentiales partes ipsius universi, ut probat Philosophus (*2. de Cœlo text. 30* sqq.; c. 4). Si enim est corpus circulare, oportet esse centrum ipsius, quod est terra; posita autem terra, quæ est simpliciter gravis, utpote in medio consti-

tuta, oportet ponere contrarium ejus, scilicet ignem, qui sit simpliciter levis; quia si unum contrariorum est in natura, et reliquum. Suppositis autem extremis necessitate est et poni media; unde oportet ponere aerem et aquam, quae sunt ad ignem quidem levia, ad terram autem gravia (1); quorum unum est propinquius igni, aliud propinquius terræ. Unde ex ipso situ universi patet, quod ipsa elementa sunt partes essentiales universi.

Quod patet esse manifestum ordine causarum et effectuum considerato; nam sicut cœlum est universale activum eorum, quæ generantur, ita elementa sunt eorundem universalis materia. Unde ad perfectionem universi requiritur, quod elementa secundum suam substantiam maneant; et ad hoc etiam habent ex sui natura aptitudinem. Corruptio autem aliter accidit in corporibus mixtis et elementis. In corporibus enim mixtis inest corruptionis activum principium propter hoc, quod sunt ex contrariis composita; in elementis autem, quia contrarium exterius habent et non sunt ex contrariis composita, non inest principium corruptionis activum, sed passivum tantum, in quantum habent materiam, cui inest aptitudo ad aliam formam, qua privantur. Et ab hoc principio generatio et corruptio in elementis sunt motus vel mutationes naturales, et non propter principium activum, ut dicit Commentator in *2. Phys.* Sicut ergo, quia corpus cœleste principium sui motus activum habet extra, potest esse quod ejus motus cesseret, ipso manente, absque violentia, ut dictum est, ita potest esse ut corruptio elementorum cesseret, eorum substantiis manentibus, exteriori corruptivo cessante, quod oportet reducere in motum cœli, sicut in primum generationis et corruptionis principium. — *de Pot.* q. 5, a. 7, c.

Ad primum ergo dicendum, quod illa elementorum solutio non est referenda ad destructionem substantiæ elementorum, sed ad elementorum purgationem, quæ erit per

(1) *Legendum videtur*: ad ignem quidem gravia, ad terram autem levia.

ignem, qui faciem iudicis precedet; post illam autem purgationem remanebunt elementa secundum substantiam et naturales qualitates, ut dictum est. — Unde secundum concedimus. — *de Pot.* q. 5, a. 7, ad 1 et 2.

Ad tertium dicendum, quod elementa quantum ad sui mutationem facta sunt propter hominem in beatitudinem tendenter; sed quantum ad sui substantiam sunt facta et propter perfectionem universi et propter substantiam ipsius hominis, quæ ex elementis constituitur. — *Ibid.* ad 9.

Ad quartum dicendum, quod in mundi consummatione non cessabunt omnia mixta, quia corpora humana remanebunt; unde decens est, si partes eorum remanent in corpore hominis, qui est minor mundus, quod ipsa tota remaneant in mundo majori. — *Ibid.* ad 10.

Ad quintum dicendum, quod elementum sicut non habet virtutem ut sit semper, propter hoc quod potest ab exteriori corrumphi, ita non habet virtutem ut quandoque deficiat, nisi materialem, ut dictum est. — *Ibid.* ad 15.

Ad sextum dicendum, quod elementa sunt incorruptibilia secundum totum, partibus generatis et corruptis, quamdiu motus cœli durat; sed motu cœli cessante erit in eis alia incorruptionis causa, quia scilicet non possunt corrumphi nisi ab extrinseco; corruptivum autem extrinsecum deficiente motu cœli cessabit. — *Ibid.* ad 16.

Ad septimum dicendum, quod motus cœli est ut vita quædam omnibus rebus naturalibus secundum statum mutationis, qui in consummatione mundi tolletur. — *Ibid.* ad 17.

Ad octarum dicendum, quod licet eductio formarum de potentia in actum dependeat ex motu cœli, tamen eorum conservatio dependet a principiis altioribus. — *Ibid.* ad 48.

Ad nonum dicendum, quod sol est causa caliditatis per motum, ut dicit Philosophus 2. *de Cœlo* (*text.* 56 et 58; *c.* 9 et 10); unde cessante motu tollitur corruptionis causa in elementis, quæ est per superexcedentiam caloris. — *Ibid.* ad 49.

ARTICULUS VII

UTRUM CESSANTE MOTU CŒLI REMANEAT ACTIO ET PASSIO IN ELEMENTIS.

Videtur quod cessante motu cœli remaneat actio et passio in elementis.

1. Potentiae enim naturales sunt determinatae ad unum; unde virtus ignis, cum sit naturalis potentia, se habet tantum ad calefaciendum; sed in illa mundi consummatione remanebit virtus ignis et aliorum elementorum, ut prius dictum est: ergo impossibile est quin ignis et alia elementa agant. — *de Pot.* q. 5, a. 8, arg. 1.

2. Praeterea, sicut dixit Philosophus (1. *de Generat.* *text.* 48 et 49; *c.* 7), ad hoc quod fiat mutua actio et passio, requiritur quod agens et patiens sint similia secundum materiam et dissimilia secundum formam; hoc autem erit in elementis cessante motu cœli, quia eorum substantiae manebunt principiis essentialibus non mutatis: ergo erit actio et passio in elementis motu cœli cessante. — *Ibid.* arg. 2.

3. Praeterea, causa actionis et passionis in elementis est ex hoc, quod in materia elementi semper est appetitus ad aliam formam, licet materia per unam formam sit perfecta; sed iste appetitus in materia remanebit etiam motu cœli cessante; non enim una forma elementi poterit totam potentiam materiae implere: ergo in illa mundi consummatione remanebit actio et passio in elementis. — *Ibid.* arg. 3.

4. Praeterea, illud quod est de perfectione elementi, non auferatur ei; hoc autem est de perfectione cujusque entis, quod agat sibi simile; diffusio enim ipsius esse derivatur a primo bono in omnia entia: ergo videtur quod elementa in illa consummatione agent sibi simile, et sic erit in eis actio et passio. — *Ibid.* arg. 4.

5. Praeterea, sicut proprium est ignis esse calidum, ita etiam proprium ejus est calefacere; sicut enim calor derivatur a principiis essentialibus ignis, ita calefactio derivatur a calore; si ergo in illa rerum consummatione ignis et ejus calor remane-

bit, videtur quod etiam calefactio remanebit. — *Ibid.* arg. 5.

6. Praeterea, omnia corpora naturalia se tangentia aliquo modo se alterant, ut patet ex 1. *de Generat.* (*text.* 53; c. 7); sed elementa in illo statu mundi se tangent: ergo se invicem alterabunt, et ita erit ibi actio et passio. — *Ibid.* arg. 6.

7. Praeterea, in illa mundi consummatione « erit lux luna sicut lux solis, et lux solis septempliciter » (*Is.* 30, 26); sed modo sol et luna sua luce illuminant corpora inferiora: ergo multo fortius tunc illuminabunt, et ita remanebit aliqua actio et passio in his inferioribus; nam medium illuminatum illuminabit ultimum. — *Ibid.* arg. 7.

8. Praeterea, Sancti videbunt visu corporeo res hujus mundi; sed visio non potest esse sine actione et passione, quia visus patitur a visibili: ergo erit actio et passio, etiam motu cœli cessante. — *Ibid.* arg. 8.

Sed contra: 1. Remota causa removetur effectus; sed motus cœli est causa actionis et passionis in istis inferioribus secundum doctrinam Philosophi (1. *Meteorol.* c. 2 et 2. *de Cœlo* *text.* 56; c. 9): ergo remoto motu cœli removebitur actio et passio in istis inferioribus. — *de Pot.* q. 5, a. 8, arg. 1 *Sed contra.*

2. Praeterea, actio et passio in rebus corporalibus sine motu esse non potest; remoto autem primo motu, qui est motus cœli, ut probatur 8. *Phys.* (*text.* 75; c. 9), oportet posteriores motus cessare: remotu ergo motu cœli non erit actio et passio in istis inferioribus. — *Ibid.* arg. 2 *Sed contra.*

RESPONDEO DICENDUM, quod sicut habetur in lib. *de Causis* (propos. 1), quando causa prima retrahit actionem suam a causato, oportet etiam, quod causa secunda retrahat actionem suam ab eodem, eo quod causa secunda habet hoc ipsum, quod agit, per actionem causæ primæ, in cuius virtute agit. Cum autem omne agens agat secundum quod est in actu, oportet secundum hoc accipere ordinem causarum agentium, secundum quod est ordo earum in actualitate. Corpora autem inferiora minus habent de actualitate quam corpora cœlestia;

nam in corporibus inferioribus non est tota potentialitas completa per actum, eo quod materia substantia unius formæ remanet in potentia ad aliam formam; quod non est in corporibus cœlestibus. Nam materia corporis cœlestis non est in potentia ad aliam formam; unde sua potentialitas tota est terminata per formam, quam habet. Substantiae vero separatae sunt perfectiores in actualitate, quam etiam corpora cœlestia, quia non sunt compositæ ex materia et forma, sed sunt formæ quedam subsistentes, quæ tamen deficiunt ab actualitate Dei, qui est snum esse, quod de aliis substantiis separatis nou contingit. Sicut etiam videsmus, quod elementa etiam se superant invicem secundum gradum actualitatis, eo quod aqua habet plus de specie quam terra, aer quam aqua, et ignis quam aer; ita etiam est in corporibus cœlestibus et in substantiis separatis. Elementa ergo agunt in virtute corporum cœlestium, et corpora cœlestia agunt in virtute substantiarum separatarum; unde cessante actione substantiarum separatae oportet quod cesset actio corporis cœlestis, et ea cessante oportet quod cesset actio corporis elementaris. — *de Pot.* q. 5, a. 8, c.

Sed sciendum, quod corpus habet duplēcim actionem: *mam* quidem secundum proprietatem corporis, ut scilicet agat per motum (hoc enim est proprium corporis, ut motum moveat et agat); *aliam* autem actionem habet, secundum quod attingit ad ordinem substantiarum separatarum, ut participat aliquid de modo ipsarum: sicut naturæ inferiores consueverunt aliquid partipare de proprietate naturæ superioris, ut apparet in quibusdam animalibus, quæ participant aliquam similitudinem prudentiæ, quæ propria est hominum. Haec autem est actio corporis, quæ non est ad transmutationem materiæ, sed ad quandam diffusiónem similitudinis formæ in medio, secundum similitudinem spiritualis intentionis, quæ recipitur de re in sensu vel intellectu; et hoc modo sol illuminat aerem, et color multiplicat speciem suam in medio. Uterque autem modus actionis in istis inferio-

ribus causatur ex corporibus cœlestibus; nam et ignis suo calore transmutat materiam ex virtute corporis cœlestis, et corpora visibilia multiplicant suas species in medio virtute luminis, cuius fons est in cœlesti corpore. Unde si actio utraque corporis cœlestis cessaret, nulla actio in istis inferioribus remaneret. Sed cessante motu cœli cessabit prima actio, sed non secunda; et ideo cessante motu cœli, erit quidem actio in istis inferioribus illuminationis et immutationis medii a sensibilibus, non autem erit actio, per quam transmutatur materia, quam sequitur generatio et corruptio. — *de Pot.* q. 5, a. 8, c.

Ad primum ergo dicendum, quod virtus ignis semper est determinata ad calefacendum, præsuppositis tamen causis prioribus, quæ ad actionem ignis requiruntur. — *Ibid.* ad 1.

Ad secundum dicendum, quod similitudo secundum materiam et contrarietas formæ non sufficit in istis inferioribus ad passionem et actionem nisi motu cœli præsupposito, in cuius virtute agunt omnes inferiores activæ potentiae. — *Ibid.* ad 2.

Ad tertium dicendum, quod materia non sufficit ad actionem, nisi principium activum ponatur. Unde appetitus materiae non sufficienter probat actionem in elementis, motu cœli subtracto, a quo est primum principium actionis. — *Ibid.* ad 3.

Ad quartum dicendum, quod inferiora nunquam attingunt ad gradum perfectionis superiorum; hoc autem est de ratione perfectionis supremi agentis, quod sua perfectio sibi sufficiat ad agendum, omni agente remoto; unde hoc inferioribus agentibus attribui non potest. — *Ibid.* ad 4.

Ad quintum dicendum, quod ignis est proprium caleficere, supposito quod habeat aliquam actionem; sed ejus actio dependet ab alio, ut dictum est. — *Ibid.* ad 5.

Ad sextum dicendum, quod tactus non sufficit in elementis ad agendum, nisi motu cœli supposito. — *Ibid.* ad 6.

Ad septimum et octavum: illa concedimus; nam procedunt de actionibus, quibus materia non transmutatur, sed species quo-

dam modo multiplicatur per modum intentionis spiritualis. — *Ibid.* ad 7 et 8.

ARTICULUS VIII

UTRUM CESSANTE MOTU CŒLI REMANEANT PLANTÆ ET ANIMALIA BRUTA ET CORPORA MINERALIA.

Videtur quod cessante motu cœli remaneant plantæ, bruta animalia et corpora mineralia.

1. Habetur enim *Eccle.* 3, 14: « Didici, quod omnia opera Dei perseverent in æternum » (1); sed prædicta sunt opera Dei: ergo in æternum manent. — *de Pot.* q. 5, a. 9, arg. 1.

2. Præterea, impossibile est, quod intentio et appetitus naturæ frustrentur, cum naturæ intentio sit ex hoc, quod natura a Deo in finem dirigitur; sed natura intendit per generationem et corruptionem perpetuitatem speciei servare: ergo nisi prædicta secundum speciem conserventur, frustrabitur naturæ intentio et appetitus; quod est impossibile, ut dictum est. — *Ibid.* arg. 3; 4. *Sent.* dist. 48, q. 2, a. 5, arg. 5.

3. Præterea, decor universi pertinet ad gloriam beatorum; unde dicitur a Sanctis, quod in majorem beatorum gloriam elementa mundi in statum meliorem reformabuntur; sed plantæ, bruta et mineralia pertinent ad decorem universi: ergo non subtrahentur in ultima consummatione beatorum. — *de Pot.* q. 5, a. 9, arg. 4; 4. *Sent.* l. c. arg. 1.

4. Præterea, sicut elementa servierunt homini in statu viæ, ita et animalia et plantæ; sed elementa propter prædictum ministerium remanebunt cessante, motu cœli, et glorificabuntur: ergo et plantæ et animalia remanebunt et glorificabuntur. — *de Pot.* l. c. arg. 9.

5. Præterea, quanto aliquid magis participat de proprietate primi perpetui, quod est Deus, tanto magis videtur esse perpetuum; sed animalia et plantæ plus participant de proprietatibus Dei quam elementa, quia sunt hæc tantum existentia, plantæ

(1) Vulg.: Didici, quod omnia opera, quæ fecit Deus, perseverent in perpetuum.

autem etiam vivunt, animalia vero insuper cognoscunt: ergo debent magis haec in perpetuum manere quam illa. — *Ibid.* arg. 10.

6. Præterea, si in creatione mundi animalia et plantæ non fuissent producta, non fuisset mundus perfectus; sed major erit perfectio mundi ultima quam prima: ergo videtur, cum dici non possit quod mundus in sua innovatione maneat imperfectus, quod prædicta remaneant. — *de Pot.* q. 5, a. 9, arg. 12; 4. *Sent.* dist. 48, q. 2, a. 5, arg. 3.

7. Præterea, universale est semper; sed universale non est nisi in singularibus: ergo videtur quod cujuslibet universalis singularia semper erunt; ergo et bruta animalia et plantæ et corpora mineralia semper erunt. — *de Pot.* I. c. arg. 16.

8. Præterea, animalia et plantæ habent nobiliorem formam quam ipsa elementa; sed mundus in illa finali innovatione in melius mutabitur: ergo magis debent remanere animalia et plantæ quam elementa, cum sint nobiliora. — 4. *Sent.* I. c. arg. 4.

Sed contra: 1. Secundum Philosophum (2. *de Generat. text.* 55 sqq.; c. 9 et 10) in animalibus et plantis speciei perpetuitas non conservatur nisi secundum continuationem motus cœlestis; sed tunc motus cœlestis deficiet: ergo non poterit perpetuitas in plantis, brutis et mineralibus conservari. — 4. *Sent.* dist. 48, q. 2, a. 5, arg. 2 *Sed contra.*

2. Præterea, cessante fine cessare debet id quod est ad finem; sed animalia et plantæ facta sunt ad animalem vitam hominis sustentandam; unde dicitur *Genes.* 9, 3: «Sicut olera virentia dedi vobis omnem carnem»; sed post illa min novationem animalis vita in homine non erit: ergo nec plantæ nec animalia remanebunt. — 4. *Sent.* I. c. arg. 3 *Sed contra;* *de Pot.* q. 5, a. 9, arg. 2 *Sed contra.*

RESPONDEO DICENDUM, quod in illa mundi innovatione nullum corpus mixtum remanebit præter corpus humanum. — Ad hujus autem rationem sumendam procedendum est ordine quem docet Philosophus (2. *Phys. text.* 88 sqq.; c. 9), ut scilicet

prius consideretur causa finalis, et postmodum principia materialia et formalia, et causæ moventes. — *de Pot.* q. 5, a. 9, c.

Finis autem mineralium corporum et plantarum et brutorum duplex potest considerari: *primus* quidem completio universi, ad quam omnes partes universi ordinantur sicut in finem; ad quem quidem finem res predictæ non ordinantur sicut per se et essentialiter de perfectione universi existentes, cum nihil in eis existat, quod non inveniatur in principalibus partibus mundi (quæ sunt corpora cœlestia et elementa), sicut in principiis activis et materialibus. Unde res predictæ sunt quidam particulares effectus causarum universalium, quæ sunt essentiales partes universi; et ideo sunt de perfectione universi secundum hoc tantum, quod a suis causis progrediuntur, quod quidem fit per motum. Unde pertinent ad perfectionem universi sub motu existentis, non autem ad perfectionem universi simpliciter; et ideo cessante mutabilitate universi, oportet quod predicta cessent. — *Alius* autem finis est homo, quia, ut dicit Philosophus 4. *Polit.* (c. 5, al. 8), ea quæ sunt imperfecta in natura, ordinantur ad perfecta sicut ad finem; unde, sicut ibidem dicit, cum animalia habeant vitam imperfectam respectu vitae humanæ, quæ simpliciter perfecta est, et plantæ respectu animalium: plantæ sunt propter animalia, præparatae eis in cibum a natura, animalia vero propter hominem, necessaria ei ad cibum et ad alia auxilia. Ista autem necessitas est vita animalis hominis durante, quæ quidem in illa rerum innovatione tolletur, quia corpus resurget non animale, sed spirituale, ut dicitur 1. *ad Cor.* 15, 44; et ideo tunc etiam animalia et plantæ cessabunt. — *de Pot.* q. 5, a. 9, c.

Et ad hoc idem habent aptitudinem prædictarum rerum *materia* et *forma*. Cum enim sint compositæ ex contrariis, habent in se ipsis principium activum corruptionis; unde si a corruptione prohiberentur ab exteriori principio tantum, hoc esset quodammodo violentum et non conveniens perpetuitati: quia quæ sunt violenta, non possunt

esse semper, ut patet per Philosophum (1. *de Certe t. 15; c. 2*); interius autem principium non habent, quod possit a corruptione prohibere; quia eorum formæ sunt per naturam corruptibiles, utpote nec per se subsistentes, sed esse habentes a materia dependens; unde non possunt in perpetuum remanere eadem numero nec eadem specie, generatione et corruptione cessante. — *Ibid.*

Hoc autem idem invenitur ex consideratione *cansæ morentis*; esse enim plantarum et animalium quoddam vivere est, quod in rebus corporalibus sine motu non existit; unde animalia desiciunt cessante motu cordis, et plantæ cessante nutrimento. In his autem rebus non est aliquod motus principium non dependens a primo mobili, quia ipsæ animæ animalium et plantarum totaliter subjiciuntur impressionibus cœlestium corporum; unde motu cœli cessante non poterit in eis motus remanere nec vita. Et sic patet, quod in illa mundi innovatione res prædictæ non poterunt remanere. — *de Pot. q. 5, a. 9, c.*

Ad primum ergo dicendum, quod omnia opera Dei in æternum perseverant vel secundum se vel in suis causis; sic enim et animalia et plantæ remanebunt manentibus corporibus cœlestibus et elementis. — *Ibid. ad 1.*

Ad secundum dicendum, quod perpetuitas, quæ est secundum speciem et non secundum numerum, est per generationem, quæ cessante motu cœli non erit. — *Ibid. ad 2.*

Vel dic, quod naturalis appetitus ad perpetuitatem, qui inest animalibus et plantis, est accipiens secundum ordinem ad motum cœli: ut scilicet tantum in esse permaneant, quantum motus cœli durabit; non enim potest appetitus esse in effectu, ut permaneat ultra suam causam. Et ideo si cessante motu primi mobilis plantæ et animalia non maneant secundum speciem, non sequitur appetitum naturalem frustrari. — *4. Sent. dist. 48, q. 2, a. 5, ad 5.*

Ad tertium dicendum, quod prædictæ res faciunt ad decorem universi secundum statum mutabilitatis in mundo et animalis

vite in homine, et non aliter. — *de Pot. q. 5, a. 9, ad 4.*

Ad quartum dicendum, quod elementa non dicuntur remunerari secundum se, quia nec secundum se aliquid meruerunt, sed dicuntur remunerari in quantum homines in eis remunerabuntur, prout scilicet eorum claritas in gloriam electorum cedet. Animalibus autem et plantis homines non indigebunt, sicut elementis, quæ erunt quasi locus gloriae ipsorum; et ideo non est simile. — *Ibid. ad 9; 4. Sent. l. c. ad 2.*

Ad quintum dicendum, quod licet quantum ad vitam et cognitionem plantæ et animalia sint similiora Deo quam elementa, tamen quantum ad simplicitatem, quæ facit ad incorruptionem, sunt elementa Deo similiora. — *de Pot. q. 5, a. 9, ad 10.*

Ad sextum dicendum, quod alia fuit perfectio mundi creati et alia consummati, ut supra dictum est; et ideo non oportet ut sit de secunda perfectione, quod fuit de prima. Rationi enim consentaneum est, ut sicut perfectio hominis multipliciter assignatur (est enim perfectio naturæ conditæ et naturæ glorificatæ), ita etiam perfectio universi sit duplex: *una* secundum statum hujus mutabilitatis, *altera* secundum statum futuræ novitatis. Plantæ autem et animalia sunt de perfectione ejus secundum statum istum, non autem secundum statum novitatis illius, cum ordinem ad eam non habeant. — *Ibid. ad 42; 4. Sent. dist. 48, q. 2, a. 5, ad 3.*

Ad septimum dicendum, quod universale tripliciter considerari potest, et secundum quemlibet modum considerationis aliquo modo verum est, quod universale est semper. Potest enim *uno modo* considerari natura universalis, secundum quod abstrahit a quolibet esse; et sic verum est, quod universale est semper, magis per remotionem causæ determinantis ad aliquod tempus, quam per positionem causæ perpetuitatis; de ratione enim naturæ universalis non est, quod sit magis hoc tempore quam illo: per quem etiam modum materia prima dicitur esse una. *Alio modo* potest considerari secundum esse, quod habet in singularibus;

et sic verum est, quod est semper, quia est quandocumque est suum singulare; sicut etiam dicitur esse ubique, quia est ubique: que est suum singulare: cum tamen multa loca sint, ubi sua singularia non sunt, unde nec ibi est universale. *Tertio modo* potest considerari secundum esse quod habet in intellectu; et sic etiam verum est, quod universale est semper, præcipue in intellectu divino. — *de Pot.* q. 5, a. 9, ad 16.

Ad octarum dicendum, quod quamvis animalia et plantæ quantum ad quadam alia sint nobiliora quam ipsa elementa, tamen quantum ad ordinem incorruptionis elementa sunt nobiliora, ut ex dictis patet. — 4. *Sent.* dist. 48, q. 2, a. 5 ad 4.

ARTICULUS IX

UTRUM CORPORA HUMANA MANEANT MOTU CŒLI CESSANTE.

Videtur quod corpora humana non remaneant motu cœli cessante.

1. Omnis enim mixtio elementorum ex motu cœli causatur, cum ad mixtionem alteratio requiratur; sed corpus humanum est corpus mixtum ex elementis: ergo motu cœli cessante remanere non potest. — *de Pot.* q. 5, a. 10, arg. 2.

2. Praeterea, necessitas quæ est ex materia, est necessitas absoluta, ut patet ex 2. *Phys.* (*text.* 87 et 88; c. 9); sed in corpore composito ex contrariis est necessitas ad corruptionem ex ipsa materia: ergo impossibile est quin talia corpora corrumpantur, et ita impossibile est quod remaneant post statum generationis et corruptionis; corpora autem humana sunt hujusmodi: ergo impossibile est quod in illo rerum fine remaneant. — *Ibid.* arg. 3.

3. Praeterea, homo cum brutis convenit in hoc quod habet corpus sensibile; sed corpora sensibilia brutorum non remanebunt in illo mundi fine: ergo nec corpora humana. — *Ibid.* arg. 4.

4. Praeterea, finis hominis est perfecta assimilatio ad Deum; sed Deo, qui incorporens est, magis assimilatur anima a cor-

pore absoluta quam corpori unita: ergo in statu finalis beatitudinis anime erunt sine corporibus. — *Ibid.* arg. 5.

5. Praeterea, ad perfectam hominis beatitudinem requiritur perfecta operatio intellectus, qui est principalis in homine; sed operatio anime intellectivæ a corpore absolute est perfectior quam corpori unitæ, quia, ut dicitur in lib. *de Causis* (propos. 17), omnis virtus unita plus est infinita quam multiplicata; forme autem separatae in se unitæ sunt, materiæ vero coniunctæ quodammodo ad plura diffunduntur: ergo in illa perfecta beatitudine animæ non erunt corpori unitæ. — *Ibid.* arg. 6.

6. Praeterea, elementa quæ sunt in mixto, appetunt naturali appetitu propriæ *ubi*; appetitus autem naturalis non potest esse vanus; unde quod est contra naturam non potest esse perpetuum: non potest ergo esse quin elementa in corpore mixto existentia quandoque ad sua loca tendant, et sic corpus mixtum corrumpatur; ergo post corruptionis statum non remanebunt humana corpora, quæ sunt mixta. — *Ibid.* arg. 7.

7. Praeterea, omnis motus naturalis cuiuscumque corporis a motu cœli dependet; sed motus cordis, sine quo non potest esse humani corporis vita, est motus naturalis: ergo cessante motu cœli remanere non poterit, et per consequens nec humani corporis vita. — *Ibid.* arg. 8.

8. Praeterea, membra humani corporis pro majori parte sunt ordinata ad usus competentes vitæ animalis, sicut patet de venis et stomacho et hujusmodi, quæ ordinantur ad nutrimentum; sed animalis vita in homine non remanebit in illa beatitudine: ergo nec membra corporis (alias frustra essent), et sic nec corpus humanum remanebit. — *Ibid.* arg. 9.

Sed contra est: 1. quod 1. *ad Cor.* 45, 53 dicitur: « Oportet corruptibile hoc induere incorruptionem »; hoc autem corruptibile est corpus: ergo corpus remanebit incorruptione indutum. — *Ibid.* arg. 1. *Sed contra.*

2. Praeterea, *ad Phil.* 3, 21 dicitur: « Reformabit corpus humilitatis nostræ con-

figuratum corpori claritatis suæ»; sed Christus, corpus quod semel in resurrectione resumpsit, nunquam depositum, nec deponet (*Rom. 6, 9*: «Christus resurgens ex mortuis jam non moritur»): ergo et Sancti in perpetuum vivent cum corporibus, cum quibus resurgent, et sic humana corpora post finem mundi manebunt. — *de Pot.* q. 5, a. 40, arg. 2 *Sed contra.*

RSPONDEO DICENDUM, quod sicut Augustinus dicit (*de Cir. Dei* l. 22, c. 26; — Migne PP. L. t. 41, col. 794), Porphyrius ponebat, ad perfectam beatitudinem animæ omne corpus fugiendum esse, et sic secundum eum anima in perfecta beatitudine existens corpori unita esse non potest; quam opinionem tangit Origenes in suo *Periarchon* (lib. 3, c. 6; — Migne PP. Gr. t. 11, col. 336) dicens, quosdam opinatos fuisse, Sanctos corpora in resurrectione resumpta quandoque deposituros, ut sie ad Dei similitudinem in perfecta beatitudine vivant. — Sed haec opinio præter hoc, quod est fidei contraria, ut ex auctoritatibus inductis et pluribus aliis patere potest, etiam a ratione discordat. Non enim perfectio beatitudinis esse poterit, ubi deest naturæ perfectio. Cum autem animæ et corporis naturalis sit unio, et substantialis, non accidentalis, non potest esse quod natura animæ sit perfecta, nisi sit corpori conjuncta. Et ideo anima separata a corpore non potest ultimam perfectionem beatitudinis obtinere. Propter quod etiam dicit Augustinus (*de Genes. ad Litt.* l. 12, c. 35; — Migne PP. L. t. 34, col. 483), quod animæ Sanctorum ante resurrectionem non ita perfecte frumentur divina visione sicut postea; unde in ultima perfectione beatitudinis oportebit corpora humana esse animabus unita. — *de Pot.* q. 5, a. 40, c.

Positio autem præmissa procedit secundum opinionem illorum, qui dicunt animam accidentaliter uniri corpori, sicut nautam navi aut hominem indumento. Unde et Plato dixit, quod homo est anima corpore induita, ut Gregorius Nyssenus (*potius Nemesius de Natura Hominis* c. 3; — Migne PP. Gr. t. 40, col. 594) narrat. Sed hoc stare

non potest, quia sic homo non esset ens per se, sed per accidens; nec esset in genere accidentis, sicut hoc, quod dico vestitum et calceatum. Patet etiam, quod rationes supra inductæ de corporibus mixtis non habent locum in homine; nam homo ordinatur ad perfectionem universi ut essentialis pars ipsius, cum in homine sit aliquid, quod non continetur virtute nec in elementis nec in coelestibus corporibus, scilicet anima rationalis. Corpus etiam hominis ordinatur ad hominem non secundum animalem vitam tantum, sed ad perfectionem naturæ ipsius; et quanvis corpus hominis sit ex contrariis compositum, inheret tamen principium incorruptibile, quod poterit præservare a corruptione absque violentia, cum sit intrinsecum; et hoc poterit esse sufficiens principium motus, motu cœli cessante, cum a motu cœli non dependeat. — *Ibid.*

Ad primum ergo dicendum, quod motus est causa mixtionis secundum fieri; sed conservatio ejus est per formam substancialis, et ulterius per principia cœlo altiora. — *Ibid.* ad 2.

Ad secundum dicendum, quod anima rationalis ex perfecta unione ad Deum omnino super materiam victoram habebit; et sic licet materia sibi reicta corruptibilis sit, tamen ex virtute animæ incorruptionem sortietur. — *Ibid.* ad 3.

Ad tertium dicendum, quod sensibilitas in homine est a principio incorruptibili, scilicet ab anima rationali, in brutis autem est a principio corruptibili; et ideo corpus sensibile hominis in perpetuum potest remanere, non autem corpus sensibile bruti. — *Ibid.* ad 4.

Ad quartum dicendum, quod anima corpori unita plus assimilatur Deo quam a corpore separata, quia perfectius habet suam naturam. In tantum enim unumquodque Deo simile est, in quantum perfectum est, licet non sit unius modi perfectio Dei et perfectio creaturæ. — *Ibid.* ad 5.

Ad quintum dicendum, quod anima corpori unita non multiplicatur per modum formarum materialium, quæ sunt divisibles divisione subjecti; sed in se remanet

simplex et una; unde ejus operatio non impeditur ex corporis unione, quando corpus erit omnino subjectum animæ; nunc autem impeditur ex corporis unione propter hoc, quod anima non perfecte dominatur in corpus. — *de Pot.* q. 5. a. 10, ad 6.

Ad sextum dicendum, quod appetitus naturalis elementorum tendendi in propria loca per dominium animæ in corpus retinebitur, ne dissolutio elementorum fiat, quia elementa perfectius esse habebunt in corpore hominis, quam in suis locis haberent. — *Ibid.* 7.

Ad septimum dicendum, quod motus cordis in homine causabitur ex natura animæ rationalis, quae a motu cœli non dependet; et ideo motus ille non cessabit motu cœli cessante. — *Ibid.* ad 8.

Ad octarum dicendum, quod omnia membra corporis remanebunt, non propter usus animalis vita, sed propter perfectionem naturæ hominis. — *Ibid.* ad 9.

QUÆSTIO XXXII

DE ACTIONE CORPORUM CŒLESTIUM IN CORPORA INFERIORA.

Deinde considerandum est de actione corporum cœlestium in corpora inferiora.

CIRCA QUAM QUÆRUNTUR QUINTA:

1. Utrum aliquod corpus sit activum.
2. Utrum corpora cœlestia sint causa eorum, quæ sunt in inferioribus.
3. Utrum sint causa humanorum actuum.
4. Utrum imponant necessitatem his, quæ subduntur eorum actioni.
5. Utrum cœlum agat in haec inferiora tantum per motum et lumen.

ARTICULUS I

UTRUM ALIQUOD CORPUS SIT ACTIVUM.

Videtur quod nullum corpus sit activum.

1. Non enim possunt formæ et accidentia fieri ex materia, cum non habeant materiam partem sui; ergo si sunt, oportet quod sunt ex nihilo, et per consequens quod creentur;

sed creatio solius Dei est actio: ergo solus Deus tam formas substantiales quam accidentales producit, et sic nullum corpus erit activum. — 3. c. *Gent.* c. 69 init.

2. Præterea, omne quod per se non est, derivatur ab eo quod est per se; ergo formæ rerum quæ non sunt per se existentes, sed in materia, proveniunt ex formis, quæ per se sunt sine materia; sed omnes formæ sublunares excepta anima rationali sunt in materia, et omne corpus habet formam in materia existentem: ergo nullum corpus est ullius rei activum. — *Ibid.*

3. Præterea, omne agens, excepto primo agente, in suo opere indiget subjecto, quod sit susceptibile sue actionis; sed infra substantiam corporalem non est substantia quæ sit susceptibilis sue actionis, quia haec substantia tenet ultimum gradum in entibus: ergo substantia corporalis non est activa. — *Ibid.* et 4a, q. 445, a. 1, arg. 2.

4. Præterea, omnis substantia corporalis concluditur quantitate; sed quantitas impedit substantiam a motu et actione, quia comprehendit eam et mergitur in ea, sicut impeditur aer nubilosus a perceptione lumen; et hujus est signum, quod quanto magis accreverit quantitas corporis, tanto est ponderosius et gravius ad hoc quod moveatur: ergo nulla substantia corporalis est activa. — 3. c. *Gent.* c. 69; 4a, l. c. arg. 3.

5. Præterea, omne agens habet virtutem agendi ex propinquitate ad primum activum; sed a primo activo, quod est simplissimum, remotissima sunt corpora, quæ sunt maxime composita: ergo nullum corpus est agens. — 4a, l. c. arg. 4; 3. c. *Gent.* l. c.

6. Præterea, si aliquod corpus est agens, aut agit ad formam substantialem aut ad formam accidentalem. Sed non ad formam substantialem, quia non invenitur in corporibus principium actionis nisi aliqua qualitas activa, quæ est accidens; accidens autem non potest esse causa formæ substantialis, cum causa sit potior effectu. Similiter etiam neque ad formam accidentalem, quia

accidens non se extendit ultra suum subjectum. Ergo nullum corpus est activum. — 1a, q. 115, a. 1, arg. 5.

7. Praeterea, accidens non migrat de subjecto in subjectum; sed migraret, si substantia corporalis esset activa: ergo nullum corpus est activum. — 3. c. *Gent.* c. 69.

Sed contra est: 1. quod si substantia corporalis non agit, sed solus Deus immediate omnia operatur in omnibus, cum Deus non varietur per hoc quod operatur in rebus diversis, non sequeretur diversus effectus ex diversitate rerum, in quibus operatur. Hoc autem ad sensum apparet falsum; non enim ex oppositione calidi sequitur infrigitatio, neque ex semine hominis sequitur generatio nisi hominis. Ergo etiam substantia corporalis est activa. — 3. c. *Gent.* c. 69 n. 1 (inconven.).

2. Praeterea, contra rationem sapientiae est, ut sit aliquid frustra in operibus sapientis. Sed si substantiae corporeae nullo modo operantur ad effectus producendos, sed solus Deus immediate omnia operatur, frustra essent adhibitae ab ipso aliæ res corporeæ, maxime ad res producendas. Repugnat ergo praedicta positio divinae sapientiae. — *Ibid.* n. 2.

3. Praeterea, quod dat alicui aliquid principale, dat eidem omnia quæ consequuntur ad illud, sicut causa quæ dat corpori elementari gravitatem, dat ei motum deorsum. Sed facere aliquid actu consequitur ad hoc quod est esse actu, ut patet in Deo; ipse enim est actus purus et est prima causa essendi omnibus. Si ergo substantiis corporeis communicat similitudinem suam quantum ad esse, in quantum illas in esse produxit, consequens est quod communicet illis similitudinem suam quantum ad agere, ut etiam substantiae corporeæ habeant proprias actiones. — *Ibid.* n. 3.

RESPONDEO DICENDUM, quod sensibiliter appareat aliqua corpora esse activa. Sed circa corporum actiones tripliciter aliqui erraverunt. Fuerunt enim, qui totaliter corporibus actiones subtraxerunt. Et haec est opinio Aricebron in lib. *Fontis Vitæ*, ubi per rationes, quæ factæ sunt, probare initia-

tur, quod nullum corpus agit, sed omnes actiones, quæ videntur esse corporum, sunt actiones cuiusdam virtutis spiritualis, quæ penetrat per omnia corpora: ita quod ignis secundum eum non calefacit, sed virtus spiritualis penetraans per ipsum.

Et videtur haec opinio derivata esse ab *opinione Platonis*. Nam Plato posuit, omnes formas quæ sunt in materia corporali, esse participatas et determinatas et contractas ad hanc materiam, formas vero separatas esse absolutas; et ideo illas formas separatas dicebat esse causas formarum quæ sunt in materia. — Secundum hoc ergo, quod forma quæ est in materia corporali, determinata est ad hanc materiam individuatam per quantitatem, ponebat Avicebron, quod a quantitate, prout est individuationis principium, retinetur et arcetur forma corporalis, ne possit se extendere per actionem in aliam materiam; sed solum forma spiritualis et immaterialis quæ non est coarctata per quantitatem, potest effluere per actionem in aliud. — 1a, q. 115, a. 1, c.

Sed ista ratio non concludit, quod forma corporalis non sit agens, sed quod non sit agens universale. Secundum quod enim participatur aliquid, secundum hoc est necessarium quod participetur id quod est proprium ei: sicut quantum participatur de lumine, tantum participatur de ratione visibilis. Agere autem, quod nihil est aliud, quam facere aliquid actu, est per se proprium actus in quantum est actus; unde et omnè agens agit sibi simile. Sic ergo ex hoc quod aliquid est forma non determinata per materiam quantitati subjectam, habet quod sit agens indeterminatum et universale; ex hoc vero quod est determinata ad hanc materiam, habet quod sit agens contractum et particolare. Unde si esset forma ignis separata, ut Platonici posuerunt, esset aliquo modo causa omnis ignitionis. Sed haec forma ignis, quæ est in hac materia corporali, est causa hujus ignitionis, quæ est ab hoc corpore in hoc corpus; unde et fit talis actio per contactum duorum corporum. — Sed tamen haec opinio Avicebron superexcedit opinionem Platonis.

Nam Plato ponebat solum formas substantiales separatas, accidentia vero reducebat ad principia materialia, quæ sunt magnum et parvum, quæ ponebat esse prima contraria, sicut et alii rarum et densum. Et ideo tam Plato quam Avicenna in aliquo ipsum sequens ponebant, quod agentia corporalia agunt secundum formas accidentales, disponendo materiam ad formam substantialem; sed ultima perfectio, quæ est per inductionem forme substantialis, est a principio immateriali. Et hæc est secunda opinio de actione corporum.

Tertia vero *opinio* fuit *Democriti*, qui ponebat actionem esse per effluxionem atomorum a corpore agente, et passionem esse per receptionem eorundem in corpus patiens. Quam opinionem improbat Aristoteles (*I. de Generat.* a *text.* 57 ad 76; c. 8). Sequeretur enim, quod corpus non pateretur per totum, et quod quantitas corporis agentis diminueretur ex hoc quod agit; quæ sunt manifeste falsa. Dicendum est ergo, quod corpus agit secundum quod est actu, in aliud corpus secundum quod est potentia. — *Ia*, q. 115, a. 4, c.; *de Pot.* q. 3, a. 7, c.

Ad primum ergo dicendum, quod quia ad hoc aliquid sit, ut sit; sicut forma non dicitur ens, quasi ipsa habeat esse, sed quia per eam compositum est; ita nec forma proprie sit, sed incipit esse per hoc, quod compositum reducitur de potentia in actum. — *3. c. Gent.* c. 69 (in solutione rationum, n. 4).

Ad secundum dicendum, quod non oportet, ut omne quod habet aliquam formam quasi participatam, recipiat eam immediate ab eo, quod est essentialiter forma, sed immediate quidem ab alio, quod habet similem formam, simili scilicet modo participatam, quod tamen agat in virtute illius formæ separatae, si qua est talis; sic enim agens similem effectum sibi producit. — *3. c. Gent.* l. c. n. 2.

Ad tertium dicendum, quod tota natura corporalis simul accepta non habet aliquam inferiorem naturam infra se, in quam agat, sicut natura spiritualis in corporalem, et natura increata in creatam; sed tamen unum

corpus est infra alterum, in quantum est in potentia ad id, quod habet aliud in actu. — *Ia*, q. 115, a. 4, ad 1.

Ad quartum dicendum, quod quantitas non impedit formam corporalem omnino ab actione, sicut dictum est, sed impedit eam ne sit agens universale, in quantum forma individuatur, prout est in materia quantitati subjecta. Signum tamen, quod inducit de ponderositate corporum, non est ad propositum: *primo* quidem, quia additio quantitatis non est causa gravitatis, ut probatur in *4. de Cœlo* (*text.* 9; c. 2.); — *secundo*, quia falsum est, quod ponderositas facit tardiorum motum; imo quanto aliquid est gravius, tanto magis movetur motu proprio; — *tertio*, quia actio non fit per motum localem, ut Democritus posuit, sed per hoc, quod aliquid reducitur de potentia in actum. — *Ibid.* ad 3.

Ad quintum dicendum, quod corpus non est id, quod maxime distat a Deo; participat enim aliquid de similitudine divini esse secundum formam, quam habet; sed id, quod maxime distat a Deo, est materia prima, quæ nullo modo est agens, cum sit in potentia tantum. — *Ibid.* ad 4.

Ad sextum dicendum, quod corpus agit et ad formam accidentalem et ad substantialiem. Qualitas enim activa, ut calor, quia est accidens, agit ad formam accidentalem in virtute propria; quia vero causatur a forma substantiali, quæ simul cum materia est causa priorum accidentium, agit in virtute formæ substantialis sicut ejus instrumentum. Et ideo potest agere ad formam substantialiem; sicut et calor naturalis, in quantum est instrumentum animæ, agit ad generationem carnis. Quod enim agit in virtute alterius, producit effectum similem non sibi tantum, sed magis ei, in cuius virtute agit, sicut ex actione instrumenti fit in artificio similitudo artis. Neque est contra rationem accidentis, quod exceedat suum subjectum in agendo, sed quod exceedat in essendo. — *Ibid.* ad 5; *3. c. Gent.* c. 69 (in solutione rationum n. 3).

Ad septimum dicendum, quod ridiculum est dicere, quod ideo corpus non agat, quia

accidens non transit de subiecto in subiectum. Non enim hoc modo dicitur corpus calidum calefacere, quod idem numero calor, qui est in calefaciente corpore, transeat ad corpus calefactum; sed quia virtute caloris, qui est in calefaciente corpore, aliis calor numero sit actu in corpore calefacto, qui prius erat in eo in potentia. Agens enim naturale non est traducens propriam formam in alterum subiectum, sed reducens subiectum, quod patitur, de potentia in actum. — 3. c. *Gent.* c. 69, n. 9.

ARTICULUS II

UTRUM CORPORA COELESTIA SINT CAUSA EORUM, QUAE HIC IN INFERIORIBUS FIUNT.

Videtur quod corpora cœlestia non sint causa eorum, quae hic in inferioribus corporibus fiunt.

1. Dicit enim Damaseenus in lib. 2 *de Fide Orthod.* c. 6 (Migne PP. Gr. t. 94, col. 894): Nos autem dicimus, quoniam ipsa corpora cœlestia non sunt causa alienius eorum, quæ fiunt, neque corruptionis eorum, quæ corrumuntur; signa autem sunt magis imbrium et aeris transmutacionis. — 1a, q. 115, a. 3, arg. 1; *de Verit.* q. 5, a. 9, arg. 1.

2. Sed dices, quod dicuntur non esse causa horum, quia non indueunt in his inferioribus necessitatem. — Sed contra, si effectus corporis cœlestis impeditur in his inferioribus, hoc non potest esse nisi propter aliquam dispositionem in his inventam. Sed si hæc inferiora causantur a superioribus, oportet etiam illam dispositionem impedientem in aliquam virtutem corporis cœlestis reducere. Ergo impedimentum non potest esse in his inferioribus nisi secundum exigentiam superiorum; et ita, si superiora habent necessitatem in suis motibus, etiam in inferiora necessitatem inducent, si a superioribus producuntur. — *de Verit.* q. 5, a. 9, arg. 2.

3. Præterea, ad faciendum aliquid sufficit agens et materia; sed in istis inferioribus inveniuntur materia patiens et contraria agentia, scilicet calidum et frigidum

et hujusmodi: ergo non est necessarium ad causandum ea, quæ hic inferius aguntur, causalitatem cœlestibus corporibus attribuere. — 1a, q. 115, a. 3, arg. 2; *de Verit.* l. c. arg. 3.

4. Præterea, agens agit sibi simile; sed videmus omnia quæ fiunt hic inferius, fieri per hoc quod calefiunt et frigefiunt, et humectantur et desiccantur, et aliis hujusmodi qualitatibus alterantur: ergo. — 1a, l. c. arg. 3.

5. Præterea, dicit Augustinus (*de Civ. Dei*, l. 5, c. 6; — Migne PP. L. t. 41, col. 446), quod nihil est magis corporeum quam corporis sexus. Sed corporis sexus non causatur ex corporibus cœlestibus; cuius signum esse videtur, quod duorum geminorum sub una constellatione natorum unus est masculus et alter femina. Ergo corpora cœlestia non sunt causa rerum corporalium, quæ hic fiunt. — 1a, l. c. arg. 4; *de Verit.* l. c. arg. 9.

6. Præterea, si corpus cœleste agit aliquid in hæc inferiora, aut agit in quantum est corpus, per corporalem scilicet formam, aut per aliquid aliud. Non primum, quia sic agere cuiilibet corpori conveniret, quod est falsum; ergo si agit, agit per aliquid aliud, et sic illi incorporeæ virtuti debet attribui actio; et sic idem quod prius. — *de Verit.* l. c. arg. 5.

7. Præterea, necessitas effectus procedit ex necessitate causæ, ut dicitur in 5. *Metaphys.* cap. de necessario (*text.* 6; l. 4, c. 5). Sed motus cœli est necessarius. Cum enim sit naturalis, ut in 1. *de Cœlo* (*text.* 78 sqq.; c. 8) dicitur, non videtur esse voluntarius vel electivus. Si ergo ex corporibus cœlestibus causantur alterationes et motus corporum inferiorum, oportet quod in inferioribus omnia ex necessitate contingent, quod est falsum; ergo. — 2. *Sent.* dist. 15, q. 1, a. 2, arg. 3; *de Verit.* l. c. arg. 11 et 12.

8. Præterea, ubi est eadem causa, et idem effectus; sed omnia corpora cœlestia communiter habent motum et lumen: ergo omnia haberent eundem effectum; quod est contra omnes qui ponunt causalitatem corporum cœlestium

super inferiora, cum quedam eorum dicantur effective calida, ut sol, quedam vero frigida, ut sajurnus et luna. — 2. *Sent.* dist. 15, q. 1, a. 2, arg. 5.

9. Praeterea, cum movens et motum oporteat esse simul, et agens et passum, ut probatur in 7. *Phys.* (*tert.* 10; c. 2), non potest ab uno extremo provenire actio in alterum nisi per impressionem factam in medio; sed inter stellas superiores et corpora inferiora sunt medii orbis planetarum: cum ergo illi orbis non recipient impressionem caloris et frigoris, non videtur quod ad minus a superioribus stellis aliqua impressio in corpora inferiora fiat, nec etiam ab aliqua planetarum, nisi forte a luna. — 2. *Sent.* l. c. arg. 6; *de Verit.* q. 5, a. 9, arg. 16 et 17.

10. Praeterea, si cœli agunt in hæc inferiora, maxime per motum, ut dicit Philosophus (2. *de Cœlo* *text.* 42; c. 7); sed hoc non potest dici, quia, si sic agerent, deberet major calor causari in corporibus propinquioribus cœlo quam in remotioribus; sed oppositum patet experientia; nam circa terram plures species rerum generantur quam supra: ergo dicendum est, quod cœlum non agit in hæc inferiora. — 3. *de Cœlo* l. 10.

Sed contra est: 1. quod secundum Philosophum (2. *Metaphys.* *text.* 4; l. 1 min., c. 1) illud, quod est primum in aliquo genere, est causa illorum, quæ sunt post in illo genere; sed corpora cœlestia sunt prima in genere corporum, et motus eorum sunt primi inter motus alios corporales: ergo sunt causa corporalium, quæ hic aguntur. — *de Verit.* q. 5, a. 9, arg. 3. *Sed contra.*

2. Praeterea, Philosophus in 2. *de Generat.* (*text.* 54; c. 10) dicit, quod allatio solis in circulo declivi est causa generationis et corruptionis in his inferioribus; inde et generationes et corruptiones mensurantur per motum prædictum. In libris etiam *de Animal.* (4. *de Generat. Animal.* c. 10) dicit, quod omnes diversitates, quæ sunt in conceptionibus, sunt ex corporibus cœlestibus. Ergo hæc sunt causa eorum, quæ sunt in his inferioribus. — *Ibid.* arg. 4. *Sed contra.*

3. Praeterea, cum omnis multitudo ab unitate procedat, omnis motus debet ab immobili procedere, nam immobile uno modo se habet, mobile vero multiformiter; et per consequens, quanto aliquid est magis immobile, tanto est magis causa magis mobilis. Sed corpora cœlestia sunt magis immobilia, quia solo motu locali moventur, quo nulla fit multiformitas in aliquo intrinseco. Hæc autem inferiora maxime mobilia sunt, cum multis motibus (generatione, alteratione, augmendo et motu locali) moveantur. Ergo corpora cœlestia sunt horum inferiorum causa. — 1a, q. 115, a. 3, c.

RESPONDEO DICENDUM, quod communis omnium intentio fuit reducere multitudinem in unitatem et varietatem in uniformitatem, secundum quod possibile esset. Et ideo *antiqui* considerantes diversitatem actionum in istis inferioribus, reputaverunt ea reducere in aliqua principia pauciora et simpliciora, scilicet in elementa aut multa aut unum, et in qualitates elementares. Sed ista positio non est rationabilis. Qualitates enim elementares inveniuntur se habere in actionibus rerum naturalium sicut instrumentalia principia. Cujus signum est, quod non eundem modum actionis habent in omnibus, nec ad eundem terminum pervenient actiones ipsarum; alium enim effectum habent in auro, alium in ligno vel carne animali; quod non esset, nisi agerent in quantum sunt ab alio regulata. Actio autem principalis agentis non reducitur sicut in principium in actionem instrumenti, sed potius e converso; sicut effectus artis non debet attribui serræ, sed artifici. Unde et effectus naturales non possunt reduci in qualitates elementares sicut in prima principia.

Unde et *alii*, scilicet Platonici, reduxerunt in formas simplices et separatas sicut in prima principia, ex quibus, ut dicebant, erat esse et generatio in istis inferioribus et omnis proprietas naturalis. Sed hoc non potest stare. A causa enim eodem modo se habente est effectus eodem modo se habens; formæ autem illæ ponebantur esse immobiles: unde oporteret ut semper ge-

neratio ab eis esset uniformiter in istis inferioribus; contrarium tamen videmus ad sensum.

Unde oportet ponere, principia generationis et corruptionis et aliorum motuum consequentium in his inferioribus esse aliqua, quae non semper eodem modo se habeant; oportet ea tamen semper manere prima principia generationis et corruptionis, ut generatio continua esse possit. Et ideo oportet ea invariabilia esse secundum substantiam, moveri autem secundum locum; ut per accessum et recessum et motus varios et contrarios, contrarii et diversi effectus fiunt in his inferioribus. Et hujusmodi sunt corpora cœlestia; et ideo omnes effectus oportet reducere in ea sicut in causas.

Sed in hac reductione duplex error fuit. *Quidam* enim haec inferiora in corpora cœlestia reduxerunt sicut in causas simpliciter primas, eo quod nullas substantias incorporeas arbitrabantur; unde priora in corporibus dicebant esse priora in entibus. Sed hoc manifeste apparebat esse falsum. Nam omne quod movetur oportet in immobile principium reduci, cum nihil a se ipso moveatur, et non sit abire in infinitum. Corpus autem cœleste quamvis non varietur secundum generationem et corruptionem, aut secundum aliquem motum, qui variet aliquid, quod insit substantiæ ejus, moveatur tamen secundum locum; unde oportet in aliquod primum principium reductionem fieri; ut sic ea quæ alterantur, quodam ordine reducantur in alterans non alteratum, motum tamen secundum locum; et ulterius in id, quod nullo modo movetur.

Quidam vero posuerunt, corpora cœlestia esse causas istorum inferiorum, non solum quantum ad motum, sed etiam quantum ad primam eorum institutionem; sicut Avicenna dicit in sua *Metaphysica*, quod ex eo, quod est commune omnibus corporibus cœlestibus, scilicet natura motus circularis, causatur in his inferioribus id, quod est eis commune, scilicet materia prima; et ex his, quibus corpora cœlestia differunt ab invicem, causatur diversitas formarum in his inferioribus: ut sic corpora cœlestia sint

media inter Deum et ista corpora inferiora, etiam in via creationis quodammodo. Sed hoc alienum est a fide, quæ ponit, naturam omnium immediate a Deo esse conditam secundum primam institutionem. Una autem naturam moveri ab altera, presuppositis virtutibus naturalibus utriusque creature ex divino opere attributis, non est contra fidem. Et ideo ponimus, corpora cœlestia esse causam inferiorum per viam motus tantum, et sic esse media in opere gubernationis, non antem in opere creationis. — *de Verit.* q. 5, a. 9, c.

Ad primum ergo dicendum, quod dictum Damasceni intelligendum est, quod corpora cœlestia non sunt prima causa generationis et corruptionis eorum, quæ hic fiunt, sicut dicebant antiqui naturales, qui ponebant corpora cœlestia esse deos, qui nimis non intelligentes aliquam substantiam præter corpora esse, ea, quæ sunt nobilissima in corporibus, posuerunt esse nobilissima in entibus; unde etiam scientiam naturalem primam scientiarum dicebant, ut in 4. *Metaphys.* (text. 7 et 8; l. 3, c. 3) dicitur. Et propter hoc corpora cœlestia deos appellabant, credentes etiam ea esse animata, quia ipsam animam corpus esse dicebant; unde sequebatur corpora cœlestia habere primam influentiam in corpora ex se et non ab alio; quæ positio fuit causa inducens idolatriam. — 2. *Sent.* dist. 45, q. 1, a. 2, c. et ad 2; 4a, q. 45, a. 3, ad 4.

Vel dic, quod Damascenus intendit a corporibus cœlestibus excludere respectum horum inferiorum causalitatem primam, vel etiam inducentem necessitatem. Corpora enim cœlestia licet semper eodem modo agant, eorum tamen effectus recipitur in inferioribus secundum modum inferiorum corporum, quæ in contrariis dispositionibus frequenter inveniuntur; unde virtutes cœlestes non semper inducunt effectus suos in istis inferioribus propter contrarias dispositiones impedientes; et hoc est, quod dicit Philosophus (*de Divinat. per Somnum* c. 2), quod frequenter fiunt signa imbrium et ventorum, quæ tamen non eveniunt propter contrarias disposi-

tiones fortiores. — *de Verit.* q. 5, a. 9, ad 1.

Ad secundum dicendum, quod dispositio-
nes istæ, quæ contrariantur cœlesti virtuti,
non sunt ex prima institutione causatae a
corpo cœlesti, sed ex divina operatione,
per quam ignis est calidus effectus, et aqua
frigida, et sic de aliis; et sic non oportet
omnia impedimenta hujusmodi in causas
cœlestes reducere. — *Ibid.* ad 2.

Ad tertium dicendum, quod principia
activa in istis inferioribus corporibus non
inveniuntur nisi qualitates activæ elemen-
torum, quæ sunt calidum et frigidum et
hujusmodi. Et si sic esset, quod forme
substantiales inferiorum corporum non di-
versificarentur nisi secundum hujusmodi
accidentia, quorum principia *rarum* et
densem antiqui naturales posuerunt, non
oporteret super hæc inferiora corpora ali-
quod activum principium ponere, sed ipsa
sufficerent ad agendum. Sed recte consid-
erantibus appareat, quod hujusmodi acciden-
tia se habent sicut materiales dispositiones
ad formas substantiales naturalium corpo-
rum. Materia autem non sufficit ad agendum;
et ideo oportet super has materiales dis-
positiones ponere aliquod principium activum.
Unde Platonici posuerunt species separatas,
ut dictum est (*supra* in c.). Sed hoc non
sufficere videtur, quia species separatae
semper eodem modo se haberent, cum
ponantur immobiles; et sic sequeretur,
quod non esset aliqua variatio circa gene-
rationem et corruptionem inferiorum corpo-
rum; quod patet esse falsum. Unde
secundum Philosophum in 2. *de Generat.*
(*text.* 55 sqq.; c. 10) necesse est po-
nere aliquod principium activum mobile,
quod per suam præsentiam et abundantiam
causet varietatem circa generationem et
corruptionem inferiorum corporum; et hu-
jusmodi sunt corpora cœlestia. Et ideo
quidquid in istis inferioribus generat et
movet ad speciem, est sicut instrumentum
cœlestis corporis, secundum quod di-
citur in 2. *Phys.* (*text.* 26; c. 2), quod sol
et homo generant hominem. (Ia, q. 115, a. 3,
ad 2.) Unde sicut instrumentum non movet

nisi motum a principali movente et agente, ita
nec virtutes inferiores activæ agere possunt
nisi motæ a corporibus cœlestibus. — *de
Verit.* q. 5, a. 9, ad 3.

Ad quartum dicendum, quod corpora
cœlestia inferioribus corporibus non sunt
similia similitudine speciei, sed in quantum
sua universalis virtute continent in se quid-
quid in inferioribus generatur, secundum
quem modum dicimus etiam omnia esse
Deo similia. — Ia, q. 115, a. 3, ad 3.

Ad quintum dicendum, quod oportet
sexum diversitatē ad vires cœlestes redu-
cere. Omne enim agens intendit assimilare
sibi patiens, secundum quod potest; unde
vis activa, quæ est in semine maris, inten-
dit conceptum semper ducere ad sexum
masculinum, qui perfectior est; unde sexus
femineus accidit præter intentionem naturæ
particularis agentis. Nisi ergo esset aliqua
virtus, quæ intenderet sexum femineum,
generatio feminæ esset omnino a casu, sicut
et aliorum monstrorum. Et ideo dicitur,
quod quamvis sit præter intentionem natu-
ræ particularis, ratione cuius femina dicitur
mas occasionatus; tamen est de intentione
naturæ universalis, quæ est vis corporis cœ-
lestis, ut Avicenna dicit. Sed potest essa
impedimentum ex materia, quod neque vir-
tus cœlestis neque particularis consequitur
effectum suum, productionem scilicet ma-
sculini sexus. Unde quandoque femina ge-
neratur, etiam existente dispositione in
corpo cœlesti ad contrarium, propter ma-
teriæ indispositionem; vel e contrario ge-
nerabitur sexus masculinus contra disposi-
tionem cœlestis corporis, propter particu-
laris virtutis victoriam super materiam. Con-
tingit ergo quod in conceptione geminorum
operatione naturæ materia separatur, cuius
una pars magis obedit virtuti agenti quam
altera, propter alterius indigentiam; et ideo
in una parte generatur sexus masculinus,
in altera femineus; sive corpus cœleste dis-
ponat ad unum sive ad alterum; magis
tamen hoc potest accidere, quando corpus
cœleste disponit ad femineum sexum. — *de
Verit.* I. c. ad 9; Ia, I. c. ad 4.

Ad sextum dicendum, quod agens semper

est diversum vel contrarium patienti, ut dicitur in 1. *de Generat.* (*text.* 50; c. 7). Et ideo corpori non competit agere in aliud corpus secundum hoc quod habet commune cum eo, sed secundum id quod ab eo distinguitur. Et ideo corpus non agit in quantum est corpus, sed in quantum est tale corpus; sicut etiam animal non ratiocinatur in quantum est animal, sed in quantum est homo; et similiter ignis non calescit in quantum est ignis, sed in quantum est calidus; et similiter est de corpore cœlesti. — *de Verit.* q. 5, a. 9, ad 5.

Ad septimum dicendum, quod impressio alienus agentis non recipitur in aliquo nisi per modum recipientis; et quia natura inferior est talis, quæ impediri potest et deficere in minori parte: ideo impressiones corporum cœlestium non recipiuntur in corporibus inferioribus secundum necessitatem, ut semper ita eveniat, sed ut in pluribus, sicut expresse habetur a Philosopho *de Divinat. per Somnum* c. 2. — 2. *Sent.* dist. 15, q. 1, a. 2, ad 3.

Ad octavum dicendum, quod lux, quantum est de se, semper est effectiva caloris, etiam lux lunæ. Unde dicit Philosophus (4. *de Part. Animal.* c. 5), quod noctes plenilunii sunt calidiores. Sed præter natum lucis, quæ communis est omnibus corporibus cœlestibus, qualibet stella habet virtutem determinatam consequentem suam speciem, ratione cuius lux ejus et motus habet vel infrigidare vel humectare, et sic de aliis; sicut etiam et præter motum communem, qui est motus diurnus, quilibet orbis habet motum proprium. — 2. *Sent.* l. c. ad 5.

Ad nonum dicendum, quod cujuslibet agentis habentis situm actio prius recipitur in medio quam in termino; non tamen oportet quod recipiatur in utroque eodem modo, sed secundum quod exigit dispositio utriusque. Nam actio agentis recipitur in medio per modum medii; et ideo quandoque alio modo recipitur in medio quam in ultimo; sicut virtus magnetis attrahentis ferrum desertur ad ferrum per medium aerem, qui non attrahitur; et virtus piscis stupe-

facientis manum desertur ad manum mediante rete, quod non stupefacit, ut dicit Commentator in 8. *Phys.* (*text.* 37), quia stupefactionis capax non est, quanvis aliquo modo rete alteretur ex virtute piscis. Ita etiam oportet quod virtutes superiorum stellarum prius recipientur in mediis orbibus quam in inferioribus corporibus, quamvis eosdem effectus utroque non habeant; nam actiones illarum non recipiuntur in mediis orbibus, ut alterentur sicut hæc inferiora. — 2. *Sent.* l. c. ad 6; *de Verit.* l. c. ad 16 et 17.

Ad decimum dicendum, quod secundum quod calor causatur in inferioribus corporibus ex motu astrorum et totius cœli, corpora propinquiora cœlo, ut ignis et superior pars aeris, quæ circumfertur secundum motum cœli, sunt calidiora; secundum autem quod ex lumine stellarum causatur calor, sunt calidiora ea quæ sunt infima, quia in superioribus reflexiones radiorum magis disperguntur. Et inde est etiam, quod circa terram plures species rerum generantur ex virtute radiorum solis et stellarum, quæ per reflexionem circa terram multiplicantur. — 2. *de Cœlo* l. 40.

ARTICULUS III

UTRUM CORPORA CŒLESTIA SINT CAUSA HUMANORUM ACTUUM.

Videtur quod corpora cœlestia sint causa humanorum actuum.

1. Cum enim corpora cœlestia moveantur a spiritualibus substantiis, ut dictum est, agunt in virtute earum quasi instrumenta; sed illæ substantiae spirituales sunt superiores animabus nostris: ergo videtur quod possint imprimere in animas nostras, et sic causare actus humanos (1a, q. 115, a. 4, arg. 1): quia cum instrumentum agat in virtute propria et principalis agentis, motus cœli, ratione cuius cœlum est instrumentum intelligentiæ, non solum aget in virtute corporis moti, sed etiam in virtute spiritus moventis. Et ita cum motus sit actus corporis moti et spiritus moventis, quia corpus

cœleste præminet corpori humano, motus ille imprimet in illud, quia etiam spiritus ille præminet humano spiritui, motus cœli imprimet in animam. — *de Verit.* q. 5, a. 10, arg. 4.

2. Præterea, omne multiforme reducitur in aliquod uniforme principium; sed actus humani sunt varii et multiformes: ergo videtur quod reducantur in uniformes motus cœlestium corporum, sicut in sua principia. — *Ia*, q. 115, a. 4, arg. 2.

3. Præterea, dicitur in *Sex. Principiis*, quod anima conjuncta corpori complexionem corporis imitatur; sed corpora cœlestia imprimunt in complexionem humani corporis: ergo et in ipsam animam, et ita possunt esse causa humanorum actuum. — *de Verit.* l. c. arg. 2.

4. Præterea, experimentaliter inveniuntur aliquos homines a nativitate esse dispositi ad discenda vel exercenda aliqua artificio, ut quidam ad hoc quod sint fabri, quidam, quod sint medici, et sic de aliis; neque hoc reduci potest sicut in causam in principia proximi agentis, quia quandoque nati inveniuntur dispositi ad quedam, ad quæ parentes non inclinabantur: ergo oportet quod hæc diversitas dispositionum reducatur sicut in causam in corpora cœlestia. Neque potest dici, quod hujusmodi dispositiones sint in animabus medianibus propriis corporibus, quia ad hujusmodi inclinationes nihil operantur corporeæ qualitates, sicut operantur ad iram et gaudium et hujusmodi animæ passiones. Ergo corpora cœlestia immediate et directe in animas humanas imprimunt, et ita sunt causa humanorum actuum. — *de Verit.* l. c. arg. 5.

5. Præterea, astrologi frequenter vera annuntiant de eventibus bellorum et aliis humanis actibus, quorum principia sunt intellectus et voluntas; quod facere non possent, nisi cœlestia corpora essent humanorum actuum causa: sunt ergo corpora cœlestia actuum humanorum causa. — *Ia*, l. c. arg. 3.

Sed contra est: 1. quod dicit Damascenus (*de Fide Orthod.* l. 2, c. 7; — Migne PP. Gr. t. 94, col. 894): Nostrorum actuum

nequaquam sunt causa cœlestia corpora: nos enim liberi arbitrii a conditore facti sumus, domini nostrorum existimus actum. Et hoc ipsum determinavit Augustinus in 5. *de Civitate Dei* c. 9 (Migne PP. L. t. 41, col. 148 sqq.) et in fine *super Genesim ad Litteram*; et Gregorius in *Homilia 10 in Evangelia* (Migne PP. L. t. 76, col. 1111 sq.).

2. Præterea, sicut dicit Philosophus (*3. de Anima* text. 8, 14 et 18; c. 4 et 5), agens oportet esse præstantius patiente; sed corpus cœleste est multo inferius in ordine entium quam anima rationalis: ergo non potest in ipsam agere, ut causet aliquem effectum ejus. — 2. *Sent.* dist. 15, q. 1, a. 3, arg. 1 *Sed contra.*

3. Præterea, ut probat Philosophus in 3. *Ethic.* c. 5 (7) et 4. *Magn. Moral.* c. 10 (9), in nobis est bonos vel malos esse; sed boni vel mali efficiunt per actus nostros: ergo in nobis est, quod bonos actus nostros faciamus; ergo non causantur ex aliqua impressione virtutis cœlestis. — 2. *Sent.* l. c. arg. 2 *Sed contra.*

RESPONDEO DICENDUM, quod cum propria rei operatio sequatur naturam ipsius, illud tantum causa operationis esse potest, quod aliquo modo naturam in esse producit. Et ideo cum actus ex libertate arbitrii procedentes ex hoc, quod voluntarii sunt et in potestate nostra, actus humani proprie dicantur; non possunt in aliquam causam directe reduci, quæ ipsius animæ causa non sit. Et ideo secundum diversas positiones de causalitate animæ rationalis consecutæ sunt diversæ opiniones de operibus humanis.

Quidam enim antiqui philosophi sensum et intellectum idem esse dixerunt, in tantum quod, sicut ex transmutatione corporis transmutatur sensus, ita etiam transmutetur intellectus, ut de Democrito narrat Philosophus (*4. Metaphys. text.* 21; l. 3, c. 5). Et cum omnes virtutes corporales ex corpore dependentes reducantur in virtutes primorum corporum sicut in causas, sequebatur quod corpora cœlestia directe causalitatem haberent super animam rationalem et per

consequens super operationes ejus. Unde possebant, quod qualis unusquisque est secundum dispositionem, quam ex nativitate sortiebatur secundum impressionem corporum superiorum, talis finis videbatur ei; et secundum hoc diversificabantur electiones hominum, quibusdam hoc, quibusdam aliud diligentibus. — Haec autem positio reprobata est a philosophis: et quantum ad eam, quia probaverunt intellectum non esse virtutem corporalem, nec actum ejus proprium organo corporali expleri; tum etiam quantum ad id, quod sequitur, ostendentes bonam vel malam electionem in nostra potestate esse; alias injuste darentur pœnae et præmia. Similiter etiam damnata est a Sanctis tamquam fidei contraria.

Alii vero philosophi ponentes intellectum a sensu differre in hoc quod a corpore non dependet, nec corporali organo actum suum explet, dixerunt nullam virtutem corporalem causalitatem super intellectum humanum habere, sed omnino ab intrinseco esse; et ideo etiam electionem humanam non dependere ex corporibus cœlestibus nisi per accidens, in quantum videlicet ex dispositione corporis, quam impressio cœlestis relinquit, aliquo modo anima inclinatur ad secundum affectiones corporis, per modum quo passiones corporales rationem inclinant et quandoque deducunt. Sed tamen quia ponunt animas humanas creari a Deo mediante intelligentiis, ponunt quod motores orbium causent ipsius motus voluntatis praeter ordinem motus; ut Avicenna dicit in fine sue *Metaphys.* (tract. 10, c. 4), quod varietas operum voluntatis reducitur sicut in causam in conceptiones uniformes motorum cœlestium. Nec tamen ponunt quod tollatur libertas electionis, cum impressio recipiatur per modum recipientis. Verum haec etiam positio falsa est et contra fidem, quæ immediate animas humanas a Deo creari ponit. — 2. *Sent.* dist. 15, q. 1, a. 3, c.; 3. c. *Gent.* c. 87.

Unde aliter dicendum est, quod scilicet corpora cœlestia in corpora quidem imprimit directe et per se, in vires autem animæ, quæ sunt actus organorum corporeorum

non directe quidem, sed per accidens, quia necesse est hujusmodi actus harum potentiarum impediri secundum impedimenta organorum, sicut oculus turbatus non bene videt. Unde si intellectus et voluntas essent vires organis corporeis alligatae, sicut posuerunt dicentes quod intellectus non differt a sensu, ut dictum est, ex necessitate sequeretur, quod corpora cœlestia essent causa humanorum actuum; et ex hoc sequeretur, quod homo naturali instinctu ageretur ad suas actiones sicut cetera animalia, in quibus non sunt nisi vires animæ corporeis organis alligatae: nam illud, quod fit in istis inferioribus ex impressione corporum cœlestium, naturaliter agitur; et ita sequeretur, quod homo non esset liberi arbitrii, sed haberet actiones determinatas, sicut et ceteræ res naturales; quæ manifeste sunt falsa et fidei contraria, ut dictum est. — *fa.*, q. 145, a. 4, c.

Similiter indirecte et per accidens impressiones corporum cœlestium pertinere possunt ad intellectum et voluntatem; et hoc dupliciter: *primo*, quatenus impressiones corporum cœlestium in exteriora corpora sunt nobis causa alicujus electionis; sicut cum per corpora cœlestia disponitur aer ad frigus intensem, eligimus calefieri ad ignem vel aliqua hujusmodi facere quæ congruant temporis. (3. c. *Gent.* c. 85.) *Secundo*, quatenus tam intellectus quam voluntas aliquo modo ab inferioribus viribus accipiunt, quæ organis corporeis alligantur. Sed circa hoc diversimode se habent intellectus et voluntas. Nam intellectus ex necessitate accipit ab inferioribus viribus apprehensivis; unde turbata vi imaginativa vel cogitativa vel memorativa, ex necessitate turbatur actio intellectus; sed voluntas non ex necessitate sequitur inclinationem appetitus sensitivi. Licet enim passiones, quæ sunt in irascibili et concupiscibili, habeant quandam vim ad inclinandam voluntatem, tamen in potestate voluntatis remanet sequi passiones vel eas refutare. Et ideo impressio corporum cœlestium, secundum quam immutari possunt inferiores vires, minus pertingit ad voluntatem, quæ est proxima causa huma-

norum actuum quam ad intellectum. Quia ergo ponere, quod corpora cœlestia sint causa humanorum actuum, est proprium illorum, qui dicunt intellectum non differre a sensu (unde quidam eorum dicebant, quod talis est voluntas in homine, qualem in diem inducit pater virorum deorumque), et constat intellectum et voluntatem non esse actus organorum corporeorum; impossibile est, quod cœlestia corpora sint causa humanorum actuum. — Ia, q. 115, a. 4, c.; 3. c. *Gent.* c. 85-87.

Ad primum ergo dicendum, quod spirituales substantiae, quæ cœlestia corpora movent, in corporalia quidem agunt medianibus corporibus cœlestibus, sed in intellectum humanum agunt immediate illuminando; voluntatem autem immutare non possunt. (Ia, l. c. ad 1.) — *Vel dic*, quod instrumentum spiritualis agentis non agit per virtutem spiritualem, nisi ex hoc quod agit per virtutem corporalem. Secundum autem virtutem corporalem corpus cœleste non potest agere nisi in corpus. Et ideo etiam actio quæ est secundum virtutem spiritualem, non potest pertingere ad animam nisi per accidens, scilicet mediante corpore. Sed in corpus utroque modo actio ejus pervenit: ex virtute enim corporali movet qualitates elementares, scilicet calidum et humidum et hujusmodi; sed ex virtute spirituali movet ad speciem et ad effectus consequentes totam speciem, qui non possunt in qualitates elementares reduci. — *de Verit.* q. 5, a. 10, ad 4.

Ad secundum dicendum, quod sicut multiformitas corporalium motuum reducitur sicut in causam in uniformem motum cœlestium; ita multiformitas actuum qui sunt ab intellectu et voluntate, reducitur in principium uniforme, quod est intellectus et voluntas divina. — Ia, l. c. ad 2.

Ad tertium dicendum, quod ratio illa recte procederet, si corpus cœleste posset imprimere per se in animam; impressio autem corporis cœlestis non pervenit ad animæ essentiam nisi per accidens, scilicet nisi per corporis unionem, cuius ipsa est actus. Voluntas autem non oritur ex essen-

tia animæ, secundum quod est corpori conjuncta. Et ideo ratio non sequitur. — *de Verit.* l. c. ad 3.

Ad quartum dicendum, quod est aliquis effectus a corporibus cœlestibus in istis corporibus, qui non causatur ex calido et frigido, sicut quod magnes attrahit ferrum; et per hunc modum aliqua dispositio in corpore humano relinquitur a corpore cœlesti, ex quo contingit, ut anima ei conjuncta inclinetur ad hoc vel illud artificium. — *de Verit.* l. c. ad 5.

Ad quintum dicendum, quod plures hominum sequuntur passiones, quæ sunt motus appetitus sensitivi, ad quas cooperari possunt corpora cœlestia; pauci autem sunt sapientes, qui hujusmodi passionibus resistant. Et ideo astrologi ut in pluribus vera possunt prædicere, et maxime in communi, non antem in speciali, quia nihil prohibet aliquem hominem per liberum arbitrium passionibus resistere. Unde et ipsi astrologi dicunt, quod sapiens homo dominatur astris, in quantum scilicet dominatur suis passionibus. — Ia, l. c. ad 3; *de Verit.* l. c. ad 7.

ARTICULUS IV

UTRUM CORPORA CŒLESTIA IMPONANT NECESSITATEM IIS Q.U.E EORUM ACTIONI SUBDUNTUR.

Videtur quod corpora cœlestia imponant necessitatem iis quæ eorum actioni subduntur.

1. Causa enim sufficienti posita necesse effectum ponit; sed corpora cœlestia sunt sufficiens causa suorum effectuum: cum igitur corpora cœlestia cum suis motibus et dispositionibus ponantur sicut ex necessitate entia, videtur quod effectus eorum ex necessitate consequantur. — Ia, q. 115, a. 6, arg. 1.

2. Præterea, effectus agentis ex necessitate sequitur in materia, quando virtus agentis tanta fuerit, quod possit sibi subjicere totam materiam; sed tota materia inferiorum corporum subjicitur virtuti cœlestium corporum tamquam excellentiori: ergo

ex necessitate effectus cœlestium corporum recipitur in materia corporali. — *Ibid.* arg. 2.

3. Praeterea, si effectus cœlestis corporis non ex necessitate proveniat, hoc est propter aliquam causam impedientem; sed quælibet corpora, quæ impedire possent effectum cœlestis corporis, necesse est reduci in aliquod cœleste principium, cum cœlestia corpora sint causa omnium quæ hic fiunt: ergo cum et illud cœleste principium sit necessarium, sequitur quod necesse sit impediri effectum alterius corporis cœlestis; et sic omnia quæ hic contingunt, ex necessitate eveniunt. — *Ibid.* arg. 3.

Sed contra est, quod Philosophus dicit (*de Divinit. per Somnum* c. 2), quod neque eorum quæ in corporibus sunt signorum cœlestium, velut aquarum et ventorum, inconveniens est multa non evenire; sic ergo non omnes effectus cœlestium corporum ex necessitate eveniunt. — *Ibid.* arg. *Sed contra.*

RESPONDEO DICENDUM, quod ista quæstio partim quidem absoluta est secundum præmissa, partim autem difficultatem habet. Ostensum enim est, quod quamvis ex impressione cœlestium corporum siant aliquæ inclinationes in natura corporali, voluntas tamen non ex necessitate sequitur has inclinationes; et ideo nihil prohibet per voluntariam actionem impediri effectum cœlestium corporum, non solum in ipso homine, sed etiam in aliis rebus, ad quas hominum operatio se extendit.

Sed nullum tale principium invenitur in rebus naturalibus, quod habeat libertatem sequendi impressiones cœlestes. Unde videtur quod in talibus ad minus omnia ex necessitate proveniant, secundum antiquam quorundam rationem, qui supponentes omne quod est causam habere, et quod posita causa ex necessitate ponitur effectus, concludebant quod omnia ex necessitate contingent. Quam quidem opinionem repellit Aristoteles (6. *Metaphys. text.* 5 sqq.; l. 5, c. 2 sq.) secundum duo, quæ ipsi supponunt. *Primum* enim non est verum, quod posita quacunque causa necesse sit effectum

poni. Sunt enim quædam causæ, quæ ordinantur ad suos effectus non ex necessitate, sed ut in pluribus; quæ quandoque deficiunt in minori parte. Sed quia hujusmodi causæ non deficiunt in minori parte nisi propter aliquam causam impedientem, videtur adhuc prædictum inconveniens non vitari, quia et ipsum impedimentum talis causæ ex necessitate contingit. — Et ideo *secundo* oportet dicere, quod omne quod est per se, habet causam, quod autem est per accidens, non habet causam, quia non est vere ens, cum non sit vere unum. Album enim causam habet, similiter et musicum; sed album musicum non habet causam, quia non est vere ens, neque vere unum. Manifestum est autem, quod causa impediens actionem alicujus causæ ordinatae ad suum effectum ut in pluribus, concurrit ei interdum per accidens. Unde talis concursus non habet causam, in quantum est per accidens, et propter hoc id, quod ex tali concursu sequitur, non reducitur in aliquam causam præexistentem, ex qua ex necessitate sequatur: — sicut quod aliquod corpus terrestre ignitum in superiori parte aeris generetur et deorsum cadat, habet causam aliquam virtutem cœlestem; et similiter etiam quod in superficie terræ sit aliqua materia combustibilis, potest reduci in aliquod cœleste principium; sed quod ignis cadens huic materiæ occurrat et comburat eam, non habet causam cœleste corpus, sed est per accidens. Et sic patet, quod non omnes effectus cœlestium corporum sunt ex necessitate. — 1a, q. 115, a. 6, c.

Ad primum ergo dicendum, quod corpora cœlestia sunt causa inferiorum effectuum mediantibus causis particularibus inferioribus, quæ deficere possunt in minori parte. — 1a, l. c. ad 1.

Ad secundum dicendum, quod virtus corporis cœlestis non est infinita; unde requirit determinatam dispositionem in materia ad inducendum suum effectum et quantum ad distantiam loci et quantum ad alias conditiones. Et ideo, sicut distantia loci impedit effectum cœlestis corporis (non enim sol eundem caloris effectum habet in

Dacia, quem habet in *Ethiopia*), ita et grossities materiae vel frigiditas vel caliditas aut alia hujusmodi dispositio impedit potest effectum corporis cœlestis. — *Ibid.* ad 2.

Ad tertium dicendum, quod licet causa impediens effectum alterius causæ reducatur in aliquod cœleste corpus sicut in causam, tamen concursus duarum causarum, cum sit per accidens, non reducitur in causam cœlestem, ut dictum est (in c.). — *Ibid.* ad 3.

ARTICULUS V

UTRUM CÉLUM TANTUM AGAT IN HÆC INFERIORA PER LUMEN ET MOTUM.

Videtur quod cœlum agat in hæc inferiora non tantum per lumen et motum, sed etiam per alias virtutes.

1. Cœlum enim producit formas substantiales; sed hæc non possunt produci per lumen vel motum, quia causa est potior effectu, prædicta vero sunt accidentia: ergo cœlum non agit in hæc inferiora tantum per lumen et motum. — *Ia*, q. 67, a. 3, arg. 3.

2. Praeterea, secundum naturam est, quod simile generat sibi simile; sed cœlum est causa caloris in his inferioribus: ergo debet illum generare per consimilem qualitatem, et non per lumen vel motum. — *1. Meteorol.* I. 4.

3. Sed dices, quod cœlum est causa caloris in his inferioribus per motum, qui habet virtutem calefaciendi. — Contra, si calor producitur in his inferioribus per motum, illa pars erit calidior, quæ est magis propinqua astro, ex ejus motu transversatur calor; nam causa calefactionis est propinquitas ad astrum, ex quo per motum causatur calor; sed experientia patet majorem calorem esse prope terram, a qua magis distat astrum, quod est causa caloris: ergo cœlum non agit in hæc inferiora producendo calorem per motum. — *Ibid.* et *2. de Cœlo* I. 10.

4. Praeterea, si motus est causa caloris,

et consequenter generationis et corruptionis in his inferioribus, maxime id est, ut inquit Philosophus (*2. de Cœlo* tert. 42; c. 7), quia causatur calor in aere trito vel compresso per motum stellarum et præsertim solis, ut dicitur *1. Meteorol.* (c. 4, al. 3). — Sed hoc non est possibile. Nam, *primo*, motus ut motus non causat calorem, quia sic omnis motus localis calefaceret; *secundo*, quia cum æqualiter moveatur corpus solare et partes cœli ipsius, æqualiter calefacerent utraque; quod est falsum, nam corpus solis motum magis calefacit quam partes cœli ipsius, ut dicit Philosophus (*1. Meteorol.* c. 4, al. 3); *tertio*, quia cum omnes stellæ tam fixæ quam errantes moveantur, deberent gignere calorem, sicut gignit motus solis; et tamen Philosophus causam caloris in his inferioribus assignat maxime motui solis (*1. Meteorol.* c. 4, al. 3); *quarto*, quia luna, quæ calefieri non potest, cum interponatur internos et solem, impediret ne sol causaret calorem in his inferioribus; *quinto*, quia contritio vel compressio a motu solis provenire non potest ad aerem, nisi media corpora cœlestia conterantur, quod est impossibile. Ergo per motum non potest gigni calor, et per consequens nec fieri calefactio, quæ requiritur ad omnem generationem. — *2. de Cœlo* I. 10; *1. Meteorol.* I. 5.

5. Praeterea, si per motum sphære cœlestis calefit aer inferior, sequitur quod semper debeat esse æqualis calor in aere tam in æstate quam in hieme, tam nocte quam die, tam in umbra quam in sole; cuius tamen contrarium videmus: ergo per motum non potest fieri calor, et per consequens nec calefactio. — *2. de Cœlo* I. c.

6. Praeterea, cœlum non solum in his inferioribus est causa caloris, sed etiam frigiditatis, humiditatis et siccitatis; sed has qualitates non producit cœlum per motum et lumen, ut per se constat; nam hæc de sua natura non habent infrigidare, sed calefacere: ergo cœlum has qualitates saltem producet per alias virtutes. — *Ibid.*

7. Praeterea, lumen solis et reliquarum stellarum non potest penetrare terram, sed potius ad illam reflectitur; sed in profun-

dis partibus terrae fiunt multæ generationes: ergo saltem illa non fiunt a cœlo mediante lumine, et multo minus medio motu, cum terra secundum totum sit immobilis; ergo. — 2. *de Cœlo* I. 10.

8. Praeterea, luna est causa fluxus et refluxus maris; sed hunc effectum non potest facere per suum motum vel per suum lumen, ut patet: ergo debet illum efficere per aliam virtutem. — *Tabula Aurea* voce «mare» n. 2.

Sed contra est, quod Philosophus 1. *Meteorol.* (c. 3 et 4, al. c. 3) et 2. *de Cœlo* (*text.* 42; c. 7) dicit, quod cœlum agit in hæc inferiora per lumen et motum et maxime per motum corporis solaris. — 1. *Meteorol.* I. 4, 5 et 6; 2. *de Cœlo* I. 10.

RESPONDEO DICENDUM, quod cœlum agit in hæc inferiora per motum et lumen et per alias virtutes singulis corporibus cœlestibus attributas. Et quidem quod *motus*, præsertim solaris corporis, causet calorem in his inferioribus, probatur primo, quia motus localis naturaliter calefacit: *tum* quia potest disgregare aerem et rarefacere, et consequenter ignire (nam raritas et igneitas se consequuntur, ut frigiditas et spissitudo; et propter hoc ea, quæ ferantur, sicut sagittæ si habeant plumbum et ceram, saepe videntur liquefieri quasi motu ea calefaciente); — *tum* quia, sicut probatur in 8. *Phys.* (*text.* 54 sq.; c. 10), motus localis est primus motuum; in quolibet autem genere id, quod est primum, est causa eorum, quæ sunt post in eodem genere: unde motus localis est causa generationis, quæ est prima inter alios motus, et præcipue est causa prima alterationis, quæ est calefactio. (2. *de Cœlo* I. 10.) — Et quamvis in istis inferioribus causetur calor tam ex motu solis quam ex motu alicujus alterius corporis superioris; solus tamen sol sufficiens est facere æstuantem calorem, ut inquit Philosophus (1. *Meteorol.* c. 4). Nam calor qui fit ex aliis corporibus cœlestibus, est quasi insensibilis respectu caloris qui fit a sole. Hujus autem ratio est, quia motus qui causat vehementem calorem oportet quod sit velox et propinquus nobis. Unde motus astrorum fixorum et quinque

errantium, quæ sunt supra solem secundum opinionem Aristotelis, scilicet saturni, jovis, martis, veneris et mercurii, est quidem velox, remotus tamen a nobis longe. Motus autem lunæ licet sit propinquus, est tamen tardus. Motus autem solis habet utrumque sufficienter ad causandum calorem in istis inferioribus, velocitatem scilicet et propinquitatem. (1. *Meteorol.* I. 5.) Ceterum magis generatur calor ex motu ipsius solaris *corporis*, quam ex motu *sphaerae* ipsius: quia maxime motus corporis solidi disgregat aereum; corpus autem solare est magis solidum quam ceteræ partes sphæræ ipsius, cum non sit diaphanum. Generatur enim calor in his inferioribus ex motu cœli atque adeo solis, trito aere atque compresso, ut dicit Philosophus (2. *de Cœlo* *text.* 42; c. 7). Quod non est ita intelligendum, quasi mutua contritio vel confriatio corporis cœlestis et aeris sit causa caloris, sed solum motus aeris ex superiori motu cœlestis corporis causatus. Movetur autem aer superior et similiter ignis secundum motum diurnum cœli totius, secundum virtutem solis præsertim et omnium stellarum, ut dicit Averroes (in 2. *de Cœlo* *text.* 42).

Quod vero præter motum etiam *lumen* astrorum, et præsertim solis, sit causa calefactionis corporum inferiorum, manifestum est. Nam lumen habet virtutem calefaciendi, in quantum est qualitas activi primi alterantis, scilicet cœli, et directe causat qualitatem primam inferiorum corporum, quæ est calor. Et quia hæc qualitas magis abundat in sole, inde est quod est maxime potens ad calefaciendum. Reliqua vero cœlestium corporum, in quantum participant de lumine, quæ est universalis virtus activa cœlestium corporum, habent virtutem calefaciendi in tantum, quod etiam lumen lunæ est calefactivum secundum id, quod Philosophus dicit (*de Partibus Animal.* c. 5), quod noctes plenilunii sunt calidiores, unde quidam pisces moventur ad superficiem aquæ.

Verum, quia quædam astra non solum dicuntur calefacere, sed etiam infrigidare et

humectare (et non *per accidens*, quatenus agunt calorem proportionatum, ut vult Averroes, propterea reprehendens Avicennam dicentem quod stellæ faciunt infrigidationem et calefactionem; sed *per se*: — quod patet, quia illud videtur esse per accidens, quod non per se producitur ab agente; corpora autem cœlestia sunt per se activa eorum, quæ sunt hic: si igitur non per se agerent frigiditatem et humiditatem et alia hujusmodi, sequeretur quod ista essent per accidens in universo); — ideo dicendum est, quod corpora cœlestia per se agunt in haec inferiora, non solum per motum et lumen calefaciendo, sed etiam per *alias virtutes* alias effectus producendo. Quod manifestum est, quia cum omnes formæ substantiales inferiorum corporum sint ex virtute cœlestium corporum, consequens est, quod ex eorum virtute sint etiam qualitates consequentes species seu formæ elementorum. Et ideo licet omnia corpora cœlestia secundum communem virtutem luminis habeant caleficere, secundum tamen alias virtutes proprias singulis corporibus cœlestibus attributas debent habere non solum posse caleficere, sed etiam infrigidare, humectare et omnes alias effectus corporales in his inferioribus corporibus efficiere. Et secundum influentiam luminis et harum virtutum potest sol caleficere corpora inferiora, absque eo quod calefaciat medios orbes. Nihil enim prohibet, ut inquit Alexander, ab aliquo agente aliquid alterari per medium, ita tamen, quod illud medium non alteretur, licet recipiat aliquid suo modo. Et ita sol imprimat in haec inferiora mediante lumine calorem, cuius capacia sunt; orbes vero medii impressionem solis alio modo recipiunt, puta influentiam luminis et aliarum virtutum. Et sic manifestum est, quod cœlum agit in haec inferiora non solum per motum et lumen, sed etiam per alias virtutes. — 1. *Meteorol.* I. 5; 2. *de Cœlo* I. 10.

Ad *primum* ergo dicendum, quod sicut calor agit ad formam ignis instrumentaliter in virtute formæ substantialis, ita lumen agit instrumentaliter in virtute corporum

cœlestium ad producendas formas substanciales. — 1a, q. 67, a. 3, ad 3.

Ad secundum dicendum, quod sufficit, quod simile producatur a simili in virtute, licet non actu; motus autem cœli est virtute calidus, si non ut motus, saltem ut est motus talis corporis in sua natura habentis virtutem calefaciendi. — 2. *de Cœlo* I. 10; 1. *Meteorol.* I. 4.

Ad tertium dicendum, quod duplex est causa caloris ex corporibus cœlestibus in his inferioribus generati: una quidem causa est motus, alia causa est lumen seu reverberatio radiorum solis a terra. Secundum quod calor generatur in his inferioribus ex *motu* astrorum et totius cœli, corpora propinquiora cœlo, scilicet ignis et superior pars aeris, quæ circumferuntur secundum motum cœli, sunt calidiora; secundum quod autem ex *lumine* stellarum et præcipue solis causatur calor, sunt calidiora ea, quæ sunt infima, quia in superioribus reflexiones radiorum magis disperguntur.

Ad cuius intelligentiam sciendum est, quod radii procedentes a sole ad terram sunt causa caliditatis; cum autem radius in terram cadens repercudit, fit iterum aliis radius a terra quasi retro sursum tendens. Quanto ergo hi duo radii fuerint magis sibi invicem propinqui, tanto plus de calore causatur, quia virtus utriusque radii, scilicet carentis et reflexi, perlungit ad eandem partem aeris. Et inde est, quod ubi radius solis cadens super terram facit angulum rectum, ibi est maximus calor, quia reflexio fit in eadem parte; quanto vero radius cadens in aliquo loco fecerit angulum majorem recto, tanto est minus de calore, quia cum reperciatio fiat secundum aliam partem aeris, radius reperciens multum distat a radio primo cudente; manifestum est autem, quod quanto due lineæ continent angulum magis procedunt, tanto magis distant ad invicem. Unde quanto magis receditur a terra, ubi fit reverberatio, tanto magis prædicti radii distant ab invicem, et est minor calor. Et ideo propter immensam separationem predictorum radiorum ab invicem in loco superiori desinit calor et condensantur

ibi nubes propter frigus, que e contra prohibentur condensari prope terram, quia radii reverberati a terra sua caliditate disgregant consistentias vaporum. — 1. *Meteorol.* I. 4; 2. *de Cœlo* I. 10.

Ad quartum dicendum, quod ex motu solis præsertim, modo explicato (in c. et ad 2) generatur calor in corporibus inferioribus. Neque obstant rationes in contrarium. Non *prima*, quia, ut dictum est (in c.), motus habet virtutem de se calefaciendi, vel saltem ut est corporis habentis virtutem calefaciendi, ut dictum est (ad 2). Neque *secunda*, quia licet aequaliter moveatur corpus solidum et partes sphærae ipsius, motus tamen corporis solaris magis calefacit, quia est corpus magis solidum, quam sint ceteræ partes sphærae ipsius, cum non sit diaphanum. Cujus simile possumus sumere, inquit Philosophus (1. *Meteorol.* c. 4, al. 3), ex his quæ sunt apud nos, quia etiam hic aer vicinus rebus spissis, quæ feruntur per violentiam, maxime fit calidus. Neque *tertia*, quia licet omnes stellæ tam fixæ quam errantes moveantur, quia tamen motus solis est velox et propinquus nobis, quod non habet motus ceterarum stellarum, ideo ille est causa majoris, quam iste. Neque *quarta*, quia licet luna non calefiat a sole, aliquo tamen modo immutatur ab eo; videmus enim, quod illuminatur ab eo. Non semper autem eadem specie immutationis mutatur medium et extremum, sicut radius solis non inflammat vas vitreum plenum aqua, sed stupram oppositam. Neque *quieta*, quia tam ex motu astrorum quam ex lumine causatur calor in his inferioribus; neque opus est alterari orbes medios inter solem et nos, sed solum simul moveri cum sole et per suum motum causare calorem modo dicto (in c.). — 2. *de Cœlo* I. 10; 4. *Meteorol.* I. 5.

Ad quintum dicendum, quod maxime calor ignit, ut ait Philosophus (2. *de Cœlo* text. 42; c. 7), per motum illius sphæræ, cui est infixus sol. Et ideo generatur calor propter propinquitatem solis ad nos, et hoc dupliceiter: *uno modo*, secundum quod per suum ortum ascendit ad nostrum

haemisphaerium superius; *alio modo*, in quantum accedit ad summitatem capitum nostrorum. Siec enim est major calor in die quam in nocte, ita etiam est major calor in meridiæ quam in mane. Apparet etiam ratio, quare ubi est umbra, non est tantus calor, quantus est in loco, ubi radii solares projiciuntur: quia umbra causatur ex aliquo corpore opposito soli, quod interrupit continuationem transmutationis, quæ est a sole; sed actio solis pertinet ad locum umbrae per quandam reflexionem. — 2. *de Cœlo* I. 10; 4. *Meteorol.* I. 5.

Ad sextum concedimus cœlum agere in hæc inferiora per se producendo non solum calorem et lumen, sed etiam alias qualitates, et consequenter non solum agere per motum et lumen, sed etiam per alias qualitates et virtutes. Tota enim materia corporalis, quæ est sub corpore cœlesti, est sicut quædam materia existens in potentia ad caliditatem, frigiditatem, humiditatem et siccitatem, et ad alias passiones et formas, quæ consequuntur ad hæc. Et quia materia per se reducitur in actum a primo agente; ideo cum primum generationis principium sit corpus cœleste, per se et multo principalius corpora inferiora recipiunt prædictas qualitates a corpore cœlesti quam a generante; non quidem quod in illo sint prædictæ qualitates similes productis in his inferioribus, sed aliæ productivæ illarum; quia cum cœlestia corpora agant et non patientur, et consequenter tangant et non tangantur, in illis non sunt qualitates tangibles per modum quo sunt in inferioribus corporibus, sed per modum eminentiorem sicut in causa activa. Non enim est ibi calidum vel frigidum, humidum vel siccum, sed virtus, quæ est horum causativa; sicut similiter non est ibi grave et leve, sed loco horum est ibi aptitudo ad motum circularem; item rarum et densum invenitur in corporibus cœlestibus, secundum quod astra sunt spissiora et magis commassata quam sphæræ eorum, non tamen secundum differentiam contrarietatis, sed solum secundum additionem et diminutionem virtutis, et secundum majorem et minorem congregationem

partim. — 1. *Meteorol.* I. 4; 2. *de Cœlo* I. 10.

Ad septimum dicendum, quod formæ substantiales in inferioribus partibus terræ producuntur ab aliis virtutibus singulis corporibus cœlestibus attributis, ut dictum est (in e. art.). — 2. *de Cœlo* I. 10.

Ad octavum dicendum, quod fluxus et refluxus maris non consequitur formam substantialem aquæ, sed virtutem lunæ; sequitur enim ejus motum, et est aquæ naturalis, quia est ex impressione cœlestis corporis lunaris, cui naturaliter subditur aqua. — *Tabula Aurea* voce « mare » n. 2.

QUÆSTIO XXXIII

DE ACCIDENTIBUS CŒLI.

Deinde considerandum est de accidentibus cœli.

CIRCA QUÆ QUÆRUNTUR TRIA :

1. Utrum in corporibus cœlestibus sint accidentia sicut in corporibus inferioribus.
2. Utrum accidentia cœli sint ejusdem speciei cum accidentibus corporum sublunarium, ut lumen in sole et in aere, quantitas et motus.
3. Utrum maculæ lunæ causentur ex interpositione alicujus corporis inter nos et lunam.

ARTICULUS I

UTRUM IN CORPORIBUS CŒLESTIBUS SINT ACCIDENTIA SICUT IN CORPORIBUS INFERIORIBUS.

Videtur quod in corporibus cœlestibus non sint accidentia.

1. Quod enim habet substantiam et specificam virtutem, nullum habet accidens; nam si hoc illi inesset, inesset tamquam ejus virtus, eo quod accidens est virtus substantiae, ut sæpius dictum est; sed corpora cœlestia habent substantiam et specificam virtutem; sunt enim causa omnis generationis substantialis, quæ sit in corporibus sublunaribus: ergo non habent ullum accidens. — 2. *de Cœlo* I. 14.

2. Præterea, in eo quod est causa formæ

substantialis, non est illum accidens; nam superflue in illo esset, cum non possit agere ad productionem formæ substantialis; nam ageret ultra vires. Sed cœlum est causa formarum substantialium, quæ producuntur in his inferioribus; ergo in cœlo nulla sunt accidentia. — *Ibid.*

Sed contra est, quod Philosophus (*in 2. de Cœlo* *text.* 2 sqq. et 22 sqq.; c. 1 et 4) probat cœlestia corpora moveri circulariter et esse figuræ circularis, et per consequens in illis esse quantitatem, cum figura et motus in quantitate subjectentur. — 2. *de Cœlo* I. 1 sqq.; I. 5 sqq.

RESPONDEO DICENDUM, quod Simplicius inconvenientissimum existimat dicere, in corporibus cœlestibus esse accidentia, motus objectis supra allatis, ex quibus sequitur, cum sensus non sit cognoscitivus nisi accidentium, quod nihil illorum corporum sentimus; unde ipse dicit, quod neque astra ipsa videmus, neque magnitudinem ipsorum aut figuræ, neque excellentes pulchritudines, sed neque motum, sed velut illustrationem quandam ipsorum videmus talem, velut etiam solis circa terram lumen, non ipse sol videtur. — Sed hoc est expressissime falsum: *primo* quidem, quia Aristoteles (*2. de Anima* *text.* 68; c. 7) dicit, quod non secundum quod aqua neque secundum quod aer, diaphanum est, sed quoniam est natura eadem in his utrinque et in natura superioris corporis; si ergo in hujusmodi inferioribus corporibus sunt accidentia sensu perceptibilia, pari ratione in corporibus cœlestibus sunt accidentia sensu perceptibilia. *Adhuc*, figura et magnitudo sunt entia mathematicalia, quorum rationes sunt indifferenter in quounque existant. Sunt igitur figura et magnitudo inferiorum corporum sunt accidentia sensibilia, ita etiam et in cœlestibus corporibus. *Item*, si hoc esset, periret omnis certitudo astrologicæ scientiæ, quæ procedit ex apparentibus secundum sensum circa corpora cœlestia. Quomodo etiam esset possibile, quod motus cœlestium corporum esset eorum substantia, cum sit quid imperfectissimum. Sequeretur *etiam*, quod

idem esset in sole figura, lumen et motus, cum unius rei non sit nisi una substantia. Unde patet omnino impossibile esse quod dicit Simplicius. — 2. *de Cœlo* I. 14.

At primum ergo dicendum, quod nihil prohibet corpora cœlestia specificam virtutem habere, et tamen quedam accidentia in eis esse; nam in inferioribus corporibus sunt quedam accidentalia, licet in eis sit virtus ad generandum sibi simile in specie. — *Ibid.*

Ad secundum dicendum, quod accidentia possunt in virtute substantiae tamquam ejus instrumenta producere formas substantiales, ut saepius dictum est.

ARTICULUS II

UTRUM ACCIDENTIA CŒLI SINT EJUSDEM SPECIEI CUM ACCIDENTIBUS CORPORUM SUBLUNARIIUM.

Videtur quod accidentia cœli non sint ejusdem speciei cum accidentibus corporum sublunariorum.

1. Dicit enim Philosophus (*10. Metaphys. text.* 26; I. 9, c. 10), quod corruptibile et incorruptibile differunt genere; sed accidentia cœli sunt incorruptibilia, ut quantitas, motus, figura et similia, eadem vero accidentia in corporibus sublunaribus sunt corruptibilia: ergo non sunt ejusdem speciei. — *10. Metaphys. I. 4.*

2. Præterea, quæ habent diversos effectus, sunt specie diversa; sed lux solis et aliorum astrorum habent varios et diversos effectus, ut patet: ergo sunt specie diversæ. — *Tabula Aurea* voce « lux » n. 48.

3. Præterea, quantitas corporum sublunariorum est divisibilis; sed quantitas corporum cœlestium est indivisibilis, alioqui cœlum esset corruptibile: ergo accidentia cœli non sunt ejusdem speciei cum accidentibus corporum sublunariorum. — V. in Logica q. 11, a. 1; 8. *Phys. I. 11* et 21.

Sed contra est, quod Philosophus (2. *de Anima text.* 68; c. 7) dicit, quod perspicuitas et lumen sunt ejusdem rationis in elementis et cœlis. — 2. *de Anima* I. 14.

RESPONDEO DICENDUM, quod plura accidentia cœli sunt ejusdem rationis cum accidentibus corporum sublunariorum. Et ratio est, quia plura consequuntur naturam communem corporis, quæ logice eadem est in omnibus corporibus tam corruptilibus quam incorruptilibus, ut est esse diaphanum; esse lucens actu et illuminativum, quod est commune igni et corpori cœlesti; esse quantum, quod est passio corporis, ut dictum est (supra in *Physica* q. 3, a. 11, ad 2), cuius ratio communis est univocatione logica omnibus corporibus cœlestibus et sublunaribus; et idem dicendum est de figura, quæ est modus quantitatis. Quemadmodum vero in his inferioribus plura accidentia sunt, quæ consequuntur naturam propriam cuiuslibet rei, ut calor et siccitas naturam ignis, frigus et humiditas naturam aquæ, et sic de singulis, ut infra dicemus (q. 45, a. 1); ita in corporibus cœlestibus singulas naturas consequuntur singula accidentia, quæ sunt illis ratio producendi diversas operationes et effectus, ex quorum diversitate, ut dictum est (supra q. 30, a. 2), arguitur diversitas specifica cœlorum. — 2. *de Animal.* 14; 2. *de Cœlo* I. 10, 14; 1. *Meteorol.* I. 4, 5.

Ad primum ergo dicendum, quod corruptibile et incorruptibile differunt genere physico seu materia, non autem genere logico, cum conveniant in una communi ratione corporis, ut dictum est (supra q. 29, a. 2, ad 3).

Ad secundum dicendum, quod sicut calor, quæ est qualitas activa ignis, et habet actionem quandam communem, quatenus est calor, et habet aliam propriam, secundum quod est in diversis rebus — ut sic enim determinatur ejus actio ad diversos effectus, sicut calor qui est in homine, operatur ad conversionem sibi in carnem humanam, et in planta ad substantiam plantæ; — ita et lux quamvis habeat actionem consequentem naturam lucis in quantum est lux, determinatur tamen ipsius actio, secundum quod in diversis recipitur, ad diversos effectus; unde alium effectum habet radius saturni quam jovis. — 2. *Sent.*

d. 43, a. 4, c; d. 45, q. 1, a. 2, ad 5;
ta, q. 67, a. 3, c; q. 70, a. 1, ad 2.

Ad tertium dicendum, quod aliud est rem esse divisibilem in potentia, aliud eandem posse actu dividiri; illud est de ratione quantitatis et continuo, non hoc; et ideo cœlum est continuum, et per consequens divisibile, non tamen potest actu dividiri, quia hoc repugnat naturae illius. — 8. *Phys.* I. 11.

ARTICULUS III

UTREM MAGULE LUNÆ CAUSENTUR EX INTERPOSITIONE ALICUIJS CORPORIS INTER NOS ET LUNAM.

Videtur quod mæculæ lunæ causentur ex interpositione alicuius corporis inter nos et lunam: — 1. quia luna est corpus homogeneum, sicut et sol et reliqui planetæ; sed quod pars corporis homogenei non videtur, reliqua vero videantur, oritur ex interpositione corporis: ergo mæculæ lunæ oriuntur ex tali interpositione. — 2. *de Corlo* I. 12.

2. Præterea, mæculæ lunæ sunt obscuritates quedam et privationes luminis in luna; sed privatio luminis ab alio accepta oritur vel ex interpositione inter ipsum et corpus illuminans, vel certe inter nos et lunam: ergo cum non possit primum dici, cum lunæ mæculæ videantur semper, etiam quando luna non eclipsatur, dicendum est nasci tales mæculas ex interpositione corporis inter nos et lunam. — *Ibid.*

Sed contra est, quod mæculæ lunæ ex omni parte mundi videntur ab omnibus, quod non contingerebat, si orirentur ex interpositione corporis inter nos et lunam. — *Ibid.*

RESPONDEO DICENDUM, quod causa mæcularum quæ in luna apparent, a diversis diversimodo assignatur. *Quidam* enim dicunt, quod causa illius diversitatis, quæ in superficie lunæ apparent, seu mæclarum ejus, est aliquod corpus interpositum inter nos et lunam, quod prohibet nos ne videamus totaliter claritatem lunæ; unde ex illa parte qua inter visum nostrum et lunam interponuntur hujusmodi corpora, videtur esse

quedam obscuritas ex eo quod habere claritatem in illa parte non videmus. Sed hoc non potest esse, quia illud corpus interpositum inter nos et lunam non eodem modo interponitur inter lunam et visum hominis in quacunque parte mundi; et ita non videtur similis dispositio in luna ex omni parte mundi. Sie igitur non videtur similis dispositio eclipsis solaris ex omnibus partibus mundi ex interpositione luna inter solem et visum nostrum. Quod circa praedictam diversitatem lunæ non accidit; nam similiter videtur ex omnibus partibus terræ sive orientalibus sive occidentalibus sive australibus sive borealibus. — 2. *de Corlo* I. 21.

Alii vero dicunt, quod hujusmodi obscuritas apparet in luna est quedam similitudo alienus corporis, puta terra aut maris aut montium, que resultat in luna ad modum quo resultat forma in speculo. Et hoc tollitur etiam per eandem rationem: quia si hujusmodi formæ in speculo videarentur ex quadam reflexione radiorum visualium vel etiam formarum visualium, non ex omni parte terræ similis diversitas appareret in luna, sicut nec forma in speculo appareat secundum eandem dispositionem undique aspiciendi, quia reflexio fit ad loca determinata secundum proportionem corporum, ad quæ fit reflexio. *Ibid.*

Et ideo *alii* dicunt et melius, quod ratio, quare talis diversitas videtur in luna, est propter dispositionem sue substantiae, non autem propter dispositionem alicuius corporis vel quacunque reflexionem. Et horum duplex est opinio. *Quidam* enim dixerunt, quod formæ effectuum sunt quodammodo in suis causis: ita tamen, quod quanto aliqua causa est superior, tanto diversæ formæ effectuum sunt in ea magis uniformiter; quanto vero est inferior, tanto formæ effectuum sunt in ea magis distinctæ. Corpora autem cœlestia sunt causa interiorum corporum. Inter corpora cœlestia infimum est luna; et ideo in luna, secundum inferiorem superficiem ejus, continetur quasi exemplaris diversitas corporum generabilium. Et ista fuit sententia lamblici. — *Alii*

vero dicunt, quod licet corpora cœlestia sint alterius natura a quatuor elementis, præexistunt tamen in corporibus cœlestibus, sicut in causis, proprietates elementorum; non tamen eodem modo, sicut in elementis, sed quodammodo in excellenter modo. Et inter elementa supremum est ignis, qui plurimum habet de luce; intimum autem terra, que minimum habet de luce. Et ideo luna, que est infima inter corpora cœlestia, proportionatur terrae et assimilatur quodam modo naturæ ipsius; et ideo non totaliter est illustrabilis a sole. Unde ex illa parte, qua perfecte illustratur ab eo, videtur in ea esse quadam obscuritas, que semper appareat secundum eandem dispositionem in luna; quod non esset, si luna revolveretur, quia paulatim immutaretur aspectus talis obscuritatis. — 2. *de Cœlo* I. 12. — Et ex his patet *ad objecta*.

QUÆSTIO XXXIV

DE ELEMENTIS SECUNDUM QUOD SUNT PARTES UNIVERSI.

Deinde considerandum est de elementis secundum quod sunt partes universi, et per consequens de qualitatibus motivis, ex quibus determinatur illis situs in universo.

CIRCA QUE QUERUNTUR OCTO:

1. Utrum qualitates motivæ elementorum differant specie.
2. Utrum gravia et levia, seu elementa, moveantur effective a propriis formis substantialibus, an vero a generante.
3. Utrum sint plura elementa gravia quam levia.
4. Utrum omnia elementa præter ignem habeant gravitatem, et gravitent in propriis locis.
5. Utrum motus naturalis elementorum sit velocior in fine.
6. De loco elementorum.
7. Utrum projecta moveantur ab aere, an vero a virtute impressa.
8. Utrum projecta velocius moveantur in principio quam in fine.

ARTICULUS I

UTRUM QUALITATES MOTIVÆ ELEMENTORUM DIFFERANT SPECIE.

Videtur quod qualitates motivæ elementorum non differant specie. — 1. Dicit enim Philosophus (*I. de Cœlo* tert. 5 et 6; c. 2), quod virtutes motivæ sunt tres: circularis, a medio, et ad medium; sed si qualitates motivæ elementorum specie different, essent quinque, non autem tres: ergo qualitates motivæ non differunt specie. — 1. *de Cœlo* I. 3.

2. Praeterea, dicit Philosophus (*I. de Cœlo* tert. 10; c. 2), quod unum uni est contrarium; sed si qualitates motivæ specie different, singulae haberent duas contrarias, ut levitas ignis gravitatem aquæ et terræ: ergo qualitates motivæ elementorum non differunt specie. — 1. *de Cœlo* I. 4.

3. Praeterea, idem in quantum idem semper est natura facere idem, ut dicitur *I. de Generat.* (*text.* 56; c. 10); sed levitas ignis et aeris oriuntur ex calore, sicut gravitas aquæ et terræ oriuntur ex frigiditate, ut dictum est (cf. infra q. 43, in c. et ad 6): ergo sicut calor ignis et aeris sunt iidem specie, et similiter frigiditas aquæ et terræ, ut dictum est (cf. infra q. 46, a. 7, c.), ita ejusdem speciei erunt levitas ignis et aeris, et gravitas aquæ et terræ. — 2. *de Generat.* I. 10.

4. Praeterea, qualitates motivæ speciem sumunt a terminis sive locis; sed hi termini sive loca sunt tantum duo, pula sursum et deorsum, ut dicit Philosophus (*I. de Cœlo* tert. 6, c. 2; 2. *de Generat.* *text.* 22, c. 3): ergo qualitates motivæ specie differentes sunt tantum duæ, gravitas et levitas; unde levitas aeris et ignis non different specie, sicut nec gravitas terræ et aquæ. — 1. *de Cœlo* I. 3 et 4; 2. *de Generat.* I. 3.

5. Praeterea, 1. *de Cœlo* (*text.* 47; c. 3) definit Philosophus leve, quod natum est ferri a medio, grave quod ad medium; sed definitio levis æqualiter competit igni et aeri, sicut definitio gravis aquæ et terræ; nam illa tendunt a medio, hæc ad medium, seu illa sursum, hæc deorsum: ergo

levitas ignis et aeris erunt ejusdem speciei, et similiter gravitas aquæ et terra. — 1. *de Cœlo* I. 5.

6. Praeterea, comparatio non est nisi inter ea, quæ sunt unius speciei, ut dicit Philosophus (*7. Phys. text.* 29; c. 4); sed aer et ignis comparantur in levitate, et aqua et terra in gravitate, ut patet 1. *de Cœlo text.* 17 (c. 3) et 4. *de Cœlo text.* 26 et 27 (c. 7); ergo levitas ignis et aeris sunt ejusdem speciei et similiter gravitas aquæ et terræ. — 7. *Phys.* I. 7; 1. *de Cœlo* I. 5; 4. *de Cœlo* I. 3.

Sed contra est, quod Philosophus (4. *de Cœlo text.* 26 *sq.*; c. 4) ex quatuor qualitatibus motivis probat quatuor esse elementa.

RSPONDEO DICENDUM, quod qualitates motivæ elementorum specie differunt. Et ratio est, quia qualitates motivæ, sicut et eorum actus, puta motus, specificantur ex terminis; non sunt autem iidem specie termini, secundum quos specificantur motus ignis et aeris, aquæ et terræ. Aer enim natus est moveri ad locum qui subditur igni, aqua autem ad locum qui supereminet terræ. Unde et ignis dicitur simpliciter et absolute levissimus, quia tendit ad concavum lunæ; terra vero simpliciter et absolute gravissima, quia tendit ad centrum mundi. Aer autem est levis per comparationem ad duo elementa; et similiter aqua est gravis per comparationem ad duo. Praeterquam quod si levitas aeris et ignis essent eadem specie, aer et ignis naturaliter tenderent ad eundem locum, et per consequens aer violenter quiesceret in eo loco ubi nunc est, puta sub igne, quia naturaliter unumquodque quiescit in eo loco ad quem naturaliter fertur, ut dicitur 3. *de Cœlo* (*text.* 19; c. 2), sicut vi quiescit, ad quem vi fertur, sicut et contra naturaliter unumquodque movetur ad locum in quo naturaliter quiescit; quiescit autem naturaliter unumquodque in proprio loco. Cum enim unumquodque moveatur ad suum locum, tamquam ad perfectionem et finem suum, ut dicit Philosophus (4. *de Cœlo text.* 22, 23; c. 3), perfectio ejus erit in illo esse, et per consequens naturaliter in illo quiesceret. Unde manife-

stum est, quod qualitates motivæ elementorum specie differunt. — 1. *de Cœlo* I. 3, 5; 3. *de Cœlo* I. 5; 4. *de Cœlo* I. 2.

Ad primum ergo dicendum, quod qualitas motiva *n medio* est una specie subalterna, sicut et qualitas motiva *ad medium*, ut patet ex his quæ docet Philosophus 4. *de Cœlo* (*text.* 26; c. 4), ut dictum est. — 4. *de Cœlo* I. 2 et 3.

Ad secundum dicendum, quod motus localis elementorum tribuitur elementis non secundum calidum et frigidum, humidum et siccum, secundum quæ distinguuntur elementa, ut patet ex 2. *de Generat.* (*text.* 6; c. 1), sed secundum gravitatem et levitatem. Unde duo corpora gravia comparantur ad motum localem sicut unum corpus, et similiter duo levia; sicut similiter corpori dulci contrariatur amarum et saluum, quia hæc duo se habent per modum unius, cum utrumque sit privatio dulcis in humido nutrimentali. (Cf. *de Sensu et Sessato* I. 10). Propterea vero aer et ignis efficiunt unum corpus, sicut et utriusque unus locus sursum tribuitur a Philosopho (2. *de Generat. text.* 22; c. 3); et idem dico de aqua et terra, quia aer et aqua participant de igne et terra; aqua enim levis est in terra et gravis in aere et igne. Unde cum aqua plus habeat de gravitate quam de levitate, magis communicat cum terra, et ideo utrique datur unus locus; similiter autem dicendum est de aere et igne. — 4. *de Cœlo* I. 4; 2. *de Generat.* I. 3.

Ad tertium dicendum, quod levitas ignis consequitur combinationem caloris et siccitatis, et levitas aeris combinationem caloris et humiditatis, et similiter dico de gravitate aquæ et terræ, ut dictum est (cf. infra q. 43, in c. et ad 6; q. 46, a. 7, c).

Ad quartum dicendum, ut dictum est *ad secundum*. — *Vel dic*, quod non sunt iidem specie termini, et eadem loca specie ignis et aeris, ut dictum est (in c. art.). — Et iisdem modis dicendum est *ad quintum*.

Ad sextum dicendum, quod licet propriissime non sit comparatio nisi inter ea quæ sunt ejusdem speciei, proprie tamen potest etiam fieri inter ea quæ specie differunt,

dummodo sint ejusdem generis, ut dicit Philosophus (10. *Metaphys. text.* 12 et 13; l. 9, c. 3). Elementa autem licet differentia inter se specie, sunt tamen ejusdem generis; sunt enim corpora naturalia, et per consequens in genere substantiae, ut dicit Philosophus (3. *de Cœlo text.* 1; c. 1). — 10. *Metaphys.* l. 5; 3. *de Cœlo* l. 1.

ARTICULUS II

UTRUM GRAVIA ET LEVIA MOVEANTUR EFFECTIVE A PROPRIS FORMIS AN VERO A GENERANTE VEL A MEDIO.

Videtur quod gravia et levia moveantur effective a propriis formis substantialibus.

1. Dicit enim Philosophus (1. *de Cœlo* tert. 89; c. 8), quod elementa non feruntur sursum vel deorsum quasi mota ab alio exteriori; sed si moverentur a generante, moverentur ab aliquo exteriori: ergo elementa non moverentur a generante, sed a se ipsis per proprias formas substantiales. — 1. *de Cœlo* l. 18.

2. Praeterea, Philosophus (l. e.) dicit, quod elementa non moverentur vi ad propria loca, sed naturaliter; sed motus naturalis est, cuius principium est in eo quod movetur: ergo elementa non moverentur a generante, quod est illis extrinsecum, sed a propriis formis intrinsecis. — *Ibid.* et 3. *de Cœlo* l. 7 et 8.

3. Praeterea, dicit Philosophus (1. *de Cœlo* text. 5; c. 2), quod omnia naturalia habent in se principium motus; sed elementa sunt corpora naturalia, ut dicit Philosophus (1. *de Cœlo* text. 1; c. 1): ergo. — 1. *de Cœlo* l. 1 et 3.

4. Praeterea, formam corporis elementaris sequitur motus, sicut et aliae naturales proprietates consequuntur essentia præcipua; sed hæc habent rationem efficiens respectu illarum, ut dictum est (in Logica q. 6, a. 2): ergo et forma elementaris erit principium efficiens motum elementi, et ita elementum effective movebitur a se ipso. — *de Pot.* q. 5, a. 1, 5 et 8.

5. Praeterea, causa et effectus in actu

sunt simul, ut dictum est; sed grave moveatur aliquando deorsum quando generans non existit, ut per se manifestum est: ergo grave non moveatur a generante, sed a propria forma. — 2. *Phys.* l. 6.

6. Videtur quod gravia et levia moveantur ab aere medio, quia motus naturalis debet immediate sequi a suo motore; sed motus gravium et levium non sequitur a suo generante, ut patet; neque etiam a propria forma, quia movens se ipsum dividitur in movens et motum, ut probatur in 8. *Phys.* (text. 40 sq. ; c. 5), quod non invenitur in gravibus et levibus, quæ dividuntur in formam et materiam, cujus non est moveri, ut probatur in 5. *Phys.* (text. 40 sqq. ; c. 2): ergo necessario debet moveri a medio, ita ut ipsa moveant aerem, ad ejus motum ipsa deinde moveantur. — *de Cœlo* l. 7.

7. Praeterea, oportet esse aliquam resistentiam inter movens et mobile; sed nulla est resistentia materiæ corporalis gravis vel levius ad ejus formam vel ad generans, est autem ad medium: ergo grave et leve movebuntur ab aere. — *Ibid.*

8. Praeterea, dicit Philosophus (3. *de Cœlo* text. 28; c. 2), quod aer facit motum naturalem elementi, sicut et violentum; sed violentum facit per se et effective: ergo et naturalem; et per consequens gravia et levia movebuntur a medio. — *Ibid.*

Sed contra est: 1. quod Philosophus (8. *Phys.* text. 29; c. 4) dicit, quod impossibile est gravia et levia moveri a se ipsis, quia hoc est proprium vitæ et animalium, cuiusmodi non sunt gravia et levia, sed moveri per se a generante, per accidens vero a removente prohibens. — 8. *Phys.* l. 7.

2. Praeterea, dicit Philosophus (8. *Phys.* text. 30; c. 4), quod nullum continuum movet se ipsum; sed ex eodem (*ibid.*) gravia et levia sunt continua: ergo nihil horum movet se ipsum. — 8. *Phys.* l. 7 et 8.

3. Praeterea, id quod est in potentia, naturaliter moveatur ab alio quod est actu; sed nihil secundum idem est in potentia et actu: ergo gravia et levia non moveruntur a se, sed ab alio. — *Ibid.*

4. Praeterea, dicit Philosophus (3. *de*

Cœlo. text. 28; c. 2), quod sint enim esset aer medius, nec daretur corpus violenter motum; at vero motum naturalem gravis et levis aer tantum promovet et coadjuvat motum; ergo gravia et levia non moventur naturaliter ab aere, sicut moventur violenter ab eodem, moventur autem efficienter in tali motu ab aere. — 3. *de Cœlo* I. 7.

RESPONDÉO DICENDUM *ad primum questionem*, quod in hac difficultate de motore gravium et levium quidam, ut Averroes, dixerunt, quod gravia et levia moventur a se ipsis, non tamen per se, sed per accidens, sicut nauta, qui movet nave, ad cuius motum ipse movetur, et similiter corpus grave et leve per suam formam movet aerem, ad cuius motum ipsum corpus grave vel leve movetur; idque probant argumentis allatis. — Verum haec positio falso nittitur fundamento. Existimat enim, quod forma gravis et levis sit principium activum per modum moventis, et sic oporteat esse aliquam resistantiam ad inclinationem formæ, et quod motus non procedat immediate a generante, qui dat formam. Quod est omnino falsum. Nam forma gravis et levis non est principium motus sicut agens motum (nam agens per se est id quod agit per propriam formam, forma autem non agit per aliam formam); sed est id quo agens agit. Unde non potest dici agens nisi abusive; est enim principium motus, quo movens movet, sicut color est principium visionis, quo aliquid videtur. Unde et Philosophus (in 8. *Phys. text.* 32; c. 4), postquam dixerat de motu gravium et levium, quod nihil horum movet se ipsum, statim subdit: « sed motus habent principium, non movendi neque faciendi, sed patiendi ». Quare dicendum est, quod motus gravium et levium per se est a generante, per accidens vero a removente prohibens, ut dicit Philosophus (in 8. *Phys. text.* 33; c. 4). — 3. *de Cœlo* I. 7; *de Mælo* q. 2, a. 11, c.; 8. *Phys.* I. 8.

Quod confirmatur *primo* ex differentia inter motum gravium et levium et motum animatorum seu viventium. Quia enim haec secundum quod sunt in sua dispositione naturali, moventur, non autem in accedendo

ad eam vel in recedendo ab ea; ideo dicuntur moveri a se ipsis, et consequenter habere in se principium talis motus; at gravia et levia non moventur, nisi secundum quod sunt extra dispositionem sue naturæ, utpote cum sunt extra proprium locum. Cum enim sunt in proprio et naturali loco, quiescent, et ideo non nisi a motore extrinseco moventur, quod per se est generans, per accidens vero removens prohibens. — 1a, q. 18, a. 1, c. et ad 2.

Secundo, ex ratione generali motus. Motus enim quilibet est inclinatio naturæ; omnis autem inclinatio naturæ est a propria forma et ab eo, qui dedit formam: ergo et motus localis naturalis gravium et levium erit a propria forma, et a generante ipsa. Sed non est a forma tamquam ab agente et movente per se proprio, sed abusive tantum, ut dictum est; ergo erit proprio tamquam a principio, quo movens movet. — 1a, q. 105, a. 2, c.

Tertio, ex differentia, quae invenitur in his quae moventur. Eorum enim quae moventur, quedam principium sui motus in se ipsis habent, quedam vero extra se, sicut ea quae per violentiam moventur, in quibus principium est extra, nil conferente vim passo, secundum Philosophum (in 3. *Eth.* c. 1). Eorum autem quorum principium motus in ipsis est, quedam talia sunt, quod ipsa seipsa movent, sicut animalia; quedam autem, quae non movent seipsa, quamvis in seipsis sui motus aliquod principium habeant, sicut gravia et levia. Non enim ipsa seipsa movent, cum non possint distingui in duas partes, quarum una sit movens et alia mota, sicut in animalibus invenitur, quamvis motus eorum consequatur aliquod principium, quod est in illis, scilicet formam: quam quia a generante habent, dicuntur a generante moveri per se, sed a removente prohibens per accidens, secundum Philosophum (8. *Phys.* I. c.); et haec moventur seipsis, sed non a seipsis. — *de Verit.* q. 24, a. 1, c.

Postrema probatur et simul explicatur, quomodo motus gravium et levium a generante sit per se, a removente vero prohiben-

bens per accidens, ex ratione motus localis per comparationem ad alios motus alterationis et augmentationis. Quia cum id quod est in potentia, moveatur ab eo quod est actu, *sicut* dupliceiter anquid est in potentia leve vel grave — *uno modo* sicut ille, qui est in potentia ad habitum scientiae, puta cum adhuc est aqua et est in potentia ad leve, id est, ut fiat aer; *alio modo*, cum ex aqua factus est aer, est adhuc in potentia ad actum levis, quod est esse sursum; sicut habens habitum scientiae et non considerans, est in potentia ad actum scientiae: — *ita* dupliceiter potest aliquid moveri et reduci ad actum, seu ex prima potentia ad secundam et ex secunda ad actum illius potentie. Nam reducitur de prima potentia ad actum, cui conjungitur secunda potentia, per agens extrinsecum producens et generans talum actum; ad actum vero secundae potentiae non reducitur per aliquod agens, sed per seipsum sequitur talis actus, nisi sit aliquod impediens et prohibens. Nam tunc per accidens reducitur ad actum per removens prohibens, ut patet inductione. Nam in qualitate, existens in potentia ad illam, reducitur ad actum per agens producens talum qualitatem, qua posita statim sequitur actus illius qualitatis; et si sit impidiens talum actum, per accidens reducitur a removente tale impedimentum; ut nondum habens habitum scientiae reducitur ad actum per actum docentis; habens autem jam habitum scientiae non oportet quod reducatur in secundum actum per aliquod agens, sed statim per seipsum operatur considerando, nisi sit aliquod prohibens, puta occupatio vel infirmitas aut voluntas; et tunc per accidens dicitur moveri et reduci ad actum a removente tales causas impedientes. Similiter in quantitate, antequam fiat additio quanti ad quantum, quantum reducitur ad actum primum per agens producens talum actum; postquam vero facta est additio, statim sequitur extensio in corpore augmentabili, nisi aliquid prohibeat; et illud quod removet hoc prohibens, dicitur quodammodo movere quantum ad extensionem. Et similiter in motu locali: si

columna sustineat aliquod grave et sic impediatur ipsum descendere, ille qui divellit columnam, per accidens dicitur movere grave suppositum columnae. Et similiter ille qui removet lapidem, qui impedit aquam effluere a vase, dicitur per accidens movere aquam, et non per se; sicut si pila repercutiat a pariete, per accidens dicitur moveri a pariete, per se autem a primo projiciente: paries enim non dedit ei aliquem impetum ad motum, sicut dedit percussio, per accidens autem fuit quod dum a pariete impediatur, ne secundum impetum ferretur, eodem impetu manente in contrarium motum resiliret. Et similiter ille qui divellit columnam, non dat gravi supposito impetum vel inclinationem ad hoc quod sit deorsum, sed hanc habuit a primo generante, quod dedit ei formam, ad quam sequitur talis inclinatio et motus. — 8. *Phys.* l. 8; *de Molo* q. 2, a. 11.

Sic igitur dicendum est, quod generans per se est causa motus gravium et levium, quia dat illis formam, quam consequitur motus; removens autem prohibens per accidens, quia statim ac aliquid est grave et leve et est extra locum, nisi impediatur, movetur ad propria loca, per se quidem a generante, tamquam causa principali et proprie quidem agente, quia agit per propriam formam, et producit formam, ad quam sequitur motus, agente tamen consequenter et non primo: quia principale agens dicitur aliquid agere primo, et aliquid consequenter; — agit enim primo dans formam, agit autem consequenter dans motum, qui consequitur formam; — per accidens vero a removente prohibens; sicut per se quidem sol illuminat domum, per accidens vero qui aperit fenestram, quae erat obstaculum luminis. Et sic patet, quod in gravibus et levibus forma non est principium effectivum vel activum *ut quod*, sed tantum passivum, est tamen activum *ut quo*, quia mediante forma generans producit motum gravium et levium. — *Tabula Concord.* n. 690, 691; 1. *de Cœlo* l. 18.

Ad primum ergo dicendum, quod cum Philosophus negat gravia et levia moveri

ab exteriori agente, tantum removet exteriorem motorem, qui hujusmodi corpora moveat, postquam formam specificam sunt consecuta. Moventur enim levia quidem sursum, gravia vero deorsum a generante, in quantum dat eis formam, quam sequitur talis motus; a removente prohibens per accidens et non per se. Quidam autem posuerunt, quod postquam speciem sunt adepta, hujusmodi corpora indigent ab aliquo alio extrinseco moveri per se, praeterquam a generante, quod loco citato Philosophus removet. — 1. *de Cœlo* I. 18.

Ad secundam dicendum, quod ad motum naturalem sufficit habere principium passivum et activum *quo*; quomodo se habet virtus gravium et levium. — Et sic patet *ad tertium*; nam elementa sunt corpora naturalia et habent in se principium sui motus naturalis passivum et non activum, ut *quod* scilicet, ut dicit Philosophus (8. *Phys. lect.* 32; c. 4). — Et per hoc patet solutio *ad tertium*. — 8. *Phys.* I. 8.

Ad quartum dicendum, quod forma elementi, ut se tenet ex parte ipsius elementi mobilis, habet rationem principii passivi; ut vero se tenet ex parte generantis moventis, habet rationem principii activi, non quidem efficientis et ut *quod*, sed formalis et ut *quo*. — *Tabula Concord.* n. 690, 691.

Ad quintum dicendum, quod cum generans sit causa principalis motus gravium et levium consequenter, puta mediante forma, non autem prima, ideo non est necesse quod generans existat, sed sufficit ut existat forma, mediante qua movet. (*de Molo* q. 2, a. 11) — *Vel dic*, quod movens et motum debent esse simul, vel quantum ad principium motus, non autem quantum ad totum motum, ut patet in projectis; vel quandiu retinetur vis a movente collata, ut est in proposito; quandiu enim grave retinet formam datam a generante, dicitur generans movere grave. — *de Pot.* q. 3, a. 11, ad 5.

Ad secundam questionem dicendum, quod non requiritur ad motum naturalem gravium et levium ex necessitate aer, quia id quod movetur naturaliter, habet sibi inditam virtutem, quae est principium motus.

Unde non oportet quod ab alio impellente moveatur, sicut id quod per violentiam moveatur, quia nullam virtutem inditam habet, ad quam sequitur talis motus, sicut levient gravia et levia, quae prouide a solo generante tamquam principali cursu consequenter agente, ab aere vero tamquam a promovente motum, quatenus nimis per suam levitatem coadiuvat ad motum qui est sursum, per suam gravitatem ad motum deorsum. Unde aer tantum requiritur ad motum gravium et levium ad bene esse, et non ex necessitate, ut male determinavit Averroes. — 3. *de Cœlo* I. 7.

Ad tertium ergo et septimum dicendum, quod quia forma non est principium activum motus gravium et levium per modum moventis; sed sicut quo movens movet, ideo non oportet aliam resistentiam quarere in hoc motu, quam illam que est inter generans et genitum. — 3. *de Cœlo* I. 7.

Ad octavum dicendum, quob aer non eodem modo facit motum violentum et naturalem, ut dicit Philosophus (3. *de Cœlo* tert. 28; c. 2). Nam de violento dicit, quod si non esset aer, non esset quod vi motum esset; de naturali vero dicit, quod aer promovet motum naturalem. Unde ad violentum necessario requiritur aer, ad naturalem non nisi ad bene esse ob rationem allatam (in c.). — 3. *de Cœlo* I. 7.

ARTICULUS III

UTRUM SINT PLURA ELEMENTA GRAVIA QUAM LEVIA.

Videtur quod sint plura elementa gravia quam levia.

1. Dicit enim Philosophus (4. *de Cœlo* tert. 29 et 30; c. 4), quod omnia elementa habent gravitatem praeter ignem, etiam aer; ergo plura sunt elementa gravia quam levia. — 4. *de Cœlo* I. 3.

2. Praeterea dicit Philosophus (1. c.), quod si accipiatur uter de corio subtili et infletur aere, majoris ponderis erit inflatus quam non inflatus, et velocius movebitur inferius; sed hoc esse non potest, nisi aer gravitatem

haberet: ergo elementa gravia plura sunt quam levia. — *Ibid.*

3. Praeterea, dicit Philosophus (4. *de Cœlo* text. 39; c. 5), quod si submoveatur aeris aqua, aer naturaliter deorsum feretur; si vero tollatur ignis, aer non nisi vi feretur sursum; sed hoc esse non potest, nisi aer gravitatem habeat: ergo idem quod prius. — *Ibid.*

4. Praeterea, omne gravius est grave, quia comparativus supponit positivum; sic enim omne albius est album; sed aer est gravior igne: ergo aer est gravis, et sic plura sunt elementa gravia quam levia. — 3. *de Cœlo* I. 3.

Sed contra est, quod Philosophus (1. *de Cœlo* text. 18, c. 3; 3. *de Cœlo* text. 28, c. 2; 4. *de Cœlo* text. 27, c. 4) docet, quod duo sunt elementa, quorum unum est absolute grave, aliud absolute leve, puta terra et ignis; et duo sunt respective levia et gravia. Nam aer respectu ignis est gravis, respectu aquæ leve, aqua vero respectu terræ est leve, respectu aeris gravis. — 1. *de Cœlo* I. 5; 3. *de Cœlo* I. 7; 4. *de Cœlo* I. 3.

RESPONDEO DICENDUM, quod necesse est dicere non esse plura elementa gravia quam levia, sed esse unum elementum gravissimum, alterum levissimum, et duo media, partim gravia partim levia, si respectu divisorum considerentur. Et quidem de primis duobus probatur ex definitione gravissimi et levissimi. Gravissimum enim est, quod substans omnibus quæ deorsum feruntur; hoc autem non nisi unum esse potest, quia si plura essent, nullum eorum substaret omnibus quæ deorsum feruntur. Similiter levissimum est, quod supereminet omnibus quæ feruntur sursum; quod similiter est unum ob eandem rationem. — 4. *de Cœlo* I. 3.

Et confirmatur *primo*, quia ad sensum videmus, quod terra et omnia terrea substantiant omnibus corporibus, et feruntur simpliciter ad medium. Medium enim determinatum est, quia non contingit aliquid eorum quæ moventur, in infinitum ferri, nisi per reiterationem, ut contingit in motu cœli, secundum intentionem Philosophi. Et similiter videmus ignem supereminere et super-

ferri omnibus, etiam ipso aere; nam positus in aere sursum fertur ipso quiescente. Unde necesse est quod moveatur ad extremum locum simpliciter, et per consequens quod nullam gravitatem habeat. Si enim haberet aliquam, tunc substaret alicui; hoc enim dicimus grave, quod simpliciter vel alicui substaret. Et si hoc esset verum, esset aliquod aliud corpus quod moveretur ad extremum, quod omnibus supereminet; nunc autem non videmus aliquod tale praeter ignem.

Secundo, quia cum sit aliquod medium et aliquod extremum determinata ad invicem plurimum distantia localiter (ut patet, praeter dicta, ex eo quod ignis a deorsum movetur sursum ad angulos similes sphærales; et similiter unaquæque pars terræ et omne habens gravitatem fertur deorsum ad similes angulos sphærales, cum moveatur secundum rectum et terra sit circularis); rationabiliter sunt duo corpora extrema, grave et leve. Locis enim naturalibus existentibus, necesse est esse corpora mobilia ad illa, quia locus naturalis non est sine corpore. Unde cum sint duo loca, extremum scilicet et medium in mundo, necesse est esse corpora mobilia ad illa. Hujusmodi autem sunt grave et leve simpliciter; et haec alia non sunt praeter ignem et terram, ut sensu patet. — *Ibid.*

Quod autem praeter duo extrema elementa sint alia duo intermedia, puta aer et aqua respective gravia et levia (aer quidem gravis respectu ignis, levis autem respectu aquæ; aqua vero leve respectu terræ, sed gravis respectu aeris), probatur, quia si dantur extremum et medium in mundo, cum haec sint contraria, necesse est inter haec contraria dari medium. Duorum enim contrariorum nihil prohibet esse unum aut plura media. Omnia enim contraria primo et principaliter dicta medium habent, ut probatur 10. *Metaphys.* (text. 22; 1. 9, c. 7), quædam quidem unum, quædam plura, ut patet in coloribus. Quare inter duo corpora extrema, grave et leve, dabitur aliquod corpus grave medium, quod ad utrumque extermorum comparatum rationem utriusque habeat; et per consequens erit aliquis

locus intermedius. Quia enim locus naturalis non est sine corpore nato moveri ad ipsum, aut inexistente, cui proportionatur; manifestum est, quod necesse est inter grave et leve simpliciter sit aliquid medium, quod sit grave et leve ad aliud, quod nimis comparatum ad leve sit grave et comparatum ad grave sit leve. Et sic patet, quod inter ignem et terram debet esse aliquod corporis medium. Hoc autem non esse unum tantum specie, sed duo, puta aereum et aquam, manifestum est tum sensu, tum quia si sunt duo elementa extrema, puta ignis et terra, necesse est alia duo intermedia esse, ut dicit Philosophus (*4. de Cœlo tert. 37; c. 5.*). Nam si unum contrarium est in natura, necesse est et alterum esse; ignis autem secundum naturam est calidus et siccus: ergo necesse est dari corpus ei oppositum secundum utramque qualitatem, quod vocamus aquam, que est frigida et humida. Rursum terra est frigida et secca; ergo debet dari aliud corpus ei oppositum, quod sit calidum et humidum, quod vocamus aerem. Et sic manifestum est non esse plura corpora gravia quam levia, sed esse duo gravia, unum simpliciter et absolute, et alterum secundum quid et respective; et similiter esse duo levia, unum simpliciter, alterum respective, sicut dictum est de gravi. — *4. de Cœlo I. 3.*

Ad primum ergo dicendum, quod a Philosopho dicuntur omnia elementa gravia praeter ignem, quia praeter ignem terra est gravissimum elementorum absolute, reliqua vero duo intermedia sunt gravia et levia respective seu ratione diversorum, ut dictum est (in c.). — *Vel dic*, quod aer prope terram et aquam, cum maxime alteretur, infrigidetur et ingrossetur, potest etiam concipere majorem gravitatem; et sic verum est, considerando talem aerem, plura esse elementa gravia quam levia; verum de elementis judicandum est secundum proprias naturas, et non secundum ea quae illis aliunde accidunt. — *4. de Cœlo I. 3.*

Ad secundum dicendum, quod uter inflatus aere crasso, vicino scilicet aquæ et terræ, est gravior non inflato, et de eo locutus

est Philosophus; secus vero si sit inflatus aere remoto a terra, vel si loquamur de aere secundum uitram suam dispositio, de quo intelligendi sunt Simplicius, Themistius et Ptolemeas negantes aerem in loco suo gravitatem habere. — *Ibid.*

Ad tertium dicendum, quod si loquamur de aere *secundum se* et secundum uitram suam dispositionem, non habet aliquam gravitatem, per quam ex loco suo moveatur deorsum, quoniam aer secundum suam naturalem dispositionem habet qualitatem unam simplicem, que est principium sui motus naturalis, quod ostendit simplicitas formæ substantialis ipsius, que est per se causa illius, et etiam unitas loci et simplicitas, ad quam per ipsam movetur per se; per istam autem qualitatem simplicem quiescit in loco suo naturali, cum est in eo, et moveatur ad ipsum, ubique fuerit, sive deorsum in loco terræ vel aquæ, sive sursum in loco ignis. Si autem per ipsam moveatur ad locum suum et quiescit in eo, ergo per ipsam non movebitur ex ipso. Impossibile enim est quod aliquod corpus simplex moveatur per unam formam simplicem ad aliquem locum, et ex illo iterum moveatur; nam cum per istam quiescat in loco suo, per ipsam non movebitur ex eo, quia nullum corpus per eandem formam quiescit in aliquo loco et movetur ex illo. Et hoc modo locuti sunt philosophi assertores aerem in loco suo non habere gravitatem, et utrem inflatum non esse graviorem non inflato. — Si autem loquamur de aere *secundum accidens* et secundum dispositionem ejus praeternaturalem, sic nihil prohibet aerem in regione sua aliquam habere gravitatem, et per consequens naturaliter descendere deorsum, si removeantur corpora sub illo existentia. Contingit enim aerem propinquum terræ vel aquæ frigiditate ipsius ingrossari et infrigidari praeter naturam ejus (sicut aqua calescit ab igne); et quia frigiditas est causa gravitatis, contingit ipsum fieri gravem praeter naturam suam, et consequenter ipsum moveri deorsum ad locum aquæ. Et sic aer per accidens, secundum quod hujusmodi, gravis est in aliqua parte

regionis sua et per accidens movetur deorsum ex principio intrinseco per accidens existenti in ipso ex propinquitate terrae et aquae; sicut et aer vicinus igni subtilius caliditate ignis, praeter naturalem ejus dispositionem movetur secundum aliquid ad regionem ignis, et ignis in inferiori parte ejus ingrossatur humiditate aeris, et secundum aliquid movetur deorsum ad regionem aeris. Et hoc modo potest aer habere gravitatem in regione sua et per illam naturaliter ferri deorsum. Et secundum hunc modum loquitur Aristoteles de aere, quando (*4. de Cœlo* *text.* 30; c. 4) dicit ipsum habere gravitatem in regione sua et moveri deorsum distractis inferioribus, et non nisi violenter ferri sursum ad locum ignis, igne subtracto. Et secundum hunc modum potest esse verum, quod si uter repleatur aere sic disposito, gravior sit seipso non repleto. — *4. de Cœlo* I. 3.

Ad quartum dicendum, quod comparativus si proprie accipiatur, presupponit positivum et infert ipsum; sed quandoque comparatio est abusiva, puta cum aliquid comparative dicitur respectu oppositi, sicut si dicitur: cygnus albior corvo; vel etiam si dicatur comparative, propter quod minus participat de opposito, ut si dicatur æthiops albior esse corvo, quia est minus niger; et similiter dicitur aliquid minus malum esse eligibilius magis malo, cum tamen malum non sit eligibile, nec æthiops sit albus; et secundum hunc modum dicitur aer gravior igne, quia est minus levis illo. Verum quia non consuevit Aristoteles argumentari ex locutionibus ambiguis, ideo dicendum est, quod quædam sunt, quæ dicuntur absolute, sicut album vel dulce, et in talibus comparativis presupponitur positivum et infertur. Quædam autem sunt, quæ dicuntur quandoque absolute, quandoque comparative seu relative, sicut grave et leve; nam, ut dicitur *4. de Cœlo*, ignis dicitur absolute levis, terra autem absolute gravis, aer autem ad ignem, quidem gravis, ad aquam vero et terram levis; sic et aqua ad terram quidem levis est, ad ignem autem et aerem gravis. Manifestum est autem, quod id quod est

absolute grave, est etiam grave per comparisonem ad alia, et per hunc modum omne grave est gravius, et omne leve est levius. Non tamen sequitur quod omne levius est leve, aut omne gravius est grave, quia non sequitur quod si est leve ad alia, sit leve absolute; et eadem est ratio de gravi; quod patet similiter in magnitudine. Magnum enim communiter acceptum dicitur ad aliquid, ut patet in *Praedicam*. Sed appositorum aliqui rei dicitur absolute magnum, quod pertingit ad quantitatem debitam illi rei; sicut homo dicitur magius absolute, qui pertingit ad perfectam quantitatem hominis. Et ita patet quod magnum dicitur absolute et ad aliquid. Unde est quod omne magnum absolute dicitur magnum ad aliquid, quod est esse majus; non autem omne majus est absolute magnum; multa enim sunt quæ absolute considerata sunt parva; quæ tamen aliis sunt majora. Et secundum hunc modum aer licet sit gravior per comparationem ad ignem, non tamen est absolute gravis, quia gravitas illi competit tantum comparative, non absolute. — *3. de Cœlo* I. 3; *4. de Cœlo* I. 3.

ARTICULUS IV

UTRUM OMNIA ELEMENTA PRÆTER IGNEM
HABEANT GRAVITATEM ET GRAVITENT IN
PROPRIIS LOCIS.

Videtur quod omnia elementa præter ignem habeant gravitatem et gravitent in propriis locis.

1. Probat enim Philosophus (*4. de Cœlo* *text.* 29 ad 39; c. 4 et 5), quod aer in proprio loco habet gravitatem et gravitat, experientia utris de corio subili, qui inflatus aere et in loco aeris existens velocius descendet inferius quam non inflatus; quod non esset, si aer gravitatem non haberet et non gravitaret in proprio loco. — *4. de Cœlo* I. 3.

2. Praeterea, dicit Philosophus (*4. de Cœlo* *text.* 39; c. 5), quod aer et aqua submotis corporibus substantibus eis mouentur deorsum a regionibus suis naturali-

ter; ignis autem, si removeatur aer, non feretur deorsum nisi per violentiam; sed hoc non esset, nisi aer gravitatem haberet in proprio loco, per quam descenderebat; ergo elementa habent gravitatem in propriis locis. — *Ibid.*

3. Praeterea, Philosophus (*3. de Cielo* *text. 28*; c. 2) dicit, quod aer et aqua sunt necessaria in motu projectorum, quia habent naturam gravis et levius, per quam possunt deorsum et sursum faciliter moveri; cum ergo motus projectorum fiat deorsum in aere, oportet ipsum habere gravitatem, per quam deorsum feratur. — *3. de Cielo* I. 7.

Sed contra est, quod Ptolomeus (*lib. de Ponderibus*) ostendit, quod nec aer nec aqua in propria regione gravitatem habent; et de aqua ostendit ex eo quod immersentes se in aqua, quamvis ad magnam profunditatem submergantur, non sentiunt gravitatem ipsius, illam autem sentirent, si esset gravis; et de aere probat experientia opposita illi, quam affert Philosophus I. supra cit. — *4. de Cielo* I. 3.

RESPONDEO DICENDUM, quod, ut ex dictis patet, duplificiter loqui possumus de aere: *uno modo* secundum se et secundum naturalem suam dispositionem; et hoc modo aer non habet aliquam gravitatem, per quam ex loco suo moveatur deorsum; et hoc modo locuti sunt Ptolemæus et Themistius expositor Aristotelis, negantes aerem in proprio loco gravitare; et hoc modo inter impletus aere non erit gravior utre non impleto aere. *Alio modo* potest aer considerari secundum dispositionem praeternaturalis ejus, et sic nihil prohibet aerem in regione sua habere aliquam gravitatem. Quia enim contingit aerem propinquum terræ vel aquæ frigiditate ipsorum ingrossari et infrigidari præter naturam ejus, et frigiditas est causa gravedinis, contingit ipsum fieri gravem præter naturam ipsius, et consequenter moveri deorsum ad locum aquæ, et sic per accidens esse gravem. Et secundum hunc modum loquitur Philosophus de aere, cum dicit, quod uter plenus aere est gravior seipso non repleto aere; et similiter, cum de eodem asserit, quod

subtractis corporibus inferioribus descendit deorsum per gravitatem, quam habet, praeternaturalis scilicet. — Et ex his patet *ad primum et secundum* objectum. — *4. de Cielo* I. 3.

Ad tertium dicendum, quod sensus Philosophi est, quod aer quia subtilis est, potest facile recipere motum, per quem moveat deorsum et sursum ea que projectantur.

ARTICULUS V

UTRUM MOTUS NATURALIS ELEMENTORUM SIT VELOCIOR IN FINE.

Videtur quod motus gravium et levium non sit velocior in fine.

4. Dicit enim Philosophus (*5. Phys. text. 44*; c. 4), quod motus irregularis est, qui non est æqualiter velox per totum; regularis vero, qui est æqualiter velox. Sed motus naturalis gravium et levium est regularis. Dicit enim Philosophus (*ibid. text. 43*), quod potest aliquid moveri localiter in magnitudine regulari et uniformi, atque adeo regulariter, si feratur per circulum vel per lineam rectam; motus autem naturalis gravium et levium est per lineam rectam: ergo talis motus non est velocior in fine. — *5. Phys* I. 7; *8. Phys* I. 20.

2. Praeterea, natura est determinata ad unum; sic in motu recto est determinatum principium, medium et finis, ut dicit Philosophus (*8. Phys. text. 76*; c. 9); ergo in motu naturali gravium et levium, qui rectus est, erit etiam determinata velocitas a natura, et ita non erit velocior in fine. — *3. de Cielo* I. 5; *8. Phys.* I. 20.

3. Praeterea, motus ab extrinseco est velocior in principio quam in fine, ut dicit Philosophus (*2. de Cielo* *text. 35*; c. 6); sed motus naturalis gravium et levium est ab intrinseco; gravia enim et levia trahuntur in suo motu a fine, ad quem tendunt, ut dictum est: ergo motus naturalis gravium et levium non est velocior in fine. — *2. de Cielo* I. 8.

Sed contra: 4. Philosophus (*8. Phys.*

tert. 76, c. 9; *de Cœlo tert.* 88 et 89, c. 8; 2. *de Cœlo tert.* 35, c. 6) dicit, quod quæ moventur motu recto naturali, ut elementa, velocius moventur in fine quam in principio. — 8. *Phys.* 1. 20; 1. *de Cœlo* 1. 17 et 18; 2. *de Cœlo* 1. 8.

2. Praeterea, cum natura magis accedat ad terminum sibi convenientem, debet velocius ferri cum appropinquat ad illum, quam cum recedit ab illo; sed illud est in fine motus, hoc in principio: ergo motus naturalis est in fine velocior. — 1a 2ae, q. 35, a. 6, c. et ad 6.

RESPONDEO DICENDUM, quod verissimum est et sensu manifestum, quod gravia et levia, quanto magis descendunt vel ascendunt, velocius moventur in fine quam in principio. Verum hujus accidentis rationem assignare difficile est. *Hipparchus* enim illam assignat ex parte moventis per violentiam, quia quanto magis elongatur motus, tanto minus remanet de virtute moventis, et sic motus fit tardior; unde motus violentus in principio quidem intenditur, in fine autem remittitur, in tantum quod finaliter grave non potest plus sursum ferri, sed incipit moveri deorsum propter parvitudinem ejus quod remanserat de virtute motoris violenti, quæ quanto magis minoratur, motus contrarius fit velocior. Sed ista ratio est particularis solum in his quæ moventur naturaliter post motum violentum; non autem locum habet in his quæ moventur naturaliter, eo quod generantur extra propria loca. — *Alii* assignaverunt hujus causam ex parte medii, per quod fit motus, putula aeris, qui minus resistit, quanto plus proceditur in motu naturali, et ideo minus potest impedire motum naturalem. Sed et haec ratio non minus competenter in motibus violentis quam naturalibus, in quibus tamen contrarium accidit.

Et ideo dicendum est cum Aristotele, quod causa hujus accidentis est, quod quanto corpus grave magis descendit, tanto magis confortatur gravitas ejus propter propinquitatem ad locum proprium; quo enim magis descendit grave, fortius impellitur aliquid juxta terminum sui motus, et per

consequens velocius fertur ad proprium locum. Velocitas enim major et minor sequitur majorem et minorem gravitatem; major autem gravitas gravis oritur ex majori descensu; quanto enim grave corpus amplius descendit, eo velocitas corporis major est, et similiter gravitas. Nam corpus grave velox est per suam gravitatem, augetur autem gravitas elementi gravis magis descendentis per plures partes aeris reliqui a tergo et descendentiis propter descensum lapidis. Cum enim aer prope terram existens ab aquæ et terræ frigiditate sit incrassatus, fit gravis, et naturaliter descendit deorsum, ut dicit Philosophus (*4. de Cœlo tert.* 36; c. 5); et per consequens auget gravitatem gravis, et eo magis, quo plus aeris descendit; quod contingit, quando grave magis ab eminenti loco descendit. Unde manifestum est, quod motus naturalis gravius et levius est in fine velocior. — 1. *de Cœlo* 1. 17; 4. *de Cœlo* 1. 3.

Ad primum ergo dicendum, quod duo sunt modi irregularitatis in motu: *unus* est sumptus ex parte rei, in qua aliquid movetur, ut patet præcipue in motu locali, quia impossibile est quod motus sit regularis vel uniformis, qui non transit per magnitudinem regularem, id est uniformem. Dicitur autem magnitudo regularis vel uniformis, cuius quælibet pars uniformiter sequitur ad aliam partem, et sic quælibet pars potest supponi alteri parti, ut patet in linea circulari et etiam in recta. Magnitudo autem irregularis est, cuius non quælibet pars sequitur ad aliam partem uniformiter, sicut patet in duabus lineis facientibus angulum, quarum una applicatur alteri non in directum, sicut partes unius lineæ sibi invicem in directum applicantur. Et ideo motus circularis est regularis et similiter motus rectus; sed motus reflexi et obliqui, quia faciunt angulum, non sunt regulares nec in magnitudine regulari, vel quicunque aliis motus sit per quamecumque magnitudinem, cuius quæcumque pars non conveniat cuicunque parti per uniformitatem applicacionis, vel cuius una pars non convenienter possit contingere aliam partem. Si enim

illa pars que continet angulum, supponatur illi parti que angulum non continet, non erit conveniens contactus. — Alter est ex diversitate medi motus. Determinatur enim iste secundus medius irregularitatis ex velocitate et tarditate, quia ille motus dicitur regularis, ejus est eadem velocitas per totum; irregularis autem, ejus una pars est velocior altera, ut contingit in motu recto gravium et levium; haec enim a principio irregulariter feruntur ad finem, quia in motibus naturalibus predictorum, ut dicit Philosophus (8. *Phys. tert.* 76; c. 9), quanto plus distant a quiescente, tanto velocius feruntur. — 5. *Phys.* I. 7; 8. *Phys.* I. 20.

Ad secundum dicendum, quod natura est determinata ad principium, medium et finem, quia natura abhorret infinitum; non tamen est determinata in gravibus et levibus ad modum motus, quia haec a principio irregulariter feruntur, ut dictum est (in c.). — I. c. in arg.

Ad tertium dicendum, quod gravia et levia moventur a principio extrinseco per modum finis, non autem per modum agentis, quomodo moventur ea quae violenter moventur. — *Vel dic*, quod gravia et levia moventur a principio extrinseco, puta a generante, in quantum causat in illis intrinsecum principium motus; non autem moventur a principio extrinseco agente immediate influente in ipsis motum, quomodo moventur quae violenter moventur quae proinde velocius moventur in principio quam in fine. — 3. c. *Gent.* c. 88, n. 4 et 5.

ARTICULUS VI

UTRUM LOCUS IGNIS SIT CONCAVUM LUNAE,
AERIS VERO SUPERFICIES CONCAVA IGNIS,
ET SIC DE SINGULIS.

Videtur quod locus ignis non sit concavum lunae, nec aeris superficies concava ignis, nec aquae superficies concava aeris, nec terrae superficies concava aquae.

1. Dicit enim Philosophus (4. *Phys. tert.* 41; c. 4), quod locus est immobilis; sed superficies concava lunae est mobilis,

sicut et ipse orbis luna, cum circulariter moveatur; et similiter totus ignis cum sit mobilis, etiam ejus superficies et terminus erit mobilis: ergo nec superficies concava celi lunae erit locus ignis, nec superficies concava ignis erit locus aeris, et sic de reliquis. — 4. *Phys.* I. 6.

2. Praeterea, ille est locus aquae, ad quem naturaliter tendit; sed naturaliter tendit ad terram illamque subingreditur, ut manifeste ostendit pereunitas fluviorum: ergo locus aquae non est superficies concava aeris supra terram. — 2. *Sent.* d. 14, q. 1, a. 5, arg. 4.

3. Praeterea, homo dicitur minor mundus, quia in eo est similitudo totius universi; sed in corpore humano cerebrum, quod est frigidum, secundum Philosophum, est possum supra cor, quod est fons totius caliditatis: ergo et in universo aqua debet esse supra ignem, et per consequens locus ejus non erit superficies aeris. — 2. *Sent.* I. c. a. 1, arg. 2.

4. Praeterea, omne continuum est divisibile in infinitum; sed aqua aliquo modo divisa per rarefactionem ad aliquod spatum aeris ascendit, ut quando vapores elevantur: ergo tantum potest dividi quod supra aerem ascendit, et sic locus ejus non erit superficies concava aeris, sed vel ignis vel celi lunae. — 2. *Sent.* I. c. a. 1, arg. 4.

5. Praeterea, dicit Philosophus (1. *de Celo* tert. 91, c. 8; 2. *de Celo* tert. 98, c. 14; 4. *Phys. tert.* 42, c. 7), quod locus terrae est medium seu centrum; sed medium non habet rationem continentis, sed contenti: ergo locus terrae non est superficies concava aeris. — 1. *de Celo* I. 18; 2. *de Celo* I. 26; 4. *Phys.* I. 6.

6. Praeterea, cum unumquodque corpus feratur ad suum locum, illud erit locus corporis, ad quod illud corpus movetur, ut dicitur 4. *Phys.* (tert. 48; c. 7); sed terra non movetur ad superficiem aquae, sed ad centrum: ergo locus terrae non est superficies aquae. — 4. *Phys.* I. 8; *Opusc.* 52.

7. Praeterea, si terra amoveretur a loco suo, aqua descenderet, ut vult Philosophus

(4. *de Cœlo* tert. 39; c. 5), et similiter aer in locum aquæ, si amoveretur aqua: ergo locus aquæ non est superficies concava aeris, nec locus aeris superficies concava ignis. — *Opus.* 52; 4. *de Cœlo* I. 3.

Sed contra est 1. quod Philosophus (1. *de Cœlo* *text.* 91, c. 8; 4. *Phys.* *text.* 47, c. 5) dicit, quod locus ignis est superficies cœli lunæ, locis vero aeris superficies concava ignis, et locus aquæ superficies concava aeris, et locus terre superficies concava aquæ. — 1. *de Cœlo* I. 18; 4. *Phys.* I. 8.

2. Praeterea, corpori ejusdem speciei debetur unus locus naturalis secundum numerum; unde 2. *de Cœlo* (*text.* 102; c. 14) dicitur, quod ad eundem locum moveatur pars terræ et tota terra; sed omnis aqua est omni aquæ eadem secundum speciem (cf. 4. *Phys.* *text.* 48; c. 5); cum ergo naturalis locus hujus aquæ sit sub aere et supra terram, quod motus ejus ostendit, videtur quod locus naturalis aquæ similiter sit sub aere et supra terram. — 2. *Sent.* d. 14, q. 1, a. 1, arg. 1 *Sed contra.*

3. Praeterea, secundum Philosophum (in 4. *Phys.* *text.* 43; c. 5) corpus continens se habet ad contentum sicut totum ad partem, et sicut forma ad materiam; quia continens invenitur habere plus de specie quam contentum; unde 2. *de Generat.* dicitur, quod species in terminis est. Sed aqua, ut ejus grossities ostendit, minus habet de specie quam aer, et aer quam ignis, et terra quam aqua. Ergo aqua nullo modo potest esse supra aerem, sed locus ejus erit superficies aeris, et similiter locus aeris erit superficies ignis. — 2. *Sent.* I. c. arg. 2 *Sed contra.*

RESPONDEO DICENDUM, quod cum locus sit terminus corporis continentis, ut dicitur in 4. *Phys.* (*text.* 39, c. 4; cf. *text.* 47, c. 5), satis potest esse manifestum, quis sit locus omnium elementorum. Nam elementi ignis naturalis locus est concavum lunæ: tum quia illo circumdatur ipsumque tangit; tum quia ad ipsum naturaliter fertur; tum quia ignis respectu illius habet rationem materiae, et cœlum lunæ habet rationem formæ. Locus vero aeris est superficies ignis; locus

aquæ superficies aeris; et locus terre superficies aquæ. Licet enim aqua et aer habeant potius rationem contenti quam continentis, quia tamen superficies corporis continentis, ut dicitur 4. *Phys.* (*text.* 41; c. 4), non habet rationem loci secundum quod est superficies talis corporis, sed secundum ordinem situs quem habet in toto universo immobili, seu ad primum continens seu locans, puta cœlum, ex quo tota ratio loci in omnibus continentibus repetitur, seu quatenus magis et minus illi appropinquat (cf. 4. *Phys.* I. 6)— unde fit, ut licet sit idem centrum realiter mundi et terræ, corpora gravia moveantur ad medium seu centrum, non quatenus est centrum terræ, sed mundi, sicut et corpora levia et specialiter ignis movetur ad extrellum cœlestis corporis, ut dicit Philosophus (2. *de Cœlo* *text.* 100, c. 44; cf. 2. *de Cœlo* I. 26);— propterea, quia terra ex natura sua est maxime elongata a corpore cœlesti, propter ejus materialitatem, debetur illi locus remotissimus a primo continente, qui est propinquissimus medio. Hic autem est superficies aquæ, secundum quod propinquat ad medium. Et locus aquæ erit superficies aeris illam continens, secundum ordinem situs, quem habet in toto universo immobili, ut dictum est. Unde manifestum est, quod locus singulorum elementorum est, qui dictus est. — 1. *de Cœlo* I. 18; 2. *de Generat.* I. 8; 4. *Phys.* I. 8.

Ad primum ergo dicendum, quod licet cœlum lunæ moveatur circulariter, manet tamen, quatenus similiter se habet, in eadem scilicet elongatione ad nos, ut dicit Philosophus (4. *Phys.* *text.* 42; c. 4). Et similiter ignis continens aerem movetur, et similiter aer respectu aquæ, et aqua respectu terræ, prout sunt hæc corpora; prout tamen considerantur secundum ordinem, quem habent ad totum corpus cœli, non moventur; nam aliquod corpus, quod succedit, eundem ordinem vel situm habet per comparationem ad totum cœlum, quem habuit corpus, quod prius affluxerat, ut patet ex Philosopho. (4. *de Cœlo* *text.* 37; c. 5). — 4. *Phys.* I. 6.

Ad secundum dicendum, quod corpora inferiora praeter motus proprios sequuntur quodammodo motum superiorum; et quanto corpus inferius est perfectius, tanto magis consequitur de motu superioris: quod patet ex hoc, quod in corporibus cœlestibus orbis inferior praeter motum proprium retinet motum superioris orbis, quo desertur. Ita etiam est in elementis, quod ex motu corporum celestium aliquid consequuntur de motu circulari, praeter motus proprios naturales: quod evidentissime apparet in refluxu maris, qui sequitur motum luna. Non tamen hoc fit per motum violentum, quia dicit Commentator in 4. *de Cœlo*, quod motus, quibus elementa sequuntur impressiones corporum cœlestium, non sunt violenti, cum sit secundum naturalem ordinem corporum, quod inferiora superiorum impressionem sequantur, et tanto plus, quanto perfectius fuerit in natura corpus inferius. Et per hunc modum ex impressione cœli moventis elementa ad mixtionem, aqua subingreditur terram, ut sit apta ad generationem mineralium et animalium et plantarum. — 2. *Sent.* d. 14, q. 1, a. 5, ad 4.

Ad tertium dicendum, quod non oportet esse eundem situm partium in universo, qui est in homine: quia in universo ordinantur corpora super nos secundum quod sunt minus immaterialia; sed in homine secundum quod expedit ad conservationem vitae et ad convenientem executionem animæ; et propter hoc, illud quod est principium vitae in homine, scilicet cor, est in medio positum, ut ab omni læsione conservetur et vitam proportionaliter in omnes partes corporis diffundat; sed cœlum, quod propter suam impassibilitatem est conservans non conservatum ab alio, est in extremo positum, quasi continens; cuius tamen motus est ut vita quædam natura existentibus omnibus, ut in 8. *Phys.* (text. 4; c. 2) dicitur, ad similitudinem motus cordis in animali, ut dicit Rabbi Moyses. — 2. *Sent.* l. c. a. 1, ad 2.

Ad quartum dicendum, quod corpora naturalia in infinitum dividii non possunt, quia omnium natura constantium, ut in

2. *de Anima* (text. 41; c. 4) dicitur, est terminus magnitudinis, nec tantum in angulo, sed etiam in diminutione; et ideo etiam est invenire minimum carnem et minimum aquam, ut in 1. *Phys.* (text. 36; c. 4) dicitur. Et ideo in qualibet specie oportet esse terminum quendam rarefactionis, ultra quem species non salvatur. Unde ultima raritas, ad quam potest perveniri, est secundum quod materia stat sub forma ignis, ut dicit Commentator in 4. *Phys.* (text. 72). Unde posset aqua tantum rarefieri, quod jam non esset aqua nec vapor, sed aer vel ignis. — 2. *Sent.* l. c. a. 1, ad 4.

Ad quintum dicendum, quod locus terre dicitur a Philosopho (ll. cc. in arg.) circa medium, quia superficies continens terram dicitur locus ejus, secundum propinquitatem ad medium seu ad centrum, ut dictum est (in c.). — 1. *de Cœlo* l. 48.

Ad sextum dicendum, quod motus locati non est ad ipsam superficiem locantis propter superficiem, sed propter virtutem conservativam et formativam ipsius. Et ideo cum virtus formativa terræ sit frigiditas, quæ causatur ex materia distante (1) ad primum calefaciens, quod est cœlum, et inchoatio hujus virtutis sit in concavo aquæ, perfectio autem ejus in centro; ideo terra movetur ad centrum, et non ad superficiem aquæ; et inde est, quod terra est simpliciter gravis. Virtus autem formativa ignis est caliditas perfecta, quæ est completa in concavo luna (2) et deficiens in convexo aeris; et hinc est, quod ignis non solum movetur ad convexum ignis, sed etiam ad concavum orbis lunæ; propter quod ignis est simpliciter levus. Virtus autem formativa aeris incipit in concavo ignis, et est deficiens in convexo aquæ, perfecta autem in medio. Et sic etiam est de aqua suo modo; et ideo motus aquæ est a terra et ab aere ad medium ejus; et motus aeris secundum naturam est ab aqua et igne ad medium locum. Propter quod aer et aqua non sunt simpliciter leves neque graves, sed in respectu. Et sic patet causa, quare terra

(1) Al. « ex tanta distantia ». — (2) Al. « in concave orbis lunæ ».

moveatur deorsum simpliciter, et non ad concavum aquae, licet sit locus ejus: quia hoc facit virtus formativa, quae est in loco. — *Opusc.* 52.

Ad septimum dicendum, quod motus aeris ad locum terre non est naturalis motus illius vel aquae, de quo tantum loquimur in praesenti, sed est violentus, quia corruptivus est utrinque; nam cum aqua moveatur ad locum terre, inspissatur a frigiditate loci inspissatione majori, quam requiratur ad formam aquae; unde convertitur in terram. Similiter cum aer descendit ad locum aquae, infrigidatur et inspissatur a frigiditate illius loci et convertitur in aquam. — *Opusc.* 52; 4. *de Cælo* I. 3.

ARTICULUS VII

UTRUM PROJECTA MOVEANTUR AB AERE AN VERO A VIRTUTE IMPRESSA.

Videtur quod projecta moveantur a virtute impressa et non ab aere.

1. Dicit enim Philosophus (3. *de Cælo* text. 28; c. 2), quod projiciens facit motum violentum gravis, imprimens ipsi potentiam; sed haec nihil aliud est quam virtus quædam: ergo projecta moventur a virtute impressa. — 3. *de Cælo* I. 7.

2. Praeterea, quando pila reperentitur a pariete, moveatur ab illo et non ab aere; sed non nisi per virtutem impressam a pariete: ergo idem quod prius. — 8. *Phys.* I. 8.

3. Praeterea, omne movens dat moto tria: inclinationem, motum et quietem; sed inclinatio ad motum sursum in gravi non est aliud quam qualitas quædam: ergo projecta moventur a virtute impressa. — 1a 2æ, q. 23, a. 4, c.

4. Praeterea, Philosophus (8. *Phys.* text. 82; c. 10) refellit Platonem asserentem projectum moveri ab aere per hoc, quod projiciens simul movet lapidem et aerem, tum aer motus propellit lapidem; ergo movebitur projectum a projiciente media virtute. — 8. *Phys.* I. 22.

5. Praeterea, si projectum movetur ab aere, moveatur, postquam non tangitur

a projiciente, *vel* propter antiperistasis, id est repercussionem seu contraresistentiam, quia aer motus reperentitur ad alium aerem, et ille ad alium, et sic deinceps, et per talem repercussionem aeris ad aerem moveatur lapis; *vel* per hoc, quod aer, qui continuus existens a projiciente impellitur, velocius impellit corpus projectum, quam sit motus, quo corpus projectum fertur naturaliter in proprium locum, ut dicit Philosophus (4. *Phys. text.* 68; c. 8); sed neutrum dici potest. Non primum, quia sequeretur ex tali antiperistasi, quod omnia simul moverentur seu quod totus aer simul moveret et moveretur, et per consequens, quod simul quiescerent omnia; quod patet esse falsum. Neque secundum, quia, ut dicit Philosophus (8. *Phys. text.* 82, c. 10), similiter videretur possibile, quod moveretur aer non, tangente neque moveante primo motore, puta projiciente. Unde videtur necessarium, quod simul dum primum movens movet, omnia moveantur, et illo quiescente omnia quiescant; quæ sunt falsa. — 4. *Phys.* I. 11; 8. *Phys.* I. 22.

Sed contra est: 1. quod Philosophus (3. *de Cælo* text. 28, c. 2; et 8. *Phys. text.* 82, c. 10) dicit, quod projecta moventur a projiciente imprimente tam ipsi projecto, quam aeri quo utitur tamquam instrumento ad velocius promovendum ipsum projectum; per motum autem localem nulla qualitas immediate et per se producitur, ut dictum est, sed solus motus. — 3. *de Cælo* I. 7; 2. *de Cælo* I. 8.

2. Praeterea, (8. *Phys. text.* 82, c. 10) dicit Philosophus, quod projectum movetur ab aere, quatenus projici dat aeri, quod possit movere projectum. — 8. *Phys.* I. 22.

RESPONDEO DICENDUM, quod projecta moventur a projiciente imprimente tum ipsi projecto tum aeri, quo utitur tamquam instrumento necessario ad talem motum, aliquid, quod non est *qualitas* (per quam moveatur projectum, quo modo generans imprimet genito formam, ad quam consequitur motus naturalis), tum quia sic motus violentus esset naturalis, nam esset a principio intrinseco: quod est contra rationem motus violenti; tum quia sequeretur, quod

lapis ex hoc ipso, quod movetur localiter per violentiam, alteraretur, quod est contra sensum; — sed est *situs motus*: quod sit, dum projiciens tangit lapidem. Verum est tamen, quod quia aer est susceptibilior talis impressionis, puta motus, tum quia est subtilior, tum quia est quodammodo levis, velocius movetur per impressionem et motum violenti motoris quam lapis. Et sic cessante violento motore aer ab eo motus ulterius propellit lapidem, et etiam aereum conjunctum, qui etiam movet lapidem ulterius. Et (hoc) sit, quousque durat impressio primi motoris violenti, ut dicit Philosophus (8. *Phys. text.* 82; c. 40). Et inde est, quod quamvis motor violentus non sequatur ipsum mobile, quod per violentiam fertur, puta lapidem, ut praesentialiter ipsum moveat, tamen movet per impressionem aeris. Si enim non esset tale corpus, quale est aer, non esset motus violentus. Nec tamen motus projecti semper durat, quia cum secundum movens, puta aer, primo motus a projiciente, minus habeat de potentia movendi quam primum, et tertium quam secundum, oportet quod cesset motus projectionis: ex hoc scilicet, quod minor est virtus movendi in consequenti, quam in eo in quo fuit primo. Et tunc tandem, propter minorationem virtutis movendi, venietur ad hoc, quod id quod est primum et prius respectu sui consequentis, non faciet ipsum consequens habere potentiam movendi, sed faciet ipsum tantummodo moveri. Et tunc necesse est quod simul dum ultimum illud movens pausat movendo, et motum ab ipso pauset a moveri; et per consequens pausabit totus motus, quia ultimum motum non potest movere aliquid aliud. — 3. *de Cœlo* I. 7; 2. *de Cœlo* I. 8; 8. *Phys.* I. 22.

Ad primum ergo dicendum, quod projiciens imprimis aeri, quo tamquam instrumento utilitur ab promovendum grave, et ipsi gravi, motum; non autem ullam qualitatem, ut dictum est. — 3. *de Cœlo* I. 7; 2. *de Cœlo* I. 8.

Ad secundum dicendum, quod pila repercutta movetur a pariete per accidens, et per se a projiciente. Nam paries non dat illi

ullum impetum ad motum, imprinendo illi motum, sed hoc facit projiciens. Per accidens enim fuit, quod dum a pariete impediretur, ne secundum motum sibi impressum atque adeo secundum impetum ferretur, eodem impetu et motu manente in contrarium motum resilivit. — 8. *Phys.* I. 8.

Ad tertium dicendum, quod licet in motu naturali tria illa considerentur vel etiam quatuor, puta proprietas, per quam proportionatur mobile ad talem locum; secundum motus ad finem; tertio forma vel locus; quarto quies in forma vel in loco; — eadem tamen tria vel quatuor etiam considerari possunt in repulsione, atque adeo in motu violento; projiciens enim imprimis motum gravi; grave autem motum tendit sursum et ibi sistit, quamdiu aequalis est virtus moventis sursum et gravitatis mobilis deorsum moventis. — *Opusc.* 3, c. 107; *Ia 2ae, q. 23, a. 4, c.*, *q. 26, a. 2, c.*; *Quaest. disp. de Spe* a. 3, c.

Ad quartum dicendum, quod Plato tantum dicebat, quod projiciens movebat aerem et lapidem, tum aer motus propellebat lapidem; contra quod dictum optime valent rationes Philosophi supra allatae; at Philosophus dicit, quod projiciens dat aeri non solum quod moveatur sicut et lapis, quem projicit, sed etiam eidem dat, ut possit movere et propellere lapidem, quamvis quia secundum movens minus habet de potentia movendi quam primum movens, puta projiciens, ideo motus projecti cessen. — 8. *Phys.* I. 22.

Ad quintum dicendum, quod lapis movetur ab aere neque per antiperistasim neque per motum aeris, ut volebat Plato, sed per hoc quod projiciens imprimis aeri non solum ut moveatur, sed etiam ut moveat projectum, ut dictum est (in c. et ad 4). — *Ibid.*

ARTICULUS VIII

UTRUM PROJECTA MOVEANTUR VELOCITER IN PRINCIPIO QUAM IN MEDIO VEL IN FINE.

Videtur quod projecta non moveantur velociter in principio quam in medio vel fine.

1. Dicit enim Philosophus (*2. de Cœlo tert.* 35; c. 6), quod projecta velocius moventur circa medium; ergo non moventur velocius in principio. — *2. de Cœlo* I. 8.

2. Praeterea, tunc est major velocitas in projecto, quando facit majorem impulsum; sed projectum facit majorem impulsum in eo quod mediocriter distat, quam in eo quod est omnino propinquum, vel in eo quod est multum remotum, ut patet experientia: ergo projectum non moventur velocius in principio. — *Ibid.*

3. Praeterea, velocitas major in motu projectorum oritur ex maiore vi et impulsu medii deferentis, quod faciliter recipit impressionem moventis, quam ipsum corpus grave, quod projicitur; sed major est vis et impulsus medii in medio quam in principio; nam in medio plus est de aere commotum quam in principio vel in fine; nam in principio parum de aere commovetur, et in fine incipit debilitari impressio projicientis: ergo projecta non moventur velocius in principio quam in medio vel in fine. — *Ibid.*

Sed contra est: 1. quod Philosophus (*11. Problem.* 6; et *1. de Cœlo tert.* 89; c. 8) dicit, quod omnia quæ per violentiam moventur, tanto tardius feruntur, quanto magis elongantur a motore, qui vim intulit, sicut patet in iis quæ projiciuntur; sed in medio hujusmodi projecta magis elongantur a motore quam in principio: ergo projecta velocius moventur in principio. — *1. de Cœlo* I. 18.

2. Praeterea, Philosophus (*2. de Cœlo tert.* 35; c. 6) dicit, quod in his quæ contra naturam moventur, invenitur maxima velocitas versus terminum a quo; sed projecta moventur contra naturam: ergo in illis major velocitas motus est in principio. — *2. de Cœlo* I. 8.

RESPONDEO DICENDUM, quod in motu gravium violento, qui fit ab extrinseco, duo consideranda sunt: *primo* quidem activum principium talis motus; et ex parte hujus, talis motus est velocior in principio quam in medio et fine. Et ratio est, quia actio

contrarii facit ad velocitatem et intensionem motus, ita ut eo velocior et intensior sit motus, quo major est contrarietas. Sic enim aqua calida fortius et citius congelatur, ut dicit Philosophus (*1. Meteorol.* sum. 3, c. 2; al. c. 12), et motus sensitivæ partis, qui est ab exteriori, puta a re ad animam, magis sentitur, quod est magis contrarium. Et ratio est, quia unumquodque suo modo nititur ad resistendum contrario et ad sui conservationem; nam unumquodque et seipsum nifitur imprimere et opposite contrarietati obsistere. Et ideo major est velocitas motus in principio quam in medio vel fine. Quod ex hoc etiam evidentius apparet, quod quia omne agens agendo repavit, et in medio agens aliquid repavit, necesse est quod non tam cito et fortiter agat, sicut potest in principio, antequam repatiatur a passo. *Secundo*, potest considerari principium passivum seu patiens; et ex parte hujus, motus violentus projectorum est minor in principio quam in fine. Et ratio est, quia magis contrariatur in principio. — *1a 2æ, q. 35, a. 6, ad 2, et Cajetanus in h. l. ; 1. c. Gent. c. 42, n. 4; 1. de Cœlo* I. 17 et 18; *2. de Cœlo* I. 8.

Ad primum ergo dicendum, quod motus projectorum tripliciter potest comparari: *primo* quidem ad projiciens, quod vim intulit, et est principium activum talis motus; et ratione hujus, motus projectorum est velocior in principio quam in medio vel fine, ob rationes allatas. *Secundo*, ad principium passivum motus seu ad patiens; et ratione hujus, talis motus est velocior in medio quam in principio, ob rationem dictam. *Tertio*, ad medium deferens projectum; et ratione hujus, motus violentus projectorum est itidem minus velox in principio quam in medio tum loci tum temporis, ut dictum est (in c.). — Et sic patet *ad secundum et tertium*.

Et hæc dicta sint in libros *de Cœlo*, ad majorem gloriam præpotentis Dei, ad honorem Beatæ Virginis Mariæ, et ad laudem Angelici Doctoris S. Thomæ Aquinatis, omnium theologorum principis.

IN LIBROS

DE GENERATIONE ET CORRUPTIONE

Sicut tradit Philosophus (3. *de Anima* *text.* 38; c. 8), scientiae secantur quemadmodum et res; nam et omnes habitus distinguuntur per objecta, ex quibus speciem habent. Res autem, quas considerat naturalis, sunt motus et mobile. Dicit iunior Philosophus (2. *Phys. text.* 71; c. 7), quod quæcumque mota movent, sunt physicae speculationis; et ideo oportet quod secundum differentiam motum et mobilium distinguantur et ordinentur partes scientiae naturalis. Primus autem motum est ipse *motus localis*, qui est perfectior et communior omnibus motibus naturalibus, ut probatur in 8. *Phys. (text.* 54 sqq.; c. 7). Et ideo post considerationem motum et mobilium in communi, quam tradidimus in *prima parte* scientiae naturalis, primo oportuit quod tractaretur de corporibus secundum quod moventur motu locali; quod actum est in *secunda parte*.

Restat igitur, ut in *tertia parte* consideremus alios motus consequentes, qui non sunt communes omnibus motibus corporibus, sed inveniuntur in solis inferioribus. Inter quos principatum obtinet *generatione* et *corruptionis*. *Alteratio* enim ordinatur ad generationem sicut ad finem, qui est perfectior naturaliter his que sunt ad finem. *Augmentum* etiam consequenter se habet ad generationem. Nam augmentum non sit sine quadam particulari generatione, qua scilicet nutrimentum convertitur in nutritum; sicut etiam dicit Philosophus (2. *de Anima*), quod cibus nutrit in quantum est potentia

caro, et auget in quantum est potentia quanta caro. Et ideo necessarium est, ut quia hi motus consequenter se habent ad generationem, simul cum illis de generatione et corruptione tractetur.

Est autem considerandum, quod de unoquoque, quod in pluribus invenitur, prius est considerandum id quod est commune, quam ad species descendatur; nam alioqui idem oportebit dicere multoties; nam in singulis id quod est commune repeteretur, ut probat Philosophus (1. *de Partibus Animalium*, c. 1). Et ideo oportet prius de generatione et corruptione in communi determinare quam ad partes ejus descendere. Similiter etiam considerare oportet, quod si in aliquo genere aliquod primum invenitur, quod sit causa aliorum, ejusdem considerationis est commune genus, et id quod est commune in illo genere; quia illud primum est causa totius generis. Quia ergo in genere generabilium et corruptibilium sunt quædam prima principia, puta *elementa*, quæ sunt causa generationis, corruptionis et alterationis in omnibus aliis corporibus: propterea in hac *tertia parte* Philosophiae naturalis *primo* determinabimus de generatione et corruptione in communi, et de aliis motibus consequenter; *deinde* de generatione et corruptione elementorum. Prior vero considerationis erit in quinque partes distributa. Nam *primo* agemus de generatione et corruptione in communi, *secundo* de alteratione, *tertio* de rarefactione, *quarto* de augmentatione, *quinto* de quibusdam requisitis ad praedicta.

IN LIBRUM PRIMUM

DE GENERATIONE ET CORRUPTIONE

QUESTIO XXXV

DE GENERATIONE ET CORRUPTIONE IN COMMUNI.

CIRCA PRIMUM QUERUNTUR TREDECIM:

1. Utrum recte a Philosopho definiatur generatio.
2. Utrum terminus generationis sit forma vel compositum.
3. Utrum de ratione generationis sit, ut terminus formalis illius accipiat esse per illam.
4. Utrum omnis generatio sit ab univoco.
5. Utrum idem accidentis numero maneat in genito et in corrupto.
6. Utrum materia prima sit subjectum immediatum inhesionis omnium accidentium.
7. Utrum in generatione substantiali fiat resolutio praecedentis compositi usque ad materiam primam.
8. Utrum generatio sit mutatio successiva an vero instantanea.
9. Utrum generatio unius sit corruptio alterius.
10. Utrum generatio et corruptio sint mutationes naturales.
11. Utrum expulsio formae praecedentis et introductio sequentis sint idem.
12. Utrum expulsio formae substantialis praecedentis naturaliter praecedat introductionem formae sequentis.
13. Utrum expulsio formae praecedentis et introductio sequentis fiant in instanti.

ARTICULUS I

UTRUM GENERATIO RECTE A PHILOSOPHO DEFINIATUR.

Videtur quod generatio non recte definiatur a Philosopho, sit quodmutatio totius nullo sensibili manente ut subjecto eodem:

1. quia in divinis datur generatio proprie dicta; sed illa non est mutatio, quia in Deo nulla est mutatio, cum sit primus motor omnino immobilis, ut probat Philosophus (8. *Phys. text.* 35; c. 5): ergo generatio

male definitur quod sit mutatio. — 4a, q. 27 a. 2; 4. *Sent. d.* 4, q. 1, a. 1, arg. 1; d. 8, q. 3, a. 1, arg. 2 *Sed contra.*

2. Praeterea, in generatione sequente corruptionem hominis neque materia neque forma mutatur, quia illa est ingenerabilis et incorruptibilis, ut dicit Philosophus (1. *Phys. text.* 82; c. 9), et similiter haec, ut dictum est; ergo cum totum sumat suam realitatem a partibus, male definitur generatio, quod sit mutatio totius. — 1. *Phys. l.* 15; 4a, q. 75, a. 6.

3. Praeterea, dicit Philosophus (1. *de Generat. text.* 24, c. 4; 2. *de Generat. text.* 25, c. 4), quod in generatione aquæ ex aere remanet in materia aeris passio sensibilis communis aeri et aquæ, puta humiditas et diaphaneitas: ergo male definitur generatio, quod sit mutatio, nullo sensibili manente eodem; nam frigus est qualitas sensibilis. — 1. *de Generat. l.* 10; 2. *de Generat. l.* 4.

4. Praeterea, ideo idem homo numero in resurrectione reparabitur, quia manet eadem forma numero hominis, cum sit incorruptibilis, et manet etiam eadem numero materia, quæ tali formæ fuit subjecta et sub dimensionibus iisdem, ex quibus habebat, ut esset individualis materia, et ita ex coniunctione ejusdem animæ numero ad eandem materiam numero, idem homounnero reparabitur. Sed materia subjecta dimensionibus est quid sensibile; nam quantitas ponitur inter sensibilia communia a Philosopho (2. *de Anima text.* 64; c. 6). Ergo in generatione sequente corruptionem hominis et praecedente ejus resurrectionem remanet idem subjectum sensibile. — 4. *c. Gent. c.* 81.

Sed contra est auctoritas Philosophi definiens generationem, quod sit mutatio alienus totius nullo subjecto sensibili manente eodem. — 1. *de Generat. l.* 10.

RESPONDEO DICENDUM, quod recte fuit a Philosopho tradita definitio generationis. Explicat enim ejus genus et differentiam, ex quibus constat omnis bona definitio (*7. Metaph.* I. 3). Dicitur enim *primo*, *mutatio*, tamquam genus generationis, quia vere generatio est species mutationis in communi, ut docet Philosophus (*5. Phys. text.* 7, c. 1; *II. Metaphys.* sum. 4, c. 3; al. I. 10, c. 12). Et propterea in mutatione convenit generatio cum aliis speciebus, puta cum alteratione, augmentatione et motu locali; nam in generatione sit mutatio in ipsa substantia, sicut in alteratione sit in qualitate, et in augmentatione sit in quantitate, et in motu locali sit in loco. Dicitur *secundo*, *totius*, tamquam differentia distinguens generationem a reliquis speciebus mutationis; quia per generationem compositum non solum mutatur secundum passiones, sicut sit in reliquis mutationibus, sed etiam secundum totam substantiam, quatenus nimimum materia illius accipit aliam formam substantialem, per quam constituitur aliud compositum, tamquam novum subjectum sensibile omnium accidentium, ut quando ex aere generatur aqua et ex toto semine totus sanguis. — *7. Metaphys.* I. 3; *5. Phys.* I. 2; *II. Metaphys.* I. 42.

Ad primum ergo dicendum, quod nomine generationis dupliciter ulimur: *uno modo*, communiter ad omnia generabilia et corruptibilia, et sic generatio nihil aliud est quam mutatio de non esse ad esse; *alio modo*, proprie in viventibus, et sic generatio significat originem alicujus viventis a principio vivente coniuncto, et haec proprie dicitur nativitas. In viventibus autem, quae de potentia in actum vitae procedunt, sicut sunt homines et animalia, generatio utramque generationem includit. In divinis autem, ubi processio excludit omnino priuam rationem generationis, invenitur ratio generationis propria viventium. Processio enim divini Verbi habet proprie rationem generationis. Nam procedit per modum intelligibilis operationis, quae est operatio vitae, id est a principio coniuncto, et secundum rationem similitudinis, quia conceptio intellectus est

similitudo rei intellectae, et in eadem natura existens, quia in Deo idem est intelligere et esse. — *Ia, q. 27, a. 2, c. et ad 1.*

Ad secundum dicendum, quod compositum substantiale dicitur corrupti, quatenus forma ejus a materia separatur, non autem quatenus ejus materia vel forma desinunt esse. Et ratio est, quia esse secundum se competit forme; numquidque enim est ens actu, secundum quod habet formam. Materia vero est ens in actu per formam. Quare compositum ex materia et forma desinit esse actu per hoc quod forma separatur a materia. Quae forma si subsistat in suo esse, non amittit esse per talem separationem, ut contingit in anima rationali; secus vero, si non subsistit, ut contingit in reliquis animalibus excepta anima rationali. — *Ia, q. 50, a. 5, c. ; q. 75, a. 6, 2 et 3.*

Ad tertium dicendum, quod in generatione aquae ex aere remanet eadem humiditas specie, non autem numero; nam humiditas aeris corruptitur per accidens ad corruptionem subjecti recedente forma, que prius erat talis accidentis; et advenit simile accidens consequens formam de novo advenientem. — *1. de Generat.* I. 10; *2. de Generat.* I. 4.

Ad quartum dicendum, quod ad hoc ut resurgat idem numero individuum, sufficit quod redeant eadem numero dimensiones et eadem principia essentialia, non autem quod praexistant eadem numero semper in materia. Sufficit enim quod praexistant et maneant eadem specie; impossibile enim est ponere in materia aliquam quantitatem, a qua materia nunquam spolietur, ut dictum est. — *V. Ferrar.* in *4. c. Geut.* c. 81; *Tabula Aurea* voce «resurrectio» n. 11 sqq.; *Tabula Concord.* n. 1091; *Quodl.* II, a. 6.

ARTICULUS II

UTRUM TERMINUS GENERATIONIS SIT FORMA AN COMPOSITUM.

Videtur quod terminus generationis sit forma.

1. Generatio enim, ut dictum est (in art. praeced.) ex Philosopho, est mutatio

sed omnis mutationis terminus ad quem est forma, ut dictum est: ergo terminus generationis est forma. — Cfr. in *Physica* q. 2, a. 2 et 3.

2. Praeterea, terminus generationis et mutationis enjuslibet est illud, secundum quod aliquid dicitur mutari; sed hoc est forma (sive accidentalis, si mutatio sit accidentalis; sive substantialis, si mutatio sit substantialis): ergo terminus generationis est forma. — Cfr. *de Verit.* q. 1, a. 6, c.

3. Praeterea, nativitas est quædam generatio; sed nativitas attribuitur naturæ, et per consequens formæ tamquam termino, sicut attribuitur supposito tamquam subjecto: ergo terminus generationis est natura vel forma, non autem compositum. — 3a, q. 35, a. 1 et 2.

4. Praeterea, generatio substantialis terminatur ad esse substantiale, ut dicit Philosophus (1. *de Generat. text.* 18; c. 3); est enim perse via ad illud; sed esse substantiale secundum se competit formæ; hæc enim facit esse, sicut privatio facit non esse, ut dictum est (art. præced. ad 2): ergo terminus generationis substantialis est forma substantialis, non autem compositum substantialis. — 1. c. *Gent.* c. 26, n. 5; 1. *de Generat.* 1. 8.

5. Praeterea, forma est finis generationis; sed finis generationis est ejus terminus: ergo terminus generationis est forma. — 1a, q. 15, a. 1, c.; *Opusc.* 42, c. 6 sqq.

Sed contra: 4. Philosophus (8. *Metaphys. text.* 3, al. 1. 7, c. 1; et 12. *Metaphys. text.* 12, al. 1. 41, c. 3) dicit, quod generatio est solius substantiæ compleæ, quæ est compositum. — 8. *Metaphys.* 1. 4; 12. *Metaphys.* 1. 3 (2).

2. Praeterea, illud per se est terminus generationis, quod perse generatur; sed hoc tantum est compositum; nam generatio est via ad esse, forma autem proprie non habet esse, sed est id quo compositum habet esse: ergo terminus generationis est compositum. — 7. *Metaphys.* 1. 7; 1a, q. 43, a. 4, c.

RESPONDEO DICENDUM, quod terminus generationis in creaturis potest accipi duplenter, sicut et principium. Dicitur enim primo,

principium generationis ipsum generans; et huic principio correspondet sicut terminus ipsum genitum. Dicitur etiam principium generationis a quo incipit generatio; et hoc modo principium vel initium generationis est privatio formæ inducenda; et huic principio terminus oppositus est forma per generationem inducta; sicut in dealbatione terminus a quo est nigredo, et terminus ad quem est albedo. Quoniam vero totum compositum, quod proprie generatur, dicitur terminus correspondens principio generanti, quod est subjectum generans; ideo generatio tribuitur etiam composito tamquam subjecto quod generationis; formæ vero tamquam ei, secundum quod aliquid mutatur et generatur, atque adeo tamquam termino formalí per se a natura intento.

Et ex his patet *ad objecta*; nam priora tantum probant formam esse terminum generationis, secundum quod correspondet principio a quo est generatio; posteriora vero probant compositum esse terminum generationis, secundum quod correspondet omnino generanti. — 1. *Sent.* dist. 5, q. 3, a. 1, c.

ARTICULUS III

UTRUM DE RATIONE GENERATIONIS SIT, UT TERMINUS FORMALIS ILLIUS SEU FORMA ACCIPIAT ESSE PER ILLAM.

Videtur quod de ratione generationis sit, ut terminus formalis seu forma accipiat esse per illam.

1. Quandocumque enim essentia est divisa in generante et genito, forma, quæ est terminus generationis, per illam generatur saltem per accidens, et per consequens accipit esse de novo; sed in creaturis essentia est divisa in generante et genito: ergo per generationem forma substantialis accipit esse de novo. — 1. *Sent.* dist. 5, q. 3, a. 1, ad 2.

2. Praeterea, generatio est ad formam, ut dicit Philosophus (2. *Phys. text.* 14 sq.; c. 1; 5. *Metaphys. text.* 5; 1. 4, c. 4); sed generatio tendit ad id quod nascitur: ergo forma per generationem debet nasci, ac

proinde acquirere novum esse. — 2. *Phys.*, I. 2; 5. *Metaphys.*, I. 5 (4).

3. Praeterea, dicit Philosophus (*I. Phys.*, tert. 64; c. 7), quod in omni mutatione est aliquid quod fit, puta forma, et aliquid quod *hoc* fit, puta subjectum, et oppositum; sed fieri ordinatur ad esse tamquam via ad acquisitionem illius: ergo per generationem forma acquirit esse. — 1. *Phys.*, I. 12 (11); la, q. 45, a. 4, c.; 2. *de Anima* I. 9.

Sed contra est, quod in nutritione hominis alimentum per generationem convertitur in substantiam hominis, ac proinde terminus formalis talis generationis et nutritionis est forma substantialis, quae est anima rationalis. Sed anima rationalis per talem generationem et nutritionem non accipit esse de novo, quia praexistit illi; quod autem praexistit generationi, non accipit esse per illam. Quod enim est, non generatur; nam semel tantum res procedit in esse; quod vero generatur, nondum est. Ergo per generationem forma substantialis, per quam aliquid fit, non semper acquirit esse, et per consequens de ratione generationis non est, ut terminus formalis illius per illam acquirat esse. — 2. *de Anima* I. 9; la, q. 45, a. 4, c.; 4. *Sent.* dist. 17, q. 2, a. 1, sol. 3, ad 2; 2. *Phys.*, I. 4.

RESPONDEO DICENDUM, quod dupliciter sumi potest generatio: *uno modo*, prout est quid communis generationi naturali et divinae; et sic de ratione generationis non est, ut ejus terminus formalis accipiat esse de novo, seu quod per accidens generetur. Et ratio hujus est, quia in divinis eadem numero essentia est in generante et genito (1. *Sent.* dist. 5, q. 3, a. 1, ad 2).

Alio modo sumi potest, ut tantum generationes creatas involvit. Et tunc dupliciter item considerari potest generatio: *vel* in ordine ad generans producens formam in materia, et similiter in ordine ad ipsam formam; et hoc modo de ratione generationis est, ut forma generetur per accidens, si illa sit forma non subsistens: quia cum ex vi generationis educatur ex potentia materiae, necesse est quod per generationem, quae est una ad ipsam, ipsa per accidens generetur, atque

ideo quod essentia per generationem dividatur et multipliciter consequenter accipiat de novo esse. Praeterea, quia cum illi non conveniat esse per se, quod per generationem acquiritur et per corruptionem amittitur, sed tantum per accidens; etiam per accidens tantum dicitur corrupti ad corruptionem compositi. Si vero sit forma subsistens, non potest corrupti per accidens, sed tantum per se. Sic enim competit alicui generari et corrupti, sicut et esse. Forma vero subsistens per se habet esse; unde et per se deberet corrupti, si corrupti posset, quod est impossibile, sive talis forma subsistens sit substantia completa, ut est Angelus, sive incompleta, ut est anima rationalis, praeterquam quod cum forma subsistens, ut est anima praedita, a Deo creetur, non autem educatur de potentia materiae, non potest desinere esse per corruptionem, sed per annihilationem.

Vel potest considerari generatio per ordinem ad compositum, quod proprie dicitur generari et corrupti; et sic, quia compositum dicitur corrupti, quia forma separatur a materia, et dicitur generari, quia forma fit actus materiae, quod est, quatenus illi unitur; — ideo si per impossibile forma vel anima a Deo crearetur ante generationem compositi, et deinde in instanti generationis uniretur materiae, adhuc diceretur tale compositum generari, quia vere ex tali unione resultaret compositum, ut patet in generatione hominis; quamquam de facto quia terminus motus nunquam praecedit motum, praecipue in generatione, ideo non producitur vel creatur anima a Deo extra corpus, sed in corpore.

Et sic manifestum est, quomodo de ratione generationis sit, ut ejus terminus formalis seu forma substantialis accipiat esse per illam, quomodo non. — la, q. 75, a. 6; q. 90, a. 2; 2. *Sent.* dist. 17, q. 2, a. 2.

Et ex his patet *ad prima tria objecta*. Nam tantum probant de ratione generationis esse, ut terminus generationis seu forma substantialis accipiat esse per illam, considerando generationem creatam, tum de facto, tum per ordinem ad generans et ad ipsam

formam, si non sit subsistens. — Argumentum vero in contrarium tantum probat de generatione particulari in nutritione inclusa et de forma subsistente, quam non est necesse ratione sui accipere esse vi generationis ad illam terminatae, ut dictum est (in c.).

ARTICULUS IV

UTRUM OMNIS GENERATIO SIT AB UNIVOCO.

Videtur quod non omnis generatio sit ab univoco.

1. Sol enim producit calorem in inferioribus, ut dictum est (supra q. 32, a. 2); at sol non est formaliter calidus: ergo non omne quod generatur, generatur ab univoco. — 7. *Metaphys.* l. 8; 12. *Metaphys.* l. 3. (2).

2. Praeterea, motus causal calorem, ut dicit Philosophus (7. *Metaphys. text.* 30; l. 6, c. 9); sed motus non est formaliter calidus: ergo generatio non semper est ab univoco. — *Ibid.*

3. Praeterea, mulus non generatur a mullo, sed ab equo vel asino, ut dicit Philosophus (7. *Metaphys. text.* 31; l. 6, c. 9); et similiter animalia quæ generantur ex putri, et partus monstruosi non habent generans univocum, ut dicitur ibidein: ergo non omne quod generatur, generatur ab univoco. — *Ibid.*

4. Praeterea, homo non potest esse causa totius speciei humanae, aliter esset causa sui ipsius; ergo oportet quod ibi sit aliqua alia causa magis universalis in generatione hominis, quam sit homo; sed hæc non potest esse univoca, quia talis causa est Deus, ut dictum est (supra q. 41, a. 4), cui nihil potest esse commune univocum, ut etiam dictum est (in Logica, q. 9, a. 5): ergo non omnis generatio est ab univoco. — 1a, q. 13, a. 5, ad 4.

Sed contra est, quod Philosophus (7. *Metaphys. text.* 30; l. 6, c. 9; et 12. *Metaphys. text.* 13; l. 41, c. 3) dicit, quod ex univoco sit quælibet substantia.


RESPONDEO DICENDUM, quod omne quod generatur, generatur a simili aliquo modo.

Nam omne quod generatur, vel generatur

per se vel per accidens. Quod generatur ab aliquo per accidens, non generatur secundum quod huiusmodi; unde non oportet in generante esse similitudinem generati, sicut inventio thesauri non habet similitudinem aliquam in eo, qui fodens ad plantandum invenit thesaurum per accidens. Sed generans per se generat tale secundum quod huiusmodi; unde oportet quod in generante per se sit aliqualiter similitudo generati. Sed hoc contingit tripliciter: *uno modo*, quando forma generati præcedit in generante secundum eundem modum essendi et secundum eandem rationem specificam formæ, sicut cum ignis generat ignem, et homo hominem; et hæc est generatio totaliter univoca. *Alio modo*, quando forma generati præcedit in generante non quidein secundum eundem modum essendi, neque cum substantia ejusdem rationis, sicut forma domus præcedit in artifice non secundum esse materiale, sed secundum esse immateriale, quod habet in mente artificis, non in lapidibus et lignis; et hæc generatio est partim ex univoco, quantum ad formam, partim ex æquivoco, quantum ad esse formæ in subjecto. *Tertio modo*, quando ipsa tota forma generati non præcedit in generante, sed aliqua pars ejus aut aliqua pars partis, sicut in medicina calida præcedit calor, qui est pars sanitatis, aut aliquid ducens ad partem sanitatis, et hæc generatio nullo modo est univoca. — 7. *Metaphys.* l. 8.

Ad primum ergo dicendum, quod cum calidum in inferioribus generetur a sole non calido, talis generatio fit aliquo modo ab univoco; quia licet non sit in ea similitudo secundum speciem, est tamen aliqua similitudo, quamvis imperfecta, quia materia inferiorum non potest pertingere ad perfectam similitudinem superioris agentis. — 12. *Metaphys.* l. 3 (2).

Ad secundum dicendum, quod in generatione caloris ex motu intervenit similitudo generantis et generati tertio modo supra alato. Nam in ipso motu est quodammodo calor sicut in virtute activa. Nam ipsa virtus causandi calorem, quæ est in motu, est



aliquid de genere caloris, et iste calor in motu existens virtute facit calorem in corpore, non quidem generatione univoca, sed aequivoca, quia calor in motu et in corpore calido non est unius rationis. — 7. *Metaphys.* l. 8.

Ad tertium dicendum, quod sicut dicit Philosophus (7. *Metaphys.* text. 28; l. 6, c. 8), generatio muli ex equo vel asino non est per se, sed per accidens; licet etiam ipsa aliquo modo dicatur fieri ex univoco, et generans dicatur simile generato. Est enim aliquid genus proximum innominatum commune equo et asino, sub quo genere continetur et mulus; et secundum illud genus potest dici, quod simile generat simile; ut si dicamus, quod illud genus sit *jumentum*, poterimus dicere, quod licet equus non generet equum, sed mulum, jumentum tamen generat jumentum. Et sic quidquid generatur, aliquo modo generatur a simili et ab univoco, sumendo univocum late pro simili. — Porro in monstruosis partibus, quod genitum non sit simile generanti, id est, quia deficit virtus naturalis in semine; necesse autem est ut genitum ex semine sit aliqualiter univocum generanti, modo non fuerit praedictae virtutis defectus in semine, ut dicit Philosophus (7. *Metaphys.* text. 31; l. 6, c. 9.) — Generatio vero animalium quae producuntur ex putri, dicitur esse quodammodo a casu, quodammodo non. Est enim a casu, si referatur ad causas particulares hic inferius agentes. Nam calor, qui causat putredinem, non intendit naturali appetitu generationem hujus vel illius animalis, quae ex putrefactione sequitur, sicut virtus, quae est in semine, intendit productionem talis speciei. Sed si referatur ad virtutem cœlestem, quae est universalis regitiva virtus generationum et corruptionum in istis inferioribus, non est per accidens, sed per se intenta, quia de ejus intentione est, ut educantur in actu omnes formæ, quae sunt in potentia materiæ. Et ita in generatione horum animalium quod generatur, dicitur a simili generari. Sicut enim in generatione animalis ex semine, simile dicitur a simili generari, quia virtus activa, quae est in semine, etsi non sit anima in actu, est ta-

men anima in virtute, sicut forma domus in anima non est dominus actu, sed virtute; ita in his quæ generantur ex putri, etiam est in materia aliquid principium simile virtuti activæ, quæ est in semine, ex quo causatur anima in animalibus, quæ generantur ex semine; et sicut virtus quæ est in semine, est ab anima completa animalis et a virtute cœlestis corporis, ita virtus quæ est in materia putrefacta generativa animalis, est a solo corpore cœlesti, in quo sunt virtute omnes formæ generatae, sicut in principio activo. Qualitates etiam activæ, licet sint activæ, non tamen agunt solum in virtute propria, sed in virtute formarum substantialium, ad quas se habent sicut instrumenta; sicut dicitur 2. *de Anima* (text. 41; c. 4), quod calor ignis est instrumentum animæ nutritivæ. — 7. *Metaphys.* l. 6, 7, 8.

Ad quartum dicendum, quod licet inter Deum et creaturas non sit univocatio propriæ dicta, non tamen est aequivocatio, sed est aliqua similitudo et analogia; et ideo etiam creature dicuntur similes Deo. — l. c. in arg.

Ad quintum dicendum, quod sensus Philosophi est, ut ipsemel declarat (7. *Metaphys.* text. 30; l. 6, c. 9), quod modo quodam omnia sint ex univoco, quemadmodum naturalia; aut ex parte univoco, ut domus ex domo; aut ab intellectu: ars enim species; aut ex parte, aut ex habente partem aliquam, nisi fiat secundum accidens. — 7. *Metaphys.* l. 8.

ARTICULUS V

UTRUM IDEM ACCIDENS NUMERO MANEAT IN GENITO ET IN CORRUPTO.

Videtur quod idem accidens numero maneat in genito et in corrupto.

4. Dicit enim Philosophus (l. *de Generation.* t. 24; c. 4), quod quando elementa symbola transmutantur, remanet una qualitas, puta diaphaneitas, quando ex aere fit aqua; sed hoc esse non potest, nisi idem numero accidens maneat in genito et in corrupto: ergo vere idem numero acci-

dens manet in genito et in corrupto. — 1.
de Cœlo I. 10.

2. Præterea, dicit Philosophus (2. *de Generat. tert.* 29; c. 4), quod facilior est transitus elementorum symbolorum quam dissymbolorum, quia in illa tantum una qualitas corrumphi debet, cum altera remaneat, in hac vero ambæ qualitates corrumpendæ sunt; facilius autem est unum quam multa transmutare: ergo idem numero accidens remanet in genito et in corrupto. — 2. *de Generat.* I. 4.

3. Sed dices, quod in transmutatione elementorum symbolorum remaneat qualitas symbola eadem specie, non autem eadem numero. — Sed contra, quia si tantum remaneret eadem specie, sequeretur non esse facilior rem transmutationem symbolorum quam dissymbolorum; quia in illa etiam utraque qualitas numero esset corrumpta, sicut in ista; et similiter sequeretur quod simile corrumperetur a simili; nam generans corrumpit id quod prius erat. Ergo dicendum est, quod eadem numero qualitas symbola remanet in transmutatione elementorum symbolorum, et sic idem numero accidens erit in genito et corrupto. — 2. *de Generat.* I. 4; *Quæst. disp. de Spirit. Creat.* a. 3, arg. 19; et 4. *de Generat.* I. 10.

4. Præterea, quidquid corrumpitur, corrumpitur propter victoriam corrumpentis super ipsum ex debilitate virtutis ejus; sed qualitas symbola in transmutatione symbolorum non habet corrumpens, a quo corrumpatur: ergo remanet eadem numero in genito et corrupto. — 2. c. *Gent.* c. 30; 5. *Metaphys.* I. 14 (17).

5. Præterea in cadavere, ut experientia constat, manet eadem numero cicatrix eademque figura et eadem albedo numero, quæ fuerant in vivo; ergo idem accidens numero manet in genito et corrupto. — *Opusc.* 41; *Quodl.* I, a. 6, arg. 2 et in c.

6. Præterea, si omnia accidentia præterita corrumpentur, maneret materia indifferens ad omnem formam substantialem in instanti corruptionis; nam determinatio materiæ ad formam fit per accidentia, qui-

bus corruptis non manet talis determinatio; sed illud est falsum: ergo dicendum est manere eadem numero accidentia in genito et corrupto. — *de Spirit. Creat.* a. 3, arg. 20.

7. Præterea, forma individuatur per ordinem ad materiam signatam, seu ad materiam cum quantitate; sed si in instanti generationis corrumperentur omnia accidentia, non posset forma singularis introduci in materiam, cum non detur id, ratione cuius forma constituitur singularis et individua: ergo dicendum est, quod idem numero accidens potest esse in genito et in corrupto. — *Tabula Aurea* voce « individuum » n. 20.

8. Præterea, forma substantialis debet induci in materiam dispositam; disponitur autem per accidentia; ergo in instanti generationis debent in materia esse accidentia, quæ disponant materiam ad formam; non possunt autem esse accidentia, quæ consequuntur formam, quia sunt posteriora, quam sit forma inducta in materiam: ergo debent esse accidentia, quæ erant in corrupto, quæ remanent eadem numero in genito. — *Quæst. disp. de Anima* a. 9, arg. 5 et 17.

Sed contra est: 1. quod Philosophus 1. *de Generat. text.* 23 (c. 4) definit generationem, quod sit mutatio totius substantiae nullo sensibili manente ut subjecto eodem; et *text.* 24 (c. 4) dicit, quod generatione tunc est, quando non manet passio et accidens; at si manerent accidentia sensibilia, remaneret aliquod subjectum sensibile, puta materia cum accidentibus sensibilibus, et conseqüenter maneret aliqua passio: ergo idem quod prius. — 1. *de Generat.* I. 10.

2. Præterea, destructis primis substantiis impossibile est aliquid accidentium remanere, ut probat Philosophus in *Prædicem.*; ergo corrupto v. g. homine impossibile est, quod remaneat aliquod accidens, quod postea sit in cadavere idem numero.

3. Præterea, sequeretur quod esset eadem numero calefactio continua corrupti et generi, quod est contra Philosophum 5. *Phys.* (*text.* 34 et 39; c. 4), ubi vult ad continuui-

tatem motus requiri unitatem mobilis. —

5. *Phys.* l. 7.

RESPONDEO DICENDUM, quod non manet idem numero accidens in genito et in corrupto; sed id quod prius erat, corruptitur per accidens ad corruptionem subjecti, recedente forma, quae prius erat talis accidentis, et advenit simile accidens consequens formam de novo advenientem. Quod potest esse manifestum ex multis; — et *primo* quidem ex natura accidentis. Accidens enim non potest transire de subjecto in subjectum. Cuius ratio est, quia individuatur, numeratur et distinguitur secundum suum subjectum. Genitum autem et corruptum sunt diversa numero subjecta; sic enim se habent sicut corpus mortuum et vivum, quae cum specie distinguuntur, non possunt idem numero subjectum esse. Si autem ponatur, quod maneat idem numero accidens in genito et corrupto, sequitur quod idem secundo accidens sit in pluribus subjectis. — 1. *de Generat.* l. 10; *Tabula Aurea* voce « accidens » n. 38 et 42; voce « corpus » n. 28 et 29.

Secundo, ex differentia inter generationem et alterationem, atque adeo inter formam substantialem et accidentalem: quod alterationis et accidentis subjectum est ens in actu, generationis vero et formae substantialis est ens in potentia, ut dicit Philosophus (1. *de Generat. text.* 24 sqq.; c. 4, 5). Constitutur autem ens in actu per formam quamlibet. Nam cum quaelibet sit actus, facit esse in actu. Quare si in genito et corrupto manet idem accidens numero, forma sequens adveniet existenti in actu, et consequenter ejus subjectum non erit ens in potentia, sed ens in actu contra Philosophum. — 1. *de Generat.* l. 10; *Quodl.* 1, a. 6.

Tertio, ex natura materiae; nam cum haec sit in potentia ad omnes actus ordine quodam, oportet quod id quod est primum simpliciter in actibus, primo in materia intelligatur; primum autem inter omnes actus est esse specificum et substantiale, ut dictum est (supra q. 3, a. 2 in c.). Impossibile est ergo intelligere materiam prius esse calidam vel quantam, quam esse in actu

specifico; esse autem in tali actu habet per formam substantialem, quae facit esse simpliciter. Unde impossibile est quod ullum accidens praecexistat in materia ante formam substantialem; praecexteret autem, si maneret idem numero accidens in genito et corrupto. Manifestum ergo est, quod non potest idem numero accidens manere in genito et corrupto. — 1a, q. 76, a. 6, c.

Ad primum ergo dicendum, quod in transmutatione elementorum symbolorum passio symbola, quae prius inerat disponens ad formam substantialem, corruptitur, non tamen per se, sed per accidens ad corruptionem subjecti; unde manet eadem specie, non numero. Et quia per hoc accidens symbolum non erat aliqua repugnatio in agendo et patiendo, facilior fuit transmutatio. Cum enim qualitates elementorum causentur a formis substantialibus ipsorum, illa elementa, quae majorem convenientiam habent in qualitatibus, necessario habent majorem convenientiam in formis substantialibus, et per consequens in dispositionibus materiae facilius ad invicem transmutantur. Et licet oporteat ambas qualitates corrupti, tamen quia qualitas symbola minus resistit, imo nullo modo, contraria vero resistit; ideo facilior est transmutatio et transitus. Neque est inconveniens, quod simile corruptum suum simile, per accidens corruptendo subjectum; sic enim major flamma consumit minorem. — Et sic patet *ad secundum* et *tertium*. — *Quodl.* 1, a. 6; 1. *de Generat.* l. 10; 2. *de Generat.* l. 4; *de Spirit. Creat.* a. 3, ad 19.

Ad quartum dicendum, quod quidquid corruptitur per se, corruptitur ab agente contrario; secus vero quod corruptitur per accidens ad corruptionem subjecti, quomodo corruptitur qualitas symbola in transmutatione symbolorum. — *de Spirit. Creat.* l. c.; *Tabula Aurea* voce « corruptio » n. 5.

Ad quintum dicendum, quod in cadavere, sicut et in genito quolibet, ut dictum est (in c.), manent accidentia corrupti eadem specie, non eadem numero ob rationes allatas; nam formam de novo advenientem

sequuntur similia accidentia, ut dictum est. (*Quodl.* I, a. 6; I. *de Generat.* I, 10). *Vel dic*, quod remanet in genito et corrupto sicut in vivo et mortuo idem numero accidentis, quia remanet origo et radix accidentis, eadem scilicet materia, quae est in potentia ad formam generalem. — *Opusc.* 41.

Ad sextum dicendum, quod materia prout nuda consideratur, se habet indifferenter ad omnes formas, sed determinatur ad speciales formas per virtutem moventis, ut dicitur 2. *de Generat.* (text. 53; c. 9); et materia secundum quod consideratur perfecta sub ratione formae universalioris et accidentium consequentium, sit disposita ad subsequentem perfectionem. — *de Spirit. Creat.* a. 3, ad 20; Ia, q. 76, a. 6; *Quest. disp. de Anima* a. 9 in c.; 2. c. *Gent.* c. 71, et *Ferrariensis* in h. I.

Ad septimum dicendum, quod in instanti generationis materia est signata dispositionibus, quae in genere causae materialis praecedunt formam substantialem. — 2. c. *Gent.* c. 71, et *Ferrariensis* in h. I.

Ad octavum dicendum, quod ad esse substantiale, quod simpliciter est primus actus formæ, non prærequiritur ulla disposicio accidentalis; requiritur autem ad alios gradus et actus formæ, et talis consequitur primum effectum et gradum formæ. — Ia, q. 76, a. 6, ad 4 et in c., et *Cajetanus* in h. I.

ARTICULUS VI

UTRUM MATERIA SIT IMMEDIATUM SUBJECTUM INILESIONIS OMNIUM ACCIDENTIUM.

Videtur quod materia sit immediatum subjectum inhesionis omnium accidentium.

1. Dicit enim Philosophus 7. *Metaphys.* (text. 8; I. 6, c. 3), quod quantitas immediate inest materiæ primæ; et I. *de Generat.* (text. 29; c. 5) puncta et lineas vocat terminos materiæ; terminus autem est in terminato subjective; et *ibidem* (text. 31; c. 5), et 2. *de Generat.* (text. 6; c. 1) dicit, quod materia est subjectum contrariorum, puta caloris et frigoris, quæ sunt accidentia. Ergo materia est immediatum subjectum inhesionis omnium accidentium.

— 7. *Metaphys.* I. 2; I. *de Generat.* I. 13; 2. *de Generat.* I. 1.

2. Praeterea, omnis forma substantialis est in materia sibi propria et disposita; sed dispositiones ad formam sunt accidentia: ergo accidentia immediate subjectantur in materia. — Ia, q. 76, a. 6, arg. 4; *Quest. disp. de Anima* a. 9, arg. 5.

3. Praeterea, diversæ formæ unius speciei requirunt diversas materiæ partes; sed diversæ partes non possunt intelligi nisi secundum divisionem dimensivarum quantitatum: ergo necesse est præintelligere dimensiones in materia ante formas substantiales, quæ sunt plures ejusdem speciei, et consequenter quantitas et ratione illius cetera accidentia immediate subjectabuntur in materia prima. — Ia, I. c., arg. 2.

4. Praeterea, sicut forma substantialis naturaliter unitur materiæ, ita et *haec* forma *haec* materiæ; sed *haec* materia est *haec* per hoc quod est sub aliquibus dimensionibus determinatis: ergo dimensiones determinatae immediate subjectantur in materia. — *Quest. disp. de Anima* I. c. arg. 17.

5. Praeterea, materia unitur formæ per potentiam, qua potest ei subesse; sed potentia illa non est idem, quod essentia materiæ; sic enim esset æqualis simplicitatis cum Deo, quod est sua potentia: ergo in materia subjectatur aliquod accidens — *de Spirit. Creat.* a. 3, arg. 21.

6. Praeterea, quantitas consequitur materiam sicut proprium accidentis; sed accidentia proprium inest immediate tamquam subjecto illi rei, cuius est accidentis proprium ut dictum est (in *Logica* q. 6): ergo idem quod prius. — *Tabula Aurea* voce «quantitas» n. 4.

7. Praeterea, quantitas distinguit materiam in partes ad hoc, ut varias formas recipiat, ut dictum est (supra q. 3); sed hoc non potest facere nisi immediate insi illi tamquam subjecto: ergo quantitas est illa mediante cetera accidentia materiali immediate subjectantur in materia.

Sed contra est: 4. quod Philosophus (7. *Metaphys.* text. 4; I. 6, c. 1) dicit, quo substantia composita est prior temporis

accidente: ergo accidentis supponit in materia formam substantialem, et consequenter non inest materiae tamquam proprio subiecto. — 7. *Metaphys.* I. 1.

2. Praeterea, Philosophus (8. *Metaphys.* tert. 16; I. 7, c. 6) dicit, quod forma substantialis immediate unitur materie; at si in materia immediate subjectarentur accidentia, non umiretur illi forma immediate, sed mediantibus accidentibus: ergo accidentia non sunt immediate in materia tamquam in proprio subiecto. — 8. *Metaphys.* I. 5.

RESPONDEO DICENDUM, quod licet quantitas immediate inhæreat materiae, et illa mediante eidem inhæreant reliqua accidentia, — quod manifeste patet: *primo*, quia substantia corporalis habet, quod sit subiectum accidentium ratione materiae, cui primo inest subjici alteri; prima enim dispositio materiae est quantitas, quia secundum ipsam attenditur divisio ejus et indivisio, et ita unitas et multitudo, quæ sunt prima consequentia ens; — *secundo*, quia materia non solum est in potentia ad formas substantiales, sed etiam ad accidentales, ut dictum est (supra q. 3, a. 5); quilibet autem actus informat et actuat propriam materiam; — *demum* quia, saltem in homine, cuius forma est indivisibilis et immortalis, quantitas immediate inhæret materiae; nam illam extendit, quod non facit in animam, ut dictum est; et per rarefactionem eadem materia, quæ prius erat terminata sub parvis dimensionibus, postea fit magis extensa, et ad maiores dimensiones perducitur, ut dictum est (in Logica, q. 14, a. 1 et 2; cfr. Metaphysicæ q. 13, a. 2); — non tamen inest quantitas materiae sine communicatione formæ, sed necessario debet præintelligi forma substantialis in materia, antequam intelligatur illi advenire quantitas. — 4. *Sent.* dist. 12, q. 1, a. 1, sol. 3 et ad 1.

Unde proprie subiectum inhaesioneis quantitatis est *compositum substantiale*. Quod palet: *primo*, quia unumquodque genus vel speciem, ut dictum est (cfr. supra q. 3, a. 11, ad 6), consequuntur propria accidentia illius generis vel speciei; nullum autem accidens consequitur substantiam corpo-

ream tamquam propria passio praeter quantitatem; propria autem passio præsupponit subiectum cui immideate inhæreat; — *deinde*, quia illud quod dicitur maxime et verissime in quolibet genere, est causa eorum quæ sunt post in illo genere: sicut ignis, qui est in fine caloris in rebus calidis, est causa caliditatis, ut dicitur in 2. *Metaphys.* (text. 4; I. I min., c. 1); substantia autem est primum in genere entis, verissime et maxime essentiam habens: ergo oportet quod sit causa accidentium, quæ secundario et secundum quid rationem entis participant (*Opusc.* 30, c. 6); — *item*, quia (cum materia sit in potentia ad omnes actus ordine quodam) oportet quod id quod est primum simpliciter in actibus, primo in materia intelligatur et sit; primum autem inter omnes formas et actus est esse in actu, seu esse simpliciter, quod materia habet per formam substantialem: ergo impossibile est quod prius intelligatur materia cum quantitate vel alio accidente, quam quod sit in actu per formam substantialem. Unde dicendum est, quod nullum accidens potest inesse materiae sine communicatione formæ substantialis, licet inter accidentia quantitas immediate inhæreat materiae primæ. — Ia, q. 76, a. 6, c.; *de Spirit. Creat.* a. 3, c.; *Quest. disp. de Anima* a. 9, c.; *Opusc.* 31 et 32.

Ad primum ergo dicendum, quod 7. *Metaphys.* (I. c.) loquitur Philosophus ex sententia antiquorum, qui totum subiectum, quod nos ponimus ex materia et forma componi, dicebant esse materiam primam, ut aerem aut aquam aut aliquid hujusmodi; formas autem dicebant esse quæ nos dicimus accidentia, ut quantitates et qualitates, quorum subiectum proprium non est materia prima, sed substantia composita, quæ est ens in actu; omne enim accidens ex hoc est, quod substantiae compositæ inest, ut dicit Philosophus (7. *Metaphys.* text. 2; c. 1). Unde ex propria sententia subdit postea (text. 8; c. 3), quid sit materia, dicens, quod neque est quid neque quantum. (7. *Metaphys.* I. 2). — In I. vero *de Generat.* loquitur secundum positionem Plato-

nicorum, qui ponebant, quod mathematica erant substantia corporum naturalium, et quia puncta et lineae sunt termini dimensionum, sicut forma est terminus materiae, ponebant, quod id quod per hujusmodi terminatur, esset materia corporum; ipsi autem termini magis se habent in ratione formae. Unde postea ostendit, quod nihil praedictorum potest esse materia corporum (*I. de Generat.* l. 12 et 13). — Reliqui vero textus tantum probant, quod accidentia insunt substantiae compositae ratione materiae, quod est verissimum, ut dictum est (*in corp.*). Et hoc idem probant *sextum* et *septimum* argumentum.

Ad secundum dicendum, quod forma perfectior virtute continet quidquid est inferiorum formarum; et ideo una et eadem existens perficit materiam secundum diversos perfectionis gradus. Una enim et eadem forma est per essentiam, per quam homo est ens actu, et per quam est corpus, et per quam est vivum, et per quam est animal, et per quam est homo. Manifestum est autem, quod unumquodque genus consequuntur propria accidentia. Sicut ergo materia praaintelligitur perfecta secundum esse ante intellectum corporeitatis, et sic de aliis; ita praaintelliguntur praedicta accidentia quae sunt propria entis ante corporeitatem: et sic praaintelliguntur dispositiones in materia ante formam, non quantum ad omnem ejus effectum, sed quantum ad posteriorem. Unde dispositiones accidentales quae faciunt materiam propriam ad aliquam formam, non sunt mediae totaliter inter materiam et formam; sed inter formam secundum quod dat ultimam perfectionem, et materiam secundum quod jam est perfecta perfectione inferioris gradus. Materia enim secundum seipsam est propria respectu insimi gradus perfectionis, quia materia secundum seipsam est in potentia ad esse substantiale corporeum. Nec ad hoc requirit aliquam dispositionem; sed hac perfectione praesupposita in materia requiruntur dispositiones ad ulteriorem perfectionem. — *1a*, q. 76, a. 6, ad 1; *de Spirit. Creat.* a. 3, c.; *Quæst. disp. de Anima* a. 9. c. et ad 5.

Ad tertium dicendum, quod dimensiones quantitativae sunt accidentia consequentia corporeitatem, quæ soli materiae convenit. Unde materia jam intellecta sub corporeitate et dimensionibus, potest intelligi ut distincta in diversas partes, ut sic accipiat diversas formas secundum ulteriores perfectionis gradus. Quauis enim eadem forma sit secundum essentiam, quæ diversos perfectionis gradus materiae tribuit, tamen secundum considerationem rationis differt. — *1a*, l. c. ad 2.

Ad quartum dicendum, quod dimensiones non possunt intelligi in materia, nisi secundum quod intelligitur constituta per formam substantialem in esse substantiali corporeo; quod quidem non fit per aliam formam in homine quam per animam, ut dictum est. Unde hujusmodi dimensiones non praaintelliguntur ante animam in materia totaliter, sed in quantum ad ulteriores gradus perfectionis est in potentia, ut dictum est. — *Quest. disp. de Anima* l. c. ad 17.

Ad quintum dicendum, quod cum unumquodque genus dividatur per potentiam et actu, ipsa potentia, quæ est in genere substantiae, materia est, sicut forma actus; unde materia non subest formæ substantiali mediaante aliqua potentia. — *de Spirit. Creat.* l. c. ad 21.

ARTICULUS VII

UTRUM IN GENERATIONE COMPOSITI SUBSTANTIALIS FIAT RESOLUTIO COMPOSITI PRÆCEDENTIS USQUE AD MATERIAM PRIMAM.

Videtur quod in generatione compositi substantialis non fiat resolutio præcedentis compositi corrumpendi usque ad materiam primam.

1. Dicit enim Philosophus (*I. de Generat. text.* 30; c. 5), quod materia prima non potest existere sine accidentibus; at si fieret in generatione novi compositi resolutio præcedentis usque ad materiam primam, posset hæc existere sine illis: ergo in gene-

ratione compositi substantialis non fit resolutio usque ad materiam primam. — 1. *de Generat.* 1. 13.

2. Praeterea, materia est ens in actu per formam; at si fieret resolutio usque ad materiam primam in corruptione compositi substantialis, materia secederet a tota rerum natura, quia non esset amplius ens actu: ergo idem quod prius. — 1. *de Generat.* 1. 7.

3. Praeterea, corpus ante adventum animæ rationalis in utero materno habet aliquam formam; sed adveniente anima rationali non est dicere, quod illa forma deficiat, quia neque cedit in nihilum, neque esset dare in quid rediret: ergo forma aliqua praexistit in materia ante adventum animæ rationalis; et per consequens in generatione hominis non fit resolutio præcedentis compositi usque ad materiam primam. — *de Spirit. Creat.* a. 3, arg. 12.

Sed contra: Philosophus (1. *Phys. text.* 82; c. 9) dicit, quod materia prima est primum subjectum, in quo ultimum resolvitur id quod corruptitur. — 1. *Phys.* 1. 15 (14).

2. Praeterea, in *Predicam.*, cap. de substantia, dicitur, quod corruptis primis substantiis impossibile est remanere secundas substantias et accidentia; ergo in corruptione fit resolutio usque ad materiam primam. — *Opusc.* 48, tract. 2, c. 3.

3. Praeterea, Philosophus (1. *de Generat. tert.* 23; c. 4) distinguit generationem ab alteratione, quod in illa fit transmutatio non solum secundum passiones, sed etiam secundum substantias, in hac vero tantum secundum passiones; ergo in generatione novi compositi substantialis fit resolutio præcedentis compositi usque ad materiam primam. — 1. *de Generat.* 1. 10.

RESPONDEO DICENDUM, quod necesse est dicere, quod in generatione compositi substantialis fit resolutio præcedentis compositi usque ad materiam primam. Et ratio ex dictis est, quia omnia accidentia præsupponunt formam substantialē in materia. Quod patet: *primum*, quia omnia accidentia, ut dictum est (supra q. 3, a. 11), fundantur immediate in quantitate, et mediante quantitate sunt in materia; quantitas autem præ-

supponit in materia formam substantialē corporis, seu substantialē corpoream, atque adeo gradum corporis, cum illum conservat tanquam illius propria passio inseparabilis ab illo; — *deinde*, quia substantialia (cum sit primum in genere entis) debet esse causa accidentium, quae sunt entia secundum quid; — *præterea*, quia subjectum accidentium non est materia sola, sed materia simul cum forma, seu materia ut unita formæ substantiali; est enim ens in actu, ut dicit Philosophus (cfr. 1. *de Generat. tert.* 21 et sqq.; c. 4), ad differentiam formæ substantialis, quae habet pro suo subjecto ens potentiae seu materiam primam nude sumptam. Quare ad hoc ut adveniant materia, debent in illa præsupponere formam substantialē, atque adeo totam substantialē compositam. Cujus ratio est, quia accidentia sunt entia illius, non autem materiae vel formæ, ut dicit Philosophus (7. *Metaphys. text.* 2; 1. 6, c. 1). Nam sunt entia per substantialiam; dicuntur enim entia, eo quod habent aliquam habitudinem ad ipsam, quæ est per se ens. — 4. *Sent. dist.* 10, q. 1, a. 2, *questiunc.* 3; *Opusc.* 30, c. 5; 1. *de Generat.* 1. 9 et 10; 7. *Metaphys.* 1. 1.

Ad primum ergo dicendum, quod quia uno composito substantiali corrupto aliud generatur, et uno generato aliud corruptitur, ideo materia nec secedit a rerum natura, nec remanet sine forma, quia in eodem instanti, in quo privatur forma præcedenti et fit non ens hoc, quod est corruptum recipit aliam formam, et fit aliquid aliud, puta id quod est genitum. Unde non potest unquam materia remanere, quin sit subjecta alieui formæ. — Et sic patet etiam *ad secundum*. — 1. *de Generat.* 1. 7.

Ad tertium dicendum, quod corpus antequam animetur, habet aliquam formam. Verum illa forma non manet anima adveniente. Adventus enim animæ est per quamdam generationem. Generatio autem unius non est sine corruptione alterius; sicut cum recipitur forma ignis in materia aeris, desinit esse actu in ea forma aeris, et remanet in potentia tantum. Neque dicendum est, quod forma fiat vel corruptatur, quia

ejus est fieri et corrumpi, cuius est esse, quod non est formæ ut existentis, sed sicut ejus quo aliquid est; unde et fieri non dicitur nisi compositum, in quantum reducitur de potentia in actum. — *de Spirit. Creat.* a. 3, ad 12.

ARTICULUS VIII

UTRUM GENERATIO SIT MUTATIO SUCCESSIVA AN VERO INSTANTANEA.

Videtur quod generatio sit mutatio successiva.

1. Philosophus enim (*5. Phys. text. 4* ad 6; *c. 1*) ponit generationem inter motus; sed motus est de genere continuorum, ut dicitur *3. Phys. (text. 1; c. 1)*: ergo generatio est mutatio successiva, non autem instantanea. — *5. Phys. I. 4*; *3. Phys. I. 1*.

2. Praeterea, dicit Philosophus (*6. Phys. text. 59*; *c. 10*), quod factum est, prius fieri; sed res naturales fiunt per generationem: ergo quod generatur, prius generabatur; ubi autem est prius et posterius, est tempus ut dictum est (*supra q. 21, a. 2*), et consequenter successio: ergo generatio est mutatio successiva. — *6. Phys. I. 8*.

3. Praeterea, Philosophus (*7. Phys. text. 34*; *c. 4*) comparat generationes inter se et dicit alias esse velocias, alias minus velocias; sed velox et tardum convenienter generationi et motui per ordinem ad tempus, ut patet ex Philosopho (*6. Phys. text. 12*; *c. 1*): ergo idem quod prius. — *7. Phys. I. 8*; *6. Phys. I. 3*.

4. Praeterea, experientia patet non simul generari totum animal, sed successive, similiter et successive ex combustione paleæ generari ignem: ergo generatio non fit in instanti, sed successive.

Sed contra est, quod Philosophus (*5. Phys. text. 8*; *c. 1*) generationem negat esse motum; sed omnis motus est in tempore, et secundum tempus divisibilis est, ut dicitur *6. Phys. (text. 36; c. 4)*: ergo generatio non est mutatio successiva. — *5. Phys. I. 2*; *6. Phys. I. 9*; *de Pot. q. 3, a. 9, ad 9*.

RESPONDEO DICENDUM, quod illud quod

mutatur de non esse in esse, vel e contra, non est simul in non esse, sed (sicut) non est dare ultimum instans, in quo id quod generatur sit non ens, sed est dare primum instans, in quo est; ita quod in tempore praecedenti illud instans, est non ens. Inter tempus autem et instans, quod terminat motum, non est aliquod medium; et sic non oportet quod sit medium inter esse et non esse. Sed quia tempus, quod praecedit instans, quo primo est quod generatur, est terminus praecedentis temporis mensurantis motum, ita incipere esse est terminus praecedentis motus. Si ergo generatio dicatur ipsa incepio essendi, sic est terminus motus, et sic est in instanti: quia terminari motum, quod est mutatum esse, est in indivisibili temporis. Si autem generatio accipiatur ipsa incepio essendi cum toto motu praecedente, cuius est terminus, sic non est in instanti, sed in tempore, ita quod in toto tempore praecedenti est non ens illud quod generatur, et in ultimo instanti est ens. Et similiter dicendum est de corruptione. — *6. Phys. I. 8*; *1. Sent. dist. 37, q. 4, a. 3, c. 1a 2æ, q. 143, a. 7, c. 1*; *1. de Generat. I. 24*.

Ad primum ergo dicendum, quod Philosophus nomen motus late sumit, prout involvit etiam mutationes instantaneas, ut dictum est (*supra q. 47. a. 2, c.*).

Ad secundum dicendum, quod Philosophus nomen generationis sumit pro alteratione praecedente terminata ad introductionem formæ substantialis; cum enim alteratio habeat duos terminos, formam accidentalem et substantialiem, potest denominari ab utraque. — Eodemque modo dicendum *ad tertium*. — *6. Phys. I. 8*; *Tabula Aurea* voce «alteratio» n. 5.

Ad quartum dicendum, quod animal totum non nisi per partes generatur. Verum generatio partium ratione alterationis praecedentis fit successive, ratione vero introductionis formæ substantialis fit in instanti, ut dictum est (*in c.*). Et idem dico de generatione ignis ex combustione paleæ vel chartæ. — *6. Phys. I. 8*; *de Spirit. Creat. a. 3, ad 13*; *1. de Generat. I. 24*.

ARTICULUS IX

UTRUM GENERATIO UNIUS SIT CORRUPTIO
ALTERIUS.

Videtur quod generatio unius non sit corruptio alterius.

1. Dicit enim Philosophus (*5. Phys. text. 7* sqq.; c. 4), quod generatio est mutatio a non subjecto in subjectum, et corruptio est a subjecto in non subjectum. — *5. Phys. l. 2.*

2. Praeterea, in embrione ante adventum animae rationalis apparent opera vitae, ut dicitur in *16. de Animal.*, quae non sunt nisi ab anima; sed adveniente anima rationali non est dicere, quod alia anima deficiat, quia neque cadit in nihilum, neque esset dare in quid rediret: ergo in generatione hominis non est corruptio ullius formae praecedentis. — *de Spirit. Creat. a. 3, arg. 42 et 43.*

3. Praeterea, secundum hoc forma uniuersitur materiae, quod materia est in potentia ad eas; sed materia prius est in potentia ad formas elementorum quam ad alias formas: ergo anima et aliae formae non uniuersunt materiae, nisi in illa praexistant et remaneant formae elementorum, et ita erit generatio unius sine corruptione alterius. — *Quæst. disp. de Anima a. 9, arg. 9.*

4. Praeterea, corpus cuiuslibet animalis est mixtum; sed in mixto oportet quod remaneant formae elementorum per essentiam; alioquin esset corruptio elementorum, non mixtio: ergo anima supponit in materia ante sui adventum formas elementorum, et sic generatio animalis non erit compositi praexistentis corruptio. — *Ibid. arg. 10.*

5. Praeterea, si generatio unius esset corruptio alterius, totidem entia semper essent in mundo, nec plura nec pauciora; sed ergo et consequens est falsum: ergo et quod generatio unius sit corruptio alterius.

Sed contra est auctoritas Philosophi (*3. Phys. text. 73; c. 8; et 4. de Generat. text. 17; c. 3*) dicentis, quod generatio unius est corruptio alterius.

RESPONDEO DICENDUM, quod necesse est

dicere, quod generatio unius est corruptio alterius, et e contra. Ad cujus manifestacionem sciendum est, quod generatio per se quidem est ex ente in potentia, id est ex materia, quae est sicut subjectum rerum naturalium. Accidit enim materia, ex qua aliquid generatur, quod sit subjecta alteri formæ, secundum quam est ens actu, et privationi formæ inducenda, secundum quam est non ens actu, sed ens in potentia. Et ideo Aristoteles dicit (*1. Phys. text. 66; c. 7*), quod generatur aliquid ex ente quidem actu per accidens, ex ente autem in potentia per se. Et similiter corruptio aliud per se quidem in ens potentia, quod quidem subjectum alteri formæ, secundum quam est ens actu, et privationi prioris formæ, secundum quam est non ens actu; et ita non dicitur, quod id quod corruptio secedat a tota rerum natura, quia quamvis fiat non ens hoc, quod est corruptum, remanet tamen ens aliquid aliud, quod est generatum. Unde non potest materia remanere, quin sit subjecta alieni formæ. Et inde est, quod uno corrupto aliud generatur, et uno genito aliud corruptio. — *4. de Generat. l. 7; 4. Phys. l. 43.*

Ad primum ergo dicendum, quod generatio unius non dicitur a Philosopho esse corruptio alterius, eo quod sint unum per se, atque adeo unum ratione; sed *vel* quia sunt unum subjecto, licet differant ratione, quod patet ex eorum terminis, ex quibus motus et mutationes specificantur. Terminus enim generationis est forma, quia est mutatio ad esse; terminus vero corruptionis est privatio, quia est mutatio ad non esse; forma autem unius et privatio alterius, ut forma ignis et privatio aeris, sunt quidem idem subjecto, sed differunt ratione. Unde fit, ut etiam illud, quod corruptio et generat, non ex eodem habeat, quod generet et corruptat, sed ex eo quod formam suam inducit, generet, et sic in quantum ens generat; ex eo vero quod forma sua necessario conjungitur privationi alterius formæ, corruptat. (*2. Sent. dist. 34, q. 1, a. 2, ad 5.*) *Secundo*, quia sunt unum ex parte motus, quia unus motus ad has duas

mutationes terminatur. *Tertio*, dicitur generatio unius corruptio alterius concomitans, quia una mutatio semper conjungitur cum alia mutatione, quia generatio unius non est sine corruptione alterius, et e contra. Nam motus, per quem agens producit formam similem sua et corruptit oppositam, est de contrario in contrarium; et generatio et corruptio sese concomitantes similiter contrariorum sunt. — *de Verit.* q. 28, a. 6, ad 5, et a. 1, c.

Ad secundum dicendum, quod in embrione apparent quædam opera vitae. Sed quidam dixerunt hujusmodi opera esse ab anima matris. Sed hoc est impossibile, quia de ratione operum vitae est, quod sint a principio intrinseco, quod est anima. Quidam vero dixerunt, quod a principio inest anima vegetabilis, et illa eadem cum fuerit magis perfecta, fit anima sensitiva, et tandem fit anima intellectiva, sed per actionem exterioris agentis, quod est Deus. Sed hoc est impossibile: *primo*, quia sequeretur, quod forma substantialis reciperet magis et minus, et quod generatio esset motus continuus; *secundo*, quia sequeretur animam rationalem esse corruptibilem, cum vegetabilis et sensibilis corruptibiles sint, dum ponitur fundamentum animæ rationalis esse substantia vegetabilis et sensibilis. Non autem dici potest, quod sint tres animæ in uno corpore. Relinquitur ergo dicendum, quod in generatione hominis vel animalis multæ sunt generationes et corruptiones sibi invicem succedentes. Adveniente enim forma perfectiori deficit imperfectior; et sic cum in embrione primo sit anima vegetativa tantum, cum per ventum fuerit ad majorem perfectionem, tollitur forma imperfecta et succedit forma perfectior, quæ est anima vegetativa et sensitiva simul; et hac cedente succedit ultima forma perfectissima, quæ est anima rationalis. Neque est dicendum, quod forma fiat vel corrumpatur, quia ejus est fieri et corrumphi, cuius est esse, quod non est formæ ut existentis, sed sicut ejus quo aliquid est. Unde et fieri non dicitur nisi compositum, in quantum reducitur de potentia in

actum. — *de Spirit. Creat.* a. 3, ad 12 et 13.

Ad tertium dicendum, quod materia secundum ordinem est in potentia ad formas; non quod recipiat diversas formas substantiales ordinatum; sed quia id quod est proprium superioris formæ, non recipitur nisi mediante eo quod est proprium inferioris formæ. — *Quæst. disp. de Anima* a. 9, ad 9.

Ad quartum dicendum, quod formæ elementares non sunt actu in mixto secundum essentiam, licet hoc Avicenna posuerit. Non enim possunt esse in una parte materiæ; si autem essent in diversis partibus, non esset mixtio secundum totum, quæ est vera mixtio, sed esset mixtio minima, quæ est mixtio ad sensum. Dicere etiam, quod formæ elementorum accipient magis et minus, ut Averroes dicit, ridiculum est, cum sint formæ substantiales, quæ magis et minus recipere non possunt. Neque aliquid est medium inter substantiam et accidentem ut ipse fingit. Nec iterum dicendum est, quod totaliter corrumpantur, sed quod manent virtute, ut Aristoteles dicit, et hoc est, in quantum manent accidentia propria elementorum secundum aliquem modum, in quibus manet virtus elementorum. — *Ibid.* ad 10.

Ad quintum dicendum, cum una materia existente contingat, ut dicit Philosophus (8. *Metaphys. text* 11; I. 7, c. 4), fieri diversa propter moventem causam, contingere potest ut plura agentia agant in diversas partes ejusdem compositi substantiales, et sic plures formas specificas producat; unde sequitur quod plures sint species vel individua specierum generata quam corrupta, et non totidem quot corrupta. — 8. *Metaphys. I. 4.*

ARTICULUS X

UTRUM GENERATIONES ET CORRUPTIONES RERUM NATURALIUM SINT NATURALES.

Videtur quod corruptiones et generationes rerum naturalium non sint naturales.

1. Motus enim naturalis est ille, qui est a principio intrinseco; sed generationes ele-

mentorum maxime sunt ab agente extrinseco : ergo non sunt naturales. — *Tabula Aurea* voce « motus » n. 9 et 11.

2. Praeterea, generatio dicitur naturalis, quia est a natura, ut dicit Philosophus (7. *Metaphys.*, *text.* 22; 1. 6, c. 7); sed generans elementa non est natura, sed vel habens naturam vel secundum naturam, ut dicitur 2. *Phys.* (*text.* 3, 4, 5; c. 1), cum sit compositum naturale : ergo generationes elementorum non erunt naturales. — 7. *Metaphys.* 1. 6; 2. *Phys.* 1. 1.

3. Praeterea, naturale est illud, ad quod natura inclinat ; sed corruptio, sicut et mors et omnis defectus, est contra naturam : ergo corruptio non est mutatio naturalis. — *Tabula Aurea* voce « naturale » n. 11; voce « corruptio » n. 10 et 15.

4. Praeterea, impossibile est quod natura intendat aliquod malum ; sed corruptio est aliquod malum ; est enim non ens, bonum autem et ens convertuntur : ergo corruptio non potest esse mutatio naturalis. — 1a, q. 49, a. 9, c.; *Tabula Aurea* voce « corruptio » n. 10.

Sed contra est, quod Philosophus (5. *Phys.* *text.* 7; c. 1) generationem et corruptionem ponit inter species mutationis naturalis, et 7. *Metaphys.* (*text.* 22; 1. 6, c. 7) vocal generationes elementorum naturales. — 5. *Phys.* 1. 2; 7. *Metaphys.* 1. 6.

RESPONDEO DICENDUM, quod generationes rerum naturalium dicuntur naturales propter tres causas, ut dicit Philosophus (7. *Metaphys.* *text.* 22; 1. 6, c. 7); licet principium activum generationis eorum sit extrinsecum, quod videtur esse contra rationem naturae : *primo*, ratione materiae seu principii ex quo fit generatio, quia materia est principium intrinsecum, in quo est naturalis aptitudo ad talem formam ; — *secundo*, ratione principii secundum quod fit generatio, id est, ratione formae geniti, quae dicitur esse natura ; generatio enim naturalis est, quae est ad naturam, sicut dealbatio est ad albedinem ; — *tertio*, ratione principii a quo fit generatio, seu ab agente; nam forma illius, quae est ei principium principale agendi, est natura dicta secundum speciem, id est,

est ejusdem speciei cum natura et forma geniti, licet in alio secundum numerum ; homo enim generat hominem, nec tam genitans et genitum sunt idem numero. — 7. *Metaphys.* 1. 6.

Corruptiones vero dicuntur naturales : *primo*, quia licet sint contra naturam particularem, sunt tamen de intentione naturae universalis, in quantum defectus minus cedit in bonum alterius vel etiam totius universi ; sie enim corruptio unius est generatio alterius, per quam species conservatur. (1a, q. 22, a. 2, ad 2.) *Secundo*, quia natura particularis saltem per accidens intendit corruptionem, in quantum consequitur aliquod bonum ; non enim intendit agens naturale corruptionem et privationem, sed generationem unius, quae est corruptio alterius, et formam, cui conjungitur privatio alterius formae. (1a, q. 49, a. 9, c.) *Tertio*, dicitur *inclinationis materie*, quae proportionaliter attribuitur tali formae secundum distributionem universalis agentis, ratione ejus etiam res naturales dicuntur naturaliter corruptibiles. — *Tabula Aurea* voce « corruptio » n. 10, 15; 1a 2ae, q. 85, a. 6, c., ubi difficultas bene explicatur.

Ad primum ergo dicendum, quod non omnes motus eodem modo dicuntur naturales, ut dicit Commentator (in 2. *Phys.* et in 4. *de Cœlo*) ; sed *quidam* dicuntur naturales propter principium activum interiorius existens, ut motus localis gravium et levium ; et *quidam* propter principium passivum, quod est secundum potentiam ab agente naturali natum in actum educi, in generatione et alteratione simplicium corporum. Unde et natura dividitur in materiam et formam. — 2. *Sent.* dist. 18, q. 1, a. 2, c.

Ad secundum dicendum, quod generatio dicitur naturalis, quia est a natura vel tamquam principio passivo vel tamquam principio activo principali, specie eodem cum natura et forma generati, ut dictum est (in c.).

Ad tertium dicendum, quod aliter se habet natura ad generationem et corruptionem. Forma enim, quae est terminus generationis, est per se intenta tam a na-

tura universalis, quam a natura particulari; privatio vero est praeter intentionem naturae particularis, est autem secundum intentionem naturae universalis, non quidem ut per se intenta, sed quia sine privatione alterius formae non potest alia forma introduci. Et sic generatio est omnibus modis naturalis; corruptio vero quandoque dicitur contra naturam habito respectu ad naturam particularem, ut dictum est. — Et ex his patet *ad quartum.* — *de Pot.* q. 3, a. 6, ad 19.

(I) ARTICULUS XI

UTRUM EXPULSIO FORMÆ SUBSTANTIALIS PRÆCEDENTIS ET INTRODUCTIO FORMÆ SEQUENTIS SINT IDEM.

Videtur quod expulsio formæ substantialis præcedentis et introductio formæ sequentis sint idem: —

1. quia secundum Philosophum, ut dictum est (supra, a. 9), generatio unius est corruptio alterius; sed eateius est generatio unius, quatenus introducitur in materia forma substantialis; est autem corruptio alterius, quatenus forma præcedens expellitur: ergo introductio formæ sequentis et expulsio præcedentis sunt idem.

2. Praeterea, sicut multiplicato inferiori multiplicatur superius, ita non multiplicato inferiori non multiplicatur superius: ut si est unus homo, est unum animal, si sunt plures homines, sunt etiam plura animalia. Sed mutatio ad motum se habet sicut superius ad inferius; nam omnis motus est mutatio, non e converso. Cum ergo expulsio formæ præcedentis et introductio sequentis sint unus motus, erunt etiam una mutatio, et sic erunt idem. — *de Verit.* q. 28, a. 6, arg. 5.

3. Praeterea, unius agentis in unum et idem subjectum non est nisi una actio; sed agens in materiam, expellendo ab illa formam præcedentem et introducendo sequentem, est unum agens, et idem etiam est subjectum: ergo expulsio formæ præce-

dentis et inductio sequentis sunt idem.

4. Praeterea, quaecumque ita se habent, quod unum potest esse sine altero, non sunt idem; sed introductio formæ potest esse sine expulsione præcedentis, ut patet in prima creatione universi: ergo idem quod prius. — *de Verit.* l. c. arg. 2 *Sed contra.*

Sed contra est, quod multo minus sunt idem expulsio tenebrae et inductio lucis, quam expulsio formæ substantialis præcedentis et introductio sequentis; sed expulsio tenebrae et introductio lucis sunt mutationes naturaliter inter se distinctæ: ergo et idem erunt expulsio substantialis formæ præcedentis et introductio sequentis. — *Ibid.* arg. 2. et c.

RESPONDEO DICENDUM, quod expulsio formæ substantialis præcedentis et introductio formæ sequentis sunt duæ mutationes realiter distinctæ, sed sunt unus motus. Et quidem quod sint *duæ mutationes* realiter inter se distinctæ, sic patet. Mutationes enim penes terminos distinguuntur; introductionis autem formæ sequentis terminus est formam sequentem inesse, expulsionis vero formæ præcedentis terminus est formam præcedentem non esse. Est autem oppositorum quantum ad hoc attendenda triplex differentia. Nam *primo*, quædam opposita sunt, quorum alterum tantum est natura quædam, reliquum vero non est nisi remotio vel negatio ipsius, sicut patet in oppositis secundum affirmationem et negationem vel secundum privationem et habitum. Et in talibus negatio oppositi, quod ponit naturam aliquam, est alicujus rei, negatio vero alterius oppositi non est realis, quia non est alicujus rei; est enim negatio negationis, quæ est alterius oppositi. Et ideo hæc negatio negationis nihil differt secundum rem a positione alterius; unde secundum rem idem est generatio albi et corruptio non albi. Sed quia negatio, quamvis non sit res naturæ, est tamen res rationis, ideo negatio negationis secundum rationem seu secundum nostrum modum intellegendi est aliud a positione affirmationis. Et sic corruptio non albi secundum modum intellegendi est aliud quam gene-

(I) Hic articulus, sicut et duo sequentes, in editione Ticiensi reperiuntur in appendice ad Secundam Secundæ huius *Summæ Philosophicae*.

ratio albi; et idem dico de generatione ignis ex non igne, et corruptione non ignis. Et ideo si negatio formæ nihil reale ponit distinctum a forma negata secundum rem, corruptio privationis et introductio formæ idem sunt secundum rem, non tamen secundum rationem.

Secundo, opposita quædam sunt, quorum alterum quidem dicit negationem oppositæ formæ realis et positivæ; verum haec negatio non solum importat ablationem formæ, sed etiam ponit impedimentum positivum et reale: sicut umbra non solum dicit ablationem lucis, sed etiam ponit corpus impediens; unde negatio umbræ debet importare et negationem tenebrae et ablationem interpositi corporis impeditis; et ideo ablato umbræ et privatio luminis sunt mutationes realiter distinctæ.

Tertio demum, quædam opposita sunt, quorum utrumque ponit naturam aliquam, ut album et nigrum, ignem et terram, et in talibus oppositis negatio utriusque est negatio realis, id est alicujus rei. Et ideo cum affirmatio non sit negatio, quia non esse nigrum non est idem quod non esse album, sed realiter differunt; ideo corruptio nigri, cuius terminus est non esse nigrum, et generatio albi, cuius terminus est esse album, sunt realiter diversæ mutationes. Et idem dico de corruptione ligni vel terræ, et productione ignis. — *de Verit.* q. 28, a. 6, c.

Quod autem hæ mutationes realiter inter se sint *unus et idem motus* realiter, similiter patet. Nam hoc differunt motus et mutatio, quod motus unus est, quo aliquid affirmative significatum abjicitur, et aliud affirmative significatum acquiritur. Est enim motus de subjecto in subjectum, ut dicitur 5. *Phys.* (text. 7; c. 1). Per subjectum autem intelligitur hoc aliquid affirmative significatum et monstratum, ut album et nigrum. Unde unus motus alterationis est, quo album abjicitur et nigrum acquiritur; sed in mutationibus, quæ sunt generatio et corruptio, aliter est. Nam generatio est mutatio de non subjecto in subjectum, ut de non albo in album; corruptio vero est mutatio de

subjecto in non subjectum, ut de albo in non album. Et ideo in abjectione unius affirmati et adeptione alterius oportet duas mutationes intelligi, quarum una sit generatio et alia corruptio vel simpliciter vel secundum quid. Sic ergo si in transitu, qui est de una forma in aliam sive substantiali sive accidentali, consideratur ipse motus, idem motus significatur per ablationem unius et inductionem alterius, non autem significatur eadem mutatio, sed diversa, tamen se invicem comitantes, quia generatio unius non est sine corruptione alterius. Et sic patet expulsionem unius formæ et introductionem alterius esse quidem unum et eundem motum, sed esse mutationes realiter inter se diversas. — *Ibid.* a. 1, c.

Ad primum ergo dicendum, quod generatio unius dicitur esse corruptio alterius a Philosopho per concomitantiam, quia de necessitate sunt simul; vel per unitatem motus, qui ad has duas mutationes terminatur. — *de Verit.* q. 28, a. 6, ad 5.

Ad secundum dicendum, quod dupliciter sumi potest mutatio: *uno modo* logice, ut est genus ad motum et mutationem specifice sumptam, quomodo nihil aliud est quam transitus a termino in terminum, quomodoque se habeant hi termini, sive affirmative sive negative. *Altro modo* specifice et physice, ut est distincta a motu, quomodo est transitus a subjecto in non subjectum, vel a non subjecto in subjectum. Si priori modo sumitur, sicut expulsio formæ praecedentis et introductio sequentis sunt unus motus, ita et sunt una mutatio. Si vero sumitur posteriori modo, licet sint unus motus realiter, non tunc sunt una realis mutatio, sed due inter se realiter distinctæ. — *de Pot.* q. 3, a. 2, c.

Ad tertium dicendum, quod unitas actionis arguit unitatem motus, non autem unitatem mutationis ob differentiam inter motum et mutationem mox allatam.

Ad quartum dicendum, quod de ratione mutationis est, hoc esse post hoc circa aliquid idem, quod non est in creatione. — *de Pot.* l. c. in c. et ad 1; la, q. 45, a. 2, ad 2.

ARTICULUS XII

UTRUM EXPULSIO FORME SUBSTANTIALIS
PRAECEDENTIS SIT NATURALITER PRIOR
QUAM INTRODUCTIO FORME SEQUENTIS.

Videtur quod in generatione compositi substantialis expulsio formae substantialis praecedentis sit naturaliter prior introductione formae sequentis : —

1. quia prius est ordine naturae intelligere recipiens, quam ipsum receptum; sed forma non recipitur nisi in propria materia: ergo prius est intelligere materiam primam propriam, quam receptionem formae. Sed ad hoc quod materia sit propria alicui formae, requiritur quod sit denudata a forma contraria; ergo prius naturaliter materia denudatur ab una forma, quam recipiat aliam; et sic naturaliter erit prior expulsio formae praecedentis quam introductio sequentis. — *de Verit.* q. 28, a. 7. arg. 2.

2. Sed dices, quod forma adveniens, secundum quod habet respectum ad agens naturale illam inducens, est prior naturaliter quam expulsio formae praecedentis. — Sed contra, in introductione formae substantialis sequentis includitur respectus ad suum subjectum, in quo introducitur; si ergo secundum hunc respectum ad subjectum est posterior, videtur quod simpliciter introductio formae sequentis sit posterior naturaliter expulsione formae praecedentis. — *Ibid.* arg. 3.

3. Sed dices, quod forma sequens habet duplicum respectum: unum, secundum quod informat subjectum, et quantum ad hunc respectum est posterior quam expulsio formae praecedentis; aliud, quo formam expellat a subjecto, et sic introductio formae sequentis praecedit expulsionem formae praecedentis. — Sed contra, forma sequens expellit praecedentem ratione oppositionis, quam habet ad ipsam; opposita autem mutuo se expellunt ex hoc quod non patiuntur se in eodem subjecto: ergo ex hoc ipso quod forma sequens informat subjectum, expellit aliam; et sic non potest esse,

quod forma sequens secundum respectum quem habet ad subjectum quod informat, sit posterior, et secundum respectum quem habet ad formam praecedentem quam expellit, sit prior. — *Ibid.* arg. 4.

4. Praeterea, esse rei naturaliter prius est quam agere ipsius; sed forma, materialis praesertim, cum non subsistat ejus esse, est inexistere: ergo prior est naturaliter respectus quem habet forma sequens ad subjectum quod informat, quam respectus quem habet ad formam contrariam quam expellit, et sic praedicta responsio non videtur posse consistere. — *Ibid.* arg. 5.

5. Praeterea, non contingit formas contrarias esse simul; sed forma praecedens et forma sequens sunt contrariae: ergo oportet quod forma praecedens intelligatur expulsa, anteqnam nova facta introducatur; ergo expulsio formae naturaliter praecedit introductionem novae. — *Ibid.* arg. 6.

6. Praeterea, secundum ordinem effectuum est ordo causarum; sed effectus expulsionis formae praecedentis est materiam esse denudatam ab omni forma; effectus autem introductionis formae sequentis est materiam habere talem formam specificam; prius autem naturaliter est materiam esse denudatam ab omni forma, quam habere talem formam: ergo expulsio formae praeteritae est naturaliter prior forma sequente. — *Ibid.* arg. 7.

7. Praeterea, si successive forma inducatur, ut contingit in successiva combustione chartae, prius tempore removetur forma praecedens, quam inducatur sequens, ut patet similiter in dealbatione, in qua prius natura agens removet nigredinem quam inducat albedinem; sed per hoc quod agens in instanti inducit formam substantialem, removetur tantum ordo temporis, non naturae: ergo naturaliter prius est expulsio formae praecedentis quam introductio formae sequentis. — *Ibid.* arg. 13.

8. Praeterea, in quolibet motu recessus a termino *a quo* naturaliter praecedit accessum ad terminum *ad quem*, vel tempore, si sit motus successivus, vel natura, si sit mutatione subita; sed in productione compositi

substantialis forma præcedens est terminus *a quo*, et forma sequens est terminus *ad quem*: ergo expulsio formæ præcedentis naturaliter præcedit introductionem formæ sequentis. — *Ibid.* arg. 9; 4. *Sent.* dist. 17, q. 1, a. 4, quæstiunc. 1, arg. 3.

Sed contra: 1. Causa naturaliter præcedit effectum; sed forma sequens est causa destructionis formæ præcedentis non nisi secundum quod est introducta: ergo introductio formæ sequentis prior est expulsione formæ præcedentis. — 4. *Sent.* I. c. arg. 1. *Sed contra:* *de Verit.* q. 28, a. 7, arg. 4. *Sed contra.*

2. Praeterea, agens naturale non expellit formam contrariam a materia nisi per hoc quod inducit similitudinem suæ formæ in materia; ergo inductio formæ est prior expulsione. — *de Verit.* I. c. arg. 2. *Sed contra.*

3. Praeterea, forma sequens producendo introduceitur, et introducendo produceatur; sed productio formæ est prior naturaliter, quam expulsio formæ præcedentis: ergo introductio formæ sequentis naturaliter præcedit expulsionem formæ præcedentis. — *de Verit.* I. c. arg. 4. *Sed contra.*

4. Praeterea, agens naturaliter est prius paciente; sed in generatione compositi substantialis forma sequens se tenet ex parte agentis, forma præcedens ex parte patientis seu recipientis: ergo prius naturaliter est introductio formæ sequentis, quam expulsio formæ præcedentis. — *de Verit.* I. c. arg. 5. *Sed contra.*

RESPONDEO DICENDUM, quod omnis prioritas secundum ordinem naturæ aliquo modo reducitur ad ordinem causæ et causati, quia principium et causa sunt idem; in quolibet autem genere causæ causa naturaliter est prior causato. Contingit autem secundum diversa genera causarum idem respectu ejusdem esse causam et causatum, sicut ambulatio in genere causæ efficientis est causa sanationis, et sanatio in genere causæ finalis est causa ambulationis. Similiter in genere causæ materialis materia est causa formæ, quatenus sustinet et quasi sustentat formam; et forma est aliquo modo

causa materiae, quatenus dat materia esse actu, seu facit illam esse actu secundum genus cause formalis. Ex parte autem causæ materialis se tenet secundum quandam reductionem omnino illud, per quod materia efficitur propria hujus formæ, sicut dispositiones et remotiones impedimentorum; et consequenter expulsio formæ præcedentis, ne sequens forma introducatur; et motus, per quem expellitur talis forma, nam motus est actus existentis in potentia; et similiter privatio formæ sequentis, nam ratione hujus materia numerabilis, est, ut inquit Philosophus (*I. Phys. tert.* 66; c. 7).

Verum licet aliquid possit esse prius et posterius altero in diverso genere cause, quia tamen illud est simpliciter dicendum prius altero ordine nature, quod est prius secundum illud genus causæ, quæ est prior in ratione causalitatis (sicut finis dicitur prior naturaliter omnibus causis et causa omnium causarum, quia a causa finali omnes aliae causæ recipiunt, quod sint causæ, quia efficiens non agit nisi propter finem, et ex actione efficientis forma perficit materiam, et materia sustinet formam); — ideo in generatione naturali compositi substantialis, in qua una forma expellitur a materia, et alia inducitur, simpliciter dicendum est, quod (licet expulsio formæ præcedentis sit naturaliter prior in ratione causæ *materialis*; et in ratione causæ *formalis* naturaliter sit prior introductio formæ sequentis; quia tum forma et finis in *idem numero* coincidunt, forma vero et agens in *idem specie*) ideo tam in ordine causæ efficientis quam finalis, atque adeo *simpli-citer* introductio formæ sequentis naturaliter præcedit expulsionem formæ præcedentis: in ordine quidem *efficiutis*, quia forma introducta est similitudo formæ agentis, per quam agens agit; in ordine vero causæ *finalis*, quia natura principaliter intendit introductionem formæ, et ad hanc ordinat expulsionem omnis ejus, cum quo non potest stare forma introducta. — 4. *Sent.* dist. 17, q. 1, a. 4, sol. 1; *de Verit.* q. 28, a. 7, c. et ad 9.

Ad primum ergo dicendum, quod ratio

illa procedit secundum ordinem causæ materialis, secundum quem in respectu ad subjectum introductio formæ sequentis est posterior expulsione formæ præcedentis. — *de Verit.* q. 28, a. 7, ad 2. — Unde patet *ad secundum*.

Ad tertium dicendum, quod objectio illa procedit secundum ordinem causæ formalis; formaliter enim forma sequens inhaerendo expellit præcedentem. — *Ibid.* ad 4.

Ad quartum dicendum, quod forma sequens non expellit præcedentem effective, sed formaliter; unde non est prius, quam expellat præcedentem. — *Ibid.* ad 5, et a. 8, c.

Ad quintum dicendum, quod forma contraria sequens expellit formaliter præcedentem, et ideo in genere *causæ formalis*, et *simpliciter*, est prior ordine naturæ expulsione formæ præcedentis, ut dictum est (in c.).

Ad sextum dicendum, quod genera se habent per modum materiæ in comparatione ad species, et ideo prius tantum est in genere causæ materialis, quod materia sit denudata a forma præcedente, quam quod habeat sequentem. — *Ibid.* ad 7.

Ad septimum dicendum, quod si agens successive introduceret formam substantiali-lem, expulsio formæ præcedentis esset *tempore* prior, sed posterior *natura*. Ordo enim temporis sequitur ordinem motus et materiæ, secundum quem modum Philosophus dicit, quod in eodem actus posterior est tempore quam potentia, sed natura prior; quia secundum illud dicitur aliquid simpliciter natura prius, quod est prius secundum ordinem causæ finalis. — *Ibid.* ad 13.

Ad octarum dicendum, quod recessus a termino *a quo* est prior in via generationis et motus, cum reducatur ad ordinem materiæ; nam, ut dictum est (supra q. 47, a. 1 et 3), motus est actus existentis in potentia; sed accessus ad terminum *ad quem* est prior secundum ordinem causæ finalis. — *Ibid.* ad 9.

Vel dic ut la 2æ, q. 413, a. 8, ad 1.

ARTICULUS XIII

UTRUM EXPULSIO FORMÆ PRÆCEDENTIS ET INTRODUCTIO SEQUENTIS SINT IN INSTANTI.

Videtur quod expulsio formæ præcedentis et introductio sequentis non sint in instanti:

1. quia forma sequens non introducitur in materia nisi dispositam; sed inter alias dispositiones una est, quod materia sit denudata a quacunque forma, quia due formæ non possunt esse simul in materia: ergo sequens non introducitur in materia, nisi jam sit ab illa expulsa forma præcedens; et sic expulsio illius et introductio alterius formæ non erunt simul. — 4. *Sent.* dist. 17, q. 4, a. 5, quæstiunc. 2, arg. 1; *de Verit.* q. 28, a. 9, arg. 7.

2. Præterea, forma sequens expellit præcedentem; sed nihil agit nisi postquam est, forma autem sequens non prius est quam insit: ergo oportet quod forma sequens prius insit in materia, quam forma præcedens expellatur; et ita non erunt simul expulsio formæ præcedentis et introductio sequentis. — 4. *Sent.* l. c. arg. 2; *de Verit.* l. c. arg. 5 et 7.

3. Præterea, forma sequens et præcedens non sunt in eodem instanti in materia, quia contraria non sunt simul in eadem; ergo instans in quo ultimo est forma præcedens, est aliud ab illo instanti in quo primo est forma sequens; sed inter quælibet duo instantia est tempus medium: ergo prius tempore expellitur forma præcedens a materia, quam sequens introducatur. — 4. *Sent.* l. c. arg. 3.

4. Præterea, in qualibet mutatione necesse est ponere duos terminos, scilicet terminum a quo et terminum ad quem; sed cujuslibet contrarietatis duo termini sunt incontingentes, id est qui non possunt simul esse: ergo expulsio formæ præcedentis, et introductio sequentis in generatione compositi substantialis se habent secundum prius et posterius, et sic non erunt in eodem instanti. — *de Verit.* l. c. arg. 9.

5. Præterea, nihil quod prius est in fieri quam in facto esse, sit in instanti; sed

forma sequens prius est in fieri quam in facto esse. Nam in permanentibus, quod fit non est, cum vero factum est iam est; forma autem substantialis cum sit in generatione permanentium, si simul fit et facta est, simul est et non est, quod est impossibile. Ergo introductio formae sequentis non est in instanti, scilicet cum expulsione formae praecedentis. — *Ibid.* arg. 10.

Sed contra: 1. Inter prius et posterius temporis cadit medium tempus; sed postquam forma praecedens expulsa est materia, non est in ipsa, nec forma sequens inest materie antequam in illam introducatur; ergo si prius tempore forma praecedens expellitur, quam sequens introducatur, erit aliquod tempus, in quo materia utraque forma carebit, quod est impossibile. — 4. *Sent.* l. c. arg. 1 *Sed contra.*

2. Praeterea, terminus cuiuslibet motus est in instanti; sed tam expulsio formae quam introductio alterius est terminus motus alterationis, ut dicit Commentator (6. *Phys.* text. 45; c. 5); ergo sunt in eodem instanti. — *Ibid.* arg. 2 *Sed contra.*

RESPONDEO DICENDUM, quod expulsio formae dicit terminum motus illius qui est ad corruptionem ordinatus; et introductio formae dicit similiter terminum motus illius qui praecedit generationem; quia tam generatio quam corruptio sunt termini motus; omne autem quod movetur, quando est in termino motus, disponitur secundum illud ad quod motus ordinatur; et ideo cum motus corruptionis tendat in non esse, generationis vero ad esse: quando forma introducetur, forma est; quando autem expellitur, non est. Et quia introduci forma dicitur, quando primo est, expelli autem in primo non esse; non potest materia sine forma hac vel illa esse; et ideo simul est ibi expulsio unius formae et introductio alterius; ac proinde utraque est in eodem instanti. — 4. *Sent.* dist. 17, q. 4, a. 5, sol. 2.

Ad primum ergo dicendum, quod sicut albedo nunquam est in non albo, quia sua praesenti a facit album; ita forma sequens nunquam est in materia indisposita, quia

sua praesentia tollit impedimentum formae praecedentis, quod pertinet ad dispositionem materiae; unde simul est materia disposita ad formam sequentem et habens formam sequentem. — 4. *Sent.* l. c. ad 1; *de Verit.* q. 28, a. 9, ad 5 et 7.

Ad secundum dicendum, quod forma sequens non agit ad destructionem formae praecedentis per modum causae efficientis, sed per modum causae formalis, que simul est cum suo effectu formali, qui est esse hoc et non esse contrarium. — 4. *Sent.* l. c. ad 2.

Ad tertium dicendum, quod non est assignare ultimum instans in quo forma praecedens est, sed primum in quo non est; sed est assignare primum instans, in quo est forma sequens. — *Ibid.* ad 3.

Ad quartum dicendum, quod quando aliqua mutatio dicitur esse in instanti, non intelligitur, quod duo termini ejus sint in instanti (hoc enim est impossibile, cum omnis mutatio sit inter terminos oppositos, per se loquendo); sed intelligitur, quod transitus de uno termino in aliud est in instanti, quod maxime contingit, quando inter terminos motus non datur medium, ut est in proposito. — *de Verit.* l. c. in c. et ad 9.

Ad quintum dicendum, quod fieri alienus rei permanentis potest accipi duplicitate: *uno modo* proprie, et sic dicitur res fieri, quandiu durat motus, cuius terminus est rei generatio; et sic quod fit, non est in permanentibus, sed fieri est rei per successionem, secundum quod Philosophus dicit (6. *Phys.*), quod fit, siebat et fiet. *Altio modo* dicitur fieri improprie, ut scilicet dicatur aliquid fieri in illo instanti, in quo primo factum est: et hoc ideo, quia illud instans, in quantum est terminus prioris temporis, in quo siebat, usurpat sibi hoc quod priori tempori debetur. Et sic non est verum, quod id quod fit, non est; sed quod nunc primo est, et ante hoc non erat. Et sic est intelligendum, quod in his quae finni subito, simul est fieri et factum esse. — *Ibid.* ad 10.

QUÆSTIO XXXVI

DE ALTERATIONE.

Deinde considerandum est de alteratione.

CIRCA QUAM QUERUNTUR NOVEM:

1. Utrum recte definitur a Philosopho alteratio.
2. Utrum alteratio sit tantum ad tertiam speciem qualitatis.
3. Utrum aliqua qualitas possit intendi et remitti.
4. Utrum intensio fiat per additionem.
5. Utrum alteratio sit motus continuus.
6. Utrum in motu alterationis sit tantum unus motus, recessus a frigore et accessus ad calorem.
7. Utrum qualitates summe intense possint esse in eodem subjecto.
8. Utrum qualitates remissæ possint esse in eodem subjecto.
9. Utrum indivisible possit alterari.

ARTICULUS I

UTRUM RECTE TRADITA SIT A PHILOSOPHO
DEFINITIO ALTERATIONIS.

Videtur quod definitio alterationis non sit a Philosopho recte tradita, quod sit transmutatio, manente eodem sensibili subjecto, in passionibus aut contrariis.

1. Alteratio enim habet duos terminos, nimirum qualitatem et formam substantialem; nam in eodem instanti terminatur ad utramque; sed motus quilibet debet definiri in ordine ad suum terminum, ut dictum est (supra q. 22, a. 5): ergo alteriam ale definitur, quod sit transmutatio secundum passiones. — *Tabula Aurea* voce «alteratio» n. 5 et 6.

2. Praeterea, alteratio corruptiva corrumpt totum subjectum; si enim nimirum calefiat aqua, ipsa corrumpitur, et ex ea generatur aer vel aliquid aliud: ergo male definitur alteratio, quod sit mutatio manente subjecto eodem. — *Tabula Aurea* l. c. n. 3.

3. Praeterea, nomine passionum et contrariorum intelligit Philosophus qualitates sensibiles, puta calidum et frigidum, album et nigrum, et similes; sed alteratio fit etiam

in aliis accidentibus; est enim etiam in intellectu angeli, cum successive plura intelligit; hic enim motus non nisi ad alterationem revocari potest: ergo male a Philosopho definitur alteratio, quod sit in passionibus et contrariis. — 1. *de Generat.* l. 10; *Sent.* dist. 37, q. 4, a. 1. c. et ad 2.

Sed contra est auctoritas Philosophi (1. *de Generat.* text. 23; c. 4) definientis alterationem, quod sit transmutatio, manente eodem sensibili subjecto, in passionibus vel contrariis. — 1. *de Generat.* l. 10.

RESPONDEO DICENDUM, quod aliud est subjectum, aliud passio, quæ nata est dici de subjecto; differunt enim sicut substantia et accidens; nam subjectum est substantia, passio vero est accidens. Circa utrumque autem contingit esse transmutationem; nam quandoque fit in ipsa substantia, quando nimirum materia accipit aliam formam substantialem, ita ut non maneat aliquod sensibile, quasi idem subjectum numero ens actu, ut quando ex toto semine generatur totus sanguis. Quandoque autem fit in accidentibus, quod est quando manet idem subjectum sensibile, quia scilicet nulla fit transmutatio in ejus substantia, sed tantum in ejus passionibus seu qualitatibus. — 1. *de Generat.* l. 10.

Ad primum ergo dicendum, quod *alteratio* dicitur talis a primo termino, qui est qualitas, dicitur vero *generatio* a secundo termino, qui est forma substantialis. — 6. *Phys* l. 8; *Tabula Aurea* l. c. n. 5.

Ad secundum dicendum, quod alteratio dicitur corruptiva per accidens, quatenus per alterationem producitur aliquid, cum quo non potest consistere, ut dictum est.

Ad tertium dicendum, quod alteratio sumitur dupliciter: *uno modo* communiter, pro quacunque receptione rei; et hoc modo convenit angelis, quandocunque successive plura intelligunt; *alio modo* proprie pro receptione passibilis qualitatis, ad cuius adventum alia qualitas recedit, et hoc modo sumitur a Philosopho, cum illam definit in 1. *de Generat.* (text. 23; c. 4). — 1. *de Generat.* l. 10.

ARTICULUS II

UTRUM ALTERATIO SIT TANTUM AD TERTIAM SPECIEM QUALITATIS.

Videtur quod alteratio non sit tantum ad *tertiam speciem* qualitatis.

1. Dicit enim Philosophus (*1. de Generat. tert. 23; c. 4*) alterationem definitam esse ad sanitatem et ægritudinem; sed haec qualitates pertinent ad *primum speciem*; ergo alteratio non est tantum ad *tertiam speciem*. — *1. de Generat. l. 10*.

2. Praeterea, dicit Philosophus (*7. Phys. text. 11; c. 2*), quod omne quale ex eo alteratur, quia sensibile est; et inter sensibiles qualitates, quas statim enumerat, ponit illas, quæ non sunt in *tertia specie* qualitatis, ut sonum, qui est in *prima specie*; ergo alteratio non est tantum ad *tertiam speciem* qualitatis. — *7. Phys. l. 4*.

3. Praeterea, qualitates quartæ speciei, ut forma et figura, de novo removentur et de novo acquiruntur; non enim hoc videtur sine mutatione posse contingere; sed mutatio secundum qualitatem est alteratio, ut dicit Philosophus (*5. Phys. text. 18; c. 2*): ergo alteratio non est tantum ad *tertiam speciem* qualitatis. — *7. Phys. l. 5; 5. Phys. l. 4*.

4. Praeterea, potentia vel impotentia naturalis non acquiruntur nec removentur, nisi transmutata natura; sed haec transmutatio non fit nisi per alterationem: ergo alteratio tantum est ad *tertiam speciem* qualitatis. — *Phys. l. 5*.

Sed contra est, quod Philosophus (*7. Phys. text. 45; c. 3*) probat, quod alteratio tantum est ad qualitates *tertiae speciei* — *7. Phys. l. 5*.

RESPONDEO DICENDUM, quod in qualitatibus primæ, secundæ et quartæ speciei non est alteratio primo et principaliter, sed secundario, quia hujusmodi qualitates consequuntur quasdam alterationes primarum qualitatum; sicut patet, quod cum materia subjecta densatur aut rarescit, sequitur mutatio secundum figuram; et similiter cum calefit aut frigescit, sequitur mutatio secun-

dum sanitatem et ægritudinem, quæ pertinent ad primam speciem qualitatis; rarum autem et densus, calidum et frigidum sunt sensibiles qualitates. Et sic patet, quod non est alteratio ad qualitates *prime* et *quartæ speciei* primo et per se.

Quod praeterea confirmatur, et de *quarta* quidem *specie* manifestum est ex hoc quod in his quæ alterantur subiectum et passio æqualiter de invicem praedicantur, quia dicimus æs esse humidum, aut forte calidum, et e converso humidum vel calidum dicimus esse æs; et similiter dicimus hominem esse album, et album esse hominem. At in formis et figuris materia non æqualiter dicitur cum ipsa figura, ita quod alterum de altero dicatur in principali et recto, sed solum denominative materia praedicatur de forma et figura. Praeterea, quia ridiculum est dicere, quod homo vel domus vel quidquid aliud alteretur ex hoc ipso quod accipit finem suæ perfectionis; puta si domus perficitur per hoc quod tegitur, vel per hoc quod lateribus ornatur aut cooperitur, ridiculum est dicere, quod domus alteretur, quando cooperitur aut lateratur. Item manifestum est, quod alteratio non est eorum quæ fiunt, in quantum fiunt, sed unumquodque perficitur et fit, in quantum accipit formam propriam et figuram. Non est ergo alteratio in acceptione figuræ et formæ.

Neque etiam est alteratio in *prima specie*. Neque enim est in habitibus corporeis. Nam hi sunt quaedam virtutes et malitia. Virtus enim universaliter cuiuslibet rei est, quæ bonum facit habentem et opus ejus bonum reddit. Unde virtus corporis dicitur, secundum quam bene se habet et bene operatur, ut sanitas; et contra autem est de malitia, ut de ægritudine. Omnis autem virtus et malitia dicuntur *ad aliquid*, ut patet inductione. Nam sanitas, quæ est virtus quædam corporis, est quædam commensuratio calidorum et frigidorum, quæ fit secundum debitam proportionem humorum, ex quibus componitur corpus, ad invicem et ad totum corpus; et similiter pulchritudo et macies dicuntur *ad aliquid*, non ita quidem, quod hujusmodi habitus et dispositiones hoc ip-

sum, quod sunt, ad aliquid sint, quia sic non essent in genere qualitatis, sed relationis, sed quia eorum ratio ex aliqua relatione dependet. Quia ergo in *ad aliquid* non est motus, neque generatio, neque alteratio, ut docet Philosophus (5. Phys.), neque ad hujusmodi habitus corporis erit alteratio primo et per se; sed eorum transmutatio consequitur aliquam priorem alterationem calidi et frigidi, aut alienus hujusmodi; sicut etiam relationes esse incipiunt per consequentiam ad reliquos motus.

Neque etiam alteratio primo et per se reperitur in habitibus spiritualibus. Non enim in *appetitivis*, puta in virtute et malitia, quia nihil dicitur alterari, ut dictum est, quando perficitur, et eadem ratione neque quando corrumpitur; sed virtus quedam perfectio est, malitia vero corruptio: ergo secundum virtutem et malitiam non est alteratio primo et per se, sed tantum secundario, quatenus acceptio et remissio virtutis consequitur aliquam alterationem praecedentem, puta qua passiones vel totaliter removentur vel modificantur. — Neque in *intellectivis*, ut in scientia. Non enim in usu scientiae acceptae. Nam ex quo in parte intellectiva non est alteratio, non potest dici, quod ipse actus scientiae, qui est consideratio, sit generatio. Neque in acceptione scientiae, quia quidquid advenit alicui per solam quietationem et residentiam aliquarum perturbationum vel motionum, non advenit per generationem vel alterationem. Sed scientia, quae est cognitio speculativa, et prudentia, quae est ratio practica, adveniunt animae per quietationem et residentiam corporalium motionum et sensibilium passionum; non ergo scientia et prudentia adveniunt animae per generationem vel alterationem.

Neque denum est alteratio primo et per se in *secunda specie*, puta in potentia et impotentia naturali, quia manifestum est, quod haec non accipiuntur aut removentur nisi transmutata natura, quod fit per alterationem. — Unde manifestum est quod tantum ad *tertiam speciem* qualitatis est

primo et per se alteratio. — 7. Phys. l. 5 et 6; 1. de Cœlo l. 7.

Ad primum ergo dicendum, quod alteratio primo et per se terminatur ad qualitates *tertiae* speciei, secundario vero ad qualitates *primæ*, *secundæ* et *quartæ* speciei, ut dictum est. — 1. de Generat. l. 40.

Ad secundum dicendum, quod alteratio sumitur loco citato a Philosopho late, prout comprehendit tam eam, quae terminatur ad qualitates habentes esse fixum et permanens, quam eam, quae terminatur ad qualitates in quadam immutatione consistentes. — 2. de Animali. 46

Ad tertium dicendum, quod alteratio est ad qualitates primæ, secundæ et quartæ speciei secundario et minus principaliter, non autem primo et per se, ut dictum est (in c.). — Et sic patet *ad quartum*.

ARTICULUS III

UTRUM ALIQUA QUALITAS POSSIT INTENDI ET REMITTI.

Videtur quod nulla qualitas possit intendi et remitti.

1. Intensio enim est quoddam augmentum; intendi enim aliquid est recipere magis, quod est augeri; sed augmentum est circa quantitatem, ut dicitur 5. Phys. (text. 18; c. 2): ergo cum qualitas non sit quantitas, non poterit augeri, et per consequens nec intendi aut remitti. — *Tabula Aurea* voce «intensio» n. 4; 1a 2æ, q. 52, a. 1, arg. 1; *de Virtut. in comm. a. 14*, arg. 1.

2. Præterea, habitus est perfectio quedam, ut dicitur 7. Phys. (text. 18; c. 3); sed perfectio cum importet finem et terminum, non videtur posse recipere magis et minus, atque adeo intendi: ergo habitus et per consequens prima species qualitatis non potest intendi. — 1a 2æ l. c. arg. 2.

3. Præterea, omne illud cuius ratio consistit in maximo, non potest esse maius vel minus, atque adeo intendi vel remitti; sed ratio habitus, puta virtutis, consistit in maximo; est enim virtus ultimum potentiae, ut Philosophus dicit (1. de Cœlo text. 116; c. 11): ergo videtur quod virtus et per

consequens habitus, qui est prima species qualitatis, non potest intendi et remitti. — *Ia 2æ, q. 66, a. 1, arg. 2.*

4. *Praeterea*, ejus ratio consistit in indivisibili, non potest intendi et remitti; sed ratio formæ et figurae consistit in indivisibili, ut dicit Philosophus in *Prædicam*. (c. 8, de *quali*): ergo forma et figura, atque adeo qualitates quartæ speciei, non possunt intendi et remitti. — *Ia 2æ, q. 52, a. 1, c.*

5. *Praeterea*, eadem est ratio potentiarum naturalium atque formarum specificantium, quas ipsæ consequuntur; sed illæ non suscipiunt magis et minus, ut dicit Philosophus in *Prædicam*. (l. c.): ergo nec naturales potentiae. — *Cfr. Cajetanus in Iam 2æ, q. 52, a. 1. Vide in Logica q. 10, a. 3, ad quest. 5.*

6. *Praeterea*, qualitates tertiae speciei, sicut et aliarum specierum, sunt formæ quædam accidentales; sed forma est simplicissima et invariabilis essentia consistens: ergo nec qualitates tertiae speciei, sicut nec reliquarum specierum, secundum essentiam variantur, et consequenter nec secundum essentiam intenduntur vel remittuntur. — *de Virt. in comm. a. 11, arg. 2.*

Sed contra: 1. Philosophus (4. *Phys. text.* 84: c. 9) dicit, quod per rarefactionem subjectum ex calido fit magis calidum; sed ideo subjectum fit magis calidum, quia calor intenditur et augetur in subjecto: ergo aliquæ qualitates intenduntur et remittuntur. — 4. *Phys. l. 14.*

2. *Praeterea*, virtutes sunt qualitates quædam; sed virtutes intenduntur et remittuntur, sive in eodem subjecto secundum diversa tempora, sive in diversis subjectis, ut patet: ergo aliquæ qualitates intenduntur et remittuntur. — *Ia 2æ, q. 66, a. 1, c.*

RESPONDEO DICENDUM, quod cum nomina sint signa intellectum, ut dicitur 1. *Periherm.* (c. 1), sicut ex magnis notis cognoscimus minus nota, ita etiam ex magis notis minus nota nominamus. Et inde est quod quia motus localis est notior inter omnes motus, ex contrarietate secundum locum derivatur nomen distantiae ad omnia contraria, inter quæ potest esse aliquis motus, ut dicit Philosophus (10. *Metaphys.*).

Et similiter quia motus secundum quantitatem est sensibilior quam motus secundum alterationem, inde est quod nomina convenientia motui secundum quantitatem derivantur ad alterationem. Dicitur autem in *quantitatibus* corporeis aliud magnum, secundum quod ad debitam perfectionem quantitatis perducitur. Unde aliqua quantitas reputatur magna in homine, quæ non reputatur magna in elephante.

Unde et in *formis* dicimus aliud magnum ex hoc quod est perfectum. Perfectio autem formæ duplice potest considerari: uno modo, secundum ipsam formam; alio modo, secundum quod subjectum participat formam. In quantum igitur attenditur perfectio formæ secundum ipsam formam, sic non dicitur ipsa esse parva vel magna, puta magna vel parva sanitas vel scientia. In quantum vero attenditur perfectio formæ secundum participationem subjecti, dicitur magis et minus album et sanum. Non autem ista distinctio procedit secundum hoc quod forma habeat esse praeter materiam aut subjectum, sed quia alia est consideratio ejus secundum rationem suæ speciei, et alia secundum quod participatur in subjecto.

Secundum hoc igitur circa intensionem et remissionem formarum fuerunt *quatuor opiniones* apud philosophos, ut Simplicius narrat in *Comment. de Prædicam*. Plotinus enim et alii *Platonici* ponebant ipsas qualitates suscipere magis et minus, propter hoc quod materiales erant, et ex hoc habebant indeterminationem quandam, propter materiæ infinitatem. *Alii* vero in contrarium ponebant, quod ipsæ qualitates secundum se non recipiebant magis et minus, sed qualia dicuntur magis et minus secundum diversam participationem, puta quod justitia non dicitur magis et minus, sed justum; et hanc opinionem tangit Aristoteles in *Prædicam*. *Tertia* fuit *opinio Stoicorum* media inter has: posuerunt enim, quod aliqui habitus secundum se recipiunt magis et minus, sicuti artes; quidam autem non, sicut virtutes. *Quarta opinio* fuit quorundam dicentium, quod qualitates et formæ immateriales non recipiunt magis

et minus, materiales autem recipiunt.

Ut igitur hujus rei veritas manifestetur, considerandum est, quod illud secundum quod sortitur aliquid speciem, oportet esse fixum et stans et quasi indivisible. Quaecunque enim ad illud attingunt, sub specie continentur; quaecunque autem recedunt ab illo vel in plus vel in minus, pertinent ad aliam speciem vel perfectiorem vel imperfectiorem. Unde Philosophus dicit (8. *Metaphys. text.* 10; l. 7, c. 3), quod species rerum sunt sicut numeri, in quibus additio vel diminutio variat speciem. Si igitur aliqua forma vel quaecunque res secundum se ipsam vel secundum aliquid sui sortitur rationem speciei, necesse est quod secundum se considerata habeat determinatam rationem, quae neque in plus excedere neque in minus deficere possit; et hujusmodi sunt calor et albedo et aliae hujusmodi qualitates, quae non dicuntur in ordine ad aliud, et multo magis substantia, quae est per se ens. Illa vero, quae recipiunt speciem ex aliquo ad quod ordinantur, possunt secundum se ipsa diversificari plus in vel minus; et nihilo minus sunt eadem specie, propter unitatem ejus ad quod ordinantur, ex quo recipiunt speciem; — sicut motus secundum se est intensior et remissior, et tamen remanet eadem species propter unitatem termini, ex quo specificatur. Et idem potest considerari in sanitate. Nam corpus pertinet ad rationem sanitatis, secundum quod habet dispositionem convenientem naturae animalis, cui possunt dispositiones diversae convenientes esse; unde potest variari dispositio in plus vel minus, et tamen semper remanet sanitatis ratio. Unde Philosophus dicit (10. *Ethic. c. 3*), quod sanitas ipsa recipit magis et minus; non enim eadem est commensuratio in omnibus, neque in uno et eodem semper, sed remissa permanet sanitas usque ad aliquid. Hujusmodi autem diversae dispositiones vel commensurationes sanitatis se habent secundum excedens et excessum; unde si nomen sanitatis esset impositum soli perfectissimae commensurationi, tunc ipsa sanitas non diceretur major vel minor.

Sic igitur patet, qualiter aliqua qualitas vel forma possit secundum se ipsam intendi vel remitti, seu augeri et minui, et qualiter non.

Si vero consideremus qualitatem vel formam secundum participationem subjecti, sic etiam inveniuntur quedam qualitates et formae recipere magis et minus, et quedam non. Hujusmodi autem diversitatis causam Simplicius assignat ex hoc quod substantia secundum se ipsam non potest recipere magis et minus, quia est ens per se; et ideo omnis forma quae substantialiter participatur in subjecto, caret intensione et remissione. Unde in genere substantiae nihil dicitur secundum magis et minus. Et quia quantitas est propinqua substantiae, et figura consequitur quantitatem: inde est quod neque etiam in ipsis dicitur aliquid secundum magis et minus. Unde Philosophus dicit (7. *Phys. text.* 15; c. 3), quod cum aliquid accipit formam et figuram, non dicitur alteruri, sed magis fieri. Aliae vero qualitates, quae sunt magis distantes a substantia et conjunguntur passionibus et actionibus, accipiunt magis et minus secundum participationem subjecti.

Potest autem et magis explicari hujusmodi diversitatis ratio. Ut enim dictum est, id a quo aliquid habet speciem, oportet manere fixum et stans in indivisibili. Duobus igitur modis potest contingere, quod forma non participatur secundum magis et minus: *uno modo*, quia participans habet speciem secundum ipsam; et inde est quod nulla forma substantialis participatur secundum magis et minus. Et propter hoc Philosophus dicit (8. *Metaphys. text.* 10; l. 7, c. 3), quod sicut numerus non habet magis et minus, sic neque substantia, quae est secundum speciem, id est quantum ad participationem formae specificae; sed si quidem cum materia, id est secundum materiales dispositiones, invenitur magis et minus in substantia. *Alio modo* potest contingere ex hoc quod ipsa indivisibilitas est de ratione formae. Unde oportet quod si aliquid participat illam formam, quod participet illam secundum rationem indivisibilitatis. Et inde est quod species numeri non dicuntur secundum magis

et minus, quia unaquaque species in eis constituitur per indivisibilem unitatem. Et eadem ratio est de speciebus quantitatis continuae, quae secundum numeros accipiuntur, ut bieubitum et tricubitum; et de relationibus, ut duplum et triplum; et de figuris, ut trigonum et tetragonum. Et hanc rationem ponit Aristoteles in *Predicamentis*, ubi assignans rationem, quare figure non recipiunt magis et minus, dicit, que quidem recipiunt trigoni rationem et circuli, et similiter trigona vel circuli sunt, quia indivisibilitas est de ipsa eorum ratione. Unde quaecunque participant rationem eorum, oportet quod indivisibiliter participant.

Ex his igitur patet, quomodo et quænam qualitates intendantur et remittantur, et quæ non. — Et ex his patet *ad quartam*. — *de Virt. in comm.* a. 11, c.; 1a 2æ, q. 52, a. 1, c.

Ad primum ergo dicendum, quod sicut nomen *magnitudinis* derivatur a quantitatibus corporalibus ad intelligibiles perfectiones formarum et ad qualitates, ita etiam nomen *augmenti*, et per consequens *intensio*, enjus terminus est magnum. — 1a 2æ, 1. c. ad 1; *de Virt. in comm.* 1. c. ad 1.

Ad secundum dicendum, quod habitus quidem perfectio est, non tamen talis, quæ sit terminus sui subjecti, puta dans ei esse specificum; neque etiam in sui ratione terminum includit, sicut species numerorum. Unde nihil prohibet, quin recipient magis et minus. — 1a 2æ, 1. c. ad 2.

Ad tertium dicendum, quod illud ultimum, quod pertinet ad virtutem, potest habere rationem magis vel minus boni, cum non sit indivisible. — 1a 2æ, q. 66, a. 1, ad 2.

Ad quintum dicendum, quod naturales potentiae, quæ consequuntur immutabiliter substantias cum formis specificantibus connumerantur; secus vero quæ mutabiliter, ut durum et molle; hæc enim suscipiunt magis et minus; alteratione enim facta fiet magis molle aut minus. — Cfr. Cajetanus in 1am 2æ, q. 52.

Ad sextum dicendum, quod forma est invariabilis, quia non est variationis subjectum; potest tamen dici variabilis, prout subjectum secundum eam variatum, plus et mi-

nus eam participat. — *de Virt. in comm.* a. 11, ad 2.

ARTICULUS IV

UTRUM INTENSIO QUALITATIS FIAT PER ADDITIONEM SIMILIS FORMÆ.

Videtur quod intensio qualitatis fiat per additionem similis formæ.

Dicit enim Philosophus (3. *de Cœlo* text. 4 et 12; c. 4), quod omnis gravitas major alia gravitate excedit minorem per aliquam gravitatem; sed hoc ideo est, quia per additionem similium fit aliquod majus, et quia gravitas, sicut et levitas et aliae qualitates, ut calor, albedo et similes, sunt divisibles in partes homogeneas; nam omne majus dividitur in æquale et plus: ergo intensio formæ accidentalis fit per additionem similis formæ. — *de Cœlo* l. 3.

2. Praeterea, nomen augmenti a quantitatibus corporalibus transfertur ad formas; sed in quantitatibus corporalibus non fit augmentum sine additione; unde in 1. *de Generat.* (text. 31; c. 5) dicitur, quod augmentum est præexistenti magnitudini additamentum: ergo et in qualitatibus non fit augmentum et intensio nisi per additionem similis formæ. — 1a 2æ, q. 52, a. 2, arg. 1; 1. *Seut. dist.* 17, q. 2, a. 2, arg. 1; 2a 2æ, q. 24, a. 5, arg. 1.

3. Praeterea, qualitas non augetur nisi aliquo agente; sed omne agens aliquid facit in subjecto paciente, sicut calefaciens facit calorem in calefacto: ergo non potest esse intensio vel augmentum in qualitate, nisi aliqua fiat additio similis formæ. — 1a 2æ, q. 52, a. 2, arg. 2.

4. Praeterea, sicut id quod non est album, est in potentia ad album, ita id quod est minus album, est in potentia ad magis album; sed id quod non est album, non fit album nisi per adventum albedinis: ergo id quod est minus album, non fit magis album nisi per aliquam aliam albedinem supervenientem. — 1a 2æ, 1. c. arg. 3.

5. Praeterea, simile simili augetur, ut dicitur in 2. *de Anima* (text. 44; c. 4); ergo si qualitas augetur et intenditur, debet au-

geri et intendi per additionem similis qualitatis. — *de Virt. in com.* a. 11, arg. 6.

6. Praeterea, si qualitas augetur, oportet quod ad aliquam speciem motus ejus augmentum reducatur; sed non potest reduci nisi ad alterationem, quae est motus ad qualitatem: ergo si qualitas intendantur, debet intendi per additionem qualitatis. — *Ibid.* arg. 11.

Sed contra est 1. quod Philosophus dicit (*4. Phys. text.* 84; c. 9), quod ex calido fit magis calidum, nullo facto in materia calido, quod non esset calidum, quando erat minus calidum: ergo pari ratione nec in aliis formis et qualitatibus, quae augentur, est aliqua additio. — 1a 2æ, l. c. arg. *Sed contra.*

2. Praeterea, simplex additum simplici non facit aliquid majus, ut dicitur *3. Phys. (tert.* 59; c. 6); sed qualitas est quid simplex: ergo qualitas non potest intendi et augeri per additionem similis formæ. — 2a 2æ, q. 24, a. 5, arg. *Sed contra;* 1. *Sent. dist.* 17, q. 2, a. 2, arg. 1 *Sed contra.*

RESPONDEO DICENDUM, quod de hoc augmento qualitatum varie locuti sunt philosophi. *Quidam enim* dixerunt, quod qualitates non augentur secundum essentiam, sed secundum quod radicantur fortius in subjecto, vel in quantum ferventius vel intensius operantur; sed hi penitus irrationaliter sunt locuti. Nihil enim est aliud qualitatem aliquam augeri, quam subjectum magis participare qualitatem; non enim est aliquod esse qualitatis, nisi quod habet in subjecto. Ex hoc autem ipso quod subjectum magis participat qualitatem, vehementius operatur, quia unumquodque agit in quantum est actu; unde quod magis est reductum in actum, perfectius agit: ponere igitur quod aliqua qualitas non augeatur secundum essentiam, sed secundum radicationem in subjecto, vel secundum intensionem actus, est ponere contradictionia esse simul. — *de Virt. in com.* a. 11, c.

Et ideo *alii* dixerunt, quod qualitas augetur quidem etiam secundum essentiam, sed ita ut augmentum illius fiat per abditionem. Sed contra hoc est, quia omnis

additio est alienus ad aliquid; unde in omni additione oportet saltem præintelligere distinctionem eorum, quorum unum additur alteri ante ipsam additionem. Si ergo qualitas additur qualitati, oportet præsupponere qualitatem additam, ut distinctam a qualitate cui additur, non quidem ex necessitate secundum esse, sed saltem secundum intellectum. Posset enim Deus etiam quantitatem corporalem augere, addendo aliquam magnitudinem non prius existentem, sed tunc creatam, quæ quamvis prius non fuerit in rerum natura, habet tamen in se unde ejus distinctio intelligi possit a quantitate cui additur. Si ergo qualitas additur qualitati, oportet præsupponere ad minus secundum intellectum distinctionem unius qualitatis ab alia. Distinctio autem in formis est duplex: una quidem secundum speciem, alia secundum numerum. (2a 2æ, q. 24, a. 5, c.) Constat autem, quod non est distinctio secundum speciem, cum omnes calores sint ejusdem speciei, et similiter omnes albedines. Diversitas autem secundum numerum est ex diversitate materiæ; sicut *hæc* albedo differt ab *illa* numero, quia est in diverso subjecto. Unde non potest qualitas addi qualitati, nisi per hoc quod subjectum additur subjecto. Qualitas autem, quæ addi potest, nunquam fuit in alio subjecto antequam in isto; et secundum hoc quod est in isto, non differt numero ab alia qualitate in eodem existente. Unde nullo modo est ibi intelligere additionem. Sed ista positio provenit ex falsa imaginatione, quia augmentum qualitatis imaginati sunt ad modum augmenti corporis, in quo fit additio quantitatis ad quantitatem. — 1. *Sent. dist.* 17, q. 2, a. 2, c.

Et ideo *alii* dicunt, quod augetur secundum intensionem; et hoc sic patet. Ut enim dicit Boethius in libro *de Hebdom.*, quod est, potest aliquid aliud participare, sed ipsum esse nullo alio participat. Et simili ratione nulli formæ potest aliquid addi, quod non sit de essentia ejus. Quod autem additur alicui formæ, ut existens de essentia ejus, variat speciem ejus, sicut sensitiva addita vegetativa mutat speciem; et sic rationalis

addita sensitiva, ita ut sint eadem essentia in composito, sicut unitas addita numero variat illius speciem, ut dicitur 8. *Metaphys.* (*text.*, 10; 1. 7, c. 3). Unde per hunc modum invenitur una forma melior alia, et major in bonitate, secundum quod est in altiori specie constituta. — Relinquitur ergo, quod forma in eadem specie manens non potest augeri per hoc quod sibi fiat additio; sed per hoc quod sit additio subjecto. Que quidem additio quandoque secundum quantitatem intelligitur, sicut cum corpori albo additur aliud corpus album, et per accidens albedo albedini; et sit maius album, sed non magis album, quod non est in proposito; quandoque vero secundum formam, non autem secundum quod subjecto additur aliqua forma secundum speciem. Eadem vero secundum speciem non potest addi, nisi secundum quod magis inest, seu secundum quod subjectum magis ac magis participat qualitatem (Hannibaldus in 1. *Sent.* dist. 17, q. 1, al. 2, a. 2, c.). Magis autem inest, et subjectum magis participat qualitatem, secundum quod potentia subjecti magis terminatur sub actu forme, seu magis reducitur in actu illius, et magis illi subditur; atque adeo, quia illa qualitas, que prius inerat, intenditur secundum propinquitatem ad terminum. — 2a 2o, q. 24, a. 5, c.; 1. *Sent.* dist. 17, q. 2, a. 2, c.

Quod tamen diversimode contingit in qualitatibus simplicibus et compositis, seu primis et secundis. Nam qualitates composite vel secundae intenduntur secundum intensionem qualitatum primarum, sicut sapor et sanitas et alia hujusmodi secundum intensionem caloris et frigoris, humoris et siccitatis. Qualitates autem primae et simples intenduntur ex causis suis, scilicet ex agente et recipiente. Agens enim intendit reducere patiens de potentia in actu suae similitudinis, quantum potest. Sicut autem non calidum est potentia respectu calidi, ita minus calidum est potentia respectu magis calidi. Unde sicut per potentiam calidi efficitur de non calido calidum, non quod ponatur ibi aliquis calor, sed quia ca-

lor, qui est in potentia, educitur in actu; ita etiam efficitur magis calidum per actionem calidi, in quantum educitur calor, qui inerat ut actus imperfectus, in maiorem perfectionem et maiorem assimilationem agentis. Et hoc contingit, secundum quod potentia subjecta actui, que quidem, quantum in se est, ad multa se habet, magis ac magis terminatur ab actu illo, vel quia angetur virtus agentis; sicut ex coniunctione plurium luminarum intenditur illuminatio; vel ex parte ipsius materiae, secundum quod efficitur susceptibilior illius actus; sicut aer quo plus attenuatur, fit susceptibilior luminis. Utroque enim modo qualitates naturales intendi possunt, ad differentiam donorum gratuitorum seu qualitatum infusarum, que non intenduntur priori modo, ex hoc quod virtus agentis fortificatur; sed tantum ex hoc quod natura recipiens, que, quantum in se est, dispositionem quandam habet, secundum quod est in potentia ad plura, magis ac magis preparatur ad susceptionem gratiae, secundum quod ex dicta multitudine, scilicet confusione potentialitatis, in unum colligitur per operationes, quibus ad caritatem suscipiendam preparatur. — 1. *Sent.* dist. 17, q. 2, a. 2, c.; cf. *ibid.* a. 1, c.

Et sic patet, quod augmentum qualitatum infusarum simile est augmento qualitatum naturalium, licet origo harum differat ab origine illarum. Cujus ratio est, quia qualitates naturales educuntur de potentia materiae, quarum inchoationes quasdam materiae Deus operi creationis indidit; et ideo quando in actu procedunt, est exitus de imperfecto ad perfectum. Dona autem gratuita non educuntur quasi de potentia naturae, quia nihil est in potentia naturali, quod per agens naturale educi non possit. Et ideo *origo* gratiae est per novam infusionem; sed *augmentum* ejus est per hoc quod de imperfecto ad perfectum actus infusus educitur (1. *Sent.* 1.c. a. 2, c.); *sicut* similiter, ut dictum est (supra a. 3), contingit in augmento cuiuslibet qualitatis naturalis. Non enim est de ratione intensionis alicujus qualitatis, quod sit per remotionem a contrario; sed hoc accedit qua-

litati, secundum quod inest in subjecto participante contrarium. Sed hoc est de necessitate intensionis, quod qualitas educatur de imperfecto ad perfectum; sicut patet de diaphano, in quo nihil est contrarium luci, quod potest lumen intendi secundum incrementum virtutis illuminantis. Haec autem imperfectio est ex potentialitate ipsius naturae, que subjicitur perfectioni et actui. Cum enim omnis potentia receptiva ad multa se habeat, secundum istam multitudinem ipsius dissimilis est principio agenti, quod est terminatum ad actum unum; et secundum quod ista confusio potentialitatis magis subjicitur actui, perfectior efficitur actus, et ipsum perfectum magis efficitur unum et magis assimilatum principio agenti. Et ex his patet, quomodo intendantur qualitates. — *I. Sent.* 17, q. 2, a. 2, c. et ad 3.

Ad primum ergo dicendum, quod gravitas praecedens non fit major per novam gravitatem simpliciter, sed per novam perfectionem, ratione cuius praecedens gravitas dicitur perfectior, et subjectum simpliciter gravius, ut dictum est (in c.).

Ad secundum dicendum, quod propositio Philosophi intelligitur de augmento corporali, quod fit semper per additionem quantitatis, quia in hac materia ab ipso proponitur. (*I. Sent.* 1. c. ad 1.) — *Vel dic*, quod etiam in magnitudine corporali contingit dupliciter augmentum: uno modo, per additionem subjecti ad subjectum, sicut est in augmentatione viventium; alio modo, per solam intensionem absque omni additione, sicut est in his que rarefiunt, ut dicitur *4. Phys. tert.* 84; c. 9. — Et ratio hujus est, quia quantitas corporalis habet aliquid, in quantum est quantitas, et aliquid, in quantum est forma accidentalis. In quantum est *quantitas*, habet quod sit dissimilis secundum situm, et secundum numerum; et ideo hoc modo consideratur augmentum magnitudinis per additionem, ut patet in animalibus. In quantum vero est *forma accidentalis*, est dissimilis solum secundum subjectum; et secundum hoc habet proprium augmentum, id est aliae formae accidentales, per mo-

dum intensionis ejus in subjecto, sicut patet in his que rarefiunt, ut dictum est ex Philosopho. — *Ia 2æ*, q. 52, a. 2, ad 1; *2a 2æ*, q. 24, a. 5, ad 1.

Ad tertium dicendum, quod causa augens qualitatem facit quidem semper aliquid in subjecto, non tamen novam formam; facit enim, quod subjectum perfectius participet formam praexistentem, aut quod amplius se extendat, ut patet in habitibus. Et ratio hujus est, quia agens non potest efficere in subjecto nisi id, ad quod subjectum est in potentia; postquam autem subjectum recepit formam, non est amplius in potentia ad illam, sed tantum est in potentia ad perfectum participationis modum. — *4a 2æ*, l. c. ad 2 et 3,

Ad quartum dicendum, quod id quod nondum est album, est in potentia ad formam ipsam, tamquam nondum habens formam, et ideo agens causat novam formam in subjecto; sed id quod est minus album aut calidum, non est in potentia ad formam, cum jam actu illam habeat, sed est in potentia ad perfectum participationis modum; et hoc consequitur per actionem agentis. — *Ibid.* ad 3.

Ad quintum dicendum, quod augmentum, quod fit per additionem, est augmentum substantiae quantæ; sic autem qualitas non augetur, ut dictum est. — *de Virt. in com.* a. 44, ad 6.

Ad sextum dicendum, quod motus augmenti qualitatis reducitur ad alterationem, secundum quod alteratio dicitur secundum receptionem et perfectionem. Nihil enim aliud est intendi qualitatem vel formam, quam subjectum habens illam formam moveri de forma imperfecta ad perfectam; hoc autem nihil aliud est, quam subjectum magis reduci in actum. Nam forma vel qualitas actus est; unde subjectum magis percipere formam nihil aliud est, quam ipsum reduci magis in actum illius formæ; et sicut ab agente reducitur aliquid de pura potentia in actum formæ, ita etiam per actionem agentis reducitur de actu imperfecto in actu perfectum. — *Ibid.* ad 44 et in c.

ARTICULUS V

UTRUM ALTERATIO SIT MOTUS CONTINUUS.

Videtur quod alteratio non sit motus continuus.

1. Dicit enim Philosophus (*de Sensu et Sensibili* c. 7, al. 6), quod aer simul totus et in instanti illuminatur; sed illuminatio est alteratio, ut docet Philosophus ibidem; ergo alteratio non est motus continuus. — *de Sensu et Sensibili* I. 16.

2. Sed dices, quod non omnis alteratio est motus continuus, sed illa tantum, quae est inter terminos contrarios. — Contra, productio soni fit per alterationem, ut docet Philosophus (I. c.); sed nihil est contrarium sono: ergo productio soni debet fieri in instanti. — *Ibid.*

3. Praeterea, dicit Philosophus (8. *Phys. tert.* 23; c. 3), quod dicere alterationem continue fieri, est rebus perspicuis admodum adversari: ergo alteratio non est motus continuus. — 8. *Phys.* I. 5.

4. Praeterea, dicit Philosophus ibidem, quod alteratio non est partibilis, licet subjectum, quod alteratur, sit partibile, sed fit secundum plures partes; sed quae ita moventur, non moventur in tempore, sed in instanti; alioqui talis motus deberet dividi secundum divisionem temporis et mobilis, ut dicit Philosophus (in 6. *Phys. tert.* 24 sqq.; c. 3): ergo alteratio non est motus continuus. — 8. *Phys.* I. 5; 6. *Phys.* I. 5.

5. Praeterea, si aliquid alteratur continue in toto aliquo tempore, oportet quod primum alteretur in medio tempore, quam perveniat ad finem temporis; sed cum illud tempus medium sit divisibile, oportet quod etiam alteretur in medio illius medii, et sic in infinitum, cum tempus sit in infinitum divisibile; infinita autem non est transire: ergo alteratio non est motus continuus, nec fit in tempore, sed in instanti. — 6. *Phys.* I. 11.

6. Praeterea, dicit Philosophus (6. *Phys. tert.* 49; c. 5), quod res permanens incipit per primum sui esse; sed qualitas, quae est terminus alterationis, est quid permanens:

ergo incipit per primum sui esse, et consequens per minime sui partem, atque adeo in instanti: non ergo alteratio fit in tempore, atque adeo successive. — 6. *Phys.* I. 7.

7. Praeterea, si alteratio esset motus continuus, sequuntur *multa inconvenientia*: — et *primo* quidem non dari primum esse alterationis, contra Philosophum 6. *Phys. (text.* 49; c. 5), ubi sicut negat dari primum esse in motu locali, et augmentationis, ita illud affirmat de motu alterationis (6. *Phys.* I. 7); — *secundo*, in fine horae qualitatem esse infinite intensam; nam ex infinitis instantibus, que sunt in una hora, in quolibet res secundum qualitatem, puta calorem, est variata; — *tertia*, rem debite applicatam passo non agere in illud in eo instanti, in quo est debite applicata, cum tamen in eo etiam instanti, in quo res incipit esse, possit operari; — *quarto*, non dari minimum qualitatem; nam illa in instanti producitur (cum tamen dari debeat, ut docet Philosophus *de Sensu et Sensibili*, cum detur et maxima, et sint ejusdem rationis summus calor et parvus calor, intensus et remissus); — *postremo*, vel formam accidentalem desinere intrinsee, vel in materia per aliquod tempus inveniri plus quam octo gradus qualitatis. Sequela autem probatur, quia si alteratio, v. g. calefactio, est motus continuus, incipit extrinsee; unde verum est dicere, nunc non est calefactio ligni, sed immedia-
te post erit; at hoc posito sequitur unum ex dictis duobus inconvenientibus. Nam si immediate post erit calefactio, imme-
diate post erit calor, et consequenter imme-
diate post instans non erit frigus
oppositum calori; et proinde sequitur
quod tale frigus nunc ultimo sit; et sic
frigus desinet intrinsee. Quod si dicatur,
quod non ultimo est frigus, sequitur
quod simul erit immediate post hoc instans,
in quo extrinsee ponitur incipere calefa-
ctio et calor, et totum frigus; et sic in ma-
teria erit major latitudo quam octo graduum
qualitatis, quod est falsum. Dicendum est
ergo, quod alteratio non est motus conti-
nuus. — 6. *Phys.* I. 7; Ia, q. 63, a. 5, c.;
de Sensu et Sensibili I. 16.

Sed contra est, quod Philosophus 3. *Phys.* (*text.* 1; *c.* 1) dicit, quod motus est de genere continuorum; et 5. *Phys.* (*text.* 39; *c.* 4), quod omnis motus est continuus; est autem alteratio motus proprie dictus, ut contradistinguitur motus a mutatione, ut patet ex 5. *Phys.* (*text.* 10 et 17; *c.* 2). Et 6. *Phys.* (*text.* 60; *c.* 11) dicit, quod omne quod movetur, in tempore movetur; tempus autem quoddam continuum est et divisibile in infinitum, ut dicitur ibidem: ergo quod alteratur, continue alteratur; nam alteratio est motus. — 3. *Phys.* 1. 1; 5. *Phys.* 1. 7, et 3; 6. *Phys.* 1. 9.

RESPONDEO DICENDUM, quod *duplex* est *alteratio: uno*, cuius termini sunt esse et non esse, vel privatio et forma, et haec est instantanea, nec potest esse successiva. Cuius ratio est, quia tempus alterationis commensuratur distantiae terminorum. Et ideo maius tempus requiritur ceteris paribus ad hoc quod de frigido fiat calidum, quam ad hoc quod de tepido fiat calidum. Et ideo si aliqua extrema sunt, inter quae non s'it accipere medium, oportet quod de uno extremo in aliud fiat transitus absque medio. Contradictio autem est oppositio, cuius non est medium secundum se, ut dicitur in 1. *Poster.* (*text.* 5; *c.* 2); et eadem ratione de privatione, supposita aptitudine subjecti, cum privatio nihil aliud sit quam negatio in subjecto. Unde alteratio et quæcumque mutatio, cuius termini sunt esse et non esse, sit in instanti, et per consequens non est motus continuus.

Altero est, cuius termini sunt contrarii; et haec rursum considerari potest *quadrupliciter: primo*, ratione motus in communi, ut distinguitur contra mutationem; *secundo*, ratione terminorum contrariorum, seu ex propria ratione alterationis, quæ proprie est ad tertiam speciem qualitatis; *tertio*, ratione generationis substantialis, qui est secundus terminus alterationis; *quarto*, ratione mobilis. — Si consideretur alteratio *primo modo*, est motus continuus, seu fit successive et non in instanti; quod ex hoc constare potest, quod termini cuiuslibet *motus* sunt oppositi ad invicem et incontingentes, ut patet in 1. *Phys.* *text.* 44; *c.* 5. Unde opor-

tet quod mobile et alterabile intelligatur, cum prius est in uno termino motus, et posterius in altero, et sic sequitur successio.

Sed transire de uno termino in alterum, in motibus corporalibus contingit duplicitate: *uno modo*, sicut de tempore in instanti; et hoc accedit motibus, quorum termini sunt privatio et forma, inter quæ constat medium non esse; unde non potest sic transire de uno extremo in alterum, ut quandoque in neutro extremorum sit; sicut transitur de instanti in instanti, ita quod in neutro instantium est, sed in medio tempore. Et hujusmodi motus sunt generatio et corruptio, illuminatio et hujusmodi, in quibus oportet dicere, quod unus terminus erat in toto tempore praecedente, et alias in instanti, ad quod tempus terminatur. Hujusmodi autem mutationes sunt termini motus cuiusdam, sicut illuminatio diei est terminus motus localis solis; unde in toto tempore praecedente quo sol movetur ad punctum directe oppositum, erant tenebrae, in ipso vero instanti quo pervenit ad punctum praedictum, est lumen. Et similiter est de generatione et corruptione, quæ sunt termini alterationis. Et quia inter tempus et instantis non cadit aliquod medium, nec est aliquod instantis accipere immediate praecedens ultimum tempus, inde est quod in hujusmodi mutationibus absque omni medio transitur de uno extremo in aliud. Neque est accipere ultimum tempus, in quo fuerit in termino a quo, sed ultimum tempus, quod terminatur ad instanti, in quo est in termino ad quem; et ideo hujusmodi mutationes instantaneæ dicuntur. — *Alio modo* transitur de uno termino motus in alium, sicut de instanti in instanti. Hoc autem esse non potest, nisi quando sunt tales termini motus, inter quos est accipere aliquo modo medium: sicut inter duo instantia est tempus medium, ut patet in loci mutatione, augmentatione et diminutione, et in alteratione. Et hi motus dicuntur continuo propter continuatatem ejus, super quod transit motus, cuius est plus et minus accipere: puta magnitudinis in motu locali, et terminorum in

augmentatione et alteratione. Sicut enim in motu locali tempus commensuratur distantiae magnitudinis, super quam transit motus, et secundum divisionem ejus dividitur, ut probatur 6. *Phys.*, ita etiam in alteratione tempus commensuratur distantiae terminorum; inde majus tempus requiritur, ut dictum est, ceteris paribus, ad hoc quod de frigido fiat calidum, quam ad hoc quod de tepido fiat calidum. — *de Sensu et Sensibili* I. 16; *Quodl.* 9, a. 9; 5. *Phys.* I. 4 et 6; 2. *Sent.* dist. 5, q. 2, a. 1.

Si vero secundo consideretur alteratio ex ratione propria alterationis, seu ex ratione proprii termini ad quem primo et per se est, etiam est motus continuus. Et ratio est, quia alteratio est ad qualitates contrarias, quae successice in subiecto acquiruntur et deperduntur, et ab eodem successice se expellunt. Unde est quod, quia lux non habet contrarium sicut nec forma substantialis, in instanti acquiritur, sicut et forma substantialis. — *de Sensu et Sensibili* I. 16.

Si tertio consideretur ratione generationis, que est secundarius terminus alterationis, est etiam alteratio motus continuus. Et ratio est, quia alteratio non solum habet pro termino qualitatem, sed etiam formam substantialiem. Et ideo generatio, quae terminatur ad formam substantialis productio nem, est terminus alterationis praecedentis. Cum enim generatio fiat in instanti, necessario debet naturalis dispositio ad formam, quae per alterationem praecedentem inducitur, fieri in tempore. Non enim potest ultraque fieri in instanti; nam cum instantia non sint immediata, necessario debet intertrunque instans intercedere tempus. Tempus autem continuum est; ac proinde quae sunt in tempore, continue sunt. — 2. *Sent.* dist. 13, q. 1, a. 3, ad 9; 4. *Sent.* dist. 17, q. 1, a. 2, sol. 1; 6. *Phys.* I. 5 et 8.

Si demum quarto comparetur alteratio ad mobile, non similiter se habet loci mutatio et alteratio, quia loci mutationes rationabiliter pervenient prius ad medium magnitudinis, supra quam est motus, quam ad ultimum, quia in loci mutatione est motus de extre-

mo magnitudinis ad extremum ejus; unde oportet quod mobile in medio temporis pertingat ad medium magnitudinis. Sic sonus quia consequitur quendam motum localem, in quantum scilicet ex percussione cuncte somni commovetur aer usque ad auditum, prius pervenit ad medium, quam ad auditum. Sed in his que alterantur non similiter se habet. Termini enim alterationis non sunt ipsa extrema magnitudinis. Et ideo non oportet quod tempus alterationis, per se loquendo, commensuretur aliqui magnitudini, ita quod in medio temporis motus perveniat ad medium magnitudinis super quam fit motus; quia hoc non est dare in alteratione, quae non est motus in quantitate vel in ubi, sed in qualitate; — neque ad medium magnitudinis quae mactatur; contingit enim aliquando, quod totum corpus simul alteratur, non autem dimidium ejus prius, sicut videmus, quod tota aqua simul congelatur. Et ex his patet, quomodo alteratio sit motus continuus, quomodo non. — *de Sensu et Sensibili* I. 16.

Ad primum ergo dicendum, quod alteratio aliquando est mutatio de non esse ad esse, quia scilicet termini ejus sunt esse et non esse, et haec fit in instanti, ut illuminatio; aliquando vero est mutatio de contrario in contrarium per determinata media, et haec fit in tempore et successice. — *de Sensu et Sensibili* I. 16; *Quodl.* 9, a. 9, c.

Ad secundum dicendum, quod productio soni, quae fit per alterationem, fit in tempore, et non in instanti: quia simul est cum motu locali: nam oritur sonus ex percussione corporum, ut dictum est (in c.). — *de Sensu et Sensibili* I. 16.

Ad tertium dicendum, quod sensus Philosophi est, quod nulla alteratio est continua, ita ut semper duret; nam si aliquis qui infirmatur debet sanari, necesse est, inquit Philosophus, quod in tempore determinato sanetur, et post illud determinatum tempus sanitatem acquirat per talam sanationem; quod idem docet de augmento. Hoc autem dicit contra Heraclitum asserentem, quod omnia quae sunt, semper moventur, et non solum quedam aut aliquando, sed

quod motus latet sensum nostrum. — 8.

Phys. l. 5.

Ad quartum dicendum, quod sensus Philosophi est, quod quamvis corpus quod alteratur, sit partibile in infinitum, non tamen oportet quod propter hoc alteratio in infinitum dividatur, ita quod in qualibet parte temporis aliquid alterationis fiat, sed multoties fit velox alteratio, ita quod multae partes corporis alterati simul alterantur, sicut accidit in densatione et congelatione aquæ. Tota enim aliqua aqua simul congelatur, non pars post partem, licet aliquando, si accipiatur multum de aqua, nihil prohibet partem post partem congelari, quod est dicere, alterationem aliquando esse ratione subjecti seu extensive continuam, quia pars post partem continue alteratur, aliquando vero non continuam, quando simul tota pars subjecti per modum cuiusdam subjecti indivisibilis alteratur, quod est, cum totum aliquod subjectum attingitur secundum totum a virtute alterantis, licet successive alteretur ratione termini. Utrovis autem modo fiat congelatio, fit in tempore ratione sui, seu secundum communem rationem motus; cuius signum est, quod una aqua fortius et citius congelatur alia, ut calida quam frigida. — 1. c. *de Sensu et Sensibili* l. 16; 6. *Phys.* l. 7 et 5.

Ad quintum dicendum, quod quia quad divisionem eadem est ratio temporis, magnitudinis motus, et mobilis, ut dicit Philosophus (6. *Phys. text.* 60; c. 7); sicut in motu locali mobile non utilit infinitis, quæ sunt in magnitudine, quasi in actu existentibus (nam sic nunquam veniretur ad finem motus), sed in potentia existentibus: ita et in alteratione alterans in toto tempore determinato per alterationem tendit ad determinatum finem, puta ad sanitatem, utens infinitis, quæ sunt in determinato tempore, ut in potentia existentibus, non in actu. — 6. *Phys.* l. 9 et 11; 8. *Phys.* l. 5.

Ad sextum et septimum dicendum, quod sensus Philosophi (6. *Phys. text.* 49; c. 5) est, quod in motu locali et augmentationis non est dare aliquid, quod primo mutetur ex parte rei, in qua est motus: quia in motu

locali spatium et in *augmentatione* quantitas per se dividuntur, et eorum divisio est in infinitum; et ideo non datur primum, quod moveatur ex parte rei, que acquiritur per tales motus. Secus vero in *alteratione*. Nam albedo v. g., que est res, in qua fit motus alterationis, non est divisibilis per se, sed tantum per accidens, vel ratione quantitatis cui immediate inest albedo, seu secundum partes quantitativas, vel ratione subjecti quod vario modo potest illam participare; seu secundum intensionem et remissionem. Et ideo in alteratione potest dari aliquid indivisible per se. Nam quod una et eadem pars sit magis vel minus alba, non est ex ipsa ratione albedinis, quia si esset separata, non diceretur secundum magis et minus (sicut neque substantia suscepit magis et minus); sed est ex diverso modo participandi albedinem, ex parte subjecti divisibilis. Ceterum in quantum in alteratione est aliquid divisibile per accidens, similiter non est accipere primum in tali mutatione, sive accipiatur successio *mutationis*, in quantum pars post partem alteratur (manifestum enim est, quod non erit accipere primam partem albi, sicut nec primam partem magnitudinis); — sive accipiatur successio *alterationis*, secundum quod aliquid idem est albus vel minus album, quia subjectum infinitis modis potest variari secundum magis et minus album. Et sic motus alterationis potest esse continuus et non habens aliquod primum; unde cessat *primum* absurdum. (6. *Phys. l. 7.*) — *Ad secundum* vero dicendum, quod sicut in motu locali, ut dictum est, tempore finito mobile pervenit ad finem magnitudinis, licet in illa sint infinita puncta, quia non pertransit illa ut existentia in actu in magnitudine, sed tantum in potentia; ita et in alteratione determinato tempore quis v. g. sanatur et pervenit ad sanitatem, licet in tali tempore finito sint infinita instantia, quia tale tempus mensurat secundum unum instans continuum in ipso, vel secundum plura in potentia in ipso existentia, non autem ut in actu. — *Ad tertium* dicendum quod actio, quæ est cum motu, non nisi in tempore

fieri potest, sicut et motus; hujusmodi autem est actio alterativa, cum alteratio sit motus, ut dictum est in arg. *Sed contra.* (*Tabula aurea* voce « actio » n. 122.) — Ad quicunq; dicendum, quod duplicitate potest considerari qualitas, puta color, vel secundum se; et sic non est divisibilis; vel ratione subjecti; et sic dividi potest per accidens, vel quatenus dividitur superficies, que immediate sustentat qualitates sensibiles, vel quatenus subjectum vario modo participat illas. Et si quidem sumatur ratione *quantitatis*, sicut haec divisibilis est per se in infinitum, si mathematice sumatur, finite vero, sumpta physice (nam minimus sapor, ut inquit Philosophus *de Sensu et Sensibili*, si dividatur, resolvitur in ambiens defectu virtutis conservantis); ita qualitas est divisibilis in infinitum, ratione quantitatis mathematicae sumptae; in partes vero finitas, ratione ejusdem physice sumptae. Si vero sumatur ratione *subjecti*, seu ratione intensionis, potest dividi in infinitum, sicut infiniti sunt modi, quibus subjectum potest eandem qualitatem participare, ut dictum est. (*De Sensu et Sensibili* l. 15.) — Ad quicunq; dicendum, quod calefactio et quaelibet alteratio ad primas praesertim qualitates activas est continua; et proinde verum est dicere, quod nunc non est *calefactio*, sed immediate post; non autem verum est, quod immediate post sit *color*, quia quod fit, nondum est, ut ait Philosophus (8. *Phys. test.* 69; c. 8); quia si esset, non fieret; fit autem calor per motum. — 8. *Phys.* l. 17.

ARTICULUS VI

UTRUM IN MOTU ALTERATIONIS, PICTA CALEFACTIONIS, SIT TANTUM UNUS MOTUS, RECESSUS A FRIGORE ET ACCESSUS AD CALOREM.

Videtur quod recessus a frigore et accessus ad calorem sint duo motus realiter distincti.

1. Dicit enim Philosophus (3. *Phys. test.* 4; c. 1), quod motus non est praeter res; sed calor et frigus non sunt realiter idem; ergo et motus ad non esse frigoris non erit

realiter idem cum motu ad esse caloris. — 3. *Phys.* l. 1; *de Verit.* q. 28, a. 6, c.

2. Praeterea, motus specie diversi non possunt continuari et esse unum numero, ut dicit Philosophus (5. *Phys. test.* 39; c. 4); sed recessus a frigore et accessus ad calorem specie distinguuntur, ut patet; nam alia est ratio utrinque: ergo recessus a frigore et accessus ad calorem non sunt unus motus, sed duo. — 5. *Phys.* l. 7; *de Verit.* l. c.

3. Praeterea, motus realiter distinguuntur per terminos, sicut et mutationes; sed terminus accessus ad calorem est calorem inesse, terminus vero recessus a frigore est frigus non esse: ergo accessus ad calorem et recessus a frigore sunt motus realiter distincti. — *de Verit.* l. c.

4. Praeterea, recessus a frigore sequitur accessum ad calorem, sicut effectus causam; sed effectus non est idem realiter cum sua causa: ergo recessus a frigore et accessus ad calorem non sunt unus et idem motus realiter. — *de Verit.* q. 28, a. 1, arg. 7.

5. Praeterea, motus contrarii non sunt unus realiter, sed plures; nam contrarietas est inter duos terminos maxime distantes, et nihil est sibi ipsi contrarium; sed recessus a frigore et accessus ad calorem sunt motus contrarii; est enim hic unus ex quinque modis, quibus dicit Philosophus (5. *Phys. test.* 46; c. 5) posse duos motus invicem opponi. — *Tabula Aurea* voce « contrarium » n. 2, 4, 5, 13; 5. *Phys.* l. 8.

Sed contra est: 1. quod Philosophus (5. *Phys. test.* 47; c. 5) dicit, quod motus a sanitate in aegritudinem, quo scilicet redditur a sanitate, et acceditur ad aegritudinem, est unus numero motus, non duo: ergo recessus a frigore et accessus ad calorem sunt unus motus. — 5. *Phys.* l. 8.

2. Praeterea, secundum Philosophum generatio unius est corruptio alterius, atque adeo unus motus; sed recessus a frigore est corruptio frigoris, accessus vero ad calorem est generatio caloris: ergo recessus a frigore et accessus ad calorem sunt unus numero motus. — *de Verit.* q. 28, a. 6, c.

RESPONDEO DICENDUM, quod differentia est

inter motum et mutationem. Nam motus unus est, quo aliquid affirmative significatum abjectur, et aliud affirmative significatum acquiritur; est enim motus de subiecto, ut dicitur 5. *Phys.* (*text.* 49; c. 5); per subiectum autem intelligitur *hocatquid* affirmative monstratum, ut album et nigrum. Unde unus motus alterans est, quo album abjectur, et nigrum acquiritur. Sed in mutationibus, quae sunt generatio et corruptio, aliter est. Nam generatio est mutatio de non subiecto in subiectum, ut de non albo in album; corruptio vero est mutatio de subiecto in non subiectum, ut de albo in non album. Et ideo in abjectione unius affirmati et adeptione alterius oportet duas mutationes intelligi, quarum una sit generatio et alia corruptio, vel simpliciter vel secundum quid. Sic ergo si in transitu, qui est de albedine in nigredinem, consideratur ipse motus, idem motus significatur per ablationem unius et inductionem alterius; nou autem significatur eadem mutatio, sed diversæ, se tamen invicem concomitantes, quia generatio unius non est sine corruptione alterius. Et sic manifestum est, quod recessus a frigore et accessus ad calorem, licet sint mutationes realiter distinctæ, sunt tamen unus et idem motus realiter. — *de Verit.* q. 28, a. 1 et 6; 5. *Phys.* I. 8.

Ad primum ergo dicendum, quod quia de ratione motus est, quod sit mutatio de subiecto in subiectum, propterea licet motus identificetur re cum termino, non tamen sunt duo motus recessus a termino a quo, et accessus ad terminum ad quem. — Il. cit. in c. art.

Ad secundum dicendum, quod accessus ad terminum ad quem, et recessus a termino a quo, licet in ratione mutationis realiter distinguantur, in ratione tamen motus sunt unus et idem motus realiter. — Il. cit. in c. art.

Ad tertium dicendum, quod mutationes quidem per terminos *ad quos* distinguuntur, sed motus per terminos *a quibus* et *ad quos*; nam motus, ut dictum est (in c.), est mutatio de subiecto in subiectum, secus verò mutatio. — *de Verit.* q. 28, a. 6, c.

Ad quartam dicendum, quod recessus frigoris duplicitate potest considerari: *uno modo*, ut est effectus formalis caloris; calor enim formaliter abjectus frigus, sicut albedo formaliter abjectus nigredinem, et sic sequitur accessum ad calorem, et calorem ipsum adeptum; — *alio modo*, ut est motus; et sic praetelligitur acquisitioni caloris. — *de Verit.* I. c. a. 1, ad 7.

Ad quintum dicendum, quod motus contrarii tantum sunt hi, qui habent oppositos terminos *a quibus* et *ad quos*, ut dicit Philosophus (5. *Phys. text.* 48; c. 5). — 5. *Phys.* I. 8.

ARTICULUS VII

UTRUM QUALITATES CONTRARIE SUMME INTENSÆ POSSINT ESSE IN EODEM SUBJECTO PER POTENTIAM DEI.

Videtur quod per divinam potentiam possint in eodem subiecto ponи qualitates contrariae summe intensæ.

1. Deus enim potest facere praeter ordinem et cursum totius naturæ; sed quod duo contraria summe intensæ non sint simul in eodem subiecto est secundum ordinem et cursum naturæ: ergo poterit Deus facere praeter hunc ordinem. — *Tabula Aurea* voce « Deus » n. 411.

2. Praeterea, tempore passionis in superiori parte animæ Christi fuit summa delectatio et summus dolor; sed haec sunt contraria summe intensa: ergo contraria in gradu intenso possunt simul esse in eodem subiecto. — *de Verit.* q. 26, a. 9 et 10; 3. *Sent. dist.* 15, q. 2, a. 3, quæst. 2, arg. 5; 3a, q. 46, a. 8, arg. 4.

3. Praeterea, potest Deus facere ea, quæ non implicant contradictionem; sed quod duo contraria in gradu intenso sint simul in eodem subiecto, contradictionem non involvit; nam contrarietas non est contradictionis, ut patet ex multiplicitate oppositionum: ergo duo contraria in gradu intenso possunt simul esse in eodem subiecto. — *Tabula* I. c. n. 370.

4. Praeterea, magis distat Deus et homo, quam duo contraria summe intensa; sed

Deus univit naturam humanam divinae in una hypostasi: ergo et poterit simul in eodem subjecto ponere duo contraria summe intensa. — 1. *Sent.* dist. 42, q. 2, a. 2, arg. 7.

Sed contra est, quod Philosophus (4. *Metaphys.* text. 27; l. 3, c. 6; cfr. 11. *Metaphys.* sum. 2, c. 3; l. 10, c. 5) dicit, quod contraria simul esse non possunt in eodem, sicut nec contradictorie opposita. — 4. *Metaphys.* l. 45; cfr. 11. *Metaphys.* l. 5.

RESPONDEO DICENDUM, quod per potentiam divinam possunt duae qualitates contraria in gradu intenso ponи in eodem subjecto. Et ratio est, quia ea solum sunt divinae potentiae impossibilia, quae contradictionem involvunt; at esse duas contrarias qualitates in gradu intenso simul in eodem subjecto non implicat contradictionem. Nam haec est secundum idem et respectu ejusdem, eodem modo sumpti; at si esset aliquod corpus simul intense album et intense nigrum, licet idem subjectum simul esset album et non album, non tamen haec eidem convenient secundum idem, sed secundum diversa. Nam esset album ratione albedinis, et esset non album ratione nigredinis; sicut idem suppositum Verbi divini dicitur homo et Deus; et consequenter homo et non homo sine ulla contradictione, quia convenit illi esse hominem ratione humanae assumptae, et non esse hominem ratione divinae naturae. — 1. *Sent.* dist. 42, q. 2, a. 2, c. et ad 7; 3. *Sent.* dist. 4, q. 4, a. 1, ad 4; 3a, q. 46, a. 8, ad 1; 1. *Periherm.* l. 9.

Naturaliter autem non possunt simul esse in eodem subjecto duo contraria summe intensa. Cujus ratio est, quia naturaliter unum contrarium concomitantur privatio alterius, ut dicitur 4. *Metaphys.* (text. 26; l. 3, c. 6). Potentia enim naturalis materiae magis limitata est et finita, quam potentia obedientialis respondens immediate causae primae universalissimae. Privatio autem, cum sit formaliter negatio formae oppositae, non potest stare simul cum forma in eodem subjecto. Praeterea contraria sunt, quae sub eodem genere maxime distant, et ab

eodem subjecto mutuo se expellunt. Patet etiam experientia nunquam visas esse in subjecto duas qualitates contrarias in summo, ut summum calorem et frigus. Addo, quod sequeretur nullam substantiam materialem posse corrupti; nam corruptio fit ex pugna contrariorum, quae non compatiuntur se in gradu summo. — 4. *Metaphys.* l. 45; 11. *Metaphys.* l. 5; *Tabula Aurea* voce « *potentia* » n. 17.

Et ex his patet *ad objecta* utriusque partis. Nam argumenta *prioris partis* tantum probant, per divinam potentiam absolutam posse simul ponи in eodem subjecto duo contraria summe intensa; nisi quod, cum in secundo arguendo dicitur in Christi Domini parte animae superiori fuisse duo contraria, summum gaudium et summum dolorem, falso dicitur illa duo fuisse contraria, quia non erant de eodem objecto. (*de Verit.* q. 26, a. 10, ad 9.) — Argumentum vero *in contrarium* tantum probat non posse naturaliter duo contraria simul esse in eodem subjecto, quod concedimus.

ARTICULUS VIII

UTRUM NATURALITER POSSINT IN EODEM SUBJECTO ESSE QUALITATES CONTRARIE IN GRADU REMISSO.

Videtur quod naturaliter non possint in eodem subjecto esse duae qualitates contrarie in gradu remisso.

1. Dicit enim Philosophus (4. *Metaphys.* text. 26; l. 3, c. 6), quod si contraria essent simul, simul etiam essent contradictoria; calor autem et frigus, cum secundum se sint contraria, in quolibet gradu sunt contraria. — 4. *Metaphys.* l. 45.

2. Praeterea, dicit Philosophus ibidem, quod impossibile est aliquem opinari contradictoria simul esse vera, per hoc, quod impossibile est eundem simul habere contrariae opiniones; opiniones enim de contradictoriis sunt contrariae; ergo idem quod prius. — *Ibid.*

3. Praeterea, contraria remissa in duobus subjectis existentia, si sint approximata,

mutuo agunt et patiuntur, ut patet experientia; inde enim est, quod aqua calefacta ab igne tanto minus retinet de frigore, quanto plus recipit de calore; ergo multo magis agent et se expellent, si sint in eodem subjecto; ergo contraria in nullo gradu possunt esse in eodem subjecto. — *de Molo* q. 2, a. 12, c.

4. Praeterea, durities et molles non possunt esse simul in quounque gradu, quia alioqui contradictoria essent simul, ut patet ex definitionibus eorum, ut constat ex 4. *Meteorol.* Durum enim est, quod nou cedit in se ipsum secundum superficiem, molle vero, quod cedit. Sed eadem est ratio aliorum contrariorum; ergo contraria in nullo gradu possunt simul esse in eodem subjecto. — 4. *Meteorol.* l. 7.

5. Praeterea, non minus contraria sunt calor et frigus, atque error et scientia circa eandem conclusionem, et duae formae substantiales, puta ignis et aquæ; sed in nullo gradu potest in eodem subjecto, puta homine, simul esse scientia et error de eadem conclusione, et in eadem materia non possunt simul esse duæ formæ substantiales: ergo nec possunt simul esse duæ qualitates contrariae in quounque gradu.

6. Praeterea, eadem est ratio qualitatis infieri et in facto esse; sed in eodem subjecto non possunt esse simul duæ qualitates infieri, seu duo motus contrarii, ut calefaction et frigefactio: ergo nec poterunt simul esse duæ qualitates in facto esse in quounque gradu sint.

Sed contra est, quod Philosophus (10. *Metaphys. text.* 22 et 23; l. 9. c. 7) dicit, quod media contrariorum componuntur ex contrariis, et (5. *Phys. text.* 19; c. 2) quod quando aliquid mutatur de magis albo in minus album, talis mutatio est inter contraria; quia eatenus in tali alteratione aliquid dicitur mutari de magis albo in minus album, vel e contra, quatenus plus vel minus habet de altero contrariorum: ergo in eodem subjecto sunt duo contraria in gradu remisso. — 10. *Metaphys.* l. 9; 5. *Phys.* l. 4.

RESPONDEO DICENDUM, quod necesse est dicere, quod in eodem subjecto possunt

esse qualitates contrariae in gradu remisso. Potest autem hoc esse manifestum ex multis: et *primo* quidem ex natura intensionis. Ex hoc enim causatur intensio, quod illud, quod intenditur, puta subjectum, quod dicitur fieri magis calidum ex minus calido per alterationem, magis perfectum invenitur et suo opposito impermixtius. Non potest autem unum oppositum magis vel minus misceri cum aliquo, nisi utrumque simul esse possit in aliquo gradu in subjecto. Unde etiam fit, ut habilitas potentiae passivæ ad actum suum minuatur per appositionem contrarii, ita ut quanto plus fuerit appositorum de calore, tanto minuatur habilitas ad frigus. (2. *Sent. dist.* 42, q. 1, a. 1, ad 2; *de Molo* q. 2, a. 12, c.) — *Secundo*, ex causa successionis motus, alterationis praesertim, puta calefactionis vel frigefactionis: haec enim est distantia unius contrarii ab alio, resisteus actioni alterantis, ne simul possit aliquod corpus, v. g. calidum, simul et subito frigefieri; non resisteret autem successive alteracioni agentis, nisi simul possent in eodem subjecto esse duo contraria. (Cfr. *de Sensu et Sensibili* l. 16; 6. *Phys.* l. 5.) — *Tertio*, ex mixtione: haec enim, ut inquit Philosophus (l. *de Generat. text.* 90; c. 10), definitur miscibilium alteratorum unio; quia qualitates contrariae elementorum remanent in mixto refractæ, atque adeo in gradu remisso. (l. *de Generat.* l. 25; 1a, q. 76, a. 4, ad 4.) — Unde manifestum est quod qualitates contrariae possunt simul esse in eodem subjecto in gradu remisso.

Ad primum ergo dicendum, quod sensus Philosophi est, quod contraria simul esse non possunt in eodem subjecto, si intelligantur *intensæ*, secus vero, si sint *remissæ*. Et ratio est ex dictis (in c.), quia cum ad mixtionem necessario concurrant elementa secundum qualitates refractas, ut inde resultet qualitas media, quæ est necessaria dispositio ad formam substantialem mixti, oportet ut in eadem materia sint oppositæ qualitates in gradu remisso, et per consequens quod qualitatem oppositam remissam non comitetur privatio alterius oppositæ in eo gradu, in quo potest remanere

cum illa in eodem subjecto, ad hoc ut in illo resultet qualitas praedicta. E contra vero, cum nequeat misceri unum elementum refinens qualitatem in summo, quia absorberet alias qualitates, et sic esset generatio, non autem mixtio, ut dicit Philosophus in I. *de Generat.* versus finem; text. 82 sqq.; c. 10), necessario debet qualitatem intensam contrariam consequi privatio alterius qualitatis secundum eos gradus, secundum quos cum ipsa non potest in eodem subjecto consistere. — Ia, q. 76, a. 4, ad 4; I. *Sent.* dist. 44, q. 1, a. 1, sol. 1, ad 4; *Opusc.* 33 *de Mixtione*.

Ad secundum dicendum, quod ideo duæ opiniones contrariae non possunt simul esse in eodem homine, duæ vero qualitates contrariae remissæ possunt esse in eodem subjecto; quia opiniones contrariae cum sint de contradictoriis, ut cum quis opinatur de Socrate, quod sedet, contrariatur ei, qua quis opinatur de eodem, quod non sedet, necessario debet opinionem contrariam ratione sui objecti comitari et consequi privatio opinionis oppositæ de objecto contradictorie opposito. At unam qualitatem contrariam, sed remissam, non comitatur et consequitur privatio alterius oppositæ in quocunque gradu, ut dictum est (ad I). — II. *Metaphys.* 1. 5.

Ad tertium dicendum, quod cum simile in gradu, non possit agere in simile in gradu, sed tantum in dissimile, ut dicit Philosophus (I. *de Generat.* text. 46 sqq.; c. 7), sicut qualitates remissæ in aequalibus gradibus se compatiuntur in eodem subjecto, ita et patiens habens tot gradus qualitatis, quod habet agens, non potest ab illo pati. Ideo vero in eodem subjecto possunt esse duæ qualitates contrariae in diversis gradibus, modo non excedatur latitudo octo graduum, ita ut una non expellat aliam; quia ad mixtionem illæ sic oppositæ requiruntur, ut dictum est (ad I), in eodem subjecto, ad hoc ut ex illis resultet qualitas media, quæ est necessaria dispositio ad formam substantialem mixti. At vero eadem existentes in diversis subjectis pertinent ad diversam complexionem qualitatum, quæ est opposita

complexioni qualitatum alterius subjecti, cum sint dispositiones alterius forme substantialis requirentis contrarias dispositio-nes. Cujus signum est, quod diversæ forme substantiales non possunt esse in eadem parte materie, quia in illa haberent dispositiones qualitatum omnino contrarias, unde necessario oriaretur contradicatio. — I. *de Generat.* I. 19 et II. cit. ad I, præser-tim *Opusc. de Mixtione*.

Ad quartum dicendum, quod cum durities et mollescences mutabiliter consequantur substantiam rei, ut dictum est (supra a. 3, ad 5), recipiunt magis et minus. Unde idem de illis dicendum est, quod de primis qualitatibus activis.

Ad quintum dicendum, quod scientia corrumpitur per argumentationem falsam, ut inquit Philosophus (*de Longit. et Brevit. Vite* c. 2). Et ratio hujus est, quia argumen-tatio falsa ut sic non habet gradus, sed est indivisibilis et tota simul, cum sit actus intellectus, et secum fert privationem veritatis ex parte subjecti; unde non potest simul stare cum scientia in eodem intellectu; sicut e contra scientia, cum sit evidens cognitio rei per causam, quam sciens scit aliter se habere non posse, ut dicit Philosophus (I. *Poster.* text. 5; c. 2), non potest stare cum errore. Quod non contingit in qualitatibus contrariis remissis, ut dictum est (ad 3). Cur autem duæ formæ substantiales non possint simul esse in eadem materia, secus vero duæ qualitates contrariae in gradu remisso, jam dictum est. — Ia, q. 89, a. 5; I. *Poster.* I. 4 (3).

Ad sextum dicendum, quod idem potest moveri duobus motibus contrariis, puta frigefactionis et calefactionis, modo tendant ad terminos secundum illos gradus, in quibus se compatiuntur in eodem subjecto. Et hoc necessario dicendum est, quia alterans subjectum alterat illud successive, corrum-pendo nimicum successive et in tempore contrariam qualitatem, efficienter per suam actionem, et formaliter per contrariam qualitatem, ut dictum est (in c.).

ARTICULUS IX

UTRUM INDIVISIBILE POSSIT ALTERARI.

Videtur quod indivisibile possit alterari.

1. Idem enim est subjectum alterationis et termini alterationis; nam antequam aliquid moveatur, est in potentia ad duos actus, ad imperfectum, qui est motus, et ad perfectum, qui est terminus motus; sed subjectum motus ad colores, qui est alteratio, est indivisibile, puta superficies corporis, unde et a Philosopho definitur color, quod sit extremitas perspicui in corpore terminato (*de Sensu et Sensibili* c. 3): ergo indivisibile potest alterari. — *3. Phys.* I. 2; *de Sensu et Sensibili* I. 6.

2. Praeterea, indivisibile potest moveri localiter, ut angelus, ut manifestum est (cfr. Ia, q. 53, a. 1); ergo similiter poterit indivisibile alterari; nam eadem videtur esse ratio motus localis et alterationis.

3. Praeterea, anima est indivisibilis, saltem anima perfecti animalis; sed illa recipit varias alterationes, quia, ut inquit Philosophus (*1. de Anima* text. 41; c. 3), anima movetur illis motibus, quibus movetur corpus; corpus autem movetur motu alterationis, ut patet: ergo et anima movebitur tali motu. — *1. de Anima* I. 6.

4. Praeterea, dicit Philosophus (*6. Phys.* text. 86; c. 10), quod indivisibile secundum quantitatem potest per accidens moveri localiter; ergo etiam poterit moveri motu alterationis; nam etiam motus hic est in loco, ut dicit Philosophus (*1. de Anima* text. 39; c. 3): ergo indivisibile potest alterari. — *6. Phys.* I. 12; *1. de Anima* I. 6.

5. Praeterea, actio fit per contactum, ut dicit Philosophus (*de Generat. text.* 43 sqq.; c. 6); sed tactus est extremorum, atque adeo indivisibilium; ea enim se tangent, quorum extrema sunt simul, ut dicit Philosophus (*5. Phys. text.* 22; c. 3): ergo actio alterantis debet recipi in extremitate patientis, atque adeo in indivisibili. — *1. de Generat.* I. 48; *5. Phys.* I. 5.

Sed contra est, quod Philosophus *I. de*

Generat. (*text.* 64; c. 8) dicit, quod necesse est quod indivisibilia sint impassibilia, et *3. de Cœlo* (*text.* 7; c. 1) dicit, quod impossibile est in indivisibili esse divisibile; omnes autem qualitates materiales sunt divisibles, ut dicit Philosophus ibidem, et *6. Phys.* (*text.* 87; c. 10) dicit, quod indivisibile neque movetur neque omnino mutatur; at si alteraretur, mutaretur; ergo indivisibile non potest alterari. — *1. de Generat.* I. 22; *3. de Cœlo* I. 3; *6. Phys.* I. 12.

RESPONDEO DICENDUM, quod impossibile est, indivisibile quantitativum posse alterari. Cujus rei *ratio duplex* afferri potest: — *prinæ* quidem ex natura qualitatis materialis. Quod enim inest alicui, quodammodo comprehenditur ab ipso; divisibile autem non potest inesse rei quantitatæ indivisibili. Omnes enim qualitates materiales dupliciter divisibles sunt: *uno modo* secundum speciem, quomodo divisibles sunt colores medii, qui componuntur ex duabus speciebus, puta ex albo et nigro; et hujusmodi qualitates non videtur possibile inesse rei indivisibili, quia cum passiones propriæ causentur a subjecto, necesse est quod passionis compositæ sint diversa et composita principia, quod repugnat simplicitati et indivisibilitati subjecti. *Altero modo*, ad divisionem subjecti divisibilis; et hoc modo nullum divisibile est in indivisibili, cum ab illo comprehendendi non possit. (*3. de Cœlo* I. 3.)

Secunda ex subjecto alterationis. Hoc enim est, inquit Philosophus (*1. de Generat. text.* 23 et 24; c. 4), ens in actu et sensibile. Sed indivisibilia quantitative non sunt sensibilia, nec in actu. Non quidem *sensibilia*; ut enim ait Philosophus (*de Sensu et Sensibili* c. 6), impossibile est videre album, quod non sit quantum; et eadem est ratio de aliis qualitatibus sensibilibus. Hujus autem ratio est, quia sensus est virtus in magnitudine, cum sit actus organi corporis; et ideo non potest pati nisi ab habente magnitudinem; activum enim debet esse proportionatum passivo. (*de Sensu et Sensibili* I. 45.) Neque sunt *in actu*, quia non sunt composita ex actu et potentia,

cujusmodi debet esse subiectum in actu, ut constat ex Philosopho (*I. de Generat. tert.* 29; c. 5). Et ratio hujus est, quia cum qualitates sint accidentia, non insunt in materia prima, nisi quatenus est informata forma substantiadi, ut dictum est (*supra* q. 35, a. 6). Unde manifestum est, quod indivisible non potest alterari. — *I. de Generat.* I. 13.

Ad primum ergo dicendum, quod coloris subjectum est totum corpus actu; nisi quod sicut corpus intrinsecus habet superficiem in potentia, non autem actu, ita etiam intrinsecus non est coloratum actu, sed in potentia, quae reducitur ad actum facta corporis divisione. Et ratio est, quia color intrinsecus defectu luminis non est visibilis in actu, sed in potentia, color autem extrinsecus ratione luminis est visibilis actu. — *de Sensu et Sensibili* I. 6 et 7.

Ad secundum dicendum, quod angelus non est indivisible quantitativum, de quo procedit argumentum, sed est substantia spiritualis.

Ad tertium dicendum, quod similiter anima rationalis non est indivisible quantitativum, ut dictum est de angelo. Philosophus autem loco citato contra philosophos asserentes, animam non aliter mobilem esse, nisi secundum quod movet corpus, probat ex tali positione sequi hoc inconveniens, quod deberet illis motibus movere corpus, quibus ipsa movetur, et e contra, quod illis motibus moveatur, quibus ipsa movet corpus. — *I. de Anima* I. 6.

Ad quartum dicendum, quod ideo potest moveri localiter indivisible conjunctum, quia moto toto corpore localiter, necesse est moveri ea quae sunt in toto, ut mota navi moventur ea quae sunt in navi; non tamen potest alterari per accidens, quia quod sic movetur per accidens, vere mutat locum in se saltem respectu aeris, a quo prius circumdabatur. At indivisible nullo modo potest esse capax in se nullius qualitatis materialis, ut dictum est. — *6. Phys.* I. 12.

Ad quintum dicendum, quod contactus est tantum conditio agentis ad hoc, ut

possit agere in patiens: quia omne movens debet esse conjunctum cum mobili, ad hoc ut ipsum moveat; nam alioqui agens producit intrinsecum in subiecto paciente suam formam sive substantialem sive accidentalem, ut dictum est de coloribus. — *I. de Generat.* I. 18; *4. Sent. dist.* 10, q. 1, a. 4, sol. 1; *7. Phys.* I. 3.

QUESTIO XXXVII

DE RAREFACTIONE.

Deinde considerandum est de rarefactione.

CIRCA QUAM QUERUNTUR DUO:

1. Utrum rarefactio sit alteratio.
2. Utrum in rarefactione acquiratur nova quantitas.

ARTICULUS I

UTRUM RAREFACTIO SIT ALTERATIO.

Videtur quod rarefactio non sit alteratio.
1. Dicit enim Philosophus (*4. Phys. text.* 84; c. 9), quod *rarefieri* aliquid nihil aliud est, quam ejus materiam recipere majores dimensiones, per reductionem de potentia in actum; *condensari* autem e contra. Sed hoc est rarefactionem pertinere potius ad augmentum, cuius terminus est quantitas; dicit enim Philosophus (*I. de Generat. text.* 25; c. 5), quod generatio est circa substantiam, augmentum vero circa quantitatem, et alteratio circa passiones. Ergo rarefactio non est alteratio. — *4. Phys.* I. 14; *1a*, q. 92, a. 3, ad 1; *2. Sent. dist.* 18, q. 1, a. 1, arg 2 et in c.; *I. de Generat.* I. 11.

2. Praeterea, quantitas non solum augetur, in quantum est quantitas, sed etiam in quantum est forma accidentalis: nisi quod, in quantum est quantitas, augetur per additionem, ut patet in viventibus; in quantum vero forma accidentalis, augetur per intensionem, ut est in rarefactione. Sed per utramque mutationem quod est quantum, sit magis quantum: ergo sicut augmentum quantitatis priori modo terminatur ad quan-

titatem, ita et augmentum quantitatis posteriori modo terminabitur ad quantitatem; et sic rarefactio non erit alteratio, sed potius augmentatio. — 1a 2ae, q. 52, a. 2, ad 1; 2a 2ae, q. 24, a. 5, ad 1; 1. *Sent.* dist. 17, q. 2, a. 1.

3. Praeterea, si rarefactio est alteratio, maxime quia immediatus et primus terminus rarefactionis est raritas, quae est qualitas; sed raritas et densitas non sunt qualitates, ut colligitur ex Philosopho. Nam in 2. *de Generat.* *text.* 8 (c. 2) inter contrarietas secundum tactum, quas septem enumerat, non ponit rarum et densum; et non nisi quia non sunt qualitates physicae, sed positio partium materiae, secundum propinquum in denso et secundum remotum in raro. Et *text.* 38 (c. 6) ideo comparat quantitatem elementorum quantitati stellarum, licet non sit eadem materia utrorumque, quia tantum facit comparationem secundum rarum et densum, quae non addunt super partes materiae entitatem, quae sit essentialiter qualitas, sed potius situm in partibus materiae. Ergo rarefactio, quae est motus ad raritatem, non est alteratio. — 2. *de Generat.* l. 2 et 7.

4. Praeterea, dicit Philosophus (4. *Phys.* *text.* 84; c. 9), quod rarefieri nihil aliud est quam materiam accipere maiores dimensiones per reductionem de potentia in actum, condensari autem et contrario; ergo raritas et densitas non sunt qualitates, sed quantitates. — 4. *Phys.* l. 14.

5. Praeterea, dicit Philosophus (8. *Phys.* *text.* 55; c. 7), quod raritas et densitas sunt congregatio et disaggregatio; sed ex eodem ibidem haec pertinent ad motum localem: ergo rarefactio non est alteratio. — 8. *Phys.* l. 14.

Sed contra est, 4. quod Philosophus (7. *Phys.* *text.* 41; c. 2) dicit, quod motus ad raritatem et densitatem est alteratio, eo quod raritas et densitas sunt qualitates; sed rarefactio et condensatio sunt motus ad raritatem et densitatem: ergo rarefactio est alteratio; haec enim est motus ad qualitatem, ut dicitur 5. *Phys.* (*text.* 48; c. 2). — 7. *Phys.* l. 4; 4. *Phys.* l. 14; 5. *Phys.* l. 5.

2. Praeterea idem Philosophus (7. *Phys.*

text. 14; c. 3) ex eo probat in qualitatibus prime et quartie speciei non esse alterationem primo et principaliter, sed secundario, quia hujusmodi qualitates consequuntur alterationes primarum qualitatum sensibilium. Mutatio enim secundum figuram, inquit, consequitur mutationem secundum rarum et densum; et ad mutationem secundum calorem et frigus sequitur mutatio secundum sanitatem et aegritudinem. Raritas enim et densitas, sicut calor et frigus, sunt qualitates sensibiles ad tertiam speciem pertinentes; figura vero pertinet ad quartam speciem; sanitas autem et aegritudo ad primam. Ergo rarefactio, quae terminatur ad raritatem et densitatem, est alteratio. — 7. *Phys.* l. 5.

3. Praeterea, illae sunt qualitates, quae diversificant qualitates et non quantitates, seu quae sunt immediata principia diversarum qualitatum. Sed hujusmodi sunt raritas et densitas. Sunt enim immediata principia gravitatis et levitatis; ex differentia enim raritatis et densitatis sequitur differentia gravitatis et levitatis, ut dicit Philosophus (4. *Phys.* *text.* 85; c. 9; et 3. *de Cœlo* *text.* 10; c. 1). Ergo raritas et densitas sunt qualitates; et per consequens rarefactio, quae ad raritatem tendit tamquam ad proprium terminum, erit alteratio. — 4. *Phys.* l. 14; 3a, q. 77, a 7, ad 1 et 2; 3. *de Cœlo* l. 3.

RESPONDEO DICENDUM, quod rarefactio per se primo est ad qualitatem, puta ad raritatem, secundario vero ad quantitatem; et per consequens rarefactio est per se motus alterationis. Ad cuius evidentiam sciendum est, quod quantitas dimensiva est quorundam *per accidens*, sicut albedinis, quae dicitur quanta secundum quantitatem superficie, ut dicitur in *Predicam*. (cap. de quanto, c. 7, al. 6); unde non augetur nisi per accidens, sed *per se* invenitur in corporibus, quae per se augentur. Hoc autem dupliciter contingit: quia aliquando id, quod accipit majorem quantitatem, movetur de quantitate minore in maiorem; aliquando est sine motu illius, quod augeri dicitur. Et hoc contingit, quando efficitur major quantitas per additionem quantitatis, sicut quando

additur quantum quanto, ut lignum ligno vel linea linea; unde hoc est augmentum, sed non motus augmenti.

Quod autem aliquid moveatur ad maiorem quantitatem, contingit dupliciter: vel ita quod quantitas sit per se terminus motus, vel consequatur terminum. Quando quantitas est per se terminus motus, oportet quod ibi sit additio ad totum et ad qualibet partem, ut totum augeatur et qualibet pars ejus, ut in animali et planta; et tunc est proprius motus augmenti. Unde motus augmenti non est nisi in habentibus nutritivam. Consequitur autem quantitas terminum motus, quando est ad formam aliquam quam consequitur aliqua quantitas; cuiuslibet enim formae debetur quantitas determinata. Et quia motus non specificatur nisi ab eo, quod est per se terminus motus; ideo talis motus non dicitur per se motus augmenti, sed vel generatio, si sit forma substantialis, sicut quando ex aere fit ignis; vel alteratio, si sit forma accidentalis, puta raritas; sicut patet in rarefactione aeris. Unde manifestum est, quod rarefactio, per se spectat ad motum alterationis; nam in rarefactione variatio quantitatis se habet ex consequenti: sicut ex motu qui est secundum locum, variatur motus secundum situm, quia variatio situs consequenter se habet ad variationem loci. — 4. *Phys.* I. 14; 7. *Phys.* I. 4 et 5; 1. *Sent. dist.* 17, q. 2, a. 1, c.; 4. *Sent. dist.* 12, q. 1, a. 1, sol. 3, ad 6; 3a, q. 77, a. 2, ad 3; 1. *de Generat.* I. 14; 8. *Phys.* I. 14.

Ad primum ergo dicendum, quod definitio rarefactionis a Philosopho allata 4. *Phys.* est ab effectu. Nam variatio quantitatis et acquisitio majoris extensionis ipsius est effectus raritatis. Nam consequenter se habet ad illius acquisitionem, ut dictum est ex Philosopho: ad rarum enim sequuntur leve, molle, porosum et frangibile; ad densum vero sequuntur grave, durum et sonabile. — 4. *Phys.* I. 14; 7. *Phys.* I. 4; 3a, q. 77, a. 7, ad 1 et 2.

Ad secundum dicendum, quod rarefactio est augmentum improprie dictum et secundario et ex consequenti, non autem proprio et primo ac per se; nam per se pri-

mo est alteratio, ut dictum est (in c.).

Ad tertium dicendum, quod in rarefactione, cum variatio quantitatis fiat ex consequenti, necesse est quod acquisitio quantitatis saltem in genere causae efficientis sit posterior acquisitione raritatis, ut dictum est (in c.; cf. 4. *Phys.* I. 14; 1. *de Generat.* I. 14). Ideo vero raritas et densitas non ponuntur inter qualitates tangibles, quia licet illae sint qualitates, ut ostendit Philosophus locis supra citatis et supponit in eodem 2. *de Generat. text.* 17; c. 3 (cf. 2. *de Generat.* I. 3); non tamen sunt qualitates physicae, quippe quae reperiuntur etiam in corporibus celestibus, in quibus non reperiuntur qualitates tangibles, cum non convenienter cum corporibus sublunaribus in genere physico corporis, sed tantum in genere logico, ut saepius dictum est. Et quia raritas consequitur materiam ex eo, quod est pauca sub magnis dimensionibus; propterea raritas non dicitur addere supra partes materiae entitatem, quae sit essentialiter qualitas, quia qualitas essentialiter sumpta est accidens consequens formam substantialiem, sicut quantitas et raritas materiam. Unde est quod philosophi attentes ordinem passibilium qualitatum secundum propinquitatem ad materiale principium, dixerunt raritatem et densitatem esse principium omnium qualitatum sensibilium. — V. supra q. 33, a. 2, c.; 3a, q. 77, n. 2, ad 3; 4. *Sent. dist.* 12, q. 1, a. 1, sol. 3, ad 6; *Tabula Aurea* voce «quantitas» n. 4; 8. *Phys.* I. 14.

Ad quartum dicendum, quod definitio rari posita a Philosopho non est formalis, sed vel ab effectu, ut dictum est (in c.), vel a causa; quia raritas consignificat vel connotat parvam materiam sub magnis dimensionibus, ut dictum est (ad 3).

Ad quintum dicendum, quod congregatio et disaggregatio corporum existentium in actu ad motum localem pertinent; sed congregatio et disaggregatio, secundum quod eadem materia continetur sub magnis vel parvis dimensionibus, ut contingit in rarefactione, non pertinent ad motum localem, sed ad motum alterationis. — 8. *Phys.* I. 14.

ARTICULUS II

UTRUM PER RAREFACTIONEM ACQUIRATUR
NOVA QUANTITAS.

Videtur quod per rarefactionem non acquiratur nova quantitas.

1. Dicit enim Philosophus (*7. Phys. text. 11; c. 2*), quod rarefactio est alteratio; sed per hanc non acquiritur quantitas, sed qualitas: ergo per rarefactionem non acquiritur quantitas. — *7. Phys. I. 4.*

2. Praeterea, dicit Philosophus (*4. Phys. text. 84; c. 9*), quod ita in rarefactione augetur quantitas, sicut in alteratione augetur qualitas; quia nimis sicut in alteratione calidum sit magis calidum nullo adveniente calido in materia, quod non esset calidum; ita in rarefactione quantum sit magis quantum, nullo adveniente quanto; ergo in rarefactione non acquiritur quantitas. — *4. Phys. I. 14.*

3. Praeterea, in rarefactione quantum acquirit majorem locum. Sed major locus non debetur quantitati, sed extensioni quantitatis. Ideo enim quantitas acquirit majorem locum, quia extenditur magis. Sed extensio quantitatis non est quantitas, *tum* quia nec intensio qualitatis est qualitas, ut dictum est; *tum* quia Corpus Christi in Eucharistia habet quantitatem et partibilitatem, non tamen habet ibi extensionem, licet illam habeat in cœlo. Unde posset Deus creare unam substantiam quantam, quæ non haberet extensionem, haberet tamen partibilitatem et quantitatem. Ergo per rarefactionem non acquiritur quantitas. — Cf. supra q. 36, a. 3 et 4; Capreolus in 2. *Sent. dist. 18*, q. 1, ad secundum Aureoli contra primam conclus.

4. Praeterea, si in rarefactione acquiritur nova quantitas, sequuntur multa absurdula. Nam *primo*, vel quantitas nova advenit materiae habenti quantitatem vel non habenti. Si detur primum, sequitur penetratio dimensionum, cum in eadem parte materiae ponantur duæ quantitates; praeterea sequitur duo accidentia solo numero distincta esse in eodem subjecto, quod est absur-

dum, quia accidentia numerantur per subjecta, ut dictum est. Secundum vero dici non potest, quia materia naturaliter existere non potest sine quantitate, ut dicitur *I. de Generat. tert. 31 et 32; c. 5*). *Secundo* sequitur rem, quæ rarefit, semper fieri duplo majorem, quia nova quantitas advenit cuilibet parti materiae quantæ. *Tertio*, minorem quantitatem tantum loci occupare, quantum occupat major. *Quarto*, Christi Domini Corpus incipere esse sub quantitate vini consecrati rarescentis, quod tamen est falsum, cum illa quantitas non sit consecrata. *Quinto*, vi agentis naturalis produci quantitatem extra subjectum in rarefactione vini consecrati, quod tamen est impossibile. Ergo idem quod prius. — *I. de Generat. I. 43 et 44.*

Sed contra est: 1. quod Philosophus (*I. de Generat. text. 33; c. 5*) dicit, quod quando ex aqua generatur aer, major quantitas acquiritur; sed illa generatio aeris ex aqua sit per alterationem rarefactionem aquam ad hoc ut possit suscipere quantitatem requisitam ad formam substantiam aquæ, ut dicit Philosophus (*I. Meteorol. sum. I, c. 3*): ergo in rarefactione acquiritur qualitas. — *I. de Generat. I. 14; I. Meteorol. I. 3.*

2. Praeterea, ad raritatem necessario sequitur quantitas, sicut et levitas et molles, ut dictum est (art. *præced.*); sed per rarefactionem acquiritur raritas, ut dictum est (*ibid.*): ergo per rarefactionem acquiritur nova quantitas.

3. Praeterea, materia non potest multiplicari nisi vel secundum quantitatem vel secundum substantiam materiae. Sed non potest multiplicari materia secundum quantitatem nisi per rarefactionem: sicut posteriori modo multiplicatur vel per creationem vel per conversionem alterius in ipsum. Ergo in rarefactione acquiritur nova quantitas. — *Ia, q. 119, a. 1, c.*

RESPONDEO DICENDUM, quod per rarefactionem non acquiritur quantitas, sed nova extensio, seu magus et minus. Potest autem hoc esse manifestum ex multis: — et *primo* quidem, quia per rarefactionem et condensationem

sationem quantum sit majus vel minus, vel magnum et parvum, sive sumantur haec absolute sive respectively; magnum autem et parvum seu majus et minus quomodo cumque sumpta non sint quantitas, sed passio quantitatis secundum se, ut dicit Philosophus (5. *Metaphys.*, *text.* 18; I. 4, c. 13). — 5. *Metaphys.* I. 15, al. 18. — Secundo, ita variatur quantitas in rarefactione, sicut qualitas in alteratione, ut patet ex Philosopho (4. *Phys.*, *text.* 84; c. 9). In alteratione autem, per quam verbi gratia aer fit rarius, calor aeris non fit major per acquisitionem novi caloris; sed per hoc quod calor praecedens perfectius actuat subjectum, quia nimurum dat perfectius esse quam prius. Cum enim ibi non sit nova forma, debet esse novum et perfectius esse. Ergo similiter in rarefactione quantitas praecedens non fit major per generationem vel additionem novae quantitatis, sed novae perfectionis praecedentis quantitatis. — 4. *Phys.*, I. 14; I. *de Generat.* I. 14; Capreolus in 2. *Sent.* dist. 18, q. 1, a. 3, ad primum Scoti contra quartam conclus. — Tertio, cum rarefactio quanti sit quoddam ejus augmentum, duplicitate potest in quantitate contingere augmentum: uno modo, per additionem subjecti ad subjectum, sicut est in augmentatione viventium; alio modo per solam intensionem, absque omni additione, sicut est in his quae rarefiuntur. Si autem acquireretur in rarefactione nova quantitas, necessario deberet haec addi alteri. Et ratio hujus est, quia quantitas et habet aliquid in quantum est quantitas, et aliquid in quantum est forma accidentalis. In quantum enim est quantitas, habet quod sit distinguibilis secundum situm vel secundum numerum. Et ideo consideratur hoc modo augmentum magnitudinis per additionem, ut patet in animalibus; et hoc modo considerata non suscipit magis et minus, ut docet Philosophus in *Prædicam*. In quantum vero est forma accidentalis, est distinguibilis solum secundum subjectum; et secundum hoc habet augmentum, sicut et aliae formæ accidentales, per modum intensionis in subjecto, sicut patet in his quae rarefiuntur, ut probat

Philosophus 4. *Phys.*, (*text.* 80 sqq; c. 9). Unde manifestum est, quod in rarefactione non acquiritur nova quantitas, sed novus modulus novaque perfectio, qua quantitas praecedens in materia fit perfectior et extensior, ita ut sit major moles majorque dimensio, siveque praecedens quantitas occupet maiorem locum. — Ia 2a, q. 52, a. 2, ad 1; 2a 2a, q. 24, a. 5, ad 1; Capreolus in 4. *Sent.* dist. 12, q. 1, a. 3, ad quartum Scoti quoad primam conclus.

Ad primum ergo prime partis dicendum, quod per rarefactionem, cum sit alteratio, per se primoacquiritur raritas; secundario vero et consecutive major moles et dimensio quantitatis, seu variatio quantitatis; sicut variatio secundum situm consequitur motum secundum locum, ut dictum est supra (art. *præced.* in c.).

Ad secundum dicendum, quod hoc objectum probat intentum, nimurum quod in rarefactione non producitur quantitas, sicut nec in alteratione seu intensione qualitatis producitur nova qualitas, sed utrobique acquiritur major perfectio, seu perfectius esse, ut dictum est (in corp. et art. *præced.*).

Ad tertium dicendum, quod locus debetur quantitati determinatae; nam locus est mensura extrinseca corporis, ut dictum est; mensura autem debet esse res determinata et certa, quantum fieri potest in suo genere. — V. *Lógica* q. 11, a. 3; *Tabula Aurea* in voce «mensura» n. 5.

Ad quartum dicendum, quod in rarefactione non acquiritur nova quantitas, sed nova perfectio seu novus modulus, atque adeo perfectius esse, ut dictum est (in c. et ad argumenta, et art. *præced.*). — Neque inde sequitur ullum absurdum ex allatis in objecto. Non enim *primum*, quia tunc est penetratio dimensionum, quando duo quantitates occupant eundem locum, ut patet in corpore gloriose penetrante corpus cœlestis; at in rarefactione non additur quantitas quantitati, ut dictum est. Unde multo minus sequitur, quod sint duo accidentia solo numero distincta in eadem parte materiae. — 4. *Sent.* dist. 44, q. 2, a. 2, quæstiunc. 2, 3, 4. — Neque

secundum, quia non semper in rarefactione res, quae rarefit, efficitur duplo major: sicut nec in intensione qualitatis per alterationem qualitas sit duplo perfectior et intensior quam prius, ut per se manifestum est. — Neque *tertium*, quia cum in rarefactione non acquiratur nova qualitas, non occupat minor quantitas adæquate locum majoris, sed quantitas præcedens occupat majorem locum quam prius, ratione majoris perfectionis acquisitionis, ut dictum est. — Neque *quartum*, quia corpus Christi tamdiu manet in Sacramento, quia in manent dimensiones eadem, secundum quod indeterminatae intelliguntur. Per rarefactionem autem eadem dimensio indeterminata manet, et tantum variatur secundum determinationem (terminationem), quia sit præcedens quantitas major, quam erat antea. — 4. *Sent.* dist. 12, q. 1, a. 2, sol. 6, ad 5. — Neque *quintum*, quia in rarefactione non producitur quantitas, ut dictum est, sed præcedens sit major; et ideo non producitur quantitas extra subjectum. — 1. *de Generat.* l. 14.

Ad primum secundæ partis dicendum, quod rarefactio tam accidit in generatione quam in alteratione: in illa quidem, quia ad hoc ut ex aqua fiat aer, debet aqua rarefieri, et per talem rarefactionem non producitur nova quantitas, sed quantitas præcedens aquæ sit major; in hac vero similiter cum aer rarefit, quantitas illius efficitur major et extensior, nulla quantitate superaddita, ut dictum est (in c. et a. 1).

Ad secundum dicendum, quod raritatem consequitur variatio quantitatis, non autem quantitas, ut dictum est (in c. et a. 1).

Ad tertium dicendum, quod per rarefactionem multiplicatur materia secundum quantitatem, quatenus præcedens quantitas sit major et intensior, ut dictum est (in c. et a. 1).

QUÆSTIO XXXVIII

DE AUGMENTATIONE.

Deinde considerandum est
de augmentatione.

CIRCA QUAM QUERUNTUR SEPTEM:

1. Utrum augmentatio recte definiatur a Philosopho.
2. Utrum augmentatio formaliter consistat in additione quantitatis alimenti ad quantitatem viventis, an vero in extensione viventis consequente predictam additionem.
3. Utrum augmentatio sit motus continuus.
4. Utrum idem vivens numero maneat ante et post augmentationem.
5. Utrum vivens augeatur secundum omnes partes.
6. Utrum alimentum convertatur in substantiam alii.
7. Utrum alimentum sit simile nutritio.

ARTICULUS I

UTRUM RECTE DEFINIATUR A PHILOSOPHO AUGMENTATIO.

Videtur quod non recte definiatur a Philosopho 1. *de Generatione* (*text.* 24; c. 4) augmentatio, quod sit transmutatio de contrario in contrarium secundum quantitatem.

1. Dicit enim Philosophus in *Prædicam*. cap. de quantitate (c. 7, al. 6), quod quanto nihil est contrarium: ergo augmentatio male definitur, quod sit motus a contrario in contrarium. — V. in *Logica* q. 11, a. 4, quæstiunc. 1.

2. Præterea, in rarefactione corpus ex minus quanto sit magis quantum, ut dictum est (supra q. 37, a. 1 et 2); sed rarefactio non est augmentio; nam illa est alteratio, ut dictum est: ergo male definitur augmentatio, quod sit transmutatio secundum quantitatem.

3. Præterea, Philosophus 1. *de Generat.* *text.* 38 (c. 5) dicit, quod augmentatio est, quando totum majus genitum est adveniente nutrimento; et *text.* 39 dicit, quod per-

augmentationem id, quod est potentia caro, fit actu caro, et desinit esse per corruptionem quod actu prius erat, puta panis. Sed panis non potest fieri caro, si desinit esse panis per corruptionem, nisi per generationem. Nam caro est substantia, quae est terminus generationis, ut dicitur 1. *de Generat. text.* 25 (c. 5), et quia corruptio unius est generatio alterius, ut dicitur *ibid. text.* 17 (c. 3). Ergo augmentatione non est transmutatio secundum quantitatem. — *de Generat.* I. 16, 11 et 7.

4. Praeterea, Philosophus 1. *de Generat. (text. 41; c. 5)* dicit, quod augmentatione idem est cum nutritione; sed nutritio, ex eodem *ibidem*, terminatur ad substantiam, non autem ad quantitatem: ergo augmentatione non est transmutatio secundum quantitatem. — *de Generat.* I. 17.

5. Praeterea, dicit Philosophus (1. *de Generat. text. 32; c. 5*), quod generatio potest etiam terminari ad quantitatem; ut quando materia potentia quanta, fit actu quanta; sed motus distinguuntur ex terminis, ut dictum est: ergo augmentatione non est transmutatio secundum quantitatem. — *de Generat.* I. 13.

6. Praeterea, caro quanta auget, sicut caro in quantum substantia, nutrit, ut dicitur 1. *de Generat. text. 41 (c. 5)* et 2. *de Anima text. 47 (c. 4)*; sed oportet, ut dicit Philosophus *ibidem*, generari et carnem et quantam: ergo augmentatione, quae est via ad carnem quantam, male definitur, quod sit transmutatio secundum quantitatem, cum tam quantitas quam substantia sint termini generationis. — *de Generat.* I. 17; 2. *de Anima* I. 9.

Sed contra est auctoritas Philosophi definitis augmentationem 1. *de Generat. (text. 24; c. 4)*, quod sit transmutatio viventis a contrario in contrarium secundum quantitatem; et rursum 5. *Phys. (text. 18; c. 2)* definit augmentationem, quod sit motus ab imperfecta magnitudine ad perfectam magnitudinem; sed imperfecta et perfecta magnitudo sunt contraria, ut dicitur 3. *Phys. (text. 6; c. 4)*: ergo augmentatione bene definitura Philosopho, quod sit transmutatio

a contrario in contrarium secundum quantitatem. — 1. *de Generat.* I. 10; 5. *Phys.* I. 4; 3. *Phys.* I. 2.

RESPONDEO DICENDUM, quod recte definitur a Philosopho augmentatione, quod sit transmutatio viventis a contrario in contrarium secundum quantitatem. Explicat enim haec definitio quidditatem augmentationis, eamque recte distinguit ab omnibus aliis mutationibus, quod est proprium bonae definitionis, ut dicit Philosophus 4. *Phys. (text. 31; c. 4)*. — 3. *Phys.* I. 2; 4. *Phys.* I. 5. — Diciturenam *primo, transmutatio*, loco generis, quia in hac tamquam in genere convenit augmentatione cum generatione, latrone, alteratione; mutatio enim in has quatuor species dividitur a Philosopho 5. *Phys. text. 7; c. 1.* (5. *Phys. I. 2.*) Dicitur *secundo, a contrario in contrarium*, ut per hanc particulam distinguitur a generatione, licet in illa conveniat cum latrone et alteratione, quia omnis motus, cuius species est augmentatione, est inter contraria, ut dicit Philosophus 5. *Phys. (text. 7 et 10; c. 1 et 2)*; generatio autem non est inter contraria, quia generatio est ad substantiam, cui nihil est contrarium. Est autem motus augmenti inter contraria, quia licet quantitati, secundum communem rationem quantitatis, nihil sit contrarium, invenitur tamen in quantitate contrarietas, si accipiatur quantum est in aliqua re determinata, ut in aliqua specie animalis vel plantæ. (5. *Phys. I. 2 et 3.*) Dicitur *tertio, secundum quantitatem*, quia per hanc distinguitur augmentatione a ceteris mutationibus et motibus: nam a generatione distinguitur, quia haec terminatur per se ad substantiam, alteratio ad qualitatem, motus localis ad locum, augmentatione ad quantitatem. (1. *de Generat.* I. 11.) Dicitur *quarto, viventis*, quia augmentatione solis viventibus convenit, si proprie sumatur. Ut enim ait Philosophus 2. *de Anima (text. 39, 41, 46; c. 4)*, id vere et proprie augetur, quod nutritur; solum autem vivens proprie nutritur, quia nutriti est accipere aliquid ad sui conservationem, quod non est in inanimatis. (2. *de Anima* I. 8 et 9.) Unde manifestum est, quod recte

tradita fuit a Philosopho definitio augmentationis.

Ad primum ergo dicendum, quod quantitati nihil est contrarium, si sumatur communis ratio quantitatis; sensu vero, si sumatur ut est in re determinata, ut dictum est (*in c.*).

Ad secundum dicendum, quod rarefactio est non viventium, augmentatio vero est viventium, ut dictum est. Deinde, augmentatione requirit additamentum quantitatis extrinsecus advenientis; at in rarefactione non advenit nova quantitas, sed quantitas precedens sit major. — *1. de Generat.* I. 14.

Ad tertium dicendum, ad *priorem* textum Philosophi (*1. de Generat.*), quod dicitur generari aliquid majus in augmentatione, sumpto nomine generationis improprie, pro eo, quod est fieri. *Ad posteriorem* textum dicendum, quod ad augmentationem concurret generatio; nam cibus convertitur in carnem viventis, non tamen consistit in tali conversione, sed vel in additione carnis quantae ad carnem quantum vel in extensione consequente talem additionem. — *II. cit. in arg.*; *2. de Anima* I. 1.

Ad quartum dicendum, quod augmentatione dicitur esse eadem cum nutritione, quia subjecto sumi eadem, sed differunt ratione. Quatenus enim id, quod advenit, est in potentia ad utrumque, id est ad hoc quod sit quanta caro, secundum hoc est augmentum carnis; in quantum vero est in potentia ad hoc solum quod sit caro, secundum hoc est nutrimentum et cibus. — *I. cit. in arg.*; *2. de Anima* I. 9.

Ad quintum dicendum, quod augmentatione non est quaecunque transmutatio ad quantitatem (nam si talis transmutatio tantum fiat ex eo, quod solum est in potentia ad magnitudinem, non proprie pertinet ad augmentum); sed magis ad generationem, quia de ratione augmentationis est, quod fiat additio ad praexistentem magnitudinem. Dicitur enim aliquid augeri ex eo quod sit majus; quod non esset, nisi aliquid prius esset magnum; et per oppositum de ratione diminutionis est, quod fiat quedam minora-
tio magnitudinis praexistentis. Unde patet,

quod oportet quod id, quod augetur, habeat aliquam magnitudinem; et per consequens ad hoc quod augmentatione fiat, non oportet quod materia, qua erat sine magnitudine in actu, perveniat ad hoc quod habeat magnitudinem in actu; hoc enim non esset augmentatione corporis, sed generatio, de cuius ratione est, quod fiat aliquid in actu, quod prius fuerit in potentia. — *1. de Generat.* I. 13.

Ad sextum dicendum, quod augmentatione non est generatio, qua cibus adveniens per generationem recipit formam, v. gr. carnis; sed est mutatio, qua virtus naturalis id, quod plus ex alimento generatum est, extendit in maiorem quantitatem secundum aliquam dimensionem. — *1. de Generat.* I. 15.

ARTICULUS II

UTRUM AUGMENTATIO FORMALITER CONSISTAT IN ADDITIONE QUANTITATIS ALIMENTI AD QUANTITATEM VIVENTIS, AN VERO IN EXTENSIONE VIVENTIS CONSEQUENTE TALEM ADDITIONEM.

Videtur quod augmentatione formaliter consistat in additione quantitatis alimenti ad quantitatem viventis. — *1.* Dicit enim Philosophus *1. de Generat. text. 33* (*c. 5*), quod augmentatione est existentis magnitudinis augmentum; et *text. 39* (*c. 5*), quod sicut gnis dicitur augeri, quando ligna igni intur-adjuncta igni praexistenti, ita vivens dicitur augeri, quando generatur caro adjuncta alteri praexistenti; ergo augmentatione formaliter consistit in additione quantitatis alimenti ad quantitatem viventis. — *1. de Generat.* I. 14 et 16.

2. Praeterea, dicit Philosophus (*1. de Generat. text. 34*; *c. 5*), quod sola caro, cui additur cibus, augetur; et hic dicitur augens, quatenus illi additur: sicut quando vinum miscetur aquæ, vinum dicitur augeri, quatenus illi superadditur aqua, quam in se convertit, non autem aqua dicitur augeri. Ergo augmentatione consistit in aggeneratione et additione cibi ad substantiam viventis. — *1. de Generat.* I. 14.

3. Praeterea, dicit Philosophus (*7. Phys. tert. 13; c. 2*), quod augmentum nihil est aliud quam apposito quedam, sicut et decrementum ablatio quedam est; per appositionem enim alienus quanti aliquid augetur, et per ablationem decrescit; et ideo oportet, inquit, quod augens et auctum sint simul. Ergo augmentatio consistit in additione, sicut decrementum formaliter consistit in ablatione. — *7. Phys. I. 4.*

4. Praeterea, extensio consequens aggenerationem est quedam rarefactio; nam per illam non acquiritur quantitas nova, sed praecedens fit major; sed augmentatio non est rarefactio, ut dicit Philosophus (*1. de Generat. tert. 33; c. 5*); ergo augmentatio non est extensio, sed aggeneratio vel additio cibi quanti ad substantiam quantam. — *1. de Generat. I. 14.*

5. Praeterea, dicit Philosophus (*1. de Generat. tert. 34; c. 5*), quod non augetur id quod additur, sed sola pars viventis, cui cibus in carnem viventis conversus additur; sed extensio convenit tam parti que additur, quam cui additur; ergo augmentatio non est extensio, sed additio, ratione ejus soli parti, cui fit additio, convenit augeri. — *Ibid.*

Sed contra est: 1. quod Philosophus (*1. de Generat. tert. 25; c. 5*) dicit, quod id quod augetur, est sicut id quod extenditur; ergo augmentatio est quedam extensio. — *1. de Generat. I. 14.*

2. Praeterea, dicit Philosophus (*2. de Generat. tert. 14; c. 2*), quod vivens augetur secundum omnes differentias loci; sed per solam additionem non augetur vivens sursum, scens vero per extensionem: ergo augmentatio formaliter consistit in extensione. — *2. de Anima I. 3.*

RESPONDEO DISCENDUM, quod ad augmentationem proprie sumptam, que solis viventibus competit, ut dictum est (art. praeced. in c.), necessario concurrunt plures ac vari motus vel mutationes. *Concurrunt enim, primo, motus localis;* nam quod augetur aut diminuitur, inquit Philosophus (*1. de Generat. tert. 25; c. 5*), necesse est secundum locum transmutari; non sic, quod alteratur

vel generatur. Et ratio est, quia locus commensuratur loco, et hoc secundum magnitudinem, non autem secundum qualitatem vel substantiam. Et ideo necesse est quod quando mutatur magnitudo loci, id fiat transmutatione secundum locum, non autem quando transmutatur aliquid secundum substantiam vel secundum qualitatem. — Quamquam quia transmutatione modo locum id quod augetur vel diminuitur, quam id quod fertur sive motu recto sive sphærico; ideo *augmentatio formaliter non est motus localis.* Illud enim quod fertur *motu recto*, secundum totum variat locum; illud autem quod augetur, mutat locum sicut id quod extenditur, puta metallum per malleationem. *Sphæra* vero licet mutet locum tantum secundum partes, sicut et id quod augetur: partes tamen sphærae et variant locum, tum ratione, ut dicitur *6. Phys. (tert. 84; c. 9)*, tum subjecto; pars enim cœli que modo est in oriente, postmodum erit in occidente; et tales partes semper sunt in simili loco, id est neque in majori neque in minori. Sed partes corporis, ut dicit Philosophus (*1. de Generat. tert. 25; c. 5*), extenduntur in majorem locum; ejus vero quod diminuitur, semper retrahuntur in minorem. — *1. de Generat. I. 14; 1. de Cœlo I. 7.*

Secundo, concurrit alteratio, qua vivens alterat cibum, ut inquit Philosophus (*1. de Generat. tert. 34; c. 5*). — Et per consequens, *tertio, concurrit generatio,* qua materia cibi amittit formam cibi et recipit formam carnis, ut ait Philosophus (*1. de Generat. tert. 39; c. 5*). Cum enim caro sit *id quod augetur*, oportet *id quo augetur*, esse in potentia carnem, quia id quo aliquid augetur, est in principio dissimile, in fine autem simile. Et quia nihil est in potentia ad nūm, quin sit in actu aliquid aliud, oportet id quo augetur caro, quod est in potentia ad carnem, esse actu aliquid aliud quam carnem, puta panem; quod autem est aliquid actu, non sit actu nisi per prioris corruptionem et sequentis generationem. Quare oportet quod augmentum fiat corruptio eo quod prius erat actu, puta pane, genito eo quod auge-

tur, puta carne. Et sic manifestum est, quod in augmentatione concurrevit generatio, et per consequens alteratio, qua alteratur cibus dissimilis ad hoc ut fiat similis carni, quae debet augeri. — Verum in neutra mutatione consistit formaliter augmentatio. Nam, ut ait Philosophus (*1. de Generat. text. 25; c. 5*), alterationis terminus est qualitas, generationis substantia, augmentationis vero quantitas. Præterea, id quod alteratur non necessario transmutatur secundum locum, similiter etiam neque quod generatur; neccesse autem est id quod augetur aut diminuitur, secundum locum transmutari, ut dictum est ex Philosopho ibidem. Deinde, quod generatur, separatim generatur; at in augmentatione generatur aliquid in aliquid, puta caro in carnem, quæ augetur, ut inquit Philosophus (*1. de Generat. text. 39; c. 5*). Demum, generatio non est motus continuus, nec consequenter forma substantialis educitur successive de potentia in actum; et ideo ad substantiam, qui est terminus generationis, non est motus; augmentatio autem est motus continuus. — *1. de Generat.* 1. 16 et 1. 11; *2. c. Gent.* c. 89; *1a, q. 118, a. 2, ad 2;* *5. Phys.* 1. 3. Cf. etiam locos citandos art. sequenti.

*Quarto, concurrevit additamentum cibi in carnem conversi ad ipsam carnem, quæ augetur, ut docet Philosophus textu citato, et *text. 33 (c. 5) et 7. Phys. text. 13 (c. 2)*. Verum neque in tali mutatione, licet reducatur ad augmentationem, formaliter consistit augmentatio, *tum* quia cibus conversus in carnem eatenus auget carnem, cui additur, quatenus est in potentia ad majorem quantitatem; est autem in potentia ad majorem quantitatem, quatenus calor naturalis animalis, quæ est virtus speciei, illum extendit in majorem quantitatem, quam fuerit deperdita; — *tum* quia propterea non semper animal augetur, licet semper nutriatur, ut dicitur *1. de Generat. (text. 41; c. 5) et 2. de Anima (text. 47 c. 4)*, quia tamdiu tantum augetur, quamdiu cibus conversus potest extendi in majorem quantitatem. — *Non enim sufficit illa quantitas, quam acquirit cibus per conversionem in substantium viven-**

tis. Nam illa acquiritur in materia cibi in carnem conversi per *generationem*, ut dicit Philosophus (*1. de Generat. text. 31; c. 5*). Unde est terminus generationis; *augmentatio* autem primo et per se est ad quantitatem, ut dicitur *5. Phys. (text. 18; c. 2)*. *Præterea*, et illa non est major, ut plurimum, quam sit deperdita, puta si impediatur calor naturalis, seu virtus speciei, ne possit cibum conversum in majorem quantitatem extendere ad operationes viventis perfectius exercendas. *Præterea*, tale additamentum, cum simul sit cum generatione carnis ex materia alimenti, sit in *instanti*, sicut et generatio; at extensio sit *successiva*, sicut et augmentatio; cum augmentatione enim simul est necessario motus localis, ut dictum est ex Philosopho (*1. de Generat. text. 25; c. 5*); motus localis necessario sit in tempore, ut dicitur *6. Phys.* 50 et sqq.; c. 6). — *1. de Generat.* 1. 13, 15, 16, 47; *2. de Animal.* 9; *5. Phys.* 1. 4; *6. Phys.* 1. 8; *7. Phys.* 1. 4.

Denique, concurrevit ad augmentationem extensio tum carnis tum cibi in carnem conversi in majorem quantitatem; et haec est ultima mutatio. Et in hac consistit formulariter augmentatio viventis. Quod patet *primum* a sufficienti partium enumeratione. *Deinde*, quia in hac extensione reperiuntur tria, quæ Philosophus (*1. de Generat. text. 35; c. 5*) dicit esse de ratione augmenti: nimirum ut quod augetur, permaneat; ut augmentum fiat adveniente aliquo; et ut quælibet pars sensibilis ejus quod augetur, secundum speciem sumpta et non secundum materiam, fiat in augmento major et in decreemento minor; et illud quod præterea requirit (*2. de Anima text. 14; c. 2*), scilicet ut vivens augeatur secundum omnes differentias loci. Cum enim ita se habeat vivens, quod augetur, sicut metallum, quod per malleationem extenditur, sicut in hac extensione metallum idem manens acquirit majorem quantitatem; ita et in augmentatione eadem caro præexistens perinanet, et per extensionem tum carnis tum cibi conversi acquirit majorem quantitatem. Quamdiu enim quis conservatur in vita, nutritur, quia semper oportet restituiri per nu-

trimentum id, quod continue solvit; non autem semper animal augetur, sed quādīn eibus conversus in carnem potest extendi in majorem quantitatem, ut dicitur 1. *de Generat.* (*text.* 41; c. 5). *Praeterea*, talis extensio enim sit cibi in carnem conversi, supponit additam carnem carni; est enī extensio carnis additae in carnem. *Item*, quælibet pars formæ seu speciei per carnem sibi additam, quatenus in majorem quantitatem per virtutem naturalem extenditur, fit major. *Demonstr.* per solam extensionem augetur vivens secundum omnes differentias loci, quia per solam additionem vel agenerationem non augetur vivens sursum, ut perse constat, secus vero per extensionem. Unde manifestum est, quod *in sola extensione consistit formaliter augmentatio*. — 1. *de Generat.* I. 15, 16, 17; 2. *de Anima* I. 3.

Ad primum ergo dicendum, quod augmentatio est additamentum præsuppositive, quia nimis ad extensionem, in qua formaliter consistit augmentatio, præsupponitur additamentum alimenti ad carnem viventis, ut dictum est (in c.). — Et eodem modo respondeatur *ad secundum et tertium*.

Ad quartum dicendum, quod rarefactio est inanimatorum, extensio vero viventium, ut dictum est (in c.). *Praeterea*, rarefactio non præsupponit additamentum, sicut illud præsupponit extensio, atque adeo augmentatio viventium formaliter sumpta, ut dictum est (in c.).

Ad quintum dicendum, quod id quod additur, puta eibus, dupliciter potest considerari: *uno modo*, secundum quod est dissimilis viventi, cui additur; et hoc modo non augetur, sed auget, quia ut dicit Philosophus loco citato, ejus quod augetur debet manere substantia; at cibi, qui additur, non manet substantia, quia convertitur in substantiam viventis. *Alio modo*, secundum quod est factus similis carni per conversionem in ipsam; et hoc modo augetur eo modo, quo vivens, quia jam pertinet ad substantiam viventis, cuius quælibet pars formæ seu speciei debet augetri secundum omnes differentias loci, ut dictum est (in c.), sicut et quilibet ali-

quid advenit. — 1. *de Generat.* I. 14.

ARTICULUS III.

UTRUM AUGMENTATIO SIT MOTUS CONTINUUS.

Videtur quod augmentatio non sit motus continuus.

1. Dicit enim Philosophus (8. *Phys.* *text.* 23; c. 3), quod neque augetri neque minimi possibile est continua; ergo augmentatio non est motus continuus. — 8. *Phys.* I. 5.

2. *Praeterea*, si augmentatio esset continua, cuilibet parti sensibili temporis augmentationis responderet aliqua pars sensibilis quantitatis acquisitæ; sed hoc est falsum, inquit Philosophus I. c.; dicit enim, quod augmentatio est sicut gutta, quæ multiplicata excavat lapidem, non autem singula gutta excavat. — *Ibid.* et Ia 2æ, q. 52, a. 3, c.; 2a 2æ, q. 24, a. 6, c.

3. *Praeterea*, augmentatio simul est cum nutritione, ut dicit Philosophus (2. *de Anima* *text.* 47; c. 4; et 1. *de Generat.* *text.* 41; c. 5); sed nutritio fit in instanti, cum fiat per generationem, quæ simul est cum generatione nova carnis ex materia alimenti, quæ, ut dictum est (art. præc.), fit in instanti: ergo. — 2. *de Anima* I. 9; 1. *de Generat.* I. 17.

4. *Praeterea*, ita augetur animal, sicut augetur habitus, et excavatio lapidis facta per aquam per additionem guttarum; sed habitus crevit ex multiplicatis actibus non continuis inter se, et non quilibet gutta excavat lapidem: ergo similiter non quodlibet alimentum assumptum actu auget animal, sed tantum multiplicatum; haec autem multiplicatio non fit continua, sed interrupta: ergo augmentatio non est motus continuus. — Ia 2æ, q. 52, a. 3, c.

Sed contra: 1. Philosophus 6. *Phys.* *text.* 49 (c. 5) dicit, quod quantitatis mutatio in continuo est; et *text.* 57 (c. 6) dicit, quod in motu locali et augmenti verum est, quod id quod est mutantum, prins mutabatur; hoc autem est motum augmenti esse continuum. — 6. *Phys.* I. 7 et 8.

2. Prieterea, omnis motus, ut distinguitur a mutatione, est continuus, ut dicit Philosophus 4. *Phys.* (*text.* 129 et 132; c. 14) et 5. *Phys.* (*text.* 34, 39, 44; c. 4), ubi ait omnem motum esse velocem vel tardum; velox autem et tardum sunt in tempore et continue, ut dicitur 4. *Phys.* (*text.* 129; c. 14); sed augmentatio est species motus, ut distinguitur a mutatione, ut constat ex 5. *Phys.* (*text.* 9 et 18; c. 1 et 2): ergo idem ut prius.

RESPONDEO DICENDUM, quod augmentatio est motus continuus. Quod potest esse manifestum ex multis: — et *primo* quidem ex passione motus. Nam impossibile est quod tempus sit sine motu, sicut impossibile est quod passio sit sine proprio subjecto, et e contra subjectum sine propria passione, ut dictum est (in *Logica* q. 6, a. 3); tempus autem est quid continuum: quare et augmentationis motus debet esse continuus (2. *de Generat.* l. 10). — *Secundo*, ex motu locali, qui necessario concomitantur motum augmenti. Nam id quod augetur, necesse est, ut inquit Philosophus (1. *de Generat.* *text.* 25 et sq.; c. 5; et 8. *Phys.* *text.* 56; c. 7), quod moveatur localiter. Necesse enim est, quod ejus, quod augetur et decrescit, magnitudo mutetur secundum locum, quia quod augetur, ex crescere in majorem locum, quod autem decrescit, in minorem contrahitur; ad distinctionem alterationis et generationis, quae non sunt necessario conjunctae cum tali motu. Motus autem localis continuus est, ut docet Philosophus 4. et 5. *Phys.*, ubi probans motum fieri in tempore et esse continuum, id maxime probat in motu locali. (1. *de Generat.* l. 11; 8. *Phys.* l. 14.) — *Tertio*, ex propria ratione motus augmentum ex parte termini tum ex parte modi transmutationis. *Ex parte* quidem *termini*, quia termini augmentationis sunt imperfecta et perfecta magnitudo, ut dicit Philosophus (5. *Phys.* *text.* 18; c. 2), inter quos terminos cum sit contrarietas et maxima distantia determinatorum extre- morum, secundum quod saltem accipiuntur in re determinata, puta in specie animalis vel plantæ, nil requiritur, quominus aug-

mentatio sit motus continuus. *Ex parte vero modi* transmutationis, quia quod augetur ex modo sive transmutationis, ita acquirit perfectam quantitatem, ut ad illam acquirendam extendatur, eo modo, quo metallum, ut dictum est, per malleationem extenditur ad maiorem quantitatem acquirendam. Hic autem modus transmutationis necessario exigit continuatatem, cum in tali modo successive acquirat id, quod augetur, majorem locum, et per consequens moveatur localiter, quod non nisi in tempore fieri potest, ut dictum est. (5. *Phys.* l. 3 et 4; 1. *de Generat.* l. 11.) Unde manifestum est, quod augmentatio est motus continuus.

Ad primum dicendum est, quod sensus Philosophi l. c. est, quod augmentatio non est motus continuus in hoc sensu, quod si aliquid tantum augetur in tanto tempore, necesse sit quod proportionaliter in qualibet parte illius temporis augeatur aliquid, sicut contingit in motu locali. Nam per aliquod tempus natura operatur disponens ad augmentum, et nihil auget actu, et postmodum perducit in effectum id, ad quod disposuerat, augendo ipsum animal vel plantam in actu, quod fit per extensionem, ut dictum est (ari. praec. in c.) — 2a 2æ, q. 24, a. 6, c.; 1a 2æ, q. 52, a. 3, c.

Ad secundum dicendum, quod similitudo guttarum eo spectat, ut intelligamus ita fieri augmentationem, ut non quodlibet alimen- tum assumptum actu augeat animal, sicut nec quilibet gutta cavat lapidem; sed multiplicato alimento tandem fit augmentatio, sicut multiplicata gutta cavat lapidem; quia nimis quando fuerit plus, quod ex ali- mento generatum est, virtus naturalis exten- dit id ad maiorem quantitatem secundum aliquam dimensionem, et ita occupat major- rem locum. — 1a 2æ, l. c.; 2. *de Anima* l. 9; 1. *de Generat.* l. 15.

Ad tertium dicendum, quod augmentatio sumpta pro additamento simul est cum nu- tritione, non autem sumpta formaliter pro extensione, ut dictum est (supra a. 4 et 2).

Ad quartum dicendum, quod augmenta- tio sumi dupliciter potest: *uno modo* præ- suppositive et materialiter; et sic consistit

ut plurimum in multiplicatis additionibus alimenti; nam una additio non ponit tantum quantitatem, quanta fuit desperita. *Alio modo* formaliter; et sic consistit in extensione consequenti additionem, quae extensio fit continua. Augmentum autem habitus fit ad modum augmenti materialis animalium. — *Ia 2æ, q. 52, a. 3, c.*

ARTICULUS IV

UTRUM IDEM VIVENS NUMERO MANEAT ANTE ET POST AUGMENTATIONEM, SEU IN TOTO VITÆ TEMPORE.

Videtur quod idem vivens numero non maneat ante et post augmentationem, seu in toto vitæ tempore.

1. Dicit enim Philosophus *1. de Generat.* (*text. 36; c. 5*), quod in toto vitæ tempore non manet in vivente eadem materia numero, quia ad modum aquæ continua fluit, et nova advenit ex conversione alimenti; sed varietas individui est ex varietate materiae: ergo non est idem vivens numero in toto vitæ tempore. — *1. de Generat.* I. 15; 2. *Sent.* dist. 30, q. 2, a. 1, arg. 2 et 4.

2. Praeterea, dicit Philosophus ibidem, quod eodem modo vivens manet idem in toto vitæ tempore, sicut eadem aqua manere dicitur in vase, si ex illo pleno aqua guttatum effluit, et semper guttatum infundatur; et sicut fluvius dicitur idem manere, quia aqua semper est in illo; sed in utroque exemplo nunquam eadem numero aqua manet, sed semper est alia et alia numero: ergo et vivens non erit idem numero in tota vita. — *1. de Generat.* I. 15; *de Motu Animalium* I. 8.

3. Praeterea, si toto aliquo igne extineto aliis totus accendatur, esset novus ignis numero, non idem praexistens; sed eodem modo se res habet, si paulatim priores partes individui viventis consumantur et tollantur, et nova succedant: ergo idem vivens numero non manet ante et post augmentationem. — *Quodl.* 4, a. 5.

4. Praeterea, ubi est alia materia et alia forma numero, ibi non est idem numero compositum. Nam sicut compositum con-

stituitur ex unione materie et formæ, ita *hoc* numero compositum constituitur ex unione *hujus* numero materie et *hujus* numero formæ, ut dictum est (*v. in Metaphysica* q. 24, a. 3 et 4; q. 25, a. 5); et ex forma præserbit sorbitur compositum suum speciem, et est unum simpliciter. Sed in toto vitæ tempore non manet eadem numero materia, ut dictum est; neque etiam manet eadem numero forma, quia nulla forma materialis potest deserere suam materiam et recipi in alia materia; ergo non est idem numero vivens ante et post augmentationem, atque adeo in toto vitæ tempore. — *7. Metaphys.* I. 13; *1. de Generat.* I. 15; *Ia*, q. 119, a. 1, c.; *Quodl.* 4, a. 5.

Sed contra est: I. quod Philosophus *1. de Generat.* (*text. 23 et 24; c. 4*) dicit, quod subiectum idem numero manet in tola augmentatione, sicut et in alteratione, ad differentiam generationis, in qua non manet idem numero subiectum, licet maneat eadem numero materia; ergo idem vivens numero manet in toto vitæ tempore. — *1. de Generat.* I. 10.

2. Praeterea, Philosophus *1. de Generat.* (*text. 33 et 35; c. 5*) dicit, quod de ratione augmentationis est, quod id quod augetur, conservetur et in suo esse permaneat; eo quod augmentatione non est transmutatio circa substantiam, sed tantum circa quantitatem; et *2. de Anima* (*text. 47 et 49; c. 4*) dicit, quod potentia generativa est ad simile in specie generandum, augmentativa vero est ad idem numero conservandum, et quod de ratione alimenti est conservare substantiam ejus quod alitur. — *1. de Generat.* I. 14 et 15; *2. de Anima* I. 9.

RESPONDEO DICENDUM, quod idem numero vivens manet in toto vitæ tempore. Quod manifestum esse potest ex tribus: — et *primo* ex fine augmentationis. Hic enim est, ut dicit Philosophus (*5. Phys. text. 18; c. 2*), perducere vivens praexistens ad quantitatem perfectam; qui finis certe haberri non posset, si non maneret idem numero vivens in toto vitæ tempore: quia tunc non perduceretur idem numero subiectum ab uno termino in alium, sed produceretur novum vivens et novum subiectum, et corrumperetur sub-

jectum, atque adeo vivens imperfectum. (5. *Phys.* l. 4.) *Secundo*, ex additione quantitatis alimenti ad quantitatem viventis praexistentis, quae necessario antecedit augmentationem formaliter sumptam. Nisi enim idem numero vivens permaneret in toto vitae tempore, non fieret additio quantitatis quantitati viventis praexistentis, sed novum quantum generaretur. *Tertio*, ex ratione formalis augmentationis. Cum enim haec consistat in extensione praexistentis viventis ad modum metalli, quod extenditur ad majorem quantitatem, necessario requirit, quod idem numero vivens praexistentis extendatur ad majorem quantitatem aquirendam: sicut idem numero metallum est, quod ante extensionem habebat parvam quantitatem, et post extensionem habet magnam quantitatem, ut dictum est. — V. supra art. 4, 2, 3 huj. quest.

Verum *quomodo* idem vivens ante et post augmentationem, atque adeo in toto vitae tempore permaneat, non omnes philosophi consentiunt. *Quidam* enim dicunt, quod est idem numero vivens ratione formae, quae remanet invariabilis, quæque extenditur ad informandam novam materiam alimenti, quod convertitur in vivens. — Verum haec positio repugnat Philosopho et rationi: *Philosopho* quidem, quia 4. *de Generat.* (*text.* 38, c. 5) dicit, quod vivens augetur, quia alimentum convertitur per generationem in carnem, et haec caro addita carni praexistenti illam auget. Communiter autem generatio terminatur ad novam formam animatam, si quod augetur sit vivens vel animal imperfectum. Et (*text.* 39; c. 5) comparat augmentationem viventium augmento vini per superinfusam aquam, quam in se convertit, et augmento ignis per apposita ligna. At certum est aquam in vinum converti per formam substantialem novam vini per generationem productam, et similiter materiam lignorum acquirere novam formam substantialem ignis distinctam a forma substantiali ignis in se ligna convertentis; ergo similiter in augmento viventis, caro generata ex materia alimenti habet novam formam substantialem, præsertim in viventibus et animalibus im-

perfectis. — Repugnat eti omni haec positio rationi, quia si loquamur de plantis et animalibus imperfectis, licet haec habeant unam tantum animam in actu, habent tamen plures in potentia; unde decisa vivunt (*Tabula Aurea* voce. «anima» n. 347); et ideo necesse est quod anima, quæ actuali unam partem materiae, non sit omnino et simpliciter tan actu quam potentia eadem, alioqui partes decisæ horum animalium non viverent.

Alii ergo dicunt, quod idem numero vivens permanet ante et post augmentationem et in toto vite tempore: *tum* quia semper manet eadem species et forma singularum partium per totam vitam, licet materia partium et resolvatur per actionem caloris naturalis, et de novo adveniat per alimentum; *tum* quia nunquam contingit, quod omnes partes quæ præerant, abscedant, ita ut nihil prioris materiae remaneat, sed semper manet aliquid, et illud quod advenit viventi ex alimento, efficitur unum quid cum partibus quæ præerant.

Et haec positio mihi videtur vera; et confirmari potest *primum* a simili in resurrectione. Dicitur enim idem homo numero resurgere, quia licet non quidquid materialiter fuit in homine secundum totum vitæ suæ tempus, resuminatur, resumitur tamen ex eo quantum sufficit ad complementum debitæ quantitatis, et præcipue illud, quod perfectius fuit sub forma et specie humilitatis consistens. Si quid vero defuit ad complementum debitæ quantitatis (vel quia aliquis præventus est morte, antequam natura ipsum ad perfectam quantitatem duceret; vel quia forte aliquis mutilatus est membro), aliunde hoc divina supplebit potentia. Quare similiter in opere naturæ idem homo numero dicetur, licet super id quod puer habet, addatur aliquid aliunde, ut ad perfectam aetatem perveniat. — *Deinde* idem patet in augmento ignis ex lignis appositis, cui comparat Philosophus augmentum viventium. Sicut enim ignis qui continua ardet, unus numero dicitur, propter hoc quod species ejus manet, licet ligna consumantur et de novo apponantur, et quod additur, transit in præexistens; ita

idem homo numero dicetur, dum vivit puer et adultus, quia licet non sint eadem partes secundum materiam, sed fluant et refluant, sunt tamen eadem partes secundum speciem et formam, quae consideratur in determinato situ, figura et virtute. — Et sic patet, quod ideo numero vivens manet in toto vitaे tempore, atque adeo ante et post augmentationem. — 4. c. Gent. c. 81, n. 4; 2. Sent. dist. 30, q. 2, a. 1, c. et ad 4; 1a, q. 119, a. 1, ad 5; Quodl. 8, a. 5.

Ad ergo primum dicendum, quod sicut Philosophus dicit in 1. *de Generat.*, quando aliqua materia per se convertitur in ignem, tunc dicitur ignis de novo generari; quando vero aliqua materia convertitur in ignem præexistente, dicitur ignis nutriti. Unde si tota materia simul amittat speciem ignis, et alia materia convertatur in ignem, erit aliis ignis numero. Si vero paulatim combusto uno ligno aliud substituatur, et sic deinceps, quoisque omnia prima consumantur, semper remanet idem numero ignis, quia semper quod additur, transit in præexistens. Et similiter intelligendum est in corporibus viventibus, in quibus ex nutrimento reparatur id, quod per calorem naturalem consumitur. Quamquam quia ignis improprie et tantum secundum quandam similitudinem nutriti dicitur inter cetera elementa, ideo tantum secundum quandam similitudinem dicitur idem numero præexistens perseverare, ut dicemus infra (q. 45, ad 4). — 1a, q. 119, a. 1, ad 5; 2. Sent. 1. c. ad 4; 2. *de Anima* 1. 9.

Ad secundum dicendum, quod maximum discrimen est inter identitatem fluvii et vasis, et identitatem numericam viventis. Nam in fluvio et vase non manet aliquod idem secundum numerum, sed secundum speciem, sed in animalibus semper manet aliquid secundum numerum: — quia aqua quæ advenit, non cedit in eandem substantiam numero cum aqua quæ prius advenit, sed est extra ipsam, quamvis continua; in partibus autem eorum quæ nutriuntur, illud quod advenit, transmutatur in illud cui advenit, et efficitur unum numero cum illo, ita ut nihil unius sit extra aliquid alterius, et ideo

manent eadem numero in actu toto tempore, quamvis aliquid resolvatur ab eis, et aliquid adveniat. — *de Motu Animalium* 1. 8.

Ad tertium dicendum, quod si uno igne extinto novus aliis producatur, hic erit propter omnimodam diversitatem materiae numero a præcedenti diversus; at si in ignem præexistentem ex lignis appositis aliis generetur, qui ei continetur, erit unus numero ignis, saltem secundum aliquam rationem et similitudinem, quia qui generatur transit in præexistentem, et ideo præexistens dicitur aliquo modo remanere idem numero, et consequenter per appositionem nutriti et conservari. Vivens vero quia proprie nutritur, dicitur omnino idem numero remanere ante et post augmentationem, seu in toto vitaе tempore. — II. cit. ad 1.

Ad quartum dicendum, quod remane eadem species et forma in determinato situ, figura et virtute consistens; et hoc sufficit, licet partes materiales fluant et refluant, ad hoc ut dicatur idem numero vivens permanere in toto vitaе tempore. — II. cit. in c. et ad 1 et 2.

ARTICULUS V

UTRUM VIVENS AUGEATUR SECUNDUM OMNES PARTES.

Videtur quod vivens non augeatur secundum omnes partes.

1. Dicit enim Philosophus 1. *de Generat.* text. 34(c. 5), quod caro quæ additur, non augetur, sed tantum illa cui cibus in carnem conversus additur; sed utraque caro est pars totius viventis, nam ex utraque vivens sit majus: ergo non augetur vivens secundum omnes partes; — et text. 39(c. 5), quod cibus conversus in carnem est augens, id vero quod alitur est caro præexistens viventis; ergo non augetur vivens secundum omnes partes. — 1. *de Generat.* 1. 14 et 16.

2. Praeterea, si qualibet pars viventis augeatur, necesse est, cum augmentum fiat per additionem alicujus, quod cuilibet parti ejus quod augetur, aliquid addatur; vel ergo id

quod additur, quo dicitur vivens augeri, est corporeum, *vel* incorporeum, separatum ab omni quantitate corporali. *Nou secundum*, quia impossibile est, quod materia separatis sit a magnitudine; et praeterea, quia si esset incorporeum, non esset quantum in actu; unde sui appositione non ficeret majus sea cundum quantitatem. *Neque primum*, quia sequeretur duo corpora esse simul in eodem loco: nimis corpus quod augetur, et corpus additum quod auget; non enim potest dici, quod collocetur seorsum corpus quod augetur, et corpus quod auget, quia oportet additamentum fieri cuilibet parti ejus quod augetur; impossibile autem est quod duo corpora sint simul in eodem loco. Ergo non augetur vivens secundum omnes partes. — 1. *de Generat.* I. 15.

3. Praeterea, si quaelibet pars augetur, sequitur in singulis augmentis vivens duplo majus fieri; quod est aperte contra experientiam; ergo vivens non augetur secundum omnes partes.

Sed contra est, quod Philosophus 1. *de Generat.* (text. 32; c. 5) dicit, quod quaelibet pars viventis augetur. — 1. *de Generat.* I. 14.

RESPONDEO DICENDUM cum Philosopho 1. *de Generat.* text. 35 et 36 (c. 5), quod viventis omnes partes augentur, si considerentur secundum formam et speciem, non autem secundum materiam. Quod manifestum est, quia de ratione ejus quod augetur est quod permaneat, ut dicitur 1. c. text. 34 (c. 5); et quod extendatur in maiorem quantitatem, quia de ratione augmenti est, quod fiat additio ad praexistentem magnitudinem; dicitur enim aliquid augeri ex eo quod fit majus, quod non esset, nisi aliquid prius esset magnum. Quaelibet autem pars secundum formam et speciem considerata permanet, et cuiuslibet parti sic considerata tamquam permanenti additur aliquid; non autem cuiuslibet parti secundum materiam considerata fit additio, sicut nec quaelibet sic sumpta permanet. Quaelibet ergo pars secundum formam et speciem augetur, non autem quaelibet secundum materiam. Quod manifeste patet — *tum* in partibus heteroge-

neis, in quibus evidentius apparent augmentum et predicta distinctio, puta in manu, digito et articulo; — proportionaliter enim augetur tota manus et quilibet digitus et quilibet articulus; semper enim remaneat eadem manus et idem digitus, licet non maneat eadem partes materiales, cum aliae per calorem naturalem resolvantur, et aliae per alimentum adveniant; — *tum* in partibus homogeneis, puta in carne, osse et in aliis partibus similaribus; nam semper manet eadem ratio carnis et ossis, puta secundum id quod est formale in ipsis, quia semper manet natura carnis et dispositio naturalis ipsius; similiter et natura et naturalis dispositio ossis; licet non maneat eadem partes materiales, sed paulatim consumantur et restaurantur, sicut patet in igne fornacis, cujus forma manet, sed materia paulatim consumitur, et alia in locum ejus substituitur. Unde manifestum est, quomodo quaelibet pars viventis augeatur, et quomodo non. — 1. *de Generat.* I. 43, 44, 45; 1a, p. 413, a. 1, ad 2; 2. *Sent.* dist. 30, q. 2, a. 1, c.; *Quodl.* 8, a. 5.

Ad primum ergo dicendum, quod ad augmentationem, ut dictum est (art. 2), duæ mutationes concurrunt, nimis additio quantitatis, et extensio. Si consideretur prior mutatio, sola caro præexistens dicitur augeri; si vero consideretur posterior mutatio augetur etiam caro, quæ additur; nam ex utraque fit unum vivens, cujus quaelibet pars secundum formam augetur per extensioem ad maiorem quantitatem, ut dictum est. — V. supra art. 2 et 4.

Ad secundum dicendum, quod quando aliquod corpus augetur, augmentatur quidem materia carnis: quia plus generatur per nutrimentum, quam perdatur per actionem caloris; et ita multiplicata materia vis augmentativa, quæ pertinet ad speciem, extendit proportionabiliter totam materiam in maiorem quantitatem. Non tamen ita augmentatur materia carnis, quod cuiuslibet parti materiæ aliquid addatur: quia neque quaelibet pars materiæ manet, sed quedam defluit consumpta, scilicet per calorem, et quedam advenit restituta, scilicet per nu-

trumentum; et ita non oportet incorpoream esse, neque esse corpoream omnino simul; neque corpus quod angetur esse vacuum, quia non minus fuit id quod restituitur per alimentum, quam id quod fuit per calorem consumptum. Virtus enim caloris naturalis, quae pertinet ad speciem, restituit id (quod advenit) in locum ejus quod perit. Si autem fuerit plus quod ex alimento generalum est, virtus naturalis extendit id in maiorem quantitatem secundum aliquam dimensionem, et ita occupat maiorem locum. Sed quia species semper manet, necesse est dicere, quod cuilibet parti formae vel speciei aliquid advenit, et qualibet angetur. Neque propter hoc sequitur duo corpora esse in eodem loco: quia formae et speciei non debetur locus nisi ratione materiae, in qua fundatur, quae est proprie subiectum quantitatis dimensivae. — 1. *de Generat.* I. 15.

Ad tertiam dicendum, quod non qualibet pars quae augetur est minima, cum non augeatur qualibet pars materiae, sed formae et speciei, ut dictum est (in c.); debet tamen qualibet pars quae augetur esse sensibilis, ut dicitur 1. *de Generat.* tert. 35 (c. 5). Addo, quod neque quod additur, semper est tantum, quantum est id quod per calorem naturalem resolutum est, sed aliquando minus, ut quando fit diminutio et decrementum. — 1. *de Generat.* I. 15 et 17.

ARTICULUS VI

UTRUM ALIMENTUM CONVERTATUR IN NATURAM ALITI.

Videtur quod alimentum non convertatur in naturam aliti.

1. Natura enim uniuscujusque rei est in eo quod secundum speciem est; illud autem quod per modum nutrienti advenit, per modum materiae se habet, ut dicitur in 2. *de Generat.* (text. 50; c. 8); sed caro secundum materiam non sit caro secundum speciem, ut habetur 1. *de Generat.* (text. 35; c. 5): ergo alimentum non transit in naturam aliti. — 2. *Sent.* dist. 30, q. 2, a. 1, arg. 2; 1a, q. 119, a. 1,

arg. 2; *Quodl.* 8, a. 5, arg. 1.

2. Praeterea, illud ad naturam nutriti pertinet, in quo calor conveniens radicatur; sed tale humidum, ut medici dicunt, consumptum non restauratur, ut patet in his qui tercia specie hecitate laborant, que incurabilis est ex eo quod tale humidum non restauratur. Cum igitur omne illud in quod alimentum convertitur, post consumptionem restaurari possit, videtur quod nutrimentum in id quod proprie ad naturam nutriti pertinet, non mutetur. — 2. *Sent.* I. c. arg. 3; 1a, I. c. arg. 3.

3. Praeterea, illud quod pertinet ad naturam nutriti, oportet quod semper permaneat, alias non remaneret idem homo numero; sed illud quod generatur ex alimento, non semper manet, sed semper fluit et refluit, ut patet ex 1. *de Generat.*: ergo quod generatur ex alimento, non spectat ad naturam nutriti. — *Quodl.* 8, I. c. arg. 2.

4. Praeterea, si alimentum transiret in naturam nutriti, quidquid in nutritio deperditur, restaurari posset; sed mors hominis, verbi gratia, non accidit nisi per deperditionem alicuius: posset igitur homo per sumptionem alimenti in perpetuum se contra mortem tueri. — 1a, I. c. arg. 4.

5. Praeterea, si alimentum in naturam viventis transiret, nihil esset in vivente, quod non posset recedere et reparari; quia id quod in homine generatur ex alimento, et recedere et reparari potest. Si ergo diu viveret, sequeretur quod nihil quod in eo fuit materialiter in principio suae generationis, finaliter remaneret in ipso; et sic non esset idem vivens numero per totam suam vitam, cum ad hoc quod sit idem numero, requiratur identitas materiae. Hoc autem est inconveniens. Non ergo alimentum convertitur in naturam aliti. — 1a, I. c. arg. 5; 2. *Sent.* I. c. arg. 4.

6. Praeterea, nulla virtus naturalis debilitatur multiplicata sibi materia convenienti; sed solum per admixtionem alicuius extranei; sed virtus conversiva in vivente debilitatur in fine vitae, alias vivens posset in infinitum augeri et vivere: ergo hoc contingit

per admixtionem extranei; sed nihil admisetur ad materiaum illam, in qua virtus conversiva prius fundabatur, nisi quod ex alimento est generatum: ergo hoc quod est ex alimento generatum, est extraneum naturæ viventis, et sic idem quod prius. — 2. *Sent.* I. c. arg. 5.

7. Praeterea, natura facit unumquodque faciliori modo quo fieri potest; Deus autem multo ordinatus quam natura operatur; cum igitur facilior modus augendi aliquid sit per multiplicationem materiæ, quam per conversionem alterius in id quod angetur, videtur quod iste modus divinæ providentiae competat, ut scilicet corpus viventis augeatur nullo exteriori in illud transeunte, sed sola ejus natura multiplicata. — 2. *Sent.* I. c. arg. 6.

Sed contra est: 1. quod secundum Philosophum (1. de Generat. text. 41; c. 5) nihil nutrit carnem, nisi quod est potentia caro; sed omne quod est in potentia ad aliquid, mutatur in id per actionem ejus quod est actu: ergo nutrimentum in illam carnem, quæ ad naturam viventis pertinet, transmutatur. — 2. *Sent.* I. c. arg. 1 *Sed contra.*

2. Praeterea, nutrimentum in principio est dissimile, sed in fine est simile, cum nihil nisi suo simili nutriatur et foveatur; sed illa sunt similia, quæ eamdem formam communicant: cum igitur natura rei a forma sit, videtur quod illud quod nutrit, in finem ad naturam ipsius nutriti perducatur. — *Ibid.* arg. 2 *Sed contra.*

3. Praeterea, semen, ex quo fit generatio, maxime videtur ad naturam viventis pertinere; sed semen, secundum Philosophum 45. de Animalibus (sive 1. de Generat. Animal. c. 18), est de superfluo alimenti: ergo et alimentum convertitur in naturam viventis. — *Quodlib.* 8, a. 5, arg. 2 *Sed contra.*

RESPONDEO DICENDUM, quod secundum Philosophum (2. Metaphys. text. 4; 1. 1 min., c. 1) hoc modo se habet unumquodque ad veritatem, sicut se habet ad esse. Illud ergo pertinet ad veritatem naturæ aliquis, quod est de constitutione naturæ

ipsius. Sed natura dupliciter considerari potest: uno modo in communi, secundum naturam speciei; alio modo secundum quod est in hoc individuo. Ad veritatem igitur naturæ alicujus in communi consideratae pertinet forma et materia ejus in communi accepta; ad veritatem autem naturæ in hoc particulari consideratae pertinet materia individualis signata, et forma per hujusmodi materiam individualata. Sicut enim de veritate humanæ naturæ in communi est anima humana et corpus, ita de veritate humanæ naturæ in Petro et Martino est hæc anima et hoc corpus. Sunt autem quædam, quorum formæ non possunt salvare nisi in una materia, sicut forma solis non potest salvare nisi in materia quæ actu sub ea continetur.

Et secundum hunc modum *aliqui* posuerunt, quod forma humana non potest salvare nisi in materia quadam signata, quæ scilicet a principio fuit tali forma formata in primo homine, ita ut quidquid aliud praeter illud, quod ex primo parente in posteros derivatur, additum fuerit, non pertineat ad veritatem naturæ humanæ, quasi non vere accipiat formam humanæ naturæ; sed illa materia, quæ in primo homine formæ humanæ fuit subjecta, in seipsa multiplicetur. Et hoc modo, inquit, multitudo humanorum corporum a corpore primi hominis derivatur. Et secundum hos alimentum non convertitur in veritatem humanæ naturæ. Sed dicunt, quod alimentum accipitur ut quoddam fomentum naturæ, id est ut resistat actioni caloris naturalis, ne consumat humidum radicale, sicut plumbum vel stannum adjungitur argento, ne consumatur per ignem.

Sed hæc positio est multipliciter irrationabilis: — *primo* quidem, quia ejusdem rationis est, quod aliqua forma possit fieri in alia materia, et quod possit propriam materiam deserere; et ideo omnia generabilia sunt corruptibilia, et e converso. Manifestum est autem, quod forma humana potest deficere ab hac materia, quæ ei subjicitur: alioqui corpus humanum corruptibile non esset. Unde relinquunt quod et alii in ma-

geria advenire possit, aliquo alio in veritatem humanæ naturæ transeunte. — *Secundo*, nisi in cunctis quorum materia invenitur sub uno individuo, non est nisi unum individuum in una specie, sicut patet in sole et lana et hujusmodi. Sie igitur non nisi unum individuum humanæ speciei. — *Tertio*, quia non est possibile quod multiplicatio materiae attendatur, nisi rel secundum quantitatem tantum, sicut accidit in sensibus, quorum materia suscepit materias dimensiones; rel etiam secundum substantiam materiae. Sola autem eadem substantia materia manente non potest fieri, quod sit multiplicata, quia idem ad ipsum non constituit multitudinem, cum ipso sit omnem multitudinem ex aliqua divisione causari. Unde oportet quod aliqua alia substantia materiae adveniat, vel per creationem, vel per conversionem alterius in ipsum. Unde relinquitur quod potest aliqua materia multiplicari nisi per rarefactionem, sicut cum ex aqua fieri; vel per additionem alterius rei, sicut multiplicatur ignis per additionem liquorum; vel per creationem materiae. Sed manifestum est multiplicationem materiae in hominis corporibus non accidere per refactionem, quia sic corpora hominum aetatis essent imperfectiora quam puerorum. Nec iterum per creationem novæ materiae, quia secundum D. Gorium (lib. 32. *Moral.* c. 12. al. 9 vel 10; — Migne PP. L. t. 76. col. 644 sq.) omnia sunt simul creata secundum substantiam materiae, licet non secundum speciem formam. Unde relinquitur quod multiplicatio corporis humani non sit nisi per hoc, quod alimentum convertitur in veritatem corporis humani. — *Quarto*, quia, cum homo non differat ab animalibus et plantis secundum animam vegetabilem, sequeretur quod etiam res ipsorum animalium et plantarum non multiplicantur per conversionem alimenti in corpus nutritum; sed per quandam multiplicationem, quae non potest esse naturalis, cum materia non extendatur secundum naturam nisi usque ad certam quantitatem: nec iterum inveniatur aliquid naturaliter crescere,

nisi per rarefactionem vel conversionem alterius in ipsum. Et sic totum opus generativæ et nutritivæ, quæ dicuntur vires naturales, esset miraculosum: quod est omnino inconveniens.

Unde *alii* dixerunt, quod forma humana potest quidem fieri de novo in aliqua alia materia, si consideretur natura humana in communi, non autem si accipiatur prout est in hoc individuo, in quo forma humana fixa manet in quadam materia determinata, cui primo imprimitur in generatione hujus individui, ita quod illam materiam nunquam deserit usque ad ultimam individui corruptionem: et hanc materiam dicunt principaliter pertinere ad veritatem humanæ naturæ. Sed quia hujusmodi materia non sufficit ad quantitatem debitam, requiritur ut adveniat alia materia per conversionem alimenti in substantiam nutriti, quantum sufficit ad debitum augmentum: et hanc materiam dicunt secundario pertinere ad veritatem humanæ naturæ, quia non requiritur ad primum esse individui, sed ad quantitatem ejus. Jam vero si quid aliud advenit ex alimento, non pertinet ad veritatem humanæ naturæ proprie loquendo.

Sed hoc etiam est inconveniens: — *primo* quidem, quia haec opinio judicat de materia corporum non viventium ad modum corporum animatorum, in quibus etsi sit virtus ad generandum sibi simile in specie, non tamen est virtus in eis ad generandum aliquid sibi simile secundum individuum: quæ quidem virtus in corporibus viventibus est virtus nutritiva. Nihil ergo per virtutem nutritivam adderetur corporibus viventibus, si alimentum in veritatem naturæ ipsorum non converteretur. — *Secundo*, quia virtus activa, quæ est in semine, est quædam impressio derivata ab anima generantis: unde non potest esse majoris virtutis in agendo, quam ipsa anima, a qua derivatur. Si ergo ex virtute seminis vere assumit aliqua materia formam naturæ humanæ, multo magis anima in nutrimentum coniunctum poterit veram formam naturæ humanæ imprimere per potentiam nutritivam. — *Tertio*, quia nutrimento indigetur non solum ad augmentum (aliquin augmento terminato necessarium

non esset), sed etiam ad restaurandum illud, quod deperditur per actionem caloris naturalis. Non autem esset restauratio, nisi id quod ex alimento generatur, succederet in locum deperdit; unde sicut id quod primo inerat, est de veritate humanae naturae, ita id quod ex alimento generatur.

Et ideo secundum *alios* dicendum est, quod alimentum vere convertitur in id quod est principaliter de veritate humanae naturae, et quantum ad speciem et quantum ad individuum. Utrumque enim, scilicet et quod ex alimento generatur, et quod a parentibus trahitur, indifferenter et aequaliter forma humana perficitur, et utrumque indifferenter manet vel consumitur: manet quidem secundum speciem, consumitur autem et restauratur secundum materiam. Sicut in aliqua republica diversi homines numero ad communilitatem pertinent, quibusdam morientibus et aliis in locum eorum succendentibus; et sic non manet una res publica secundum materiam, quia sunt alii et alii homines; manet tamen una numero quantum ad speciem sive formam, propter unitatem ordinis in officiis distinctis; — ita etiam in corpore humano et ejuslibet animalis manet caro et os, et unaquaque parsium manet eadem numero quantum ad speciem et formam, quae consideratur in determinato situ et virtute et figura; non autem manet quantum ad materiam, quia illa materia carnis, in qua talis forma erat prins, consumpta est, et alia ei in locum successit: sicut patet de igne, qui continuatur secundum eandem formam et modum, per hoc quod consumptis quibusdam lignis alia supponuntur, quae ignem sustinent. Et secundum hanc opinionem, quae ceteris probabilius est, de utroque indifferenter, scilicet genito ex alimento et a parentibus traxto, tantum resurget, quantum est necessarium ad speciem et quantitatem debitam humani corporis. — 4a, q. 419, a. 1, c.; 2. *Sent.* dist. 30, q. 2, a. 4, c.; *Quodl.* 8, a. 5, c.

Secundum hanc ergo opinionem:

Ad primum dicendum, quod non est diversa caro secundum materiam distincta, quae dicitur caro secundum materiam et caro

secundum speciem; sed eadem secundum numerum caro dicitur secundum speciem, in quantum participat formam et proprietates consequentes speciem; secundum materiam dicitur, ip quantum ex materia consistit. Et quod hic sit intellectus Aristotelis, patet tum ex verbis Commentatoris exponentis hoc modo, tum ex verbis Philosophi in littera positis. Dicit enim, quod hoc modo est distinguere, quod est secundum speciem et secundum materiam in carne et osse, sicut et in unoquoque alio, quod habet formam in materia. Constat autem, quod talis distinctio non potest fieri in lapide et aqua, ut dicatur pars secundum speciem, que ex primis generantibus tracta est, et pars secundum materiam, que ex nutrimento advenit. Et ita patet, quod nec in carne et osse hoc intelligendum est, sed modo praedicto; unde objectio procedit ex malo intellectu verborum Philosophi (2. *Sent.* l. c. ad 2).

Dicendum igitur est, quod alimentum convertitur in carnem, quae est secundum speciem, id est quae habet speciem; non tamen ita, quod alimentum sit species carnis, sed sit carnis materia, ratione ejus potest dici, quod convertitur in carnem quantum ad materiam et non quantum ad speciem. — *Quodl.* 8, a. 5, ad 4; 4a, l. c. ad 2.

Ad secundum dicendum, quod secundum medicos humidum, quod ex primis generantibus trahitur, non oportet ut dicatur radicale, quia semper inaneat distinctum secundum materiam et proprietatem ab humido nutrimentali seu ex alimento aggenerato; sed quia calor naturalis in illo humido prius exstitit, et illud quod permiscetur non participat speciem, nisi ex virtute illius humidus cui permisceatur. Unde est quasi radix totius illius quod postmodum ex alimento convertitur; non autem ita, quod utrumque humidum post finem digestionis ultimae distinctum remaneat, sed totum permixtum accipit unam proprietatem; et utraque materia, scilicet quae prius suberat primo humido, et secundo advenienti, aequaliter se habet ad hoc quod transeat, et ad hoc quod virtutem speciei participet. Nec dicitur con-

sumi humidum radicale propter discessum talis materiae, sed propter hoc quod non permanet proprietas, quam totum mixtum habebat ex virtute primi humidi; tunc enim non potest fieri restauratio, quia virtus speciei non manet; sicut etiam si tota manus amputetur, non restauratur per nutrimentum, quia non manet virtus speciei determinata huic organo: et propter hanc etiam causam dicuntur quædam membra ex humido radicali composita, non quod nihil nutrimenti in substantiam illorum transeat, cum quodlibet membrum corporis proportionabiliter augeatur; sed quia in illis membris principaliter virtus speciei consistit, quæ est ex humido radicali. Nec potest aliqua abscessio ab eis fieri, quin auferatur virtus speciei quantum ad aliquam partem determinatam; et propter hoc etiam talia membra decisa non sanantur. — 2. *Sent.* I. c. ad 3.

Ad tertium dicendum, quod ratio et veritas naturæ humanæ et cujuslibet alterius rei est a specie, et ideo cum id, quod est in homine, manet secundum speciem, quamvis non maneat secundum materiam, nihilominus ratio et veritas naturæ, atque adeo natura ipsa humana manere dicitur; nec desinit esse idem homo numero propter mutationem, quæ est secundum materiam, quia non tota materia simul a forma abstrahitur, ut alia tota simul formam accipiat. Hæc enim generatio esset et corruptio, [sicut] si totus ignis unus extinguitur, et alius totus accendatur; sed aliqua pars materiae consumitur, et alia in locum ejus substituitur, quæ efficit una materia cum præexistenti, per hoc quod ei adjungitur ad sustinendam eandem formam humani corporis; sicut si unum lignum ignis consumat, et aliud loco ejus apponatur, erit idem ignis numero. — *Quodl.* 8, a. 5, ad 2.

Ad quartum dicendum, quod omnis virtus in corpore passibili per continuam actionem debilitatur, quia hujusmodi agentia etiam patiuntur. Et ideo virtus conversiva in principio quidem tam fortis est, ut possit convertere non solum quod sufficit ad restorationem deperditi, sed etiam ad augmentum; postea vero non potest convertere,

nisi quantum sufficit ad restorationem deperditi, et tunc cessat augmentum; denum nec hoc potest, et tunc fit diminutio; deinde deficiente hujusmodi virtute totaliter animal moritur: sicut virtus vini convertentis aquam admixtam paulatim per admixtionem aquæ debilitatur, ut tandem totum fiat aquosum, ut Philosophus exemplificat I. *de Generat.* (*tert.* 39 et 88; c. 5 et 10). — 1a, l. c. ad 4.

Ad quintum dicendum, quod sicut dicit Philosophus (in I. *de Generat.* *tert.* 39; c. 5), quando aliqua materia per se convertitur in ignem, tunc dicitur ignis de novo generari. Quando vero aliqua materia convertitur in ignem præexistentem, dicitur ignis nutriti. Unde si tota materia simul amittat speciem ignis, et alia materia convertatur in ignem, erit alius ignis numero. Si vero paulatim combusto uno ligno aliud substituatur, et sic deinceps, quousque omnia ligna consumantur, semper remanet idem ignis numero, quia semper quod additur transit in præexistens. Et similiter est intelligendum in corporibus viventibus, in quibus ex nutrimento restauratur id, quod per calorem naturalem consumitur. — 1a, l. c. ad 5.

Vel dic, quod cum illud, quod advenit ex alimento, aggeneratum sit permixtum ei, quod prius erat, et similiter unum effectum ex ambobus sit, semper fit deperditio in utroque proportionaliter; et ideo nunquam contingit, quod totum illud, quod prius erat, abscedat, ita quod nihil prioris materiae remaneat; sed semper manet aliquid; et illud, quod advenit, est unum cum eo, quod præcerat effectum. Et ideo est materia una et unum individuum per totam vitam, sicut patet etiam in igne, qui nutritur lignis: semper enim manet unus numero ignis, quamvis aliquibus lignis appositis alia consumantur, quia illud, quod advenit, semper efficitur unum cum eo, quod præcerat; et magis esset simile, si fieret commixtio secundum totum, sicut est in nutrimento. Secus autem esset, si ex materia adveniente generetur ignis vel caro seorsum; tunc enim propter omnimodam diversitatem

materiae esset etiam diversitas secundum numerum. — 2. *Sent.* I. c. ad 4.

Ad sextum dicendum, quod illud, quod ex nutrimento aggeneratur, non ita perfecte consequitur naturam speciei, sicut illud, quod primo per virtutem formativam in carnem vel os couersum est: *tum* quia prima generatio erat carnis secundum se, secunda autem est carnis in alio quasi per communitionem; *tum* etiam quia quanto virtus animae magis diffunditur et spargitur, debilior redditur, ut patet in corde, quod quanto magis est, tanto minus calidum est; unde animalia habentia magnum cor sunt timida naturaliter, ut Philosophus in libro 13. *de Animalibus* (seu 3. *de Partibus Animal.* c. 4) dicit, et ideo aliquo modo est extraneum, et propter hoc permixtum ei, quod prius erat, est causa debilitatis virtutis, sicut aqua admixta vino, ut ponit exemplum Philosophus in 1. *de Generat.* Et ideo ad ultimum oportet quod sequatur diminutio et corruptio. — 2. *Sent.* I. c. ad 5.

Ad septimum dicendum, quod modus ille, scilicet per multiplicationem materiae, non est possibilis, ad minus naturae; quae quoniam non secundum se totam agit, sed secundum formam tantum, ideo multiplicat tantum formam et non materiam; et propter hoc, ut opus naturae servaretur, oportuit modum illum in augmento esse qui virtuti naturae competit. — 2. *Sent.* I. c. ad 6

ARTICULUS VII

UTRUM ALIMENTUM SIT SIMILE NUTRITO.

Videtur quod alimentum non sit simile nutritio.

1. Alimentum enim, ut dicit Philosophus (2. *de Anima* text. 43; c. 4), est contrarium nutritio; convertitur enim nutrimentum in nutritum, generationes autem sunt ex contrariis; sed quod est contrarium alicui, non est illi simile: ergo alimentum non est simile nutritio. — 2. *de Anima* I. 9.

2. Praeterea, simile non patitur a simili, ut dicit Philosophus (1. c. text. 44; c. 4); sed alimentum patitur ab eo, quod nutritur;

alteratur enim ab eo et digeritur: ergo alimentum non est simile ei, quod nutritur. — *Ibid.*

3. Praeterea id, quod nutritur, est actu animatum; nihil enim proprie nutritur, quod non participet vitam, ut inquit Philosophus (1. c. text. 46; c. 4); sed alimentum non est actu animatum, sed tantum in potentia, ut dicit Philosophus (ibidem et 1. *de Generat.* text. 41; c. 5): ergo idem quod prius. — 2. *de Anima* I. 9; 1. *de Generat.* I. 47.

4. Praeterea, similitudo augmenti et nutrimenti praecipue appareat in igne, quia ignis habet plus de forma quam alia elementa, et est potentior in virtute activa; unde per hoc, quod manifeste alia converlit in se, videtur nutriti et augeri; sed ignis non nutritur igne, sed lignis, quae sunt dissimilia: ergo et vivens nutritur dissimili, non autem simili. — 2. *de Anima* I. 9.

5. Praeterea, dicit Philosophus (1. *de Generat.* text. 41; c. 5), quod idem est nutrimentum et augmentum; sed id, quod auget vivens, est quid extrinsecus adveniens, ut dicit Philosophus 1. *de Generat.* text. 35; c. 5): ergo et id, quod nutrit, debet esse quid extrinsecus adveniens; si autem esse simile viventi, esset vivens atque adeo par viventis: ergo nutrimentum non est simile nutritio. — 1. *de Generat.* I. 47 et 15.

Sed contra est: 1. quod Philosophus (1. *de Generat.* text. 41; c. 5) dicit, quod eis est nutriens, in quantum convertitur in carnem, sicut est augens, in quantum suscipit majorem quantitatem; sed caro est similis carni viventis, quod augetur: ergo nutrimentum debet esse simile nutritio. — 1. *de Generat.* I. 47.

2. Praeterea, 2. *de Anima* (text. 44 c. 4) et 1. *de Generat.* (text. 38; c. 5) lauda Philosophus eos, qui dicunt simile simili; ergo nutrimentum, quod est id, quod vivens alitur, debet esse simile nutritio. — 2. *de Anima* I. 9; 1. *de Generat.* I. 16.

RESPONDEO DICENDUM, quod circa hanc dubitationem *quibusdam* videtur, quod alimentum oportet esse simile ei, quod alitur. Alimentum enim est causa augmenti; opor-

tet autem quod simile simili augeatur; si enim aliquid diversum apponetur alicui, non esset ejusdem augmentum, sed naturae extraneae adjunctio. *Aliis* autem videtur, quod alimentum oportet esse contrarium ei, quod alitur; et ad hoc inducuntur duabus potissimum rationibus primo loco supra allatis: quarum prior sumitur ex contrarietate quam oportet esse inter mutationis terminos; posterior autem ex contrarietate quam oportet esse inter agens et patiens. — 2. de *Animā* l. 9.

Verum utrique aliquo modo dicunt recte, et aliquo modo non recte. Ad cuius evidentiam sciendum, quod alimentum necessario debet esse in potentia ad hoc, ut sit *vivens quantum*. Cum enim vivens per augmentum fiat majus, necessario debet alimentum, quo vivens augetur, esse in potentia *vivens quantum*, nisi secundum quod est in potentia *vires*, puta caro, nutrit, in quantum vero est in potentia *quanta* caro, auget. Quoniam vero quod est in potentia aliquid, necessario debet esse actu aliquid aliud, propterea alimentum, quod est in potentia ad carnis substantiam et quantitatem, debet esse aliquid aliud actu quam caro, puta panis. Quod autem est actu aliquid, non fit aliud, ad quod est in potentia, nisi per prioris corruptionem et sequentis generationem. Unde oportet augmentum et nutrimentum fieri corrupto eo, quod alimentum prius erat actu, puta pane, et generato eo, ad quod erat in potentia, puta carne. — Unde fit, ut duplice posse alimentum considerari: *uno modo* ante concoctionem, alterationem et digestionem, atque adeo a principio alterationis, *alia modo* post decoctionem et digestionem, atque adeo in fine alterationis; utroque enim modo sumptum vere dicitur alimentum. Si consideretur alimentum *priore modo*, debet esse dissimile nutritio et illi contrarium; hoc enim est, quod patitur et mutatur. Unde fit etiam, ut non sufficiat ad rationem alimenti, quod sit quomodo cumque contrarium nutritio; nam oportet quod sit de illis contrariis, quae habent generationem ex se invicem; nutrimentum enim

convertitur in substantiam nutriti. Unde quaecunque contraria sunt in substantia, secundum quae fiunt alterationes ad invicem et non generationes, non pertinent ad rationem alimenti; non enim dicimus, quod infirmum sit nutrimentum sani vel album nigri, aut aliquid hujusmodi. Praeterea oportet quod sit de illis contrariis, que augmentum suscipiunt ex se invicem, quia ad alimentum videtur sequi augmentum. Si vero consideretur alimentum *posteriori modo*, sic alitur simile simili; agens enim assimilat sibi patiens; unde in fine passionis oportet passum esse simile agenti; et per hunc modum potest augere id, quod alitur. — Unde manifestum est, quod utraque opinio quodammodo vera est, quodammodo falsa.

Et ex his patet *ad objecta* utriusque partis. Nam objecta *prime partis* tantum probant, quod nutrimentum in principio alterationis debet esse dissimile, scens vero in fine.

Objecta vero *secunda partis* tantum probant, quod alimentum in fine alterationis debet esse simile nutritio. Utrumque autem verum est. — 2. de *Animā* l. 9; 1. de *Generat.* l. 16.

QUESTIO XXXIX

DE CONTACTU.

Deinde considerandum est de nonnullis pertinentibus ad motum generationis et corruptionis in communi, et ad motum augmenti et alterationis; quae sunt quatuor: contactus, actio, reactio, mixtio.

CIRCA PRIMUM QUERITUR:

Utrum movens et motum, seu agens et patiens debeant se tangere, atque adeo esse simul.

ARTICULUS

UTRUM AGENS ET PATIENS DEBEANT SE TANGERE, ATQUE ADEO SIMUL ESSE.

Videtur quod agens et patiens non necessario debeant esse simul et se tangere.

1. Dicit enim Philosophus (*1. de Generat. tert.* 78; c. 9), quod non solum ignis tangens calefacit, sed etiam si sit longe distans, natus est agere; ergo non est necesse quod agens tangat passum et sit simul cum eo — *1. de Generat.* 1. 23.

2. Praeterea, dicit Philosophus (*1. c. text.* 44; c. 6), quod illa se tangunt, quorum extrema sunt simul, et per consequens, quae sunt quanta; nam tactus est in habentibus positionem, positio vero est in habentibus locum, locus autem debetur ratione quantitatis; sed substantiae spirituales, ut angeli et Deus, carent quantitate: ergo saltem ista non requirent contactum ad hoc, ut agant. — *1. de Generat.* 1. 48.

3. Praeterea, quanto aliquod agens est virtuosius, tanto magis distans ejus actio procedit; sed inter omnia agentia datur unum virtuosius alio: ergo ad hoc, ut agens agat in passum, non necessario requiritur ilorum contactus. — *Ia, q. 8, a. 1, arg. 3;* *1. Sent. dist. 37, q. 1, a. 1, arg. 2.*

4. Praeterea, sol producit suos effectus in passo a se distante, ut in visceribus terræ generat mineralia, et multi homines generantur sole in alio hemisphærio existente, cum tamen sol et homo generent hominem, ut dicit Philosophus (*2. Phys. text.* 26; c. 8); item stellæ superiores imprimunt in corpora inferiora calorem et frigus, et tamen orbes medii non recipiunt ab illis impressionem dictarum qualitatum; et sic idem quod prius. — *1. Sent. 1. c.; 2. de Generat. 1. 2; 2. Phys. 1. 4.*

5. Praeterea, sphæræ cœlestes specialem effectum producunt in elementis, quæ non tangunt. Nam sphæra solis est nata movere ignem, sphæra vero lunæ aquam, et aliæ sphæræ quinque planetarum aerem, et ideo aer tot diversis motibus movetur. Est enim in aere frigus congelativum ex sphæra saturni, et aestus ex sphæra martis, et temperies in calido ex sphæra jovis, et temperies in frigido ex sphæra veneris, commiscibilitas et passibilitas facilis ex sphæra mercurii, et sphæra octava stellarum fixarum, in qua sunt multæ imagines et figuræ, movet terram; unde et in ipsa figurantur imagines

multæ in generatis. Sed sphæræ predictæ, ut patet, non tangunt passa, in quibus producunt suos effectus: ergo non est necesse ut agens et patiens sint simul et se tangent. — *1. de Generat.* 1. 24.

6. Praeterea, gravia et levia moventur effective a generante, ut dicit Philosophus (*8. Phys. text.* 33; c. 4); sed generans non simul est cum generato, quando moveatur, quia potest fieri, ut tunc non amplius sit in rerum natura, ut patet: ergo non est necesse ut movens et motum, et consequenter ut agens et passum se tangent et simul sint, dum illud agit, et hoc palitur. — *8. Phys.* 1. 8.

7. Praeterea, magnes trahit ferrum, ut patet ad sensum; sed ferrum tractum a magnete est loco distans ab illo, ut etiam patet; ergo agens et patiens non necessario se tangunt. — *Tabula Aurea* voce «magnes» n. 1, 2, 3.

8. Praeterea, projecta moventur a projiciente; sed dum moventur, non simul sunt projectum et projiciens, ut patet: ergo non necessario requiritur, ut agens et patiens simul sint. — *7. Phys.* 1. 3; *8. Phys.* 1. 22; *3. de Cœlo* 1. 7.

9. Praeterea, si ad actionem agentis in passum requireretur contactus, sequeretur quod, si detur æs aut ferrum, cuius medietas sit calida et altera medietas frigida, una pars non ageret in aliam, quia ad contactum oportet quod partes sint contiguæ, ut dicit Philosophus *1. de Generat. text.* 43, 44 et 78 (c. 6 et 9), ubi dicit, quod agens et patiens debent esse divisa et non continua, quia id, quod est continuum, non est passibile; praeterea, quia Philosophus ibidem ait, quod agens et patiens debent esse simul; continua vero non sunt simul, sed unum, ut dicitur *5. Phys. text.* 26 (c. 5). Illæ vero partes unius æris vel ferri sunt continuæ, ut patet, et non contiguæ; sed ad sensum patet, quod illæ partes invicem agunt et patiuntur: ergo est necesse ut agens et patiens sint simul et se tangent. — *1. de Generat.* 1. 48 et 23; *5. Phys.* 1. 5.

10. Praeterea, dicit Philosophus (*2. de*

Anima *text.* 59; c. 5), quod objecta externa sunt causa effectiva sensationum existentium in sensibus; sed sensus et objecta externa non se tangunt, nec simul sunt, ut patet: ergo inter agens et passum non est necessarius contactus. — 2. *de Anima* I. 2.

11. Praeterea, sol illuminat aerem contiguum terrae sine medio, quia in illuminatione una pars medii non illuminat aliam; nec qualitas existens in una parte potest esse principium actionis in alia, ut patet ex Philosopho (*de Sensu et Sensibili* c. 6); ergo agens et patiens non necessario debent se tangere. — *de Sensu* I. 16.

Sed contra est: 1. quod Philosophus (I. *de Generat. text.* 44, 45 et 78; c. 6 et 9) dicit, quod inter agens et patiens necessario requiritur contactus. — 1. *de Generat.* I. 18 et 23.

2. Praeterea, dicit Philosophus (7. *Phys. text.* 10; c. 2), quod movens et motum debent esse simul et se tangere; sed agens physicum agit cum motu, ut dictum est: ergo agens physicum saltem eget contactu ad hoc ut agat in passum. — 7. *Phys.* I. 3.

RESPONDEO DICENDUM, quod necesse est dicere, quod agens et patiens quocunque debent esse simul et se tangere, vel tactu quantitativo, si sit agens corporeum, vel tactu virtutis, si sit agens incorporeum, eujusmodi est substantia spiritualis, ut Deus et angeli. Potest autem hoc esse multipliciter manifestum; et *primo* quidem *experiencia*, *tum* in actionibus physicis: sic enim ignis, inquit Philosophus (I. *de Generat. text.* 78; c. 9), primo calefacit aerem proximum, *tum* remotum; — *tum* in actionibus intentionalibus: nam objectum visus, puta color, prius immutat aerem proximum, *tum* oculum distarem, ut dicit Philosophus (2. *de Anima text.* 74; c. 7).

Secundo ratione; et *primum* quidem, quia quocunque agens est praesens tantum uni suorum effectuum, ejus actio non potest derivare ad alia nisi illo mediante, sicut patet inductione. Sic enim vis motiva non movet alia membra nisi mediante corde. Hujus autem rei nulla alia ratio est, quam quia agens et patiens oportet esse simul;

nam si hoc non esset necessarium, agens praesens uni suorum effectuum posset etiam esse praesens omnibus aliis non mediante illo (3. *c. Genit.* c. 68, n. 4). *Praeterea*, quia necesse est ut causa agens sit simul cum suo effectu proximo et immediato; quod patet, — *tum* quia omne agens sua virtute tangit effectum, et per effectum tangit subjectum, in quo producitur effectus; modus autem agendi sequitur modum essendi, sicut et operatio sequitur esse; unde ubi res non est, nec erit ejus operatio; et si est agens corporeum et habens situm, actio etiam illius prius in medio corporeo contiguo recipitur quam in remoto; si vero est agens spirituale, mediante actione ipsum passum ingreditur; — *tum* quia omne agens corporeum actione sua intendit sibi assimilare passum, et illud in se convertere et seipsum augere; augmentum enim, ut dictum est, non solum viventibus competit, sed etiam non viventibus; sic enim ignis crescit per appositionem materiae, quam in se convertit et in quam agit. At vero quod angetur, sit omnino unum cum eo, quod additur et quo augetur; hoc enim transit in praexistens; unde necesse est ut sit illi praesens atque contiguum. (*Tabula Aurea* voce « *tactus* » n. 46; *de Pot.* q. 3, a. 9, c.; 4. *Sent.* dist. 49, q. 2, a. 3, ad 6; 2. *Sent.* dist. 45, q. 1, a. 2, ad 6.) Et ita manifestum est, quod omne agens debet simul esse cum paciente.

Ad primum ergo dicendum, quod quando ignis agit in remotum, non est causa proxima ejus, quod fit, sed remota, ut dictum est. — 1. *Sent.* dist. 37, q. 1, a. 1, ad 2.

Ad secundum dicendum, quod moventia immobilia, ut dicit Philosophus (I. *de Generat. text.* 45; c. 6), tangunt ipsa immobilia per ultimum virtutis egredientis ab esse ipsorum; sed non tangunt per ultimum suae quantitatis, quia si sunt immobilia simpliciter, ut substantiae separatae, non habent ultimum; si vero sunt ab his, quae movent immobilia, sicut astra, tunc non habent ultima cum ultimis illorum. — 1. *de Generat.* I. 18.

Vel dic., quod Deus tangit suos effectus et subjecta, in quibus illi recipiuntur, tactu virtutis; agens vero corporeum tangit passum tactu quantitativo. Est autem triplex disserimen inter utrumque tactum; nam *primo*, tactu virtutis id, quod est indivisible, potest tangere divisibile, quod in tactu corporeo non potest accidere. *Secundo*, tactus quantitatis est solum secundum ultima, tactus autem virtutis est ad totum, quod tangitur. *Tertio*, in tactu quantitatis, qui fit secundum extrema, oportet tangens esse extrinsecum ei, quod tangitur, et non potest incedere per ipsum, sed impeditur ab eo; tactus autem virtutis, qui competit substantiis spiritualibus, cum sit ad intima, facit substantiam tangentem esse intra id, quod tangitur, et incidentem per ipsam absque impedimento. — 1a, q. 105, a. 2, ad 1; 2. c. *Geut.* c. 56.

Ad tertium dicendum, quod nullius agentis quantumcumque virtuosi actio procedit ad aliquod distans, nisi in quantum in illud per media agit. Unde illud, quod agit per suam absentiam, non est causa proxima ejus, quod fit, sed remota; virtus enim solis primo imprimitur in corpore sibi coniuncto, et sic deinceps usque ad ultimum. Hoc autem ad maximam Dei virtutem pertinet, quod immediate in omnibus agit; unde nihil est distans ab eo, quasi in se illud Deum non habeat. Dicuntur tamen res distare a Deo per dissimilitudinem naturae vel gratiae, sicut et ipse est super omnia per excellentiam suae naturae. — 1a, q. 8, a. 1, ad 3; 1. *Sent.* dist. 37, q. 1, a. 1, ad 2.

Ad quartum dicendum, quod virtus solis primo imprimitur in corpore sibi coniuncto, et sic deinceps usque ad ultimum, licet non eodem effectus habeat utrobique. — 1. *Sent.* 1. c.; 2. *Sent.* dist. 15, q. 1, a. 2, ad 6.

Ad quintam dicendum, quod virtutes superiorum stellarum prius recipiuntur in mediis orbibus quam in inferioribus corporibus, quamvis non eodem effectus habeant. Ut enim dictum est, cœlum agit in haec inferiora non solum per motum et lucem, sed etiam per alias qualitates. — 2. *Sent.* 1. c.

Ad sextum dicendum, quod gravia et levia moventur a generante per hoc, quod dat eis formam, per quam moventur ad locum, sicut sagitti dicitur moveri a projiciente, quatenus illi imprimit impulsum. Et ideo sicut sufficit in motu projecti, ut movens et motum sint simul in principio motus, ita et in motu gravis et levis, nisi quod generans movet grave et leve per alterationem, et projiciens movet projectum sine ulla alteratione, imprimendo motum mediante aere. — Et ex his patet *ad octavum*. — 7. *Phys.* 1. 3; *de Pot.* q. 3, a. 11, ad 5; 3. *de Cœlo* 1. 7.

Ad septimum dicendum, quod magnes trahit ferrum immediate alterando aerem et mediante aere ferrum, nisi quod non eodem modo agit in ferrum, quo in aerem, sicut sol calefacit sublunaria per orbes intermedios, qui non sunt capaces caloris sed alterius qualitatis; et piscis obstupefacit manum pescatoris mediante rete, quod non est capax talis effectus sed alterius. Et ratio est, quia agens agit secundum dispositionem passi. — 7. *Phys.* 1. 3; 2. *Sent.* dist. 15, q. 1, a. 2, ad 6.

Ad nonum dicendum, quod duæ partes ejusdem corporis sunt continuæ in ratione quantitatis, sed non in natura subjecti, ut dictum est (q. 22, a. 7, c.); et hoc sufficit ad hoc, ut possint agere ad invicem.

Ad decimum dicendum, quod etiam in actione objecti, quæ est intentionalis et non realis, verum est, quod requiritur contactus inter agens et patiens; color enim, qui est objectum visus, ut dicit Philosophus (2. *de Anima* text. 74; c. 7), movet diaphanum in actu, puta aerem vel aliquid hujusmodi, et ab hoc movetur sensitivum, id est organum visus, sicut a corpore sibi continuato; corpora enim non se immutant, nisi se tangant. — 2. *de Anima* 1. 45.

Ad undecimum dicendum, quod totum medium inter solem et terram est unum illuminatum et una illuminatio, non autem plura illuminata et plures illuminationes. — *de Sensu et Sensibili* 1. 46.

QUÆSTIO XL

DE ACTIONE.

Deinde considerandum est de actione.

CIRCA QUAM QUERUNTUR DUO:

1. Utrum idem possit agere in seipsum.

2. Utrum simile possit agere in simile.

ARTICULUS I

UTRUM IDEM POSSIT AGERE IN SEIPSUM.

Videtur quod idem non possit agere in seipsum. — 1. Dicit enim Philosophus 9. *Metaphys. tert. 2* (c. 1) et 1. *de Generat. text. 48, 49, 50* (c. 7), quod idem non potest pati a seipso, et *text. 77* (c. 9), quod agens et patiens debent esse loco et subiecto distincta; ergo idem non potest agere in seipsum. — 9. *Metaphys. l. 1*; 1. *de Generat. l. 19* et 23.

2. Praeterea, Philosophus (8. *Phys. text. 40* sqq.; c. 5) dicit, quod idem non potest esse movens et motum, quia sic, cum in quantum est movens sit actu, in quantum motum, sit in potentia, idem simul erit calidum et non calidum, quod implicat: ergo idem quod prins. — 8. *Phys. l. 9* et 10.

3. Praeterea, agens debet esse aliquo modo dissimile patienti; nam si essent omnino similia, non esset major ratio, cur unum ageret et alterum pateretur; sed idem neque est simile, neque dissimile sibi, sed alteri: ergo idem non potest agere in seipsum. — 1. *de Generat. l. 19*.

4. Praeterea, 9. *Metaphys. (text. 13; l. 8, c. 8)* definitur potentia activa, quod sit principium transmutationis in alio, prout est aliud; sed idem non potest esse aliud a seipso: ergo idem non potest agere in seipsum. — 9. *Metaphys. l. 7*.

5. Praeterea, cuiuslibet patientis ad agens est relatio realis, et e converso; sed relatio realis requirit terminos realiter distinctos, ut dictum est: ergo idem non potest agere

in seipsum; ejusdem enim ad seipsum non est relatio realis. — *de Pot. q. 7, a. 10, ad 1.*

6. Praeterea, Philosophus (3. *de Anima tert. 17*; c. 5) ex eo, quod oportet agens esse diversum a paciente, cum illud sit isto nobiliss (nam hoc habet rationem materie, illud efficientis, quae duo minquam in idem specie et numero coincidunt), docet in anima esse intellectum agentem et patientem. — 2. *Phys. l. 11*; 3. *de Anima l. 10*.

7. Praeterea, 2. *de Generat. (text. 53; c. 9)* dicitur, quod materie est pati et moveri; movere autem et facere est alterius potentiae: ergo idem non potest agere in seipsum; alioqui materia et efficiens coincident in idem numero, quod negat Philosophus. — 2. *de Generat. l. 9*.

Sed contra est: 1. quod Philosophus (9. *Metaphys. text. 2*; l. 8, c. 1) dicit, quod est una potentia activa et passiva; dicit enim, quod aliquis dicitur habere potentiam patienti eo quod habet potentiam ut aliud patientiatur ab ipso; sed ex eo quod aliquis habet potentiam activam, habet potentiam ut aliud patientiatur ab ipso: ergo eadem erit potentia activa et passiva, et per consequens idem erit agens et patiens, et sic idem ageret in seipsum. — 9. *Metaphys. l. 4*.

2. Praeterea, dicit Philosophus (2. *de Anima text. 47*; c. 4; et *de Motu Animalium* c. 3, al. 5), quod idem potest nutritre et augere se; sed nutritio et augmentatio sunt actiones quedam: ergo idem potest agere in seipsum. — 2. *de Anima l. 9*; *de Motu Animalium* l. 3.

3. Praeterea, 8. *Phys. (text. 27; c. 4)* dicit Philosophus, quod eorum, quae moventur per se, alia moventur a se ipsis, sicut animata; alia vero moventur ab aliis, sicut inanimata: ergo idem potest pati a se ipso. — 8. *Phys. l. 7*.

4. Praeterea, aqua se reducit ad pristinam frigiditatem; sed talis reductio fit per actionem: ergo idem potest agere in se ipsum.

5. Praeterea, in antiperistasi, eadem qualitas se auget, ut patet in grandine, quae generatur ob circumstantem calorem, quem fu-

giens frigus se ipsum auget; similiter in calce, que effervescit superinfusa aqua; et aliis exemplis idem probari potest; ergo idem potest agere in se ipsum.

RSPONDEO DICENDUM, quod idem secundum idem non potest esse agens et patiens, sed necessario debent agens et patiens inter se differre. Quod multipliciter potest esse manifestum; et *primum* quidem ex ratione passionis et actionis. Nam de ratione *actionis* est esse actum ab agente in aliud; de ratione vero propriae *passionis* est esse actum hujus ab alio, sicut pati est suscipere aliquid ab alio; idem autem non potest esse aliud a se; quare nec idem poterit esse agens et patiens secundum idem.

Præterea, ex ratione potentiae activæ et passivæ. Hæc enim est principium patiendi ab alio, illa vero principium transmutandi aliud. Ideo vero non patitur aliquid a se ipso, quia, ut dicit Philosophus (9. *Metaphys. text.* 2; 1. 8, c. 1), per se loquendo alicui uni et eidem inest unum tantum principium, puta vel agendi vel patiendi. Cui enim inest principium agendi, non inest principium patiendi nisi secundum accidens, sicut cum medicus sanat se ipsum; sanat enim se non ut medicum, sed ut infirmum. — 3. *Phys.* 1. 5 (4); 11. *Metaphys.* 1. 9; 2a 2ae, q. 59, a. 3; 9. *Metaphys.* 1. 1. — *Demum*, idem patet inductione in omnibus actionibus, tam iis quæ sunt communes rebus animatis et inanimatis, quam iis quæ sunt propriae animorum. *Communes* autem utrisque sunt *generatio* et *alteratio*. Et quidem si loquamur de *generatione*, manifestum est, quod nihil potest seipsum generare, ut dicit Philosophus (2. *de Anima* text. 47; c. 4). Et ratio est, quia quod generat jam est, quod vero generatur nondum est; impossibile autem est idem simul esse et non esse. (2. *de Anima* 1. 9; de *Motu Animalium* 1. 3.) Si vero loquamur de *alteratione*, cum hæc duplex sit, perfectiva et corruptiva, si sermo sit de *perfectiva*, eujusmodi est illa, qua clementum recuperat pristinam qualitatem deperditam, ut aqua frigiditatem, quam per calefactionem amiserat; *sicut* hujusmodi *alteratio*, ut dictum est (in *Logica* q. 6,

a. 2, ad 2), non fit propriæ per actionem vel transmutationem, cum qua tamen omnis actio corporeæ conjuncta est, ut dictum est (supra q. 9, a. 4, ad 8), sed per naturalem quandam resultantiam (sicut ex uno naturaliter resultat aliud, ut ex luce color); — ita neque etiam exigit propriæ aliquid, quod sit agens et patiens. Neque vero dari potest actio directa, qua qualitas in subiecto perfective se alteret se angendo, quia nullum accidens actione directa potest effective agere in suum subiectum, sed tantum formaliter; quia quod patitur, est potentia ens, quod autem subiectum accidenti, jam est actu ens secundum illud accidens. — Si vero loquamur de *corruptiva*, haec necessario exigit distinctionem inter agens et patiens. Nam corruptio non contingit, nisi ubi est contrarietas; contraria autem non possunt eidem inesse, ut dictum est, quia nunquam corrumpitur aliquid nisi propter victoriam corruptentis super ipsum ex debilitate virtutis ejus; impossibile autem est eidem competere virtutem debilem et multam seu firmam. — 4a 2æ, q. 85, a. 4, ad 4; *Tabula Aurea* voce « corruptio » n. 2 et 4.

Propriæ autem actiones animatorum sunt *nutritio*, *augmentatio*, *sensatio* et *intellectio*. Et primæ quidem due necessario requirunt agens et patiens distincta subiecto. Nam eatenus vivens seipsum nutrit et auget, quatenus per virtutem in se existentem alterat alimentum, quod deinde in fine alterationis simile factum viventi convertitur in ejus substantiam. *Nutritio* enim est actio viventis in alimentum, per quam vivens in suam substantiam illud convertit. Et idem dico de *augmentatione* sumpta pro aggeneratione. Nam idem cibus alteratus a vivente et in carnem conversus, in quantum est caro, nutrit, in quantum caro quanta, auget, ut dictum est (q. 38 de augment. a. 7, c.). *Sensatio* autem requirit agens efficienter et patiens realiter distincta. Nam effectiva sensationum sunt objecta ad extra, ut dicit Philosophus (2. *de Anima* text. 59; c. 5). Agens autem formale, seu principium elicitiuum sensationis, non exigit realem distinctionem sui a principio male-

iali receptivo ejusdem. Nam ejusmodi principium elicivum est anima, ut dicitur (*de Anima* (text. 37; c. 4)); principium tamen receptivum est eadem anima seu potentia; non enim datur sensus agens et sensus patiens, sed idem sensus agit et patitur, ut dictum est (v. in *Psychologia* 63, c. 4). Et idem dico de appetitione, nisi mod totale patiens sensationis et appetitionis est anima vel potentia animae; at totale genus productivum non est sola anima vel ipsa potentia, sed respectu sensationis sunt species sensibiles vel intentionales. (2. *de Anima* 1. 7.) Et idem dico proportionaliter de *attelectione*. Appetitionis vero, sicut et voluntatis, praeter animam vel potentiam, principium productivum est objectum cognitum seu cognitio objecti, ut dictum est in *Psychologia* q. 104, a. 1, c. et ad 2). — Ia, q. 84, a. 1, 2, 3. — Unde manifestum est, quomodo verum sit, quod idem possit gerere in seipsum, et quomodo non.

Ad primum ergo *prime partis* dicendum, quod tantum probat objectio, quod idem per se et proprie agere in seipsum non potest, quod verum est, ut dictum est (in c.), ex actione directa. Et eodem modo respondendum est ad reliqua objecta ejusdem artis.

Ad primum secundae partis dicendum, quod duplicitate dicitur aliquid habere potentiam passivam seu patiendi: *uno modo* communiter et *impropriè*, ex eo nimis quod habet potentiam ut aliud patiatur ab ipso, et hoc modo potentia passiva est una et eadem realiter cum potentia activa; ex eo enim quod aliquid habet potentiam activam, habet potentiam ut aliquid patiatur ab ipso. *Alio modo* aliquis potest dicere habere potentiam passivam et patiendi *impropriè*, videlicet quia ipsum per se habet potentiam ut patiatur, et hoc modo potentia activa et passiva sunt quodammodo una, quodammodo non; sunt enim una potentia unitate ordinis, cum una ordinetur ad alteram; non sunt una potentia realiter, quia potentia activa et passiva, ut dicit Philosophus (9. *Metaphys.* text. 2; l. 8, c. 4; l. 1. *de Generat.* text. 77; c. 9), sunt

in diversis subjectis. — 9. *Metaphys.* l. 1.

Ad secundam dicendum, quod vivens dicitur se nutrire et angere, quatenus convertit in se alimentum, in quod agit, ipsum alterando et disponendo ad praedictam conversionem, ut dictum est (in c.).

Ad tertium dicendum, quod motus localis non est actio, de qua agimus, ut dicitur l. 1. *de Generat.* (text. 45; c. 6), ubi Philosophus dicit, quod movere est quid superius ad agere; num omne agens est movens, non tamen omne movens est agens, enjusmodi est movens localiter. — l. 1. *de Generat.* l. 48.

Vel dic, quod etiam in motu locali verum est, quod idem non potest moveat seipsum secundum totum, ut probat Philosophus 8. *Phys.* (text. 40 sqq; c. 5) duabus rationibus: et *primum* quidem, quia moventis seipsum simul et semel est unus numero motus; si igitur hoc modo aliquid moveat seipsum, quod totum moveat totum, sequitur, quod idem erit movens et motum secundum unum et eundem motum, sive sit loci mutatio sive alteratio. Quod videtur inconveniens, quia movens et motum habent oppositionem ad invicem; opposita autem non possunt eidem inesse secundum idem; unde non est possibile, quod secundum unum motum sit aliquid idem movens et motum. Cum enim aliquid simul movet et movetur, alias est motus secundum quem movet, et alias secundum quem movetur, sicut cum baculus motus a manu movet lapidem, alias numero est motus baculi et motus lapidis. Unde sequitur ulterius, quod aliquis docebit et docebitur simul secundum unum et idem scibile; et similiter, quod aliquis sanabit et sanabitur secundum unam et eandem numero sanitatem. — *Deinde*, quia id, quod movetur, est mobile in potentia existens, quia quod movetur, in quantum est in potentia et non in actu, movetur. Ex hoc enim movetur aliquid, quod cum sit in potentia, tendit in actu; nec tamen id, quod movetur, est ita in potentia, ut nullo modo sit in actu, quia motus ipse est quidam actus mobilis, in quantum movetur, sed est actus imperfectus,

quia est actus ejus, in quantum est adhuc in potentia. Sed illud, quod jam movet, jam est in actu; non enim reducitur quod est in potentia in actum nisi per id, quod est actu; hoc autem est movens; sicut calefacit calidum et general illud, quod habet speciem generativam, sicut hominem generat quod habet speciem humanam, et sic de aliis. Si ergo totum moveat se totum, sequitur, quod idem secundum idem simul sit calidum et non calidum, quia in quantum est movens, erit actu calidum, in quantum motum, erit calidum in potentia; et similiter est in omnibus aliis; et consequenter quod idem sit actu et potentia, quod est impossibile. — 8. *Phys.* l. 40.

Ad quartum dicendum, quod reductio aquae ad pristinam frigiditatem non fit per veram et propriam actionem, sed per naturalem quandam resultantiam, ut dictum est (in c.).

Ad quintum dicendum, quod grando non fit per augmentum frigoris, sed per vaporem siccum inclusum in aqua densata ex eo, quod propter circumstantiam caloris guttae aquae uniuersit. Inclusa vero aqua calei constringitur, et unitur exhalatio in calee inclusa, quia fugit contrarium, et praeccluditur, ne exhalet; fit autem aqua infusa talis praeclusio, quia in extima parte calcis fit quasi gluten, et calx actu habet multam exhalationem, quia fit ab igne, et est in materia sieca, et saepe calefacit actu aqua sine igne; quod si paulatim illabatur aqua, non circumdatur calx; quare ex alia parte evolat exhalatio. Ita calx vetus et dissoluta parum ardet, amissa exhalatione: unde calx subcineritia plus ardet et habet plus exhalationis, alba vero habet plus aeris, qui facit albedinem, ut patet in spuma. — *Vel dic,* quod sicut lumen reflectitur ex opacitate corporis solidi, quod sua densitate obseruit illuminationi, ita et aliæ qualitates objectu contrariae qualitatis reflectuntur et se per actionem reflexam augent. — *Expositio in Psalmum 47, v. 8 et 9; 2. Sent., dist. 13, q. 4, a. 3, ad 5.*

ARTICULUS II

UTRUM SIMILE POSSIT AGERE IN SIMILE.

Videtur quod simile non possit agere in simile.

1. Dicit enim Philosophus (*1. de Generat. text. 46; c. 7*), quod simile a simili nullum pati potest, propterea quod unum non magis habet rationem agentis quam aliud, neque e contra unum habet magis rationem patientis quam aliud; ergo simile non potest agere in simile. — *1. de Generat. l. 19.*

2. Praeterea, si simile agit in simile, ubi major est similitudo, ibi major est ratio actionis et passionis; sed nihil est similius alteri, quam idem sibi ipsi: ergo idem a seipso patietur et seipsum corruptet, quod est falsum: ergo simile non potest pati a simili. — *Ibid.*

3. Praeterea, dicit Philosophus (*1. de Generat. text. 68; c. 8*), quod patitur leviter calidum ab excedenti calido, non in quantum sunt similia in calido, sed in quantum excedens est magis calidum, et aliud, quod exceditur, est magis frigido permixtum ergo simile non potest agere in simile. — *1. de Generat. l. 22.*

4. Praeterea, dicit Philosophus (*1. de Generat. text. 50; c. 7*), quod agens et patientia contraria sunt; sed contraria sunt dissimilia secundum speciem, ut dicitur *ibidem*, licet sint similia et eadem genere: ergo idem quod prius. — *1. de Generat. l. 19.*

5. Praeterea, dicit Philosophus (*ibid. c. 2. de Anima text. 54; c. 5*), quod omne agens agit, ut assimilet sibi passum, et quod in fine actionis passum est simile; ergo simile non potest agere in sibi simile. — *Ibid. et 2. de Anima l. 10.*

6. Praeterea, patiens est in potentia id quod actu est agens, ut dictum est (art. *præced. ad 3*); unde Philosophus (*1. de Generat. text. 55; c. 7*) dicit, quod patientia ad causam materialē reducitur, quia materia passiva est, agens vero ad principium unde motus, quod habet actu formam, secundum quam agit, quamque vult comunicare agendo; hoc enim est agere; sec-

simile in qualitate et gradu, licet dissimile in potentia, quia scilicet est densus, non habet plures gradus, quam habeat aliud simile, sed rarum: ergo non poterit simile agere in simile. — 1. *de Generat.* I. 20; *de Pot.* q. 2, a. 1, c.

7. Praeterea, dicit Philosophus (*de Motu Animal.* c. 2), quod impossibile est, quod duo contraria aequalia in virtute mutuo agant; ergo simile non potest agere in simile. — *de Motu Animal.* I. 2.

Sed contra est: 1. quod Philosophus (1. *de Generat.* tert. 49; c. 7) dicit, quod id, quod est omnino alterum, et nullatenus idem, non agit in alterum; ergo agens et patiens debent esse similia, et ita simile aget in simile. — 1. *de Generat.* I. 19.

2. Praeterea, ex duobus luminaribus aequalibus fit unum intensius; sed hoc non potest esse, nisi unum agat in aliud: ergo simile potest agere in simile. — *Tabula Aurea* voce « lumen » n. 13, 14, 15.

3. Praeterea, dicit Philosophus (1. *de Generat.* tert. 46; c. 7), quod multus sive magnus ignis corruptit parvum ignem, quia sunt similes et unius naturae: ergo simile potest agere in simile. — 1. *de Generat.* I. 19.

4. Praeterea, ferrum ignitum comburit stupram calidam; sed ferrum ignitum est corpus habens tantum alias proprietates ignis: ergo simile potest agere in simile in natura et gradu. — *Opusc.* 70, q. 4, a. 3, ad 5.

5. Praeterea, dicit Philosophus (8. *Phys.* tert. 80 et 81; c. 10), quod in majore quantitate est major virtus, et ita si augeatur quantitas aeris, habebit aer majorem virtutem, quam idem aer in minori quantitate existens; sed aer major et minor possunt esse similes in qualitate et gradu: ergo simile potest agere in simile, etiam si convenient in qualitate et gradu. — 8. *Phys.* I. 21.

RESPONDEO DICENDUM, quod aliquo modo simile agit in simile, aliquo modo non. — Ad ejus evidentiam sciendum, quod quia non quacunque apta nata sunt agere et pati ad invicem, sed solum illa, que sunt contraria vel habent contrarietatem, necesse est quod agens et patiens in genere natu-

rali sint eadem et *similia*, seu quod in materia communicent. Impossibile enim est, quod ea, que non communicant in materia, agant et patiantur ad invicem: — ut patet *tum inductione* in naturalibus: quia enim linea et albedo non communicant in materia, impassibilia sunt ad invicem, nisi forte per accidens, sicut quando linea sit alba vel nigra; — et *ratio* est, quia illa, que non sunt contraria nec ex contrariis, non transmutant se ad invicem, ut dicit Philosophus (1. *de Generat.* text. 49; c. 7), contraria vero debent convenire in materia; haec enim per corruptionem unius contrarii alterius actione peractam abjicit unam formam et aliam inducit. — Praeterea, debentesse *dissimilia* et diversa specie, et contraria; quod similiter patet, — *tum inducendo* in singulis: corpus enim natum est pati a corpore, quod est ejusdem generis in substantia, si tamen communicent in materia; similiter et sapor natus est pati a sapore, et calor a calore, quae sunt ejusdem generis in qualitate, et universaliter res ejusdem generis a rebus naturalibus ejusdem generis; — *tum ratione*, quia quaecunque agunt et patiuntur ad invicem, sunt contraria; contraria autem sunt in eodem genere, ut probatur 10. *Metaphys.* (text. 14; I. 9, c. 4), ei diversa specie; — *deinde*, quia omne agens intendit semper assimilare sibi passum; ergo in principio actionis debet esse dissimile, et in fine actionis simile, ut manifeste constat in augmentatione viventis, ut dictum est (supra q. 38, a. 7); — *demum*, quia actio agentis naturalis proportionatur naturae agentis; tanta enim procedit calefactio, quantum est calor; nullum enim agens naturale nititur ad agendum id, quod excedit suam facultatem. Unde manifestum est, quod simile non potest agere in simile; solvenda tamen sunt objecta utriusque partis, ut videatur, quid probent. — 1. *de Generat.* I. 19; 8. *Phys.* I. 21.

Ad primum ergo *primae partis* dicendum, quod simile in qualitate et gradu, atque adeo omnino simile non potest agere in simile, ut dictum est; et hoc probat auctoritas Philosophi. Eodemque modo dicen-

dum *ad secundam*. Sunt enim haec duo objecta philosophorum asserentium agens et patiens debere esse omnino dissimilia; quorum positio eatenus non est vera, quatenus in agente et paciente consideraverunt tantum terminum et formam; sicut e contra asserentes agens et patiens debere esse similia, consideraverunt eadem tantum secundum materiam; cum tamen oporteat considerare naturam activorum et passivorum ex utraque parte, scilicet tam ex parte terminorum quam ex parte subjecti, sive tam ex parte materiae quam ex parte formae, quod idem est. Et ex his patet etiam ad *quartum*, *quintum*, *sextum* et *septimum*. — 1. *de Generat.* I. 19.

Ad tertium dicendum, quod objectio procedit in habentibus contrarium, et tantum probat, quod in his agens et patiens debent esse dissimilia secundum speciem, et quod ratio agendi est contrarietas formae, quod verum est. — 1. *de Generat.* I. 22.

Ad primum secundae partis dicendum, quod Philosophus loco citato tantum probat, quod quae sunt omnino dissimilia, ita ut non communicent in eadem materia, non possunt mutuo agere et pati, ut dictum est (in c.).

Ad secundum dicendum, quod magnus ignis non corrumpit parvum propter similitudinem, quam habent, sed propter contrarietatem in qualitate ipsorum; magnum enim contrariatur parvo. — 1. *de Generat.* I. 19.

Ad tertium dicendum, quod lumina vel sunt ejusdem intensionis vel diversae; si sunt *diversae*, ita ut unum sit majus, alterum minus, quia diversa luminaria nata sunt informare easdem res, et sunt ejusdem rationis in illuminando, ideo effectus minoris lucis non perficitur, sed subjectum repletur luce majore; unde impeditur effectus alterius; sic ad presentiam solis lux stellarum obsecuratur et evacuatur; et lumen solis offuscat lumen candelae. Si vero sunt *eiusdem* intensionis, producent tamquam unum totale agens unum effectum et unum numero lumen, quia duo accidentia ejusdem speciei non possunt esse in eodem subjecto. Verum est tamen, quod lumen productum

a duobus luminosis et intensis est majoris efficacie, quam si ab uno tantum producatur; nam idem effectus non potest naturaliter fieri a duabus causis efficientibus completis et perfectis, ut dictum est (supra q. 14, a. 5). — 3. *Sent.* dist. 14, q. 1, a. 1, quæstiunc. 1, ad 2; efr. Capreolus in 1. *Sent.* dist. 7, q. 2, a. 3, ad primum Adæ; Flandrius 5. *Metaphys.* q. 9, a. 7.

Ad quartum dicendum, quod ferrum ignitum habet proprietates ignis, et ratione multitudinis caloris potest ignire; densum enim calidum ut octo, potest agere in calidum ut sex raro, et illud ignire. Et ratio est, quia densum habet majorem activitatem; unde potest augere calorem calidi rari. Ideo autem habet majorem activitatem et virtutem, *primo*, quia habet plures partes materiae calidas; in majore autem quantitate major virtus existit, ut dicitur 8. *Phys. test.* 80 (c. 10), et virtus unita fortior est se ipsa dispersa, ut dicit Philosophus 4. *Meteorol.* c. 12, ubi propterea docet in antiperistasi, cum frigidum circumstat calidum, si non potest omnino ipsum extinguere, illud congregat, et sic ex congregatione calidi vigoratur et fortificatur effectus ejus. *Secundo*, quia tales partes sunt omnes magis approximatæ passo, et ideo debent producere majorem effectum; agens enim producit intensiorem effectum in subjectum sibi proximus quam in remotius, ut saepe dictum est. — 8. *Phys.* I. 24; 4. *Meteorol.* I. 14 et 16.

Ad quintum dicendum, quod objectum probat id, quod dictum est (ad objectum præcedens), quod activitas formæ non solum sumitur ex intensione formæ, sed etiam ex pluralitate formæ et majori approximatione partium agentis ad passum, ut dictum est.

QUÆSTIO XLI
DE REACTIONE.

Deinde considerandum est de reactione.

CIRCA QUAM QUERITUR:

Utrum omne agens agendo repatiatur.

ARTICULUS

UTRUM OMNE AGENS AGENDO REPATIATUR.

Videtur quod non omne agens, dum agit, repatitur, et consequenter quod non omne patiens, dum patitur, reagit.

1. Dicit enim Philosophus (*4. de Generat. tect. 50; c. 7*), quod ea tantum nata sunt agere, que sunt invicem contraria; sed contrarium inventum in subjecto eate-nus resistit actioni agentis, quatenus præstat impedimentum in ipso susceptibili ad receptionem formæ, quod fit sine ulla reactione et repassione agentis: ergo non omne agens, dum agit, repatitur. — *1. de Generat. l. 19; 4. Sent. dist. 41, q. 4, a. 3, quæstiunc. 3, ad 2, et dist. 47, q. 1, a. 5, quæstiunc. 1, ad 2; de Pot. q. 3, a. 4, ad 15.*

2. Præterea, cœlum agit in hæc inferiora, ut dicit Philosophus (*2. de Cœlo tect. 42; c. 7; et 1. Meteorol. c. 2*); sed cœlum est inalterabile et impassibile, ut dicitur *1. de Cœlo tect. 21* (*c. 3*): ergo non omne agens, dum agit, repatitur. — *2. de Cœlo l. 10; 1. Meteorol. l. 2; 1. de Cœlo l. 7.*

3. Sed dices, quod corpora cœlestia non communicant in materia cum corporibus inferioribus, et ideo in illa agunt, sed ab illis non patiuntur. — Sed contra dicit Philosophus (*de Motu Animal. c. 2, al. 3*), quod actio non provenit, nisi agens sit potentius passo; dicit enim, quod si contraria sint æqualis virtutis, non possunt agere ad invicem; sed si debet unum agere in aliud, oportet quod illud excedat in virtute: ergo non omne agens communicans in materia

— cum passo potest ab illo repati. — *1. de Generat. l. 19; de Motu Animal. l. 2.*

4. Præterea, si omne agens, dum agit, patitur, sequitur quod nunquam agens poterit in se convertere passum, quod est falsum. Sequela vero probatur, quia non potest forma substantialis introduci, donec inducti sint octo gradus qualitatis et dispositionis; at hi gradus, cum sint effectus virtutis agentis, presupponunt in agente totidem gradus ejusdem qualitatis; sed si agens, dum agit, patitur, necessario perdit aliquos gradus vel aliquam partem gradus, et ita non poterit habere omnes octo gradus, et per consequens non poterit inducere formam substantialiem in passum.

5. Præterea si agens, dum agit, patitur, sequitur idem per se moveri duobus motibus contrariis, quod est impossibile. Sequela autem probatur, quod vel agentia sunt *mediata*, et tunc, cum agant per me-dium, tale medium simul movebitur duobus motibus contrariis, puta calefactionis et frigefactionis; vel sunt *immediata*, et tunc, cum totum agat in partem totius passi sibi proximiorem, talis pars, cum sit alteri suæ comparti dissimilis, ab illa simul patietur motu contrario illi, quem recipit, et patitur ab agente, et ita sequetur quod eadem pars simul movebitur duobus motibus contrariis.

Sed contra est: 1. quod Philosophus (*4. de Generat. text. 53; c. 7*) dicit, quod sicut in moventibus primum non movetur, dum movet, sed ultimum, ita et in efficien-tibus primum dum agit, non patitur, sed ultimum. — *1. de Generat. l. 20.*

2. Præterea, 3. *Phys.* (*tect. 8: c. 1*) dicit Philosophus, quod multa agunt et pa-tiuntur ad invicem, in quantum scilicet utrumque est in potentia et actu respectu alterius secundum diversa. — *3. Phys. l. 2.*

3. Præterea, dicit Philosophus (*3. Phys. tect. 16; c. 2*), quod omne movens in movendo movetur; sed hoc est agens repati et passum reagere; ergo omne agens, dum agit, repatitur. — *3. Phys. l. 4.*

RESPONDEO DICENDUM, quod necesse est dicere, quod omne agens communicans in

materia cum passo, dum agit, patitur secundum eamdem contrarietatem et partem. Qnod potest esse manifestum ex multis; et *primo* ex ratione actus et potentiae, quae in eodem subjecto inveniuntur. Quia enim quaedam eadem sunt et in potentia et in actu, licet non simul aut secundum idem; ex hoc sequitur, quod multa agunt et patiuntur ad invicem, in quantum scilicet ntrumque est in potentia et actu respectu alterius secundum diversa; et quia omnia corporo inferiora naturalia communicant in materia, ideo in unoquoque est potentia ad id, quod est actu in altero; et ideo in omnibus talibus aliquid simul agit et patitur, et movet et movetur, quia secundum eandem partem et contrarietatem agendo patitur, et movendo movetur: sicut ignis cum agit in ligna, patitur in quantum ingrossatur per fumum, quia flamma non est nisi fumus ardens. Quamquam non ex eo præcise quod movet, convenit moventi quod moveatur, ut dicit Philosophus (3. *Phys. text.* 46; c. 2), sed ex hoc quod movet tangendo, quia mouere est agere ad hoc quod aliquid moveatur. Id autem, quod sic a movente patitur, movetur; sed hoc quod est agere, facit tactu; nam corpora tangendo agunt; unde sequitur, quod simul et patiuntur, quia quod tangit patitur, dummodo et ipsum ab eo quod patitur tangatur, ut contingit in his, quæ communicant in materia, quorum utrumque ab altero patitur, dum se tangunt. (3. *Phys. l. 4.*) Secundo, idem constat ex differentia inter primum agens et ultimum; nam illud est impassibile, ut dicit Philosophus 1. *de Generat.* (*text.* 53; c. 7), hoc vero patitur ab eo, in quod agit. (1. *de Generat.* l. 20.) Tertio, ex mixtione; nam hæc contingit ex eo, quod elementa mutuo agunt et patiuntur secundum eandem partem et contrarietatem, et secundum illam se refrangunt. Unde manifestum est, quod omne agens in materia cum passo communicans agendo repatitur. (1. *de Generat.* l. 25.)

Ad primum ergo dicendum, quod contrarium dupliciter resistit alteri: *uno modo*, agendo in alterum, et hoc modo corpora inferiora communicantia in materia ratione

sensibilium qualitatum sibi invicem resistunt; *altero modo*, praestando impedimentum in ipso susceptibili ad receptionem formæ, quomodo contrarium impedit formaliter et non active, ne suum contrarium in subjecto recipiatur, in quantum facit potentiam non esse propriam illius formæ — 4. *Sent. dist.* 17, q. 1, a. 5, questio 1, ad 2.

Ad secundum dicendum, quod colorem non communicat in materia cum inferioribus, et ideo non tangitur ab illis, ne consequenter patitur, licet in illa agat. — : *Phys. l. 4.*

Ad tertium dicendum, quod agentia contraria si fuerint omnino æqualia secundum virtutes suas, secundum quas agunt et patiuntur, impossibile est quod unum agat in aliud primo, quamvis possit in ipsum agere secundum partem. — *de Motu Anima l. 2.*

Ad quartum dicendum, quod *sicut* augmentatio non continua et semper fit, ut inquit Philosophus (1. *de Generat. text.* 42 c. 6), quia virtus speciei debilitatur cum in materia contrarietati subjecta (unde quando non potest amplius tantum convertere de nutrimento, quod sit in potentia non solum ad speciem et ad majorem quantitatem, sed nec etiam ad æqualem; tunc fit diminutio quantitatis, et tunc conservatur species in quantitate minori, et finaliter etiam cessat species; sicut si aqua magis et magno vino misceatur, fieri vimum aquatum, et finaliter vimum corrumpetur, et fieri totaliter aqua — ita similiter in mutua actione contrariorum, contrarium potentius ita debilitabit actionem patientis, ut tandem non possit agere, et interim recuperabit suos gradus deperditos quibus recuperatis poterit deinde contrarium in se convertere. — 1. *de Generat. l. 17.*

Ad quintum dicendum, quod nullum sequitur absurdum ex reactione. Nam si contraria mutuo agentia et patientia sint *mediatae* vel hæc sunt *æqualis* intensionis, scilicet ambo ut octo, et tunc medium prope calidum efficietur calidius, et prope frigidum frigidius, et tunc pars calidior aget in pa-

em frigidorem tamquam in summi contrarium sibi immediatum; si vero sint *inqualis* tensionis, tunc agens potentius plus de aedio in se convertet, et mediante illo agit in aliquum conversum in alterum contrarium, et sic fiunt similiter agentia immediata. Si vero contraria sint *immediata*, tunc parsissa non moveatur duobus motibus contrariis, quia enim una sit actio totius corporis, nam in totum agit, pars non repassa non agit in passum, quia tunc fierent duo tota et non unum. Manifestum enim est, quod corpus alterius non alterat solum secundum suam extremam superficiem, qua tangit corpus alteratum, sed secundum suam totam robustitatem et grossitatem. Cujus signum est, quod corpus tenue non est ita efficax ad alterandum, sicut corpus habens prouinditatem vel grossitatem supposita identitate naturae. Et ratio hujus est, quia agens agit quatenus est actu; pars autem in continuo sicut non est actu, sed tantum in potentia, et sicut non est una actu, sed tantum in potentia, ita nec agit, sed tantum totum. Tunc autem incipiunt fieri duo tota, quando agens incipit superari ab altero; nam tunc exsinit agens agere in passum, sed reflectit nam actionem supra partem passam ad hunc ab hoste vindicandam. — 2. *de Cœlo* 10; 7. *Phys.* 1. 9.

QUESTIO XLII

DE MIXTIONE.

Deinde considerandum est de mixtione.

CIRCA QUAM QUERUNTUR SEPTEM:

Utrum mixtio sit possibilis.

Utrum mixtio reete definiatur a Philosopho.

Utrum a productionem mixti necessario requirantur plura elementa.

Utrum in mixto maneant actu elementa secundum formas substantiales.

Utrum in mixto maneant elementa secundum proprias qualitates.

Utrum forma accidentalis mixti sit qualitas simplex, an vero sit composita.

Utrum dari possit mixtum aequale ad pondus.

ARTICULUS I

UTRUM MIXTIO SIT POSSIBILIS.

Videtur quod mixtio non sit possibilis.

1. Dicit enim Philosophus (1. *de Generat. tert.* 89; c. 10; et 2. *de Generat. tert.* 48; c. 7), quod miscibilia debent habere aequales virtutes et potentias; sed ubi est aequalitas virtutum, ibi non est actio, ut dictum est (supra q. 41, a. 3), quia cum tanta sit virtus resistendi, quanta agendi, nec agent nec patientur ad invicem, et ita non siet mixtio, praeterquam quod si miscibilia adæquantur in mixto, non magis inclinabitur illud mixtum sursum quam deorsum, vel ad aliquam aliam loci differentiam, cum nullum sit in ipso prædominans elementum: ergo mixtio non est possibilis. — 1. *de Generat.* 1. 25; 2. *de Generat.* 1. 8; *de Motu Animal.* 1. 2.

2. Praeterea, non est mixtio possibilis, nisi concurrent elementa ex propriis locis: nam mixtio definitur a Philosopho, quod sit alterorum elementorum unio; sed hoc est elementis violentum: nam cum naturaliter moveantur ad propria loca, non nisi violenter ex illis possunt recedere, ut in 1. *de Cœlo* (*text.* 76; c. 8) habetur: ergo mixtio non est possibilis — 1. *de Generat.* 1. 25; 2. *Sent. dist.* 14, q. 1, a. 5, arg. 4.

3. Praeterea, quando miscibilia veniunt ad mixtionem, aut manent sicut prius in forma et specie, aut non manent, sed corrumpuntur ambo vel alterum. Si ambo manent in forma et specie sicut prius, et non alterantur, tunc non sunt magis mixta quam prius, sed consimiliter se habent. Si autem alterum corrumpatur, nec etiam tunc erit mixtio, sed corruptio unius et conservatio alterius non corrupti. Si autem ambo invicem corrumpuntur, tunc etiam non erit mixtio, quia non possunt esse mixta, quæ nullo modo sunt entia: ergo. — 1. *de Generat.* 1. 24; 2. *de Generat.* 1. 8.

4. Praeterea, mixtio neque est generatio neque augmentatio neque alteratio, ut dicitur 1. *de Generat.* (*text.* 83; c. 10); sed si esset possibilis, esset in aliqua specie mutationis

ex praedictis: ergo mixtio non est possibilis. — 1. *de Generat.* l. 24.

5. Praeterea, si mixtio est possibilis, cum quelibet pars mixti sit mixta, ut dicit Philosophus l. *de Generat.* (text. 86; c. 10), in qualibet parte essent omnia elementa, et sic daretur penetratio corporum naturaliter; sed hoc est impossibile; ergo mixtio non est possibilis.

6. Praeterea, mixtio vel terminatur ad substantiam vel ad accidens: non primum, quia sic esset generatio, contra Philosophum (l. *de Generat.* text. 83; c. 10); neque secundum, quia sic esset vel ad quantitatem vel ad qualitatem vel ad ubi, et sic esset vel augmentatio vel alteratio vel motus localis, quod negat Philosophus (l. c.): ergo mixtio non est possibilis.

7. Praeterea, mixtio debet fieri per miscibilium divisionem; sed talis fieri non potest. Nam *vel* dividuntur in omnem sui partem, et hoc est impossibile; nam cum miscibilia sint elementa, quae sunt homogenea et continua, non possunt dividi in omnem partem; — *vel* dividuntur tantum in partes minimas, et hoc etiam esse non potest; nam vel erunt minima quoad sensum, et sic non erit mixtio; vel quoad veritatem, et sic erit juxtapositio et non mixtio, ut dicit Philosophus (l. *de Generat.* text. 86; c. 10): ergo mixtio non est possibilis.

Sed contra est: l. quod Philosophus (l. *de Generat.* text. 90; c. 10) definit mixtionem; sed definitio et *quod quid rei* supponit *quod sit* illius, atque adeo rem esse possibilem: ergo mixtio est possibilis. — 1. *de Generat.* l. 25.

2. Praeterea, posita causa necessaria et non impedita ponitur effectus; sed causa mixtionis, puta passio et actio mutua contrariorum, ut dicit Philosophus in l. *de Generat.* text. 90 (c. 10), datur in rerum natura, ut patet per se: ergo et datur mixtio, et sic est possibilis. — *Ibid.*

RESPONDEO DICENDUM, quod sermo negantium dari mixtionem querere videtur differiam mixtionis a reliquis mutationibus. Manifestum enim est, quod si est mixtio, oportet eam differre ab aliis motibus; cognita

enim differentia ipsius a ceteris mutationibus, proposita dubitatio dissolvetur. Differt ergo mixtio a generatione et corruptione. Cum enim lignum in ignem convertitur, non dicitur misceri cum igne, nec ignis cum ligno, sed ignis dicitur generari et lignum corrupti. Differt etiam ab alteratione, ut patet, *tum* in artificialibus: nam figura non miscetur cere neque quantitati, quia utrumque eorum manet salvatum, id est distinctum in suo effectu; *tum* in naturalibus: quia nec albedo miscetur corpori, cum utrumque maneat, nec albedo miscetur disciplinae, nec accidens accidenti; nam omne miscibile oportet prius esse per se et postea misceri; accidentia autem non possunt esse per se, quia nullum accidens est separabile a subjecto. Differt etiam ab augmentatione; non enim dicimus cibum misceri corpori cibato, quia cibus convertitur in dominans corpus, quod manet secundum formam; neutrum autem miscibilium ita manet sicut corpus cibatum, id est indivisum et specie nullo modo alteratum. Verum quoniam mixtio ad generationem mixti ordinatur, licet non sit generatio, ut dictum est, propterea secundum est, quod miscibilia, puta elementa, quae concurrunt ad mixtum constituendum, aliquo modo sunt in mixto, aliquo modo non. Sunt in mixto actu secundum proprias materias et virtutes, non tamen sine aliqua alteratione; non enim corrumpuntur omnino, sicut contingit in generatione et corruptione; nam salvatur virtus eorum. Sunt autem in potentia secundum formas substantiales, quia haec corrumpuntur ad adventum formae mixti. Unde manifestum est dari mixtionem, nedum possibilem esse. — 1. *de Generat.* l. 24 et 25.

Ad primum ergo dicendum, quod, quia omnis mixtio naturalis est propter generationem, non sic sunt intelligenda verba Philosophi, quod in mixto sit aequalitas virtutum et potentiarum, ut ratio procedit; sicut nec oportet quod ibi sit aequalitas quantitatis ipsorum miscibilium; sed est intelligendum, quod ibi sit aequalitas proportionis, quam requirit forma rei generandae, propter quam est mixtio. — 1. *de Generat.* l. 25.

Ad secundum dicendum, quod corpora inferiora præter motus proprios sequuntur quodammodo motum superiorum, et quanto est perfectius corpus inferius, tanto magis consequitur de motu superioris. Quod patet ex hoc, quod in corporibus cœlestibus orbis inferior præter motum proprium retinet motum superioris orbis, quo desertur. Ita etiam est in elementis, quod ex motu cœlestium corporum aliquid consequuntur de motu circulari, præter motus proprios naturales; quod evidentissime apparet in fluxu et refluxu maris, qui sequitur motum lunæ. Non tamen hoc fit per motum violentum, quia dicit Commentator (1), quod motus, quibus elementa sequuntur impressiones corporum cœlestium, non sunt violenti, cum sit secundum naturalem ordinem corporum, quod inferiora impressionem superiorum sequantur, et tanto plus, quanto perfectius fuerit in natura corpus inferius. Et per hunc modum ex impressione cœli moventis elementa ad mixtionem aqua subingreditur terram, ut sit apta ad generationem mineralium et animalium et plantarum, et exinde in locum proprium naturali motu revertitur, ut dicitur Eccle. 1, 7: «ad locum, unde exirent flumina, revertuntur». — 2. *Sent.* dist. 14, q. 1, a. 5, ad 4; dist. 30, q. 1, a. 1, ad 4; 1. *de Generat.* I. 24.

Ad tertium dicendum, quod hæc objectio querit modum, quo ex elementis generantur mixta. Ad cujus manifestationem *sciendum primo*, quod differentiae accidentales et tamquam propriæ passiones elementorum, puta calidum et frigidum, humidum et siccum, sunt contrariae et suspiciunt magis et minus. *Sciendum secundo*, quod quando alterum elementorum fuerit simpliciter actu, et alterum simpliciter in potentia, tunc non potest esse mixtio; quando vero unum non est omnino actu, nec per excessum prædominatur alteri elemento, tunc generatur quoddam medium, quod nec est simpliciter calidum neque simpliciter frigidum, sed quodammodo participans naturam utriusque; et hoc ideo, quia quando elementa

miscecentur, intentiones sive formæ elementorum corruptiuntur et remanent in virtute. Et tunc illud medium generatum non est sic in potentia, sicut materia, nec simpliciter alterum elementorum sed medium inter ea. Quod quidem medium diversificatur, secundum quod diversificantur virtutes miscibilium. Si enim potentia ignis excessit virtutem aquæ, medium generatum est magis calidum quam frigidum, et sic secundum proportionem virtutis unius elementi ad virtutem alterius: ut si in duplo, si in triplo excessit caliditas frigiditatem, et medium dupliciter est calidius et tripliciter. Secundum hunc ergo modum erunt mixta ex contrariis elementis, et per compositionem vel mixtionem, et elementa erunt ex illis per resolutionem; ipsa enim mixta sunt potentia quatror elementa.

His positis dicendum, quod, quia omnia contraria patiuntur ad invicem (quia quod est actu calidum, est potentia frigidum, et e contra), si ipsa elementa non adæquantur potentias suis, sed unum alteri omnino prædominatur, tunc transmutantur ad invicem, et non fit mixtio, sed corruptio debilioris, et generatio sive augmentum prædominantis. Et quod dictum est de calido et frigido, intelligendum est similiter in aliis contrariis, scilicet sicco et humido. Sed elementa prius invicem transmutantur in generatione: adæquatis vero potentias eorum, secundum quandam proportionem generatur quoddam medium, sicut carnes et ossa et hujusmodi alia. Fit enim mixtum calido secundum quid nfrigidato, et frigido secundum aliquid calefacto, quia in mixto materia uniusenjusque contrarii partem capit alterius, quando veniunt ad medium; medium enim est contrarii: medium autem illud non est unius proportionis tantum, scilicet quod sit per æqualem contrariorum participationem; neque est indivisible, id est non est uno modo tantum, sed diversis modis secundum diversitatem proportionis contrariorum; et sic est medium inter calidum et frigidum secundum multiplicem proportionem ipsorum. Et ita etiam intelligendum inter humidum et siccum quæ secundum mediorum diversitatem quan-

(1) *4. de Cœlo.*

dam (1) aliqua proportione convenientia faciunt carnem, et in alia proportione faciunt os, et in alia faciunt alia, quorum complexiones variantur, sicut est homo, cuius complexio maxime vicina est temperamento; et leo, qui est calidae complexionis; et asinus, qui est frigidae complexionis. (2. *de Generat.* l. 8.) Et ex his patet ad objectiōnem: *manent enim elementa seu miscibilia, ut dictum est, secundum materias et secundum qualitates sensibiles, per alterationem et actionem mutuam elementorum refractas et ad proportionem quandam redactas, quam reūrit forma mixti; non manent secundum formas substantiales; nam hae corrumpuntur, et salvatur tantum virtus illarum.* — 1. *de Generat.* l. 24 et 25.

Ad quartum dicendum, quod cum mixtio sit propter formam rei generanda, dupli-
citer sumitur mixtio: uno modo, pro unione elementorum alterorum et corruptorum secundum formas substantiales; altero modo, pro generatione mixti participantis virtutes omnium miscibilium et requirentis ratione sue formae aequalitatem proportionis eorundem. — 1. *de Generat.* l. 25.

Ad quintum dicendum, quod mixtio non sit per hoc, quod in eodem loco sint elementa singula secundum materias et formas; nam sic contigeret penetratio dimensionum; sed per hoc, quod elementa contigua invicem agunt et perficiuntur, donec perveniant ad quandam aequalitatem proportionis secundum calidum et frigidum, humidum et siccum, quam requirit formæ rei generanda; nam tunc elementorum formæ corrumpuntur, et producitur mixtum, quod est ejusdem rationis in omnibus suis partibus. — *Ibid.*

Ad sextum dicendum, quod mixtio terminatur ad formam substantiam mixti; neque tamen est generatio, quia in generatione fit transmutatio totius in totum; at immixtione salvatur virtus elementorum, ut dictum est (in e.). — 1. *de Generat.* l. 24 et 25.

Ad septimum dicendum, quod mixtio non est ex divisione minimorum, quia in minima simpliciter impossibile est dividere corpus, ita quod in eis stet divisio. Si autem

(1) Al. quadam vel quedam.

minima essent physica, tunc esset congregatio et non mixtio. Fit ergo alio modo mixtio, puta per hoc, quod miscibilia dividuntur in partes parvas; nam quando parva miscentur parvis, tunc facilis fit mixtio, quia talia facilis et citius transeunt per se invicem alterando; sicut quando multum miscetur multo, tunc tardius et difficilis commiscentur, quia difficilis ad invicem alterantur et tardius transeunt per se invicem. Præterea per hoc, quod miscibilia concorrentia ad mixtionem sunt bene terminabilia ad invicem passiva, quia bene terminabilia, cum sint subtilia et humida, facilis dividuntur in parva, quæ facilis commiscentur quam magna; hoc enim est bene terminabile, quod est bene divisibile in parva, verbi gratia humida, quæ sunt inter cetera corpora bene miscibilia; et hoc ideo, quia humidum inter alia corpora est magis divisibile in parva, nisi illud humidum sit viscosum, quia, sicut dicitur in 4. *Meteorol.* (c. 5 et 6), partes humidi viscosi conjacent, sicut glutinum, propter mixtum eis subtiliter siccum, quod apprehendit undique humidum et non sinit elabi oleum. — 1. *de Generat.* l. 25.

ARTICULUS II

UTRUM MIXTIO RECTE DEFINIATUR, QUOD SIT MISCIBILIUM ALTERATORUM UNIO.

Videtur quod non recte definiatur mixtio, quod sit miscibilium alteratorum unio.

1. Dicit enim Philosophus (1. *de Generat.* text. 84; c. 10), quod miscibilia sunt actu in mixto tantum secundum virtutes, non autem secundum formas substantiales, quia scilicet tantum salvatur virtus eorum; sed illa, quæ sic remanent in alio, vere in se ratione propriarum formarum corrumpuntur: ergo mixtio non est unio alteratorum, sed corruptorum. — 1. *de Generat.* l. 24.

2. Præterea, per alterationem tollitur qualitas, atque adeo virtus miscibilis; alteratio enim terminatur ad qualitatem, ut dictum est (q. 35, a. 1), qua posita in subjecto formaliter corrumpitur qualitas opposita; nam unum contrarium in subje-

clo formaliter destruit suum oppositum; sed virtus elementorum seu miscibilium salvatur in mixto: ergo mixtio non est miscibilem alteratorum unio. — 4. *Sent.* dist. 17, q. 1, a. 5, sol. 1, ad 2; 1. *de Generat.* l. 24.

3. Praeterea, unio est relatio quedam; sed mixtio non est relatio, sed generatio quedam, ut dicit Philosophus 2. *de Generat.* (*text.* 46 sqq.; c. 7): ergo mixtio non est unio. — *Tabula Aurea* voce « unio » n. 13.

Sed contra est auctoritas Philosophi, qui 1. *de Generat.* (*text.* 90; c. 40) definit mixtionem, quod sit miscibilem alteratorum unio. — 1. *de Generat.* l. 25.

RESPONDEO DICENDUM, quod ex dictis patet, quod mixtio non est nisi miscibilem alteratorum unio. Cum enim ad hoc, quod sit mixtio, necessarium sit quod miscibilia non sint simpliciter corrupta, nec sint simpliciter eadem ut prius — debent enim corrupti quantum ad formas, et remanere quantum ad virtutes, ut supra ostensum est — ; praeterea, cum mixtio, ut etiam ostensum est (*art. praeced.*), non sit compo-sitio minimorum secundum naturam nec minimorum secundum sensum — quia talia minima non sunt miscibilia, sed illud est miscibile, quod, cum sit bene terminabile, est activum et passivum, et illud, quod miscetur cum tali miscibili, facit cum illo mixtum, quod est ejusdem rationis in toto et in partibus — : sequitur quod mixtio sit miscibilem alteratorum unio, proprie-nimirum sumendo alterationem, quia haec solum est intelligenda in virtutibus sive qualitatibus eorum; nam si sumatur improprie-mixtio, est miscibilem alteratorum, id est corruptorum, unio. — 1. *de Generat.* l. 25. — Et sic patet *ad primum*.

Ad *secundum* dicendum, quod in mixto ita salvantur virtutes elementorum, ut per mutuam actionem et passionem illorum aliquos gradus amittant; nam per illam, ut dictum est, devenitur ad talem aequalitatem proportionis, quam requiret forma mixti generandi. — 1. *de Generat.* l. 24 et 25.

Ad *tertium* dicendum, cum mixtio ad

generationem spectet, ut dicit Philosophus l. c. supra arg. 3, mixtio dicitur consequenti-ve unio, secundum quod unio significat re-lationem; nam sicut haec consequitur unio-nem activam, ita et consequitur mixtionem sumptam pro generatione mixti, formaliter vero secundum quod actionem vel passio-nem, nisi quod mixtio superaddit motum; at unio active sumpta non necessario involvit motum. — Cfr. Hannibalus in 3. *Sent.* dist. 2, a. 3 et 4.

ARTICULUS III

UTREM AD PRODUCTIONEM MIXTI NECESSA-RIO REQUIRANTUR OMNIA QUATUOR ELE-MENTA.

Videtur quod ad mixti generationem non necessario requirantur omnia quatuor ele-menta.

1. Dicit enim Philosophus (1. *de Anima* *text.* 81; c. 5), quod omne quod est, aut est elementum, aut ex elemento uno vel pluribus vel omnibus constat: ergo non omnia elementa requiruntur ad mixti pro-ductionem. — 1. *de Anima* l. 12.

2. Praeterea, dicit Philosophus (1. *de Generat.* *text.* 34; c. 5), quod si admisceatur parum aquæ multo vino, ex tali fit vinum præcedens majus; sed hoc non esset, nisi ex aqua sola fieri posset mixtum: ergo ad generationem mixti non necessario requiri-untur omnia elementa. — 1. *de Generat.* l. 14.

3. Praeterea, aqua nutrit, et propterea solvit jejunium naturæ et Ecclesiae; sed aqua est unum elementum: ergo unum elemen-tum potest nutrire et consequenter consti-tuere mixtum; nam ex eodem res componi-tur, ex quo nutritur, ut dicit Philosophus (2. *de Generat.* *text.* 50; c. 8): ergo idem quod prius. — 2. *de Generat.* l. 8.

4. Praeterea, animalia quædam nutriuntur odoribus, nam mirabiliter illis confor-tantur; et si illis non nutrimentur, ad nihil esset odor utilis; sed eadem est ratio unius qualitatis et unius elementi: ergo si animal potest nutrirī una qualitate, poterit nutrirī uno elemento, et per consequens ex illo solo

constitui. — *de Sensu et Sensibili* l. 14.

Sed contra est, quod Philosophus (2. *de Generat.* text. 49; c. 8) dicit, quod omnia mixta, quae sunt circa terram, sunt composita ex quatuor elementis. — 2. *de Generat.* l. 8.

2. Praeterea, dicit Philosophus (7. *Metaphys.* text. ultimo; l. 6, c. 17), quod illud, quod est ex uno elemento, non differt ab ipso; quod enim est aqua tantum, vere est aqua; sed mixtum non est elementum: ergo debet constare ex pluribus, et consequenter ex omnibus, quia non est major ratio unius quam alterius. — 7. *Metaphys.* l. 17 (15).

RESPONDEO DICENDUM, quod omnia mixta perfecta, quae sunt circa terram, et præsertim animata, requirunt ad sui generationem omnia elementa. Quod probatur *primum* inductione ipsorum elementorum. Quod enim necessaria sit terra, patet, quia locus et locatum vel sunt ejusdem naturæ, vel prædominatur natura loci in locato; sed omnia mixta perfecta naturaliter quiescent in terra sicut in loco: ergo oportet quod in quolibet mixto sit terra, vel quod ipsa prædominetur. Quod autem necessaria sit etiam aqua, constat ex hoc, quod terra pura non habet continuationem nec in ipsa aliqua figura potest consistere; partes autem cuiuslibet mixti oportet esse terminatas; sola autem aqua est bene terminabilis. Quod vero necessario requirantur etiam aer et ignis, probatur, quia terra et aqua alterantur in mixto; cum autem unumquodque miscibilium alteretur a suo contrario, oportet ignem et aerem esse in composito; nam aer contrariatur terræ et ignis aquæ. — 2. *de Generat.* l. 8.

Secundo probatur ex nutrimento viventium. Ut enim argumentatur Philosophus (*de Sensu et Sensibili* c. 5) contra asserentes animalia nutriti odoribus: ex iisdem nutriuntur animalia, ex quibus constant; sed cibus, quo nutriuntur animalia, est compositus ex quatuor elementis: cuius signum est, quod ex cibis generatur aliqua superfluitas interius, sicut patet in animalibus, intra quorum corpora sunt quædam loca deputata ad congregationem superflui-

tatum; vel exterius, sicut in plantis, quarum superfluitas statim exterius emittitur, sicut patet de gummis arborum et de aliis hujusmodi. Si autem aliquod animal vel planta nutriretur simplici elemento, nulla fieret superfluitas, cum non sit ibi aliqua diffinitas partium. Ergo animalia constant ex quatuor elementis. Verum adhuc cum nullum elementum sit aptum nutritioni propter simplicitatem, amplius aqua habet speciale impedimentum, quare sola non possit nutrire sine commixtione alicujus terrestris; sicut agricultores adhibent finum, ut aqua commixta nutriat plantas: quia nutrimentum constituit et generat aliquid in substantia nutriti, et ideo oportet quod sit aliquid corporale et solidum; quod non competit aquæ; unde aqua sola non potest nutrire et multo minus aer. Unde relinquitur quod odor nutritre non possit, et per consequens, quod mixtum perfectum, animatum præsertim, non possit constare uno, altero vel paucioribus elementis quam quatuor. — 2. *de Generat.* l. 8; *de Sensu et Sensibili* l. 14.

Quod confirmatur, quia minus videtur quod plantæ, quæ sunt magis terrestres, nutriantur ex omnibus elementis quam alia nutrita; sed illæ licet videantur nutriti ex sola aqua, nutriuntur tamen ex omnibus elementis. Manifestum enim est, quod nutriuntur ex terra et aqua; rustici enim collentes plantas injiciunt terram cum aqua ad nutrimentum illarum. Si autem inest terra et aqua, necesse est esse alia duo extrema, scilicet aerem et ignem, eadem ratione qua supra. Dicendum ergo est, quod ad mixta perfecta, quæ sunt circa terram, generanda necessaria sunt omnia quatuor elementa. — 2. *de Generat.* l. 8.

Ad primum ergo dicendum, quod Philosophus l. c. *de Anima* loquitur de omnibus mixtis, sive perfectis sive imperfectis; at vero 2. *de Generat.* (text. 49; c. 8) loquitur de mixtis perfectis, et præsertim animatis, quæ sunt perfectissima, ut patet ex postrema ratione, quæ est Philosophi ibidem. — 2. *de Generat.* l. 8.

Ad secundum dicendum, quod ad vinum generandum requiruntur omnia elementa,

ut patet ex rationibus supra (in c.) allatis; non tamen est necesse quod concurrant omnia secundum materias et qualitates, sed sufficit unum vel alterum eum qualitatibus reliquorum.

Ad tertium dicendum, quod de aqua duplex est opinio. Quidam enim dicunt, quod qui nullo modo nutrit, non solvit jejunium neque naturae neque Ecclesiæ; sed quanvis squalus in se non nutriat, tamen commixta nutrit; in stomacho enim oportet quod aliis humoribus commisceatur; et ideo in nutrientum cedere potest. Et propter hoc alii probabilius et securius dicunt, quod etiam post aquæ potum Corpus Christi non est sumendum. — 4. *Sent.* dist. 8, q. 1, a. 4, sol. 2, ad 2.

Ad quartum dicendum, quod odor nutritre non potest. Cum enim sit qualitas, secundum se non potest nutriendo constitire substantiam, nisi forte ratione susceptivi, quod est aer vel aqua. Confortat autem propter immutationem, quæ est a calido humido et sicco, et propter delectionem, sicut et malus odor corrumpit; et maxime confert ad sanitatem, ut manifeste patet ad sensum, et ratione confirmatur. Nam cum homo habeat majus cerebrum, secundum quantitatem sui corporis, inter cetera animalia, cerebrum autem secundum suam naturam sit frigidum, et sanguis, qui circa cerebrum continetur in quibusdam subtilibus venis, sit de facili infrigidabilis et ideo contingat, quod fumi resoluti a cibo sursum ascendentes, propter loci infrigitationem, inspissentur infrigiditati, et ex hoc causentur rheumaticæ infirmitates in hominibus: — propterea in adjutorium sanitatis, contra superfluam cerebri frigiditatem, attributa est species odoris secundum se delectabilis hominibus. Quod si quandoque hujusmodi odores gravant cerebrum, hoc est quia non adhibentur secundum quod debent, sed superflue ipsum calefacientes faciunt nimiam resolutionem. Sed si modo debito adhibeantur, conferunt ad sanitatem, ut manifeste appareat ex effectu. Unde est quod sicut savora natura ordinatur ad nutritionem, ita odor ad sanitatem, ut dicit

Philosophus *de Sensu et Sensibili* c. 5, — *de Sensu et Sensibili* l. 13 et 14.

ARTICULUS IV

UTRUM ELEMENTA MANEANT IN MIXTO ACTU SECUNDUM FORMAS SUBSTANTIALES.

Videtur quod elementa maneant in mixto actu secundum formas substantiales.

1. Dicit enim Philosophus 1. *de Generat. tert.* 83 et 84 (c. 10), quod miscibilia non corrumpuntur, et propterea dicit materiam ex qua non misceri rei ad quam concurrit, ut ligna igni; et *text.* 88 (c. 10) ait guttam vini non misceri decem millibus congiis aquæ, quia solvitur forma, et nuntiatur in aquam; et *text.* 84 expresse dicit elementa non corrumpi, sed ita remanere, ut possint iterum segregari, quod idem docet 2. *de Generat. text.* 47 et 48 (c. 7); ergo elementa remanent in mixto secundum formas substantiales. — 1. *de Generat.* l. 24 et 25.

2. Præterea, 4. *Meteorol.* (c. 12) dicit Philosophus quod elementa sunt materia mixtorum; quod idem docet 12. *Metaphys. tert.* 15 (l. 11, c. 3); sed materia actu est in composito; unde definitur a Philosopho 1. *Phys.* (*text.* 82; c. 9), quod sit subiectum ultimum uniuscuiusque, ex quo sit aliquid, cum insit; ergo et elementa erunt actu secundum suas formas. — 4. *Meteorol.* l. ult.; 12. *Metaphys.* l. 3; 1. *Phys.* l. ult.

3. Præterea, 1. *de Generat.* (*text.* 90; c. 10) dicit Philosophus, quod mixtio est unio elementorum alteratorum; sed quod tantum est alteratum, non est secundum formam corruptum, sed remanet secundum illam; ergo elementa manent in mixto secundum formas substantiales. — 1. *de Generat.* l. 25.

4. Præterea, 2. *de Generat.* (*tert.* 50; c. 7) dicitur, quod ex iis nutrimur, ex quibus constamus; sed vero nutrimur omnibus elementis actu, ut dictum est (art. præced.). ergo et ex illis actu constamus, et ita erunt elementa actu secundum formas substantiales. — 2. *de Generat.* l. 8.

5. Praeterea, 2. *de Anima* (*text.* 39; c. 4) dicitur, quod nisi esset anima in animali, elementa dissolverentur et inumquaque discederet; at ista consequentia non est bona, nisi sint elementa in mixto actu secundum formas substantiales; nam quod non est, non dissolvitur; ergo idem quod prius. — 2. *de Anima* l. 8.

6. Praeterea, elementum definitur a Philosopho (5. *Metaph.* *tert.* 4; l. 4, c. 3): « ex quo tibi aliquid, cum insit, indivisibile secundum speciem »; sed corpora simplicia sunt elementa mixtorum: ergo sunt actu in illis. — 5. *Metaphys.* l. 4; *Opusc.* 33.

7. Praeterea, mixtum movetur motu elementi prædominalis in ipso, ut dicit Philosophus (1. *de Cœlo* *text.* 7; c. 2); sed omne movens debet esse actu; nam eatemus movet, quatenus est actu; sicut eatemus aliquid est mobile, quatenus est in potentia, ut dictum est; præterquam quod non datur, a quo elementum prædominans possit corrumpi: ergo elementa sunt actu in mixto. — 1. *de Cœlo* l. 3.

8. Praeterea, resolutio per segregationem fit in ea, quæ actu insunt; quod enim est ultimum in tali resolutione, est primum in compositione; sed mixtum resolvitur in quatuor elementa per segregationem, ut dicitur 3. *de Cœlo* (*text.* 32; c. 3); si enim comburitur lignum, emittitur aqua, remanent cineres, qui sunt terra, evolat fumus, qui est aeris, fit flamma, quæ est ignis: ergo in mixto præerant elementa actu. — 5. *Metaphys.* l. 4; 3. *de Cœlo* l. 8.

9. Praeterea, passio non potest separari a suo subjecto, ut dictum est (in Logica q. 6, a. 3); sed primæ quatuor qualitates sunt passiones elementorum; unde Philosophus (2. *de Anima* *text.* 113; c. 11) de humiditate dicit, quod non potest esse sine aqua: ergo cum in mixto sint qualitates elementorum, erunt et ipsa elementa actu secundum formas substantiales. — 2. *de Anima* l. 23.

10. Praeterea, dicit Philosophus (2. *de Generat.* *text.* 49 et 50; c. 8), quod mixtum non potest generari ex uno elemento; sed

id sequeretur, si elementa non essent actu in mixto secundum formas; nam si sola materia remaneret, non esset ratio, quare materia unius non posset sufficienter disponi ad mixti formam: ergo dicendum est, quod elementa manent in mixto actu secundum formas. — 2. *de Generat.* l. 8.

11. Praeterea, mixtio non fit secundum materiam tantum, quia tunc esset corruptio sola; ergo oportet quod remaneant in mixto formae elementorum. — *Opusc.* 33; l. a. q. 76, a. 4, arg. 4; *Quodl.* l. a. 6, arg. 3; *Quest. disp. de Anima* a. 9, arg. 10.

Sed contra: 1. Philosophus (1. *de Generat.* *tert.* 84; c. 10) dicit, quod elementa non manent actu in mixto, ut corpus album, nec corruptiuntur, nec ambo nec alterum, totaliter scilicet, quo modo fit in generatione simplici; nam quod corruptitur, corruptitur secundum formam et qualitates; at in generatione mixti corruptiuntur elementa secundum formas, et salvatur eorum virtus. — 1. *de Generat.* l. 24.

2. Praeterea, 3. *de Cœlo* *text.* 31 (c. 3) proponit questionem, an elementa sint actu in mixto vel potentia, dicens hoc esse ambiguum, quia id erat solvendum in proprio loco, puta in 1. *de Generat.* Verum textu sequenti suam sententiam significans dicit in carne et ligno esse ignem et aquam in potentia; quod idem docet 1. *de Generat.* *text.* 84 (c. 10), ubi fuse agens de hac materia dicit, quod miscibilia sunt in mixto in potentia et non in actu, licet sint actu virtutes elementorum: ergo. — 3. *de Cœlo* l. 8; 1. *de Generat.* l. 24.

3. Praeterea, 1. *de Generat.* *text.* 83 (c. 10) dicit Philosophus, quod quæ remanent actu, sicut materia et forma, non miscentur; et *text.* 86 dicit, quod si elementa remaneant in mixto divisa in parvas partes salvatas secundum speciem et virtutem, non erit mixtio, sed juxtapositio; sed elementa debent concurrere ad mixti generationem divisa in partes parvas, et debet salvare virtus elementorum, ut dicit Philosophus 1. *de Generat.* *text.* 84 et 89 (c. 10): ergo idem quod prius. — 1. *de Generat.* l. 24 et 25.

4. Praeterea, 2. *de Generat.* (*text.* 47 et 48; c. 7) contra Empedoclem asserente, fieri compositionem ex elementis intransmutatis et salvatis secundum speciem et virtutem, argumentatur Philosophus, quod si haec opinio esset vera, sequeretur quod non ex quacunque parte carnis generabitur quodlibet elementum, sed ex una parte unum, et ex alia aliud, quia nimis, cum in una parte materiae non possint esse plures formae substantiales, debet quelibet forma informare propriam materiam, et ita deberet fieri mixtio ex elementis loco et situ distinctis; quod tamen, inquit Philosophus, est falsum; nam cum mixtum sit homogeneum, debent in qualibet ejus parte potentia confineri omnia elementa, ita ut ex quacunque possint generari: ergo secundum Philosophum elementa non sunt actu in mixto. — 2. *de Generat.* 1. 8.

5. Praeterea, principiis essentialibus manentibus in aliquo, non possunt in illo deficere qualitates talium principiorum secundum suas excellentias, nisi per violentiam, quod non potest esse diuturnum; sed in mixto naturaliter conservantur qualitates et virtutes elementorum refractae et deficientes, quamdiu durat mixtum; ergo non possunt esse in mixto formae substantiales elementorum. — *de Pot.* q. 5, a. 7, c.

RESPONDEO DICENDUM, quod circa hanc difficultatem diversi diversimode opinantur. *Quidam* enim, ut Avicenna, posuit formas substantiales elementorum integras remanere in mixto, mixtionem autem fieri secundum quod contrariae qualitates elementorum reducuntur ad medium.

Sed hoc est impossibile. Impossibile enim est materiam secundum eandem partem simul suscipere diversas formas substantiales. Quod patet, quia forma substantialis, cum det esse simpliciter, denominat simpliciter compositum, quod constituit; mixtum autem, puta caro vel os, non potest dici quod sit ignis vel aer vel aqua vel terra.

Preterea, quia inde sequentur multa absurdita: nimis *primo*, quod tales formae non possent comprehendendi unica differentia, cum diversarum naturarum diversae sint dif-

ferentiae, contra Philosophum 7. *Metaphys.* *text.* 43; 1. 6, c. 12. (7. *Metaphys.* 1. 12.) *Secunda*, quod mixtum non esset simpliciter unum, quia nihil est simpliciter unum nisi per formam unam, per quam res habet esse; ab eodem enim res habet quod sit ens et quod sit una; et ideo que denominatur a diversis formis, non sunt unum simpliciter, sicut homo albus. (*Ibid.* et *la*, q. 76, a. 3, c.) *Tertio*, quod una operatio intensa non impediret aliam, contra sensum et experientiam; cuius ratio est, quia principium actionum est per essentiam unum; unde sequitur quod in quoque una sit tantum forma. (*la*, q. 76, a. 3, c.) *Quarto*, quod ex una parte unius rei sint plura esse substantialia, cum quelibet forma substantialis det esse实质iale; et ex altera, quod esse substantialie sit accidentale: quia cum forma adveniens enti in actu sit accidentalis, si plures formae substantiales essent in eadem parte materiae, prima daret esse substantialie, et ceterae accidentale, cum tamen sint formae substantiales. Si ergo impossibile est materiam secundum eandem partem simul suscipere diversas formas substantiales elementorum, sed oportet quod, si insint eidem materiae, quod insint diversis partibus illius (*la*, q. 76, a. 3, c.; 2. *Sent. dist.* 18, q. 1, a. 2, c.); — impossibile autem est materiam diversas partes accipere nisi praintellecta quantitate in ipsa; nam sublata quantitate materia indivisibilis permanet, sicut patet in 4. *Physicorum*; ex materia autem sub quantitate existente et forma substantiali praintellecta corpus physicum constituitur: — necesse est quod diversae partes materiae formis elementorum subsistentes plurimum corporum rationem suscipient. Multa autem corpora impossibile est esse simul. Non igitur in qualibet parte corporis mixti erunt quatuor elementa, et per consequens non erit vera mixtio, sed ad sensum, sicut accidit in congregacione corporum insensibilium propter parvitatem. *Preterea*, quelibet forma substantialis propriam dispositionem requirit in materia, sine qua esse non potest; unde altera est via ad generationem,

altera ad corruptionem. Impossibile autem est eandem esse dispositionem, quam requirit forma ignis, et quam requirit forma aeris vel aquae, sed sunt contraria; contraria autem esse non possunt in eodem subiecto: impossibile est igitur quod in eadem parte mixti sint forme substantiales ignis et aquae. Si igitur mixtio fiat remanentibus formis simplicium corporum, sequitur quod non sit mixtio, sed solum ad sensum, quasi juxta se positis partibus insensibilibus propter parvitatem. — 1a, q. 76, a. 3, c.; 2. Sent. dist. 18, q. 1, a. 2, c.; 4. de Generat. l. 24.

Quidam autem alii, inter quos est Averroes (3. de Culo text. 67), positae opinionis rationes vitare volentes in majus inconveniens inciderunt. Ut enim mixtionem ab elementorum corruptione distinguenter, dixerunt formas substantiales elementorum aliqualiter remanere in mixto; sed rursus, ne cogerentur mixtionem ad sensum, et non secundum veritatem ponere, posuerunt, quod forme elementorum non manent in mixto secundum summum complementum. Dicunt enim, quod forme elementorum suscipiunt magis et minus, et habent contrarietatem ad invicem. Et quia haec manifeste repugnant communi opinioni, et dictis Aristotelis dicentis in *Prædicam*. (c. 1), quod substantiae nihil est contrarium, et quod non recipit magis et minus, ulterius procedunt dicentes, quod forme elementorum sunt imperfectissimæ, utpote materiæ primæ propinquiores; unde sunt mediæ inter formas substantiales et accidentales, et sic in quantum accedunt ad naturam formarum accidentalium, suscipere possunt magis et minus.

Unde hæc positio multipliciter est improbabilis: *primo*, quia esse aliquid medium inter substantiam et accidens, est omnino impossibile; esset enim aliquid medium inter affirmationem et negationem. Proprium enim accidentis est in subiecto esse, substantiae vero in subiecto non esse; forme autem substantiales sunt quidem in materia, sed non in subiecto; nam subiectum est *hoc aliquid*, forma autem substantialis est,

que facit *hoc aliquid*. *Item*, ridiculum es dicere, medium esse inter ea, quæ non sunt unius generis, ut probatur in 10. *Metaphys.* (text. 22; l. 9, c. 7); medium enim et extremum in eodem genere esse oportet. Nihil ergo medium esse potest inter substantiam et accidens. Unde impossibile est formas elementorum suscipere magis et minus. Omnis enim forma recipiens magis et minus est divisibilis per accidens, in quantum scilicet subiectum potest eam participare vel magis vel minus; secundum autem id, quod est divisibile vel per accidens vel per se, contingit esse motum continuum, ut patet in 6. *Phys.* (text. 45; c. 2); si igitur forme substantiales elementorum suscipiunt magis et minus, tam generatio quam corruptio erit motus continuus, quod est impossibile; nam motus continuus non est nisi in tribus generibus, scilicet in quantitate, qualitate et ubi. *Demum*, esse substantiale cuiuslibet rei in indivisiili consistit, sicut et forma substantialis, quæ est terminus esse specifici; unde in indivisiili est ratio forme, sicut ratio numeri et figuræ; nec est possibile ut intendantur vel remittatur, sed omnis additio vel subtractio facit aliam speciem.

Et ideo aliter dicendum secundum Philosophum (4. de Generat. text. 84; c. 10), quod forme elementorum non manent in mixto actu, sed virtute; manent enim qualitate propriæ elementorum, licet remissæ, in quibus est virtus formarum elementarum. Qualitates enim elementares agunt in virtute formarum substantialium, alioqui actio, quæ est per calorem ignis, non terminatur ad formam substantialiem. — 1a, q. 76, a. 4, ad 4; 4. de Generat. l. 24; Quodl. 1, a. 6, ad 3; Quæst. disp. de Anima a. 9, ad 10.

Ad primum ergo dicendum, quod miscibilia dicentur non corrumpi, quia non corrumpuntur omnino, sicut accidit in generatione, quando nimis ex aqua fit ignis; nam salvatur virtus eorum, propter quam possunt etiam segregari, quando mixtum corrumpitur. Unde et recte Philosophus negavit materiam misceri rei, quia totaliter permanet in rei; miscibilia vero debent corrumpi tantum secundum formas, non se-

cundum virtutes, quae salvantur in mixto; et recte negavit gntam vini miseri decem millibus congiis aquæ, quia tunc vinum omnino corruptitur et secundum formam et secundum virtutes. — 1. *de Generat.* I. 24 et 25, et I. c. in corp. art. praeced.

Ad secundum dicendum, quod elementa non sunt materia mixtorum secundum formas substantiales, atque adeo secundum se tota; que fuit opinio Empedoclis. Nam sic separeretur non posse ex elementis fieri mixta; nam si sic remaneant, ignis in una parte compositi erit adurens, et aqua fluens, et terra incontinua, et aer exspirans; similiter ignis non ligatus evolabit sursum, et terra deorsum descendet, et sic nunquam constabit, ut faciat ossa et carnes et hujusmodi; sed erunt elementa materia mixtorum ratione propriæ materiæ et propriarum qualitatum, quæ remanent in mixto. — 2. *de Generat.* I. 8.

Ad tertium dicendum, quod mixtio dicitur unio miscibilium alteratorum, quia in mixtione debent elementa alterari secundum qualitates; nam hæ debent remanere in mixto, ut dictum est (art. 2).

Ad quartum dicendum, quod cum nutrimentum debeat in fine alterationis esse simile viventi, ut dictum est (q. 38, a. 5), sicut vivens et quodlibet aliud mixtum dicitur constare ex elementis, quia constat ex materia et virtutibus elementorum, ita et vivens nutritur elementis, quia nutritur cibis constantibus ex materia et virtutibus elementorum.

Ad quintum dicendum, quod Philosophus I. c. reprobatur opinionem Empedoclis augmentum viventium non attribuentis animæ, sed motui gravium et levium. Dicebat enim, quod augmentum plantarum in deorsum causatur ex motu terræ, quæ est in compositione plantæ, et naturaliter deorsum fertur propter sui gravitatem; augmentum autem sursum causatur ex motu ignis, qui propter sui levitatem naturaliter fertur sursum. Contra quem Philosophus argumentatur, quod cum elementa non sint actu in mixto, sed in virtute, non habet elementum sursum proprium motum, sed totum mixtum

movetur motu elementi predominantis in ipso. Nam si elementa sunt actu in mixto, et quodlibet habet proprium motum, ut vult Empedocles, cum naturalis motus elementorum sit ad contraria loca, sequitur quod totaliter ab invicem separantur, nisi sit aliquid continens elementa, quod non sinit totaliter illa ab invicem abscedere. Illud autem, quod continet elementa, ne totaliter ab invicem segregentur, maxime videtur esse causa augmenti; sed augmentum secundum diversas partes contingit ex diversis motibus elementorum.

Non enim posset imaginari, qualiter esset augmentum elementis in contraria motis, nisi per hoc, quod manent invicem conjuncta, quia si totaliter separarentur, esset divisio, non augmentum. Illud igitur principaliter est causa augmenti, quod continet elementa, ne totaliter ab invicem separantur; hoc autem est anima in rebus viventibus; unde et anima est principium augmenti. — 2. *de Anima* I. 8.

Ad sextum dicendum, quod ad hoc, ut corpora simplicia dicantur elementa mixtorum et illis inesse, sufficit, quod sint in illis actu vel potentia, ut patet ex Philosopho 3. *de Cœlo* (text. 31; c. 3), ubi sic definit elementum: sit itaque elementum illud corporum, in quod alia corpora dividuntur, quod inest potentia aut actu; hoc enim utro modo ambiguum est. Nam hanc quæstionem fusius tractatus erat suo loco 1. *de Generat.* (text. 84; c. 10), ubi eam dissolvit, ut diximus. Imo I. c. *de Cœlo* significans suam sententiam subdit: si itaque quod dictum est, elementum sit, necesse est esse aliqua talium corporum; in carne enim et ligno et unoquoque talium inest potentia ignis ac terra. — 3. *de Cœlo*. I. 8.

Ad septimum dicendum, quod ex hoc, quod mixtum movetur motu elementi prædominantis, sequitur elementa non esse actu in mixto, sed virtute, ut dictum est (ad 5); quia si essent actu, quodlibet elementum haberet proprium motum; et sic non posset mixtum conservari, sed dissolverseatur, elementis in contraria motis. — 2. *de Anima* I. 8,

Ad octavum dicendum, quod mixta non resolvuntur immediate in quatuor elementa, sed in mixta imperfecta. Cum enim duplex sit forma: una perfecta, quae compleat speciem alienus rei naturalis, sicut forma ignis vel aquæ, aut hominis, aut plantæ; alia incompleta, quæ neque perficit aliquam speciem naturalem, neque est finis intentionis naturæ, sed se habet in via generationis vel corruptionis; — sicut manifestum est in generatione compositorum, puta animalis, quod inter primum principium generationis, quod est in semine, et ultimam formam animalis completam, sunt multæ generationes mediae, ut Avicenna dicit in sua *Sufficientia*, quæ necessario terminantur ad alias formas, quarum nulla facit ens completum secundum speciem, sed ens incompletum, quod est via ad speciem aliquam; — ita etiam ex parte corruptionis sunt multæ forme mediae, quæ sunt forma mediae incompletæ. Non enim separata anima corporis animalis statim resolvitur in elementa, sed hoc fit per multis corruptiones medias, succeedentibus sibi in materia multis formis imperfectis, sicut est forma corporis mortui, et postmodum putrefacti, et sic tandem fit ultimum complementum successive. — 1. *de Generat.* I. 9.

Ad nonum dicendum, quod calor in summo est proprius ignis, nec potest ab illo separari totus remanente igne; potest tamen remitti quoad aliquos gradus; et potest etiam convenire aliis ab igne; nam, ut dictum est (in Logica q. 6, a. 1, ad 3), quod est proprium unius speciei, participative potest aliis convenire.

Ad decimum dicendum, quod mixtum perfectum circa terram existens non potest ex uno tantum elemento constare, reliqua vero mixta possunt constare ex uno elemento secundum materiam, sed necesse est ut ad sint qualitates ceterorum elementorum, ut dictum est (a. 3. hujus q.).

Ad undecimum dicendum, quod mixtio non fit secundum materiam tantum elementorum, sed etiam secundum qualitates proprias illorum, formis substantialibus corruptis in quoddam medium, quod est mix-

tum, ut dictum est (in e.). — V. II. cit. in arg.

ARTICULUS V

UTRUM IN MIXTO REMANEANT ELEMENTA SECUNDUM PROPRIAS QUALITATES.

Videtur quod elementa non maneat in mixto secundum proprias qualitates.

1. Dicit enim Philosophus (*7. Metaphys. text.* 7; I. 6, c. 3), quod prima substantia est primum subjectum, de quo alia dicuntur vel sicut superiora de inferioribus, vel sicut accidentis de subjecto; unde illa corrupta debent alia corrumpi; sed in mixtione ad productionem formæ mixti corrumpuntur ipsa elementa, ut dictum est (art. præced.).

— 7. *Metaphys.* I. 2; 5. *Metaphys.* I. 10.

2. Praeterea, accidentia propria sunt inseparabilia a propriis subjectis, ut dictum est (in Logica q. 6); sed quatuor primæ qualitates sunt accidentia propria elementorum: ergo elementis corruptis in productione mixti debent et illæ corrumpi.

3. Praeterea, qualitates elementorum, ut dictum est (art. præced.), sunt contrarie; sed contraria non possunt esse in eodem, ut dicit Philosophus 4. *Metaphys.* (text. 27; I. 3, c. 7); ergo qualitates elementorum non possunt remanere in mixto. — 4. *Metaphys.* I. 15.

Sed contra: Philosophus (1. *de Generat. text.* 84; c. 10) dicit, quod in mixtione elementa non corrumpuntur omnino, quia salvatur virtus eorum. — 1. *de Generat.* I. 24.

RESPONDEO DICENDUM, quod necesse est dicere, elementa remanere in mixto secundum proprias qualitates. Et ratio est, quia, ut dictum est, (II. cit. art. præced. arg. 11 et in e.), mixtio non fit tantum secundum materiam, quia sic esset generatio; neque secundum formas elementorum, quia ha corrumpuntur, ut dictum est; ergo necessario debet fieri secundum proprias qualitates elementorum. Praeterea, elementa remanent virtute et potentia in mixto, ut dictum est ex Philosopho; sed id propterea est, quia remanent in mixto virtutes elementorum,

que sunt propriae qualitates ipsorum; agunt enim haec in virtute formarum substantiarium elementorum ad illorum generationem, ut dictum est.

Ad primum ergo dicendum, quod in mixto remanent qualitates elementorum eadem *specie*, et non eadem *numero*, et remanent in gradu remisso; nihil enim prohibet, id, quod est proprium unius speciei, participative aliis speciebus et praesertim in gradu remisso convenire, ut dictum est (art. *præced.* ad 9). — Cf. supra q. 35, a. 5, 6, 7.

Ad secundum dicendum, quod qualitates remanentes in mixto non sunt illæ eadem *numero*, quæ fuerunt in elementis, sed *specie*; neque sunt eadem specie in eodem gradu, ut dictum est (*ad arg. præced.*): nam illæ in gradu requisito ab elementorum singulorum formis simul cum illis corruptæ sunt, ut dictum est (supra art. 4 *hujus q.*).

Ad tertium dicendum est, quod contraria possunt esse simul in eodem subjecto in gradu remisso, ut dictum est (q. 36, a. 8).

ARTICULUS VI

UTRUM DISPOSITIO AD FORMAM SUBSTANTIalem mixti sit qualitas simplex, an vero composita ex qualitatibus elementorum ad medium reductis.

Videtur quod dispositio ad formam mixti sit qualitas simplex.

1. Hujusmodi enim dispositio pertinet ad primam speciem qualitatis, quæ dicitur *dispositio*, contradistincta ab habitu; sed talis species est qualitas simplex, sicut et habitus: ergo dispositio ad formam mixti est simplex qualitas. — 1a 2æ, q. 54, a. 4, *arg. Sed contra*; *de Virt.* q. 4, a. 4, ad 9.

2. Præterea, dispositio ad formam mixta se habet ad qualitates elementares, sicut pallidum ad album et nigrum, et sicut se habet forma mixti ad formas elementares; sicut enim haec virtualiter continentur in illa, ita et qualitates elementares continentur in qualitate quæ est dispositio formæ mixti;

sed pallidum est qualitas simplex, et forma substantialis est una simplex entitas: ergo et dispositio formæ mixti erit una simplex qualitas. — 1. *de Generat.* I. 24.

3. Præterea, quelibet forma substantialis elementaris habet unam numero simplicem qualitatem, quæ est dispositio ad ipsam; sed eadem videtur ratio de forma mixta: ergo et illa habebit unam numero simplicem qualitatem, quæ sit dispositio ad ipsam. — *Ibid.*

4. Præterea, si dispositio formæ mixti est composita ex pluribus qualitatibus, sequitur nullum mixtum diu permanere posse, quin corrumperatur; cum enim qualitates prædictæ sint activæ et passivæ, ad has autem naturaliter sequatur corruptio (agens enim naturaliter assimilat sibi patientis), hoc facto necesse est corrupti passum, et per consequens mixtum; sed patet experientia multa mixta diutissime manere incorrupta: ergo dispositio formæ mixti est simplex qualitas, et non composita ex pluribus. — *de Molo* q. 5, a. 5, *arg. 6.*

5. Præterea, natura est determinata ad unam operationem, sicut ipsa est una; sed si dispositio formæ mixti esset composita ex pluribus qualitatibus, non esset determinata ad unam operationem, sed ad multas: ergo dispositio formæ mixti est simplex qualitas. — 1a 2æ, q. 10, a. 1, ad 3.

Sed contra est: 1. quod Philosophus 2. *de Anima* *text.* 117 et 118 (c. 11) docet, quod sensus tactus non potest sentire nisi excedentes qualitates, quoniam in ipso sunt quatuor qualitates, puta calidum et frigidum, siccum et humidum, quauis ad medium redactæ. Et *text.* 123 et 124 (c. 12) dicit, sensus consistere in harmonia qualitatum, quæ heditur a vehementi sensibili. Ergo in mixto sunt vere qualitates quatuor elementorum, et sic dispositio formæ mixti erit qualitas composita, non autem simplex. — 2. *de Anima* I. 23 et 24.

2. Præterea, dicit Philosophus 2. *de Part. Animal.* (c. 1), quod prima compositio viventium, quæ sunt mixta, perfecta est ex quatuor primis qualitatibus; et 1. *de Generat.* (*text.* 84; c. 10) dicit, in productione mixti

corrumpi formas elementorum, et manere virtutes illorum; et 2. *de Generat.* (*text.* 49; c. 8) probat in omnibus mixtis quæ circa terram sunt, esse omnia elementa, quia sunt primæ quatuor qualitates. — 1. *de Generat.* I. 24; 2. *de Generat.* I. 8.

RESPONDEO DICENDI^M, quod dispositio formæ mixti non est qualitas simplex, sed composita et contemporata ex mixtione simplicium qualitatum, quæ ita se habet ad formam substantialem corporis mixti, sicut se habet qualitas simplex ad formam substantialem corporis simplicis. — 4. c. *Gent.* c. 81; 1a, q. 76, a. 4, ad 4; 2. *de Generat.* I. 8; 1. *de Generat.* I. ult.; *de Molo* q. 5, a. 5, ad 6.

Potest autem hoc esse manifestum ex multis: et *primo* ex corruptione elementorum prærequisita ad mixtionem. Propterea enim elementa non totaliter corrumpuntur, ut dicit Philosophus (*1. de Generat.* *text.* 84 et 90; c. 10), quia, licet non salvetur species illorum, salvantur tamen illorum qualitates, quæ sunt eorundem virtutes; alioqui mixtio non esset unio elementorum, sed simplex generatio. (*1. de Generat.* I. 24 et 25.)

Secundo, ex dispositione requisita ad generationem mixti. Tunc enim formæ substantiales elementorum corrumpuntur in generatione mixti, et transmutantur non ad invicem, ut dicit Philosophus (*1. de Generat.* *text.* 89; c. 10), sed in medium (puta in mixtum), quando per alterationem qualitates elementorum pervenerunt ad illam æqualitatem proportionis, quam requirit forma mixti generandi; talis autem æquabilitatis proportio non potest esse nisi inter plura, ut per se manifestum est: ergo dispositio mixti non est simplex qualitas sed composi^a. (*1. de Generat.* I. 25.)

Tertio, ex segregatione elementorum. Propterea omne mixtum resolvitur in clementa, et hæc ex illo, quando corrumpitur, segregantur, quia, ut dicit Philosophus (*3. de Cœlo* *text.* 31 et 32; c. 3 et 4; *1. de Generat.* *text.* 84; c. 10), remanent actu in mixto qualitates elementorum, quæ agere possunt ad productionem eorundem, quan-

do mixtum corrumpitur. (*1. de Generat.* I. 24; *3. de Cœlo* I. 8.)

Quarto, ex definitione mixtionis. Ideo enim haec dicitur «elementorum alteratorum unio», quia in mixtione elementa debent alterari secundum qualitates; alteratio autem non tollit totaliter terminum, sed tantum vel minuit vel auget excellentiam illius, et ideo qualitates elementorum vi alterationis ad quandam medietatem reducuntur. (*1. de Generat.* I. ult.)

Quinto, ex ipsa compositione mixti. Necesse enim est quodlibet mixtum perfectum, circa terram consistens, ex quatuor elementorum qualitatibus constare. Cum enim consistat in terra tamquam in loco, debebit habere eandem naturam cum illa; non habet autem eandem secundum speciem, ut patet: ergo habet illam secundum qualitates. Quia vero terra pura non habet continuationem, partes autem mixti oportet esse terminatas, et sola aqua est bene terminabilis; ideo siccum debet uniri cum humido, ne decidat et convertatur in pulverem. Cum autem aqua et terra in mixto alterentur, et unumquodque elementorum alteretur a suo contrario, necessario debet esse in mixto ignis et aer, atque adeo illorum qualitates; quod si hæc reperiuntur, et requiruntur in mixto, frustra requiretur alia qualitas, quæ obeat illarum actiones. (*2. de Generat.* I. 8.)

Sexto, ex diversitate complexionum ipsorum mixtorum. Cum enim clementa prius invicem transmutent in generatione, adæquatis vero potentiis eorum secundum quandam proportionem generetur quoddam medium, sicut carnes et ossa et similia (calidinimorum secundum aliquid infrigidato, et frigido secundum aliquid calefacto, quia in mixto materia uniuscujusque contrarii partem capit alterius, quando veniunt ad medium); — propterea medium illud non est unius proportionis tantum (scilicet quod semper sit per æqualem contrariorum participationem), neque est indivisibile; id est non uno modo tantum; sed est diversis modis secundum diversitatem proportionis contrariorum; diversificatur enim

hoc medium, seu mixtum, secundum quod diversificantur virtutes elementorum. Si enim potentia ignis excedet virtutem aquæ, medium generatum erit magis calidum quam frigidum; et sic secundum proportionem unius elementi ad virtutem alterius, ut si in duplo vel in triplo excedat caliditas frigiditatem, medium erit dupliciter et tripliciter calidius; et idem dicendum de humido et sicco. Haec enim quatuor contraria in quadam proportione faciunt carnem, et in alia proportione faciunt os, et in alia faciunt alia, quorum complexiones variantur; que certe variari nequaquam possent, si dispositio mixti esset qualitas simplex, distincta a qualitatibus elementorum ad medium redactis. Cujus illud signum est satis manifestum, quod propter predictam proportionem qualitatum elementarium contriarium (ad mixti generationem concurrentem et in mixto remanentem) mixtum dicitur fieri per mixtionem et compositionem contrariorum elementorum, et non per simplicem generationem. (2 de Generat. l. 8)

Septimo, ex actione elementorum. Quando enim ad mixti generationem concurrunt, unumquodque producit tantum suas qualitates in quolibet; actio enim et passio non est nisi inter contraria vel habentia contrarietatem, ut dicit Philosophus 4. de Generat. text. 50 et 51; c. 7. (4. de Generat. l. 19.) *Vel* ergo præter qualitates elementares productas producitur aliqua alia qualitas simplex (quæ sit dispositio ad formam mixti generandi), *vel* non. — Si *primum* detur, sequitur quod in quolibet elemento præter qualitates primas sint aliae qualitates; — quod est contra Philosophum, qui nullas alias qualitates novit elementorum proprias, præter predictas quatuor, ut patet ex 2. de Generat. text. 22; c. 3; — et contra rationem: quia cum elementa sint *prima corpora*, illis debentur *qualitates omnium primæ*, per quas tamquam per proprias passiones et effectus manifestantur illorum differentiae; hæ vero sunt tantum quatuor qualitates prædictæ. Nam ex illis causantur gravitas et levitas, quæ sunt principia motus elementorum, et ceteræ

tangibiles qualitates; et per illas innescunt proprie elementorum differentiae, unde ex illis tamquam differentiis dicit Philosophus (4. de Generat. text. 48; c. 3) elementa constare. — Si vero detur *secundum*, superflua erit qualitas distincta a qualitatibus elementaribus. Unde manifestum est, quod dispositio mixti non est qualitas simplex, sed composita ex qualitatibus elementorum. Verum est tamen, quod hæc qualitas potest dici una qualitas *unitate ordinis et proportionis*, quia constat ex qualitatibus elementorum secundum æquallatatem proportionis ad invicem contemporatis, ut dictum est. — 4. c. Gent. c. 81; 1a, q. 76, a. 4, ad 4. Cfr. Barnes in 1. de Generat. c. 10, q. 3; Ferrariensis in 1. 2 c. Gent. c. 36, et in 1. 4, c. 81.

Ad primum ergo dicendum, quod dispositio sicut et habitus involvunt in se multitudinem entium. Quod patet manifeste, quia plura requiruntur ad disponendum subiectum ad unum eorum ad quæ est in potentia, quæ diversis modis commensurari possunt, ut sic bene disponatur vel ad operationem vel ad formam (ut in proposito). Unde qualitates simplices elementorum, quæ secundum unum modum determinatum naturis elementorum convenient, non dicimus dispositiones vel habitus, sed simplices qualitates. Dicimus autem dispositiones vel habitus: sanitatem, pulchritudinem et alia hujusmodi, quæ important quandam commensurationem plurium, quæ diversis modis commensurari possunt; propter quod Philosophus dicit (in 5. Metaphys. text. 24 et 25; 1. 4, c. 19 et 20), quod habitus est dispositio, et dispositio est ordo habentis partes vel secundum locum vel secundum potentiam vel secundum speciem. — 1a 2æ, q. 49, a. 4, c.

Ad secundum dicendum, quod non est eadem ratio inter dispositionem mixti et medios colores, et inter formam elementarem et mixti. Nam qualitas disponens ad formam mixti necessario debet esse composita ex qualitatibus elementaribus ad temperiem quandam redactis; nam ex illarum diversa temperie causatur diversitas

mixtorum. Unde forma mixti necessario requirit talem temperiem qualitatum tamquam propriam dispositionem; secus vero forma substantialis mixti.

Vet. die. quod pallidum est quoddam compositum ex albo et nigro, ut dicit Philosophus (10. *Metaphys.* *text.* 23; l. 9, c. 7). — 10. *Metaphys.* l. 9.

Ad tertium dicendum, quod non est eadem ratio formae mixti, et forme elementaris: nam mixtum constat ex contrariis qualitatibus, cum omnia elementa ad illud producendum concurrant, ut dictum est (in c.); sed singula elementa non constant ex contrariis qualitatibus, sed quodlibet habet qualitatem unam simplicem sibi propriam, ut ignis calorem, terra seccitatem, aer humiditatem, et aqua frigiditatem, ut dicit Philosophus (2. *de Generat.* *text.* 23; c. 3). — 2. *de Generat.* l. 3.

Ad quartum dicendum, quod ita sunt contrariae qualitates in mixto, sicut sunt contraria elementa in mundo; et sicut contraria elementa non se invicem corrumpunt, quia conservantur per virtutem corporis cœlestis, a quo actiones eorum regulantur; ita contrariae qualitates in corpore mixto regulantur et conservantur (ne se invicem corrumpant) per formam substantialem, quæ est impressio quædam corporis cœlestis. Nihil enim in istis inferioribus agit ad speciem nisi per virtutem corporis cœlestis. Unde quamdiu forma habet suum vigorem ex impressione corporis cœlestis, conservatur corpus mixtum in esse; et inde est, quod corpus cœleste per accessum et recessum causat generationem et corruptionem in istis inferioribus, et quod durationes omnium corporum inferiorum mensurantur periodo corporum cœlestium. Unde si aliqua forma esset, cuius vigor semper remaneret ex impressione suæ causæ, nunquam sequeretur corruptio per actionem qualitatum activarum et passivarum. Similiter sicut agentis physici virtus, licet patiendo diminuatur, potest tamen reparari; unde videmus in partibus universi reparationem fieri virtutis activæ per hoc, quod elementa calida, quorum *irritus* diminuitur in hieme per solis absen-

tiam, reparatur in æstate per solis propinquitatem; — ita et in quolibet mixto sit reparatio virtutis, quæ patiendo diminuitur, quamdiu durat virtus formæ conservantis elementorum mixtionem. — *de Molo* q. 5, a. 5, ad 6 et 7.

Ad quintum dicendum, quod in mixtis natura est determinata ad unum; mixta enim semper moventur motu predominantis elementi, ut dictum est (art. 5).

ARTICULUS VII

UTRUM DARI POSSIT MIXTUM AEQUALE AD PONDUS.

Videtur quod dari possit mixtum aequale ad pondus.

1. Dicit enim Philosophus 2. *de Generat.* (*text.* 48; c. 7), quod tunc generatur mixtum, quando *ita* calidum efficitur frigidum (et e contra), ut veniant ad medium; si ve, ut dicitur 1. *de Generat.* (*text.* 89; c. 10), quando elementa potentius adæquantur æqualiter; sed tunc est æqualitas ad pondus: ergo dari potest mixtum æquale ad pondus. — 2. *de Generat.* l. 8.

2. Præterea, datur mixtum magis calidum quam frigidum, et rursum aliud quod est magis frigidum quam calidum, ut dictum est (art. præccl.). Sed ubi datur majus et minus, ibi datur æquale. Cum enim hoc sit medium inter duo extrema, antequam materia elementorum perveniat ad susceptionem magis calidi, debet suspicere formam æqualis in caliditate. Sic enim definitur medium a Philosopho (5. *Phys.* *text.* 22; c. 3): « in quod primo aptum natum est pervenire id, quod continue mutatur secundum naturam, quam in ultimum terminum motus, in quem mutatur ». Ergo dari potest mixtum æquale ad pondus. — 5. *Phys.* l. 5.

3. Præterea, ubi est unum contrariorum, ibi est et aliud, ut dicitur 2. *de Cœlo* (*text.* 48; c. 3); sed inæquali contrarium est æquale, ut dicit Philosophus 10. *Metaphys.* *text.* 18; l. 9. c. 5): ergo sicut datur mixtum inæquale ad pondus (puta quod est magis calidum quam frigidum, et e contra), dabitur

etiam mixtum aequale ad pondus. — 1. *de Cœlo* I. 42; 2. *de Cœlo* I. 4; 10. *Metaphys.* I. 7.

4. Praeterea, contraria possunt esse simul in eodem subiecto in gradu remisso, modo non excedatur latitudo octo graduum, ut dictum est (supra q. 36, a. 8, ad 3); sed in mixto aequali ad pondus dantur hujusmodi contraria: ergo potest dari mixtum aequale ad pondus.

5. Praeterea, si datur mensuratum, debet et dari mensura — nam sunt relativa, ut licet Philosophus (5. *Metaphys. tert.* 20; I. 4, c. 15); relativorum autem proprium est, quod sint simul natura, atque adeo si unum est, alterum sit, ut dictum est (in Logica q. 13, a. 10) —; sed mensura omnium inaequalium est aequale: ergo cum ientur mixta inaequalia ad pondus (ut per se manifestum est), debent etiam dari mixta inaequalia ad pondus. — 5. *Metaphys.* I. 47.

6. Praeterea, dicit Philosophus (2. *de Generat. tert.* 48; c. 7), quod tunc generatur mixtum, quando unum miscibile non excedit alterum nec illi predominatur; sed nisi detur mixtum ad pondus, semper unum elementum predominabitur alteri, illudque in virtute excedet: ergo datur mixtum aequale ad pondus. — 2. *de Generat.* I. 8.

7. Praeterea, corporis humani temperies optima est, sicut philosophi tradunt; sed iusmodi temperies non esset optima et excedens temperiem ceterorum omnium animalium, nisi esset aequalis ad pondus: ergo datur mixtum aequale ad pondus. — 3. *Sent.* dist. 46, q. 1, a. 1, arg. 4; 2. *de Anima* I. 8.

Sed contra: 1. Philosophus dicit (1. *de Cœlo* tert. 7; c. 2), quod mixtum movetur motu elementi predominantis; sed ubi predominatur unum elementum, non potest esse mixtio aequalis ad pondus: ergo non datur tale mixtum, nec dari potest. — 1. *de Cœlo* I. 3; 2. *de Anima* I. 8.

2. Praeterea, mixtio fieri non potest, nisi unum contrarium agat in alterum dominans ad medium reducendo, altero resistente; et præcipue hoc oportet in corpore humano, quod calor dominetur propter operationes

animæ, que indigent calore sicut instrumento, ut dicitur 2. *de Anima* (tert. 41; c. 4): ergo non est possibile mixtum aequale ad pondus. — 3. *Sent.* dist. 46, q. 1, a. 1, ad 4.

RESPONDEO DICENDUM, quod impossibile est aliquod mixtum esse, in quo non predominetur alterum contrariorum, sed omnia sint aequata in gradu, multis de causis: et *primo* quidem, quia cum naturæ elementares se habeant quasi materialiter ad formam mixti, non posset mixtum consequi unam formam simpliciter, nisi elementa aggregarentur in unum, hoc modo, quod unum sit formale et predominans; — *secundo*, quia ad mixtionem exigitur elementorum alteratio, quam esse non contingere, si ponerentur eorum aequales virtutes (oportet enim quod virtus alterantis virtutem alterati excedat, quod esse non potest, si miscibilium potentiae adæquentur; nam tanta esset virtus resistendi, quanta est virtus ad agendum, et ita nec agerent nec patarentur ad invicem); — *tertio*, quia nullum locum naturalem haberet, si nullum in eo elementum predominaretur, et ita nec motum naturalem; in quo deficeret a proprietate corporis naturalis; — *quarto*, quia in animatis specialiter calor est instrumentum animæ; unde oportet calorem predominari, ut dictum est (arg. 2 *Sed contra*); et sic oportet quod in quolibet mixto tandem sequatur corruptio; — *quinto*, quia si elementa concurrunt adæquatis potentias et virtutibus, non magis mixtum, ex elementorum corruptione productum, inclinaretur sursum quam deorsum (vel ad aliquam aliam loci differentiam), cum nullum sit in ipso predominans elementorum; — *sesto*, quia inde sequeretur quod quilibet motus secundum triplum esset magis violentus quam naturalis; et similiter est de loco; — *postremo*, quia sequeretur quod omnis mixtio esset una, et ita ex similibus in quantitate et qualitate essent caro et ossa et lapis et cetera mixta; quod est impossibile. — Unde manifestum est, quod non est possibile dari mixtum aequale ad pondus. — 3. *Sent.* dist. 46, q. 1, a. 1, ad 4; 2. *Sent.*

dist. 19, q. 1, a. 4, ad 2; 1. *de Generat.* l. 25; 2a 2æ, q. 179, a. 2, ad 2, ubi v. Cajetanum.

Ad primum ergo dicendum, quod sensus Philosophi utrobique est: quod quia omnis mixtio naturalis est propter mixtionem, neque requiritur in mixto omnimoda æqualitas virtutum et potentiarum quoad intensionem; neque requiritur æqualitas quantitatis ipsorum miscibilium, sed tantum requiritur æqualitas proportionis, quam postulat forma mixti generandi, propter quam est mixtio. — 1. *de Generat.* l. 25.

Ad secundum dicendum, quod repugnat dari mixtum æquale in calore et frigiditate et reliquis qualitatibus, ob rationes allatas (in c.). Nam licet in simplicibns valeat consequentia: « si datur major calor et minor, dabitur et æqualis »; non tamen valet in compositis. Non enim, si datur in complexione calor intensior et remissior, dabitur æqualis cum contrario; quia hoc impeditur non ob ipsum calorem solum, sed ob naturam et modum mixtionis, ut dictum est (in c.), cui illud repugnat.

Ad tertium dicendum, quod æquale et inæquale non sunt vere contraria, ut docet Philosophus (10. *Metaphys.* text. 19; l. 9, c. 5). Si enim sumantur æquale et inæquale formaliter, opponuntur inter se relative; si vero sumantur materialiter pro eo, quod est magnum vel parvum, tunc æquale opponitur magno et parvo, atque adeo inæquali privative: æquale enim est, quod neque magnum neque parvum est, aptum tamen est esse aut magnum aut parvum. Unde æquale opponitur ambobus ut negatio privativa. Propositio autem allata in objecto, vera tantum est de veris contrariis, cuiusmodi sunt qualitates elementorum, ut patet ex Philosopho ll. ibi cit. — 10. *Metaphys.* l. 7.

Ad quartum dicendum, quod licet non repugnet qualitatibus, esse simul in eodem subjecto secundum gradus æquales, si ipsæ qualitates spectentur et latitudo subjecti; repugnat tamen simul esse in mixto spectata natura ipsius mixti et mixtionis per ordinem ad mixtum: quia non ita possunt elementa convenire ad mixtionem, ut resul-

tent qualitates in æquali pondere, ut dictum est (in c.).

Ad quintum dicendum, quod mensura es duplex: realis, et secundum apprehensionem tantum; mixtum æquale ad pondus est mensura secundum apprehensionem, non autem realis; nam, ut dictum est, impossibile est tale mixtum secundum rem, licet non secundum apprehensionem. — 1a, q. 10 a. 2, ad 3.

Ad sextum dicendum quod tunc generatur mixtum, quando unum elementum non est omnino actu, nec per excessum prædominatur alteri. Cum quo tamen stat, quod in mixto oportet unum elementum alter prædominare, ut dictum est (in c.). — 2. *de Generat.* l. 8.

Ad septimum dicendum, quod licet corpus humanum sit valde temperatum, non tamen ita, ut sit æquale ad pondus. Quod patet, quia in eo debet dominari calor propter operationes animæ, quæ indigent calor sicut instrumento. Est tamen ejus complexio vicina temperamento ad pondus. — Cum quo tamen stat, quod quoad actum odorandi, ut Philosophus dicit 2. *de Anima* cap. de odore (text. 92 sqq; c. 9), homo non habet bonum sensum odoratus, qui perspicaciter et per certitudinem cognoscit suum objectum; sed habet illum pejorem multis aliis animalibus. Cujus ratio est, quia cum instrumentum sensus debeat esse proportionatum suo sensibili, sicut odor causatur ex calido et sicco, ita ad bonitatem instrumenti odoratus exigitur victoria calidi et sicci. Homo autem habet cerebrum, in cuius vicino positum est instrumentum olfactus, majus omnibus aliis animalibus secundum proportionem sui corporis, ut Philosophus dicit 2. *de Part. Animal.* (c. 7) Unde cum cerebrum sit humidum et frigidum in se consideratum, impeditur in homine bonitas olfactus; et propter hoc præodorat homo, et nihil odorabilium percipit nisi quod est secundum quandam excellitiam inducens delectationem vel contrarium quod contingit propter sensum, qui non est perspicax ad certitudinaliter sciendum de suo objecto. Unde rationabile est, quo-

hominum genus sic se habeat ad percipientes odores, sicut se habent animalia habentia duros oculos (ut locustae et quidam pisces) ad percipiendos colores, quos propter debilitatem visus ex ineptitudine organi non percipiunt nisi in quadam excellentia, prout ex eis ingeritur illis aliquis terror vel ejus contrarium. Unde fit, ut sicut hujusmodi animalia non habent organum visus temperatum ad pondus, sed val-

de remotum ab illa temperie, que requiritur ad organum visus; ita et homines non habent illam temperiem, que requiritur ad optimum sensum olfactus, quia uniuersum habent organum magis humidum quam secum, cum tamen illud habere deberent magis secum juxta proportionem calidi et secii, ex quibus causatur odor. — 3. *Sent.* dist. 46, q. 1, a. 4, ad 4; 2. *de Generat.* l. 8; 2. *de Anima* l. 49.

IN LIBRUM SECUNDUM
DE GENERATIONE ET CORRUPTIONE

Post considerationem de generatione et corruptione in communi sequitur considerandum de generatione et corruptione corporum naturalium in particulari; et *primum* quidem de generatione elementorum, quia omnes substantiae, quae generantur et corrumpuntur, non sunt sine istis sensibilibus corporibus; *deinde* de generatione aliorum corporum naturalium. De elementis autem *primum* agemus *in communi*, *deinde in particulari*. Quinque autem considerabimus de elementis *in communi*: numerum, quidditatem, quantitatem, qualitates, et mutuam illorum generationem et corruptionem. — 2. *de Generat.* I. 1.

jugationes quatuor primarum qualitatum ut dicitur 2. *de Generat.* (text. 16; c. 3); sed sex sunt combinationes possibles. Cum enim in eodem subjecto possint esse duo contraria remissa (ut dictum est supra q. 36, a. 8), dabuntur haec duæ conjugationes calidi et frigidi et humidi et siccii, praeter alias quatuor: calidi et siccii, calidi et humidi, frigidi et siccii, frigidi et humidi. — 2. *de Generat.* I. 3.

3. Praeterea, numerus elementorum ducitur ex motibus simplicibus, ut patet ex Philosopho 1. *de Cœlo* (a text. 8; c. 2); sed isti motus simplices sunt plures quam quatuor (sicut enim motus simplices sunt motus sursum et deorsum, ita et motus qui dextrorum vel sinistrorum et qui ante et qui retro): sunt ergo elementa plura quam quatuor. — 1. *de Cœlo* I. 4.

Videtur quod elementa sint *pauciora* quam quatuor.

4. Dicit enim Philosophus (1. *de Cœlo* text. 91; c. 8), quod tria sunt elementa corporea; ergo sunt pauciora quam quatuor. — 1. *de Cœlo* I. 18.

5. Praeterea, ex numero locorum colligit Philosophus numerum elementorum 1. *de Cœlo* (text. cit.); sed duo tantum sunt loca, ut dicitur *ibidem* et 2. *de Generat.* (text. 22; c. 3), sursum et deorsum; nam locus circa medium convenit corpori cœlesti: ergo idem quod prius. — *Ibid.* et 2. *de Generat.* I. 3.

6. Praeterea, non datur elementum ignis. Neque enim hujusmodi elementum est *vel* ignis noster existens in his inferioribus, *vel* corpus existens in concavo lunæ. Non ignis noster, quia est mixtum, ut dicit Philosophus (2. *de Generat.* text. 20; c. 3). Neque ille

QUÆST. XLIII — PARS PRIOR

DE NUMERO ELEMENTORUM.

CIRCA PRIMUM QUÆRITUR:

Utrum elementa sint quatuor.

ARTICULUS

UTRUM ELEMENTA SINT QUATUOR.

Videtur quod elementa sint *plura* quam quatuor.

1. Philosophus enim (1. *de Cœlo* text. 91; c. 8) numerat cœlum inter elementa; sed praetere cœlum sunt alia quatuor corpora, quæ dicuntur elementa, nimis ignis, aer, aqua et terra: ergo elementa sunt plura quam quatuor. — 1. *de Cœlo* I. 18.

2. Praeterea, tot sunt elementa, quot con-

ni existere dicitur in concavo lunæ: — *primo*, quia ille non est elementum, ut dicit Philosophus 1. *Meteorol.* c. 4 (3); — *secunda*, quia deberet ad mixtionem concurrere; sunt enim elementa principia mixtorum; præterea deberet lucere (nam habet ignis in sua natura lumen), et deberet esse activior ceteris elementis, quia quanto plus habent elementa e specie, ut habet ignis, tanto plus habent e virtute agendi; et quia elementa quanto sint subtiliora, tanto majora sunt secundum quantitatem, quæ juvat ad agendum, nam in majore quantitate est major virtus, ut dicitur 8. *Phys.* (*text.* 80 et 81; c. 10). Sed nihil predictorum illi igni convenit. Non videm *primum*, quia violenter e cælo reppereret (ut dictum est supra q. 42, a. 4) si mixta in terra producenda, cum ibi naturaliter maneat; neque *secundum*, quia ideretur a nobis, cum objectum visus sit acidum; neque *tertium*, quia, cum quantitate superet aliqua elementa, sua activitate la consumeret. Ergo non datur ignis, qui sit elementum; et ita erunt pauciora. — 1. *de Generat.* I. 3; 4. *Meteorol.* I. 4; 4. *de Generat.* I. 1; *Opusc.* 51; *Tabula Aurea* oœ «elementum» n. 20, 21.

7. Praeterea, elementa sunt loca naturalia mixtorum, ut patet ex Philosopho 2. *de Generat.* (*text.* 49; c. 8), et ita in eis liqua animalia vivunt; sed in igne non potest aliquid animal vivere, sicut neque generari, ut dicitur 2. *de Generat.* (*text.* 21; c. 3); ergo ignis non est elementum. — 2. *de Generat.* I. 8 et 3.

8. Praeterea, nullum elementum habet iporem. Sapor enim est passio mixtorum, um causetur ex actione primariarum qualitatum: sicut et odor, et durum et molle et siccitia, quæ determinantur in 4. *Meteorol.* c. 5 (4); sed aqua est sapida, sentitur enim dulcis et amara, ut dicit Philosophus (2. *de Anima* *text.* 101; c. 10): ergo non datur elementum aquæ. — 2. *Sent.* dist. 48, q. 2, 3, ad 2; 4. *Meteorol.* I. 7; 2. *de Anima* I. 21.

9. Praeterea, tot sunt elementa, quot principia motiva; hæc enim sunt differentiae elementorum, ut dicit Philosophus (4. *de Cælo* *text.* 26; c. 4); sed principia motiva

sunt duo tantum, gravitas et levitas, ex eodem (*ibidem tert.* 35 et 36; c. 4 et 5): ergo elementa sunt pauciora quam quatuor. — 4. *de Cælo* I. 3, 4, 5.

10. Praeterea, dicit Philosophus (2. *de Generat.* *text.* 35; c. 5), quod ignis, aer, aqua et terra ad invicem transmutantur, quia differunt in albedine et nigredine, quæ sunt contraria; contraria autem ad invicem transmutantur; sed albedo et nigredo non convenient corporibus simplicibus, sed mixtis: ergo non dantur illa corpora simplicia, quæ sint elementa. — 2. *de Generat.* I. 6.

Sed contra: Philosophus 2. *de Generat.* (*text.* 16; c. 3), I. *de Cælo* (a *text.* 23; c. 3), 3. *de Cælo* (*text.* 42; c. 5) et 4. *de Cælo* (*text.* 27 et 36; c. 4 et 5) docet, elementa quatuor esse nec plura nec pauciora. — 2. *de Generat.* I. 3; I. *de Cælo* I. 8; 3. *de Cælo* I. 9; 4. *de Cælo* I. 3.

RESPONDEO DICENDUM, quod elementa sunt tantum quatuor. Quod potest esse manifestum ex quatuor: — et *primo*, ex possibili combinatione quatuor qualitatum. Cum enim sensu ipso pateat, dari quatuor qualitates tangibles, puta calorem, frigus, humorem et siccitatem; et hæc tantum sint qualitates primæ (quia ad has reducuntur omnes aliæ), et sint activæ et passivæ, ut patet ex earum definitionibus, ut docet Philosophus (2. *de Generat.* a *text.* 8; c. 2); oportet illas esse principia primorum corporum, scilicet elementorum. Quot ergo modis possibles erunt combinationes prædictarum qualitatum, tot erunt elementa; in unoquoque enim elemento duas qualitates inesse, sensu ipso manifestum est. Ex sex autem combinationibus (calido frigido, humido siccio, calido siccio, calido humido, frigido siccio, frigido humido) duæ primæ naturaliter impossibile sunt; contraria enim in eodem subjecto esse naturaliter impossibile est. *Vel* enim ambæ qualitates erunt in summo gradu et intenso; *vel* una in gradu intenso et altera in remisso; *vel* ultraque in remisso. *Primum* dici non potest, nec similiter *secundum*, quia sic excederetur latitudo subjecti, quæ eujusque contrarietas octo tantum gradus recipere potest, ut

patet experientia; quantum enim caloris recipit aqua ab igne, tantum frigoris deperdit, quia unum contrarium expellit alterum formaliter a subjecto, ut dictum est (supra q. 36, a. 8); unde contraria tantum in gradu remisso possunt esse in eodem subjecto, ut dictum est cum communī Philosophorum sententia. Neque *tertium*, quia cum qualitates activae et passivae sint per se elementorum accidentia, oportet quod a principiis essentialibus causentur; unde non potest esse, quod principiis essentialibus marentibus in elementis qualitates deficiant et sint remissae nisi per violentiam, quod non potest esse diuturnum. — Reliquæ vero quatuor combinationes sunt naturaliter possibles, ut patet ex his, quæ apparent in simplicibus corporibus, scilicet in igne, aere, aqua et terra. Ignis enim calidus est et siccans, et ita constituitur per tertiam combinationem; aer calidus et humidus per quartam; aqua frigida et humida per quintam; terra frigida et secca per sextam. — 2. *de Generat.* l. 2 et 5; *de Pot.* q. 5, a. 7, c.

Secundo, ex mixtorum compositione et resolutione. Cum enim elementa sint principia componentia et constitutiva mixtorum, tot sunt elementa, quod necesse est ad perfectam mixtorum generationem *concurrere*, et in quo mixta per corruptionem *resolvuntur* (quod enim est ultimum in resolutione, est primum in compositione). Omnia vero mixta perfecta, ut dictum est (supra q. 42, a. 3), sunt *composita* ex quatuor corporibus simplicibus, puta ex igne, aere, aqua, terra; debent enim esse terra et aqua, quia hæc duo dant corpulentiam, continuatatem et consistentiam mixtis, et ex his fit incrassatio; debent præterea esse alia duo, ignis et aer, quia omne contrarium alteratur a suo contrario, et quia, nisi refrangerentur ab illis, in omni mixto prædominantur terra et aqua, cum tamen in multis prædominantur aer et ignis. — Similiter et in hæc quatuor corpora mixtum *resolvitur*, cum resolvatur in ea, quæ maxime similia sunt prædictis elementis, in quæ deinde illa ultimo resolvuntur. — 5. *Metaphys.* l. 4 (3); 2. *de Generat.* l. 8.

Tertio, ex qualitatibus motivis. Nam haec sunt quatuor: quædam enim moventur sursum simpliciter, ut ignis; quædam vero deorsum simpliciter, ut terra; quædam vero sursum secundum quid, ut aer; quædam deorsum secundum quid, ut aqua. Quorum qualitates non sunt compositæ ex gravitate et levitate simpliciter, quia tunc oportet, quod ipsa essent corpora composita ex duobus extremis, et sic essent mixta, et non corpora simplicia; unde sequeretur, quod velocius moveretur deorsum multum aeris, quam parum aquæ, et ita incideremus in opinionem Parmenidis asserentis duo tantum elementa esse, ignem scilicet et terram; aerem enim et aquam dicit esse mixta ex extremis; quem confutat Philosophus 2. *de Generat* (text. 18; c. 3). — 4. *de Cœlo* l. 3; 2. *de Generat.* l. 3.

Postremo patet sensu, dari aquam et terram; locus autem medius inter cœlum et globum terræ non potest repleri solo aere, quia sine proportione superaret alia duo elementa, ut docet Philosophus (1. *Meteorol.* c. 3). — Unde manifestum, est, quod elementa nec sunt plura nec pauciora quam quatuor. — 1. *Meteor.* l. 3.

Ad primum ergo dicendum, quod Philosophus cœlum inter elementa computavit, cum tamen elementum sit «ex quo componitur res», ut dicitur 5. *Metaphys.* (text. 4; l. 4, c. 3); quia licet cœlum non veniat in compositionem corporis mixti, venit tamen in compositionem totius universi quasi quædam pars ejus. — 1. *de Cœlo* l. 48.

Vel dic, quod Philosophus elementa largè nominat quæcumque simplicia corpora, quæ quidem vocat *corporalia elementa*, ad differentiam materiæ primæ, quæ est elementum non tamen corporale, sed absque omni forma, prout in se consideratur. — *Ibid.*

Ad secundum dicendum, quod tantum quatuor sunt possibles combinationes quatuor qualitatum, ut dictum est.

Ad tertium dicendum, quod cum corpora simplicia sint essentiales et primæ parte universi, oportet quod motus simplices qui sunt naturales corporibus simplicibus attendantur secundum conditionem univer-

si; quod cum sit sphaericum, oportet quod motus ejus attendatur per comparationem ad medium, quod est immobile, quia omnis motus fundatur supra aliquid immobile, ut dicitur in lib. *de Motu Animalium*. Et ideo oportet esse solum tres motus simplices, secundum diversas habitudines ad medium, eum scilicet qui est *a medio*, et eum qui est *ad medium*, et eum qui est *circa medium*. Dextrum autem et sinistrum, aut ante et retro considerantur in animalibus, et non in toto universo, nisi secundum quod ponuntur in celo, ut dicitur 2. *de Cœlo* (*text. 7; c. 2*); et secundum hoc motus circularis cœli est secundum dextrum et sinistrum, ante et retro. — 1. *de Cœlo* I. 4.

Ad quartum dicendum, quod Philosophus . c. tria elementa numerat, puta cœlum, terram, et quod intermedium est, de quo tamquam de uno elemento loquitur; quamquam statim subdit (indicans, hoc intermedium esse dividendum in tria elementa: in ignem, aerem et aquam), quod posterius id est in 3. et 4. *de Cœlo*) dicetur, quæ sunt differentiae istius medii; dividitur enim in ignem, aerem et aquam, quæ levis est per respectum ad terram. — 1. *de Cœlo* I. 18.

Ad quintum dicendum, quod locus *a medio* duplex est, sicut et locus *ad medium*, ut patet ex Philosopho (3. et 4. *de Cœlo*). — 2. *de Generat.* I. 3.

Ad sextum dicendum primo, dari elementum ignis in mundo. Quod multipliciter probari potest: et *primo* quidem, quia si unum contrarium est in natura, ut dicitur 2. *de Cœlo* (*text. 18; c. 3*), debet dari et aliud, si præsertim illud est activum et passivum; sicut autem elementum frigidum et humidum, quod est aqua: ergo et debet dari elementum calidum et siccum, quod est ignis. *Secundo*, similiter datur corpus gravissimum, quod est terra; ergo et dabitur corpus levissimum, quod est ignis, ut dicitur 2. *de Cœlo* (*text. 18; c. 3*). *Tertio*, combinatio calidi et sicci est possibilis, ut sicut est (supra in c.); sed ista combinatio non potest convenire nisi igni, ut etiam patet. *Quarto*, datur motus simplici-

ter sursum, ut probat Philosophus (I., 3. et 4. *de Cœlo*); ergo dabitur corpus levissimum, quod tali motu movetur, quod vocamus ignem. — 2. *de Cœlo* I. 4; 1. *de Cœlo* I. 18; 3. *de Cœlo* I. 9; 4. *de Cœlo* I. 3.

Dicendum secundo, quod elementum ignis est tam noster ignis quam qui existit in concavo lunæ. — De nostro igne probatur, quia neque est mixtum ex quatuor elementis neque unum ex tribus; ergo est quartum elementum. Antecedens probatur, quia habet conditiones contrarias aliis elementis: habet enim calorem et siccitatem in summo; est enim hic noster ignis omnium calidorum calidissimus, ut dicitur 2. *Metaphys.* (*text. 4; I. 1 min., c. 1*). Praeterea est siccior quam terra. Due enim sunt causæ siccitatis: una est frigus condensans et comprimens humidum; alia causa est caliditas consumens humidum; manifestum est autem, quod noster ignis est calidissimus omnium calidorum, ut dictum est, et quod est potentior ejus caliditas ad consumendum humidum quam terræ frigiditas: quare debet et esse siccior quam terra. — Mixtum autem habet qualitates quatuor elementorum refractas; fit enim per mixtionem, quæ est elementorum secundum qualitates alteratorum unio, ut dictum est (supra q. 42, a. 2, 3, 4). Praeterea, flamma est maxime ignis, ut dicitur 2. *de Generat.* *text.* 27; c. 4 (ignis enim oritur ex aere et terra, quando nimis aeris humiditas et terræ frigiditas corrumpuntur, et remanent caliditas aeris et siccitas terræ; eodem autem modo generatur flamma: est enim flamma fumus ardens, fumus autem est ex terra et aere); item flamma movetur supra aerem licet calidissimum et purissimum, ut est in æstate; ergo habet levitatem majorem quam habeat aer; levitas autem ista est levitas simpliciter, quæ nulli mixto convenit ut sic (cum omne mixtum moveatur motu prædominantis elementi, ut dicitur 1. *de Cœlo* *text. 7; c. 2*), sed soli elemento, ut dicitur in 3. et 4. *de Cœlo*; ergo. — 2. *de Generat.* I. 3 et 4.

De igne vero existente in concavo lunæ, quod etiam ille sit elementum ignis, proba-

tur, quia est calidissimus, levissimus et siccissimus, ut probat Philosophus (1. *Meteor.* c. 3, al. 4, et 3. *de Cœlo* a *text.* 42; c. 5). Et probatur, quia corpus naturale quodlibet movetur ad suum locum, et ibi naturaliter quiescit; sicut et e contra, in quo loco naturaliter quiescit, ad illum naturaliter fertur, ut dicitur 1. *de Cœlo* (*text.* 76; c. 8); flamma autem et exhalatio calida et siccata naturaliter movetur ad concavum lunæ supra aerem, ut patet in impressionibus ignitis et cometis; cuius autem motus et locus est, illius est et forma, quam motus et locus sequuntur; ergo est ignis (corpus enim calidissimum, siccissimum et levissimum vocamus elementum ignis). — 1. *de Cœlo* I. 16; 2. *de Generat.* I. 4.

Et ex his patet *ad objectionem*. Nam ignis noster vere secundum suam speciem est ignis elementum, licet sit in aliena materia, ratione cuius venit in usum nostrum (in quem venire non posset in materia propria existens, quia est a nobis valde remotus); et in particulari flamma maxime ignis vocatur a Philosopho (II. cit. supra). Unde cum alibi ab eodem dicitur mixtus, id dicitur secundum opinionem Empedoclis; et quia est in aliena materia, ratione cuius dividitur ignis in tres species: in *lucem* seu ignem existentem in materia propria, seu in ignem existentem in concavo lunæ; in *flammam*, id est in ignem existentem in humido aereo; et *carbonem*, id est in ignem existentem in secco terrestri; qui tamen ignes omnes sunt eiusdem speciei, cum omnes habeant caliditatem et siccitatem in summo. — Ceterum ignis in concavo lunæ existens concurrit ad mixtionem naturaliter et non violenter (ut dictum est supra q. 42, a. 4). Propterea vero ibi non lucet (sicut nec quando est in aliqua materia aliena, ut cum est in materia opaca terrestri, ut in sulfure; similiter etiam quando ex aliquo fumo crasso ejus claritas offuscatur), quia lucere non convenit igni secundum quemlibet modum existendi, sed quando ita existit in corpore, ut in eo sit congregatio partium diaphani; tunc enim emittit radios, et luceat, ut dicunt Avicenna (6. *Natural.* p. 3, c. 1, 3, 4 et 5)

et Commentator (*de Substantia Orbis* c. 2). Propterea vero ignis praedictus, licet sit activior ceteris elementis, illa non corrumpet, quia — cum ita sint contraria elementa in mundo sicut contrariae qualitates in mixto — sicut hæc in mixto regulantur et conservantur, ne se invicem corrumpant per formam substantialem (quæ est impressio corporis cœlestis), ita contraria elementa non se invicem corrumpunt, nec consequenter ignis existens in concavo lunæ corrumpit reliqua tria elementa, quia conservatur per virtutem corporis cœlestis, a quo actiones eorum regulantur. — 4. *Sent.* dist. 47, q. 2, a. 1, sol. 2 et ad 1; *Tabula Aurea* voce «ignis» n. 2 et 5; *de Malo* q. 5, a. 5, ad 6, 12 et 13.

Ad septimum dicendum, quod omnia mixta naturalia quiescent in terra. Cujus signum est, quod omnia mixta sunt composita ex terra, ut dicit Philosophus (2. *de Generat.* *text.* 49; c. 8). Et ideo, si quæ sunt in igne vel aere, sunt mixta imperfecta, quæ non distinguuntur essentialiter ab elementis, ut de vapore et aqua dicit Philosophus 1. *Meteorol.* c. 4 (3). — 2. *de Generat.* I. 8.

Ad octarum dicendum, quod aqua non est sapida ex se, sed fit talis a corpore saporoso; non tamen sic intense, sicut est ipsum corpus; nam debilitatur sapor per admixtionem aquæ. — 2. *de Anima* I. 21.

Ad nonum dicendum, quod qualitates motivæ sunt quatuor; nam alia est levitas simpliciter, alia secundum quid, et similiter dicitur de gravitate; ut probat Philosophus 4. *de Cœlo* (*text.* 26; c. 4). — 4. *de Cœlo* I. 3.

Ad decimum dicendum, quod albedo et nigredo non sunt propriæ qualitates elementorum, sed utilitut illis Aristoteles gratia exempli. Parum enim curavit de exemplis. Unde dicit Commentator (2. *de Anima* *text.* 67), quod in exemplo non intenditur verificatio, sed tantum manifestatio. — 2. *de Generat.* I. 6.

QUÆST. XLIII — PARS ALTERA

DE QUIDDITATE ELEMENTORUM.

Quæde considerandum est de quidditate sensus essentia elementorum.

CIRCA QUAM QUÆRUNTUR DUO:

- Utrum recte sit assignata definitio elementi.
- Utrum qualitates sive activæ sive motivæ sint forme substantiales elementorum.

ARTICULUS I

TRUM RECTE SIT ASSIGNATA DEFINITIO ELEMENTI.

Videtur quod non sit recte assignata definitio elementi, quod sit « id ex quo aliquid componitur primo inexistente, indivisibili specie in aliam speciem ».

1. Cœlum enim inter elementa numeratur Philosopho 1. *de Cœlo* (*text. 91; c. 8*); sed cœlum non inexistit ulli rei, ut patet: ergo male definitur elementum « ex quo inexistente aliquid componitur ». — 1. *de Cœlo* 1. 18.

2. Præterea, simplicia corpora maxime dicuntur elementa, ut patet ex Philosopho 1. *de Cœlo* (*text. 31; c. 3*); sed ex illis non componitur res primo, quia illa sunt resolubilia in materiam et formam, ex quibus constant, cum sint corpora naturalia, ut patet ex 3. *de Cœlo* (*text. 1; c. 1*): ergo male definitur elementum, quod sit ex quo primo inexistens. — 3. *de Cœlo* 1. 8 et 1.

3. Præterea, dicit Philosophus (12. *Metaphys.* *text. 23; c. 2*), quod, quia præter causas intrinsecas sunt etiam aliæ extrinsecæ, ideo principium et elementum inter se differunt; quod principium proprie dicitur de causa efficiente extrinseca rei, elementum vero dicitur de causis intrinsecis; at hæ sunt materia et forma, ut patet ex eodem, 2. *Phys.* (*text. 42 sqq.; c. 1*),

quæ non sunt species, sed principia speciei, ut dictum est (in Logica q. 3, a. 2, c.; a. 4, c.): ergo male definitur elementum « quod sit indivisible specie in aliam speciem ». — 12. *Metaphys.* 1. 4 (3).

4. Præterea, Philosophus 3. *Metaphys.* (*text. 40; l. 2, c. 2*) vocat genera elementa; sed genera non insunt rebus illas componentia tamquam partes (nam ut dicitur *ibidem*, non est eadem ratio definitiva, quæ datur per genera, et quæ datur per partes, ex quibus aliquid componitur): ergo elementum male definitur, quod sit « id ex quo inexistente ». — 3. *Metaphys.* 1. 8.

Sed contra: Philosophus 5. *Metaphys.* (*text. 4; l. 4, c. 3*) definit elementum, quod sit « id ex quo aliquid componitur primo inexistente, indivisibili specie in aliam speciem »; et 3. *de Cœlo* (*text. 31; c. 3*) definit idem, quod sit « id corporeuni, in quod alia dividuntur, quod inest potentia actu, ipsum autem est indivisible in diversa specie ». — 5. *Metaphys.* 1. 4 (3); 3. *de Cœlo* 1. 8.

RESPONDEO DICENDUM, quod *elementum* dupliciter sumi potest: — *uno modo, proprio.* Et sic de ratione ejus sunt quatuor: *primum* est, ut sit « causa sicut ex quo »; per quod patet, quod elementum ponitur in genere causæ materialis. *Secundum* est, quod sit « principium ex quo » aliquid fiat « primo »; enprum enim est ex quo fit statua, non tamen est elementum, quia habet aliquam aliam materiam, ex qua fit. *Tertium* est, quod sit « intrinsecum et inexistens »; per quod differt elementum ab omni eo, ex quo fit aliquid sicut ex transiente, sive sit privatio sive contrarium sive materia privationi et contrarietati subjecta, quæ est materia transiens (ut cum dicimus, quod homo musicus fit ex homine non musico, vel musicum ex non musico); elementa enim oportet manere in his, quorum sunt elementa. *Quartum* est, quod habeat « aliquam speciem, quæ non dividitur in diversas species »; per quod differt elementum a materia prima, quæ nullam speciem habet, et ab omnibus materiis, quæ in diversas species resolvi possunt, sicut san-

guis et hujusmodi. — Et haec quatuor designantur in descriptione elementa Philosopho allata. Cum enim dicitur, quod elementum est «*ex quo*» aliquid componitur, designatur primum requisitum ad rationem elementi; cum dicitur «*primo*», designatur secundum; cum additur «*inexistente*», designatur tertium; cum demum additur «*indivisiili specie in aliā speciem*», designatur quartum. — 5. *Metaphys.* I. 4.

Quae quatuor esse de ratione elementi, ex hoc patet, quod in quatuor utimur nomine elementi, quibus praedicta quatuor convenient. Dicimus enim, *primo, ipsas litteras* esse elementa vocis, quia ex eis omnis vox componitur primo: quod ex hoc patet, quia omnes voces in litteras resolvuntur sicut in ultima (quod enim est ultimum in resolutione, est primum in compositione; litteræ autem ulterius non resolvuntur in alias voces specie diversas. — *Secundo, prima quatuor corpora* dicimus elementa; et merito: quia illa dicuntur esse corporum elementa, in quæ ultimo resolvuntur omnia corpora mixta, et per consequens ea sunt, ex quibus primo componuntur hujusmodi corpora; ipsa autem corpora, quæ elementa dicuntur, non dividuntur in alia corpora specie differentia, sed in partes consimiles, sicut quælibet pars aquæ est aqua. — *Tertio, utimur nomine elementi in demonstrationibus omnibus*; illæ enim demonstrationes, quæ constant ex tribus terminis tantum, dicuntur esse elementa aliarum; nam ex his componuntur aliae demonstrationes, et in ea resolvuntur. Secunda enim demonstratio accipit pro principio conclusionem primæ demonstrationis; — inter cuius terminos intelligitur medium, quod fuit primæ demonstrationis principium; et sic secunda demonstratio erit ex quatuor terminis (prima ex tribus tantum), tertia vero ex quinque, quarta ex sex; et sic quælibet demonstratio unum terminum includit, et primæ demonstrationes in postremis includuntur. — *Postremo, transumptive nomen elementi usurpatur ad aliquibus etiam ad significandum aliquid, quod est unum et parvum et ad multa utile.* Ex hoc enim

quod elementum est indivisible in diversas species, acceperunt quod sit unum; ex eo vero quod est primum, acceperunt quod sit simplex; ex eo vero quod ex elementis alia componuntur, acceperunt quod sit utile ad multa.

— Unde dixerunt elementi nomen competere maxime *universalibus* (nam universale est unum secundum rationem; et est simplex, quia ejus definitio non componitur ex diversis; et est in multis et sic est ad multa utile, sive sit in omnibus, sicut unum et ens, sive in pluribus, sicut alia genera); et similiter *puncto* et *unitati*, quia utrumque eorum est unum simplex, et ad multa utile. Sed in hoc decepti sunt; nam de ratione elementi est, quod sit materia ejus, quod ex illo componitur; at nec universalia sunt materia, ex quibus componuntur particularia, sed prædicant eorum substantiam; nec punctus est materia linearum, nam linea non componitur ex punctis.

Alio modo potest sumi elementum *improprie*, pro eo cui aliqua prædictarum conditionum quomodounque, licet non omnes, convenient. Et hoc modo sumitur aliquando pro *sola materia*, quia ex illa primo componuntur corpora omnia, et in illam ultimo resolvuntur; — et hoc modo sumitur a Philosopho 7. *Metaphys. text. ult.* (I. 6, c. 17), ubi negat formam seu naturalam esse elementum; secus vero id quod habet rationem materiae. (7. *Metaphys. I. ult.*). — Aliquando vero sumitur pro *generibus*, quæ dicuntur elementa specierum, quia genera non habent rationes divisibiles in alias (nam genus non componitur ex genere et differentia sicut species); — et hoc modo sumitur a Philosopho elementum 3. *Metaphys. text. 10*; I. 2, c. 2. (3. *Metaphys. I. 8.*) — Postremo sumitur aliquando pro *cœlo*, quia cœlum venit in compositionem universi, quasi pars quædam ipsius.

Unde sequitur, quod elementum ejusque definitio proprie tantum corporibus simplicibus competit; secus vero aliis, et in particulari materiae primæ. Nam licet hæc possit dici elementum simpliciter; non tamen est elementum corporale, cujusmodi est elementum proprie dictum, quod proinde

Philosopho 3. *de Cœlo* (*text.* 31; *c.* 3) definitur, quod sit « id corporeum, in quod via dividuntur, quod inest potentia auctiū »; nam materia secundum se considerata est absque omni forma. — 3. *de Cœlo* I. 8; 1. *de Cœlo* I. 48.

Et ex his patet *ad objecta*.

ARTICULUS II

TRUM QUALITATES SIVE ACTIVÆ SIVE MOTIVÆ ELEMENTORUM SINT FORMÆ SUBSTANTIÆ ILLORUM.

Videtur quod qualitates *motivæ* sint formæ substantiales elementorum.

1. Dicit enim Philosophus (3. *de Cœlo* *text.* 77; *c.* 8), quod propriissimæ differentiæ elementorum sunt virtutes eorum, puta gravitas et levitas, ut patet ex 4. *de Cœlo* (*text.* 1 sqq.); sed propriissimæ differentiæ maxime sumuntur a forma substantiali, ut dictum est (in Logica q. 3, a. 4, c.): ergo qualitates motivæ sunt formæ substantiales elementorum. — 3. *de Cœlo* I. ult.; 4. *de Cœlo* I. 1.

2. Praeterea, cuiilibet corpori debetur locus secundum exigentiam suæ formæ; sed cuiilibet elemento convenit locus juxta propriam gravitatem vel levitatem, quam habet: ergo gravitas et levitas sunt formæ substantiales elementorum. — 2. *Sent.* dist. 14, q. un., a. 5, arg. 2.

Videtur quod qualitates *activæ* sint formæ substantiales elementorum.

3. Dicit enim Philosophus (1. *de Generat.* *text.* 18; *c.* 3), quod terra et ignis differunt his differentiis, scilicet calido et frigido; oportet autem hoc intelligi de differentiis substantialibus (alioquin non pertinent ad generationem et corruptionem, sed magis ad alterationem); principia autem differentiarum substantialium, quæ sunt constitutivæ specierum, oportet esse formas substantiales, quæ sunt specificæ; ergo calor et ignis sunt formæ substantiales ignis et terræ. — 1. *de Generat.* I. 8.

4. Praeterea, Philosophus 2. *de Generat.* (*text.* 8; *c.* 2) qualitates activas vocat prin-

cipia formalia elementorum; sed principium formale compositi substantialis, cuiusmodi est corpus elementare, est forma substantialis: ergo qualitates activæ sunt formæ substantiales elementorum. — 2. *de Generat.* I. 2.

5. Praeterea, ignis definitur a Philosopho per calorem 2. *de Generat.* (*text.* 21; *c.* 3), ubi dicit, quod ignis est superabundantia caliditatis; sed definitio datur per essentialia, cum sit oratio explicans *quod quid* seu essentiam rei: ergo calor est de essentialia, et per consequens forma substantialis ignis. — 2. *de Generat.* I. 3; 8. *Metaphys.* I. 2.

6. Praeterea, cum ignis producit ignem, principium talis productionis non est forma accidentalis, quia alioqui forma accidentalis ageret ultra vires; sed ignis non agit ut ignis, sed ut calidus, sicut et cetera elementa, ut dicit Philosophus *de Sensu et Sensibili* (*c.* 4.): ergo calor et reliquæ qualitates activæ sunt formæ substantiales elementorum. — *de Sensu et Sensibili* I. 10.

Sed contra est: 1. quod gravitas et levitas consequuntur calorem et frigus, ut dicitur 1. *de Generat* (*text.* 65; *c.* 8) et 4. *de Cœlo* (*text.* 36; *c.* 5); sed forma substantialis est illa, quam consequuntur omnes propriæ passiones rei — unde definitio data per materiam et formam dicitur essentialis, quia includit principia omnium proprietatum rei, ut dictum est (in Logica q. 26, a. 2 et q. 30, a. 2), cum sint causæ intrinsecæ rei — : ergo gravitas et levitas non sunt formæ substantiales elementorum. — 1. *de Generat.* I. 21 et 22; 8. *Metaphys.* I. 2.

2. Praeterea, 3. *Metaphys.* (*text.* 17; I. 2, *c.* 5) dicit Philosophus, quod in elementis calor et frigus, humor et siccitas non sunt formæ substantiales illorum; et 1. *de Generat.* (*text.* 84; *c.* 10), quod in mixto non manent elementa secundum formas substantiales, sed virtute — quia salvantur virtutes eorum, puta calor, frigus et reliquæ qualitates, ut dictum est (supra q. 42, a. 2, et 5) — : ergo qualitates activæ non sunt formæ substantiales elementorum. — 3. *Metaphys.* I. 13; 4. *de Generat.* I. 24.

RESPONDEO DICENDUM, quod impossibile

est qualitates sive activas sive motivas elementorum esse formas substantiales illorum. Quod probatur, *primo*, quia substantia nec suscipit magis et minus, nec habet contrarium, et propterea ad illam non est motus, ut docet Philosophus 5. *Phys.* (*text. 10*; c. 2); — et si habet contrarium, habet ratione qualitatum, ut dicitur 2. *de Generat.* (*text. 22* et *49*; c. 3 et 8); — sed qualitates elementares suscipiunt magis et minus, et habent contrarium, ut dicit Philosophus 1. *de Generat.* (*text. 65* et *66*; c. 8). — 5. *Phys.* I. 3; 1. *de Generat.* I. 8 et 22; 2. *de Generat.* I. 3 et 8.

Secundo, non est possibile, quod idem in uno sit accidens et in alio forma substantialis, quia quod vere est, nulli accidit, ut dicitur 1. *Phys.* (*text. 27*; c. 3), nisi æquivoce dicatur; calidum autem et frigidum in aliis corporibus sunt accidentia, de quibus tamen univoce dicuntur cum elementis, ex quorum mixtione in eis hujusmodi qualitates inveniuntur: non ergo potest esse, quod calidum et frigidum in elementis sint formæ substantiales.

Tertio, quia nulla forma substantialis est sensu perceptibilis, sed solum intellectu, cuius objectum est *quod quid est*, ut dicitur in 3. *de Anima* (*text. 9* sqq.; I. 3, c. 4); formæ autem, quæ sunt sensu perceptibiles, sunt qualitates speciei, quæ ob id dicuntur passibiles, quia sensibus inferunt passiones, ut dicitur in *Praedicatum*. cap. de qualitate, c. 9 (8): cum igitur calidum ignis, et frigidum terræ vel aquæ sint sensu perceptibia, non possunt esse formæ substantiales.

Postremo, quia inde sequerentur plura absurdâ: nimirum ad substantiam esse motum, contra Philosophum 5. *Phys.* (*text. 10*, 11 et 18; c. 2), ex quo tamen (*ibidem*) datur motus ad qualitates activas; — *præterea*, non distingui generationem simpliciter a generatione secundum quid, seu ab alteratione, contra Philosophum 2. *de Generat.* (*text. 31*; c. 5); — *item*, substantiam esse per se sensibilem, contra Philosophum 2. *de Anima* (*text. 65*; c. 6): nam calor et frigus, cum sint qualitates tangibles, ut dicitur 2. *de*

Generat. (*text. 7* et *8*; c. 2), sunt per se sensibiles; — *denum* materia esse subjectum motus proprie dicti, contra Philosophum 5. *Phys.* (*text. 8*; c. 1.) et 2. *de Generat.* (*text. 55*; c. 9); nam materia est subjectum formæ substantialis, ac proinde esset subjectum caloris et reliquarum qualitatum activarum, et per consequens calefactionis et frigefactionis, quæ tamen sunt motus secundum Philosophum (5. *Phys.* I. c.). — Unde manifestum est impossibile esse, quod qualitates sive activæ sive motivæ sint formæ substantiales elementorum. — 5. *Phys.* I. 2, 3, 4; 2. *de Generat.* I. 2, 5, 9; 2. *de Anima* I. 13. — *de Sensu et Sensibili* I. 10; 2. *Sent.* dist. 14, q. un., a. 5, ad 2.

Ad primum ergo dicendum, quod qualitates motivæ dicuntur propriissimæ differentiæ elementorum, quia cum sint ignotæ formæ substantiales elementorum, per illas optime potest cognosci differentia elementorum, secundum quod determinatur illis situs in universo, nam hic determinatur illis ex gravitate et levitate. — 4. *de Cœlo* in proœmio; 4. *de Generat.* I. 2.

Ad secundum dicendum, quod sicut calor et frigus non sunt formæ substantiales elementorum, ita nec gravitas et levitas, quia non possent esse aliis corporibus accidentales. Unde sicut substantia non est principium alterationis nisi mediante calore vel frigore, ita nec est principium motus et quietis localis nisi mediante gravitate et levitate; et ideo locus debetur elemento primo ratione suæ formæ substantialis, secundario ratione qualitatum. — 2. *Sent.* dist. 14, q. un., a. 5, ad 2.

Ad tertium dicendum, quod (sicut dictum est, et habetur ex 8. *Metaphys.*) differentiæ substantiales, quia sunt ignotæ, per differentias accidentales manifestantur, et ideo multoties utimur differentiis accidentibus loco substantialium; et hoc modo Philosophus (I. c.) dicit calidum et frigidum esse formas substantiales ignis et terræ. Calidum enim et frigidum, cum sint propriæ passiones horum corporum, sunt proprii effectus formarum substantialium

corundem; et ideo sicut aliae cause intelligibiles innescunt per effectus sensibiles, ita ex perfectione calidi et imperfectione frigidi perpendimus, quod forma substantialis ignis est perfectior quam forma substantialis terrae. Omnes enim formae substantiales differunt secundum magis et minus perfectum; unde in 8. *Metaphys.* (text. 10; l. 7, c. 3) dicitur, quod species rerum sunt sicut numeri, quorum species variantur secundum additionem et subtractionem. — 1. *de Generat.* l. 8.

Ad quartum dicendum, quod Philosophus l. c. inquirit principia corporum sensibilium, in quantum sensibia sunt, ut pse dicit in littera. Si autem dicatur, quod relit inquirere principia formalia substantialia, tunc dicendum est, quod, quia formae substantiales sunt ignotae, ut dictum est quia sunt insensibiles), ideo per istas qualitates, quae sunt immediata principia transmutationis substantialis, dat intelligere psa principia formalia substantialia. — 2. *de Generat.* l. 2.

Ad quintum dicendum, quod Philosophus l. c. non definit ignem, sed tantum explicavit, quid senserit Empedocles de igne nostrate, quidque per illum intellexerit, quod potest esse descriptio. — 2. *de Generat.* l. 3.

Ad sextum dicendum, quod calor et frigus, quatenus instrumenta formarum substantialium, possunt agere ad productionem formae substantialis, ut dictum est (supra in Physica q. 9, a. 4, in c. et ad 4; cf. in Logica q. 10, a. 3. ad quartam quæst.). — *de Sensu et Sensibili* l. 10.

ARTICULUS

UTRUM ELEMENTA HABEANT TERMINOS MAGNITUDINIS ET PARVITATIS.

Videtur quod non habeant elementa terminos magnitudinis et parvitatis.

1. Dicit enim Philosophus (3. *Phys.* text. 69; c. 7; et 5. *Metaphys.* text. 18; l. 4, c. 13), quod continuum est divisibile in infinitum in partes, quarum quilibet nata est esse hoc aliquid; sed elementum quilibet est quoddam continuum, cum sit quoddam quantum: ergo elementa non sunt determinata quoad parvitatem. — 3. *Phys.* l. 12; 5. *Metaphys.* l. 45.

2. Praeterea, dicit Philosophus (*de Sensu et Sensibili* c. 6), quod oportet qualitates sensibiles in infinitum dividi, alioqui dabitur corpus minimum transcendens divisionem sensibilium qualitatum, nullam habens sensibilem qualitatem; ergo dicendum est, quod elementa, cum sint corpora, sint divisibilia in infinitum, et consequenter non habeant terminum parvitatis. — *de Sensu et Sensibili* l. 45.

3. Praeterea, dicit Philosophus (*de Sensu et Sensibili* c. 6), quod si minimum aquæ dividatur, corrumpetur ab ambiente; unde si in vacuo ponatur, ubi non est ambientis, non corrumpetur; ergo tunc poterit aqua dividi in infinitum, et sic non habebit terminum parvitatis. — *Ibid.*

4. Praeterea, dicit Philosophus (2. *de Anima* text. 41; c. 4), quod ignis augmentum in infinitum est, quoque fuerit combustibile; ergo ignis non habet terminum magnitudinis; sed eadem est ratio aliorum elementorum: ergo elementa non habent terminum magnitudinis. — 2. *de Anima* l. 8.

5. Praeterea, si igni apponatur combustibile, hoc convertetur in illud, et remanebit ignis idem numero, ut dictum est (supra q. 38, a. 4): quia ignis potest nutrir et conservari, nutritur autem et conservatur per continuam appositionem combustibilis: ergo ignis non habet terminum magnitudinis; nam si haberet, non posset nutritur et conservari.

Sed contra est: 1. quod Philosophus li-

QUÆSTIO XLIV

DE QUANTITATE ELEMENTORUM.

Deinde considerandum est de quantitate elementorum.

CIRCA QUAM QUÆRITUR:

Utrum elementa habeant terminos magnitudinis et parvitatis.

bro *de Sensu et Sensibili* (c. 6) dicit, quod datur minimum visibile, ita ut non possit dividi in infinitum, sicut nec ipsum sentire; et quod alioqui si dividatur, resolvetur in continens; sed elementa, præsertim ignis, aqua et terra visibilia sunt: ergo elementa habent terminos magnitudinis et parvitatis.

— *de Sensu et Sensibili* I. 15.

2. Præterea, dicit Philosophus 2. *de Anima* (*text.* 41; c. 4), quod omnium natura constantium terminus est et ratio magnitudinis et augmenti; sed elementa constant natura, ut patet ex Philosopho 2. *Phys.* (*text.* 4 et 4; c. 4): ergo elementa habent terminum magnitudinis et parvitatis. — 2. *Phys.* I. 4.

3. Præterea, dicit Philosophus 1. *Phys.* (*text.* 36, c. 4), quod tam animal et planta quam quælibet pars ejus habet determinatam quantitatem quoad magnitudinem et parvitatem, eo quod in corpore naturali invenitur forma naturalis, quæ requirit determinatam quantitatem, sicut et alia accidentia; sed hæc ratio militat in omnibus elementis, nam etiam in illis est forma naturalis: ergo et in illis reperitur determinata quantitas quoad magnitudinem et parvitatem. — 1. *Phys.* I. 9.

RESPONDEO DICENDUM, quod necesse est dicere, quod elementa habent terminum magnitudinis et parvitatis. Et ratio hujus est, quia omne corpus naturale habet determinatam formam et speciem, sicut et virtutem. Cum igitur ad formam naturalem substantialem consequantur accidentia, necesse est quod ad determinatam formam consequantur determinata accidentia, inter quæ est quantitas; unde omne corpus naturale habet determinatam quantitatem, et in majus et in minus, et per consequens et quodlibet elementum. — Quod etiam ex eo confirmari potest, quod in qualibet specie est terminus quidam rarefactionis et condensationis, ultra quem species salvare non potest; nam ultima raritas, ad quam materia aliqua quanta determinata potest pervenire est secundum quod stat sub forma ignis, ut docet Commentator 4. *Phys.* (*text.* 72). Unde pugillus aquæ posset

tantum rarefieri, quod jam non esset aqua nec vapor, sed aer vel ignis; et pars materiae sub forma ignis existens non potest amplius rarefieri, ita ut accipiat majorem quantitatem et dimensionem; alioqui esset in potentia ad quamlibet quantitatem imaginabilem, quod est falsum. Cum enim quantitates determinatæ et omnia alia accidentia secundum exigentiam formæ recipiant materiam (eo quod subjecta materia cum forma, est causa eorum quæ insunt, ut dicitur 1. *Phys. text.* 80; c. 9); oportet quod materia prima ad nullam quantitatem sit in potentia, nisi quæ competit formæ naturali, quæ in materia esse potest. Materia vero prima non est in potentia ad alias formas, nisi ad illas, quæ sunt in rerum natura, vel per principia naturalia educi possunt. Si enim esset aliqua potentia passiva in materia, cui non responderet aliqua potentia activa in rerum natura, illa potentia passiva esset superflua, ut dicit Commentator 4. *Phys.* (*text.* 81).

Et ideo materia prima *secundum se accepta* non est receptibilis majoris quantitatis quam quantitatis mundi; propter quod 3. *Phys.* (*text.* 69; c. 7) dicitur, quod non est possibile magnitudinem augeri in infinitum, loquendo naturaliter. Materia vero ut est *in re determinata* (puta in pugillo aeris vel aquæ), non est in potentia ad totam quantitatem mundi, sed usque ad determinatum quid, quantum per rarefactionem potest consequi. Et hoc non excedit raritatem ignis (quia nulla raritas potest esse major); et ideo materia pugilli aeris in ordine ad formam ignis habet determinatum terminum magnitudinis. Est enim *raritas* vel parum de materia sub magnis dimensionibus, et *densitas* e contra; vel certe est qualitas connotans multam quantitatem in parva materia, e contra densitas. Et ideo materia sub forma existens est determinata quoad maximum et minimum, quia est determinata ad certam raritatem et densitatem, qua major dari non potest. Unde manifestum est, quod elementa habent terminum magnitudinis et parvitatis.

— 1a, q. 7, a. 3, c.; 2. *Sent. dist.* 30, q. 2,

a. 1 et 2; *de Sensu et Sensibili* l. 45; 1. *Phys.* l. 45 et 9; 2. *de Anima* l. 8; *de Pot.* q. 4, a. 1, ad 5; 2. *Sent.* dist. 14, q. 1, a. 1, ad 4; *Opusc.* 42, c. 48 (al. 39, c. 7).

Ad primum ergo dicendum, quod hoc distinguitur corpus *mathematicum* (seu corpus consideratum sub dimensione quantitatis) et *naturale* (seu idem, sed consideratum secundum aliquam determinatam speciem seu formam et virtutem), quod illud est divisibile in infinitum, hoc vero non. Et ratio est, quia in corpore mathematico non consideratur nisi quantitas, in qua nihil invenitur divisioni in infinitum repugnans; sed in corpore naturali consideratur forma naturalis, quae requirit determinatam quantitatem (sicut et alia accidentia) tam in plus quam in minus. Et ideo non potest in infinitum dividi, sed est invenire minimam carnem et minimam aquam, ut dicitur 1. *Phys.* (text. 36; c. 4); quæ si divideretur ulterius, non esset aqua vel caro; et ratio est, quia quando jam ad minimum aqua vel caro deducitur, statim propter debilitatem virtutis convertitur in aliud. — 1. *Phys.* l. 9; 2. *Sent.* dist. 30, q. 2, a. 2, in c.; *de Sensu et Sensibili* l. 45.

Ad secundum dicendum, quod Philosophus (*de Sensu et Sensibili* c. 6) movet questionem hanc, utrum qualitates sensibles, ut color, sapor et hujusmodi, in infinitum dividantur. Et erat ratio dubitandi, quia sunt in corpore tamquam in subjecto; corpus autem omne in infinitum dividitur, cum hoc sit de ratione continua. Et primo argumentatur pro parte *negativa*: quia cum unaquaque praedictarum sensibilium qualitatum sit nata agere in sensum, ipsumque movere; si ille in infinitum dividerentur, etiam ipse sensus seu ipsum sentire in infinitum divideretur (secundum quod moveri dividitur in infinitum secundum divisionem magnitudinis, secundum quam aliquid movetur); et ita sequeretur, quod sicut id, quod movetur, pertransit quamlibet magnitudinem, ita sentiens sentiret omnem magnitudinem quantumcumque parvam, et sic omnis magnitudo esset sensibilis, quod tamen est inconveniens.

Deinde argumentatur duabus rationibus pro parte *affirmativa*. Quarum prior allata est in arguento. *Posteriore* vero solvit questionem dieens, quod si spectetur *divisio formalis* sensibilium qualitatum, haec non possunt dividi in infinitum: quia si est devenire ad ultimum ex parte utriusque extremi, necesse est ea, quæ in medio sunt, esse finita, ut probatum est in 1. *Poster.* (text. 34; c. 19); manifestum est autem, quod in quolibet genere sensibilium est quaedam contrarietas, quæ est maxima distantia, et ideo contraria oportet esse ultima (sicut in colore album et nigrum, in sapore dulce et amarum, et in aliis similiter): unde relinquuntur, quod species mediae sint finitæ.

Si vero spectetur *divisio quantitatativa*, cum haec qualitates sint in continuo sicut in subiecto (secundum cuius divisionem per accidens dividuntur), sicut in continuo aliud est in actu (sicut pars separata) et aliud in potentia (scilicet pars in continuo existens non separata); ita etiam in his qualitatibus, quæ sunt divisibles per accidens, pars *separata* est actu existens, unde potest sentiri; pars autem *indivisa* est in potentia, et ideo non sentitur in actu. Et per consequens *partes in potentia* non sunt in infinitum sensibiles, quia licet superveniat visus, tamen aliqua pars ejus minima (puta decima-millesima) latet visum (sicut similiter quamvis totus cantus continuus audiatur, tamen auditum aliquid latet parvum de cantu, puta diesis, quod est minimum in melodia, quasi distantia quaedam toni et semitonii; hujusmodi autem distantia media inter ultima latet). Unde non procedit visus usque ad minimas partes, quia sic sentire divideretur in infinitum, quod supra Philosophus dimiserat pro inconvenienti. — Similiter et *partes separatae* non sunt in infinitum divisibles et sensibiles: — *tum ex parte ipsarum partium*: quia si partes in parvitate superabundantes separantur a toto, non poterunt permanere propter parvitetem virtutis conservantis, quia virtus corporalis dividitur secundum divisionem magnitudinis, ut pa-

et in 7. *Phys.* (*text.* 36; c. 5), et ideo minima separata convertuntur in continens, puta aerem vel aquam (sicut patet de aliquo liquore saporoso, qui infunditur mari): — *tum ex parte sensus*: quia quanto virtus sensitiva est excellentior, tanto minorem immutationem organi a sensibili percipit. Manifestum est autem, quod quanto minus est sensibile, tanto maiorem immutationem facit organi, et ideo indiget excellenti virtute sensus ad hoc, quod sentiatur in actu. Manifestum est autem, quod potentia sensitiva non crescit in infinitum, sicut nec aliæ virtutes naturales. Unde necesse est quod passibiles qualitates quædam lateant sensum, et per consequens quod actu non sentiantur. — *de Sensu et Sensibili* I. 15.

Ad tertium dicendum, quod sicut dari potest minimum ignis ob rationes dictas, ita et minimum aquæ, et neutrum dividetur in vacuo, quia natura non potest annihilare sicut nec creare; tunc autem annihilaretur, quia tunc non daretur ambiens, in quod minimum aquæ converteretur. — *Opusc.* 42, c. 18 (al. 39, c. 7); *de Pot.* q. 3, a. 4.

Ad quartum dicendum, quod ignis augmentum abit in infinitum, si loquamur de igne uno per aggregationem, secus vero de igne uno per unitatem materiæ et formæ particularis. Cum enim pugillus aeris sit ignis — quia materia aeris, ut dictum est (in c.), habet potentiam ad determinatam quantitatem et raritatem, qualis convenit formæ ignis —, necessario debet dari maximus ignis, ita ut forma ignis adveniens materiæ aeris non nisi tantam magnitudinem requirat. Verum ignis *improprie* nutritur. Nam id *proprie* nutriti dicimus, quod in seipso aliquid recipit ad sui ipsius conservationem. Quod in igne licet videatur accidere, non tamen accedit: quia cum igne accenso aliqua materia combustibilis additur, in illa materia nova combustibili novus ignis generatur, ut dicit Philosophus 2. *Meteorol.* c. 2, et *de Juvent.* c. 3 (5); non autem ita, quod illud combustibile additum cedat in conservationem ignis in alia materia prius accen-

sa; puta, si aliquod lignum de novo ignatur, per hanc ignitionem non conservatur ignitio alterius ligni prius igniti. Totus enim ignis, qui est ex congregatione multorum ignitorum, non est unus simpliciter, sed videtur unus aggregatione, sicut acervus lapidum est unus. Et propter talem unitatem est ibi quædam similitudo nutritionis; quæ propriæ tantum animatis convénit, quia per alimentum conservatur vita in illa eadem parte, quæ prius fuit. Unde et proprie sola animata dicuntur augeri, quia quælibet pars eorum nutritur et augetur, quod non convenit rebus inanimatis, ut igni et similibus, quæ videntur per additionem crescere; non enim crescit id, quod fuit prius, sed ex additione alterius constituitur quoddam aliud totum majus. — Ideo ignis ex aggregatione unius potest in infinitum crescere, sicut et acervus lapidum; quia cum igni possit in infinitum combustibile apponi, ex igne præcedente et sequente generato fit major ignis in infinitum. — 2. *de Anima* I. 9.

Ad quintum dicendum, quod ignis præcedens non est idem numero cum igne facto ex lignis appositis et in ignem conversis, sed est distinctus numero, cum ex præcedenti et sequenti fiat alius unus numero per aggregationem, ut dictum est (ad arg. præced.). quamquam similitudo augmenti et nutrimenti præcipue appetit in igne, quia habet plus de forma quam alia elementa, et est potentior in virtute activa. Unde propter hoc, quod manifeste alia in se convertit, videtur nutritiri et augeri.

QUÆSTIO XLV

DE QUALITATIBUS ACTIVIS.

Deinde considerandum est de qualitatibus activis.

CIRCA QUAS QUÆRUNTUR OCTO:

- Utrum calor, frigus, humor et siccitas sint primæ qualitates.

2. Utrum prædictæ qualitates sint positivæ.
3. Utrum qualitates prædictæ sint omnes activæ.
4. Utrum qualitates activæ recte definiantur.
5. Utrum qualitates passivæ recte definiantur.
6. Utrum qualitates primæ sint tantum quatuor.
7. Utrum qualitates symbolæ elementorum sint ejusdem speciei.
8. Utrum elementa habeant utramque qualitatem in summo.

ARTICULUS I

UTRUM CALOR, FRIGUS, HUMOR ET SICCITAS SINT PRIMÆ QUALITATES.

Videtur quod calor, frigus, humor et siccitas non sint qualitates omnium primæ.

1. Dicit enim Philosophus 2. *de Generat. text. 7; c. 2*), quod quia visus est prior tactui, etiam objectum visus est prius objecto tactus; sed prædictæ qualitates pertinent ad objectum tactus, lux vero et calor ad objectum visus, ut dicitur in 2. *de Anima* (*text. 66; c. 7*): ergo qualitates prædictæ non sunt primæ. — 2. *de Generat. I. 2; 2. de Anima I. 14*.

2. Praeterea, corpus cœleste cum sit simplicius elementis et per consequens illius prius, debent et ejus qualitates esse priores qualitatibus elementaribus; sed prædictæ qualitates sunt elementorum, aliæ vero qualitates (ut figura, diaphaneitas, raritas et lensitas) convenient etiam cœlo: ergo hæc non illæ sunt primæ qualitates. — *Opusc. 2, c. 9* (al. *Opusc. 1, c. 8*); 2. *de Cœlo I. 14; 2. de Animal. 14 et 15*.

3. Praeterea, dicit Philosophus (8. *Phys. ext. 55; c. 7*), quod omnium passionum principium est densitas et raritas: nam grave et leve, molle et durum, calidum et frigidum videntur esse densitates quædam et raritates; sed illæ qualitates dicuntur primæ, quæ sunt principia aliarum omnium: ergo calor, frigus, humor et siccitas non sunt qualitates primæ. — 8. *Phys. I. 14*.

4. Praeterea, dicit Philosophus (8. *Phys. ext. 56 et 57; c. 7*; et 2. *de Generat. text. 5; c. 10*), quod motus localis est primus motuum, atque adeo prior alteratione; et ideo principium motus localis

erit prius principio motus alterationis; sed principium motus localis est gravitas et levitas, principium vero alterationis sunt dictæ qualitates: ergo. — 8. *Phys. I. 14; 2. de Generat. I. 10*.

5. Praeterea, Philosophus prius agit de qualitatibus elementorum motivis, quam de activis; nam de illis egit in lib. *de Cœlo*; de his vero in lib. *de Gen. et Corr.*, qui consequuntur libros *de Cœlo*; ergo qualitates motivæ sunt priores activis. — 1. *de Cœlo*, in proemio; 3. *de Cœlo I. 1*.

6. Praeterea, lux stellarum et virtutes lilarum causant in inferioribus calorem et frigus: ergo calor et frigus non sunt qualitates omnium primæ. — 2. *de Generat. I. 2*.

7. Praeterea, dicit Philosophus (2. *de Cœlo text. 18; c. 3*; et 4. *Phys. text. 48; c. 5*), quod calor est prior frigore; ergo frigus non est qualitas prima. — 2. *de Cœlo I. 4; 1. Phys. I. 10*.

8. Praeterea, calor et frigus sunt qualitates activæ, humor et siccitas sunt qualitates passivæ; sed qualitates activæ sunt priores passivis, nam activum naturaliter est prius passivo: ergo humor et siccitas non sunt qualitates primæ, cum supponant alias priores. — 1. *Phys. I. 10*.

Sed contra: 1. Philosophus 2. *de Generat. (text. 10; c. 2)* dicit, quod qualitates prædictæ sunt omnium primæ. — 2. *de Generat. I. 2*.

2. Praeterea, qualitates prædictæ sunt propriæ elementorum, ut dicit Philosophus 2. *de Generat. (text. 16; c. 3)*: sed elementa, quippe simplicia, sunt inter corpora inferiora omnium prima; ergo et qualitates prædictæ erunt primæ inter qualitates omnes corporibus sublunaribus convenientes. — 2. *de Generat. I. 3*.

RESPONDEO DICENDUM, quod calor, frigus, humor et siccitas sunt inter qualitates tangibles omnium primæ. Cujus ratio est, quia ad illas omnes aliæ reducuntur, nec ipsæ reducuntur ad alias, nec ad se invicem. Et *primum* quidem patet, quia omnes aliæ sunt ex his, ut patet discurrenti per ceteras qualitates: subtile enim et grossum, lubricum et aridum, durum et molle, grave et leve,

et aliae differentiae sunt ex predictis. — *Subtile* enim est ex humido, ut patet ex ejus definitione. *Humidum* enim est ex eo, quod non bene terminatur termino proprio, sed bene terminatur termino alieno, et ideo bene repletivum est, quia sequitur undique tangens ipsum, eo quod fluit usque ad ipsum tangens. *Subtile* autem etiam repletivum est, eo quod subtilitate quodlibet minimum subintrat. Unde manifestum est, quod *subtile* est effectus *humidi*. Per oppositum autem *grossum* erit effectus *sicci*: grossum enim est, cujus partes fæculente non distinguuntur, et excedit capacitatem ejus, quod natum est repleti. Similiter *lubricum* reducitur ad *humidum*, quia *lubricum* est *humidum* aliquid passum: eum enim *humidum* patitur commixtione subtilis terrei et est unctuosum, tunc fit *lubricum*; quia substantiale terreum sibi commixtum non sinit separari partes ejus (sicut apparet in oleo et aliis unctuosis). *Aridum* autem est, quod est perfecte *siccum*, non retinens nec *subtile* terreum nec etiam *humidum* unctuosum; et ideo quæ coagulantur, calido primo humiditatem propriam extrahente, postea vero frigido faciente partes constare sibi, coagulantur. — Similiter *molle* est effectus *humidi*; molle enim est, quod cedit tangenti; differt tamen ab *humido*, quia *humidum* transmutat tangens, et ideo *molle* non est *humidum*, sed est effectus *humidi*. *Durum* autem reducitur ad *siccum*, sicut effectus ad suam causam; *durum* enim est, quod tangenti non cedit, quia est coagulatum; coagulatum autem est effectus *sicci*. — Similiter et *asperum* est effectus *sicci*, et *lene humidi*. *Asperum* enim est, quod habet siccitatem in superficie, quæ inæquilater pars ejus constare facit. *Lene* autem in superficie habet humorem, qui æquilater facit fluere partem ad partem. *Gravitas* vero et *levitas* consequuntur calorem et *frigus*, ut dictum est (q. 44, a. 2, in c. et ad 3); calor enim attenuat et rarefacit et consequenter facit levitatem; contra vero *frigus*.

Quod vero prædictæ qualitates non reducantur ad alias (nec in pauciores nec in se invicem), probatur: quia *calidum* non

est *siccum*, ita quod *caliditas* sit *frigiditas* quædam vel ejus effectus; nec *frigiditas* est *caliditas* vel *siccitas* vel *humiditas* quædam; nec *humiditas* est *caliditas* vel *frigiditas*; nec *frigiditas* est *siccitas*; nec *calidum* est *frigidum*, vel e converso, sicut *sulca*; nec etiam *frigiditas* et *caliditas* sunt sub *humido* et *sicco*, vel e converso. — Necessæ est igitur has qualitates quatuor esse primas. — 2. *de Generat.* l. 2.

Ad primum ergo dicendum, quod quamvis visus sit uno modo prior tactu, qui forma et dignitate prior est omnibus sensibus, et ideo objectum visus prius est objecto tactus; tamen qualitas, quæ est objectum visus, non est corporis tangibili secundum quod est tangibile, etiam si contingat visum esse secundum naturam primum: prior enim forma est et dignitate est et fine omnibus sensibus. Et si est, ut dictum est, et objectum visus prius est objectum aliorum sensum: non tamen omne visibile sed solum lumen vel lux, quia per ipsam movet cœlum materiam generabilium et corruptibilium ad omnem formam. Tactus autem subjecto prior est, quia subternit omnibus sensibus, ut patet 2. *de Anim.* (text. 46, 424; c. 2, 42); et contrarietas ipsius sunt causæ omnium contrarietatum. Et hoc patet, quia non sentimus secundum tactum nisi id, quod excellit secundum qualitates complexionatas medio tactus, quod est caro; et illæ sunt *calidum*, *frigidum*, *humidum* et *siccum*, quarum nulla est in cœlo: et ideo cœlum secundum naturam non est sensibile tactu, sed solum elementa in quibus sunt quatuor qualitates, ex quibus fit complexio et tactus. — 2. *de Generat.* l. 2.

Ad secundum dicendum, quod sermo est de qualitatibus primis corporum *sublunarium*, quæ tantum sunt qualitates tangibile et non omnes, sed aliquæ, puta prædictæ ut dictum est (in c.). Figura vero non est qualitas per se tangibilis, cum numeretur Philosopho (2. *de Anima* text. 64; c. 6) inter sensibilia communia. Praeterea figura non est qualitas activa; at qualitates primæ debent esse activæ, ut dicit Philosophus.

(2. *de Generat.* *text.* 8; c. 2). Raritas autem et densitas sunt æquivoce dicta in celo et in corporibus sublunaribus (2. *Sent.* *dist.* 2, q. 2, a. 2, ad 5); sicut in corporibus cœlestibus non sunt qualitates tangibles per modum, quo sunt in inferioribus corporibus, sed per modum eminentiorem, sicut in causa activa. Non enim ibi est calidum et frigidum, humidum vel siccum, sed virtus quæ est horum causativa. Et similiter ibi non est grave et leve, sed loco harum est ibi aptitudo ad motum circularem. Ita rarum et densum inveniuntur in corporibus cœlestibus, secundum quod ista sunt spissiora et magis commassata quam sphærae eorum, non secundum differentiam contrarietatis, sed solum secundum additionem et diminutionem virtutis, et secundum majorem et minorem congregationem partium; cum tamen in inferioribus corporibus rarum et densum sint qualitates, et primæ, se tamen tenentes ex parte materiae, non autem ex parte formæ. — 2. *de Generat.* l. 2; 2. *de Anima* l. 43; 2. *de Cœlo* l. 40.

Ad tertium dicendum, quod Philosophus ibi loquitur secundum opinionem antiquorum, qui ponebant raritatem et densitatem principia omnium passionum et passibilium qualitatum, eo quod grave et leve, molle et durum, calidum et frigidum videntur consequi rarum et densum, et secundum ea distingui. — 8. *Phys.* l. 14.

Ad quartum dicendum, quod licet in diversis subjectis prior sit motus localis, non tamen in uno et eodem generabili, quia primo res generantur, postea alteratur et angeluntur, et denum habet motum secundum locum. — *Vel dic,* quod qualitates primæ debent esse activæ et passivæ ad invicem; nam elementa, quorum principia sunt prædictæ qualitates, miscentur et transmutantur ad invicem. At qualitates motivæ non sunt activæ et passivæ, ut patet ex ipsis nominibus; cum enim non sint nomina verbalia, non significant actionem vel passionem. — *Vel dic,* quod gravitas et levitas, quæ sunt qualitates mobilium, non possunt esse qualitates primæ, quia solum ordinantur ad ea, quæ sunt extranea rei, ad

motum scilicet localem, per quem non acquiritur rei aliqua forma substantialis. Et ideo necesse est aliquas qualitates precedere in re, quæ sint instrumenta generantis in acquisitione formæ substantialis. Ita enim necesse est praecedere omnem motum localem ipsius, quia motus localis requirit quantitatem in mobili, et partem et partem. Forma autem substantialis omnem quantitatem praecedit; actio autem generantis in productione formæ substantialis est alternatio, cuius terminus est spoliatio materiae a forma priori, et inductio novæ formæ. — 8. *Phys.* l. 14; 2. *de Generat.* l. 10; *Opusc.* 32, c. 1.

Ad quintum dicendum, quod Philosophus prius egit de qualitatibus motivis quam de activis, quia prius egit de elementis secundum quod integrant universum, quam de iisdem secundum quod generantur et corruptuntur; qualitates autem motivæ sunt illæ, ex quibus determinatur situs in universo, qualitates autem activæ sunt, quibus invicem transmutantur. — V. procem. in II. *de Cœlo* et in II. *de Generat.*

Ad sextum dicendum, quod qualitates stellarum (puta lux vel aliqua alia virtus earum), licet causarent in ipsis inferioribus aliquam qualitatem, non tamen ab eis patientur, quia earum substantia non communicat in materia cum illis; at vero qualitates primæ debent esse invicem activæ et passivæ, ut dictum est (ad quartum). — 2. *de Generat.* l. 2.

Ad septimum dicendum, quod calor dicitur prior frigore perfectione et dignitate; contraria enim se habent secundum pejus et melius, ut dicitur 4. *Phys.* (*text.* 55; c. 6). — 2. *de Cœlo* l. 4; 1. *Phys.* l. 10 et 11.

Ad octavum dicendum, quod calor, frigus, humor et siccitas dupliciter considerari possunt, vel secundum se vel in ordine ad mixtum; — primo modo omnes sunt qualitates primæ, et omnes sunt activæ et passivæ; secundo modo duæ sunt activæ (calor et frigus) et duæ sunt passivæ (humor et siccitas). — II. citandis in corp. art. 3 sequentis.

ARTICULUS II

UTRUM CALOR, FRIGUS, HUMOR ET SICCITAS
SINT QUALITATES POSITIVE.

Videtur quod non omnes qualitates praedictae sint positivæ.

1. Dicit enim Philosophus (*1. de Generat. text. 18; c. 3; 2. de Generat. text. 32; c. 5; et 2. de Cœlo text. 18; c. 3*), quod calor est prædicatum quoddam et species; sed frigiditas est privatio: ergo non omnes praedictæ qualitates sunt positivæ. — *1. de Generat. l. 8; 2. de Generat. l. 5; 2. de Cœlo l. 4*.

2. Præterea, dicit Philosophus (*1. Phys. text. 55; c. 6*), quod contrariorum unum est forma, alterum privatio; sed calidum et frigidum, et similiter humidum et siccum sunt contraria: ergo idem quod prius. — *1. Phys. l. 11; 2. de Cœlo l. 4*.

3. Præterea, dicit Philosophus, quod calor, frigus, humor et siccitas sunt contrariae differentiæ, quibus inter se elementa differunt, ut dictum est (*q. 43, art. unic.*); sed contrarietas differentiarum, quæ est in omnibus generibus, attenditur secundum communem radicem contrarietatis, quæ est excellentia et defectus: ergo duæ harum debent dicere excellentiam, et aliæ duæ defectum et per consequens privationem, et sic non erunt quid positivum, cum privatio et defectus sint non entia. — *5. Phys. l. 3*.

4. Præterea, in accessu tertianæ sentitur frigus, et tamen in tertiana nullus est humor frigidus, cum oriatur ex bili; ergo frigus sit solo recessu caloris. — *de Malo q. 7, a. 1, c.*

5. Præterea, aqua calefacta se restituit pristinæ frigiditati solum per absentiam calefacientis, ut patet experientia et dictum est (*supra q. 9, a. 4, ad 9*); ergo frigus tantum erit privatio et recessus caloris.

Sed contra est: I. quod Philosophus (*2. de Partibus Animal. c. 2*) dicit, quod frigus non est privatio, sed natura quaedam.

2. Præterea, calor et frigus contrarie oponuntur, sed utrumque contrarium est

aliqua natura; alioqui non essent in eodem genere, quia privatio et non ens non sunt in genere; ergo calor et frigus sunt qualitates positivæ. — *1. de Generat. l. 8*.

RESPONDEO DICENDUM, quod calor et frigus, humor et siccitas sunt qualitates positivæ. Quod manifestum est: *primo*, qui qualitates praedictæ sunt sensibiles per se et tangibles, ut dicit Philosophus (*2. de Generat. text. 7; c. 2.; et 2. de Anima text. 65 c. 6*); quod autem est non ens, cuiusmodi est privatio, ut dictum est, non est sensible (nam omne sensible per se cum immute sensum et ratione suæ excellentiæ corrumpit animal, debet esse ens reale positivum; hujusmodi autem non est privatio, ut manifestum est): ergo qualitates praedictæ debent esse positivæ. — *Secundo*, elementa sunt invicem activa et passiva, cum invicem generentur et corrumpantur, ut docet Philosophus *2. de Generat. (text. 24; c. 4)* sed non agunt et patiuntur nisi ratione prædictarum qualitatum, ut docet Philosophus *de Sensu et Sensibili* (*c. 4*) — nam forma substantialis non est immediatum principium actionis, ut dictum est (*supra q. 9, a. 4*) —: ergo qualitates praedictæ sunt quid positivum reale. — *2. de Generat. l. 2; 2. de Anima l. 43; Tabula Aurea voce « sensible » n. 8 et 10; de Sensu et Sensibili l. 10*.

Ad primum ergo dicendum, quod sicut dicitur in *10. Metaphys. (text. 9 et 15; l. 9, c. 3 et 4)*, oppositio privationis et habitus est principium oppositionis contrariorum; et ideo semper aliud contrariorum est cum defectu et privatione quadam respectu alterius. Dicitur ergo frigus privatio, non quia sit privatio pura sicut cæcum et nudum, sed quia est qualitas deficiens respectu caloris. — *10. Metaphys. l. 4 et 6*. — Et ex his patet *ad secundum*.

Ad tertium dicendum, quod contrarietas differentiarum, quæ est in omnibus generibus, dicitur attendi secundum communem radicem contrarietatis, quæ est excellentia et defectus, quia omnes differentiæ dividentes aliquod genus, ita se habent, quod una earum est ut abundans, et alia ut defi-

DE GENERAT. ET CORRUPT. — QU. XLV
ciens respectu alterius. Propter quod Aristoteles dicit in 8. *Metaphys.* (*text.* 10; l. 7, c. 3), quod definitiones rerum sunt sicut numeri, quorum species variantur per additionem et subtractionem unitatis. — 5. *Phys.* l. 3; 8. *Metaphys.* l. 3.

Ad quartum dicendum, quod febris tertiana vere quidem consistit in superabundantia cholerae, quam virtus naturae superare non potest; sed cholera est humor frigidus, ut dicit Philosophus (*de Somno et Vigilia* c. 4, al. 3). — *de Mato* q. 7, a. 1, c.; *de Somno et Vigilia* l. 5.

Ad quintum dicendum, quod aqua calefacta se restituit pristinæ frigiditati vi suæ speciei, non per actionem et transmutationem aliquam, sed per naturalem resultationem, ut dictum est (q. 9, a. 4, ad 9).

ARTICULUS III UTRUM QUALITATES PRÆDICTÆ SINT OMNES ACTIVÆ.

Videtur quod prædictæ qualitates non sint omnes activæ.

1. Dicit enim Philosophus (2. *de Generat.* *text.* 8; c. 2; et 4. *Meteorol.* c. 1), quod calor et frigus sunt activa, humor autem et siccitas sunt passiva; ergo qualitates primæ non sunt omnes activæ. — 2. *de Generat.* l. 2; 4. *Meteorol.* l. 1.

2. Præterea, dicit Philosophus (4. *Meteorol.* c. 1 et 2), quod actiones sunt calore et frigore, ut generationes, putredines, concoctio, liquefactio: ergo reliquæ non sunt activæ. — 4. *Meteorol.* l. 1 et 2.

3. Præterea, calor et frigus definitur a Philosopho (2. *de Generat.* *text.* 8 et 9; c. 2; et 4. *Meteorol.* c. 1) per agere (puta per congregare et disgregare), humor autem et siccitas per pati (puta per terminari); ergo calor et frigus sunt qualitates activæ, humor autem et siccitas passivæ. — 2. *de Generat.* l. 2; 4. *Meteorol.* l. 1.

4. Præterea, 4. *Meteorol.* (c. 1) dicit Philosophus, quod calor et frigus humectant et exsiccant; sed nulla alia actio potest tribui humiditati et siccitati præter humectationem et exsiccationem: ergo humor et

DE QUALIT. ACTIVIS — ART. III 227

siccitas non sunt activæ, quia natura non facit per duo, quod potest facere per unum, ut dictum est (in Logica q. 1, a. 1. arg. 4). — 4. *Meteorol.* l. 1.

5. Præterea, dicit Philosophus (4. *Meteorol.* c. 6, al. 5), quod frigus non general per se, sed per accidens; at si frigus esset qualitas activa, cum sit contraria calori, posset illum corrumpere, et per consequens per se generare aliquid; nam corruptio unius est generatio alterius, et natura nunquam operatur per se intendens corruptionem: ergo frigus non est qualitas activa. — 4. *Meteorol.* l. 8.

Sed contra est: 1. quod Philosophus 2. *de Generat.* (*text.* 8; c. 2) dicit, quod omnia elementa transmutantur ad invicem, et ideo sunt activa et passiva; sed elementa transmutantur ad invicem ratione qualitatum primarum, puta caloris, frigoris, humoris et siccitatis: ergo omnes istæ qualitates sunt activæ. — 2. *de Generat.* l. 2; *de Sensu et Sensibili* l. 10; 2. *de Generat.* l. 6.

2. Præterea, omnes qualitates prædictæ sunt contrariae, ut dicit Philosophus (2. *de Generat.* *text.* 25; c. 4); sed contraria nata sunt invicem agere et pati: ergo omnes qualitates prædictæ sunt activæ et passivæ. — 2. *de Generat.* l. 2 et 4.

RESPONDEO DICENDUM, quod omnes qualitates prædictæ dupliceiter possunt considerari: uno modo quatenus veniunt in compositionem mixti, et una victoriam obtinent supra alteram in mixto; et sic duæ sunt activæ (puta calor et frigus) et duæ passivæ (puta humor et siccitas). Cum enim activæ victoriam obtinent supra passivas, tunc sequitur generatio mixti; quando autem passivæ vincunt activas, sequentur indigestio, quæ est via ad corruptionem. — Altero modo secundum se, quatenus una est contraria alteri, et per illas elementa invicem transmutantur; et tunc omnes sunt activæ et passivæ. Quod patet primo experientia; nam ex igne fit aer et ex aere ignis, ut docet Philosophus (2. *de Generat.* *text.* 26; c. 4); hoc autem fieri non posset, nisi invicem agerent et paterentur per humiditatem et siccitatem, cum in caliditate convenient; et similiter

ex igne fit aqua et ex aere terra, quod esse non posset, nisi agerent ad invicem secundum omnes quatuor qualitates praedictas. *Secundo* ratione, *tum* quia omnes praedictæ qualitates concurrunt ad mixtionem refractæ et alteratæ ad invicem, ut dictum est (q. 42, a. 3 et 5); alteratio autem et refractio fit per mutnam actionem et passionem; — *tum* quia sunt invicem contrariae, contraria autem invicem agunt et patiuntur, ut dictum est (*arg. 2 Sed contra*). Unde manifestum est, quod primæ qualitates sunt omnes activæ et passivæ. — 4. *Meteor.* I. 4 et 2; 2. *de Generat.* I. 4.

Ad primum ergo dicendum, quod Philosophus accepit praedictas qualitates per ordinem ad operationes secundas, quas habent in ordine ad mixtum — quæ sunt emollire, maturare, concoquere, terminare, congregare et segregare — ratione quarum calor et frigus sunt activa, humor et siccitas passiva. Calor enim emollit, terminal, figurat et congregat homogenea, et separat heterogenea, faciendo diffusionem in elementis et liquefactionem in mixtis. Frigus vero congregat homogenea et heterogenea condensando; indurat vero et temperat calorem. Quod patet ex probatione, quam assert Philosophus 4. *Meteorol.* (c. 1); ait enim, calidum et frigidum esse activa, quia congregant et terminant, humidum vero et siccum passiva, quia terminantur et similia patiuntur. — 4. *Meteorol.* I. 4. — Et eodem modo respondet ad secundum et tertium.

Ad quartum dicendum, quod calor et frigus humectant et siccant per accidens. Humor vero et siccitas id faciunt per se, producendo sibi simile, puta humorem et siccitatem. — *Ibid.*

Ad quintum dicendum, quod generatio duplice sumitur: uno modo pro mutatione a non esse ad esse absolute, altero modo pro productione nobilioris ex ignobiliori corrupto. Si sumatur generatio primo modo, quomodo de illa Philosophus agit libro 4. *de Generat.* frigus est per se generativum sicut calor. Si vero sumatur secundo modo, solus calor est generativus, non autem frigus; sed hoc est per se corruptivum, quia rigiditas corrumpt ignem et aerem, quæ-

sunt nobiliora, et generat terram et aquam, quæ sunt ignobiliora. — 4. *Meteorol.* I. 8.

ARTICULUS IV

UTRUM QUALITATES PRIMÆ ACTIVÆ BENE A PHILOSOPHO DEFINIANTUR.

Videtur quod qualitates primæ activæ non bene a Philosopho definiantur, quod nimirum calor congregat homogenea, et segregat heterogenea, et frigus utraque congregat.

1. Dicit enim Philosophus 3. *de Cœlo* (*text. 18; c. 2*), quod motus secundum naturam est unus unius rei; sed calidi motus proprius secundum naturam est calefacere, sicut motus proprius frigidi est frigefacere; ergo non est proprium caloris congregare homogenea et segregare heterogenea, e frigidi congregare utraque. — 3. *de Cœlo* I. 5.

2. Præterea, dicit Philosophus 4. *Meteorol.* (c. 3, al. 2), quod calor facit mixtionem; et patet, nam maturatio est mixtio et fit calore (4. *Meteorol.* c. 3, al. 2), similiter digestio est mixtio et fit calore (2. *de Anima* *text. 41*; c. 4; et *de Juvent. et Senect. etc.* c. 10; edit. Berol. *de Respirat.* c. 8); sed mixtio est unio heterogeneorum, concurrunt enim ad illam, ut dictum est, omnia elementa, quæ sunt heterogenea ergo calor congregat etiam heterogenea. — 4. *Meteorol.* I. 3; 2. *de Anima* I. 8; *d. Respirat.* I. 6. (1)

3. Præterea, calor immediate rarefacit et extendit, et frigus condensat, ut dicit Philosophus 2. *de Generat.* (*text. 17; c. 3*) ubi laudat antiquos ponentes inter principia rerum calorem rarefacentem et frigus condensans; et 7. *Phys.* (*text. 15; c. 3*) sed ex rarefactione per accidens sequitur segregatio heterogeneorum (nam si res distincti generis erant constrictæ, per rarefactionem solutæ propria virtute motiva

(1) *Commentationes librorum de Juventute et Senectute de Respiratione, de Vita et Morte, de Motu Animalium (sive de Communi Animalium Motione), de Longitudine et Brevitate Vitæ non sunt S. Thomæ. Habes eas Petro de Alvernia attributas et cum quibusdam S. Thomæ vulgatas Venetiis 1551. Cf. quæ diximus tom. I, pag. IX.*

separantur; graviora enim subsidunt et leviora ascendunt): ergo male definitur calor per segregare heterogena tamquam per actionem per se propriam illius. — 2. de Generat. I. 3.

4. Praeterea, dicit Philosophus 3. de Cœlo (text. 74; c. 8), quod calor per accidens segregat heterogena; sed quæ sunt per accidens, non debent poni in definitione: ergo calor male definitur per segregare heterogena. — 3. de Cœlo I. 42.

5. Praeterea, frigus simpliciter congregat homogena et segregat heterogena, sicut calor; nam per congelationem unit lutum et paleas, et per exsiccationem ventus frigidus separat aquam a veste et luto: ergo male definitur frigus per congregare homogena et heterogena.

Sed contra est, quod Philosophus 2. de Generat. (text. 8; c. 2) et 4. Meteorol. (c. 1.) definit calorem, quod congreget homogena et segreget heterogena; et frigus, quod ultraque congreget. — 2. de Generat. I. 2; 4. Meteorol. I. 4.

RESPONDEO DICENDUM, quod bene definitur calor, quod congreget homogena (seu illa, quæ sunt ejusdem naturæ), et segreget heterogena (seu quæ sunt diversæ naturæ); frigus vero quod congreget utraque. *Calor* enim congregat homogena, quia subtile, quod calido convenit, attrahit. Ita patet experientia, quod si fiat aliqua massa ex auro, argento et aere, et ponatur ad ignem, virtute ignis liquefacentis congregabuntur partes auri ad se invicem, et sic de aliis. Unde continuare et unire insunt calori *per se*. Segregare autem heterogena convenit eidem *per accidens*: *tum* quia segregat aliena, congregando homogena et propria (quoniam enim ignis agens persuam formam transmutat illud, in quod agit, in soam naturam ex potentia ente, conterminans illud et uniens: congregat ea quæ sunt unius naturæ, et consequenter separat ea quæ sunt diversæ); *tum* quia quandounque aliqui enti per formam attribuuntur duo, puta generatio et corruptio, essentialius ei attribuitur generatio quam corruptio (quia generatio est de ra-

tione entis, ad quod est, corruptio vero de ratione non entis; forma autem et simpliciter aut magis principium est entis quam non entis; sicut enim forma est, qua aliquid est ens, ita forma est, qua aliquid agit aliquid ens); sed conterminatio et unitio sunt generatio, segregatio vero et divisio quedam corruptio: quare si utrumque tribuitur calido per formam, essentialius et per se attribuetur ei conterminatio et unitio, divisio vero et segregatio per accidens et minus essentialiter. — Quod autem *frigidum* congreget omnia, tam heterogena quam heterogena, patet, quia aliquando aqua, terra, pœda et hujusmodi per congelationem factam a frido congregantur. — 3. de Cœlo I. ult.; 2. de Generat. I. 2.

Ad primum ergo dicendum, quod calidum et frigidum dupliciter possunt considerari: *uno modo* secundum se seu quatenus sunt inter se contraria, et unum agit in aliud, et invicem transmutantur; et sic considerata agunt e defaciendo et frigefaciendo; — *ultimo modo* quatenus veniunt in compositionem mixti; et sic habent alias operationes, quarum præcipuae sunt congregare et disgregare seu separare. — 4. Meteorol. I. 1 et 2.

Ad secundum dicendum, quod uniuntur homogena non solum quæ sunt unius naturæ, sed etiam quæ sunt unius amoris, ut dicit Philosophus (3. de Cœlo tert. 74; c. 8), seu unius complexionis; sic qualior elementa ita concurrunt ad mixtione et invicem agunt, ut perveniantur ad complexionem, quam requirit forma mixti, ut dictum est (q. 42). — 3. de Cœlo I. ult.

Ad tertium et quartum palet ex dictis; nam in definitione calidi per se non ponitur segregare heterogena, sed tantum congregare; illud vero ponitur tamquam quid consequens, nam, ut dictum est, calor segregat congregando.

Ad quintum dicendum, quod ventus frigidus exsiccat inducendo siccitatem, et non tantum exprimendo humiditatem. Deinde si vehemens est, prævenit expressionem, unde unit heterogena.

ARTICULUS V

UTRUM QUALITATES PRIME PASSIVAE RECTE
A PHILOSOPHO DEFINIANTUR.

Videtur quod qualitates primæ passivæ non recte a Philosopho definitur, quod scilicet *humidum* sit, quod proprio termino est interminabile, alieno vero facile terminabile; *siccum* vero, quod difficile terminatur termino alieno, facile vero proprio.

1. Dicit enim Philosophus *4. Meteorol.* (c. 8), quod humidum et siccum sunt prima principia passiva omnium corporum mixtorum: unde humidum est connaturale mixto; sed mixtum est terminatum proprio termino: ergo et humidum connaturale mixti erit terminatum termino proprio. — *4. Meteorol.* l. 7.

2. Præterea, in mixto siccum, cum sit illi connaturale, quia est principium passivum ejusdem, ut dictum est, facile terminatur termino illius; ergo male definitur siccum, quod sit difficile terminabile termino alieno, et facile proprio. — *Ibid.*

3. Præterea, glacies est humida, et est essentialiter aqua; sed glacies habet proprium terminum, ut patet: ergo male definitur humidum, quod proprio termino sit interminabile, et alieno facile terminetur. — *1. de Generat.* l. 23; *2. de Generat.* l. 3.

4. Præterea, dicit Philosophus (*de Generat. text.* 49; c. 8), quod sola aqua [bene] terminatur; sed præter aquam sunt multa alia, quæ sunt humida, ut aer: ergo male definitur humidum, quod facile terminetur termino alieno et difficile proprio; nam definitio debet convenire omni definito. — *2. de Generat.* l. 8.

5. Præterea, aqua cadens habet figuram rotundam; sed aqua est humida, ut dictum est: ergo idem quod prius. — *1. Meteorol.* l. 13 et 14.

6. Præterea, cinis siccus est et similiter ignis; sed uterque facile recipit alienam figuram (cinis enim non resistit prementi, et elementum ignis figuratur concavo lunæ; noster vero habet figuram pyramidalem): ergo male definitur siccum, quod difficile

terminatur termino alieno, et facile sit terminabile termino proprio.

Sed contra est auctoritas Philosophi definitionis humidum et siccum modo predicto *2. de Generat.* (text. 9 et 10; c. 2) et *4. Meteorol.* c. 4 et 8. — *2. de Generat.* l. 2; *4. Meteorol.* l. 4 et 7.

RESPONDEO DICENDUM, quod passivæ qualitates (puta humidum et siccum) duplè considerari possunt: uno modo in mixto seu quatenus constituant mixtum; et hoc modo cum humidum et siccum sint invicem mixta et conjuncta et glutinata, ut dicit Philosophus (*4. Meteorol.* c. 8), necesse est quod siccum habens consistentiam admixtam humido, illi etiam communicet consistentiam; unde humidum non amplius diffilit. Et cum jam sit factum connaturale mixto, dici potest, quod sicut mixtum terminatur proprio termino, ita et humidum, quod est propria ejus materia. Et similiter quia humidum est conglutinatum sicco, et sine humido siccum non terminatur, dici potest, quod siccum facile terminatur termino alieno.

Alio modo considerari possunt humidum et siccum secundum se seu ante mixtionem; et tunc verum est, quod humidum est interminatum termino proprio, et bene terminabile termino alieno; siccum autem terminatur termino proprio, difficulter autem terminatur termino alieno. Et similiter, quidquid est facile terminabile, hoc habet ab humore; quod vero difficile, habet a siccitate.

— Quod ex effectu humidi et sicci constare potest: subtile enim quia est humidum, est repletivum (sequitur enim undique tangens ipsum, eo quod fluit usque ad ipsum tangens, sua nimirum subtilitate quilibet minimum subintrans), et ideo est bene terminabile termino alieno, non autem proprio. Et similiter molle quia est humidum causaliter, habet eandem proprietatem, unde cedit tangenti; et idem dico de lubrico. Et contra, grossum quia est effectus sicci, cum ejus partes fæculentæ non disjungantur, et excedat capacitatem ejus quod natum est repleri, difficile potest terminari termino alieno; et idem dico de

arido et duro. — Secundo probatur ex *propria ratione* humidi et siccii: humidum enim est facile diffusus, siccum vero consistens; unde illud facile suscipit alienam figuram, hoc vero difficile. Unde manifestum est, quod recte descriptae sunt qualitates passivæ elementorum. — 2. *de Generat.* I. 2; 4. *Meteorol.* I. 7 et 8.

Et ex his patet *ad primum et secundum*.

Ad tertium dicendum, quod liquida terminantur proprio termino ex magna violentia frigidi, ut patet in glacie, quae est superabundantia frigiditatis, ut dicitur 2. *de Generat.* (tert. 21; c. 3), et in grandine, cuius causa dicitur vehementis virtus frigidi inclusi in aqua, et conclusi ab exteriori calido vehementi, ut dicitur 1. *Meteorol.* c. 12. — 4. *Meteorol.* I. 8 et 15; (1. *Meteorol.* I. 13 et 14;) 2. *de Generat.* I. 3.

Ad quartum dicendum, quod sensus Philosophi est, quod aqua ideo sola bene terminabilis est, quia sola est secundum sensum tactus omnium corporum humidissima, et inter omnes humores et corpora omnia, quæ sensibiliter humectant, subtilissima, ut dicit Philosophus (*de Sensu et Sensibili* c. 4). — *Vel die*, quod ideo aqua dicitur sola bene terminabilis, quia si consideretur per ordinem ad mixtum, sola simul cum terra facit terminationem; et ideo per ordinem ad mixtum, et ad terminacionem, quam facit in mixto, dicitur ipsa primo humida, et terra primo secca, ut dicit Philosophus 4. *Meteorol.* (c. 5, al. 4). — 2. *de Generat.* I. 3; *de Sensu et Sensibili* I. 9; 4. *Meteorol.* I. 7.

Ad quintum dicendum, quod elementa non habent ullam determinatas figuram secundum se, ut probat Philosophus 3. *de Cœlo* (text. 66; c. 8). Sicut enim in aliis subjectum est, quod habet rationem materiæ, et est sine specie et forma (quia receptivum debet esse denudatum a natura recepti, et etiam ut species imprimendas in ipso non male exprimat, sicut scriptum est in Timaeo), sic elementa oportet putare sicut materiam in potentia ad omnes formas substantiales mixtorum et figuram eorum, ita quod nullam ipsarum habeant in actu, sed

omnes in potentia; et propter hoc possunt transmutari in mixta separatis differentiis, quae sunt secundum passiones, id est formis substantialibus, quas per se sequuntur. Unde quod elementa habeant aliquam figuram, illam habent *vel* receptam a continente, ut dicit Philosophus I. c.; *vel* aliunde per accidens illum recipiunt; *vel* ex motu, ut patet in grandine (quando enim grandines de longe veniunt, circumquaque alterantur propter motum a longinquo, et sic sunt figuræ rotundæ et magnitudine minores; — contra vero, quando congelatio grandinis fit prope terram: nam tunc fit figuræ non rotundæ et magnæ quantitatibus; quia nimis parvo tempore fit motus ejus, qui proinde non potest dissolvere partes angulares fortius dividentes aerem et magis ei resistentes); *vel* ob antiperistasm: sic enim guttae rotundæ et majores decidunt in æstate quam in hieme, ut dicit Philosophus (1. *Meteorol.* c. 12), quia calidum undique circumstat frigidum et congregat ipsum (sicut quando frigidum magis congregatur conclusum ab exteriori calido, non solum nubes condensantur in aquam, sed ulterius aqua congelatur ex vehementi virtute frigidi inclusi, et sic fit grando). — 3. *de Cœlo* I. 12; *Meteorol.* I. 13 et 14.

Ad sextum dicendum, quod *cinis* est siccus, et proinde quodlibet ejus grammum habet proprium ejus subjectum, et difficile terminatur termino alieno: quia tamen cinis subtilis est, ideo facile cedit et non resistit prementi, sicut et farina, quia lœvis est. — *Ignis* vero elementum nullam habet figuram ex se, quare nec pyramidalem, ut volebant antiqui, quos refellit Philosophus (3. *de Cœlo* text. 66; c. 8); habet tamen figuram circularem ex continente, sicut et cetera elementa, ut dictum est (ad arg. præced.). Ignis vero noster habet figuram pyramidis, quia partes acutæ citius ascendunt: unde crassior est flamma prope nutrimentum. — 3. *de Cœlo* I. 12.

ARTICULUS VI

UTRUM QUALITATES PRIMÆ SINT TANTUM
QUATUOR.

Videtur quod qualitates primæ sint *plures* quam quatuor.

1. Lux enim est qualitas prima; nam convenit cœlo, quod est primum inter omnia corpora sive simplicia sive mixta, ut dictum est (*supra* a. 1, arg. 2 et 6); ergo qualitates primæ sunt plures quam quatuor.

2. Præterea, sonus non est qualitas secunda, ut patet, cum non oriatur ex ulla alia qualitate priore, sed immediate ex motu, ut dicit Philosophus 2. *de Anima* (*text.* 77; c. 8); sed vere sonus est qualitas, nam inter qualitates per se sensibiles numeratur a Philosopho 2. *de Anima* (*text.* 63; c. 6): ergo erit qualitas prima, et sic erunt primæ qualitates plures quam quatuor. — 2. *de Anima* l. 16.

3. Præterea, in elementis necessario ponendæ sunt aliæ qualitates præter calorem, frigus, humorem et siccitatem, neque ex illis neque ex aliis ortæ. Nam calor expellitur ab aqua reducente se ad frigiditatem suam pristinam, et non expellitur a forma substantiali — quia hæc non agit immediate, ut dictum est (*supra* q. 9, a. 4) —; neque a frigiditate propria — quia calor in aqua potest esse major quam frigiditas, ut quando ebullit; et potest durante specie aquæ commutari aqua a sua naturali qualitate; secus vero ignis, quia cum sit formalior, est magis activus inter elementa, quæ comparantur ad ipsum sicut materialia, ut dicitur in 4. *Meteorol.* —: ergo qualitates primæ sunt plures quam quatuor. — 2. *de Anima* l. 24.

4. Præterea, cœli per se infrigidant et humectant, cum sint causæ universales et per se; ergo debent habere aliquas qualitates, quæ sint principia immediata harum operationum; sed illæ non sunt qualitates *secundæ* ortæ ex quatuor prædictis, quia in cœlo non sunt tales qualitates, cum

cœlum non sit subjectum alterationi, ut dicit Philosophus (1. *de Cœlo* *text.* 22; c. 3): ergo erunt *primæ*, et sic primæ qualitates erunt plures quam quatuor. — 2. *de Cœlo* l. 1; 1. *de Cœlo* l. 7.

Videtur quod qualitates primæ sint *pauciores* quam quatuor.

5. Dicit enim Philosophus 4. *Meteorol.* (c. 1), quod calor et frigus humectant et exsiccant; sed unaquæque qualitas activa ab alia distincta est propter operationem propriam distinctam ab operatione alterius: ergo qualitates primæ activæ sunt pauciores quam quatuor. — 4. *Meteorol.* l. 4.

6. Præterea, in unoquoque genere datur aliquid primum, quod sit causa omnium, ut dicitur 2. *Metaphys. text.* 4 (l. 1 min., c. 1); ergo in genere qualitatis debet esse una qualitas, quæ sit causa ceterarum omnium, et ita qualitates primæ non erunt quatuor, sed una tantum. — 3a, q. 56, a. 1, in c.

Sed contra est, quod Philosophus (2. *de Generat. text.* 8; c. 2) dicit quatuor tantum esse primas qualitates. — 2. *de Generat.* l. 2.

RESPONDEO DICENDUM, quod qualitates primæ, cujuscunque generationis et mutationis sensibilis causæ, sunt tantum quatuor. Cujus ratio est, quia cum elementa sint inter corpora omnium prima (quippe quæ sunt simplicia), necessario debent et illæ qualitates, quæ sunt formæ perfectivæ, atque adeo principia illorum in quantum sensibilia sunt, esse omnium primæ. Nam inter omnes qualitates sensibiles nullæ aliæ sunt proprietatum elementorum præter illas: ut ex eo manifeste patet, quod ex illarum varia complexione, ut dictum est (q. 43, part. priore, a. un.), consurgit numerus quatuor elementorum; præterquam quod, cum illæ neque fiant ex aliis neque ex alterutris, sed ex illis omnes aliæ qualitates tangibles oriantur — ut docet Philosophus (1. *Phys. text.* 42 sqq.; c. 5; et 2. *de Generat. text.* 8; c. 2) —, necessario sequitur, quod sint primæ qualitates omnium et prima contraria, ex quibus tamquam primis principiis fiunt res omnes naturales; et per consequens quod primæ qualitates sunt

tantum quatnor, et ideo merito a Philosopho (2. *de Generat. test.* 16; c. 3) vocantur elementa. — 2. *de Generat.* 1, 2 et 3; *Opusc.* 2, c. 6 (al. *Opusc.* 4, c. 8); 1. *Phys.* 1, 10.

Ad primum ergo dicendum, quod lux est quidem qualitas activa, sed non passiva; at primae qualitates corporum generabilium et corruptibilium debent esse activæ et passivæ, ut dicit Philosophus (2. *de Generat. test.* 8; c. 2). — 2. *de Generat.* 2. — Et ex his patet *ad quartum*.

Ad secundum dicendum, quod sonus est qualitas audibilis, sed non tangibilis; tactus autem subjecto prior est omnibus aliis sensibus (quia substernitur omnibus sensibus, ut patet 2. *de Anima*), et ejus contrarietas sunt causæ omnium contrarietatum, sicut dignitate sit posterior visu, — et proinde aliquod objectum visus (puta lumen) sit prius objecto tactus et consequenter calore, frigore, humore et siccitate, quæ sunt qualitates tangibles; nam calor, quod est alterum objectum visus, est posterior prædictis quatuor qualitatibus. — 2. *de Generat.* 1, 2.

Ad tertium dicendum, quod aqua reducit se ad pristinam frigiditatem virtute sua speciei seu formæ, per quandam simplicem emanationem vel resultantiam, non autem per veram actionem et transmutationem, ut dictum est (q. 9, a. 4, ad 9). Et ratio est, quia cum in actione *propria* principale agens physicum sit compositum substantiale, agens per suam formam, debet hoc agens agere propria virtute; virtus autem substantiae est accidens. At in actione *impropria*, quæ dicitur resultantia vel naturalis emanatio, principale agens est generans, ut in 8. *Phys.* dicit Philosophus de motu naturali. Dans autem formam dat etiam consequens ad formam; et ideo hæc ipsa forma est virtus agentis, ei non oportet querere aliam virtutem. — Cfr. Bannez in 2. *de Generat.* c. 2, q. 3, ad 3; Soncinas, *Quæst. Metaphys.* q. 8, ad 1; Astudillo, 2. *de Generat.* p. 2.

Ad quintum dicendum, quod calor et frigus duobus modis considerantur: uno

secundum se, quatenus sunt contraria, et sic per se tantum calefaciunt et frigefaciunt; unde invicem agunt et patiuntur, et invicem corruptiuntur; — *altera*, quatenus operantur in mixto; et sic calor et frigus dicuntur humectare et exsiccare. *Ersiccat* enim calor per se in digestione, et quidem proprius et intrinsecus et naturalis principaliter, secundario autem calor extrinsecus sive balneorum sive exercitii moderati sive aliorum fomentorum calidi intrinseci et naturalis. Uterque vero id facit per se, quatenus facit evaporare humidum subtile, et terminat et indurat grossum, ut dicitur 4. *Meteorol.* c. 2 (1); frigus vero id facit per accidens, fortificando calidum interius per antiperistasm. — Similiter calor et frigus *humectant*. Cum enim humectari dupliciter dicatur — uno modo fieri aquam, sicut cum ex nube generatur aqua pluviae; secundo liquefieri, sicut cum glacies vel metalla liquefcunt —, res humectantur primo modo a frigido condensante vaporem in aquam; humectatio vero secundo modo fit a calido resolvente. — 4. *Meteorol.* l. 1, 3, 8 et 9.

Ad sextum dicendum, quod calor, frigus, humor et siccitas non dicuntur primæ qualitates in essentia et substantia generis (sicut enim una est in quounque genere perfectissima), sed ita dicuntur, quia ad eas omnes aliae reducuntur, et illæ non reducuntur ad alias, nec in pauciores, nec ad se invicem, eo quod una causetur ab alia. Cum quo tamen stat, quod inter ipsas qualitates, si non causalitate, ut dictum est, saltem perfectione et dignitate una ceteris præemineat, ut calor. Inter has enim qualitates priores sunt calor et frigus, quam humor et siccitas, quia hæc sunt passivæ, illæ activæ; et inter activas prior est calor quam frigus, quia frigus se habet ut privatio, calor ut forma, et calor generatur a motu locali, virtute motus cœli, qui est primus omnium motuum localium, sicut motus localis est primus omnium motuum. — *de Generat.* l. 2; 4. *Meteorol.* l. 1; 2. *de Cœlo* l. 10.

ARTICULUS VII

UTRUM QUALITATES SYMBOLAE ELEMENTORUM
SINT EJUSDEM SPECIEI.

Videtur quod qualitates symbolae elementorum specie distinguantur.

1. Contrariorum enim effectum contrariae sunt causæ, ut dicitur 2. *de Generat.* (*text.* 56; c. 10) et 4. *Meteorol.* (c. 7, al. 6); sed humiditas aquæ extinguit ignem, ut si superfundatur aqua carboni accenso; humiditas vero aeris ignem fovet et conservat, ut patet, quia ideo cinis conservat ignem, quia cum sit rarus, dat locum aeri circumstanti ad hoc, ut possit intrare et conservare ignem. — 4. *Meteorol.* l. 9; 2. *de Generat.* l. 10; *de Jurent. et Senect.* l. 5.

2. Præterea, humor aereus nutrit calorem, secus vero humor aqueus. Unde animalia quibus inest humidum pingue, quod est aereum, sunt longioris vitæ, quam quibus inest humidum aqueum, ut Philosophus dicit lib. *de Longitudine et Brevitate Vitæ* c. 3 (5); ergo humiditas aeris et aquæ specie differunt. — *de Longit. et Brevit. Vitæ* l. 2. (1)

3. Præterea, sola humiditas aquæ, non aeris, continuat et terminat mixtum, ut dicit Philosophus (2. *de Generat.* *text.* 49; c. 8); sed hoc non contingit nisi ex diversa natura humiditatis aquæ et aeris, quia idem secundum eandem rationem semper est natum facere idem, ut dicitur 2. *de Generat.* (*text.* 56; c. 10): ergo humiditas aquæ et aeris differunt specie. — 2. *de Generat.* l. 8 et 10.

4. Præterea, calor ignis non potest stare cum humiditate, nec ejus siccitas cum frigiditate, ut patet ex combinatione propria singulorum elementorum, et docet Philosophus (2. *de Generat.* *text.* 7 sqq.; c. 2); ergo humiditas aquæ et aeris differunt specie; sed calor aeris potest stare cum humiditate et siccitas terræ cum frigiditate:

(1) De commentationibus libri *de Longitudine et Brevitate Vitæ* confer quæ supra, pag. 228, annotavimus.

ergo calor ignis et aeris specie differunt, et similiter siccitas ignis et terræ. — 2. *de Generat.* l. 2.

5. Præterea, non est multiplex calefieri in eodem subjecto, nisi sint plures calores specie distincti; sed subjectum, in quo agit semen, multipliciter calefit (puta a cœlo, animali et elemento): ergo signum est quod in semine calor elementaris, colesti et animalis sunt specie distincti; præterquam quod calor elementaris dissolvit et consumit, calor vero animalis generaliter carnem: ergo. — 2. c. *Gent.* c. 73, tertio loco arg. 4; 4. *Sent.* dist. 1, q. 4, a. 4, sol. 1

6. Præterea, calor ignis est maxime actius — unde a Philosopho calor dictum proprium ignis (lib. *de Sensu et Sensibili* c. 4), quia est omnium calidorum calidissimum, ut dicitur 2. *Metaphys.* (*text.* 4; l. 1 min., c. 1) — secus vero aer; ergo calor ignis et aeris specie differunt, quia sunt essent ejusdem speciei, essent æqualiter activi. — 2. *de Generat.* l. 3; *de Sensu et Sensibili* l. 10; 2. *Metaphys.* l. 2.

7. Præterea, gravitas terræ et aquæ differunt specie, similiter et levitas ignis et aeris, ut patet ex Philosopho 3. et 4. *de Cœlo*, ubi ex qualitatibus motivis colligit numerum elementorum, ut dictum est (q. 43 part. priore, a. un.); sed eadem est ratio qualitatum activarum: ergo qualitates symbolæ elementorum specie differunt.

8. Præterea, quoties subjecta differunt specie, etiam passiones differunt specie — cum enim passio fluat ab essentia tamquam a causa in triplici genere, ut dictum est (in Logica q. 6, a. 2, c.), causæ specie diversæ habent etiam effectus specie diversos nam idem in quantum idem semper facit idem, ut dictum est (arg. 3) —; sed ignis et aer, quæ sunt subjecta proprii caloris differunt specie: ergo et specie differunt calor ignis et aeris.

Sed contra est: 1. quod Philosophus (2. *de Generat.* *text.* 8; c. 2) probat, quod tantum quatuor sunt qualitates primæ, ex quatuor combinatione constituuntur elementa — 2. *de Generat.* l. 2; *de Spirit. Creat.* a. 3, arg. 19 et ad 19.

2. Praeterea, dicit Philosophus (*2. de Generat. tert. 25; c. 4*), quod dantur aliqua elementa convenientia in una qualitate, quae vocatur symbola et cognata, quae propterea secundum ad invicem transmutantur, quia tamen tantum qualitas superaddenda est, non altera remaneat eadem; non remanet item eadem numero, quia non manet idem numero subjectum: ergo remanet eadem specie. — *2. de Generat. l. 4; de Spirit. Creat. l. c.*

3. Praeterea, dicit Philosophus (*2. de Generat. tert. 29; c. 4*), quod ex aere et terra corruptis humiditate et frigiditate generatur ignis, quia remanent propriæ qualitates ignis; ergo calor aeris et siccitas terræ sunt ejusdem speciei cum calore et seccitate ignis. — *2. de Generat. l. 4.*

RESPONDEO DICENDUM, quod qualitates symbolæ elementorum sunt ejusdem speciei. Quod manifestum est, *primo*, quia si differunt specie, essent octo qualitates propriæ; eadem enim est ratio de omnibus qualitatibus, quarum quælibet in duobus elementis invenitur. *Secundo*, quia quælibet qualitas specialiter tribuitur uni elemento, in quo est perfecte, et per derivationem alteri, in quo est imperfecte; unde cum ex hoc vere sit hic ignis, calor manet idem specie, sed augmentatus. (*de Spirit. Creat. a. 3, erg. 19.*) *Tertio*, unum uni tantum est contrarium, ut dicitur *1. de Cœlo (text. 10; l. 2) et 10. Metaphys. (text. 17; l. 9, 15)*; quod si qualitates symbolæ differunt specie, unum directe haberet duo contraria; calor enim ignis contrariaretur frigus terre et aquæ. (*1. de Cœlo l. 4; 10. Metaphys. l. 7, al. 3.*) *Quarto*, cum elementa possint ad invicem transmutari, quodlibet elementum ex quolibet generari potest, ut dicitur *2. de Generat. text. 24 (c. 4)*; id autem fieri non posset, si qualitates symbolæ specie differunt: non enim posset ignis ex aqua accidere aerem, et per consequens ex summe contrariis non posset fieri tertium (puta ex aqua et igne aer), ut vult Philosophus ibidem *text. 26 et 27*. Nam ignis agens inquam, vel conservat humiditatem aquæ et illam corruptit; — *si primum*, ergo

in aere facta ex igne et aqua remanet humiditas aquæ, et sic erit ejusdem speciei cum humiditate aeris; — *si secundum*, necesse est quod generetur alia humiditas; nam cum aer sit calidus et humidus, ultraquæ qualitas necessario requiritur ad hoc, ut aer generetur; non datur autem illum producens hanc humiditatem — non enim ignis, quia hic est calidus et siccus; neque aqua, quia jam non est, et si esset, tantum produceret humiditatem sibi propriam —: unde non posset aer produci, qui propriam humiditatem requirit. (*2. de Generat. l. 4.*) *Denum* probatur, quia ideo aliquando ex duobus elementis fit tertium, aliquando vero unum convertitur in aliud, ut dicitur *2. de Generat. text. 29 (c. 4)*: quia quando agunt ad invicem duo elementa omnino dissymbola, cum utraque qualitas propria corrumpatur, remanent aliae qualitates, quæ sunt propriæ tertii elementi; quando autem agunt ad invicem elementa symbola, remanet qualitas propria elementi agentis in passo (cum in ea enim illo conveniat), et inducit alia propria ejusdem agentis in passo, et sic agens in se passum convertit; non remaneret autem prædicta qualitas, nisi ejusdem speciei essent qualitates symbolæ. (*2. de Generat. l. 4.*)

Ad primum ergo dicendum, quod ideo aqua superinfusa igni illum extinguit, quia sic cadens obstruit ignem: impedit enim respirationem, qua impedita calidum reflectitur in scipsum et fortificatur; fortificatum autem resolvit humidum subtile et consumit ipsum, et remanet grossum, quod est ineptum ad nutriendum ignem; ipso autem humido subili resoluto et consumo pto consumitur ignis. — Ideo vero *cinis* conservat ignem, quia cum sit rarus, dat locum aeris circumstanti, ut possit intrare et ipsum ignem refrigerare; facta enim refrigeratione debilitatur calidum, quo debilitudo humidum diu salvatur et per consequens salvatur et calidum. — *de Juvent. et Senect. l. 3, 5 et 8.*

Ad secundum dicendum, quod ideo animalia quibus inest humidum pingue et aereum, sunt longioris vitæ, quia humidum

aerum est calidum, sicut et ipse aer: calidum autem non est de facili infrigidabile et coagulabile; animalia vero quibus inest humidum aqueum, ideo sunt brevioris vi-
tae, quia humidum aquaticum est grossum et frigidum et de facili infrigidabile et con-
gelabile. — *de Longit. et Brevit. Vite.* I. 3.

Ad tertium dicendum, quod sola aqua dicitur bene terminabilis, quia sola illa simul cum terra faciunt in mixto consistentiam, terminationem et figura-
tionem; sicut e contra terra sine aqua non potest continuari, sed in pulverem redigitur, ut docet Philosophus 4. *Meteorol.* c. 5 (4); et propterea ibidem vocat aquam primo humidam, quia nimurum in mixtis illa sola simul cum terra facit consistentiam et terminationem. — 2. *de Generat.* I. 8; 4. *Meteorol.* I. 7.

Ad quartum dicendum, quod calor non patitur in igne humiditatem, quia ignis constituitur per conjunctionem caloris cum siccitate, sicut aer constituitur per complexionem caloris cum humiditate; nam alioqui calor secundum se ita potest stare cum siccitate sicut cum humiditate, quamquam conjunctus cum una qualitate consti-
tuit unum elementum, conjunctus cum alia constituit aliud, ut dicitur 2. *de Generat.* (text. 46; c. 2). — 2. *de Generat.* I. 3.

Vel dic, quod ideo calor ignis non com-
patitur secum humiditatem, quia habet calorem in summo, qui omnino consumit humidum, unde est conjunctus cum siccitate; calor vero aeris est longe minor, quam sit calor ignis, quia virtus moventis est longe minor in aere tamquam in remoto, quam in igne tamquam in propinquuo; minus enim calefacit motus cœli materiam aeris (imo quam minime) quam ipsum ignem. — *Ibid.*

Ad quintum dicendum, quod calor ignis, cœlestis et animalis non sunt tres species caloris, sed unus tantum; nam sicut idem calor ignis ut instrumentum virtutis nutritivæ potest generare carnem, ut dicitur 2. *de Anima* (text. 50; c. 4), ita idem calor seminis ut est instrumentum virtutis animæ, quæ est in semine, et ut est instru-
mentum corporis cœlestis, cuius virtute agit,

potest operari ad generationem animalis. Ratio autem hujus est, quia vires animæ vegetativæ agunt per calorem et alias natu-
rales qualitates activas et passivas tamquam per instrumenta, licet altiori modo; unde et dicuntur naturales. Et ideo non est mirum, si idem calor ignis ex natura propria dis-
solvat et consumat, sed generet carnem ut instrumentum vegetativæ; instrumentum enim habet duplē actionem, unam re-
spondentem sibi ut est instrumentum, alteram propriam sibi ut est talis natura. — *de Pot.* q. 3, a. 8, ad 13 et 14; *Tabula Aurea* voce « anima » n. 360 et 361; 4. *Sent.* dist. 4, q. 4, a. 4, sol. 4.

Ad sextum dicendum, quod calor ignis est maxime activus, quia calor in igne est in summo et perfecte; secus vero calor in aere, in quo est imperfecte et non in sum-
mo, ut dictum est (*ad quartum*).

Ad septimum dicendum, quod gravitas terræ et aquæ differunt specie, quia conse-
quuntur complexiones et constituta specie diversa, ut dictum est ex Philosopho (cf. supra q. 37, a. 1); sicut et in simili, for-
ma mixtionis accidentalis specie differt jux-
ta diversitatem specificam mixtorum, quia consurgit ad specie diversam complexio-
nem, quam requirit diversa natura mixti producendi, ut dictum est.

Ad octavum dicendum, quod quia elemen-
ta sunt materia mixtorum, ratione materiæ et propriarum qualitatum necesse fuit, cum ex illis omnia mixta constent, ut dictum est (q. 42, a. 6), quod illæ qualitates, quæ sunt propriæ elementorum, participarentur ab aliis; quamquam proprietas, verbi gratia ignis, non est calor quilibet, sed calor in summo, ut dictum est; nam est cum summa siccitate conjunctus. — 2. *de Generat.* I. 3.

ARTICULUS VIII

UTRUM ELEMENTA HABEANT UTRAMQUE
QUALITATEM IN SUMMO.

Videtur quod elementa habeant utramque qualitatem in summo.

1. Dicit enim Philosophus (2 *de Generat.*

rat. text. 8; c. 2), quod elementa singula constant ex combinatione duarum qualitatum; sed ignis constituitur ex calore summo et summa siccitate: ergo et cetera elementa constabunt qualitatibus in summo, cum eadem sit ratio omnium elementorum.

— 2. *de Generat. l. 2 et 3.*

2. Praeterea, dicit Philosophus 5. *Phys. (text. 19; c. 2)*, quod remissio oritur ex admixtione contrarii; sed in quolibet elemento non sunt contrariae qualitates, cum ex duabus tantum constituantur, quae non contrariantur, ut patet ex Philosopho 2. *de Generat. (text. 8; c. 2)*: ergo in elementis utraque qualitas est in summo. — 5. *Phys. l. 4; 2. de Generat. l. 2.*

3. Praeterea, cum qualitates activæ et passivæ sint per se elementorum accidentia, oportet quod a principiis essentialibus causentur; unde non potest esse, quod principiis essentialibus manentibus in elementis qualitates deficiant et sint remissæ (nisi per violentiam, quod non potest esse diuturnum): ergo dicendum est, quod in elementis utraque qualitas est in summo. — *de Pot. q. 5, a. 7, c.*

4. Praeterea, dicit Philosophus (2. *de Generat. text. 25 sqq. ; c. 4*), quod ex aere et terra fit ignis, corrupta frigiditate terræ et humiditate aeris; sed si una qualitas non est in summo, non potest id fieri, quia si calor in aere est remissus, non erit sufficiens ad generationem ignis, cuius caliditas est in summo: ergo idem quod prius. — 2. *de Generat. l. 4.*

5. Praeterea, si in unoquoque elemento sunt duæ qualitates, ut dicit Philosophus (l. c.), et harum una est remissa, sequitur alterationem fieri in instanti. Si enim ignis ageret in aerem illius calorem augendo, tale augmentum fiet in instanti, cum non sit in aere qualitas contraria calori, puta frigidas. Sed alteratio est motus continuus, ut dictum est (q. 36, a. 5): ergo in quolibet elemento utraque qualitas est in summo. — 2. *de Generat. l. 2.*

6. Praeterea, cum unicuique elemento conveniat una qualitas, ut dicitur 2. *de Generat. text. 23 (c. 3)*, illa maxime debet

esse in summo, et non nisi posita illa in summo, debet elementum vendicans illam qualitatem generari, cum elementum constituitur ex combinatione qualitatum sibi propriarum; sed si ponatur una qualitas remissa, altera intensa, sequitur formam substantiam elementi induci in materiam sine summo gradu suæ propriæ qualitatis. Si enim verbi gratia aer per suam humiditatem agat in ignem, ubi destruxit sex gradus siccitatis remissæ ignis: vel in illo instanti inducetur forma aeris, vel non; si *primum*, ergo forma aeris inducetur sine summo gradu suæ qualitatis; si *secundum*, sequitur ignem remanere sine siccitate, quod est absurdum, cum ignis constituitur ex combinatione duarum qualitatum, caliditatis et siccitatis, ut dicitur 2. *de Generat. text. 16 et 17 (c. 3)*. Ergo in quolibet elemento est utraque qualitas in summo. — 2. *de Generat. l. 3.*

7. Praeterea, qualitas in summo intensa et propria unius elementi non potest manere in alio; quia cum talis qualitas sit accidens proprium uniuscujusque et ex illius essentia emanet, non debet alteri inesse, cum præsertim singula elementa qualitates sibi proprias vendicent, ex quibus maxime constituantur, ut patet ex Philosopho (l. c.); sed si una qualitas est remissa, sequitur qualitatem in summo et propriam unius elementi manere in alio (nam si aer agat in ignem, illius siccitatem destruendo, illam in se convertet; et sic forma aeris inducetur in materiam habentem calorem in summo, quia non est remittens illam; humiditas enim aeris non agit in calorem): ergo dicendum est in elementis esse utramque qualitatem in summo. — *de Pot. q. 5, a. 7, c.; 2. de Generat. l. 3.*

Sed contra est, quod Philosophus *de Generat. text. 37 (c. 6)* dicit, quod ignis est calidior aere, et *text. 23 (c. 3)*, quod unumquodque elementum habet unam qualitatem sibi propriam (nam terra est magis secca quam frigida, aqua frigida magis quam humida, aer humidus magis quam calidus, ignis magis calidus quam seccus);

ergo in singulis elementis non est utraque qualitas in summo. — 2. *de Generat.* I. 7 et 3.

RESPONDEO DICENDUM, quod in quibusdam elementis utraque qualitas est in summo; in quibusdam neutra est in summo, sed utraque est in gradu remisso; in quibusdam vero una est in summo, altera non, ut ex mox dicendis manifeste constabit.

— Primum enim in *igne* utraque qualitas est in summo: — et *calor* quidem, tum ob ignis nobilitatem (vincit enim ignis nobilitate reliqua elementa), tum ob majorem propinquitatem quam habet ad corpus cœlestes, tum quia cum sit calidorum omnium calidissimum, debet præhabere in se calorrem perfectissimo modo: nam unumquodque inter alia maxime dicitur, ex quo causatur in aliis aliquod univoce prædicatum de illis, ut dicitur 2. *Metaphys. text.* 4 (I. 4 min., c. 4), ubi Philosophus talem propositionem maxime explicat exemplo ignis. (2. *Metaphys.* I. 2.) — *Siccitas* vero: quia cum oriatur ex calore et frigore (*calor* enim humidum consumit, *frigus* vero illud comprimit), et potentior sit *calor* ad humidum tollendum quam *frigus*, necesse est ut in igne, in quo est summus *calor*, sit summa siccitas, propter excessum caliditatis, quasi jam humiditate consumpta. (1. *de Generat.* I. 10; 2. *de Generat.* I. 3; *de Sensu et Sensibili* I. 10.)

In *aere* vero neutra qualitas est in summo: — non quidem *calor*, quia est remotior a cœlo quam ignis; virtus autem moventis est minor in remoto quam in propinquio. — Neque *humiditas*, quia cum non sit in aere summus *calor* (propter majorem distantiam a prima causa caloris, quæ est corpus cœlestes), non totaliter resolvitur *humiditas*; unde necesse est quod remaneat in aere in gradu remisso. (2. *de Generat.* I. 3; *de Sensu et Sensibili* I. 10.)

In *aqua* vero una tantum qualitas est in summo, puta *humiditas*. Ut enim docet Philosophus (2. *de Generat. text.* 49; c. 7), inter simplicia sola aqua est bene terminabilis, et ideo est maxime necessaria in omnibus mixtis; quod idem docet 4. *Meteorol.* c. 5(4). Et ratio est, quia est causa termina-

tionis omnibus mixtis et proprius locus primorum animalium; præterea, quia in aqua est frigiditas faciens ad se fluere humidum quod non facit calor in aere: unde est humidior aere. Quod sensu etiam patet, quo inanimatus sensibilia; manifestum enim e omnibus habentibus sensum tactus, quod aqua humidior est quam aer: magis enim humectat et madefacit quam aer, qui percutius exsiccat, cum sit calidus. Et temporum pluviarum aqua intendit humiditatem aeri unde et aer tunc temporis dicitur humidior. Et hinc est quod oleum et humic viscosa, quæ sunt humida humiditate aerae sunt minus humida quam humida aqua, ut docet Philosophus (2. *de Generat. text.* 11; c. 2), quia nimis tale humidus est aliquid passum, puta commixtione subtilis terrei. (2. *de Generat.* I. 2, 3, 8. 4. *Meteorol.* I. 7; *de Sensu et Sensibili* I. 10. — *Frigiditas* vero non est in aqua in summo, sed est minor quam in terra: tum quia terra est densissima; tum quia, sicut *calor* causatur ex propinquitate ad orbem cœlum enim, ut dicitur 1. *Meteorol.* c. 4(3) est causa caloris totius in inferioribus ratione motus velocissimi et ratione lumen — , ita *frigiditas* causatur ex distarria ab orbe. Inter omnia autem elementa magis distat a cœlo *terra* quam *aqua*; unde terra est omnium frigidissima, sicut ignis oportunitatem ad cœlum est omnium calidissimus. Et per consequens *frigiditas* non est in aqua in summo, sed est in summo in terra, unde haec est summe frigida; non tamen est summe siccata, cum in siccitate vinclatur ab igne, ut dictum est. (2. *de Generat.* I. 3; 1. *Meteorol.* I. 4; *de Sensu et Sensibili* I. 10.)

Unde manifestum est, quod non in singulis elementis est utraque qualitas in summo, sed in quibusdam est utraque in summo, ut in igne; in quibusdam vero neutra est in summo, ut in aere; et in quibusdam una est in summo, et altera est remissa ut in aqua et terra.

Ad primum ergo dicendum, quod elementa ita constituuntur duabus qualitatibus ut in tali constitutione habeatur ratio ordi-

is et dependentiae elementorum a celo, ex cuius virtute et actione dependet omnis actio omnium corporum inferiorum, ejusque motus ordinatissimus est quodammodo principium totius naturalis ordinis rerum; nam virtute corporum superiorum causatur ordo corporum inferiorum, et ratione majoris vel minoris propinquitatis in elementis causantur qualitates in tali vel tali gradu, ut dictum est (in c.). — *Tabula Auct.* a voce «celum» n. 69 et 89; voce «elementum» n. 24.

Ad secundum dicendum, quod omnis emissio facta in passo ab agente contrario est per admixtionem contrariorum; nam agens per eandem actionem inducit qualitatem contrariam passo, et corruptit qualitatem assi. Omnis enim actio in inferioribus est ratione contrarietas, ut ostendit Philosophus *de Sensu et Sensibili* (c. 4); at vero emissio facta in re a suo generante non est per admixtionem contrariorum: natura enim talis elementi in proposito exigit constitutionem duarum qualitatum, ut dictum est (in c.). — 5. *Phys.* I. 4; *de Sensu et Sensibili* I. 10.

Ad tertium dicendum, quod aliud est, aenentiibus principiis essentialibus proprietates totaliter deficere, vel certe deficerent ab illo gradu, quem requirunt ex natura sua; aliud vero, tales proprietates esse gradu remisso in tali subjecto. Nam primum inconveniens est, non autem secundum, quia natura talis subjecti exigit in sua proprietate talem gradum. — *de Pot.* 5, a. 7, c.

Ad quartum dicendum, quod ex terra aere sit ignis purus, corrupta frigiditate terrae et humiditate aeris; quia licet illa caliditas non sufficiat, juvatur tamen et tenditur per victoriam corporis cœlestis luce solis et per virtutem aliarum stelrum. — 2. *de Generat.* I. 4.

Ad quintum dicendum, quod quia in iteratione qualitatum successio oritur ex parte, quod in paciente est qualitas contraaria, quæ resistit actioni agentis alterantis, nam oportet successive expelli; — ideo argumentum caloris fit ab igne in materia

aeris in instanti, quia nulla est in aere qualitas contraria resistens igni intendentis calorem aeris; unde fit talis intensio ad modum illuminationis, quæ subito fit, quia non habet contrarium. Non tamen inducitur forma substantialis ignis, nisi expulsa humiditate et siccitate, quod fit in tempore, ratione contrariarum qualitatum resistentium igni alteranti aerem et terram. — 2. *Sent.* dist. 13, q. 1, a. 3, ad 9; *de Sensu et Sensibili* I. 16.

Ad sextum dicendum, quod forma elementi determinat sibi talem passionem primam et in tali gradu, ut dictum est. Aer autem non est humidus in summo, ut dictum est. Unde corruptis sex gradibus siccitatis ignis, statim corruptitur forma ignis, qui requirit plures gradus siccitatis ad sui conservationem quam unum; et inducitur forma aeris, quam consequitur calor in eo gradu, qui est proprius aeris. — *Ibid.*

Ad septimum dicendum, quod formam substantialiem aeris consequitur calor in eo gradu, qui est illi proprius; hoc enim est proprium accidentium per se, ut manifeste patet in reductione aquæ ad pristinam frigiditatem, ut dictum est (supra q. 9, a. 4, ad 9). Et ideo nihil refert, quod ante instantis inductionis formæ aeris sit in materia calor ut octo et humor ut septem; nam cum in ea sit dispositio necessitans ad formam substantialiem aeris, et cum illa non possit stare forma ignis, necessario debet hæc destrui, et advenire forma aeris. — *de Spirit. Creat.* a. 3, arg. 19; *de Pot.* q. 5, a. 7, c.

Ad argumentum in contrarium dicendum, quod Philosophus 2. *de Generat. text.* 37 satis expresse indicat, aerem non esse calidum in summo, ut dictum est (in c.). In *textu* vero 23 tantum vult, quod unumquodque elementum habet unam qualitatem sibi propriissimam ac primo et immediate convenientem. Cum enim ignis sit sicca in summo, ut dictum est, dicitur a Philosopho magis calidus quam sicca, quia magis proprio qualitas ejus est calor quam siccitas; unde *de Sensu et Sensibili*



(c. 4) dicit Philosophus, quod sicca est natura ignis; sed proprium illius calidum est. Verum siccitas licet sit remissa in terra, ut dictum est (in c.), primo tamen et immediate illi convenit, ut infra (q. 47, a. 3) ostendetur, et docet Philosophus ibidem, cum subdit «terræ vero siccum, sicut dictum est in his, quæ de elementis». — 2. *de Generat.* I. 3; *de Sensu et Sensibili* I. 10.

QUÆSTIO XLVI

DE MUTUA TRANSMUTATIONE ELEMENTORUM.

Deinde considerandum est de mutua transmutatione, seu de generatione et corruptione mutua elementorum.

CIRCA QUAM QUÆRUNTUR QUATUOR:

1. Utrum elementa sint generabilia et corruptibilia.
2. Utrum quodlibet elementum possit immediate generari ex quolibet.
3. Utrum elementa symbola facilius transmutentur quam dissymbola.
4. Utrum ex duobus elementis dissymbolis corruptis fiat tertium.

ARTICULUS I

UTRUM ELEMENTA SINT GENERABILIA ET CORRUPTIBILIA.

Videtur quod elementa non sint generabilia et corruptibilia.

1. Quod enim est materia, non potest resolvi in aliam materiam; sed elementa sunt materia mixtorum, ut dictum est ex Philosopho (2. *de Generat.* text. 46; c. 7): ergo elementa non sunt generabilia et corruptibilia. — 5. *Phys.* I. ult.; 2. *de Generat.* I. 8.

2. Præterea, si elementa essent generabilia et corruptibilia, totus mundus destrueretur: nam totum destruitur destructis partibus; elementa autem sunt partes, et præcipuae universi, ut dictum est: ergo ele-

menta non sunt generabilia et corruptibilia — 2. *de Generat.* I. 2.

3. Sed dices, quod elementa non sunt corruptibilia secundum totum, sed secundum partes. — Contra, eadem est natura et ratio totius et partis; unde Philosophus (4. *de Cœlo* text. 73; c. 7) dicit, quod idem est motus totius et partis, ut totius ignis et scintille; sed totum elementum non est generabile et corruptibile: ergo nec pars. — 2. *Sent.* dist. 19, a. 2, ad 2; 1. *de Cœlo* I. 15; 2. c. *Gent.* c. 90.

4. Præterea, ut argumentatur Philosophus (3. *de Cœlo* text. 54; c. 6), omne quod fit, necessario est in aliquo loco, nam omnes motus sunt in aliquo loco (5. *Phys. text.* 8; c. 4). Ergo necesse est quod locus, in quo est elementum, quod generatur nunc, prius fuerit sine corpore, aut contineat aliquod corpus. Si autem *contineat* aliquod *corpus*, sequitur quod duo corpora sint simul, scilicet elementum quod generatur et corpus quod præexistebat; quod est impossibile (non enim potest dici, quod corpus præexistens cedat; si enim cederet, in illo eodem in quo elementum generatur, oportet ipsum cedere; hoc autem generatur in instanti ergo in instanti cederet; quod est impossibile, quia cessio non fit nisi per motum localem, qui non est in instanti). — Si autem sit *sine corpore*, cum posterius recipiat corpus, necesse est esse vacuum separatum (vacuum enim dicimus, quod est privatum corpore sensibili et natum est recipere illud); hoc autem est impossibile, ut dicitur 4. *Phys.* (text. 64 sqq.; c. 8). Ergo et primum, puta elementa posse generari. — 3. *de Cœlo* I. 10.

Sed contra, Philosophus 2. *de Generat.* text. 24, 25 (c. 4) et 60 (c. 10) dicit, quod elementa sunt transmutabilia, atque adeo generabilia et corruptibilia secundum partes. — 2. *de Generat.* I. 1, 4, 10.

RESPONDEO DICENDUM, quod elementa non sunt generabilia et corruptibilia, seu transmutabilia secundum totum. Cujus ratio est, quia ita contraria sunt elementa in mundo, sicut sunt contrariæ qualitates in mixto.

unde sicut qualitates contrariae in mixto non
se invicem corruptunt, quia regulantur
et conservantur, ne se mixtu corruptant
per formam substantiam mixti (quae est
impressio quedam cœlestis corporis), —
a contraria elementa non se invicem cor-
ruptunt, quia conservantur per actionem
corporis cœlestis, a quo actiones eorum
regulantur. Ordo enim corporum inferiorum
conservatur virtute superiorum; nihil enim
in istis inferioribus agit ad speciem, nisi
per virtutem corporis cœlestis; unde quam-
cum in forma habet suum vigorem, ex impres-
sione corporis cœlestis conservator et ele-
mentum secundum totum et corpus mixtum
esse. — 2. *Sent.* dist. 19, a. 1, 2, 3;
Malo q. 5, a. 5, ad 6.

Sunt autem corruptibilia elementa *secun-*
m partes; — ut patet *primo* experientia:
demus enim ad sensum, quod eadem mate-
ria, quæ nunc est sub frigiditate aquæ, ali-
quando fuit sub caliditate aeris, et quod erat
sub caliditate aeris, aliquando est sub
caliditate ignis. (2. *de Generat.* l. 1.) *Dein-*
que, quia omnis generatio est ex contra-
ris et in contraria; habent autem elementa
contrariatem ad invicem; nam eorum dif-
ferentiae sunt contrariae: ignis enim est ca-
lidus et sicceus, aer calidus et humidus,
qua frigida et humida, terra frigida et
seca. (*Ibid.* l. 4.) *Præterea*, ex elementis
generantur mixta; non possent autem hæc
ex illis generari, si manerent elementa in-
transmutata, ut docet Philosophus (2. *de*
Generat. text. 46; c. 7); si enim componan-
tur et congregentur elementa in unum re-
manentibus formis et operibus suis, sic
ignis in una parte compotus erit adurens,
aqua fluens, terra incontinua, aer exspansus; similiter ignis non ligatus evolabit sur-
sum, terra autem descendet deorsum, et sic
unquam constabit, ut faciat ossa et carnes
hujusmodi. (*Ibid.* l. 8.) *Demum*, si ele-
menta sunt intransmutabilia, sequitur tolli
ligamentum elementi, quia si elementa non
transmutantur, oportet quod ignis augmen-
tum fiat per hoc, quod ignis addatur
teri sicut lapis lapidi; hoc autem non
est augmentum, sed accumulatio. (*Ibid.*

l. 7.) — Unde manifestum est, quod ele-
menta secundum partes sunt generabilia et
corrupcibilia.

Ad primum ergo dicendum, quod ele-
menta componuntur ex materia et forma, et
ideo non est mirum, si ipsa sint materia
mixtorum, et rursum per corruptionem re-
solvantur in aliam materiam priorem. —
2. *de Generat.* l. 2.

Ad secundum dicendum, quod elementa
non sunt transmutabilia secundum totum,
sed secundum partes, ut dictum est (in c.).

Ad tertium dicendum, quod ideo elemen-
ta secundum totum non transmutantur,
quia mundus destrueretur, cum sint partes
essentialis universi, et quia conservantur a
cœlo, ut dictum est (in arg. 2); secundum
partes vero corruptuntur, quia habent con-
trariatem; et sol est causa totius genera-
tionis per motum: modo enim accedit, et
modo recedit.

Vel dic, quod tripliciter aliquid dicitur
non ens, ut docet Philosophus (12. *Meta-*
phys. tert. 11; l. 11. c. 2): *uno* modo,
quod nullo modo est; et ex tali non ente
nihil fit, quia ex nihilo nihil fit secundum
naturam. *Secundo* dicitur non ens ipsa pri-
vatio, quæ consideratur in aliquo subjecto;
et ex tali non ente fit quidem generatio, sed
per accidens, in quantum generatio fit ex
subjecto, cui accidit privatio. *Tertio* dicitur
non ens ipsa materia prima, quia, quant-
um est ex se, non est ens actu, sed ens in
potentia; et ex tali non ente fit generatio
per se. — 12. *Metaphys.* l. 2 (1).

Ad quartum dicendum cum Philosopho
(3. *de Cœlo* text. 29; c. 2), quod cum
quoddam corpus particulare generatur ex
alio corpore, ut ignis ex aere, ante genera-
tionem ignis aer erat in eodem loco, et sic
non est vacuum; neque sequitur quod duo
corpora sint in eodem loco, quia ideo gene-
ratur ignis ex aere, quia materia aeris est
in potentia ad formam ignis, ad cuius proin-
de adventum desinit esse forma aeris. —
3. *de Cœlo* l. 8 et 11.

ARTICULUS II

UTRUM QUODLIBET ELEMENTUM EX QUOLIBET
IMMEDIATE GENERARI POSSIT.

Videtur quod non quodlibet elementum ex quolibet generari possit.

1. Dicit enim Philosophus (*1. Phys. text. 44; c. 5*), quod quodlibet non fit ex quolibet; sed id contingere, si ex quolibet elemento fieret quodlibet: ergo quodlibet elementum non fit ex quolibet. — *4. Phys. l. 10*.

2. Praeterea, impossibile est propria accidentia reperiri sine propriis subjectis; ergo si calor est proprium accidens ignis, et frigus aquæ, impossibile est calorem et frigus esse in alio subjecto quam in igne et aqua; at si unum elementum generaretur ex quolibet alio, calor ignis esset in alio elemento ex illo generato: ergo idem quod prius. — *1. de Generat. l. 2*.

3. Praeterea, dicit Philosophus (*2. de Partibus Animul. c. 2*), quod ignis non potest frigidus fieri; sed si quodlibet elementum posset generari ex quolibet, ignis fieri posset ex aqua et terra, et sic frigidus fieret: ergo quodlibet elementum ex quolibet generari non potest. — *2. de Anima l. 23*.

4. Praeterea, dicit Philosophus (*5. Phys. text. 22; c. 3*), quod mutatio debet fieri per medium, cum sit ab extremo in extremum; sed inter elementa duo extrema sunt ignis et terra: ergo ex igne non potest generari terra, nisi prius ex igne generetur aer, et ex aere aqua, et ex aqua terra; et ita non quodlibet elementum generabitur immediate ex quolibet. — *5. Phys. l. 5*.

5. Praeterea, quod generatur ex aliquo, præexistit in illo; sed quod præexistit in alio, non potest esse minus grave vel leve, quam sit in se (nam inexistentes et separatum non est majoris virtutis secundum quod hujusmodi, quare nec erit gravius vel levius): ergo cum aer sit gravior igne, non poterit generari ex igne, quia ut in illo præ-

existit, esset levior se ipso; ergo quodlibet elementum non fit ex quolibet. — *3. de Cœlo l. 11*.

Sed contra est, quod Philosophus *2. de Generat. (text. 24; c. 4)* dicit, quod ex quolibet elemento generari potest quodlibet elementum; et *3. de Cœlo (text. 53, 54, 55; c. 6)* probat, quod elementa sunt generabilia, et quod non generantur ex non corpore, nec ex alio corpore, nec quodlibet ex seipso, sed generantur ex se invicem mutuo. — *2. de Generat. l. 8; 3. de Cœlo l. 11*.

RESPONDEO DICENDUM, quod elementum quodlibet ex quolibet immediate generari potest. Quod manifestum est: — *primo* sensu; videmus enim elementa ad invicem genita; ex igne enim aliquando generatur aer, solum transmutato sicco; aliquando aqua, transmutata utraque qualitate; aliquando terra, solum transmutata calido; et similiter est in aliis. — *Deinde* ratione: quia nisi ita esset, non esset alteratio inter illa secundum passiones tacitus, quam tamen videmus inter illa passiones autem inter se prædominante transmutant elementorum substantiam. — *Praeterea*, quia quæcunque sunt contraria, ad invicem transmutantur; nam omnis transmutatio est ex contrario in contrarium (quod enim transmutatur, exi ab illo, a quo transmutatur — moveri enim est, aliter se habere nunc, quam prius; — exiens autem ab illo, a quo transmutatur, oportet ire in aliud, qui non potest ire in privationem omnis speciei quæ per se non invenitur; nec etiam in aliud, quod potest existere cum illo, cui quo transmutatur, quia tunc non necessari transmutatum esset ex illo; quare necessario transmutatur in formam non potenter existere cum illo, tale autem est contrarium: et ita omne quod transmutatur, transmutatur ex contrario in contrarium); omnia autem elementa, sive symbola sive dissymbola, sunt contraria in utraque vel altera qualitate. (*4. de Cœlo l. 2.*) Unde manifestum est, quod ex quolibet elemento potest immediate gene-

rari quodlibet. — 2. *de Generat.* l. 4 et 6.

Ad primum ergo dicendum, quod ideo ex quolibet non sit quodlibet, quia actio non potest fieri inter quæcumque immediata, sed unumquodque sit ex opposito; et ideo ex quolibet elemento potest fieri quodlibet elementum, quia quodlibet est cuiuslibet contrarium vel ratione utriusque qualitatis vel ratione alterius tantum, ut dictum est (in c.). — 1. *Phys.* l. 10.

Ad secundum dicendum, quod calor non est proprietas ignis, nisi quatenus est in summo; potest tamen participari ab alio in gradu remisso, ut dictum est (q. 45, a. 8).

Ad tertium dicendum, quod sensus Philosophi est, quod ignis, quia formalior est, non potest amittere suam naturalem qualitatem (puta calorem), ita ut frigescat omnino, ad differentiam aeris et aquæ, quæ possunt sic alterari, ut amittant suam naturalem qualitatem, ut dictum est (in Logica q. 10, a. 3, quæstiunc. 6, ad 1). — 2. *de Anima* l. 23.

Ad quartum dicendum, quod maxima Philosophi vera est in motu continuo, sive locali sive alterationis sive augmentationis, ut patet ex contextu; at vero transmutatio substantialis elementorum non sit per motum continuum, sed per generationem, quæ est mutatio instantanea, ut dictum est (supra q. 38, a. 2, c.). — 5. *Phys.* l. 5.

Ad quintum dicendum, quod aliud est generari ex alio per alterationem, et aliud per segregationem; quod enim per alterationem generatur, præexistit in potentia tantum, et idco postquam generatum est in actu, est gravius vel levius simpliciter. Quod autem generatur solum per segregationem, prius existebat in actu in eo, ex quo generabatur; inexistens autem, et separatum non est majoris virtutis, secundum quod hujusmodi; quare nec est gravius nec levius. Sic autem dicebant antiqui fieri generationem, quos refellit Philosophus 3. *de Cœlo* (text. 56 sqq.; c. 7). — 3. *de Cœlo* l. 41.

ARTICULUS III

UTRUM ELEMENTA SYMBOLA FACILIUS AD INVICEM TRANSMUTENTUR QUAM DISSYMBOLA.

Videtur quod elementa symbola non facilius transmutantur ad invicem quam dissymbola.

1. Dicit enim Philosophus (1. *de Generat.* text. 23 et 24; c. 4), quod in generatione substantiali non manet ullum accidentis sensibile idem numero; ergo in generatione et transmutatione non erit facilior transitus symbolorum quam dissymbolorum, eo quod oportebit utramque qualitatem removeri (sicut in transmutatione dissymbolorum), et simile corrumpi a suo simili (nam generans corruptit id, quod prius erat), quod tamen dici non potest; ergo elementa symbola non facilius transmutantur ad invicem, quam dissymbola. — 1. *de Generat.* l. 10; 2. *de Spirit. Creat.* a. 3, arg. 19.

2. Sed dices, quod in transmutatione symbolorum una qualitas per se corruptitur, altera vero symbola per accidens; at in transmutatione dissymbolorum utraque qualitas per se corrupti debet. — Contra, eadem est proportio unius ad unum, et duorum ad duo; ergo qua facilitate symbolum per unam qualitatem corruptit oppositam in symbolo, eadem dissymbolum per duas qualitates corruptit oppositas dissymboli.

3. Praeterea, patet sensu, facilius absumi guttam aquæ ab igne quam partiem terræ; sed terra est symbola igni, aqua dissymbola: ergo falsum est, quod facilius symbola ad invicem transmutentur quam dissymbola.

Sed contra est, quod Philosophus 2. *de Generat.* text. 25 (c. 4) dicit, quod facilius elementa symbola ad invicem transmutantur quam dissymbola; et text. 34 (c. 5) dicit, quod symbola citius transmutantur quam dissymbola. — 2. *de Generat.* l. 4 et 5.

RESPONDRE DICENDUM, quod elementa symbola faciliter transmutantur quam dissymbola. Et ratio hujus est, quia, cum symbola convenient in una qualitate, in eorum transmutatione non est necesse corrumpi nisi unam qualitatem; at in transmutatione dissymbolorum, cum in nulla qualitate convenient, necesse est corrumpi utramque qualitatem. Facilius autem est transmutari unum quam plura. Cujus ratio duplex afferri potest: *una* est, quia *similitudine* quando anima est in actu unius potentiae, remittitur actus alterius, eo quod una potentia impeditur in suo actu, quando alia vehementer operatur (quia una potentia de se non sufficit ad tam intensam operationem, nisi ei subveniatur per id, quod erat aliis potentiarum influendum a principio vitae): *ita* proportionaliter, quando forma est in actu unius qualitatis, remittetur actus alterius, et ita citius operabitur per unam qualitatem agendo, quam per duas. — *Altera* est, quia qualitas symbola nullam facit repugnantiam in agendo et patiendo, quam tamen facit qualitas dissymbola: quia cum qualitates elementorum causentur ab ipsis formis substantialibus ipsorum, illa elementa, quae majorem habent convenientiam in qualitatibus, necessario habent maiorem convenientiam in formis substantialibus; et per consequens in dispositionibus materiae debent faciliter ad invicem transmutari. Unde licet oporteat in transmutatione symbolorum ambas qualitates corrumpi; quia tamen qualitas symbola corrumpitur per accidens ad corruptionem subjecti, eademque nullo modo resistit, cum tamen contraria resistat (per calorem enim nec aer habet repugnantiam ad patiendum ab igne ipsum exsiccante, nec ignis habet repugnantiam ad agendum in aerem, quia calor potest stare cum siccitate; at propter frigiditatem aquae habet ignis majorem repugnantiam agendi in aquam, quia haec per illam resistit actioni ignis, et ratione ejusdem, quia est in aqua conjuncta cum humiditate, magis haec resistit siccitati ignis, quam resistat humor aeris ob conjunctionem cum calore actioni ignis): ideo facilior

est transitus et transmutatio symbolorum, quam dissymbolorum. — 1. *de Generat.* I. 10; 2. *de Generat.* I. 4 et 5; 4. *Sent.* dist. 44, q. 2, a. 1, sol. 3, ad 4, § *Vetus dicendum; de Spirit. Creat.* a. 3, ad 19.

Et ex his patet ad *prima duo objecta*.

Ad tertium dicendum, quod ceteris partibus si sole qualitates considerentur, symbola faciliter transmutantur, quam dissymbols, ut dictum est (in c.); secus vero si alia considerentur, quae faciunt ad majorem resistantiam, ut est densitas materiae, quae est in terra; quo enim aliquid est densius in corporibus elementaribus, eo magis materiale est et passivum. — 2. *de Cœlo* I. 10.

ARTICULUS IV

UTRUM EX DUOBUS ELEMENTIS DISSYMBOLIS CORRUPTIS POSSIT GENERARI TERTIUM ELEMENTUM SYMBOLUM.

Videtur quod ex duobus elementis dissymbolis non possit generari tertium elementum symbolum.

1. Dicit enim Philosophus (*2. Phys. text.* 37; c. 3), quod effectus in actu simul est cum efficiente in actu; sed si ex duobus elementis dissymbolis corruptis posset generari tertium symbolum, daretur effectus in actu, puta symbolum generatum sine suo efficiente: ergo. — 2. *Phys.* I. 6.

2. Præterea, si ex duobus dissymbolis corruptis generari potest tertium symbolum, ex aere et terra corruptis poterit generari ignis, corrupta nimis frigilitate terræ et humiditate aeris; sed siccitas terræ et calor aeris non sufficiunt ad generationem ignis: nam ignis est calidior aere et siccior terra, ut dictum est (*supra* q. 45, a. 8): ergo ex duobus dissymbolis non potest generari tertium symbolum. — 2. *de Generat.* I. 4.

3. Præterea, impossibile est duo se mutuo corrumpere, quia nunquam aliquid corrumpitur, nisi propter victoriam corruptentis super ipsum ex debilitate virium ejus; sed ex duobus dissymbolis corruptis non potest

generari tertium, nisi illa dissymbola se invicem corrumpant: ergo idem quod prius. — 2. c. *Gent.* c. 30; 5. *Metaphys.* l. 14.

4. Præterea, ex materia elementorum cum qualitatibus illorum refractis consurgit mixtum, ut dictum est (q. 42, a. 2); sed cum ignis et aqua se corrumpunt (quæ sunt dissymbola), remanet materia utriusque elementi cum qualitatibus illorum refractis: ergo ex duobus dissymbolis corruptis non generatur tertium symbolum.

Sed contra est, quod Philosophus (2. *de Generat. text.* 29; c. 4) dicit, quod ex duobus dissymbolis corruptis generatur tertium symbolum. — 2. *de Generat.* l. 4.

RESPONDEO DICENDUM, quod ex duobus elementis dissymbolis invicem corruptis potest generari tertium symbolum. Et ratio est, quia si altera qualitas uniuscujusque elementorum dissymbolorum corrumpatur, non est ad invicem generatio; sed tamen potest aliquod tertium generari, sicut ex igne et aqua, quæ sunt dissymbola, poterit generari terra et aer; et ex aere et terra, ignis et aqua (quando enim aquæ frigiditas corrumpitur et siccitas ignis, fit aer, qui est calidus et humidus; quando vero calor ignis et humiditas aquæ corrumpuntur, remanet siccitas ignis et frigiditas aquæ, et sic generatur terra frigida et sicca. Similiter ex aere et terra potest generari ignis et aqua: quando enim aeris calor et siccitas terræ corrumpuntur, remanet humiditas aeris et terræ frigiditas, et sic generatur aqua frigida et humida; quando vero humiditas aeris et frigiditas terræ corrumpuntur, remanet caliditas aeris et siccitas terræ, et sic generatur ignis calidus et siccus). Hæc autem generatio ignis concessa est ab omnibus, quia ad sensum apparet, quod in lignis, in quibus est humiditas aeris, generatur flamma, quæ maxime ignis est inter ea, quæ naturæ igneæ sunt apud nos; flamma autem nihil aliud est nisi fumus accensus; fumus autem est ex terra et aere, et humiditas aerea exspirans et secum trahens partes

terrestres (propter quod denigrantur ea, quæ tangit).

In hac tamen generatione *notandum est*, quod semper necesse est vincere alteram activarum qualitatum et alteram passivarum, ut si ex igne et aqua debet generari aer, ita debent ignis et aqua se habere, ut unum excedat alterum in una qualitate et excedatur ab illo in altera, ut in proposito calor ignis multum excedat frigiditatem aquæ, et humiditas aquæ excedat siccitatem ignis. Nam talia tunc se mutuo poterunt destruere: humiditas enim aquæ destruet siccitatem ignis, hujus vero calor frigiditatem aquæ, et sic utraque forma (ignis scilicet et aquæ) recedet, et remanebit una materia calida et humida, quam sequitur forma aeris; alioqui non erit possibilis conjunctio elementorum ad tertium generandum. — Et propterea generatio tertii non potest fieri nisi in transmutatione *dissymbolorum*, non autem cum symbola invicem agunt et altera qualitas in utroque corrumpitur, quia tunc non manent illæ qualitates pro tertio elemento: — quia illa qualitas, quæ relinquitur, aut est eadem aut contraria; et si quidem fuerit *eadem* in utroque (puta calor in igne et aere), non generabitur aliquod tertium elementum, quia ex una qualitate non potest generari elementum; si autem fuerit *contraria* (puta siccitas ignis et humiditas aeris), cum sit ista conjngatio impossibilis, nec tunc poterit generari tertium elementum. Similiter autem est in aliis elementis, scilicet in terra et aqua: quia in omnibus talibus una qualitas est eadem, et altera contraria. — Unde patet, quod non nisi ex dissymbolis elementis invicem corruptis potest generari tertium elementum. — 2. *de Generat.* l. 4.

Ad primum ergo dicendum, quod sicut in generatione animalium ex putri, ubi deest generans animatum, supplet vis cœlestis corporis inferiori materiæ impressa, ut dictum est (supra in *Physica* q. 41, a. 5, ad 10); ita similiter in generatione elementi symboli ex duobus dissymbolis corruptis, cum præsertim, ut dictum est (a. 4 huj. quæst., in c.), nihil in istis inferioribus

agat ad speciem, nisi per virtutem corporis cœlestis.

Ad secundum dicunt quidam, quod non intendit Philosophus, quod ex aere et terra generetur purus ignis, sed aliquid quod maxime participet naturam aeris, sicut exemplificat de flamma. Sed hoc dici non potest, quia Philosophus loquitur de generatione elementorum, et non mixtorum ex elementis; et præterea etiam caliditas flammæ multo intensior est quam caliditas aeris. — Et ideo dicendum, quod generatur purus ignis; et licet caliditas illa non sufficiat, juvatur tamen et intenditur per virtutem corporis cœlestis et luce solis, et per virtutem aliarum stellarum. — 2. *de Generat.* I. 4.

Ad tertium dicendum, quod ideo dissimulta se corrumpunt, quia unum vincit aliud per unam qualitatem activam, et vincitur ab alio per qualitatem passivam, ut dictum est (in c.).

Ad quartum dicendum, quod ad generationem elementorum sufficit combinatio et conjunctio duarum qualitatum; at vero ad generationem mixtorum requiritur conjugatio et conjunctio omnium qualitatum in tali temperie, qualem requirit forma mixti generandi, ut dictum est (q. 42 et 45).

QUÆSTIO XLVII

DE ELEMENTIS IN PARTICULARI.

Deinde considerandum est de elementis in particulari.

CIRCA QUAM QUÆTUNTUR TRIA:

1. Utrum ignis sit calidus et siccus, aer calidus et humidus, aqua frigida et humida, terra frigida et sicca.
2. Utrum ignis habeat ambas qualitates in summo, et similiter alia elementa.
3. Utrum ignis sit magis calidus quam siccus, aer magis humidus quam calidus, aqua magis frigida quam humida, terra magis sicca quam frigida.

ARTICULUS I

UTRUM IGNIS SIT CALIDUS ET SICCUS, AER CALIDUS ET HUMIDUS, AQUA FRIGIDA ET HUMIDA, TERRA FRIGIDA ET SICCA.

Videtur quod *ignis* non sit siccus.

1. Dicit enim Philosophus 2. *de Generat.* (text. 10; c. 2), quod subtile est effectus humidi, et ad humidum reducitur, quia est repletivum et bene terminabile termino alieno; sed ignis est corpus subtilissimum, ut dicitur 3. *de Cœlo* (text. 42, 43, 47; c. 5): ergo ignis non est siccus, sed potius humidus. — 2. *de Generat.* I. 2; 3. *de Cœlo* I. 9.

2. Præterea, virtus manifestatur per operationem, sicut natura per virtutem; sed ignis humectat: assata enim ab igne sunt magis humida interius quam elixa, ut docet Philosophus (4. *Meteorol.* c. 4, al. 3): ergo ignis non est siccus, sed humidus. — 4. *Sent.* dist. 47, q. 2, a. 1, quæstiunc. 3, arg. 2; 4. *Meteorol.* I. 6.

Videtur quod *aer* non sit calidus et humidus.

3. Dicit enim Philosophus 2. *de Generat.* (text. 31; c. 5), quod aer est frigidus; et 1. *de Generat.* (text. 24; c. 4), quod aer et aqua sunt symbola, quia sunt ambo frigida: ergo aer non est calidus. — 2. *de Generat.* I. 5; 1. *de Generat.* I. 10.

4. Præterea, dicit Philosophus 1. *Meteorol.* c. 4 (3), quod pars aeris, quæ non circa terram sed longius distat, est calida et sicca; ergo aer non est humidus, sed siccus. — 1. *Meteorol.* I. 4.

5. Præterea, dicit Philosophus *de Sensu et Sensibili* (c. 4), quod aqua inter omnes humores est subtilissima; sed aer est subtilior aqua: ergo aer non habet humiditatem. — *de Sensu et Sensibili* I. 9.

6. Præterea, dicit Philosophus 2. *de Generat.* (text. 49; c. 8), quod inter simplicia corpora sola aqua est bene terminabilis termino alieno; sed hæc est definitio humidi, ut patet ex 2. *de Generat.* text. 9 (c. 2): ergo

ola aqua est humida, et ita aer non erit humidus. — 2. de Generat. I. 8 et 2.

Videtur quod *aqua* non sit frigida.

7. Aqua enim pluvialis est essentia litera; sed aqua pluvialis est calida: cuius signum est, quod nive descendente non est nisi intensio frigoris sicut in aliis hiemalibus temporibus: ergo aqua non est frigida, sed calida. — 1. de Generat. I. 24.

Sed contra est, quod Philosophus 2. de Generat. (text. 16; c. 3) et de Sensu et Sensibili (c. 4) dicit, quod ignis est calidus et siccus; aer calidus et humidus; aqua frigida et humida; terra frigida et secca. — 2. de Generat. I. 3; de Sensu et Sensibili I. 10.

RESPONDEO DICENDUM, quod necesse est dicere, quod ignis est calidus et siccus, aer calidus et humidus, aqua frigida et humida, terra frigida et secca. — Et de igne videtur primo quod sit *calidus*, manifeste patet: tum quia maxime calefacit — operatio enim manifestat virtutem, ut dictum est (arg. 2) —; tum quia est causa, ut initit Philosophus (2. Metaphys. text. 4; I min., c. 1), caloris in omnibus elementis; demum quia tamquam corpori nobisissimo inter elementa et propinquissimo celesti corpori debetur qualitas omnium angelicorum nobilissima et maxime activa, quae est calor. — Quod vero ignis sit etiam siccus, probatur, quia, ut docet Philosophus (de Sensu et Sensibili c. 4), humida nata sunt pati ab igne; humidum autem non nisi a secco patitur, tamquam contrarium a suo contrario; præterea, quia siccitas, præsertim maxima, est effectus maximi caloris: intensus enim calor humidum totaliter absunit et proinde in suo subjecto ponit siccitatem. (2. de Generat. I. 3; de Sensu et Sensibili I. 10; 2. Metaphys. I. 2).

Aer vero est natura sua calidus; quod patet: tum quia est propinquus igni, imo contiguus, et non valde distans a corpore celesti; tum quia est levis et rarus, sunt autem levitas et raritas ex calore, ut dicit Philosophus 1. de Generat. (text. 65; c. 8) et 4. de Cœlo (text. 36; c. 4); tum quia

aer generatur ex aqua, corrupta frigiditate a calore, ut dictum est (q. 46, a. 2); tum quia nulla alia conjugatio potest illi competere, quam calidi et humidii. (de Sensu et Sensibili I. 10; 1. de Generat. I. 22; 4. de Cœlo I. 3).

Aqua vero est frigida et humida: *frigida* quidem, tum quia maxime contrariatur igni, cum sit illi dissymbola; tum quia est longe remota a cœlo et igne (frigiditas enim oritur ex distantia ab orbe, sicut caliditas ex propinquitate); demum quia conjugatio competens aquæ necessario involvit frigiditatem: nam conjugatio primarum qualitatum frigiditatem non includens vel est impossibilis vel alii elemento convenit. — Est autem *humida*, quia, ut patet sensu, maxime humectat, et multo magis quam aer (et ratio est, quia in aqua est frigiditas faciens ad se fluere humidum, ratione cuius superat aerem, in quo calor non facit ad se fluere humidum); et quia, cum sit propinqua aeri, debet cum illo in una qualitate convenire, quæ alia esse non potest quam humiditas; demum quia inter corpora simplicia est bene terminabilis termino alieno, ut docet Philosophus (2. de Generat. text. 49; c. 7), unde est causa terminacionis omnibus mixtis, et est locus plurimum animalium, ut docet Philosophus (4. Meteorol. c. 5, al. 4). (2. de Generat. I. 3 et 8; de Sensu et Sensibili I. 10; 4. Meteorol. I. 7).

Terra demum est frigida et secca: *frigida* quidem, tum ob maximam distantiam ab orbe celesti, prima causa totius caloris in his inferioribus; tum quia est propinqua aquæ et ratione illius illi symbola. — Est autem *secca*, tum ob maximam ejus grossitudinem; tum quia in terra est frigus condensans et comprimens humidum, quæ est altera causa siccitatis; hæc enim oritur etiam ex caliditate humiditatem consumente. (de Sensu et Sensibili I. 10; 2. de Generat. I. 3.) — Et sic manifestum est, quod singulis elementis duæ qualitates prædictæ convenient.

Ad primum ergo dicendum, quod subtile aliquid dicitur, quia est penetrativum; unde

2. *de Generat.* (*text.* 10; *c.* 2) dicitur, quod subtile est completivum rei. Eatenus autem aliquid est penetrativum, quia vel est quantitate parvum, vel habet parvam materiam; unde rara subtilia dicuntur, et quo magis aliquid fuerit rarum, eo erit magis subtile. Quia vero rarum potest esse conjunction vel cum humiditate (ut in aere vel aqua) vel cum siccitate (ut in igne), ideo subtile duplex est, aliud humidum, aliud siccum. — 4. *Sent.* dist. 44, q. 2, a. 2, quæstiunc. 1, in *c.*; cf. expos. in 4. *ad Corinth.* *c.* 15, l. 6.

Ad secundum dicendum, quod assata a calore secco non ideo sunt humidiora interius quam elixa, quia calor humectet, sed quia caliditas sicca sine humiditate desicando primo partes exteriores constringit poros rei digerendæ, et propter hoc humiditas resoluta interius non potest exire. — 4. *Meteorol.* l. 6.

Ad tertium dicendum, quod Philosophus II. cit. vocat aerem frigidum, non quia sit talis naturaliter, sed quia est talis per accidens. (4. *de Generat.* l. 10.) — *Vel dic,* quod a Philosopho dicitur aer frigidus gratia exempli, non autem secundum veritatem; ut enim docet Philosophus 4. *de Generat.* (*text.* 48; *c.* 3), quærimus inducendo exempla modum seu manifestationem, non autem subjectum et veritatem, non curantes, utrum scilicet sic se habeat in his terminis vel quibusunque aliis. (Sic idem Philosophus 2. *de Generat.* *text.* 35; *c.* 5, cum dicit, quod ignis est niger et siccus, aqua vero humida et alba, cum tamen albedo et nigredo non sint passiones elementorum, sed mixtorum: non intendit ostendere in igne et aqua illas qualitates, albedinem scilicet et nigredinem, sed tantum intendit manifestare, omnia elementa esse invicem transmutabilia: quia quæcumque contraria sunt, ad invicem transmutantur, omnia autem elementa sunt contraria, sive illa sint symbola sive dissymbola; assumit autem loco propriarum qualitatum alias duas contrarias, puta albedinem et nigredinem.) Et inde etiam est, quod in libris logicis utitur Philosophus exemplis secundum opiniones alio-

rum Philosophorum, quæ non sunt indicanda quasi sint verba Aristotelis. — 2. *de Generat.* l. 5 et 6; 1. *de Generat.* l. 8.

Ad quartum dicendum, quod Philosophus per partem aeris longe distantem a terra intelligit elementum ignis, sicut per partem aeris prope terram existentem intelligit elementum aeris, ut patet ex Philosopho 2. *de Generat.* (*text.* 16; *c.* 3). — 4. *Meteorol.* l. 4.

Ad quintum dicendum, quod Philosophus non dicit, quod aqua sit subtilissima inter omnia humida (hoc enim falsum est ut bene probat objectum), sed quod est inter humores subtilissima et inter omnia corpora quæ sensibiliter humectant. — 4. *Sensu et Sensibili* l. 9.

Ad sextum dicendum, quod sola aqua dicitur a Philosopho inter simplicia determinabilis, quia hoc verum est de aqua secundum quod est in mixto; ut enim a Philosophus 4. *Meteorol.* *c.* 5 (4), mixto non terminantur nisi per aquam et terram et plura animalia non nisi in aqua, tanquam in proprio connaturali loco ac naturæ simili, degunt et quiescent. — 4. *Meteorol.* l. 7; 2. *de Generat.* l. 8.

Ad septimum dicendum, quod aquæ proprieties non sunt ex natura sua calidæ, si frigidæ; sunt tamen ex accidenti calidæ propter ignem existentem in aere, qui illas miscetur, sicut et nivi. — 4. *de Generat.* l. 24.

ARTICULUS II

UTRUM IGNIS HABEAT AMBAS QUALITATES:
SUMMO, ET SIMILITER ALIA ELEMENTA.

Vide hunc articulum explicatum supra in quæstione 45, art. 8.

ARTICULUS III

UTRUM IGNIS SIT MAGIS CALIDUS QUAM SICCUS, AER MAGIS HUMIDUS QUAM CALIDUS, AQUA MAGIS FRIGIDA QUAM HUMIDA, TERRA MAGIS SICCA QUAM FRIGIDA.

Videtur quod ignis non sit magis calidus

quam siccus, aer magis humidus quam calidus, aqua magis frigida quam humida, terra magis secca quam frigida: —

1. quia in igne utraque qualitas est in summo, ut dictum est (a. 2, id est q. 45, a. 8); sed « magis » et « minus » denotant intensionem et remissionem: ergo ignis non est magis calidus quam siccus.

2. Præterea, Philosophus 4. *Meteorol.* c. 5 (4) probat, quod aqua est primo humida — *tum* quia est causa humiditatis aliorum; propter quod autem aliquid est tale, illud est primo tale, ut dicitur 1. *Poster.* (*text.* 5; c. 2); *tum* quia multa animalia appetunt consistere in aqua et in ea quiete sicut in proprio loco — : ergo aer non est primo humidus, sed potius aqua. — 4. *Meteorol.* 1. 7.

3. Præterea dicit Philosophus 1. *Meteorol.* c. 4 (3), quod in medio totius mundi est elementum gravissimum et frigidissimum, puta terra; ergo frigiditas non competit primo aquæ, sed potius terræ. — 1. *Meteorol.* 1. 4.

4. Præterea, si terra est magis secca quam frigida, ergo siccitas est intensior quam frigiditas; sed frigiditas terræ est in summo, ut dictum est (a. 2, id est q. 45, a. 8): ergo terra non est magis secca quam frigida, vel certe non est frigida in summo, ut dictum est.

5. Præterea, si terra est magis secca quam frigida, ergo superat siccitatem ignis, quia frigiditas terræ est in summo, quam tamen superat siccitas ejusdem; sed ignis, ut dictum est (a. 2, id est q. 45, a. 8), siccior est terra: ergo terra non est magis secca quam frigida. — 2. *de Generat.* 1. 3.

Sed contra est auctoritas Philosophi 2. *de Generat.* (*text.* 23; c. 3), ubi dicit, quod ignis est magis calidus quam siccus, aer magis humidus quam calidus, aqua magis frigida quam humida, terra magis secca quam frigida. — 2. *de Generat.* 1. 3.

RESPONDEO DICENDUM, quod tribus modis potest intelligi, quod ignis sit magis calidus quam siccus, et sic de reliquis: — *primo* ita, ut particula « magis » significet intensionem seu excessum unius qualitatis

in gradu supra aliam, ut sit sensus, quod calor ignis sit intensior quam siccitas illius; et similiter quod siccitas terræ sit intensior quam ejus frigiditas. Et hic sensus est falsus; nam, ut dictum est (a. 2, sive q. 45, a. 8), in igne utraque qualitas est in summo; in terra vero frigiditas est in summo, non tamen ejus siccitas. — *Secundo* ita, ut particula « magis » comparet unum elementum cum alio, ut sit sensus: ignis est magis calidus quam aer, et minus siccus quam terra. Et hic etiam sensus est falsus; nam, ut dictum est (*ibid.*), ignis est siccior terra, et aqua est humidior aere, et tamen terra dicitur magis secca quam frigida, et aqua dicitur magis frigida quam humida, et aer magis humidus quam calidus. — *Tertio* modo ita, ut particula « magis » denotet et significet primitatem, immediationem, principitatem ac proprietatem, ut sit sensus: ignis est magis primo et immediatus ac principalius et magis proprie calidus quam siccus, et sic de reliquis. Et hic sensus est intentus a Philosopho, ut videre est in contextu 2. *de Generat.* *textu* citato (23; c. 3) et *de Sensu et Sensibili* c. 4. — 2. *de Generat.* 1. 3; *de Sensu et Sensibili* 1. 10.

Ad cuius manifestationem *sciendum est primo*, quod quia ab uno simplici non possunt diversa procedere nisi quodam ordine: unum scilicet primo et immediate, et alia secundario et mediante illo, eo quod ab uno simplici non nisi unum procedere potest, ut dicit Philosophus 12. *Metaphys.* (*text.* 49; 1. 11, c. 8); — necesse est quod qualitates primæ (quia sunt per se accidentia elementorum) ita ab essentia illorum emanent, ut cum singula duas qualitates habeant, et ex illis constent, ut dicit Philosophus 2. *de Generat.* (*text.* 16; c. 3), una ex illis *primo et immediate ac principaliter* et tamquam *maxime propria* ab essentia elementi emanet, et alia mediante illa, quomodo ab anima plures potentiae manant. Quoniam ergo igni tribuitur calor et siccitas, aeri calor et humiditas, aquæ frigiditas et humiditas, terræ frigiditas et siccitas, — videndum est in particulari,

utra ex duabus immediatius, principalius et magis proprie ac primo conveniat. — 12. *Metaphys.* l. 10 (7); l. *Sent.* dist. 2, q. 1, a. 1; 1a, q. 77, a. 6, arg. 1 et ad 1; *de Pot.* q. 5, a. 7, c.; 2. *de Generat.* l. 3.

Ad hujus ergo evidentiam *sciendum est secundo*, quod, ut docet Philosophus 1. *Meteorol.* c. 4 (3), primo elemento seu cœlo circulariter moto, et motis corporibus, quæ sunt in ipso (puta sole et stellis), illa pars inferioris mundi, quæ est ei propinquior, quasi disgregata et rarefacta per motum superioris corporis, acceditur, et sic generatur calor. — Cujus ratio est, quia tota materia corporalis, quæ est sub corpore circulariter moto, est sicut quædam materia existens in potentia ad caliditatem, frigiditatem, humiditatem et siccitatem et ad alias passiones et formas, quæ consequuntur ad hæc; — *præterea*, quia materia reducitur in actum a primo agente: materia enim corporalis sit talis actu per hoc, quod participat de motu, vel non participat (sed immobilis permanet a corpore cœlesti); est enim hoc causa et principium unde motus in istis inferioribus; et ratione motus velocissimi et propriarum qualitatum est fons totius caloris et frigiditatis. Unde sit, ut hæc inferiora recipiant dictas passiones a superioribus non eo quidem modo, quo aqua calefacta recipit ab igne calorem (puta accidentaliter et non secundum naturam), sed ab illis recipiendo ipsam naturam vel formam, secundum quam naturaliter sunt calida vel frigida facta a superiori corpore, multo principalius quam a generante; nam principium generationis primum est corpus cœleste. — 1. *Meteorol.* l. 4.

Hinc sequitur, quod, quia per participationem motus est calor in istis inferioribus, et per elongationem a motu cœlesti frigiditas, necesse est quod illud, quod est frigidissimum in summo et gravissimum (tamquam longissime distans a fonte caloris) sit *terra*; non tamen sit primo et principalius talis, quia frigiditas primo convenit aquæ, tum terræ ex propinquitate ad aquam. Sed illi primo et principalius

ac maxime proprie convenit siccitas. Quod patet, *tum* quia propter summam distantiam a fonte caloris terra non resolvitur in humiditatem, sed in ultima grossitie permanet; grossum autem est siccum, ut dicit Philosophus 2. *de Generat.* (text. 10; c. 2.); *tum* quia humidum maxime natum est pati a secco terrestri; *tum* quia terra maxime contrariatur aeri, cum sit illi dissymbola, ut dicitur 2. *de Generat.* (text. 16, 24, 25, 49; c. 3, 4, 7), aer autem est primo et maxime proprie humidus; *demum* quia cum terra sit ignobilissimum elementum, ac proinde contineatur a ceteris, habeatque rationem materiæ respectu aquæ, debet habere pro prima et principali passione qualitatem passivam (omnis enim potentia passiva et omnis passio est per materiam, et omnis actio est per formam, ut colligitur ex Philosopho (1. *de Generat.* text. 55; c. 7), et qualitatem minus nobilis, cuiusmodi est siccitas respectu humiditatis. (*de Sensu et Sensibili* l. 10; 2. *de Generat.* l. 2, 3, 8; *Tabula Aurea* voce « elementum » n. 16; 1. *de Generat.* l. 20). — Contra vero, quia *ignis* est propinquissimus cœlo, et est inter omnia elementa nobilissimum et causa omnium calidorum, ut dicitur 2. *Metaphys.* (text. 4; l. 1 min., c. 1), convenit illi primo et immediate et per se ac maxime proprie caliditas, quæ est maxime activa; secundario vero siccitas propter excessum caliditatis illius quasi humiditate consumpta. (*de Sensu et Sensibili* l. 10; 2. *de Generat.* l. 3). — Aeri vero licet competit calor, ut dictum est, non tamen primo, maxime proprie et immediate, nam sic convenit igni, ut dictum est, et aeri ex affinitate ad ignem. Est tamen aer primo humidus: *tum* quia contrariatur terræ, ut illi dissymbolus — unde sicut terra est primo sicca, ita et aer debet esse primo humidus: si enim unum contrarium est in natura, debet esse et aliud, ut dicitur 2. *de Generat.* (text. 49; c. 8) —; *tum* quia ad suam humiditatem servandam a natura sic est dispositus, ut sit propinquus aquæ, et sic vaporem suscipiat, qui est calidus et hu-


lus; *tum* quia, cum aer contineatur ab e, habet rationem materiae respectu s, ut dictum est de terra respectu aquæ. De tribuenda est illi pro passione primo maxime proprie et principalius ei com ente illa qualitas, quæ est passiva; et sit nobilis elementum quam terra, et etiam illi competere qualitas passiva bilior, quæ est humiditas respectu siccis, ut dictum est. (*de Sensu et Sensibili* 20; 2. *de Generat.* l. 8.) — Unde mani um est, quod ignis est magis calidus in siccus, aer magis humidus quam ca-

lidus, aqua magis frigida quam humida, terra magis secca quam frigida, ut dicit Philosophus.

Ad primum ergo dicendum, quod «magis» denotat principalitatem, immediationem et primitatem unius qualitatis supra aliam, ut dictum est (in c.). — Idem dicendum ad *tertium*, *quartum* et *quintum*.

Ad secundum dicendum, quod aqua est primo humida respectu mixtorum, quia est causa terminationis in illis simul cum terra, ut dicit Philosophus 4. *Meteorol.* c. 5. (4). — 4. *Meteorol.* l. 7.





INDEX

QUÆSTIONUM ET ARTICULORUM

QUE IN HAC SECUNDA SECUNDÆ SUMMÆ PHILOSOPHICÆ

E. D. THOMÆ DOCTRINA CONTINENTUR.

N LIBROS DE CŒLO ET MUNDO		
QUESTIO XXVI		
DE EXISTENTIA MUNDI		
I. — Utrum mundus semper fuerit.	2	
II. — Utrum mundum incepisse sit articulus fidei, an vero sit conclusio demonstrata, ita ut mundum semper fuisse sit impossibile	7	
QUESTIO XXVII		
DE PRODUCTIONE MUNDI		
I. — Utrum creare sit ex nihilo facere	12	
II. — Utrum creatio sit mutatio . . .	13	
III. — Utrum creatio sit aliquid in creatura; et si est, quid sit.	15	
IV. — Utrum Deus possit aliquid creare.	18	
V. — Utrum solius Dei sit creare. . .	21	
VI. — Utrum creari sit proprium compositorum et subsistentium.	26	
VII. — Utrum necesse sit omne ens atque adeo mundum esse creatum a Deo	27	
VIII. — Utrum materia prima sit crea- ta a Deo		29
Art. IX. — Utrum mundus seu res omnes processerint a Deo per neces- sitatem naturæ an vero per arbitrium voluntatis		31
QUESTIO XXVIII		
DE PROPRIETATIBUS MUNDI		
Art. I. — Utrum mundus sit tantum unus an plures		33
II. — Utrum mundus sit perfectus . . .		34
III. — Utrum Deus potuerit facere universum perfectius		37
QUESTIO XXIX		
DE NATURA CŒLI		
Art. I. — Utrum cœlum habeat materiam vel illa careat, seu utrum sit compositum ex materia et forma.		39
II. — Utrum cœlum habeat materiam diversæ rationis, an ejusdem cum materia sublunarium		43
III. — Utrum cœlum sit animatum		46
IV. — Utrum cœlum sit ingenerabile et incorruptibile.		51

INDEX

<p>QUÆSTIO XXX</p> <p>DE UNITATE ET PLURITATE CŒLORUM</p> <p>Art. I. — Utrum cœlum sit unum tantum, an vero sint plures 55</p> <p>II. — Utrum omnes cœli sint ejusdem speciei 56</p> <p>QUÆSTIO XXXI</p> <p>DE MOTU CORPORUM CŒLESTIUM</p> <p>Art. I. — Utrum motus cœli sit naturalis. 57</p> <p>II. — Utrum motus cœli sit a propria forma substantiali an vero ab intelligentia. 59</p> <p>III. — Utrum motus cœli sit immediate a Deo an vero ab intelligentia seu angelo. 61</p> <p>IV. — Utrum potentia motiva in angelo movente cœlum sit realiter distineta ab intellectu et voluntate 63</p> <p>V. — Utrum motus cœli aliquando cessabit. 65</p> <p>VI. — Utrum cessante motu cœli remaneant elementa 69</p> <p>VII. — Utrum cessante motu cœli remaneat actio et passio in elementis 72</p> <p>VIII. — Utrum cessante motu cœli remaneant plantæ et animalia bruta et corpora mineralia 74</p> <p>IX. — Utrum corpora humana maneat motu cœli cessante. 77</p> <p>QUÆSTIO XXXII</p> <p>DE ACTIONE CORPORUM CŒLESTIUM IN CORPORA INFFRIORA</p> <p>Art. I. — Utrum aliquod corpus sit actuum 79</p> <p>II. — Utrum corpora cœlestia sint causa eorum, quæ hic in inferioribus fiunt 82</p> <p>III. — Utrum corpora cœlestia sint causa humanorum actuum 86</p> <p>IV. — Utrum corpora cœlestia imponant necessitatem his quæ eorum actioni subduntur. 89</p> <p>V. — Utrum cœlum tantum agat in hæc inferiora per lumen et motum 91</p> <p>QUÆSTIO XXXIII</p> <p>DE ACCIDENTIBUS CŒLI</p> <p>Art. I. — Utrum in corporibus cœlestibus sint accidentia sicut in corporibus inferioribus. 91</p>	<p>Art. II. — Utrum accidentia cœli sint ejusdem speciei cum accidentibus corporum sublunarium. 91</p> <p>III. — Utrum maculæ lunæ causentur ex interpositione alienjus corporis inter nos et lunam. 91</p> <p>QUÆSTIO XXXIV</p> <p>DE ELEMENTIS SECUNDUM QUOD SUNT PARTES UNIVERSI</p> <p>Art. I. — Utrum qualitates motivæ elementorum differant specie. 91</p> <p>II. — Utrum gravia et levia moveantur effective a propriis formis an vero a generante vel a medio. 91</p> <p>III. — Utrum sint plura elementa gravia quam levia 91</p> <p>IV. — Utrum omnia elementa præter ignem habeant gravitatem et gravitent in propriis locis 91</p> <p>V. — Utrum motus naturalis elementorum sit velocior in fine 91</p> <p>VI. — Utrum locus ignis sit concavum lunæ, aeris vero superficies concava ignis, et sic de singulis. 91</p> <p>VII. — Utrum projecta moveantur ab aere an vero a virtute impressa 91</p> <p>VIII. — Utrum projecta moveantur velocius in principio quam in medio vel in fine 91</p> <hr/> <p>IN LIBROS DE GENERATIONE ET CORRUPTIONE</p> <p>IN LIBRUM PRIMUM</p> <p>QUÆSTIO XXXV</p> <p>DE GENERATIONE ET CORRUPTIONE IN COMMUNI</p> <p>Art. I. — Utrum generatio recte a philosopho definiatur 91</p> <p>II. — Utrum terminus generationis sit forma an compositum. 91</p> <p>III. — Utrum de ratione generationis sit, ut terminus formalis illius seu forma accipiat esse per illam. 91</p>
--	---

Art. IV. — Utrum omnis generatio sit ab univoco.	120
V. — Utrum idem accidens numero maneat in genito et in corrupto.	121
VI. — Utrum materia sit immundatum subjectum inhaesione omnium accidentium	124
VII. — Utrum in generatione compositi substantialis fiat resolutio compositi praecedentis usque ad materialm primam	126
VIII. — Utrum generatio sit mutatio successiva an vero instantanea.	128
IX. — Utrum generatio unius sit corruptio alterius.	129
X. — Utrum generationes et corruptiones rerum naturalium sint naturales.	130
XI. — Utrum expulsio formae substantialis praecedentis et introducacio formae sequentissint idem	132
XII. — Utrum expulsio formae substantialis praecedentis sit naturaliter prior quam introductio formae sequentis.	134
XIII. — Utrum expulsio formae praecedentis et introductis sequentis sint in instanti	136

QUÆSTIO XXXVI

DE ALTERATIONE

Art. I. — Utrum recte tradita sit a Philosopho definitio alterationis .	138
II. — Utrum alteratio sit tantum ad tertiam speciem qualitatis .	139
III. — Utrum aliqua qualitas possit intendi et remitti.	140
IV. — Utrum intentio qualitatis fiat per additionem similis formæ	143
V. — Utrum alteratio sit motus continuus	147
VI. — Utrum in motu alterationis, puta calefactionis, sit tantum unus motus, recessus a frigore et accessus ad calorem.	151
VII. — Utrum qualitates contrariae summe intensæ possint esse in eodem subjecto per potentiam Dei	152
VIII. — Utrum naturaliter possint in eodem subjecto esse qualitates contrariae in gradu remisso	153
IX. — Utrum indivisibile possit alterari	156

QUESTIO XXXVII

DE RAREFACTIONE

Art. I. — Utrum rarefactio sit alteratio.	157
II. — Utrum per rarefactionem acquiritur nova quantitas .	160

QUESTIO XXXVIII

DE AUGMENTATIONE

Art. I. — Utrum definiatur a Philosopho augmentatio	162
II. — Utrum augmentatio formaliter consistat in additione quantitatis alimenti ad quantitatem viventis, an vero in extensione viventis consequente talem additionem .	164
III. — Utrum augmentatio sit motus continuus.	167
IV. — Utrum idem vivens numero maneat ante et post augmentationem, seu in toto vitæ tempore	169
V. — Utrum vivens augeatur secundum omnes partes	171
VI. — Utrum alimentum convertatur in naturam aliti	173
VII. — Utrum alimentum sit simile nutritio	178

QUESTIO XXXIX

DE CONTACTU

Art. I. — Utrum agens et patiens debeat se tangere, atque adeo simul esse	179
---	-----

QUESTIO XL

DE ACTIONE

Art. I. — Utrum idem possit agere in scipsum	183
II. — Utrum simile possit agere in simile	186

QUESTIO LXI

DE REACTIONE

Art. I. — Utrum omne agens agendo repatiatur	189
--	-----

QUESTIO XLII

DE MIXTIONE

Art. I. — Utrum mixtio sit possibilis .	191
II. — Utrum mixtio recte definiatur, quod sit miscibilium alterorum unio	194

Art. III. — Utrum ad productionem mixti necessario requirantur omnia quatuor elementa	195
IV. — Utrum elementa maneat in mixto actu secundum formas substantiales	197
V. — Utrum in mixto remaneant elementa secundum proprias qualitates	202
VI. — Utrum dispositio ad formam substantialem mixti sit qualitas simplex, an vero composita ex qualitatibus elementorum ad medium reductis.	203
VII. — Utrum dari possit mixtum aequale ad pondus	206

IN LIBRUM SECUNDUM

QUÆSTIO XLIII — PARS PRIOR

DE NUMERO ELEMENTORUM

Art. I. — Utrum elementa sint quatuor.	210
--	-----

QUÆSTIO XLIII — PARS ALTERA

DE QUIDDITATE ELEMENTORUM

Art. I. — Utrum recte sit assignata definitio elementi	215
II. — Utrum qualitates sive activæ sive motivæ elementorum sint formæ substantiales illorum.	217

QUÆSTIO XLIV

DE QUANTITATE ELEMENTORUM

Art. I. — Utrum elementa habeant terminos magnitudinis et parvitudinis	219
--	-----

QUESTIO XLV

DE QUALITATIBUS ACTIVIS

Art. I. — Utrum calor, frigus, humor et siccitas sint primæ qualitates	223
II. — Utrum calor, frigus, humor et siccitas sint qualitates positivæ	22

INDEX

Art. III. — Utrum qualitates prædictæ sint omnes activæ	227
IV. — Utrum qualitates primæ activæ bene a Philosopho definitur	228
V. — Utrum qualitates primæ passivæ recte a Philosopho definiantur	229
VI. — Utrum qualitates primæ sint tantum quatuor	232
VII. — Utrum qualitates symbolæ elementorum sint ejusdem speciei	234
VIII. — Utrum elementa habeant utramque qualitatem in summo	236

QUÆSTIO XLVI

DE MUTUA TRANSMUTATIONE ELEMENTORUM

Art. I. — Utrum elementa sint generabilia et corruptibilia	240
II. — Utrum quodlibet elementum ex quolibet immediate generari possit	242
III. — Utrum elementa symbola facilius ad invicem transmutentur quam dissymbola	243
IV. — Utrum ex duobus elementis dissymbolis corruptis possit generari tertium elementum symbolum	244

QUÆSTIO XLVII

DE ELEMENTIS IN PARTICULARI

Art. I. — Utrum ignis sit calidus et siccus, aer calidus et humidus, aqua frigida et humida, terra frigida et secca	246
II. — Utrum ignis habeat ambas qualitates in summo, et similiter alia elementa	248
III. — Utrum ignis sit magis calidus quam siccus, aer magis humidus quam calidus, aqua magis frigida quam humida, terra magis secca quam frigida	248

SUMMA PHILOSOPHIÆ

E

D. THOMÆ AQUINATIS

DOCTRINA

TOM. II. SECT. IV. — PHYSICÆ PARS TERTIA.

IMPRIMATUR

Fr. Raphael PIEROTTI, O. P.

S. P. A. Magister.

CONSPECTUS

TOTIUS OPERIS

TOMI TRES, IN SEX SECTIONES DIVISI

TOMUS I	{	SECTIO I. — Logica
		SECTIO II. — Physica, pars prima
TOMUS II	{	SECTIO III. — Physica, pars secunda
		SECTIO IV. — Physica, pars tertia
TOMUS III	{	SECTIO V. — Ethica
		SECTIO VI. — Metaphysica

BIBLIOTHECA THEOLOGIÆ ET PHILOSOPHIÆ SCHOLASTICÆ
SELECTA ATQUE COMPOSITA
A FRANCISCO EHRLE, S. J.

SUMMA
PHILOSOPHIÆ
EX VARIIS LIBRIS
D. THOMÆ AQUINATIS DOCTORIS ANGELICI
IN ORDINEM
CURSUS PHILOSOPHICI
ACCOMMODATA
A COSMO ALAMANNO, S. J.

EDITIO JUXTA ALTERAM PARISIENSEM VULGATAM A CANONICIS REGULARIBUS
ORD. S. AUG. CONGREGATIONIS GALlicanæ

ADORNATA

AB AUGUSTINO BRINGMANN, Soc. JES. PRESB.


TOMUS II — SECTIO IV — PHYSICÆ PARS TERTIA



PARISIIS, MDCCXC
SUMPTIBUS P. LETHIELLEUX, BIBLIOP.-EDITORIS

10, VIA DICTA • CASSETTE D, 10

ET APUD FRED. PUSTET, S. SEDIS APOSTOL. TYP., RATICONE ET NEO-EBORACI



SERENISSIMO PRINCIPI

MAURITIO

S. R. E. CARDINALI A SABAUDIA

COSMUS ALAMANNUS SOCIETATIS JESU

Quam belle, quam apte, quam deore opus hoc animasticum e D. Thomæ doctrina Tuo sapientissimo nomini consecratum emittatur in lucem, nemo est, serenissime Princeps, qui non videat; nemo est qui non intelligat; nemo nisi sit inops iudicii et rationis expers, qui non ultiro et non quæsitus fateatur et prædicet. Et nam sive quæ de animi consilii rationisque participis origine longe a veritatis semita vel acuti naturæ investigatores tradidere spectemus, sive quæ fidei lumine illustrati sapientissimi sanctissimique Doctores discussis errorum tenebris et veritatis uice patefacta docuerunt: non nisi Tui augustissimi nominis splendore foras prodire potuit et elucere quam plurimis. Illorum dixere non pauci, tetra errorum aligine circumfusi, conditos a Deo ex æternitate rationis compotes animos: his liberum esse cum humano corpore, quod qualeque placuerit, colligari, illudque formare; sapientiores vero ex innumera corporum multitudine perfectius nobis jusque sibi eligere quod forment et figurent, quod colorent et animent. Contra ero qui divino munere in tantis errorum tenebris et inseitiæ clarissimum veritatis umen attulerunt, constantissime pugnant animos consilii rationisque participes non ex æternitate, sed initio temporis fabricatos; non generatione conditos, sed creatione; non extra corpora loco in aliquo eorum naturæ congruo constitutos, sed præpotente totius universitatis parente, sapientissimo rerum omnium architecto, dum illos procrearet, in humana corpora infusos, et dum infunderet, procreatios. arctissimis præterea vinculis animos ita corporibus obstrictos esse contendunt, ut quemadmodum in humano tantum includi corpore compos rationis animus appetit, et non nisi ab animo partice rationis animari et perfici corpus huma- num; ita, quo amoris ac necessitudinis vineculo individuus animus et individuum corpus arctissime devincta se mutuo complectuntur, non nisi cum acerbissimo summoque doloris sensu unio laxetur. Verissima esse haec omnia, quippe quæ doctrinæ divinitus traditæ maxime consentanea videntur, non nego; rejicienda vero penitus illa alia tanquam commentitias futillesque sententias, verius dicam tanquam falsas opiniones erroresque turbulentos non infitior. Ex utroque tamen genere rerum am dissimilium et inter se pugnantium tanquam e tenebris lucem aliquam veritatis erui posse contendo. Amabo Te, sapientissime Cardinalis, amat individuus animus cum individuo corpore colligari, peramat hoc ab illo figurari et perfici, et omnino refutit alienum. Quid ergo mirum, si a Te uno tanquam optimo genitore unus hic qualiscumque fœtus imperfectus et rudis animari et perfici, si e tenebris

ad lucem vocari, si hominum ignoratione occultus et latens ad commendationem et laudem expetit excitari. Materia sine ulla specie omni carens qualitate forma speciem cupidissime appetit, caque gaudet ut summo bono, ejusque absentiam ut summum malum aspernatur et horret. Quia tamen ad id naturæ solius ductu, non mentis, qua caret, instinctu impellitur, non ut femina virum, ut philosophorum principis utar exemplo, vitæ laborumque sociæ ac consortis speciem formamque desiderat. At meum hoc e D. Thomæ doctrina tanquam e visceribus et sanguine compactum corpus, triplicisque animæ cognitione ut vitalis auræ afflatu fletus formatusque fœtus non nisi tui amplissimi augustissimique nominis splendor quasi quodam cœlesti spiritu colorari splendidius, illustrius figurari, animari ac perfici magnificentius et gloriosius non alieno impulsu, sed sua sponte, non naturæ tantum ductu et imperio, sed impetu mentis et voluntate ardentissima appetit depositit expetit. Quo enim alio se verteret, quæso Te, sapientissime Cardinalis, ut melior efficeretur et grandior? Ad quem alium ad sui absolutionem perfectionemque, opem petiturus fidentius amantiusque confugeret? quem illustriorem patronum, laudatoremque magis laudatum appellaret et obtestaretur? quem denique aptiorem imploraret et exposceret cum ad laudis et gloriæ splendorem obtainendum, tum vituperationem obtrectationemque invidorum, quæ solet lacebare plerosque, omnino vitandam? Benigne igitur et amanter accipe, Cardinali augustissime, perexiguum hoc munus ac tenue, ingenti tamen ac benevolentissimo profectum ex animo: rudem hunc et imperfectum mentis fœtum antiquissimæ stirpis regiique generis claritate et amplitudine figurandum, eximiæ doctrinæ singulisque prudentiæ splendore colorandum, angelicæ puritatis, caritatis ingenitæ liberalitatis, benignitatis, ceterarumque virtutum omnium ornamenti animandum, poliendum, clarissimi nominis et amplissimæ dignitatis, qua toti terrarum orbi ut cœleste quoddam Sydus præfulges, auctoritate perficiendum et ornandum humaniter accipe; meque tua ob innumera, eaque maxima benefici Societati nostræ universæ, Josepho fratri carissimo et amantissimo, tuæ conscientiæ moderatori et arbitro, mihi tui percupido observantissimoque collata utere non ut imperatore, quod vulgo dici solet, sed ut milite, verius dicam ut servus addicto dedito obstricto. Vale.



AD BENEVOLUM LECTOREM

Habes in hoc quarto volumine, benigne Lector, quæ Doctor Angelicus cum de anima in universum, tum de singulis particulatum, et præcipue de illa, quæ est articulus rationis, accurate et exquisite disputavit. Habes ingentem immensum ne campum, in quo se de divino sempiternoque animorum omnium conditore tua cogitatio mentis salutariter exerceat. Habes ad illius amorem concipiendum, conformatum augendumque apertum cursum. Tanti veroro opificis et architecti laundi, colendi et quantum licet humanitus assequi, imitandi occasionem postremo tibi opere, ut spero, propediem daturus, unum illud te rogatum et oratum velim, si qua tibi opinio de rebus ad animi naturam, functiones et vires spectantibus obversas Doctorum sententias minus arriserit, si eam ratio non convincit, ne repubes, eamque libenti animo tam eximii, tam sancti sapientisque Doctoris auctoritate fultam non refellendam, non rejiciendam, sed jure meritoque ut gravem tamque sententiam confirmandam, recipiendam sequendamque fateare. Vale.

Attestatio Rever. P. Fr. Francisci Ghetii de Como Sacrae Theologie Lectoris primi in conventu S. Thomæ de Papia Ordinis Prædicatorum.

Præclarissimi Viri Patris Cosmi Alamannii e Societate JESU Quæstiones de Anima decerptas ex officina D. Thomæ Aquinatis jussu Admodum Reverendi Patris Inquisitoris legi et examinati, nihilque in eis quod regulis novi Indicis Librorum repugnet animadverti, quin potius us mira subtilitate donatas, admirabili arte ordinatas, Angelica doctrina plenas, omnide dignas, omnibus numeris ita absolutas judicavi, ut omnes lectores vereque philosophantes in admirationem sui auctoris trahant.

Datum Papiæ die 16 Julii 1622.

Ita est. — Ego Fr. FRANCISCUS GHETIUS de Como,
Sacrae Theologie Lector Ordinis Prædicatorum qui supra, etc.
Fr. DEODATUS SEGUITIUS de Lauda, Inquisitor Papiæ.

Vidit SACCUS, pro Excellentissimo Senatu.

EX EDITONE PRIMA, PAPIÆ 1623.

Rever. Patris Fr. Francisci Ghetii de Como, Sacrae Theologie Lectoris primi in conventu S. Thomæ de Papia, Ordinis Prædicatorum,

EPIGRAMMA IN LAUDEM AUCTORIS

Ad Lectorem.

Dum scribit de Anima hic, animam se monstrat Aquini,
Omnisciumque Thomam semper amare docet.
Mentis Aristotelis Thomas fuit arbiter almus ;
Mentis Aquinatis fidus et iste Pater.
Sic quoque mirandam Cosmus penetravit abyssum
Ut similis post tot saecula nullus erit.
Archylum Angelicum reseravit ut Angelus alter;
Lector, habes quidquid concupisse potes.

BREVIS CONSPECTUS
SCRIPTORUM S. THOMÆ
QUÆ IN EDITIONE ROMÆ AN. 1570 VULGATA

CONTINENTUR

SUMMA THEOLOGIE; la (scil. prima pars),
1a 2æ (scil. prima pars secundæ partis),
2a 2æ (scil. secunda pars secundæ partis),
3a (scil. tertia pars).

SUMMA CONTRA GENTILES; ll. 4 c. Gent.

QUESTIONES DISPUTATÆ de potentia Dei, de
malo, de spiritualibus creaturis, de anima,
de unione Verbi, de virtutibus in com-
muni, de caritate, de correctione fraterna,
de spe, de virtutibus cardinalibus, de ve-
ritate.

QUODLIBETA 12.

SCRIPTUM in 4 libros Sententiarum.

COMMENTARII in 2 lib. Perihermenias, in
2 lib. Posteriorum Analyticorum, in 8 lib.
Physicorum, in 4 lib. de Cœlo et Mundo,
in 2 lib. de Generatione et Corruptione, in
4 lib. Meteorum, in 3 lib. de Anima, in
lib. de Sensu et Sensato, de Memoria et
Reminiscentia, de Somno et Vigilia *, de
Somniis *, de Divinatione per Somnum *,
in 12 lib Metaphysicorum (de Causis.),
in 10 lib. Ethicorum, in 8 lib. Politieo-
rum (1).

OPUSCULA : 1. Contra errores Græcorum. —
2. Compendium theologiæ. — 3. Declara-
tio quorundam articulorum contra Græ-
cos, Armenos et Saracenos. — 4. De duobus
præceptis caritatis. — 5. De articulis
fidei et sacramentis ecclesiæ. — 6. Expositio
super symbolum Apostolorum. —
7. Expositio orationis dominicæ. — 8. Ex-
positio salutationis angelicæ. — 9. Re-
sponsio de 108 articulis *. — 10. Responsio
de 42 articulis. — 11. Responsio de
36 articulis. — 12. Responsio de 6 articulis
ad lectorem Bisuntin. — 13. De differen-
tia divini verbi et humani. — 14. De na-
tura verbi intellectus. — 15. De substanciis
separatis. — 16. De unitate intellectus
contra Averroistas. — 17. Contra retrahentes a religionis ingressu. — 18.
De perfectione vitæ spiritualis. — 19.
Contra impugnantes Dei cultum et reli-
gionem. — 20. De regimine principum.

(1) De aliis quibusdam commentationibus quæ nonnunquam
in hac *Summa Philosophica* citantur, vide annotata in præfa-
tione hujus editionis, tom. I, pp. vi-ix; et in notis,
tom. III, p. 180; tom. IV, p. 228.

— 21. De regimine Judæorum. — 22. De
forma absolutionis. — 23. Expositio pri-
mæ decretalis. — 24. Expositio super se-
cundam decretalem. — 25. De sortibus.
— 26. De judiciis astrorum. — 27. De
æternitate mundi. — 28. De fato. —
29. De principio individuationis. — 30. De
ente et essentia. — 31. De principiis na-
turæ. — 32. De natura materiae et di-
mensionibus interminatis — 33. De mixtione
elementorum. — 34. De occultis operibus
naturæ. — 35. De motu cordis. — 36. De
instantibus. — 37. De quatuor oppositis.
— 38. De demonstratione. — 39. De fal-
laciis. — 40. De propositionibus modali-
bus. — 41. De natura accidentis. —
42. De natura generis *. — 43. De potentiis
animæ *. — 44. De tempore. — 45. De
pluralitate formarum *. — 46. De dimen-
sionibus interminatis. Cf. n. 32. — 47. De
natura syllogismorum *. — 48. Summa
totius Logicæ Aristot. *. — 49. De sensu
resp. singularium et intellectu resp. uni-
versalium *. — 50. De inventione medii *.
— 51. De natura luminis *. — 52. De na-
tura loci *. — 53. De intellectu et intelligi-
bili *. — 54. De quo est et quod est *. —
55 et 56. De universalibus *. — 57. Offi-
cium de festo corp. Chr. — 58. De sacra-
mento altaris *. — 59. De sacramento eucha-
ristiæ *. — 60. De humanitate J. Chr. *. —
61. De dilectione Chr. et proximi *. —
62. De divinis moribus *. — 63. De beatitu-
dine *. — 64. De modo confitendi *. —
65. De officio sacerdotis *. — 66. Expositio
missæ *. — 67. De emptione et venditione
ad tempus *. — 68. Epistola de modo ac-
quirendi scientiam *. — 69. Expositio in
lib. Boethii de hebdomadibus. — 70. Quæ-
stiones in lib. Boethii de Trinitate. —
71. De vitiis et virtutibus *. — 72. De
concordantiis *. — 73. De usuris *.

EXPOSITIO : in Job, in Psalmos, in Cantica
Canticorum, in Isaiam, in Jeremiam, in
Threnos [in Matthæum et Joannem];
Catena aurea in quatuor evangelia; expo-
sitio in epist. S. Pauli, in Genesim *, in
Danielem *, in lib. Machabæorum *, in
epist. canonicas *.

SUMMÆ PHILOSOPHICÆ

E DIVI THOMÆ DOCTORIS ANGELICI

DOCTRINA

TERTIA SECUNDÆ

Post considerationem elementorum se-
cretur consideratio mixtorum tum im-
fectorum tum perfectorum. Verum quia
e omnia persequi, secundum quod
interiora requirit, esset opus immensum ;
eo hac praetermissa, tractationem aggre-
sum corporis animati. Quoniam vero
corpus animatum duabus partibus con-
atur, corpore scilicet et anima ; de utraque
remus, præcipue tamen de anima : tum
quia cognitio corporis animati fere tota
endet ex cognitione animæ, cum omnia
rpora animata in illa convenient, et
talem animam inter se singula distin-
tantur ; tum quia cum anima sit forma,
illius cognitio perfectior est atque nobis-
er. Consideratio autem animæ in com-
uni erit bipartita ; nam primum consi-
rabimus ejus essentiam, deinde pro-
prietates.

QUESTIO XLVIII

DE ESSENTIA ANIMÆ.

CIRCA PRIMUM QUÆRUNTUR OCTO :

1. Utrum anima sit corpus.
2. Utrum anima sit composita ex materia et forma.
3. Utrum anima sit ipsum corpus animatum, puta planta, equus, homo ; an vero corpus animatum, puta planta, equus, homo, sit compositum ex anima et corpore.
4. Quot sint genera animarum.
5. Utrum prior definitio animæ a Philosopho allata sit conveniens.
6. Utrum posterior definitio ejusdem sit con-
veniens.
7. Utrum anima sit in toto corpore, et in qua-
libet parte corporis.
8. Utrum anima sit in toto corpore indivisi-
bileiter, ita ut sit tota in toto, et tota in qualibet
parte ejus ; an vero divisibiliter, ita ut tota
sit in toto, et pars in parte.

ARTICULUS I

UTRUM ANIMA SIT CORPUS.

Videtur quod anima sit corpus.

1. Anima enim est motor corporis. Non autem est movens non motum: *tum* quia videtur quod nihil possit movere, nisi moveatur (quia nihil dat alteri quod non habet; sicut quod non est calidum non calefacit); *tum* quia si aliquid est movens non motum, causat motum sempiternum, et eodem modo se habentem, ut probatur 8. *Phys.* (*text.* 43 sqq.; c. 5 et 6); quod non apparet in motu animalis qui est ab anima. Ergo anima est movens motum. Sed omne movens motum est corpus. Ergo anima est corpus. — 1a, q. 75, a. 1, arg. 1.

2. Praeterea, omnis cognitio fit per aliquam similitudinem; non potest autem esse similitudo corporis ad rem incorpoream: ergo si anima non esset corpus, non posset cognoscere res corporeas. — *Ibid.* arg. 2.

3. Praeterea, moventis ad motum oportet esse aliquem contactum; sed contactus non est nisi corporum: ergo cum anima moveat corpus, videtur quod sit corpus. — *Ibid.* arg. 3.

4. Praeterea, filius assimilatur patri etiam in accidentibus animae; sed filius generatur a patre per decisionem corporalem: ergo anima erit corpus. — 2. c. *Gent.* c. 65.

5. Praeterea, anima compatitur corpori et separatur a corpore, ut patet in anima rationali; sed pati et separari est corporum se tangentium: ergo anima est corpus. — *Ibid.*

Sed contra: 1. Naturaliter impossibile est duo corpora simul esse, ut dicit Philosophus (2. *de Anima*, *text.* 69; c. 7); sed anima et corpus sunt simul: ergo anima non est corpus. — 2. *de Anima* l. 14; 2. c. *Gent.* c. 65.

2. Praeterea, viventia cum sint res quaedam naturales, sunt composita ex materia et forma; componuntur autem ex corpore et anima, quae facit viventia

actu: igitur oportet alterum istorum esse materiam et alterum formam; sed corpus non potest esse forma, quia corpus non est in altero sicut in materia et in subjecto: ergo anima erit forma; ergo non est corpus, cum nullum corpus sit forma. — 2. c. *Gent.* c. 65.

RESPONDEO DICENDUM, quod ad inquirendum de natura animae oportet praesupponere, quod anima dicitur esse *primum principium vitae* in his quae apud nos vivunt: animata enim viventia dicimus res vero inanimatas vita carentes. Vitae autem maxime manifestatur dupli operatione, scilicet cognitionis et motus. Horum autem principium antiqui philosophi imaginationem transcendere non valentes aliquod corpus ponebant, sola corpora re esse dicentes, et quod non est corpus, nihil esse; et secundum hoc animam aliquo corpus esse dicebant. Hujus autem opinionis falsitas licet multipliciter ostendit possit, tamen uno uteatur argumento quo etiam certius patet animam corpus non esse. Manifestum est enim, quod ne quocunque vitalis operationis principiu est anima; sic enim oculus esset anima, cum sit quoddam principium visionis; et idem esset dicendum de aliis animae instrumentis. Sed primum principiu vitae dicimus esse animam. Quamvis autem aliquod corpus possit esse quoddam principium vitae, sicut cor est principiu vitae in animali; tamen non potest est primum principium vitae aliquod corpus. Manifestum enim est, quod esse principium vitae vel vivens, non convenit corpori ex hoc quod est corpus; alioquin omne corpus esset vivens aut principiu vitae. Convenit igitur alicui corpori, quod sit vivens et principium vitae, per he quod est *tale* corpus. Quod autem est actu tale, habet hoc ab aliquo principio quod dicitur actus ejus. Anima igitur quae est primum principium vitae, non est corpus, sed actus corporis; sicut calor qui est principium calefactionis, non est corpus, sed quidam corporis actus. — 1a, q. 75, a. 1, c.

Ad primum ergo dicendum, quod cum omne quod movetur, ab alio moveatur, quod non potest in infinitum procedere, necesse est dicere, quod non omne movens movetur. Cum enim moveri sit exire de potentia in actum, movens dat id quod habet mobili, in quantum facit ipsum esse in actu. Sed, sicut ostenditur in 8. *Phys.* (l. c. in arg.), est quoddam movens penitus immobile, quod nec per se nec per accidens movetur, et tale movens potest movere motum semper uniformem. Est autem aliud movens, quod non movetur per se, sed per accidens; et propter hoc non movet motum semper uniformem; et tale movens est anima. Est autem aliud movens, quod per se movetur, scilicet corpus. Et quia antiqui naturales nihil esse credebant nisi corpora, posuerunt, quod omne movens movetur et quod anima per se movetur et est corpus. — *Ia*, l. c., ad 1.

Ad secundum dicendum, quod non est necessarium quod similitudo rei cognitae sit actu in natura cognoscentis; sed si aliquid sit, quod prius est cognoscens in potentia et postea in actu, oportet quod similitudo cognita non sit actu in natura cognoscentis, sed in potentia tantum: sicut color non est actu in pupilla, sed in potentia tantum. Unde non oportet quod in natura animae sit similitudo rerum corporearum in actu, sed quod sit in potentia ad hujusmodi similitudines. Sed quia antiqui naturales nesciebant distinguere inter actum et potentiam, posuerunt animam esse corpus ad hoc quod cognosceret omnia corpora; et quod esset composita ex principiis omnium corporum. — *Ibid.* ad 2.

Ad tertium dicendum, quod est duplex contactus, quantitatis et virtutis. Primo modo corpus non tangitur nisi a corpore; secundo modo corpus potest tangi a re incorporea quae movet corpus. — *Ibid.* ad 3.

Ad quartum dicendum, quod complexio corporis est aliqualiter causa animae per nodum disponentis. — 2. c. *Gent.* c. 65.

Ad quintum dicendum, quod anima non

compatitur corpori nisi per accidens, quia, cum sit forma corporis, movetur per accidens, moto corpore; separatur etiam anima a corpore, non sicut tangens a tacto, sed sicut forma a materia; quamvis et aliquis tactus sit incorporei ad corpus, ut dictum est (2. c. *Gent.* c. 56). — 2. c. *Gent.* c. 65.

ARTICULUS II

UTRUM ANIMA SIT COMPOSITA EX MATERIA ET FORMA.

Videtur quod anima sit composita ex materia et forma.

1. Potentia enim contra actum dividitur. Sed omnia quaecunque sunt in actu, participant primum actum, qui Deus est; per cuius participationem omnia sunt et bona et entia et viventia, ut patet per doctrinam Dionysii (*de Div. Nom.* c. 5, § 2; — Migne PP. Gr. t. 3, col. 815). Ergo quaecunque sunt in potentia, participant primam potentiam. Sed prima potentia est materia prima. Cum ergo anima humana sit quodammodo in potentia, quod apparet ex hoc quod homo quandoque est intelligens in potentia, videtur quod anima humana participet materiam primam tamquam partem sui. — *Ia*, q. 75, a. 5, arg. 1.

2. Praeterea, in quoconque inveniuntur proprietates materiae, ibi invenitur materia. Sed in anima inveniuntur proprietates materiae, quae sunt subjici et transmutari: subjicitur enim scientiae et virtuti, et mutatur de ignorantia ad scientiam et de vitio ad virtutem. Ergo in anima est materia. — *Ibid.* arg. 2.

3. Praeterea illa, quae non habent materiam, non habent causam sui esse, ut dicitur 8. *Metaphys.* (text. 16; l. 7, c. 6); sed anima habet causam sui esse, quia creatur a Deo: ergo anima habet materiam. — *Ibid.* arg. 3.

4. Praeterea, quod non habet materiam, sed est forma tantum, est actus purus et infinitus; hoc autem solius Dei est: ergo

anima habet materiam. — *Ibid.* arg. 4.

5. Praeterea, nihil vivit se ipso nisi Deus; sed anima non solum vivifieat corpus, sed etiam vivit: ergo se ipsa non vivit, sed aliquo sui; sed omne illud, in quo est principium vita et recipiens vitam, est compositum ex materia et forma: ergo et anima erit composita. — 2. *Sent.* dist. 17, q. 1, a 2, arg. 5.

6. Praeterea, in omni creato differt quod operatur, et quo operatur: quia solum prime agenti convenit per essentiam agere; aliis autem per participationem alicujus, quod ad essentiam additur. Sed anima habet operationes proprias, et sic illis operationibus ipsa est operans. Ergo non est quo operatur; et sic non videtur esse forma simplex, sed materiam habens: quia forma est principium, quo operatio producitur. — *Ibid.* arg. 6.

Sed contra: 1. Omne compositum ex materia et forma habet formam; si ergo anima est composita ex materia et forma, anima habet formam; sed anima est forma: ergo forma habet formam; quod est impossibile, quia sic esset ire in infinitum. — *Quæst. disp. de Anima* a. 6, arg. *Sed contra.*

2. Praeterea, forma materiae adveniens constituit speciem. Si ergo anima sit ex materia et forma composita, ex ipsa unione formæ ad materiam anima constituetur quedam species in rerum natura. Quod autem per se habet speciem, non unitur alteri ad speciei constitutionem, nisi alterum ipsorum corrumpatur aliquo modo; sicut elementa uniuntur ad constitutionem mixti. Quare anima non unietur corpori ad constituendam speciem, v. g. humanam vel equinam vel plantæ, sed tota species humana vel equina vel plantæ consistet in anima; quod patet esse falsum, quia si corpus non pertineret ad speciem equi vel hominis, accidentaliter animæ adveniret. Ergo dicendum est, quod anima non est composita ex materia et forma. — *Ibid.* a. 6, in c.

RESPONDEO DICENDUM, quod anima non habet materiam. Quod potest esse manife-

stum ex duobus; et primo quidem ex ratione animæ in communi. Est enim de ratione animæ, quod sit forma alicujus corporis. Aut igitur est forma secundum se totam aut secundum aliquam partem sui. Secundum se totam impossibile est quod pars ejus sit materia, si dicatur materia aliquo ens in potentia tantum: — quia forma, in quantum forma, est actus; id autem, quod est in potentia tantum, non potest esse pars actus, cum potentia repugnet actu utpote contra actum divisa. Si autem si forma secundum aliquam partem sui illam partem dicemus esse animam; et illam materiam, cujus primo est actus, dicemus esse primum animatum. — Secundum specialiter ex ratione animæ humanæ, in quantum est intellectiva. Manifestum est enim, quod omne quod recipitur in aliquo, recipitur in eo per modum recipientis. Sic autem cognoscitur unumquodque, sicut forma ejus est in cognoscente. Anima autem intellectiva cognoscit rem aliquam in sua natura absolute, puta lapidem in quantum est lapis absolute. Est igitur forma lapidis absolute secundum propriam rationem formalem in anima intellectiva. Anima igitur intellectiva est forma absoluta, non autem aliquid compositum ex materia et forma. Si enim anima intellectiva esset composita ex materia et forma, formæ rerum reciperentur in ea uero individuales; et sic non cognosceret nisi singulare, sicut accidit in potentiis sensitivis, quæ recipiunt formas rerum in organo corporali. Materia enim est principium individuationis formarum. Reliquitur ergo, quod anima intellectiva, et omnis intellectualis substantia cognoscere formas absolute caret compositione formæ et materiae. — 1a, q. 73, a. 5, c.

Ad primum ergo dicendum, quod primus actus est universale principium omnium actuum; quia est infinitum virtutis litter in se omnia præhabens, ut dicit Dionysius (*de Div. Nom.* c. 5, § 4; — Migne PP. Gr. t. 3, col. 818). Unde participatio rebus non sicut pars, sed secundum diffusionem processionis ipsius. Potent

autem cum sit receptiva actus, oportet quod actui proportionetur. Actus vero recepti, qui procedunt a primo actu intuito, et sunt quedam participationes ejus, sunt diversi. Unde non potest esse potentia una quae recipiat omnes actus, sicut est unus actus influens omnes actus participatos; alioqui potentia receptiva adaequaret potentiam activam primi actus. Est autem alia potentia receptiva in anima intellectiva a potentia receptiva materie primæ, ut patet ex diversitate receptorum. Nam materia prima recipit formas individuales, intellectus autem recipit formas absolutas. Unde talis potentia in anima intellectiva existens non ostendit, quod anima sit composita ex materia et forma. — *Ibid.* q. 75, a. 3, ad 1.

Ad secundum dicendum, quod subjici et transmutari convenit materie secundum quod est in potentia. Sicut ergo est alia potentia intellectus, et alia potentia materie primæ; ita est alia ratio subjiciendi et transmutandi. Secundum hoc enim intellectus subjicitur scientiae et transmutatur de ignorantia ad scientiam, secundum quod est in potentia ad species intelligibiles. — *Ibid.* ad 2.

Ad tertium dicendum, quod forma est causa essendi materiae, et agens; unde genus in quantum reducit materiam in eum formæ transmutando, est ei causa essendi. Si quid autem est forma subsistens, non habet esse per aliquod formale principium; nec habet causam transmutantem de potentia in actum. Unde post herba præmissa Philosophus (8. *Metaphys.* ext. 16; l. 7, c. 6) concludit, quod in his sunt composita ex materia et forma, nulla est alia causa nisi movens ex potentia ad actum. Quaecunque vero non habent materiam, omnia simpliciter sunt quasi vere entia. — *Ibid.* ad 3.

Ad quartum dicendum, quod omne participatum comparatur ad participans ut ictus ejus. Quæcunque autem forma reata per se subsistens ponatur, oportet quod participet esse, quia etiam ipsa vita, et quidquid sic diceretur, participat ip-

sum esse, ut dicit Dionysius (*de Div. Nom.* c. 5, § 5; — Migne PP. Gr. t. 3, col. 819). Esse autem participatum finitur ad capacitatem participantis. Unde solus Deus, qui est suum esse, est actus purus et infinitus. In substancialibus vero intellectualibus est compositio ex actu et potentia, non quidem ex materia et forma, sed ex forma et esse participato. Unde a quibusdam dicitur componi ex quo est et quod est; ipsum enim esse est quo aliquid est. — *Ibid.* ad 4.

Ad quintum dicendum quod secundum Philosophum (in 2. *de Anima* ext. 37; c. 4) vivere nihil aliud est quam esse viventium. Unde sicut anima est, nec est illud quo est; ita etiam vivit, nec est illud quo vivit. Sed sicut illud quod est formaliter, non est aliqua forma, quæ sit pars essentiæ ejus, sed ipsum suum esse; ita id quo vivit formaliter, non est aliqua forma, quæ sit pars essentiæ ejus, sed ipsum suum vivere. Sed id quo est et quo vivit effective, est ipse Deus, qui omnibus suum esse et vitam influit: in rebus quidem compositis accedente (mediante) forma, quæ est pars essentiæ earum; in substancialibus autem simplicibus per totam essentiam earum. Deus autem non est nec vivit ab aliquo efficiente principio, sed ipse etiam est suum vivere et suum esse; et in utroque eorum deficit anima a perfectione divinæ vitae. — 2. *Sent.* dist. 17, q. 1, a. 2, ad 3.

Ad sextum dicendum, quod illud quo operatur anima, duplice acceptum differt ab ipsa. Operatur enim anima aliquo insidente sibi esse, vivere et operari, scilicet Deo, qui operatur omnia in omnibus; quæ constat ab anima differre. Operatur etiam naturali sua potentia, quæ est principium suæ operationis, scilicet sensu vel intellectu, quæ non est essentia ejus, sed virtus ab essentia fluens. Neutro autem modo Deus operatur alio a se, quia a se ipso operari habet, et ipse est sua virtus. Non autem dicitur anima aliquo operari, quod non sit ipsa, sed pars essentiæ sue; sicut corpora na-

turalia operantur forma, quæ est pars essentiae eorum, licet mediante aliqua virtute quasi instrumento, sicut ignis mediante calore. — 2. *Sent.* l. c. ad 6.

ARTICULUS III

UTRUM ANIMA SIT CORPUS ANIMATUM, PUTA
PLANTA, EQUUS, HOMO.

Videtur quod anima sit corpus animatum, puta planta, equus, homo.

1. Dicit enim Philosophus (2. *de Anima* *text.* 4; c. 4), quod anima est substantia quædam; sed non est substantia universalis: ergo est particularis, et consequenter hypostasis vel persona. — 1a, q. 75, a. 4, arg. 2.

2. Preterea, 7. *Metaphys.* (*text.* 34; l. 6, c. 10) dicitur, quod materia quodammodo non est pars speciei, sed solum illa, ex qua est ratio speciei, scilicet forma; sed anima est forma: ergo anima dicit totam speciem, et consequenter illa est planta, equus, homo et similia. — 7. *Metaphys.* l. 9.

Sed contra est, quod Philosophus (6. *Metaphys.* *text.* 2; l. 5, c. 4) dicit, quod res naturales habent in sui definitione materiam sensibilem, et in hoc differunt a mathematicis. Non autem potest dici, quod substantiae naturales definitantur per id, quod non sit de essentia earum; substantiae enim non habent definitionem ex additione, sed sola accidentia. Unde relinquitur quod materia sensibilis sit pars essentiæ substantiarum naturalium non solum quantum ad individua, sed etiam quantum ad species ipsas; definitiones enim non dantur de individuis, sed de speciebus. Ergo anima non est planta, equus vel homo. — 7. *Metaphys.* l. 9.

RESPONDEO DICENDUM, quod animam esse plantam, equum vel hominem, dupliciter potest intelligi: *uno modo*, quod homo sit anima, sed hic homo non sit anima, sed compositum ex anima et corpore, puta Socrates. Quod ideo dico, quia quidam po-

suerunt solam formam esse de ratione speciei, materiam vero esse partem individuali et non speciei. Quod quidem non potest esse verum. Nam ad naturam speciei pertinet id, quod significat definitio. Definitio autem in rebus naturalibus non significat formam tantum, sed formam et materiam. Unde materia est pars speciei in rebus naturalibus: non quidem materia signata, quæ est principium individuationis, sed materia communis. Sicut enim de ratione hujus hominis est, quod sit ex hac anima et his carnibus et his ossibus; ita de ratione hominis est, quod sit ex anima et carnibus et ossibus; oportet enim de substantia speciei esse quicquid est communiter de substantiis omnium individuorum sub specie contentorum. — 1a, q. 75, a. 4, c.

Alio vero modo potest intelligi sic, quo etiam haec anima sit hic homo. Et hoc quidem sustineri posset, si poneretur quod animæ sensitivæ operatio esset ejus propria sine corpore: quia omnes operationes, quæ attribuuntur homini, convenienter tali (soli) animæ. Illud autem est unaquæque res, quod operatur operationes illius rei; unde illud est homo, quo operatur operationes hominis. Ostendamus autem, quod sentire non est operatio animæ tantum. Cum igitur sentire sit quædam operatio hominis, licet non propria, manifestum est, quod planta vel equus vel homo non est anima tantum sed aliquid compositum ex anima et corpore. — 1a, q. 75, a. 4, c.

Ad primum ergo dicendum, quod non quælibet substantia particularis est hypostasis vel persona, sed quæ habet completam naturam speciei. Unde manus vel pes non potest dicit hypostasis vel persona et similiter nec anima, cum sit pars speciei humanæ. — 1a, q. 75, a. 4, ad. 2.

Ad secundum dicendum, quod materia dicitur quodammodo non pars speciei, quia non est pars formæ, a qua sumitur ratio speciei; licet sit pars composta ex anima et corpore, quod in se involvit species. — 7. *Metaphys.* l. 9.

ARTICULUS IV

RUM SINT TANTUM TRIA GENERA ANIMA-
RUM.

Videtur quod non sint tantum tria ge-
ra animarum.

1. Dicit enim Philosophus 2. *de Anima* (text. 10; c. 1), quod anima est princi-
piu quo vivimus; sed quatuor modis
vivere, ut dicitur 2. *de Anima* (text. 13; c. 2): ergo animarum
genera sunt plura tribus. — 2. *de Anima*
2 et 4; 1a, q. 78, a. 1, arg. 2.

2. Praeterea, tot sunt animae, quot poten-
tiae; nam cum potentia sit proprietas ani-
ae, non potest ab anima oriri nisi una pro-
prietas, quia ab uno non nisi unum oriri
potest; et una potentia non potest ex alia
oriri, quia omnes potentiae animae sunt si-
milares, et accidens oritur a subjecto, unum
accidens non potest esse subjectum alterius;
sed genera potentiarum sunt
quinque, ut dicitur 2. *de Anima* (text. 27;
c. 3): ergo et genera animarum sunt
quinque, et consequenter plura tribus. —
Inst. disp. de Anima a. 13, arg. 7 et 8,
a. 11, arg. 17.

Sed contra est auctoritas Philosophi
de Anima (text. 27 sqq.; c. 3) ponentis
tantum tres animas: vegetativam, sen-
sivam et rationalem. — 1a, q. 78, a. 1,
arg. 1 et in c.

RESPONDEO DICENDUM, quod animarum
genera sunt tantum tria. Cujus ratio du-
ex afferi potest: una sumpta ex opera-
tionibus animae. Diversae enim animae di-
nguuntur, secundum quod diversimode
operatio animae supergreditur operatio-
nem naturae corporalis. Tota enim natura
corporalis subjacet animae et comparatur
ipsam sicut materia et instrumentum.
Et ergo quedam operatio animae, quae in-
tuitum exceedit naturam corpoream, quod
erque etiam exercetur per organum corpo-
rale. Et talis est operatio animae rationa-
. — Est autem alia operatio animae infra-
am, quae quidem sit per organum corpo-

rale, non tamen per aliquam corporalem
qualitatem. Et talis est operatio *animae*
sensibilis, quia etsi calidum et frigidum,
humidum et siccum, et aliæ hujusmodi
qualitates corporeæ requirantur ad opera-
tionem sensus; non tamen ita, quod me-
diante virtute talium qualitatum operatio
animae sensibilis procedat, sed requirun-
tur solum ad debitam dispositionem organi.
— Infima autem operationum animae
est, quae sit per organum corporeum et
virtute corporeæ qualitatis. Supergreditur
tamen operationem naturae corporeæ:
quia motiones corporum sunt ab exteriori
principio, hujusmodi autem operationes
sunt a principio intrinseco. Hoc enim
commune est omnibus operationibus ani-
mæ: omne enim animatum aliquo modo
movet se ipsum. Et talis est operatio *ani-
mæ vegetabilis*. Digestio enim et ea quæ
consequuntur sunt instrumentaliter per
actionem caloris, ut dicitur in 2. *de Ani-
ma* (text. 50; c. 4). — 1a, q. 78, a. 1, c.

Altera ratio est ex multiplice esse, quod
habent viventia, quorum actus est anima.
Habent enim hæc duplex esse: unum
quidem materiale, in quo convenienter cum
aliis rebus materialibus; aliud vero im-
materiale, in quo communicant cum aliis
substantiis superioribus aliqualiter. Est
autem differentia inter utrumque esse:
quia secundum esse *materiale*, quod est
per materiam contractum, unaquæque
res est hoc solum quod est (sicut hic
lapis non est aliud quam hic lapis); —
secundum vero esse *immateriale*, quod est
amplum et quodammodo infinitum, in
quantum non est per materiam termina-
tum, res non solum est id quod est, sed
etiam est quodammodo alia. Unde in sub-
stantiis superioribus immaterialibus sunt
quodammodo omnia sicut in causis uni-
versalibus. — Hujusmodi autem immate-
riale esse habet duos gradus in istis infe-
rioribus. Nam quoddam est penitus im-
materiale, scilicet esse *intelligibile*. In in-
tellectu enim res habent esse et sine ma-
teria et sine conditionibus materialibus
individuantibus et etiam absque organo

corporali. *Esse autem sensibile* est medium inter utrumque. Nam in sensu res habet esse sine materia, non tamen absque conditionibus materialibus individuantibus neque absque organo corporali. Est enim sensus particularium, intellectus vero universalium. Et quantum ad hoc duplex esse, dicit Philosophus in 3. *de Anima* (*text.* 37; c. 8), quod anima est quodammodo omnia.

Operationes igitur, quae competit viventi secundum esse materiale, sunt operationes, quae tribuuntur animæ vegetabili; quæ tamen licet ad id ordinentur, ad quod etiam ordinantur actiones in rebus inanimatis, scilicet ad consequendum esse et conservandum, tamen in viventibus hoc sit per altiorem et nobiliorem modum. Corpora enim inanimata generantur et conservantur in esse a principio motivo extrinseco. Animata vero generantur a principio intrinseco, quod est in semine, conservantur vero a principio nutritivo intrinseco. Hoc enim videtur esse viventium proprium, quod operantur tamquam ex se ipsis mota. — Operationes vero quæ tribuuntur rebus viventibus secundum esse penitus immateriale, pertinent ad partem animæ intellectivam. Quæ vero attribuuntur eis secundum esse medium, pertinent ad partem animæ sensitivam. — Et secundum hoc triplex esse distinguitur communiter triplex anima, scilicet vegetabilis, sensibilis et rationalis. Unde manifestum est, quod tria tantum sunt genera animarum. — 2. *de Anima* l. 5.

Ad primum ergo dicendum, quod alio modo distinguuntur modi viventium, atque genera animarum. Nam horum diversitas sumitur et ex triplici esse, quod habent animata, et ex diverso modo, quo operationes animatorum supergrediuntur operationes rerum naturalium, ut dictum est. Modi autem viventium distinguuntur secundum gradus viventium, qui sunt tantum quatuor. *Quædam enim viventia* sunt, in quibus est tantum vegetativum, ut in plantis. *Quædam vero*, in quibus cum vegetativo est etiam sensitivum, non tamen motivum secundum locum, sicut sunt im-

mobilia animalia, ut conchilia. *Quædam* vero sunt, quæ super hoc habent motum secundum locum, ut perfecta anima lia, quæ multis indigent ad suam vitam et ideo indigent motu, ut vitae necessari procul posita querere possint. *Quædam* vero viventia sunt, in quibus cum predictis est intellectivum, scilicet in hominibus. — Appetitivum autem non constitui aliquem gradum viventium, quia in quibuscumque est sensus, est etiam appetitus, ut dicitur in 2. *de Anima* (*text.* 27 c. 3). — 1a, q. 78, a. 1, c.

Ad secundum dicendum, quod ab eadem anima plures potentiae derivantur, unum tamen immediate et alia mediate. Lice enim accidentis non possit esse subjectum per se accidentis, tamen subjectum subjicitur uni accidenti mediante alio, sicut corpus colori mediante superficie; et si unum accidentis oritur ex subjecto mediante alio, et una potentia ab essentia animæ mediante alia. — *Quæst. disp. de Anima* a. 13, ad 8.

ARTICULUS V

UTRUM PRIOR DEFINITIO ANIMÆ A PHILOSOPHO ALLATA SIT CONVENIENS.

Videtur quod prior definitio a Philosopho allata non sit conveniens, quod nimis sit actus primus corporis physici organici

1. Si enim anima est forma corporis oportet quod cuiuslibet animæ et corporis sit unum esse. Nam ex materia eis forma sit unum secundum esse; sed animæ humanæ et corporis non potest esse unum esse, cum sint diversorum generum: anima enim est in genere substantiæ incorporeæ, corpus vero corporeæ: ergo anima non potest esse actus et forma corporis. — *Quæst. disp. de Anima* a. 1, arg. 13.

2. Præterea, dicit Philosophus (3. *de Anima* *text.* 6 et 7; c. 4), quod substantia spiritualis, quæ est intellectus, nullius corporis est actus; sed quædam anima est substantia spiritualis, ut anima rationa-

; ergo male definitur anima in communi, quod sit actus et forma corporis. — *Spirit. Creat.* a. 2, arg. 43; 1a, q. 76, arg. 1.

. Præterea, si anima est actus corporis organici, hoc, quod comparatur ad animam ut materia ad formam et actum, est ipsum physicum organicum, quod non est esse nisi per aliquam formam substantialem, per quam est corpus; et ita slibet corpus animatum habebit esse anima, distinctum ab esse tributo ei a anima: et ita erunt in uno et eodem duæ animæ substanciales; quod est impossibile. — 1a, q. 76, a. 4, arg. 1; *Quæst. disp. Anima* a. 1, arg. 15.

. Præterea, compositum non ponitur in definitione animæ, sed materia; sed corpus est quoddam compositum: per formam et substantiam sicut individuum est aliquid et substantia, ita per eandem corpus: ergo male definitur anima, quod sit actus corporis.

. Præterea, per corpus, cuius est actus anima, intelligitur corpus habens vitam potentia, ut patet ex 2. *de Anima* (*text. c. 1.*) ; vel ergo per tale corpus habens in potentia intelligitur corpus habens in primum vitæ, sed existens in potentia ad actum secundum, nimirum ad generationes vitæ; vel intelligitur corpus tritum actum habens, sed existens in potentia ad actum primum et secundum. Iudicatur primum, tunc ponitur in definitione animæ compositum ex anima et corpore, quod est inconveniens, cum proportionata actui sit materia. Si dicitur secundum, est contra Philosophum, 2. *de Anima* (*text. 10; c. 1.*) dicit, quod corpus, cuius actus est anima, est ita in potentia ut vivat, ut non sit abjiciens animam. Ergo male definitur anima, quod actus corporis physici organici. — 2. *Anima* 1. 1.

ed contra est, quod Philosophus (2. *de Anima* *text. 7; c. 1.*) definit animam, quod actus corporis physici organici. — 2. *Anima* 1. 1 et 2.

ESPONDEO DIGENDUM, quod recte fuit a

Philosopho tradita prior definitio animæ. Ad cujus manifestationem sciendum, quod quia definitio significat quod quid res est, et substantia completa etiam composita est quid completum in sua specie; secus vero omne accidens et omnis forma; ideo substantia ita definitur, ut in ejus definitione non ponatur aliquid quod sit extra essentiam ejus. In omni autem definitione formæ ponitur aliquid quod est extra essentiam formæ, scilicet proprium subjectum illius sive materia. Unde cum anima sit forma, ut mox ostendetur, oportet quod in ejus definitione ponatur materia sive subjectum ejus, et per consequens quod ponatur aliquid ex parte animæ, et aliquid ex parte subjecti.

Dicitur ergo primo ex parte animæ, quod est *actus*, quia illud est actus, quo materia, quæ est ens in potentia, fit actu, et ex quo et materia constituitur composition, quod est ens actu. Anima autem est hujusmodi. Cum enim anima sit substantia, ut per se manifestum est, quia substantia non componitur ex non substantiis, ut dicitur 7. *Metaphys.* (*text. 47; l. 6, c. 13.*) ; componitur autem substantia animata ex anima et corpore; et substantia sit triplex, materia, forma et compositum ex utraque; — oportet quod anima sit una ex his tribus substantiis. Constat autem, quod non potest esse materia, quia cum per animam intelligamus id quod habens vitam vivit, sequitur quod anima intelligatur sicut aliquid in subjecto existens; corpus autem vel materia, quæ recipit vitam, magis est sicut subjectum, quam sicut aliquid in subjecto existens. Manifestum etiam est, quod non potest esse ipsum compositum ex materia et forma, quia hoc est totum quoddam, anima autem est pars hujus totius. Necesse igitur est, quod anima sit forma substancialis; forma autem substancialis est enelechia, id est actus materiae faciens illam in actu esse.

Dicitur secundo: *actus primus*; primo, quia anima est actus sicut scientia; ex eo enim quod anima est in animali, inest

ei vigilia et somnus; sicut ex eo quod scientia est in scientie, inest ei consideratio et quies. Vigilia enim assimilatur considerationi, quia, sicut consideratio est usus scientie, ita vigilia est usus sensuum. Somnus vero assimilatur scientiae quando sciens actu non considerat; in somno enim quiescunt virtutes animalis. Scientia autem est actus primus mentis; comparatur enim habitus scientiae ad considerationem sicut potentia ad actum. Potentia autem, licet absolute sit posterior actu, in uno tamen et eodem est prior actu, ut dicitur 9. *Metaphys.* (text. 43; l. 8, c. 8); nam aliquid est primo in potentia, et postea fit actu. Quare et anima erit actus primus ad distinctionem actus secundi, qui est operatio. — Secundo, dicitur anima actus primus, ut distinguatur a formis elementorum, quae semper habent suam actionem, nisi impediatur.

Dicitur tertio: corporis, quia anima non est actus materiae purae, quia esse animatum presupponit esse corporeum, sed est actus compositi ex materia et esse corporeo. Quod tamen non ita intelligendum, quasi corpus, quod est materia animae, sit constitutum per unam formam, quae faciat ipsum esse corpus, et superveniat ei anima faciens ipsum esse corpus vivum; sed quia ab anima est, et quod sit, et quod corpus sit, et quod sit corpus vivum. Cum enim in eodem non possint esse plures formae substantiales, per eandem formam substantialem individuum habet, quod sit substantia, et quod sit corpus, et tale corpus. Verum hoc quod est esse corpus, quia est quid imperfectius, est quid materiale respectu vitae, et habet rationem potentiarum respectu illius.

Dicitur quarto: physici, quia cum corpus animatum sit corpus naturale, necesse est quod ejus partes sint natura, et consequenter ad physicum spectent.

Dicitur quinto: organici, quia anima est actus corporis in potentia vitam habentis; tale autem est corpus organicum, diversitatem scilicet organorum habens. Diversitas enim organorum est necessaria in

corpoce suscipiente vitam propter diversas operationes animae. Anima enim cui sit perfectissima inter formas rerum corporalium, est principium diversarum operationum; et ideo requirit diversitatem organorum in suo perfectibili. Forma vero rerum inanimatarum propter si imperfectionem sunt principia paucarum operationum; unde non exigunt diversitatem organorum in suis operationibus. Inter animas autem, quia animae plantarum sunt imperfectiores, ideo in illis minor est diversitas organorum quam animalibus. — Et ex his manifestum erit recte fuisse traditam a Philosopho priorem animae definitionem. — 2. de *Anima* l. 1 et 2.

*Ad primum ergo dicendum, quod necesse est, si anima est forma corporis, sit unum commune esse, quod est es compositi. Neque hoc impeditur per hoc quod anima et corpus sint diversorum generum; nam neque anima neque corpus sunt in specie vel genere, nisi per reductionem, sicut partes reducuntur ad speciem vel genus totius. — Quæst. dis de *Anima* a. 1, ad 13.*

*Ad secundum dicendum, quod sic Philosophus dicit 2. *Phys.* (text. 26; c. 1) ultima formarum naturalium, ad quam terminatur consideratio philosophi naturalis, quae est anima humana, est quidem separata, sed tamen in materia (quæ ex hoc probat, quia « sol et homo materia generant hominem »): — separata quidem secundum virtutem intellectivam, quia virtus intellectiva non est virtus alicujus organi corporalis, sed virtus visiva est actus oculi (intelligere enim est actus, qui non potest exerci per organum corporale, sicut exercet visio); — sed est in materia, in quantitate ipsa anima, cuius est hæc virtus, corporis forma et terminus generantis humanæ. Sic ergo Philosophus dicit 3. de *Anima* (text. 6 et 7; c. 4), quod intellectus est separabilis, quia non est virtus alicujus organi corporalis. — *Spirit. Creat.* a. 2, ad 13; 1a, l. c., ad.*

d tertium dicendum, quod Aristoteles dicit animam esse actum corporis um, sed esse actum corporis physici mici potentia vitam habentis ; et quod s potentia non abjicit animam. Unde manifestum est, quod in eo, cuius anima tur actus, etiam anima includitur eo loquendi, quo calor est actus calidi, men est actus lucidi : non quod seorsit lucidum sine luce, sed quia est lum per lucem. Et similiter dicitur, I anima est actus corporis, quia per nam et est corpus, et est organi, et potentia vitam habens. Sed actus us dieitur respectu actus secundi, est operatio. Talis enim potentia est abjiciens, id est excludens animam. Propterea vero Philosophus in definitione animae ponit corpus involvens nam : quia aliquando in definitione for subjectum ponitur informe, sicut cum ur : motus est actus existentis in potia ; — aliquando vero ponitur subje formatum, sicut cum dicitur : motus actus mobilis, lumen est actus lucidi ; sic modo dicitur anima actus corporis mici, quia anima facit ipsum corpus organicum, sicut lumen facit aliquid lucidum. — 1a, q. 76, a. 4, ad 1 ; *est. disp. de Anima* a. 1, ad 15.

et quartum dicendum, quod non ponit in definitione animae compositum animum ut sic, sed compositum ex anima quantum est forma corporea. Nam animum sit forma substantialis dans esse tantiale corporeum, animatum ; si concretur in quantum est forma substantia absolute et simpliciter, seu in quantum esse *substantiale*, tantum respirationem et soli materiae advenit per illam definitur. Si vero consideren quantum dat esse posterius, puta *animatum*, supponit se ipsam in mate secundum quod dat esse superius, corporeum ; et per consequens defini per corpus, et illud tamquam pronatum subjectum respicit. Neque en dicendum est, quod anima advenit viventi actu, quia non advenit ma-

teriae, vel corpori facto in actu per aliam formam, sed per se ipsam secundum aliam sui considerationem, ut dictum est. — 2. *de Anima* 1. 1 et 2 ; *Opusc.* 32, c. 8 ; *Edit.* Paris. (1) tom. 27, *Opusc.* 28, c. 4.

Ad quintum dicendum, quod per corpus positum in definitione animae intelligitur corpus habens actum primum vitae, sed existens in potentia ad actum secundum, ut dictum est, neque inconveniens est quod in definitione animae ponatur compositum ex anima et corpore, quatenus anima dat esse corporeum, ut dictum est. — 2. *de Anima* 1. 1 et 2 ; 1a, q. 76, a. 4, ad 1.

ARTICULUS VI

UTRUM POSTERIOR DEFINITIO ANIME A PHILOSOPHO TRADITA SIT CONVENIENS.

Videtur quod posterior definitio animae a Philosopho tradita non sit conveniens.

1. Unius enim rei una est definitio ; sed Philosophus 2. *de Anima* (*text.* 6 et 7 ; c. 1) attulit aliam definitionem : ergo vel illa superflua est vel haec, et consequenter erit inconvenienter tradita. — 2. *de Anima* 1. 1 et 2.

2. Si dicas, quod una est definitio rei per modum conclusionis, sed possunt dari duae aliae, quarum una est principium demonstrationis, altera est demonstratio positione differens, ut etiam dicitur 1. *Poster.* (*text.* 22 ; c. 8) ; — contra, quod quid est non est demonstrabile, sed solum passio de subjecto, ut dicitur 3. *Metaphys.* (*text.* 4 ; 1. 2, c. 2) ; sed definitio significat quod quid est rei : ergo nulla definitio potest esse conclusio demonstrationis. — 3. *Metaphys.* 1. 5 ; 7. *Metaphys.* 1. 5.

3. Præterea, omnis definitio convertitur cum definito ; sed haec non convertitur cum definito ; nam anima vegetativa non est primum principium quo vivimus, sentimus et intelligimus : ergo non est bona definitio. — 3a, q. 60, a. 2, arg. *Sed contra.*

(1) Confer ea quæ in proœmio hujus operis diximus tom. 1, pag. IX.

Sed contra est auctoritas Philosophi 2. de Anima (text. 12 sqq.; c. 2). — 2. de Anima 1. 3 et 4.

RESPONDEO DICENDUM, quod quia ejusdem rei possunt esse plures causæ, materialis, formalis, efficiens, finalis ; ideo ejusdem rei possunt esse plures definitiones sumptæ ex diversis causis : et una potest esse demonstrationis principium atque adeo medium, alia vero potest esse sicut conclusio demonstrationis. — Et hoc quidem verum est in omnibus *artificiatis*, quæ sunt propter finem. Cum enim causæ ad invicem ordinem habent, ex una sumitur ratio alterius. Et quia ex forma sumitur ratio materiæ (talem enim oportet esse materiam, qualem forma requirit) : efficiens autem est ratio formæ (quia enim agens agit simile sibi, oportet quod secundum modum agentis sit etiam modus formæ quæ ex actione consequitur); ex fine autem sumitur ratio efficientis (nam omne agens agit propter finem) ; — ideo oportet quod definitio quæ sumitur a fine, sit ratio et causa probativa aliarum definitionum quæ sumuntur ex aliis causis. Ut si definitienda sit domus, definitio illius sumpta ex causa finali, erit ratio definitionis per causam materialem, et medium probans eam ; propter hoc enim oportet ut domus fiat ex lapidibus et lignis, quia est operimentum protegens nos a frigore et aestu. Definitio enim haec : domus est cooperimentum constitutum ex lapidibus, cæmento et lignis, est ex causa materiali ; haec autem : domus est operimentum prohibens nos a pluvia, frigore, calore, est ex causa finali ; et si ultraque conjungatur, erit demonstratio positione differens, sic : omne operimentum prohibens nos a pluvia, frigore et calore, oportet quod sit constitutum ex lapidibus, cæmento et lignis ; domus est hujusmodi : ergo.

In *naturalibus* autem, quæ non sunt facta per se primo propter finem, ut *artificialia*, illa definitio est principium demonstrandi, quæ secundum nos notificat et probat definitionem, quæ est sicut conclusio demonstrationis. Cum enim omnis

demonstratio adducatur causa notifica aliud, necesse est quod omissis demonstratio procedat ex notioribus quoad n quibus per demonstrationem fit aliqui notum. In *quibusdam* autem eadem si notiora quoad nos et secundum natura sicut in mathematicis, quæ sunt a mate abstracta : et in his demonstratio prodit ex notioribus simpliciter et notio bus secundum naturam, scilicet ex casis in effectus ; unde dicitur demonstratio *propter quid*. In *quibusdam* v non sunt eadem magis nota simpli ter et quoad nos, ut in *naturalibus*, quibus plerumque effectus sensibiles si magis noti suis causis. Et ideo in natura bus ut plurimum proceditur ab his q sunt minus nota secundum naturam magis nota quoad nos, ut dicitur in *Phys.* (text. 2 ; c. 1).

Quoniam igitur magis notum est nobis quod anima sit principium vivendi, se tiendi et intelligendi, quam quod sit actus corporis, atque adeo illius causa formalis ideo ab effectu animæ definiti potest anima, et per illum tamquam per quid natus potest demonstrari definitio formalis animæ sic : quod est primum principium vivendi, est actus et forma corporis viventis. Manifestum autem est, quod haec demonstratio est a posteriori ; ex eo en quod anima est forma corporis viventis est principium operum vitae, non e contraria.

Quod vero anima sit primum principium vivendi, patet, quia animatum distinguitur ab inanimato in vivendo : anima enim vivunt, non inanimata. *Qualiter* autem sunt modi vivendi, quorum unus est per intellectum, secundus per sensum, tertius per motum et statum localem, quartus per motum augmenti et decrementi. *quibusdam* enim viventibus inveniunt tantum alimentum, augmentum et decimatum, sicut in plantis. In *quibusdam* autem cum his invenitur sensus sine motu locali, sicut in animalibus imperfectis, ut sunt ostreæ. In *quibusdam* autem ulterius invenitur motus secundum locum, sicut in animalibus perfectis, quæ move-

motu progressivo, ut sunt equus, bos, nubusdam autem cum his ulterius in- tetur intellectus, ut in hominibus. Ergo is omnibus principium vivendi debet anima, non autem materia; quod in aliis viventibus manifestum esse potest. Quod enim in plantis principium vivendi anima, patet, quia natura non mouet contraria loca, motus autem augmenti incrementi est secundum contraria lo- angentur enim vegetabilia omnia solum sursum, sed etiam deorsum. I vero similiter in animalibus anima principium vivendi, manifestum est. Animal est tale propter sensum; ea dicimus esse animalia et non solum sentia, quae licet non mutent locum, ha- tamen sensum. Et inter alios sensus non inest tactus. Sicut enim vegetati- potest separari a tactu et ab omni- sensu, ita tactus potest separari ab aliis animalibus; multa enim animalia sunt, quae in sensum tactus habent, sicut anima imperfecta; omnia autem animalia ha- sensum tactus. Anima autem est prin- im sensuum et praesertim tactus, sic- principium vegetativum est illa anima, in plantæ participant. Ergo dicendum quod anima est principium primum di secundum quatuor genera vita. Quod autem primum principium viven- ti actus et forma corporum viventium, et, quia duorum quorum utroque dici- esse aliquid aut operari, unum scili- quod primum est, est quasi forma, et d quasi materia: sicut similiter duo- sanamur, quorum unum est sanitas, rum totum corpus, vel aliqua pars corporis; quorum duorum unum est quasi materia et aliud quasi materia. Sed anima primum quo vivimus, cum tamen amus anima et corpore. Ergo anima «actus corporis physici». Manifestum non est, quod corpus non est actus ani- , sed magis anima est actus corporis uisus; corpus enim est in potentia re- actu animæ. Atque haec est definitio pri- animæ superius explicata, quæ a Phi- pho probatur per aliam a posteriori,

puta per hanc: Anima est «primum principium quo vivimus». Unde manifestum est recte fuisse a Philosopho traditam posteriorem animæ definitionem. — 1. Pos- ter. l. 4 (3) et 16 (15); 2. Sent. dist. 9, q. 1, a. 1, ad 1; 2. *de Anima* l. 3 et 4.

Ad primum ergo dicendum, quod unius possunt esse plures definitiones ex diver- sis causis sumptæ vel etiam ab effectu, ut dictum est (in c.).

Ad secundum dicendum, quod quia cau- sae ad invicem ordinem habent, ex una sumitur ratio alterius; et ideo potest definicio sumpta ab una probare definitionem sumptam ex alia, ut dictum est (in c.).

Ad tertium dicendum, quod definitio con- vertitur cum definito; nam in posteriori definitione definitur anima in communi; haec enim est principium vivendi secun- dum quatuor predictos modos. In diver- sis tamen viventibus sicut separantur pre- dicti modi, ita et animæ; nam in quibusdam viventibus anima est tantum prin- cipium vegetandi; in aliis vegetandi et sen- tiendi; in aliis vero eadem anima est etiam principium intelligendi, ut in homine. — 2. *de Anima* l. 3 et 4.

ARTICULUS VII

UTRUM ANIMA SIT IN TOTO CORPORE SECUN- DUM SUAM ESSENTIAM, AN VERO IN PARTE TANTUM DETERMINATA.

Videtur quod anima secundum suam essentiam sit tantum in parte determinata corporis.

1. Dicit enim Philosophus (*de Communi Animalium Motione* c. 7, al. 10), quod non opus est in unaquaque parte corporis esse animam, sed in quodam principio corpo- ris existente alia vivere, eo quod simul nata sunt facere proprium motum per naturam: ergo. — 1a. q. 76, a. 8, arg. 1; *Quest. disp. de Anima* a. 10, arg. 4; *de Spirit. Creat.* a. 4, arg. 1.

2. Præterea, Philosophus dicit (*de Ju- vent. et Senect. c. 1*), quod plantæ habent principium nutritivum in medio superioris

et inferioris ; sed sicut superius et inferioris est in plantis, ita in animalibus est superius et inferioris, dextrum et sinistrum, ante et retro : ergo oportet quod principium vitae, quod est anima, sit in medio harum particularum ; hoc autem est cor : ergo anima est tantum in corde. — *Quæst. disp. de Anima* a. 10, arg. 6.

3. Præterea, dicit Philosophus (*8. Phys. text. 8^a* ; c. 18), quod motor cœli oportet quod sit in centro vel in aliquo signo circumferentiae (quia haec duo sunt principia in motu circulari) ; et ostendit, quod non potest esse in centro, sed in circumferentia, quia quanto aliqua sunt propinquiora circumferentiae et remotiora a centro, tanto sunt velocioris motus ; ergo a simili oportet quod motus animæ sit in illa parte animalis, in qua præcipue appetet motus ; hoc autem est eorum cor : ergo anima est tantum in corde. — *Ibid. arg. 5.*

4. Præterea, ex corpore et anima constituitur animal ; si igitur in qualibet corporis parte esset anima, qualibet pars animalis esset animal, sicut qualibet pars ignis est ignis ; quod tamen est inconveniens. — *De Spirit. Creat. a. 4, arg. 2 ; 1a, l. c. arg. 3* ; *1. Sent. dist. 8, q. 5, a. 3, arg. 2.*

5. Præterea, in quocunque est subiectum, est et proprietas subjecti ; sed omnes potentiae animæ sunt in essentia animæ, sicut et proprietates in subiecto : ergo si anima esset in qualibet parte corporis, sequeretur quod in qualibet parte corporis essent omnes potentiae animæ ; et sic auditus erit in oculo et visus in aure ; quod est inconveniens. — *de Spirit. Creat. l. c. arg. 3* ; *Quæst. disp. de Anima* a. 10, arg. 13 ; 1a, l. c. arg. 4.

6. Præterea, nulla forma quæ requirit dissimilitudinem partium, invenitur in qualibet parte, ut patet de forma domus, quæ non est in quacunque parte, sed in tota domo ; formæ vero quæ non requirunt dissimilitudinem partium, sunt in singulis partibus, ut forma aeris et ignis ; anima autem est forma requirens dissimilitudinem partium, ut patet in omnibus anima-

tis ; ergo anima non est in qualibet parte corporis. — *de Spirit. Creat. l. c. arg. 4.*

7. Præterea, secundum Philosophum motis nobis moventur omnia quæ sunt in nobis : contingit autem unam partem corporis moveri alia quiescente : si ergo anima est in qualibet parte corporis, quicquid simul moveatur et quiescat quod videtur esse inconveniens. — *Spirit. Creat. l. c. arg. 7* ; *Quæst. disp. de Anima* l. c. arg. 12.

8. Præterea, anima non est nisi in corpore cuius est actus ; sed est actus corporis organici, ut dicitur *2. de Ani. (text. 6 ; c. 1)* : cum ergo qualibet pars corporis non sit corpus organicum, n' erit in qualibet parte corporis. — *de Spirit. Creat. l. c. arg. 13* ; *1a, l. c. arg. Quæst. disp. de Anima l. c. arg. 4.*

9. Præterea, plus differunt os et cœuius hominis quam duæ carnes duorum hominum ; sed anima una non potest esse in duobus corporibus diversorum ergo non potest esse in omnibus partibus unius corporis. — *de Spirit. Creat. c. arg. 14.*

10. Præterea, si anima est in qualibet parte corporis, oportet quod ablata quæcumque parte corporis vel auferatur a anima — quod patet esse falsum, cum reineat homovivens —, vel transferatur de una parte ad alias — quod est impossibile, cum anima sit simplex, et consequenter immutabilis — ; non ergo est in qualibet parte corporis. — *de Spirit. Creat. l. c. arg. 15.*

11. Præterea, nullum indivisibile possit esse nisi in indivisiibili, cum locum operatur aequari locato ; sed in corpore contingit signare infinita indivisibilia : enim si in qualibet parte corporis sit anima, quicquid sit in infinitis ; quod esse impossibile, cum sit finitæ virtutis. — *Ibid. a. 16.*

12. Præterea, anima est principium viæ in animali ; si ergo anima esset in qualibet parte corporis, qualibet pars corporis immediate acciperet vitam ab anima ; ita una pars non dependeret ab alia invendo ; quod est falsum, cum omnes d-

endeant in vivendo a corde. — *Quæst. disp. de Anima* l. c. arg. 11; 4a, l. c. arg. 5; *Sent. dist.* 8, q. 5, a. 3, arg. 3.

Sed contra est: 1. quod anima non dat se corpori nisi secundum quod unitur eis; sed anima dat esse toti corpori et cuius est parti ejus: ergo anima est in toto corpore et in qualibet parte illius. — *Quæst. disp. de Anima* l. c. arg. 2 *Sed contra*.

2. Praeterea, anima non operatur nisi ei est: sed operationes animæ apparent in qualibet parte corporis; æqualiter enim cito sentit anima læsionem in qualibet parte corporis: ergo anima est in qualibet parte corporis. — *Ibid.* arg. 3; 4. *Sent. l. c. arg. 2 Sed contra*.

3. Praeterea, anima est majoris virtutis quam forma materialis: sed forma materialis, ut ignis vel aeris, est in qualibet parte: multo igitur magis anima. — *de Spirit. Creat.* l. c. arg. 3 *Sed contra*.

RESPONDEO DICENDUM, quod necesse est dicere, quod anima sit in toto corpore in qualibet parte ejus. Cujus ratio est, quia anima non solum unitur corpori ut motor, sed etiam ut forma substantialis. Non enim anima presupponit alias formas substantiales in materia quæ dent esse substantiale corpori aut partibus ejus, sed totum corpus et omnes ejus partes habent esse substantiale et specificum per animam. Sed forma substantialis non solum est perfectio totius, sed etiam cuiuslibet partis. Cum enim totum consistat ex partibus, forma totius, quæ non dat esse singularis partibus corporis, est forma quæ est compositio et ordo, sicut forma domus: et illa forma est accidentalis. Anima vero est forma substantialis; unde oportet quod sit actus et actus non solum totius, sed cuiuslibet partis: et ideo recedente anima, sicut non manet homo, ita nec animal aut vivum nisi æquivoce, sicut depicta aut latidea, ut dicit Philosophus 2. *de Anima* ext. 9; c. 1). Cujus signum est, quod nul- pars corporis habet proprium opus animæ recedente: cum tamen omne quod continet speciem, retineat operationem spe-

ciei. Actus autem est in eo, cuius est actus. Unde oportet animam esse in toto corpore et in qualibet ejus parte; quamquam aliter se habet anima ad totum corpus et ad partes ejus: nam anima *totius* quidem corporis actus est primo et per se, *partium* vero in ordine ad totum.

Ad cuius evidentiam considerandum est quod, cum materia sit propter formam, talem oportet esse materiam, ut competit formæ. In istis rebus corruptilibus formæ imperfectiores, quæ sunt debilioris virtutis, habent paucas operationes, ad quas non requiritur partium dissimilitudo, sicut patet in omnibus corporibus inanimatis. Anima vero, cum sit altioris et majoris virtutis, potest esse principium diversarum operationum, ad quarum executionem requiruntur partes dissimiles corporis: et ideo omnis anima requirit diversitatem organorum in partibus corporis, cuius est actus, et tanto majorem diversitatem, quanto anima fuerit perfectior. Sic igitur formæ insimilæ uniformiter perficiunt suam materiam, sed anima difformiter, ut ex dissimilibus partibus constituatur integritas corporis, cuius *primo* et *per se* anima est actus. Et sic manifestum est, quod anima est in toto corpore et in singulis ejus partibus secundum suam essentiam. — 1a, q. 76, a. 8, c; *de Spirit. Creat.* a. 4, c.; *Quæst. disp. de Anima*. a. 10, c.; 1. *Sent. dist.* 8, q. 5, a. 3, c.

Ad primum ergo dicendum, quod Philosophus loquitur de anima quantum ad potentiam motivam, quæ primo fundatur in corde; per illam enim partem movet anima totum corpus; et hoc patet exemplo rectoris, quod ibi ponit. — Il. cc. in arg.

Ad secundum dicendum, quod etiam in plantis anima dicitur esse in medio ejus quod est sursum et deorsum, in quantum est principium quarundam operationum; et similiter est de animalibus. — *Quæst. disp. de Anima* a. 10, ad 6.

Ad tertium dicendum, quod motor cœli non circumscribitur loco secundum suam

substantiam; sed Philosophus intendit ostendere ubi sit quantum ad principium movendi; et hoc modo, quantum ad principium motus, anima est in corde. — *Quæst. disp. de Anima* a. 10, ad 5.

Ad quartum dicendum, quod animal est quod componitur ex anima et corpore toto, quod est primum et per se et proportionatum ejus perfectibile; sic autem anima non est in parte. Unde non oportet quod pars animalis sit animal. Ideo autem anima non est primo et per se et tamquam in proportionato perfectibili in qualibet parte corporis, sed solum sic est in toto corpore: quia anima quamvis sit forma simplex, est tamen multiplex in virtute, secundum quod ex ejus essentia oriuntur diverse potentiae; et ideo oportet corpus proportionatum sibi habere partes distinctas ad recipiendum diversas potentias; unde etiam anima dicitur esse actus corporis organici; et quia non quælibet pars animalis habet talem distinctionem, non potest dici animal. — 1a, q. 76, a. 8, ad 3; 1. *Sent. dist. 8*, q. 5, a. 3, ad 2.

Ad quintum dicendum, quod secundum Philosophum (*de Somno et Vig.* c. 1) cuius est potentia, ejus est actio. Unde potentiae illæ, quarum operationes non sunt solius animæ, sed conjuncti, sunt in organo sicut in subjecto, in anima autem sicut in radice. Solum autem illæ potentiae sunt in anima sicut in subjecto, quarum operationes anima non per organum corporis exsequitur, quæ tamen sunt animæ secundum quod excedit corpus seu totam ejus capacitatem, quæ proinde in nulla parte corporis esse dicuntur: et sunt intellectus et voluntas. Unde non sequitur quod in qualibet parte corporis sint omnes potentiae animæ. — 1a, l. c. ad 4; *Quæst. disp. de Anima* a. 10, ad 13.

Ad sextum dicendum, quod forma domus cum sit accidentalis, non dat esse specificum singulis partibus domus, sicut dat anima singulis partibus corporis; et ideo non est simile. — *de Spirit. Creat.* a. 4, ad 4.

Ad septimum dicendum, quod anima moto corpore, moveatur *per accidens* e *non per se*. Non est autem inconveniens quod aliquid simul moveatur et quiesca per accidens secundum diversa; siue non est inconveniens, quod aliquid moveatur per accidens motibus contrariis ut puta, si quis in navi deferretur contrarium navis; esset autem inconveniens si anima per se simul quiesceret et moveretur. — *Ibid.* ad 7.

Ad octavum dicendum, quod anima dicitur actus corporis organici sicut primi et proportionati perfectibilis: corpus enim organicum est perfectibile ab anima primo et per se; singula autem organa et organorum partes in ordine ad totum sicut dictum est. Et ratio hujus est, quia cum materia sit propter formam, forma autem ordinetur ad propriam operationem; oportet quod talis sit materia unius cujusque formæ, ut competit operationi illius formæ: sicut materiam serræ oportet esse ferream, quod competit ad operem serræ propter suam duritatem. Cum ergo anima propter suæ virtutis perfectionem possit in diversas operationes, necessarium est quod materia ejus sit corpus constitutum ex partibus congruentibus a diversas operationes animæ, quæ dicuntur organa. Et propter hoc totum corpus cui respondet principaliter anima ut forma, est organum; partes autem sunt propter totum: unde animæ non respondet pars corporis sicut proprium et principale perfectibile, sed secundum quod ordinem habet ad totum. Unde non oportet quod quælibet pars animæ sit corpus organicum, licet anima sit forma ejus. — 1a, l. c. ad 2; *Quæst. disp. de Anima* l. c. ad 1; *de Spirit. Creat.* l. c. ad 13.

Ad nonum dicendum, quod caro mecum carne alterius hominis magis convenit secundum rationem speciei, quam caro mea cum osse meo; sed secundum analogiam ad totum est e converso; nam caro mea et os meum possunt ordinari ad unum totum constituendum, non at-

in caro mea, et caro alterius. — *de spirit. Creat.* l. c. ad 14.

Ad decimum dicendum, quod præcisa parte non sequitur quod auferatur anima, sed quod ad aliam partem transmutetur, si poneretur quod in illa sola parte esset anima; sed sequitur quod illa pars desinet perfici ab anima totius. — *Ibid.* ad 15.

Ad undecimum dicendum, quod anima non est indivisibilis ut punctum habens unum in continuo, contra cuius rationem est in loco divisibili esse: sed anima est indivisibilis per abstractionem a toto nomine continui; unde non est contra ipsius rationem, si sit in aliquo toto divisibilis. — *Ibid.* ad 16.

Ad duodecimum dicendum, quod vivere animali dicitur *dupliciter*: — *uno modo* vivere est ipsum esse viventis, sicut dicit Philosophus (2. *de Anima* text. 37; 34), vivere viventibus est esse; et hoc modo anima immediate facit vivere quam et partem corporis, in quantum est ejus forma. *Alio modo* dicitur vivere pro operatione animæ, quam facit in corde, prout motor; et talis est vita, quæ desertur a spiritus vitales: et talem vitam prius influit in cor et postea in alias partes. Inde est quod læso corde perit operatio animæ in omnibus partibus corporis, et per consequens esse ipsarum partium, quod conservatur per operationem animæ. — 1. *Sent.* dist. 8, q. 5, a. 3, ad 3.

ARTICULUS VIII

RUM ANIMA ITA SIT IN CORPORE ET EJUS QUALIBET PARTE, UT SIT TOTA IN TOTO CORPORE ET TOTA IN QUALIBET PARTE, ATQUE ADEO SIT INDIVISIBILITER IN CORPORE. AN VERO SIT DIVISIBILITER, ITA UT TOTA SIT IN TOTO ET PARS IN PARTE.

Videtur quod anima sit divisibiliter in corpore, ita ut sit tota in toto, non tamen tota in qualibet parte, sed una pars animæ sit in una parte corporis, et alia pars animæ in alia parte corporis.

1. Dicit enim Philosophus (2. *de Anima* text. 9; c. 1), quod sicut anima se habet ad corpus, ita pars animæ ad partem corporis: ergo si anima est in toto corpore, non erit in qualibet parte corporis tota, sed pars ejus. — *Quæst. disp. de Anima* a. 10, arg. 9; 1a, q. 78, a. 8, arg. 3.

2. Sed dices, quo i Philosophus loquitur de anima et partibus ejus in quantum est motor, non in quantum est forma. — Sed contra, Philosophus dicit ibidem, quod si oculus esset animal, visus esset anima ejus; sed anima est forma animalis: ergo pars animæ est in corpore ut forma, et non ut motor tantum. — *Quæst. disp. de Anima* a. 10, arg. 10.

3. Praeterea, omne quod est in altero, est in eo per modum ejus in quo est; si igitur anima est in corpore, oportet quod sit in eo per modum corporis; sed modus corporis est, ut ubi est una pars, non sit alia: ergo ubi est una pars animæ, non est alia; et ita non est tota in qualibet parte corporis. — *Ibid.* arg. 14.

4. Praeterea, magis intime unitur forma materiæ quam locatum loco; sed unum locatum non potest esse in diversis locis simul, etiamsi sit substantia spiritualis, puta angelus: ergo nec anima poterit esse in diversis partibus corporis. — *Ibid.* arg. 18; 1. *Sent.* dist. 8, q. 5, a. 3, arg. 4.

5. Praeterea, cum anima sit simplex, absque quantitate dimensiva, nulla totalitas videtur ei posse attribui, nisi virtutis; sed non est in qualibet parte corporis secundum suas potentias, in quibus consideratur totalitas virtutis ejus; non ergo in qualibet parte corporis est tota anima. — *de Spirit. Creat.* a. 4, arg. 17.

6. Praeterea, nulla forma quæ extenditur ad extensionem materiæ, est tota in qualibet parte suæ materiæ; sed anima saltem vegetativa et sensitiva extenditur secundum extensionem suæ materiæ, cum educatur ex ejus potentia: ergo idem quod prius. — *Ibid.* arg. 5.

7. Praeterea, extra totum nihil est su-

mere ; si igitur anima est tota in qualibet parte corporis, extra illam partem nihil est de anima : ergo impossibile est quod anima sit tota in qualibet parte. — *Quæst. disp. de Anima* a. 10, arg. 3.

8. Praeterea, quædam animalia decisa vivunt ; sed non est dicere, quod altera pars vivat per totam animam : ergo nec ante decisionem tota anima erat in illa parte, sed pars animæ. — *de Spirit. Creat.* a. 4, arg. 19 ; *Quæst disp. de Anima* l. c. arg. 15.

9. Praeterea, dimensiones corporis animati possunt in infinitum dividiri ; si ergo in qualibet parte dimensionum esset forma substantialis, tota esset infinites sub iisdem dimensionibus : quod est impossibile. — 4. *Sent. dist. 10, q. 4, a. 3, quæstiunc. 3, arg. 1.*

Sed contra, forma substantialis adest cuilibet parti tota, quia non convenit illi alia totalitas quam essentiæ ; unde sicut tota essentia albedinis est in toto corpore, et tota in qualibet parte illius, ita et tota forma erit in qualibet parte materiæ ; sed anima est forma substantialis corporis animati : ergo est tota in toto corpore, et tota in qualibet parte ejus. — 1. *Sent. dist. 8, q. 5, a. 3, arg. 1* *Sed contra* ; *de Spirit. Creat.* a. 4, arg. 3 *Sed contra* ; 2. c. *Gent. c. 72.*

RESPONDÓ DICENDUM, quod quidam posuerunt animam *dupliciter* posse considerari : *aut* secundum suam essentiam, *aut* secundum quod est totum quoddam potentiale. Si *primo modo*, sic dicebant ipsam non esse in toto corpore, sed in aliqua parte ejus, scilicet corde, et per cor vivificare totum corpus per spiritus vitales procedentes a corde. Si *secundo modo*, sic anima consideratur ut quædam potentia integrata ex omnibus particularibus potentiis ; et sic tota anima est in toto corpore, et non tota in qualibet parte corporis ; imo, sicut dicit Philosophus (2. *de Anima text. 9; c. 1*), partes animæ se habent ad partes corporis sicut tota anima ad totum corpus : unde si pupilla esset animal, visus esset anima

ejus. — Hujus autem positionis causa duplex imaginatio falsa : una est, quia imaginati sunt animam esse in corpore sicut in loco, ac si tantum esset motor, non forma, sicut est nauta in navi ; alia quia imaginati sunt simplicitatem animæ esse ad modum puncti, ut sit aliquid invisibile habens situm indivisibilem, utrumque horum est stultum. — Et id dicendum est, quod anima secundum sua essentiam considerata est in toto corpore indivisibiliter, id est tota in toto, et in qualibet parte ; considerata vero secundum totalitatem potentiarum est quidem tota in toto corpore, sed non tota in qualibet parte. — 1. *Sent. dist. 8, q. 5, a. 3, c.*

Cujus rei *ratio duplex* afferri potest. Una est, quia nulli substantiæ simili debetur locus nisi secundum relationem quam habet ad corpus. Anima autem comparatur ad corpus ut ejus forma a qua totum corpus et quælibet ejus pars habet esse sicut a forma substantia. Et tamen potentias ejus non omnes pars corporis participant ; imo sunt aliquæ potentiarum quibus non est possibile per aliquid corporeum, sicut potentiarum intellectivarum. Aliæ autem sunt quæ possunt esse perfectiones corporum, non tamen eas omnes influit anima in qualibet pars corporis, cum non quælibet pars corporis sit ejusdem harmoniæ et commixtus, et nihil recipiatur in aliquo secundum proportionem recipientis ; ideo non eandem perfectionem recipit anima auris et oculis, cum tamen quælibet pars recipiat esse. Unde si consideretur anima ut *forma* et *essentia*, et in qualibet parte corporis tota ; si autem prout est *motor* secundum suas potentias, sic est tota in toto et in diversis partibus secundum diversas potentias. — *Ibid.*

Alteram *ratio* est, quia animæ, praesertim humanæ et animalium perfectorum, nulla alia totalitas convenire potest quam secundum perfectionem essentiæ, secunda quam haec animæ totæ sunt in totis corporibus suis, et in quibuslibet partibus illorum.

Ad ejus evidentiam considerandum t, quod cum totum sit quod dividitur partes, secundum triplicem divisionem t *triplex totalitas*. Est enim quoddam totum quod dividitur in partes quantitatis, sicut tota linea vel totum corpus que adeo totum quantum. Est etiam quoddam totum quod dividitur in partes definitionis et essentiae, sicut definitum in utes definitionis, puta in genus et differentiam, et compositum resolvitur in materia et formam. Tertium autem quantum est potentiale seu secundum virtutem, quod dividitur in partes virtutis.

Primus autem totalitatis modus, qui secundum quantitatem, non convenit formis nisi forte per accidens, quatenus sicut per accidens dividuntur divisione quantitatis, sicut albedo divisione superficie; et illis solis formis convenit quae extenduntur quantitati; quod ex hoc convenit aliquibus formis, quia habent materiam similem et in toto et in parte; est quae non requirunt magnam dissimilitudinem in toto et partibus; atque adeo se habent indifferentem habitudinem totum quantitativum et ejus partes: ut patet in albedine, quae, quantum est sui ratione, æqualiter se habet ut sit tota superficie et in qualibet superficie pars; et ideo divisa superficie dividitur albedo per accidens. Sed formæ quae requirunt diversitatem et magnam dissimilitudinem in partibus, sicut est anima minis et animalium perfectorum, non equaliter se habent ad totum corpus et partes; unde non dividuntur per divisionem quantitatis. Sic ergo totalitas quantitativa non potest attribui animæ per se nec per accidens. — Sed totalitas secunda, quae attenditur secundum perfectionem rationis et essentiae, proprie per se convenit formis; similiter autem totalitas virtutis et potestatis, per quam licet totum comparatur ad partes virtutis et potestatis, quae accipiuntur secundum divisionem operationum. — 1a, q. 8, c.; *de Spirit. Creat.* a. 4, c.; *1st disp. de Anima* a. 10, c.

Si ergo accipiatur forma, quæ dividitur per continui divisionem, ut est albedo, et quaeratur de illa, utrum sit tota in tota superficie et in qualibet parte superficie; distinguere oportet, quia si fiat mentio de totalitate quantitativa, quam habet albedo per accidens, non est tota in qualibet parte superficie. Et similiter dicendum est de totalitate virtutis; magis enim potest movere visum illumque disgregare albedo quæ est in tota superficie, quam albedo quæ est in aliqua ejus particula: sicut plus potest calefacere calor existens in magno igne quam in parvo. Sed si fiat mentio de totalitate speciei et essentiae, tota albedo est in qualibet parte superficie; nam tota ratio speciei albedinis invenitur in qualibet parte superficie; non autem est tota secundum quantitatem, quam habet per accidens, sed pars est in parte. — 1a, q. 76, a. 4, c.

Quoniam ergo animæ animalium perfectorum non habent totalitatem quantitativam, nec per se nec per accidens, ut dictum est — secus vero animæ animalium imperfectorum, seu annulosorum, quæ decisa vivunt; in quibus est una anima actu et plures in potentia, ut docet Philosophus (2. *de Anima* text. 20; c. 2); — propterea anima perfecti animalis tota est in qualibet parte corporis secundum totalitatem perfectionis et essentiae, non autem secundum totalitatem virtutis: quia non secundum quilibet suam potentiam est in qualibet parte corporis sed secundum visum in oculo, secundum auditum in aure, et sic de aliis. Et ratio est, quia partes corporis diffiniter perficiuntur ab anima ad diversas potentias. Quod si loquamur in particulari de *anima humana*, hæc neque secundum totalitatem virtutis dicitur tota in toto corpore, et multo minus in qualibet parte: quia est aliqua ejus operatio, puta intelligere, quam per nullam partem corporis exequitur; nam virtus hujus operationis existens in anima capacitatem corporis excedit. Tamen attendendum est in anima perfecti animalis, quod quia, ut dictum est, requirit di-

versitatem in partibus, non eodem modo comparatur ad totum et ad partes, sed ad totum quidem primo et per se, sicut ad proprium et proportionatum perfectibile; ad partes autem per posterius, secundum quod partes habent ordinem ad totum. — *Ia, q. 76, a. 8, c.; de Spirit. Creat. a. 4, c.; Quæst. disp. de Anima a. 10, c.; 2. c. Gent. c. 72.*

Ad primum ergo dicendum, quod partes animæ accipiuntur a Philosopho non quantum ad essentiam animæ, sed quantum ad ejus potestatem. Et ideo dicimus, quod sicut anima est in toto corpore, ita pars animæ est in parte corporis: quia sicut totum corpus organicum se habet ut deserviat operationibus animæ quæ per corpus exercentur, ita se habet unum organum ad unam determinatam operationem. — Quæst. disp. de Anima a. 10, ad 9.

Ad secundum dicendum, quod potentia animæ radicatur in essentia, et ideo ubi cunque est aliqua potentia animæ, ibi est essentia animæ. Quod ergo dicit Philosophus, quod si oculus animalis esset animal, visus esset anima ejus, non intelligitur de potentia animæ sine ejus essentia, sicut et totius corporis dicitur anima sensibilis esse forma per essentiam suam, non per potentiam sensitivam. — Ibid. ad 10.

Ad tertium dicendum, quod cum dicitur unumquodque esse in alio secundum modum ejus in quo est, intelligitur quantum ad capacitatibus ipsius modum, non quantum ad naturam ejus. Non enim oportet ut id quod est in aliquo, habeat naturam et proprietatem ejus in quo est; sed quod recipiatur in eo secundum capacitatem ipsius; manifestum enim est, quod aqua non habet naturam amphoræ. Unde nec oportet quod anima habeat istam naturam corporis, ut ubi est una pars ejus, ibi sit alia. — Ibid. ad 14.

Ad quartum dicendum, quod simplicitas animæ et angeli non est existimanda ad modum simplicis puncti, quod habet determinatum situm in continuo; et ideo quod simplex est, non potest esse simul

in diversis partibus continui. Sed angelus et anima dicuntur simplicia per hoc quod omnino carent quantitate; et ideo non applicantur ad continuum nisi per contactum virtutis. Unde totum illud quod virtute angelii contingitur, respondeat angelio, qui non unitur ut forma, a locus unus; et animæ, quæ unitur ut forma, ut perfectibile unum: et sicut angelus est in qualibet parte sui loci totus, ita et anima est in qualibet parte sui perfectibilis tota. — *Ibid. ad 18.*

*Ad quintum dicendum, quod anima est hoc quod est indivisibilis sequitur quod non habet totalitatem quantitatis. Ne propter hoc relinquitur quod sit in ea sola totalitas potentiarum; est enim in ea totalitas secundum essentiae rationem, id dictum est. — *de Spirit. Creat. a. 4, ad 1.**

Ad sextum dicendum, quod anima animalis perfecti non extenditur secundum extensionem corporis; virtualis tamen ei quantitas non porrigitur in majorem quantitatem quam corporis. — Ibid. ad 5.

*Ad septimum dicendum, quod cum anima sit in una parte corporis eo modo quod dictum est, nihil animæ est extra anima quæ est in hac parte corporis. Non tam sequitur, quod animæ nihil sit extra ha partem corporis, sed quod nihil sit extra totum corpus, quod principaliter pertinet. — *Quæst. disp. de Anima a. 10, ad 1.**

*Ad octavum dicendum, quod anima annulosa decisa vivunt, non solum quia anima est in qualibet parte corporis, sed quia anima eorum cum sit imperfecta paucarum actionum, requirit parvam diversitatem in partibus, quæ etiam invenerit in parte decisa vivente; unde conserneat dispositionem per quam totus corpus est perfectibile ab anima, remansit in eo anima; secus autem est in animilibus perfectis. — Ibid. ad 15; *de Spir. Creat. l. c. ad 19; 1. Sent. dist. 8, q. a. 3, ad 2.**

Ad nonum dicendum, quod unitas consequitur esse ipsum; partes autem cuius homogenei continui ante divisionem non habent esse actu, sed potentia lat-

et ideo nulla illarum habet unitam propriam in actu; unde actu non potest accipere ipsarum numerum, sed potentiam tantum. Et propter hoc forma, quae est tota in toto tali, et tota in partibus suis, non dicitur ante divisionem continui esse ibi plures actu, sed solum potentia; sed post divisionem multiplicatur secundum actum, sicut patet in animalibus annulosis et in plantis. Neque est inconveniens, quod talis forma sive anima per divisionem corporis quanti sit ibi in potentia. — 4. *Sent.* dist. 10, 1, a. 3, quæstiunc. 3, c. et ad 4.

QUESTIO XLIX

DE PROPRIETATIBUS ANIMÆ.

Inde considerandum est de proprietatibus animæ.

CIRCA QUAS QUÆRUNTUR DUO:

i) trum anima sit mobilis per se.
Utrum omnis anima sit inseparabilis a corpore.

ARTICULUS I

UTRUM ANIMA SIT MOBILIS PER SE.

Videtur quod anima sit mobilis per se. 1. Dicit enim Philosophus (*l. de Anima* art. 62; c. 4), quod dicimus animam statim gaudere, confidere timere; sed hujusmodi videntur esse motus, ut dicit Philosophus ibidem: ergo anima est per se mobilis. — *l. de Anima* l. 10.

2. Praeterea, anima est motor corporis; non est movens non motum, *tum* quia videtur quod nihil possit movere nisi motum (quia nihil dat alteri quod non habet, sicut quod non est calidum non calefacit), *tum quia* si aliquid est movents non motum, causat motum sempiterne et eodem modo se habentem, ut probatur in *8. Phys.* (*text. 43* sqq.; c.

5); quod non appareat in motu animali, qui est ab anima: ergo anima est movens motum, et consequenter est per se mobilis. — *l. a. q. 75, a. 1, arg. 1.*

3. Praeterea, mutato aliquo mutatur et id quod est in illo; sed corpus, in quo est anima, movetur localiter: ergo et anima localiter movebitur. — *de Malo* q. 2, a. 11, arg. 15 et ad 15.

4. Praeterea, illud movetur localiter, quod acquirit novum locum, ubi prius non erat; sed anima in nutritione et augmentatione acquirit novum locum, puta locum ubi prius erat alimentum quod in vivens convertitur: ergo anima per se localiter movetur. — *de Spirit. Creat.* a. 4, arg. 12.

Sed contra est auctoritas Philosophi in l. de Anima (text. 36 et 62; c. 3 et 4), ubi fusc probat contra veteres philosophos animam non moveri per se. — l. de Anima l. 6.

RESPONDEO DICENDUM, quod anima nulla specie motus movetur *per se*; *per accidentem* autem potest localiter moveri ad motum totius corporis. Quod potest facile ostendi.

Quod enim non sit *per se* mobilis ulla specie motus, sive late sive presse sumpto nomine motus, prout generationem et corruptionem excludit, — probatur *primo*, quia omnes motus proprii sumpti sunt in loco: quare et anima erit in loco; quod est inconveniens: quia si est in loco, oportet quod illi assignetur proprius locus in corpore separatus, et sic non erit forma totius corporis. — *l. de Anima* l. 6. — Probatur *secundo* inductione in omnibus speciebus motus late sumpti. Non enim potest anima per se moveri motu *augmenti*: quia non augetur nec diminuitur, cum non sit quanta, sed actus corporis quanti, ut dictum est. Neque *generalitur* et *corrumputur*, sicut nec forma substantialis, ut dicitur *12. Metaphys.* (*text. 12*; *l. 11, c. 3*): quia in ipsa non est contrarietas, ut per se corrumpatur, quia nihil per se corrumputur nisi ratione contrarietatis. — Neque *alteratur*: quia alteratio, ut probat Philo-

sophus 7. *Phys.* (*text.* 20; c. 3), non est nisi circa sensibiles qualitates, quae remota sunt ab anima, quippe quae est actus substantialis, ut dictum est (*supra* q. 48, a. 7). — 1. *Sent.* dist. 37, q. 4, a. 1, arg. 2; 12. *Metaphys.* l. 3. — Neque demum *per se* movetur *localiter*: quia per motum localem mutatur locus; nam omne quod movetur, distat vel exit ab eo a quo et secundum quod movetur (sicut si aliquid movetur a quantitate, exit et distat ab ipsa quantitate a qua movetur); non posset autem anima mutare per se locum, nisi mutaret corpus; quod naturaliter est impossibile; — nam animae alius locus per se non est quam corpus; non est autem in loco corporis nisi per accidens, nimirum ratione ipsius corporis quod informat. — 1. *de Anima* l. 6.

Quod vero possit anima *per accidens* moveri localiter ad motum corporis, manifestum est: quia quidquid est in aliquo *definitive*, movetur per accidens ad motum illius: sic enim et angelus moveri dicitur per accidens ad motum corporis assumpti, in quo est definitive; anima autem est definitive in toto corpore: quare movebitur per accidens ad motum totius corporis, non autem ad motum partis, in qua non est definitive: sicut nec angelus movetur per accidens ad motum partis corporis assumpti; nec Deus ad motum cuiuslibet rei, quia cum ita sit et operetur in quacunque re, ut et alibi sit et operetur, non potest in ulla re esse definitive ex vi operationis ut exit ab ipso Deo. Unde manifestum est, quod anima non movetur per se; sed tantum per accidens localiter movetur ad motum totius corporis. — 1. *Sent.* dist. 37, q. 4, a. 1, arg. 4 et ad 4, et q. 3, a. 1, ad 5.

Ad primum ergo dicendum, quod sentire, gaudere et hujusmodi non sunt operationes animae sed conjuncti, seu corporis ab anima tamen, ut dicit Philosophus 1. *de Anima* (*text.* 63; c. 4). — 1. *de Anima* l. 10; 2. c. *Gent.* c. 57.

Ad secundum dicendum, quod cum omne quod movetur, ab alio moveatur (quod

non potest in infinitum procedere), necesse est dicere, quod non omne movens movedetur. Cum enim moveri sit exire de potentia in actum, movens dat id quod habet mobili, in quantum ipsum facit esse in actu. Sed, sicut ostenditur in 8. *Phys.* (*text.* 43 sqq.; c. 5), est quoddam movens penitus immobile, quod nec per se nec per accidens movetur, et tale movere potest causare motum semper uniformem. Est autem aliud movens, quod non movetur per se, sed movetur per accidens; et propter hoc non causat motum semper uniformem; et tale movens est anima. Est autem aliud movens, quod per se movedetur, scilicet corpus. Et quia antiqui naturales nihil esse credebant nisi corpora posuerunt quod omne movens movetur et quod anima per se movetur et est corpus. — 1a, q. 75, a. 1. ad 1.

Ad tertium dicendum, quod anima localiter movetur, non tamen per se, sed per accidens, et hoc tantum probat argumentum, ut dictum est (*in c.*). — l. c. in arg.

Ad quartum dicendum, quod anima non movetur localiter per se, sed sicut augmentato puero aliqua pars corporis incipit esse per se ubi prius non erat, ita anima per accidens, et per transmutationem suam, in quantum per accidens moveatur moto corpore. — *de Spirit.* Crea. a. 4, ad 12.

ARTICULUS II

UTRUM OMNIS ANIMA SIT INSEPARABILIS CORPORE.

Videtur quod anima sit inseparabilis corpore.

1. Dicit enim Philosophus 2. *de Anim.* (*text.* 11; c. 1), quod manifestum est anima non esse separabilem a corpore: eo quod anima est actus; actus autem non separatur ab eo cuius est actus. — 2. *de Anima* l. 2.

2. Præterea, dicit Philosophus 12. *Metaphys.* (*text.* 16; l. 11, c. 3), quod caus efficiens præcedit effectum, non autem causa formalis, sed haec simul est cur

effectu, et per consequens est inseparabilis ab effectu; sed anima est forma corporis, ut dictum est: ergo anima est inseparabilis a corpore. — 12. *Metaphys.* I. 3. 3. Præterea, dicit Philosophus 2. *Phys.* ext. 12; c. 1), quod forma non est separabilis secundum rem, sed secundum rationem, a materia; sed anima est forma: ergo anima est inseparabilis a corpore. — *Phys.* I. 2.

Sed contra est: 1. quod Philosophus 1. *de Anima* (text. 65; c. 4) dicit, quod intellectus videtur substantia quædam esse non corrupti; non enim corruptitur per se, cum etiam inferiores vires, ut sensitivæ, de quibus minus videtur, debilitenter tantum ex indispositione organorum; nec etiam per accidens, cum non sit forma super aliud delata, sed substantia quæcum per se subsistens. — 2. *Sent.* dist. 19, q. 1, a. 1, arg. 1 *Sed contra.*

2. Præterea, 2. *de Anima* (text. 21; 2) dicit Philosophus, quod reliquum genus animæ, puta intellectus, separatur a aliis partibus animæ, sicut perpetuum corruptibili. — *Ibid.*

RESPONDEO DICENDUM, quod omnis anima, excepta rationali, est inseparabilis secundum rem a corpore. Et ratio hujus est, quia omnis anima, excepta rationali, ad corruptionem compositi desinit esse. Quod ideo est, quia omnis anima, excepta rationali, habet esse dependens ab esse compositi, cum existat per illud; unde non potest separatim existere. E contra vero anima rationalis habet esse absolutum et dependens ab esse compositi, et componitum habet esse per esse illius; et ideo structo composito remanet in suo esse corpore separata. — 2. *Sent.* dist. 19, 1, a. 1, c. et ad 4.

Ad primum ergo dicendum, quod licet materia non sustentet animam rationalem secundum esse simpliciter, illam tamen sustentat secundum quod est forma hujus, bens esse in hoc; et ideo anima secundum quod est forma hujus, est inseparabilis secundum rem. (5. *Metaphys.* I. 2.) — *Et dic,* quod anima rationalis dupliciter

potest considerari: *uno modo* quatenus est forma; et ut sic est inseparabilis secundum rem de corpore, et ex hoc non habet quod post corpus remaneat. *Altero modo* secundum quod est substantia et hoc aliquid, seu secundum quod habet esse absolutum ut substantia subsistens; et hoc modo est separabilis secundum rem, et post corpus remanet. — 2. *Sent.* dist. 19, q. 1, a. 1, ad 4.

Ad secundum dicendum, quod anima rationalis in quantum est forma hujus, et in quantum habet esse in hoc, simul est cum corpore, et post corpus non remanet; nec est separabilis a corpore secundum rem, sed tantum secundum rationem; secus vero considerata secundum quod est substantia subsistens habens esse absolutum, ut dictum est (ad preced. arg.). — Et sic patet *ad tertium.*

QUÆSTIO I

DE CORPORE, QUOD EST MATERIA ANIMÆ.

Deinde considerandum est de corpore, quod est materia animæ.

CIRCA QUOD QUÆRUNTUR TRIA:

1. Utrum præter animam in corpore sit alia forma substantialis.
2. Utrum partes corporis viventis specie differant, puta os et caro.
3. Quænam sint veræ partes corporis viventis.

ARTICULUS I

UTRUM PRÆTER ANIMAM IN CORPORE SIT ALIA FORMA SUBSTANTIALIS.

Videtur quod præter animam in corpore animato sit alia forma substantialis.

1. Dicit enim Philosophus (2. *de Anima* text. 4 et 5; c. 1.), quod anima est *actus corporis physici potentia vitam habentis.* Comparatur igitur anima ad corpus sicut

forma ad materiam ; sed corpus habet aliquam formam substantialem, per quam est corpus : ergo ante animam præcedit in corpore aliqua forma substantialis. — 1a, q. 76, a. 4, arg. 1.

2. Præterea, quodlibet animal est movens se ipsum ; omne autem movens se ipsum dividitur in duas partes, quarum una est movens alia mota, ut probatur in 8. *Phys.* (*text.* 30 ; c. 4). Pars autem movens est anima ; ergo oportet quod alia pars sit talis, quæ possit esse mota ; sed materia prima non potest moveri, ut dicitur in 5. *Phys.* (*text.* 8 ; c. 1), cum sit ens solum in potentia ; quinimo omne quod movetur est corpus : ergo oportet quod in quolibet animali sit alia forma substantialis, per quam constituatur corpus. — *Ibid.* arg. 2.

3. Præterea, ordo in formis attenditur secundum habitudinem ad materiam primam ; prius enim et posterius dicitur per comparationem ad aliquod principium ; si ergo non esset in quolibet animato aliqua alia forma substantialis præter animam, sed immediate materiæ primæ inhæreret, sequeretur quod quælibet anima etiam perfectissima, ut rationalis, esset in ordine imperfectissimarum formarum, quæ immediate inhærent materiæ. — *Ibid.* arg. 3.

4. Præterea, corpus animatum est mixtum ; mixtio autem non fit secundum materiam tantum, quia tunc esset corruptio sola : oportet ergo quod remaneant formæ elementorum in corpore mixto, quæ sunt formæ substantialis ; ergo in corpore animato sunt aliae formæ substantialis. — *Ibid.* arg. 4.

5. Præterea, necesse est quod anima sit in corpore formato et disposito multis dispositionibus ; si ergo adveniens anima omnes præcedentes formas et dispositiones amovet, sequitur quod in instanti anima totum corpus formet ; quod videtur esse solius Dei ; ergo dicendum est, quod simul cum anima remanent in corpore animato aliae formæ substantialis. — *Quodl.* 1, a. 6, arg. 2.

6. Præterea non est dare corrumpens adveniente anima, ceteras formas substantiales et accidentales ; ergo cum anima remanent in vivente aliae formæ substantiales et accidentales.

7. Præterea, anima est perfectio ; sed perfectionis non est corrumpere, sed persevere : non ergo adveniens corpori corrumpit formas præexistentes. — *Ibid.* arg. 4.

Sed contra : 1. Unius rei est unum esse substantiale ; sed forma substantialis da esse substantiale : ergo unius rei est unum substantiale ; sed anima est forma substantialis viventis : ergo impossibile est quod in vivente sit aliqua alia forma substantialis præter animam — 1a, q. 76, a. 4, arg. *Sed contra*.

2. Præterea, dicit Philosophus (7. *Metaphys.* *text.* 43 ; l. 6, c. 12), quod tota desinitio constituitur ex ultima differentia etiamsi ponantur multæ ; sed si in vivente essent plures formæ substantiales (per quarum unam esset substantia, per aliam corpus, per aliam corpus animatum, per aliam animal, et per aliam tale animal) non possent omnes differentiæ una comprehendendi, nec ex illis unum constitueretur ergo in vivente non possunt esse plures formæ substantiales. — 7. *Metaphys.* l. 12.

3. Præterea, adveniente anima humani tollitur forma substantialis quæ prius in erat, sicut et adveniente forma mixta tolluntur formæ substantiales elementorum alioqui generatio unius esset sine corruptione alterius, quod est impossibile ; ergo in homine, et consequenter in vivente, es tantum una forma substantialis. — *Quodl.* 1, a. 6, c.

RESPONDEO DICENDUM, quod quia anima non unitur corpori tantum ut motor, sed etiam ut forma, ut dictum est, impossibile est, quod in vivente sit alia forma substantialis præter animam (1a, q. 76, a. 4 c.). Quod potest esse manifestum ex duobus : — *et primo* quidem ex distinctione formarum substantialium ab invicem. Nam omnes formæ substantiales sunt ejusdem generis physici ; sed impossibile est dua

formas ejusdem generis physici perficere idem subjectum: ergo impossibile est in vivente praeter animam dari alias formas substantiales perficientes eandem materiam. — *Opusc.* 45, post princ.

Major probatur multipliciter: — et *primum* ex mutua transmutatione; quia illæ sunt formæ ejusdem generis physici, quæ invicem transmutantur, ut patet ex 10. *Metaphys.* (*text.* 22; l. 9, c. 7), ubi dicitur diversa genere non habere mutuam transmutationem. Omnes autem formæ substantiales ad invicem transmutantur: — et patet *primum* ex communi susceptivo; sicut enim diversa genere sunt quæ non habent idem susceptivum, ut dicit Philosophus (5. *Metaphys.* *text.* 33; l. 4, c. 28), a quæ sunt ejusdem generis habent idem susceptivum; formæ autem substantiales omnes habent idem susceptivum, puta materiam primam. *Deinde*, ex habitudine formarum ad se invicem quoad essentias; quia formæ substantiales rerum sunt sicut numeri et figuræ, ut dicitur in 8. *Metaphys.* (*text.* 10; l. 7, c. 3), eo quod una forma addit perfectionem supra aliam, sicut unus numerus addit supra aliud, et sicut una figura supra aliam, et virtute continet ipsam. Forma ergo perfectior virtute continet imperfectiorem; unde posita forma perfectiore superfluum erit ponere imperfectiorem; et per consequens, cum in natura nihil sit superfluum, sicut posita anima intellectiva in homine, superflue poneretur anima sensitiva et vegetativa, ita posita anima in quoconque vivente, tanquam forma perfectiore, superflue ponerentur ceteræ formæ substantiales imperfectæ, sed ab eadem anima vivens erit substantia, corpus, mixtum, et vivens. — *Opusc.* 45, post princ.

Minor vero itidem multipliciter est manifesta: — et *primo* ex transmutatione mutua: quia si aliquæ duæ formæ perficiunt simul idem subjectum, illæ sunt contingentes, nullam repugnantiam habentes; inter formas autem contingentes non adit transmutatio per se; contingens enim non fit ex contingentibus nisi per acci-

dens; nec per consequens corruptitur in contingens nisi per accidens, sicut dicitur 1. *Phys.* (*text.* 66; c. 7). *Secundo*, ex incompossibilitate dispositionum: quia diverse formæ ejusdem generis requirunt diversas dispositiones, per quas receptivum eis appropriatur; et licet in via generationis una disponat ad inductionem alterius, tamen in via essendi dispositio propria unius repugnat alteri. Si enim dispositio unius staret cum dispositione alterius, jam esset communis dispositio et nullius propria; forma autem non est in materia nisi disposita et propria; si autem essent duæ formæ simul in eadem materia, neutra haberet propriam dispositionem. *Tertio*, ex perfectione actus. Omnis enim actus quando suam potentiam perficit, eam totaliter perficit, occupat et continet; de ratione enim actus est perficere, terminare et completere suam potentiam. Susceptivum autem occupatum et completum nihil suscipit, quousque evacuetur; cum ergo formæ ejusdem generis habeant idem susceptivum, impossibile est quod recipiant unam formam post aliam, nisi priore abjecta. — *Opusc.* 45, ante med.

Secundo idem probatur ex distinctione formæ substantialis et accidentalis: quia forma *accidentalis* non dat esse simpliciter, sed esse tale; sicut color facit suum subjectum non simpliciter esse, sed calidum. Et cum advenit forma accidentalis, non dicitur aliquid fieri vel generari simpliciter, sed fieri tale, aut aliquo modo se habens; et similiter, cum recedit forma accidentalis, non dicitur aliquid corrupti simpliciter, sed secundum quid. Forma autem *substantialis* dat esse simpliciter (1a,q. 76, a. 4,c.), facit enim ens per se subsistens, a nullo dependens in essendo. Cum enim sit principium motus et quietis, primo adveniens materiæ constituit ens, quod per se movetur, quod est corpus physicum et quid subsistens. Et cum sit actus et substantia, constituit substantiam in actu, et per consequens cum suo esse; esse autem substantiæ est subsistere, sicut accidentem

tis esse est inesse: et ideo per adventum formæ substantialis dicitur aliquid simpliciter generari, et per ejus recessum simpliciter corrupti (*Opusc.* 45, post med.). Et propter hoc antiqui naturales, quia posuerunt materiam primam esse aliquod ens actu, puta ignem aut aerem aut aliquid hujusmodi, dixerunt, quod nihil generatur aut corruptitur simpliciter, sed omne fieri statuerunt esse alterari, ut dicitur in *1. Phys.* (*text.* 33; c. 4.) Si igitur ita esset, quod praeter animam in vivente preexisteret quæcunque alia forma substantialis in materia, per quam subjectum animæ esset ens actu, sequeretur quod anima non daret esse simpliciter, et non faceret ens subsistens, et per consequens, quod anima non esset forma substantialis, et quod per adventum animæ non esset generatio simpliciter, sed solum secundum quid (1a, q. 76, a. 4, c.), quia subsistens non advenit subsistenti et supposito, quælibet autem forma substantialis facit subsistens, ut saepius dictum est. — *Opusc.* 45; 1a, q. 76, a. 4, c.; *Tabula Aurea* voce «forma» n. 146.

Ad primum ergo dicendum, quod Aristoteles non dicit animam esse actum corporis tantum, sed *actum corporis physici organici potentia vitam habentis*, et quod talis potentia non abjicit animam. Unde manifestum est, quod in eo cuius anima dicitur actus, etiam anima includitur, eo modo loquendi quo calor est actus calidi, et lumen est actus lucidi; non quod seorsim sit lucidum sine luce, sed quia est lucidum per lucem. Et similiter dicitur, quod anima est actus corporis, etc., quia per animam et est corpus, et organicum, et potentia vitam habens. Sed actus primus dicitur respectu actus secundi, qui est operatio; talis enī potentia est non abjiciens et non excludens animam. — 1a, q. 76, a. 4, ad 1.

Ad secundum dicendum, quod anima non movet corpus per esse suum, secundum quod unitur corpori ut forma, sed per potentiam motivam, cuius actus presupponit jam corpus effectum in actu per

animam; ut sic anima secundum vi motivam sit pars movens, et corpus animatum sit pars mota. — *Ibid.* ad 2.

Ad tertium dicendum, quod in materi considerantur diversi gradus perfectionis: sicut esse, vivere, sentire et intelligere semper autem posterior superveniens priori perfectior est. Forma ergo quæ dat solum primum gradum perfectionis materiæ, est imperfectissima; sed forma quæ dat primum et secundum et tertium e sic deinceps, est perfectissima, et tamen materiæ immediata. — *Ibid.* ad. 3.

Ad quartum dicendum, quod Avicenna posuit formas substantiales elementorum integras remanere in mixto (cf. *Sufficiencia* l. 1, c. 6; *de Anima* part. 4, c. 5); mixtionem autem fieri secundum quod contrariæ qualitates elementorum reducuntur a medium. Sed hoc est impossibile, quia diversæ formæ elementorum non possunt esse nisi in diversis partibus materiae, a quarum diversitatem oportet intelligi dimensiones, sine quibus materia non potest esse divisibilis. Materia autem dimensione subjecta non invenitur nisi in corpore diversa autem corpora non possunt esse in eodem loco. Unde sequitur quod elementa sint in mixto distincta secundum totum; et ita non erit vera mixtio, quæ est secundum totum, sed mixtio ad sensum quæ est secundum minima juxta disposita.

Averroes autem posuit (in 3. *de Cœlo* *text.* 67), quod formæ elementorum propter sui imperfectionem sunt mediæ inter formas substantiales et accidentales; et ideo recipiunt magis et minus; et ideo remittuntur in mixtione, et ad medium reducuntur, et conflatur ex eis una forma. Sed hoc est etiam magis impossibile; nam esse substantiale et specificum cuiuslibet rei, cuius terminus est forma, consistit in indivisibili, sicut et ipsa ratio formæ et omnis additio et subtractio variat speciem, sicut in numeris, ut dicitur in *Metaphys.* (*text.* 10; l. 7, c. 3.) Unde impossibile est quod forma substantiali quæcunque recipiat magis et minus. Ne

minus est impossibile aliquid esse medium inter substantiam et accidens.

Et ideo dicendum est, secundum Philosophum in I. *de Generat.* (text. 84; c. 10), quo formæ elementorum manent in mixto non actu, sed virtute; manent enim qualitates propriæ elementorum, licet emissæ, in quibus est virtus formarum elementarium. (1a, q. 76, a. 4, ad 4.) Qualitas enim elementaris agit in virtute formæ substantialis; alioqui actio, quæ est per calorem ignis, non terminaretur ad formam substantialem. (*Quodl.* 1, a. 6, 13.) Et hujusmodi qualitas mixtionis est propria dispositio ad formam substantialem corporis mixti, puta formam lapidis et animati eijuscunque. — 1a, q. 76, a. 4, ad 4; *Quodl.* 1, a. 6, ad 3.

Ad quintum dicendum, quod anima um advenit corpori, non facit esse corpus *effective*, sed *formaliter* tantum; effective autem facit corpus esse illud, quod at corpori formam ut perficiens; ut disponens autem illud, quod præoperatur ad formam; paulatim autem et ordine uodam inducendo materiam ad propinquiorem formam et dispositionem. Quanto nim propinquior fuerit forma aut dispositio, tanto minor est resistantia ad introductionem formæ et dispositionis compleæ. Facilius enim fit ignis ex aere quam ex aqua, quamvis utraque forma immediate adsit materiae. — *Quodl.* 1, a. 6, ad 2.

Ad sextum dicendum, cum impossibile sit esse generationem unius sine corruptione alterius, necesse est adveniente anima tolli formas alias substantiales. Formæ vero accidentales quæ prius inerant disponentes ad animam, corrumpuntur quidem non per se, sed per accidens ad corruptionem subjecti; unde manent eadem specie, sed non eadem numero; sicut etiam contingit circa dispositiones formarum elementarium, quæ primitus materiae advenire apparent. — *Quodl.* 1, a. 6, c.

Ad septimum dicendum, quod anima um sit forma, est quidem perfectio quæam particularis, non autem universalis;

et ideo ea adveniente sic aliquid perficitur, ut tamen aliquid corrumperetur. — *Ibid.* ad 4 et in c.

ARTICULUS II

UTRUM PARTES CORPORIS VIVENTIS, PUTA OS, CARO ET SIMILES, DIFFERANT INTER SE SPECIE.

Videtur quod os et caro et similes viventis partes specie differant inter se.

1. Si enim, ut dictum est (art. præced.), omnis forma recipitur in materia propria, disposita nimurum per dispositiones proprias talis formæ, ubi sunt dispositiones specie distinctæ, erunt etiam formæ specie distinctæ; sed os et caro habent dispositiones specie distinctas: ergo et forma ossis et carnis sunt specie distinctæ. — *de Spirit. Creat.* a. 4, arg. 4 et 14.

2. Præterea, plus differunt caro et os unius hominis quam duæ carnes duorum hominum; sed hæ differunt numero: ergo illæ different specie. — *Ibid.* arg. 14.

3. Præterea, in partibus viventis est reperire diversitatem et ordinem ad invicem; sed anima est simplex secundum suam essentiam: cum ergo forma sit proportionata materiæ perfectibili, anima non erit forma propria talium partium, sed quilibet illarum habebit propriam formam substantialem specie distinctam. — *Quest. disp. de Anima* a. 9, arg. 14.

4. Præterea, si sunt ejusdem speciei os et caro, oportet sit una forma specie in utroque; sed hoc est falsum; nam in ossibus est anima vegetativa, quia nutruntur et augmentur, non autem anima sensitiva, quia sunt sine sensu; caro autem habet animam sensitivam: ergo caro et os sunt diversæ speciei. — *Ibid.* arg. 20.

5. Præterea, corpus humanum componitur ex partibus dissimilium specierum; sed hujusmodi partes maxime sunt caro et os et consimiles: ergo hæ differunt specie. — 1a, q. 76, a. 5, arg. 3.

Sed contra est, quod nec plures formæ substantiales nec plures animæ possunt

esse in eodem corpore; sed in osse et carne, quae sunt partes corporis, est anima vegetativa, cum nutriantur et augeantur, ut dictum est (*supra arg. 4*): ergo non possunt os et caro specie differre per formas substantiales vel animas specie diversas. — *Tabula Aurea* voce « forma » n. 146, et voce « anima » n. 8 et 9.

RESPORDEO DICENDUM, quod veritas hujus quæstionis ex præcedentibus dependet; ostensum enim est prius (q. 48, a. 5, c.), quod anima unitur corpori non solum ut motor, sed ut forma; posterius vero (q. 50, a. 1, c.) ostensum est, quod anima non præsupponit alias forma substantiales in materia, quæ dent esse substantiale corpori aut partibus ejus, sed et totum corpus et omnes ejus partes habent esse substantiale et specificum per animam, qua recedente sicut non manet homo aut animal aut vivum, ita non manet manus aut oculus aut caro aut os, nisi æquivoce, sicut depicta aut lapidea. Unde sequitur quod cum omnis actus sit in eo, cuius est actus, oportet animam (quæ est actus totius corporis et omnium partium) esse in toto corpore et qualibet ejus parte sine ulla alia forma substantiali, et per consequens carnem et ossa non differre specie atque adeo essentialiter, sed accidentaliter tantum ratione diversæ temperiei, quæ in talibus partibus accommodata ad earum operationem invenitur. — *de Spirit. Creat. a. 4, c.*; *Quæst. disp. de Anima a. 9, c.*

Ad *primum* ergo dicendum, quod quia anima est forma perfecta, plures habens operationes, ideo non solum exigit plura accidentia, ut contingit in formis imperfectis, sed etiam diversas partes singulis operationibus destinatas; et ideo anima in talibus partibus exigit varias et diversas dispositiones, sicut et singulis dat esse substantiale secundum illum modum qui competit operationi ipsarum. — *Quæst. disp. de Anima a. 9, c.*

Ad *secundum* dicendum, quod duæ carnes duorum hominum solo numero differt, sed non possunt unum compositum

constituere; secus vero caro et os uniuersus hominis. Unde carnes duorum hominum magis convenient secundum rationem speciei, quam caro et os unius hominis sed secundum analogiam ad totum esse converso; nam caro et os unius hominis possunt ordinari ad unum totum constitutendum, non autem duæ carnes duorum hominum. — *de Spirit. Creat. a. 4* ad 14.

Ad *tertium* dicendum, quod licet anima sit forma simplex secundum essentiam est tamen multiplex virtute, secundum quod est principium diversarum operationum. Et quia forma perficit materialia non solum quantum ad esse, sed etiam ad operandum, ideo oportet quod, licet anima sit una forma, partes corporis diversimode perficiantur ab ipsa, et unaquæque secundum quod competit ejus operationi. — *Quæst. disp. de Anima a. 9, ad 14.*

Ad *quartum* dicendum, quod licet in animali una sit anima sensibilis et vegetabilis, non tamen oportet quod in quoque appareat operatio unius, appareat operatio alterius, propter diversam partium dispositionem. Ex quo etiam continet, quod nec omnes operationes anima sensibilis exerceantur per unam partem sed visus per oculum, auditus per aures et sic de aliis. — *Ibid. a. 11, ad 20.*

Ad *quintum* dicendum, quod os et caro sicut et manus et oculus, proprie loquendo, non sunt diversarum specierum, sed diversarum dispositionum. Competit enim animæ, licet sit una secundum essentiam, quod sit multiplex in virtute, propter sui perfectionem; et ideo ad diversa operationes indiget diversis dispositionibus in partibus corporis cui unitur. — *1a q. 76, a. 5, ad 3.*

ARTICULUS III

QUE ENAM SINT VERÆ PARTES CORPORIS VIVENTIS.

I. Videtur quod capilli et unguis non sunt partes animatæ.

1. Dicit enim Philosophus (1. *de Anima* *text.* 79; c. 5), quod pili non sentiunt, et idem dicendum de capillis et crinibus; sed nihil est perfectum anima rationali, quod non sit perfectum anima sensibili: ergo si non sentiunt, non sunt partes animatae, quia, ut dictum est, in vivente non nisi una anima omnes ejus partes informantur. — 4. *Sent. dist.* 44, q. 1, a. 2, quæstiunc. 2, arg. 3; *de Sensu et Sensibili* l. 5.

2. Praeterea, eodem modo capilli et unguis ex superfluitatibus cibi generantur sicut urina, sudor et aliae hujusmodi aëces; sed haec non sunt veræ partes corporis viventis: ergo nec illæ. — 4. *Sent.* c. arg. 1.

3. Praeterea, augmentum viventis fit secundum omnes partes et differentias, ut dicitur 2. *de Anima* (*text.* 14; c. 2); sed capilli et unguis augentur tantum secundum longitudinem: ergo non sunt partes animatae. — 2. *de Anima* l. 3.

Sed contra est: 1. quod Philosophus 1. *de Hist. Animal.* c. 1 et 1. *de Anima* *text.* 79 (c. 5) numerat pilos inter partes animatas corporis viventis; dicit enim posteriori loco esse quasdam partes corporis viventis terreas, quæ sentire nihil identur, ut ossa, nervos, pilos. — 1. *de Anima* l. 12; 7. *Phys.* l. 4.

2. Praeterea, dicit Philosophus *de Generat. Animal.* l. 2, c. 4, al. 6; et l. 5, c. 1, quod capilli et pili et unguis nutriuntur et augentur; sed nutritio et augmentatione sunt operationes animæ nutritivæ et vegetativæ, ut dicitur in 2. *de Anima* *text.* 37 (c. 4): ergo capilli et unguis sunt veræ partes corporis viventis.

II. Videtur quod dentes non sint partes sensitivæ.

1. Dicit enim Philosophus 3. *de Hist. Animal.*, c. 9 et 2. *de Generat. Animal.* c. 1 (al. 6), quod dentes sunt ejusdem naturæ cum ossibus; sed ossa non sentiuntur docet Philosophus 2. *de Partibus Animal.* c. 8, ubi carnem inquit esse sensuum tactus, et ossa esse a natura facta propter alias partes quæ sentiuntur; et

in 1. *de Anima text.* 79 (c. 5) dicit, quod ossa nihil sentire videntur: ergo nec dentes. — 1. *de Anima* l. 12.

2. Praeterea, sine sanguine non est sensus in animali: unde philosophi veteres nonnulli dixerunt, animam, quæ est principium sentiendi, esse sanguinem; sed ossa et dentes sunt exsanguia: ergo carent sensu. — 1. *de Anima* l. 5.

Sed contra: Philosophus (*Problem. sect.* 34, n. 2, 3) quærens propter quam causam dentes magis doleant quam caro, et sentiant etiam magis frigus quam calorem, supponit dentes esse partes sensitivas.

III. Videtur quod sanguis non sit animatus.

1. Dicit enim Philosophus 2. *de Partibus Animal.* c. 10, quod sanguis non habet sensum, quoniam nulla pars est corporis animati.

2. Praeterea, illud quod est in via generationis in corpore humano nondum est ab anima rationali perfectum, et consequenter nec ab ulla anima, cum una tantum sit in corpore viventis, ut dictum est (*supra* a. 1 c.); sed sanguis adhuc est in via generationis, quia est in potentia caro et os: ergo nondum est perfectus anima rationali, et sic non erit animatus. — 4. *Sent. dist.* 44, q. 1, a. 2, quæstiunc. 3, arg. 3.

3. Praeterea, sanguis est materia et ultimum alimentum, ex quo animalia sanguinea nutriuntur, ut dicit Philosophus 2. *de Partibus Animal.* c. 3 et 4; *de Generat. Animal.* l. 1, c. 18, 19, 20; et l. 2, c. 4; *de Somno et Vigilia* c. 4, al. 3; sed alimentum debet esse simile nutritio, quod est vivens, ut dictum est (*supra* q. 38, a. 7): ergo sanguis non est pars animata. — *de Somno et Vigilia* l. 5.

Sed contra est, quod Philosophus 3. *de Hist. Animal.* c. 19 dicit, quod unus sanguis animatur et servet quamdiu vita servatur.

IV. Videtur quod semen sit animatum.

1. Dicit enim Philosophus 2. *de Generat. Animal.* c. 1, quod semen habet animam, et c. 3 dicit semina vivere; ergo semen est animatum.

2. Præterea, generans generat sibi simile; et sic oportet quod forma generantis sit actu causa generationis; sed causa generationis viventis est semen; ex semine enim omnia viventia generantur: ergo semen est animatum. — *de Pot.* q. 3, a. 12 (v. *integrum art.*); 1a, q. 118, a. 1, arg. 3.

3. Præterea, quod est de substantia viventis, est animatum, sicut et ipsum vivens; sed semen est de substantia viventis — nam generatio est opus naturæ ex substantia generantis producens id quod generatur; id autem quod generatur, generatur ex semine — : ergo semen est animatum et vivens. — 1a, q. 119, a. 2, arg. 1.

4. Præterea, virtus supra substantiam radicatur; nam ponitur media inter substantiam et operationem, ut habetur a Dionysio (*de Cœlesti Hierarch.* c. 11, § 2; — Migne PP. Gr. t. 3, col. 283). Sed virtus animæ est in semine: ita enim se habet virtus quæ est in semine, ad animalia quæ ex semine generantur, sicut se habet virtus quæ est in elementis mundi, ad animalia quæ ex elementis mundi producuntur, sicut quæ ex putrefactione generantur. In hujusmodi autem animalibus animæ producuntur ex virtute quæ est in elementis; ergo et animæ animalium quæ producuntur ex semine, producuntur ex virtute animæ quæ est in semine; ergo etiam in semine erit substantia animæ. — *de Pot.* q. 3, a. 9, arg. 11.

5. Præterea, dicit Philosophus 16. *de Animalibus* (sive 2. *de Generat. Animal.* c. 3), quod spiritus qui exit cum spermate, est virtus principii animæ, et est res divina, et dicitur intellectus; sed non posset talis spiritus dici intellectus, nisi semen, in quo est talis spiritus, esset animatum: ergo semen est animatum. — *de Pot.* q. 3, a. 9, arg. 28.

Sed contra: Philosophus 2. *de Anima* (1) dicit, quod semen in potentia vivit, non autem actu (cf. *text.* 10; c. 1); sed omne quod habet animam, actu vivit: ergo se-

men non habet animam, et sic non est animatum. — 2. *Sent.* dist. 18, q. 2, a. 3, c

RESPONDEO DICENDUM *ad primam questionem*, quod capilli et unguis sunt animati anima ut est vegetativa tantum. Ad cuius evidentiam considerandum quod anima habet se ad corpus animatum sicut ars ad artefactum, et ad partes ejus sicut ars ad sua instrumenta unde et corpus animatum organicum dicitur. Ars autem utilitur instrumentis quibusdam ad operis intenti exsecutionem et haec instrumenta sunt de prima intentione artis; utilitur etiam aliis instrumentis ad conservationem principalius instrumentorum; et haec sunt de secunda intentione artis: sicut ars militaris utiliter gladio ad bellum, et vagina ad gladii conservationem. Ita etiam in partibus corporis animati quedam ordinantur ad operationes animæ exsequendas, sicut cor, hepar, manus; quedam autem ad conservationem aliarum: sicut sunt folia ad cooperimentum fructuum, et capilli et unguis sunt in homine ad custodiam aliarum partium; unde sunt de secunda perfectione corporis humani. Sicut ergo folia sunt animata, ut dicit Philosophus (2. *de Anima*, *text.* 6; c. 1), ita et capilli et unguis erunt animata. — 4. *Sent.* dist. 44, q. 1, a. 2, sol. 2.

Ad primum ergo dicendum, quod capilli et unguis nutriuntur et augmentur et sic patet, quod aliquam operationem participant; quod non posset esse, nisi essent partes aliquo modo ab anima perfectæ; et quia in homine non est nisi una anima, scilicet anima rationalis constat quod ab anima rationali perfecte sunt, quamvis non usque ad hoc quod operationem sensus participant, sicut ne ossa. — *Ibid.* ad 3; *de Sensu et Sensibili* l. 5.

Ad secundum dicendum, quod illæ superfluitates expelluntur a natura quæ ad nihil utiles, unde non pertinent a perfectionem corporis humani; secundum autem est de aliis superfluitatibus, quæ sibi natura retinet ad generationem capi-

(1) *Forsitan legendum: 11. de Animalibus*, id est 1. *de Partibus Animal.* (c. 1 versus finem.)

orum et unguium, quibus indiget ad membrorum conservationem. — 4. *Sent.* I. c. d 1.

Ad tertium dicendum, quod dictum philosophi verum est de toto vivente; hoc enim augetur secundum omnes sui partes; partes vero augmentur secundum existentiam sue naturae. — 2. *de Anima* I. 3.

Ad secundam questionem dicendum, non in dentibus non est sensus. Et ratio est, quia non differunt, ut dictum est (in ac quast. arg. 1 et 2) in complexione ab omnibus, quae nihil sentire videntur. Quod dentes dolent, id est ratione carnis admetat, quae est medium tactus et nervorum, qui maxime sensitivi sunt. Et sic patet *ad objecta*. — 1. *de Anima* I. 5.

Ad tertiam questionem dicendum, quod sanguis non est animatus. Et ratio est, via sanguis sicut et alii humores non participant perfectionem ultimam quam natura operatur in individuo, sed tantum illam ordinantur, et non transeunt ad formam membrorum, quae ex illis generantur, sicut transeunt aliæ humiditates, et ros et gluten; et ideo nullo modo potest sanguis esse animatus. — 4. *Sent.* ist. 44, q. 1, a. 2, sol. 3.

Unde patet *ad prima tria objecta*.

Ad quartum dicendum, quod sanguisicitur animari et servare, quia quamdiu ita servatur, sanguis, cum sit ultimum limentum, est in potentia ad hoc ut nimetur anima viventis; non enim sanguis est actu pars, sed tantum potentia. — *Tabula Aurea* voce « sanguis » n. 2.

Ad quartum questionem dicendum, quod semen non est animalum. Cujus ratio est, quia si esset actu animatum, cum decidatur a vivente, vel haberet formam determinatam alicujus partis animatae ipsius viventis, a qua resolvitur et deciditur, vel omnium partium. Si *primum*, non haberet virtutem ad naturam totius, sed tantum ad naturam partis; quod est absurdum. Si *secundum*, sic semen esset quasi quoddam parvum animal in actu, et generatio animalis non esset nisi per decisionem, sicut lutum generatur ex

luto; quod est inconveniens. — 1a, q. 119, a. 2, c.

Ad primum ergo dicendum, quod ea, quae dicuntur a Philosopho in 2. *de Generat. Animal.* c. 1, dubitative dicuntur, neque determinat simpliciter semen actu habere animam; nam in c. 3 determinat, et semen habere animam, et modum quo habet, scilicet in potentia. — *de Pot.* q. 3, a. 12, c.

Ad secundum dicendum, quod virtus illa activa, quae est in semine, ex anima generantis derivata, est quasi quedam motio ipsius animae generantis; nec est anima nec pars animae nisi in virtute: sicut in serra vel securi non est forma lecti, sec motio quedam ad taliem formam. Et ideo non oportet quod ista vis activa habeat aliquod organum in actu, sed fundatur in ipso spiritu inclusa in semine, quod est spumosum, ut attestatur ejus albedo; in quo etiam spiritu est quidam calor ex virtute coelestium corporum, quorum etiam virtute agentia inferiora agunt ad speciem. Et quia in hujusmodi spiritu concurrit virtus animae cum virtute celesti, dicitur, quod « homo generat hominem et sol ». Calidum autem elementare se habet instrumentaliter ad virtutem animae, sicut etiam ad virtutem nutritivam, ut dicitur 2. *de Anima* (text. 50; c. 4). — 1a, q. 118, a. 1, ad 3.

Ad tertium dicendum, quod generatio est de substantia generantis in animalibus et plantis, in quantum semen habet virtutem ex forma generantis, et in quantum est in potentia ad substantiam ipsius. — 1a, q. 119, a. 2, ad 1.

Ad quartum dicendum, quod in semine a principio quamvis non sit anima, est tamen ibi virtus animae, quae quidem virtus fundatur in spiritu, qui in spermate continetur; et dicitur virtus animae, quia est ab anima generantis. — *De Pot.* q. 3, a. 9, ad 11.

Ad quintum dicendum, quod virtus illa, quae est in semine, a Philosopho vocatur intellectus, ut dicit Commentator (in 7. *Metaphys.* text. 31), propter quandam si-

militudinem : quia sicut intellectus operatur absque organo, ita et illa virtus. — *de Pot.* q. 3, a. 9, ad 28.

QUÆSTIO LI

DE POTENTIIS ANIMÆ IN COMMUNI.

Post considerationem animæ et corporis in communi, sequitur considerandum de potentiis animæ in communi.

CIRCA QUAS QUÆRUNTUR NOVEM :

1. Utrum essentia animæ sit ejus potentia.
2. Utrum sit una tantum potentia animæ plures.
3. Utrum potentiae distinguantur per actus et objecta.
4. Utrum in potentiis animæ sit ordo.
5. Utrum anima sit subjectum potentiarum.
6. Utrum potentiae fluant ab essentia animæ.
7. Utrum una potentia oriatur ex alia.
8. Utrum potentiae omnes remaneant in anima separata.
9. Utrum quinque genera potentiarum animæ sint distinguenda.

ARTICULUS I

UTRUM ESSENTIA ANIMÆ SIT EJUS POTENTIA.

Videtur quod essentia animæ sit ejus potentia.

1. Dicit enim Philosophus (*2. de Anima text.* 6 et 7 ; c. 1), quod anima est actus primus, sicut scientia ; sed scientia est immediatum principium actus secundi, qui est considerare : ergo anima est immediatum principium suarum operationum ; sed immediatum principium operationis dicitur potentia : ergo essentia animæ est ejus potentia. — *Quæst. disp. de Anima* a. 12, arg. 14.

2. Præterea, anima est nobilior quam materia ; sed est hæc sua potentia : ergo multo magis anima. — *Ibid. arg. 12* ; 1a, q. 77, a. 1, arg. 2.

3. Sed dices, quod materia prima est realiter sua potentia, quia hæc potentia est ad esse substantiale. — Sed contra materia prima non solum habet potentiam ad formas substantiales, sed etiam ad accidentales ; sed potentia ad formas accidentales non distinguitur realiter materia : ergo et potentia animæ non distinguitur realiter ab anima. — 7. *Metaphys.* l. 2 circa med.

4. Præterea, forma substantialis est virtuosior et simplicior quam accidentalis cuius signum est quod forma substantialis non intenditur nec remittitur, sed in indivisibili consistit. Forma autem accidentalis est ipsa sua virtus ; ergo multo magis forma substantialis, et consequenter anima. — *Quæst. disp. de Anima* a. 12, arg. 9 ; 1a, q. 77, a. 1, arg. 3 ; 1 *Sent. dist. 3*, q. 4, a. 2, arg. 3.

5. Præterea, accidens est quod aderit et abest præter subjecti corruptionem sed potentiae animæ non possunt abesse ergo non sunt accidentia animæ, sed eius substantia. — *Quæst. disp. de Anima* a. 12, arg. 7.

6. Præterea, accidens non est principium substantialis differentiæ ; sed sensible et rationale sunt substantiales differentiæ, et sumuntur a sensu et ratione quæ sunt potentiae animæ : ergo potentiae animæ sunt substantia animæ et non ejus accidentia. — *Ibid. arg. 8.*

7. Præterea, maxime proprium substantiæ est esse susceptivum contrariorum ; sed potentiae animæ sunt susceptivæ contrariorum : sicut voluntas virtutum et vitii, et intellectus scientiæ et erroris ergo potentiae animæ sunt substantia aliqua ; sed non alia quam substantia animæ : ergo sunt idem quod substantia animæ. — *De Spirit. Creat.* a. 11, arg. 13.

8. Præterea, anima immediate unita corpori ut forma, et non mediante aliquam potentia. Sed in quantum est forma corporis dat aliquem actum corpori. Non autem hunc actum qui est esse, quia hic actus invenitur etiam in quibus non es-

anima; nec iterum hunc actum, qui est vere, quia hic actus invenitur in quibus non est anima rationalis. Ergo relinquitur modus dat hunc actum qui est intelligere; modus hunc actum dat potentia intellectiva: ergo potentia intellectiva est idem quod potentia animae. — *Ibid.* arg. 14.

9. Praeterea, ex hoc convenit alicui substantiae quod sit intellectiva, quia est immaterialis; sed anima est immaterialis per suam essentiam: ergo anima rationalis est per suam essentiam intellectiva, consequenter intellectus. — 1a, q. 79, 1, arg. 4.

Sed contra: 1. sicut se habet posse ad esse, ita potentia ad essentiam; sed in Deo verum est dicere quod suum esse suum posse: ergo in nullo alio sua essentia est sua potentia; et ita nec in anima. — 1. *Sent.* dist. 3, q. 4, a. 1, arg. 1. *Sed contra*.

2. Praeterea, agens principale et instrumentale non sunt unum; sed comparatio potentiae ad essentiam animae est sicut instrumenti ad principale agens: ergo anima non est sua potentia. — *de Spirit. Creat.* a. 11, arg. 5. *Sed contra*.

3. Praeterea, nulla qualitas est substantia; sed potentia naturalis est quædam species qualitatis, ut patet in *Præcam.* (c. 9; al. 8): ergo potentiae naturalis animae non sunt ipsa substantia (essentia) animae. — *Quæst. disp. de Ani-* a. 12, arg. 2. *Sed contra*.

4. Praeterea, nulla forma substantialis est immediate activa, ut dictum est (suprà Prima Secundæ hujus operis q. 9, a. e.); sed potentiae animae sunt immediate activæ: ergo anima, quæ est forma substantialis, non est sua potentia.

RESPONDEO DICENDUM, quod impossibile est dicere, quod essentia animae sit ejus potentia, licet hoc quidam posuerint. Et hoc dupliciter ostenditur quantum ad sensus: primo, quia cum potentia et actus dividant ens et quodlibet genus actus, oportet quod ad idem genus referatur potentia et actus; et ideo si actus non est in genere substantiae, potentia

quæ dicitur ad illum actum, non potest esse in genere substantiae. Operatio autem animae non est in genere substantiae, sed in solo Deo, cuius operatio est ejus substantia; unde potentia Dei, quæ est operationis principium, est ipsa Dei essentia; quod non potest esse verum neque in anima neque in aliqua creatura. — 1a, q. 77, a. 1, c.

Secundo, hoc etiam impossibile appetit in anima propter multa: — *primo* quidem, quia anima secundum suam essentiam est actus. Si ergo ipsa essentia animae esset immediatum principium operationis, semper habens animam actu haberet opera vitae, sicut semper habens animam actu est vivum. Non enim, in quantum est forma, est actus ordinatus ad ulteriorem actum, sed est ultimus terminus generationis. Unde quod sit in potentia adhuc ad aliud actum, hoc non competit ei secundum suam essentiam, in quantum est forma, sed secundum suam potentiam; et sic ipsa anima, secundum quod subest sue potentiae, dicitur actus primus, ordinatus ad actum secundum. Invenitur autem habens animam non semper esse in actu operum vitae. Unde etiam in definitione animae dicitur, quod est « actus corporis potentia vitam habentis », quæ tamen potentia non abjicit animam. Relinquitur ergo quod essentia animae non est ejus potentia; nihil enim est in potentia secundum actum, in quantum est actus. (1a, q. 77, a. 1, c.). — *Secundo* idem patet ex unitate essentiae ipsius animae. Hæc enim una est; in potentia autem oportet ponere multitudinem propter diversitatem actuum et objectorum. Oportet enim potentias secundum actus diversificari, cum potentia ad actum dicatur; eorum autem quæ sunt realiter idem, si unum multiplicatur, et reliquum multiplicari debet. (*de Spirit. Creat.* a. 11, c.) — *Tertio* ex differentia potentiarum: quarum *quædam* sunt quadruplicata partium corporis actus, ut omnes potentiae sensitivæ et nutritivæ partis; *quædam* vero potentiae non sunt actus ali-

cujuſ partis corporis, ut intellectus et voluntas; quod non posset esse, si potentiae animae non essent aliud quam ejus essentia; non enim potest dici, quod unum et idem possit esse actus corporis et separatum, niſi secundum diversa. (*de Spirit. Creat. a. 11, c.*) — *Quarto* ex differentia inter agens primum et secundum. Omne enim agens quod agit per essentiam suam, est agens primum; nam omne agens secundum agit in quantum participat aliquid; et ita agit per aliquid additum essentiae; anima autem non est agens primum: non ergo est agens per essentiam suam, sed per suam potentiam; ergo sua potentia non est sua essentia. (*1. Sent. dist. 3, q. 4, a. 2, arg. 2 Sed contra.*) — *Quinto* ex habitudine perfectionis ad perfectibile. Cum enim perfectio et perfectibilia sint proportionata, oportet quod perfectibilia diversarum proportionum recipiant diversas perfectiones; organa autem corporis animati diversa, sunt diversarum proportionum in commixtione: ergo diversimode perficiuntur ab anima; non autem quantum ad esse, quia anima, cum sit forma substantialis, dat unum esse toti corpori: ergo oportet quod diversimode perficiantur quantum ad perfectiones consequentes esse, secundum quas habent diversas operationes. Has autem perfectiones, quae sunt principia operationum animae, vocamus potentias; ergo oportet potentias animae diversas esse ab essentia, utpote emanantes ab ipsa. (*Ibid. arg. 3 Sed contra.*) — *Sexto* ex ordine potentiarum animae, et habitudine earum ad invicem. Invenitur enim, quod una aliam movet, sicut ratio irascibilem et concupiscibilem, et intellectus voluntatem; quod esse non posset, si omnes potentiae essent ipsa animae substantia: quia idem secundum idem non movet se ipsum, ut probat Philosophus 8. *Phys. text. 40 sq.; c. 5. (de Spirit. Creat. a. 11, c.)* — *Postremo* idem patet ex termino operationum ab ipsis potentiis producto. Cum enim unumquodque sit actu illud, quod agit — ignis enim calefacit, non

in quantum est actu lucidus, sed in quantum est actu calidus; et exinde est quod omne agens agit in sibi simile —; oportet quod ex eo quod agit, consideretur principium quo agit; oportet enim utrumque esse conformatum; unde in 2. *Phys. (text. 70; c. 5)* dicitur, quod forma et generans sunt idem specie. Cum ergo id quod agit, non pertinet ad esse substantiale rei, impossibile est quod principium quo agit, sit aliquod de essentia rei. Et hoc manifeste apparet in agentibus naturalibus. Quia enim agens naturale in generatione agit transmutans materiam ad formam — quod quidem fit, secundum quod materia primo dispergitur ad formam, et tandem consequitur formam, secundum quod generatio est terminus alterationis —; necesse est quod pars agentis id quod immediate agit, tamen forma accidentalis correspondens dispositioni materiae; sed oportet ut forma accidentalis agat in virtute formae substantialis, quasi instrumentum ejus; alias non induceret agendo formam substantialis. Et propter hoc in elementis non apparent aliqua principia actionum, nisi qualitates activae et passivae, quae tamen agunt in virtute formarum substantialium; et propter hoc earum actio non solum terminatur ad dispositiones accidentales, sed etiam ad formas substanciales. Nam et in artificialibus actio instrumenti terminalis ad formam intentam ab artifice. Si vero est aliquod agens quod directe et immediate sua actione producat substantialia — sicut nos dicimus de Deo, qui creans producit rerum substancialias, et sicut Avicenna dicit (*Metaphys. l. 8, c. 7; et l. 1, c. 5*) de intelligentia agente, a qua secundum ipsum fluunt formae substancialia in istis inferioribus —; hujusmodi agens agit per suam essentiam, et sic non est in eo aliud potentia activa et ejus essentia. — *De potentia vero passiva* manifestum est, quod potentia passiva quae est ad actum substancialis, est in genere substancialis; et quae est ad actum accidentalem, est in genere accidentis per reductionem sicut principium, et non sic

pecies completa : quia unumquodque genus dividitur per potentiam et actum ; unde potentia homo est in genere substantiae, et potentia album est in genere qualitatis. Manifestum est autem, quod potentiae animae, sive sint activae sive passivae, non dicuntur directe per respectum ad aliquid substantiale, sed ad aliquid accidentale ; et similiter (esse) intelligens vel sentiens actu non est esse substantiale, sed accidentale, ad quod ordinantur intellectus et sensus ; et similiter esse manum vel parvum, ad quod ordinatur vis segmentativa. Generativa vero potentia nutritiva ordinantur quidem ad substantiam producendam vel conservandam, et per transmutationem materiae; unde vis actio, sicut et aliorum agentium naturalium, sit a substantia mediante principio accidentali. Manifestum est ergo, quod ipsa essentia animae non est principium immediatum suarum operationum, sed operatur mediantibus principiis accidentibus ; unde potentiae animae non sunt ipsa essentia animae, sed proprietates ejus. (*Quæst. disp. de Anima* a. 11, c.)

Ibid primum ergo dicendum, quod similiando inter animam et scientiam attenditur in hoc quod utraque est actus primus, non autem quantum ad omnia. Unde non potest quod anima sit principium immemoratum operationum, sicut scientia. — *Quæst. disp. de Anima* a. 12, ad 14.

Ibid secundum dicendum, quod materia est in potentia ad actum substantiale, qui est forma ; et ideo potentia materiae est ejus essentia. — *Ibid.* ad

Vel dic, quod si per potentiam passivam intelligitur relatio vel ordo materialis ad formam, tunc materia non est sua essentia, quia essentia materiae non est relatio ; si autem intelligatur potentia, secundum quod est principium in genere substantiae, secundum quod potentia et actus sunt principia in quolibet genere, dicitur 12. *Metaphys.* (*text. 26*; l. 14, 5), — sic dico, quod materia est ipsa

sua potentia. Et hoc modo se habet materia prima, quæ est primum recipiens, ad potentiam passivam, sicut se habet Deus, qui est primum agens, ad potentiam activam. Et ideo materia est sua potentia passiva, sicut et Deus est sua potentia activa. Omnia autem media habent ultramque potentiam participative, et potentia materiae non est ad aliquam operationem, sed ad recipiendum tantum. — 1. *Sent. dist. 3*, q. 4, a. 2, ad 4.

Ad tertium dicendum, quod propterea materia ad formas accidentales est accidentis materiae, et in eodem genere cum forma accidentalis, quam essentialiter respicit, reductive tamen et tamquam principium illius ; cum enim in eodem genere sit potentia, et actus, sicut potentia homo est in genere substantiae, ita potentia album est in genere qualitatis. — *Quæst. disp. de Anima*, a. 11, c. ; 1. *Phys.* l. 45 post princ. (cf. l. 44 circa med.)

Ad quartum dicendum, quod hoc ipsum quod forma accidentalis est actionis principium, habet a forma substanciali ; et ideo forma substancialis est primum actionis principium, sed non proximum ; et tantum hoc dicit Philosophus 2. *de Anima* (*text. 24*, c. 2), quod id quo intelligimus et sentimus, est anima. — 1a, q. 77, a. 1, ad 4. — *Vel dic*, quod forma accidentalis est virtus alterius, per quam producitur operatio, qui est effectus ipsi proportionatus, sicut causæ proximæ ; forma autem substancialis non est hoc modo proportionata operationi. — 1. *Sent. dist. 3*, q. 4, a. 2, ad 3.

Ad quintum dicendum, quod tria sunt genera accidentium. Quædam enim causantur ex *principiis speciei*, et dicuntur propria, sicut risibile homini. Quædam vero causantur ex *principiis individui* ; et hoc dicitur, quia vel habent causam permanentem in subjecto, et hæc sunt accidentia inseparabilia, sicut masculinum et femininum et alia hujusmodi ; quædam vero non habent causam permanentem in subjecto, et hæc sunt

accidentia *separabilia*, ut sedere et ambulare. — Est autem commune omni accidenti, quod non sit de essentia rei, et ita non cedit in definitionem rei : unde de re intelligimus *quod quid est*, absque hoc, quod intelligamus aliquod accidentium ejus. — sed species non potest intelligi sine accidentibus quaे consequuntur principia speciei ; potest tamen intelligi sine accidentibus individui etiam inseparabilibus ; sine separabilibus vero esse potest non solum species, sed etiam individuum. Potentiae vero animae sunt accidentia sicut proprietates speciei, unde sine illis licet intelligatur quid est anima, non tamen, animam sine illis esse possibile est, nec intelligibile. — *Quæst. disp. de Anima* a. 12, ad 7.

Ad sextum dicendum, quod sensibile et rationale secundum quod sunt differentiae substantiales (essentiales), non sumuntur a sensu et intellectu, sed ab anima sensitiva et intellectiva. — *Ibid. ad 8.*

Ad septimum dicendum, quod accidentium unum est alio substantiae (subjecto) propinquius, sicut quantitas est propinquior substantiae quam qualitas ; et ita substantia recipit unum accidens mediante alio, sicut colorem mediante superficie, et scientiam mediante potentia intellectiva. Eo igitur modo potentia animae est susceptiva contrariorum, sicut superficies albi et nigri, in quantum scilicet substantia suscipit contraria secundum praedicta. — *de Spirit. Creat. a. 11, ad 13.*

Ad octavum dicendum, quod anima in quantum est forma corporis, secundum suam essentiam dat esse corpori, in quantum est forma substantialis ; et dat illi hujusmodi esse, quod est vitale (vivere) in quantum est talis forma, scilicet anima ; et dat ei hujusmodi vivere, scilicet in intellectuali natura, in quantum est talis anima, scilicet intellectiva. — *Intelligere* autem quandoque sumitur pro *operazione* : et sic principium ejus est potentia vel habitus ; quandoque vero pro ipso esse *intellectualis naturæ* : et sic princi-

pium ejus, quod est intelligere, est ipsa essentia animæ intellectivæ. — *Ibid. ad 14.*

Ad nonum dicendum, quod ipsa immaterialitas substantiae intelligentis creationis est ejus intellectus ; sed ex immaterialitate habet virtutem ad intelligentem ; unde non oportet quod intellectus substantia animæ, sed ejus virtus potentia. — *1a, q. 79, a. 4, ad 4.*

ARTICULUS II

UTRUM IN ANIMA SIT TANTUM UNA POTENTIA, AN PLURES.

Videtur quod sit tantum una potentia animæ, non autem plures.

1. Anima enim est substantia simplex, sed in uno et simplici non potest esse pluralitas et multiplicitas : ergo potentiae animæ non sunt plures, sed una. — *Spirit. Creat. a. 11, arg. 20 ; Quæst. disp. de Anima* a. 12, arg. 17.

2. Praeterea, anima intellectiva materiam ad divinam similitudinem accedit, sed in Deo est una et simplex potentia : ergo saltem in anima intellectiva tantum una potentia. — *1a, q. 77, a. 2, arg. 4.*

3. Praeterea, quanto virtus est superior, tanto est magis unita ; sed anima excedit alias formas naturales in virtute, ergo maxime debet habere unam virtutem et (seu) potentiam. — *Ibid. arg. 1.*

4. Praeterea, operari est existentia in actu ; sed per eandem essentiam anima vivens habet esse secundum diversos gradus perfectionum : ergo per eandem potentiam animæ operatur diversas operationes diversorum graduum. — *Ibid. arg. 3.*

Sed contra est, quod Philosophus poniens plures animæ potentias (*2. de Anima* b. 13 sqq. et *text. 27*; c. 2 et 3).

RESPONDEO DICENDUM, quod necesse est ponere plures potentias animæ. Ad cuius evidentiam considerandum est, quod, c.

Philosophus dicit (2. *de Cœlo* text. 63; c. 12), quæ sunt in rebus insitæ, non possunt consequi perfectam bonitatem, sed aliquam imperfectam coniunctur paucis motibus; superiores vero his adipiscuntur perfectam bonitatem motibus multis; his autem superiora sunt, quæ adipiscuntur perfectam bonitatem motibus paucis; summa vero perfeccio invenitur in his, quæ absque motu imperfectam possident bonitatem: — sicutime est ad sanitatem dispositus qui potest perfectam consequi sanitatem, sed aliquam modicam consequi paucis remediis; melius autem dispositus est qui potest perfectam consequi sanitatem, sed remediis multis; et hoc melius qui remediis paucis; opere autem qui absque remedio perfectam sanitatem habet. — Dicendum est ergo, quod res omnes quæ sunt infra hominem, ut res naturales, plantæ et anima, quædam particularia bona coniunctur, et ideo quasdam paucas et determinatas operationes habent et virtutes; homo autem potest consequi universalē et perfectam bonitatem, quia potest adipisci beatitudinem. Est tamen ultimo gradu secundum naturam eorum quibus competit beatitudo; et ideo multis et diversis operationibus et virtutibus indiget anima humana; præteram quod, quia hæc est in confinio spiritualium et corporalium creaturarum, bent in illa concurrere virtutes utramque creaturarum; et propterea ob ne aliam rationem debet habere plures potentias. — 1a, q. 77, a. 2, c.

Ad primum ergo dicendum, quod licet anima sit una in essentia, tamen est in potentia et actus, et habet diversam beatitudinem ad res; diversimode etiam comparatur ad corpus; et propter hoc una essentia animæ possunt procedere versaræ potentiae. — *Quæst. disp. de Ani.* a. 12, ad 17.

Ad secundum dicendum, quod in hoc se magis ad similitudinem Dei accedit anima intellectiva quam creaturæ infi-

riores, quod perfectam bonitatem consequi potest, licet per multa et diversa, in quo deficit a superioribus. — 1a, l. c. ad 1.

Ad tertium dicendum, quod virtus unita est superior, si ad æqualia se extendat; sed virtus multiplicata est superior, si plura ei subjiciantur. — *Ibid.* ad 2.

Ad quartum dicendum, quod unius rei est unum esse substantiale, sed possunt esse operationes plures; et ideo est essentia una animæ, sed potentiae plures. — *Ibid.* ad 3.

ARTICULUS III

UTRUM POTENTIAE DISTINGUANTUR PER ACTUS ET OBJECTA.

Videtur quod potentiae non distinguantur per actus et objecta.

1. Nihil enim determinatur ad speciem per illud quod est posterius vel extrinsecum; sed actus est posterior potentia, et objectum est extrinsecum: ergo per illa non distinguuntur secundum speciem. — 1a, q. 77, a. 3, arg. 1.

2. Praeterea, contraria sunt quæ maxime differunt; si igitur potentiae distinguarentur penes objecta, sequeretur quod contrariorum non esset eadem potentia; quod esse falsum patet fere in omnibus; nam potentia visiva eadem est albi et nigri, et gustus idem est dulcis et amari. — *Ibid.* arg. 2.

3. Praeterea, remota causa removetur effectus; si igitur potentiarum differentia esset ex differentia objectorum, idem objectum non pertineret ad diversas potentias; quod patet esse falsum; nam idem est, quod potentia cognoscitiva cognoscit et appetitiva appetit, et circa idem objectum versatur intellectus agens et intellectus possibilis, quæ sunt potentiae diversæ. — *Ibid.* arg. 3; *de Verit.* q. 15, a. 2, arg. 13.

4. Praeterea, id quod per se est causa

alicujus, in omnibus causat illud; sed quedam objecta diversa, quae pertinent ad potentias diversas, pertinent etiam ad aliquam unam potentiam, sicut sonus et color pertinent ad visum et auditum, quae sunt diversae potentiae, et tamen pertinent ad unam potentiam sensus communis: non ergo potentiae distinguuntur secundum differentiam objectorum. — 1a, q. 77, a. 3, arg. 4.

5. Praeterea, si diversitas potentiarum animae est secundum differentiam objectorum, oportet etiam quod ordo potentiarum sit secundum ordinem objectorum. Sed hoc non videtur; nam intellectus, cuius objectum est quod quid est et substantia, est posterior sensu, cuius objectum est accidens, ut color, sonus et similia; tactus autem est prior visu, cuin tamen visibile sit prius et communius tangibili. Ergo nec diversitas potentiarum est secundum differentiam objectorum. — *Quæst. disp. de Anima* a. 13, arg. 10.

6. Praeterea, perfectibilia distinguuntur penes perfectiones; sed habitus sunt perfectiones potentiarum: ergo haec non distinguuntur penes actus et objecta, sed penes habitus. — *Ibid.* arg. 5; *de Verit.* q. 15, a. 2, arg. 11.

7. Praeterea, si potentiae distinguuntur per actus et objecta, ergo ubicunque erit diversitas actuum, erit diversitas potentiarum; sed consequens est falsum, quia ratio superior et inferior habent diversos actus, et tamen pertinent ad eandem potentiam: ergo. — *Ibid.* arg. 12.

Sed contra est, quod Philosophus (2. *de Anima*, text. 33; c. 4) dicit, quod actus sunt priores secundum rationem potentiarum, et objecta actibus; sed posteriora distinguuntur secundum priora: ergo potentiae distinguuntur per actus et objecta. — 1a, q. 77, a. 3, arg. *Sed contra*; *Quæst. disp. de Anima* a. 13, arg. 1 *Sed contra*.

RESPONDEO DICENDUM, quod potentia, secundum illud quod est potentia, ordinatur ad actum; unde oportet rationem

potentiae accipi ex actu ad quem ordinatur; et per consequens oportet quod ratio potentiae diversificetur ut diversificetur ratio actus. Ratio autem actus diversificatur secundum diversam rationem objecti; omnis enim actio vel est potentia activa vel passiva. Objectum autem comparatur ad actum *potentiae passivæ* sicut *principium* et *causa movens*; cum enim in quantum movet visum, est principium visionis; ad actum autem *potentiae activæ* comparatur objectum ut *terminus* et *finis*: sicut virtutis augmentativæ objectum est quantum perfectum, quod est finis augmenti. Ex his autem duobus actioni speciem recipit, scilicet ex principio vel ex fine seu ex termino. Dissert enim calefactio ab infrigidatione, secundum quod haec a calido, scilicet activo, ad calidum, illa autem a frigido ad frigidum procedit. Unde necesse est quod potentiae diversificantur secundum actus objecta.

Sed tamen considerandum est, quod ea quae sunt *per accidens*, non diversificant speciem: quia enim coloratum *accidit* animali, non diversificantur species animali per differentiam coloris, sed per differentiam ejus quod *per se* accidit animali, per differentiam scilicet animae sensitivæ, quae quandoque invenitur cum ratione, quandoque sine ratione; unde rationale et irrationale sunt differentiae divisivæ animalis diversas ejus species constituentes. Si igitur non quaecunque diversitas objectorum diversificat potentias animae, sed differentiae ejus ad quod per se potentia respicit: — sicut sensus *per se* respicit passibilem qualitatem, quae per se dividitur in colorem, sonum et hujusmodi; et ideo alia est potentia sensitiva coloris, scilicet visus; alia soni, scilicet auditus; sed passibili qualitati, aut colorato, *accidit* esse musicum vel grammaticum, vel magnum aut parvum, aut hominem vel lapidem; ideo penes hujusmodi differentias potentiae animae non distinguuntur. — 1a, q. 77, a. 3, c.; *Quæst. disp. de Anima* a. 13, c.; *de Verit.* q. 15, a. 2, c.

Ad primum ergo dicendum, quod actus et sit posterior potentia in esse, est nec prior intentione, et secundum rationem, sicut finis agente. Objectum enim licet sit extrinsecum, est tamen principium vel finis actionis; principio enim et fini proportionantur ea quae ut extrinseca (1) rei. — 1a, l. c. 1.

Ad secundum dicendum, quod si potentia aliqua per se respiceret unum contrariorum sicut objectum, oporteret quod intrarium ad aliam potentiam pertineat. Sed potentia animae non per se respicit propriam rationem contrariorum, sed communem rationem utriusque contrarium: sicut visus non respicit rationem albi, sed rationem coloris; et hoc modo, quia unum contrariorum est quoniammodo ratio alterius, cum se habeant ut perfectum et imperfectum. — *Ibid. 2.*

Id tertium dicendum, quod nihil proponit, id quod est subjecto idem, esse versus secundum rationem; et ideo est ad diversas potentias animae pertinere. — *Ibid. ad 3.* — Sic intellectus et possibilis respiciunt diversa objecta *formaliter*, etsi non *materialiter*; respiciunt enim diversam rationem objecti quamvis utraque (utrumque) in eadem intelligibili possit inveniri; unum enim item potest esse prius intelligibile in potentia, et post intelligibile in actu. — *Terit. q. 15, a. 2, ad 13.*

Ad quartum dicendum, quod potentia prior per se respicit universaliorem objecti quam potentia inferior; quanto potentia est superior, tanto dura se extendit. Et ideo multa continent in una ratione objecti quam per spicit superior potentia, quae tamen continent secundum rationes quas per se continent inferiores potentiae; et inde uero diversa objecta pertinent ad duas inferiores potentias, quae tamen

uni superiori potentiae subduntur. — 1a, l. c. ad 4.

Ad quintum dicendum, quod ordo potentiarum animae est secundum ordinem objectorum. Sed utrobique potest attendi ordo vel secundum perfectionem, et sic intellectus est prior sensu; vel secundum generationis viam, et sic sensus est prior intellectu: quia (in) via generationis prius inducitur forma accidentalis quam substantialis. — *Quast. disp. de Anima a. 13, ad 10.*

Ad sextum dicendum, quod habitus non sunt perfectiones potentiarum, propter quas sunt potentiae; per illos enim potentiae tantum aliqualiter se habent ad ea propter quae sunt, id est ad objecta. Unde potentiae non distinguuntur penes habitus, sed penes objecta: sicut nec artificia distinguntur penes objecta, sed penes fines. — *Ibid. ad 5.*

*Ad septimum dicendum, quod, sicut Avicenna dicit in 6, *Naturalium* (id est de *Anima* part. 1. c. 4 et 5), diversitas actus quandoque indicat diversitatem potentiarum, quandoque non. Quinque enim modis in actibus animae diversitas inveniri potest: uno modo secundum fortitudinem et debilitatem, sicut opinari et credere; alio modo secundum velocitatem et tarditatem, sicut currere et moveri; tertio modo secundum habitum et privationem, ut quiescere et moveri; quarto modo secundum operationem ad contraria ejusdem generis, ut sentire album et nigrum; quinto modo est quando actus diversorum generum, ut apprehendere vel moveri, vel sentire sonum et colorem.* — Diversitas igitur primi et secundi modi diversitatem potentiae non indicat, quia sic oportet tot esse potentias animae distinctas, quot gradus fortitudinis vel debilitatis, vel velocitatis vel tarditatis inveniuntur in actibus. Similiter etiam nec diversitas tertii et quarti modi, cum ejusdem potentiae sit operari ad utrumque oppositum. Sola autem diversitas quinti modi indicat diversitatem potentiae, ut dicamus actus ge-

nere diversos, qui in ratione objecti non convenient; et secundum hoc diversitas actuum rationis superioris et inferioris diversitatem potentiae non indicat. — *De Verit.* q. 15, a. 2, ad 12.

ARTICULUS IV

UTRUM IN POTENTIIS ANIMÆ SIT ORDO.

Videtur quod in potentiis animæ non sit ordo.

1. In his enim quæ cadunt sub unam divisionem, non est prius et posterius, sed sunt naturaliter simul; sed potentiae animæ contra se invicem distinguuntur: ergo inter eas non est ordo. — 1a, q. 77, a. 4, arg. 1.

2. Præterea, potentiae animæ comparantur ad objecta et ad ipsam animam; sed ex parte animæ inter eas non est ordo, quia anima est una; similiter etiam nec ex parte objectorum, cum sint diversa et penitus disparata, ut patet de colore et sono: ergo in potentiis animæ non est ordo. — *Ibid.* arg. 2.

3. Præterea, in potentiis ordinatis hoc invenitur, quod operatio unius dependet ab operatione alterius; sed actus unius potentiae animæ non dependet ab actu alterius; potest enim visus exire in actum absque auditu, et e converso: non ergo inter potentias animæ est ordo. — *Ibid.* arg. 3.

Sed contra est, quod Philosophus (2. *de Anima* text. 30 et 31; c. 3) comparat partes sive potentias animæ figuris; sed figuræ habent ordinem ad invicem: ergo et potentiae animæ. — *Ibid.* arg. *Sed contra*.

RESPONDEO DICENDUM, quod cum anima sit una, potentiae vero plures, ordine autem quodam ab uno in multitudinem procedatur; necesse est inter potentias animæ ordinem esse. *Triplex* autem *ordo* inter eas attenditur, quorum duo considerantur secundum dependentiam unius potentiae ab altera; tertius autem accipitur secun-

dum ordinem objectorum.— Dependentia autem unius potentiae ab altera dupliciter accipi potest: *uno modo* secundum naturæ ordinem, prout perfecta sunt naturaliter imperfectis priora; *alio modo* secundum ordinem generationis et temporis, prout ex imperfecto ad perfectum venitur.

Secundum igitur *primum* potentiarum ordinem potentiae intellectivæ sunt priores potentias sensitivis, unde dirigunt eas et imperant eis; et similiter potentiae sensitivæ hoc ordine sunt priores potentias nutritivæ. Secundum ordinem vero *secundum e converso* se habet; nam potentiae nutritivæ sunt priores (in) via generationis potentias animæ sensitivæ; unde ad earum actiones præparant corpus; et similiter est de potentias sensitivis respectu intellectivarum. Secundum autem ordinem *tertium* ordinantur quædam vires sensitivæ ad invicem, scilicet visus, auditus, olfactus; nam visibile est prius naturaliter, quia est commune superioribus et inferioribus corporibus; sonus autem fit audibilis in aere, qui est naturaliter prior commixtione elementorum, quam consequitur odor. — 1a, q. 77, a. 4, c.

Ad primum ergo dicendum, quod aliquuj generis species se habent secundum prius et posterius, sicut numeri et figura quantum ad esse; licet simul esse dicantur, in quantum suscipiunt communis generis prædicationem. — *Ibid.* ad 1.

Ad secundum dicendum, quod ordinis potentiarum animæ est ex parte animæ, quæ secundum ordinem quendam habet habitudinem ad diversos actus licet sit una secundum essentiam; et ex parte objectorum, et etiam ex parte actuum, ut dictum est (in c.). — *Ibid.* ad 2.

Ad tertium dicendum, quod ratio illi procedit de illis potentias, in quibus atten ditur ordo solum secundum tertium modum; illæ autem potentiae, quæ ordinantur secundum alios duos modos, ita se habent, quod actus unius dependet a altera. — *Ibid.* ad 3.

ARTICULUS V

UTRUM ANIMA SIT SUBJECTUM OMNIUM
POTENTIARUM.

Videtur quod omnes potentiae animae
in anima sicut in subjecto.

1. Sicut enim se habent potentiae corporis ad corpus, ita se habent potentiae animae ad animam; sed corpus est subjectum potentiarum corporalium: ergo anima est subjectum potentiarum animae. — 1a, q. 77, a. 5, arg. 4.

2. Praeterea, operationes potentiarum animae attribuuntur corpori propter animam, quia, ut dicitur in 2. *de Anima* (*text.* 7; c. 2): « anima est qua intelligimus et sentimus primum »; sed prima principia operationum animae sunt potentiae: ergo potentiae per prius sunt in anima. — *Ibid.* arg. 2.

3. Praeterea, proprietas naturalis non potest separari a re, cuius est proprietas, et est in illa re tamquam in subjecto; sed potentiae animae sunt naturales illius proprietates: ergo non possunt separari ab illa, et in illa sunt tamquam in subjecto. — *de Spirit. Creat.* a. 4, arg. 3; *Querst. disp. de Anima* a. 19, arg. 1.

Sed contra est, quod Philosophus (*de Somno et Vigilia* c. 1) dicit, quod sentire non est proprium animae neque corporis, sed conjuncti: ergo potentia sensitiva est in coniuncto sicut in subjecto: non ergo sola anima est subjectum omnium potentiarum. — 1a, q. 77, a. 5, arg. *Sed contra.*

RESPONDEO DICENDUM, quod illud est subjectum operativae potentiae, quod est potens operari; omne enim accidens denominat proprium subjectum. Idem autem est quod potest operari et quod operatur. Unde oportet quod ejus sit potentia sicut subjecti, cuius est operatio, ut etiam Philosophus dicit in principio libri *de Somno et Vigilia* (c. 4). Manifestum est autem, quod quædam operationes sunt animae, quæ exerceuntur *sine organo corporali*, ut intelligere et velle; — unde potentiae

quæ sunt harum operationum principia, sunt in *anima* sicut in subjecto. *Quardam* vero operationes sunt animae quæ exerceuntur *per organa corporalia*, sicut visio per oculum, auditus per aurem, et similiter est de omnibus aliis operationibus nutritivæ et sensitivæ partis; — ideo potentiae quæ sunt talium operationum principia, sunt in *conjuncto* sicut in subjecto, et non in anima sola. — 1a, q. 77, a. 5, c.

Ad primum ergo dicendum, quod omnes potentiae dicuntur esse anime, non sicut subjecti, sed sicut principii, quia per animam coniunctum habet quod per tales operationes operari possit. — *Ibid.* ad 1.

Ad secundum dicendum, quo I omnes hujusmodi potentiae per prius sunt in anima quam in coniuncto, non sicut in subjecto, sed sicut in principio. — *Ibid.* ad 2.

Ad tertium dicendum, quod secundum Philosophum, ut dictum est (supra in corp.), cuius est potentia, ejus est actio; unde potentiae illarum quarum operationes non sunt solius animae sed coniuncti, sunt in organo sicut in subjecto, in anima autem sicut in radice: sicut sunt potentiae sensitivæ, quæ propterea sunt proprietates naturales compositi ut subjecti, animae vero ut principii. *Solum* autem illarum potentiae sunt in anima sicut in subjecto, quarum operationes anima non per organum exsequitur, quæ tamen sunt animae secundum quod excedit corpus, cuiusmodi sunt potentiae intellectivæ. — *de Spirit. Creat.* a. 4, ad 3; *Querst. disp. de Anima* a. 19, ad 4.

ARTICULUS VI

UTRUM POTENTIAE ANIMAE FLUANT AB EJUS
ESSENTIA.

Videtur quod potentiae animae non fluant ab ejus essentia.

1. Ab uno enim simplici non procedunt diversa; sed essentia animae est una et simplex: cum ergo potentiae animae sint

multæ et diversæ, non possunt procedere ab ejus essentia. — *Ibid.* q. 77, a. 6, arg. 1.

2. Praeterea, illud a quo aliquid procedit, est causa ejus; sed essentia animæ non potest dici causa potentiarum, ut patet discurrenti per singula genera causarum: ergo potentiae animæ non fluunt ab ejus essentia. — *Ibid.* arg. 2.

3. Praeterea, emanatio quendam motum nominat; sed nihil movetur a se ipso, ut probatur in 7. *Phys.* (*text.* 2; c. 1), nisi forte ratione partis — sicut animal dicitur a se ipso moveri, quia una pars ejus est movens, et alia mota —; neque etiam anima movetur, ut probatur in 1. *de Anima* (*text.* 66; c. 4): non ergo anima causat in se suas potentias. — *Ibid.* arg. 3.

Sed contra, potentiae animæ sunt quædam naturales proprietates ipsius; sed subjectum est causa priorum accidentium; unde et ponitur in definitione accidentis, ut patet in 7. *Metaphys.* (*text.* 13 et 19; l. 6, c. 4 et 5): ergo potentiae animæ procedunt ab ejus essentia. — *Ibid.* arg. *Sed contra*.

RESPONDEO DICENDUM, quod forma substantialis et accidentalis partim conveniunt, partim differunt. *Conveniunt* quidem in hoc quod utraque est actus, et secundum utramque aliquid est quodammodo in actu. *Differunt* autem in duobus: — *primo* quidem quia forma substantialis facit esse simpliciter, et ejus subjectum est ens in potentia tantum; forma autem accidentalis non facit esse simpliciter, sed esse *tale* aut *tantum* aut *aliquo modo se habens*; subjectum enim ejus est ens (in) actu. Unde patet, quod actualitas prius invenitur in forma substantiali, quam in ejus subjecto. Et quia primum est causa in quolibet genere, forma substantialis causat esse in actu in suo subjecto. *Sed e converso* actualitas per prius invenitur in subjecto formæ accidentalis, quam in forma accidentalis; unde actualitas formæ accidentalis causatur ab actualitate subjecti; ita quod subjectum, in quantum est ens in potentia, est susceptivum formæ accidentalis; in quan-

tum autem est ens in actu, est ejus productivum. Et hoc dico de proprio et per se accidente; nam respectu accidentis extranei subjectum est susceptivum tantum, productivum vero talis accidentis est agens extrinsecum. — *Secundo* autem differunt forma substantialis et accidentalis, quia cum minus principale sit propter principalius, materia est propter formam substantialiem; sed e converso forma accidentalis est propter complexionem (1) subjecti. Manifestum autem est ex dictis, quod potentiarum animæ subjectum est vel ipsa *anima sola*, quæ potest esse subjectum accidentis, secundum quod habet aliquid potentialitatis, — vel compositum: compositum autem est in actu per animam. Unde manifestum est, quod omnes potentiae animæ, sive subjectum earum sit anima sola sive compositum, fluunt ab essentia animæ sicut a principio: quia jam dictum est (supra in c.), quod accidens causatur a subjecto secundum quod est actu, et recipitur in eo in quantum est in potentia. — *Ibid.* q. 77, a. 6, c.

Ad primum ergo dicendum, quod ab uno simplici possunt naturaliter multa procedere ordine quodam; et iterum propter diversitatem recipientium. Sic igitur ab una essentia animæ procedunt multæ et diversæ potentiae, tum propter ordinem potentialitatis, tum propter diversitatem organorum corporalium. — *Ibid.* ad 1.

Ad secundum dicendum, quod subjectum est causa proprii accidentis, et *finalis* et quodammodo *activa* et etiam ut *materialis*, in quantum est susceptivum accidentis. Et ex hoc potest accipi, quod essentia animæ est causa omnium potentiarum, sicut finis et sicut principium activum; quarundam autem sicut susceptivum. — *Ibid.* ad 2.

Ad tertium dicendum, quod emanatio priorum accidentium a subjecto non est per aliquam transmutationem, sed per aliquam naturalem resultantiam:

(1) Al. « completionem ».

sicut ex uno naturaliter aliud resultat, ut ex luce color. — *Ibid.* ad 3.

ARTICULUS VII

UTRUM UNA POTENTIA ANIME ORIATUR EX ALIA.

Videtur quod una potentia animae non oriatur ab alia.

1. Eorum enim quae simul esse incipiunt, unum non oritur ab alio; sed omnes potentiae animae sunt simul animae concreatae; ergo una earum ab alia non oritur. — *Ibid.* q. 77, a. 7, arg. 1.

2. Præterea, potentia animae oritur ab anima sicut accidens a subjecto; sed una potentia animae non potest esse subjectum alterius, quia accidentis non est accidens: ergo una potentia non oritur ab alia. — *Ibid.* arg. 2.

3. Præterea, oppositum non oritur a suo opposto, sed unumquodque oritur ex simili secundum speciem; sed potentiae animae ex opposito dividuntur sicut diversæ species: ergo una earum non procedit ex alia. — *Ibid.* arg. 3.

Sed contra: Potentiae cognoscuntur per actus; sed actus unius potentiae causatur ab alia, sicut actus phantasie ab actu sensus: ergo una potentia animae causatur ab alia. — *Ibid.* arg. *Sed contra.*

RESPONDEO DICENDUM, quod in his quae secundum ordinem naturalem procedunt ab uno, sicut primum est causa omnium, ita quod est primo propinquius, est quoddammodo causa eorum quae sunt magis remota. Ostensum est autem supra (a. 4), quod inter potentias animae est multiplex ordo; et ideo una potentia animae ab essentia animae procedit mediante alia. — Sed quia essentia animae comparatur ad potentias et sicut principium activum et finale et sicut principium susceptivum, vel seorsum per se vel simul cum corpore — agens autem et finis sunt perfectiora; susceptivum autem principium, in quantum est iujusmodi, est minus perfectum — ; consequens est quod potentiae animae quae sunt

priores secundum ordinem perfectionis et naturae, sint principia aliarum per modum finis et activi principii. Videamus enim quod sensus est propter intellectum, et non e contra; sensus etiam est quedam deficiens participatio intellectus; unde secundum naturalem originem quoddammodo est ab intellectu, sicut imperfectum a perfecto. Sed secundum viam susceptivi principii e converso potentiae imperfectiores inveniuntur principia respectu aliarum: sicut anima, secundum quod habet potentiam sensitivam, consideratur sicut subjectum et materiale quoddam respectu intellectus. Et propter hoc imperfectiores potentiae sunt priores in via generationis; prius enim animal generatur quam homo. — *Ibid.* q. 77, a. 7, c.

Ad primum ergo dicendum, quod sicut potentia animae ab essentia fluit non per transmutationem, sed per naturalem quandam resultantiam, et est simul cum anima, ita est etiam de una potentia respectu alterius. — *Ibid.* ad 1.

Ad secundum dicendum, quod accidens per se non potest esse subjectum accidentis; sed unum accidens per prius recipitur in substantia quam aliud, sicut quantitas quam qualitas; et hoc modo unum accidens dicitur esse subjectum alterius, ut superficies coloris, in quantum substantia uno accidente mediante recipit aliud; et similiter potest dici de potentias animae. — *Ibid.* ad 2.

Ad tertium dicendum, quod potentiae animae opponuntur ad invicem oppositione perfecti et imperfecti, sicut etiam species numerorum et figurarum; haec autem oppositio non impedit originem unius potentiae ab alia, quia imperfecta naturaliter a perfectis procedunt. — *Ibid.* ad 3.

ARTICULUS VIII

UTRUM OMNES POTENTIAE ANIME REMANEANT IN ANIMA A CORPORE SEPARATA.

Videtur quod omnes potentiae animae remaneant in anima a corpore separata: —

1. quia potentiae animae sunt ejus naturales proprietates ; sed proprium semper inest, et nunquam separatur ab eo cuius est proprium : ergo potentiae animae sunt in ea etiam post mortem. — 1a, q. 77, a. 8, arg. 2.

2. Praeterea, potentiae animae etiam sensitivae non debilitantur, debilitato corpore, quia, ut dicitur in 1. *de Anima* (*text.* 65 ; c. 4) : si senex accipiat oculum juvenis, videbit utique sicut et invenis. Sed debilitas est via ad corruptionem ; ergo potentiae animae non corrumpuntur corrupto corpore, sed manent in anima separata. — *Ibid.* arg. 3.

3. Praeterea, memoria est potentia animae sensitivae, ut Philosophus probat 1. *de Memoria et Reminisc.* c. 1 et 4 (2) ; sed memoria manet in anima separata — dicitur enim (Lucæ 16, 25) diviti epuloni in inferno secundum animam existenti : Recordare, quia recepisti bona in vita tua — : ergo memoria manet in anima separata, et per consequens aliæ potentiae sensitivae partis. — *Ibid.* arg. 4.

4. Praeterea, gaudium et tristitia sunt in concupiscibili, quæ est potentia sensitivæ partis ; manifestum est autem animas separatas tristari et gaudere de præmiis vel pœnis quas habent : ergo vis concupiscibilis manet in anima separata. — *Ibid.* arg. 5.

5. Praeterea, eorum quæ sunt idem secundum esse vel secundum substantiam, unum potest esse sine altero ; sed anima sensibilis et rationalis in homine sunt idem secundum substantiam et esse : ergo non potest esse quin sensus remaneat in anima separata. — *Quæst. disp. de Anima* a. 19, arg. 12.

6. Praeterea, quod cedit in nihilum, non resumitur idem numero ; sed si potentiae sensitivae non manent in anima separata, oportet quod cedant in nihilum : ergo in resurrectione non erunt eadem numero, et sic, cum potentiae sensitivae sint actus organorum, neque organa erunt eadem numero, neque totus ho-

mo erit idem numero ; quod est inconveniens. — *Ibid.* arg. 13.

7. Praeterea, non est totum integrum, cui aliqua partium deest ; sed potentiae animae dicuntur partes ipsius : si ergo anima aliquas potentias post mortem amittit, non erit anima integrâ post mortem ; quod est inconveniens. — 4. *Sent. dist.* 4⁴, q. 3, a. 3, *quæstiunc.* 1, arg. 4 ; *Quæst. disp. de Anima* a. 19, arg. 4.

Sed contra est ; 1. quod Philosophus dicit (in 2. *de Anima* *text.* 21 ; c. 2) de intellectu loquens, quod hoc solum separatur, sicut perpetuum a corruptibili, reliquum autem genus animae manifestum est ex his quod non separabile est. — 4. *Sent. l. c. arg. 3* *Sed contra* ; *Quæst. disp. de Anima* a. 19, arg. 1 *Sed contra*.

2. Praeterea, 12. *Metaphys.* (*text.* 17; 1 11, c. 3) loquens Philosophus de separatione animæ sic dicit : « si autem aliquis remanet, in postremo querendum est de hoc ; in quibusdam enim non est impossibile, v. g. si anima est talis dispositionis non tota, sed intellectus, tota enim forte impossibile, querendum est de hoc. » Quibus verbis videtur Philosophus sentire, quod anima tota a corpore non separetur sed solum potentiae intellectivæ. — 4. *Sent. l. c. arg. 2* *Sed contra*.

3. Praeterea, Philosophus dicit in 16 *de Animalibus* (sive 2. *de Generat. Animal.* c. 3), quod quarum potentiarum operationes non sunt sine corpore, neque ipsæ potentiae sunt sine corpore ; sed operationes potentiarum sensitivarum non sunt sine corpore ; excercentur enim per organa corporalia ; ergo potentiae sensitivæ non sunt sine corpore. — *Quæst. disp. de Anima* a. 19, arg. 2 *Sed contra*.

4. Praeterea, frustra est potentiæ non reducitur ad actum ; nihil autem est frustra in operationibus Dei : ergo potentiae sensitivæ non manent in anima separata, in qua non possunt reduci in actum — *Ibid.* arg. 4 *Sed contra*.

RESPONDEO DICENDUM, quod, sicut jam dictum est (supra, a. 5), omnes potentiae animæ comparantur ad animam solam sicut

d principium. Sed *quedam* potentiae com-
parantur ad animam solam sicut ad subje-
tum, ut intellectus et voluntas; et hujus-
modi potentiae necesse est quod manent in
anima corpore destrueto. *Quædam* vero po-
tentiae sunt in coniuncto sicut in subjecto,
sicut omnes potentiae sensitivæ partis et
nutritivæ. Deucto autem subjecto acci-
dens non potest remanere. Unde corru-
pto coniuncto non manent hujusmodi po-
tentiae actu, sed virtute tantum, in anima
sunt in principio vel radice. Et sic fal-
sum est quod quidam dicunt, hujusmodi
potentias in anima remanere, etiam cor-
pore corrupto; et multo falsius quod di-
cunt, etiam actus harum potentiarum re-
manere in anima separata; quia talium
potentiarum nulla est actio nisi per or-
ganum corporeum. — 1a, q. 77, a. 8, c.

Ad primum ergo dicendum, quod hæ po-
tentiae quas dicimus actu in anima sepa-
rata non inanere, non sunt proprietates
soli animæ, sed conjuncti. — *Ibid.* ad 2.

Ad secundum dicendum, quod dicuntur
non debilitari hujusmodi potentiae, debili-
tate corpore, quia anima manet immu-
nabilis, quæ est virtuale principium hu-
jusmodi potentiarum. — *Ibid.* ad 3.

Ad tertium dicendum, quod illa recor-
datio accipitur eo modo, quo divus Augu-
stinus ponit memoriam in mente (*de Trin.*
l. 10, c. 11; — Migne PP. L. t. 42, col.
982), non eo modo, quo ponitur pars ani-
mæ sensitivæ. — *Ibid.* ad 4.

Ad quartum dicendum, quod tristitia et
gaudium sunt in anima separata non se-
cundum appetitum sensitivum, sed secun-
dum appetitum intellectivum, sicut etiam
in angelis. — *Ibid.* ad 5.

Ad quintum dicendum, quod substantia
animæ sensibilis in homine manet post
mortem, non tamen manent potentiae
sensitivæ. — *Quæst. disp. de Anima* a.
19, ad 12.

Ad sextum dicendum, quod sicut sensus
prout nominat potentiam, non est forma
totius corporis, sed anima sensitiva; sen-
sus autem est proprietas compositi: ita

etiam potentia visiva non est actus oculi,
sed anima secundum quod est principium
talis potentiae; quasi ita dicatur, quod ani-
ma visiva est actus oculi, sicut anima
sensitiva est actus totius corporis, poten-
tia autem visiva est proprietas consequens.
Unde non oportet quod sit alius oculus
resurgentis, licet sit alia potentia sensi-
tiva. — *Ibid.* ad 13.

Ad septimum dicendum, quod potentiae
animæ non sunt partes essentiales vel in-
tegrales, sed potentiales. (*Ibid.* ad 4.) Ta-
lium vero totorum ista est natura, quod
tota virtus totius consistit in una partium
perfecte, in aliis autem partialiter: sicut in
anima virtus animæ perfecte consistit in
virtute intellectiva, in aliis autem parti-
aliter. Unde, cum in anima separata rema-
neant vires intellectivæ partis, integra re-
manebit, non diminuta, quamvis sensitivæ
potentiae actu non remaneant: sicut
nec potentia regis remanet diminuta mor-
tuuo präposito, qui ejus potentiam partici-
pabat. — 4. *Sent.* dist. 44, q. 3, a. 3,
sol. 1, ad 4.

ARTICULUS IX

UTRUM QUINQUE GENERA POTENTIARUM SINT DISTINGUENDA.

Videtur quod non sint quinque genera
potentiarum distinguenda, scilicet vege-
tativum, sensitivum, appetitivum, secun-
dum locum motivum, et intellectivum.

1. Potentiae enim animæ dicuntur partes
ipsius; sed tantum tres partes animæ
communiter ab omnibus assignantur, sci-
licet anima vegetabilis, sensibilis et ra-
tionalis: ergo tria tantum sunt genera
potentiarum, non autem quinque. — 1a
q. 78, a. 1, arg. 1.

2. Præterea, potentiae animæ sunt princi-
pia operum vitae; sed quatuor modis dicitur
aliquid vivere. Dicit enim Philosophus
(2. *de Anima* text. 13; c. 2): « Multipliciter
ipso vivere dicto, etsi unum aliquod ho-
rum insit solum, aliquid dicimus vivere, ut
intellectus et sensus, motus et status se-

cundum locum, adhuc autem motus secundum alimentum et decrementum et augmentum ». Ergo tantum quatuor sunt genera potentiarum. — *Ibid.* arg. 2.

3. Præterea, ad illud quod est communne omnibus potentiis, non debet deputari aliquod speciale animæ genus. Sed appetere convenit cuilibet potentiae animæ ; — visus enim appetit visibile conveniens ; unde dicitur *Ecli.* 40, 22 : « Gratiam et speciem desiderabit oculus, et super hoc virides sationes »; et eadem ratione quælibet alia potentia desiderat objectum sibi conveniens. — Ergo non debet poni appetitivum unum speciale genus potentiarum animæ. — *Ibid.* arg. 3.

4. Præterea, principium movens in animalibus est sensus, aut intellectus, aut appetitus, ut dicitur 3. *de Anima* (*text.* 48 sqq.; c. 10); non ergo motivum debet poni speciale genus animæ præter predicta. — *Ibid.* arg. 4.

5. Præterea, potentiae animæ ordinantur ad aliquid altius quam natura, alias in omnibus corporibus naturalibus essent vires animæ ; sed potentiae animæ quæ attribuuntur animæ vegetabili, non videntur ordinari ad aliquid altius quam natura ; ordinantur enim ad conservationem speciei per generationem, et conservationem individui per nutrimentum, et perfectam quantitatem per augmentum, quæ omnia operatur natura etiam in rebus naturalibus : — non igitur ordinandæ sunt potentiae animæ ad hujusmodi, et sic potentiae animæ erunt pauciores quam quinque. — *Quæst disp.* *de Anima* a. 13, arg. 14.

6. Præterea, potentiae animæ *aut* distinguuntur secundum principia *aut* secundum modos operandi. Si *primum*, sequitur potentiarum genera tantum esse tria ; nam animarum, quæ sunt principia potentiarum, tria tantum sunt genera : vegetabilis, sensibilis et rationalis; si *secundum*, idem sequitur ; nam tres tantum sunt modi operandi, puta per qualitates sensibiles, per organa corporalia et sine utrisque. Ergo tres tantum erunt potentiae, vegetabilis, quæ agit mediantibus qua-

litatibus activis et passivis ; sensibili- quæ licet non egeat qualitatibus sensibili- bus, eget tamen organo corporali ; e intellectualis, quæ neutro predictorum in- diget, sed perficitur in operatione su- absque organo corporali. — 1. *de Anima* 14 ; 2. *de Anima* l. 5.

Sed contra est auctoritas Philosophi 2 *de Anima* (*text.* 27; c. 3) distinguentis quinque genera potentiarum. — *de Anima* l. 5

RESPONDEO DICENDUM, quod genera po- tentiarum sunt tantum quinque. Quod potest esse manifestum *ex duobus*: et pri- mo quidem *ex operationibus* animæ diver- sis. Cum enim omnis potentia dicatur ac- actum proprium, et operativa potentia dicatur ad actum qui est operatio, poten- tiæ autem animæ sint operativa, tali- enim est potentia formæ, — necesse es secundum diversas operationes animæ accipi diversitatem potentiarum. Operatio autem animæ est operatio rei viventis. Cum igitur unicuique rei coipetat pro- pria operatio, secundum quod habet esse eo quod unumquodque operatur in quan- tum est ens ; oportet operationes animæ considerare secundum quod invenitur in viventibus. — Hujusmodi autem viventia inferiora, quorum actus est anima, haben- *duplex esse: unum* quidem *materiale*, in quo conve- niunt cum aliis rebus materialibus aliud autem *immateriale*, in quo commu- nicant cum substantiis superioribus ali- qualiter. Est autem *differentia* inter ultrum- que esse, quia secundum esse *materiale* quod est per materiam contractum, una- quæque res est hoc solum quod est, sicut hic lapis non est aliud quam hic lapis ; se- cundum vero esse *immateriale*, quod es- amplum et quodam modo infinitum, in quantum non est per materiam termina- tum, res non solum est id quod est, sed etiam est quodam modo alia. Unde in substantiis superioribus immaterialibus sunt quodam modo omnia sicut in universalibus causis. — Hujusmodi autem *immateriale* esse habet *duos gradus* in istis inferioribus. Nam *quoddam* est *penitus immateriale*, scilicet esse intelligibile. In intellectu eni-

shabet esse et sine materia et sine conditionibus materialibus individuantibus, et iam absque organo corporali. — Esse autem *sensibile* est medium inter utrumque. Nam in sensu res habet esse sine materia, non tamen absque conditionibus materialibus individuantibus neque sine organo corporali. Est enim sensus particularium, intellectus vero universalium. Et quantum ad hoc duplex esse dicit Philosophus in tertio hujus, quod anima est secundum modum omnia. — *Operationes* igitur quae competit viventi secundum esse *materiale*, sunt operationes quae attribuuntur animae vegetabili; quae tamen licet ordinantur ad id ad quod etiam ordinantur operationes in rebus inanimatis, scilicet ad consequendum esse et conservandum, tamen in viventibus hoc fit per altiorem et nobiliorem modum. Corpora enim inanata generatur et conservantur in esse a principio motivo extrinseco; animata vero generantur a principio intrinseco, quod est a semine, conservantur vero a principio nutritivo intrinseco. Hoc enim videtur esse viventium proprium, quod operentur tamquam ex se ipsis mota. — *Operationes* autem quae attribuuntur rebus viventibus secundum esse *penitus immateriale*, pertinent ad partem animae intellectivam. — Quae vero attribuuntur eis secundum esse medium, pertinent ad partem animae sensitivam. — Et secundum hoc triplex esse distinguitur communiter triplex anima, scilicet vegetabilis, sensitibilis et rationalis. sed quia omne esse est secundum aliquam formam, oportet quod esse sensitibile sit secundum formam sensitibilem, et esse intelligibile secundum formam intelligibilem. Ex unaquaque autem forma sequitur aliqua inclinatio et ex inclinatione operatio: sicut ex forma naturali ignis sequitur inclinatio ad locum qui est sursum, et secundum quam ignis dicitur levis; et ex ea inclinatione sequitur operatio, scilicet motus qui est sursum. Ad formam igitur am sensitibilem quam intelligibilem sequitur inclinatio quedam, quae dicitur appetitus sensitibilis vel intellectualis, sicut in-

clinatio sequens formam naturalem dicitur appetitus naturalis; ex appetitu autem sequitur operatio, qua est motus localis. Et haec est prior ratio, propter quam oportet esse quinque genera potentiarum animae. — 2. *de Anima* I. 3.

Secundo potest idem esse manifestum *ex objectis*; penes enim haec etiam potentiae distinguntur, ut dictum est (supra a. 3, c.): quia quanto potentia est altior, tanto respicit universalius objectum, ut dictum est (*ibid. ad 4*). Objectum autem operationis animae in triplici ordine potest considerari. *Alienius* enim potentiae animae objectum est solum corpus animae unitum; et hoc genus potentiarum animae dicitur vegetativum. Non enim vegetativa potentia agit nisi in corpus, cui anima unitur. Est autem aliud genus potentiarum animae, quod respicit adhuc universalius objectum, scilicet omne corpus sensibile, et non solum corpus animae unitum. Est autem aliud genus potentiarum animae, quod respicit adhuc universalius objectum, scilicet non solum corpus sensibile, sed universaliter omne ens. Ex quo patet, quod ista duo secunda genera potentiarum animae habent operationem non solum respectu rei conjunctae, sed etiam respectu rei extrinsecæ.

Cum autem operans oporteat aliquo modo conjungi suo objecto, circa quod operatur, necesse est extrinsecam rem, quae est objectum operationis animae, secundum duplarem rationem ad animam comparari. *Uno modo*, secundum quod nata est animae conjungi, et in anima esse per suam similitudinem; et quantum ad hoc sunt duo genera potentiarum, scilicet sensitivum respectu objecti minus communis, quod est corpus sensibile; et intellectivum respectu objecti communissimi, quod est ens universale. *Alio vero modo*, secundum quod ipsa anima inclinatur et tendit in rem exteriorem; et secundum hanc etiam comparisonem sunt duo genera potentiarum animae: *unum* quidem, scilicet appetitivum, secundum quod anima comparatur ad rem extrinsecam ut ad finem, qui

est primum in intentione; *aliud* autem, *motivum* secundum locum, prout anima comparatur ad rem exteriorem sicut ad terminum comparationis et motus. Ad consequendum enim aliquod desideratum et intentum omne animal movetur. — Et hæc est posterior ratio, quare sint distinguenda quinque genera potentiarum. — 1a, q. 78, a. 1, c.

Ad primum ergo dicendum, quod licet potentiae dicantur partes animæ, tres tamen tantum sunt animæ et quinque genera potentiarum. Et hujus diversitatis ratio est, quia genera potentiarum animæ distinguuntur vel ex diversis operationibus animæ vel ex diversis objectis, ut dictum est (supra in c. et a. 3, c.); sed diversæ animæ distinguuntur secundum quod diversimode operatio animæ supergreditur operationem naturæ corporalis. Tota enim natura corporalis subjacet animæ et comparatur ad ipsam sicut materia et instrumentum. — Est ergo quædam operatio animæ, quæ in tantum excedit naturam corpoream, quod neque etiam exercetur per organum corporale; et talis est operatio *animæ rationalis*. Est autem alia operatio animæ infra istam, quæ quidem fit per organum corporale, non tamen per aliquam corpoream qualitatem; et talis est operatio *animæ sensibilis*; quia etsi calidum et frigidum et humidum et siccum et aliæ hujusmodi qualitates corporeæ requirantur ad operationem sensus, non tamen ita, quod mediante virtute talium qualitatum operatio animæ sensibilis procedat, sed requiruntur solum ad debitam dispositionem organi. Infima autem operationum animæ est, quæ fit per organum corporeum et virtute corporeæ qualitatis; supergreditur tamen operationem naturæ corporeæ, quia motiones corporum sunt ab exteriori principio; hujusmodi autem operationes sunt a principio intrinseco; hoc enim commune est omnibus operationibus animæ, omne enim animatum aliquo modo movet seipsum; et talis est operatio *animæ vegetabilis*. Digestio

enim et ea quæ consequuntur, fiunt *instrumentaliter* per actionem caloris, dicitur in 2. de *Anima* (text. 50; c. 4 — 1a, q. 78, a. 1, c.)

Ad secundum dicendum, quod potentiarum quinque sunt genera, quatuor vermodorum vivendi; et ratio diversitatis est, quia potentiarum distinctio sumitur vel ex diversis operationibus animæ vel ex diversis objectis; at modi vivendi distinguuntur secundum gradus viventium. Quædam enim viventia sunt in quibus est tantum vegetativum, sicut in plantis. Quædam vero in quibus cum vegetativum est etiam sensitivum, non tamen motivum secundum locum, sicut sunt immobilia animalia, ut conchilia. Quædam vero sunt supra hoc habent motivum secundum locum, ut perfecta animalia, quæ multum indigent ad suam vitam, et ideo indigent motu, ut vitae necessaria procul posse querere possint. Quædam vero viventia sunt in quibus cum his est intellectivum scilicet in hominibus. Appetitivum autem non constituit aliquem gradum viventium, quia in quibuscumque est sensus, est etiam appetitus, ut dicitur 2. de *Anima* (text. 27; c. 3). — 1a, q. 78, a. 1, in c.; 2. *Anima* l. 5.

Ad tertium dicendum, quod *appetit naturalis* est inclinatio cujuslibet rei aliquid ex natura sua. Unde natura appetitu quælibet potentia desiderat si conveniens. Sed *appetitus animalis* consequitur formam apprehensam; et hujusmodi appetitivum requiritur specialis animæ potentia, et non sufficiens sola apprehensio. Res enim appetit prout est in natura sua; non est autem secundum suam naturam in virtute apprehensiva, sed secundum suam similitudinem. Unde patet, quod visus appetit naturaliter visibile solum ad suum actu scilicet ad videndum. Animal autem appetit rem visam per vim appetitivam non solum ad videndum, sed etiam alios usus. Si autem non indigeret animalibus perceptis a sensu nisi propter acti-

es sensuum, scilicet ut ea sentiret, non portaret appetitivum ponere speciale mus inter potentias animæ, quia sufficeret appetitus naturalis potentiarum. — I. e. ad 3.

Ad quartum dicendum, quod quamvis sensus et appetitus sint principia moventia animalibus perfectis, non tamen sensus et appetitus, in quantum hujusmodi, sufficerent ad movendum, nisi superadretur eis aliqua virtus. Nam in immobilibus animalibus est sensus et appetitus, non tamen habent viam motivam. Hæc tamen vis motiva non solum est in appetitu et sensu ut imperante motum, sed am est in ipsis partibus corporis, ut sit habiles ad obediendum appetitui imæ moventis. Cujus signum est, quod quando membra removentur a sua dispositione naturali, non obediunt appetitui motum. — *Ibid.* ad 4.

Ad quintum dicendum, quod potentiae imæ vegetabilis licet non operentur i quod natura facit in corporibus; illud non efficiunt altiori modo, quam facit natura, ut dictum est (in c.). — *Quæst. de Anima* a. 13, ad 14; 1a, q. 78, a. ad 1.

Ad sextum dicendum, quod potentiae distinguuntur secundum operationes actas secundum genera ipsarum, non enim acceptas secundum varios modos randi, ut dictum est (in c. et ad 1 et — 1. *de Anima* l. 14).

QUÆSTIO LII

DE ANIMA VEGETATIVA.

Deinde considerandum est de animabus in particulari, et primum de anima vegetativa.

Circa quam primum considerandum est de ejus substantia, deinde de illius potentiis.

CIRCA PRIMUM QUÆRITUR:

UTRUM ANIMA VEGETATIVA SIT FORMA CORPORIS VIVENTIS.

ARTICULUS UNICUS

UTRUM ANIMA VEGETATIVA SIT FORMA SUBSTANTIALIS CORPORIS VIVENTIS.

Videtur quod anima vegetativa non sit forma substantialis corporis viventis.

1. Dicit enim Philosophus (*2. de Anima* text. 6; c. 1), quod anima est actus primus, *tum* ad differentiam actus qui est operatio, *tum* ad distinctionem formarum elementarium, quæ semper habent suam operationem, nisi impedianter; sed etiam anima vegetativa semper habet suam operationem conjunctam, puta nutritionem, ut dicit Philosophus (*2. de Anima* text. 14, c. 2; *3. de Anima* text. 59; c. 12): ergo anima vegetativa non est forma substantialis corporis viventis. — *2. de Anima* l. 1 et 3; *3. de Anima* l. 17.

2. Præterea, forma substantialis, cum sit natura, non movet ad contraria, sed est determinata ad unum; sed anima vegetativa movet ad contraria; motus enim augmenti et decrementi est secundum contraria loca; augentur enim vegetabilia omnia non solum sursum et deorsum, sed etiam utroque modo: ergo anima vegetativa non est forma corporis viventis. — *2. de Anima* l. 3.

Sed contra est, quod Philosophus (2. de Anima text. 6; c. 1) definitionem animæ, quæ est esse actum primum seu formam substantialem corporis viventis, tribuit etiam animæ vegetativæ. — 2. de Anima l. 1 et 2.

RESPONDEO DICENDUM, quod etiam anima vegetativa vere est forma substantialis corporis viventis. Et ratio ex dictis (q. 48, a. 5 et 6) est, quia nihil aliud est esse formam substantialem corporis viventis, quam esse primam et substantialem perfectionem corporis habentis esse animatum per illam et existentis in potentia ad secundam perfectionem corporis viventis, puta ad operationes vitales ipsius. Hujusmodi autem est anima vegetativa. Per hanc enim, ut dictum est (q. 48, a. 4), habet corpus, quod substantialiter vivat, et quod sit in potentia ad vitales operationes, puta ad generationem, nutritionem et augmentum, ut patet in plantis, quæ tantum habent animam vegetativam. Ergo anima vegetativa vere est forma substantialis corporis viventis. — *Ibid.*

Ad primum ergo dicendum, quod formæ elementorum semper habent omnes suas actiones, nisi impedianter; at vero anima etiam vegetativa non habet semper omnes suas actiones: non enim semper in est augmentum et decrementum, ut dicit Philosophus 3. de Anima (textu citato). — 3. de Anima l. 17.

*Ad secundum dicendum, quod in aliquibus natura est determinata ad unum numero, in aliquibus ad unum specie, in aliis ad unum genere; et ideo potest anima movere ad contrarias partes; contraria enim sub uno genere continentur. — 1a 2ae, q. 10, a. 1, al 3; v. Cajetanum *ibid.**

QUÆSTIO LIII

DE POTENTIIS ANIMÆ VEGETATIVÆ IN COMMUNI.

Deinde considerandum est de potentii animæ vegetativæ, et primum quidem dicendum de illis est in communis, deinde in particulari.

CIRCA PRIMUM QUÆRITUR:

UTRUM CONVENIENTER ASSIGNENTUR TRES POTENTIÆ ANIMÆ VEGETATIVÆ: GENERATIVA, NUTRITIVA ET AUGMENTATIVA.

ARTICULUS UNICUS

UTRUM CONVENIENTER ASSIGNENTUR TRES POTENTIÆ ANIMÆ VEGETATIVÆ: GENERATIVA, NUTRITIVA ET AUGMENTATIVA.

Videtur quod inconvenienter assignentur tres potentiae vegetativæ: generativa nutritiva et augmentativa.

1. Dicit enim Philosophus (2. de Anima text. 42; c. 4), quod eadem est anima potentia nutritiva et generativa; ergo inconvenienter ponuntur generativa nutritiva tamquam potentiae distinctæ. — 2. de Anima l. 9.

2. Præterea, Philosophus (2. de Anima text. 49; c. 4) animam vegetativam definit per ordinem ad solum actum generationis, dicens illam esse generativa talis (seu) principium generandi tanta quale est habens hanc animam; ergo solum potentia generativa est potentia animæ nutritivæ. — *Ibid.*

3. Præterea, hujusmodi tres potentiae dicuntur vires naturales; sed potentiae animæ sunt supra vires naturales: ergo hujusmodi potentiae seu vires non debentponi potentiae animæ. — 1a, q. 78, a. arg. 1.

4. Præterea, ad id quod est communis viventibus et non viventibus, non debet aliqua potentia animæ deputari; sed

eratio est communis omnibus generibus et corruptilibus, tam viventibus in non viventibus : ergo vis generativa non debet poni potentia animæ. — 1. arg. 2.

Præterea, quanto aliqua virtus est per aliquid potentior, tanto una existens plura se extendit : sed virtus animæ supra vires naturæ, sicut et ipsa anima pars potentior natura corporea : cum natura eadem virtute producat in corpus naturale et det ei debitam quantitatem et conservet ipsum in esse, veletur quod hoc fortius anima una virga operetur. — *Ibid.* arg. 3 ; *Quest. de Anima* a. 13, arg. 15.

Præterea, unaquæque res conservatur in esse per id per quod esse habet ; sed potentia generativa est per quam acquiritur esse viventis : ergo per eandem res conservatur ; sed ad conservationem viventis ordinatur vis nutritiva, ut dicitur in 2. *de Anima* (*text. 48*; c. 4), est enim potentia potens salvare suscipiens ipsam : debet ergo distingui nutritiva potentia generativa. — 1a, q. 78, a. 2, arg. 4.

Præterea, natura non facit per plura quæ potest facere per pauciora ; sed ad generationem rei viventis sufficiunt quatuor elementorum, ut instrumenta animalia — sicut sufficiunt in generatione animalium ex putri eadem, ut instrumenta animalia, et similiter eadem sufficiunt ad nutritionem et augmentum : — ergo frustra suntur prædictæ tres potentiae animæ. — 1. c. *Gent.* c. 89.

ed contra est : 1. quod Philosophus in 2. *de Anima* *text. 49* et *50* (c. 4) ponit potentiam nutritivam distinctam a calore ; nam calorem esse instrumentum conjunctionis hujus potentiae ; — et *text. 33* (c. 4) distinguat potentiam nutritivam ab augmentativa ex objecto ; — et *text. 34* (c. 4) nutritivam a generativa, quod hæc non in omnibus viventibus, illa vero omnis inest ; — et *text. 42* et *47* (c. 4) ex objecto tripliciter considerato colligit triplex potentiam animæ vegetativæ. — *de Anima* l. 6, 7 et 9.

2. Præterea, dicit Philosophus (2. *de Anima* *text. 34*; c. 4), quod opera animæ nutritivæ sunt generare, alimento uti et augmentum facere; sed operationes animæ non immediate procedunt ab anima, sed tantum mediate, mediantibus scilicet potentias, cum nulla forma substantialis sit immediate activa, ut dictum est (q. 9, a. 4) : ergo dantur tres potentiae quæ immediate sint productivæ prædictarum trium operationum. — 2. *de Anima* l. 7.

RESPONDEO DICENDUM, quod tres sunt potentiae animæ vegetativæ. Vegetativum enim, ut dictum est (q. 51, a. 9), habet pro objecto ipsum corpus vivens per animam ; ad quod quidem corpus *triplex* animæ *operatio* est necessaria. *Una* quidem, per quam esse acquirat, et ad hoc ordinatur potentia generativa. *Alia* vero, per quam corpus vivum acquirit debitam quantitatem, et ad hoc ordinatur vis augmentativa. *Alia* vero, per quam corpus viventis salvatur et in esse et in quantitate debita, et ad hoc ordinatur vis nutritiva. — Est tamen quædam *differentia* attendenda inter has potentias. Nam nutritiva et augmentativa habent suum effectum in eo in quo sunt, quia ipsum corpus unitum animæ augetur et conservatur per vim augmentativam et nutritivam in eadem anima existentem ; — sed vis generativa habet effectum suum non in eodem corpore, sed in alio, quia nihil est generativum sui ipsius ; et ideo vis generativa quodammodo appropinquat ad dignitatem animæ sensitivæ, quæ habet operationem in res exteriores, licet excellentiori modo et universaliter (1). Supremum enim inferioris naturæ attingit id quod est infimum superioris, ut patet per Dionysium (*de Div. Nom.* c. 7, § 3) ; — Migne PP. Gr. t. 3, col. 871) : et ideo inter istas tres potentias finalior et principalior et perfectior est generativa, ut dicitur in 2. *de Anima* (*text. 49*; c. 4) ; est enim rei jam perfectæ facere alteram, qualis ipsa est : generativæ autem deserviunt et augmentativa et nu-

(1) Al. « universaliori ».

tritiva ; augmentativæ vero nutritiva. — 1a, q. 78, a. 2, c.

Ad primum ergo dicendum, quod nutritiva et generativa dicuntur eadem potentia generice, non autem specifice; nutritiva enim est quædam specialis potentia distincta a generativa. — 2. d^o *Anima* l. 9.

Ad secundum dicendum, quod anima vegetativa definitur a Philosopho per ordinem ad generationem, non quia hujus animæ sit una tantum operatio, puta generatio, et consequenter una tantum potentia generativa; sed quia, cum inter tres operationes animæ vegetabilis sit quidam ordo; — nam *prima* ejus operatio est nutritio, per quam salvatur aliquid ut est : *secunda* autem perfectior est augmentum, quo aliquid proficit in majorem perfectionem et secundum quantitatem et secundum virtutem : *tertia* autem perfectissima et finalis est generatio, per quam aliquid jam quasi in se ipso perfectum existens, alteri esse et perfectionem tradit: tunc enim unumquodque maxime perfectum est, ut in 3. *Meteorol.* sum. 1, c. 4 (3) dicitur, cum potest facere alterum tale, quale ipsum est; — et justum sit ut omnia definiantur et denominentur a fine ; — convenienti definitione voluit Philosophus a fine operum animæ vegetabilis, qui est generare alterum tale, quale ipsum est, animam vegetativam definire, ut sit generativa alterius similis secundum speciem. — *Ibid.*

Ad tertium dicendum, quod hujusmodi vires seu potentiae animæ vegetativæ dicuntur naturales, *tum* quia habent effectum similem naturæ, quæ etiam dat esse et quantitatem et conservationem, licet hæ vires habeant hoc altiori modo; *tum* quia exercent suas actiones per qualitates activas et passivas, quæ sunt naturalium actionum principia. — 1a, q. 78, a. 2, ad 1; *Quæst. disp. de Anima* a. 13, c. et ad 14.

Ad quartum dicendum, quod generatio in rebus inanimatis est totaliter ab extrinseco ; sed generatio viventium est quodam altiori modo per aliquid ipsius

viventis, quod est semen, in quo est aliquid principium corporis formativum; ideo oportet esse aliquam potentiam viventis per quam semen hujusmodi preparetur, et est vis generativa. — *Ibi* ad 2.

Ad quintum dicendum, quod, quia genratio viventium est ex aliquo semin oportet quod in principio animal generatur parvæ quantitatis ; et propter hanc necessitate est quod habeat potentiam animalis per quam ad debitam quantitatem producatur ; sed corpus inanimatum generatur ex materia determinata ab agente extrinseco, et ideo simul recipit species et quantitatem secundum materiæ conditionem. — *Ibid.* ad 3; *Quæst. disp. de Anima* a. 13, ad 15.

Ad sextum dicendum, quod, sicut jadictum est (q. 51, a. 9), operatio vegetativi principii compleetur mediante calorem, cuius est humidum consumere ; et inde ad restaurationem humidi deperditi recessit habere potentiam nutritivam per quam alimentum convertatur in substantiam corporis; quod etiam est necessarium ad actus virtutis augmentativæ generativæ. — 1a, q. 78, a. 2, ad 4.

Ad septimum dicendum, quod necesse est dicere ad generationem, nutritionem et augmentum praeter qualitates actives et passivas requiri particulares potentias distinctas a qualitatibus predictis. Quia multipliciter potest esse manifestum: — *Primo*, quia Philosophus illas distinguens 2. *de Anima* text. 49 et 50 (c. 1) calorem, qui est potissima qualitas activa, dicit esse instrumentum potentiae nutritivæ, non autem ipsam potentiam nutritivam : et *text. 34* (c. 4) dicit, quod generare, nutrire et augmentum facere si opera animæ, non autem opera naturæ essent aulem, si qualitates elementares se sufficientes essent ad illa efficienda. — *2. de Anima* l. 7 et 9.

Secundo, quia anima comparatur ad potentias, sicut forma substantialis proprietas consequentes : omnem engradum sive genericum sive specificum

ni maxime sumitur ex forma, consequitur propria passio; calor autem et qualitates activæ non sunt proprietates conquentes animam, sed formam corporis corruptibilis, sicut quantitas consequitur formam corporis, ut corpus est: non erunt possunt habere rationem potentiarum animæ, nec de se sufficiere ad opera vitae ragenda. — *de Malo* q. 4, a. 4, c. et ad c. *de Spirit. Creat.* a. 3, ad 18.

Tertio, cum potentiae animæ ordinenter ad opera, quæ sunt animatorum propria, secundum hoc aliqua operatio debet, quod ad eam specialis potentia inde deputetur, quod ipsa est operatio propria animati; sed mouere se ad determinatas species motus, puta augmentacionis, alterationis et generationis, est operatio propria viventis: ergo ad generationes specialis potentia debet depandi: sed talis potentia non potest esse operaria aut similis qualitas elementaris, ita hujusmodi qualitates sunt principia quibus aliquid movet aliud, et respectu animæ substantialis animatae præsertim, non tantum dispositiones materiales; magna autem non sufficit ad agendum: ergo potentiae animæ debent esse quid distinctum ab illis qualitatibus. — *de Genit.* q. 22, a. 3, c.; *Quæst. disp. de Anima* q. 13, c.; *la, q. 115, a. 3, ad 2.*

Quarto, potentiae animæ est perducere ens ad debitam quantitatem; nam cum semine generatur vivens, semper in principio generatur parvæ quantitatis: calor ut calor non perducit ad hanc quantitatem, quia indifferenter se habet omnem quantitatem; ergo non potest per habere rationem potentiae animæ. — *la, q. 78, a. 2, ad 3;* *Quæst. disp. de Anima* a. 13, c. et ad 15.

Quinto, qualitates activæ et passivæ sunt principia naturalium actionum; potentiae vero animæ sunt principia actionum vivorum; sicut ergo actiones horum principiorum sunt plane diversæ, ita et erunt principia illarum, ita ut principia actionum unius generis non possint esse prin-

cipia alterius; et sic calor nullo modo poterit esse potentia animæ. — *la, q. 78, a. 2, ad 1;* *Quæst. disp. de Anima* l. c.

Sexto, cum potentiae animæ sint ejus proprietates naturales, ut dictum est (q. 51), sicut proprietas fluit ab essentia subjecti, ut dictum est in logieis (q. 6), et habet pro subjecto id ex cuius essentia manat; ita potentia animæ fluit ab essentia animæ, ut dictum est, et habet pro subjecto animam, vel corpus ut habet animam; sed qualitates activæ non fluunt ab essentia animæ, nec habent pro subjecto animam, vel corpus ut habet animam, ut manifestum est ex dictis: ergo non possunt habere rationem potentiarum animæ. — *la, q. 78, a. 2.*

Septimo, unicuique motori debentur propria instrumenta; alia enim sunt instrumenta tibicinis, alia architectoris; sed anima comparatur ad corpus ut motor ipsis, et similiter respectu generationis, augmentationis et nutritiones; ergo debet habere propria instrumenta, quibus illas operationes efficiat: sed qualitates activæ elementares non sunt instrumenta propria animæ, sed formæ elementaris: ergo tales qualitates non possunt habere rationem potentiarum, quæ sunt propria instrumenta animæ. — *2. c. Gent. c. 73.*

Postremo, sicut est quoddam agens de se sufficiens ad inducendam formam suam in patiens (sicut ignis *de se sufficiens* est ad calefaciendum), ita datur quoddam agens quod *de se non sufficit* ad inducendam formam suam in patiens, nisi superveniat aliud agens. Cujus ratio est, quia aliquando actio principalis agentis pertinet ad aliquid in operato, ad quod non pertinet actio instrumenti, licet instrumentaliter operetur disponendo; ut patet in generatione hominis: actio enim Dei producit animam rationalem, quam virtus semenis producere non potest, sed disponit ad eam. Sed ita se habet res in proposito; nam calor ignis *de se non sufficit* ad complendam actionem nutritionis, nec perducit ad speciem carnis, licet instru-

mentaliter operetur ad eam resolvendo et consumendo nisi per virtutem potentiae nutritivæ: unde virtus hæc est principale agens, calor vero instrumentale, ut dictum etiam est ex Philosopho; ergo calor non potest fungi munere potentiae animæ. — *Quodl.* 8, a. 3, c.; 2. c. *Gent.* c. 89.

QUÆSTIO LIV

DE POTENTIA GENERATIVA.

Deinde considerandum est de potentia animæ vegetativæ in particulari; et primo quidem de generativa, secundo de augmentativa, postremo de nutritiva.

CIRCA PRIMUM QUÆRUNTUR QUINQUE:

1. Utrum generatio sit opus naturalissimum et perfectissimum inter opera animæ vegetativæ.
2. Quid sit potentia generativa.
3. Utrum potentia generativa activa sit in matre.
4. Utrum omnia quæ ex semine generantur, possint sine semine per putrefactionem generari.
5. Utrum animalia genita per putrefactionem sint ejusdem speciei cum genitis ex semine.

ARTICULUS I

UTRUM GENERATIO SIT OPUS NATURALISSIMUM ET PERFECTISSIMUM INTER OPERA ANIMÆ VEGETATIVÆ.

Videtur quod generatio non sit opus naturalissimum et perfectissimum inter opera animæ vegetativæ.

1. Illud enim est magis naturale, quod est magis commune omnibus viventibus; sed generare non est hujusmodi, sed potius nutriri; quia non omnia viventia generant, ut plantæ et animalia imperfecta:

nutriri autem est commune oīnnibus viventibus: ergo generatio non est opus naturalissimum et perfectissimum in opera animæ vegetativæ. — 2. *de Ani.* l. 7.

2. Præterea, illa operatio est magis naturalis et perfecta, quæ est omnium prima: sicut et esse, quia est prius omni participatione, est perfectius aliis gradibus; sed inter omnes operationes animæ vegetativæ prima est nutritio, per quam salvatur aliquid ut est: ergo generatio non est opus naturalius et perfectius reliquibus. — *Ibid.* l. 9; *Tabula Aurea* vocata esse » n. 35, 36.

3. Præterea, natura magis inclinat conservationem sui in numero quam specie, sicut magis quis seipsum in amat quam in altero, unde amicabilia alterum veniunt ex amicabilibus ad: ut dicitur 9. *Ethic.* (c. 4); sed per nutritionem vivens conservat se in numero per generationem in specie: ergo generatio non est opus magis naturale quam nutritio. — 3. *Sent.* dist. 29, q. 1, a. arg. 3; 2. *de Anima* l. 9.

Sed contra est, quod Philosophus (2. *Anima* text. 34; c. 4) dicit, quod generatio est opus naturalissimum et perfectissimum omnium. — 2. *de Anima* l. 7.

RESPONDEO DICENDUM, quoj generatio est inter omnia animæ vegetativæ opera magis *naturalis* et *perfecta*; natura quidem, *tum* quia in hoc convenienter ventia cum aliis rebus inanimatis, quæ generationem habent, licet alio modo, *tum* quia quælibet res naturaliter condit, quantum fieri potest, assimilari est divino et sempiterno; hoc autem factum per generationem, per quam res qualiter saltem eadem specie perpetuo durat. Est autem magis *perfecta*, quia generatio est finis aliorum operum vegetativæ, unde et ab illa tamquam a fine definitur a Philosopho anima vegetativa, quod sit generativa alterius similis secundum speciem, ut dictum est (q. 53, art. un., ad 2). — *De Anima* l. 7 et 9.

Ad primum ergo dicendum, quod ger-

re dicitur opus naturalissimum, quia coⁿviventia convenient cum aliis rebus animatis, quia generationem habent, li^tt diverso modo. Habent enim inanimata generationem ab extrinseco generante, et viventia a principio intrinseco, in quantum generantur ex semine, quod pro^tit in rem vivam. Quamquam ab ista generalitate viventium excipiuntur tria quae hoc opus non convenit: — *primo* illa^e sunt imperfecta, ut pueri; hi enim n^{on} generant: quod enim potest alterum creare tale, quale ipsum est, in unoquoque genere perfectum est; *secundo* illa^e patiuntur aliquem defectum alicujus incipii naturalis, sicut sunt spadones frigidi; *tertio* animalia et plantae quae generantur ex semine per putrefactionem; his enim propter sui imperfectionem sufficit ad eorum productionem agens universale, scilicet virtus corporis celestis materia disposita. In animalibus autem perfectis plura requiruntur principia. Non im^{per} agens universale sufficit, sed requiri agens proprium univocum. — 2. *de Anima* l. 7.

Ad secundum dicendum, quod nutritio prima via originis, non autem via perfectionis, cum generatio sit finis nutritio^s et augmentationis. Esse autem nobis est reliquis gradibus, si sumatur ut ratione distinguitur a reliquis, secus ut in illis imbibitur. — 2. *de Anima* 9.

Ad tertium dicendum, quod amicabilia alterum veniunt ex amicabilibus ad non sicut ex causa finali, sed sicut ex quod est prius via generationis, quia ilibet est sibi prius et magis notus in quam in alio. — 3. *Sent.* dist. 29, q. a. 7, ad. 3.

ARTICULUS II

QUID SIT POTENTIA GENERATIVA.

1. Videtur quod virtus generativa sit or naturalis internus ut instrumentum im^{per}.

1. Dicit enim Philosophus (2. *de Anima* text. 50; c. 4), quod anima utitur calido ad digestionem et generationem carnis; sed anima utitur sua potentia ad predicta opera: ergo calor naturalis erit potentia generativa. — 2. *de Anima* l. 9.

2. Præterea, ad generationem viventium ex putri sufficit materia disposita et virtus cœli, ut dictum est (a. praec. ad 1); sed hæc virtus cœli non est alia præter calorem cœlestem a sole productum in his inferioribus: ergo calor est potentia generativa.

3. Præterea, sicut calor ut instrumentum formæ substantialis ignis producere potest ignem, ita et calor naturalis ut instrumentum animæ potest generare carnem et simile in specie viventi; sed ignis non habet aliam potentiam generativam sui similis præter calorem: ergo et anima non habebit aliam potentiam generativam similis in specie præter calorem naturalem conjunctum. — *Tabula Aurea* voce « calor » n. 3.

Sed contra est, quod Philosophus (2. *de Anima* text. 49 et 50; c. 4) dicit, quod calor non est potentia animæ, sed ejus instrumentum potentiae. — 2. *de Anima* l. 9.

II. Videtur quod potentia generativa sit virtus existens in semine.

1. Illa enim est potentia generativa, per quam vivens generat sibi simile, ut dicit Philosophus (2. *de Anima* text. 49; c. 4); sed vivens producit simile in specie per virtutem existentem in semine: ergo virtus generativa est virtus existens in semine. — 2. *de Anima* l. 9; 1a, q. 118, a. 1, arg. 3 et 4.

2. Præterea, Philosophus (1. *de Generat. Animal.* c. 2 et 20) dicit, quod virtus activa viventis generantis sibi simile in specie est in semine maris: ergo illa est potentia generativa. — 1a, q. 118, a. 1, arg. 3 et 4.

3. Præterea, potentia generativa est quæ attingit productionem animæ; sed virtus producens, verbi gratia, animam sensitivam in equo generato, est virtus

existens in semine: ergo potentia generativa est talis virtus. — *Ibid.*

Sed contra est, quod potentia generativa est proprietas compositi viventis, seu generantis, ut dictum est (q. 51, a. 5, c.); sed omissis proprietatis est in re, cuius est proprietas, tamquam subjecto: ergo potentia generativa non est virtus existens in semine, quod est loco separatum a generante, cum sit ab illo decisum, sed est virtus existens in generante.

RESPONDEO DICENDUM, quod potentia generativa neque est calor naturalis, neque virtus activa existens in semine, sed est virtus existens in generante, a quo derivatur virtus activa seminis, per quam deinde producitur vivens. — Ad eius manifestationem sciendum, quod quia generans est simile generato, necesse est naturaliter quod anima sensitiva et vegetativa et aliæ hujusmodi formæ producantur in esse ab aliquibus agentibus corporalibus transmutantibus materiam de potentia in actum per aliquam virtutem corpoream, quæ est in eis. Quanto autem aliquid agens est potentius, tanto potest suam actionem diffundere ad magis distans: sicut quanto aliquid corpus est magis calidum, tanto ad remotius calefactionem producit. Corpora igitur non viventia, quæ sunt inferiora naturæ ordine, generant quidem sibi simile, sed non per aliquid medium sed per se ipsa; sicut ignis per se ipsum generat ignem. Sed corpora viventia tamquam potentiora agunt ad generandum sibi simile et sine medio et per medium; *sine medio* quidem in opere nutritionis, in quo caro generat carnem; *cum medio* vero in actu generationis, quia ex anima generantis derivatur quædam virtus activa ad ipsum semen animalis vel plantæ: sicut et a principali agente derivatur quædam vis motiva ad instrumentum. Verum in utroque modo agendi semper generans agit per virtutem generativam activam in se existentem. Quod manifestum est, *primum* quia potentiae vegetativæ objectum est solum corpus animæ unitum; non enim

vegetativa potentia agit nisi in corpore cui anima unitur: unde necesse est quod potentia ipsa vegetativa, quæcumque sit, resideat in ipso vivente; semen autem immissum in matrem per decisionem, non amplius est in ipso generante. — *Deinde* quia, cum omnis actio animæ sit a vitali, vivum autem est quod per se ipsum se movet ad operandum, oportet quod omnis operatio animæ, atque adeo generatio, procedat ab aliquo principio interiori agenti et viventi. Cum autem semen non sit quid vivum, non potest generativa potentia esse virtus illa, quæ in semini. — 1a, q. 418, a. 1, c. et q. 1 a. 1 et 2, c.; *Quæst. disp. de Anima* a. 3 c. — *Demum* quia potentia generativa non desinit esse neque corruptitur per generationem unicam: virtus autem quae inest semini, desinit esse dissoluto semini et evanescente spiritu qui inerat semini. Manifestum igitur est quod potentia generativa est virtus existens in generante distincta a virtute existente in semini et multo magis a calore, ut ostensum est (q. 53, art. unic., ad 7). — 1a, q. 418, 1, ad 4.

Ad primum ergo dicendum, quod calor est instrumentum virtutis seu potentiae generativæ, sicut et potentiae nutritivæ, ut dictum est ex Philosopho (q. 53, art. unic.).

Ad secundum dicendum quod, quia generationem eorum quæ ex putre natum sunt, pauciora requiruntur, ut dictum est ex Philosopho (a. præc. ad 1), proterea sufficit vel calor solis ut instrumentum illius, vel certe lumen ut instrumentum ejusdem, ut dictum est (q. 32, a. ad 1); secus vero in generatione vivium, quæ producentur ex semine, dictum est (a. præc.).

Ad tertium dicendum, quod aliquam actionem instrumenti non potest pertingere ad effectum actionis principalis agentis et sic est in proposito; calor enim naturalis tantum disponit ad carnem gerendam et ad animam introducendam at anima inducitur per virtutem animi.

generativam et nutritivam, ut dictum est
q. 53, art. unic., ad 5, 6 et 7).

Ad quartum (ad arg. *Sed contra*) patet
ex dictis.

Ad quintum (ad 1. secundae quæstionis)
dicendum, quod virtus existens in semine
est instrumentum virtutis generativæ, et
nisi quadam motio ipsius animæ gene-
rativæ. In omni autem motione aliud est
virtus movens, aliud motio. — 1a, q.
8, a. 1, ad 3 et 4 et in c.

Ad sextum (ad 2. sec. quæst.) dicendum,
quod quia vivens in generatione agit per
medium, ut dictum est (supra in c.), se-
ten se habet tamquam medium, per
quod generans generat sibi simile. Unde
non potest virtus ejus esse ipsa potentia
generativa generantis, cum præsertim
alii virtus esse desinat permanente ad-
esse in generante potentia generativa, ut
dictum est (in c.). — *Ibid.*

Ad septimum (ad 3. sec. quæst.) dicendum,
quod virtus existens in semine attingit
generatione equi productionem animæ
nutritivæ, sed in virtute potentiae genera-
tivæ animæ generantis, cuius est instru-
mentum. — *Ibid.* ad 4.

ARTICULUS III

TRUM POTENTIA GENERATIVA ACTIVA SIT IN MATRE.

Videtur quod potentia generativa acti-
va sit in matre.

1. Ponit enim Commentator (in 2. *de
anima text.* 33 sqq.) distinctionem hanc
potentiarum animæ, quod potentiae nutri-
tivæ partis omnes sunt activæ: potentiae
nutritivæ omnes sunt passivæ: in intel-
lectu autem est activum, ut intellectus
agens, et aliquid passivum, ut intellectus
possibilis; sed potentia generativa ad
animam vegetativam pertinet, unde etiam
antis inest: ergo est potentia activa:
in ergo mater per potentiam genera-
tivam filium concipiat, videtur quod etiam
matre sit potentia generativa activa. —
Sent. dist. 3, q. 2, a., 1, arg. 5; 3a,
32, a. 4, arg. 2.

2. Præterea, si mater in generatione
solam materiam ministraret et nihil active
in illa operaretur, id non videretur suf-
ficere ad rationem matris, quia aliqui
lignum diceretur esse mater lecti vel
scamni: ergo dicendum, quod in matre
etiam est potentia generativa activa. —
3a, q. 35, a. 3, arg. 1; 3. *Sent.* dist. 3,
q. 2, a. 1, arg. 4.

3. Præterea, motus naturalis est cuius
principium est intra; sed generatio filii
ex matre est naturalis; ergo in ipsa ma-
teria quam mater ministrat ad formatio-
nem conceptus, est principium aliquod
active cooperans ad conceptionem: et
sic etiam in matre est potentia generativa
activa. — 3. *Sent.* dist. 3, q. 2, a. 1,
arg. 6; 3a, q. 32, a. 4, arg. 3.

4. Præterea, Beata Virgo non solum
passive, sed etiam active cooperata est ad
conceptionem Christi Domini. Dicit enim
Damascenus (3. *de Orth. Fide*, c. 2; — Mi-
gne, t. 94, col. 986), quod Spiritus Sanctus
tribuit Virgini virtutem susceptivam et
generativam; per potentiam autem sus-
ceptivam intelligitur potentia passiva;
nam potentia mere passiva est receptiva
tantum; per generativam autem potentia
activa; sed quod dicitur de Beata Virgine,
idem dici debet de quacunque alia matre:
ergo in matre debet esse potentia genera-
tiva activa. — 3. *Sent.* l. c. arg. 1; 3a,
q. 32, a. 4, arg. 1.

Sed contra est, quod Philosophus dicit
ad matrem tantum pertinere ministrare
materiam, et per consequens passive
cooperari ad conceptionem et genera-
tionem. Dicit enim, 15. *de Animal.* (vel 1.
de Generat. Animal. c. 20), quod vir dat
animam, formam et principium motus:
femina vero dat corpus et materiam:
sicut accedit in lacte coagulato, quod
corpus exit ex lacte et coagulatio ex coa-
gulo; et post pauca subdit: Manifestum
est quod mas est operans et femina pa-
tiens, sicut exit scamnum ex carpentario
et ligno. — 3. *Sent.* dist. 3, q. 2, a. 1,
arg. 1 *Sed contra.*

RESPONDEO DICENDUM, quod circa hoc

diversimode opinatum est. *Quidam* enim dicunt ad officium matris pertinere, ut aliquod principium activum ad conceptionem ministret, et non materiale tantum. Hoc tamen ponitur *diversimode*. — *Quidam* enim dicunt, in materia, quam mater ministrat, esse virtutem activam principaliter, *tum* quia ex commixtione seminum conceptionem sierit ponunt, unde sicut semen viri est activum in generatione, ita et semen mulieris, quamvis non sit in eo tanta efficacia ad agendum; *tum* etiam quia ponunt conceptam prolem sensificari et vegetari per animam matris, ut sic etiam principalior inveniatur in generatione mater quam pater: hoc autem Philosophus reprobat in 15. *de Animal.* (vel 1, *de Generat. Animal.* c. 20). In his enim, quae habent vitam perfectam, distinguuntur agens et patiens in generatione propter perfectam generationem in eis. In plantis autem, quae imperfectam vitam habent, est in eodem utraque virtus, activa scilicet et passiva, quamvis forte in una planta dominetur virtus activa et in alia virtus passiva; propter quod dicitur etiam una planta masculina et alia feminina. Cum igitur impossibile sit illud quod est determinatum ut patiens, habere virtutem activam respectu ejusdem, oportet quod femina non sit agens in conceptione, sed tantum patiens. — Et ideo *alii* dicunt, quod id quod mater ministrat, se habet in generatione sicut materia naturalis. In materia autem naturali non est potentia passiva tantum, alias generatio esset violenta et non naturalis, sed oportet inesse materiae ipsam formam, quae per generationem adducenda est, in potentia et secundum esse incompletum, et ideo non habet perfectam virtutem ad agendum, sed tantum imperfectam; et ideo per se agere non potest, nisi quodam modo excitetur ab agente exteriori, et sic ei cooperetur. — Hoc autem non potest stare, quia impossibile est idem esse alterans et alteratum; unde non potest esse quod forma quae est in aliqua materia agat in ipsam, sive sit

perfecta sive imperfecta; forma enim quae per se non existit, non agit; ne propriè patitur, sed compositum agit ratione formæ et patitur ratione materiae; et ideo non est possibile quod illa forma imperfecta in agendo cooperetur agenti exteriori. Præterea, agere sequitur ad esse perfectum, cum uniuersumque agat secundum quod est in actu; unde oportet quod forma imperfecte existens in materia, prius perficiatur in esse per agen-
tium exterius, quam detur sibi agere; unde non potest in agendo cooperari ad generationem, per quam forma in esse perfectum adducatur. Et præterea, si esset de necessitate matris ut active ad generationem operaretur, Beata Virgo non posset dici mater; cum enim illa concep-
tio tota simul sit facta, non potuit per aliquam creativam virtutem creatam fieri unde Beata Virgo non potuit active operari ad conceptionem: et sic non habuisset illud quod ad matrem pertinet; unde nec mater esset, quod est hæreticum. — 3. *Sent.* dist. 3, q. 2, a. 1, c.; 3a, q. 31 a. 5 et q. 35, a. 3.

Alii ergo dicunt, quod sufficit ad esse matrem quod materiam ministret, et haec est sententia Philosophi, secundum quam etiam potest salvari virginitas Sanctissimæ Dei Genitricis Mariae et ejus maternitas. Ad cuius sententiæ evidentian sciendum est, quod in conceptione proli-*triplex actio* invenitur: — *una*, quae est principalis, scilicet formatio et organisa-
tio corporis; et respectu hujus actionis agens est tantum pater, mater vero so-
lummodo ministrat materiam. *Alia* actio
est præcedens hanc actionem et præ-
paratoria ad ipsam. Cum enim gene-
ratio naturalis sit ex determinata mate-
ria, eo quod unus quisque actus in pro-
pria materia fit, sicut in 2. *de Ani-
ma* (text. 26; c. 2) dicit Philosophus
oportet ut formatio prolixi fiat ex materia
convenienti et non ex quacunque. Unde
oportet esse aliquam virtutem agentem
per quam præparetur materia ad concep-
tum. Sicut autem dicit Philosophus in

Phys. (text. 24 et 25; c. 2), ars quæ generatur formam, principatur et imperat quæ præparat materiam, sicut ars compaginans navim ei quæ complanat gna: — ideo virtus quæ præparat materiam ad conceptum est imperfecta respectu ejus quæ ex materia præparata colem format. Hæc autem virtus præparans est matris, quæ imperfecta est respectu virtutis activæ quæ est in patre. Unde dicit Philosophus in 15. *de Animal.* (rel 1, *de Generat. Animal.* c. 20), quod mulier est sicut puer, qui nondum potest generare. *Tertia* actio est concomitans sequens actionem principalem. Sicut enim locus facit ad bonitatem generationis, ita et bona dispositio matricis operatur ad bonam dispositionem prolii, quasi trahens somentum (1): et hoc est, quod dicit Avicenna in cap. de diluvii: Matrix non facit nisi ad meliorationem conceptionis (2).

Secundum hoc igitur dicendum, quod in *principali actione* formationis corporis nihil est ex parte matris quod sit activum, sed id quod mater ministrat se habet materialiter tantum ad hanc actionem. Et idem dico de Beata Virgine, nisi quod virtus divina fecit totum quod fit in aliis conceptionibus per virtutem semenis, quod est a patre. Et ideo Damascenus divinam virtutem dicit quasi divinum semen. In secunda vero et *tertia actione* omnes mares active operantur, sed hæc non arguunt potentiam generativam activam, sicut nec arguunt in Sanctissima Virgine, quæ tamen propriissime est Mater Christi Domini, quia in *principali actione* materialiter concurrit, quod sufficit ad hoc, quod aliqua sit mater. Et sic manifestum est, quod ad esse matrem non requiritur potentia generativa activa in matre. — 3. *Sent. dist. 3, q. 2, a. 1, c.; 3a, q. 31, a. 5 et q. 35, a. 3, c.*

Ad *primum* ergo dicendum, quod potentia generativa activa est; sed hæc potentia est perfecte in viro, unde ejus

actio se extendit usque ad formationem generati; in feminâ autem est imperfecta, unde non se extendit ejus actio nisi ad præparationem materiæ: sicut in artib⁹ ars inferior disponit materiam, superior vero inducit formam, ut dicitur 2. *Phys.* (text. 25; c. 2). — 3. *Sent. dist. 3, q. 2, a. 1, ad 5; 3a, q. 32, a. 4, ad 2.*

Ad secundum dicendum, quod *paternitas* sive *maternitas* et *filiatio* non competent in quacunque generatione, sed in sola generatione viventium; et ideo si aliqua inanimata ex aliqua materia siant, non propter hoc consequitur in eis relatio maternitatis et filiationis, sed solum in generatione viventium, quæ proprie nativitas dicitur. — 3a, q. 35, a. 3, ad 1.

Vel die, quod præbere materiam *simpliciter* ad generationem alicujus non facit matrem, sed præbere *talem* materiam sic præparatam, est id quod matrem facit. In ligno enim non est potentia naturalis ut ex eo fiat scannum, cum in actu per agens naturale non compleatur, sicut similiter nec in limo terræ ut ex eo fiat homo: unde quod inducitur non est simile. — 3. *Sent. dist. 3, q. 2, a. 1, ad 4.*

Ad tertium dicendum, quod cuiuslibet motus naturalis principium est in eo quod movetur, non tamen eodem modo, ut in 2. *Phys.* (text. 3 et 4) dicit Commentator. *In quibusdam* enim est principium activum, ut in motu gravium et levium: *in quibusdam* vero principium passivum, ut in generatione simplicium corporum; unde et Philosophus naturam, quam principium motus in eo quod movetur definit, statim subdividit in materiam et formam. Unde non oportet, quamvis generatio perfecti animalis sit naturalis, quod in materia quam semina ministrat, sit principium activum, sed passivum tantum. — 3. *Sent. l. c. ad 6; 3a, q. 32, a. 4, ad 3.*

Ad quartum dicendum, quod in conceptione Christi Domini fuit duplex miraculum: *unum*, quod femina concepit Deum; *aliud*, quod virgo peperit filium.

(1) Al. « locatum ».

(2) Al. « generati ».

Quantum ergo ad *primum*, Beata Virgo se habuit ad conceptionem secundum potentiam obedientiae tantum, et adhuc multo remotius quam costa viri, ut ex ea mulier formaretur. In talibus autem simul dantur actus et potentia ad actum, secundum quam dici posset, quod hoc est possibile. Sed quantum ad *secundum*, habuit Beata Virgo potentiam passivam, naturalem tamen, quæ per agens naturale in actum reduci potuit. Unde quantum ad *primum* dicit Damascenus potentiam receptivam Verbi Dei, quantum vero ad *secundum* dicit simul activam et generativam; utramque enim potentiam in actum reduxit Spiritus Sancti virtus. — 3. *Sent.* l. c. ad 1; 3a, l. c. ad 1.

ARTICULUS IV

UTRUM OMNIA QUÆ EX SEMINE GENERANTUR,
POSSINT SINE SEMINE PER PUTREFACTIO-
NEM GENERARI.

Videtur quod omnia animalia quæ ex semine generantur, possint sine semine generari.

1. Dicit enim Avicenna (apud Averroem in 2. *Metaphys. text.* 15), quod omnia quæ generantur ex semine, eadem specie possunt generari sine semine per putrefactionem vel per aliquem modum commixtionis terrenæ materiæ. — 7. *Metaphys.* l. 6 et 8; 1a, q. 71, a. un., ad 1.

2. Præterea, nihil fit ex materia corporali nisi per aliquam materiæ transmutationem; sed omnis transmutatio corporalis causatur ex motu cœlestis corporis, qui est primus motuum; ergo quodlibet corpus, quod fit ex semine, potest etiam produci sine semine per virtutem cœlestis corporis. — 1a, q. 91, a. 2, arg. 3.

3. Præterea, causa prima est vehementioris impressionis in causatum causæ secundæ, quam ipsa causa secunda; et ideo remota influentia hujus potest remanere influentia primæ; sed cœlum est causa prima et primum movens effec-

tum sublunarium; unde Philosophus dicit (2. *Phys. text.* 26; c. 2), quod sol e homogenerant hominem: ergo quodlibet animal genitum ex semine poterit a solo generari sine semine. — *Tabula Aurea* voce « causa » n. 78; 2. *Phys.* l. 4.

4. Videtur quod nullum animal ex semine genitum possit sine semine generari. Natura enim determinatis mediis procedit ad suos effectus: ergo illa quæ naturaliter generantur ex semine, sine semine generari non possunt. — 1a, q. 71, a. un., ad 1.

Sed contra est, quod Philosophus (7. *Metaphys. text.* 23 et 31; l. 6, c. 7. et 9) dicit, quod non omnia quæ ex semine generantur possunt sine semine generari, sequædam sic, quædam non. — 7. *Metaphys.* l. 6 et 8.

RESPONDEO DICENDUM, quod hac de res sunt tres sententiae. Prima est Averrois (i. 8. *Phys. text.* 46) dicentis, quod non potest esse idem animal in specie, quo generatur ex spermate, et quod generatur sine spermate. — Avicenna vero oppositum asserit, omnia quæ ex semine generantur, sine semine per putrefactionem posse generari. — Sententia vero Aristotelis videtur esse media inter duas opiniones. Asserit enim, quod aliqua possunt et sine semine generari ex semine, non tamen omnia.

Quæ sententia potest ex his probari: est primo, quia cum ars naturam imitetur, si cut in artificialibus non omnia possunt fieri per artem et sine arte; sed quædam super artem tantum, ut domus; quædam vero per artem et sine arte, ut sanitas et tunc fieri possunt aliqua et ab arte et sine arte, quando materia potest movere a seipsa eo motu quo movetur ab arte, ut patet in sanitate (quia enim in corpori verbi gratia humano, quod est materia sanationis, inest virtus activa, per quam corpus potest sanare se ipsum: ideo sanitatis potest aquiri per artem a principiis extrinsecis, et sine arte per principium intrinsecum; — tunc vero non nisi ab arte fieri possunt aliqua, quando non po-

est illorum materia moveri per principium intrinsecum eo modo, quo movetur a parte, ut patet in fabricatione domus); — a similiter in *naturalibus* illa non possunt sieri aliter quam ex semine, ut animalia perfecta, homo, equus et similia, quorum materia non potest moveri a se ipso eo motu, quo a spermate movetur; la vero possunt generari ex semine et sine semine, quorum materia eo motu potest a se ipsa moveri, quo movetur a spermate, ut animalia imperfecta, quae sunt vicina plantis; et plantae, quae generantur per putrefactionem: haec namque producuntur sine semine per actionem solis in terra ad hoc bene disposita; et amen plantae sic productae producunt semina, ex quibus plantae similes in specie generantur.

Secundo probatur, quia quanto aliud est perfectius, tanto plura ad ejus completionem requiruntur, et per consequens requiritur major virtus producens; sed aliqua sunt animalia perfectiora aliis: ergo si ad *perfectorum* generationem requiritur cum virtute coelesti virtus seminis — unde Philosophus loquens de generatione illorum dicit, quod sol et homo generant hominem —, ad generationem animalium *imperfectorum* et plantarum sufficiet sola virtus coelestis. Unde manifestum est, quod non omnia quae generantur ex semine, possunt sine semine generari, sed tantum quædam. — 7. *Metaphys.* l. 6 et 8; 2. *de Animali* l. 7; 3. c. *Gent.* c. 69, ad 4 rationem. — Et ex his patet *ad primum objectum*.

Ad secundum dicendum, quod licet motus celi sit causa transmutationum naturalium, non tamen is sufficit ad quamcumque transmutationem, ut ad generationem animalium perfectorum, ut dictum est (in c. art). — 1a, q. 91, a. 2, ad 3.

Ad tertium dicendum, quod celum non est causa prima simpliciter, sicut nec primum movens simpliciter, sed prima causa et primum movens simpliciter est Deus, ut dictum est (q. 25, a. 2).

Ad quartum dicendum, quod in natura unus est modus generationis *naturalis* et *per se*, quæ autem sunt sine semine, sunt *a casu* et *per accidens*, ut dicit Philosophus (7. *Metaphys. text.* 23; l. 6, c. 7). — 7. *Metaphys.* l. 6.

ARTICULUS V

UTRUM ANIMALIA GENITA PER PUTREFACTIO- NEM SINT EJUSDEM SPECIEI CUM GENITIS EX SEMINE.

Videtur quod animalia genita per putrefactionem sine semine non sint ejusdem speciei cum genitis ex semine.

1. Una enim res unum tantum modum habet, quo oritur ex alio, ut manifeste patet, tum quia natura procedit viis determinatis, tum quia, cum causæ naturales habeant determinatos effectus, eo quod earum virtutes sunt finitæ et limitatæ ad unum, sequitur necessario, quod quæ a diversis causis naturalibus producuntur in esse secundum diversum generationis modum, sint specie diversa; — ergo non potest eadem res specie produci a natura ex semine et sine semine. — 1. *Sent. dist.* 10, q. 1, a. 5, c.; *de Pot.* q. 3, a. 11, ad 1; *de Verit.* q. 12, a. 2, arg. 4; 1a, q. 71, a.un., c.

2. Præterea, in omni natura invenitur tantum unus modus communicationis illius naturæ; sed in omni generatione fit communicatio naturæ: ergo una res secundum speciem non potest generari nisi uno modo. — 1a, q. 27, a. 3, arg. 2.

3. Præterea, dicit Philosophus (1. *de Generat. Animal.* c. 1 et 16), quod quæ non ex coitu animalium producunt, sed ex putri materia, licet generent, non tamen sui generis prolem procreant.

4. Præterea, si materiæ sunt diversæ, et formæ sunt diversæ, quia materia est propter formam, non e contra, ut docet Philosophus (2. *Phys. text.* 23; c. 2); sed constat aliam materiam esse rem putrem et aliam sanguinem menstruum: ergo e

forma erit diversa. — 1a, q. 47, a. 1 et 2, c. et q. 65, a. 2, c.

5. Præterea, si eadem natura specifica posset produci ex semine et sine semine, sequeretur, quod eadem species esset a natura et a casu; hoc autem est falsum, tum quia fieri a natura opponitur ei, quod est fieri a casu; tum quia nulla species est a casu.

Sed contra est, quod Philosophus (7. *Metaphys. text.* 21; l. 6, c. 7; et *text.* 31; l. 6, c. 9) dicit, quod eadem sanitas potest et arte et natura aquiri, et similiter idem animal et sine semine et ex semine generari. — 7. *Metaphys.* l. 6 et 8.

2. Præterea, Commentator (12. *Metaphys. text.* 18) dicit, quod apes utroque modo generantur; sunt autem apes omnes ejusdem speciei — videmus enim in illis eandem figuram esse, eadem accidentia, easdem operationes, eosdem motus, eademque organa motus; item eadem conservantia et eadem corruptientia; ex quibus in cognitionem speciei devenitur: — ergo potest idem animal specie generari ex semine et sine semine.

3. Præterea, plantæ productæ ex semine sunt ejusdem speciei cum plantis, a quibus ex semine productæ sunt, ut manifestum est; sed plantæ nonnullæ producentes alias ex semine possunt esse productæ sine semine per putrefactionem, ut dictum est (art. præced. in c.): ergo idem quod prius. — 7. *Metaphys.* l. 6.

RESPONDEO DICENDUM, quod, ut ex dictis patet, necesse est dicere, quod quæ generantur ex semine, sunt ejusdem speciei cum generatis sine semine. Et ratio est, quia sicut in artificialibus eadem specie sanitas est, sive generetur per artem sive sine arte; ita et in naturalibus idem specie erit animal genitum ex putrefactione sine semine et ex semine: ars enim imitatur naturam in productione suorum effectuum. — 7. *Metaphys.* l. 6 et 8; 2. *Sent. dist.* 15, q. 1, a. 1, ad 2.

Ad primum ergo dicendum, quod una res uno tantum modo oritur ex alio et ge-

neratur, per se scilicet et naturaliter, quando nimirum ex semine generatur; potest autem alio modo produci, per accidens nimirum et casualiter, puta quando producitur per putrefactionem sine semine, ut dicit Philosophus (7. *Metaphys. text.* 23; l. 6, c. 7). — 7. *Metaphys.* l. 6. — Eodemque modo respondetur *ad secundum*.

Ad tertium dicendum, quod quæ ex putrefactione generantur, ut insecta, sunt in triplici differentia: — *quædam* enim sunt, quæ non nisi ex putrefactione generari possunt, et non generant, ut culices et vermiculi; *quædam* tantum ex putrefactione nascuntur et generant, sed animalia diversi generis, ut pulices, muscae et scarabei; *quædam* et ex putrefactione et ex semine generari possunt, et hæc procreant animalia ejusdem generis, ut locustæ, cicadæ, vespæ et formicæ. Ita Philosophus docet (1. *de Generat. Animal.* c. 16). — *Tabula Concord.* n. 214; cf. Ferrariensis in 3. c. *Gent.* c. 69.

Ad quartum dicendum, quod materialium diversitas arguit diversitatem formarum in his, quæ per se et naturaliter tantum generari possunt; securus vero in his, quæ tam per se quam per accidens et casualiter generantur, ut dictum est (ad 1).

Ad quintum dicendum, quod nihil prohibet aliquam generationem esse per se, cum referatur ad unam causam, quæ tamen est per accidens et casualis, cum referatur in aliam causam. Cum enim sanitas ex confricatione sequitur præter intentionem confricantis, ipsa quidem sanatio, si referatur ad naturam, quæ est corporis regitiva, non est per accidens, sed per se intenta; si vero referatur ad intellectum confricantis, erit per accidens et casualis. Similiter etiam generatio animalis ex putrefactione generati, si referatur ad causas particulares hic inferius agentes, invenitur esse per accidens et casualis. Non enim calor, qui causat putredinem, intendit naturali appetitu generationem hujus vel illius animalis, quæ ex putre-

tione sequitur, sicut virtus quæ est semine intendit productionem talis cie; sed si referatur ad virtutem cœlestem, quæ est universalis regitiva virtus generationum et corruptionum in insuperioribus, non est per accidens, sed se intenta, quia de ejus intentione, ut educantur in actu omnes formæ, sunt in potentia materiæ.

Ex his *primo* sequitur nihil prohibere ciem aliquam esse per se intentam, tantam ad unam causam; esse per accidens et casualiter intentam, relata in unam causam. *Secundo* sequitur oppositos modos productionis posse eidem naturæ substantiali competere, sicut et competit eidem naturæ accidentalí, puta sanitas, ut dictum est. *Sequitur tertio* nullam ciem esse tantum a casu; nam quæ se semine per putrefactionem generantur, relata ad virtutem cœlestem non sunt a casu, sed per se intenta, ut dictum est. — 7. *Metaphys.* I. 6.

QUÆSTIO LV

Deinde considerandum est de potentia augmentativa.

CIRCA QUAM QUÆRUNTUR DUO :

Utrum augmentum proprie sit tantum in viventibus.

Utrum potentia augmentativa sit realiter distincta a nutritiva.

ARTICULUS I

RUM AUGMENTUM SIT PROPRIE TANTUM IN VIVENTIBUS.

Videtur quod augmentum non sit proprie tantum in viventibus.

1. Dicit enim Philosophus (1. *de Generat. text.* 24; c. 4), definiens augmentum, quod est transmutatio secundum quantitatem, sicut alteratio est transmutatio secundum qualitatem; et 5. *Phys.* (text. 18;

c. 2) dicit, quod termini augmentationis sunt imperfecta, et perfecta magnitudo; sed etiam inanimata transmutantur secundum quantitatem, ut cum per præexistens sit rarer; — in rarefactione enim acquiritur major quantitas, ut docet Philosophus (1. *de Generat. text.* 33; c. 5); ergo augmentatio proprie non est tantum in viventibus. — 1. *de Generat.* I. 10; 5. *Phys.* I. 4.

2. Præterea, illud augetur, quod efficitur majus per additionem quantitatis, quæ est terminus augmenti, ut dicit Philosophus (2. *de Anima text.* 46; c. 4); sed inanimata efficiuntur majora per additionem quantitatis, ut cum lignum additur ligno et linea linea: ergo augmentum proprie sumptum non est tantum in viventibus. — 2. *de Anima* I. 9; 1. *Sent. dist.* 47, q. 2. a 1, c.

3. Præterea, contraria nata sunt fieri circa idem; sed diminutio et augmentum sunt contraria: ergo sicut diminutio convenit qualitatibus et habitibus, ita et augmentum; et sic non tantum erit in viventibus. — 1a 2æ, q. 53, a. 2, arg. *Sed contra*; et 2a 2æ, q. 24, a. 10, arg. 1.

4. Præterea, dicit Philosophus (1. *de Generat. text.* 39; c. 5), quod sicut augmentum est in viventibus, ita et in igne. Unde ait, quod quando ligna igniuntur adjuncta igni præexistenti est augmentatio ignis; quando vero ipsa ligna incendiuntur seorsim non adjuncta aliis lignis adustis, tunc est generatio. Ergo idem quod prius.

Sed contra est, quod Philosophus (2. *de Anima text.* 46; c. 4) dicit, quod nihil nutritur nisi vivens; sed nihil proprie augetur, nisi quod nutritur: unde a Philosopho augmentum tribuitur animæ vegetativæ, ut inter ejus operationes perfectior quam nutritio, ut patet (2. *de Anima, text.* 49; c. 4); ergo augmentum proprie tantum est in viventibus. — 2. *de Anima* I. 9.

RESPONDEO DICENDUM, quod *augeri* nihil aliud est quam sumere majorem quantitatem. Unde secundum quod aliquid se habet ad quantitatem, ita se habet ad

augmentum. Quantitas autem dicitur dupliciter: quædam virtualis, quædam dimensiva. *Virtualis quantitas* non est ex genere suo quantitas, quia non dividitur divisione essentiæ suæ; sed magnitudo ejus attenditur ad aliquid divisibile ad extra vel multiplicabile, quod est objectum vel actus virtutis. Sed ex genere suo est vel forma accidentalis in genere qualitatis, vel forma substantialis, quæ tamen non est major vel minor. Et ideo augmentum secundum quantitatem virtutis non pertinet ad speciem motus, quæ augmentum dicitur, sed magis ad alterationem. Et hoc modo augentur qualitates et habitus, ut charitas, fides et alii habitus sive supernaturales sive naturales.

Quantitas autem *dimensiva* est quorundam per accidens, sicut albedinis, quæ dicitur quanta secundum quantitatem superficie, ut in *Prædicam.* (c. 7, al. 6.) dicitur. Unde non augetur nisi per accidens; sed per se invenitur in corporibus, quæ per se augentur. Hoc autem contingit dupliciter: quia aliquando illud, quod sumit maiorem quantitatem, movetur de quantitate minori in majorem; aliquando autem est sine motu ipsius, quod augeri dicitur; unde non quælibet pars augetur, sicut quælibet pars moti per se movetur; — et hoc contingit, quando efficitur major quantitas per additionem quantitatis: sicut quando additur lignum ligno vel linea linea; unde hoc est augmentum, sed non motus augmenti. — Quod autem moveatur aliquid ad majorem quantitatem, contingit dupliciter: *vel* ita quod quantitas sit per se terminus motus; *vel* quod consequatur terminum. Quando *per se* quantitas est *terminus motus*, oportet quod sit ibi additio ad totum, et quod ad quamlibet partem, ut totum augeatur et quælibet pars ejus (sicut est in animali et in planta); et tunc proprie est motus augmenti. Unde motus augmenti non est nisi in habentibus nutritivam. *Consequitur* autem (quantitas) *terminum motus*, quando est ad formam aliquam, quam consequitur aliqua quantitas: cuilibet enim

formæ debetur quantitas determinata, quia motus non specificatur nisi ab eo quod est per se terminus motus; id est talis motus non dicitur per se motus *augmenti*, sed vel *generatio*, si sit forma substantialis, sicut quando ex aere ignis; vel *alteratio*, quando est forma accidentalis, sicut in rarefactione aer patet. — 1. *Sent.* dist. 17, q. 2, a. 1,

Ad primum ergo dicendum, quod motus augmenti est per se primo ad quantitatem; at rarefactio est ad quantitatem consecutive tantum, et non per se primum dictum est (in c.).

Ad secundum dicendum, quod aliud est augmentum, aliud motus augmenti. Ad ditio ligni ad lignum et linea ad linea pertinet ad augmentum, non autem ad motum augmenti, de quo hic loquimur.

Ad tertium dicendum, quod augmentatio et diminutio improprie sunt in qualitatibus: quia in illis non est quantitas dimensiva, ad quam solam proprie est motus augmenti; sed tantum quantitas virtutis, secundum quam improprie redicitur augeri.

Ad quartum dicendum, quod ignis in proprie dicitur augeri, ut dictum est (supra q. 38, a. 4, ad 1, et q. 44, ad 5).

ARTICULUS II

UTRUM POTENTIA AUGMENTATIVA REALITER DISTINGNATUR A NUTRITIVA.

Videtur quod potentia augmentativa non distinguatur realiter a nutritiva.

1. Dicit enim Philosophus 2. *de Anima* (text. 34; c. 4), quod opera vegetativa sunt generare et alimento uti; sed potentiae distinguuntur per actus, ut dicitur idem (text. 33; c. 4): ergo potentia augmentativa et nutritiva, quæ ad idem operes ordinantur, erunt realiter una potentia, et non duæ. — 2. *de Anima* l. 7.

2. Præterea, potentiae distinguuntur ex objectis, ut dictum est (q. 51, a. 1); sed idem realiter est objectum potenter

mentativæ et nutritivæ — dicit enim Philosophus (2. *de Anima* text. 47; c. 4), d idem alimentum, quod in nutritio-convertitur in substantiam viventis, et rit et auget — : ergo potentia augmentativa et nutritiva sunt realiter eadem potentia. — 2. *de Anima* I. 9.

3. Praeterea, per potentiam augmentatam acquirit vivens majorem quantitatem (nam augmentatio est motus ad quantitatem); sed potest vivens etiam per potentiam nutritivam acquirere majorem quantitatem: puta quando per nutritio- n plus substantiae quantæ acquisitum , quam fuerit deperditum, ut dictum (supra q. 38, a. 2, in c., et in hac test., a. præc); ergo potentia augmentativa non distinguitur realiter a nutritiva. *Sed contra est*, quod Philosophus distinguuit potentias ex objecto; sed aliud et objectum potentiae nutritivæ, aliud augmentativæ: nam hujus objectum est quantitas, illius substantia, ut dicit Philosophus (2. *de Anima* text. 47 ; c. 4), et duo realiter inter se distinguntur, dictum est (in Logica q. 41, a. 2): ergo potentia augmentativa et nutritiva rea- ter inter se distinguntur. — 2. *de Ani- ma* I. 7 et 9.

RESPONDEO DICENDUM, quod potentia augmentativa et nutritiva inter se realiter distinguntur. Quod multipliciter potest esse manifestum: et primo quidem, quia potentiae distinguuntur per actus, ut dictum est ex Philosopho; potentiae autem augmentativæ actus est omnino diversus ab actu nutritivæ; nam huius actus est conservare rem in esse, ut dicit Philosophus (*de Anima* text. 47; c. 4), illius vero percere rem ad majorem perfectionem, et secundum quantitatem et secundum virtutem. Secundo, nutritio semper durat in ventre, quamdiu salvum manet, ut dicit Philosophus (l. c.) ; augmentatio vero non, ut dicitur 1. *de Generat.* (text. 41 ; 5). Demum, potentia augmentativa longe perfectior est nutritiva, haec enim illavit, sicut utraque servit generativæ aquam perfectiori; ergo potentia aug-

mentativa et nutritiva realiter inter se distinguntur. — 2. *de Anima* I. 7 et 9; 1. *de Generat.* I. 47; 1a, q. 78, a. 2, c.; *Quæst. disp. de Anima* a. 13, ad 45.

Ad primum ergo dicendum, quod sensus Philosophi est, quod potentiae generative opus est generare et alimento uti, quia ad generationem requiritur etiam alimentum. Dicit enim Philosophus (2. *de Anima* text. 47; c. 4), quod alimentum efficit generationem et ortum non ejus quod alitur, sed alterius, quod est tale secundum speciem, quale est quod alitur (quia substantia quæ alitur, jam est; et quod est non generatur; et nihil generat seipsum; quia quod generat jam est, quod generatur nondum est); sed aliquid potest agere ad sui conservationem.— 2. *de Anima* I. 9.

Ad secundum dicendum cum Philosopho (2. *de Anima*, *textu citato*), quod licet idem sit subjecto quod est objectum nutritionis et augmenti, differt tamen ratio ne. Cum enim alimentum sit in potentia ad corpus animatum, corpus autem animatum et sit quoddam quantum et sit hoc aliquid et substantia: secundum quod est quoddam quantum, secundum hoc alimento adveniens ei (quod etiam et ipsum quoddam quantum est) facit augmentum et dicitur augmentativum; in quantum autem est corpus animatum, hoc aliquid et substantia, habet rationem alimenti seu est nutritivum. — 2. *de Ani- ma* I. 9.

Ad tertium dicendum, quod in nutri- tione acquiritur quantitas per accidens et concomitanter, ut dictum est (art. præced.) ; at motus augmentationis per se primo est ad quantitatem, ut dictum est.

QUÆSTIO LVI

DE POTENTIA NUTRITIVA.

Deinde considerandum est de potentia nutritiva.

CIRCA QUAM QUÆRUNTUR DUO :

1. Utrum nutritio proprie tantum conveniat viventibus.
2. Utrum potentia nutritiva distinguitur reliter a generativa.

ARTICULUS I

UTRUM NUTRITIO PROPRIE TANTUM CONVENIAT VIVENTIBUS.

Videtur quod nutritio proprie non conveniat solis viventibus.

1. Dicit enim Philosophus (*2. de Anima* text. 40; c. 4; et *2. de Generat.* text. 50; c. 7), quod solus ignis inter simplicia corpora nutritur; ergo nutritio non convenit solis viventibus. — *2. de Anima* l. 8; *2. de Generat.* l. 8.

2. Praeterea, illud vere et proprie nutritur, in cuius naturam nutrimentum convertitur, et respectu cuius nutrimentum est sicut materiale, et ipsum respectu nutrimenti est sicut forma et species conjuncta materiae, ut dicit Philosophus *2. de Generat.* (l. c.); sed hoc modo se habet ignis, ut dicit Philosophus ibidem: ergo nutritio proprie non convenit solis viventibus. — *Ibid.*

Sed contra est, quod Philosophus (*2. de Anima* text. 46; c. 4) dicit, quod nihil nutritur nisi participans vitam; sed omne participans vitam est animatum: ergo solum corpus animatum proprie nutritur. — *2. de Anima* l. 9.

RESPONDEO DICENDUM, quod nihil proprie nutritur nisi corpus animatum. Ignis autem videtur quidem per quandam similitudinem nutririri, sed proprie non nutritur. Quod sic patet. Id proprie nutritiri

diciimus, quod in se ipso aliquid recipit a sui ipsius conservationem; hoc autem in igne videtur quidem accidere, sed tam non accedit. Cum enim igne accenso aliqua materia combustibilis additur, in il materia combustibili novus ignis generatur, non autem ita, quod illud combustibili additum cedat in conservationem ignis in alia materia accensi (puta si aliquod lignum de novo ignitur, per hanc ignitionem non conservatur ignitio alterius ligni prius igniti). Totus enim ignis, qui est ex congregatione multorum ignitorum, non est unus simpliciter; sed videtur unus congregatione, sicuti acervus lapidum est unus: et propter talis unitatem est ibi quædam similitudo nutritionis. — Sed *corpora animata* vere nutritiuntur, quia per alimentum conservata vita in illa parte eadem, quæ prius fuit. Et propter hoc etiam sola animata vegetantur, quia quælibet pars eorum nutritur et augetur, quod non conveniet rationibus inanimatis, quæ videntur per additionem crescere; non enim crescit in quod prius fuit, sed ex additione alterius constituitur aliud quoddam totum majus. Ideo autem similitudo augmenti et nutrimenti præcipue apparet in igne, quia ignis habet plus de forma quam alia elementa, et est potentior in virtute activa: unde propter hoc, quod manifeste a convertit in se, videtur nutririri et augeri. — *de Anima* l. 9; *2. Meteorol.* l. 2; *Juvent.* et *Senect.* l. 4; *de Generat.* l.

Ad primum ergo dicendum, quod ignis improprie nutritur ob rationem dictam. Proprie enim, cum igne accenso aliqua materia combustibilis additur, novus ignis numero generatur, ut dicit Philosophus *2. Meteorol.* c. 2; *de Juvent. Senect.* c. 3 (al. 5) et c. 10 (al. *de Respirat.* c. 8), ubi ait, quod ignis semper manet idem specie, non numero secundum materiam; sed fluit, sicut fluvius; sed latet nos propter celeritatem. Causa autem, quare non manet idem numero, est quia humidum quod est subjectum et materia flammæ, n

met idem, sed est aliud et aliud. — 2. *Anima* l. 9; 2. *Meteorol.* l. 2; *de Jut.* et *Senect.* l. 4 in fine. — Et ex his et ad secundum.

ARTICULUS II

PRIMUM POTENTIA NUTRITIVA REALITER
DISTINGUATUR A GENERATIVA.

Videtur quod potentia nutritiva non distinguitur realiter a generativa.

1. Dicit enim Philosophus (*de Anima* l. 42; c. 4), quod eadem potentia est nutritiva et generativa; ergo non distinguuntur realiter inter se. — 2. *de Anima* l. 9.

2. Praeterea, dicit Philosophus (1. *de Generat.* text. 39; c. 5), quod in nutritione generatio carnis et corruptio alimenti; o potentia nutritiva est etiam generativa; sed frustra ponuntur plures potentiae generativæ, cum una sufficiat: ergo potentia nutritiva est eadem realiter cum generativa. — 1. *de Generat.* l. 16.

3. Praeterea, potentiae distinguuntur objecta, ut dicitur 2. *de Anima* (text. c. 4); sed idem est objectum, puta aliquid utriusque potentiae, ut patet ex Philosopho (2. *de Anima* text. 32 et 47; 3 et 4): ergo est una tantum potentia nutritiva. — 2. *de Anima* l. 7 et 9.

4. Praeterea, unaquæque res conservatur esse per id, per quod esse habet; potentia generativa est per quam accipitur esse viventis: ergo per eandem vivi conservabitur; sed ad conservationem rei viventis ordinatur vis nutritiva, ut dicitur 2. *de Anima* (tex. 48; 4); est enim « potentia salvare potens cipiens ipsam »: non debet ergo distinguiri potentia nutritiva a generativa. a. q. 78, a. 2, arg. 4.

Et contra est, quod Philosophus (2. *de Anima* text. 34 et 35; c. 4) dicit potentiam generativam non esse in omnibus animalibus, in quibus tamen est nutritiva: animal enim animal salvum manet, per nutritur, ut dicitur 1. *de Generat.*

(text. 41; c. 5) et 2. *de Anima* (text. 47; c. 4); ergo distinguuntur inter se potentia generativa et nutritiva. — 2. *de Anima* l. 7; 1. *de Generat.* l. 17; — 2. *de Anima* l. 9.

RESPONDEO DICENDUM, quod potentia nutritiva et generativa realiter inter se distinguuntur. Et ratio est, quia potentiae distinguuntur per actus et objecta, ut dictum est ex Philosopho; sed tam actus quam objecta utriusque potentiae sunt diversa. Nam actus potentiae generativæ est generare aliud vivens distinctum realiter a generante, et per medium, puta mediante semine; actus vero potentiae nutritivæ est conservare idem numero vivens, quod nutritur, et hoc facit sine medio. Praeterea, objectum potentiae generativæ est alimentum non quomodoconque, sed superfluum alimenti, puta semen, hoc enim est generationis factivum; alimentum autem spectans ad nutritionem tamquam ejus factivum, non est semen, sed vere cibus qui convertitur in substantiam viventis, ut dicit Philosophus (2. *de Anima* text. 47; c. 4). Unde manifestum est potentiam generativam et nutritivam esse potentias realiter distinctas. — 2. *de Anima* l. 7 et 9; 1a, q. 118, a. 1, c., et q. 78, a. 2, c.

Ad primum ergo dicendum, quod eadem dicitur potentia generativa et nutritiva generice, quia etiam nutritiva generat, ut dictum est (in c.); specifice namque distinguuntur in se. — 2. *de Anima* l. 9.

Ad secundum dicendum, quod aliud est generare totum vivens numero distinctum ab ipso generante, aliud aggenerare partes, ut conservetur vivens generans; hoc facit potentia nutritiva, illud vero generativa: unde realiter distinguuntur.

Ad tertium dicendum, quod est diversum objectum nutritivæ et generativæ, ut dictum est (in c.).

Ad quartum dicendum, quod operatio vegetativi principii completur mediante calore, cuius est humidum consumere; et ideo ad restaurationem humidi deperditi

necessere est habere potentiam nutritivam, per quam alimentum convertatur in substantiam corporis, quod etiam est necessarium ad actus virtutis augmentativae et generativae. — 1a, q. 78, a. 2, ad 4.

QUESTIO LVII

DE ANIMA SENSITIVA.

Deinde considerandum est de *anima sensitiva*; et primum quidem considerandum est de illius *substantia*, deinde de *proprietatibus*, postea de *potentiis*.

CIRCA PRIMUM QUERUNTUR QUATUOR:

1. Utrum animae brutorum sint subsistentes.
2. Utrum anima sensitiva traducatur eum semine.
3. Utrum anima sensitiva sit in semine quando deciditur.
4. Utrum anima sensitiva sit forma substantialis animalis.

ARTICULUS I

UTRUM ANIMAE BRUTORUM SINT
SUBSISTENTES.

Videtur quod animae brutorum sint subsistentes.

1. Homo enim in genere convenit cum aliis animalibus; sed anima sensitiva hominis est aliquid subsistens: ergo et animae sensitivae aliorum animalium sunt subsistentes. — 1a, q. 75, a. 3, arg. 1.

2. Praeterea, similiter se habet sensitivum ad sensibilia, sicut intellectivum ad intelligibilia; sed intellectus intelligit intelligibilia sine corpore: ergo et sensus apprehendit sensibilia sine corpore. Animae autem brutorum sunt sensitivae: ergo sunt subsistentes pari ratione quam anima hominis, quae est intellectiva. — *Ibid.* arg. 2.

3. Praeterea, brutorum animalium anima movet corpus; corpus autem non movet, sed movetur: ergo anima bruti habet aliquam operationem sine corpore et per consequens erit subsistens. — *Ibid.* arg. 3.

Sed contra est, quod impossibile est quod forma subsistens desinat esse; se animae brutorum desinunt esse corrupti corpore: ergo animae brutorum non sunt subsistentes. — 1a, q. 75, a. 6, c.

RESPONDEO DICENDUM, quod antiqui philosophi nullam distinctionem posuerunt inter sensum et intellectum, et utrumque corporeo principio attribuebant, ut dictum est (supra q. 48, a. 1, c.). Plato autem distinxit inter intellectum et sensum. Utrumque tamen attribuit principio i corporeo, ponens quod sicut intelligenter ita et sentire convenient animae secundum seipsam: et ex hoc sequebatur quod etiam animae brutorum animalium sint subsistentes. Sed Aristoteles posuit quod solum *intelligere* inter opera animae sine corporeo organo exercetur; *sensu* vero et consequentes operationes animae sensitivae manifeste accident in aliqua corporis immutatione, sicut in vidente immutatur pupilla per speciem coloris; et idem apparet in aliis. Et manifestum est quod anima sensitiva non habet aliquam operationem propriam per se ipsam, sed omnis operatio sensitivae animae est conjuncti. Ex quo relinquitur quod, cum animae brutorum animalium per se non operentur, non sunt subsistentes; similiter enim unumquaque habet esse et operationem. — 1a, q. 75, a. 3, c.

Ad primum ergo dicendum, quod huius eti si conveniat genere cum aliis animalibus, specie tamen differt. Differet autem speciei attenditur secundum differentiam formae; nec oportet quod omnis differentia formae faciat generis diversitatem. — 1a, q. 75, a. 3, ad 1.

Ad secundum dicendum, quod sensitivum quodam modo se habet ad sensibilia, sicut intellectivum ad intelligibilia.

quantum scilicet utrumque est in potentia et suum objectum; sed quodammodo similiter se habent, in quantum sensum patitur a sensibili cum corporis immutazione. Unde excellentia sensitiva corruptit sensum; quod in intellectu non contingit: nam intellectus intelligens maxima intelligibilium, magis postmodum intelligere minora. Si vero intelligendo corpus fatigatur, hoc est accidentis, in quantum intellectus indicit operatione sensitivarum virium, per easphantasmata preparantur. — *Ibid.* 2.

Ad tertium dicendum, quod vis motiva duplex: una, quae imperat motum, illicet appetitiva; et hujus operatio in anima sensitiva non est sine corpore: nam gaudium et hujusmodi passiones sunt in aliqua corporis immutatione. Alia vis motiva est exsequens motum, per eum membra redditur habilia ad obendum appetitui, cuius actus non est movere, sed moveri. Unde patet quod movere non est actus animae sensitivae in corpore. — *Ibid.* ad 3.

ARTICULUS II

UTRUM ANIMA SENSITIVA TRADUCATUR
CUM SEMINE. .

Videtur quod anima sensitiva non traducatur cum semine.

1. Principium enim generationis in rebus viventibus est per potentiam generativam, quae cum numeretur inter vires animae vegetabilis, est infra animam sensitivam. Nihil autem agit ultra suam speciem; ergo anima sensitiva non potest usari per vim generativam animalis. — *q. 118, a. 1, arg. 2.*

2. Praeterea, generans generat sibi simile; et sic oportet quod forma generativa in causa generationis; sed anima sensitiva non est actu in semine, nec ipsa est aliqua pars ejus; quia nulla pars animae sensitivae est nisi in aliqua parte

corporis; in semine autem non est aliqua corporis particula, quia nulla particula corporis est, quae non fiat ex semine et per virtutem seminis: ergo anima sensitiva non causatur ex semine. — *Ibid.* arg. 3.

3. Praeterea, si in semine est aliquod principium activum animae sensitivae, aut illud principium manet genito iam animali, aut non manet. Sed manere non potest: quia vel esset *idem* cum anima sensitiva animalis generati; — et hoc est impossibile, quia sic esset *idem* generans et generatum, et faciens et factum; vel esset aliquid *aliud*; — et hoc etiam est impossibile, quia in uno animali non est nisi unum principium formale, quod est una anima. Si autem non manet, hoc etiam videtur impossibile, quia sic aliquod agens ageret ad corruptionem sui ipsius, quod est impossibile. Non ergo anima sensitiva potest generari ex semine. — *Ibid.* arg. 4.

4. Praeterea, eorum quae sunt idem secundum substantiam, est idem modus prodeundi in esse; sed anima sensitibilis et vegetabilis in homine est ejusdem rationis et speciei atque in brutis et plantis: ergo sicut in homine anima vegetabilis et sensitibilis non traducitur cum semine, nec traducetur in brutis et plantis. — *de Pot. q. 3, a. 11, arg. 1; 2. Sent. dist. 18, q. 2, a. 3, arg. 4.*

5. Praeterea, quando aliquid est nobilior, tanto nobiliorem causam habet, vel saltem non minus nobilem; sed anima sensitibilis nobilior est in animalibus perfectis quam in imperfectis genitis ex patre: ergo cum in his non possit anima sensitibilis traduci cum semine, cum non generentur ex sibi similibus; nec traducetur cum semine in animalibus perfectis, sed in utrisque creabitur. — *2. Sent. dist. 18, q. 2, a. 3, arg. 5; de Pot. q. 3, a. 11, arg. 12.*

Sed contra est: 1. quod Philosophus dicit in 16. *de Animalibus* (sive 2. *de Generat. Animal. c. 3*), quod intellectus solus ab extrinseco est; ergo videtur quod

anima sensibilis non sit ab extrinseco et per consequens quod non creetur, sed traducatur cum semine. — 2. *Sent.* dist. 18, q. 2, a. 3, arg. 2 *Sed contra.*

2. Praeterea, se habet virtus quæ est in semine, ad animalia quæ ex semine generantur, sicut se habet virtus quæ est in elementis mundi, ad animalia quæ ex elementis mundi producuntur, sicut quæ ex putrefactione generantur; sed in hujusmodi animalibus animæ producuntur ex virtute quæ est in elementis, secundum illud *Genes.* (1, 20): *Producant aquæ reptile animæ viventis:* ergo et animalium, quæ generantur ex semine, animæ producentur ex virtute quæ est in semine. — 1a, q. 118, a. 1, arg. *Sed contra;* 2. *Sent.* dist. 18, q. 2, a. 3, arg. 1 *Sed contra;* *de Pot.* q. 3, a. 11, arg. 1 *Sed contra.*

RESONDEO DICENDUM, quod quidam posuerunt animas sensitivas animalium a Deo creari. Quæ quidem positio conveniens esset, si anima sensitiva esset res subsistens, habens per se esse et operationem. — Sic enim sicut per se haberet esse et operationem, ita per se debetur ei fieri; et cum res simplex et subsistens non possit fieri nisi per creationem, sequeretur quod anima sensitiva procederet in esse per creationem. — Sed ista radix est falsa, scilicet quod anima sensitiva per se habeat esse et operationem; nam non corrumperetur corrupto corpore. Et ideo cum non sit forma subsistens, habet se in essendo ad modum aliarum formarum corporalium, quibus per se non debetur esse, sed esse dicuntur in quantum composita subsistentia per eas sunt; unde et ipsis compositis debetur fieri. Et quia generans est simile generato, necesse est quod naturaliter tam anima sensitiva quam aliae hujusmodi formæ producantur in esse ab aliquibus corporibus agentibus, transmutantibus materiam de potentia in actum per aliquam virtutem corpoream, quæ est in eis. Quanto autem aliquod agens est potentius, tanto potest suam actionem

diffundere ad magis distans: sicut quantum aliquod corpus est magis calidum, tantum ad remotius calefactionem perducit. Corpora igitur *non viventia*, quæ sunt inferiora naturæ ordine, generant quidem sibi simile, non per aliquod medium, se per se ipsa: sicut ignis per se ipsum generat ignem. Sed corpora *viventia*, tamen quam potentiora, agunt ad generandum sibi simile et sine medio et per medium — *sine medio* quidem, in opere nutritiōnis, in quo caro generat carneum; *cuius medio* vero in actu generationis, quia ex anima generantis derivatur quælibet virtus activa ad ipsum semen animalis vel plantæ, sicut et a principali agente derivata quædam vis motiva ad instrumentum. I sicut non refert dicere, quod aliquis moveatur ab instrumento vel a principali agente; ita non refert dicere, quod anima generati causetur ab anima generanti vel a virtute derivata ab ipsa, quæ est in semine. — 1a, q. 118, a. 1, c.; *Sent.* dist. 18, q. 2, a. 3, c.; *de Pot.* q. a. 11, c.

*A*d *primum* ergo dicendum, quod virtus generativa non generat solum in virtute propria, sed in virtute totius animæ cuius est potentia; et ideo virtus generativa plantæ generat plantam; virtus vegetativa animalis generat animal. Quato enim anima fuerit perfectior, tanto virtus ejus generativa ordinatur ad perfectiorem effectum. — 1a, q. 118, a. ad 2.

*A*d *secundum* dicendum, quod virtus illa activa quæ est in semine, ex anima generantis derivata, est quasi quædam motio ipsius animæ generantis; nec ex anima aut pars animæ nisi in virtute sicut in serra vel securi non est fornicata, sed motio quædam ad tales formam. Et ideo non oportet quod ista activa habeat aliquod organum in actu, sed fundatur in ipso spiritu inclusa semine, quod est spumosum, ut attestat ejus albedo; in quo etiam spiritu quidam calor ex virtute cœlestium corporum, quorum etiam virtute agentia inf-

ora agunt ad speciem. Et quia in iusmodi spiritu concurrit virtus animæ in virtute cœlesti, dicitur quod « homo erat hominem et sol ». Calidum autem mentare se habet instrumentaliter ad intentum animæ, sicut etiam ad virtutem tritivam, ut dicitur in 2. *de Anima* et. 50; c. 4). — *Ibid.* ad 3.

Ad tertium dicendum, quod in animis perfectis, quæ generantur ex coitu, *virtus activa* est in semine maris, secundum Philosophum 1. *de Generat. Animal.* (2 et 20). *Materia* autem fetus est illud quod ministratur a semina ; in qua quia materia statim a principio est anima etabilis, non quidem secundum actum secundum, sed secundum actum unum, sicut anima sensitiva est in dormientibus ; cum autem incipit attrahere intentum, tunc jam actu operatur. Hujusmodi igitur *materia* transmutatur a virtute quæ est in semine maris, quo usque perducatur in actum sensitivæ animæ : non ita, quod ipsamet vis quæ erat in semine, fiat anima sensitiva, quia sic non esset generans et generatum ; et magis esset simile nutritioni et augmento quam generationi, ut dicit Philosophus 1. *de Generat.* (*text.* 33 ; c. 5). Aliquam autem per virtutem principii sui quod erat in semine, producta est anima sensitiva in generato quantum aliquam partem principalem, tunc illa anima sensitiva prolixi incipit rari ad complementum proprii corporis per modum nutritionis et augmenti. Hujus autem *activa* quæ erat in semine, et desinit dissoluto semine, et evanente spiritu qui inerat. Nec hoc est conveniens, quia vis ista non est principale agens, sed instrumentale ; motio enim instrumenti cessat effectu jam dueto in esse. — *Ibid.* ad 4.

Ad quartum dicendum, quod licet anima sensitiva in hominibus et brutis sit idem rationis secundum genus, non tamen est ejusdem rationis secundum speciem : sicut nec idem animal specie homo et brutum. Unde et operationes

animæ sensibilis sunt multo nobiliores in homine quam in brutis : ut patet in tactu et in apprehensivis interioribus. [Nec oportet eorum quæ sunt in genere, si specie differant, esse unum modum procedendi in esse :] ut patet in animalibus genitis ex semine et ex putri, quæ in genere convenient et specie differunt. — *de Pot.* q. 3, a. 11, ad 1 ; 2. *Sent.* dist. 18, q. 2, a. 3, ad 4.

Ad quintum dicendum, quod in animalibus generatis ex putri virtus cœli, ut dicit Commentator (7. *Metaphys. text.* 31) supplet locum virtutis formativæ in semine. Hujusmodi enim animalia propter sui imperfectionem non tot requirunt ad sui generationem, sicut animalia perfectiora, in quibus oportet quod cum virtute cœlesti adsit in semine virtus animæ a patre derivata. Est enim virtus cœlestis in omnibus corporibus inferioribus sicut virtus motoris in moto, ut inducat unumquodque in speciem, secundum materiæ dispositionem. Et hæ virtutes cœlestes in elementis receptæ vocantur a Philosopho (in 16. *de Animal.* sive 2. *de Generat. Animal.* c. 3) *virtutes animæ*, quibus omnia elementa plena dicit, eo quod hujusmodi virtutes sunt sufficietes ad animationem materiæ, si pertingant ad aliquam complexionis aequalitatem. — 2. *Sent.* l. c. ad 5.

ARTICULUS III

UTRUM ANIMA SENSIBILIS VEL VEGETABILIS SIT IN SEMINE A PRINCIPIO, QUANDO DECIDITUR.

Videtur quod anima sensibilis vel vegetabilis sit in semine a principio quando deciditur.

1. Dicit enim Philosophus in 16. *de Animal.* (sive 2. *de Generat. Animal.* c. 4), quod virtus quæ est in semine, est sicut filius de domo patris egrediens ; sed filius est ejusdem speciei cum patre : ergo et illa virtus quæ est in semine, est ejusdem speciei cum anima sensibili, a qua

derivatur. — *de Pot.* q. 3, a. 42, arg. 3.

2. Præterea, dicit Philosophus loco citato, quod virtus illa est sicut ars, quæ si in materia esset, ad perfectionem artificiati operaretur; sed in arte est species artificiati: ergo et in illa virtute semenis est species animæ sensibilis, quæ per semen producitur. — *Ibid.* arg. 4.

3. Præterea, decisio semenis est naturalis, decisio vero animalis anulosi est contra naturam; sed in parte animalis anulosi decisi est anima, ut dicit Philosophus: ergo multo magis est in semine decisio. — *Ibid.* arg. 5.

4. Præterea, dicit Philosophus in 16. *de Animal.* (sive 2. *de Generat. Animal.* l. c.), quod mas in generatione animalis dat animam; sed nihil est egrediens a patre nisi semen: ergo anima est in semine. — *Ibid.* arg. 6.

5. Præterea, accidens non transfunditur nisi per transfusionem subjecti; sed aliquæ ægritudines transfunduntur a parentibus in filios, sicut lepra et podagra et hujusmodi: ergo et eorum substantia transfunditur; hæc autem non est sine anima: ergo anima est in principio in semine. — *Ibid.* arg. 7.

6. Præterea, Hippocrates dicit, quod per decisionem venæ quæ est juxta aures, generatio impeditur; hoc autem non esset, nisi semen decideretur a toto corpore, quasi actu prius existens: ergo cum id quod est actu pars animalis, habeat animam, videtur quod semen a principio habeat animam. — *Ibid.* arg. 8.

7. Præterea, idem dicit, quod equus quidam propter nimium coitum inventus est sine cerebro; hoc autem non esset, nisi semen decideretur ab eo quod est actu pars: ergo idem quod prius. — *Ibid.* arg. 9.

8. Præterea, quod est superfluum, non est de substantia rei; si ergo semen sit superfluum, non erit de substantia generantis; et ita filius, qui est ex semine, non erit de substantia patris; quod est inconveniens; ergo semen est de substantia generantis, et ita in eo erit anima. — *Ibid.* arg. 10.

Sed contra est: 1. quod Philosophus dicit in lib. 2. *de Anima* (*text.* 40; c. quod semen et fructus est in tali potentia ad animam, quæ est abjiciens animam) — *de Pot.* q. 3, a. 42, arg. 1. *Sed contra*

2. Præterea, si semen a principio habet animam, hoc non videtur esse possibilis nisi duobus modis: *rel* quod tota anima generantis in semen transeat, *vel* quod pars ejus; utrumque autem horum videtur esse inconveniens: quia ex *primo*: quitur quod non remaneat anima in patre ex *secundo* autem sequitur quod non remaneat ibi tota; ergo anima non est in semine a principio. — *Ibid.* arg. 2. *Sed contra*

RESPONDEO DICENDUM, quod opinio quendam fuit, quod anima a principio decisionis esset in semine, volentes quod cut corpus deciditur a corpore, ita simiter anima propagetur ab anima, ut statim cum corporis particula esset etiam anima. Hæc autem opinio non videtur vera, quia secundum quod Philosophus probat in 15. *de Animal.* (sive 1. *de Generat. Animal.* c. 18 et 19), semen non deciditur ab eo quod sicut actu pars, sicut superfluum ultimæ digestionis, quod nondum erat ultima assimilatione assimilatum. Nulla autem corporis pars sicut actu per animam perfecta, nisi sit ultima assimilatione assimilata. Unde semen a principio decisionem nondum erat perfectum per animam, ita quod anima esset forma eius erat tamen ibi aliqua virtus, secunda quam jam per actionem animæ erat alratum et deductum ad dispositionem propinquam ultimæ assimilationi. Unde et postquam decisum est, non est in anima sed aliqua virtus animæ, et propter hoc in 16. *de Animal.* (sive 2. *de Generat. Animal.* c. 3.) Philosophus dicit quod in semine est virtus principii animi

Et præterea, si anima esset in semine a principio, aut esse ibi habens ad speciem animæ, aut non, sed ut quædam virtus, quæ converteretur postmodum in animam. *Primum* esse non potest, quia cum anima sit actus corporis organante qualemcumque organizationem corporis

inceptivum animæ habere esse non potest. Et inde etiam sequitur quod totum id, quod agit in seminibus, non est nisi quadam dispositio materiæ; et per consequens non esset generatio, cum generatio non sequatur, sed præcedat formam substantialiem; — nisi forte dicatur, quod corporis sit alia forma substantialis præter animam: ex quo sequitur quod anima non substantialiter corpori uniretur, poterit adveniens corpori, postquam est in per aliam formam constitutum hoc quid; sequitur ulterius, quod generatio ventis non esset generatio, sed decisio quædam, sicut pars ligni separatur a igno, ut sit actu lignum. — *Secunda* pars visionis prædictæ esse non potest, quia secundum hoc sequeretur, quod forma substantialis non subito, sed successive

materia proveniret, et sic in substantiali esset motus, sicut est in qualitate et quantitate: quod est contra Philosophum 5. *Phys.* (*text.* 18; c. 2); et etiam forma substantialis reciperet magis et minus, modus est impossibile. Unde relinquitur modus anima non est in semine: sed virtus quædam animæ, quæ agit ad animam producendam ab anima derivata. — *de Gen. q. 3, a. 12, c.*

Ad primum ergo dicendum, quod virtus illa non assimilatur filio egredienti de modo patris quantum ad complementum speciei, sed quantum ad acquisitionem rerum, quæ desunt utrumque ad aliquod complementum; perfectio enim prima manifestatur plerumque per similitudinem perfectionis secundæ. — *Ibid.* ad 3.

Ad secundum dicendum, quod assimilatio inter virtutem prædictam et artem procedit quandum ad hoc, quod sicut artem præexistit in arte sicut in virtute viva, ita et res viva generanda in virtute formativa. — *Ibid.* ad 4.

Ad tertium dicendum, quod ex hoc ipso cæsio animalis anulosi est violenta et contra naturam, quod pars decisa erat ex parte, et perfecta per animam; unde per decisionem materiæ anima in utraque arte remanet; quæ quidem erat in toto

una in actu et plures in potentia. Quod quidem accidit per hoc, quod hujusmodi animalia fere sunt similia in toto et partibus: nam eorum animæ, qui a imperfectiones sunt aliis, modicam diversitatem organorum requirunt; et inde est quod una pars decisa potest esse animæ susceptiva, utpote habens tantum de organis, quantum sufficit ad tales animam suscipiendam, sicut accidit aliis corporibus similibus, utpote ligno, lapidi, aquæ et aeris. Ex hoc autem Philosophus probat in 15. *de Animal.* (sive 1. *de Generat. Animal.* c. 18) quod sperma non sicut pars ante decisionem, quia ejus decisio non fuisset naturalis, sed modus corruptionis eujusdam. Unde non oportet quod per decisionem seminis in ipso semine anima remaneat. — *Ibid.* ad 5.

Ad quartum dicendum, quod mas dicitur dare animam, in quantum in semine maris continetur virtus, quæ agit ad animam. — *Ibid.* ad 6.

Ad quintum dicendum, quod ægritudines, de quibus est objectio, non traducuntur cum semine quasi actu in semine sint, sed quia est principium eorum in semine per aliquam seminis indispositionem. — *Ibid.* ad 7.

Ad sextum dicendum, quod cum sperma sit quædam superfluitas, habet quasdam proprias vias, sicut et aliæ superfluitates; quibus intercisis generatio impeditur; non propter hoc, quod aliquid ex eo quod erat actu pars, resolvatur. — *Ibid.* ad 8.

Ad septimum dicendum, quod sicut immoderatus aliarum superfluitatum fluxus solvit aliquid de eo quod erat jam conversum, per violentiam quandam et non naturaliter; ita etiam immoderatus fluxus seminis; ea vero quæ fiunt contra naturam, non sunt in consequentiam naturæ trahenda. — *Ibid.* ad 9.

Ad octavum dicendum, quod semen est tale superfluum, quod licet non sit actu pars substantialis patris, est tamen potentia; et ob hoc dicitur filius de substantia patris esse. — *Ibid.* ad 10.

ARTICULUS IV

UTRUM ANIMA SENSITIVA SIT FORMA SUBSTANTIALIS ANIMALIS.

Videtur quod anima sensitiva non sit forma substantialis animalis: —

1. quia nulla forma substantialis potest esse movens, quae non est subsistens; unde formae elementorum secundum Philosophum in 8. *Phys. (text. 28 sqq. ; c. 3)* non sunt moventes; sed anima sensitiva est movens, cum omne animal moveatur ab anima sua, et non est subsistens, ut dictum est: ergo anima sensitiva non est forma substantialis animalis. — 1a, q. 418, a. 1, arg. 1; *de Pot. q. 3, a. 11, arg. 18*; 2. *Sent. dist. 18, q. 2, a. 3, arg. 4*.

2. Sed dices, quod anima sensitiva non movet per se corpus, sed ipsum corpus animatum movet seipsum. — Contra Philosophus probat (8. *Phys. text. 40 sqq. ; c. 5*), quod in quolibet movente seipsum oportet unam partem esse quae sit movens tantum, et alteram quae sit mota; sed corpus non potest esse movens sensum, quia nullum corpus movet nisi motum: ergo oportet quod anima sit movens tantum: et ita anima sensitiva habet operationem in qua non communicat sibi corpus; unde sequitur quod non sit forma substantialis. — *de Pot. q. 3, a. 11, arg. 19*.

3. Præterea, omnis operatio agentis naturalis tendens ad productionem formæ substantialis materialis reducitur in virtutem cœlestem, sicut in virtutem primi alternantis; sed per virtutem cœli anima sensitiva non potest educi, cum corpus cœleste sit inanimatum, et nihil agat ultra speciem, quia effectus non potest esse posterior sua causa agente: ergo anima sensitiva non est forma substantialis. — 2. *Sent. dist. 18, q. 2, a. 3, arg. 3*; *de Pot. l. c. arg. 13*.

4. Sed dices, quod cœlum potest agere

ad productionem animæ sensitivæ in virtute substantiae spiritualis, quæ ipsum movet. — Sed contra, quod recipitur in alio, est in eo per modum recipientis, et non per modum sui; si ergo virtus intellectualis substantiae recipitur in corpore cœlesti non viventi, non erit ibi ut virtus vitalis, quæ possit esse principium vita. — *de Pot. q. 3, a. 11, arg. 14*.

5. Præterea, substantia intellectualis non solum vivit, sed etiam intelligit; ergo per ejus virtutem corpus cœleste a ea motum potest conferre vitam, pari ratione poterit conferre intellectum, et ita anima rationalis erit generabilis, quod est falsum. — *Ibid. arg. 15*.

Sed contra est, quod Philosophus (*2 de Anima text. 7 et 8 ; c. 1*) animam quam dividit in vegetativam, sensitivam et rationalem, definit esse corporis animali formam. — 2. *de Anima l. 1 et 2*

RESPONDEO DICENDUM, quod necesse est dicere, quod anima sensitiva est forma substantialis animalis. Et ratio est, qui illud, quod est de quidditate et essentia re compositæ dans illi speciem, est forma substantialis illius: ab hac enim sumitur ratio rei, ut patet in simili in rebus artificialibus; sed anima sensitiva est de quiditate et essentia animalis, quippe cujus ratio et species ab illa desumitur: ergo anima sensitiva est forma substantiali animalis. — 2. *de Anima l. 2*.

Ad primum ergo dicendum, quod anima sensitiva non est substantia perfecta vel forma immaterialis, quia non habet esse absolutum et subsistens: cum nullus ejus operatio sit independens a corpore. Neque hoc ipsum, quod est movere motus progressivo, facit sine organo corporali. Movet enim anima sensitiva per duas virtutes motrices, unam imperantem et alteram imperatam. Imperans est appetitus cuius actus exercetur per organum corporale, et proinde non est animæ tantum sed compositi. Virtus autem imperata exsequens motum est vis quæ damnumscilicet et lacertis affixa, quorum motu totum corpus movetur. Unde sequitur quod ani-

sensitiva est forma substantialis, sed terialis. — *de Pot.* q. 3, a. 41, ad 48; *Sent.* dist. 18, q. 2, a. 3, ad 4.

Ad secundum dicendum, quod corpus est movere, quasi non motum illa species motus qua movet, licet non possit vere nisi aliquo modo motum: cor enim corporis alterat non alteratum, sed aliter motum; et similiter organum statutis appetitivae movet localiter, non aliter motum, sed aliquo modo alteratum: operatio enim appetitus sensitivi corporali alteratione non contingit, ut patet in ira et hujusmodi passionibus. — *de Pot.* l. c. ad 49.

Ad tertium dicendum, quod corpus celesti non vivum, agit tamen in virtute substantiae viventis, a qua movetur, e sit angelus sive Deus. — *Ibid.* ad 15.

Ad quartum dicendum, quod virtus constantiae spiritualis moventis relinquitur in corpore coelesti et motu ejus, n sicut forma habens esse completum natura, sed per modum intentionis, ut virtus artis est in instrumento arvis. — *Ibid.* ad 14.

Ad quintum dicendum, quod anima rationalis excedit locum et ordinem (totum ordinem) corporalium principiorum. Anima vegetabilis et sensitiva non excedunt eum locum et ordinem. Quod patet ex causis operationibus; nam secundum ordinem naturarum sunt etiam ordines actionum. Venimus enim quasdam formas, quae se prius non extendunt, quam ad id quod per principia materialia fieri potest: sicut formae elementares et corporum mixtum, quae non agunt ultra actionem calidi et frigidi; unde sunt penitus materialia immersae. Anima vero vegetabilis licet non agat nisi mediantibus (qualitatibus) operibus, attingit tamen operatio ejus ad quid, ad quod qualitates praedictae non extendunt, videlicet ad producendam rem et os, et ad præfigendum terminum gmenti, et ad hujusmodi. Unde et ad hoc detinetur infra ordinem materialium incipiorum, licet non quantum formæ

praedictæ. Anima vero *sensibilis* non agit per virtutem calidi et frigidi de necessitate, ut patet in actione visus et imaginationis et hujusmodi; quamvis ad hujusmodi operationes requiratur determinatum temperamentum calidi et frigidi ad constitutionem organorum, sine quibus actiones praedictæ non fiunt. Unde non totaliter transcendit ordinem materialium principiorum, quamvis ad ea non tantum deprimatur, quantum formæ praedictæ. Anima vero *rationalis* etiam agit actionem ad quam virtus calidi et frigidi non se extendit; nec eam exerceat per virtutem calidi et frigidi, nec per organum corporale. Unde ipsa sola transcendit ordinem naturalium principiorum (et ideo nullum corpus potest agere, etiam ut instrumentum, ad ejus productionem); secus autem anima sensibilis in brutis et vegetabilis in plantis. — *Ibid.* ad 15 et in c.

QUÆSTIO LVIII

DE PROPRIETATIBUS ANIME SENSITIVAE.

Deinde considerandum est de proprietatibus animæ sensitivæ.

CIRCA QUAS QUÆRUNTUR DUO:

1. Utrum anima sensitiva sit corruptibilis.
2. Utrum anima sensitiva in homine sit nobilior et perfectior quam in bruto.

ARTICULUS I

UTRUM ANIMA SENSITIVA SIT CORRUPTIBILIS.

Videtur quod anima sensitiva sit incorruptibilis.

Dicit enim Philosophus (10. *Metaphys.* text. 26; l. 9, c. 10), quod corruptibile et incorruptibile differunt genere; sed animæ hominis et brutorum non differunt

genere, quia nec homo a brutis genere differt: ergo anima hominis et brutorum non differunt secundum corruptibile et incorruptibile; sed anima hominis est incorruptibilis: ergo et anima sensitiva bruti. — *Quæst. disp. de Anima* a. 14, arg. 2.

2. Praeterea, substantia vivens naturæ ordine præfertur substantiae non viventi; sed anima sensitibilis et vegetabilis sunt substantiae viventes: ergo sunt nobiliores substantiis non viventibus. Aliquæ autem substantiae non viventes sunt incorruptibles, ut cœli; ergo et anima sensitibilis et vegetabilis erunt incorruptibles. — *Quodl. 9, a. 11, arg. 1.*

3. Praeterea, quorum est simile principium, et similis processus, videtur etiam similis finis; sed simile est principium generationis hominum et brutorum, quia de terra facta sunt; similis etiam est vitæ processus in utrisque, quia *similiter spirant omnia et nihil habet homo jumento amplius*, ut dicitur *Eccles. (3, 19)*: ergo, ut ibidem concluditur, *unus est interitus hominis et jumentorum et æqua utriusque conditio*; sed anima hominis est incorruptibilis: ergo et animæ brutorum erunt incorruptibles; vel si hæ sunt corruptibles, etiam anima rationalis erit corruptibilis. — 1a, q. 75, a. 6, arg. 1; 2a 2æ, q. 164, a. 1, arg. 2.

Sed contra est, quod anima sensitiva bruti est forma non subsistens, ut dictum est (supra q. 57, a. 1 et 2); sed nulla forma non subsistens potest a corpore, a quo dependet in esse, separari atque adeo esse incorruptibilis: ergo anima sensitiva bruti est corruptibilis. — 1a, q. 75, a. 3 et 5.

RESPONDEO DICENDUM, quod anima sensitiva bruti corruptitur corpore corrupto. Et ratio est, quia esse animæ sensitivæ bruti non potest consistere nisi in unione ad corpus: quod ejus operationes ostendunt, quæ sine organo corporali esse non possunt, ut dictum est (q. præced. a. 1, 2, 4). Unde nec esse illius est illi absolute sine dependentia ad corpus; propter quod nec a corpore separari potest, nec

iterum in esse produci, nisi quatenus præducitur corpus; et ideo corrupto corpo necesse est quod et ipsa corrumpatur. — *de Pot. q. 3, a. 11, c.*

Ad primum ergo dicendum, quod anima humana et brutorum per se colocarentur in genere, sequeretur quod diversorum generum essent secundum naturalem generis considerationem; sicut enim corruptibile et incorruptibile necessitate est genere differre, licet in aliqua ratione communi possint convenire, ex quod et in uno genere logico possunt esse secundum logicam considerationem. Nullum autem anima non est in genere sicut species, sed sicut pars speciei; utrumque autem compositum corruptibile est, tamen illud, cuius pars est anima humana, quia illud, cuius pars est anima bruti; et propter hoc nihil prohibet ea esse unius generis. — *Quæst. disp. de Anima* a. 1 ad 2.

Ad secundum dicendum, quod animalia vegetativa et sensitiva non sunt substantiae viventes, sicut nec subsistentes, sed sunt principia vivendi et essendi; et item non oportet, si quid minus nobis est incorruptibile, quod etiam quod est magis nobile, sit tale. Causa enim corruptibilitatis est materia, ut dictum est (supra q. 3, a. 10); nobilitas autem rei oportet ex forma, inest enim cuique rei secundum suum esse, quod est effectus formæ. — *Quodl. 9, a. 11, ad 1; Tabula Aurea* voce « forma »; 1. c. *Gent. c. 2*

Ad tertium dicendum, quod Salomon inducit rationem illam ex persona impientium, ut exprimitur *Sap. (2, 4 sqq.)* Quod ergo dicitur, quod homo et animalia habent simile principium generationis, verum est quantum ad corpus. Similiter enim de terra facta sunt omnia animalia; non autem quantum ad animaliam anima brutorum producitur ex virtute aliqua corporea; anima autem humana a Deo. Et ad hoc significandum dicitur *Genes. c. 1* quantum ad alia animalia *Producat terra animam viventem*; quantum vero ad hominem dicitur, quod i-

*parit in faciem ejus spiraculum ritus. Et
o concluditur Eccles. c. ult.: Rerum
puleis in terram suam, unde erat, et
ritus redeat ad Deum, qui dedit illum.*
Similiter processus vitae est similis
ntum ad corpus, ad quod pertinet,
dicitur Eccles. l. c. : *Similiter spirant
nia, et Sap. c. 2: Funus satus est
naribus nostris. Sed non est similis
processus quantum ad animam, quia ho-
mō intelligit, non autem alia animalia.*
de falsum est quod dicitur: *nihil habet
no jumento amplius.* Et ideo similis est
ritus quantum ad corpus, sed non
quantum ad animam. — 1a, q. 75, a.
ad 1.

ARTICULUS II

UTRUM ANIMA SENSITIVA IN HOMINE SIT
OBILIUS ET PERFECTIOR QUAM IN BRUTIS.

Videtur quod anima sensitiva non sit
perfectior in homine quam in brutis.

1. Homo enim a brutis non differt se-
ndum animam sensitivam; ergo non
est perfectior anima sensitiva in homine
quam in brutis. — 2. *Sent. dist. 17, q.
a. 2, arg. 1; dist. 18, q. 2, a. 3, arg.
Quæst. disp. de Anima a. 11.*

2. Præterea, operatio attestatur nobili-
tatem virtutis, et nobilitas hujus nobili-
tatem formæ; sed quædam animalia sunt
perfectioris sensus et motus quam homo:
nam canes cum melius odorent, sunt acu-
toris sensus, et aves cum velocius mo-
mentur, sunt velocioris motus quam
homo: ergo et bruta habent nobiliorem
prinam sensitivam quam homo. — 1a,
.91, a. 3, arg. 1.

3. Præterea, si anima sensitiva est per-
fectior in homine, maxime quia in illo
est incorruptibilis et rationalis, in brutis
ero est corruptibilis et irrationalis; sed
lud est falsum: nam potentiae animæ
sensitivæ in homine sunt corruptibiles
et irrationales; impossibile autem est
propriam passionem quæ semper inest

subjecto, enjusmodi est anima respectu
potentie, ut dictum est, corrupti non cor-
rupto subjecto: ergo anima sensitiva in
homine non est perfectior quam in brutis.
— *Quæst. disp. de Anima a. 11, arg. 12-14.*

Sed contra: Anima sensitiva in homine non
solum est sensitiva, sed etiam rationalis,
cum in homine non sit nisi una anima,
in brutis vero est tantum sensitiva; ergo
anima sensitiva in homine est nobilior et
perfectior quam in brutis. — *Quæst. disp.
de Anima a. 11.*

RESPONDEO DICENDUM, quod anima sen-
sitiva in homine est longe nobilior et
perfectior quam in brutis. Et ratio est,
quia quæ sunt inferioris, præexistunt in
superiori perfectius, ut dicit D. Diony-
sius (*de Div. Nom. c. 7, § 2*; — Migne t. 3,
col. 870). Dignus enim est alicui, quod
existat in aliquo se digniore, quam quod
existat per se. Vis autem sensitiva se
habet ad intellectivam sicut inferius ad
superius: ergo debet in anima intellectiva
esse perfectiori modo; et per consequens
anima sensitiva erit in homine nobilior
et perfectior quam in aliis animalibus,
quia in homine est conjuncta cum nobili-
tore et perfectiori forma completiva, ra-
tione cujus conjunctionis est virtuosior,
licet in homine non constituat speciem,
sicut constituit in ceteris animalibus, quia
in illis consideratur ut ultima forma, secus
in homine. — 1a, q. 76, a. 5, c.; *Quæst.
disp. de Anima a. 11; 3a, q. 2, a. 2,
ad 2, et a. 5, ad 1.*

Ad primum ergo dicendum, quod licet
homo et equus in hoc convenient, quod
interque est sensibilis, non tamen oportet
quod anima sensibilis sit unius rationis
in homine et equo, quia homo et equus
non sunt unum animal in specie. Unde
in homine anima sensibilis est multo no-
bilior quam in aliis animalibus quantum
ad principales actus, ut patet in actibus
interiorum sensuum, et in operatione
tactus, qui est principalis sensus. In omni
enim toto potestativo potentia inferior su-
periori conjuncta perfectior invenitur:
ut potestas præpositi multo excellentior

est in rege, et humana natura multo perfectior est in Christo quam in nobis, propter unionem cum Verbo. Anima autem sensibilis in homine per essentiam conjungitur animae rationali. — 2. *Sent.* dist. 18, q. 2, a. 3, ad 4; 3a, q. 2, a. 2, ad 2.

Ad secundum dicendum, quod tactus, qui est fundamentum aliorum sensuum, est perfectior in homine quam in aliquo alio animali; et propter hoc oportet quod homo haberet temperatissimam complexionem inter omnia animalia. Præcedit etiam homo alia animalia quantum ad vires sensitivas interiores, ut dictum est (supra ad 1). Ex quadam autem necessitate contingit, quod quantum ad aliquos exteriores sensus homo ab aliis animalibus deficiat: sicut homo inter omnia animalia habet pessimum olfactum. Necessarium enim fuit quod homo inter omnia animalia respectu sui corporis haberet maximum cerebrum: tum ut in eo perficerentur operationes interiores virium sensitivarum, quæ sunt necessariae ad intellectus operationem; tum etiam ut frigiditas cerebri temperaret calorem cordis, quem necesse est abundare in homine, ad hoc quod homo sit rectæ staturæ. Magnitudo autem cerebri propter ejus humiditatem est impedimentum olfactus, qui requirit siccitatem. Et similiter potest assignari ratio, quare quædam animalia sunt acutioris visus et subtilioris auditus quam homo, propter impedimentum horum sensuum, quod necesse est consequi in homine ex perfecta æqualitate complexionis. Et eadem etiam ratio est assignanda de hoc, quod quædam animalia sunt homine velociora; cui excellentiæ velocitatis reputat æqualitas humanæ complexionis. — 1a, q. 91, a. 3, ad 1.

Ad tertium dicendum, quod anima sensitiva in homine propter conjunctionem cum anima rationali secundum substantialiam est rationalis et incorruptibilis, licet potentiae sensitivæ sint corruptibiles; non enim hæ sunt proprietates animæ, sed conjuncti; unde tantum respiciunt in

homine animam sensitivam ut principium et originem, non ut subjectum, dictum est (supra q. 31, a. 8). — *Quaest. de Anima* a. 11, ad 12-14.

QUÆSTIO LIX

DE OBJECTO SENSUS.

Deinde considerandum est de potentia animæ sensitivæ; et erit haec consilio in quinque partes distributa: *n primo* considerandum est de sensu communi, *secundo* de sensibus exterioribus, *tertio* de internis, *quarto* de appetitu sensitivo, *quinto* de potentia motiva.

Circa primum consideranda sunt quæque: *primo* objectum sensus, *secundo* species sensibiles, *tertio* operatio sensus seu sensatio, *quarto* organum, *quinto* ipsa potentia sensitiva.

CIRCA PRIMUM QUÆRUNTUR SEPTENNA

1. Utrum objectum sensus sit extra sensum.
2. Utrum objectum sensus sit tantum existens et præsens.
3. Utrum objectum sensus sit substantia.
4. Utrum possint plura sensibilia per sensum ab eodem percipi.
5. Utrum recte dividatur sensibile in per accidens et per se, et per se in proprium et communem.
6. Utrum sensus possit decipi circa proprium sensibile.
7. Utrum sensibilia communia sint tantum quinque.

ARTICULUS I

UTRUM OBJECTUM SENSUS SIT EXTRA SENSUM.

Videtur quod objectum sensus non sit extra sensum.

1. Dicit enim Philosophus (*2. Post. text. 27; c. 11*), quod sensus est ipsi-

iversalis; sed universale est in anima, dicitur 2. *de Anima* (*text.* 60; c. 5); objectum sensus non est extra sensum. — 2. *Poster.* I. ultima; 2. *de Anima* 2.

2. Praeterea, dicit Philosophus 2. *Pos-* (d. c.), quod sensus facit universale; illud non facit nisi cognoscendo: ergo objectum sensus non semper est singulariter existens extra sensum. — 2. *Pos-*

I. ultima.

3. Praeterea, cum simile simili cognovetur, sensus debet esse ipsa sensibilia actu; sed sensibilia in actu sentiri sunt: ergo et ipse sensus sentiri potest, et ita objectum sensus non erit extra sensum. — 2. *de Anima* I. 10.

4. Praeterea, sensorium sensus est compositum ex qualitatibus sensibilibus; haec sentiuntur, cum pertineant ad actum sensus: ergo sensorium sentitur, sed tamen non est extra sensum.

5. Praeterea, dicit Philosophus (2. *de Anima* *text.* 136; I. 3. c. 2), quod visus visus videre; sed visio est intra sensum, extra, cum sit actus immanens, sicut intellectio: ergo objectum sensus non est extra sensum. — 3. *de Anima* I. 2; *Tabula aurea* voce « sensus » n. 32.

6. Praeterea, dicit Philosophus (2. *de Anima* *text.* 138; I. 3. c. 2), quod visus vernimus tenebras; sed tenebra nihil est quam privatio, quae est ens rationis, quod tantum habet esse in intellectu: ergo idem quod prius. — 2. *de Anima* I. 15 et 3. *de Anima* I. 3; *Tabula aurea* voce « ens » n. 18.

7. Praeterea, dicit Philosophus. lib. *de Sensu et Sensibili* c. 2, quod oculus mo-

videt fulgorem in se existentem, et

et seipsum; ergo objectum vivus non

poterit est extra. *De Sensu et Sensibili.* I. 3.

8. Praeterea, oculus in speculo videt imaginem et speciem sui; sed haec non nisi in organo visus: ergo objectum sensus non semper est extra sensum. — I. I. 4.

ed contra est, quod Philosophus (2. *de Anima* *text.* 60; c. 5) dicit, quod obje-

ctum sensus est sensibile extra sensum existens. — 2. *de Anima* I. 12.

RESPONDEO DICENDUM, quod haec est differentia inter objectum sensus externi et intellectus, quod objectum intellectus est intra intellectum, objectum vero sensus est extra. Et ratio hujus est, quia sensus secundum actum sunt singularium, quae sunt extra animam; scientia vero est universalium, quae sunt intra animam. Ex quo palet, quod ille qui jam habet scientiam, non oportet quod querat extra sua objecta, sed habet ea in se; unde potest illa considerare quando vult, nisi forte per accidens impediatur. Sed sentire non potest quando vult, quia sensibilia non habet in se, sed oportet quod adsint ei extra. Ideo vero sensus est singularium, et scientia universalium, quia sensus est virtus in organo corporali; intellectus vero est virtus immaterialis, quae non est actus alicujus organi corporalis. Unumquodque autem recipitur in aliquo per modum sui. Cognitio autem omnis fit per hoc, quod cognitum est aliquo modo in cognoscente, scilicet secundum similitudinem; nam cognoscens in actu est ipsum cognitum in actu. Oportet igitur quod sensus corporaliter et materialiter recipiat similitudinem rei, quae sentitur. Intellectus autem recipit similitudinem ejus, quod intelligitur, incorporaliter et immaterialiter. *Individuatio* autem naturae communis in rebus corporalibus et materialibus, est ex materia corporali sub determinatis dimensionibus contenta. *Universale* autem est per abstractionem ab hujusmodi materia et materialibus conditionibus individuantibus. Manifestum est igitur, quod similitudo rei recepta in *sensu* repräsentat rem secundum quod est singularis; recepta autem in *intellectu* repräsentat rem secundum rationem universalis naturae. Et inde est quod sensus cognoscit singularia, intellectus vero universalia, et per consequens objectum sensus est extra sensum, objectum vero intellectus est intra intellectum. — 2. *de Anima* I. 12; 2. c. *Gent.* c. 66.

Ad primum ergo dicendum, quod *singularē* sentitur proprie et per se; sed tamen sensus est quodammodo ipsius *universalis*; cognoscit enim Calliam, non solum in quantum est Callias, sed etiam in quantum est hic homo. Et inde est quod tali acceptione in sensu praexistenti, anima intellectiva potest considerare hominem in utroque, et sic facere universale. — 2. *Poster.* 1. ultima.

Ad secundum dicendum, quod sensus dicitur facere universale, quatenus anima universalium cognitionem accipit per viam inductionis ex consideratione omnium singularium. — *Ibid.*

Ad tertium dicendum, cum Philosopho (2. *de Anima* *text.* 52 sqq.; *de Sensu et Sensibili* c. 2), quod sensus non est sensibilia in actu, sed tantum in potentia; tunc autem est actu, quando recipit eorum similitudines. Unde non sequitur, quod sensus sentiat se ipsum, et quod ejus objectum non sit extra. Ideo vero visus non potest cognoscere se ipsum, quia visus tantum cognoscit illud, cuius species potest fieri in pupilla: quia cuiuslibet virtutis operantis per organum corporale oportet ut organum sit medium inter ipsam et objectum ejus. Cum ergo non sit possibile, ut organum cadat medium inter virtutem aliquam et ipsam essentiam virtutis, non erit possibile, ut aliqua virtus operans mediante organo corporali cognoscat seipsam. — 2. *de Anima* l. 10 et 11; *de Sensu et Sensibili* l. 3; 2. c. *Gent.* c. 66; 2. *Sent.* dist. 19, q. 1, a. 1, c.

Ad quartum dicendum, quod sensorium sensus non sentitur, quia ad hoc ut objectum aliquod sentiatur, debet movere sensum mediante aliquo medio; est enim sensus potentia passiva; præterquam quod si sensibile inhaerens organo sentiri posset, semper sentiretur, quod est falsum. — *de Sensu et Sensibili* l. 3; cf. *de Verit.* q. 25, a. 4, c.

Ad quintum dicendum, quod sensus exterior non sentit suam sensationem, sed sensus communis, secundum quod ratione continuationis cum sensu externo

nominatur nomine *sensus externi*, probat Philosophus (*de Sensu et Sensibili* c. 2; 2. *de Anima* *text.* 437; 1. c. 2). Unde cum ibidem videtur oppositum docere, id tantum disputative asserit. — *Vel dic*, quod actio visus potest considerari, vel secundum quod consistit in immutatione organi a sensibili exteriori; — et sic non sentitur nisi color unde ista actione visus non videt se videre. Alia est actio visus, secundum qua post immutationem organi judicat de ipso perceptione organi a sensibili, etiam abiente sensibili; — et sic visus non videt solum colorē vel sentit, sed sentit etiam visionem coloris. — *de Sensu et Sensibili* l. 19; 2. *de Anima* l. 13 et 3. *de Anima* l. 1; 1a, q. 78, a. 4, ad 2; 2. c. *Gent.* c. 66, ubi v. Ferrar. ;— 3. *de Anima* l.

Ad sextum dicendum, quod visus discernit tenebras non quidem per immutationem illarum, quomodo videt colorē et quidquid est per se objectum ejus, sed quatenus non videt per immutationem ab exteriori sensibili factam. — 3. *de Anima* l. 2.

Ad septimum dicendum, quod oculi fulgor apparet moto oculo, non antequiescente. Et ratio hujus est, quia accedit per oculi motionem, quasi quoniam unum fiat duo; unum enim et idem subjecto est pupilla fulgens et videns; quantum autem est *fulgens* projicit fulgorem suam ad extra; in quantum autem est *videns*, cognoscit fulgorem, quasi principiendo ipsum ab exteriori. Cum autem est quiescens, emissio fulgoris fit ab extra; et ita visus hujusmodi fulgorem non recipit, ut videre possit. Sed quando oculus celeriter movetur, illud nigrum oculum transfertur ad locum exteriorem, in quo pupilla emittebat suum splendorem, atque ille splendor desicit, et ideo pupilla ad aliud locum velociter translatum recipit splendorem suum quasi ab exteriori, ut sic videatur esse aliud videtur et visum, quamvis sit idem subjecto. ideo hujusmodi apparitio fulgoris non nisi oculus celeriter moveatur, quia

oveatur tarde, prius deficiet impressio
lgoris ab exteriori loco, ad quem fulgor
veniebat, quam pupilla illuc perve-
at. — *de Sensu et Sensibili* l. 3.

Ad octavum dicendum, quod oculus
est in speculo non speciem, sed seipsum,
et speciem tamen repercussam et refle-
xam a speculo ad oculum. — *de Sensu*
Sensibili l. 4.

ATRICULUS II

UTRUM OBJECTUM SENSUS SIT TANTUM
RES PRÆSENS ET EXISTENS.

Videtur quod objectum sensus non sit
tantum res præsens et existens.

1. Dicit enim Philosophus lib. *de So-
niis* (c. 2), quod abeunte sensibili adhuc
nihil sentit. Quod probat quatuor
modis: *primum* est, quia ubi continue-
rem videmus, et postea avertimus ocu-
los, nihil videmus, quia adhuc remanet
ratio lucidi, quod tamen tunc non est præ-
sens et existens. *Secundum* est, quia ubi
longum tempus vidimus colorem al-
bum vel viridem, et transferimus oculos
ad aliud colorem, ille per breve tempus
debet eisdem coloris cum priore. *Ter-
tium* est, quia videns solem si mox clau-
sat oculos, primo ei apparebit color rei
luminis, deinde mutabitur in medios col-
ores successive, donec veniat ad nigrum
et evanescat. *Quartum* est, si quis re-
gat flumen velocissime currens, deinde
transferat visum ad res quiescentes, om-
nes illi videbuntur moveri. Ergo sensus
percipit res absentes, et non existentes. —
Soniis l. 2.

2. Præterea, experientia patet, quod
quando duo objecta videntur, puta duo
mina, cum tamen vere sit unum tan-
to; ergo tunc videtur aliquid non ex-
istens. — *de Sensu et Sensibili* l. 3.

3. Præterea, tristari non solum est de
resenti, sed etiam de præterito et futu-
ro; sed tristitia pertinet ad vim sensi-
tiva, quia nimis non est in potestate
rationis sensibilium præsentia, sine qua

res non præsentes et non existentes. —
1a 2æ, q. 35, a. 2, ad 2.

4. Præterea, per phantasiam in somniis
videntur res quæ non sunt; sed phanta-
sia pertinet ad sensum: ergo idem quod
prius. — 5. *Metaphys.* l. 22.

5. Præterea, aliquando color albus ap-
paret viridis, ut patet experientia, si
videatur color albus mediante vitro viri-
di; ergo sensus percipit etiam rem non
existentem. — *de Verit.* q. 1, a. 11, arg.
2 *Sed Contra.*

Sed contra est, quod Philosophus 2. *de
Anima* (*text.* 32; c. 5) et *de Sensu et Sen-
sibili* (c. 2) dicit, quod sensus non nisi rem
præsentem sentit; et *de Memoria* (c. 1) di-
cit, quod per sensum neque futurum ne-
que præteritum cognoscimus, sed tantum
præsens. — 2. *de Anima* l. 10; *de Sensu*
et Sensibili l. 3; *de Memoria et Reminisc.*
l. 1.

RESPONDEO DICENDUM, quod sensus ex-
terior tantum apprehendit rem præsentem
et existentem, sed interior etiam absen-
tem et non existentem, seu præteritam
et futuram. Et ratio hujus est, quia sen-
sus exterior indiget ad suos actus exterio-
ribus sensibilibus, quibus immutatur;
at vero sensus interior habet principale
objectum interius, puta phantasmata, quæ
sunt similitudines rerum. (1a, q. 78, a. 4,
c. et ad 6; q. 81, a. 3, ad 3; 1a 2æ, q. 35,
a. 2, ad 2; *de Verit.* q. 1, a. 11, c.) Unde
etiam est, quod *sensus exterior* semper
apprehendit rem ut est, nisi sit impe-
dimentum in organo vel in medio; sed
imaginatio, quæ pertinet ad sensum in-
ternum, apprehendit ut plurimum rem
ut non est, quia apprehendit eam ut præ-
sentem, cum sit absens; apprehendit
enim et intuetur phantasma, quod non est
res vera, sed tantum similitudo rei. Et
ideo dicit Philosophus (4. *Metaphys.* *text.*
24 sqq.; l. 3, c. 5), quod in sensu non
est falsitas, sed in phantasia. Præterea,
sensus exterior non subditur imperio ra-
tionis, sicut subditur vis interior sensi-
tiva, quia nimis non est in potestate
rationis sensibilium præsentia, sine qua

sensus externus non potest exire in actum; potest autem ratio formare imaginativae virtutis phantasma; et ideo potest imaginatio percipere rem absentem et non existentem, secus vero sensus exterior. — 4. *Metaphys.* I. 14; 5. *Metaphys.* I. 22; *de Verit.* q. 10, a. 8, ad 2; 1a, q. 52, a. 1, et a. 2, ad 2; 3. *Sent.* dist. 23, q. 1, a. 2, c. — Et ex his patet *ad tertium* et *quartum objectum*.

Ad primum ergo dicendum, quod *sensus exterior* semper apprehendit rem praesentem, nisi sit impedimentum vel ex parte organi, vel medii, quando incipit sentire, ob rationem allatam; sed quia abeunte sensibili per aliquod breve tempus possunt simulacula sensibilium remanere in sensu externo, ideo *sensus communis*, ut continuatur cum sensu externo, quomodo appellatur nomine *sensus externi*, ut dictum est, dicitur rem existentem et absentem sentire, ut probat objectum. — *de Somniis* I. 2; *de Sensu et Sensibili* I. 4.

Ad secundum dicendum, quod motio organi efficit, ut unum appareat duo; unde quod non videatur res utest, oritur ex impedimento ex parte organi. — *de Sensu et Sensibili* I. 3.

Ad quintum dicendum, quod ex parte medii impeditur sensus exterior, ne videat colorem ut est; dictum est autem (*ad primum*), quod sensus exterior semper videt rem praesentem sicut est, nisi sit impedimentum vel ex parte organi vel ex parte medii.

ARTICULUS III

UTRUM OBJECTUM SENSUS POSSIT ESSE SUBSTANTIA.

Videtur quod objectum sensus possit esse substantia.

1. Quae enim est differentia corporum ad spiritualia, ita eadem e converso; sed oculus incorporeus potest corpora videre: ergo et oculus corporeus potest substantiam spiritualem et multo magis materialem videre, et sic objectum

sensus poterit esse substantia. — 4. *Sent.* dist. 49, q. 2, a. 2, arg. 4.

2. Praeterea, sensus externus potest percipere Deum ipsum; — sicut enim Deus est praesens per essentiam suam in intellectu: ita etiam in celo post resurrectionem erit praesens in sensu; unde sic videbitur ab intellectu ex hoc quod essentia ei coniungitur, ita poterit etiam a sensu videri; — sed Deus est substantia: ergo substantia potest videri a se extero. — *Ibid.* arg. 7.

Sed contra est, quod Philosophus 2. *Anima* (*text.* 64 sqq.; c. 6 sqq.) posse objecta sensuum externorum accidentia externa, visus quidem colorem et lumen, auditus sonum, odoratus odorem, gustus saporem, tactus tangibiles qualitates.

2. *de Anima* I. 13 sqq.

RESPONDEO DICENDUM, quod sensus exterior non nisi *accidentia externa* per se potest sentire. Quod manifestum est *primo*, quia *quod quid est* et per consequens forma substantialis, quae constitutum in specie, et a Philosopho definita ratio *quod quid erat esse rei*, est solus intellectus objectum, ut dicit Philosophus 3. *de Anima* (*text.* 20; c. 5). *Secundo*, lud tantum per se sentitur a sensu, qui per se passionem sensui inferre potest; et autem est passibilis qualitas, quae per dividitur in colorem, sonum et hujuscum. *Demum*, objectum sensus externi est quod est illi maxime propinquum; et autem est accidens. Cujus signum est quod de solo accidente judicare potest, non de substantia. Per accidens tandem potest etiam haec percipi a sensu exteriori, quatenus accidit ei, quod per se sentit; ut quia accidit *albo*, quod *per se* sentit, quod sit talis vel talis substantia, per Petrus vel Paulus, vel hic equus vel leo, ideo haec substantiae per accidens significuntur, ut dicit Philosophus 2. *de Anima* (*text.* 65; c. 6). — 1a, q. 67, a. 3; *Phys.* I. 5; 4. *Sent.* dist. 49, q. 2, a. 2; 1a, q. 77, a. 3, c.; *Tabula Aurea* vel « *sensus* » n. 13 et 14; 2. *de Anima* I. 3.

Ad primum ergo dicendum, quod omnes

cognitio fit per aliquam abstractionem a materia; et ideo quanto forma corporalis magis abstrahitur a materia, magis est cognitionis principium. Et inde est, quod forma in materia existens nullo modo est cognitionis principium; in sensu autem iquo modo, prout a materia separatur; et in intellectu nostro adhuc melius: et ideo oculus spiritualis, a quo removetur impedimentum cognitionis, potest videre in corporeum. Non autem sequitur, quod oculus corporalis, in quo deficit vis cognoscitiva, secundum quod participat in materia, possit cognoscere perfecte cognoscibilia, quae sunt substantiae, et quae non sunt corporea. — 4. *Sent.* dist. 49, q. 1, a. 2, ad 4.

Ad secundum dicendum, quod intellectus est spiritualium perceptivus, non autem visus; et ideo intellectus potest cognoscere vivam essentiam sibi conjunctam, non autem visus. — *Ibid.* ad 7.

ARTICULUS IV

TRUM SIMUL POSSINT AB EODEM PLURA SEN- SIBILIA PER SENSUM PERCIPİ.

Videtur quod simul possint ab eodem plura sensibilia per sensum percipi.

1. Numerus enim pertinet ad objectum sensus; sed numerus constat ex pluribus unitatibus atque adeo ex pluribus rebus: ergo sensus potest simul plura percipere. — *de Verit.* q. 8, a. 14, arg. 3.

2. Praeterea, sensus et sensibile ad inicem referuntur; sed unum sensibile potest percipi a diversis sensibus: ergo et unus sensus potest simul percipere diversa sensibilia. — *Ibid.* arg. 5.

3. Praeterea, sensus est multo spirituor quam aer; sed in aere propter suam spiritualitatem possunt simul esse diverse formae, ut albi et nigri, sicut si a diversis videntibus album et nigrum videatur tali dispositione existente, quod lineæ rectæ ab oculis ad res visas intersecent in uno puncto, per quod oportebit si-

mul et semel speciem albi et nigri deferri: ergo multo fortius sensus potest simul formari diversis formis, et ita poterit simul plura sentire. — *Ibid.* arg. 8; *Quodl.* 7, a. 2, arg. 5.

4. Praeterea, nihil prohibet diversas formas non oppositas simul eidem actu inesse, sicut odorem et saporem pomo; sed species sensibiles non sunt opposita: ergo nihil prohibet sensum unum simul fieri in actu secundum diversas species sensibiles, et sic poterit plura sentire. — 1a, q. 85, a. 4, arg. 2; *Quodl.* 7, a. 2, arg. 4.

5. Praeterea, non potest cognosci differentia unius ad alterum, nisi simul utrumque apprehendatur, ut dicitur 2. *de Anima* (*text.* 145 et 146; l. 3, c. 2); et eadem est ratio de quacunque alia comparatione; sed sensus communis cognoscit differentiam albi et dulcis: ergo sensus communis saltem potest plura simul percipere. — 1a, l. c. arg. 4; *Quodl.* 7, a. 2, arg. 1.

Sed contra est: 1. quod Philosophus *de Sensu et Sensibili* (c. 8, al. 7) dicit, quod unus sensus non potest esse duorum. — *de Sensu et Sensibili* l. 17.

2. Praeterea, impossibile est idem subjectum perfici simul pluribus formis unius generis et diversarum specierum: sicut impossibile est quod idem corpus secundum idem coloretur diversis coloribus vel figuretur diversis figuris; sed omnes species sensibiles sunt unius generis, quia sunt perfectiones unius potentiae sensitivæ, licet res, quarum sunt species, sint diversorum generum: ergo impossibile est quod idem sensus externus simul perficiatur diversis speciebus sensibilibus ad sentiendum plura in actu. — 1a, q. 85, a. 4, c.

RESPONDEO DICENDUM, quod sensus unus non potest simul multa cognoscere, nisi in quantum faciunt unum per mixturam. Cujus ratio est, quia unus sensus in actu non potest esse simul nisi unius, sicut nec aliqua una operatio aut unus motus terminatur nisi ad aliquod unum; nec

aliqua potentia simul recipit diversas formas. Unde necesse est quod si aliquis sensus, puta visus vel auditus, debeat sentire plura, sentiat ea in quantum facta sunt unum permixtione; et hoc ideo, quia potentia sensitiva sentit illa duo secundum unum sensum in actu, id est secundum unam operationem sensitivam. Ex hoc autem sensus secundum actum, id est operatio sensitiva, habet unitatem secundum numerum, quia est unius sensibilis, specie autem est unus sensus secundum actum sive una operatio sensitiva, ex eo quod est secundum potentiam unam; sicut omnes visiones quorumcunque visibilium sunt ejusdem speciei propter unitatem potentiae, sed visio unius rei differt a visione alterius rei. Necesse est ergo, si est unus sensus secundum actum, quod unum dicat, id est indicet; ergo oportet quod, si multa sunt, commisceantur in unum; et si non fuerint permixta, necesse est quod sint duo sensus secundum actum, et duas operationes sensitivae. Sed necesse est quod unius potentiae in eodem indivisibili tempore sit una operatio, quia unius rei non potest esse simul nisi unus actus et unus motus. Unde cum operatio sensitiva nihil aliud sit quam usus quidam, quo anima utilitur potentia sensitiva, erit motus quidam ipsius potentiae, in quantum sensus moveretur a sensibili. Cum ergo unus sensus sit una potentia, non contingit quod multa simul sentiantur uno sensu. — *de Sensu et Sensibili* l. 17.

Ad primum ergo dicendum, quod sensus cognoscit numerum per modum totius, et per consequens cognoscit plures unitates ut faciunt unum totum. — *de Verit.* q. 8, a. 14, ad 3.

Ad secundum dicendum, quod nihil sensus est in sensibili, sed aliquid ejus, quod sentitur, est in sensu; et sic non est eadem ratio sentiendi multa simul ab uno sensu, et sentiendi unum simul a multis sensibus. — *Ibid.* ad 5.

Ad tertium dicendum, quod plures species sunt in aere tamquam in medio defe-

rente, ideoque sunt ibi per modum dispositionis, et non per modum ultimae perfectionis, quia sunt ibi sicut in quodam fluxu et ut in fieri; unde non est simile. — *Ibid.* ad 8; *Quodl.* 7, a. 2, ad 5.

Ad quartum dicendum, quod non solù oppositæ formæ non possunt esse in eodem subjecto, sed nec quæcumque forma ejusdem generis, licet non sint oppositæ sicut patet in coloribus et figuris; non enim oportet idem corpus secundum iden simus colorari diversis coloribus vel figuri diversis figuris. — 1a, l. c. in corp et ad 2.

Ad quintum dicendum, quod sensus non potest plura sentire, sed ex consequenti in quantum plura accipiuntur ut unum sicut plura sensibilia uniuntur in una differentia, vel cognoscuntur plura sub ratione differentiæ, quomodo etiam cognoscuntur partes plures sub ratione totius in quo illæ uniuntur. — 1a, l. c. ad 3 et 4; *Quodl.* 7, a. 2, ad 1.

ARTICULUS V

UTRUM RECTE DIVIDATUR SENSIBILE IN PE
ACCIDENS ET PER SE, ET PER SE IN PRO
PRIUM ET COMMUNE.

Videtur quod non recte dividatur sensibile in per se et per accidens, et per se in proprium et commune.

1. Sicut enim sensibilia per accidens non sentiuntur, nisi in quantum sensibilia propria apprehenduntur: sic nec sensibilia communia apprehenduntur, nisi sensibilia propria apprehendantur; nunquam enim visus apprehendit magnitudinem aut figuram, nisi in quantum apprehendit coloratum; — ergo videtur quod etiam sensibilia communia si sensibilia per accidens. — 2. *de Anin* l. 13.

2. Præterea, inter sensibilia communia ponitur inter cetera figura et magnitude sed figura non percipitur ab omnibus sensibus, cum tamen sensibile commune i

latur, quia est objectum commune omnibus sensibus; ergo saltem figura male non tur inter sensibilia communia. — *Ibid.*

3. Praeterea, sensus definitur per ordinem ad sensibile per se; sed non definitur per ordinem ad sensibile commune; ergo sensibile commune non est sensibile per se. — *Ibid.*

4. Praeterea, membra opposita nunquam coincidunt, ut saepius dictum est; sed sensibile per se et per accidens coincidunt (dulce enim est visibile per accidens, non quantum accedit albo, quod apprehenditur visu, et per consequens est sensibile per accidens; et tamen est sensibile per se, cum sit objectum proprium gustus); ergo male dividitur sensibile in per se et per accidens. — *Ibid.*

Sed contra est: 1. Philosophus 2. *de Anima* (*text.* 63 sqq.; c. 6) et *de Sensu et Sensibili* (c. 4), ubi dividit sensibile in per se et per accidens, et per se in sensibile proprium et commune. — 2. *de Anima* l. 13; *de Sensu et Sensibili* l. 11.

2. Praeterea, esse sensibile est inferre passionem sensui; sed tantum tripliciter contingit aliquid inferre passionem sensui: *vel* enim illam infert sensui, quatenus conjungitur illi, quod per se passionem infert sensui, et hoc est sensibile per accidens; *vel* per se infert passionem sensui ut *sensus* est, et hoc est sensibile per se, sed commune; *vel* per se infert passionem sensui ut *hic sensus*, et hoc est sensibile per se, sed proprium. — 4. *Sent. dist.* 49, q. 2, a. 2, c.

RESPONDEO DICENDUM, quod recte dividitur *sensibile* in *per se* et *per accidens*, et per se in *proprium* et *commune*. Ad eujus manifestationem sciendum, quod sentire consistit in quodam pati et alterari, ut dicitur 2. *de Anima* (*text.* 37; c. 4). Quidquid igitur facit differentiam in ipsa passione vel alteratione sensus, habet per se habitudinem ad sensum, et dicitur sensibile per se; quod autem nullam facit differentiam circa immutationem sensus, dicitur sensibile per accidens. Sic enim Philosophus *text.* 65 (c. 6) 2. *de*

Anima dicit, quod a sensibili per accidens nihil patitur sensus secundum quod hujusmodi. — Differentiam autem circa immutationem sensus potest aliquid facere dupliciter: *uno modo* quantum ad ipsam *speciem agentem*: et sic faciunt differentiam circa immutationem sensus sensibilia per se propria, nimirum secundum quod hoc est color, illud autem sonus, hoc autem est album, illud vero nigrum. Quædam vero *alia* faciunt differentiam in transmutatione sensuum non quantum ad speciem agentis, sed quantum ad modum actionis. Qualitates enim sensibiles movent sensum corporaliter et situatim; unde aliter movent secundum quod sunt in majori vel minori corpore, et secundum quod sunt in diverso situ, scilicet vel propinquo vel remoto, vel eodem vel diverso: et hoc modo faciunt circa immutationem sensuum differentiam sensibilia communia, puta magnitudo, figura, numerus, motus, quies. Manifestum est enim quod secundum omnia hæc quinque diversificatur magnitudo vel situs; et quia non habent habitudinem ad sensum, ut species activorum, ideo secundum ea non diversificantur potentiae sensitivæ, sed remanent communia pluribus sensibus.

Quod vero attinet ad *sensibile per accidens*, sciendum est, quod ad hoc quod aliquid sit sensibile per accidens, *primo requiritur*, quod accidat ei quod per se est sensibile, sicut accedit albo esse hominem, et accedit ei esse dulce. *Secundo requiritur*, quod sit apprehensum a sentiente; si enim accideret sensibili, quod lateret sentientem, non diceretur per accidens sentiri. Unde oportet quod per se cognoscatur ab aliqua alia potentia cognoscitiva sentientis. *Tertio requiritur*, ut ista alia potentia cognoscitiva sentientis non sit sensus externus, sed vel intellectus vel vis cogitativa aut vis aestimativa. Dulce enim est visibile per accidens in quantum accedit albo, quod apprehenditur visu; et tamen ipsum dulce per se cognoscitur ab alio sensu,

scilicet a gustu. Unde proprio loquendo non est hoc universaliter sensibile per accidens, nam est sensibile per se, licet sit visible per accidens; sensibile autem per accidens nullo modo debet esse sensibile per se (nam illud, ut dictum est, nullo modo movet sensum externum; hoc vero illum movet). Quod ergo est sensibile per accidens, debet cognosci ab alia potentia, — puta *vel intellectus*, si quod sensu proprio non cognoscitur, sit universale, et si statim ad occursum rei sensatae apprehendatur intellectu — sicut statim cum video aliquem loquentem vel movere scipsum, apprehendo per intellectum vitam ejus; unde possum dicere, quod video cum vivere —; *vel cogitativa*, si quod sensu externo non percipitur, apprehendatur in singulari, ut puta cum video coloratum, percipio hunc hominem vel hoc animal; — hujusmodi enim apprehensio in homine fit per virtutem *cogitativam*, quae dicitur etiam ratio particularis (eo quod est collativa intentionum individualium, sicut ratio universalis est collativa rationum universalium); nihilominus tamen haec vis est in parte *sensitiva*, quia vis sensitiva in sui supremo participat aliquid de vi intellectiva in homine, in quo sensus intellectui conjungitur; — *vel aestimativa*, ut in animali irrationali: nam in eo fit apprehensio intentionis individualis per aestimativam naturalem, secundum quod ovis per auditum vel visum cognoscit filium vel quid hujusmodi. — 2. *de Anima* l. 13; 4. *Sent.* dist. 49, q. 2, a. 2, c.; *de Sensu et Sensibili* l. 11.

Et ex his patet ad quartum objectum.

Ad primum ergo dicendum, quod sensibilia communia non sunt sensibilia per accidens, sed per se, ut patet ex dictis, et probat Philosophus (2. *de Anima* text. 134; l. 3, c. 1): quia quaecunque sentiuntur per hoc quod immutant sensum, sentiuntur per se, et non secundum accidens. Nam hoc est per se sentire, pati aliquid a sensibili; sensus autem nihil patitur a sensibili per accidens. Omnia

autem *sensibilia communia* per immutationem quandam sentiuntur. Manifestum enim est, quod *magnitudo* immutat sensum: cum sit subjectum qualitatis sensibilis, puta caloris aut saporis; et qualitates non agunt sine suis subjectis. Ex quod appareat, quod *figuram* etiam cognoscimus cum quadam immutatione: quia figura est aliquid magnitudinis, quia consistit in terminacione magnitudinis; est enim figura, quae termino vel terminis continetur ut dicitur in 1. Euclidis (*Element.* c. 1) Manifestum est etiam, quod *quies* comprehenditur ex motu, sicut tenebra per lucem: est enim *quies* privatio motus. *Numerus* etiam cognoscitur per negationem continui, quod est *magnitudo*: numerus enim rerum sensibilium ex divisione continui causatur. Unde etiam proprietates numeri per proprietates continui cognoscuntur; quia enim continuum est divisibile in infinitum, et numerus in infinitum crescere potest, ut patet ex 3. *Phys.* (text. 68; c. 7.) — 3. *de Anima* l. 1

Ad secundum dicendum, quod sensibilia communia non ita dicuntur, quia sentiantur ab omnibus sensibus, sed quia non tantum sentiuntur ab uno, sicut sensibili propria, sed etiam a multis. — 2. *de Anima* l. 13; *de Sensu et Sensibili* l. 1

Ad tertium dicendum, quod sensibile per se est duplex: *unum* proprium; et hoc est quod ita immutat sensum, ut illi dicas speciem, et in ordine ad illud sensus definitur; — *aliud* non ita proprium: hoc facit in sensu immutationem quantum ad modum actionis. — 2. *de Anima* l. 1

ARTICULUS VI

UTRUM SENSIBILIA COMMUNIA SINT
TANTUM QUINQUE.

Videtur quod sensibilia communia si plura quam quinque.

1. Dicit enim Philosophus (2. *de Anima* text. 133; l. 3, c. 1), quod unum sentitur a multis sensibus; sed quod sentitur multis sensibus, est sensibile communis.

ergo sensibilia communia sunt plura
quam quinque.

2. Præterea, *de Sensu et Sensibili* (c. 4)
sit, quod asperum et lene, acutum et
obtusum sunt sensibilia communia; ergo
sensibilia communia sunt plura quam
quinque.

3. Præterea, sicut quies cognoscitur
motum, ita tenebra per lucem; sed
visus est sensibile commune: ergo etiam
tenebra erit sensibile commune, et sic
sunt plura quam quinque. — 3. *de Ani-
ma* I. 1.

Sed contra est, quod Philosophus (2. *de
Anima* text. 64; c. 6) numerat tantum
quinque sensibilia communia: magnitu-
dinem, numerum, figuram, motum et
temperaturam. — 2. *de Anima* I. 13.

RESPONDEO DICENDUM, quod sensibilia
communia sunt prædicta quinque, quia
qua illa faciunt ad immutationem sen-
suum quantum ad modum actionis, non
tantum ad speciem agentis, quod est
sensibile proprium sensibilis communis, ut dictum
est (a. 3). Quod autem sint tantum illa
que, manifestum est, quia omnia alia
la revocari possunt: — unum quidem
numerum, quia numerus nihil aliud
quam multitudo quædam unitatum;
rum vero et lene pertinent ad figu-
ras; similiter et acutum et obtusum
pertinent ad dispositiones figurarum ha-
bitum angulos, quamquam et ex præ-
dictis quinque, ad magnitudinem aliquo
modo reliqua revocari possunt. — 2. *de
Anima* I. 13; *de Sensu et Sensibili* I. 2.
Et ex his patet *ad prima duo objecta*.
Et tertium dicendum, quod tenebras
non videt directe, per immutatio-
nem factam in ipso vel secundum speciem
agentis vel secundum modum actionis,
indirecte, judicando de ipsa immuta-
tione organi a sensibili, etiam abeunte
sensibili; et ideo non est sensibile per se,
sensibile proprium sive commune. — 3. *de
Anima* I. 4 et 2; 2. *de Anima* I. 21.

ARTICULUS VII

UTRUM SENSUS POSSIT DECIPI CIRCA
PROPRIUM SENSIBILE.

Videtur quod sensus possit decipi circa
proprium sensibile.

1. Dicit enim Philosophus 3. *de Anima*
(text. 26; c. 6), quod sensus visus potest
aliquando decipi judicando id quod non
est esse; et 2. *de Anima* (text. 161; l. 3,
c. 3), dicit, quod sensus circa proprium
objectum habet, licet raro, falsitatem. —
3. *de Anima* I. 11 et 6.

2. Præterea, tunc sensus decipitur
circa proprium sensibile, quando aliter
apprehendit illud quam sit; sed sensus
exterior aliquando aliter apprehendit pro-
prium sensibile quam sit — videt enim
visus aliquando objectum alterius coloris
quam sit, et aliquando videt multiplicat-
um, cum tamen a parte rei sit tantum
unum: similiter et gustus febricitantis
judicat amara, quæ sunt dulcia — ergo
sensus potest decipi circa proprium sen-
sibile. — *de Verit.* q. 1, a. 11, arg. *Sed
contra*; *de Sensu et Sensibili* I. 3; 1a, q.
85, a. 6, c.; q. 17, a. 2, c.

3. Præterea, dicit Philosophus 6. *Meta-
phys.* (text. 8; l. 5, c. 3), quod veritas
tantum est in mente; sed si sensus nun-
quam deciperetur circa proprium sensi-
bile, etiam in sensu esset veritas, et
diceretur verus, sicut intellectus appre-
hendens *quod quid est* semper est verus
et nunquam decipitur, ut dicit Philosophus
3. *de Anima* (text. 26; c. 6): ergo sensus
circa proprium sensibile potest decipi.
— 1. *Periherm.* I. 3.

Sed contra est: 1. quod Philosophus
4. *Metaphys.* (text. 24; l. 3, c. 5) dicit,
quod sensus proprii sensibilis non est fal-
sus; quod idem dicit 3. *de Anima* (text.
26; c. 6) et 2. *de Anima* (text. 63; c. 6),
ubi ait, quod sensibile proprium est, quod
uno tantum sensu sentitur, et circa quod
non contingit sensum errare. — 3. *de*

Anima l. 11; 1a, q. 47, a. 2, ad 2, et art. 3, c.; 2. *de Anima* l. 13.

2. Præterea, ad proprium objectum unaquaque potentia per se ordinatur secundum quod ipsa; quæ autem sunt hujusmodi, semper eodem modo se habent. Unde manente potentia nunquam deficit ejus judicium circa proprium objectum; sed proprium objectum sensus est sensibile proprium; hoc enim est, quod per se primo attingitur a sensu: ergo circa sensibile proprium per se non fallitur sensus. — 1a, q. 85, a. 6, c.; 3. *de Anima* l. 6.

RESPONDEO DICENDUM, quod sicut res habet esse per propriam formam, ita virtus cognoscitiva habet cognoscere per similitudinem rei cognitæ. Unde sicut res naturalis non deficit ab esse, quod sibi competit secundum suam formam, potest autem deficere ab aliquibus accidentibus vel consequentibus (sicut homo ab hoc, quod est habere duos pedes, non autem ab hoc, quod est esse hominem); ita virtus cognoscitiva non deficit in cognoscendo respectu illius rei, cuius similitudine informatur, potest autem deficere circa aliquid consequens ad ipsam vel accidens ei. Quia ergo sensibile proprium est illud, respectu cuius primo et per se sensus informatur similitudine; sensibile vero commune est, cuius similitudo est quidem per se, sed non primo in sensu; sensibile vero per accidens, cuius similitudo neque primo neque per se, sed tantum per accidens est in sensu; — ideo sensus non potest falli et decipi circa *proprium* sensibile, nisi per accidens et in paucioribus, ex eo scilicet quod propter indispositionem organi non convenienter recipit sensibilem formam; sicut et alia passiva propter suam indispositionem deficienter recipiunt impressionem agentium. Et inde est, quod propter corruptionem linguæ infirmis dulcia amara esse videntur. — Potest autem falli et decipi sensus circa sensibilia communia et per *accidens*, etiam si sit recte dispositus, quia sensus non directe refertur

ad illa, sed per accidens et ex consequenti, in quantum refertur ad alia. Unde ita se habet sensus ad ista, sicut intellectus cum judicat aliquid alicui inesse vel non inesse, componendo et dividendo; — nisi quod sensus circa sensibilia communia et per accidens nota decipitur, ut cognoscat falsitatem e deceptionem, quomodo reperitur deceptio in intellectu, sed tantum quia cognitio ejus falsa est; cum tamen in intellectu componente et dividente sit deceptio, et quia cognitio intellectus falsa est, et qui intellectus cognoscit falsitatem sicut e veritatem. — 1a, q. 17, a. 2 et 3, c. q. 85, a. 6, c.; *de Verit.* q. 1, a. 11.

Ad primum ergo dicendum, quod sensus exterior dicitur raro falsus, quia deceptio in illo contingit per accidens ratione impedimenti vel intrinseci, put organi indispositi, vel extrinseci, put ratione medii, ut cum quis per medium viride videt colorem album, quem falsus judicat esse viridem ratione medii. — *d. Verit.* q. 1, a. 11, c.

Ad secundum dicendum, quod sensus exterior, ut dictum est (in c.), respectu sensibilis proprii nunquam per se decipitur, sed tantum per accidens ratione impedimenti vel intrinseci vel extrinseci et hoc, quia per se primo refertur a sensibile proprium; et quia sensus exterior apprehendit rem praesentem sicut est, ad differentiam sensus interni, perphantasiæ, quæ quia ut plurimum apprehendit rem ut non est (nam illam apprehendit ut praesentem, cum sit absens) sæpe fallitur. Unde Philosophus (*4. Metaphys. text. 24*; l. 3, c. 5) dicit, quod sensus non est dominus falsitatis, sed phantasia. — *de Verit.* q. 1, a. 11, c.

Ad tertium dicendum, quod veritas dicitur tantum esse in mente tanquam in cognoscente veritatem, quia solus intellectus cognoscit veritatem. Unde intellectus duplenter dicitur verus: et qui cognoscit veritatem, et quia cognitio ejus vera est; sensus vero quia non cognoscit veritatem, tantum dicitur verus, quia ejus

ognitio vera est, ut dictum est (in c.). — *Periherm.* l. 3; 1a, q. 47, a. 3, c.

QUÆSTIO LX

DE SPECIEBUS SENSIBILIBUS.

Deinde considerandum est de speciebus sensibilibus.

CIRCA QUAS QUÆRUNTUR TRIA :

Utrum dentur species, quæ sint necessariæ ad actum sentiendi.

Utrum hæc species sint diversæ speciei a qualitatibus sensibilibus.

Utrum species sensibiles percipientur sensu, ut visibles visu.

ARTICULUS I

TRUM DENTUR SPECIES, QUAE SINT NECESSARIAE AD ACTUM SENTIENDI.

Videtur quod non sint necessariæ species sensibiles ad actum sentiendi.

1. Dicit enim Philosophus (*3. de Anima* l. 6; c. 4), quod sola anima intellectiva sit locus specierum; sed si sensus egeret species ad sentiendum et eas reciperet a b objecto, etiam sensus dici posset seu anima sensitiva locus specierum: quia tamen intellectus dicitur locus specierum, non quia habeat illas actu in se, sed quia potest illas recipere, ut dicit Philosophus (l. c.); ergo non sunt necessariæ species sensibiles in sensu ad actum sentiendi. — *3. de Anima* l. 7; *Quæst. disp. de Anima* l. 3, arg. 10.

2. Præterea, si dantur hæc species ab objectis exterioribus in sensibus impressæ, sequitur (ut argumentatur Philosophus in lib. *de Memoria et Reminisc.* c. 3, al. c. 2) sensum externum posse sentire rem absentem; nam cum sensus exterior sit conformis interiori, sicut hic potest per species permanentes abeuntibus sensibili-

bus apprehendere rem non præsentem: ita et ille propter prædictam conformitatem posset apprehendere rem non præsentem; sed hoc est falsum, nam sensus tantum apprehendit id, quod est præsens, non autem quod est præteritum vel futurum ut dictum est (supra q. 59, a. 2): ergo non dantur hujusmodi species. — *de Memoria et Reminisc.* l. 5.

3. Præterea, si sunt necessariæ hujusmodi species in sensu externo ad actum sentiendi, vel sunt ejusdem rationis cum objectis vel diversæ. *Non primum*, quia sensus est susceptivus formarum sine materia, ut dicitur 2. *de Anima* (*text.* 121; c. 12; et *text.* 138; l. 3, c. 2), objectum autem sensus externi habet esse materiale; et quia, ut dicit Commentator, omne recipiens debet esse denudatum a natura recepti: sic enim lingua infirmi quia est infecta humore cholericò et amaro, non potest percipere aliquid dulce, sed omnia videntur ei amara. *Neque secundum*, quia sic non repræsentabunt objecta; repræsentare enim est continere similitudinem alicujus. Ergo idem quod prius. — 2. *de Anima* l. 24; 3. *de Anima* l. 2.

4. Præterea, vel hæc species sunt indivisibles vel divisibles. *Non primum*, quia subjectantur in corpore divisibili; nullum autem indivisible est in divisibili, quia sic commensurarentur, quod dici non potest. *Neque secundum*, quia sic non posset ex omni parte medii, in quo dicuntur prius esse quam in sensu, videri objectum, quod est falsum. Ergo non sunt necessariæ hujusmodi species.

5. Præterea, si sunt necessariæ hujusmodi species in sensu externo ad actum sentiendi, — *vel primo*, ut sint medium sentiendi; et hoc non, quia sufficiens medium videndi oculo est lumen intrinsecum; — *vel secundo*, ut uniant objectum cum potentia, cum agens et patiens debent esse simul; et hoc non, quia ad hoc ut sensus exterior percipiat objectum, necessario debet esse distantia localis inter speciem et objectum; nam sensibile supra sensum positum non facit sensationem;

— *vel tertio*, ut determinet potentiam ad sentiendum; et hoc non, quia vires sensitivæ exteriore ex se sunt determinatæ ad suos actus: cuius signum est, quod non sunt susceptivæ ullius habitus, cuius est determinare potentiam; — *vel quarto* ad producendum sensationis actum; et hoc non, quia actus vitalis sufficienter elicitur a potentia vitali; — *vel demum* ad repræsentandum objectum; et hoc etiam non, *tum* quia quod repræsentat potentiae cognoscitivæ aliquid, debet ab illa cognosci, alioqui non duceret ipsam in cognitionem alterius; *tum* quia sensus non agit producendo similitudinem aliquam vel simulacrum objecti, in quo rem ad extra videat, sicut sensus internus et intellectus, quia quod videtur verbi gratia per visum, immediate est color et lux ad extra; et idem est de aliis sensibus externis, ad differentiam sensus interni (cujus objectum est similitudo rei externæ, eo quod potest percipere rem absentem) et intellectus, qui quia potest similiter intelligere rem absentem et denudatam a conditionibus individuantibus, necesse est ut sibi formet interius aliquam similitudinem et imaginem, in qua rem illam sic intueatur. Ergo non sunt necessariæ hujusmodi species in sensu externo ad actum sentiendi. — 1a 2æ, q. 50, a. 3, ad 3; *de Verit.* q. 14, a. 8, ad 4 et 5.

6. Praeterea, forma inferioris gradus non potest producere similitudinem sui in gradum altiore; sed forma sensibilis naturalis est inferioris gradus quam species sensibilis producta in medio vel in sensu: ergo forma sensibilis non potest producere speciem sensibilem; et per consequens cum non detur aliud producens, non dabitur talis species, et sic non erit necessaria ad sentiendum. — 1. c. *Gent.* c. 65, n. 8.

Sed contra est: 1. quod Philosophus (7. *Phys.* *text.* 11; c. 2) cum probasset in motu locali movens et motum debere esse simul, quia ad actionem requiritur contactus, idem probat in omni genere alterationis, et præsertim in alteratione sen-

sus. Dicit enim, quod objectum visibilis alterat aerem, cui conjunctus est, et aëris alteratus alterat visum, cui absque medio est conjunctus; sed aer non alteratur a colore, nec visus ab aere, nisi recipiendo aliquam formam; et *non eiusdem* speciei cum colore, quia visus non videat, debet esse denudatus ab omnino colore, ut dicit Philosophus; ergo *aliam* quam nos vocamus speciem sensibilem. — 7. *Phys.* l. 3 et 4.

2. Praeterea, 2. *de Anima text.* 51 (c. 5) dicit Philosophus, quod sensus est potentia passiva; et *text.* 52, quod si non patitur ab objecto, non est ratio, cur non sentiat se ipsum. Unde concludit *text.* 54 60 et 62, quod quia omnia quæ sunt in potentia, patiuntur et moventur ab activo et existente in actu, sensus patitur a objecto, quatenus recipit ab illo speciem ratione cuius sensus dum patitur ab illo dicitur illi dissimilis; sed cum jam passus est, dicitur factus illi similis, et talis quale est illud; quod idem dicit *text.* 118 (c. 11). Non potest autem sensus fieri talis *realiter*, quale est objectum, non enim color facit visum coloratum, qui cum dispositio materialis sensus non similis dispositioni materiali sensibilis sensus non est receptivus qualitatis sensibilis secundum esse materiale et naturale; color autem est qualitas habens in objecto sensibili esse materiale et naturale. Ergo debet fieri talis *intentionaliter* et *spiritualiter*, mediante specie illi impressa, quale est ipsum naturaliter et materialiter. — 2. *de Anima* l. 10, 12, 23, 24

3. Praeterea, 2. *de Anima text.* 67 (c. 7) dicit Philosophus, quod color est motivus perspicui in actu, et *text.* 71 quod perspicuum in actu, quod est susceptivum coloris, est sine colore; sed color non movet perspicuum nisi imprimendo aliquid; non potest autem imprimere colorum realem, quia color non est activus et multiplicativus sui realiter, sicut prima qualitates, quæ propterea solæ dicuntur a Philosopho activæ et passivæ ad invicem (2. *de Generat.* *text.* 8; c. 2): ergo de-

et imprimere colorem intentionalem seu esse sensibilem sui. — 2. *de Anima* 14, 15; 2. *de Generat.* 1, 2.

4. Præterea, 2. *de Anima* *text.* 74 et (c. 7) contra Democritum probat, quod inter visum et objectum esset vacuum, non posset videri tale objectum, et non si quia oportet ad hoc ut aliquid videatur, quod organum visus patiatur a visu, recipiendo aliquid ab illo. Non potest tamen pati ab ipso visibili immediate, ita visibile supra visum positum non detur, sicut nec aliud sensibile positum ab sensorium sentitur, ut docet Philosophus ibidem, *text.* 75 (c. 7) et *text.* 114 116 (c. 11), ubi universaliter concludit, quod sensibile positum supra sensorium non facit sensationem. Ergo debet ab illo recipi per aliquod medium, mediante quo accipiet formam aliquam ab objecto recipi; et sic necesse est quod detur aliquod medium inter visibile et visum. Quod tantum tollitur posito vacuo; unde sequitur quod si daretur vacuum, non sentiretur objectum. Quæ ratio manifeste supponit objectum producere aliquid in medio, et medium in sensu, quod expresse docet Philosophus 3. *de Anima* (*text.* 31; c. 7), ubi dicit, quod aer immutatur a bore, et sic immutatus pupillam immutando faciendo illam aliqualem, imprimendo accipiet illi speciem; et quod pupilla sic mutata immutat sensum internum, imprimendo scilicet illi speciem. Ergo necessaria est species in sensu ad actum intentionis. — 2. *de Anima* 1. 15, 23 et 3. *de Anima* 1. 12.

5. Præterea, 2. *de Anima* *text.* 121 (2) dicit Philosophus, quod sensus est quod est susceptivum formarum sine materia, eo modo, quo cera recipit similem anuli sine ferro et auro; et *text.* 13 (l. 3, c. 2) melius hoc explicans dicit quod quia sensus recipit formam sine materia, visus est aliquo modo color, quia recipit colorem sine materia; forma seu color sine materia nihil aliud quam species coloris a colore in visu producta, quæ quia est similitudo color-

ris, potest dici aliquo modo color, habens esse intentionale et spirituale: ergo dantur species in sensibus. — 2. *de Anima* 1. 24 et 3. *de Anima* 1. 2.

6. Præterea, 2. *de Anima* *text.* 138 (l. 3, c. 2) dicit, quod sensibilis et sensus actus idem est et unus; et *text.* 140 (ib.) sensibilis actus in sensitivo existit; et *text.* 141 (ib.) unus est actus sensibilis et sensitivi, esse autem alterum; — at nullus actus sensibilis potest esse in sensu præter speciem (nam hæc est perfectio sensus, et est effectus sensibilis, cum sit ab illo in sensu producta): ergo idem quod prius. — 3. *de Anima* 1. 2.

7. Præterea, Philosophus (*de Memoria et Reminisc.* c. 3, al. 1) dicit, quod sensibile imprimunt picturam quandam et figuram sensui, quomodo sigillans imprimunt figuram ceræ; ergo sicut figura ceræ impressa est aliqua forma in cera producta, ita pictura et figura sensui ab objecto impressa erit aliqua forma ab hoc in illo producta, quam nos vocamus speciem. — *De Memoria et Reminisc.* 1. 3; 2. *de Anima* 1. 12.

8. Præterea, 2. *de Anima* (*text.* 57; c. 5) et *de Somniis* (c. 2) dicit Philosophus, quod sensibilia in singulis sensibus efficiunt sensationem, quatenus in sensitivis faciunt passionem quandam, quam remanere probat in sensibus, sed præsertim in visu, etiam abeunte sensibili, per quatuor signa manifesta, quam passionem vocat (2. *de Anima* *text.* 138; l. 3, c. 1) formam sine materia: ergo vere objectum sensibile producit realem formam in sensu, quam nos dicimus speciem. — *de Somniis* 1. 2.

9. Præterea, *de Sensu et Sensibili* c. 2 dicit Philosophus, quod motus aer in medio facit videre; ergo objectum movet aerem; sed non alio motu quam alterationis: ergo vere objectum producit aliquam formam in aere seu in medio; sed non eandem specie cum forma objecti, cum color, quod est objectum visus, non sit activus: ergo diversam specie, quam nos vocamus speciem. Et c. 7 (al. 6) di-

cit, quod passio mediæ fit in instanti; ergo objectum agit in instanti in medium; at omnis actio terminatur ad aliquam formam vi actionis productam. Et c. 2 dicit, quod oculus in speculo videt se ipsum, quia species emissa ab oculo refleccitur et repercutitur a speculo ad oculum, et mediante illa deinde oculus videt seipsum, non autem speciem. Ergo datur species sensibilis. — *de Sensu et Sensibili* l. 2.

40. Praeterea, visus determinatur ad videndum aliquid determinatum per aliquid prævium visioni; sed non determinatur per lucem (nam hæc est indifferens ad omnia visibilia), neque determinatur per objectum extra (nam hoc terminat visionem): ergo debet determinari ab objecto externo mediante specie sensibili ab objecto in visu producta. — *de Verit.* q. 2, a. 5, in c. et ad 10.

RSPONDEO DICENDUM, quod necesse est dicere, quod in omni sensu tam interno quam externo necessario requiritur ad actum sentiendi species sensibilis ab objecto in sensu externo producta. Quod multipliciter potest esse manifestum: — et *primo* ex natura cognitionis. Hæc enim ex natura sua petit fieri per assimilationem et similitudinem objecti. Quod patet: *primum* quia, cum duplex sit actio, sicut dicitur 9. *Metaphys.* (text. 16; l. 8, c. 8): una, quæ manet in agente, ut videre et intelligere; et altera, quæ transit in exteriorem materiam, ut calefacere et secare; et utraque fiat secundum aliquam formam; — *sicut* forma secundum quam provenit actio *tendens in exteriorem materiam*, est similitudo objecti actionis, ut calor calefaciens est similitudo calefacti; ita forma secundum quam provenit actio *manens in agente*, est similitudo objecti. Unde sicut similitudo rei intellectæ est forma, secundum quam intellectus intelligit; ita similitudo rei visibilis est forma, secundum quam visus videt. Ergo sicut forma intellectus dicitur species intelligibilis, ita forma visus dicitur species sensibilis. Et hinc est, quod Philosophus (3. *de Anima* text. 38; c. 8) dicit, quod lapis non est in

anima, sed species et forma lapidis. — 1 q. 47, a. 2 et 3, c.; q. 85, a. 2. c.; *Verit.* q. 2, a. 6, c. — *Deinde* quia, si res habet esse per propriam formam, virtus cognoscitiva habet cognoscere per similitudinem, ut omnes philosophi antiqui communis consensu dixerunt, ut dicit Philosophus (1. *de Anima* text. 77; c. 5, et alibi passim). Et ratio huius est, quia anima est quodammodo omnia, ut inquit Philosophus (3. *de Anima* text. 37; c. 8). Nam omnia materialia sunt in spiritualibus substantiis a quo modo tamquam in causis universalibus; et anima secundum virtutem sensitivam est in potentia ipsa sensibilis, sicut secundum intellectivam intelligentiam, ut ex eodem Philosopho dictum est: unde necesse est quod omnia sensibilia in sensu secundum aliquod proportionatum sensui, et similiter intelligibilia in intellectu secundum esse proportionatum; illud autem est et sensibile, hoc autem intelligibile. Quid vero omne esse est secundum aliquam formam, oportet quod esse sensibilerum materialium sit secundum formam sensibilem, sicut esse intelligibile earum secundum formam intelligibile. Sicut autem forma intelligibilis in intellectu dicitur species intelligibilis, et immaterialis quedam similitudo rei materialium; ita forma sensibilis in sensu dicitur species sensibilis, et erit similitudo in sensu existens repræsentatio rei sensibilis externæ.

Secundo, potest idem esse manifestum ex eo quod oportet ex cognoscenti cognito fieri unum. Sicut enim intellectus in actu est intellectum in actu, ita et sensus in actu est sensibile in actu; potest autem fieri unum ex utroque super speciem et similitudinem objecti; non enim sensus in actu dicitur fieri objectum seu sensibile in actu, quia objectum sensibile fiat substantia vel per substantiæ sensus vel intellectus; non quia objectum, mediante forma et spiritu in sensu producta, fit forma illius et

iunctione utriusque fit hoc unum, quod sensus in actu — : ergo necessario endum est, requiri ad sensationem eiem a sensibili in sensu productam. 1a, q. 17, a. 2, c; 1. *Sent.* dist. 35, q. a. 1, ad 3; *Quodl.* 8, a. 4, c.; *de Verit.* 2, a. 2, c.

Tertio, idem patet ex necessario con-
tu moventis et moti, et necessaria si-
tate utriusque. Cum enim omne mo-
vis et motum necessario debeant esse
nihil, quod in omni etiam alteratione
e probat Philosophus 7. *Phys.* (*text.*
sqq.; c. 2), et objectum sensibile im-
petet et agat in sensum — quod patet
ex medio, quod necessario debet in-
cedere inter sensum et objectum, ut
cum est ex. Philosopho (non enim ul-
n agens eget medio, nisi sit actio per
um, alioqui in ipso recipetur); *tum*
præsentia objecti necessario requisita
sensationem (non enim intelligi potest,
omodo haec præsentia faciat ad sensa-
tionem sensus externi, si non agat in ip-
sum sensum: quia nec esset ratio, cur
rectum valde distans non sentiretur;
o enim requiritur determinata distan-
ad visionem objecti, quia operatio
sensitiva perficitur per actionem sensibi-
i in sensum, quæ est actio situialis ad di-
ctionem operationis intellectus, quæ
determinatur per aliquem situm; et
sequenter non esset ratio, cur non ita
videatur objectum distans atque
proximum, cum tamen difficiliter vide-
mus illud quam hoc, et non nisi quia
poris distantis debilior est impressio,
ideo difficilius illud sentimus; neque
huius esset ratio, cur objectum pro-
ximum majus appareat quam distans):
necessario dicendum est, quod objectum
sensibile simul sit cum sensu, quem im-
pat: non potest autem esse simul rea-
r seu secundum suam substantiam,
a sensibile positum supra sensorium
in facit sensationem, ut manifeste con-
sit in visu: ergo debet simul esse inten-
sionaliter seu per speciem in medio, et
hoc in sensu productam.

Quarto, probatur ex sensu interno: hic enim absentibus sensibilibus percipit rem tamquam præsentem, quæ non est præsens, unde errat persæpe; et memoria sensitiva rei præteritæ memoratur. Sed neuter sensus potest percipere objectum sive falso sive vere, nisi adsit aliqua species et similitudo sensibilis absentis. Neque enim dici potest remanere sensationem sensus externi; nam hic tantum potest percipere rem præsentem, ut dictum est (supra q. 59, a. 1); — neque sensationem sensus interni, puta imaginationis, quia sic semper sensus internus esset in actu, quod est falsum et contra experientiam, ut dictum est (v. infra q. 96, a. 5, c.). — 7. *Phys.* l. 4; 2. *de Anima* l. 6 et 16; lib. 3, l. 7; *de Verit.* q. 10, a. 8, ad 1; 2. *de Cœlo et Mundo* l. 12. — *Quinto* probatur experientia speculi: in speculo enim quis videt se; sed non potest se vide-
re nisi per aliquam speciem productam ab ipso vidente, quæ a speculo reflectitur ad eumdem, mediante qua videns se videt, ut dictum est ex Philosopho (*de Sensu et Sensibili* c. 2). — V. supra arg. 9. *Sed contra* (huj. art.). — *Sexto*, si ad sentien-
dum non requirerentur species, sola immutatio naturalis sufficeret ad sentien-
dum; et sic omnia corpora naturalia sen-
tirent, dum alterantur; quod est fal-
sum. — 1a, q. 78, a. 3, c.

Septimo, in patria omnes sensus erunt in actu, *tum* quia potentia conjuncta actu est perfectior quam non conjuncta; sed natura humana erit in beatis in maxima perfectione: ergo erunt omnes sensus in actu; — *tum* quia vicinius se habent potentiae sensitivæ ad animam quam cor-
pus; sed corpus præmiabitur vel punie-
tur secundum delectationem et dolorem, quæ in operatione consistunt; — *tum*
quia alioqui vita sanctorum in cœlis assi-
milabitur magis somno quam vigiliæ; quod non competit illi perfectioni, eo
quod in somno corpus sensibile non est in ultimo actu vitæ, propter quod somnus
dicitur vitæ dimidium (1. *Ethic.* c. 13);
sed non erunt semper in actu secundum

naturalem immutationem (nam tollitur ab impassibilitate) : ergo erunt secundum immutationem *spiritualem* per receptionem specierum sine materia. Ergo dicendum est necessariam esse speciem sensibilem in sensu tam interno quam externo ad sensationis actum producendum. — 4. *Sent.* dist. 44, q. 1, a. 3, sol. 4; et q. 2, a. 1, sol. 3 et 4.

Ad primum ergo dicendum est, quod sensus non recipit speciem absque organo ; et ideo non dicitur locus specierum, sicut intellectus. — *Quæst. disp. de Anima*, a. 3, ad 10.

Ad secundum dicendum, quod sensus externus per speciem ab objecto sibi impressam non sentit rem absentem ; illam tamen sentit sensus interior, *vel* quatenus similitudo objecti remanet abeunte sensibili, *vel* quatenus species sensibilis se multiplicat producendo aliam speciem in sensu interno, ut docet Philosophus (3. *de Anima* text. 31; c. 7), quæ deinde remanet, et est objectum sensus interni, ut dictum est (supra q. 59, a. 2, c.). — *de Memoria et Remisc.* l. 3; 1a, q. 78, a. 4, ad 2; *de Spirit. Creat.* a. 10, ad 17; 3. *de Anima* l. 12.

Ad tertium dicendum, quod species necessaria ad sensationem est diversæ rationis quoad esse naturæ ; est autem ejusdem rationis in esse repræsentativo : non enim requiritur ad cognitionem similitudo secundum convenientiam in natura inter cognoscentem et cognitum, sed tantum similitudo secundum repræsentationem. — *de Verit.* q. 2, a. 3, ad 9; q. 8, a. 14, ad 3; q. 10, a. 4, ad 4.

Ad quartum dicendum, quod species sensibiles sunt per accidens divisibles, cum dividantur ad divisionem subjecti, in quo recipiuntur, puta organi et medii ; et sunt indivisibles secundum propriam rationem et per se, quia in quacumque parte medii est tota species quoad repræsentationem.

Ad quintum dicendum, quod species sensibilis est necessaria ad actum sentienti primo ut *medium quo*. Triplex enim est

medium in visione corporali et intellectuali. *Primum est medium sub quo* videtur ; et hoc perficit visum ad videndum in generali, non determinans visum ad aliquod objectum speciale ; et hoc munus oblit respectu visus corporalis lumen corporale et respectu visus spiritualis sive intellectus possibilis lumen intellectus agentis. *Secundum est medium quo* videtur ; et hoc est forma visibilis, qua determinatur uterque visus ad speciale objectum : non enim potest lumen corporale determinare visum ad species determinatas colorum, nisi ad sint colores determinantes visum medianis tibus speciebus. *Tertium est medium in quo* videtur ; et hoc est illud, per cuju inspectionem ducitur visus in aliam rem sicut inspiciendo speculum ducitur in ea quæ in speculo repræsentantur. — *Secondo*, species est uniens objectum cum potentia, cum ex objecto sensibili et sensitiat unum in actu, ut dictum est (in c.). — *Tertio*, est forma qua cognoscens cognoscit : sicut enim res habet esse per formam, ita virtus cognoscitiva habet cognoscere per formam et similitudinem cognitae, ut dictum est (in c.). — 4. *Sent.* dist 49, q. 2, a. 1, ad 15; v. *Capreolum* 2 *Sent.* d. 3, q. 2, ad primum Duran contra quartam conclus. (1); *Quæst. disp. de Anima* a. 5, ad 6; 1a, q. 17, a. 3, c. *Quodl.* 7, a. 1, c.

Ad sextum dicendum, quod actio sensibilis formæ ad diffusionem similitudini suæ formæ in medio secundum spiritualem intentionem convenit sibi secundum quod participat aliquid de proprietatibus superioris naturæ, scilicet substantiarum separatarum, quia inferiora semper aliquam superioris participationem habent et ideo agens secundum propriam formam ignobilis potest producere formam nobiliorum, ut participans naturam superiorem. — *de Pot.* q. 5, a. 8, c.

(1) Edit. Venet. an. 1589, t. 2, pag. 174, f.

ARTICULUS II

UTRUM SPECIES SENSIBILES SINT DIVERSAE
SPECIEI A QUALITATIBUS SENSIBILIBUS.

Videtur quod species sensibiles sint iusdem speciei cum qualitatibus sensibilibus.

1. Dicit enim Philosophus (*7. Metaphys. ext. 30*; *l. 6, c. 9*), quod omnia sunt ab univoco, sicut naturalia; sed artificialium principium est species existens in anima: ergo species est ejusdem rationis cum forma artificiali extrinseca. — *7. Metaphys. l. 8*.

2. Praeterea, species est similitudo obiecti, ut dictum est (art. praeced.); sed similitudo proprie est inter ea quae convenient in eadem specie; ut enim ait Philosophus (*3. Metaphys. text. 20*; *l. 1, c. 15*), similia sunt, quorum est una et eadem qualitas: ergo species est ejusdem speciei cum qualitate sensibili. — *3. Metaphys. l. 17 (20)*.

3. Praeterea, species sensibili est principium cognoscendi secundum rationem, in qua communicat cum re exteriori; sed species perducit in cognitionem rei secundum suam rationem specificam: ergo necessario debet communicare cum illa in ratione specifica, et consequenter debet esse ejusdem rationis et speciei cum re externa. — *4. Sent. dist. 49, q. 2, a. 1, c. ; 3.c. Gent. c. 49, rat. 2. ; de Verit. q. 10, a. 4, ad 4.*

4. Praeterea, propterea essentia divina non potest videri per ullam speciem creatam, quia nulla res creata potest esse eadem specie cum natura divina; ergo omnis species debet esse ejusdem speciei cum re quam representat, et per consequens species sensibilis cum qualitate sensibili. — *c. Gent. c. 49, rat. 3.*

Sed contra est: 1. quod Philosophus (*2. de Anima text. 116*; *c. 11*) dicit, quod sensibile positum supra sensorium non facit sensationem; ergo species, quae est

in sensu, debet esse diversae rationis a forma sensibilis, alioqui non faceret sensationem. — *2. de Anima l. 23.*

2. Praeterea, albedo et nigredo cum sint contrarie, non possunt esse in eodem subiecto; sed species albedinis et nigredinis possunt esse in eodem medio et in eodem sensu: ego species sensibiles sunt diversae rationis a qualitatibus sensibilibus. — *de Sensu et Sensibili l. 5.*

3. Praeterea, sensus non est capax formae rei sensibilis, cum non habeat dispositionem materialem similem dispositioni materiali rei sensibilis: sed est capax speciei sensibilis: ergo species sensibilis non est ejusdem rationis cum qualitate sensibili. — *2. de Anima l. 24.*

4. Praeterea, qualitas sensibilis habet esse materiale, atque adeo in materia; sed species sensibilis non habet esse in materia, nam est forma sine materia, ut dictum est (art. praeced.) ex Philosopho: ergo species sensibilis non est ejusdem rationis cum qualitate sensibili.

RESPONDEO DICENDUM, quod necesse est dicere, quod species sensibiles sunt diversae speciei a qualitatibus sensibilibus. Ad cuius evidentiam sciendum, quod similitudo aliquorum duorum ad invicem potest dupliciter attendi: — *uno modo* secundum convenientiam in natura; et talis similitudó non requiritur inter cognoscendum et cognitum: *tum* quia videmus quandoque, quod quanto talis similitudo est minor, tanto cognitio est perspicacior; sicut minor est similitudo speciei quae est in intellectu ad lapidem, quam illius quae in sensu ad eundem, cum sit magis a materia remota, et tamen intellectus perspicacius cognoscit lapidem quam sensus; *tum* quia non est similis dispositio in organo sensus ad recipiendam speciem, atque in objecto ad recipiendam qualitatem sensibilem, ut dictum est (art. praeced.); formae autem ejusdem speciei exigunt etiam in subjecto easdem dispositiones, cum quaelibet forma recipiatur in materia disposita. — *Alio modo* secundum representationem; et haec similitudo re-

quiritur inter cognoscentem et cognitum, et reperitur in specie sensibili respectu qualitatis sensibilis, sicut et in specie intelligibili respectu rei omnino materialis. — *de Verit.* q. 2, a. 3, ad 9; q. 8, a. 11, ad 3; et art. præc., c.

Ad primum ergo dicendum, quod Philosophus dicit dominum fieri a domo quodammodo univoce, quia est similitudo secundum formam, sed non secundum modum eundem essendi formæ. — 7. *Metaphys.* l. 8.

Ad secundum dicendum, quod inter speciem et objectum, cuius ipsa est similitudo, non debet esse similitudo in natura, de qua loquitur Philosophus loco citato in argumento, sed similitudo secundum representationem, ut dictum est (in c.). — *de Pot.* q. 8, a. 1, c.

Ad tertium dicendum, quod species sensibilis dicitur esse ejusdem rationis, et communicare in natura cum re sensibili, quia ambae communicant in *forma*, nam utraque est forma; differunt autem in *esse*, quia forma in objecto habet esse naturale et materiale, in sensu vero habet esse intentionale et spirituale, ut dictum est (art. præced.). — 7. *Metaphys.* l. 8.

Ad quartum dicendum, quod essentia divina non potest videri per speciem creatam: — *primo*, quia impossibile est quod aliquod ens creatum sit perfecte actus et similitudo omnium entium, quia sic infinitè possideret naturam entitatis. — *Secundo*, quia cum omne quod recipitur in aliquo, sit in eo per modum recipientis, talis species esset in intellectu nostro per modum nostri intellectus; modus autem intellectus est deficiens a receptione perfecta divinæ similitudinis. Quod patet, quia ad hoc quod intellectus intelligat aliquam quidditatem, oportet quod in eo fiat similitudo ejusdem rationis secundum speciem, quamvis non sit idem modus essendi utrobique; — non enim forma existens in intellectu vel sensu, est principium cognitionis secundum modum essendi, quem habet utrobique, sed secundum rationem, in qua communicat cum

re exteriori; non potest autem dari ullæ species creata, quæ sit ejusdem rationis secundum speciem cum divina essentia ut manifestum est. — *de Verit.* q. 20, a. 2, c.; q. 8, a. 1, c.; 4. *Sent.* dist. 49, q. 2 a. 1, c.; 3. c. *Gent.* c. 49, rat. 2. — *Tertio* quia si daretur talis species, non immediate videretur Deus, cum tamen beatitudine debeat esse immediate visio Dei quæ proinde dicitur *visio faciei*. Sequitur probatur, quia ideo creature corporale non dieuntur immediate videri, nisi quando id, quod in eis est conjungibile visu ei conjungitur, quia non sunt conjungibles per essentiam ratione suæ materialitatis; et ideo tunc immediate videntur quando eorum similitudo intellectui conjugitur; sed Deus per essentiam conjungibilis est intellectui: unde non immediate videretur nisi essentia sua coniungeretur intellectui. — 4. *Sent.* c. ad 16; *de Verit.* q. 8, a. 5, ad 5 et c. — *Quarto*, omnis species intelligibili per quam intelligitur quidditas vel essentia alicujus rei, comprehendit in representando rem illam; unde et orationes significantes quod quid est, terminos et rationes et definitiones vocamus; impossibile autem est quod aliqua similitudine creata totaliter Deum repræsentet. Cui enim adæquatio in repræsentando fundetur super adæquatione naturæ inter speciem et rem intellectam, sicut impossibile est adæquari Deum et speciem creatam in natura (quia quælibet similitudo creata est determinati generis, cui omne creatum ad aliquod genus vel speciem terminetur; divina vero essentia est infinita comprehendens in se omnem perfectionem totius esse): ita impossibile est dari speciem creatam, quæ in representando adæquet divinam essentiam. — *Postremo*, quia superflua esset hujusmodi species; quia enim visibilia non sunt tantum, ideo oportet ad hoc quod visus determinetur ad ea, quod non solum sibi lumen, sed etiam species rei visæ; sed essentia divina est pure lux, et ideo non requirit ullam speciem quam ipsum lumen.

videatur. — *Quodl.* 7, a. 1, c. (non dicit positum, si attente legatur) ; 3. c. *Gent.* 49, rat. 3 et 4 ; v. *Ferrariensem.*

ARTICULUS III

TRUM SPECIES SENSIBILES SENSU EXTERNO
PERCIPIANTUR, UT SPECIES VISIBILES VISU.

Videtur quod species sensibiles sensu interno percipientur.

1. Dicit enim Philosophus (*2. de Anima* text. 121; c. 12; et *de Memoria et Reminisc.* c. 2, al. 1), quod species sensibiles sunt figuræ quædam et picturæ sensus; figura et pictura necessario debet recipi a potentia cognoscitiva ad hoc, ut cum deducat in cognitionem rei figuratae pietæ : ergo species sensibilis sensu interno percipitur. — *de Memoria et Reminisc.* l. 3; *2. de Anima* l. 24.

2. Præterea, 1. *Poster.* (*text.* 5; c. 2) dicitur, quod propter quod unumquodlibet est, ipsum magis est; sed propter species sensibiles videntur objecta sensitiva : ergo ipsæ magis debent videri. — q. 87, a. 2, arg. 3.

3. Præterea, dicit Philosophus (*de Memoria et Reminisc.* c. 2, al. 1), quod phantasma potest non solum percipi secundum suum esse, sed etiam quatenus præsentativum, sicut animal pictum est videri non solum quatenus animal sed etiam quatenus imago; sed phantasma nihil aliud est quam species sensibilis, quæ remanere potest abeunte sensitiva, ut dicit Philosophus (*de Somniis* c. 2): o species sensibilis potest videri. — *de Memoria et Reminisc.* l. 3; *de Somniis*.

4. Præterea, Philosophus dicit (*de Somniis* c. 2), quod abeunte sensibili sensus visus adhuc videt visibile; sed sensus exterior atque adeo visus non potest videre nisi rem præsentem et existentem, dictum est (supra q. 59, a. 2) : ergo non sit præsens res visibilis, sed

tantum species, illa est, quæ videtur, et non res. — *de Somniis* l. 2.

5. Præterea, oculus in speculo videt imaginem sui; sed illa imago nihil aliud est quam species (cum enim potentia sensitiva non possint reflectere se supra se, non potest oculus videre se ipsum, sicut nec actum suum) : ergo idem quod prius. — *de Sensu et Sensibili* l. 4; 1. *Sent.* dist. 17, q. 1, a. 5, ad 3; 3. *Sent.* dist. 23, q. 1, a. 2, ad 3; *Quodl.* 10, a. 7.

6. Præterea, sensibile in actu est in sentiente, quia sensibile in actu est ipse sensus in actu, ut dicitur 2. *de Anima* (*text.* 118; c. 11); sed nihil de re sensibili est in sensu in actu, nisi species sensibilis producta in illo ab objecto : ergo hujusmodi species est ipsum sensibile in actu, et consequenter ipsa est, quæ videtur. — 1a, q. 85, a. 2, arg. 1.

Sed contra est : 1. quod objectum visus tantum est color et lumen, ut dicit Philosophus (*2. de Anima* *text.* 66; c. 7); sed illud tantum cognoscitur a virtute cognoscitiva, quod est ejus objectum : ergo cum species sensibilis neque sit color neque lumen, non poterit sensu externo sentiri. — 2. *de Anima* l. 13 et 14; 1a, q. 87, a. 3, arg. 1.

2. Præterea, visus non potest cognoscere nisi illud, cuius species spiritualiter in pupilla potest recipi; recipiuntur autem in oculo tantum species coloratorum et lucidorum : ergo species sensibiles non videntur. — 2. *de Anima* l. 13 et 14.

3. Præterea, dicit Philosophus (*2. de Anima* *text.* 116; c. 11), quod sensibile positum supra sensorium non facit sensationem; sed species sensibilis est in sensorio, est enim actus ipsius : ergo species sensibilis non sentitur sensu externo. — 2. *de Anima* l. 23.

RESPONDEO DICENDUM, quod sensus externus non potest percipere speciem sensibilem in se ab objecto sensibili productam. Quod multipliciter potest apparere : — et primo quidem, quia sensus externus sentit secundum immutationem materialis organi ex sensibili exteriori; non est

autem possibile, quod aliquid materiale immutet scipsum, sed unum immutatur ab alio; et ideo nec species, quæ est in organo, nec actus sensationis, qui est actus organi, potest percipi directe a sensu externo, sed tantum ab interno. (1a, q. 87, a. 3, ad 3.) — Secundo, quia sensus non potest cognoscere, nisi secundum quod fit actu per speciem sensibilem; sicut nihil aliud potest operari secundum quod est potentia, sed secundum quod fit actu per aliquam formam. Unde hæc similitudo se habet in sentiendo sicut sentiendi principium, ut calor est principium calefactionis; sed principium actionis non est nec potest esse terminus illius: ergo cum id, quod videtur, sit terminus cognitionis, non potest species sensibilis esse id, quod videtur, saltem directe et per se; sed hoc erit id, cuius est similitudo talis species, ut patet similiter in intellectu. Et confirmatur; nam licet illud, quo cognoscimus sicut *instrumento*, potest cognosci tamquam objectum, et debet esse primo notum (et sic cognoscimus conclusiones per principia naturaliter nota, ad quæ naturaliter comparatur intellectus agens sicut ad instrumenta, ut dicit Commentator 3. *de Anima*); — illud tamen, quo cognoscimus sicut *forma cognoscentis*, non oportet quod cognoscatur per se et directe (ut patet, quia nec oculus videt lucem, quæ est de sui compositione); ergo nec videbit speciem, per quam videt (*de Pot.* q. 9, a. 5, c.; *Quodl.* 10, a. 7, ad 2). — Tertio, quia inter potentias animæ solus intellectus reflectitur supra se, cognoscendo actum suum et ea, quæ in se sunt. Unde licet una potentia sensitiva possit cognoscere actum *alterius*, nulla tamen talis potentia potest reflecti supra se, cognoscendo actum *suum*: quia oporteret quod instrumentum, quo cognosceret, caderet medium inter ipsam potentiam et instrumentum, quo prius cognoscebat; sed eadem est ratio de actu proprio atque de specie. Unde manifestum est, quod species sensibilis non cognoscitur a sensu externo. — 3. *Sent.*

dist. 23, q. 1, a. 2, ad 3; v. Capreolu in 1. *Sent.* d. 35, q. 2, conclus. 5; pa 466, a et b.

Ad primum ergo dicendum, quod speci sensibilis respectu sensus *externi* c *medium quo* et *forma* cognoscendi, ut c etum est (supra a. 1 hujus quæst.); r spectu autem sensus *interni* est *objectum* quod percipitur, ut etiam dictum est (s pra q. 59, a. 2 et 3). — *de Memoria Reminise.* l. 3; 1. *Sent.* l. c. q. 1, a. 5, ad

Ad secundum dicendum, quod illa ppositio (propter quod unumquodque, ei vera est, si intelligatur in his, quæ su unius ordinis, puta in uno genere caus: ut si dicatur, quod sanitas est desiderabilis propter vitam, sequitur quod vita magis desiderabilis. Si autem accipiat ea, quæ sunt diversorum ordinum non est vera: ut si dicatur, quod sanitas est desiderabilis propter medicinam, n ideo sequitur quod medicina sit magis desiderabilis, quia sanitas est in ordinum, medicina vero in ordine causarum efficientium. Sic igitur si accipiamus du quorum utrumque sit per se in ordinum objectorum cognitionis, illud, propter quod aliud cognoscitur, erit magis notum, sic principia conclusionibus; sed species se sibilis non est in ordine objectorum; n enim aliqua cognoscimus propter specie tamquam propter objectum cognitum, s sicut formam, qua cognoscens cognosci et ideo ratio non sequitur. — 1a, q. 8, a. 2, ad 3.

Ad tertium dicendum, quod phantasma relictum est objectum sensus interni non autem externi, ut dictum est (ad 1). — 1a, q. 85, a. 2, et alibi.

Ad quartum dicendum, quod quia sensus communis utilit sensibus particulibus sicut organis et instrumentis, ut cit Philosophus *de Sensu et Sensibili* c ubique enim sunt diversæ potentiae ordinatae, inferior ordinatur ad superiorem per modum instrumenti, eo quod superior movet inferiorem; actio autem attribuitur principali agenti per instrumentum: sicut artifex dicitur secare p

ram); et quia sensus communis continetur cum sensu externo et terminat imitationem illius; — ideo vocatur nomine sensus externi, puta visus, auditus, &c. de singulis. Et propterea cum Philosophus dicit, quod a leunte visibili videt adhuc videt visibile, vel quod videt videre, nomine *visus* intelligit *sensum rnum*, ut habet continuationem cum interno, vel quatenus utitur illo tam instrumento; alioqui sensus externus nec percipit rem praeteritam vel futuram, sed tantum praesentem, ut dictum (q. 59, a. 2), nec potest percipere se ipsum, ut docet Philosophus *de Sensu et sensibili* c. 3. — 3. *de Anima* l. 2; variensem in 2. *c. Gent.* c. 60.

Id quintum dicendum, quod oculus videt in speculo imaginem vel speciem, sed per illam reflexam a speculo ad ipsum videt se. Quod patet manifeste, a *imago et species rei visae non est in speculo ut forma absolute quiescens in objecto, sed generatur ex reverberatione*; et ideo quamdiu est una superficies cœli, sit una reverberatio, et per conuens una *imago resultat*; fracto autem speculo, sicut sunt multæ superficies, ita multæ reflexiones et imagines multæ revertantur. Si autem esset forma absolute quiescens in subjecto, aut esset consequens quantitatem, sicut albedo, quæ fundatur in superficie, aut præcedens quantitatem, ita forma substantialis. Si primo modo, necessitate esset tota in toto, et pars parte ante fractionem speculi et post; ulti esset secundo modo, esset ante post tota in toto et tota in partibus, ita tota forma substantialis ligni est in libet parte illius; quia totalitas formæ substantialis non recipit quantitatis totalitatem, sicut est de totalitate formarum identalium, quæ fundantur in quantitate et presupponunt ipsam. — *de Sensu sensibili* l. 4; 4. *Sent.* dist. 10, q. 1, a. sol. 3.

Id sextum dicendum, quod sensibile est sentiente per suam similitudinem; et hunc modum dicitur, quod sensibile

in actu est sensus in actu, in quantum similitudo rei sensibilis est forma sensus sicut similitudo rei intelligibilis est forma intellectus in actu. Unde non sequitur, quod species sensibilis sit id, quod actu sentitur, sed quod sit similitudo ejus, sicut similiter species intelligibilis non est id, quod actu intelligitur, sed est similitudo ejus. — 1a, q. 85, a. 2, ad 1.

QUESTIO LXI

DE SENSATIONE.

Deinde considerandum est de sensatione.

CIRCA QUAM QUÆRITUR:

Utrum sensatio consistat tantum in receptione speciei sensibilis.

ARTICULUS

UTRUM SENSATIO TANTUM CONSISTAT IN RECEPTIONE SPECIEI SENSIBILIS.

Videtur quod sensatio tantum consistat in receptione speciei sensibilis.

1. Dicit enim Philosophus (2. *de Anima* text. 138, 139, 140; l. 3, c. 2), quod una et eadem est operatio sensus et sensibilis, sed ratione differunt, quia idem actus est sensibilis ut a principio a quo, et sensitivi ut in subjecto; sed operatio sensibilis est productio speciei in sensu: ergo et operatio sensus erit receptio hujus speciei. — 3. *de Anima* l. 2.

2. Præterea, dicit Philosophus 2. *de Anima* text. 51. (c. 5), quod sentire nihil aliud est quam moveri et pati; est enim (inquit) sensus in actu quædam alteratio: quod autem alteratur, patitur; sed sensus patitur ab objecto: quod enim est in potentia, patitur et movetur ab activo et existente in actu, ut dicitur text. 54; sensus autem est tantum potentia passi-

va, ut dicitur *text.* 54, et activum sensitivæ operationis est extra, nempe visibile, audibile et similia, ut dicit Philosophus *text.* 59 (c. 5) : ergo sensatio nihil aliud est, quam receptio speciei ab objecto. — 2. *de Anima* l. 10, 11 et 12.

3. Præterea, dicit Philosophus (2. *de Anima* *text.* 54; c. 5), quod idem est sensum moveri et pati, et agere; sed sensus patitur, quatenus recipit speciem ab objecto : ergo sensus etiam dicitur agere, quatenus recipit eandem speciem; et sic sensatio nihil aliud erit quam receptio speciei. — 2. *de Anima* l. 10.

4. Præterea, si sensatio est actio, vel idem sensus est agens et patiens, vel alius est sensus agens, et alius patiens; sed neutrum dici potest. Non primum : tum quia ejusdem potentiae non est agere et pati ; tum quia, cum sensus sit in potentia ad sensibilia, non potest poni sensus agens, sed tantum patiens. Neque secundum, quia in hoc distinguuntur inter se potentiae animae, quod in parte nutritiva omnes potentiae sunt activae; in parte vero intellectiva est aliquid activum et passivum; in parte autem sensitiva omnes potentiae sunt passivae; unde et Philosophus sensum vocat potentiam tantum passivam. Ergo sensatio non consistit in actione, sed in receptione sola speciei. — *de Verit.* q. 26, a. 3, arg. 4; 1a, q. 79, a. 3, arg. 1 et ad 1.

Sed contra est: 1. quod Philosophus (*de Sensu et Sensibili* c. 2) dicit, quod sensatio non consistit in receptione speciei, sed in actione virtutis sensitivæ; et ibidem asserit, quod sensibile facit sensum agere et operari; et (2. *de Anima* *text.* 37; c. 4) dicit, quod anima est causa efficiens sensationis; sed omne efficiens habet actionem: ergo sensatio non consistit tantum in receptione speciei, sed in actione elicita ab ipsa potentia sensitiva. — *de Sensu et Sensibili* l. 4 et 5; 2. *de Anima* l. 7.

2. Præterea, dicit Philosophus (3. *de Anima* *text.* 28; c. 7), quod motus ille, quo sensus alteratur a sensibili, recipiendo ab ipso speciem sensibilem, est *actus imperfecti*

(et ratio hujus esse potest, quia omne quod est in potentia, in quantum hujusmodi, est imperfectum, et ideo ille motus est *actus imperfecti*); motus autem, quo sensus Jain factus in actu per suam speciem, operatur, est *actus perfecti*, quia nimis sentire non convenit sensui nisi in actu existenti; ergo sensatio non consistit tantum in receptione. — 3. *de Anima* l. 12.

3. Præterea, nobilior est agere quam pati; sed potentia nutritiva est activa; ergo potentia sensitiva, quæ est nobilior, erit activa. — *de Verit.* q. 26, a. 3, arg. 5.

RESPONDEO DICENDUM, quod sensatio non consistit in receptione speciei sensibilis sed in operatione consequente talem receptionem. Ad cuius evidentiam considerandum est, quod proprie loquendo de actione, secundum quod in naturalibus sumitur, aliud est actio, aliud operatio. Operatio enim agentis *quædam* est u transiens in effectum: et hæc proprie *actio* vel *passio* dicitur, seu operatio activa et passiva; et tali actioni responde passio: unde invenitur calefactio actio et calefactio passio. *Quædam* vera operatio est, quæ non significatur u procedens in aliquem effectum, sed magis secundum quod est aliquid in ipso et siquidem hæc recipitur in ipso, illa receptione dicitur passio; et actio consequens conjunctum ex recepto et recipiente dicitur *operatio*, quia operatio semper est perfecti. — Et sic se res habet in sensu: sentire enim est *quædam* operatio sentientis, non procedens in effectum aliquem circa sensibile, sed magis secundum quod species sensibilis in ipso est. Unde sentire, quantum ad ipsam receptionem speciei sensibilis, nominat passionem similiter et intelligere, quod etiam *quædam* pati est, ut dicitur 3. *de Anima* (*text.* 2; c. 4). Sed quantum ad actionem consequentem ipsum sensum perfectum per speciem, nominat operationem, qua dicitur motus sensus, quo scilicet anima dicitur se mouere. De quo motu dicitur 3. *de Anima* (*text.* 28; c. 7), quod est actu-

perfecti : est enim hujusmodi operatio perfectio operantis, sicut operatio activa est perfectio operati, non autem operantis; et omnes tales operationes non habent passiones respondentes, nisi per modum significandi tantum ; sicut cum aliquid dicitur sciri, non ponitur aliqua passio secundum rem in seculo, sed solum qui un respectus ad scientem secundum rationem, qui per modum passionis significatur a grammatico, sicut et operatio per modum actionis ; unde dicitur, quod sentire est activum et sciri passivum. Et sic videtur, quod sentire non est receptio species, nisi causaliter ; formaliter enim consistit in operatione quadam consequente idem receptionem, tamquam effectu suam causam. — 1. *Sent. dist. 40, q. 1, a. 1, c.*; *dist. 13, q. 5, a. 3, ad 4; de Verit. q. 8, 6, c.*; *de Pot. q. 10, a. 1, c.*; *de Sensu Sensibili l. 4.*

Ad primum ergo dicendum, quod si sensus consideretur ut potentia *passiva*, in ordine scilicet ad objectum, quod est agens respectu illius, idem est actus utriusque; nam species et producitur ab objecto, et recipitur in sensu. Si vero consideretur ut est potentia *operativa*, in ordine scilicet immanente, non est idem actus utriusque, sed actus potentiae sensitivae est effectus actionis objecti in sensu, et receptionis sensus ab objecto, dictum est (in c.). — *de Verit. q. 26, 3, ad 4.*

Ad secundum dicendum, quod si sensus consideretur ut potentia passiva, et in ordine ad objectum, ejus operatio in passione tantum consistit et in moveri pati. Si vero consideretur ut operativa, se per actionem immanentem, ejus operatio non consistit in pati, sed in operari, immanenter tamen, et tunc tantum sentit. Dicitur autem a Philosopho sensus tantum potentia passiva, *tum* quia non potest esse in actu omnium, ad quae extendit sua operatio per naturam potentiae (non enim potest esse aliquid, quod actu habeat omnes colores; et sic attingendo a coloribus fit in actu, et eis as-

similatur et eos cognoscit); *tum* quia non dicitur virtus activa, quae habet aliquem actum, qui est operatio : sic enim omnis potentia animae est activa ; sed dicitur potentia aliqua activa, quae comparatur ad suum objectum sicut agens ad patiens. *Sensus* autem comparatur ad sensibile sicut patiens ad agens, eo quod sensibile transmutat sensum ; visio enim perficitur per hoc, quod species visibilis recipitur in visu, quod est quoddam pati. — *de Verit. q. 26, a. 3, ad 4; 3. Sent. dist. 14, q. 1, a. 1, sol. 2.*

Ad tertium dicendum, quod sensus secundum quod est potentia passiva, seu per ordinem ad objectum, dicitur agere, quia sicut motus est actus, ita moveri et sentire est quoddam agere seu esse secundum actum. — 2. *de Anima l. 10.*

Ad quartum dicendum, quod quia, ut dictum est, potentia tantum dicitur activa per ordinem ad objectum, ideo non ponitur sensus agens, quia inveniuntur sensibilia actu extra animam, quae agunt et transmutant sensum externum, ut dictum est (ad 2). Est tamen idem sensus potentia passiva respectu objecti sensibilis externi, quod agit in ipsum ; et potentia operativa actione immanente in se, ut dictum est. — 1a, q. 79, a. 3, ad 1; *de Verit. q. 26, a. 3, ad 4.*

QUÆSTIO LXII

DE ORGANO SENSUS.

Deinde considerandum est de organo sensus.

CIRCA QUOD QUÆRUNTUR DUO :

1. Utrum sensibile positum supra sensorium faciat sensationem.
2. Utrum excellens sensibile corrumpat sensorium.

ARTICULUS I

UTRUM SENSIBILE POSITUM SUPRA SENSORIUM FACIAT SENSATIONEM.

Videtur quod sensibile positum supra sensorium faciat sensationem.

1. Dicit enim Philosophus (2. *de Anima*

text. 114; c. 41), quod hæc videtur esse differentia inter sensus, quod gustus et tactus sentiunt ex eo, quod immediate tangunt, alii autem sensus sentiunt a longe sua sensibilia, non tangendo ipsa. — 2. *de Anima* l. 23.

2. Præterea, dicit Philosophus (*de Sensu et Sensibili* c. 2), quod oculus motus videt in se fulgorem existentem: ergo etiam in visu sensibile positum supra sensum facit sensationem. — *de Sensu et Sensibili* l. 3.

3. Præterea, dicit Philosophus (2. *de Anima* *text.* 84; c. 8), quod qui non sunt boni auditus, sentiunt in auribus tinnitus et sonum; sed talis tinnitus et sonus est in organo auditus, ut patet; hoc enim est aer auri interius insitus, ut dicitur 2. *de Anima* (*text.* 82, c. 8): ergo idem quod prius, respectu etiam auditus. — 2. *de Anima* l. 17.

4. Præterea, sensus odoratus percipitur non solum per immutationem intentionalem, sed etiam realem; sed realis immutatio requirit contactum odorati cum organo: ergo etiam in odoratu sensibile positum supra sensorium facit sensationem. — 2. *de Anima* l. 20.

5. Præterea, aliquando sonorum pervenit usque ad auditum, secundum esse naturale: ut quando aer motus, in quo est sonus, pervenit usque ad auditum, et tamen percipitur sonus; et similiter odor contingens organum olfactus percipitur ab odoratu, quando scilicet fumalis evaporatio pervenit ad olfactum; ergo in sensu auditus et odoratus sensibile positum supra sensorium facit sensationem. — 1a, q. 78, a. 3, c.; 2. *Sent.* dist. 2, q. 2, a. 2, ad 5; *Quæst. disp.* *de Anima* a. 13, c.: 2. *de Anima* l. 15, 20, 23; lib. 3, l. 1.

6. Præterea, lingua infirmi infecta cholerico et amaro humore sentit illam amaritudinem, et ratione illius omnia dulcia amara illi videntur; sed in hoc casu gustabile est supra sensum positum: ergo etiam in gustu sensibile positum supra sensorium facit sensationem. — 1a, q. 75, a. 2, c.; q. 111, a. 4, c.

7. Præterea, dicit Philosophus (1. *Hist. Animal.* c. 4; 2. *de Partibus Animalium* c. 2, 5, 8), quod caro est sensorium tactus; sed caro sentit qualitatem superpositam, pata si calesiat; et idem etiam patet in nervo, qui maxime dolet et sentit, ut patet ex 2. *de Anima* (*text.* 116 c. 11): ergo etiam in tactu sensibile possum supra sensorium facit sensationem.

Sed contra est, quod Philosophus (2. *de Anima* *text.* 75, 99, 115 et 116; c. 7, et 11) de omnibus sensibus dicit, quo sensibile positum supra sensorium non facit sensationem. — 2. *de Anima* l. 1; 20 et 23.

RESPONDEO DICENDUM, quod quidam posuerunt omnes sensus percipi quodam tactu. Dicebant enim oportere quod sensibile tangat, ad hoc quod sentiatur. Aliter tamen existimabant hoc accideret in visu et in aliis sensibus. Dicebant enim quod ex visu egrediebantur lineæ visualiæ progredientes usque ad rem visam, et eearum contactu visibile videbatur. In aliis autem sensibus dicebant, quod e converso sensibile perveniebat ad sensum — et quod in tactu et gusto hoc manifeste videtur accidere; nam tangibile et gustabile quodam contactu sentiuntur. In auditu etiam videtur esse; nam aer motus usque ad auditum pertingit. Circumolfactum etiam idem esse dicebant; ponebant enim, quod a corpore odorabili resolvatur quædam fumalis evaporatio, quæ est subjectum odoris, et perveniebat usque ad olfactum. Causa enim hujus diversitatis hæc esse videtur, quia antiqui non ponebant nec percipiebant aliquid de immutatione spirituali medii, sed solente immutatione naturali. In aliis autem sensibus apparet quædam immutatio naturalis in medio, sed non in visu. Manifestum est enim, quod soni et odores deferruntur per ventos vel impediuntur, colores autem nullo modo. Manifestum est etiam, quod contrariorum colorum species per eandem partem aeris deferuntur ac visum, sicut cum unus videt album, alias nigrum simul existentes in eodem aere;

et eodem aere utentes pro medio (quod uidem in olfactu non accidit : nam contrarii odores etiam in medio se immedire inveniuntur), et ideo non percipientes immutationem, quia medium immutatur a visibili, posuerunt quod visus defertur usque ad rem visam. Sed quia ercipiebant immutationem, quia medium immutatur ab aliis sensibus, credebant, quod alia sensibilia deferrentur ad sensum. Sed manifestum est, quod hoc in olfactu non potest accidere. Cum enim dolor cadaveris usque ad quingenta milia vel amplius a vulturibus sentiatur, impossibile esset quod aliqua corpora ex evaporatio cadaveris usque ad tantum spatium diffunderetur, præcipue cum sensibile immutet medium und que secundum eandem distantiam, nisi impediatur. Non autem sufficeret ad occupandum tantum spatium, etiamsi totum cadaver resolveretur in sumalem evaporationem, cum sit certus terminus rarefactionis, ad quem corpus naturale pervenire potest, quae est raritas ignis; et præcipue cum per hujusmodi odorem cadaver non apparat sensibiliter immutatum. — 2. *de Anima* l. 20.

Et ideo dicendum est *universaliter*, quod omnibus sensibus sensibile positum supra sensorium non facit sensationem. Et quidem universaliter de omnibus sensibus probatur, quia sensibile, ut dicitur *de Anima* (*text. 28*; c. 7), non agit in suum sicut contrarium in suum contrarium; ut aliquid ab eo abjectum transmutando et alterando ipsum, sed solum ducit illum de potentia in actum, imprimendo illi speciem sensibilem. Non potest item immediate talem speciem in illo producere, sed debet prius eam producere in medio. Quod manifestum est, quia sensus debet discernere omnes differentias proprii sensibilis, ut dicitur 2. *de Anima* (*text. 144*; l. 3, c. 2); sed si realiter immutaretur a sensibili, non posset as discernere ac sentire: sic enim pupilla, si affecta esset aliquo colore, non posset sentire reliquos colores; similiter

nec organum auditus, si moveretur et reciperet sonum, posset percipere differentias aliorum sonorum; et sic de reliquis sensibus. — 3. *de Anima* l. 3.

Quod vero in *particulari* in omni sensu sensibile positum supra sensorium non faciat sensationem, probatur. Et primo in *visu* manifestum hoc est ipsa experientia: si enim ponatur visibile supra oculum, nihil videbitur; videbitur autem aliquid, si medium intercedat inter oculum et visibile. Et ratio hujus est, quia de ratione coloris, quod est objectum visus, est, quod sit motivum diaphani, quod fit per lumen, quod est actus diaphani; at si ponatur corpus coloratum super organum visus, non esset ibi diaphanum actu, quod moveretur a colore. Nam etsi pupilla sit quoddam diaphanum, non tamen est diaphanum in actu, si superponatur illi corpus coloratum; oportet autem quod color moveat diaphanum in actu, puta aerem vel aliquid hujusmodi; et ab hoc moveatur sensorium, id est organum visus, sicut a corpore sibi continuato; corpora enim non se immutant, nisi se tangant. — 2. *de Anima* l. 15.

De sono vero idem probatur, quia sonus ut generetur, oportet fieri percussionem duorum corporum solidorum ad invicem et ad aerem, et consequenter oportet talem aerem esse mobilem; sed aer, qui est connaturalis auditui ejusque organum, est firmiter dispositus in auribus cum hac proprietate, quod sit immobilis, ad hoc quod animal possit sentire per certitudinem omnes differentias motus et soni. Præterea, organum auditus circumdatur pelle seu meninga, quæ prohibet ne localiter moveatur; unde necesse est quod sonus ad ipsum perveniat intentionaliter, et non realiter. Demum, saepè contingit ut sentiamus sonum a longe positum, quod etiam docet Philosophus (*de Sensu et Sensibili* c. 7, al. 6; 2. *de Anima* *text. 113*; c. 11), ubi ait in hoc differre gustum et tactum a ceteris sensibus, quod illi sentiunt immediate tangendo, hi vero sentiunt a longe sua sensibilia. Mo-

dus autem sentiendi auditui unus est, sicut patet in ceteris sensibus et in omnibus potentiarum cognoscitivis; ergo sicut in hoc casu sensibile facit sensationem, si sit procul positum, ita et in aliis casibus sensibile faciet sensationem, si sit longe positum a sensorio, non autem si sit illi superpositum. — 2. de *Anima* l. 17 et 23; de *Sensu et Sensibili* l. 14.

De *odore* vero codem modo probatur, quo de sono; nam idem est modus et unus, quo odoratus ab odorabili immutatur. At odor sentitur a longe; et tunc ab odorabili resolvi quidem potest fumalit evaporatio, sed non quae perflingat usque ad terminum, ubi odor percipitur; — unde tunc necesse est immutari medium intentionaliter, ultra quam dicta evaporatione pertingere possit, et per medium organum auditus; ergo codem modo organum immutabitur, quando fumosa evaporatio potest pertingere usque ad organum auditus. Præterea, in aqua sentitur odor, ut dicit Philosophus (de *Sensu et Sensibili* c. 7, al. 6; 2. de *Anima* text. 97; c. 9); at in aqua non potest odor multiplicari realiter, vel ratione qualitatis (quia odor non est realiter activus, ut dictum est), vel mediante evaporatione vel fumosa exhalatione (quia, ut dicit Philosophus loco citato de *Sensu et Sensibili*, vapor pertinet ad aquam, quae non est odorabilis absque admixtione sicci; *fumus* autem non potest fieri in aqua, in qua tamen fit odor, cum quedam animalia odorent in aqua): ergo debet tunc multiplicari intentionaliter et per consequens et immutari organum; organum autem semper eodem modo a sensibili immutatur: ergo nunquam poterit immutari realiter per sensibilis superpositionem, ita ut sic immutatum sentiat objectum. — de *Sensu et Sensibili* l. 5 et 12; et 2. de *Anima* l. 20.

De *gusto* et *tactu* probatur, quia ad sentiendum per hos sensus necessariæ sunt species sensibiles, ut ostensum est; sed potentiarum naturalium, quales sunt

sensitivæ, unus et determinatus modo est operandi: ergo cum operentur per immutationem intentionalem, ut dictum est, non poterunt operari per immutationem realem, factam ab objecto illis praesertim superposito. Deinde, quia non posset sensorium gustus vel tactus sentire differentias contrariarum qualitatum. Dicimus, quia saepe accedit ut plus calor sentiamus in manu quam ibi sit, ut cum illam applicamus juxta magnum ignem, postea manum subito removemus, nam remota manu exiguum caloris sentimus quod certe non esset, si magnus ille calor quem manus sentiebat, realiter illi inexstebat; nam cum in manu esset tamqua in proprio et naturali subjecto, poterat illo permanere et esse principium actionis, atque adeo manum disponere successive ad formam ignis; ergo signum est quod ille magnus calor non percipiebat a manu per immutationem realem, sed per intentionalem, et per consequens quod tactus non est aptus natus immutari realiter a tangibili, ad hoc ut illud percipiat sed tantum intentionaliter. — de *Sensu et Sensibili* l. 16.

Unde manifestum est, quod in omni sensu externo verum est, quod sensibili positum supra sensorium non facit sensationem.

Ad primum ergo dicendum, quod predicta differentia falsa est. Unde Philosophus illa exclusa ibidem ponit veram dicit, quod tangibilia differunt a visibilibus et sonativis ex eo, quod illa sensibilia sentimus per hoc quod movent medium, et iterum medium movet nos; se tangibilia sentimus per medium extraneum, — non quasi moti a medio extraneo, sed simul cum medio movemur sensibili. — 2. de *Anima* l. 23.

Ad secundum dicendum, quod oculus videt fulgorem ad extra, ut dictum est (supra q. 59, a. 1, ad 7).

Ad tertium dicendum, quod ille tintinnus est in aere inclusus in concavitatibus aurium; quod patet ex Philosopho 2. de *Anima* (text. 83 et 84; c. 8): tum quod

er ille, qui est organum auditus, est immobilis, ut sentiri possint sonorum differentiae, ut dictum est (in c.); *tum* si haberet ille aer proprium sonum motum, impediretur auditus (sicut similiter, si instrumentum visus haberet proprium colorem, impediretur visio), ut docet Philosophus 2. *de Anima* (*text.* 84; 8). — 2. *de Anima* l. 17.

Ad quartum dicendum, quod aliquan malis evaporatio non potest pervenire ad odoratum, et tamen vere sentitur odor. Aliquando vero pervenit ad organum; verum tunc non ita pervenit, ut immediate tangat, sed tantum mediate, interdente nimis parte aeris; si enim penetratur odorabile intus in naso, non contineatur, si homo non respiraret attrahendo aerem, sed vel exspiraret emittendo rem vel retineret spiritum. — 2. *de Anima* l. 20. — Et sic patet *ad quintum*.

Ad sextum dicendum, quod lingua et caro non sunt organum gustus, sed medium internum illius; et ideo potest sensi humor sapidus positus supra lingam. — 2. *de Anima* l. 21 et 23.

Ad septimum dicendum, quod caro non est sensorium ultimum, sed primum; et sequenter est tantum medium intrinsecum, non autem organum tactus. — 2. *de Anima* l. 25; 3. *de Anima* l. 3.

ARTICULUS II

TRUM EXCELLENS SENSIBILE CORRUMPAT SENSORIUM.

Videtur quod excellens sensibile non corrumpat sensorium.

1. Ita enim se habet sensus ad sensibilia, sicut intellectus ad intelligibilia; et intellectus potest intelligere excellens intelligibile: ergo et sensus poterit sentire excellens sensibile. — 1a, q. 88, a. arg. 3 et 5.

2. Præterea, accidens non corrumpitur si ad corruptionem subjecti, et praeservari si sit ejus proprietas; sed sensus est

proprietas animæ sensitivæ; ergo sensus permanente anima in corpore non corrumperetur ab excellenti sensibili. — *Quæst. disp. de Anima* a. 19, c.

3. Præterea, sensibile perficit sensum mediante specie; haec enim in organo recepta non immutat ipsum naturaliter; sed quod perficit aliquid, non potest illud corrumpere: ergo excellens sensibile non potest sensum corrumpere. — 3. *Sent. dist.* 15, q. 2, a. 1, sol. 2.

4. Præterea, dicit Philosophus (3. *de Anima* *text.* 37; c. 8), quod anima nostra est quodammodo omnia, quia sensus est quodammodo omnia sensibilia, sicut intellectus est omnia intelligibilia; sed inter omnia sensibilia unum est excellens sensibile, sicut inter omnia intelligibilia unum est excellens intelligibile: ergo sensus potest percipere excellens sensibile. — *de Verit.* q. 10, a. 11, arg. 3.

5. Præterea, facultas sensus est in totum suum objectum; sed excellens sensibile est intra objectum sensus, ut excellens visibile est intra facultatem visus, hujus enim objectum est color ut color: ergo visus poterit videre excellens visibile, et per consequens quilibet alius sensus poterit percipere excellens sensibile. — 3. c. *Gent.* c. 54.

Sed contra est: 1. quod Philosophus (2. *de Anima* *text.* 123; c. 12; et *text.* 143; l. 3, c. 2) dicit, quod excellens sensibile corrumpit sensorium et sensum. — 2. *de Anima* l. 24; 3. *de Anima* l. 2.

2. Præterea, dicit Philosophus (3. *de Anima* *text.* 7; c. 4) in hoc differe sensum ab intellectu, quod quia hic caret organo, non potest corrumpi ab excellentia proprii objecti, sed ita intelligit excellens intelligibile atque insimum; at sensus, qui habet organum corporeum, efficitur impotens ad sentiendum ex valde sensibili, puta ex vehementi colore et forti odore. — 3. *de Anima* l. 7.

RESPONDEO DICENDUM, quod duplice considerare et comparare possumus excellens sensibile per ordinem ad corruptionem: vel ad sensus et organa sensuum

vel ad *ipsum animal*. — Si primo modo loquamur de excellenti sensibili, sciendum est, quod accidens dupliciter corruipitur: uno modo a suo contrario, sicut frigidum a calido; alio modo per corruptionem sui subjecti: non enim accidens remanere potest corrupto: ubjecto. Quaecunque igitur accidentia seu formæ contrarium non habent, non destruuntur nisi ad destructionem subjecti. Manifestum est autem, quod potentissimæ animæ nihil est contrarium; et ideo si corruipuntur, corruipuntur ad corruptionem subjecti. — *Quæst. disp. de Anima* a. 19. c.

Quia vero potentia sensitiva est immediate actus organi tamquam immediati et proxime subjecti — turbato enim organo impeditur operatio sensus, et illo ablato totaliter, et tollitur sensus —, dicitur corrumpti sensus a sensibili, quia sensibile corruipit ejus organum. Cum enim oporteat, ut inquit Philosophus (2. *de Anima* text. 123; c. 12), in organis sentiendi, ad hoc ut sentiant, esse proportionem quandam, ratione cuius et ipse sensus dicitur proportio quædam et symphonia, si motus sensibilis fuerit fortior, quam organum sit natum pati, solvitur proportio et corruipitur sensus in proportione organi consistens: sicut patet a simili, cum quis fortiter percutit chordas, solvitur symphonia et sonus instrumenti, qui in quadam proportione consistit. — Quoniam vero sensibile dupliciter potest immutare sensum, vel realiter vel intentionaliter, atroque modo potest sensibile corrumpere sensum: — *intentionaliter* quidem, per impressionem speciei improportionatae seu excedentis proportionem organi. Cum enim species recipiatur in organo, debet esse proportio inter utrumque; solvitur autem proportio per superabundantiam et excessum; et hoc modo excellens grave et acutum corruipit auditum, et excellens saporosum corruipit gustum, et fortiter fulgidum vel obscurum corruipit visum, et fortis odor corruipit olfactum; sicut e contra si sensibia deducantur ad proportionatam mix-

tionem, efficiuntur delectabilia: sensu enim delectatur proportionatis sicut similibus, eo quod sensus est proportio quædam, ut dictum est; excellentia autem corruptit sensum vel saltem contristat eum. — Aliquando vere sensibili *realiter* immutat sensum, ut patet, cum magnus sonus destruit auditum ratione vehementis percussionis aeris, et motu ipsius qui fit simul cum sono; quomodo etiam destruitur et ipsum animal, cum eodem et lapides frangantur et alia corpora duriora, ut ferrum (2. *de Cœlo Mundo* l. 14). Similiter et in aliis, excepto tamen visu. Objectum enim tactus ipsum immutat materialiter, calefaciendo et irfrigidando; objectum vero gustus afficiendo sapore aliquo organum gustus mediante saliva; objectum vero odoratum per fumalem evaporationem. Solum autem objectum visus, cum non immutet organum aut medium nisi spirituali immutatione (non enim pupilla neque aer colatur, sed solum speciem coloris recipi secundum esse spirituale), non nisi etiam intentionaliter illum corruipit vel contristat. — 1. *Metaphys.* l. 1; *de Sensu et Sensibili* l. 1 et 4; 7. *Phys.* l. 4; 1. *de Anima* l. 10; 2. *de Anima* l. 4; 3. *de Anima* l. 2 et 7; 2. *Sent. dist.* 13, a. 2 et .

Quod si secundo modo comparare voluerimus sensibilia sensum exteriorum non solum ad ipsos sensus et ad organum sensum, sed etiam ad *ipsum animal* hoc differunt excellentia sensibilia aliorum sensuum excepto tactu, quod illi corruipunt quidem *singulos sensus*, put nimis fulgida visum, et fortes soni auditum; quia tamen corruptis his sensibus potest animal remanere, — horum excellentiæ non corruipunt *animal* nisi per accidens, in quantum scilicet accidit animal pati simul ab aliquibus tangibiliibus corruptientibus, puta si simul cum sonofiat depulsio et ictus, ut accidit in tonitruo (ex quo interdum animalia moriuntur), et similiter ab his, quæ videntur aliqua moriuntur, non in quantum sunta, sed in quantum aerem inficiunt, u

citur de quibusdam venenosis. Et simius intelligendum est de odoribus, secundum quod cum malis odoribus interdum jngitur corruptio aeris: et ita etiam sapore est, quod potest corrumpere animal, non in quantum sapor est, sed in quantum sapori adjungitur aliqua qualitas tangibilis; puta quod talis sapor conseruit calorem excedentem vel frigus. Ad excellentia qualitatum *tangibilem* corrumpit animal per se, et non per accidens, quia omnis excellentia sensibilis corrumpit sensum: unde et tangibile si sit excellens corrumpit tactum. — Secundum autem hunc sensum determinatur *i animalis*: tamdiu enim durat animal, tamdiu durat sensus tactus in eo; impossibile enim est esse animal sine tactu. Unde manifestum est, quod in omnibus sensibus excellens sensibile corrumpit sensum; sed in sensu tactus excellens sensibile non solum corrumpit sensum tactus, sed etiam corrumpit animal, quia res esse hunc solum inesse animali, ut dicit Philosophus (3. *de Anima* text. 68; 13). — 3. *de Anima* l. ult.

Ad primum ergo dicendum, quod inter sensum et intellectum haec similitudo peritur, quod quia aliqua proportio quiritur objecti ad potentiam cognoscendam, ut activi ad passivum et perfectio ad perfectibile; ideo sicut sensus non est cognoscere excellens sensibile, quia improportionatum potentiae sensitivae, in hoc statu nequit noster intellectus noscere excellens intelligibile seu substantias immateriales, quia secundum sentem statum sunt improportionatae intellectui. Differunt tamen, quod a intellectus caret organo, non potest rumpi a vehementi intelligibili, sensus enim, quia habet organum, corrumpitur a vehementi sensibili. — 1a, q. 88, a. 1, 3; 3. *de Anima* l. 7.

Id secundum dicendum, quod sensus est proprietas animæ, sed conjunctio adeo organi; unde hoc sublato vel rupto et ipsum corrumpitur, ut dicitur (q. 51, a. 5; et hoc art., in c.).

Ad tertium dicendum, quod species sensibilis perficit sensum, si sit illi proportionata; corruptit autem vel contristat, si sit improportionata, ut dictum est (in c.).

Ad quartum dicendum, quod anima dicitur quodammodo omnia, quia per intellectum suscipit species intelligibles, et per sensum species sensibiles, proportionatorum tamen, quia sensus proportio quædam est, ut dictum est. — 3. *de Anima* l. 43.

Ad quintum dicendum, quod aliqua comparari possunt ad sensum dupliciter: uno modo, quatenus sunt extra objectum sensus, quomodo sonus est extra objectum sensus visus ejusque facultatem; alio modo quatenus sunt intra objectum, et tunc vel sunt supra facultatem sensus vel sunt infra illam: priori modo se habent excellentia sensibilia respectu sensus; posteriori vero modo sensibilia proportionata; eodemque modo possunt comparari res ad intellectum. — 3. c. *Gent.* c. 54.

QUÆSTIO LXIII

DE POTENTIA SENSITIVA.

Deinde considerandum est de potentia sensitiva.

CIRCA QUAM QUÆRITUR UNUM:

Utrum recte definiatur a Philosopho sensus.

ARTICULUS

UTRUM RECTE DEFINIATUR A PHILOSOPOHIO SENSUS.

Videtur quod non recte definiatur a Philosopho sensus, quod sit susceptivus specierum sine materia.

1. Definitio enim debet converti cum definito; sed haec non convertitur; nam

esse susceptivum speciei vel formæ sine materia primum convenit omni patienti; nam omne patiens recipit aliquid ab agente, secundum quod est agens; agens autem agit per suam formam, et non per suam materiam. Unde omne patiens recipit formam sine materia. Quod etiam patet ad sensum; non enim aer recipit ab igne agente materiam ejus, sed formam. Deinde idem etiam convenit intellectui possibili; hic enim etiam recipit species et formas sine materia. Ergo male definitur sensus per esse susceptivum sine materia. — 2. *de Anima* l. 24.

2. Praeterea, dicit Philosophus (2. *de Anima* text. 123; c. 12), quod excellens sensibile corrumpit sensum; sed hoc non potest fieri, nisi sensus realiter et materialiter recipiat speciem sensibilis: ergo idem quod prius. — 2. *de Anima* l. 24.

Sed contra est auctoritas Philosophi 2. *de Anima* (text. 121; c. 12) dicentis, quod sensus est susceptivus specierum sine materia. — 2. *de Anima* l. 24.

RESPONDEO DICENDUM, quod sensus duplíciter considerari potest, ut dictum est (supra q. 61, art. unic.): *uno modo, per ordinem ad objectum*, respectu cuius habet rationem patientis, et hoc modo habet rationem potentiae passivæ, et ut sic definitur a Philosopho. Sicut enim est de ratione materiæ esse susceptivam formæ naturalis, sive substantialis sive accidentalis; ita de ratione potentiae cognoscitivæ passivæ est esse susceptivam objecti secundum esse spirituale et immateriale, quod est esse susceptivum specierum sine materia ab objecto externo — ad differentiam intellectus possibilis, qui recipit species sine materia ab intellectu agente; quamquam etiam distinguitur ab intellectu per hoc quod est potentia passiva organica: unde species non solum recipiuntur in potentia, sed etiam in organo, cum tamen intellectus possibilis sit inorganicus. — *Alio modo* potest considerari sensus *absolute et in se*, quatenus est potentia operativa vel cognoscitiva; et hoc modo potest definiri, quod sit potentia

operativa seu cognoscitiva singularis singulare est, organo affixa. In eo enim quod dicitur *operativa* seu *cognoscitiva* convenit sensus cum intellectu possibili in eo vero quod additur *organum affixum* et *cognoscitiva singularis ut singulare* est distinguitur ab intellectu possibili, quod etiam cognoscit objectum universale, est inorganicus, ut dicit Philosophus (*de Anima* text. 7; c. 4). — 2. *de Anima* 24 et 3. *de Anima* l. 7.

Ad primum ergo dicendum primo, quod licet sit commune omni patienti, quod recipiat formam ab agente, differentia tamen est in modo recipiendi. Nam forma, quæ in paciente recipitur ab agenti quandoque quidem habet eundem modum essendi in paciente, quem habet in agenti. Et hoc quidem contingit, quando patientis habet eandem dispositionem ad formam, quam habet agens; quodcumque enim recipitur in altero, secundum modum recipientis recipitur. Unde si eodem modo disponatur patiens sicut agens eodem modo recipitur forma in paciente sicut erat in agente; et tunc non recipitur forma sine materia. Licet enim illa et eadem materia numero, quæ est agentis, non fiat patientis, sit tamen quidammodo eadem, in quantum simile dispositionem materialem ad formam aquirit ei, quæ erat in agente; — et hunc modo aer patitur ab igne, et quidquid patitur passione naturali. — Quandoque vero forma recipitur in paciente secundum aliud modum essendi, quam sit in agente, quia dispositio materialis patientis ad recipiendum, non est similis dispositio materiali, quæ est in agente; et id forma recipitur in paciente sine materia in quantum patiens assimilatur agenti secundum formam et non secundum materiam; et per hunc modum sensus recipi formam sine materia, quia alterius modi esse habet forma in sensu et in re sensibili: nam in re sensibili habet esse naturale, in sensu autem habet esse immateriale et spirituale. — 2. *de Anima* l. 24.

Dicendum secundo, convenire quida

sum et intellectum in hoc quod recipiunt species sine materia; sed multipliciter inter se differunt: et *primo*, sensus potentia organica, intellectus vero est entia inorganica; unde species sensibus recipiuntur in organo, species vero intelligibiles in ipsa potentia intellectiva. *undo*, sensus est tantum potentia cognoscitiva singularis ut singulare est; he est susceptivus formarum sine materia quidem, sed non sine conditionibus materialibus individualibus sensibilia representantium; intellectus vero est potentia cognoscitiva directe, et per se universis, ut dicit Philosophus (*1. Phys. text.*; c. 5; et *2. de Anima text.* 122; c. 12); he species intelligibiles repræsentant actuum sine conditionibus individuantiss. *Tertio*, sensus recipit species ab obiecto sensibili; intellectus vero possibilis intellectu agente. — *2. de Anima* l. *1. Phys.* l. 10, al. 9.

Id secundum dicendum, quod aliquando sensus corrumpitur ab excellenti sensibili que eo quod illud recipiat secundum esse materiale, ut dictum est (q. 62, a. 2).

QUÆSTIO LXIV

DE SENSIBUS EXTERIORIBUS.

nde considerandum est de sensibus in particulari; et primo de sensibus exterioribus, deinde de sensibus internis.

RCA PRIMUM QUÆRUNTUR TRIA:

trum in quolibet sensu externo sit reperire sensum agentem et patientem.

trum sint tantum quinque sensus exteiiores.

trum sensus exteriores egeant medio.

ARTICULUS I

UM IN QUOLIBET SENSU EXTERNO SIT REPERIRE SENSUM AGENTEM ET PATIENTEM.

idetur quod in quolibet sensu externo

sit reperire sensum agentem et patientem.

1. Dicit enim Philosophus (*3. de Anima text.* 17; c. 5), quod sicut in omni natura, ita et in anima est aliquid quo est omnia fieri, et quo est omnia facere; sed id quo est fieri omnia sensibilia, est sensus passivus: ergo debet et dari aliis sensus activus, quo anima possit omnia sensibilia facere sensibilia actu. — *Quæst. disp. de Anima* a. 4, arg. 1 *Sed contra*; Ia, q. 79, a. 3, arg. *Sed contra*.

2. Præterea, sicut se habet intellectus ad intelligibilia, ita et sensus ad sensibilia, ut dicitur *3. de Anima* (*text.* 2 et 3; c. 4); sed quia intellectus est in potentia ad intelligibilia, datur intellectus agens, qui facit intelligibile actu: ergo et dabatur sensus agens, qui facit sensibile actu. — *3. de Anima* l. 7; Ia, q. 79, a. 3, arg. 4.

3. Præterea, Philosophus in *3. de Anima* (*text.* 18; c. 5) assimilat intellectum agentem lumini; ergo lumen erit sensus agens, vel certe instrumentum sensus agentis. — *Quæst. disp. de Anima* a. 4, arg. 4.

4. Præterea, cuilibet potentiae passivae debet respondere potentia activa, alioqui esset superflua; sed datur sensus qui est potentia passiva: ergo et dabatur sensus qui sit potentia activa. — *Tabula Aurea* voce « *potentia* » n. 33.

Sed contra est, quod Philosophus *2. de Anima text.* 51 (c. 5) dicit, quod sensus est tantum potentia passiva, et *text.* 60 (ib.) dicit, quod activum sensationis est objectum extra sensum existens. — *2. de Anima* l. 10, 11 et 12.

RESPONDEO DICENDUM, quod in naturalibus non dicitur virtus activa, quæ habeat aliquem actum, qui est operatio — sic enim omnis potentia animæ est activa, et præsertim cognoscitiva; sentire enim et intelligere formaliter sunt actiones immanentes in ipsis potentias cognoscitivas, ut dictum est (supra q. 61, art. unic.); — sed dicitur potentia aliqua activa, quæ comparatur ad suum objectum sicut agens

ad patiens. Sensus autem comparatur ad sensibile tantum sicut patiens ad agens, eo quod sensibile transmutat sensum. Visio enim perficitur per hoc quod species visibilis recipitur in visu, quod est quoddam pati. Et ratio hujus est, quia, cum omnis cognitio fiat per hoc quod cognitum est aliquo modo in cognoscente, scilicet secundum similitudinem (nam cognoscens in actu est ipsum cognitum in actu); illud erit activum respectu sensus, quod in illo producit similitudinem rei cognitae. Hoc autem est objectum ad extra. Sensus enim est singularium, quae sunt ad extra; et recipit materialiter et corporaliter speciem; unde producens illam debet esse in se materiale et corporeale, habens nimirum in se principium individuationis, quod est materia prima, determinatis dimensionibus contenta. Unde manifestum est, quod non datur in sensu externo sensus agens et patiens.

Ad primum ergo dicendum, quod propositio Philosophi valet in anima per ordinem ad intelligibilia, ut dictum est (in c. et infra ad 2).

Ad secundum dicendum, quod sensibilia inveniuntur actu extra animam, et ideo non oportet ponere sensum agentem. — 1a, q. 79, a. 3, ad 1. — *Vel dic*, quod sensibile, cum sit quoddam particulare, non imprimis in sensum vel in medium speciem alterius generis, cum species tam in sensu quam in medio sit particularis; intellectus autem possibilis recipit species universales, alterius scilicet generis, quam sint in imaginatione, in qua sunt tantum particulares, et quam in sensu externo, in quo similiter species receptae sunt tantum singulares; et ideo in intelligibilibus indigemus intellectu agente, non autem in sensibilibus indigemus potentia activa, sed omnes potentiae sensitivae sunt potentiae passivae. — *Quæst. disp. de Anima* a. 4, ad 5.

Ad tertium dicendum, quod similitudo, qua Aristoteles assimilat intellectum agente lumini, attenditur quantum ad hoc, quod sicut hoc est necessarium ad vi-

dendum, ita illud ad intelligendum, scilicet non propter idem: nam lumen non est necessarium ad videndum, ut faciens colores actu visibles (nam color est per se visibilis), sed ut medium fiat actu lucidum, ut dicit Commentator (i. 2. *de Anima*); intellectus vero agens necessarius est ad hoc, ut intelligibilia potentia fiant actu intelligibilia per hoc quod abstrahit ea a materia; sic enim sunt intelligibilia actu. — 1a, q. 79, 3, ad 2; *Quæst. disp. de Anima* a. 4, ad 1; 3. *de Anima* l. 10.

Ad quartum dicendum, quod potentia passivæ sensitivæ respondet potentia activa, quae est in objectis extra animam; hæc enim sunt factiva sensationum, dictum est (q. 59, a. 1; q. 61, a. ut in c.).

ARTICULUS II

UTRUM SINT TANTUM QUINQUE SENSUS EXTERIORES.

Videtur quod sensus sint exterior plures quam quinque.

1. Sensus enim est cognoscitivus accidentium; sunt autem multa genera accidentium: cum ergo potentiae distinguantur per objecta, videtur quod sensus multiplicetur secundum numerum, qui est generibus accidentium. — 1a, q. 78, a. arg. 1.

2. Præterea, magnitudo et figura alia, quae dicuntur sensibilia communia, non sunt sensibilia per accidens, sed contra ea dividuntur in 2. *de Anima* (text. 3 et 64; c. 6); diversitas autem per se objectorum diversificat potentias: cum ergo plus differant magnitudo et figura a colore quam sonus, videtur quod multo magis debeat esse potentia alia sensitiva cognoscitiva magnitudinis aut figuræ quam coloris et soni. — *Ibid.* arg. 2.

3. Præterea, unus sensus est unus contrarietas, sicut visus albi et nigri; sed tactus est cognoscitivus plurium co-

etatum, scilicet calidi, frigidi, humidi et hujusmodi : ergo sensus non unus, sed plures ; ergo plures sensus quam quinque. — *Ibid.* arg. 3.

Præterea, cum sentire sit pati quod diversus modus sentiendi erit diversus modus patiendi, qui indicat diversam potentiae passivæ, sicut diversus agendi significat diversitatem virtutum activarum ; et per consequens ex parte vorum, quæ alio modo patientur, potentiam passivam habere videntur et similiter quæ alio modo sentiuntur habere alium sensum. Sed animalia non respirantia, ut formicæ, apes, et alia hujusmodi, sentiunt odorem : manifeste, cum et acutius sentiant de longe nutrimentum suum, quando patiunt a proprio cibo, quam per proximum visum id possunt percipere ; et sentiunt illum eo modo, quo anima respirantia, puta respirando : ergo non sentiunt per aliud sensum, et sic sunt plures sensus quam quinque. — *de Sensu et Sensibili* I. 14.

Præterea, potentiae sensitivæ distinguuntur ex organo; sed visus habet duo oculi, puta duos oculos : ergo duo sunt sensus visus; unde sequitur idem quod visus. — *de Sensu et Sensibili* I. 19.

Idetur quod sensus exteriores sint plures quam quinque.

Ita enim se habet sensus ad sensitivam, sicut intellectus ad intelligibile, ut dicit Philosophus (3. *de Anima* text. 2; c. 4); sed intellectus unus est respectu omnium intelligibilium : ergo et unus sensus respectu omnium sensitivum. — 3. *de Anima* I. 7.

Præterea, species non dividitur congenerus; sed gustus est tactus qualis : ergo non debet poni sensus distinctus a tactu. — 1a, q. 78, a. 3, arg. 4.

Præterea, potentiae distinguuntur ex objecto, ut dicit Philosophus (2. *de Anima* text. 33; c. 4); sed gustabile, quod objectum gustus, est quoddam tangibile, ut dicitur 2. *de Anima* (text. 101; 10): ergo gustus non distingueatur a

taetu ; et sic sensus exteriiores erunt pauciores quam quinque. — 2. *de Anima* I. 6 et 21.

9. Præterea, dicit Philosophus (*de Sensu et Sensibili* c. ult.), quod sicut idem numero corpus est album et dulce, ita est eadem potentia sensitiva albi et dulcis ; ergo sensus externi non sunt quinque, sed unus tantum.

10. Præterea, dicit Philosophus (2. *de Anima* text. 101 et 104; c. 10), quod potabile est commune gustui et tactui ; sed sensus distinguuntur ex distinctis et diversis sensibilibus : ergo sensus tactus et gustus non sunt distincti sensus. — 2. *de Anima* I. 21.

Sed contra est : 1. quod Philosophus in 2. *de Anima* text. 128 (l. 3, c. 4) dicit, quod non est alius sensus externus præter quinque ; et *text. 135* (*ibid.*) probat non dari unum tantum sensum sed plures, quia aliqui laterent nos sensibilia communia, quæ consequuntur ad sensibilia propria. — *de Sensu et Sensibili* I. ult.; 3. *de Anima* I. 1.

2. Præterea, potentia cum dicatur ad objectum, oportet quod secundum differentiam objectorum diversifcentur potentiae sensitivæ ; objectum autem sensibile est, prout est immutativum sensus : ergo secundum diversa genera immutationum sensus a sensibili oportet esse diversos sensus. Immutatur autem sensus a sensibili : uno modo per contactum ; — et sic est sensus *tactus*, qui est discretivus eorum, ex quibus constat animal ; et sensus *gustus*, qui est perceptivus qualitatum quæ designant convenientiam nutrimenti, quo conservatur corpus animalis. Alio modo immutatur sensus per medium ; et haec quidem immutatio aut est cum alteratione sensibilis ; — et sic *odor* immutat sensum cum aliqua resolutione *odorabilis* ; aut cum aliquo motu locali ; — et sic immutat *sonus* ; aut sine immutatione sensibili, sed per solam immutationem spiritualem medii et organi ; — et sic immutat *color*. Unde sequitur sensus exteriores

esse tantum quinque. — 3. *de Anima* l. 1, in fine.

RESPONDEO DICENDUM, quod rationem distinctionis et numeri sensuum exteriorum quidam accipere voluerunt ex parte organorum, in quibus aliquod elementum dominatur, vel aqua vel aer vel aliquid hujusmodi. Quidam autem ex parte medii, quod est conjunctum vel extrinsecum; et hoc vel aer vel aqua vel aliquid hujusmodi. Quidam autem ex diversa natura sensibilium qualitatum, secundum quod est qualitas simplicis corporis vel sequens complexionem. — Sed nihil istorum conveniens est; non enim potentiae sunt propter organa, sed organa propter potentias. Unde non propter hoc sunt diversae potentiae, quia sunt diversa organa; et ideo natura instituit diversitatem in organis, ut congruerent diversitati potentiarum. Et similiter diversa media diversis sensibus attribuit, secundum quod erat conveniens ad actus potentiarum. Naturas autem sensibilium qualitatum cognoscere non est sensus, sed intellectus. Accipienda est ergo ratio numeri et distinctionis exteriorum sensuum secundum illud, quod proprie et per se ad sensum pertinet. — 1a, q. 78, a. 3, c.

Est autem sensus quædam potentia passiva, quæ nata est immutari ab exteriori sensibili Exterius ergo immutativum est, quod perse a sensu percipitur, et secundum ejus diversitatem sensitivæ potentiae distinguuntur. Est autem duplex *immutatio*: una naturalis et alia spiritualis; *naturalis* quidem, secundum quod forma immutantis recipitur in immutato secundum esse naturale, sicut calor in calefacto; *spiritualis* autem, secundum quod forma immutantis recipitur in immutato secundum esse spirituale, ut forma coloris in pupilla, quæ non fit per hoc colorata. Ad operationem autem *sensus* requiritur *immutatio spiritualis*, per quam intentio formæ sensibilis fiat in organo sensus; alioquin si sola immutatio naturalis sufficeret ad sentiendum, omnia corpora naturalia sentirent, dum alterantur. — Sed in quibus-

dam sensibus invenitur immutatio *spiritualis* tantum, sicut in visu; in quibusdam autem cum immutatione spirituali *etiam naturalis*: vel ex parte objecti tantum vel etiam ex parte organi. — *Ex parte* autem *objecti* invenitur transmutatio naturalis: secundum locum quidem, in soni qui est objectum auditus; nam sonus ex percussione causatur et aeris commotione; secundum alterationem vero in odore, qui est objectum olfactus; oportet enim per calidum alterari aliquo modo corpus, ad hoc quod spiret odorem. — *Ex parte* autem *organii* est immutatio naturalis in tactu et gustu: nam et manus tangens calida calescit, et lingua hiemeatur per humiditatem saporum; organum autem olfactus aut auditus nulli naturali immutatione immutatur in sentiendo, nisi per accidens. Visus autem qui est absque immutatione naturali organi et objecti, est maxime spiritualis et perfectior inter omnes sensus et communior, et post hunc auditus, et deinde olfactus, qui habent immutationem naturalem ex parte objecti. Motus tamen localis est perfectior et naturaliter prior quam motus alterationis, ut probatur in 8. *Phys.* (*text. 55*; *c. 7*). Tactus autem et gustus sunt maxime naturales, de quorum distinctione post (in solut. arg. 3) dicetur. Et inde est, quod alii tres sensus non fiunt per medium conjunctum, ne aliqui naturalis transmutatio pertingat ad organum, ut accidit in his duobus sensibus. — 1a, q. 78, a. 3, c.

Ad primum ergo dicendum, quod non omnia accidentia habent vim immutativam secundum se, sed solæ qualitate tertiae speciei, secundum quas contingit alteratio; et ideo solæ hujusmodi qualitates sunt objecta sensuum, quia, ut dicitur 7. *Phys.* (*text. 11* et *12*; *c. 2*), secundum eadem alteratur sensus, secundum quae alterantur corpora inanimata. — 1a, q. 78, a. 3, ad 1.

Ad secundum dicendum, quod magnitudo et figura et hujusmodi, quæ dicuntur communia sensibilia, sunt media in-

sensibilia per accidens, et sensibilia propria, quæ sunt objecta sensuum. Nam sensibilia propria primo et per se immutant sensum, cum sint qualitates alterantes; sensibilia vero communia omnia intantur ad quantitatem. Et de magnitudine et numero patet, quod sunt species quantitatis. Figura autem est qualitas a quantitate, cum consistat ratio reæ in terminacione magnitudinis. Motus autem et quies sentiuntur, secundum subjectum uno modo vel pluribus modis se habet secundum magnitudinem effecti: *vel* localis distantiae, quantum motum augmenti et motum localem; etiam secundum sensibiles qualitates, in motu alterationis. Et sic sentire unum et quietem est quodam modo sensibile unum et multa. Quantitas autem proximum subjectum qualitatis alterante, ut superficies coloris. Et ideo sensibilia communia non movent sensum uno et per se, sed ratione sensibilis qualitatis, ut superficies ratione coloris. Nec enim sunt sensibilia per accidens, quia hujusmodi sensibilia diversitatem aliquam continent in immutatione sensus. Alio enim modo immutatur sensus a magna superiore et a parva, quia etiam ipsa albedo mutatur magna vel parva, et ideo dividitur secundum proprium subjectum. — *Ibid.* ad 2.

d *tertium* dicendum, quod sicut Philosophus videtur dicere in 2. *de Anima* l. 106 usque ad 120; c. 11), sensus tactus est unus in genere, sed dividitur in modos sensus secundum speciem; et propter hoc est diversarum contrarietatum, qui tamen non separantur ab eum secundum organum, sed per totum corpus se concomitantur, et ideo distinctio non appareat. *Gustus* autem, qui est perceptivus dulcis et amari, comitatur tactum in lingua, non autem per totum corpus, et ideo de facili a se distinguitur. Posset tamen dici, quod omnes illæ contrarietates et singulæ veniunt in uno genere proximo, et ideo in uno genere communi, quod est

objectum tactus secundum rationem communem. Sed illud genus commune est innominatum, sicut etiam genus proximum calidi et frigidi est innominatum. — *Ibid.* ad 3.

Ad quartum dicendum, quod quia ubi est idem sensibile, est idem sensus — potentiae enim distinguuntur secundum objecta, idem autem est sensibile, quod sentiunt animalia tam respirantia quam non respirantia; — impossibile est quod sit aliis sensus utrorumque, ut dicit Philosophus (*de Sensu et Sensibili* c. 5); diverso tamen modo sentiunt, qui modus non diversificat sensus (inquit Philosophus *ibidem*). Nam dupliciter modus sentiendi potest diversificari: *uno* modo *per se*, quod est secundum diversam habitudinem sensibilis ad sensum; — et talis diversitas in modo sentiendi diversificat sensum; puta quod unus sentit sensibile conjunctum, sicut tactus; aliis autem sensibile remotum, sicut visus. Est et *alia* diversitas in modo sentiendi *per accidens*, quæ non diversificat sensum, et attenditur secundum remotionem prohibentis; — et talis diversitas in modo sentiendi est in proposito: quia in animalibus respirantibus per respirationem removetur quædam, quod per modum cooperculi subjacet organo odoratus; et ideo quando non respirant, impediuntur ab odorando propter tale cooperculum. Sed animalia non respirantia carent tali cooperculo, et ideo non indigent respiratione ad odorandum: sicut videmus in oculis, quod quædam animalia habent palpebras, quæ si non aperiuntur, non possunt hujusmodi animalia videre. Hujusmodi autem palpebras dedit natura animalibus egentibus acutiore visu, propter securitatem oculi, ut oculus conservetur. Unde animalia habentia duros oculos, quasi non indigentia acuto visu, non habent hujusmodi palpebras: et ideo non indigent aliquo motu aperiente palpebras ad videndum, sed statim habent oculos, et ad videndum facultatem nullo remoto. Manifestum etiam est, sensum olfactus esse eundem specie in omnibus anima-

libus, quia ejusdem sensus eadem sunt corruptiva (non enim visus patitur aliquid a sonis, n̄ que auditus a coloribus); sensus autem animalium non respirantium videatur corrumpi a gravibus odoribus et excellentibus, ex quibus sensus hominis corrumpitur, scilicet ab asphalte, quod est quædam convection ex succis herbarum, et a sulphure et hujusmodi. Ergo illa habent sensum olfactus sicut homo, licet non respirent. — *de Sensu et Sensibili* l. 14; 2. *de Anima* l. 20.

Ad quintum dicendum, quod ex duobus oculis fit aliquid unum, et una est operatio amborum oculorum, quatenus scilicet visio utriusque oculi concurrit per quosdam nervos ad aliquod intrinsecum in suum organum, quod est circa cerebrum. — *de Sensu et Sensibili* l. 19.

Ad sextum dicendum, quod cum potentiae cognoscitivæ distinguantur ex objectis et varia immutatione illarum, ut dictum est (arg. *Sed contra*, et in c.), necesse est unum esse intellectum et plures sensus; intellectus enim objectum est universale, atque adeo ens ut ens; objectum vero sensus est singulare, quod multiplex est. Præterea, intellectus uno modo tantum immutari potest, puta ab una potentia agente; at sensus externus immutatur variis modis ab objectis sensibilibus, quæ sunt genere proximo saltem multiplicia. — 3. *de Anima* l. 7.

Ad septimum dicendum, quod sensus gustus secundum Philosophum (2. *de Anima* text. 28 et 94; c. 3 et 9) est quædam species tactus, quæ est in lingua tantum. Non autem distinguitur a tactu in genere, sed a tactu quantum ad illas species, quæ prout totum corpus diffunduntur. Si vero tactus sit unus tantum sensus prout unam rationem communem objecti, dicendum erit, quod secundum diversam rationem immutacionis distinguitur gustus a tactu. Nam tactus immutatur naturali immutatione, et non solum spirituali; quantum ad organum suum secundum qualitatem, quæ ei proprie objicitur. Gustus autem organum non immutatur de-

necessitate naturali immutatione secundum qualitatem, quæ ei proprie objicitur, ut scilicet lingua fiat dulcis vel amara, sed secundum præambulam qualitatem, in qua fundatur sapor, scilicet secundum humorem, qui est objectus tactus. — 1a, q. 78, a. 3, ad 4.

Vel dic, quod gustus et tactus duplexer possunt considerari: uno modo quantum ad modum sentiendi; et sic gustus est quidam tactus, nam in tangendo suum objectum percipit; alio modo quantum ad objectum; et ita oportet dicer quod sicut se habet objectum gustus: objectum tactus, sic se habet sensus gustus ad sensum tactus. Manifestum est autem, quod sapor, qui est objectum gustus, non est aliqua qualitas de qualitatibus simplicium corporum, ex quibus animal constituitur, quæ sunt propria objecta sensus tactus; sed causatur ab eis, fundatur in aliquo eorum sicut in materia, scilicet in humido. Unde manifestum est, quod gustus non est idem, quod sensus tactus, sed quodammodo radicatur eo. Unde et consuevit de gustu distinguere quod potest accipi gustus prout est distractus saporum, et potest accipi ut tactus quidam prout discernit qualitates tangibles, scilicet alimenti, cuius sensus est tactus, ut dicitur 2. *de Anin* (text. 28; c. 3). Unde Philosophus dicit (in 3. *Ethic.* c. 12, al. 15), quod circumspectationes gustus prout accipitur primo modo, non est temperantia, sed solus tactus prout est tactus quidam. — 2. *de Anin* l. 21 et 5. — Et ex his patet *ad octavum*.

Ad nonum dicendum, quod Philosophus loquitur de sensu communi, quæ unus numero existens, sola autem ratione differens cognoscit diversa genera sensibilium, quæ tamen referuntur ad ipsum secundum diversas potentias seu propriorum. — *de Sensu et Sensibili* l. ult.

Ad decimum dicendum, quod gustus et tactus versantur circa potabile, notwithstanding eodem modo consideratum; nam tactus versatur circa illud ut est humus.

n, gustus vero ut est humidum sapo-
ile. — 2. *de Anima* l. 21.

ARTICULUS III

UM SENSUS EXTERIORES INDIGEANT ME-
DIO.

idetur quod sensus exteriores indi-
cant medio.

Probat enim Philosophus (2. *de Ani-
ma* text. 128 sqq.; l. 3, c. 1) ex me-
dari quinque sensus externos; unde
eodem libro agit de mediis et obje-
ctis prædictorum sensuum. — 3. *de Ani-
ma* l. 1.

Præterea, Philosophus (2. *de Anima*
74; c. 7) probat contra Demoeritum,
visibile non videtur, si inter ipsum
sum non intercedit medium, hac ra-
te. Ad videndum aliquid, requiritur
organum patiatur a visibili; sed non
est pati a visibili immediate, quia visi-
bilis organum positum non videtur:
oportet quod organum visus patia-
tur a visibili per aliquod medium; ne-
ceps ergo est esse aliquod medium in-
visibile et visum. Sed eadem est ratio
sum sensuum, ut dicitur 2. *de Ani-
ma* text. 75; c. 7): ergo in omni sensu
esse est dari medium. — 2. *de Anima*

Præterea, si non esset necessarium
sum, sensibile supra sensum positum
et sensationem; sed hoc esse falsum
experientia in omnibus sensibus, ut
Philosophus (2. *de Anima* text. 75;
ergo sensus exteriores egent medio.
id.

contra est: 1. quod Philosophus
(*de Anima* text. 112; c. 11) dicit, quod
sentit sine medio qualitates tangibili-
tate saporem; sed caro est sensorium
s, ut dicit idem Philosophus (1. *de
Animal.* c. 4; 2. *de Partibus Ani-*
c. 2, 5 et 8): ergo sensus exterio-
res egent medio, saltem gustus et
s. — 2. *de Anima* l. 22.

Præterea, distinguuntur sensus ta-

ctus et gustus a reliquis tribus, quod illi
duo immutantur a sensibilibus per con-
tactum: *tactus* quidem, quia est discretivus
eorum, ex quibus constat animal; *gustus*
vero, quia est perceptivus qualitatum, quæ
designant convenientiam alimenti, quo
conservatur corpus animalis; — reliqui
vero tres per medium: *odoratus* quidem
simul cum alteratione sensibilis; odor
enim immutat sensum cum aliqua resolu-
tione odorabilis; *auditus* vero cum aliquo
motu locali; sic enim illum immutat so-
nus; *visus* vero per solam immutationem
spiritualem medii et organi; sic enim vi-
sum immutat color. Sed contactus est
duorum, inter quæ non est medium, ut
patet ex Philosopho: ergo sensus exterio-
res saltem non omnes egent medio. — 3.
de Anima l. 1.

RESPONDEO DICENDUM, quod omnes sen-
sus ad perfectam sensationem egent ali-
quo medio, non tamen omnes eodem mo-
do. Ad cuius manifestationem sciendum
est, quod visus, auditus et odoratus egent
necessario aliquo medio extrinseco: *visus*
quidem, quia de ratione coloris, quod est
objectum visus, est, quod sit motivus
diaphani; at si superponeretur colora-
tum organo visus, ita ut nullum interce-
deret medium, non esset ibi diaphanum
actu, ut dictum est (q. 62, a. 1); nam ob-
seraretur pupilla. *Auditus* vero, quia ut
generetur sonus, oportet fieri percussio-
nem duorum corporum solidorum ad in-
vicem et ad aerem; sed aer, qui est or-
ganum auditus, est omnino immobilis
(alioqui non possent certo percipi sonorum
differentiæ: sicut ob eandem rationem
visus, ut possit percipere omnes differen-
tias colorum, debet esse denudatus ab om-
ni colore): ergo necessario debet mediare
aer inter organum auditus et sonum ejus
objectum. — Hoc tamen *differit visus ab
auditu*, quod quia aer, qui est medium, est
susceptibilis soni secundum esse reale;
non est autem susceptibilis coloris secun-
dum esse reale: ideo potest sonus perve-
nire usque ad aerem immediatum organo
auditus; non sic color. Unde inter obje-

ctum visus et visum necesse est intercedere medium, quod careat colore secundum esse reale; secus vero inter sonum et auditum, sed sufficit quod sonus non realiter attingat aerem illum, qui est organum auditus. *Conveniunt* tamen, quod sicut si poneretur coloratum super visum, non videtur, ita nec corpus sonans; nam hoc est corpus solidum, quod necessario requirit aerem ad hoc ut producatur sonus, et per aerem deferatur ad organum auditus; nam corpus sonans non habet sonum actu, sed in potentia: nam sonus in actu causatur ex motu. — 2. *de Anima* l. 15, 16, 17 et 20; *de Sensu et Sensibili* l. 12, 13.

Odoratus vero requirit etiam medium aereum vel aquam: *tum* quia haec sunt susceptiva odoris; unde Philosophus (*de Sensu et Sensibili* c. 5) definit odorem in ordine ad illa; *tum* quia homo odorat respirando et attrahendo aereum; unde necesse est quod fumalis evaporatio, quæ resolvitur ab odorabili, immutet aereum vel aquam, et mediante hoc medio affecto tali odore immutatur olfactus, non quidem *realiter* — *tum* quia sic læderet ipsum: nam cum instrumentum sensus debet esse proportionatum suo sensibili, sicut odor causatur ex calido et sicco, ita ad bonitatem instrumenti odoratus exigitur victoria calidi et sicci. Homo autem habet cerebrum (in cuius vicinio positum est instrumentum olfactus) majus omnibus aliis animalibus, secundum proportionem sui corporis, ut dicit Philosophus in lib. *de Animalibus* (l. *de Hist. Animal.* c. 16). Unde cum cerebrum sit frigidum et humidum, si fumalis evaporatio, mediante qua potest odor pervenire ab odorabili ad organum odoratus, illud contingere, illud læderet. Unde necesse est quod odor perveniat ad odoratum *spiritualiter*; nam si perveniret etiam realiter, læderetur et corrumperetur, et sic non posset fieri perfecta sensatio; — *tum* quia etiam aliquando medium spiritualiter tantum immutatur, ut quando sentitur odor ultra quam fumalis evaporatio

potest pertingere. Et sic etiam in hoc sensu verum est, quod si corpus odorans ponatur super sensorium odoratus, non sentietur odor illius, nam tunc homo non respirans posset sentire odorem, quod est falsum, et contra Philosophum (*de Sensu et Sensibili* c. 5). — 2. *de Anima* l. 19, 21; l. 15; l. 22 et 23; *de Sensu et Sensibili* l. 13 et 14.

In gustu autem etiam requiritur medium, non tamen extrinsecum, sicut quod sit in aliis sensibus; nam, ut Philosophus (2. *de Anima* text. 101; c. 1), gustabile est quoddam tangibile; nam sapor, qui est gustabile, radicatur in humectatione sicut in propria materia; humidum autem est quoddam tangibile; tactus autem sentit suum objectum per medium extrinsecum, sed per intrinsecum et concretum, quod scilicet est pars anima nam caro est medium intrinsecum a sensu tactus. In gustu vero similiter sentitur medium; cum enim sapor sentiri possit sine humiditate (sicut nec color et lumine) — cuius signum est, quod lingua existens valde sicca vel valde humidus non potest sentire —; organum sensitum debet non esse humidum a secundum se ipsum, debet tamen per humidari. Nam perinde se habet organum visus ad lumen, sicut organum gustus ad humidum; organum autem visus non habet in se lumen in quantum jussimodi, potest tamen suscipere lumen — Cum autem sensibile positum sit sensorium non faciat sensationem, lingua autem sentiamus sapores; lingua seu caro linguae non erit sensorium gustus, sed medium intrinsecum illius, sicut et tactus. Gustus enim, qui est perceptivus dulcis et amari, concomitum tactum in lingua, non autem per totum corpus; organum autem est quid medium intrinsecum circa cor. — Et similiter tactu, medium intrinsecum illius est circa hanc enim est per totum corpus, et per totum corpus animal sentit; organum vero est circa cor: cuius signum est, quod si laesio accidat in locis circa

maxime dolorosa. Præterea vero na gustus et tactus debent esse cír-
or, quia cum sint complexionis terreæ,
nt esse in loco calidissimo, atque
ubi est vel proportionale cordis (in
tibus sanguine) vel cor, quod est ca-
simum inter omnes corporis partes,
er caliditatem cordis frigiditas terreæ
emperiem reducatur. — 1a, q. 78, a. 3,
; de *Sensu et Sensibili* l. 5; de *Juvent.*
enect. l. 3. — Unde manifestum est,
omnes sensus exteriores egent
aliquo, non tamen omnes eodem
o, ut dictum est. — Et ex his patet
objecta primo loco.

l primum ergo secundo loco dicen-
quod caro est medium, non autem
num, ut dictum est (in c.). Aristote-
autem vocat in lib. *de Histor. Ani-*
(l. 1, c. 4) carnem sensorium, quia
medium intrinsecum et animatum, et
i secundum sensorium, ut patet ex
sopho 2. *de Part. Animal.* (c. 8).
l secundum dicendum, quod licet
atio gustus et tactus fiat per conta-
a, quia fit per medium intrinsecum,
simul immutatur cum sensitivo, ut
m est (in c.); organum tamen tan-
immutatur intentionaliter a medio,
possit discernere differentias sui ob-
ut dictum est (supra q. 62, in c. et
et 7).

QUÆSTIO LXV

DE OBJECTO POTENTIÆ VISIVÆ.

le considerandum est de potentia
sensitivis exterioribus in particulari,
primum de visu, deinde de auditu,
stea de aliis. Circa primum conside-
nda sunt quatuor: objectum, sensatio,
ganum et potentia; nam de specie-
s sensibilibus sensuum externorum
il superest in particulari conside-
rum præter ea, quæ dicta sunt de
ciebus sensibilibus in communi.

CIRCA PRIMUM QUÆRUNTUR QUINQUE:

1. Utrum objectum visus sit color.
2. Utrum color recte definiatur a Philosopho.
3. Utrum lumen sit corpus.
4. Utrum lumen sit qualitas.
5. Utrum lumen sit realiter in medio an vero
tantum intentionaliter.

ARTICULUS I

UTRUM OBJECTUM VISUS SIT COLOR.

Videtur quod objectum visus non sit color.

1. Unius enim potentiae debet esse
unum objectum; sed objectum visus
est etiam lumen, ut patet: ergo color
non est objectum visus. — 2. *de Anima*
l. 14.

2. Præterea, color non habet virtutem
movendi diaphanum ad hoc ut videatur
nisi per lumen; cuius signum est, quod
ille qui est in obscuro, videt ea quæ
sunt in lumine, non e converso; ergo
lumen est visibile; et consequenter color
non est objectum visus. — *Ibid.*

3. Præterea, multa sunt colorata, quæ
non videntur ut colorata, sed videntur
ut lucida, ut fungus, cornu, piscium ca-
pita, oculi et similia, ut dicit Philosophus
(2. *de Anima* text. 72; c. 7); ergo ob-
jectum visus non est color. — 2. *de Anima*
l. 15 et l. 14.

4. Præterea, eadem est potentia co-
gnoscitiva contrariorum; sed visus videt
lucem, ergo et tenebras debet videre;
sed neutrum est color: ergo color non
est objectum visus. — *Ibid.* l. 15.

5. Præterea, dicit Philosophus (2. *de*
Anima text. 136; l. 3, c. 2), quod visus
videt suam visionem; sed hæc non est
color, ut patet: ergo. — 3. *de Anima*
l. 2.

Sed contra est, quod Philosophus 2. *de*
Anima text. 66 (c. 7) dicit, quod obje-

ctum visus est visibile, et quod visibile est color; et *text.* 137 (l. 3, c. 2), quod nihil videtur nisi color tantum aut habens colorem; et *de Sensu et Sensibili* c. 1 dieit, quod visus plures differentias rerum nobis manifestat quam auditus, quia omnia corpora tam sublunaria quam coelestia colorem participant; ergo solus color est objectum visus. — 2. *de Anima* l. 14; 3. *de Anima* l. 2; *de Sensu et Sensibili* l. 2.

RESPONDEO DICENDUM, quod color per se visibilis quidem est, ut dicit Philosophus (2. *de Anima text.* 66; c. 7), eo quod, ut inquit ille, habet color in se causam visibilitatis, in quantum est motivus diaphani secundum actum; unde habet quod, sit visibilis per se in secundo modo; objectum tamen visus adæquatum est visibile seu lucidum simpliciter. Ad eujus evidentiam sciendum, quod omnis forma in quantum hujusmodi est principium agendi sibi simile; unde cum color sit forma quædam, ex se habet quod causet sui similitudinem in medio. Sed tamen sciendum est, quod differentia est inter virtutem perfectam et imperfectam. Nam forma quæ est perfectæ virtutis in agendo, non solum potest inducere suam similitudinem in suo susceptibili, sed potest etiam disponere patiens, ut sit proprium ejus susceptivum; quod quidem non potest facere, cum fuerit imperfectæ virtutis. Dicendum est igitur, quod virtus coloris in agendo est imperfecta respectu virtutis luminis. Nam color nihil aliud est quam lux quædam quodammodo obscurata ex admixtione corporis opaci. Unde non habet virtutem, ut faciat medium in illa dispositione, qua sit susceptivum coloris, quod tamen potest facere lux pura. Ex quo etiam patet, quod quia lux est quodammodo substantia coloris, nec oportet quod color per lumen extrinsecum fiat visibile; et ad eandem naturam reduci potest omne visibile, puta ad naturam lucidi; ideo merito adæquatum objectum visus assaignatur a Philosopho (2. *de Anima text.* 66; c. 7) visibile, sub

quo continentur, ut inquit ille, color, q̄ est lux imperfecta, et quædam lucid quæ de nocte videntur, ut noctiluc putredines quercum et hujusmo quæ lucem magis participant quā color. — 2. *de Anima* l. 14; *Quodl.* a. 1, c. — Unde patet *ad primum objectum*.

*A*d secundum dicendum, quod color illuminati propterea ab eo qui est in cōscuro, videntur, quia medium etiam illuminatum est, quantum sufficit ad mutationem ipsius; lumen autem nō requiritur ad videndum propter colore ut nimirum faciat ipsum esse actu, quantum sit in potentia, cum est in tenebris; sed propter medium, ut nimiri ipsum faciat actu illuminatum, et sic possit moveri a colore, ut videatur, ut dicit Philosophus (2. *de Anima text.* 66; c. 7). — 2. *de Anima* l. 14; *Quæst. disp. Anima* a. 4, ad 4.

*A*d tertium dicendum, quod ideo quādam videntur in tenebris ut lucent non ut colorata, in lumine vero videntur colorata, non ut lucentia, quia predicta ex sua compositione habent aliquam lucis, in quantum lucidum ignis et diaphanum aeris et aquæ non est totali in eis comprehensum per opacum terræ; sed quia modicum habent de luce, eorum lux ad præsentiam majoris luminis occultatur; unde in lumine non videntur lucentia, sed ut colorata tantum; et autem eorum propter sui debilitatem non potest diaphanum perfecte reducere actum secundum, quod natum est moveri a colore; unde sub eorum luce necrum color nec aliorum videtur, sed solum lux ipsorum: lux enim cum est efficiacior ad movendum diaphanum quam color et magis visibilis, cum minori mutatione videri potest. — 2. *de Anima* l. 15.

*A*d quartum et quintum dicendum, quod *sentire visu* dupliciter dicitur: uno modo, secundum quod visu sentimus nos videre; alio modo, cum visu videntur colorem. Et quod visu sentire dicitur

tipliciter, appareat ex hoc quod aliando dicimus sentire visu, cum visus essentialiter immutatur a visibili, scilicet colore; aliquando autem discernimus et tenebras et lumen, etiam cum non emus per immutationem, scilicet ab exteriori sensibili. Sed non similiter dicitur utroque modo visu sentire. Redit actio ad hoc, quod actio visus potest considerari, vel secundum quod consistit immutatione organi a sensibili extensi; — et sic non sentitur nisi color: — e ista actione visus non videt se esse; — alia est actio visus, secundum quod post immutationem organi judicat ipsa perceptione organi a sensibili, inabeunte sensibili; — et sic visus non sent solum colorem vel sentit, sed sentit et visionem coloris. — 3. de *Anima*

ad argumentum in oppositum dicendum ad priorem *text.* 66, 2. *de Anima*, Philosophus, ubi dixit, quod objectum visus est visibile, et quod visibile est visus, subdit: « et id, quod est innominabile, commune scilicet his, quae tantum coelestes videntur — quae sub nomine *lumen* vel *lucentis* comprehendendi possunt, ut est colligi ex Philosopho eodem *textu*, 2. *de Anima* *text.* 72 (c. 7) — ut significat adaequatum objectum visus comprehendere in se colorem et lumen. Quod et manifeste ex tertio textu (*de Sensu et Sensibili* c. 1). Nam cum ibi dicatur, quia corpora (tam celestia nimirum in inferiora) convenire in *colore*, et nifestum sit celestia non esse colorata, nemo proprio nomen coloris, nomine coloris debet intelligere *lucem*, quae simul in diaphano est principium coloris, et quodammodo substantia illius, ut dicitur est. Unde et a Philosopho 2. *de Anima* *text.* 69 (c. 7) vocatur lumen « quasi pars perspicui ». — Eodemque modo dividum ad textum secundo loco citatum est 2. *de Anima* *text.* 137; 1. 3, c. 2). 2. *de Anima* l. 14 et 15; *de Sensu et Sensibili* l. 2.

ARTICULUS II

UTRUM RECTE DEFINIATUR A PHILOSOPHO COLOR.

Videtur quod non recte definitur a Philosopho color, quod sit *motivus diaphani secundum actum*.

1. Unius enim rei una est definitio, ut dictum est (supra q. 3, a. 14, arg. 1); sed color definitur a Philosopho aliter *de Sensu et Sensibili* (c. 3), nimirum quod sit *perspicui in corpore determinato extremitas*: ergo color male definitur, quod si motivus diaphani secundum actum. — *de Sensu et Sensibili* l. 6.

2. Praeterea, definitio convertitur cum definito; sed esse motivum diaphani convenit etiam lumini; lumen enim est actus diaphani et color illius, ut dicit Philosophus (2. *de Anima* *text.* 69; c. 7): ergo idem quod prius. — 2. *de Anima* l. 14; 3a, q. 60, a. 2, arg. *Sed contra*.

Sed contra est quod Philosophus 2. *de Anima* (*text.* 67; c. 7) definit colorem, quod sit motivus diaphani secundum actum. — 2. *de Anima* l. 14.

RESPONDEO DICENDUM, quod dupliciter potest considerari *color*: *uno modo per ordinem ad visum*, seu secundum quod est immutatus visus, unde habet ut per se sit visibilis; — et hoc modo consideratus a Philosopho definitur, quod sit motivus diaphani secundum actum. Hoc enim habet color de sui natura, quod possit mouere diaphanum in actu. Cum enim sit objectum visus, ut dictum est, debet ipsum mouere. Comparatur enim potentia sensitiva exterior ad suum objectum tamquam patiens ad agens, ut dictum est (q. 64, a. 1). Cum autem non possit mouere visum immediate (nam visibile positum supra visum non facit sensationem), et si distet a visu vel intercedat inter utrumque vacuum, non

videbitur, ut etiam dictum est ex Philosopho; necesse est quod moveat visum per aliquod medium. Medium autem potens moveri a colore nullum aliud est quam diaphanum; movet enim quatenus quiddam visibile; est autem visible, quatenus movet diaphanum secundum actum. Fit autem diaphanum seu transparens, ut aer et aqua, in actu per lumen; comparatur enim lumen ad diaphanum, sicut color ad corpus terminatum, quia utruinque est actus et forma sui susceptivi. Necesse igitur est quod color sit motivus aeris vel aquæ, quatenus sunt illuminata; hoc autem est esse motivum diaphani secundum actum. — 2. *de Anima* 1. 14.

Alio modo potest considerari color *absolute secundum suam naturam* absque ullo ordine considerato ad visum; et ut sic definitur a Philosopho loco citato (*de Sensu et Sensibili* c. 3), quod sit *extremitas perspicui in corpore terminato*. Extremitas perspicui ponitur loco generis, reliqua verba ponuntur loco differentiæ.

Ad cujus definitionis explicationem considerandum est, quod oportet semper ponere subjectum in definitione accidentis, ut dicitur 7. *Metaphys.* (text. 11, 12 et 19; 1. 6, c. 4 et 5), differenter tamen; nam si accidens definitur *in abstracto*, subjectum ponitur loco differentiæ; id autem quod pertinet ad genus accidentis, ponitur loco generis (sicut cum dicitur, simitas est curvitas nasi); cum autem accidens definitur *in concreto*, subjectum ponitur loco generis (sicut cum dicitur, simus est nasus curvus). — Cf. 7. *Metaphys.* 1. 3 et 4. — Quia ergo colorem volebat definire in abstracto, posuit loco generis id, quod est essentialiter ipse color; hoc autem est *extremitas*, non quidem corporis, quia sic esset superficies vel linea, et sic esset in genere quantitatis; sed *perspicui*, quod nominat corporis qualitatem, sicut calidum et album. Et ideo color non est in genere quantitatis, sicut superficies, quæ est extremum corporis; sed est in genere

qualitatis, sicut et perspicuitas, quia extrellum et id cuius est extrellum, unius generis sunt.

Est autem color extremitas perspicui quia cum perspicuum non sit natura separata, sed in corporibus existens, necesse est quod sicut corporum, in quibus haec natura invenitur, est aliquod ultimum, si sit finita; ita et ipsius perspicui, quod significat qualitatem talium corporum oportet esse aliquod ultimum; hoc autem ultimum est color, ut manifestum est ex his quæ accidentia. Non enim videtur corpora colorata nisi secundum suas extremitates; sicut enim corpus intrinsecus quidem habent superficie in potentia, non autem actu, ita etiam intrinsecus non colorantur actu, sed potentia, quæ reducitur ad actum fac corporis divisionem; illud autem intrinsecum non habet virtutem movendi visum quod per se colori convenit. Unde sit, color non sit extremitas corporis ut corpus est, ut Pythagorici posuerunt rationem allatam, sed sit in extremitate corporis; sit tamen quædam extremitas perspicui: quod ponitur loco differentiæ quia subjectum coloris est perspicuum; hoc enim est susceptivum coloris, tam his quæ colorantur interius per proprium colorem, quam in his quæ colorantur exterius, id est non per proprium colorem, sed ex aliquo exteriori, ut sunt aer et aqua. Haec enim omnia sunt perspicua, nisi quod in his quæ ab exteriori colorantur, quia non habent determinatum colorem de se, non videt idem color prope et longe: sicut apparatur in aqua maris, quæ de longe apparatur interius coloris quam prope. Quia enim horum color videtur secundum aliquam reverberationem, necesse est quod secundum varietatem situs prouidentius varietur apparitio propter diversam reverberationis figuram; sed in corporibus quæ de se habent determinatum colorem est determinata apparitio coloris, et non variatur secundum diversum situm asperientium, nisi forte per accidens, puta cui-

corpus continens facit aliquam transmutationem apparitionis, vel quando vis videtur per alium, sicut quæ continentur in vase vitri rubei videntur bea, vel etiam per aliquam reverberationem splendoris, sicut patet in collo lumbæ.

Additur in definitione coloris, quod sit extremitas perspicui *in corpore determinato*, quia sicut corporum quedam terminata dicuntur, quia propriis terminis terminantur, sicut corpora terrestria; quedam interminata, eo quod non terminantur propriis terminis, sed alienis; ita etiam est circa perspicuum: quod enim est *interminatum* ex se ipso, nihil habet in se determinatum, unde sum videatur; quoddam autem est *terminatum*, quia determinate habet aliud in se ipso, unde videatur secundum propriam terminationem. Perspicuum interminatum est susceptivum luminis, ius natura non est ut suscipiatur solum in extremo, sed per totum medium; perspicuum vero terminatum est, quod in extremo est susceptivum coloris. Et præterea additum est in definitione coloris, quod sit extremitas perspicui *in corpore determinato*. Et sic patet intellectus definitionis coloris. — *de Sensu et Sensibili* 6.

Ad primum ergo dicendum, quod unius est una definitio, si sumatur secundum unum conceptum; secus vero, si triæ rationes in illa considerentur: sicut enim de eadem re plures conceptus mari possunt, ita et plures definitioes, ut dictum est (supra. q. 3, a. 14, 1).

Id secundum dicendum, quod lumen quasi color diaphani. Non est autem motivum diaphani sicut color; nam lumen vere et realiter est actus perspicui, est in ipso perspicuo subjective; secus vero color: non enim aer coloratur, tantum recipit species coloris. — *de Sensu et Sensibili* l. 6; 2. *de Anima* l.

ARTICULUS III

UTRUM LUMEN SIT CORPUS.

Videtur quod lumen sit corpus.

1. Dicit enim Philosophus (3. *Top.* c. 2, al. 5), quod lumen est species ignis; sed ignis est corpus: ergo et lumen; nam quidquid prædicatur de genere, prædicatur etiam de specie. — 1a, q. 67, a. 2, arg. 2; 2. *Sent. dist.* 13, a. 3, arg. 3.

2. Præterea, ferri seu moveri, intersecare, transire per aereum, reverberari et reflecti est proprium corporum; sed prædicta convenient lumini; consuevimus enim dicere, quod radius transit per aereum, quod reverberatur, quod radii se intersecant: ergo lumen est corpus. — 1a, q. 67, a. 2, arg. 3; 2. *Sent. l. c. arg. 2, 4, 5*; 2. *de Anima* l. 14.

3. Præterea, corporum est, ut ex eorum confusione et compressione calor sequatur; sed ex intersecatione radiorum solis et eorum multiplicatione sequitur calor: ergo lumen est corpus. — 2. *Sent. l. c. arg. 6*.

Sed contra est, quod Philosophus (2. *de Anima* text. 69; c. 7) probat lumen neque esse ignem neque corpus neque aliquid defluens a corpore, sed esse accidens. — 2. *de Anima* l. 14.

RESPONDEO DICENDUM, quod impossibile est lumen esse corpus. Quod quidem apparet tripliciter: — *primo*, ex parte loci. Nam locus cuiuslibet corporis est alius a loco alterius corporis; nec est possibile secundum naturam duo corpora esse simul in eodem loco, qualiacunque corpora sint: quia contiguum requirit distinctionem situs; lumen autem simul est cum aere. — *Secundo*, idem apparet ex ratione motus. Si enim lumen esset corpus, illuminatio esset motus localis corporis; nullus autem motus localis corporis potest esse in instanti, quia om

ne quod movetur localiter, necesse est quod prius perveniat ad medium magnitudinis quam ad extremum, illuminatio autem sit in instanti. Nec potest dicit, quod fiat in tempore imperceptibili (quia in parvo spatio posset tempus latere, in magno autem spatio, puta ab oriente in occidentem tempus latere non posset); statim enim, cum sol est in puncto orientis, illuminatur totum hemisphaerium usque ad punctum oppositum. Est etiam aliud considerandum ex parte motus, quia omne corpus habet motum naturalem determinatum; motus autem illuminationis est ad omnem partem, nec magis secundum circulum quam secundum rectitudinem; unde manifestum est, quod illuminatio non est motus localis alicujus corporis.

— *Tertio*, apparet idem ex parte generationis et corruptionis. Si enim lumen esset corpus, quando aer obtenebrescit per absentiam luminaris, sequeretur quod corpus luminis corrumperetur, et quod materia ejus acciperet aliam formam; quod non apparet: nisi aliquis dicat etiam tenebras esse corpus. Nec etiam apparet, ex qua materia tantum corpus, quod replet medium hemisphaerium, quotidie generetur. Ridiculum etiam est dicere, quod ad solam absentiam luminaris tantum corpus corrumpatur. Si quis etiam dicat, quod non corrumpatur, sed simul cum sole accedit et circumferatur; quid dici poterit de hoc, quod ad interpositionem alicujus corporis circa candelam, tota domus obscuratur? Nec videtur quod lumen congregetur circa candelam, qui non apparet ibi major claritas post quam ante. Quia ergo haec omnia non solum rationi, sed etiam sensui repugnant, dicendum est, quod impossibile est lumen esse corpus. — 1a, q. 67, a. 2, c.; 2. *Sent.* dist. 13, a. 3, c.; 2. *de Anima* l. 14.

Ad primum ergo dicendum, quod Philosophus lumen nominat ignem in propria materia; sicut ignis in materia aerea dicitur flamma et in materia terræ dicitur carbo. Non tamen curandum est de exemplis,

quæ Aristoteles inducit in libris logicalibus, quia inducit ea ut probabilia secundum opinionem aliorum, ut ipse testatur in principio *de Generat.* — 1a, q. 67 a. 2, ad 2; 2. *Sent.* dist. 13, a. 3 ad 3.

Ad secundum dicendum, quod omnia illa attribuuntur lumini metaphorice, sicut etiam possunt attribui calori. Qui enim motus localis est naturaliter prius motuum, ut probatur 8. *Phys.* (*text.* 55 c. 7), utimur nominibus pertinentibus ad motum localem in alteratione et in omnibus motibus: sicut etiam nomen instantiae derivatum est a loco ad omnem contraria, ut dicitur in 10. *Metaphys.* (*text.* 43; l. 9, c. 4). Cum ergo duo lumen dicuntur conjungi et separari, non intelligitur talis conjunctio et separatio nisi secundum intensionem et remissionem luminis, multiplicatis vel subtractis luminaribus, quorum radii confusi esse dicuntur propter luminarium distinctionem. Cum vero radius dicitur moveri descendere, metaphorice dicitur ex eo quod alteratio illuminationis incipit a eo, quod supra nos est, per quem etiam modum possumus dicere colorem ascendere vel descendere. Radius demum non dicitur reverberari ad corpus solidum sicut repulsus secundum motum localem sicut pila quædam, sed in quantum obstit sua densitate illuminationi, per quem etiam modum aliæ qualitates reflectuntur — 1a, l. c. ad 3; 2. *Sent.* l. c. ad 2, et 5; 2. *de Anima* l. 14.

Ad tertium dicendum, quod ex intersectione radiorum non sequitur calor, sicut ex confriicatione corporum; sed quia ex concurrentibus multis radiis ad unum punctum oportet multiplicari lumen, ex hoc multiplicatur calor, in quantum lumen, ex hoc quod est qualitas primi alterantis, habet quod ad alterationem juvet, et præcipue secundum illam qualitatem quæ est simpliciter et maxime activa, puta calor, ac propterea virtus primi alterantis maxime conformis. — 2. *Sent.* l. c. ad 6.

ARTICULUS IV

UTRUM LUMEN SIT QUALITAS.

Videtur quod lumen non sit qualitas.

1. Omnis enim qualitas permanet in objecto, etiam postquam agens discesserit : sicut calor in aqua remota ab igne ; sed lumen non remanet in aere, recerente luminari : ergo lumen non est qualitas. — 1a, q. 67, a. 3, arg. 1 ; 2. *Sent.* dist. 43, a. 3, arg. 10.

2. Præterea, omnis qualitas sensibilis habet contrarium, sicut calido contratur frigidum et albo nigrum ; sed lux nihil est contrarium : ergo lumen non est qualitas sensibilis. — 2. *Sent.* 1. a. arg. 8 ; 1a, l. c. arg. 2.

3. Præterea, causa est potior effectu ; sed lux celestium corporum causat formas substantiales in istis inferioribus ; etiam esse spirituale coloribus, quia cit eos visibles actu : ergo lumen non est aliqua qualitas sensibilis, sed magis forma substantialis aut forma spiritualis. — 1a, l. c. arg. 3.

4. Præterea, omnis qualitas passibilis introducitur successive in materiam, quia secundum eam contingit motus alteratio-
nis, qui est successivus ; sed illuminatio-
nem subito : ergo lumen non est hujusmodi
qualitas. — 2. *Sent.* l. c. arg. 9.

Sed contra est, quod Philosophus (2. *de Anima* text. 69; c. 7) dicit, quod lumen non est qualitas. — 2. *de Anima* l. 14.

RESPONDEO DICENDUM, quod circa naturam luminis diversi diversimode opinati sunt. — *Quidam* enim opinati sunt lumen esse corpus, moti ex quibusdam locutio-
bus, quibus utimur loquentes de lumine ; unde opinio stare non potest, ut ostensum est.

Quidam vero alii dixerunt, quod lux est quedam natura spiritualis, argumen-
tum sumentes, quod in rebus intellectualibus nomine luminis utimur ; dicimus igitur in substantiis spiritualibus esse

quoddam lumen intelligibile. Sed hoc etiam est impossibile. Impossibile enim est quod aliqua natura spiritualis, et intelligibilis cadat in apprehensione sensus, qui cum sit virtus corporea, non potest esse cognoscitivus nisi rerum corporalium. Si quis autem dicat, quod aliud est lumen spirituale ab eo quod sensus percipit, non erit cum eo contendendum, dummodo hic habeat, quod lumen, quod visu percipit, non est natura spiritualis. Nihil enim prohibet unum nomen imponi rebus quantumcunque diversis ; quod autem lumine et his quæ ad visum pertinent utamur in rebus intellectualibus, contingit ex nobilitate sensus visus, qui est spiritualior et subtilior inter omnes sensus, ut ostensum est (v. infra q. 68, a. 1).

Quidam vero dixerunt, quod lumen non est nisi evidenter coloris. Sed hanc positionem Avicenna (*de Anima* part. 3, c. 2 et 3) multipliciter improbat accipiendo omnes modos, quibus intelligi potest ; sensibiliter tamen apparet esse falsam in noctilucis, quorum color in nocte occultatur, quando lux apparet ; et quando color videtur in die, lux non sentitur.

Alii vero dixerunt, quod lux est forma substantialis solis ; et lumen in aere receptum et in quolibet corpore diaphano est accidens, quia post esse completum advenit, et reedit rebus manentibus. Sed hoc etiam stare non potest : — *primo*, quia illuminatio est actio in aliud, quia lucidum illuminat ; unde si lumen in hoc aere est accidens, oportet quod principium illuminationis in corpore lucido sit accidens, sicut etiam Commentator probat, quod calor non est forma substantialis ignis, quia in corporibus calefactis est accidens. *Secundo*, quia nulla forma substantialis est per se sensibilis, quia *quod quid est* est objectum intellectus, ut dicitur in 3. *de Anima* (text. 26; c. 6) ; lux autem est secundum se visibilis. *Tertio*, quia impossibile est ut id, quod est forma substantialis in uno, sit forma accidenta-

lis in alio : quia formæ substantiali per se convenit constitutere in specie, unde semper et in omnibus adest ei ; lux autem non est forma substantialis aeris, alioquin ei recedente corrumperetur ; unde non potest esse forma substantialis solis. — Quod si dicatur, quod illud quod videtur, non est lux, sed splendor vel fulgor quidam ; dicendum, quod illud quod nos appellamus lucem, est illud quod per se videtur ; et si forma substantialis dicatur lux, non erit nisi æquivocæ, quia accidentis et substantia non univocantur in aliquo ; et sic nihil prohibet etiam lapidem vocari lucem aut tenebras, quia etiam secundum Philosophum in 4. *Metaphys.* (*text.* 11 ; l. 3, c. 4) non est inconveniens, quod eodem nomine apud nos significetur homo, et apud alios non homo.

Alii ergo dicunt, quibus consentiendum est, quod sicut calor est qualitas activa consequens formam substantialiem ignis ; ita lux est qualitas activa consequens formam substantialiem solis vel cujuscunque alterius corporis a se lucentis, si aliquod aliud tale est. Cujus signum est, quod radii diversarum stellarum habent diversos effectus secundum diversas naturas corporum. Et sicut calor est in tertia specie qualitatis, ita et lux ; sed in hoc differt a calore, quia lux est qualitas primi corporis alterantis, quod non habet contrarium, unde nec lux contrarium habet ; calori autem est aliquid contrarium. Et quia luci nihil est contrarium, in suo susceptibili non potest habere contrariam dispositionem ; et propter hoc suum passivum, scilicet diaphanum, semper est in ultima dispositione ad formam ; et propter hoc statim illuminatur, non autem calefactibile statim calefit. Sciendum autem, ex hoc differre lumen a radio et splendore, quod ipsa participatio vel effectus lucis in diaphano vocatur *lumen* ; et si sit secundum rectam lineam ad corpus lucidum, vocatur *radius* ; si autem causetur ex reverberatione radii ad corpus lucidum, vocatur *splendor* ; lumen autem commune est ad omnem effectum

lucis in diaphano. — 2. *de Anima* l. 14 ; 2. *Sent.* dist. 13, q. 4, a. 3, c. ; 1a, q. 67, a. 3, c.

Ad primum ergo dicendum, quod cum qualitas consequatur formam substantiali, diversimode se habet subjectum ad receptionem qualitatis, sicut se habet ad receptionem formæ. Cum enim materia perfecte recipit formam, firmiter etiam stabilitur qualitas consequens formam, sicut si aqua convertatur in ignem. Cum vero forma substantialis recipitur imperfecte, secundum inchoationem quandam, qualitas consequens manet quidem aliquamdiu, sed non semper ; sicut patet in aqua calefacta, quæ redit ad suam naturam. Sed illuminatio non fit per aliquam transmutationem materiæ ad susceptiōnem formæ substantialis, ut fiat quasi inchoatio aliqua formæ ; et ideo lumen non remanet nisi ad præsentiam agentis.

— *Vel dic*, quod lumen solis recipitur in diversis corporibus diversimode, sicut dicit Dionysius (*de Div. Nom.* c. 4, §2 ; — Migne PP. Gr. t. 3, col. 693), secundum diversam capacitatē eorum ; et ideo aliqua sunt, quæ illuminantur in superficie tantum, ut corpora opaca, aliqua vero illuminantur etiam in profundo, sicut diaphana, quæ tamen lucem non retinent, quia imperfecte lumen recipiunt ; unde oportet quod lumen in eis cesseret absente illuminante. Alia vero sunt, quæ perfectius lumen recipiunt, et lumen tenent, u carbunculus et hujusmodi. — 1a, l. c. ad 1 ; 2. *Sent.* l. c. ad 10.

Ad secundum dicendum, quod accidi luci, quod non habeat contrarium, in quantum est qualitas naturalis primi corporis alterantis, quod est a contrarietate elongatum, ut dictum est. — *Vel dic* quod lumen habet contrarium, quatenus participatur in coloribus. — 1a, l. c. ad 2 ; 2. *Sent.* l. c. ad 8 et in c. ; *de Sensu et Sensibili* l. 14.

Ad tertium dicendum, quod sicut calor agit ad formam ignis quasi instrumentaliter in virtute formæ substantialis ; ita lumen agit quasi instrumentaliter in vir-

ute corporum cœlestium ad producendas formas substantiales, et ad hoc quod faciat colores visibles actu, in quantum est qualitas princi corporis sensibilis. — 1a, c. ad 3; 2. *Sent.* dist. 13, l. c. ad 7.

Ad quartum dicendum, quod successio, quæ est in alteratione aliarum qualitatum, contingit ex hoc quod in paciente est qualitas contraria, quæ resistit actioni alterantis, quam oportet successive expellere. Sed cum lux non habeat contrarium, sicut nec forma substantialis, diaphanum ad præsentiam illuminantis statim lumen recipit, sicut materia statim necessitata per alterationem præcedentem recipit formam substancialē. Et ideo sic et generatio est terminus alterationis, ita illuminatio motus localis, quo illuminans fit præsens illuminato, ut dicit commentator (6. *Phys.*). — 2. *Sent.*, dist. 3, l. c. ad 9.

ARTICULUS V

TRUM LUMEN HABEAT ESSE REALE IN MEDIO,
AN VERO ESSE TANTUM INTENTIONALE.

Videtur quod lumen in medio, puta in aere, habeat tantum esse intentionale.

1. Ita enim se habet lumen ad perspicuum, sicut color ad idem, ut patet ex Philosopho (2. *de Anima* text. 69; c. 7), ubi lumen vocat colorem perspicui; sed color habet in medio esse tantum intentionale: ergo et lumen habebit in eodem esse tantum intentionale. — 2. *de Anima* 14: 2. *Sent.* dist. 13, q. 1, a. 3, c.

2. Praeterea, lumen dat colori esse spirituale; ergo multo fortius ipsum debet habere esse spirituale, quia nihil dat alteri quod non habet. — 2. *Sent.* dist. 13, q. 1, a. 3, c.

3. Praeterea, nulla qualitas habens esse naturale immediate superposita organo visus potest videri; sed lumen contingens pupillam videtur: ergo lumen habet in medio esse tantum intentionale. — *Ibid.*

Sed contra est, quod lumen denominat aerem; sit enim aer luminosus in actu; color vero non denominat ipsum; non enim dicitur aer coloratus. — 1a, q. 67, a. 3, c.

RESPONDEO DICENDUM, quod lumen est forma accidentalis, habens esse firmum, et ratum in natura; et quod sicut calor est qualitas activa ignis et habet in ipso et in omnibus calefactis esse reale ac naturale, ita lux est qualitas activa ipsius solis, et in aliis est secundum quod magis cum sole communicant, qui totius luminis est fons, et in medio non habet esse intentionale tantum, sicut nonnulli volunt. Cujus ratio est, quia per illud quod habet esse intentionis tantum, non sequitur transmutatio nisi secundum operationem animæ, ut in videndo et audiendo; per illuminationem autem videmus sensibiliter naturales transmutationes fieri per caliditatem ex solis radiis consequentem. Ergo fieri non potest quod lumen habeat in medio esse tantum intentionale; non autem reale ac naturale. — 1a, q. 67, a. 3, c.; 2. *Sent.* dist. 13, q. 1, a. 3, c.; 2. *de Anima* l. 14.

Ad primum ergo dicendum, quod valde differt color a luce: nam virtus coloris in agendo est imperfecta respectu virtutis luminis; nam color nihil aliud est, quam lux quædam quodammodo obscurata ex admixtione corporis opaci: unde non habet virtutem ut facial medium in illa dispositione, qua sit susceptivum coloris, quod tamen potest facere lux pura. — 2. *de Anima* l. 14.

Ad secundum dicendum, quod quia cœlum est primum alterans, inde sequitur quod omnis alteratio quæ est in inferioribus, perficitur per virtutem luminis, sive sit alteratio secundum esse naturale sive secundum sensum; et ex hoc habet lux, quod omnibus corporibus generationem conserat, et coloribus det esse spirituale, secundum quod recipiuntur in medio et organo; et ipsum lumen virtutem spirituale habet, licet secundum esse reale et naturale sit tam in corpore luci-

do quam in medio. — 2. *Sent.* l. c., in c.

Ad tertium dicendum, sicut dictum est (supra q. 59, a. 1, ad 7) de fulgore oculi a vidente percepto.

QUAESTIO LXVI

DE VISIONE.

Deinde considerandum est de visione.

CIRCA QUAM QUÆRITUR :

Utrum visio fiat per extramissionem radiorum ab oculis, an vero per intus receptionem.

ARTICULUS

UTRUM VISIO FIAT PER EXTRAMISSIONEM RADIORUM AB OCULIS, AN VERO PER INTUS RECEPTIONEM.

Videtur quod visio fiat per extramissionem radiorum ab oculis ad rem visam.

1. Dicit enim Philosophus (*2. de Cœlo et Mundo text.* 48; c. 8), quod visus se extendens ad stellas fixas valde distantes tremit; sed hic tremor denotat multam extramissionem radiorum ab oculis: ergo visio fit per talem extramissionem. — 2. *Cœlo et Mundo* l. 12.

2. Præterea, omnis sensus ad hoc ut sentiat debet contingere sensibile; sed visus non potest tangere visibile, nisi per radios extramissos ad ipsum: ergo idem quod prius. — 2. *de Anima* l. 20.

3. Præterea, quo res visa est magis distans ab oculo, minus videtur; sed hujus ratio est, quia quo lineæ visuales magis protenduntur ab oculo ad rem visam, faciunt angulum minorem, ut dicunt perspectivi: ergo signum est, quod visio fiat per extramissionem radiorum visualium ab oculo usque ad rem visam. — 2. *de Anima* l. 15 et 20.

4. Præterea, visio eodem modo fit a quo cunque vidente, sicut et sensatio cuiuslibet alterius sensus: sed visio corporis glorificati non potest fieri per receptionem speciei sensibilis ab objecto in pupilla ergo absolute visio non fit per receptionem, sed per extramissionem. — Minor probatur multipliciter: — et primo, quia receptio speciei est quædam passio, ut dicit Philosophus (*2. de Anima text.* 51 et 118; c. 5 et 11); at corpora gloriosa erunt impassibilia. — Secundo, quia immutatio naturalis præcedit immutationem animalem, sicut esse naturale præcedit esse intentionale; sed corpora gloriosa ratione impassibilitatis non immutabuntur immutatione naturali: ergo nec intentionalis ab objectis externis. — Tertio, quia quando anima est in actu unius potentiae, remittitur actus alterius potentiae; sed anima summe erit intenta ad actum virtutis intellectivæ, quæ Deum contemplabitur: ergo non erit aliquo modo in actu sensitivæ. — Quarto, quia id, quod est lucidum actu, non est receptivum speciei visibilis, unde speculum directe positum sub radiis solis, non repræsentat speciem corporis oppositi; sed pupilla hominis glorificati, sicut et totum ejus corpus, erit claritate dotata: ergo non recipietur in ea aliqua species corporis colorati. — 4. *Sent.* dist. 44, q. 2, a. 1, quæstiunc. 3 et 4.

Sed contra est, quod Philosophus (*de Sensu et Sensibili* c. 2; *de Memoria et Reminisc.* c. 3, al. 2) negat contra Empedoclem visionem consistere in extramissione radiorum. — *de Sensu et Sensibili* l. 4; *de Memoria et Reminisc.* l. 7.

RESPONDEO DICENDUM, quod circa modum videndi variæ fuerunt Philosophorum opiniones. Quidam enim, ut Democritus et alii posuerunt visionem fieri per defluxum corporum a re visa ad oculum. Quæ positio falsa est: nam primo sequeretur, quod per hujusmodi defluxum corpora visa diminuerentur, quousque totaliter consumerentur. Sequeretur etiam, quod oculus ex occursu continuo hujusmodi corporum destrueretur. Neque

am esset possibile ut totum corpus ab oculo videretur, sed solum secundum tantum quantitatem, quam posset pupillae capere. Præterea, non possunt hi aures ponere, quod hujusmodi corpora fluentia a corporibus visis ingrediantur in oculum, quia sic corrumperetur substantia ejus. Unde oportet quod ponant visionem per contactum corporum solutorum ad ipsum oculum ex hujusmodi contactu immutatum ad videndum.

Ergo talis immutatio sufficit ad causam visionem, melius est dicere, quod visio fiat per hoc quod medium statim a principio moveatur a sensibili, quam dire visionem fieri per contactum et dectionem. Natura enim per pauciora se pedit in quantum potest. Præterea, si visio fieret per contactum, tunc sensus visus non distingueretur a tactu; quod dicit esse falsum: visus enim non est comoctivus contrarietatum tactus. Item, hujusmodi corpora defluentia a rebus visis, cum sint subtilissima, a ventis prolerentur: unde non fieret recta visio.

nam, visus non indigeret lumine ad videndum, si visio fieret per contactum sensibilis. — *de Sensu et Sensibili* 1.5 et 8.

Alii ergo dicunt fieri visionem per emissionem radiorum ab oculis, ut Empedocles et Plato. Differunt tamen hi inter-

Nam *Empedocles* vult quod id, quod egreditur ab oculo, extendatur usque ad visionem: unde sequitur quod, cum tecum etiam astra, id quod egreditur a te, extendatur usque ad astra. Quod certe manifestam impossibilitatem; nam enim egredi non sit nisi corporum, queretur quod aliquod corpus egrediens oculo perveniat usque ad astra. Quod demum appareat falsum multipliciter: — *primo* quidem, quia sequeretur plura corpora esse in eodem loco: tum quia id quod egreditur ab oculo, esset similicium aere; tum quia hujusmodi egredientia ab oculis oporteret multiplicari eodem medio secundum multitudinem entium per idem medium. — *Secundo*, a quælibet emissio corporis in princi-

pio quidem est major, in fine vero attenuatur; propter quod contingit, quod flamma ex corpore accenso procedens tendit in summum; hic autem accidit contrarium: dicunt enim mathematici, quorum est haec positio, quod conus corporis egredientis ab oculo est intra oculum, basis vero illius in re visa. — *Tertio*, quia non posset quantitas oculi sufficere ad hoc, quod tantum corpus progredetur ab eo, quod attingeret usque ad astra, quantumcunque subtiliaretur: aliquis enim est terminus subtilitatis corporum naturalium; et propterea quanto esset subtilius, tanto facilius corrumperetur. Et iterum oporteret quod vel esset aer vel ignis illud corpus emissum ab oculo; et aerem quidem emitte ab oculo non est necessarium, quia abundat exterius; si vero esset ignis, videremus etiam ignem; vel non possemus videre mediante aqua; nec etiam possemus videre nisi sursum, quo tendit motus ignis. Non autem potest dici, quod illud corpus, quod egreditur ab oculo, sit lumen, quia lumen non est corpus, ut dictum est.

Alia opinio est *Platonis*, qui posuit, quod lumen egrediens ab oculo non procedit usque ad rem, sed ad aliquod determinatum spatium, ubi scilicet cohæret luci exteriori, ratione cujus cohærentiae sit visio. Verum et haec positio non probatur: — *primo* quidem, quia inutiliter et vane aliquid ponit. Melius enim esset dicere, quod lumen interius conjungitur exteriori in ipsa interiori extremitate oculi, quam extra per aliquam distantiam: et hoc ideo, quia in illo spatio intermedio si non est lumen exterius, extinguitur lumen interius a tenebris secundum ejus positionem. Si vero attingat lumen usque ad oculum, melius est quod statim conjungatur, quia quod potest fieri sine medio, melius est quam quod fiat per medium, cum aliquid fieri per pauciora melius sit quam per plura. — *Deinde*, stultum est ponere conjunctionem luminis interioris ad exterius, etiam si fiat in principio oculi: — *primo* quidem, quia conjungi vel sepa-

rari est proprium corporum, quorum utrumque habet per se subsistentiam, non autem qualitatum, quae non sunt nisi in subjecto. Unde cum lumen non sit corpus, sed accidens quoddam, non est quod lumen adjungatur lumini, nisi forte corpus luminosum adjungatur alii luminoso. Potest autem contingere, quod lumen intendatur in aere per multiplicationem luminarium, sicut et calor intenditur per augmentum calefacentis: quod tamen non est per additionem, ut patet in 4. *Phys.* (*text.* 84; c. 9). Secundo, quia dato etiam quod utrumque lumen esset corpus, non tamen esset impossumbi' e quod utrumque coniungeretur, cum non sint ejusdem rationis. Non enim quodlibet corpus natum est conjungi cuilibet corpori, sed solum illa, quae sunt aliqualiter homogenea. Tertio, quia cum inter lumen interius et exterius intercedat corpus medium, scilicet meninges, id est tunica oculi, non potest utriusque luminis esse conjunctio.

Unde cum Philosopho dicendum est, visionem consistere in receptione formæ a re visibili oculo impressæ, ut dictum est, non autem in extramissione radiorum ab oculis vel in defluxu corporum a re visa ad oculum. — *de Sensu et Sensibili* l. 3 et 4.

Ad primum ergo dicendum, quod non ideo dicit Philosophus visum tremere, cum longe valde porrectus respicit ad stellas fixas, quia visio fiat extramittendo; nam id improbavit (*de Sensu et Sensibili* c. 2); sed quia in hujusmodi eadem ratio est, sive fiat visio extramittendo sive intus suscipiendo; conatur enim visus ad videndum rem a remotis, non solum si oporteat cum radium visualem emittere usque ad corpus distans, sed si etiam oporteat cum suscipere speciem a corpore distante provenientem, quia corporis distantis debilior est impressio, et ideo difficilis est eam sentire. Utitur autem modo loquendi, ac si visio fiat extramittendo, quia mathematici ita utuntur in suis demonstrationibus, et plures homines ita loquuntur; nomini-

bus autem utendum ut plures, sicut ipso dicit in 2. *Topic.* (c. 2). — 2. *de Calo Mundo* l. 12.

Ad secundum dicendum, quod sufficiunt quod sensus et sensibile simul sint et tangent mediante specie, ut dictum est (q. 60, a. 1, c. *Tertio*).

Ad tertium dicendum, quod causa, quae distantia impedit visum, est, quod omne corpus videtur sub quodam angulo cujusdam trianguli vel magis pyramidis cujus basis est in re visa, et angulus est in oculo videntis. Neque differt quantum ad hoc, utrum visus fiat extramittendo ita quod lineæ concludentes triangulum vel pyramidem, sint lineæ visuales prægredientes a visu ad rem visam, vel contra fiat; dummodo visus sit sub praedicta figura trianguli vel pyramidis. Quod ideo necesse est, quia cum res visa sit major quantitate quam pupilla oportet quod proportionaliter diminuenda perveniat immutatio visibilis usque ad visum. Manifestum est autem, quod quanto latera trianguli vel pyramidis sunt longiora, dummodo est eadem basis, tanto angulus est minor; et ideo quanto remotiori res videtur, tanto minus videtur, et tanta potest esse distantia, quae omnino non videatur. — 2. *de Animalibus* l. 15 et 20; 4. *Sent. dist.* 44, q. 2, a. sol. 4, ad 6; *de Verit.* q. 8, a. 1, ad 1.

Ad quartum dicendum, quod de sensione corporum gloriosorum varii variuntur. Omnes enim ponunt in corporibus beatorum aliquem sensum; alias vis corporalis sanctorum post resurrectionem assimilaretur magis somno quam vigilia; quod non competit illi perfectioni, eo quod in somno corpus sensibile non est in ultimo actu vitae, propter quod somnus dicitur vitae dimidium (1. *Ethic.* c. 13). — Sed in modo sentiendi diversi diversa operantur. *Quidam* enim dicunt, quod quia corpora gloria erunt impassibilia, et propter hoc non receptibilia peregrinæ impressio[n]is, et multo minus quam corpora cœlestia; non erit ibi sensus in actu, per receptionem alicujus speciei a sensibili-

magis extramittendo. Sed hoc non est esse, quia in resurrectione natura eius manebit eadem in homine et in aliis partibus ejus; hujusmodi autem natura sensus, ut sit potentia passiva, in 2. *de Anima* (*text.* 51 et 121; c. 5 et probat Philosophus. Unde si in resurrectione Sancti sentirent extramittendo, non recipiendo; non esset sensus in eis us passiva, sed activa; et sic non est ejusdem speciei cum sensu qui nunc sed esset aliqua alia virtus eis data: et enim materia nunquam fit forma, potentia passiva nunquam fit activa. Et ideo dicunt *alii*, quod sensus in actu per susceptionem, non quidem ab exterioribus sensibilibus, sed per effluxum perioribus viribus: ut sicut nunc superiores vires accipiunt ab inferioribus, nunc e converso inferiores accipient perioribus. Sed ille modus receptio non facit vere sentire, quia omnis potentia passiva secundum suae speciei rationem determinatur ad aliquod specie activum, quia potentia in quantum hujusmodi habet ordinem ad illud, respondeat cuiusdam; — unde cum proprium suum in sensu exteriori sit res existens extra animam, et non intentio ejus existens in imaginatione vel ratione, si unum sentiendi non moveatur a rebus exterioribus, sed ex imaginatione vel aliis superioribus viribus, non erit vere sentire. Ne non dicimus, quod phrenetici et alii capti, in quibus propter victoriam discriminativa virtutis fit hujusmodi fluxus interiorum ad organa sentiendi, vere sentiuntur; sed quod videtur eis quod sentiuntur.

Et ideo dicendum est cum *aliis*, quod unus corporum gloriosorum erit per susceptionem a rebus quae sunt extra animam. Sed sciendum, quod organa sensibili immutantur a rebus, quae sunt extra animam, dupliciter: uno modo immutatione naturali, quando scilicet organa disponitur eadem qualitate naturali, et disponitur res extra animam, quae in ipsum; sicut cum manus sit cali-

da et adusta ex tactu rei calidae, vel odorifera ex tactu rei odoriferae; *alio modo* immutatione spirituali, quando recipitur qualitas sensibilis in instrumento secundum esse spirituale, id est species seu intentio qualitatis, et non ipsa qualitas; sicut pupilla recipit speciem albedinis, et tamen ipsa non efficitur alba. Prima ergo receptio non causat sensum per se loquendo, quia sensus est susceptivus specierum in materia praeter materiam, id est praeter esse materiale, quod habebant extra animam, ut dicitur 2. *de Anima* (*text.* 121; c. 12); et haec receptio immutat naturam recipientis, quia recipitur hoc modo qualitas secundum esse suum materiale. Unde ista receptio non erit in corporibus gloriis, sed secunda, quae per se facit sensum in actu, et non immutat naturam recipientis. — Et ex his patet *ad objectum*. — 4. *Sent. dist.* 44, q. 2, a. 1, quæstiunc. 3, c.

Ad primam vero probationem dicendum, quod per hanc passionem et receptionem speciei non trahitur corpus extra naturalem suam qualitatem, sed spiritualiter perficitur: unde impassibilitas gloriosorum corporum hanc passionem non excludit. — *Ibid.* ad 1.

Ad secundam dicendum, quod omne passivum recipit actionem agentis secundum suum modum. Si ergo aliquid sit, quod natum sit immutari ab activo, naturali et spirituali immutatione, immutatio naturalis precedit immutationem spiritualem, sicut esse naturale precedit esse intentionale. Si autem natum sit immutari tantum intentionaliter et spiritualiter, non oportet quod immutetur naturaliter: sicut est de aere, qui non est receptivus coloris secundum esse naturale, sed solum secundum esse spirituale, et ideo hoc tantum modo immutatur; — sicut e converso corpora inanimata immutantur per qualitates sensibiles solum naturaliter, et non spiritualiter. In corporibus autem gloriis non poterit esse aliqua immutatio naturalis, et ideo ibi erit spiritualis immutatio tantum. — *Ibid.* ad 2.

Ad tertiam dicendum, quod quando unum duorum est ratio alterius, occupatio animae circa unum non impedit nec remittit occupationes ejus circa aliud : sicut medicus dum videt urinam, non minus potest considerare regulas artis de coloribus urinarum, sed magis. Et quia Deus apprehendetur a Sanctis ut ratio omnium quæ ab eis agentur vel cognoscantur ; ideo occupatio eorum circa sensibilia sentienda vel quæcumque alia contemplanda aut agenda, in nullo impedit divinam contemplationem, nec e converso. — *Vel dicendum*, quod ideo una potentia impeditur in suo actu, quando alia vehementer operatur, quia una potentia de se non sufficit ad tam intensam operationem, nisi ei subveniatur per id, quod erat aliis potentiarum vel membris influendum a principio vitae. Et quia in Sanctis erunt omnes potentiae perfectissimæ, una poterit intense operari, ita quod ex hoc nullum impedimentum præstabitur actioni alterius potentiae. — 4. *Sent.* dist. 44, q. 2, a. 1, quæstiunc. 3, ad 4.

Ad quartam dicendum, quod intensio luminis non impedit receptionem spiritualem speciei coloris, dummodo maneat in natura diaphani : sicut patet, quod quantumcunque illuminetur aer, potest esse medium in visu, et quanto est magis illuminatus, tanto per ipsum clarius aliquid videtur, nisi sit defectus ex debilitate visus. Quod autem in speculo supposito directe radio solis non appareat species corporis oppositi, non est propter hoc quod impediatur receptio, sed propter hoc quod impeditur reverberatio. Oportet enim ad hoc quod forma appareat in speculo, quod fiat quædam reverberatio ad aliquod corpus obscurum, et ideo plumbum vitro adjungitur in speculo ; hanc autem obscuritatem radius solis repellit, unde non potest apparere species aliqua in speculo. Ciceritas autem corporis gloriosi non auferit diaphaneitatem a pupilla, quia gloria non tollet naturam ; unde magnitudo claritatis in pupilla ma-

gis faciet ad acumen visus quam ejus defectum. — *Ibid.* quæstiunc. ad 5.

QUÆSTIO LXVII

DE ORGANO VISUS.

Deinde considerandum est de organo visus.

CIRCA QUOD QUÆRITUR :

Utrum visio fiat in humore crystallino a
vero in nervis opticis.

ARTICULUS

UTRUM VISIO FIAT IN HUMORE CRYSTALL AN VERO IN NERVIS OPTICIS.

Videtur quod visio fiat in humore crystallino.

1. Dicit enim Philosophus loquens sensoriis sensuum exteriorum (2. *de Anima* text. 10; c. 4), quod sicut animal anima et corpus, ita oculus est pupilla visus ; sed visio fit in proprio organo propria materia : visus ergo fiet in pupilla, quæ est propria materia potentiae visivæ. Pupilla autem cum sit complexus aquæ, ut dicit Philosophus (*de Sensu et Sensibili* c. 2; 2. *de Anima* t. 130; l. 3, c. 4) maxime consistit in humore crystallino, ut patet ex 2. *de Anima* (text. 82, c. 8), ubi comparatur aer, qui est intus aurem, et est instrumentum levitatis, cum humido pupillæ : tum et humor ille crystallinus est perspicuus et crassus, quæ sunt propria aquæ, ut dicit Philosophus (*de Sensu et Sensibili* l. 1). Ergo visio fit in humore crystallino. — 2. *de Anima* l. 2 et 17; *de Sensu et Sensibili* l. 4; — 3. *de Anima* l. 4.

2. Præterea, sensorium visus, in 10 sit visio, debet esse pars aliqua simplicis, ut dicit Philosophus (2. *de Parte*

nimul. c. 1); unde non potest esse compositum ex humore crystallino et tela arara illum tegente. Praeterea debet esse humor aliquis, ut docet Philosophus (1. *Hist. Animal* c. 9), ubi pupillam, quam *de Anima* (*text.* 10; c. 1) vocat materiam et sensorium visus, dicit esse humor oculi, quo videmus; sed humor crystallinus est humor ad pupillam pertinens, ut dictum est: ergo visio fit humor crystallino. — 2. *de Anima* 2.

3. Praeterea, delecto oculo ad sensum paret aqua discurrens, ut dicit Philosophus (*de Sensu et Sensibili* c. 2); sed in potissimum fit visio, quod delecto oculo continente materiam visus statim luit: ergo idem quod prius. — *de Sensu et Sensibili* 1. 4.

4. Praeterea, materia visus, in qua fit visio, non debet esse quicunque humor, talis qui sit frigidus et clarus, ut tet experientia in oculis embrionum de novo formatis, qui quasi adhuc recipientes magis virtutem sui principii, excedunt in frigiditate et claritate; sed talis humor est humor pupilla contentus; nam in sit complexionis aqueae, ut dictum est, et est clarus et frigidus, quae duo sunt connaturalia aquae: ergo idem quod us. — *Ibid.*

5. Praeterea, id est sensorium visus, in quo fit consequenter visio, quod in animalibus carentibus sanguine continetur intra pelle oculi, ut possit tale sensorium servari, et in habentibus sanguinem cumdatur albo oculi pingui et crasso eundem finem, ut sensorium visus, quod debet esse naturae aqueae et animale, ut docet Philosophus (2. *de Anima* 7. 82; c. 8), ex ejus caliditate permaneat absque congelatione. Sed hoc in hisque animalibus est humor crystallinus; hic enim est humor animatus in pupilla existens et naturae aqueae: ergo hoc fit visio. — *Ibid.*; 2. *de Anima* 1.

6. Praeterea, nervus non sentit, ut dicit Philosophus (1. *de Anima* *text.* 79; c.

5), ubi dicit, quod sunt quedam partes animalis, quae nihil sentire videntur, ut ossa, nervi, pili; sed organum sensus debet sentire; nam actio sensus non est sine organo, cum sit actus ejus: ergo nervus non potest esse sensorium visus. — 1. *de Anima* 1. 42.

Sed contra est, quod organum visus est, ubi est organum odoratus, ut inquit Philosophus (*de Sensu et Sensibili* c. 2); sed ex eodem ibidem locus odoratus est circa cerebrum: ergo et ibi erit locus organi visus; sed talis locus est, ubi conjunguntur duo nervi optici ex oculis procedentes: ergo in nervis opticis consistit principium seu sensorium visus, et per consequens in illis fit visio. — *de Sensu et Sensibili* 1. 5.

RESPONDEO DICENDUM, quod organum visus, in quo fit visio, debet esse complexionis aqueae, ut manifestum est primo ex tribus signis, ut inquit Philosophus (*de Sensu et Sensibili* c. 2). Quorum primum est, quod si oculi destruantur, ad sensum appareat inde aqua discurrens. Secundum est, quod in oculis embrionum de novo formatis, qui quasi adhuc recipientes magis virtutem sui principii, excedunt et in frigiditate et in claritate, quae duo sunt connaturalia aquae. Tertium signum est, quia in animalibus habentibus sanguinem, in quibus potest esse pinguedo quasi ex sanguine generata, circa pupillam ponitur album oculi habens pinguedinem et crassitudinem quandam, ut ex ejus caliditate permaneat aqueum pupillae humidum absque congelatione, quae perspicuitatem aquae diminueret, et sic impeditur visio; et ideo ratione pinguedinis praedictae oculus, qui pinguescit propter ejus caliditatem, nullus unquam passus est frigus in toto eo quod intra palpebras continetur. In animalibus vero quae sunt sine sanguine, in quibus non invenitur putredo, natura facit oculos durae pellis ad protegendum humidum aquatum, quod est intra pupillam. — *de Sensu et Sensibili* 1. 4.

Secundo, probatur ratione ab eodem

Philosopho (*de Sensu et Sensibili* c. 2) desumpta ex immutatione medii illuminati a corpore viso causantis visionem; unde rationabiliter colligit, id quod est intra pupillam, quae est organum visus, esse aqueum. Aqua enim est de numero perspicuum. Oportet autem quod sicut *exterius* medium est aliquod perspicuum illuminatum, sine quo nihil potest videri: ita etiam *intra* oculum sit aliquod lumen. Et cum non sit visio nisi in perspicuo, necesse est quod etiam intra oculum sit aliquod perspicuum; non autem corpus celeste, quia non venit in compositionem humani corporis: et ideo necesse est quod sit *aqua*, quae servabilius est et spissior quam aer. Quoniam vero humor pupilla contentus habet conditiones necessarias ad complexionem organi visus, ut dictum est; ideo in illo *incipit* fieri visio. — *de Sensu et Sensibili* l. 5.

Non tamen in illo *perficitur*, sed in loco circa cerebrum, ubi se conjungunt nervi optici ab oculis procedentes; quod ex multis appareat manifestum: — et *primo* quidem ex signo, quod affert Philosophus (*de Sensu et Sensibili* c. 2) ab his, qui in pugnis circa tempora vulnerantur, desumptum. Scisis enim poris et nervis, qui pupillam continuant visivo principio, ubi nimirum nervi se circa cerebrum conjungunt, subito tenebræ fiunt per visus amissionem, ac si lucerna extingueretur; pupilla enim est sicut lampas quædam illuminata ab exteriori lumine; et ideo quando præseinduntur pori et nervi continuantes pupillam principio visivo, non potest lumen hujus lampadis usque ad visivum principium pervenire, et ideo visus obscuratur. — *Ibid.*

Secundo, ex *duplice ratione*: una desumpta ex necessitate luminis interius in oculo existentis. Ideo enim ad videndum præter lumen exterius, inquit Philosophus (*de Sensu et Sensibili* l. c.), requiritur etiam lumen interius, quia virtus visiva non est in exteriori superficie oculi (ita ut sufficiat ad videndum so-

lum lumen exterioris perspicui, per quo immutatio coloris perveniat ad exteriorum superficiem pupillæ), sed est interius unde oportet quod sit in aliqua parte determinata corporis, quæ quia est interior juxta cerebrum sita, ubi conjunguntur duo nervi ex oculis procedentes, id oportet quod intra oculum sit aliquod perspicuum receptivum luminis, ut uniformis immutatio a re visa usque ad principium visivum. — *Altera* est unitate numerica sensationis. Ideo enim est una numero visio, licet sint duo oculi, et per consequens duæ pupillæ, duo humores aquæ pupillarum, quia visio utriusque oculi concurrit per quosdam nervos ad aliquod intrinsecum in suo organum, quod est circa cerebrum; per hoc autem, quod uterque visus concurreat ad aliquod unum principium, illi uni attribuitur operatio sentiendi tamquam proprio sensitivo. Unde manifestum est quod visio licet inchoetur in humore pupillæ, perficitur tamen circa cerebrum, ut conjunguntur nervi optici. Unde sequitur quod quia ex Philosopho (1. *de Partib. Animal.* c. 2) aliud est sensorium sive principium visivum, aliud organum nam illud constat partibus similaribus hoc vero dissimilaribus; — nervi, qui sunt partes similares, sunt sensorium visus sive principium visivum, pupilla vero vel occlus continens pupillam, in qua continet humor aqueus tela quadam contentus, organum visus: — quod est dicere, quod organum proximum et extrinsecum sunt oculi, primum vero et intrinsecum sunt nervi visuales. — *De Sensu et Sensibili* l. 5, 17 et 19; 2. *de Anima* l. 4; 3. *de Anima* l. 3; *Opusc.* 43, c. 3.

Ex his patet *ad objecta*. Nam tantum probant incipere visionem in oculo ratio humoris aquæ pupillæ tamquam in organo proximo et extrinsecō, quod verum est sed non perficitur ibi, sed ubi conjunguntur nervi optici, tamquam in proprio sensorio et organo ultimo, ut colligit ex Philosopho (2. *de Anima* text. 146; 3. c. 2) in simili de organo tactus, ut pri-

et argumentum contrarium. Cum enim gamum visus ad modum organi olfactus, sed similiter in eodem loco consistit circa cerebrum, ut docet Philosophus (*de Sensu et Sensibili* c. 2), multa in se involvunt — puta pupillam, quae continet humorum quendam aqueum et telam quandam continentem et tegentem illum humorum, praeterea duos nervos opticos procedentes ab oculis ad locum circa cerebrum, ubi conjunguntur — ; non mirum est, si visio inchoetur in humore pupillae, persificatur in conjunctione nervorum opticorum; sicut et eadem visio potest variis modis impediri : puta vel corruptione humoris aquae pupillae, vel scissione nervorum continuantium pupillam visivo principio, vel impedita pelle seu retina aranea. Requiruntur enim illa tria accessorio ad visum, atque adeo ad visionem: — et *humor* quidem aqueus pupilla intentus, *tum* ad hoc ut possit organum visus facile immutari ab objecto sensibili per talem enim humorum, qui solus est immutatus, recipit oculum speciem visibilis); non etiam ut mediante hoc humore per se fiat uniformis immutatio a re visa que ad principium visionis circa cerebrum existens, ut dictum est. *Tela* vero *aranea* requiritur, ut contineat conservet humorum aqueum pupillae. Prerovi demum *optici* requiruntur tamquam sensorium visus seu tamquam principium visivum, ut dictum est (in c.). — *de Anima* 1. 4, 17; 3. *de Anima* 1. 4; *usc.* 43, c. 3; *de Sensu et Sensibili* 1. 5. Et ex his patet ad quinque prima objecta. Ad sextum dicendum, quod nervus sentit, ut patet ex illa infirmitate, quae dicitur spasmus, quae contingit propter constrictiōnēm vel repletionem nervorum. Unde quod dictum est a Philosopho, dictum est per modum exempli, cuius non requiritur veritas, ut ipsem Philosophus in libro *Priorum* docet. — *de Spirat.* 1. 18.

QUESTIO LXVIII

DE POTENTIA VISIVA.

Deinde considerandum est de potentia visiva.

CIRCA QUAM QUÆRUNTUR TRIA:

1. Utrum potentia visiva sit perfectior aliis potentiis sensitivis externis.
2. Utrum sit carior alius.
3. Utrum inter alias potentias sensitivas externas faciat magis scire.

ARTICULUS I

UTRUM POTENTIA VISIVA SIT PERFECTIOR ALIIS POTENTIIS SENSITIVIS EXTERNIS.

Videtur quod potentia visiva non sit perfectior aliis potentiis sensitivis externis.

1. Illa enim potentia sensitiva est perfectior, quae magis deservit intellectui et prudentiae; sed hujusmodi non est visus, sed auditus, ut dicit Philosophus (*de Sensu et Sensibili* c. 1), ubi docet, quod inter privatos a nativitate sensu visus et auditus, sapientiores sunt caeci, qui carent visu, quam muti et surdi, qui carent auditu: ergo. — *de Sensu et Sensibili* 1. 2.

2. Praeterea, cum potentiae et habitus proportionentur ad invicem, sicut nobilitas habitus desumitur ex illius certitudine, ut docet Philosophus initio libri 1. *de Anima* (text. 4; c. 1); ita et nobilitas potentiae ex majori certitudine desumitur; sed sensus tactus est certissimus omnium sensum, ut dicit idem Philosophus (2. *de Anima* text. 94; c. 9); unde homo, quia habet optimum tactum, est prudentissimum omnium animalium, ut dicitur ibidem; ergo sensus visus non est præstantior et nobilior ceteris sensibus. — 1. *de Anima* 1. 4; 2. *de Anima* 1. 19.

3. Praeterea, potentia generativa est no-

bilior reliquis potentiis animae vegetativa, ut dicit Philosophus (*2. de Anima text. 49; c. 4*); hoc autem est, quia est fundamentum ceterarum est universalior reliquis, ut dicit Philosophus (*2. de Anima text. 34 et 35; c. 4*); sed eodem modo tactus et universalissimus et communissimus omnibus viventibus: nam omnia habent tactum, non omnia habent visum, ut patet ex Philosopho I. *Metaphys.* initio (*text. 1; c. 1*). — *2. de Anima* I. 7 et 9; I. *Metaphys.* I. 4.

4. Praeterea, in homine ille sensus est perfectior, in quo cetera animantia superat; sed homo non superat in visu, immo nec in auditu nec in odoratu; nam quædam animalia melius vident, audiunt et odorant quam homo, ut dicit Philosophus (*2. de Anima text. 94; c. 9*); superat autem in gustu et tactu: ergo hi sunt perfectiores. — *2. de Anima* I. 19.

5. Praeterea, aptitudo mentis respondet bonitati perfectioris et nobilioris sensus; sed respondet bonitati tactus, non autem bonitati visus; nam ex sensu tactus accipimus, quod aliqui sint ingeniosi vel non ingeniosi, et non secundum aliquem alium sensum. Qui enim habent duram carnem et consequenter habent malum tactum, sunt inepti secundum mentem; qui vero sunt molles carne, et per consequens boni tactus, sunt bene apti mente. Unde etiam alia animalia habent duriores carnes quam homo. Ergo sensus tactus est nobilior visu. — *2. de Anima* I. 19.

Sed contra est, quod Philosophus (I. *Metaphys. text. 1; c. 1; de Sensu et Sensibili c. 1*) anteponit visum nobilitate ceteris sensibus. — I. *Metaphys.* I. 4; *de Sensu et Sensibili* I. 1 et 2.

RESPONDEO DICENDUM, quod simpliciter et per se perfectior et nobilior est sensus visus quam reliqui sensus. Cujus ratio est, quia ille sensus est perfectior et nobilior ceteris, qui et spiritualior est et subtilior. Sed hic est visus; quod patet ex tribus: — *primo* quidem ex suo objecto. Nam aliqua cadunt sub visum secundum proprietates, in quibus

communicant inferiora corpora cum celestibus. Visibile enim, quod est objectum visus, invenitur in omnibus corporibus sit enim aliquid visibile per hoc, quo diaphanum illuminatur actu a corpore lucido; utrumque autem reperitur tan in inferioribus corporibus quam in superioribus. Tactus autem est perceptum proprietatum, quæ sunt proprie elementis: scilicet calidi et frigidi et simili. Gustus autem et olfactus propriatum, quæ competit corporibus mixti secundum diversam rationem communitionis calidi et frigidi, humidi et siccii. Sonus autem causatur ex motu locali qui etiam communis est corporibus celestibus et inferioribus, licet species motus quæ causat sonum, non competat corporibus celestibus secundum scientiam Aristoteles. Unde ex ipsa natura objecti appareat, quod visus est altior inter omnes sensus, et auditus propinquior ei et alii sensus magis remoti. — *2. de Anima* I. 14; *de Sensu et Sensibili* I. 2.

Secundo, idem appareat ex modo immutationis. Nam in quolibet alio sensu non est immutatio spiritualis sine naturali. Dico autem immutationem naturalem, prout qualitas recipitur in paciente secundum esse naturæ: sicut cum aliquid infrigidatur vel calefit, aut movetur secundum locum; immutatio vero spiritualis est, secundum quod species recipitur in organo sensus aut in medio, per modum intentionis et non per modum naturalis formæ. Non enim sic recipitur species in sensu secundum illud esse, quod habet in re sensibili. Patet autem, quod in tactu et gustu, qui est tactus quidam, fit alteratio naturalis; calefit enim et frigescit aliquid per contactum calidi et frigidi, et non fit immutatio spiritualis tantum. Similiter autem immutatio odoris fit cum quadam fumatione; immutatio autem soni cum motu locali. Sed in immutatione visus est sola immutatio spiritualis: unde sequitur, quod visus, quia immaterialius et spiritualius immutatur, certius et perfectius

noicit et judicat de sensibilibus inter
sensus. — 2. *de Anima* I. 44.

Certio, idem patet ex universalitate po-
tiae. Nam plura per visum manifestan-
tum per alios sensus : nam, ut di-
cuntur, reliqui sunt cognoscitivi illorum
differentium, in quibus distinguuntur infe-
ria corpora a superioribus. Visus autem
cognoscitivus illorum accidentium,
quibus communicant inferiora cum su-
perioribus. Praeterea, plures rerum dif-
ferentias visus demonstrat, quia sensibilia
corpora praecipue per visum et tactum
noiscere videmur, et adhuc magis per
visum. Cujus ratio est, quia alii res sensus
et cognoscitivi eorum, quae a corpore
sibili quodammodo effluunt et non in-
sistunt: sicut sonus est a corpore
sibili ut ab eo fluens et non in eo ma-
nifestatur, et similiter fumalis evaporatio, cum
et ex qua odor diffunditur. Visus
et tactus percipiunt illa accidentia,
rebus ipsis immanent, sicut color et
calidum et frigidum. Unde judicium tactus
visus extenditur ad res ipsas; judicium
odoratus et auditus ad ea, quae a
ipsis ipsis procedunt, non ad res ipsas.
Hoc est, quod figura et magnitudo et
modi, quibus ipsa res sensibilis dis-
tinguitur, magis percipitur visu et tactu
in aliis sensibus; et adhuc amplius
visu quam tactu: *tum* propter hoc
visus, quia spiritualior, habet ma-
giem efficaciam ad cognoscendum, ut
est; *tum* propter hoc quod quan-
titas et ea, quae ad ipsam sequuntur, quae
sunt esse sensibilia communia, pro-
muntur se habent ad objectum visus quam
objectum tactus: quod ex hoc patet,
quod objectum visus omne corpus habens
quam quantitatem aliquo modo conse-
ntur, non autem objectum tactus. —
Manifestum est, quod visus inter
sensus est spiritualior et conse-
nter perfectior et nobilior ceteris, et
visum auditus; et propter hoc hi duo
sunt disciplinabiles, et his
ad eos pertinent, utimur in intel-
lectualibus, et praecipue his quae perti-
nent ad visum. — 2. *de Anima* I. 14;
I. *Metaphys.* I. 1.

Ad primum ergo dicendum, quod visus
secundum se est melior ad finem cognitionis
quam auditus: quia potentia visiva
sua apprehensione annuntiat nobis plures
rerum differentias et diversorum mo-
dorum — quia nimis ejus objectum
invenitur in omnibus corporibus, et quia
per visum magis cognoscuntur communia
sensibilia — ; quia quanto potentia habet
virtutem cognoscitivam universaliorum
et ad plura se extendentem, tanto est
efficacior in cognoscendo: quia omnis
virtus, quanto est universalior, tanto est
potentior. Sed auditus tantum annuntiat
nobis differentias sonorum, quae non in-
veniuntur in omnibus corporibus, et dif-
ferentias vocis, secundum quod sunt indi-
cative diversarum passionum. *Per ac-
cidens* tamen auditus est melior visu
quoad cognitionem, quatenus plura pos-
sunt cognosci per doctrinam et discipli-
nam, ad quam ordinatur sermo, qui est
audibilis, quam per propriam inventio-
nem, ad quam deservit visus. — *de Sensu
et Sensibili* I. 2; I. *Metaphys.* I. 1.

Ad secundum dicendum, quod in nobis
tactus est certior ratione complexionis et
temperaturae quam in aliis animalibus,
licet in aliis sensibus deficiat a quibus-
dam animalibus. Habet enim homo op-
timum tactum; unde sequitur quod sit, ut
dictum est, omnium animalium prudentissi-
mum, et ex tactu dignoscatur, an ali-
quis sit ingeniosus vel non ingeniosus.
Si tamen consideretur visus secundum se,
longe certius et perfectius judicat de suo
objecto, quia immaterialius et spiritua-
lius immutatur quam reliqui sensus, ut
dictum est (in c.). — 2. *de Anima* I. 19;
Ia, q. 91, a. 3, ad 4.

Ad tertium dicendum, quod potentia
generativa non ideo perfectior est ceteris
potentiis animae nutritivae, quia est uni-
versalior, sed quia est finis illarum. Unde
ab illa tamquam a fine Philosophus ani-
mam vegetativam definit (2. *de Anima*
text. 49; c. 4). At vero tactus non est finis

ceterarum potentiarum, sed fundamentum illarum. Unde sequitur quod visus ratione sue majoris spiritualitatis et immaterialitatis, ut patet tum ex proprio objecto tum ex modo sue immutationis, sit perfectior omnibus sensibus, ut dictum est (in c. et ad 1). — 2. *de Anima* l. 9; 1a, q. 91, a. 3, ad 1.

Ad quartum dicendum, quod licet in homine visus non sit perfectior visu et reliquis sensibus existentibus in aliis animalibus, ut dicit Philosophus (2. *de Anima* text. 94; c. 9), cum multa animalia melius videant, audiant et odorent quam homo; visus tamen in se perfectior est quam quilibet sensus, ob rationes dictas (in c. et ad argg.). Unde Philosophus (5. *de Generat. Animal.* c. 1) dicit, quod visus dici potest perfectior dupliciter: vel quia percipit objectum magis remotum; et hoc modo, inquit, non est perfectissimus visus in homine; vel quia percipit plures differentias rerum; et hoc modo est perfectissimus visus in homine. — 2. *de Anima* l. 19.

Ad quintum dicendum, quod bonitas mentis non ideo respondet bonitati tactus non autem visus, quia tactus sit perfectior visu, sed ex dupli causa: — *prima* est, quia tactus est fundamentum aliorum sensuum; manifestum enim est, quod organum tactus diffunditur per totum corpus, et quodlibet instrumentum cuiuscunque sensus est etiam instrumentum tactus; et illud, ex quo aliquid dicitur esse sensitivum, est sensus tactus. Unde ex hoc quod aliquis habet meliorem tactum, sequitur quod simpliciter habeat meliorem sensitivam naturam, et per consequens quod sit melioris intellectus. Nam bonitas sensus est dispositio ad bonitatem intellectus. Ex hoc autem quod aliquis habet meliorem auditum vel meliorem visum, non sequitur quod sit melius sensitivus vel melioris sensitivae simpliciter, sed solum secundum quid. — *Secunda* causa est, quia bonitas tactus consequitur bonitatem complexionis seu temperaturae. Cum enim instrumentum

tactus non possit esse denudatum a genitangibilium qualitatum, eo quod est elementis compositum, oportet quod in potentia ad extrema, saltem per quod est medium inter ea. Ad bona autem complexionem corporis sequitur nobilitas animae: quia omnis forma proportionata sue materiae. Unde sequitur, quod qui sunt boni tactus, sunt nobilioris animae et perspicacioris motis. — *Ibid.*

ARTICULUS II

UTRUM SENSUS VISUS SIT NOBIS CARIOR RELIQUIS SENSIBUS.

Videtur quod sensus visus non sit carior reliquis sensibus: —

1. quia ille sensus est nobis carior, est magis necessarius nobis, et quoniam privari vellemus; sed hujusmodi sensus tactus; nam sine eo non potest esse vita animalis, ut docet Philosophus.

1. *Metaphys. text. 1*; c. 1; et 2. *de Anima* text. 27; c. 3); et proinde magis eligimus privari visu quam tactu: ergo visus non est nobis carior reliquis sensibus. — 1. *Metaphys. l. 1*; 2. *de Anima* l. 5.

2. Præterea, dicit Philosophus (*Sensu et Sensibili* c. 1), quod auditus sensus disciplinae. Unde sapientiores sint cæci a nativitate quam surdi. Sed ex eadem Philosopho (1. *Metaphys. text. 1*; c. 1) maxime diligimus sensus propria cognitionem: ergo idem quod prius. — *de Sensu et Sensibili* l. 2; 1. *Metaphys. l. 1*.

Sed contra est, quod Philosophus (*Metaphys. initio* (text. 1; c. 1) dicit, quod visum magis diligimus quam reliqui sensus.

RESPONDEO DICENDUM, quod simpliciter et absolute est nobis carior visus reliqui sensibus. Et ratio est, quia ille sensus est nobis carior magisque diligitus, qui est magis cognoscitivus et in se nobilior est: hujusmodi autem est visus: hic enim,

etum est, et est immaterialior et spiritu-
ar reliquis, unde et magis perfecte facit
s cognoscere et plures rerum differen-
tias nobis demonstrat, ut dictum est (art.
præced.) — 1. *Metaphys.* l. 1.

Ad primum ergo dicendum, quod cum
visus nobis ad duo deserviant, nimirum
ad cognitionem rerum et ad utilitatem
naturae; quoad cognitionem nobis carior
est visus, ob rationes allatas; quoad
utilitatem vero nobis carior est tactus,
quia hic est magis necessarius et est
adamentum aliorum. Unde hic neces-
sario inest omnibus animalibus, non sic
omni, ut dicit Philosophus (2. *de Anima*
text. 27; c. 3, et alibi). — *Ibid.*

Ad secundum dicendum, quod visus
magis confert ad cognitionem; au-
sus vero per accidens, ut dictum est
(art. præced. ad 1). — *Ibid.*

ARTICULUS III

RUM VISUS INTER ALIOS SENSUS FACIAT MAGIS SCIRE.

Videtur quod sensus visus inter alios
non faciat magis scire.

1. Cum enim scientia sit certa cognitio
visus, ut dictum est (in Logica q. 30, a.
c.), ille sensus facit magis scire, qui
est certior; sed hic est tactus; dicit
Philosophus (2. *de Anima* text.
94; c. 9), quod sensum tactus certiorem
habemus: ergo sensus visus non facit
magis scire inter alios. — 2. *de Anima*
l. 19.

2. Præterea, dicit Philosophus (2. *de
Anima* text. 94; c. 9), quod habentes
bonum tactum communiter sunt boni intel-
lectus; sed ille sensus magis confert ad
scientiam, et proinde magis facit scire, ex
quo sequitur bonitas intellectus: ergo
non quod prius. — 2. *de Anima* l. 19.

3. Præterea, Philosophus (*de Sensu et
Sensibili* c. 1) dicit, quod cæci nati
dictum habentes sunt magis sapientes,
quam surdi nati visum habentes; ergo

auditus facit magis scire quam visus. —
de Sensu et Sensibili l. 2.

4. Præterea, dicit Philosophus (2. *de
Anima* text. 107; c. 11), quod tactus est
duarum contrarietatum, scilicet calidi et
frigidi, humidi et sicceti; visus vero est
unius contrarietatis, albi scilicet et nigri;
sed ille sensus magis facit scire, qui plu-
res rerum differentias demonstrat: ergo.
— 2. *de Anima* l. 22 et 19; 1. *Metaphys.*
l. 1.

Sed contra est auctoritas Philosophi in
1. *Metaphys.* (text. 1; c. 1).

RESPONDEO DICENDUM, quod sensus visus
inter alios sensus magis facit scire. Cujus
ratio duplex est: una est, quia quanto ali-
qua vis est spiritualior et immaterialior,
tanto perfectior est in cognoscendo; visus
autem est ceteris sensibus spiritualior,
quia spiritualius et immaterialius immu-
tatur ab objecto quam ceteri sensus:
objectum enim visus non immutat organum
nec medium, nisi spirituali immuta-
tione; non enim pupilla nec aer colo-
rantur, sed solum speciem coloris acci-
piunt secundum esse spirituale; objecta
vero aliorum sensuum imitantur medium
et organum sensus secundum aliquam
naturalem immutationem, ut patet induc-
tione, ut dictum est (art. 1, in c.). Altera est,
quia plures rerum differentias
præ ceteris nobis ostendit, ut ostensum
est (art. 1, in c.). Unde manifestum est,
quod visus inter alios sensus magis facit
scire. — 1. *Metaphys.* l. 1.

Ad primum ergo dicendum, quod di-
ctum Philosophi verum est, si comparetur
tactus hominis ad tactum aliorum anima-
lium, et non ad alios sensus hominis, ut
dictum est (art. 1, ad 2). — *de Sensu et
Sensibili* l. 2.

Ad secundum dicendum, quod non ideo
ex sensu tactus bonitas ingenii colligitur
eique respondet, non autem ex sensu
visus, quia ille sit hoc perfectior, vel quia
magis faciat scire, sed ob duas rationes
supra (art. 1, ad 5) allatas. — 2. *de Ani-
ma* l. 19 et 23.

Ad tertium dicendum, quod auditus

magis deservit ad prudentiam seu ad rerum cognitionem *per accidens*, non autem *per se*; nam plus homo potest cognoscere addiscendo — ad quod est utilis auditus; sed hoc est per accidens, quatenus sermo est signum intellectionum animi, et consequenter rerum —, quam de se inveniendo, ad quod est utilis visus.

Ad quartum dicendum, quod licet tactus sit duarum contrariatum, et visus unius, non tamen hinc sequitur, quod tactus plures rerum differentias demonstrat; quia objectum visus, puta lux et color, in pluribus corporibus reperiuntur quam qualitates tangibles, ut dictum est (art. 1, in c.).

QUESTIO LXIX

DE POTENTIA AUDITIVÆ OBJECTO.

Deinde considerandum est de potentia auditiva. Circa quam consideranda sunt tria, objectum, operatio seu auditio, et organum; nam de speciebus sensibilibus et de potentia nihil superest, praeter dicta, dubitandum in particulæ.

CIRCA PRIMUM QUERUNTUR DUO :

1. Utrum sonus sit qualitas an vero motus.
2. Utrum sonus sit in corpore sonante an vero in medio.

ARTICULUS I

UTRUM SONUS QUALITAS SIT AN VERO MOTUS.

Videtur quod sonus sit motus, non autem qualitas.

1. Philosophus enim (2. *de Anima* text. 85; c. 8) dicit, quod sonus est motus; sic enim illum definit: « sonus est motus ejus quod eo motu moveri potest, quo moventur ea quæ resiliunt a corporibus alienibus, cum quispiam percudit »; ergo

sonus non est qualitas, sed motus. — 2. *de Anima* l. 17.

2. Præterea, si sonus est qualitas, vel est qualitas prima vel secunda; non prima, quia qualitates primæ sunt tantum quatuor qualitates elementorum, ut dictum est (supra in Secunda Secundæ q. 43, a. 6); neque secunda, quia hæc consequitur combinationem primarum, e componitur ex illis, ut dicit Philosophus (2. *de Generat. text.* 10; c. 2): ergo sonus non est qualitas. — 2. *de Generat.* l. 2.

3. Præterea, oratio vocalis, quæ est species soni, ponitur a Philosopho (*Prædicam.* c. 7, al. 6) inter species quantitatis; ergo sonus non est qualitas. — 2. *c. Anima* l. 18.

Sed contra est : 1. quod Philosophus (2. *de Anima* text. 78; c. 8; *de Sensu et Sensibili* c. 7, al. 6) docet sonum esse effectum motus; sed effectus non est idem cum sua causa: ergo sonus non est motus. — *de Anima* l. 16; *de Sensu et Sensibili* l. 16.

2. Præterea, dicit Philosophus (2. *de Anima* text. 86; c. 8), quod velox non est idem quod acutum, nec grave in soni est idem quod tardum; ergo nec sonus cuius differentiae sunt grave et acutum est idem quod motus, cuius differentiae sunt velox et tardum. — 2. *de Anima* l. 17.

RESPONDEO DICENDUM, quod sonus non est motus, sed qualitas. Quod multipliciter appetat: — et primo, quia motus est sensibile commune, ut dicitur 2. *de Anima* (text. 64; c. 6); at sonus est sensibilis proprium, ut dicitur ibidem (text. 63). Secundo, quia sonus per se infert passiones sensibus, cum ipsum immutet intentione liter: cum enim animalia audiant in aqua ut dicit Philosophus (in *Hist. Animal.*), ne possit aqua ingredi interiorem aerenem necesse est quod in ipsum imprimat speciem soni, et per consequens quod ipsum moveat intentionaliter; proprium autem est qualitatum tertiae speciei afficere sensum, uero dictum est (in *Logica* q. 12, c.

). *Tertio*, quia motus est ens successivum, ut dictum est; sonus autem licet motum significatur, per aliquod tempus tenet atque adeo et per instans permanet, ut patet ex effectu verborum instrumentalium. Cum enim producatur ultimo instanti prolationis, in eo debet aliquid, quod illum instrumentaliter habeat; hoc autem non est motus proprius verborum, nam motus non est in instanti: ergo erit sonus prolationis motus productus. — 2. *de Anima* I. 43 et 3a, q. 78, a. 4, in c.

Et primus ergo dicendum, quod sonus non motus causaliter et non formaliter, causatur a motu, ut dictum est (in *Sed contra*) ex Philosopho. — 2. *de Anima* I. 16 et 17.

Et secundum dicendum, quod sonus qualitas alterius rationis a qualitatibus tangibilibus, de quibus tantum loquitur Philosophus 2. *de Generat.* (text. 10); non enim habet esse diu permanentem et quiescentem in subjecto sicut cum per motum localem successive retur, et in quadam immutatione iustatur. — 2. *de Generat.* I. 2.

Et tertium patet ex dictis in Logica I. a. 3, quæstiunc. 3).

ARTICULUS II

RUM SONUS SIT IN CORPORE SONANTE AN VERO IN MEDIO.

detur quod sonus sit in corpore sonante.

Dicit enim Philosophus (2. *de Anima* text. 73; c. 7), quod eodem modo non tur sonus, si corpus sonans ponatur per sensorium auditum, sicut si ponatur corpus odorans super odoratum; sed cor porans habet in se odorem, et pro tanto non potest positum supersensorium fieri: ergo similiter corpus sonans habet in se sonum, alioqui non valeret credidit Philosophi. — 2. *de Anima*

2. Praeterea, dicit Philosophus (2. *de Anima* text. 77; c. 8), quod in corpore sonante sonus est in potentia; sed idem est subjectum formæ in potentia, et formæ in actu: ergo sonus etiam est in corpore sonante actu. — 2. *de Anima* I. 16.

3. Praeterea, si sonus est in medio, non autem in corpore sonante, erit sonus in aqua, nam duo corpora collisa ad aquam faciunt sonum; sed aqua non est receptiva soni; dicit enim Philosophus (2. *de Anima* text. 76; c. 7), quod medium soni est aer, medium vero odoris est aer et aqua: ergo solus aer est medium receptivum soni, et per consequens in aqua sonus recipietur in corpore sonante. — 2. *de Anima* I. 15.

Sed contra est, quod Philosophus (2. *de Anima* text. 77; c. 8) docet, quod sonus actu est ipsius mediæ et auditus, non autem corporis sonantis. — 2. *de Anima* I. 16.

RESPONDEO DICENDUM, quod sonus non est subjective in corpore sonante, sed in medio. Quod multipliciter constare potest: — et primo ex differentia sensibilium sensuum externorum inter se. Cum enim omne sensibile dupliciter dicatur esse in actu — uno modo, quando actu sentitur, hoc est, dum species ejus est in sensu; alio modo, secundum quod habet propriam speciem, per quam sentiri potest, prout est in suo subjecto —; priori modo omnia sensibilia convenient, quod tunc sunt actu, secundum quod sunt in sensu, ut in proposito sonus est actu, secundum quod est in auditu; posteriore vero modo distinguuntur: nam alia sensibilia sunt in actu, prout sunt in corporibus sensibilibus: sicut color, prout est in corpore colorato, et odor et sapor, prout sunt in corpore odorifero et saporoso. Sic autem non est de sono; nam in corpore sonante non est sonus nisi in potentia; in medio autem, quod movetur ex percussione corporis sonantis, sit sonus in actu. Et propter hoc dicit Philosophus (2. *de Anima* text. 77; c. 8), quod sonus in actu est mediæ et auditus, non autem subjecti sonabilis. — Secundo, ex

requisitis ad generationem soni. Tria enim cum requirantur ad generationem soni, corpus percussiens, corpus percussum et medium, in eo est sonus tamquam in subjecto, in quo dicitur esse; dicitur autem esse in medio, non autem in corpore percutiente vel percusso, ut patet ex Philosopho 2. *de Anima* (*text.* 78; *c.* 8), ubi ait sonum esse alicujus ad aliquid, id est percutientis ad percussum, in aliquo, id est in medio: oportet enim quod illud quod facit sonum tangat aliquid, et cum tetigerit suo ictu, generetur sonus. Ictus autem percutientis non fit sine motu locali; motus autem localis non est sine medio: hoc enim est quod percutitur a duobus corporibus solidis se collidentibus ad aerem medium; generatio enim soni in suo subjecto consequitur motum subjecti. Consequitur autem sonus motum medii, puta aeris, ut patet experientia. — *Tertio*, ex ratione medii. Hoc enim in quolibet sensu qualitatibus sensibilibus secundum illum sensum caret, ut possit omnes recipere; manifestum autem est, quod neque aer neque aqua habent proprium sonum, sed necessarium est ad soni generationem in aere vel aqua, quod aliqua corpora firma vel solida et dura percutiant se invicem et aerem medium. Et sic manifestum est quod sonus est in medio, non autem in corpore sonante. — 2. *de Anima* I. 16.

Ad primum ergo dicendum, quod alia est ratio corporis sonantis et corporis odoriferi et sapidi, ut dictum est (*in c.*). Similitudo autem Philosophi huc tantum tendit, ut probet inter sensum et sensibile, sive habeat in se formaliter qualitatem, quae est objectum sensus, sive causaliter, ut contingit in sensu auditus, necessario debere dari aliquod medium; quod verum est in omnibus sensibus, ut dictum est (*in c.*).

Ad secundum dicendum, quod sonus est in potentia in corporibus sonantibus, non quidem receptiva, sed effectiva; efficiunt enim motum, et per consequens sonum in medio, quod alluditur et percutitur ex

mutua percussione duorum solidorum, dictum est, causa autem efficiens coincidit cum materia, ut dictum est Physicis (supra q. 63, art. un., in a. *Sed contra* et in c.); alioqui idem potest esse agens et patiens, quod est ipsum, cum cuiuslibet agentis creati patiens sit relatio realis, et e conversa et consequenter inter se distinguantur realiter. — 2a 2c, q. 59, a. 3, c.; *Pot.* q. 7, a. 10, c. et ad 1.

Ad tertium dicendum, quod tam aere quam in aqua audiunt animalia nos, ut dicit Philosophus (2. *de Anima* *text.* 83; *c.* 8; 4. *de Hist. Animal.* *c.* 8) licet enim aqua non ingrediatur inter rem aerem, tamen potest eum commutare et sic imprimere in ipsum species soni; dicitur tamen propriissimum medium tam in generatione soni quam auditu aer, quia sonus minus auditur aqua quam in aere, ut dicit Philosophus (2. *de Anima* *text.* 79; *c.* 8). — 2. *de Anima* I. 17 et 16.

QUÆSTIO LXX

DE AUDITIONE.

Deinde considerandum est de auditio-

CIRCA QUAM QUÆRITUR :

Utrum ad auditionem requiratur, quod se realiter perveniat ad auditum per motum aeris.

ARTICULUS

UTRUM AD AUDITIONEM REQUIRATUR, QUOD
SONUS REALITER PERVENIAT AD AUDITUM
PER MOTUM AERIS.

Videtur quod sonus realiter pervenit ad auditum per motum aeris medii.

4. Dicit enim Philosophus (2. *de Anima*

. 82; c. 8), quod sonativum est motus unius aeris continuitate usque ad auditum; ergo. — 2. *de Anima* I. 17.

Præterea, dicit Philosophus (*de Sensu et Sensibili* c. 7, al. 6), quod ratio, non simul afficiatur potentia auditiva medium a sono, sicut simul visibile et visum et medium, est, quia sonus cum motu, qui successivus est, et fit tempore. — *de Sensu et Sensibili* I. 16.

Præterea, non potest sonus pervenire auditum sine medio; sed medium, quod aer, non est receptivum soni, nec medium transmissivum ad auditum nisi sui motionem et percussionem et percessivam motionem partium aeris, ut Philosophus (*de Sensu et Sensibili* c. 1. 6; 2. *de Anima* text. 81; c. 8): ergo necessario debet sonus pervenire ad auditum per realem commotionem aeris. *Ibid.*; 2. *de Anima* I. 17.

ed contra est: 1. quod Philosophus dicit *de Anima* text. 75; c. 7, et alibi passim, quod sensibile positum supra sensorium non facit sensationem in auditu et in visu; sed si sonus realiter veniret usque ad auditum, sensibile auditum supra sensorium faceret sensationem: ergo sonus non pervenit realiter usque ad auditum. — 2. *de Anima* I. 15. 2. Præterea, dicit Philosophus (2. *de Anima* text. 114; c. 11), quod in hoc differt gustus et tactus a ceteris sensibus, quod illi sentiunt immediate tangendo, hi vero sentiunt a longe sua sensibilia non tangendo; sed auditus non potest sentire a longe sua sensibilia nisi per speciem intentionaliter: ergo ad auditionem non requiritur, quod sonus realiter pertinet ad auditum per aeris commotionem. — 2. *de Anima* I. 23.

3. Præterea, dicit Philosophus (*de Sensu et Sensibili* c. 7, al. 6), quod quis non audit et audivit, quia in instanti perficitur tota auditio; ergo sonus non pervenit ad medium quam ad auditum, sed auditus sine successione percipi non possum; quod non esset, si sonus perveniret ad auditum per aeris motum, qui

fit successive: ergo. — *de Sensu et Sensibili* I. 16.

4. Præterea, ita sonus est aptus mouere medium et sensum sicut lumen, quia utrumque caret contrario et utrumque est sensibile; sed lumen non prius immutat medium quam sensum, sed simul immutat utrumque: ergo et idem præstabit sonus, et sic sequitur idem, quod prius. — *Ibid.*

RESPONDEO DICENDUM, quod sonus pervenit ad auditum non solum intentionaliter, sed etiam realiter per multis motus partium aeris medii sibi invicem succedentes. Cujus signum manifestum est transfiguratio litterarum, quando alienus locutio auditur ex longinquo, ac si sonus vocis litteratae deferatur per medium successive. Propter hoc enim audientes sonum non videntur auditu discrevisse litteras prolatas, quia aer motus in medio transfiguratur, quasi admittens impressionem primi sonantis. Quod quidem contingit quandoque propter aliquam aliam aeris immutationem, sicut cum multis loquentibus non potest discerni, quid aliquis eorum dicat, propter hoc quod motus invicem se impediunt. Quandoque vero contingit propter distantiam. Sicut enim actio calefacientis in remotioribus debilitatur; ita etiam immutatio aeris, quae est a primo sonante: ex quo contingit, quod ad illos, qui sunt prope loquenter, perfecte pertingit sonus locutionis cum debita expressione litterarum, ad remotos autem cum quadam confusione.

Ratio autem conclusionis est, quia aer, quod est medium, quo sonus defertur ad auditum, est quidem secundum suam substantiam continuus; possunt tamen in eo fieri motus ab invicem divisi. Quod contingit propter facilem ejus divisionem; sicut patet in motu projectorum, ut Philosophus ostendit in 7. *Phys.* (text. 10; c. 2), in quo sunt multi motus et multa moventia et mota. Nam una pars aeris movetur ab alia, et sic sunt diversi motus sibi invicem succedentes, quia pars aeris mota adhuc remanet movens, postquam

cessavit moveri; et sic non omnes motus partium aeris sunt simul, sed sibi invicem succedunt, ut ostenditur in 8. *Phys.* (*text.* 82; c. 10). — Et similiter hoc apparet in sono, qui causatur ex aeris percussione; non enim ita ab illa causatur, quod totus aer, qui est medius, uno motu moveatur a percutiente, sed sunt multi motus sibi succedentes ex eo, quod una pars primo mota movet aliam. — Et inde est, quod quodammodo idem est, quod audit primus, qui est propinquus percussioni causanti sonum, et extremus, qui est remotus; quodam autem modo non idem. Si enim accipiatur id, quod proxime movet sensum, impossibile est quod idem sentiant, quia diversorum sensus immutantur immediate a diversis partibus medii sibi propinquis; et ita interrumpitur hoc et distinguitur illud quod unus sentit, ab eo quod sentit aliis. Si vero accipiatur id, quod primo movet medium, sic erit unum et idem, quod omnes sentiunt, sicut unius percussionis sonum audiunt omnes sive propinqui sive remoti: — sicut similiter unum corpus odoriferum, puta cothonium vel thus in igne ardens odorant omnes; sed id quod jam prope pervenit ad unumquemque, est alterum numero; sed est idem specie, quia ab eadem forma primi activi omnes hujusmodi immutationes causantur. Unde simul multi vident et odorant et audiunt idem sensibile per diversas immutationes ad eos pervenientes.

Unde patet, quod sonus pervenit ad auditum per multos motus partium medii sibi invicem succedentes; et simile est de odore. — Quod in utroque confirmatur ex eo, quod cessante percussione remanet sonus in aere, et remoto corpore odorifero adhuc sentitur odor in aere, propter hoc quod pars aeris immutata ad sonum vel ad odorem potest aliam similiter immutare, ut sic fiant diversi motus sibi invicem succedentes: nisi quod immutatio odoris sit per alterationem medii, immutatio autem soni sit per motum localem. — *de Sensu et Sensibili l. 16.*

Et ex his patet *ad objecta priores partis*. Tantum enim probant, cum so realiter multiplicetur, et generatio si in aere consequatur motum aeris, necesse esse quod plures partes aeris mo antur successive usque ad auditum: eodeinque modo in generatione soni rem immutari, quo immutatur aqua, et aliquid in illam projicitur. *Sicut* enim hac fiunt quedam girationes in circu aquæ percussæ, quæ quidem circa locum percussionis sunt parvæ, et motus fortis; in remotis autem girationes magnæ et motus debilior; et tandem motus totaliter evanescit et girationes cessant (quod si antequam motus ces sationes illæ aliquod obstaculum veniunt, fit motus girationis in contrarium, et tanto vehementius, quanto propinquius fiunt primæ percussioni); — in percussione corporum sonantium in girum movetur, et sonus undique funditur; et in vicino quidem girationes fiunt minores, sed motus est fortius unde sonus fortius percipitur; in remoto autem girationes sunt majores, et motus debilior, et sonus obscurius auditus tandem autem deficit totum. Quod si antequam hujusmodi girationes deficiat reverberatio aeris sic moti et soni deferentis ad aliquod corpus, girationes revertuntur in contrarium, et sic auditus sonus quasi ex adverso, et haec voca echo. Quod præcipue fit, quando ille obstans, ad quod repercutitur aer natus, est aliquod corpus concavum, quod quoddam vas determinans et condens aerem in sua unitate, et ideo prohibens ipsum dividi. Tunc enim ille sic unitus et commotus, quia non poterit ulterius motum pretendere propter corpus obstans, percutit iterum aerem quo percutiebatur, et fit motus in contrarium, sicut accidit, inquit Philosophus (2. *de Anima text.* 80; c. 8), cum aliquis projicit pilam seu corpus aliquod sphærum, quod inveniens obstaculum resilit. — 2. *de Anima l. 16.*

Ad primum ergo posterioris partis

dum, quod licet sonus perveniat rea-
r per aeris commotionem usque ad
itum, nunquam tamen ipsum organo
naturaliter immutat nisi per acci-
s, sed ad ipsum pervenit intentiona-
r. Solum enim tangibile conjungitur
vis realiter; visibile autem, odorabile
audibile per sui similitudinem tantum.
Et maxime verum est in auditu; nam
internus, qui ad organum ejus perti-
circundatur pelle sive meninge, que
hibet, ne aer ille localiter moveatur.
Ia. q. 78, a. 3, c.; 4. Sent. dist. 8,
1. a. 3, sol. 1 et 2; dist. 9, q. 1, a.
sol. 1; dist. 49, q. 3, a. 5, sol. 2; 2. de
ma I. 17.

Ad secundum dicendum, quod illa non
vera differentia inter gustum et ta-
gum et alios sensus; unde Philosophus
dicit (2. de *Anima* text. 415; c. 11)
non improbat, et assert veram differen-
tiam, quod nimis visibile et audibile
sentimus per hoc quod movent medium,
terum medium movet nos; sed tangi-
a sentimus per medium extraneum,
a quasi moti a medio extraneo, sed si-
l cum medio movemur a sensibili. —
de Anima I. 23.

Ad tertium dicendum, quod etsi quis
audit et audivit statim, non tamen
sequitur, quod sonus statim facto-
n, qui causat sonum, perveniat ad au-
dium, sed longe post: sicut similiter in
sensibus simul quis sentit et jam
sensit; nec tamen propter hoc oportet
sensibilia vel motus sensibilium
usque successione sensibilium perve-
nit ad sensus. — *de Sensu et Sensibili*
6.

Ad quartum dicendum, quod alia est
ratio de sono et odore, et de lumine.
In sonus pervenit ad auditum per
totos motus partium medii sibi invicem
succedentes; et similiter odor; lumen
tamen non pervenit usque ad visum per
totus sibi succedentes in diversis parti-
bus medii, sed per hoc quod totum me-
diun, sicut unum mobile, movetur uno
a corpore illuminante. Sed non est

ibi motus, qui succedit in motu, sicut co-
tingit in odore et sono, ut dictum est
(in c.). Et ratio hujus differentiae est,
quia quod recipitur in aliquo sicut pro-
prio subjecto et naturali, potest in eo
permanere et esse principium actionis;
quod autem recipitur in aliquo solum
sunt adventitia qualitas, non potest per-
manere nec esse principium actionis.
Quia vero formae substantiales sunt prin-
cipia qualitatum, et omnium acciden-
tium, illa qualitas recipitur in subjecto
aliquo secundum esse proprium et natu-
rale, quae disponit subjectum ad formam
naturalem, cuius est susceptivum: sicut
aqua ratione sua materiae est susceptiva
formae substantialis ignis, quae est prin-
cipium caloris. Et ideo calor recipitur in
aqua disponens ipsam ad formam ignis;
et ideo remoto igne adhuc aqua remanet
calida calefacere potens. Et similiter odor
recipitur in aere et aqua, et sonus in aere
secundum suum esse proprium et natu-
rale, et secundum quod aer et aqua im-
mutantur a siccitate, et aer a percussione
alicujus corporis. Et inde est, quod ces-
sante percussione remanet sonus in aere,
et remoto corpore odorifero adhuc senti-
tur odor in aere, propter hoc quod pars
aeris immutata ad sonum vel ad odorem
potest aliam similiter immutare, ut sic
fiant diversi motus sibi invicem suc-
cedentes. — Sed diaphanum non est suscep-
tivum formae substantialis corporis illu-
minantis, puta solis, qui est prima radix
luminis; neque per receptionem luminis
disponitur ad aliquam formam substan-
tialem. Unde recipitur lumen in diaphano
sicut quedam qualitas adventitia, quae
non remanet absente corpore illuminante,
nec potest esse principium actionis in
aliud. Unde una pars aeris non illumina-
tur ab alia; sed totus aer illuminatur a
primo illuminante, quantum potest se
extendere virtus illuminantis; et ideo est
unum illuminatum et una illuminatio
totius medii. — *Ibid.*

QUESTIO LXXI

DE ORGANO AUDITUS.

Deinde considerandum est de organo auditus.

CIRCA QUOD QUÆRITUR :

Utrum organum auditus sit aer internus intra meningam contentus.

ARTICULUS

UTRUM ORGANUM AUDITUS SIT AER INTERNUS
INTRA MENINGAM CONTENTUS.

Videtur quod organum auditus sit aer intra meningam contentus.

1. Dicit enim Philosophus (*de Sensu et Sensibili* c. 2; 2. *de Anima* text. 82; c. 8) loquens de complexione organi auditus, quod auditus est connaturalis aeri, et quod hic aer est animatus et movetur a sono; sicut humidum aqueum convenit instrumento visus, et hoc est animatum et existit in parte determinata, puta in pupilla; ergo sicut tale humidum pertinet ad organum visus, ut dictum est, ita prædictus aer pertinebit ad organum auditus. — 2. *de Anima* l. 17.

2. Praeterea, (2. *de Anima* text. 83; c. 8) dicit Philosophus, quod aer, qui est instrumentum auditus, est immobilis ad hoc ut animal possit sentire per certitudinem omnes differentias sonorum et motuum, sicut humidum aqueum, quod est in pupilla, caret omni colore, ut possit cognoscere omnes colorum differentias; ergo. — *Ibid.*

3. Praeterea, dicit Philosophus (2. *de Anima* text. 83; c. 8), quod sicut visus impeditur ex impedimento organi, puta ex impeditione telæ continentis in pupilla humidum aqueum, et corruptione humidi aquei; ita auditus impeditur vel ex corruptione aeris, vel si infirmetur menina; ergo organum auditus est aer inclusus in menina. — *Ibid.*

4. Praeterea, in sensibus, qui sentiunt per medium extraneum, organa sunt conformia mediis; sed medium, per quem sonus pervenit ad auditum, est aer, ut dictum est (supra q. 70, a. un.); ergo et organum aeris debet esse quid aereum; hoc autem est aer inclusus menina; ergo hic aer est organum auditus. — 3. *Anima* l. 4.

Sed contra est, quod circa eundem locum est principium visivum, odorativum et auditivum; sed principium visivum est circa cerebrum, ut dictum est, et similiter principium odorativum, ut dicitur *de Sensu et Sensibili* (c. 2): ergo et ibidem erit principium auditivum; principium autem seu sensorium visus est nervus opticus, ut ostensum est (supra q. 67, a. un.); et similiter sensorium odoratum sunt carunculæ mamillares, quae existunt in anteriori parte cerebri: ergo sensorium auditus erunt nervi auditivi qui a cerebro protenduntur ad aures. — *de Sensu et Sensibili* l. 5.

RESPONDEO DICENDUM, quod, ut dictum est (supra q. 67, a. un., in c.) ex Philosopho (2. *de Partibus Animalium* c. 1), aliud est organum, aliud sensorium sensus; vix ex eodem (2. *de Anima* text. 146; l. 1; c. 2) aliud est organum primum, aliud ultimum seu proximum extrinsecum, primum intrinsecum. Si ergo loquamur de primo organo auditus seu proximo extrinseco, illud est auris; et pars praecipua illius est aer ille interior meningam contentus, ut bene probant argumentum primæ partis, et paret a simili in organo visus: illud enim est oculus, et pars praecipua illius est humor ille perspicuus telearanea contentus, ut dictum est (q. 67). Si vero loquamur de principio auditivum seu de sensorio et organo ultimo, vel primo intrinseco auditus, illud est nervus auditivus, qui a cerebro protenditur secundum tres ramos: unum ad linguam duos alios ad aures. Quem nervum Avicenna (*quarta Tertii* c. 1; v. canon. lib. 4, tract. 1) vocat opticum, quia descendit ab eadem parte, a qua optici; vix

ipse, septem paria nervorum oriri a
bro, et quintum par esse nervorum
tiorum, quia tendunt usque ad au-
suntque sensorium auditus. Quod
docet Hippocrates vel auctor libri
arnibus. — *Opusc.* 43, c. 3.

probatur, *primo*, ex diversitate in-
organa seu sensoria sensus tactus et
s, et reliquorum trium sensuum, ut
osophus docet (*de Sensu et Sensibili* c.
uod illa sunt circa cor, haec vero cit-
erebrum, nihil autem potest assignari
ens circa cerebrum, quod ad aures
at præter illum nervum auditivum. —
Sensu et Sensibili l. 5.

secundo, ex unitate numerica auditio-
Cui enim, ut docet Philosophus (*de
m et Sensibili* c. 8, al. 7), ex hoc
us in actu seu operatio sensitiva ha-
unitatem secundum numerum, quia
minus sensibilis numero; ubi est unum
aero objectum, est una numero ope-
cirea illud, et una numero potentia,
virtus sensitiva et operatio se invi-
consequuntur: ita quod neque virtus
sine propria et per se operatione, ne-
operatio sine propria virtute. Opera-
tum sensitiva distinguitur secundum
sensibilia; et ideo ubi sunt omnino ea-
sensibilia, non sunt diversæ virtutis
causantes diversas operationes; —
esse est quod existente uno numero
ibili, puta tali sono, non existat in
ine audiente nisi una numero auditio
na numero potentia auditiva. Una
numero potentia et una numero
ratio non possunt esse in pluribus
ectis, quia accidens numeratur ex
ecto, ut dictum est; ergo debent ha-
unum subjectum; et hoc erit senso-
auditus. Et si ponatur pro sensorio
tus aer internus meninga contentus,
duplex est, sicut et duplex meninga et
ex auris; nervus autem auditivus
est: vel ubi dividitur in duos ad
aures, vel ubi saltem originatur cir-
cerebrum; ergo ille erit sensorium au-
di, non autem prædictus aer. — Quod
firmatur a simili de visu; ideo etiam,

ut dictum est, licet sint duas pupillæ et
duo oculi, est tamen una numero visio,
quia, cum uterque oculus concurrat ad
aliquid unum principium, illi uni, quod
est ubi se conjungunt nervi optici, attri-
butur operatio sentiendi: ergo similiter
licet sint duas aures, et duplex aer inter-
nus, erit una numero auditio, quia per
duos nervos ad aures terminatos tendunt
ad unum principium, ubi nimis illi
nervi sunt conjuncti. — *Ibid.* l. 19 et 17.

Tertio probatur ex vera causa, cur
surdus a nativitate sit etiam mutus. Non
solum enim ea est, quia non audit signifi-
cationem verborum; nam experientia
ita patet, surdum a nativitate esse mu-
tum, ut non solum nesciat loqui signifi-
cative, sed etiam ut non bene possit ef-
singere voces; alioqui sicut primi in-
ventores invenerunt nomina nec eadem
audierant, sic etiam possent surdi; sed
vera causa est lesio in principio nervo-
rum, qui tendunt ad linguam et auditum.
Quod si non fiat lesio nervorum in con-
junctione, poterit esse surdus et non
mutus, et e contra. — 2. *de Anima* l. 17
et 18; *de Sensu et Sensibili* l. 5, 17, 19;
Opusc. 43, c. 3.

Et ex his patet *ad objecta* utriusque
partis. Nam argumenta primo loco posita
concludunt de organo auditus; argumen-
tum vero in contrarium recte concludit
de sensorio visus.

QUÆSTIO LXXII

DE OBJECTO POTENTIE ODORATIVÆ.

Deinde considerandum est de potentia
odorativa.

Circa quam quatuor consideranda sunt:
objectum, actus odorandi, organum
odoratus et potentia.

CIRCA PRIMUM QUERUNTUR TRIA:

1. Quid sit odor.
2. Utrum odor sit ex prædominio calidi et
siccitatis.
3. Utrum odor sit inveniens.

ARTICULUS I

QUID SIT ODOR.

Videtur quod odor non convenienter definiatur a Philosopho (*de Sensu et Sensibili* c. 5), quod sit forma ab enhimo sicco impressa humido.

1. Dicit enim Philosophus (*ibid.*), quod per eadem corrumpuntur odor et sapor, puta per frigus et congelationem; ergo et per eadem generabuntur; sed sapor generatur a sicco terrestri: ergo et ab eodem generabitur odor; et sic non erit forma impressa ab enhimo sicco, seu ab humido imbibito in sicco. — *de Sensu et Sensibili* l. 12.

2. Præterea, susceptivum odoris, ut dicit Philosophus (*de Sensu et Sensibili* c. 6), est perspicuum; sed non omne perspicuum est humidum, ut patet in igne: ergo odor non est forma impressa perspicuo. — *Ibid.*

3. Præterea, æs et ferrum sunt odora-bilia, ut dicit Philosophus (l. c.), ad differentiam auri, quod inter metalla non odorat; sed æs et ferrum sunt complexionis terreæ, et per consequens constant sicco terrestri: ergo idem quod prius. — *Ibid.*

4: Præterea, odor nihil aliud est quam evaporatio fumalis vel exhalatio seu quam vapor quidam vel fumus, ut patet ex dictis; sed prædicta sunt communia aeri et terræ: ergo. — *Ibid.*

5. Præterea, dicit Philosophus (*ibid.*), quod odor est passio nutrimenti; ergo debet habere eadem principia, quæ habet sapor, qui etiam est passio nutrimenti; sed sapor fit a sicco terrestri: ergo et odor, et sic erit male definitus, quod sit forma ab enhimo sicco impressa humido. — *Ibid.*

Sed contra est: 1. auctoritas Philosophi (*de Sensu et Sensibili* c. 5), ubi odorem definit, quod sit forma ab enhimo sicco impressa humido. — *de Sensu et Sensibili* l. 12.

2. Præterea, odor est qualitas secunda

causata ex determinata commixtione primarum qualitatum dominante aliqua aliquibus illarum, ut patet similiter sapore; sed nulla potest dominari præsiccitatem huiniditati aeris conjunctam sicut sapor consistit in humido aqua aliquid digesto, ita odor consistit sicco aereo aliquid temperato: ergo odor erit forma ab enhimo sicco humido impressa. — 2. *de Anima* l. 19.

RESPONDEO DICENDUM, quod bene definitur a Philosopho odor, quod sit *formam ab enhimo sicco humido impressam*; nam ex hac definitione optime colligitur natura odoris, quæ ex ipsis causis cognoscitur. *Dicitur enim primo* « *forma* », quia od est forma accidentalis; est enim qualitas secunda orta ex mixtione primarum qualitatum, ut dictum est in libro quæ de elementis. Præterea oritur determinata commixtione illarum, ratiocinus quædam species odoris magis correspondet speciebus saporis quam simplicibus qualitatibus tangibilibus. Et per hanc primam particulam significatur genus, in quo convenit odor cum sapore, similiter est qualitas secunda ex commixtione tali primarum qualitatum restans; nam reliquæ designant differentiam odoris a sapore et ceteris qualitatibus secundis. — *de Sensu et Sensibili* l.

Dicitur ergo secundo « *ab enhimo sicco* », id est ab humido imbibito et incorporato alicui sicco. Nam sicut in generatione saporis humidum aqueum patitur sicco terrestri, et sic reducitur per actionem caloris ad hoc quod sit saporosum; ita in generatione odoris perspicuum humidum, quod est aer vel aqua, patitur ab enhimo sicco, et sic reducitur in actionem caloris ad hoc quod sit odorum. Et manifeste patet sola enhima odorabilia esse, achima minime: — quia elementa non sunt odorabilia, nisi quia, sive sint humida sive sicca, sive sine humore comprehenso a sicco; rursum quæ sunt humida, habent humidum: sicco, et quæ sunt sicca, habent sicco sine humido; et aqua fit odorabilis, quia

illi admiscetur siccum; — *tum* quia, odor nec sit vapor nec fumus, ut sint veteres Philosophi, quia vapor continet ad aquam, quae non est odorabile in admixtione siccii; fumus autem est in aqua, in qua tamen est odor, de animalibus quedam ibi odorentur, et aqua, patiatur ab enhima siccii, et sic fiat odor et sentiatur. — 2. *Anima* l. 19; *de Sensu et Sensibili* 2.

*Vicim tertio « impressa » perspicuum « humido », quod est aer et aqua, sicut in odore activum est enhimum, ita passivum est quid commune et aquæ: quod vel dici potest *per se*, ut inquit Philosophus (*ibid.*), sumatur tale perspicuum non ut est spicum (nam ut sic est susceptivum aeris, non autem odoris), sed ut est adabile vel lavabile enhimæ siccitatem; seu quatenus est receptivum enhimæ qualitatis; nam talis receptio vocatur lavatio mundatio, quia per humidum receptum natum est aliquid ablui vel mundare — vel certe dici potest *humidum*, quod aer et aqua: nam cum odor non solum impatiatur in aere, sed etiam in aqua (ut in piscibus et ostracodermis seu animalibus duræ testæ viventibus in aqua, videntur odorare ex hoc quod aere odore trahuntur ad alimentum, videre non possunt), aer autem et aquæ sint humida, necesse est quod odor forma ab enhimo siccio impressa in humido, quod est aer et aqua; et illud sit adabile, quod est humidum habens nam sibi impressam ab enhimo siccio. Ex his manifestum est recte fuisse a philosopho assignatam definitionem odoris et patet *ad secundum et quartum ob-* — *de Sensu et Sensibili* l. 12.*

Primum ergo dicendum, quod ideo frigus et congelationem sapores heantur, et odores extenuantur, quia per dicta auferunt calidum, quod generat novet odores et sapores; non tamen modo: nam calidum efficit odores

conjunctionem cum siccio aereo, sapores vero cum siccio terrestri. — *Ibid.*

Ad tertium dicendum, quod æs et ferrum sunt odorabilia, quia humidum in eis digestum est imbibitum a siccio, et non est totaliter ab eo separatum, sicut in auro. Unde est scorie eorum propter adustionem humidi sunt minus odorabiles. Argentum vero et stannum sunt magis odorabilia quam aurum, et minus quam æs et ferrum, quia habent humorem magis aquaticum et minus comprehensum a siccio, quam æs et ferrum. Quia tamen humiditas eorum aliqualiter comprehenditur a siccio, non sunt penitus absque odore sicut aurum. — *Ibid.*

Ad quintum dicendum, quod ejusdem rei uno modo consideratæ est una tantum definitio; secus vero, si pluribus modis consideretur. In proposito autem duplum citer potest odor considerari: *uno modo* secundum se et absolute; et sic definitur a Philosopho, quod sit forma impressa ab enhimo siccio, humido, quod est aer et aqua; — *alio modo*, quatenus coordinatur et proportionatur saporibus, et indicat qualitatem nutrimenti, seu quatenus comparatur ad alimentum; et sic definitur a Philosopho, quod sit passio nutrimenti: quamquam quia non omnes species odorum habent hanc coordinationem et proportionem ad sapores, sed tantum quædam species: ideo haec sola definitur a Philosopho, quod sit passio nutrimenti; hoc enim habet odor, quatenus proportionatur satori. — *de Sensu et Sensibili* l. 13.

ARTICULUS II

UTRUM ODOR SIT EX PRÆDOMINIO CALIDI ET SICCI.

Videtur quod odor non sit ex prædominio calidi et siccii.

1. Dicit enim Philosophus (2. *de Anima* text. 97; c. 9), quod organum odoratus est aeris vel aquæ; sed neutrum est siccum, ut patet: ergo odor non est ex præ-

dominio sicci; nam sic non posset sentire per organum contrarie complexionis: instrumentum enim sensus debet esse proportionalum suo sensibili. — 2. *de Anima* I. 20 et 19; *de Sensu et Sensibili* I. 5.

2. Præterea, dicit Philosophus (*de Sensu et Sensibili* c. 4), quod fere eadem est passio odoris et saporis; ergo fere eadem etiam sunt principia, ex quibus causantur; sed sapor causatur ex humido: ergo et ex illo causabitur odor; et sic non erit ex prædominio sicci. — *de Sensu et Sensibili* I. 9.

3. Præterea, in eadem re est odor et sapor; sed in eadem re non possunt esse complexiones contrariae, puta ex prædominio sicci et ex prædominio humidi: ergo odor non est ex prædominio calidi et sicci. — 2. *de Anima* I. 19.

4. Præterea, aqua est frigida et humida, ut dictum est (supra q. 47, a. 1); sed dantur aliquæ aquæ odoriferæ: ergo odor non est ex prædominio calidi et sicci.

5. Præterea, 2. *de Anima* (text. 130; I. 3, c. 1) dicit Philosophus, quod pupilla est aquæ, auditus vero aëris, olfactus autem horum alterius est; ignis autem aut nullius est aut communis omnibus, quatenus nihil sine calore sensitivum est; ergo odor non est ex prædominio sicci. — 3. *de Anima* I. 1.

6. Præterea, organum debet esse conforme medio, ut dictum est (supra q. 71, art. un., arg. 4), et per consequens et sensibile, cui debet et proportionari organum, ut dictum est (in hoc art., arg. 4); sed medium odoratus est aer et aqua, ut dicitur 2. *de Anima* (text. 97 et 130; I. 2, c. 9 et I. 3, c. 1), quæ non sunt ex complexione sicca, ut ostensum est in his, quæ de elementis (in Secunda Secundæ q. 45, a. 8, ad arg. in contrarium): ergo odor non est ex prædominio calidi et sicci. — 2. *de Anima* I. 20; 3. *de Anima* I. 4.

Sed contra est: 1. quod Philosophus (2. *de Anima* text. 100; c. 9) dicit, quod odor fundatur in sicco sicut sapor in humido; ergo odor est ex prædominio calidi et sicci. — 2. *de Anima* I. 20.

2. Præterea, dicit Philosophus (*Sensu et Sensibili* c. 2), quod organum odoratus est ignis; sed organum debet esse proportionalum sensibili: ergo odor debet esse ex prædominio calidi et sicci, quæ est combinatio conveniens ignis. dictum est (supra q. 47, a. 1). — *de Sensu et Sensibili* I. 3; 2. *de Anima* I. 19.

RESPONDEO DICENDUM, quod odor constitut in sicco aereo aliqualiter contemptu, sicut sapor consistit in humido aliqualiter digesto. Et ratio est, quia odor et sapor sint secundæ qualitatæ causantur ex varia commixtione priorum qualitatum; commixtio autem hanc qualitatum causans odorem est sicca acreum temperatum. Cujus signum a posteriori est, quod, quia instrumentum sensus debet esse proportionalum sensibilium, sicut odor causatur ex calido et siccitate ad bonitatem instrumenti odoris exigitur victoria calidi et sicci. Unde quod homo habet organum olfactus circa cerebrum, quod est frigidius et humidius omnibus partibus corporis; et inter omnia animalia habet cerebrum majus secundum quantitatem sui corporis, ut dicitur 2. *de Partibus Animalium* (c. 7): ideo oportet quod deficiat in sensu odoratus et in impediatur illius bonitas, et propter imprave odoret, et nihil odorabilium percipiat, nisi quod est secundum aliquam excellentiam inducens delectationem et contrarium, quod contingit propter sensum, qui non est perspicax ad certitudinale discernendum de suo objecione. Unde et rationabile est, quod homini genus sic se habeat ad percipiendos odores, sicut se habent animalia habenduros oculos, ut locustæ et quidam pisces, ad percipiendos colores, quos propter capacitatem visus, ex ineptitudine organi non percipiunt nisi in quadam excellentia, prout ex eis ingeritur illis aliquis ter vel ejus contrarium. — 2. *de Anima* I. 19; *de Sensu et Sensibili* I. 9.

Ratio autem a priori est, quia sicut sapor ideo consistit in humido aquo seu cauter ex eo, quia humidum aqueum, ut dicitur

philosophus (*de Sensu et Sensibili* c. 5),
titur a secco terrestri, et sic reducitur
per actionem caloris ad hoc, quod sit
porosum; — *ita* in generatione odoris
tum est humidum comprehensum a
seco seu incorporatum alicui secco; et pas-
cum est humidum, quod est aer vel aqua;
dor enim nihil aliud est, quam forma
enchimo secco impressa in humido,
od est aer et aqua; et per consequens,
nd est odorabile, quod est tale, id est
midum habens naturam sibi impressam
enchimo secco, seu ab humore imbi-
to et comprehenso a secco; [unde se-
citur] quod que tantum sunt humida
tantum secca, non habent odorem, ut
menta, lapides solidi, et inter metalla
rum, quia carent humore comprehenso
secco; secus vero que tales humorem
bent, ut mare et ligna quedam, que
propterea sunt odorabilia. Et quia tam sa-
per quam odor causantur etiam a calido,
eo per frigus et congelationem hebe-
natur sapores, et odores extenuantur;
in per predicta auffertur calidum, quod
generat et movet odores et sapores. Et
manifestum est, quod odor est ex prae-
*minio calidi et siccii. — *de Sensu et**

sibili I. 12.

Ad primum ergo dicendum, quod pro-
per improportionem organi odoratus in
unum ad proprium sensibile, propterea
ad non est exactum et perfectum; et
ideo homo habet pejorem odoratum mul-
*animalibus, ut dicit Philosophus (2. *de**

Anima text. 92; c. 9). — 2. *de Anima* I.

Ad secundum dicendum, quod Philosophus nominat odorem et saporem passionem, quia utrumque est in tertia specie qualitatis, que est passio vel passibilis qualitas. Dicit autem saporem et odorem esse eandem passionem, quia utrumque causatur ex permixtione humidi et secundi secundum aliqualem terminationem calido; non tamen utrumque eorum est unum in eisdem, quia odor magis sequitur siccum; et ideo principalius est in calali evaporatione, sapor autem magis

sequitur humidum. — *de Sensu et Sensibili* I. 9.

Ad tertium dicendum, quod in eadem
parte mixti non est inconveniens esse
saporem et odorem, immo et suavem sapo-
rem et suavem odorem, et aliquando sua-
vem saporem sed non suavem et dulcem
odorem, vel e converso; licet consistat in
humido aquo aliqualiter digesto, et odor
in secco aereo aliqualiter contemporato.
Et ratio hujus est, quia non est inconve-
niens utramque substantiam, scilicet sub-
tilem aeream, et aqueam grossiorem, com-
mixtas esse, et aliquando quidem secun-
dum debitam proportionem utriusque; et
sic est suavitas saporis et odoris; ali-
quando vero secundum debitam pro-
portionem in una et non in altera; et
tunc erit suavitas in uno et non in alio.
— *de Anima* I. 19.

Ad quartum dicendum, quod aquae odo-
riferae habent etiam humidum compre-
hensum a secco, ut possint odorem emit-
*tere. — *de Sensu et Sensibili* I. 12.*

Ad quintum dicendum, quod id, quod
est odoratus, duplice potest accipi: uno
modo secundum potentiam; et sic organum
odoratus est aeris vel aquae, ut dicit
*2. *de Anima* (text. 97; c. 9). Et probatur,*
quia organum odoratus est in po-
tentia odor in actu, qui est per calorem
vel ignem; et ita oportet, quod sit poten-
tia calidum; potentia autem calidum est
materia frigidi, quia eadem est materia
contrariorum. Nec potest esse in potentia
ad unum eorum, nisi secundum quod est
actu sub altero, vel perfecte vel imperfecte,
sicut quando est sub forma medii. Et
ideo oportet quod substantia et essentia
organum odoratus sit id, quod est actu fri-
gidum et humidum; quod praecipue est
in loco circa cerebrum, unde organum
odoratus est circa cerebrum. Alio modo
accipitur secundum actum; et sic est
*verum quod dicitur a Philosopho (*de**

Sensu et Sensibili c. 2), quod est ignis;

ubi signanter non dixit odorativum esse

ignis, sicut dixerat sensitivum sonorum

esse aeris, et visivum oculi esse aquae;

sed dicit odoratum esse ignis; odorativum enim dicitur secundum potentiam, sed odoratus secundum actum. Quod autem odoratus secundum actum sit ignis, probat Philosophus (*de Sensu et Sensibili* c. 2), quia odorativum seu organum habens virtutem odorandi oportet quod sit hoc in potentia, quod actualis odoratus in actu, ut manifeste constat ex hoc, quod sensibile facit sensum agere seu esse in actu, atque adeo operari; oportet enim quod sensitivum sit in potentia sensibile, alioqui non pateretur ab ipso: unde relinquitur quod sensitivum sit in potentia sensus in actu. Manifestum est autem, quod fumalis evaporatio est causa, cur sentiatur odor; fumalis autem evaporatio est ab igne vel a quoque calido: ergo odoratus in actu sit per caliditatem, quae principaliter est in igne; et ideo in temporibus et locis calidis flores sunt majoris odoris. — *de Sensu et Sensibili* l. 5.

Ad sextum patet ex dictis (ad 1 et ad 5).

ARTICULUS III

UTRUM ODOR NUTRIAT.

Videtur quod odor nutriat.

1. Dicit enim Philosophus (*de Sensu et Sensibili* c. 5), quod odor confortat cerebrum; sed hoc facit nutriendo: ergo odor nutrit. — *de Sensu et Sensibili* l. 13 et 14.

2. Praeterea, si odor non nutrit, ad nihil est utilis; sed hoc dici non potest: ergo odor nutrit. — *Ibid.*

Sed contra est, quod Philosophus (*de Sensu et Sensibili* c. 5) dicit, quod odor non nutrit. — *Ibid.*

RESPONDEO DICENDUM, quod odor non nutrit. Quod potest esse manifestum, primo, quia aliqui odoratus esset sensus nutrimenti, quod est falsum, cum sensus nutrimenti sit tantum gustus. — Secundo, quia omnis cibus debet esse compositus ex pluribus elementis, ut patet: *tum* quia elementa simplicia non nutriunt, quia animalia, quae ex his nutriuntur, composita sunt ex quatuor elementis; ex eisdem autem nutritur aliquid, ex quibus

est, ut dicitur in 4. *de Generat. Anim.* (c. 1); *tum* quia ex cibis generalia superfluitas, vel interius, ut patet in animalibus, intra quorum corpora sunt quedam loca deputata ad congregationem superfluitatum; vel exteriorius, sicut in plantis, quarum superfluitas statim exterius emittitur, sicut patet de gummis arborum et de aliis huiusmodi. Si autem aliquid animal vel plantae nutririatur simplici elemento, nulla fieri superfluitas, cum non sit ibi aliqua deformitas partium. Cum autem nullum elementum sit aptum nutritioni propter simplicitatem, adhuc amplius aqua haec speciale impedimentum, quare sola non possit nutrire sine admixtione alicuius terrestris, sicut agricultores adhibent finum, ut aqua commixta nutriat plantas quia nutrimentum constituit et generat aliquid in substantia nutriti, et ideo oportet quod sit aliquid corporale et solidum quod non competit aquae. Unde aqua se non potest nutrire, et multo minus aer et ita relinquitur quod odor non possit nutrire. Manifestum enim est, quod odor cum sit qualitas, secundum se non potest nutriendo constituere substantiam ratione susceptivi, quod est aer vel aqua. Et si odor esset evaporatio vel fuma exhalatio, adhuc ratio remanet, quia utrumque pertinet ad naturam aeris. — Tertio idem probatur, quia in omnibus animalibus est aliquis locus, in quo primo recipitur cibus, scilicet stomachus, unde derivatur ad singulas partes corporis. Quo vero animalia plurima respirando odorant, si consideremus ipsum odorabile, manifestum est, quod sentitur organo circumscribente cerebrum existente, ut supra dictum est. Ipse autem aer respiratus, cum quo odor attrahitur, vadit ad locum respirativum id est ad pulmonem; manifestum est autem, quod in animalibus neque cerebrum neque pulmo est locus recipiens cibum: unde manifestum est, quod odor non nutrit. — *de Sensu et Sensibili* l. 14.

Ad primum ergo dicendum, quod odor confortat propter immutationem, quae

alido humido et secco, et propter deletionem, sicut et malus odor corrumpit. — *Ibid.*

*Ad secundum dicendum cum Philosophus (*Sensu et Sensibili* c. 5), quod licet odor non nutriat, consert tamen ad sanitatem, sicut manifestum est ad sensum et ea quae supra dicta sunt, quia sicut odor ordinatur ad nutritionem, ita odor sanitatem. — *Ibid.**

QUESTIO LXXIII

DE ACTU ODORANDI.

Deinde considerandum est de actu odorandi.

CIRCA QUEM QUERITUR :

Quem ad actum odorandi requiratur, ut odor realiter perveniat ad odoratum.

ARTICULUS

QUAM AD ACTUM ODORANDI REQUIRATUR, UT ODOR REALITER PERVENIAT AD ODO- RATUM.

Videtur quod ad actum odorandi requiri, ut odor realiter perveniat ad odoratum.

1. Dicit enim Philosophus (*2. de Anima* l. 75; c. 7), quod eadem est ratio de sono et odore in modo pervenienti ad sonum; sed sonus realiter pervenit usque ad auditum per aeris commotionem, dicit Philosophus (*ibid.*): ergo et odor. *2. de Anima* l. 15.

2. Praeterea, odor ab homine non sentitur nisi respirando, ut dicit Philosophus (*de Anima* text. 98; c. 9; *de Sensu et Sensibili* c. 5); sed per respirationem trahitur aer affectus vapore odorifero: ergo odor pervenit ad odoratum realiter. *2. de Anima* l. 20; *de Sensu et Sensibili* l. 14.

3. Praeterea, dicit Philosophus (*de Sensu et Sensibili* c. 7, al. 6), quod odor pervenit ad olfactum per aerem continuum usque ad illum tamquam per medium, et odorem prius agere in medium et per medium in olfactum; ergo idem quod prius. — *de Sensu et Sensibili* l. 16.

Sed contra est : 1. quod Philosophus (*de Sensu et Sensibili* c. 5) dicit, quod odor non est fumalis evaporatio, *tum* quia longius diffunditur odor quam fumalis evaporatio; *tum* quia corpora odorata diminuerentur, et tandem totaliter resolverentur; at hoc posito, res odorata procul existens sentitur: ergo cum non possit sentiri per fumosam exhalationem, quae nulla est in medio longe distante, necesse est quod sentiatur per spiritualem medii immutationem. — *de Sensu et Sensibili* l. 5 et 12.

2. Praeterea, in aqua sentitur odor, ut dicit Philosophus *ibidem* (*de Sensu et Sensibili* c. 5); sed non potest realiter multiplicari in aqua, vel ratione qualitatis, quia odor non est realiter activus, ut dictum est; neque mediante evaporatione vel fumosa exhalatione, quia, ut dicit Philosophus *ibidem*, vapor pertinet ad aquam, quae non est odorabilis sine admixtione siccii, fumus autem non potest fieri in aqua, in qua tamen fit odor, cum quaedam animalia odorent in aqua: ergo debet multiplicari intentionaliter, et sic non perveniet ad odoratum realiter. — *de Sensu et Sensibili* l. 12.

RESPONDEO DICENDUM, quod sensus olfactus immutatur per medium, scilicet aerem et aquam. Nos enim per aerem odoramus, et animalia similiter aquatica odorem sentiunt, non solum illa quae habent sanguinem, sed etiam illa quae carent sanguine. Quod apparet ex hoc, quod quaedam eorum de longinquo veniunt ad alimentum, quod non posset esse, nisi in quantum provocantur ab odore, sicut patet de vulturibus, qui ex multis diebus dicuntur ad cadavera convenire. Quomodo autem odor ad tam remota spatia diffundatur, dubitatio est.

Sciendum itaque est, quosdam posuisse omnes sensus quedam perfici tactu. Dicebant enim oportere quod sensus sensibile contingat ad hoc quod sentiatur. Alter tamen existimabant hoc accidere in visu, et in aliis sensibus. Dicebant enim, quod ex *visu* egrediebantur lineaæ visuales progradientes usque ad rem visam, et ex eorum contactu visibile videbatur. In *aliis* autem *sensibus* dicebant, quod e converso sensibile perveniebat ad sensum, et quod in tactu et gustu hoc manifeste videtur accidere; nam tangibile et gustabile quedam contactu sentiuntur. In auditu etiam idem videtur esse; nam aer motus usque ad auditum pertingit. Circa olfactum etiam idem esse dicebant; ponebant enim, quod a corpore odorabili resolvitur quedam fumalis evaporatio, quæ est subjectum odoris, et pervenit usque ad olfactum.

Causa vero hujus diversitatis hæc esse videtur, quia antiqui non ponebant nec percipiebant aliquid de immutatione spirituali medii, sed solum de mutatione naturali. In aliis autem sensibus appetet quædam immutatio naturalis in medio, sed non in visu. Manifestum enim est, quod soni et odores deferuntur per ventos vel impediuntur, colores autem nullo modo. Manifestum etiam est, quod contrariorum colorum species per eandem partem aeris deferuntur ad visum: sicut cum unus videt album, alias nigrum simul existentes in eodem aere, et eodem aere utentes pro medio. Quod quidem in olfactu non accidit; nam contrarii odores etiam in medio se impedire inventiuntur; et ideo non percipientes immutationem, qua medium immutatur a visibili, posuerunt, quod visus desertur usque ad rem visam; sed quia percipiebant immutationem, qua medium immutatur ab aliis sensibus, credebant, quod alia sensibilia deferrentur ad sensum. Sed manifestum est, quod hoc in olfactu non potest accidere. Cum enim odor cadaverum usque ad quinquaginta milliaria vel amplius a vulturibus sentiatur, implicat quod aliqua corporalis evaporatio

cadaveris usque ad tantum spatium datur, præcipue cum sensibile immutat medium undique secundum eam distantiam, nisi impediatur; non aut sufficeret ad occupandum tantum spatiuum, etiam si totum cadaver resolvere in fumosam evaporationem; cum sit catus terminus rarefactionis, ad quem cucus naturale pervenire potest, qui raritas ignis; et præcipue cum per hujus modi odorem cadaver non appareat sensibiliter immutatum.

Et ideo dicendum est, quod ab odo bili resolvi quide[m] potest fumalis evaporatio, quæ tamen non pertingit semper usque ad terminum, ubi odor percipitur sed immutatur medium spiritualiter, intra quam dicta evaporatio perlinge potest. Quod autem spiritualis immutatur a visibili magis quam ab aliis sensibus, ratio est, quia visibles quantitates insunt corporibus corruptibilis secundum quod communicant cum corporibus incorruptibilis; unde habere esse formalius et nobilius quam relicta sensibilia, quæ sunt propria corpori corruptibilium. — 2. *de Anima* l. 20.

Ad primum ergo dicendum, quod non est eadem omnino ratio soni et odor. Cum enim eadem sit generatio soni, immutatio auditus a sono, sicut sono generatur per motum localem, ut dictum est (*supra* q. 69, a. 1, et q. 70, art. unius), ita et immutatio organi auditus a se fit per motum localem. — 2. *de Anima* l. 16 et 17; *de Sensu et Sensibili* l. 16 et 17.

Odor autem non generatur per motum localem, sed per commixtionem primaria qualitatum, ut dictum est (*in c.*); et immutatio organi odoratus ab odore fit per alterationem medii, quod aliquando alteratur usque ad odoratum, aliquando non, et tunc fit immutatio organi ab odore intentionaliter, non autem realiter, ut dictum est. Addo, quod in beatorum corporibus erit in summo, et percipiatur tantum spiritualiter sine ulla evaporatione, sicut et sonus percipietur a beatissi-

m intentionaliter sine reali commotione ris. — 2. *de Anima* l. 20; *de Sensu et Sensibili* l. 16; 4. *Sent.* dist. 44, q. 2, a. quæstiunc. 4, in sol. et ad 3.

Ad secundum dicendum, quod licet per respirationem aer respiratus, i vadit ad locum respirativum, id est almonem, odorem realiter attrahit, non autem semper attrahitur realiter usque ad sensorium odoratus, qui est circa cerebrum, sed aliquando attrahitur tantum intentionaliter, quando nimis odorous rem odoriferam longe distantem. — *Sensu et Sensibili* l. 14.

Ad tertium, quod odor potest pervenire aliter usque ad olfactum, quando respirata parum distat ab odorante; secus vero, quando multum distat, ut patet aemplo vulturum, ut dictum est (in c. et 2). — *de Sensu et Sensibili* l. 14.

QUESTIO LXXIV

DE ORGANO ODORATUS.

Deinde considerandum est de organo odoratus.

CIRCA QUOD QUERITUR :

um carunculae mammillares sint organum odoratus.

ARTICULUS

TRUM GARUNCULÆ MAMMILLARES SINT ORGANUM ODORATUS.

Videtur quod organum odoratus non sunt carunculae mammillares.

Dicit enim Philosophus 2. *de Anima* (l. 98; c. 9), quod nasus seu nares sunt instrumentum odoratus. Quod idem docet *Partibus Animal.* (l. 1, c. 1; l. 2, c. 10); *Hist. Animal.* (l. 1, c. 15). Ergo carunculae mammillares non sunt organum odoratus. — 2. *de Anima* l. 20.

carunculae mammillares non sunt organum odoratus. — 2. *de Anima* l. 20.

2. Praeterea, illud est organum sensus olfactus, quo discernuntur odorum differentiae; sed hoc sunt nares, ut dicitur *de Sensu et Sensibili* (c. 5): ergo nares sunt organum olfactus, non carunculae mammillares. — *de Sensu et Sensibili* l. 12.

3. Praeterea, organum est instrumentum sentiendi, cujusque est peculiare officium et actio, ut dicit Philosophus (*de Partibus Animal.* c. 1); sed instrumentum sentiendi et actio pertinet ad nares, ut dicit Philosophus (2. *de Partibus Animal.* c. 10): ergo idem quod prius.

4. Praeterea, carunculae mammillares sunt de natura cerebri, quod est expers sensus, ut dicit Philosophus (2. *de Partibus* c. 10); sed sensorium sensus debet esse animatum, ut dictum est: ergo.

Sed contra est, quod Philosophus *de Sensu et Sensibili* c. 2 dicit, quod organum olfactus est circa cerebrum, et c. 5 docet odores transire per nares ad cerebrum, ut ibi sentiantur. — *de Sensu et Sensibili* l. 5 et 13.

RESPONDEO DICENDUM, quod, ut dictum est (supra q. 71, art. un. c.), aliud est organum odoratus seu organum primum, aliud sensorium; seu aliud est organum primum intrinsecum, aliud proximum extrinsecum; vel secundum Philosophum (2. *de Anima* text. 146; l. 3, c. 2) aliud est organum primum externum, aliud ultimum internum. Si loquamur de organo proximo vel primo extrinseco, illud est nasus seu nares, ut docet Philosophus locis citatis in objectis, et probant prima tria objecta. Si vero loquamur de sensorio seu organo ultimo vel primo intrinseco, illud est circa cerebrum; in anteriori enim ejus parte prope foramina narium, quæ sunt juxta concavitatem oculorum, sunt duæ carunculae ad modum extremitatis mammillæ, quæ processus mammillares, seu carunculae mammillares dicuntur, quæ caro spongiosa est, contrahiturque et dilatatur. Et hæc caro est sensorium olfactus. Quod proba-

tur *primo*, quia necesse est *sensorium odoratus esse circa cerebrum*, ut manifeste patet *primum* ex secundario sine respirationis a natura intento. Unus enim et primarius est ad adjutorium thoracis seu pectoris, et ad refrigerandum calorem cordis; secundarius autem est ad percipiendum odorem. Dum enim homo respirat, communovet aerem per nares attrahendo, et sic facit pertransire odores ad cerebrum, ubi est organum olfactus. Propterea vero, in homine praesertim, respiratio habet hunc finem, quia inter cetera animantia habet secundum proportionem sue magnitudinis majus cerebrum et humidius aliis animalibus; et ideo in homine motus odorum ad cerebrum reducit ad debitam mensuram superexcessum humiditatis et frigiditatis illius. Non moverentur autem nec attraherentur odores ad cerebrum, nisi ibi esset sensorium odoratus, mediante quo cerebrum confortatur. — *Deinde* ex eo quod homo, ut inquit Philosophus (2. *de Anima* text. 92; c. 9), habet pejorem olfactum multis aliis animalibus. Hujus enim ratio est, quia cum instrumentum sensus debeat esse proportionatum suo sensibili, sicut odor causatur ex calido et sicco, ita ad bonitatem instrumenti sensus seu organi exigitur victoria calidi et sicci. Homo autem habet cerebrum, in cuius vicino positum est instrumentum olfactus majus omnibus aliis animalibus, ut dictum est, *tum* ut liberius in eo perficerentur operationes interiores virium sensitivarum, quae sunt necessarie ad operationem intellectus; *tum* ut frigiditas cerebri temperaret calorem cordis, quem necesse est abundare in homine ad hoc quod homo sit rectæ staturæ. Et ideo cum cerebrum sit humidum et frigidum in se consideratum, impeditur in homine bonitas olfactus, qui requirit siccitatem; et propter hoc homo prave odorat, et nihil odorabilium odorat, nisi quod est secundum aliquam excellentiam inducens delectationem aut contrarium. — *Item* ex differentia in modo odorandi inter animantia respirantia et

non respirantia, quæ ex diversa dispositione organi, et non ex diversitate sensu procedit; ideo enim animalia non respirantia odorant non respirando, quia organum odoratus in illis est sine operculo, respirantia vero habent operculum, quo oportet aperiri ampliatis poris per respirationem; tale autem operculum non est in naso, ut patet, sed versus cerebrum. *Præterea* ex natura organi olfactus; et enim odor fundetur in sicco, sicut sap in humido, organum seu sensorium debet esse potentia ad odorem, et consequent ad siccum; quod autem est potentia et calidum et siccum, est frigidum et humidum: ergo sensorium olfactus debet esse frigidum et humidum, et consequent debet esse in loco frigido et humidio, quod est locus circa cerebrum. — 3. *Anima* l. 3; lib. 2, l. 19, 20; *de Sensu et Sensibili* l. 4, 5, 13 et 19; *Opusc.* 43, 3; 1a, q. 91, a. 3, ad 1; *Quæst. disp. de Anima* a. 8, c.

Postremo ex differentia inter primi organum seu sensorium tactus et gustus, et primum organum seu sensorium visus, auditus et odoratus. Illud enim *cor*, ut dicit Philosophus (2. *de Animate* 107; c. 11; et *de Sensu et Sensibili* 2), hoc vero cerebrum. Et ratio utriusque inquit Philosophus ibidem, ex parte factus et visus haec est, quia cerebrum in cuius vicino sunt prima organa sensus visus et olfactus, est inter omnes corporis partes humidius et frigidius, ita habet naturam aquæ, quæ est naturaliter humida et frigida: et sic organo odoratus, quod debet esse calidus in potentia, et organo visus, quod debet esse aquæ. Ex parte auditus ratio est, quia sicut *cor* est principium operationum vitae — et ideo juxta illud est sensorium gustus et tactus, qui sunt sensus maxime necessarii animalibus — ita cerebrum est principium operationum animalium; et ideo juxta illud ponuntur sensoria visus, auditus et odoratus. Littera enim sensitivum principium primo est in corde, ubi et fons caloris (nihil enim

et sensitivum sine calore, ut dicitur *de Anima* (text. 430; l. 3, c. 1), a corde non derivatur virtus sensitiva ad cerebrum, et exinde procedit ad tria prima genera sensuum visus, auditus et odoratus. Ideo vero sensorium gustus et tactus eruntur ad corporis medium conjunctum posita sunt justa illud (inquit Philosophus ibidem), quia cor est oppositum cerebro secundum situm et qualitatem, et enim cerebrum est frigidissimum sicut quae in corpore sunt, ita cor est frigidissimum inter omnes corporis partes; et proinde sibi invicem opponuntur medium situm, ut per frigiditatem cerebri temperetur caliditas cordis. Propterea fortuit sensorium et primum organum visus, quod est terreum, esse principale in loco calidissimo corporis, atque non juxta cor, ut per illius caliditatem cerebri frigiditas ad temperiem reducatur. Quin etiam ideo cerebrum fuit in extremo corporis collocatum, ne operae animales, quae ibi perficiuntur per principia sensitiva juxta illud existentia, dictum est, per diversas corporis mutationes impedirentur (*Quodl.* 4, 3, ad 1). Cor vero positum est in meatus ex eo facile per totum corpus operae vitae, quae ibi perficiuntur, periora juxta illud existentia diffunduntur.

Iude manifestum est, quod sensorium odoratus est justa cerebrum. Nihil autem assignari potest, quod existat juxta cerebrum, quod possit esse aptum sensorium odoratus, praeter dictas carunculas mammillares. Nam cum sint sponte, possunt facile recipere evaporationes et exhalationes odoriferas, quibus fortatur cerebrum, ejus nimia frigidas contempatur, et contra superum hanc frigiditatem, ex qua saepe evantur rheumaticae infirmitates, mente perceptione odorum delectabilium attractionem aeris ad locum cerebro maximum delatorum, et propter talem rem, ut inquit Philosophus (*de Sensu et Sensibili* c. 5), a natura institutorum sa-

nitas inducitur. Ergo dicendum est et sensorium odoratus esse juxta cerebrum; nam cum ad ipsum ascendant, ut ex eorum perceptione utiles effectus in illo causentur, necesse est ascendant ad proprium sensorium, quod est principium eliciti vum odorationis. Præterea dicendum est sensorium olfactus juxta cerebrum existens esse predictas carunculas mammillares: — cum haec ibi existant, ut asserunt medicorum principes, et aptissimae sint ad recipiendas illas praesertim odorum species, quæ propter cerebri utilitatem sunt factæ, ut per se manifestum est, et nihil ibi existat, quod sit aptum ad munus sensorii odoratus exsequendum; dicendum est illas esse tale sensorium. — 2. *de Anima* l. 22; 3. *de Anima* l. 4; *de Sensu et Sensibili* l. 5, 9 et 13; *Quodl.* 4, a. 3. — Et ex his patet *ad primum*.

Ad secundum dicendum, quod per primum organum, quod respectu visus est oculus, respectu auditus aures, respectu odoratus nares, ut dictum est (in c.), sensus immediate et primo suscipit species sine materia; sed elicit et perficit sensationem, et discernit et judicat de odorum differentiis per sensorium odoratus, quod est circa cerebrum, ut dictum est (in c.). — Ad textum vero Philosophi dicendum, quod ibi tantum refert dictum quoddam Heracliti, ut patet ex contextu, qui sic habet: quamobrem dixerat Heraclitus, quod si omnes res tunus fierent, nares de odore dignoscerent. — 2. *de Anima* l. 24, et 3. *de Anima* l. 2: *de Sensu et Sensibili* l. 42.

Ad tertium dicendum, quod nares attrahunt aerem odoribus affectum, et primo recipiunt species sine materia, ut dictum est (in c. et ad 2), et consequenter sunt primum et immediatum organum per comparationem ad sensibile; non sunt autem sensorium nec principium eliciti vum olfactus.

Ad quartum dicendum, quod quia sensorium debet esse animatum, ut dicit Philosophus (2. *de Anima* text. 82; c. 8),

cerebrum vero caret sensu, ut dicit Philosophus (2. de Partibus Animal. c. 10), carunculae mammillares, quae sunt sensorium odoratus, sunt animatae, ac proinde diverse naturæ a cerebro. — 2. de Anima l. 17.

perspicacem ad discernendum de si objecto. — *Ibid.*

3. Præterea, dicit Philosophus (2. Partibus Animal c. 7), quod homo int omnia animalia habet cerebrum in a secundum quantitatem sui corporis; si animal habens cerebrum maius secundum quantitatem sui corporis, necessar desicit in sensu odoratus: ergo ide quod prius. — *Ibid.*

Sed contra est, quod Philosophus dic quod odorabile delectans vel conti stans est proprium hominis, quia sol homo hujusmodi odores melius discerni sed sensus eo melior est, quo melius di cernit suum objectum: ergo odoratus homine non est pejor odoratu alioru animalium, sed melior. — *de Sensu Sensibili* l. 13; 2. de Anima l. 19.

RESPONDEO DICENDUM, quod duplicit potest comparari odoratus hominis odores: *uno modo* ad odores delectabil vel contristabiles *secundum se*, atq adeo ad species odorum secundum se sp ciatas, et non per comparationem ad a mentum, que proinde non nisi secundi odorabilia distinguuntur; — *et hoc in do* sensus odoratus in homine melior i quam in aliis animalibus, quia hujusmodi odorabilia sunt propria homini nam solus homo illa discernit et in il delectatur vel contristatur. *Alio modo* odores delectabiles vel contristabiles *accidens*, id est per comparationem escam et quatenus conjuncti sunt ci saporibus vel illis coordinantur in alimento, seu ad odorum species secundum con venientiam ad species saporum, quæ p terea distinguntur secundum speci saporum; — ethoc modo homo habet p jorem odoratum aliis animalibus, qui hæc in hujusmodi odoribus discernentur habent acutiores sensum quam homines — 2. de Anima l. 19 et 21; *de Sensu Sensibili* l. 13. — Et ex his patet *ad argumenta* utriusque partis.

QUESTIO LXXV

DE POTENTIA ODORATIVA.

Deinde considerandum est de potentia odorativa.

CIRCA QUAM QUÆRITUR:

Utrum odoratus hominis sit pejor odoratu aliorum animalium.

ARTICULUS

UTRUM SENSUS ODORATUS HOMINIS SIT PEJOR ODORATU ALIORUM ANIMALIUM.

Videtur quod odoratus hominis sit pejor odoratu aliorum animalium.

1. Dicit enim Philosophus (2. de Anima text. 92; c. 9; *de Sensu et Sensibili* c. 4), quod sensum odoratus pejorem habemus, et per ordinem alii cetera animalia, et per comparationem ad ceteros sensus, qui in nobis sunt. — 2. de Anima l. 19; *de Sensu et Sensibili* l. 9.

2. Præterea, instrumentum sensus debet esse proportionatum suo sensibili; sed odor causatur ex calido et sicco: ergo ad bonitatem instrumenti odoratus exigitur victoria calidi et sicci; sed sensorium odoratus in homine cum sit proximum cerebro, quod est frigidum et humidum, proxime ad hanc complexionem accedit; unde etiam dictum est, quod est complexionis aqueæ: ergo homo pejus odorat quam videat, et quam cetera animalia odorent, ob sensum minus

QUESTIO LXXVI

DE OBJECTO POTENTIE GUSTATIVAE.

nde considerandum est de potentia gustativa. Circa quam quatuor consideranda sunt : objectum, sensatio, organum et potentia.

RCA PRIMUM QUÆRUNTUR TRIA :

rum recte definiatur a Philosopho sapor. non sunt species saporum. trum extreimi sapore sint dulcis et amar-

ARTICULUS I

TRUM RECTE DEFINIATUR A PHILOSOPHO
SAPOR.

Videtur quod non recte definiatur a philosopho (*de Sensu et Sensibili* c. 4) sapor, quod sit *passio facta in humido aquo a sicco terrestri gustus alterativa secundum potentiam in actum*.

1. Dicit enim Philosophus (*ibid.*), quod sapor aut est passio aut privatio; sed haec duo valde differunt, ut patet: ergo male definitur sapor absolute et simpliciter, sapor sit passio. — *de Sensu et Sensibili* c. 10.

2. Præterea, dicit Philosophus (*de Sensu et Sensibili* c. 4), quod sapore quinque apparent in fructibus, hi existunt enim in terra; sed terra non est humida sed secca: ergo male definitur sapor, sapor sit passio facta in humido aquo. — *Ibid.*

3. Præterea, sapor non solum est in tabili, quod habet actu humiditatem suam, ut vinum vel aliquod hujusmodi, sed etiam in eo, quod sumitur per diem eibi; sed in hoc non est actu humilitas aquae: ergo sapor non est passio facta in humido aquo. — 2. *de Anima* c. 21.

4. Præterea, dicit Philosophus (2. *de Anima* text. 102; c. 10), quod gustus

non sentit suum objectum per medium extranum; sed si sapor est passio facta in humido aquo, gustus sentiet suum objectum per aquam, quod est medium extranum: ergo idem quod prius. — *Ibid.*

5. Præterea, quidquid patitur, patitur a suo contrario; sed humidum est contrarium sicco: ergo cum tamen ignis quam terra sint secca, humidum etiam patietur a sicco igneo, et non tantum a sicco terrestri, et sic male definitur sapor, quod sit passio facta a sicco terrestri. — *de Sensu et Sensibili* I. 10.

Sed contra est auctoritas Philosophi (*de Sensu et Sensibili* c. 4) definientis saporum modo predicto. — *de Sensu et Sensibili* I. 10; 2. *de Anima* I. 21.

RESPONDEO DICENDUM, quod recte definitur sapor, quod sit *passio facta in humido aquo a sicco terrestri gustus alterativa secundum potentiam in actum*. Hac enim definitione recte explicatur natura saporis, ut patet discurrenti per singulas ejus partes. *Dicitur enim primo « passio »*, quia sapor est in tertia specie qualitatis, quæ est passio et passibilis qualitas: de cuius ratione est, ut dicit Philosophus (*de Sensu et Sensibili* c. 6), quod possit movere sensum, sicut de ratione coloris est, quod movere possit visum. Et ideo *de Sensu et Sensibili* (c. 4) dicit Philosophus, quod sapor et odor sunt fere eadem passio, quia ambæ sunt, ut dictum est (*supra* q. 72, a. 2, ad 2), in tertia specie qualitatis; et in hoc convenit tamquam in genere sapor cum odore et ceteris qualitatibus secundis. Quamquam et dici potest odor passio, quia sicut in generatione odoris datur aliquid passivum et aliquid activum, ita in generatione saporis datur aliquid passivum et aliquid activum; et eodem modo per hanc primam particulam designatur genus, in quo convenit odor cum sapore, sicuti per reliquias designatur differentia saporis ab odore et reliquis qualitatibus secundis.

Dicitur ergo secundo « facta in humido aquo », ut designetur proprium suscep-

ptivum odoris. Hoc enim est *humidum aqueum*; — *humidum* quidem, quia ubi non est humor, ibi non potest esse sapor. Et ideo terra pura saporem non habet, quia non habet humorē; quae tamen ad modicam permixtionem humidi cum aliqua alteratione calidi acquirit aliquem saporem. Et ratio est, quia sicut color fit actu visibilis per lumen; ita sapor fit actu gustabilis per humidum. Et propter hoc dicit Philosophus (*2. de Anima text. 102*; c. 10): oportet quod gustabile vel actu habeat humiditatem aquam, sicut vinum vel quid hujusmodi, aut sit potentia humectabile, sicut quod sumitur per modum cibi; et ideo oportet ut sit saliva in ore, quae est bene liquida et liquefactiva linguae, per quam ea quae sumuntur humectantur, ut eorum sapor percipi possit. — Dicitur humidum *aqueum*, quia sicut odor consistit in sicco aereo aliqualiter contemperato, ita sapor consistit in humido aqueo aliqualiter digesto, ut dictum est (*supra q. 72, a. 1, c.*). — *de Sensu et Sensibili* I. 10, 9, 15, 12 et 21; *2. de Anima* I. 21.

Dicitur tertio « a sicco », quia nec humidum sine sicco, neque siccum sine humido pertinet ad sapores. Quod probatur, quia sapor est passio nutrimenti; nutrimentum autem non est solum humidum vel solum siccum, sed commixtum ex his; — ex eisdem enim nutrimur, ex quibus sumus. — *Dicitur quarto « a sicco terrestri »,* quia licet possit pati humidum a sicco igneo, maxime tamen natum est pati a sicco terrestri, quia siccitas proprie et per se competit terrae quasi propter longissimam distantiam a fonte caloris, non resoluta terra in humiditatem, sed in ultima grossitie permanente. — *Dicitur quinto « gustus alterativa secundum potentiam in actum »,* ut distinguatur sapor ab odore et quibusdam aliis passionibus, quae causantur ab humido et sicco per actionem calidi, quae tamen non sunt immutativa gustus, sed aliorum sensum. Et per illas particulas « secundum potentiam in actum »

ostenditur modus, quo sapor immutatur, quem Philosophus post tradita saporis definitionem sit explicat: Quia sapor, inquit, sicut et quodlibet sensibile reducit in actum sensitivum, quod prius erat in potentia ad sensibile, quod sentire, quod sequitur actionem sensitivam in sensum, non fit secundum addiscere sed secundum speculari, id est, non habet similitudinem cum eo quod est addiscere, quia in eo qui addiscit, generatur habitus scientiae de novo, sed in eo quod sentit, sensus fit actu operans, sicut contingit in eo qui speculator actu. Ut enim docet Philosophus (*de Sensu et Sensibili* 2) contra Democritum, sicut visio non est sola receptio speciei, sed est operatio potentiae sensitivae existentis in oculo: ita sensatio cuiuslibet sensus non est receptio speciei a sensibili, sed est operatio potentiae sensitivae consequens receptione speciei causatam a sensibili in organo sensus. Unde manifestum est recte fuisse a Philosopho traditam saporis definitiōnem. — *2. de Anima* I. 20 et 21; *Sensu et Sensibili* I. 10 et 14.

Ad primum ergo dicendum, quod sapor dicitur a Philosopho passio vel privatio, quia sapor dividitur in dulcem amarum, quorum dulcis quia habet rationem perfecti saporis, et amarus imperfecti, ille dicitur positiva passio, tamen vero privatio, comparatus nimis dulcem, sicut et nigrum ratione imperfectionis suae comparatum ad album, quod est color perfectus, dicitur privatio; semper enim alterum contrariorum est privatio, ut patet 10. *Metaphys.* (*text. I. 1. 9, c. 4*). — *de Sensu et Sensibili* I. II. *2. de Anima* I. 21.

Ad secundum patet ex dictis (in c.), similiter ad tertium et quintum.

Ad quartum dicendum, quod licet sapor sit passio facta in humido aqueo, non tamen inde sequitur, quod gustus sentiatur objectum per medium externum; licet etiam concedamus, quod si esset in aqua, sentiremus corpus dulce appositum in aqua distans a nobis, et non p-

iam tamquam per medium; nam sensus illud ex eo, quod sapor ille perscutitur aquo humido, ut accidit in potu, a cuius permisceatur aqua, vel vino vel aliquid hujusmodi; ipsa enim aqua mutatur naturali immutatione a corpore saporoso. Unde gustus non percipitorem corporis distantis, ut est talis poris sapor, nisi secundum quod aqua immutata atali corpore. Cujus signum quod gustus non immutatur ab aqua intense, sicut natus est immutari a ore corporis distantis, eo quod sapor debilitatur per admixtionem aquae. — *de Anima* l. 21.

ARTICULUS II

QUOT SINT SPECIES SAPORUM.

Videtur quod species saporum sint *quatuor*: quia tot sunt species saporum, et colorum, ut dicit Philosophus (*de Sensu et Sensibili* c. 4; 2. *de Anima* text. c. 10); sed species colorum sunt *septem*: albus (ad quem reducitur color us) et niger tamquam extremi colorum in quorum medio sunt hi quinque coloris: lividus, puniceus seu rubeus, alurgon citrinus, viridis et color celestis: similiter sapore crunt septem: pinguis (ad quem reducitur pinguis) et amarus tamquam extremi, medii vero sunt: salsus, ponticus sive mordicatus, acerbus seu acetosus, stipticus et acutus. — *de Sensu et Sensibili* l. 11; 2. *de Anima* l. 21.

Videtur quod sint *octo*. Philosophus numerat octo species; nam salsum distinguit ab amaro; ergo. — 2. *de Anima* l. 21.

Videtur quod sint *plures* quam octo. Ut enim Philosophus (*de Sensu et Sensibili* c. 4), quod sapore medii sunt plurimi; ergo.

Sed contra est, quod Philosophus (*de Sensu et Sensibili* c. 4) numerat tantum septem. — *de Sensu et Sensibili* l. 11.

RESPONDEO DICENDUM, quod species saporum distinguuntur secundum numerum per similitudinem ad colores. Sicut enim colores medii generantur ex commixtione albi et nigri, vel ipsorum secundum se, vel ex commixtione causarum albi et nigri; ita medii sapore generantur ex mixtione dulcis et amari, vel ipsorum secundum se, vel ex mixtione causarum dulcis et amari. Et sicut medii colores diversificantur, quatenus unusquisque eorum magis vel minus accedit ad albedinem vel nigritatem; ita medii sapore diversificantur secundum proportionem, quatenus scilicet unusquisque eorum magis vel minus accedit ad dulcedinem vel amaritudinem. Quod quidem contingit dupliciter, sicut et in coloribus: *uno modo* secundum numeralem proportionem observatam in praedicta commixtione et transmutatione humidi a calido; et hi qui sic commixti sunt, soli delectant gustum; *alio modo* secundum indeterminatum superabundantiam absque proportione naturali. Sicut ergo coloris species sunt *septem*: albus (a quo non distinguitur flavus) et niger tamquam extremi, et nigrum immediate sequitur lividus; inter hos autem tres medii colores sunt: puniceus seu rubeus, alurgon seu citrinus, viridis et cianus (1) seu color celestis — ita tamen, quod viridis et cianus magis appropinquant ad nigrum, puniceus autem et citrinus magis appropinquant ad album — ; ita septem sunt species saporum: dulcis (a quo non distinguitur pinguis) et amarus tamquam extremi, amarum sequitur immediate salsus, inter hos autem tres sunt quatuor medii: ponticus, austerus, stipticus et acutus. Sunt autem aliæ species plurimæ colorum et saporum ex commixtione prædictarum specierum ad invicem; sed prædictæ sunt magis præcipuae. — *de Sensu et Sensibili* l. 11. — Et ex his patet *ad objecta*.

1. Al. « cianus ».

ARTICULUS III.

UTRUM EXTREMI SAPORES SINT DULCIS
ET AMARUS.

Videtur quod extremi sapores non sint dulcis et amarus : —

1. quia distinctio saporum sumi debet per ordinem ad calidum digerens humidum, unde oritur sapor ; sed per ordinem ad calidum dulcis est color medius, extremi vero sunt ponticus et acerbus : ergo extremi sapores non sunt dulcis et amarus. — *de Sensu et Sensibili* l. 11 ; 2. *de Anima* l. 21.

2. Præterea, sapor dulcis est delectabilis, sicut amarus non delectabilis ; sed extrema sunt molesta : ergo extremi sapores non sunt dulcis et amarus.

Sed contra est, quod Philosophus (2. *de Anima* text. 105; c. 10; *de Sensu et Sensibili* c. 4) dicit, quod extremi sapores sunt dulcis et amarus. — *de Sensu et Sensibili* l. 11 ; 2. *de Anima* l. 21.

RESPONDEO DICENDUM, quod quia sapor propinquius sequitur humorem quam calorem, non oportet considerare medium et extrema secundum calidum, sed secundum humidum aliqualiter passum a sicco et calido, quia in hoc consistit principalius natura saporis ; alioqui si medium et extrema acciperentur in saporibus secundum calidum, non essent dulce et amarum extrema, sed dulce esset medium ; nam calidum intensem et consumens frigidum, aut digerens calidum, aut omnino deficiens in digerendo, propter victoriam frigidi, causat ponticum vel acerosum saporem ; calor autem moderatus sufficiens ad digerendum causat dulcedinem. — *de Sensu et Sensibili* l. 11.

Ad primum ergo dicendum, quod quavis sapores causentur a calido et frigido, et humido et sicco, et contraria sint, quæ maxime distant ; non tamen secundum maximam distantiam calidi et frigidi, et humidi et sicci attenditur contrarietas in

speciebus saporum, sed secundum ordinem ad gustum, prout natus est immaturi a sapore vel cum horrore vel cum suavitate. Unde non est necessarium quod dulce vel amarum sit maxime vel calidum vel frigidum, vel humidum vel siccum, sed maxime se habeat in tali dispositione, per quam comparatur ad sensum gustus. — 2. *de Anima* l. 21.

Ad secundum dicendum, quod extremi sapores fugiendi sunt, si extremitas illorum sumatur per ordinem ad qualitatibus activas et passivas ; secus vero, si sumatur per ordinem ad gustum, ut dictum est (ad 1).

QUÆSTIO LXXVII

DE GUSTATIONE.

Deinde considerandum est de gustatione.

CIRCA QUAM QUÆRITUR :

Utrum ad gustationem requiratur medium extraneum.

ARTICULUS

UTRUM AD GUSTATIONEM REQUIRATUR
MEDIUM EXTRANEUM.

Videtur quod ad gustationem requiriatur medium extraneum.

1. Dicit enim Philosophus (2. *de Anima* text. 101; c. 10), quod si aliquod corpus saporosum dissolubile per aquam, in quantum ponatur, ut mel et aliquid hujusmodi, nos essemus in aqua, quamvis distantes ab illo corpore saporoso, saporem tantum ejus sentiremus in aqua, et sic gustus suscipiet suum objectum per aquam quod est medium extraneum. — 2. *de Anima* l. 21.

2. Præterea, gustus est quidam tactus, dicit Philosophus (2. *de Anima* *text.* 101; c. 10); sed inter duo, quæ se tangent, semper est medius aer vel aqua, dicit Philosophus (2. *de Anima* *text.* 101 et 115; c. 11) : ergo sensatio gustus per medium externum. — 2. *de Anima* l. 21 et 23.

3. Præterea, dicit Philosophus (2. *de Anima* *text.* 114; c. 11), quod omnia sensilia sentimus per medium extraneum ; in gustabilibus et tangibilibus latet : o. — 2. *de Anima* l. 23.

Sed contra est, quod Philosophus (2. *de Anima* *text.* 101; c. 10) dicit, quod gustus sentit suum objectum per medium extraneum, quod nimis non est pars sensibilis, sed per conjunctum. — 2. *de Anima* l. 21.


RESPONDEO DICENDUM, quod gustus non sentit saporem per medium extraneum, per internum, quod est caro linguae. probatur a Philosopho (2. *de Anima* l. 101 et 115; c. 10 et 11) — *primo*, vera differentia, quæ est inter tangibilia atque adeo gustabilia, et visibilia actionativa, quod hæc sentimus per hoc medium, et iterum medium movent nos; illa vero sentimus per medium extraneum, non quasi moti a medio humido, sed simul cum medio movemur sensibili : sicut percussus per clypeum percuditur a clypeo, sed simul utrumque percuditur ab alio. Quod est dicere, d. in aliis sensibus immutatio mediæ causa, quod immutetur sensus, non enim in tactu et gustu : nam in aliis sensibus medium est ex necessitate, in tactu enim et gustu quasi per accidens, in aliis accidit corpora se tangentia esse rectata. — *Secundo*, quia gustabile est idem tangibile ; sapor enim, qui est gustabile, radicatur in humido sicut in pria materia, humidum autem est idem tangibile, tangibile autem non sentitur per medium extraneum, sed per medium conjunctum ; nam caro est mensa in sensu tactus, et lingua in sensu gustus, ut dicit Philosophus (2. *de Anima*

text. 116; c. 11); nam haec ita se habent ad tactum et gustum, sicut aer et aqua se habent ad sensum visus, auditus et olfactus. Unde manifestum est quod sensatio gustus non fit per medium externum, sed per conjunctum. — *de Sensu et Sensibili* l. 5; 2. *de Anima* l. 21, 22, 23.

Ad primum ergo dicendum cum Philosopho (ibidem), quod quia gustabile non percipitur per medium extraneum, sequitur, quod si essemus in aqua, sentiremus utique corpus dulce appositum in aqua, distans a nobis, non tamen esset nobis sensus per medium, sed ex eo quod sapor ille permiscetur aquo humido, ut accidit in potu, puta cum permiscetur aquæ vel vino mel vel aliquid hujusmodi : ipsa enim aqua immutatur naturali immutatione a corpore saporoso. Unde gustus non percipit saporem corporis distantis, ut est talis corporis sapor, nisi secundum quod aqua est immutata tali corpore ; eni signum est, quod gustus non immutatur ab aqua sic intense, sicut natus est immutari a sapore corporis distantis, eo quod sapor ille debilitatur per admixtionem aquæ. — 2. *de Anima* l. 21.

Ad secundum dicendum, quod in gusto et tactu est medium extraneum quasi per accidens, quatenus accidit corpora se tangentia esse humectata, ut dictum est (in c.).

Ad tertium dicendum cum Philosopho 2. *de Anima* (*text.* 114; c. 11) dictum illud, quod est antiquorum, esse falsum. Unde ibidem (*text.* 115; c. 11) veram differentiam assignat inter sensum tactus et gustus et alios sensus, ut dictum est (in c.). — 2. *de Anima* l. 21 et 23.



QUESTIO LXXVIII

DE ORGANO POTENTIÆ GUSTATIVÆ.

Deinde considerandum est de organo potentiae gustativæ, circa quod quæritur, quod sit organum illius.

ARTICULUS

QUOD SIT ORGANUM POTENTIÆ GUSTATIVÆ.

Videtur quod organum gustativæ potentiae sit lingua.

Dicit enim Philosophus (1. *de Hist. Animal.* c. 11; 2. *de Partibus Animal.* c. 10; 2. *de Anima text.* 104; c. 10), quod lingua est instrumentum et organum gustus; ergo. — 2. *de Animal.* 21; 1. *Metaphys.* l. 1 post princip.

2. Præterea, illud est organum gustus, quod neque est humidum actu, neque saporosum secundum se, est tamen tale, quod jam passum a gustabili est humectatum, quodque sentit saporem, ut dicit Philosophus (2. *de Anima text.* 104; c. 10); sed hæc convenient linguae, ut dicit Philosophus (*ibidem*): ergo lingua est organum gustus. — 2. *de Anima* l. 21.

3. Præterea, organum gustus est, quod immutatur a sapore materiali immutatione mediante saliva; sed hoc modo immutatur lingua, ut dicit Philosophus (2. *de Anima text.* 102 et 104; c. 10); cuius signum (inquit Philosophus) est, quod neque existens sicca neque multum humida potest sentire. — *Ibid.*

Sed contra est, quod Philosophus (*de Sensu et Sensibili* c. 2 et *de Juvent. et Senect.* c. 2, al. 3) dicit, quod sensoria gustus et tactus sunt circa cor. — *de Sensu et Sensibili* l. 5; *de Juvent. et Senect.* l. 3.

RESPONDEO DICENDUM, quod instrumentum et medium gustus atque adeo pri-

mum organum est lingua ratione nervi diffusi super corpus linguae, ut probat arguimenta primo loco allata; sensuum autem et organum ultimum non est lingua, ut probat Philosophus (2. *de Anima text.* 116; c. 11), quia ita se habet lingua ad sensorium gustus, sicut aer aqua ad organum et sensorium visus auditus et olfactus; sed in nullo istorum sensuum potest fieri sensatio, si tangatur organum et sensorium, ut si quis ponat aliquod corpus album in superficie oculi non videtur: unde manifestum est, quod organum sensitivum in sensu gustus est intus. Sic enim accedit in hoc sensu, sic in aliis; non enim sentiunt animalia sensibilia posita super organum sensus; sentiunt autem sensibilia posita super linguam. Quare manifestum est, quod lingua non est sensorium, sed medium gustus.

Est autem sensorium gustus juxta conceptum. Quod probatur, primo, quia cor est principium operationum vitae; et ideo juxta illud debet esse sensorium gustus, quia sensus maxime necessarius animali; sicut quia cerebrum est principium operatum animalium, juxta illud ponuntur sensoria visus, auditus et odoratus. Secundo, quia sensus gustus est qualitas tactus; tactus autem necessario detinetur ad eorum, et habere suum sensorium juxta illud vel in illo: ut manifestetur, quia sensus tactus est materialis quam aliquis aliorum sensuum, et magis materialiter alteratur; alteratur enim a qualitatibus sensibilibus, quae materialiter alterant; et ideo oportet quod sit talis substantia vel dispositio, per quam possit magis sustinere talem alterationem; potest autem, si fit substantia solidæ; soliditas autem est terræ: quare oportet sensum tactus esse a terræ dominio; et ideo oportet ipsum esse in tali parte, quae sit magis terstris. Inter partes autem sensitivas hoc est eorum, et ideo sensus tactus tendit ipsum cor; et quia sensus tactus indicit majori caliditate in actione sua quam quis aliorum, in corde autem est ma-

caliditas, ideo sensus tactus dicitur in corde; et consequenter et sensus tactus, qui tactus quidam est, debet immediate in cor tendere. Secus vero alii sensus, qui quia indigent caliditate magis missa, quia eorum actiones sunt magis proportionatae, immediate tendunt ad unum partem, per quam caliditas refri-
cari potest; hoc autem est cerebrum: ideo immediate tendunt illi tres sen-
sus ad cerebrum. — 2. *de Anima* I. 4 et
Opusc. 43, c. 3; *Quodl.* 4, a. 3, ad 1;
Juvent. et *Senect.* I. 3; *de Sensu et*
visibili I. 5.
Et ex his patet *ad argumenta*.

QUÆSTIO LXXIX

DE POTENTIA GUSTATIVA.

Inde considerandum est de potentia gustativa.

CIRCA QUAM QUÆRITUR:

um hæc potentia necessario insit omnibus animalibus.

ARTICULUS

RUM POTENTIA GUSTATIVA NECESSARIO
INSIT OMNIBUS ANIMALIBUS.

Idetur quod potentia gustativa non
necessario insit omnibus animalibus.

Dicit enim Philosophus (*de Somno et Vigilia* c. 2), quod solus tactus inest omnibus animalibus, et quod quædam anima imperfecta carent gustu et tactum non habent. — *de Somno et Vigilia* I. 3.

Præterea, Philosophus (2. *de Anima* I. 17; c. 2) dicit, quod sicut vegetativum est separari a tactu et ab omni sensu, tactus potest separari ab omnibus sensibus, ita ut sint animalia quædam solum habent tactum: ergo gustus

non necessario inest omnibus animalibus. — 2. *de Anima* I. 3.

3. Præterea, 3. *de Anima* (text. 68; c. 13) dicit Philosophus, quod gustus est sensus non necessarius animalibus: ergo idem quod prius. — 3. *de Anima* I. 18.

Sed contra est, quod Philosophus (3. *de Anima* text. 64; c. 12) dicit, quod gustus est necessarius animali sicut tactus; hic autem est necessarius omnibus animantibus: ergo et gustus. — 3. *de Anima* I. 17.

RESPONDEO DICENDUM, quod animalia sunt in duplii differentia. Nam quædam sunt valde imperfecta, quæ sunt terræ affixa more plantarum, ut spongia maris et pars decisa animalis anulos; et haec habent solum sensum tactus, et consequenter his non est necessarius sensus gustus; et ratio est, quia haec nutritunt ad modum plantarum. — Quædam vero sunt perfecta, quæ moventur motu progressivo, quæ habent etiam alios sensus, et per consequens et gustum. Verum gustus respectu horum dupliciter potest considerari: — uno modo, ut est actus quidam alimenti, quod scilicet discernitur alimentum, utrum sit conveniens vel non; et hoc modo est necessarius animantibus perfectis; — alio modo, quatenus est discretivus saporum, qui faciunt alimentum delectabile vel triste, ut facilius accipiantur vel refutetur; et hoc modo gustus non est sensus necessarius. — 2. *de Anima* I. 3; 3. *de Anima* I. 17 et 18; *de Somno et Vigilia* I. 3.

Et ex his patet *ad objecta*.

QUÆSTIO LXXX

DE SENSATIONE TACTUS.

Deinde considerandum est de potentia tactiva. Circa quam consideranda sunt tria: sensatio, organum et potentia; nam objectum patebit ex consideratione trium prædictorum.

CIRCA PRIMUM QUÆRITUR :

Utrum ad sensationem requiratur medium externum.

ARTICULUS

UTRUM AD SENSATIONEM TACTUS REQUIRATUR MEDIUM EXTERNUM.

Videtur quod ad sensationem tactus non requiratur medium externum, puta aer vel aqua.

1. Oportet enim illud, quod est medium in aliquo sensu, esse denudatum a qualitatibus sensibilibus secundum illum sensum : sicut diaphanum, quod est medium respectu visus, nullum habet colorēm ; manifestum est autem, quod aer et aqua habent tangibiles qualitates : non igitur mediantibus illis potest fieri tactus. — 2. *de Anima* l. 23.

2. Præterea, dicit Philosophus (2. *de Anima* text. 114; c. 11), quod in hoc differunt gustus et tactus a reliquis sensibus, quod illi sentiunt ex eo, quod immediate tangunt, alii autem sensus sentiunt a longe sua sensibilia, non tangendo ipsa ; ergo. — *Ibid.*

3. Præterea, si inter tangens et tactum esset aliquod medium, sequeretur quod in tangilibus esset procedere in infinitum, quia cum illud medium tangeret tactum, inter utrumque necessario requireretur aliud medium ; sed natura abhorret infinitum : ergo falsum est, quod ad tactum requiratur medium. — *Ibid.*

Sed contra est, quod Philosophus (2. *de Anima* text. 113, 114 et 115; c. 11) docet, quod inter duo corpora se tangentia semper mediat aer vel aqua. — *Ibid.*

* RESPONDEO DICENDUM, quod sensus tactus non sentit suum objectum per medium extrinsecum tamquam immutatus ab illo, sed tantum per medium internum. Ad cuius evidentiam sciendum est, quod necesse quidem est inter tangens et tactum esse medium aerem vel aquam, quia ubi-

cunque est medium humidum vel humectatum, oportet esse aliquod corpus — humiditas enim cum sit qualitas quædam non est nisi in subjecto corpore. Aut igitur inest alteri corpori secundum ipsum ; et tunc est humidum, sicut aqua — aut habet humiditatem secundum aliquod corpus sibi adveniens ; et si dicitur humectatum ex hoc, quod habet aquam in superficie tantum vel in superficie et profundo. Manifestum est autem quod corpora quæ se tangunt, vel sunt in aere vel in aqua : necesse ergo est quod habeant aquam vel aerem medium ; consequenter impossibile est quod aliquid corpus tangat aliud in aere vel aqua immediate. Unde relinquitur, quod semper quando tangimus aliquid, est medium inter nos et res contactas aer vel aqua.

Verum hoc differunt ceteri sensus, prout visus et auditus et olfactus, a tactu, qui illi moventur a medio, et medium movetur a sensibili ; tactus vero simul cum medio a sensibili, non aliter atque percussus per clypeum ab aliquo, non percutitur immediate a clypeo, sed simul cum clypeo a percidente. Unde in aliis sensibus immutatio medii est causa, quam mutetur sensus, non autem in tactu, et ratio hujus differentiæ est, quia in aliis sensibus medium est ex necessitate, in tactu autem quasi per accidens, in quantum accedit corpora se tangentia esse immutata.

Ceterum licet per se tactus non sentit per medium extrinsecum, sentit tandem per medium intrinsecum et connatur, quod est caro. Quod patet, quia ita caro habet, inquit Philosophus (2. *de Anima* text. 116; c. 11), caro et lingua ad organum sensus tactus, sicut se habent aer et aqua ad organum visus, auditus et olfactus ; in nullo enim istorum sensuum potest fieri sensus, si tangatur organum, ut si quis ponat corpus album in superficie oculi, non videtur. Unde manifestum est, quod organum sensitivum in se tactus est intus. Sic enim accedit in tactu sensu, sicut et in aliis : non enim sentit

animalia sensibilia posita super organum sensus; sentiunt autem sensibilia posita super carnem. Quare manifestum est, quod caro non est organum, sed medium; per consequens, quod tactus sentit per medium internum, non autem per extermum. — *de Sensu et Sensibili* l. 16; 2. *de Anima* l. 23.

Ad primum ergo dicendum, quod quia r. et aqua sunt facile mutabilia ab extra-ris qualitatibus, et præcipue quando-nt modicæ quantitatis, sicut accidit in na vel aere, quæ sunt inter alia duo rpora se tangentia; propter hoc non peditur sensus tactus, quin per me-um aerem et aquam fieri possit; et mi-ns etiam impedit aer quam aqua, quia r. habet qualitates tangibles parum sen-sibles. Unde si intendantur qualitates ngibles aeris vel aquæ, magis impedi-tur tactus, utpote cum aer vel aqua inten-sum frigiditatem vel caliditatem habuerint.

2. *de Anima* l. 23.

Ad secundum dicendum, quod falsa est n. differentia inter sensum tactus et re-quis sensus, sed vera est quæ dicta est in c.).

Ad tertium dicendum, quod non sequi-r. ullus processus in infinitum, quia aer aqua sunt medium et objectum simul, m. simul cum re tacta tangantur, ut c. est (in c.).

non autem aliquid juxta cor vel in corde.

1. Dicit enim Philosophus (1. *de Hist. Animal.* c. 4 et 2. *de Partibus Animal.* c. 5 et 8), quod caro est organum tactus, idemque colligitur ex 2. *de Anima* (*text.* 94 et 116; c. 9 et 11). — 2. *de Anima* l. 19 et 23.

2. Præterea, dicit Philosophus (2. *de Anima* *text.* 118, 119 et 124; c. 11 et 12; 3. *de Anima* *text.* 68; c. 13), quod senso-rium tactus debet esse temperatissimum, ut excessum qualitatum possit percipere; sed hujusmodi est caro, ut colligitur ex Philosopho 2. *de Anima* (*text.* 94; c. 9), ubi dicit ex instrumento tactus colligi, quod aliqui sint ingeniosi, et aliqui non, et ideo quod molles carne sunt ingeniosi, illi vero qui habent duram carnem et conseruent malum tactum, inepti secundum mentem: ergo caro est organum. — 2. *de Anima* l. 23, 24 et 19; *de Sensu et Sensibili* l. 9.

3. Præterea, organum tactus est di-spersum per totum corpus; est enim fun-damentum omnium sensuum exteriorum; unde quodlibet instrumentum cujuscun-que sensus est etiam instrumentum tactus; et illud, ex quo aliquid dicitur esse sen-sitivum, est sensus tactus; sed cor habet particularem locum in medio animalis, ut patet: ergo sensorium tactus non est circa cor vel in corde. — *de Juvent. et Senect.* l. 3; 2. *de Anima* l. 19; *de Sensu et Sen-sibili* l. 5.

4. Præterea, dicit Philosophus (2. *de Anima* *text.* 109; c. 11), quod statim ad tactum carnis sentimus tangibile; sed illud est organum, ad cuius tactum sen-timus tangibile: ergo caro est sensorium tactus. — 2. *de Anima* l. 22.

Sed contra est: 1. quod Philosophus (2. *de Anima* *text.* 116; c. 11; 2. *de Par-tibus Animal.* c. 10) dicit, quod caro non est organum tactus, sed medium, et quod organum tactus est aliquid intus. — 2. *de Anima* l. 23.

2. Præterea, dicit Philosophus (*de Sensu et Sensibili* c. 2; *de Juvent. et Senect.* c. 2, al. 3; *de Somno et Vigilia* c. 2), quod sensorium tactus est et circa cor. — *de*

QUÆSTIO LXXXI

DE ORGANO TACTUS.

Deinde considerandum est de organo tactus.

CIRCA QUOD QUÆRITUR :

rum caro sit organum tactus an aliquid juxta cor.

ARTICULUS

UTRUM CARO SIT ORGANUM TACTUS AN ALIQUID JUXTA COR.

Videtur quod organum tactus sit caro,

Sensu et Sensibili l. 5; de Juvent. et Senect. l. 3; de Somno et Vigilia l. 3.

RESPONDEO DICENDUM, quod sensorium et organum ultimum seu primum intrinsecum tactus non est caro. Quod probatur primo a Philosopho (2. *de Anima* text. 116; c. 11), quia nullum sensibile positum supra sensorium facit sensationem; sed sensibile positum supra carnem facit sensationem: ergo caro non est sensorium tactus. Secundo, quia ita se habet caro ad organum tactus, inquit idem Philosophus (2. *de Anima* text. cit. et text. 110; c. 11), sicut se habent aer et aqua ad organa visus et auditus; sed aer et aqua respectu horum sensuum se habent tantum ut medium, licet extrinsecum: ergo et caro erit medium quamvis intrinsecum. Tertio, praeter carnem multa etiam sentiunt, ut nervi, qui sunt maxime sensitivi, similiter cartilagine et membranae; sed haec non sunt sensorium tactus: ergo neque caro. Quarto, ad eundem locum debet tendere sensus tactus, in quo est primum sensitivum et primum principium nutritivum, ut dicit Philosophus (*de Juvent. et Senect.* c. 2, al. 3); sed haec, ut ibi dicitur, sunt in corde: ergo et in corde debet esse sensorium tactus. — 2. *de Anima* l. 22 et 23; *de Juvent. et Senect.* l. 3.

Non ergo caro est sensorium tactus. Erit autem vel caro cordis, vel aliquid juxta cor vel in corde. Quod (præter dicta) manifestum est, quia, cum sit cor oppositum cerebro secundum situm et qualitatem — nam cerebrum est frigidissimum omnium quæ sunt in corpore, cor autem est calidissimum inter omnes corporis partes; propter quod et invicem opponuntur secundum situm, ut per frigiditatem cerebri temperetur caliditas cordis; unde est, quod illi, qui habent parvum caput secundum proportionem ceterorum membrorum, impetuosi sunt tamquam calore cordis non sufficienter reflexo per cerebrum; et e converso illi, qui excedunt immoderate in magnitudine capituli, sunt nimis humorosi et pingues ratione magnitudinis cerebri calorem

cordis impedientis — ; propterea oportet quod organum tactus, quod terrenum est, principaliter in loco calidissimo corpori ut per caliditatem cordis ad temperie terræ frigiditas reducatur. — Quod etia potest manifestari per hoc signum, quod læsio si accidat in locis circa cor, e maxime dolorosa.

Dicendum ergo est, quod sensorium tactus, seu organum ultimum, vel primum intrinsecum est cor; secundum vel intrinsecum est nervus interior et cerebrum, quod licet sit de se insensibile, et tamen principium sentiendi ipsi nervi organum vero proximum et primum extrinsecum est caro et quælibet pars secundum æqualitatem mixta. Dicendum ergo est sensorium tactus esse circa cor — 2. *de Anima* l. 4, 20, 22 et 23; 1. *Anima* l. 5; *de Sensu et Sensibili* l. *Opusc.* 43, c. 3.

Ad primum ergo dicendum, quod caditur organum tactus non quidem per totum corpus diffusa, sed caro cordis. — Vel dic, quod est caro organum primum sed non ultimum, ut dicit Philosophus (2. *de Anima* text. 146; l. 3, c. 2). — 3. *Anima* l. 3. — Vel dicitur organum, quod est medium internum, atque adeo instrumentum aliquo modo ipsius tactus; non est autem sensorium tactus, ut dictum est.

Eodemque modo dicendum ad secundum.

Ad tertium dicendum, quod licet sensus tactus animal sentiat per totum corpus hoc tamen non facit, quod caro sit organum ultimum seu sensorium: quia si et alii sensus fiunt per medium extrinsecum, quod est caro et quæcumque partem sentiens. — *de Sensu et Sensibili* l. 5; *de Anima* l. 4.

Ad quartum dicendum cum Philosopho (2. *de Anima* text. 109; c. 11), quod judicandum, quod caro sit organum tactus, non est sufficiens signum, quod simul cum caro tangitur, fit sensus tangible: quia et nunc si aliquis supra carnem extenderet aliquam pelliculam a

lam subtilem, statim ad tactum ipsius mod superextenderetur carni, sentire-r tangibile, et tamen constat quod sensuum sensus tactus non esset in illa lle superextensa; et iterum manife- um est, quod si illa pellis superextensa ret connaturalis homini, citius per eam ntiretur. Unde licet ad tactum carnis, æ est homini connaturalis, statim tau- bile sentiatur, non tamen sequitur quod ro sit sensorium tactus, sed est quod- in medium connaturale. — 2. *de Ani- t l. 22.*

QUÆSTIO LXXXII

DE POTENTIA TACTIVA.

Peinde considerandum est de potentia tactiva.

CIRCA QUAM QUÆRITUR :

trum tactus sit una potentia specie.

ARTICULUS

UTRUM TACTUS SIT UNA POTENTIA SPECIE.

Videtur quod tactus sit una potentia specie.

1. Dicit enim Philosophus (*2. de Anima* art. 128; l. 3, c. 1), quod dantur quinque sensus externi; sed si dantur plures tactus specie, plures essent sensus externi nam quinque: ergo tactus est unus specie. — 3. *de Anima* l. 4.

2. Præterea, si tactus est plures spe- cie, maxime quia unus sensus est unius contrarietatis, tactus autem est plurium contrarietatum, calidi et frigidi, humidi et siccii; sed hoc non impedit, quia audi- s est unus sensus specie, et tamen est plurium contrarietatum, acuti et gravis, magni et parvi, asperi et lenis; et simili- er visus est una potentia specie, et ta-

men est plurium contrarietatum, albi et nigri, pulchri et turpis, et similium: — ergo tactus est unus specie. — 2. *de Ani- ma* l. 22.

3. Præterea, in potentia sensitiva nihil differt specie nisi propter diversa genera sensibilium; sed tangibilia con- veniunt genere: singulæ enim contrarie- tates tangibilium conveniunt in uno ge- nere proximo, et omnes in uno genere communi, quod est objectum tactus se- cundum rationem communem: ergo tactus est una potentia specie. — *de Sensu et Sensibili* l. 19; 1a, q. 78, a. 3, ad 3.

Sed contra est: 1. quod Philosophus (*2. de Anima* text. 107; c. 11) dicit, quod sensus tactus non est unus specie, sed plures. — 2. *de Anima* l. 22.

2. Præterea, unus sensus est tantum unius contrarietatis, sicut visus albi et nigri, auditus gravis et acuti, gustus amari et dulcis; sed in tangibili, quod est objectum tactus, sunt multæ contra-rietates primæ, puta calidi et frigidi, humidi et siccii: ergo tactus non est unus specie, sed plures. — *Ibid.*

RESPONDEO DICENDUM, quod licet Philo- sophus senserit tactum non esse unam potentiam specie, sed plures: quia est plurium contrarietatum per se primo, qui tamen non separantur ab invicem secun- dum organum, sed per totum corpus se comitantur, et ideo eorum distinctio non appareat; — posset tamen dici, quod omnes illæ contrarietates et singulæ conve- niunt in uno genere proximo, et omnes in uno genere communi, quod est objectum tactus secundum rationem communem; sed illud genus commune est innominatum sicut et genus proximum calidi et frigidi, et genus comprehendens colorem et visi- bilitatem per noctem et ipsum lumen; hæc enim duo genera sunt innominata. — 1a, q. 78, a. 3, ad 3.

Et ex his patet *ad objecta*.

QUÆSTIO LXXXIII

DE SENSIBUS INTERNIS.

Deinde considerandum est de sensibus internis. Circa quos duo consideranda sunt : potentiae ipsæ et earum organa ; nam objectum ex horum patebit consideratione ; de speciebus vero sensibilibus nihil superest dicendum præter dicta de speciebus sensibilibus in communi ; et si quæ supersunt cognoscenda, nota fient ex his, quæ dicentur de potentias sensitivis internis et earum organis.

CIRCA PRIMUM QUÆRUNTUR
QUATUOR :

1. Utrum præter sensus externos detur aliquis sensus internus.
2. Quot sint sensus interni.
3. Utrum omnes sensus interni insint omnibus animantibus.
4. Utrum detur sensus agens.

ARTICULUS I

UTRUM PRÆTER SENSUS EXTERNOS DETUR
ALIQUIS SENSUS INTERNUS.

Videtur quod præter sensus externos non detur aliquis sensus internus.

1. Dicit enim Philosophus (2. *de Anima* text. 146 ; l. 3, c. 2), quod discernere inter sensibilia, ut inter album et dulce, pertinet ad tactum, qui est sensus externus ; sed potissimum ponitur sensus internus, ut discernat inter sensibilia externa, ut inter album et dulce et similia : ergo non datur sensus internus. — 3. *de Anima* l. 3.

2. Præterea, ad id, ad quod sufficit sensus proprius et exterior, non oportet ponere aliquam vim apprehensivam interiorem ; sed ad judicandum de sensibilibus sufficiunt sensus proprii et exterio-

res, nam unusquisque sensus exterior judicat de proprio objecto : ergo id quod prius. — 1a, q. 78, a. 4, arg.

3. Præterea, sensus externus etiam videtur sufficere ad hoc, quod percipi suum actum, quia, cum actio sensus quoddammodo medium inter potentiam et objectum, videtur quod multo magis visus possit suam visionem tamquam si propinquorem percipere quam calorem et sic de aliis ; ergo non necessarium fuit ad hoc ponere sensum internum. *Ibid.*

Sed contra est : 1. quod Philosophus (2. *de Anima* text. 136 sqq. ; l. 3, c. 1 *de Sensu et Sensibili* c. ult.) docet, præquinque sensus externos dari alios sensus internos. — 3. *de Anima* l. 2 ; *de Sensu et Sensibili* l. 19.

2. Præterea, somnus est passio sensus, ut dicit Philosophus (*de Somno et Vigilia* c. 2) ; sed non est passio sensus externi, ut ait Philosophus (*ibidem*) : ei est passio sensus interni, et ita præter sensus externos datur alius sensus internus. — *de Somno et Vigilia* l. 3.

RESPONDEO DICENDUM, quod necesse est dari præter sensus externos aliquem sensum internum. Et ratio hujus est, quod ad perfectam sensus cognitionem non solum requiritur, quod sensus recipiat speciem a sensibilibus, quod pertinet ad sensum proprium et externum ; sed eti quod de sensibilibus perceptis dijudicetur illa ab invicem discernat, et sensatio sensuum externorum eorumque sensibilia in absentia percipiat, quæ ad nullum sensum externum proprium pertinere possunt ; quare necesse est quod de sensus internus, ad quem prædicta pertineant. — 3. *de Anima* l. 2 et 3 ; *Quæst. disp. de Anima* a. 13, c. 1a, q. 78, a. 4 ; *de Somniis* l. 2 ; 1. *Sent. dist. 27*, q. 1, a. 1, in c.

Ad primum ergo dicendum, quod conceptio inter sensibilia attribuitur a Philosopho tactui, non secundum quod est sensus proprius, sed secundum quod est fundamentum omnium sensuum, et p-

qui se habens ad fontalem radicem
nium sensuum, qui est sensus com-
muni. — 3. *de Anima* l. 3.

Id secundum dicendum, quod sensus
prius judicat de sensibili proprio, dis-
cernendo ipsum ab aliis, quæ cadunt sub
eum sensu, sicut discernendo album a
creo vel a viridi; sed discernere album
ailei neque visus neque gustus potest,
oportet quod qui inter aliqua discer-
natur utrumque cognoscat. Unde oportet
ad sensum communem pertineat talis
rationis judicium, ad quem referuntur
ad communem terminum omnes
rehensiones sensuum, a quo etiam
ripiuntur sensationes sensuum exter-
num, sicut cum aliquis videt se videre.
enim non potest fieri per sensum
proprium, qui non cognoscit nisi formam
sibilis, a quo immutatur, in qua immu-
tione perficitur visio; et ex hac immu-
tione sequitur alia immutatio in sensu
communi, qui visionem percipit. — 1a,
8. a. 4, ad 2.
et ex his patet *ad tertium*.

ARTICULUS II

QUOT SINT SENSUS INTERNI.

Videtur quod sint pauciores sensus
rni quam quatuor, qui a Philosopho
untur, puta sensus communis, phan-
ta seu imaginatio, memoria, et vis aesti-
mativa in brutis et cogitativa in homine.
. Commune enim non dividitur contra
proprium; ergo sensus communis non
est numerari inter sensus interiores; et
erunt pauciores quam quatuor. — 1a,
a. 4, arg. 1.

. Præterea, unus sensus interior suf-
ficiat ad cognoscendum differentias omnium
sibilium et ad percipiendas sensatio-
nibus externorum, quod est magis
sicile; ergo et poterit id, quod est mi-
dificile, quodque tribuitur aliis sen-
sus internis, puta cognoscere rem in
presentia vel in absentia, atque adeo
preteritam; recipere et retinere species,

et cognoscere intentiones non sensatas,
illasque componere; nam et sensus ex-
ternus videt per breve tempus rem præ-
teritam et absentem, ut dictum est, et
conservat species aliquampli; — et sicut
idem sensus discernit inter sensationem
et sensibile, ita poterit discernere inter
intentiones non sensatas et ipsa sensibili-
lia; — ergo sensus interni sunt pauciores
quam quator. — *Ibid.* arg. 2.

3. Præterea, dicit Philosophus (*de Me-
moria et Reminisc.* c. 1), quod phantasti-
cum et memorativum sunt passiones primi
sensitivi seu sensus communis; sed pas-
sio non dividitur contra subjectum: ergo
memoria et phantasia non sunt potentiae
distinctæ a sensu communi. — 1a, l. c.
arg. 3; *Quæst. disp. de Anima* a. 13.
arg. 8.

4. Præterea, intellectus minus dependet
a sensu, quam quæcumque potentia sen-
sivæ partis; sed intellectus nihil cognoscit
nisi accipiendo a sensu: unde dicitur
in 1. *Poster.* (*text.* 33; c. 18), quod quibus
deest unus sensus, deficit una scientia;
ergo multo minus debet poni una poten-
tia sensitivæ partis ad percipiendum in-
tentiones quas non percipit sensus, quam
vocant aestimativam. — 1a, l. c. arg. 4.

5. Præterea, aestimativa non differt ab
intellectu; ut enim docet Philosophus 2.
de Anima (*text.* 154; l. 3, c. 3), differen-
tiae aestimativæ sunt scientia, opinio et
prudentia, quæ ad intellectum pertinent;
et 3. *de Anima* (*text.* 5; c. 4) dicit, quod
intellectus est ille, quo anima intelligit et
existimat; sed intellectus est distinctus
a sensu, ut patet: ergo aestimativa non
est virtus sensitiva interior. — 3. *de Ani-
ma* l. 4 et 7.

6. Præterea, cogitativa in homine re-
spondens aestimativæ in brutis est ipsem
intellectus. Quod patet *tum* ex Philosopho
(2. *de Anima* *text.* 18; c. 2), ubi ait ani-
mam definitam esse vegetativo, sensitivo,
cogitativo et motu: ubi per cogitativum
necessario debet intelligere intellectivum,
alioqui disjunctio esset manca, cum pecu-
liare membrum desideretur; — *tum* quia

officium cogitativæ dicitur esse discurrere de singularibus; sed discursus cum nitatur propositionibus universalibus, quæ ad solum intellectum spectant, pertinet ad intellectum: ergo cogitativa eadem est cum intellectu. — 2. *de Anima* l. 3.

7. Præterea, actus cogitativæ, qui est conferre et componere et dividere, et actus reminiscientiæ, qui est quodam syllogismo uti ad inquirendum, non minus distat ab actu æstimationis et memoriæ, quam actus æstimativæ; debent ergo vel cogitativa et reminiscientia poni aliæ vires praeter æstimativam et memorativam, vel æstimativa et memorativa non debent poni aliæ vires praeter phantasiam. — 1a, l. c. arg. 5.

8. Præterea, Philosophus *de Sensu et Sensibili* (c. 1) duos tantum ponit sensus internos, dicens maxime communia et propria animalium esse sensum et memoriam. — *de Sensu et Sensibili* l. 1.

9. Præterea, omnia quæ cognoscuntur per sensum, cognoscuntur etiam per intellectum; sed intellectus non est distinctus in plures potentias: ergo nec sensus. — *Quæst. disp. de Anima* a. 13, arg. 19.

II. Videtur quod sensus interni sint *plures* quam *quatuor*.

10. Avicenna enim in suo libro *de Anima* (part. 4, c. 1) ponit quinque potentias sensitivas interiores, scilicet sensum communem, phantasiam, imaginativam, æstimativam et memoriam. — 1a, l. c. arg. *Sed contra*.

11. Præterea, praeter memoriam, quæ est conservativa intentionum non sensatarum, datur in homine reminiscencia, quæ syllogistice inquirit præteriorum memoriam secundum intentiones individuales; ergo sensus interni sunt plures quam quatuor.

Sed contra est: 1. quod Philosophus meminit tantum quatuor sensuum interiorum: *sensus communis*, 2. *de Anima* (a *text.* 146 usque ad 149; l. 3, c. 2) et *de Juvent. ac Senect.* c. 2, al. 3), *phantasie seu imaginationis*, 2. *de Anima* (a *text.* 153 usque ad finem; l. 3, c. 3), *memoriæ*

seu *reminiscentiæ* libro peculiari *de Materia et Reminisc.*, *æstimativæ*, 1. *Metaphys.* — ubi docet (c. 1) quædam animalia prudentia quædam non; est autem dentia naturalis in brutis vis *æstima-* quæ est potentia apprehensiva conve- tis et nocivi —; *cogitativa* vero, qua- spondet *æstimativæ* in animalibus, *Anima* (*text.* 20; c. 5), ubi illam intellectum passivum, quem dicit corruptibilem, et sine illo intellectum intelligere. — 3. *de Anima* l. 3, 5, (*Juvent. ac Senect.* l. 3; 4. *Metaphys.* 3. *de Anima* l. 10; *Tabula Aurea et intellectus* » n. 7 et 10.

2. Præterea, ex diversitate organi arguitur diversitas potentiarum: si homine reperiuntur quatuor organa ter organa sensuum exteriorum, ut dicitur (*cf. quæst. sequent.*): ergo sumtuor sensus interni. — 1a, q. 78, a. 1.

3. Præterea, ad perfectam sensu- gnitionem quinque requiruntur: — *primo*, quod sensus recipiat species a sensibus: et hoc pertinet ad sensus proprios et externos; — *secundo*, quod de sensibilibus perceptis dijudicet et discernat invicem: quod oportet fieri per poter- tam ad quam omnia sensibilia pervenire dicuntur sensus communis; — *tertio*, species sensibilium receptæ in eorum sentia conserventur: et hoc estiam necessarium reduci in aliquam poter- tam etiam in rebus corporalibus licet est principium recipiendi, aliud co- vandi; cum interdum quæ sunt receptabilia sint male conservativa hujusmodi autem potentia dicitur im- pectio seu phantasia. — *Quarto* requiriuntur intentiones aliquæ, quas sensus non apprehendit, sicut nocivum et utile est hujusmodi; et ad hæc cognoscenda re- nit homo inquirendo et conferendo. Vero animalia quodam naturali ins- sicut ovis naturali instinctu fugit prius nocivum; unde ad hoc est in aliis animalibus æstimativa naturalis, in hinc autem vis cogitativa, quæ est con- intentionum particularium, unde et al-

particularis dicitur et intellectus passivus. *In*to requiritur, quod ea, quæ prius apprehensa per sensum et in conservata, iterum ad actualem rationem revocentur: et hoc per vim memorativam, quæ in aliis bus est sine inquisitione, in hominero est cum inquisitione et studio; in hominibus non solum est memoria sed etiam reminiscitiva. Necesse est hanc potentiam distingui ab animalis, quia actus aliarum est secundum motum a rebus ad animam, ac in his est secundum motum ab aliis; diversi autem motus diverscipia motiva requirunt, principia motiva potentiae dicuntur. — Et esse quatuor sensus internos. *st. disp. de Anima* a. 13, c.

ONDO DICENDUM, quod cum natura ciat in necessariis, oportet esse mes animæ sensitivæ, quot sufficiunt vitam animalis perfecti; et quæ harum actionum non possunt reuniri principium, requirunt diversitas; cum potentia animæ nihil sit, quam proximum principium nisi animæ. Est autem considerandum, quod ad vitam animalis perfectiur, quod non solum apprehendat præsentiam sensibilis, sed etiam absentiam. Alioqui cum animalis actione sequantur apprehensionem, veretur animal ad inquirendum absens; cuius contrarium appareat in animalibus perfectis, quæ motu progressivo: moventur enim id absens apprehensum. Oportet animal per animam sensitivam recipiat species sensibilium, esentialiter immutatur ab eis, sed retineat et conservet. Recipere et retinere reducuntur in corpora diversa principia; nam humidae cipiunt et male retinent, e contrario est de siccis. Unde cum potentia sit actus organi corporalis, esse aliam potentiam quæ recipit sensibiles et quæ conservat.

Rursum considerandum est, quod, si animal moveretur solum propter delectabile et contristabile secundum sensum, non esset necessarium ponere in animali nisi apprehensionem formarum, quas percipit sensus, in quibus delectatur auctor. Sed necessarium est animali ut quaerat aliqua vel fugiat, non solum quia sunt convenientia vel non convenientia ad sentiendum, sed etiam propter alias alias commoditates sive documenta: sicut ovis videns lupum venientem fugit, non propter indecentiam coloris vel figuræ, sed quasi inimicum naturæ; et similiter avis colligit paleam, non quia delectet sensum, sed quia est utilis ad nidificandum. Necessarium est ergo animali quod percipiat hujusmodi intentiones, quas non percipit sensus exterior. Et hujus perceptio nis oportet esse aliquod aliud principium; cum perceptio formarum sensibilium sit ex immutatione sensibili, non autem perceptio intentionum prædictarum.

Sic ergo ad receptionem formarum sensibilium ordinatur *sensus proprius* et *communis*, de quorum distinctione dictum est et post etiam dicetur. Ad harum autem formarum retentionem aut conservationem ordinatur *phantasia* sive *imaginatio*, quasi thesaurus quidam formarum per sensum acceptarum, quæ proinde est altior potentia quam sensus exterior, licet in hoc sit maxima certitudo, quia est principium omnis cognitionis humanæ, et semper oportet principia cognitionis esse certiora (*3a, q. 30, a. 3, ad 2*). — Ad apprehendendum autem intentiones, quæ per sensum non accipiuntur, ordinatur *vis aestimativa*. Ad conservandum autem eas *vis memorativa*, quæ est thesaurus quidam hujusmodi intentionum: cuius signum est, quod principium memorandi sit in animalibus ex aliqua hujusmodi intentione, puta quod est nocivum vel conveniens; et ipsa ratio præteriti, quam attendit memoria, inter hujusmodi intentiones computatur.

Considerandum est autem, quod quantum ad formas sensibiles non est differen-

tia inter hominem et alia animalia ; similiter enim immutantur a sensibilibus exterioribus. Sed quantum ad intentiones prædictas differentia est ; nam alia animalia percipiunt hujusmodi intentiones solum quodam naturali instinctu, homo autem per quandam collationem. Et ideo quæ in aliis animalibus dicitur æstimativa naturalis, in homine dicitur cogitativa, quæ per collationem quandam hujusmodi intentiones adinvenit. Unde etiam dicitur *ratio particularis*, cui medici assignant determinatum organum, scilicet medium partem capitis ; est enim collativa intentionum individualium, sicut ratio intellectiva intentionum universalium. Ex parte autem memorativæ, non solum habet memoriam sicut cetera animalia in subita recordatione præteritorum, sed etiam reminisciam, quasi syllogistice inquirendo præteritorum memoriam secundum individuales intentiones.

Avicenna vero ponit quintam potentiam medianam inter æstimativam et imaginativam, quæ componit et dividit formas imaginatas, ut patet, cum ex forma imaginata auri et forma imaginata montis componimus unam formam montis aurei, quem nunquam vidimus. Sed ista operatio non appareat in aliis animalibus ab homine, in quo ad hoc sufficit virtus imaginativa, cui etiam hanc actionem attribuit Averroës in quodam libro, quem fecit de sensu et sensibilibus. Et sic non est necesse ponere nisi quatuor vires sensitivæ partis, scilicet sensum communem, imaginationem, æstimativam et memorativam. — 1a, q. 78, a. 4, c. ; *Quæst. disp. de Anima* a. 13, *de Memoria et Reminisc.* 1. 2; *Opusc.* 43, c. 4.

Ad primum ergo dicendum, quod sensus interior non dicitur communis per prædicationem sicut genus, sed sicut communis radix et principium exteriorum sensuum. — 1a, q. 78, a. 4, ad 1.

Ad secundum dicendum, quod præter sensum communem necesse est dare alios sensus internos, ut patet ex diversis organis et ex diversis actionibus, quæ plu-

ra principia distincta requirunt. (V. arg. 2 *Sed contra*, et in e.) Falsum autem est sensum externum percipere rem in absentia et rem præsentem, ut dictum est (q. 59, a. 2).

Ad tertium dicendum, quod sicut una potentia oritur ab anima mediante alia, ut supra dictum est, ita etiam anima subjicitur uni potentiae mediante alia ; et secundum hunc modum phantasticum et memorativum dicuntur passiones primi sensitivi. — *Vel dic*, quod phantasia et memoria dicuntur passiones sensus communis, non quia ab illo non distinguantur, sed quia sensus communis est radix phantasie et memoriæ, cum presupponant actum sensus communis ; sicut nutritiva, licet sit radix augmentativæ et generativæ, quarum utraque utitur alimento, distinguitur tamen ab illis. — 1a, 1. c. ad 3; *de Memoria et Reminisc.* 1. 2.

Ad quartum dicendum, quod licet intellectus operatio oriatur a sensu, tamen in re apprehensa per sensum intellectus multa cognoscit, quæ sensus percipere non potest, et similiter æstimativa, licet inferiori modo. — 1a, 1. c. ad 4.

Ad quintum dicendum, quod Philosophus 2. *de Anima* text. 154 (l. 3, c. 3) loquitur de existimatione intellectuali, non autem de sensitiva ; et similiter 3. *de Anima* text. 5 (c. 4) per existimationem intelligit illam, quæ est intellectualis. Unde alia lectio sic habet : « dico autem intellectum, quod anima opinatur et intelligit, opinio autem pertinet a l. intellectum, ut docet Philosophus 2. *de Anima* text. 152 (l. 3, c. 3). Neque hoc mirum est, quia 3. *de Anima* text. 56 (c. 10) Philosophus dupliceum facit phantasiam, sensitivam et rationalem seu intellectualem, sequens nominis rationem. Nam phantasia apparitio quandam est ; appetit autem aliquid et secundum sensum et secundum rationem. Phantasia etiam habet suam operationem in absentia sensibilium, ut ratio et intellectus. — 3. *de Anima* l. 4, 7, 16.

Ad sextum dicendum, quod cogitativa distinguitur ab intellectu ; nam hic ra-

iocinatur de universalibus, illa de intentionibus individualibus, unde et intellectus nominatur, quatenus habet absolutum iudicium de singularibus, et est in concilio intellectus et supra omnes alias potentias sensitivæ partis, et est tantum in homine. — Neque hoc mirum est, quod cogitativa in nobis elevetur ad aliquid efficiendum, puta ad discurrendum circa singularia, quod non potest vis aestimativa in brutis. Cum enim secundum regulam Dionysii (*de Div. Nom.* c. 7, § 3; — Migne PP. Gr. t. 3, col. 871) principia secundorum jungantur finibus primorum, cogitativa, quæ est quid altissimum in parte sensitiva, attingens quodammodo id partem intellectivam, aliquid participabit illius, quod est in parte intellectiva insimum, scilicet rationis discursum. Præterea, *sicut* sensitivus appetitus in homine, quia in illo habet quandam excellentiam, scilicet quod natus est obedire rationi, potest esse principium actus voluntarii, et consequenter esse subjectum peccati, quod est proprium hominis, qui ex suis actibus laudatur vel vituperatur, cum tamen sensus sit communis nobis et brutis; — *ita* cogitativa ex eo quod in nobis rationi conjungitur, habebit in nobis aliquam excellentiam. — Unde ad texum Philosophi dicendum, quod alii textus sic habent: « anima determinata est vegetativo, sensitivo, intellectivo et motu ». — *Tabula Aurea* voce « cogitativa »; voce « intellectus » n. 7 et 10.

Ad septimum dicendum, quod illam minentiam habet cogitativa et memoria in homine non per id, quod est proprium sensitivæ partis, sed per aliquam affinitatem et propinquitatem ad rationem universalem, secundum quantum influentiam; et ideo non sunt aliæ sires, sed eadem perfectiores, quam sint in aliis animalibus. — 1a, l. c. ad 5.

Ad octavum dicendum, quod Philosophus loco citato *de Sensu et Sensibili* tantum meminit sensus communis et memoriae, non autem imaginationis et aestimationis, quia haec non distinguuntur a

sensu ex parte rei cognitæ: sunt enim præsentium vel quasi præsentium; sed memoria distinguitur per hoc quod est præteriorum, in quantum præterita sunt. — *de Sensu et Sensibili* l. 1.

Ad nonum dicendum, quod sensus recipit species sensibilium ex organis corporalibus et est cognoscitivus particularium, intellectus autem recipit species rerum absque organo corporali et est cognoscitivus universalium; et ideo aliqua diversitas objectorum requirit diversitatem potentiarum in parte sensitiva, quæ non requirit diversitatem potentiarum in parte intellectiva. Recipere enim et retinere in materialibus non est secundum idem, sed in immaterialibus secundum idem est. Et similiter secundum diversos modos immutationis oportet diversificare sensum, non autem intellectum. — *Quæst. disp. de Anima* a. 13, ad 19.

Ad decimum et undecimum dictum est (in c. et ad arg.).

ARTICULUS III

UTRUM OMNES POTENTIÆ SENSITIVÆ INTERNÆ INSINT OMNIBUS ANIMALIBUS.

Videtur quod non omnia animalia habent omnes sensus internos.

1. Dicit enim Philosophus (*de Sensu et Sensibili* c. 1), quod sensus et memoria inest fere omnibus animalibus; ergo non omnibus insunt, — *de Sensu et Sensibili* l. 1.

2. Præterea, dicit Philosophus (*1. Metaphys.* c. 1), quod quædam animalia carent memoria, et consequenter et phantasia, quam illa sequitur; ergo idem quod prius. — *1. Metaphys.* l. 1.

3. Præterea, 2. *de Anima* text. 156 (l. 3, c. 3) dicitur, quod quibusdam animalibus non inest imaginatio, ut apibus et formicis et vermis; et text. 157 dicitur, quod imaginatio inest plurimis animalibus; quare non omnibus. — 3. *de Anima* l. 5.

Sed contra est, quod Philosophus docet

sensum communem esse in omnibus animantibus (*de Sensu et Sensibili* c. 1); similiter et imaginationem (3. *de Anima* *text.* 56; c. 10); similiter et memoriam, nam hæc phantasiam sequitur; et 2. *de Anima* (*text.* 27 et 28; c. 3) dicit omnibus animantibus inesse appetitum convenientis, et per consequens fugam nocivi; sed talis appetitus sequitur apprehensionem convenientis et nocivi, quæ est propria potentiae æstimativæ, ut dictum est: ergo omnes sensus interni insunt omnibus animantibus. — *de Sensu et Sensibili* l. 1 et 2; 3. *de Anima* l. 16; 2. *de Anima* l. 5.

RESPONDEO DICENDUM, quod omnes sensus interni quodammodo insunt omnibus animantibus, quodammodo non. Ad ejus evidentiam sciendum, quod animantia sunt in dupli differentia: — *quædam* enim sunt *perfecta*, quibus præter tactum insunt alii sensus: quibus nimur non solum inest sensitivum sine motu progressivo, ut ostrea, sed quæ præter id habent motivum secundum motum progressivum; — *quædem imperfecta*, quibus nimur inest solum sensus tactus, ut docet Philosophus 3. *de Anima* (*text.* 56; c. 10). — 3. *de Anima* l. 16; *de Sensu et Sensibili* l. 1 et 2.

Si ergo loquamur de *sensu communi*, hic inest omnibus animantibus sive perfectis sive imperfectis: — *primo*, quia ad illum pervenient immutationes omnium sensuum, sicut ad communem terminum, ut dicit Philosophus (2. *de Anima* *text.* 149; l. 3, c. 2). *Secundo*, quia si tactui tribuitur a Philosopho (2. *de Anima* *text.* 146; l. 3, c. 2) discretio sensibilium, puta albi et dulcis, non id tribuitur illi quatenus est sensus proprius, sed quatenus est fundamentum omnium sensuum, et propinquius se habet ad fontalem radicem omnium sensuum, qui est *sensus communis*. *Tertio*, quia non alia ratione organum tactus est circa cor, quam quia ibi est organum primi sensitivi seu sensus communis, in quem fiunt alterationes omnium sensuum, ut dicit Philosophus *de Juvent. ac Senect.* (c. 2, al. 3).

Quarto, quia, ut dicit ibidem, in eadem parte est primum sensitivum seu sensus communis et principium nutritivum; hæc enim duo sunt inseparabilia; sed principium nutritivum inest omnibus animalibus: ergo et sensus communis. — 3. *de Anima* l. 3; *de Juvent. ac Senect.* l. 3.

Si vero loquamur de *imaginatione* seu *phantasia*, hæc cum sit motus factus a sensu secundum actum, ut dicit Philosophus (2. *de Anima* *text.* 161; l. 3, c. 3), requirit aliam potentiam quam sensitivam externam. Cum enim secundum diversitatem actuum distinguantur potentiae, et diversitas motus requirat diversa mobilia, quia quod movetur non movet seipsum, sed alterum; — necessarium videtur, quod sit alia potentia phantasias seu imaginatio a sensu. (3. *de Anima* l. 6.) — Est autem, ut docet Philosophus (3. *de Anima* *text.* 56; l. 3, c. 10), *phantasia duplex*: una sensibilis, quæ animalibus convenit; altera deliberativa, quæ tantum est in hominibus, quia considerare, utrum hoc sit agendum aut hoc, quod est deliberare, opus est rationis. Sensibilis autem ita convenit animalibus, ut reperiatur in omnibus etiam imperfectis, quæ decisa vivunt; nam utraque pars animalis insecti retrahit se, si pungitur. — Et etiam habet *motum* secundum locum, ut ad sensum apparet; et per consequens debet habere phantasiam, quia hæc, ut dictum est, nihil aliud est quam motus factus a sensu secundum actum. Et præterea *appetitum*; nam ad sensum de necessitate sequitur letitia et tristitia, sive delectatio et dolor. Necesse enim est, si sensibile pereceptum est conveniens, quod sit delectabile; si autem est nocivum, quod sit dolorosum. Ubi autem est dolor et delecatio, oportet quod sit desiderium et appetitus; et ita necesse est, si par-decisa sentit, quod etiam habeat appetitum. — 3. *de Anima* l. 16; 2. *de Anima* l. 4 et 6.

Verum quia phantasie communiter

tribuitur determinatum organum in corpore, ideo sciendum, quod *phantasia sensibilis duplex* est : — *una determinata*, quae solis animalibus perfectis convenit, quae nimis in illis remanet, etiam ab animalibus sensibilibus, cuique organum determinatum tribuitur ad maiorem perfectionem et determinationem sui actus, ne quo phantasiæ actus nullo modo posset, sicut actus visus nullo modo potest esse sine oculo. — *Altera est indeterminata* et confusa, quae inest animalibus imperfectis, quia motus phantasiæ non remanet in eis post apprehensionem sensus; quod verum est etiam in formicis et aliis, nedum vermis et aliis animalibus imperfectis. Licet enim in eam operatione plurimum prudentiæ appareat, ut in illis videatur esse phantasia determinata, vere tamen non hæc, sed illa indeterminata illis inest; nam opera la prudentiæ formica et apis operantur naturali inclinatione, non ex hoc, quod habeant phantasiam determinatam et distinctam a sensu. Non enim phantantur aliquid, nisi dum moventur a sensibili. Quod autem operantur propter unum, quasi providentes in futurum, non contingit ex hoc, quod habeant aliquam imaginationem ipsius futuri, sed imaginantur actus præsentes, qui ordinantur ad finem ex naturali inclinatione magis quam ex apprehensione.

Illa autem animalia ex Philosopho phantasiam habent determinatam et perfectam, quibus aliquid secundum phantasiam apparet, etiam dum non actu sentitur. Propterea vero animalibus imperfectis inest imperfecta et indeterminata phantasia, animalibus vero perfectis perfecta et determinata, quia animalibus, sicut moventur, ita illis inest phantasia sicut et concupiscentia, ut docet Philosophus 3. de *Anima* (*text. 56; c. 10*). Moventur autem animalia imperfecta, ut dicit Philosophus ibidem, non determinate, quasi intendentes aliquem determinatum locum in suo motu, sicut accidit in animalibus perfectis, quæ moventur motu progres-

sivo, quia imaginantur aliquid distans et illud concupiscunt et ad illud moventur. Nam illa non imaginantur aliquid distans, quia nihil imaginantur nisi ad præsentiam sensibilis; sed cum lœduntur, imaginantur illud ut nocivum et retrahunt se, et cum delectantur, extendunt se super illud et applicant se illi. Et sic in eis est phantasia et concupiscentia indeterminata, in quantum imaginantur et concupiscunt aliquid ut conveniens, non autem ut hoc aut illud, aut hic aut ibi, sed habent confusam imaginationem et concupiscentiam. — 2. de *Anima* l. 6; 3. de *Anima* l. 5 et 16.

Et ex his sequitur, quod etiam omnibus animalibus, sive perfectis sive imperfectis, convenit *vis aestimativa*. Cum enim hæc apprehendat rationem convenientis et nocivi, quam sensus exterior non apprehendit; et detur animalibus, ut per eam ordinentur in actiones proprias vel passiones prosequendas vel fugiendas : — *sicut* omnibus animalibus convenit apprehendere convenientis et nocivum, et illud appetere vel fugere, ut dictum est; *ita* omnibus convenit aestimativa naturalis, quæ propterea necessario debet esse potentia distincta a sensibus externis et ab aliis internis, quia habet actum et motum diversum ab actibus et motibus aliorum sensuum. Et consequenter debet habere proprium organum, quia pars sensitiva non habet aliquam operationem sine organo, ut dicit Philosophus (3. de *Anima* *text. 7; c. 4*), — ad differentiam intellectus, qui est separatus ab organo.

Et hæc potentia ceteris potentias sensitivas nobilior est, et est suprema partis sensitivæ, quia participat aliquid rationis, et ideo continuat animalia cum hominibus. — Sciendum enim est, quod quia, ut dicit Dionysius (*de Div. Nom. c. 7, § 3*; — Migne PP. Gr. t. 3, col. 871), divina sapientia conjungit fines primorum principiis secundorum — quia omnis natura inferior in sui supremo attingit ad infimum naturæ superioris, secundum quod participat

aliquid de natura superioris, quamvis deficienter — ; ideo tam ex parte apprehensivarum virium quam ex parte appetitivarum sensitivæ partis aliquid est, quod competit sensibili animæ secundum propriam naturam ; aliquid vero, secundum quod habet aliquam participationem modicam rationis, attingens ad ultimum ejus in sui supremo. Quod enim animal imaginetur et conservet formas acceptas persensum, hoc est de natura sensitivæ appprehensionis secundum se, et competit imaginationi, quæ proinde convenit animæ sensibili secundum propriam rationem ; sed quod apprehendat illas intentiones, quæ non cadunt sub sensu, sicut amicitiam vel inimicitiam et hujusmodi, hoc est sensitivæ partis secundum quod attingit rationem. Unde pars illa in *hominibus*, in quibus est perfectior (propter conjunctionem ad animam rationalem), dicitur *ratio particularis*, quia consert de intentionibus particularibus ; in *aliis autem animalibus*, quia non consert, sed ex instinctu naturali habet hujusmodi intentiones apprehendere, non dicitur ratio, sed *aestimatio*. — *Tabula Aurea* voce « *aestimativa* » n. 1 et 4 ; 2. *de Anima* l. 43 ; 3. *de Anima* l. 3, 6, 7 ; 3. *Sent.* dist. 35, q. 1, a. 2, quæstiunc. 2, ad 1 ; dist. 26, q. 1, a. 2, c. ; *de Verit.* q. 23, a. 2, in c.

Quamquam et alia ratione differunt inter se cogitativa hominis et vis æstimativa bruti : quod licet utraque apprehendat tantum singulare et individuum, *cogitativa* tamen apprehendit individuum ut existens sub natura communi — quod contingit ei, in quantum unitur intellectivæ in eodem subjecto : unde cognoscit hunc hominem prout est hic homo, et hoc lignum prout est hoc lignum — ; *aestimativa* autem non apprehendit aliquod individuum, secundum quod est terminus aut principium alicujus actionis vel passionis (sicut ovis cognoscit hunc agnum, non in quantum est hic agnus, sed in quantum est ab ea lactabilis ; et hanc herbam, in quantum est ejus cibus) : unde

alia individua, ad quæ non se extendi ejus actio vel passio, nullo modo apprehendit sua æstimativa naturali. — 2. *d. Anima* l. 13.

Similiter etiam ex parte *appetitus*, quo animal appetat ea, quæ sunt convenienti sensui delectationem facientia, — secundum naturam sensitivam est et pertinet avim *concupiscibilem* ; sed quod tendat in aliquod bonum, quod non facit delectationem in sensu, sed magis natum es facere tristitiam ratione suæ difficultati (sicut quod animal appetit pugnam vel victoriam cum alio animali, quam consequitur cum dolore, vel quod appetit aggredi aliam quamcunque difficultatem) — hoc est in appetitu sensitivo secundum quod natura sensitiva attingit intellectivam, et hoc pertinet ad irascibilem.

Quod demum attinet ad *memoriam* haec solis animantibus perfectis inest non imperfectis. Cujus *ratio* duplex assert potest : — una est, quia cum animalibus cognitione sensitiva sit provisiva ad vitæ necessitatem et propriam operationem illa animalia debent habere memoriam quæ moventur ad distans motu progressivo. Nisi enim apud ea remaneret per memoriam intentio præconcepta, ex qua ad motum inducuntur, motum continuare non possent, quoisque finem intentum consequerentur. Hoc autem competit solis animalibus perfectis ; nam imperfectis qualia sunt immobilia secundum locum ut conchiliæ, quia ad distans non moventur et sola imaginatione confusa habent aliquem motum indeterminatum, ut dictum est, sufficit ad proprias operaciones præsentis sensibilis acceptio.

Altera est, quia non omnia quæ sunt inferioris generis, sed solum suprema et perfectiora pertingunt ad aliquam participationem similitudinis ejus, quod est proprium superiori generi. Differt autem sensus ab intellectu et ratione, quia intellectus vel ratio est universalium, quæ sunt ubique et semper ; sensus autem est singularium, quæ sunt hie et nunc. Et ideo sensus secundum suum proprium ratio-

nem non est cognoscitivus nisi præsentium. Quod autem sit aliqua virtus sensitivæ partis se extendens ad alia, quæ non sunt præsentia, hoc est secundum similitudinariam participationem rationis vel intellectus. Et ideo memoria, quæ est cognoscitiva præteritorum, convenit solum animalibus perfectis, utpote supremum quoddam in cognitione sensitiva. — *de Sensu et Sensibili* l. 1.

Ceterum quod est in brutis animalibus *memoria*, hoc est in homine *reminiscentia*. Nam ex parte memorativæ non solum habet homo memoriam, sicut cetera animalia, in subita recordatione præteritorum, sed etiam habet reminiscentiam secundum individuales intentiones. Et hanc eminentiam habet cogitativa et memoria in homine non per id, quod est proprium sensitivæ partis, sed per aliquam affinitatem et propinquitatem ad rationem universalem, secundum quandam resflueniam. Et ideo non sunt aliæ vires, sed eadem perfectiores quam sint in aliis animalibus. — Ia, q. 78, a. 4, in c. et d. 5.

Et ex his patet *ad primum et secundum*. Ad tertium dicendum, quod apis et formica habent imaginationem indeterminatam et confusam, ut dictum est (in 3). — Vel dic (quidquid sit de apibus et formicis, cum exemplorum non intenatur veritas, sed modus), quod nobis sufficit, quod aliqua animalia, puta perfecta, habent omnes sensus internos; aliqua vero, ut imperfecta et in particuli immobilia secundum locum, carent memoria. Et ratio hujus præter dicta est, quia illa sola animalia habent memoriam, quæ sentiunt tempus, ut dicit Philosophus (*de Memoria et Reminisc.* c. 1). Semper enim cum anima agit per memoriam, simul sentit, quod hoc prius vidit aut audivit aut didicit; prius autem et posterius pertinent ad tempus. Sentiunt autem illa tempus, quæ percipere possunt rem absentem et præteritam; quod convenit solis animalibus perfectis, non imperfectis et immobilibus: hæc enim

quia nihil percipiunt nisi ad præsentiam sensibilium, et ideo habent indeterminatam phantasiam, non possunt cognoscere prius et posterius, et per consequens non habent memoriam. — *de Memoria et Reminisc.* l. 2.

ARTICULUS IV

UTRUM IN POTENTIIS SENSITIVIS INTERNIS DETUR DUPLEX SENSUS, AGENS ET PATIENS.

Videtur quod in potentiis sensitivis internis detur sensus agens et sensus patiens.

1. Dicit enim Philosophus (3. *de Anima* text. 17; c. 5), quod in omni natura, quæ est quandoque in potentia, quandoque in actu, oportet ponere aliquid, quod est sicut materia in unoquoque genere, quod scilicet est in potentia ad omnia quæ sunt illius generis; et aliud, quod est sicut causa agens et factivum, quod ita se habet in faciendo omnia sicut ars ad materiam. Sed anima secundum partem sensitivam internam quandoque est in potentia, quandoque in actu. Necesse est igitur in anima sensitiva esse has differentias, ut scilicet sit unus sensus agens, qui possit omnia sensibilia in actu facere. — 3. *de Anima* l. 10.

2. Præterea, dicit Philosophus (3. *de Anima* text. 3; c. 4), quod ita se habet sensus ad sensibilia, sicut intellectus ad intelligibilia; utrumque enim est in potentia ad suum objectum et susceptivum ejus; sed intellectus est duplex, agens et possibilis: ergo et sensus erit duplex, agens et patiens. — 3. *de Anima* l. 7.

3. Præterea, inter potentiam et actum debet esse proportio; sed species producta ab objecto externo non est proportionata sensui interno: nam hic est nobilior sensu externo, cui illa proportionatur: ergo species recepta in sensu interno debet esse producta ab aliquo sensu agente; — sicut et ob eandem proportionem species intelligibilis recepta in intellectu possibili non

potest produci ab objecto, sed producitur ab intellectu agente. — 3. *de Anima* I. 3.

4. Præterea, sensus communis est nobilior sensu externo, quia in illo consideratur virtus sensitiva ut in radice et minus divisa. Sed non potest esse nobilior ratione receptionis speciei, eo quod illam recipiat a sensu externo, sicut externus illam recipit ab objecto externo : quia cum movens sit nobilis moto et agens paciente, sic esset sensus internus ignobilior externo. Ergo erit nobilior ratione productionis, quia speciem producit in sensu paciente, sicut objectum externum producit speciem in sensu externo. — 3. *de Anima* I. 3.

5. Præterea, dicit Augustinus (*12. super Genes. ad Litt. c. 16*, et *10. de Trin. c. 5*; — Migne PP. Lat. t. 34, col. 467; t. 42, col. 977), quod anima imagines corporum facit in seipsa et de seipsa; sed anima operatur per potentias: ergo datur potentia sensitiva agens, per quam anima facit imagines corporeas in se. — *de Malo* q. 16, a. 12, arg. 2.

Sed contra est : 1. quod Philosophus 2. *de Anima* (*text. 161*; I. 3, c. 3) dicit, quod phantasia est motus factus a sensu in actu; et *de Memoria et Reminisc.* (c. 2, al. 1) dicit, quod motus, qui fit a sensibili in sensum externum, imprimit in phantasiam similem figuram ac speciem; at hoc est speciem receptam in imaginativa esse factam a specie producta in sensu externo ab objecto, quae se multiplicat in sensu interno: ergo non datur sensus agens. — 3. *de Anima* I. 6; *de Memoria et Reminisc.* I. 3.

2. Præterea, 3. *de Anima* (*text. 31*; c. 7) dicitur, quod aer immutatus a colore immutat pupillam imprimendo in illa speciem coloris; et rursum ipsa pupilla immutata immutat sensum communem producendo in ipso speciem ejusdem coloris; et similiter auditus immutatus ab aere immutat sensum communem; ergo non datur sensus internus agens respectu speciei intentionalis seu respectu phantasmatis. — 3. *de Anima* I. 12.

3. Præterea, 2. *de Anima* (*text. 31*; c. 5) dicitur, quod sentire nihil aliud est quam moveri et pati, et quod sensus est tantum potentia passiva; sed sensus dicitur potentia passiva respectu speciei quam in se recipit: ergo non potest esse respectu ejusdem potentia activa et productiva. — 2. *de Anima* I. 10, 11, 12.

RESPONDEO DICENDUM, quod non datur in parte sensitiva interna sensus agens respectu speciei, sed haec in sensu interno producitur et imprimitur ab objecto, mediante specie impressa sensui externo quae se multiplicat. similem producens in sensu interno. Potest autem hoc multipliciter probari: — et primo quidem, quia omnes potentiae sensitivæ sunt passivæ ut dictum est ex Philosopho; non est autem possibile, quod una potentia sit activa et passiva respectu ejusdem, ut dicitur 9. *Metaphys.* (*text. 2*; I. 8, c. 1): enim passiva quatenus est in potentia, ut dicitur 2. *de Anima* (*text. 31*; c. 5), es autem activa quatenus est actu; impossibile autem est quod eadem potentia sit potentia et actu respectu ejusdem. (9. *Metaphys.* I. 4; 2. *de Anima* I. 11.) — Secundo, quia si daretur sensus agens producens speciem in sensu passivo interno, possit eucus a nativitate imaginari colores. — Tertio, quia phantasia est motus factus in sensu secundum actum, ut dictum est ex Philosopho; sensus autem fit in actu per actionem sensibilis in organum sensus. Unde et Augustinus (in 11. *de Trin.* c. 3 — Migne t. 42, col. 988) dicit, quod sensus accipit speciem ab eo corpore, quod sensimus, et a sensu memoria, et a memoria aries cogitantis. — Quarto, quia eius species producta in sensu externo ab objecto sit multiplicativa sui, ut manifestum est (prius enim objectum agit in medium per medium in sensum, ut dicit Philosophus *de Sensu et Sensibili* c. 7, al. 6); et species multiplicata in sensu interno sit ejusdem rationis cum specie multiplicante, que est in sensu externo (quia utraque est individualis et materialis); non erit necessarius illus sensu

gens, qui producat in sensu communi vel in aliis sensibus internis apprehensivis speciem ullam. — *de Sensu et Sensibili* l. 6; *de Spirit. Creat.* a. 9, in c.; a. 10, ad 7; *Quæst. disp. de Anima* a. 4, ad 1 et 3. — 3. *de Anima* l. 3; *Tabula Aurea* voce «agens» n. 108; *de Malo* q. 16, a. 12, ad 2; cf. infra in *Metaphysica* q. 28, ad 3.

Ad primum ergo dicendum, quod illa propositio valet in anima intellectiva, non autem in sensitiva. Et ratio disparitatis est, quia sensibile, cum sit quoddam particularē, tam in sensum quam in medium non imprimit speciem alterius generis, nam species in utroque sit particularis materialis; intellectus autem possibilis caput speciem alterius generis, quam in sensibus internis: nam recipit species universales et immateriales. Et ideo in intelligibilibus indigemus intellectuente, non autem in sensibilibus potentia agente vel activa, sed omnes potentiae sensitivæ sunt passivæ. Et sic patet *ad secundum*.

Ad tertium dicendum, quod species quæ in sensu externo ab objecto producta, species recepta in sensu interno, sunt asdem generis, licet hæc sit nobilior, sicut recepta in nobiliore sensu, et conuenienter spiritualior existens; et ideo a potest aliam producere; — sicut rarer sensibile ignobilius existens potest producere sui similitudinem in sensu proprio et externo, qui simpliciter est nobilior propter virtutem sensitivam ipso sensibili. — 3. *de Anima* l. 3; *de Spirit. Creat.* a. 10, ad 17.

Et ex his patet *ad quartum*.

Ad quintum dicendum, quod dictum Augustini sic intelligendum est: quod corpus corporea exterioris sensibilis non sufficiens ad hoc, quod faciat speciem sensibilem, in quantum sentitur, speciem imaginariam, in quantum est imaginata; sed hoc est ex unitate animæ; potest tamen corpus exterius virtutem nutandi corporea organa, quam imitationem sequitur perceptio sensus

per virtutem animæ. — Unde non possumus, inquit Augustinus (*in 11. de Trin.* c. 2; — Migne t. 42, col. 986), dicere, quod sensum gignat res visibilis, gignit tamen formam velut similitudinem suam: quæ sit in sensu, cum aliquid videndo sentimus. — Et sic etiam intelligenda sunt omnia alia verba Augustini his similia; quamvis etiam secundum alium modum possit intelligi, quod spiritus faciat formas imaginarias in seipso, in quantum scilicet diversi mode componendo, novas formas imaginarias gignit, sicut phantasma aurei montis. — *de Malo* q. 16, a. 12, ad 2.

QUÆSTIO LXXXIV

DE ORGANIS SENSUUM INTERNORUM.

Deinde considerandum est de organo sensuum internorum.

CIRCA QUOD QUÆRITUR:

Utrum cerebrum sit organum sensuum internorum.

ARTICULUS

UTRUM CEREBRUM SIT ORGANUM SENSUUM INTERNORUM.

Videtur quod cerebrum non sit organum omnium sensuum internorum.

1. Dicit enim Philosophus (*in 13. de Animalibus*, id est 3. *de Partibus Animal.* c. 4), quod cor est principium sensuum et motus animalis; sed ibi est organum sensuum internorum, ubi est principium illorum: ergo organum sensuum internorum non est cerebrum, sed cor. — *de Verit.* q. 29, a. 4, arg. 7.

2. Præterea, cor influit sensum et motum omnibus membris; unde est primum, quod generatur in animali, ut dicit Philosophus (*de Generat. Animal.* l. 2, c. 4 (6);

de Partibus Animal. l. 3. c. 4); sed ibi est organum sensuum, unde fit influxus illorum in alias partes: ergo idem quod prius. — 3. *Sent.* dist. 43, q. 2, a. 1, arg. 5.

3. Praeterea, organum sensus communis non multum loco distat a loco organi tactus; nam propter propinquitatem hujus ad illum Philosophus 2. *de Anima* (*text.* 146; l. 3, c. 2) attribuit tactui discretionem sensibilium, cum tamen soli sensui communi conveniat, ut dictum est (supra q. 83, a. 1), et docet Philosophus *de Somno et Vigilia* (c. 2) et alibi; sed organum tactus saltem ultinum est juxta eorū vel in corde, ut dictum est (supra q. 80) ex Philosopho: ergo organum sensuum internorum non est cerebrum. — *de Somno et Vigilia* l. 3.

4. Praeterea, cerebrum est expers sensus, ut dictum est ex Philosopho (2. *de Partibus Animal.* c. 10); sed organum sensus debet esse animatum et sensitivum; potentia enim sensitiva se habet respectu organi tamquam forma respectu materiae, ut dicit Philosophus (2. *de Anima* *text.* 9; c. 1) de potentia visiva respectu oculi: ergo cerebrum non est organum sensuum internorum. — 2. *de Anima* l. 2.

5. Praeterea, in eodem loco est primum sensitivum, puta sensus communis, et primum principium nutritivum, ut dicit Philosophus *de Juventut. et Senect.* (c. 2, ad. 3); sed ex eodem ibidem primum principium nutritivum est in corde, ergo et primum sensitivum seu sensus communis. — *de Juventut. et Senect.* l. 3. (1)

Sed contra est: 1. quod medici ponunt caput principium sensuum et motus; est autem caput principium praetectorum ratione cerebri. — 5. *Metaphys.* l. 1; 8. *Metaphys.* l. 4; *de Verit.* q. 29, a. 4, c.

(1) *Commentationes librorum de Juventute et Senectate, de Vita et Morte, de Respiratione, de Longitudine et Brevidate Vitæ, de Motu Animalium de Communum Animatum Motione* non sunt S. Thomae. Habet eas Petrus de Alvernia attributas et enim quibusdam S. Thomae vulgaris Venetus 1571. pt. que diximus tom. I, pag. IX.

2. Praeterea, cerebrum est positum a natura in supremo, ne operationes animales quæ ibi persiciuntur, impediatur per diversas corporis transmutationes: sicut enim est in medio, ut conservetur et vitam influat in omnes partes; sed ibi est organum sensuum, ubi persiciuntur illorum operationes: ergo in cerebro sunt organa sensuum internorum. — *Quodl.* 4, a. 3 ad 1; 2. *Sent.* dist. 44, q. 1, a. 4, ad 2.

RESPONDEO DICENDUM, quod cum sensu interni plures sint, ut dictum est, et operatio sensus non sit sine organo, ut etiam dictum est, necesse est unumquemque sensum internum habere proprium organum. — Si ergo loquamur de sensibus internis in *universali*, omnes radicantur in corde. Nihil enim est sensitivum sine calore, ut dicitur 2. *de Anima* (*text.* 130; 3, c. 1); fons autem caloris est in corde et ideo in corde primo est sensitivum principium, et a corde derivatur virtus sensitiva ad cerebrum, et exinde procedit ad organa trium sensuum, visus et auditus et odoratus; tactus autem et gustus referuntur ad ipsum cor per medium coniunctum. — *Tabula aurea* vota et sensus a n. 24 usque ad 32.

Si vero loquamur de sensibus internis in *particulari*, et primo de *sensu communis* qui est radix omnium sensuum exteriorum, respiciens objectum sub universaliori ratione, puta sub ratione sensibili ad quam nullus sensuum propriorum pertingere potest; quique proinde cognoscit differentias sensibilium diversorum generum, et sensationes sensuum exteriorum que a sensibus externis cognosci non possunt; et qui perfectit judicium illorum, nam licet sensus proprii formati habeant propriam operationem, scilicet judicium propriis objectis, et discernant inter contraria sensibilia; hanc tamen distinctionem habent in quantum participant aliquo de virtute sensus communis; nam ultimo judicium et ultima discretio pertinet sensum communem, qui judicium alterum perfectum est: *principale et ultimum organum sensorium sensu communis et loci*.

Quod multipliciter potest esse manifestum: — et *primo*, quia, ut dicit Philosophus (*de Somno et Vigilia* c. 2), sensus communis maxime sequitur ad tactum et simul est eum illo; principium autem activum est intrinsecus circa cor, ut dictum est ex Philosopho (*de Sensu et Sensibili* c. 2). Cujus signum est, quod læsio, si accidat in locis circa cor, est maxime dolorosa. (*de Sensu et Sensibili* l. 5; *de Somno et Vigilia* l. 3.) — *Secundo*, quia, ut argumentatur idem Philosophus (*de Juvent. et Senect.* c. 2, al. 3), videmus, quod illius sensus immediate tendunt ad cor, scilicet tactus et gustus; unde et alii sensus, qui fundantur in tactu, mediate ad illud idem tendunt; eo autem tendunt, quia ibi est primum principium sensitivum seu sensus communis, in quem propterea contingit fieri alterationes omnium sensuum. (*de Juvent. et Senect.* l. 3; *de Sensu et Sensibili* l. 5.) — *Tertio*, videmus (inquit Philosophus ibidem), quod natura ex omnibus possibilibus facit optimum; et ratio hujus est, quia omne agens intendit bonum; natura autem agens est: quare bonum intendit; agit autem ex materia sibi subjecta: quare secundum iversitatem materiae diversificatur ejus actio; intendit igitur natura facere optimum, possibile tamen; — principio autem sensitivo existente in corde, melius sunt alterationes ab illo ad sensus particulares et melius derivatur virtus ab eodem in illos: ergo dicendum est, quod sensus communis est in corde. (*de Juvent. et Senect.* l. 3.) — *Quarto*, principalis virtutis debet esse regio principalis et locus. Et ratio hujus est, quia locus sequitur naturam locati; et ideo principali virtuti debetur locus magis principalis. Inter omnes autem virtutes sensitivas principalis virtus est sensus communis; locus autem principalis est medius, ubi est cor: quare sensus communis, qui est primum principium sensitivum, debet esse in corde tamquam in proprio sensorio. (*Ibid.*) — *Quinto*, illud quo utitur, et quod utitur, differunt sicut

fistulæ, et manus quæ movent fistulas. Illud enim quod utitur est principale, quo autem utitur est instrumentum. Sensitivum autem commune utitur sensibus particularibus sicut organis et instrumentis; ergo sensitivum commune est principale magis; sed principalis debet esse locus principalis; talis autem est locus medius, qui est locus cordis. (*Ibid.*) — *Sexto*, vita est primo in corde, quia cor primo movetur; ergo primum principium sensitivum est in corde; — per candem enim particulam, secundum quam animal primo est animal, primo vivit; animal autem determinatur per habere animam sensitivam, et per consequens per primum principium sensitivum, quod necessario et immediate ad animam sensitivam consequitur. (*de Somno et Vigilia* l. 4.) — *Septimo*, eadem pars corporis est primum subjectum et principium sensus communis, quæ est materia somni et vigilie, inquit Philosophus (*de Somno et Vigilia* c. 3, al. 2); hæc autem ex eodem ibidem sunt circa cor: (*de Somno et Vigilia* l. 4.) — *Octavo*, eadem pars animalis est principium sensus et motus, sicut determinatur in lib. *de Animalibus*; sed cor est principium motus: est enim principium spiritus, cuius vigore et perseverantia fit motus respirationis animali necessarius ad vitam. — Dicendum ergo est, quod *ultimum organum et sensorium sensus communis est cor*.

Quod si loquamur de *organo primo*, cum sensus communis sit diffusus per totum corpus, sicut et tactus, cum simul sit cum illo, ut dictum est (supra in c.), sicut organum primum tactus est quælibet pars corporis sensitiva, ita et organum primum sensus communis erit quælibet pars apta sentire. — Quod manifestum est quia, ut argumentatur Philosophus (*de Somno et Vigilia* c. 2), omnis passio inhærens pluribus sensibus inhæret per naturam sui subjecti primi, quod reperitur in omnibus, ut dicitur in lib. *Posteriorum*; sed somnus et vigilia sunt passiones sensus, et insunt omnibus partibus

animalis : ergo insunt per naturam sensus communis diffusi per omnes partes. (*de Somno et Vigilia* l. 3.) — Verum est tamen, quod inter partes, in quibus principaliter est sensus communis, est prima concavitas cerebri, a quo nervi sensuum particularium oriuntur. Quod patet *primum*, quia hinc est quod quantum ad distinctionem spiritus animalis sensus proprii derivantur a communi ; quantum vero ad apprehensionem sensus communis sit in actu per proprios, quia nihil apprehenderet, nisi per hoc quod sensus proprii redeunt ad ipsum cum suis lucris, ut dicit Avicenna ; — *deinde*, quia propter maximum abundantiam humiditatis existentis in cerebro magis impediuntur in pueris actus omnium sensuum internorum quam externorum ; — *praterea*, quia ratione caloris, cuius fons est cor, et sine quo non est sensitivum, ut dictum est (supra in c. initio), a corde derivatur virtus sensitiva ad cerebrum, et exinde ad tres sensus externos. — *Opusc.* 43, c. 4; *de Verit.* q. 48, a. 8, in c. et ad 5.

Quod vero attinet ad *phantasiam seu rim imaginativam*, quæ est thesaurus formarum per sensum acceptarum, componens et dividens eas, cum duplex sit : *una* imperfecta, indeterminata et confusa, conveniens omnibus animalibus imperfectis ; *altra* perfecta et determinata : — *illa* habet organum indeterminatum, sicut ipsa est indeterminata (unde sicut animalia imperfecta decisa et divisa in multas partes vivunt, ita et in iisdem partibus decisis et divisis est organum phantasie indeterminatae et confuse, ut docet Philosophus 2. *de Anima* (text. 20 et 32; c. 2 et 3); — *hoc* vero habet organum determinatum in determinata parte, puta post organum sensus communis in parte cerebri, quæ non sic abundat humidosis, ut prima pars cerebri, in qua est situm organum sensus communis, et ideo potest melius retinere formas sensibiles re absente. Est autem *haec* pars cerebri posterior pars prime cellulæ, puta in antero ore parte cerebri prope vultum : ut patet ex hoc,

quod quia vultus est prope locum imaginativæ, ideo in eo apparent indicia affectuum et præsertim affectus hilaritatis quæ est species intensi gaudii, quæ dicitur exultatio. — Dividitur enim *cerebrum* in *tres cellulas*, quarum in priori parte *primæ* est organum sensus communis ; in posteriore est organum phantasie, quo læditur phantasia et consequenter intellectus in sua operatione. Indiget enim intellectus, tam in acquirendo scientiam quam in utendo illa, operatione phantasie, ut docet Philosophus (3. *de Anima* text. 39; c. 8) : oportet enim, cum aliqui speculator in actu, quod simul formæ sibi aliquod phantasma. — 2. *de Anima* l. 4 et 6; *Opusc.* 43, c. 3; *de Verit.* q. 2 a. 4, ad 5; *Tabula Aurea* voce « cerebrum » n. 3; voce « imaginativa » n. 4 3. *de Anima* l. 7 et 13.

Estimatira vero — quæ est apprehensiva convenientis et nocivi, et ideo comparatur ad appetitum sensitivum sicut intellectus practicus ad voluntatem ; que que quia participat aliquid rationis, est suprema potentia partis sensitivæ — habet tam in animalibus brutis, in quibus retinet nomen *estimativa*, quam in hominibus, in quibus loco *estimativa* est *cogitativa* idem munus exercens quod illa, et perfectioni modo, ut dictum est supra q. 73, a. 4 et 2 (unde et *ratio particularis* appellatur, per quam apprehenditur singulare ; et universalis sententia, quam mens habet de operabilibus, applicatur a particolare actum : ut si t. quidam syllogismus, cuius major sit universalis, que est sententia mentis, minor autem singularis, quæ est applicatio particularis rationis, conclusio vero est conclusio singularis operis, ut patet per e. quod docet Philosophus 3. *de Anima* text. 3 et 57; c. 10 et 11) ; — habet, in primis organum in bovine *medio cellule* capitis seu *cerebri*, ut dicit Cononotator (3. *de Anima* text. 20), in bruci vero posteriore partem *occiputis* pars cerebri ; haec parte vel cellula longa, habetur et impeditur operatio illius, et p-

nsequens operatio intellectus : sine illa
im anima modo nihil intelligit, intelligi-
t autem in futuro, quando a phantas-
atibus abstrahere non indigebit. —

Tabula Aurea voce « aestimativa » n. 1,
4; *de Verit.* q. 10, a. 5, c.; q. 15, a. 1,
3; *de Anima* l. 16; 1a, q. 78, a. 4, c.;
Sent. dist. 50, q. 1, a. 1, ad 3; *Opusc.*
c. 4.

Demum *memoria* in animalibus perfe-
ctis — quæ est thesaurus specierum inten-
tionalium seu specierum sensibilium a
nsu acceptarum, et quæ est cognosci-
va præteriti ut præteritum est; cui re-
sondet *reminiscencia* in homine, per quam
non solum subito recordatur præteriorum,
sicut recordantur bruta perfecta per me-
moriā, sed etiam syllogistice inquirit
præteriorum memoriam secundum indi-
viduales intentiones — habet determina-
tum organum in extrema parte capitis,
que adeo in *postrema cerebri cellula*,
qua similiter laesa laeditur et operatio
memoriae. — *Tabula Aurea* voce « memo-
ria » n. 1, 5, 10.

Et ex his patet, quodnam sit organum
sensuum internorum; et simili-
ter patet *ad objecta* utriusque partis.

QUÆSTIO LXXXV

DE APPETITU SENSITIVO.

Deinde considerandum est de appetitu
sensitivo; et primum agemus de ipso ap-
petitu, deinde de illius organo.

CIRCA PRIMUM QUÆRUNTUR QUINQUE :

1. Utrum appetitus sit aliqua specialis poten-
tia animæ.
2. Utrum appetitus dividatur in sensitivum
et intellectivum tamquam in diversas poten-
tias.
3. Utrum appetitus sensitivus distinguatur
in irascibilem et concupiscibilem tamquam
in diversas potentias.
4. Utrum etiam appetitus intellectivus divi-
datur in irascibilem et concupiscibilem tam-
quam in diversas potentias.
5. Utrum appetitus concupiscibilis et ira-
scibilis obedient rationi.

ARTICULUS I

UTRUM APPETITUS SIT ALIQUA SPECIALIS ANIMÆ POTENTIA.

Videtur quod *appetitus* non sit aliqua
specialis animæ potentia.

1. Ad ea enim, quæ sunt communia ani-
matis et inanimatis, non est aliqua poten-
tia animæ assignanda; sed appetere com-
mune est animatis et inanimatis, quia
« bonum est quod omnia appetunt », ut
dicitur 1. *Eth.* (c. 1) : ergo non est spe-
cialis animæ potentia. — 1a, q. 80, a. 1,
arg. 1; *de Verit.* q. 22, a. 3, arg. 1.

2. Præterea, potentiae distinguntur se-
cundum objecta; sed idem est, quod co-
gnoscimus et appetimus : ergo vim appe-
titivam non oportet esse aliam præter vim
apprehensivam. — 1a, l. c. arg. 2; *de
Verit.* l. c. arg. 3.

3. Præterea, commune non distingui-
tur contra proprium; sed quælibet ani-
mæ potentia appetit quoddam particulare
bonum et appetibile, scilicet objectum
sibi conveniens : ergo respectu hujus ob-
jecti, quod est appetibile in communi,
non oportet accipi aliquam potentiam ab
aliis distinctam. — 1a, l. c. arg. 3; *de
Verit.* l. c. arg. 5.

4. Præterea, appetitus est rei non habi-
tæ; sed in animalibus jam per cognitionem
habetur bonum : ergo cognitionem
boni non sequitur in animalibus aliquis
appetitus, qui speciale requirat poten-
tiam. — *de Verit.* l. c. arg. 4.

5. Præterea, appetitus nihil aliud esse
videtur quam quædam directio in finem;
sed appetitus naturalis sufficit ad hoc,
quod aliquid per ipsum dirigatur in finem :
ergo non oportet superaddi appetitum
animalem, qui sit specialis animæ poten-
tia. — *de Verit.* l. c. arg. 2.

Sed contra est, quod Philosophus (2. *de
Anima* text. 27; c. 3) distinguit appetiti-
vum ab aliis potentiis. Damascenus etiam
(2. *de Fide Orthod.* c. 22; — Migne PP.
Gr. t. 95, col. 942) distinguit vires appe-
titivas a cognoscitivis. — 1a, q. 80, a. 1,
arg. *Sed contra*.

RESPONDEO DICENDUM, quod necesse est ponere quandam potentiam animæ appetitivam. Ad ejus evidentiam considerandum est, quod quamlibet formam sequitur aliqua inclinatio: sicut ignis ex sua forma inclinatur in superiorem locum, et ad hoc quod generet sibi simile. Forma autem in his, quæ cognitionem participant, altiori modo invenitur quam in his, quæ cognitione carent. In his enim, quæ cognitione carent, invenitur tantummodo forma ad unum esse proprium determinans unumquodque, quod etiam naturale uniuscujusque est. Hanc igitur formam naturalem sequitur naturalis inclinatio, quæ *appetitus naturalis* vocatur. — In habentibus autem cognitionem sic determinatur unumquodque ad proprium esse naturale per formam naturalem, quo ita men est receptivum specierum aliarum rerum, sicut sensus recipit species omnium sensibilium, et intellectus omnium intelligibilium. Et sic anima hominis fit omnia quodammodo secundum sensum et intellectum, in quo quodammodo cognitionem habentia ad Dei similitudinem appropinquant, in quo omnia præexistunt, sicut Dionysius dicit (*de Div. Nom.* v. 5; — Migne t. 3, col. 818 et deinceps passim). Sicut igitur formæ altiori modo existunt in habentibus cognitionem supra modum formarum naturalium, ita oportet quod in eis sit inclinatio supra modum inclinacionis naturalis; quæ dicitur *appetitus animalis*. Et haec superior inclinatio pertinet ad vim animæ appetitivam, per quam animal appetere potest ea, quæ apprehendit, et non solum ea, ad quæ inclinatur ex forma naturali. Sic igitur necesse est ponere aliquam potentiam animæ appetitivam. — 1a, q. 80, a. 1, c.

Ad primum ergo dicendum, quod appetere invenitur in habentibus cognitionem supra modum communem, quo invenitur in omnibus, ut dictum est; et ideo oportet ad hoc determinari aliquam potentiam animæ. — 1a, l. c. ad 1.

Ad secundum dicendum, quod id, quod apprehenditur et appetitur, est idem sub-

jecto, sed differt ratione. Apprehenditur enim ut est ens sensibile vel intelligibile; appetitur vero ut est conveniens aut bonum. Diversitas autem rationum in objectis requiritur ad diversitatem potentiarum, non autem materialis diversitas. — 1a, l. c. ad 2.

Ad tertium dicendum, quod unaquæque potentia animæ est quædam forma seu natura, et habet naturalem inclinationem in aliquid. Unde unaquæque appetit objectum sibi conveniens naturali appetitu, supra quem est appetitus animalis consequens apprehensionem, quo appetitur aliquid non ea ratione, qua est conveniens ad actum hujus vel illius potentie, utpote visio ad videndum et auditio ad audiendum, sed quia est conveniens simpliciter animali. — 1a, l. c. ad 3.

Ad quartum dicendum, quod appetens bonum non querit habere bonum secundum esse intentionale, qualiter a cognoscente habetur, sed secundum esse essentiale. Et ideo per hoc, quod animal habet bonum ut cognoscens ipsum, non excluditur quin possit ipsum appetere. — *de Verit.* q. 22, a. 3, ad 4.

Ad quintum dicendum, quod quia animalia natūrisunt participare divinam beatitudinem eminentius ceteris inferioribus rebus, inde est quod indigent multis operationibus et auxiliis ad suam perfectionem qui potest consipi perfectam beatitudinem multis exercitiis est propinquā sanitati quam ille, qui non potest consipi nisi modeam sanitatem, et ob hoc non indiget nisi modico exercitio, secundum exemplum Philosophi in 2. *de Cœlo* (text. 62; c. 42). Et ideo, cum appetitus naturalis sit determinatus ad unum, nec possit esse multiformis, ut in tot diversa se extendat, quot animalia indigent; nec si rara fuit, ut animalibus superaddetur appetitus animalis con equens apprehensionem, ut ex multitudo appetitorum animal in diversa feratur. — *de Fœrit.* l. c. ad 2.

ARTICULUS II

UTRUM APPETITUS SENSITIVUS ET INTELLECTIVUS SINT DIVERSAE POTENTIAE.

Videtur quod appetitus sensitivus et intellectivus non sint diversae potentiae.

1. Philosophus enim in 2. *de Anima* (*text.* 7; c. 3) distinguit quinque genera potentiarum animae et operationum: quorum *unum* includit generationem, nutritionem et augmentum, *secundum* includit ensim, *tertium* appetitum, *quartum* motum secundum locum, *quintum* intellectum — ubi intellectus a sensu distinguitur, non autem appetitus intellectivus a sensitivo — : ergo videtur quod non distinguatur potentia appetitiva superior ab inferiori, sicut distinguitur potentia apprehensiva superior a potentia apprehensiva inferiori. — *de Verit.* q. 22, a. 1, arg. 4.

2. Praeterea, potentiae non diversificantur per accidentales differentias; sed accedit appetibili, quod sit apprehensum per sensum vel per intellectum: ergo appetitus sensitivus et intellectivus non sunt diversae potentiae. — *de Verit.* l. c. arg. 1a, q. 80, a. 2, arg. 4.

3. Praeterea, cognitio intellectiva est universalium; et secundum hoc distinguitur ab intellectiva, quae est singularium; sed illa distinctio non habet locum ex arte appetitivae: cum enim appetitus sit motus ab anima ad res, quae sunt singulares, omnes appetitus videntur esse rei singularis. Non ergo appetitus intellectivus debet distingui a sensitivo. — 1a, l. c. arg. 2; *de Verit.* l. c. arg. 2.

4. Praeterea, sicut sub apprehensivo ordinatur appetitivum ut inferior potesta, ita et motivum; sed non est aliud motivum in homine consequens intellectum, quam in aliis animalibus consequens ensim: ergo pari ratione neque est aliud appetitivum. — 1a, l. c. arg. 3; *de Verit.* c. arg. 3.

Sed contra est: 1. quod Philosophus (3. *e Anima* *text.* 57 et 58; c. 41) distinguit duplum appetitum, et dicit, quod appeti-

titus superior movet inferiorum ut sphæra sphæram; ergo. — *de Verit.* l. c. arg. *Sed contra*; 1a, l. c. arg. *Sed contra*.

2. Praeterea, potentia appetitiva est potentia passiva, quae nata est moveri ab apprehenso. Unde appetibile apprehensum est movens non motum; appetitus autem movens motum, ut dicitur in 3. *de Anima* (*text.* 54; c. 10) et 12. *Metaphys.* (*text.* 36; l. 11, c. 7). Passiva autem et mobilia distinguuntur secundum distinctionem activorum et motivorum, quia oportet motivum esse proportionatum mobili et activum passivo; et ipsa potentia passiva propriam rationem habet ex ordine ad suum activum. Quia ergo est alterius generis apprehensum per intellectum et apprehensum persens, consequens est, quod appetitus intellectivus sit alia potentia a sensitivo. — 1a, l. c., in c.

RESPONDEO DICENDUM, quod voluntas est alia potentia ab appetitu sensitivo. Ad cuius evidentiam sciendum est, quod, sicut appetitus sensitivus distinguitur ab appetitu naturali propter perfectiorem modum appetendi: ita appetitus rationalis ab appetitu sensitivo. Quanto enim aliqua natura est Deo propinquior, tanto expressior in ea divinæ dignitatis similitudo invenitur. Hoc autem ad divinam dignitatem pertinet, ut omnia moveat et inclinet et dirigat, ipse nullo alio motu vel inclinatus vel directus. Unde quanto aliqua natura est Deo vicinior, tanto minus ab eo inclinatur, et magis nata est se ipsam inclinare. Natura igitur *insensibilis*, quae ratione suæ materialitatis est maxime a Deo remota, inclinatur quidem in aliquem finem, non tamen est in ea aliiquid inclinans, sed solummodo inclinationis principium, ut ex prædictis (*de Verit.* q. 22, a. 4) patet. Natura autem *sensitiva*, ut Deo propinquior, in se ipsa habet aliiquid inclinans, scilicet appetibile apprehensum; sed tamen inclinatio ipsa non est in potestate ipsius animalis, quod inclinatur, sed est ei aliunde determinata. Animal enim ad aspectum delectabilis non potest non concupiscere illud,

quia talia animalia non habent dominium suæ inclinationis: unde non agunt, sed magis aguntur, secundum Damascenum (*de Fide Orthod.* l. 2, c. 27; — Migne PP. Gr. l. 94, col. 962); et hoc ideo, quia vis appetitiva sensibilis habet organum corporale, et ideo appropinquat dispositionibus materiæ et rerum corporalium, ut moveatur magis quam moveat. Sed natura *rationatis*, quæ est Deo maxime propinqua, non solum habet inclinationem in aliquid, sicut habent inanimata; nec solum movens hanc inclinationem quasi aliunde eis determinata, sicut natura sensibilis; sed ultra hoc habet in potestate ipsam inclinationem, ut non sit ei necessarium inclinari ad appetibilem apprehensum, sed possit inclinari vel non inclinari; et sic ipsa inclinatione non determinatur ei ab alio, sed a se ipso. Et hoc quidem competit ei, in quantum non utilitur organo corporali; et sic recedens a natura mobilis accedit ad naturam moventis et agentis. Quod autem aliquid determinet sibi inclinationem in finem, non potest contingere, nisi cognoscat finem et habitudinem finis in ea quæ sunt ad finem: quod est tantum rationis. Et ideo talis appetitus non determinatus ex aliquo alio de necessitate, sequitur apprehensionem rationis. — Unde appetitus rationalis, qui voluntas dicitur, est alia potentia ab appetitu sensibili. — *de Verit.* q. 22, a. 4, c.

Ad primum ergo dicendum, quod sensus et intellectus differunt per rationes apprehensibilis in quantum est apprehensibile, propter hoc quod ad diversa genera pertinet potentiarum. Sensus enim tenet apprehendendo particularē, intellectus autem apprehendendo universale. Appetitus vero superior et inferior non differunt per differentiam appetibilis in quantum est appetibile, cum in ideo bonum quandoque tendat utsique appetitus; sed differunt penes diversum modum appetendi, ut ex dictis (*de Verit.* q. 22, a. 1, 2, 3) patet. Et ideo sunt quidem diversæ potentiae, sed non diversa potentiarum

genera. — *de Verit.* q. 22, a. 4, ad 4

Ad secundum dicendum, quod appetibili non *accidit* esse apprehensum per sensum vel intellectum, sed *per se* ei convenit. Nam appetibile non movet appetitum, nisi in quantum est apprehensibile. Unde differentiæ apprehensi sunt per se differentiæ appetibilis. Unde potentiae appetitivæ distinguuntur secundum differentiam apprehensorum sicut secundum propria objecta. — 1a, q. 80, a. 2, ad 1 — *Vel dic*, quod voluntas ab appetitu sensibili non distinguitur directe per hoc quod est sequi apprehensionem hanc ve illam; sed ex hoc, quod est determinar sibi inclinationem, vel habere inclinationem determinatam ab alio; quia duo evi gunt potentiam non unius modi; sed tal diversitas requirit diversitatem apprehensionum, ut ex praedictis (*de Verit.* q. 22, a. 3) patet. Unde quasi ex consequen accipitur distinctio appetitivarum viri penes distinctionem apprehensivarum, et non principaliter. — *de Verit.* q. 22, a. 4, ad 1.

Ad tertium dicendum, quod appetitus intellectivus, etsi fertur in res quæ sunt extra animam singulares, fertur tamen in eas secundum aliquam rationem universalē: sicut cum appetit aliquid, quod est bonum. Unde Philosophus dicit in sua *Rhetorica* (l. 2, c. 4), quod oīum potest esse de aliquo universalī, puti cu odio habemus omne latronum genus. Similiter etiam per appetitum intellectivum appetere possumus immaterialia bona quæ sensus non apprehendit, sicut scientiam, virtutes et alia huiusmodi. — 1a, c. ad 2. — *Vel dic*, quod quamvis appetitus semper intendat ad aliquid in re natura existens, quod est per modum particularis et non universalis; tamen a appetendum quandoque movetur per apprehensionem aliquis universalis conditionis: sicut appetimus hoc bonum e hac consideratione, qua consideramus simpliciter bonum esse appetendum, quandoque vero per apprehensionem particularis secundum suam particularitatem.

Et ideo sicut appetitus ex consequenti istinguitur per differentiam apprehensionis, quam sequitur; ita ex consequenti istinguitur per universale et particulare. — *de Verit.* l. c. ad 2.

Ad quartum dicendum, quod, sicut dicit philosophus (3. de Anima text. 57 et 58; c. 11), opinio universalis non movet nisi mediante particulari; et similiter appetitus superior movet mediante inferiore; et ideo non est alia vis motiva consequens intellectum et sensum. — 1a, l. c. ad 3; *de Verit.* l. c. ad 3.

ARTICULUS III

TRUM APPETITUS SENSITIVUS DISTINGUATUR IN CONCUPISCIBILEM ET IRASCIBILEM TAMQUAM IN DIVERSAS POTENTIAS.

Videtur quod appetitus sensitivus non distinguitur in irascibilem et concupiscibilem sicut in potentias diversas.

1. Eadem enim potentia animæ est unius contrarietatis, ut visus albi et nigri, ut dicitur in 2. *de Anima* (*text.* 107; c. 11); sed conveniens et nocivum sunt contraria: cum ergo concupiscibilis respiciat conveniens, irascibilis vero nocivum, videatur quod eadem potentia sit concupiscibilis et irascibilis. — 1a, q. 81, a. 2, arg. 2; *de Verit.* q. 25, a. 2, arg. 2.

2. Præterea, per candem virtutem aliud recedit ab uno extremo et accedit ad alterum, sicut ratione gravitatis lapis recedit a loco supremo et accedit ad locum infimum; sed per vim irascibilem anima recedit a nocivo fugiendo ipsum, per vim autem concupiscibilem accedit ad conveniens concupiscendo ipsum: ergo eadem vis animæ est concupiscibilis et irascibilis; et sic idem quod prius. — *de Verit.* l. c. arg. 3.

3. Præterea, appetitus sensitivus non est nisi convenientium secundum sensum; sed conveniens secundum sensum est objectum concupiscibilis; proprium autem objectum gaudii est conveniens; gaudium autem non est nisi in concupiscibili: ergo nullus appetitus sensitivus

est a concupiscibili distinctus. — 1a, l. c. arg. 2; *de Verit.* l. c. arg. 4.

4. Sed dices, quod objectum appetitus est etiam nocivum sive inconveniens, ad quod irascibilis se extendit. — Sed contra, sicut conveniens est objectum gaudii, ita nocivum vel inconveniens est objectum tristitiae; sed tam gaudium quam tristitia sunt in concupiscibili: et ita idem quod prius. — *de Verit.* l. c. arg. 5.

5. Præterea, appetitus sensibilis presupponit appprehensionem; sed eadem vis appprehensiva apprehenditur conveniens et nocivum: ergo et eadem vis appetitiva se habet ad utrumque; et sic idem quod prius. — *Ibid.* arg. 6.

6. Præterea, odium est in concupiscibili, ut probatur in 2. *Topic.* (c. 3, al. 7), eo quod amor est in eadem; sed adest etiam in irascibili; dicit enim Hieronymus super illud Matthæi 13, 33: *Simile est regnum cœlorum fermento: « Possideamus... in irascibili (1) odium vitiorum »* (Migne PP. Lat. t. 26, col. 91). Et probatur, quia odium est ira inveterata, ut dicit Augustinus; ira autem est in irascibili: ergo eadem vis est irascibilis et concupiscibilis. — *Ibid.* arg. 7; 1a, l. c. arg. 3.

7. Præterea, potentiae secundum actus distinguuntur; sed in quolibet actu irascibilis includitur actus concupiscibilis; nam ira habet concupiscentiam vindictæ, et sic de aliis: ergo concupiscibilis non est alia potentia ab irascibili. — *de Verit.* l. c. arg. 9.

Sed contra est, quod Philosophus distinguit appetitum sensitivum in concupiscibilem et irascibilem; nam 3. *de Anima* (*text.* 42: c. 8) ponit in anima triplicem appetitum, rationalem, et sensitivum concupiscibilem, et irascibilem.

RESPONDEO DICENDUM, quod appetitus sensitivus est una vis in genere, quæ sensualitas dicitur; sed dividitur in duas potentias, quae sunt species appetitus sensitivi, scilicet in irascibilem et concupiscibilem. — Ad cuius evidentiam considerandum, quod in *rebus naturalibus*

(1) Al. « in ira odium contra vitia ».

corruptilibus est *duplex inclinatio*, secundum duplēm operationem illarum : una est ad consequendum convenientia et refugiendum nociva, ac proinde per quam res naturalis nititur acquirere id, quod est conservativum suæ naturæ ; altera est ad resistendum corrumpentibus et contrariis, quæ convenientibus impedimentum præbent et ingerunt nocumenta : — sicut ignis habet naturalem inclinationem, non solum ut recedat ab inferiori loco, qui sibi non convenit, et tendat ad locum superiore sibi convenientem, ut ibi conservetur ; sed etiam ut resistat corrumpentibus et impedientibus : unde per qualitatem motivam mouetur sursum, et per qualitatem activam sua contraria destruit, ne corrumpatur. — Quia igitur *appetitus sensitivus* est inclinatio consequens apprehensionem sensitivam, sicut appetitus naturalis est inclinatio consequens formam naturalem, necesse est quod etiam in parte sensitiva sint *duae potentiae appetitivae* : una, per quam anima simpliciter inclinatur ad prosequendum ea, que sunt convenientia secundum sensum, et ad refugiendum nociva ; et haec dicitur *concupiscibilis* ; alia vero, per quam animal resistit iis, quæ convenientia impugnant et nocumenta inferunt ; et haec vis dicitur *irascibilis* ; unde dicitur, quod ejus objectum est *arduum*, quia scilicet tendit ad hoc quod habeat dominium et victoriam super contraria et suprememant eis ; sicut objectum concupiscibilis dicitur esse *conveniens secundum sensum*.

Hæc autem duæ inclinationes quod non reducantur in *idem principium*, patet : — primo, quia aliam rationem appetibilitatis habet aliquid ex hoc quod est arduum, cum quandoque illud, quod est arduum, a delectatione separet, et rebus circumstantibus se immisceat : sicut cum animal relieta voluptate, cui vacabit, aggreditur pugnam nee retrahitur propter dolores, quos sustinet. — Secundo, quia una carum, scilicet concupiscibili, videtur ordinata ad recipiendum : hæc enim appetit,

ut ei suum delectabile conjungatur ; altera vero, scilicet irascibilis, est ordinata ad agendum, quia per actionem aliquam superat id, quod est contrarium vel nocivum, ponens se in quadam altitudine victoriæ super ipsum. Hoe autem communite in potentiis animæ invenitur, quod recipere et agere ad diversas potentias pertinent, sicut patet de intellectu agente et possibili. Et inde est quod secundum Avicennam ad irascibilem pertinet fortitudo et debilitas cordis, quasi ad virtutem ordinatam ad agendum ; ad concupiscibilem autem dilatatio et constrictio ipsius, quasi ad virtutem ordinatam ad recipiendum. — Tertio, quia interdum anima tristibus se ingredit contra inclinationem concupiscibilis ut secundum inclinationem irascibilis impugnet contraria. Unde etiam passione irascibilis repugnare videntur passionibus concupiscibilis. Nam concupiscentia a censa minuit iram, et ira accensa minuit concupiscentiam, ut in pluribus. Patet etiam ex hoc, quod irascibilis est quasi propugnatrix et defensatrix concupiscibilis, dum insurgit contra ea, quæ impediunt convenientia, quæ concupiscibili appetit, et ingerunt nociva, quæ concupiscibilis refugit. Et propter hoc omne passiones irascibilis incipiunt a passionibus concupiscibilis, et in eas terminantur sicut ira nascitur ex illata tristitia, et vindictam inferens in latitiam terminatur. Propter hoc etiam pugna animalibus in de concupiscibilibus, scilicet de cibis et venereis, ut dicitur in 8. de Animali (6. Hist. Animal. c. 18). — Ia, q. 8 a. 2, c. ; de Verit. q. 25, a. 2, c.

Ad primum ergo dicendum, quod et concupiscibilis est convenientis et inconvenientis, sed irascibilis est ad resistendum inconvenienti, quod impugnat : quod est dicere, tam convenientis delectabile quam nocivum tristabile ad concupiscibilem pertinere, secundum quod unum est fugiendum et alterum consequendum, sed habere quandam altitudinem unumtrunque, ut scilicet nocivum possit sperari, et delectabile cum securitate quod

in possideri, ad irascibilem pertinere.

— 1a, l. c. ad 1; *de Verit.* l. c. ad 2.

Ad secundum dicendum, quod recedere nocivo et accedere ad delectabile, trinque concupisibili competit; sed impugnare et superare id, quod potest se nocivum, hoc pertinet ad irascibilem. — *de Verit.* l. c. ad 3.

Ad tertium dicendum, quod sicut in apprehensivis virtutibus in parte sensitiva est aliqua vis aestimativa, scilicet quæ est receptiva eorum, quæ sensum non immunit, ut supra dictum est; ita etiam appetitu sensitivo est aliqua vis appetens, quid, quod non est conveniens secundum delectationem sensus, sed secundum quod est utile animali ad suam defensionem; et hæc est vis irascibilis. — *Vel*, quod conveniens est objectum concupisibilis, secundum quod est delectabilis, sed totius sensualitatis seu appetitus sensitivi, secundum quod est quomodounque expediens animali vel per viam redi vel per viam delectabilis. — 1a, l. ad 2; *de Verit.* l. c. ad 4 et 5.

Et sic ad quartum.

Ad quintum dicendum, quod eadem appetitiva concupisibilis est convenientis prosecutiva et inconvenientis fugitiva; unde irascibilis et concupisibilis non distinguuntur per conveniens et nocivum, ut dictis patet. — *de Verit.* l. c. ad 6.

Ad sextum dicendum, quod odium similiter pertinet ad concupisibilem, sed ratione impugnationis, quæ ex odio cauitur, potest ad irascibilem pertinere; quando vero dicitur, quod odium est ira, est prædicatio per causam et non per essentiam; nam passiones irascibilis terminantur ad passiones concupisibilis, ut dictum est. — *Ibid.* ad 7.

Ad septimum dicendum, quod in definitione passionum irascibilis ponitur actus appetitivæ communis, ut appetere; non autem aliquid ad concupisibilem pertinet, nisi sit principium vel terminus: si dicatur, quod ira est appetitus vindictæ propter præcedentem contristationem. — *Ibid.* ad 9; 1a, l. c. ad 3.

ARTICULUS IV

UTRUM APPETITUS INTELLECTIVUS ETIAM DISTINGUATUR IN IRASCIBILEM ET CONCUPISCIABLEM TAMQUAM IN DIVERSAS POTENTIAS.

Videtur quod etiam appetitus intellectivus distinguitur in irascibilem et concupisibilem tamquam in diversas potentias.

1. Nam appetitus intellectivus ad plura se extendit quam sensitivus, cum sit et corporalium et spiritualium; si ergo appetitus sensitivus dividitur in duas vires, scilicet irascibilem et concupisibilem, multo fortius et intellectivus, qui est appetitus superior, dividi debet. — *de Verit.* q. 25, a. 3, arg. 1.

2. Præterea, secundum Philosophum in 2. *de Anima* (*text.* 21; c. 2) et 12. *Metaphys.* (*text.* 17; l. 11, c. 3) sola pars animæ rationalis est a corpore separabilis; sed irascibilis et concupisibilis remanent in anima a corpore separata, ut dicitur in lib. *de Spiritu et Anima* (c. 15; — Migne PP. Lat. t. 40, col. 791): ergo irascibilis et concupisibilis ad partem rationalem pertinent. — *Ibid.* arg. 3.

3. Præterea, caritas dicitur esse in concupisibili, spes autem in irascibili; sed caritas et spes non sunt in appetitu sensitivo, qui non potest extendi ad immaterialia: ergo irascibilis et concupisibilis non sunt tantum in appetitu sensitivo, sed etiam in intellectivo. — *Ibid.* arg. 5.

4. Præterea, vires humanæ dicuntur illæ, quas homo supra cetera animalia habet, quæ pertinent ad superiorem animæ partem; sed distinguitur a magistris duplex irascibilis, humana et non humana; et similiter concupisibilis: ergo predictæ vires sunt etiam in appetitu intellectivo. — *Ibid.* arg. 6.

5. Præterea, operationes virium sensitivarum tam apprehensivarum quam appetitivarum non manent in anima se-

parata, quia per corporis organa exercentur; alias anima sensibilis in brutis esset incorruptibilis, utpote potens suam operationem habere per se ipsam; sed in anima separata remanent gaudium et tristitia, amor et timor et alia hujusmodi, quæ attribuuntur irascibili et concupiscibili: ergo irascibilis et concupiscibilis non sunt tantum in sensitiva parte, sed etiam in intellectiva. — *Ibid*, arg. 7.

Sed contra est, quod Damascenus (2. de *Fide Orthod.* c. 12; — Migne t. 94, col. 927) et Gregorius Nyssenus et Philosophus ponunt, eas esse in sensibili appetitu tantum. — *de Verit.* q. 25, a. 3, arg. *Sed contra*.

RESPONDEO DICENDUM, quod cum actus appetitivarum partium præsupponat actum appprehensivarum, et distinctio appetitivarum ad invicem aliqualiter similis est distinctioni appprehensivarum. Invenimus autem hoc in appprehensivis potentiis, quod respectu illarum appprehensiva superior mæget una et indivisa, respectu quarum appprehensivæ inferiores distinguuntur. Una enim intellectiva potentia cognoscimus omnia sensibilia quantum ad earum naturas, respectu quarum vires sensitivæ distinguuntur. Unde secundum Augustinum (potius alium scriptorem, in lib. *de Spiritu et Anima* c. 12 sq.; — Migne t. 40, col. 787 sqq.) exterius aliud est, quod videt et quod audit, sed interius in intellectu est idem. Et similiter est de appetitivis: quod appetitiva superior est una respectu omnium appetibilium, quamvis appetitivæ inferiores respectu diversorum appetibilium distinguantur.

Cujus ratio ex utraque parte est, quod vis superior habet objectum universale, sed inferiores vires habent objecta particularia. Multa autem per se convenient particularibus, que per accidens se habent ad universale; et ideo cum accidentalis differentia non diversificet speciem, sed solum illa, que est per se, potentiae inferiores inveniuntur secundum speciem distinctæ, sed u-

perior potentia remanet indivisa; sicut patet, quod objectum intellectus est *quod quid est*: unde est eadem potentia intellectus ad omnia, quæ habent quidditatem, nec diversificatur per alias differentias, quæ rationem quidditatis non diversificant. Sed cum objectum sensus sit corpus, quod est natum mouere organum, secundum diversam rationem mouendi oportet potentias diversificari. Unde alia potentia est visus, alia auditus, quia alia ratione movet sensum color et sonus. Et similiter ex parte appetitivarum: nam objectum appetitus superioris, ut supra (*de Verit.* q. 25, a. 1) dictum est, est bonum absolute; sed objectum appetitus inferioris est res aliquo modo proficia animali. Arduum autem et delectabile non secundum eandem rationem sunt convenientia animali, ut ex prædictis patet. Et ideo per hoc essentia liter diversificatur objectum appetitus sensitivi, non autem objectum appetitus intellectivi, qui tendit in bonum absolute quoctunque modo.

Sciendum tamen est, quod sicut intellectus habet aliquam operationem circa eadem, circa quæ sensus operantur, sed altiori modo, cum cognoscat universaliter et immaterialiter, quod sensus materialiter et particulariter cognoscit; ita appetitus superior circa eadem habet operationem cum appetitis inferioribus, quamvis altiori modo. Nam inferiores appetitus tendunt in sua objecta materialiter, et cum aliqua passione corporali, a quibus passionibus nomine irascibilis et concupiscibilis imponitur; appetitus vero superior habet aliquos actus similes inferiori appetitui, sed absque omni passione. Et sic operationes superioris appetitus sortiuntur interdum nomina passionum, sicut voluntas vindictæ dicitur ira, et quietatio voluntatis super aliquo diligibili dicitur amor; et eadem ratione ipsa voluntas, que hos actus producit, dicitur interdum concupiscibilis et irascibilis, non tamen proprie, sed per quandam multitudinem; nec tamen ita, quod in voluntate

te sint aliquæ vires diversæ similes
ascibili et concupiscibili. — *de Verit.*
25, a. 3, c.

Ad primum ergo dicendum, quod quam-
s appetitus intellectivus in plura se-
tendat quam sensitivus, tamen quia ha-
et universale bonum pro objecto pro-
rio, non dividitur in plures potentias. —
Verit. l. c. ad 1.

Ad secundum dicendum, quod liber ille
est Augustini, nec oportet eum in
uctoritate recipere. Tamen potest dici,
quod intelligit de irascibili et concupisci-
bili similitudinarie dictis; — vel loquitur
quantum ad originem potentiarum; nam
hannes potentiae sensitivæ ex essentia ani-
æ fluunt, unde dicuntur in anima sepa-
rata remanere vel secundum essentiam
el sicut in radice. — *Ibid.* ad 2 et 3.

Ad tertium dicendum, quod caritas et
spes non sunt in irascibili et concupisci-
bili, proprie loquendo, cum dilectio ca-
ritatis et exspectatio spei sint sine passio-
ne; sed dicitur caritas esse in concupisci-
bili, in quantum est in voluntate, prout
ab actus similes concupiscibili; et si-
mili ratione dicitur esse spes in irascibili.
— *Ibid.* ad 5.

Ad quartum dicendum, quod irascibilis
et concupiscibilis dicuntur esse humanæ
rationis, non per essentiam, quasi
partem superiorem pertineant, sed per
participationem, in quantum obediunt
rationi et participant regimen ejus, ut
icit Damascenus (2. *de Fide Orthod.* c. 42;
Migne t. 94, col. 927). — *Ibid.* ad 6.

Ad quintum dicendum, quod gaudium
timor, quæ sunt passiones, non reman-
ent in anima separata, cum corporali
mutatione peragantur; sed remanent
tus voluntatis similes illis passionibus.
— *Ibid.* ad 7.

ARTICULUS V

UTRUM APPETITUS SENSITIVUS OBEDIAT RATIONI.

Videlur quod appetitus sensitivus non
obediat rationi.

1. Quod enim obedit alicui, non repugnat
ei; sed irascibilis et concupiscibilis repu-
gnat rationi, secundum illud Apostoli
(Rom. 7, 15): « Non enim quod volo bo-
num, hoc ago; sed quod odi malum, hoc
facio »; — hoc enim dicitur, ut quadam
glossa exponit, propter motus sensualita-
tis seu appetitus sensitivi; — et ibidem
dicitur: « Video aliam legem in mem-
bris meis repugnantem legi mentis
meæ ». Hæc autem lex est concupiscentia;
ergo repugnat legi mentis, id est ratio-
ni; et ita non obedit. — 1a, q. 81, a. 3,
arg. 2; *de Verit.* q. 25, a. 4, arg. 1 et 2.

2. Præterea, sicut rationali parte infe-
rior est vis appetitiva, ita etiam et vis
sensitiva; ita enim ordinantur ad invicem
apprehensivæ sicut appetitivæ; sed pars
sensitiva non obedit intellectui atque adeo
rationi; non enim audimus nec videmus
quando volumus; nec videmus aut audi-
mus quidquid intellectus decernit: ergo
nec vires sensitivi appetitus, scilicet ira-
scibilis et concupiscibilis, sunt in potestate
rationalis appetitus, et consequenter non
obedient rationi. — 1a, l. c. arg. 3; *de Ve-
rit.* l. c. arg. 3; 1a 2æ, q. 47, a. 7, arg. 3.

3. Præterea, naturalia in nobis non
subduntur rationi; sed sensualitas natu-
rali impetu tendit in suum objectum et
appetibile: ergo motus sensualitatis non
subditur rationi. — *de Verit.* l. c. arg. 4.

4. Præterea, materia corporalis soli Deo
obedit quantum ad transmutationem for-
malem: sed actus appetitus sensitivi ha-
bet quandam formalem transmutationem
corporis, scilicet calorem et frigus. Docet
enim Avicenna, quod ad passiones animæ,
quæ sunt actus appetitus sensitivi, requi-
runtur dispositiones corporum, sicut ad
iram sanguis calidus et subtilis, ad gau-
dium temperatus sanguis. Dispositio au-
tem corporalis non subditur rationi; ergo
nec rationi subditur actus appetitus sen-
sitivi. — 1a 2æ, l. c. arg. 2; *de Verit.* l. c.
arg. 5.

Sed contra est, quod Philosophus in 1.
Eth. (c. ult.) docet, quod irascibilis et
et concupiscibilis participant aliqualiter

rationem; et in 1. *Polit.* in medio (c. 3, al. 5) dicit, quod ratio praeest irascibili et concupisibili non principatu despoticō, qui est domini ad servum, sed principatu politico et regali, qui est ad liberos, qui non totaliter subduntur imperio. — *de Verit.* q. 25, a. 4, arg. *Sed contra*; 1a 2o, q. 17, a. 7, c.

RSPONDEO DICENDUM, quod in ordine inobilium et motorum est devenire ad aliquod priūm quod est movens se, a quo movetur illud, quod non est ex se motum, quia omne, quod est per aliud, reducitur ad per se, ut habetur ex 8. *Phys.* Unde cum *voluntas* se ipsam moveat ex hoc, quod est domina sui actus, oportet quod *vires alienae*, quae se ipsas non movent, ab aliquo moveantur. Tanto autem unaquaque aliarum virium plus de motu ejus participat, quanto sit ei propinquior. — Unde ipsae *appetitivae inferiores* voluntati obedient quantum ad suos principales actus, utpote ei propinquissima. — Alio vero magis remota, ut *nutritiva* et *generativa*, moventur a voluntate quantum ad aliquos eorum exteriores actus. — *de Verit.* q. 25, a. 4, c.

Subduntur autem appetitiva interiores, scilicet *irascibilis* et *concupisibilis*, rationi dupliciter: — *primo* quidem *ex parte* ipsius *rationis*; et sic duobus modis, secundum quod appetitus sensitivus natus est moveri immediate vel ab estimativa vel ab imaginativa sicut et a sensu. — *Uno modo* mediante *imaginativa*: cum enim eadem res sub diversis conditionibus considerata possit et delectabilis et tristabilis reddi, ratio opponit sensualitati mediante imaginatione rei aliquam sub ratione delectabilis vel tristabilis, secundum quod ei videtur, et sic sensualitas movetur ad gaudium vel tristitiam. — *Alio modo* mediante *cogitativa*: cum enim appetitus sensitivus in aliis animalibus natus sit moveri ab estimativa virtute, sicut ovis estimans lupum inimicum timet; loco autem estimativae virtutis sit in homine, ut supra (q. 84, a. iii., in c.) dictum est, vis cogitativa, qua alio no-

mine a quibusdam dicitur ratio particularis, eo quod est collativa intentionum individualium, ab illa etiam natus est in homine moveri appetitus sensitivus. Ipsa autem ratio particularis nata est moveri et dirigiri in homine secundum rationem universalem. Unde in syllogisticis ex universalibus propositionibus concluduntur conclusiones singulares. Et ideo oportet quod ratio universalis imperet appetitui sensitivo, et hic illi obediatur. Quod quilibet in se ipso experiri potest: applicando enim aliquis universales considerationes mitigatur ira aut timor vel aliquid hujusmodi vel etiam instigatur. — Ceterum quia deducere universalia principia in conclusiones singulares, non est opus simplicis intellectus, sed *rationis*; ideo irascibilis et concupisibilis, quando moventur immediate a cogitativa, magis dicuntur obediere rationi quam intellectui.

Secundo, ex parte voluntatis: voluntati enim subjaceat appetitus sensitivus quantum ad executionem, quae fit per vim motivam. In aliis enim animalibus statim ad appetitum concupisibilis et irascibilis sequitur motus, sicut ovis timens lupum statim fugit, quia non est in eius superior appetitus, qui repugnat. Sed homo non statim movetur secundum appetitum irascibilem et concupisibilem, sed exspectatur imperium voluntatis, quae est appetitus superior. In omnibus enim potentius motivi ordinis (1) secundum movet non movet nisi virtute primi moventi. Unde appetitus inferior non sufficit mouere, nisi appetitus superior consentiat. Et hoc est, quod Philosophus dicit in 3. *de Anima* (text. 57; c. 44), quod appetitus superior movet inferiorem sicut sphaera superior inferiorem. Hoc ergo modo irascibilis et concupisibilis rationi subduntur. — 1a, q. 81, a. 3, c.; *d. Text.* q. 25, a. 4, c.

Verum quia non totaliter appetitus sensitivus rationi obedit; ideo abundum quod secundum hoc aliqui actus imperio (1) atque in motivo ordinis

rationis subjacet eique obedit, prout est in potestate nostra; et ideo ad intelligendum, qualiter actus appetitus sensitivi subdatur imperio rationis eique obediatur, oportet considerare, qualiter sit in potestate nostra. Est autem sciendum, quod appetitus sensitivus in hoc differt ab appetitu intellectivo, qui dicitur voluntas, quod appetitus sensitivus est virtus organi corporalis, non autem voluntas. Omnis autem actus virtutis utentis organo corporali dependet non solum ex potentia animæ, sed etiam ex corporalis organi dispositione: sicut visio ex potentia viviva et qualitate oculi, per quam juvatur vel impeditur. Unde et actus appetitus sensitivi non solum dependet ex vi appetitiva, sed etiam ex dispositione corporis. Illud autem, quod est ex parte potentiae nimæ, sequitur apprehensionem. Apprehensio autem *imaginationis*, cum sit articularis, regulatur ab apprehensione rationis, quæ est universalis, sicut irtus activa particularis a virtute activa universali; et ideo ex ista parte actus appetitus sensitivi subjacet imperio rationis. Qualitas autem et dispositio corporis non subjacet imperio rationis; et ideo ex hac parte impeditur, quin motus sensitivi appetitus totaliter subdatur imperio rationis eique obediatur. — Contingit autem iam quandoque, quod motus appetitus sensitivus subito comitatur (1) ad apprehensionem *imaginationis* vel sensus; et in ille motus est præter imperium rationis, quamvis potuissest impediri a ratione, si prævidisset. Unde Philosophus in 1. *Polit.* (c. 3, al. 5), quod *ratio præirascibili et concupiscibili non principia despotico, sed politico aut regali*, secundum quem qui reguntur, non totaliter subduntur imperio, ut dictum est. — 1a, q. 17, a. 7, c.; 2. *Sent.* dist. 21, q. a. 2, ad 5.

Ad primum ergo dicendum, quod primum Apostoli dictum intelligitur quantum ad hoc, quod non est in potestate

(1) Al. « concitatur ».

nostra universaliter omnes inordinatos motus sensualitatis impedire, quamvis possimus impedire singulos. — *de Verit.* q. 25, a. 4, ad 1.

Vel dic, quod hoc, quod homo vult non concupiscere, et tamen concupiscit, contingit ex dispositione corporis, per quam impeditur appetitus sensitivus, ne totaliter sequatur imperium rationis. Unde et Apostolus subdit secundum dictum, nimirum: *Video aliam legem in membris meis repugnantem legi mentis meæ*. Hoc etiam contingit propter subitum motum concupiscentiae, ut dictum est. — 1a 2æ, l. c. ad 1.

Ad secundum dicendum, quod ideo sensus exteriores non obediunt rationi, quia indigent ad sentiendum sensibilium rerum præsentia, quæ non est semper in potestate rationis. Tunc enim homo potest uti sensu, cum voluerit, nisi sit impedimentum ex parte organi; sed vires inferiores tam apprehensivæ quam appetitivæ non indigent exterioribus sensibilibus, et ideo subduntur imperio rationis, quæ potest non solum instigare vel initigare effectus appetitivæ virtutis, sed etiam formare imaginativæ virtutis phantasma. — 1a, l. c. ad 3; *de Verit.* l. c. ad 3; 1a 2æ, l. c. ad 3.

Ad tertium dicendum, quod appetitiva inferior non naturaliter tendit in rem aliam, nisi postquam proponitur sibi sub ratione proprii objecti, ut ex dictis (*de Verit.* q. 25, a. 1) patet. Unde cum in potestate rationis sit, sub diversis rationibus unam et eandem rem proponeare, utpote cibum aliquem ut delectabilem et ut mortiferum, potest in diversa ratio sensualitatem movere. — *de Verit.* q. 25, a. 4, ad 4.

Ad quartum dicendum, quod qualitas corporalis dupliciter se habet ad actum appetitus sensitivi: uno modo ut *præcedens*, prout aliquis est aliqualiter dispositus secundum corpus ad hanc vel illam passionem; alio modo ut *consequens*, sicut cum ex ira aliquis incalescit. Qualitas igitur *præcedens* non subjacet imperio

rationis, quia vel est ex natura vel ex aliqua præcedenti motione, quæ non statim quiescere potest; sed qualitas consequens sequitur imperium rationis, quia sequitur motum localem cordis, quod diversimode movetur secundum diversos actus appetitus sensitivi. — 1a 2œ, l. c. ad 2.

QUÆSTIO LXXXVI

DE ORGANO APPETITUS SENSITIVI.

Deinde considerandum est de organo appetitus sensitivi.

CIRCA QUOD QUÆRITUR :

Utrum organum appetitus sensitivi sit cor.

ARTICULUS

UTRUM ORGANUM APPETITUS SENSITIVI
SIT COR.

Videtur quod organum appetitus sensitivi non sit cor.

1. Potentiae enim distinguuntur ex organis, ut dictum est (supra q. 6⁴, a. 2, arg. 5, et q. 83, a. 2, arg. 2 *Sed contra*); sed cor est organum sensus communis, ut dictum est (supra q. 84, a. un.): ergo cor non est organum appetitus sensitivi.

2. Praeterea, appetitus sensitivus contatur tactum, sicut et imaginationem et sensum communem, a quibus movetur, ut dictum est (supra q. 85, a. 1, in c.); sed in animalibus tam perfectis quam imperfectis tactus diffunditur per omnes partes corporis, ut dictum est (q. 81, a. un.): ergo et appetitus sensitivus, et per consequens et organum debet esse diffusum per omnes partes.

Sed contra est, quod cum anima moveat corpus per cognitionem et appetitum, in ea parte debet esse organum appetitus, ubi incipit motus; et a corde incipit motus animalis, ut dicit Philosophus *de Motu Animalium* (c. 6, al. 10)

et *de Incessu Animalium*: ergo cor est organum primum intrinsecum appetitus — *de Spirit. Creat.* a. 3, ad 4; *de Motu Animal.* l. 8.

RESPONDEO DICENDUM, quod *duplex* est organum appetitus: — unum intrinsecum et *primum*, et hoc est cor, ut docet Philosophus locis citatis. Quod potest esse manifestum ex his. Nam *primo*, cum appetitus moveatur a sensu, ut dictum est ibi debet esse organum appetitus, ubi est organum primi sensitivi; sed *primum sensitivum* est in corde tamquam in organo proprio, ut dictum est (supra q. 84, a. un.): ergo et in eodem erit appetitus tamquam in organo proprio. (*de Motu Animal.* l. 7 et 8.) — *Secundo*, primo movens et primo motum debent esse simul; se primo movens est appetitus, primo motu est spiritus existens in corde, ut dicit Philosophus (*de Motu Animal.* c. 6, al. 10) ergo et ibidem erit appetitus sensitivus tamquam in organo proprio. (*de Motu Animal.* l. 8.) — *Tertio*, tactus et appetitus simul esse debent; nam ad tactum sequitur delectatio vel tristitia, qui sunt actus appetitus sensitivi, ut dictum est (q. 8 et 8⁴); sed organum sive sensorium tactus est circa cor vel in corde, ut dictum est (q. 81, a. un.): ergo et ibi erit appetitus. (2. *de Anima* l. 4; 3. *de Anima* l. 16)

— *Quarto*, illud est organum appetitus sensitivi, circa quod primo contingunt passiones animalis, quarum subjectum est appetitus sensitivus; sed praedictae passiones contingunt circa cor; hoc enim in ira servet, in timore quodammodo fingeatur et constringitur: ergo cor erit organum primum appetitus sensitivi. (*Ibidem* et *de Verit.* q. 26, a. 3, c. et ad 41.)

Secundum vero organum appetitus sensitivi est quaecunque pars sensitiva, enim invenimus inest tactus et imaginatio imperfecta sive imperfecta. Quod manifestat. Nam, ut docet Philosophus *de Anima* lib. 2 (text. 20; c. 2) et 3 (text. 36; 40), pars quaecunque animalis imperfecta que decisa vivit, habet sensum et motu (nam si pungitur, se retrahit). Sed u-

est sensus, necesse est quod etiam sit phantasia; nam hæc nihil aliud est quam notus factus a sensu in actu. At ubi est phantasia, est etiam appetitus; ad sensum enim de necessitate sequitur lætitia et tristitia, sive delectatio et dolor (necesse enim est, si sensibile perceptum est conveniens, quod sit delectabile; si autem sit nocivum, quod sit dolorosum). Ubi ute[m] est dolor et delectatio, oportet quod sit desiderium et appetitus. Unde necesse est quod quæcumque pars animalis perfecti vel imperfecti etiam decisa vivit et sentit, etiam habeat appetitum, et sic appetitus sensitivus habet organum diffusum per totum corpus, sicut et sensus tactus. — 2. *de Anima* l. 4; 3. *de Anima* 16.

Et ex his patet *ad secundum argumentum*.

Ad primum ergo dicendum, quod vegetativum, sensitivum, appetitivum et motum, cum inveniantur in una et eam parte decisa animalis imperfecti, multo magis in quacunque parte continentie animalis perfecti, non distinguuntur loco secundum organa in corpore animalis, ad differentiam quarundam sentiarum particularium, puta visus, ditus aliorumque, quæ habent organa separata. Cujus ratio est, quia sensus tactus et sensus communis et appetitus sensitivus sunt sensus maxime necessarii ad constitutionem animalis; unde possunt esse secundum organa per totum corpus animalis diffusi. — 2. *de Anima* 4.

QUÆSTIO LXXXVII

DE VIRTUTE MOTIVA NATURALI.

Deinde considerandum est de virtute diva sensitiva, quæ quia duplex est, uralis et animalis, primum agemus naturali, tum de animali.

CIRCA PRIMUM QUÆRUNTUR TRIA:

1. Utrum motus cordis et arteriarum sit ab anima.
2. Utrum motus respirationis sit ab anima.
3. Quod sit organum virtutis pulsativæ et respirativæ.

ARTICULUS I

UTRUM MOTUS CORDIS ET ARTERIARUM SIT AB ANIMA.

Videtur quod motus cordis et arteriarum non sit ab anima.

1. Neque enim est ab anima vegetativa, tum quia hujus opera sunt tantum generare, alimento uti, augere et minuere; tum quia hæc etiam plantis inest; motus autem cordis animalium proprius est. Neque etiam est ab anima sensitiva vel intellectiva, quia intellectus et sensus non movent nisi mediante appetitu et apprehensione. Motus autem cordis involuntarius est. — *Opusc.* 35.

2. Sed dices, quod est ab anima ut est natura. — Contra, motus cordis est in contrarias partes, componitur enim ex pulsu et tractu; motus autem, ab anima ut natura, seu motus naturalis, est ad unam partem, ut ignis movetur tantum sursum et terra deorsum: ergo motus cordis non est ab anima. — *Ibid.*

3. Præterea, motus tractus et pulsus est violentus gravi; sed cor est grave: ergo motus illius est violentus; et per consequens non est ab anima sensitiva, nam sic esset naturalis. — *Ibid.*

4. Præterea, motus cordis fit a calido; calidum enim naturale agit continue in alimentum rarefaciendo; rarefactio autem est causa motus, et ideo continue per totam vitam animalis fit iste motus: ergo non fit ab anima. — *de Vita et Morte* l. 2 (al. *de Respir.* l. 18).

Sed contra: 1. Motus cordis in animali vel est voluntarius vel violentus vel naturalis. Sed non est voluntarius, ut dictum est; neque violentus, quia hoc subtracto

morereretur animal, nullum autem violentum conservat animal. Ergo est motus naturalis; ergo est a natura, sed non a forma inanimata; ergo erit ab anima ut est natura.

2. Præterea, hic motus et vita animalis inseparabiliter se consequuntur; ergo hic motus est maxime naturalis, et consequenter est ab anima ut a natura.

RESPONDEO DICENDUM, quod circa hanc difficultatem multiplex fuit philosophorum opinio. Nam *quidam* dicunt, hunc motum naturalem esse non ab aliqua particulari natura animali intrinseca, sed ab aliqua natura universalis, vel (etiam) intelligentia. Sed hoc ridiculum est. In omnibus enim rebus naturalibus propriæ passiones alicujus generis vel speciei aliquod principium intrinsecum consequuntur. Naturalia enim sunt, quorum principium motus in ipsis est. Nihil autem proprium magis est animalibus quam motus cordis, quo cessante perit eorum vita; sequitur igitur inesse ipsis animalibus aliquod principium talis motus. Adhuc, si aliqui motus in corporibus inferioribus ex natura universalis causantur, non semper eis adsunt, sicut in fluxu et refluxu maris patet, qui sequuntur motum lunæ, et secundum ipsum variantur; motus autem cordis semper inest animali: non est ergo a causa separata tantum, sed ab aliquo intrinseco principio.

Dicunt autem *alii* causam principalem motus cordis esse calidum alterans alimentum in corde: calor enim, inquit, per spiritum genitus movet cor. Sed hoc irrationaliter est, *primo*, quia motus cordis est *per se* animalis causa, quia motus cordis non est per accidens, sed *per se*; sed calidum non potest esse causa *per se*; calidum enim est alterare, subtiliare, resolvere, ad quæ sequitur motus: quare calidum non potest esse causa principialis motus. *Secundo*, quod sit a motu cordis, non potest esse causa motus cordis, quia idem esset causa sui ipsius, quod est impossibile, quia motus cordis est causa caliditatis, augmentatur enim calidum propter

motum cordis. *Item*, motus primus in animali est motus cordis; hoc ergo oportet esse a causa prima et *per se*; hoc non est calidum nec ejus actio, ejus enim actio est alteratio, quæ præsupponit aliud motum.

Et ideo dicendum est, quod motus cordis *per se* sit a forma animalis habentis cor. Et ratio hujus est, quia principalis operatio animalis debet attribui principali agenti; sed principalis operatio in animali est motus cordis: quare debet esse a causa principali in animali hoc est ab anima. Anima igitur est causa principalis motus cordis. Unde sicut mixtis inanimatis debetur aliquis motus, et etiam simplicibus elementis; et ferro debetur motus, quo movetur ad magnetem: ita animali. Unde animali habent perfectum cor debetur aliquis motus; hic autem est motus cordis. Et quamvis anima sit causa principalis istius motus, tamen anima agit istum motum mediante calido; sicut enim ignis calefacit formæ sua, tamen mediante caliditate, ita anima movet cor, tamen mediante calido. Anima igitur sensitiva causa est istius motus, e causa principalis. Et consequenter est etiam causa principalis motus arteriarum, nam motus cordis per venas arteriale manifestatur; et calidum est secundaria et sicut instrumentum.

Verum *quomodo* anima sensitiva si causa principalis motus cordis, investigandum est. Sciendum igitur est, quo in animali duplex est motus: (unus) qui *per apprehensionem* et appetitum, ut motus localis progressivus; alter est, qui non est *per apprehensionem* et appetitum, ut motus cordis, et etiam motus augmenti et decrementi, et motus alimenti diffusus per totum corpus, quod etiam est commune plantis. Quantum ad motus hujus secundi generis dicendum est, quod cum anima animalis non solum det id, quo est proprium sibi, seu quod convenit animali sensitivæ, ut sensitiva est, sed etiam id, quod est inferiorum formarum: sicut formæ inferiores sunt principia naturali

otus in corporibus naturalibus, ita etiam anima in corpore animalis. Unde Philosophus dicit in 2. *de Anima* (*text.* 26; c. 1), quod anima est natura talis corporis. Et propter hoc operationes animæ distinguuntur in animales et naturales: ut illæ cantur animales, quæ sunt ab anima secundum id, quod est sibi proprium, naturales autem, quæ sunt ab anima secundum quod facit effectum inferiorum formarum naturalium. Secundum hoc ergo secundum, quod sicut ignis per formam suam naturalem habet naturalem motum, ito tendit sursum; ita aliqua pars animalis, in qua primo invenitur motus, qui non est per apprehensionem, habet hunc motum naturaliter ab anima. Sicut enim ignis naturaliter movetur sursum, et sanguinis naturaliter movetur ad loca propria determinata: ita cor naturaliter moveatur motu sibi proprio, licet ad hoc etiam cooperetur resolutio spirituum facta ex sanguine, quibus cor dilatatur et contractatur, ut dicit Aristoteles, ubi agit de respiratione. Et est causa illius anima sensitiva, non quatenus agit per apprehensionem et appetitum, sed quatenus est forma et natura talis corporis, et quatenus facit effectus inferiorum formarum naturalium. — *Opusc.* 35; *Quæst. sp. de Anima* a. 9, ad 6; *de Vita et Morte* al. *de Respir.* l. 18).

Ad primum ergo dicendum, quod motus cordis, et consequenter arteriarum est ab anima sensitiva. Non tamen causatur ab illa per apprehensionem et appetitum, sed quomodo causatur motus progressivus, et causatur ab illa quatenus est forma et natura talis corporis. Propter hoc enim edici distinguunt operationes vitales ab animalibus, et dicunt, quod cessantibus operationibus animalibus remanent vitæ, — *vitales* appellantes, quæ motum cordis comitantur, quibus cessantibus cessat vita. Et quamvis motus cordis varietur secundum diversas apprehensiones affectiones animæ, non tamen hæ causantur ab alterationibus cordis, sed possumus causant eas. Unde in passionibus

animæ, puta in ira, formale est, quod est ex parte affectionis, scilicet quod sit appetitus vindictæ; materiale vero, quod pertinet ad motum cordis, puta quod sit accensio sanguinis circa cor. In rebus autem naturalibus forma non est propter materiam, sed contra, ut dicitur 2. *Phys.* (*text.* 23; c. 2); sed in materia est dispositio ad formam. Non enim propter hoc aliquis vindictam appetit, quia sanguis circa cor accenditur; sed ex hoc est aliquis ad vindictam dispositus, irascitur autem ex appetitu vindictæ. Licet igitur aliqua variatio accidat in motu cordis ex apprehensione diversa et ex diversa affectione, non tamen illa variatio motus est voluntaria, sed involuntaria, quia non fit per imperium voluntatis. Dicit Philosophus *de Motu Animalium* (c. 8, al. 11), quod multoties apparente aliquo, sed non jubente intellectu, movetur cor. — *Opusc.* 35; *de Vita et Morte* l. 2 (al. *de Respir.* l. 18); *Quæst disp. de Anima* a. 9, ad. 3.

Ad secundum dicendum, quod duo motus cordis, pulsus nimirum et tractus, qui videntur contrarii, sunt quasi partes unius motus compositi ex utroque, in quantum deficit a simplicitate motus cœli, quem imitatur in quantum est ab eodem in idem. Et sic non est inconveniens, si quodammodo sit ad contrarias partes, quia et motus circularis cœli, qui est naturalis, ut dictum est in quæstionibus *de Cœlo* (supra in Secunda Secundæ hujus operis), cuique Philosophus in 3. *de Anima* assimilat motum cordis, aliqualiter sic est. — *Opusc.* 35.

Ad tertium dicendum, quod motus cordis est naturalis, non tamen quatenus cor est grave vel leve, sed quatenus est animalium tali anima. — *Ibid.*

Ad quartum dicendum, quod calidum est causa instrumentalis, non autem principalis motus cordis, et consequenter motus arteriarum. Calidum enim cordis agens in alimentum continue adveniens rarificat ipsum et etiam resolvit; alimentum autem rarefactum et purificatum tumefactionem inducit; per hunc autem mo-

tum sit pulsus in corde. Humidum enim tumefactum elevatur usque ad ultimam tunicam cordis, et facit motum dilatationis; non potens autem ulterius progredi rexit ad interius, scilicet facta aliqua resolutione fit motus constrictiois. Et hoc fit per totam vitam animalis, quia alimentum continue advenit, ex quo fit sanguinis natura in ipso corde principaliter, ut manifeste patet consideranti generationem, quae fit a principio. Cum enim non sunt venæ distinctæ, nec membra formata, apparet sanguis in eo, et calidum naturale agit in ipsum rarefaciendo; rarefactio autem est causa motus pulsus; et ideo continue fit per totam vitam animalis talis motus. — Est etiam anima consequenter causa principalis, et calidum instrumentalis motus arteriarum. Ex eo enim quod motus cordis sit in eo, propter resolutionem spiritus ex alimento moto usque ad tunicam exteriorem, accidit omnes venas moveri, quia omnes venæ ortum habent ex corde; movetur autem pars superior cordis, ex qua venæ ortum habent: quare venæ moventur simul, quando illa pars movetur. — *de Vita et Morte* I. 1 et 2, al. *de Respir.* I. 17 et 18.

ARTICULUS II

UTRUM MOTUS RESPIRATIONIS SIT AB ANIMA.

Videtur quod motus respirationis non sit ab anima.

1. Dicit enim Philosophus libro *de Respir.* (c. 4, al. c. 1), quod multa animalia non respirant; sed si talis motus esset ab anima sensitiva, omnia animalia respiratione: ergo talis motus non est ab anima sensitiva. — *de Respir.* I. 4, al. 6.

2. Præterea, exspiratio et inspiratio causantur ex calido augmentato, ut dicit Philosophus *de Respir.* (c. ult.): non ergo ab anima sensitiva. — *de Respir.* I. ult.

Sed contra est, quod motus respirationis est motus naturalis et vitalis; sed talis motus est in animali ab anima: ergo.

RESPONDIO DICENDUM, quod respiratio fit

ab anima sensitiva, cum sola animal inspirant et exspirent, ut dicit Philosophus I. *Poster.* (text. 30; c. 13), ut dictum est (supra in Logica q. 23, a. 2), et talis motus sit naturalis et vitalis. Est enim necessarius animali, quia sine illo vive non potest; nam licet non sit causa vita est tamen concusa, in quantum cooperatur ad temperamentum caloris naturalis, sine quo non est vita. (5. *Metaphy.* I. 6, al. 5.) Est autem anima principium talis motus originaliter mediante vi vita existente in corde, ut dicit Philosophus (*de Somno et Vigilia* c. 3, al. 2). Cor enim est principium refrigerationis, quae fit per attractionem; pulmo tamen est proximum instrumentum respirationis. Cum enim motus respirationis fiat propter augmentationem calidi ex humido in illa parte in qua est primum principium nutritivum partis animæ, puta in corde — sicut enim aliæ partes indigent nutrimento, similiter et cor, et plus, quia cor est causa alimentis; ex corde enim mittitur sanguis. cetera membra, ex quo nutriuntur, quae et ipsum nutritur, et magis; — calidus augmentato in corde primo movetur et per dilatationem; deinde pulmo, qui contractionem habet ad cor; pulmone autem elevato et dilatato, necesse est moveri pectus (cum enim pulmo movetur, contigit partes propinquas moveri, et propter pectus); et consequenter necesse est intrare aerem frigidum, qui sua frigiditas mitigat excessum caliditatis. Et sic patet a quo causetur motus respirationis, quomodo in animalibus pulmonem habentes fiat. — *Opusc.* 43, c. 5; *de Somno et Vigilia* I. 4; *de Juvent. et Senect.* I. (al. *de Respir.* I. 3); *de Vita et Morte* I. (al. *de Respir.* I. 18).

Ad primum ergo dicendum, quod immediata causa respirationis, ut dictum est (in c., et in Logica q. 23, a. 2), non est animalitas, sed habere pulmonem.

Ad secundum dicendum, quod calor naturalis est instrumentum respirationis; autem vitalis est proximum principium; anima vero est principium prime

ale. — *Opusc.* 43, c. 5; *de Vita et Morte*
2 (al. *de Respir.* l. ult.)

ARTICULUS III

UTRUM ORGANUM VIRTUTIS PULSATIVÆ ET
RESPIRATIVÆ SIT COR.

Videtur quod organum virtutis pulsati-
væ et respirativæ non sit cor.

1. Motus enim pulsus etiam appareat in
arteriis; sed organum motus est ejus sub-
iectum: ergo organum virtutis pulsati-
væ non est cor. — *Opusc.* 35; et 43, c. 5.

2. Præterea, si cor esset organum virtutis
respirativæ, omnia animalia cor ha-
bentia respirarent; sed hoc est falsum;
nam quæ habent cor et carent pulmone,
non respirant, ut dictum est (art. præced.)
Ex Philosopho: ergo cor non est organum
virtutis respirativæ.

Sed contra est, quod virtus pulsativa
et respirativa est vitalis; ergo debet esse
in illa parte, quæ primo vivit, et quæ est
causa vitæ omnibus animalibus; hæc au-
tem est cor: ergo cor est organum virtutis
pulsativæ et respirativæ. — *Opusc.*
35; et 43, c. 5; *de Vita et Morte* l. 2 (al.
de Respir. l. 18).

RESPONDEO DICENDUM, quod virtutis pul-
sativæ immediatum et principale organum
est cor; nam primo appareat in ipso
corde motus. Secundarium vero sunt venæ
pulsatiles. Calidum enim cordis subtilians
instrumentum est instrumentalis causa mo-
tus cordis, ut dictum est; ex motu autem
cordis, a quo venæ pulsatiles oriuntur,
procedit illarum motus, ut etiam dictum
est. Et sic pulsus primo manifestatur in
corde; deinde in arteriis seu venis pul-
satilibus, quæ ex corde ducunt originem;
deinde et subjectum motus pulsus, sed se-
condarium sunt prædictæ venæ. Quoniam
vero ex eodem calido augmentato ex hu-
ido in corde, in quo est primum prin-
cium nutritivæ partis, secundario mo-
tetur et elevatur pulmo, et per conse-
quens pectus, in cuius elevatione et de-
pressione consistit formaliter motus in-

spirationis et exspirationis, ut dictum est
— nam sic intrat aer frigidus calorem
cordis temperans, vel exit calefactus a
calore cordis; — ideo organum respirationis
principale est pulmo, ut dictum est,
sicuti cor est organum primum et prin-
cipale pulsus. — *de Juvent. et Senect.* l. 3
(al. *de Respir.* l. 3); *de Vita et Morte* l. 2
(al. *de Respir.* l. 18); 1a 2æ, q. 17, a. 9,
ad 2.

Ad primum ergo dicendum, quod mo-
tus pulsus primario est in corde, secun-
dario vero manifestatur in arteriis seu
venis pulsatilibus, ut dictum est (in c. et
art. præced.).

Ad secundum dicendum, quod cor est
origo motus respirationis; sed instru-
mentum proprium talis motus est pulmo,
ut dictum est (in c.).

QUÆSTIO LXXXVIII

DE VIRTUTE MOTIVA ANIMALIS.

Deinde considerandum est de virtute
motiva animalis.

CIRCA QUAM QUÆRUNTUR DUO :

1. Utrum virtus motiva animalis sit potentia
distincta ab aliis potentis sensitivis.
2. Utrum organum potentiae motivæ sint nervi
et musculi.

ARTICULUS I

UTRUM VIRTUS MOTIVA ANIMALIS SIT POTEN-
TIA DISTINCTA AB ALIIS POTENTIIS SENSI-
TIVIS.

Videtur quod virtus motiva animalis
non sit potentia distincta ab aliis poten-
tiis sensitivis.

1. Philosophus enim libro *de Motu Ani-
mal.* et 3. *de Anima* (text. 54; c. 10) in-
ter moven'ia tantum ponit objectum et
appetitum; ergo potentia motiva non di-
stinguitur ab appetitu. — *de Motu Ani-
mal.* per totum librum; 3. *de Anima* l. 15.

2. Præterea, Philosophus 3. *de Anima text.* 48 (c. 10) docet principia motus localis esse phantasiam seu sensum, intellectum, et appetitum; et *text.* 52 inter quinque potentias animæ non numerat potentiam motivam, ergo quia vis motiva non est distincta potentia ab aliis; nam principium motus localis nihil aliud est quam potentia motiva. — 3. *de Anima* l. 15; *Quæst. disp. de Anima* a. 13, arg. 13.

3. Præterea, in angelis potentia motiva non distinguitur ab intellectu et voluntate; ergo nec in homine saltem distinguetur potentia motiva ab aliis potentiis sensitivis. — *Quodl.* 6, a. 2, in c.

Sed contra est, quod Philosophus (2. *de Anima text.* 27; c. 3) numerat potentiam motivam tamquam distinctam ab aliis, cum ait esse quinque genera potentiarum, vegetativum, sensitivum, motivum secundum locum, appetitivum, intellectivum. — 2. *de Anima* l. 5.

RESPONDEO DICENDUM, quod potentia motiva animalis est distincta ab omnibus aliis potentiis, ut manifeste patet discurrendo per singulas. Non enim est potentia *vegetativa*, quia hæc inest plantis, quibus non inest motus localis progressivus. Præterea, hic est propter aliquid imaginatum et desideratum; phantasia autem et appetitus non competit parti vegetativæ. — Neque est potentia *sensitiva*, quia hæc inest omnibus animalibus perfectis, quæ scilicet possunt sibi simile generare; at multa animalia hujusmodi, qualia sunt immobilia, quæ quia sunt perfecta in sua specie, possunt sibi simile generare, et habent debitum augmentum et decrementum, quod non inest animalibus orbatis et monstruosis, carent potentia motiva. Unde necesse est quod hæc sit distincta a sensu.

Verum quia potentia motiva in animalibus perfectis, quæ moventur motu progressivo, movet per apprehensionem — est enim talis motus, ut dictum est, propter imaginatum et desideratum; — ideo triplex est potentia motiva animalis; nam quædam movet per modum dirigenlis,

quædam vero per modum imperantis, quædam per modum exsequentis. Motivæ per modum dirigenlis sunt phantasia et aestimativa, in quantum appetitui ostendunt formam vel intentionem convenientem vel inconvenientem: phantasia, ostendendo formas sensibiles; aestimativa, ostendendo intentiones. Motivæ autem imperantes motum sunt appetitus concupisibilis et irascibilis, quæ sunt partes appetitus sensitivi: concupisibilis enim est vis imperans motum, ut appropinquet ad ea, quæ putantur necessaria vel utilia, et hoc appetitu delectandi; irascibilis autem est vis imperans motum ad repellendum id, quod putatur nocivum vel corrumptens, et hoc appetitu vindicandi vevincendi. Vis autem exsequens motum localem progressivum est vis exterior diffusa in musculis et nervis. — Et hæc es distincta potentia a ceteris potentiis, ut patet tum ex diversis organis, ex quibus etiam distinguuntur potentiae, ut dictum est; tum ex diversitate actus et objecti ex quibus distinguuntur potentiae inter se ut dicitur 2. *de Anima* (*text.* 33; c. 4). Cum enim potentia secundum id quod es ordinetur ad actum, oportet rationem potentiae accipere ex actu, ad quem ordinatur; unde ubi diversificatur ratio actus oportet quo I diversificetur ratio potentiae. Ratio autem actus diversificatur secundum diversam rationem objecti, ut dicitur in eo lem. Actus enim potentiae activæ comparatur ad objectum ut ad terminum effinem ejus, ut actionis augmentativæ fini et terminus est ipsum quantum; actu autem potentiae passivæ comparatur ad objectum ut ad principium activum, ut visus ad colorem; ex principio autem effine omnis actus recipit speciem. — Und palet, quod potentiae distinguuntur per actus et objecta.

Quod ergo potentia motiva utroque modo distinguatur ab aliis potentiis et e contra, manifestum est, quia vegetare, sentire, intelligere, appetere, movere sunt diversi actus respectu diversorum objectorum: — quia vegetare est quanti et cor-

corporis uniti, ut objecti; vegetativum enim non nutrit nisi corpus sibi unitum; — sentire autem est *qualis* seu corporis sensitibilis sive uniti sive non, ut objecti; sensitivum enim respicit corpus sensibile, sive sit unitum sive non; — *intelligere* est *quidditatis rei*, ut objecti; intellectivum enim respicit generaliter omne ens, quia omne ens est intelligibile. Et sic habentur res animæ potentiae acceptae secundum quod res conjungitur ipsi animæ. — Secundum quod vero e contrario anima conjugitur ipsis rebus, ex diversitate actuum et objectorum habentur duæ aliae potentiae, puta motiva et appetitiva: quia secundum quod anima inclinatur ad rem extrinsecam ut ad finem, qui est principium in intentione, accipitur appetitivum. Secundum quod vero inclinatur ad rem extra ut in terminum sive operationis sive motus, accipitur motivum secundum locum. — 3. de *Anima* l. 14; Opusc. 43, c. 5 et 1; Quodl. 9, a. 11; 1a, q. 75, a. 3, ad 3.

Ad primum ergo dicendum, quod virtus motiva exsequens motum proprius est potius dispositio mobilis, qua natum est moveri ab appetibili, quam sit per se movens. — *Vel dic*, quod objectum est movens non motum, appetitus autem est movens motum; movet autem imperando, sed non exsequendo motum localem, sicut facit vis motiva. — de *Pot.* q. 3, a. 11, ad 20; 3. de *Anima* l. 15.

Ad secundum dicendum et *text.* 48, 3. de *Anima*, quod intellectus et appetitus movent sicut imperantes motum; sed importet esse potentiam motivam, quæ motum exsequatur, secundum quam membra sequantur imperium appetitus et intellectus vel sensus. Ad *text.* 52 dicendum, quod alibi Philosophus enumerat inter potentias animæ vim motivam, ut dictum est; textu autem citato non erat institutum Philosopho enumerare exacte omnes potentias, sed tantum ostendere plures esse potentias, quam quæ ponebantur ab antiquis. — Quæst. disp. de *Anima* a. 13; 3. de *Anima* l. 15.

Ad tertium dicendum, quod alia est

ratio angeli, alia animæ vel rationalis corpori conjunctæ vel sensitivæ, ut dictum est (supra q. 31, a. 4, ad 3).

ARTICULUS II

UTRUM ORGANUM POTENTIÆ MOTIVÆ SINT MUSCULI ET NERVI.

Videtur quod organum potentiae motivæ animalis non sint musculi et nervi.

1. Dicit enim Philosophus (3. de *Anima* text. 55; c. 10), quod cor est organum motus localis; ergo non sunt nervi et musculi. — 3. de *Anima* l. 15.

2. Præterea, illud est primum principium movens organice animal, quod est immobile, et quod est principium et finis, ut dicit Philosophus (3. de *Anima* text. 55; c. 10); sed hæc conditiones convenient cordi, ut dicit Philosophus (ibidem): ergo. — *Ibid.*

Sed contra est, quod organum motus localis est id, per quod exercetur motus, ut dictum est (supra q. 74, a. 1) ex Philosopho; sed exercetur motus localis per operationem muscularum et nervorum, ut patet: ergo organum motus localis sunt musculi et nervi. — Quodl. 9, a. 11; Opusc. 43, c. 5.

RESPONDEO DICENDUM, quod sicut dictum est, virtus motiva sensitiva duplex est: una naturalis, altera animalis. *Naturalis est*, quæ non movet per apprehensionem nec est subjecta imperio rationis, et talis est virtus vitalis et pulsativa, quæ movet arterias seu venas pulsates et cor secundum dilatationem et constrictiōnem. Et hujusmodi est in corde sicut in proprio organo. Unde solum habet esse in animalibus perfectis pulmonem et cor habentibus. Et hæc vis per inspirationem et exspirationem est principium contemplandi calorem cordis et corporis. — Motiva vero *animalis*, quæ motum exercet præsupposita apprehensione, est in muscularis et lacertis et nervis tamquam in proprio organo. Ut enim dictum est (q. 74, a. 1) ex Philosopho (2. de *Partibus*

Animal. c. 4), organum proprie est instrumentum, per quod exerceatur actio; motus autem localis progressivus exerceatur per prædictas partes. Quia tamen motus localis animalis habet pro suo primo principio cor — quia *sicut* in his, quæ ad intellectum et voluntatem pertinent, primum invenitur id, quod est secundum naturam, ex quo alia derivantur: ut a cognitione principiorum naturaliter notorum cognitio conclusio-
num; et a voluntate finis naturaliter desiderati derivatur electio eorum, quæ sunt ad finem; *ita* in corporalibus motibus principium motus localis est a motu cordis, qui est secundum naturam et non secundum voluntatem; — propterea cor erit primum principium omnis motus localis animalis. *Opusc.* 43, c. 5; 1a 2æ, q. 17, a. 9, ad 2.

Ad primum ergo dicendum, quod cor est organum primi motus localis, a quo tamquam primo principio derivatur motus localis totius animalis, ut dictum est (in c.).

Ad secundum dicendum, quod illæ proprietates sunt principii et organi primi motus localis, qui est motus cordis, unde derivatur omnis motus localis animalis, ut dictum est (in c.). — 1a 2æ, q. 17, a. 9, ad 2; 3. *de Anima* I. 15; *de Motu Animal.* I. 7, 8, 9.

QUÆSTIO LXXXIX

DE ANIMA RATIONALIS PRODUCTIONE.

Deinde considerandum est de anima rationali. Erit autem haec consideratio in quinque partes distributa: nam primum agemus de animæ rationalis productione, deinde de illius substantia, tum de unione ad corpus, postea de proprietatibus, postremo de potentiis.

CIRCA PRIMUM QUÆRUNTUR QUINTA:

1. Utrum anima rationalis sit de substantia Dei vel aliiquid factum.
2. Utrum traducatur ex parentibus seu causetur ex semine.
3. Utrum producatur a Deo per creationem.
4. Utrum producatur a Deo mediantibus angelis.
5. Utrum sit producta ante corpus.

ARTICULUS I

UTRUM ANIMA RATIONALIS SIT DE SUBSTANTIA DEI VEL ALIQUID FACTUM.

Videtur quod anima rationalis non sit facta, sed sit ex substantia Dei.

1. Dicit enim Philosophus 10. *Eth.* (c. 8, al. 9), quod anima rationalis convenit in operatione intellectus cum Deo; cum autem naturalis operatio consequatur naturam, oportet ea, quæ in operatione convenient, in natura vel essentia con- venire: ergo anima rationalis communica et cum Deo in essentia. — 2. *Sent.* dist 17, q. 1, a. 1, arg. 3.

2. Præterea, omne quod intelligitur intelligitur per similitudinem vel identitatem; oportet enim quod intellectus in actu sit intellectum in actu — quo non contingit, nisi vel quia sunt idem per essentiam, sicut Deus seipsum intellicit; vel quia similitudo intellecti recipitur in intelligentie ut perfectio ejus — sed intellectus noster intelligit Deum hoc autem esse non potest per similitudinem abstractam ab illo, quia a simplissimo nihil potest abstrahiri: ergo oportet quod intelligat ipsum per identitatem et sic erit idem per essentiam Deus et anima rationalis. — *Ibid.* arg. 4.

3. Præterea, anima est forma simplex ut supra habitum est; sed forma est actus: ergo anima est actus purus, qui est solus Dei; ergo anima rationalis est de substantia Dei. — 1a, q. 90, 1, arg. 2.

4. Præterea, quacunque sunt, et nu-

modo differunt, sunt idem; sed Deus et anima rationalis sunt, et nullo modo differunt: quia oporteret quod aliquibus differentiis differrent, et sic essent composita: ergo Deus et anima rationalis idem sunt. — 1a, l. c. arg. 3.

Sed contra est, quod omne illud, ex quo fit aliquid, aliquo modo mutatur et est in potentia ad id, quod fit ex eo; sed substantia Dei est omnino immutabilis, et non est in potentia ad aliquid, cum actus purus: ergo impossibile est quod ex substantia Dei fiat anima rationalis. — 2. c. *Gent.* c. 85, arg. 2 et 3.

RESPONDEO DICENDUM, quod dicere animam rationalem esse de substantia Dei manifestam impossibilitatem continet. Anima enim humana est quandoque intelligens in potentia, et scientiam quomodo a rebus acquirit, et habet diversas potentias, ut dictum est: quæ omnino aliena sunt a Dei natura, qui est actus purus, et nihil ab alio accipiens, et nullam in se diversitatem habens. — Sed sic error principium habuisse videtur ex quibus positionibus antiquorum. Primo enim ii, qui naturas rerum considerare ceperunt, imaginationem transcendere non valentes, nihil praeter corpora esse posuerunt; et ideo dicebant Deum esse quoddam corpus, quod aliorum corporum indicabant esse principium. Et quia animam ponebant esse de natura illius corporis, quod dicebant esse principium, ut dicitur in 1. *de Anima* (*text.* 20; c. 2); per consequens sequebatur, quod anima esset de substantia Dei. Juxta quam positioem etiam Manichæi Deum esse quoniam lucem corpoream existimantes, quandam partem illius lucis animam esse posuerunt corpori alligatam. — Secundo vero processum fuit ad hoc, quod aliqui aliquid incorporeum esse apprehenderunt non sicut a corpore separatum, sed corporis formam. Unde et arro dixit, quod Deus est anima mundum intuitu vel motu et ratione gubernans, ut Augustinus narrat in 4. *de Cibis Dei* (c. 31, n. 2; — Migne PP. Lat.

t. 41, col. 138). Sic igitur illius totalis animæ partem aliqui posuerunt animam hominis, sicut homo est pars totius mundi; non valentes intellectu pertingere ad distinguendos spiritualium substantiarum gradus, nisi secundum distinctiones corporum. — Hæc autem omnia impossibilia sunt, ut per se patet. Unde manifeste falsum est, animam esse de substantia Dei. — 1a, q. 90, a. 1, c.; 2. c. *Gent.* c. 85; 2. *Sent.* dist. 17, q. 1, a. 1, c.

Ad primum ergo dicendum, quod cum anima non habeat eandem operationem numero, quam Deus habet, sed similem, non sequitur, quod habeat eandem naturam, sed similem; nec ex tali similitudine unitas essentiæ concludi potest. — 2. *Sent.* l. c. ad 3.

Ad secundum dicendum, quod intellectus creatus intelligit Deum non per identitatem naturæ, sed per unionem ad ipsum; quæ est *ve* per aliquam similitudinem non quidem abstractam, sed effluxam a Deo in intellectum — et hunc modum intelligendi vocat Avicenna (*de Intelligentiis* c. 4) per impressionem, dicens intelligentias esse in nobis ex hoc, quod impressiones earum in nobis sunt; — *vel* per unionem ad ipsam essentiam lucis increatae, sicut erit in patria. — *Ibid.* ad 4.

Ad tertium dicendum, quod anima rationalis, etsi sit forma simplex secundum suam essentiam, non tamen est secundum suum esse, sed est ens per participationem, ut dictum est; et ideo non est actus purus sicut Deus. — 1a, q. 90, a. 1, ad 2.

Ad quartum dicendum, quod differens proprie acceptum aliquo differt. Unde ibi queritur differentia, ubi est convenientia: et propter hoc oportet differentia esse composita quodammodo, cum in aliquo differant et in aliquo convenient; sed secundum hoc, licet omne differens sit diversum, non tamen omne diversum est differens, ut dicitur 10. *Metaphys.* (*text.* 25 et 26; l. 9, c. 10); nam simplicia diversa sunt se ipsis, non autem differunt aliquibus differentiis, ex quibus

componantur : sicut homo et equus differunt rationali et irrationali differentia, de quibus non est dicere, quod ultius aliis differentiis differant. — 1a, l. c. ad 3.

ARTICULUS II

UTRUM ANIMA RATIONALIS TRADUCATUR EX PARENTIBUS SEU CAUSETUR EX SEMINE.

Videtur quod anima rationalis traducatur ex parentibus, et consequenter causetur ex semine.

1. In omni enim generatione univoca generans dat speciem suam generato, quia agens et finis generationis coincidunt in idem specie, ut in 2. *Phys. (text. 70; c. 7)* dicitur; sed cum homo ex homine procedit, est generatio univoca : ergo cum homo speciem habeat ex anima rationali, videtur quod animam rationalem ex parentibus recipiat. — 2. *Sent. dist. 18, q. 2, a. 1, arg. 4; 1a, q. 118, a. 2, arg. 4; 2. c. Gent. c. 88, n. 4.*

2. Præterea, unum et idem agens est, cuius actio terminatur ad formam et ad materiam ; alioqui ex materia et forma non fieret unum simpliciter ; sed anima intellectiva est forma corporis humani, quod formatur per virtutem seminis : ergo et anima intellectiva per virtutem seminis causabitur. — 1a, l. c. arg. 3; 2. *Sent. l. c. arg. 5; 2. c. Gent. c. 88, n. 3.*

3. Præterea, in homine est una et eadem anima secundum substantiam intellectiva, sensitiva et nutritiva ; sed anima sensitiva in homine generatur ex semine sicut in aliis animalibus — unde et Philosophus dicit in libris *de Generat. Animal.* (l. 2, c. 3), quod non simul fit animal et homo, sed prius fit animal habens animam sensitivam — : ergo et anima intellectiva causabitur ex semine. — 1a, l. c. arg. 2; 2. *c. Gent. c. 88, n. 8.*

4. Præterea, imperfecta videtur esse

operatio agentis, qui non totam rem in esse producit, sed solum ejus alteram partem ; si igitur Deus animam in esse produceret, corpus vero virtute seminis formaretur, quæ duæ sunt partes unius, scilicet hominis, utriusque operatio, scilicet Dei et seminativæ virtutis, imperfecta videretur : ab una igitur et eadem causa producitur anima et corpus hominis ; sed constat virtute seminis produci corpus : ergo et producetur anima. — 2. c. *Gent. c. 88, n. 7.*

5. Præterea, perfectum unumquodque est, ut dicitur 4. *Meteorol.* (c. 4), quando sibi simile potest producere ; cum ergo anima rationalis sit perfectior omnibus formis naturalibus, videtur quod, cum virtute aliarum formarum ex semine educantur in actu similes formæ, multe fortius anima rationalis hoc possit facere. — 2. *Sent. l. c. arg. 6.*

Sed contra est : 1. quod Philosophus 2 *de Generat. Animal.* (c. 3) dicit, quod intellectus ab extrinseco est, et in lib. *de Proprietatibus Elementorum* dicit, quod innato (1) sit spiritus vitæ jussu Dei ; et ita videtur quod non traducatur a patre. — 2. *Sent. dist. 18, q. 2, a. 1, arg. 4. Sent. contra.*

2. Præterea, omnis forma, quæ exit in esse per virtutem seminis ex generante educitur de potentia materiæ, ut dicitur 7. *Metaphys. (text. 22; l. 6, c. 7)*; se anima rationalis non potest educi de potentia materiæ; nam formæ, quarum operationes non sunt cum corpore, non possunt de materia corporali educi ; ejusmodi autem est anima rationalis : ergo anima rationalis non potest causari ex semine nec traduci ex parentibus. — 1. *Pot. q. 3, a. 9, c.*

3. Præterea, si generatio alicuius est causa, quod aliquid sit, corruptio ejus est causa, quod illud esse desinat ; sed corruptio corporis non est causa, quod anima rationalis esse desinat, cum sit immortalis, ut dicit Philosophus 12. *Met.*

(1) *Al. & innatus.*

phys. (*text.* 17; *l.* 11, *c.* 4). Neque igitur generatio corporis est causa, quod anima incipiat esse, sed traductio seminis est causa propria generationis corporis; non est igitur traductio seminis causa generationis animæ in esse. — 2. *c. Gent.* *c.* 88; *c.* 79.

RESPONDEO DICENDUM, quod impossibile est virtutem activam, quæ est in materia, extendere suam actionem ad producendum immateriale effectum. Manifestum est autem, quod principium intellectivum in homine est principium transcendens materiam; habet enim operationem, in qua non communicat corpus: et ideo impossibile est, quod virtus, quæ est in semine, sit productiva intellectivi principii. Similiter etiam, quia virtus, quæ est in semine, agit in virtute animæ generantis, secundum quod anima generantis est actus corporis utens ipso corpore in sua operatione; in operatione autem intellectus non communicat corpus: ideo virtus intellectivi principii, prout intellectivum est, non potest ad eumen pervenire. Et ideo Philosophus in libris *de Generat. Animal.* (*l.* 2, *c.* 3) dicit: « relinquitur intellectum solum deforis advenire ». Similiter etiam anima intellectiva, cum habeat operationem vitæ sine corpore, est subsistens, et ita sibi debetur esse et fieri; et cum sit immaterialis substantia, non potest causari generationem. Quare ponere animam rationalem a generante causari, nihil est aliud quam ponere eam non subsistensem, et corruptibilem; quæ fidei nostræ erogant, et ideo hæreticum est dicere, quod anima intellectiva traducatur cum semine. — 1a, *q.* 118, *a.* 2, *c.*; 2. *c. Gent.* *c.* 88, 89; 2. *Sent.* *dist.* 18, *q.* 2, *a.* 1, *c.*; *de Pot.* *q.* 3, *a.* 9.

Ad primum ergo dicendum, quod hoc, quod agens agat sibi simile, contingit dulciter: *aut* quia forma, secundum quam similitudo attenditur, per actionem de potentia in actum educitur; *aut* quia per actionem disponitur materia, ut sit necessitas ad receptionem formæ. — Et primus

modus est quoad omnes in formis accidentalibus; secundus autem est etiam in formis substantialibus secundum Avicennam (*Metaphys.* *tr. act.* 9, *c.* 4), quia ipse vult omnes formas substantiales esse a principio separato; sed secundum Aristotelem et Commentatorem formæ substantiales materiales pertinent ad primum modum, et anima rationalis ad secundum. Et hic modus sufficit ad hoc, quod agens agat sibi simile, quia non proprie forma generat, sed compositum. Unde sufficienter homo dicitur generare sibi simile, si per virtutem seminis ejus disponatur materia ad susceptionem talis formæ. — 1a, *l.* *c.* ad 4; 2. *Sent.* *l.* *c.* ad 4.

Ad secundum dicendum, quod ratio illa procedit de diversis agentibus non ordinatis, scilicet quorum unum non operatur in altero; sed in ipsa operatione naturæ operatur Deus: unde non est inconveniens, quod actio ejus pertingat ad aliquem terminum, in quem non se extendit actio formativæ virtutis; sic enim ipse Deus in natura operans etiam organizationem corporis facit: unde est quasi actio continua reducta in unum agens, et quæ terminatur ad ultimam dispositionem subjecti, et quæ terminatur ad formam; quamvis quantum ad primum cooperetur sibi natura, et non quantum ad secundum. — 1a, *l.* *c.* ad 3; 2. *Sent.* *l.* *c.* ad 5.

Ad tertium dicendum, quod aliqui dixerunt, quod operationes vitæ, quæ apparent in embrione, non sunt ab anima ejus, sed ab anima matris, vel a virtute formativa quæ est in semine; quorum utrumque est faslum: opera enim vitæ non possunt esse a principio extrinseco, sicut sentire, nutriti et augeri. Et ideo dicendum est, quod anima præexistit in embrione, a principio quidem nutritiva, postea vero sensitiva, et tandem intellectiva.

Dicunt ergo *quidam*, quod supra animam vegetabilem, quæ primo inerat, supervenit alia anima, quæ est sensitiva; super illam iterum alia, quæ est intellectiva: et sic sunt in homine tres animæ,

quarum una est in potentia ad aliam. — Sed hoc dici non potest, cum in eodem composito non possit esse nisi una forma substantialis, ut supra probatum est.

Et ideo *alii* dicunt, quod illa eadem anima, quæ primo fuit vegetativa tantum; postea per actionem virtutis, quæ est in semine, perducitur ad hoc, ut ipsa eadem fiat sensitiva; et tandem ipsa eadem perducitur ad hoc, ut fiat intellectiva, non quidem per virtutem activam semi-nis, sed per virtutem superioris agentis, scilicet Dei desoris illustrantis: et propter hoc dicit Philosophus (2. de *Generat.* c. 3), quod intellectus venit ab extrin-seco. — Sed hoc stare non potest: *primo*, quia nulla forma substantialis recipit magis et minus, sed superadditio majoris perfectionis facit aliam speciem, sicut additio unitatis facit aliam speciem in numeris; non est autem possibile, quod una et eadem forma numero sit diver-saruin specierum. *Secundo*, quia seque-retur, quod generatio animalis esset motus continuus paulatim procedens de imper-fecto ad perfectum, sicut accidit in altera-tione. *Tertio*, quia sequeretur, quod gene-ratio hominis aut animalis non sit gene-ratio simpliciter, quia subjectum ejus es-set ens actu: si enim a principio in mate-ria prolis est anima vegetabilis, et postea usque ad perfectum paulatim perducitur, erit semper additio perfectionis sequentis sine corruptione perfectionis praecedentis, quod est contra rationem generationis simpliciter. *Quarto*, quia — *aut* id, quod causatur ex actione Dei, est aliquid subsistens; et ita oportet quod sit aliud per essentiam a forma præexistente, quæ non erat subsistens; et sic redibit opinio ponentium plures animas in corpore; — *aut* non est aliquid subsistens, sed quedam perfectio animæ præexistentis; et sic ex necessitate sequitur, quod anima intellec-tiva corrumpatur corrupto corpore; quod est impossibile.

Et ideo dicendum est, quod, cum gene-ratio unius semper sit corruptio alterius, necesse est dicere, quod tam in homine

quam in aliis animalibus quando perfe-ctor forma advenit, sit corruptio prioris: ita tamen, quod sequens forma habet quid-quid habet prima, et adhuc amplius. Et sic per multas generationes et corruptio-nes pervenitur ad ultimam formam sub-stantialem, tam in homine quam in aliis animalibus. Et hoc ad sensum apparet in animalibus ex putrefactione genitis. Sic igitur dicendum est, quod anima ratio-nalis producitur a Deo in fine generationis humanæ, quæ simul est sensitiva et nu-tritiva, corruptis formis præexistentibus. — 1a, l. c. ad 2; 2. c. *Gent.* c. 88 et 89.

Ad quartum dicendum, quod virtute Dei producitur et anima et corpus, licet for-matio corporis sit ab eo mediante virtute seminis naturalis, animam autem imme-diate producat. Neque sequitur, quod actio virtutis seminis sit imperfecta, cum perficiat hoc, ad quod est. — 2. c. *Gent.* c. 89, ad 7.

Ad quintum dicendum, quod anima rationalis nec ex materia composita est, nec est forma materialis, quasi in materia impressa; et ideo non potest produci ab aliquo agente, quod accidentalem causal-itatem habeat ad ipsam ex parte materiae, quæ inducit ad formam, sicut est in aliis formis materialibus; sed oportet quod producatur a principio, quod causalitatem essentialiem habet respectu essentiae ejus; et hoc non potest esse unius speciei. — 2. *Sent.* l. c. ad 6.

ARTICULUS III

UTRUM ANIMA RATIONALIS PRODUCATUR A DEO PER CREATIONEM.

Videtur quod anima rationalis non pro-ducatur a Deo per creationem.

1. Omnis enim actus materiae alicuiu-videtur educi de potentia materie; cum enim materia sit in potentia ad actum, actus quilibet præexistit in materia in potentia; sed anima est actus materie corporalis, ut ex ejus definitione apparet. ergo anima educitur de potentia materie,

sic non creatur. — 1a, q. 90, a. 2, arg.

2. Præterea, anima est forma quædam; igitur anima fit per creationem, paratione omnes aliæ formæ; et sic nulla forma exibit in esse per generationem; quod est inconveniens. — *Ibid.* arg. 3.

3. Præterea, quod in se habet aliquid materiale, fit ex materia; sed anima habet se aliquid materiale, cum non sit actus unus: ergo anima rationalis est facta ex materia, et sic non est creata, nec per creationem producitur. — *Ibid.* arg. 1.

4. Præterea, inconveniens est dicere, quod Deus cooperetur peccantibus; sed si animæ rationales a Deo crearentur, Deus interdum cooperaretur peccantibus, causa adulteris, de quorum illico coitu roles interdum generatur: non ergo animæ rationales a Deo producuntur per creationem. — 1a, q. 118, a. 2, arg. 5.

Sed contra est: 1. quod quidquid producitur in esse, vel generatur per se, vel per accidens, vel creatur; sed anima rationalis *neque* generatur *per se*: quia non est composita ex materia et forma, cum sit forma simplex, sicut et quælibet anima, ut probatum est; *neque per accidens*, quia cum sit forma corporis, generatur per corporis generationem, quæ est ex virtute activa seminis, quod improbatum est. Cum ergo anima de novo incipiat esse, cum non sit æterna nec præexistat corpori, relinquitur quod exeat in esse per creationem; solus autem Deus potest creare: ergo anima rationalis a Deo producitur per creationem. — 2. c. *Gent.* c. 7.

2. Præterea, eorum, quæ sunt unius generis, idem est modus prodeundi inesse; sed anima est de genere substantiarum intellectualium, quæ non possunt iter intelligi produci in esse nisi per aliam creationis: ergo anima rationalis exicit in esse per creationem. — *Ibid.*

RESPONDEO DICENDUM, quod anima rationalis non potest fieri nisi per creationem, quod non est verum de aliis formis. Quæratio ratio est, quia cum *fieri* sit via ad

esse, hoc modo alicui competit fieri, sicut competit ei *esse*. Illud autem propriæ dicitur *esse*, quod ipsum habet *esse*, quasi in suo *esse* subsistens. Unde solæ substantiæ proprie et vere dicuntur entia; accidens vero non habet *esse*, sed eo aliquid est, et hac ratione ens dicitur: sicut albedo dicitur ens, quia ea aliquid est album. — Et propter hoc dicitur in 7. *Metaphys.* (*text.* 2 et 3; l. 6, c. 1), quod accidens dicitur magis entis quam ens. Et eadem ratio est de omnibus aliis formis non subsistentibus. Et ideo nulli formæ non subsistenti proprie convenit fieri, sed dicuntur fieri per hoc, quod composita subsistentia fiunt. Anima autem rationalis est forma subsistens, cum corrupto corpore remaneat; unde illi proprie convenit *esse* et fieri. Et quia non potest fieri ex materia præjacenti neque corporea (quia sic esset naturæ corporeæ) neque spirituali (quia sic substantiæ spirituales invicem transmutarentur); necesse est dicere, quod non fiat nisi per creationem. — 1a, q. 90, a. 2, c.; *de Pot.* q. 3, a. 8, ad 7.

Ad primum ergo dicendum, quod actum extrahi de potentia materiæ nihil aliud est quam aliquid fieri actu, quod prius erat in potentia. Sed quia anima rationalis non habet suum *esse* dependens a materia corporali, sed habet *esse* subsistens, et excedit capacitatem materiæ corporalis; propterea non educitur de potentia materiæ. — 1a, l. c. ad 2.

Ad secundum dicendum, quod non est simile de anima rationali et de aliis formis, ut dictum est. — *Ibid.* ad 3.

Ad tertium dicendum, quod in anima est sicut materiale ipsa simplex essentia, formale autem in ipsa est esse participantum, quod quidem ex necessitate simul est cum essentia animæ, quia esse per se consequitur ad formam. Et eadem ratio esset, si poneretur composita ex quadam materia spirituali, ut quidam dicunt: quia illa materia non est in potentia ad aliam formam, sicut nec materia cœlestis corporis; alioqui anima rationalis esset cor-

ruptibilis. Unde nullo modo anima potest fieri ex materia præacente. — *Ibid.* ad 1.

Ad quartum dicendum, quod operatio adulteri duplicitate potest considerari: *aut* secundum esse morale, et sic prout est deformatio, non cooperatur ad illam Deus, sed illam prohibet; — *aut* secundum quod est in specie naturali, et sic est bonum quoddam: unde non est inconveniens, quod tali operationi in quantum bona est, Deus, qui in omnibus operatur, complementum apponat. — 2. *Sent.* dist. 18, q. 2, a. 1, ad 2; 1a, q. 118, a. 2, ad 5.

ARTICULUS IV

UTRUM ANIMA RATIONALIS PRODUCATUR A DEO PER CREATIONEM IMMEDIATE VEL MEDIANTIBUS ANGELIS.

Videtur quod anima rationalis non creatur a Deo immediate, sed mediantibus angelis.

1. Dicitur enim in libro *de Causis* (prop. 5), quod intelligentiae primæ influunt formas fixas stantes, sicut est anima; sed intelligentias angelos dicimus: ergo videtur quod anima rationalis a Deo mediantibus angelis producatur. — 2. *Sent.* dist. 18, q. 2, a. 2, arg. 1.

2. Præterea, a causa infinita non potest immediate procedere effectus finitus — ut probari potest per demonstrationes Philosophi 1. *de Coelo* (*text.* 68; c. 7), ubi probat, quod corpus infinitum non potest agere; — sed Deus est causa infinitæ virtutis: ergo cum anima sit quid finitum, non potest a Deo immediate produci. — *Ibid.* arg. 2.

3. Præterea, major est ordo in spiritualibus quam in corporalibus; sed videamus in corporalibus superiora inferiorum causas esse: ergo multo fortius hic in substancialiis spiritualibus esse debet; ergo cum angeli sint altioris naturæ quam anima rationalis, videtur quod ab ange-

lis animæ producantur. — *Ibid.* arg. 1a, q. 90, a. 3, arg. 1.

4. Præterea, finis rerum respondet principio; Deus enim est principium finis rerum; ergo et exitus rerum a principio respondet reductioni rerum in finem sed anima rationalis reducitur in Deum per angelos, ut dicit Dionysius (*de Ecclesiastica Hierarchia* c. 5, § 4; — Migne PP. Gt. 3, col. 503): ergo videtur quod etiam mediantibus angelis procedat. — 2. *Sent.* dist. 18, q. 2, a. 2, arg. 4; 1a, l. c. ar 2.

5. Præterea, cum omnis operatio sequatur naturam rei, ab illo res habet esse cuius virtute propriam operationem participat. Sed propria operatio animæ rationalis est operatio intellectualis. Cum ergo hæc operatio conveniat illi ex virtute intelligentiæ, ut in libro *de Causis* (prop. 3) dicitur, videtur quod ipsa secundum suum esse mediantibus angelis producatur. — 2. *Sent.* l. c. arg. 5.

Sed contra est: 1. quod ultima perfectio ad quam res potest pervenire, est hæc ut conjungatur suo principio; unde philosophi ponunt ultimam felicitatem hominis esse in continuatione intellectus possibilis ad intellectum agentem, sive tal continuatio sit in vita, secundum quodam, sive post hanc vitam, secundum alios. Sed ultima perfectio hominis est fruitione Dei: ergo a solo Deo anima rationalis procedit, et non mediantibus angelis; nam alioqui beatitudo homini consistet in fruitione angeli, non aucto Dei.

2. Præterea, *Genes.* 2, 7 dicitur: *I spiravit Deus in faciem ejus spiraculum vitae;* hoc autem est anima rationalis qua homo vivit: ergo anima rationalis Deo immediate producitur. — 1a, q. 9 a. 3, arg. *Sed contra.*

RSPONDIO DICENDUM, quod quida posuerunt, quod angeli, secundum quod operantur in virtute Dei, causant animas rationales. Sed hoc est omnia impossible et a fide alienum. Ostensum enim est, quod anima rationalis non pote-

roduci nisi per creationem; solus autem Deus potest creare, quia solius primi gentis est agere nullo præsupposito, cum emper agens secundum præsupponat aliud a primo agente; quod autem agit aliud ex aliquo præsupposito, agit transmutando; et ideo nullum aliud agens git nisi transmutando, sed solus Deus git creando; et quia anima rationalis non producitur per transmutationem aliquus materiæ, ideo non potest produci nisi a Deo immediate. — 1a, q. 90, a. c.

Ad primum ergo dicendum, quod in ac materia auctoritates libri de Causis recipiendæ non sunt, quia ille, qui librum composuit, hujus erroris auctor nisse invenitur; nisi quis velit exponere, quod est præter nostrum propositum. — Sent. l. c. ad 1.

Ad secundum dicendum, quod illa ratio, vim habet, concludit, quod nihil a Deo immediate causatur, quia omne quod est præter ipsum, finitum est; nisi forte secundum aliquem modum substantias separatas infinitas esse ponamus, non similiciter, sed secundum quid, scilicet versus inferius, ut in libro de Causis dicitur, hoc est, secundum quod ejus virtus non imitatur ad determinatos effectus in his, quæ suæ operationi subduntur. Quo etiam modo infinitatem habet anima rationalis, non ex parte intellectus agentis, quo est anima facere, quam ex parte intellectus possibilis, quo est omnia fieri, et ejus est formam universalem recipere, qua sunt potentia infinita singularia. Modus est etiam evidens argumentum materialitatis ipsius animæ, et quod traduce non sit, quia omnis forma materialis finita est, ut in 8. Phys. proutur. — Et ideo ad rationem illam dicendum est, quod etiam si Deus sit infinitus simpliciter, effectus tamen ejus duociter limitatur: primo et principaliter ordine sapientiæ ejus, quæ cuilibet rei terminos præfigit; secundo, ex parte intelligentis, quia influentiam agentis recipit iens per modum virtutis suæ, et non

per modum virtutis ipsius agentis. — *Ibid.* ad 2.

*Ad tertium dicendum, quod etiam in corporalibus non ponimus superius esse causam inferioris nisi per modum moventis et generantis; et hæc in substantiis spiritualibus non ponimus, quia per generationem et motum in esse non producuntur; sed tamen sicut superiora corpora movent inferiora ad agendum, ita superiores substaniæ spirituales movent inferiores ad propriam operationem, secundum quod dicit Dionysius (*de Cœlesti Hierarchia* c. 13, § 3; — Migne PP. Gr. t. 3, col. 302) inferiores angelos a superioribus illuminari, et homines ab angelis. — *Ibid.* ad 3.*

*Ad quartum dicendum, quod quælibet res tendit in finem ultimum per propriam operationem; et ideo secundum quod per illuminationem superiorum inferiores illuminantur ad proprias operationes, dicendum per eos reduci in Deum. Non enim est inconveniens, ut una creatura ponatur causa motus vel operationis alterius. Sed non est similis ratio de exitu rerum a primo principio: quia res non exit a suo principio per hoc, quod aliquid a principio recipiat. — *Ibid.* ad 4.*

*Ad quintum dicendum, quod si intelligatur anima participare operationem intellectualem ab intelligentia hoc modo, quod potentia intelligendi insit animæ per virtutem intelligentiæ: hæreticum est, quia potentia intelligendi sequitur naturam animæ. Si autem intelligatur hoc modo, quod anima adjuvetur in sua operatione per illuminationem angelorum, ex hoc non potest concludi, quod anima secundum suam naturam ab angelis creata sit. Non enim a quocunque juvatur res vel movetur ad opus, ab eo habet esse. — *Ibid.* ad 5.*

ARTICULUS V

UTRUM ANIMA RATIONALIS A DEO PRODUCATUR ANTE CORPUS.

Videtur quod anima rationalis producatur a Deo ante corpus.

1. Dicit enim Philosophus 2. de *Anima* (*text.* 36; c. 4), quod anima est causa corporis in genere causæ efficientis; sed causa efficiens præcedit tempore effectum: ergo anima rationalis existit ante corpus, et per consequens a Deo ante corpus producitur. — *de Pot.* q. 3, a. 10, arg. 6.

2. Præterea, quod est æternum, præcedit id quod sit in tempore; sed corpus in tempore generatur, ut patet; anima vero rationalis est æterna, quod patet, — *primo*, quia id, quod nunquam esse desinet, habet virtutem ut semper sit; quod autem habet talē virtutem, nunquam verum est de eo dicere non esse: quia quantum se extendit virtus essendi, tantum res durat in esse; omne autem quod incepit esse, est aliquando verum dicere non esse; quod igitur nunquam desinet esse, nec esse aliquando incipiet; — *secundo*, quia veritas intelligibilis, sicut est incorruptibilis, ita, quantum est de se, est etiam æterna (est enim necessaria; omne autem necessarium est æternum, quia quod necesse est esse, impossibile est non esse); ex incorruptibilitate autem *veritatis intelligibilis* ostenditur anima secundum esse incorruptibilis: ergo pari ratione ex ejus æternitate potest probari animæ æternitas; ergo anima producta est ante corpus. — 2. c. *Gent.* c. 83, arg. 1 et 2.

3. Præterea, omne illud, quo non dependet ab altero secundum suum esse, potest incipere non incipiente illo; sed anima rationalis non dependet in esse a corpore, cum delecto corpore maneat: ergo non videtur inconveniens, quod producta sit vel producatur ante corpus. — 2. *Sent.* dist. 47, q. 2, a. 2, arg. 4; *de Pot.* 1. c. arg. 16.

4. Præterea, anima et angelus convenient in natura intellectuah. Cum ergo naturæ intellectuah conditio sit immaterialitas, videtur quod, sicut angelii ex sua creatione habent quod non uniantur corpori, similiter animæ rationales in sua creatione non uniantur corpori; et ita producentur ante corpus. — 2. *Sent.*

l. c. arg. 5; 1a, q. 90, a. 4, arg.

5. Præterea, ad perfectionem unive maxime pertinent substantiæ spirituale; si igitur animæ simul creantur cum corporibus, quotidie innumerabiles substatiæ spirituales perfectioni universi aduentur, et sic universum a principio su set imperfectum: quod est contra illi *Genesis* (2, 1), Deum omne opus comp visse. — 2. *Sent.* l. c. arg. 6; 1a, q. 14, a. 3, arg. 2; *de Pot.* q. 3, a. 10, arg. .

6. Præterea, finis rei respondet e principio; sed anima rationalis remanet delecto corpore: ergo etiam incipit e ante corpus. — 1a, q. 90, a. 4, arg. q. 118, a. 3, arg. 3.

Sed contra est: 1. quod Philosophus (12. *Metaphys.* *text.* 16; l. 11, c. 3) di quod forma est simul cum suo effectu atque adeo cum corpore, cuius est formam licet aliqua forma, puta intellectiva, maneat post corpus. — 12. *Metaphys.* 3 (2).

2. Præterea, actus proprius sit in p ria potentia; cum ergo anima sit a proprius corporis, anima producetur corpore. — 1a, q. 90, a. 4, arg. . *contra*.

3. Præterea, omnis pars a suo i separata est imperfecta; sed anima e sit forma, ut probatum est, est pars sciei humanae: ergo existens per se a que corpore est imperfecta; perfectum autem est prius imperfecto in re naturalium ordine: non ergo com naturie ordini, quod anima creetur a corpore. — 2. c. *Gent.* c. 94.

Ri spondio dictum, quod necesse dicere, quod animæ rationales non sunt produci ante corpora a Deo, creari in ipsis corporibus secundum naturam convenientiam, absque præcio tamen divinae potestatis. Quod potest ad præsentem multipliciter rationibus tendi: — et *primo* quidem, quia unius formæ naturale est propria materia uniti — aliqui constitutum ex formæ materia es; et aliquid præter naturam prius autem attribuitur unicuique, q

nvenit ei secundum naturam quam
od præter naturam (quod enim conve-
t alicui præter natura, inest ei per ac-
cens; quod autem per accidens est, sem-
per posterius est eo quod est per se) :
imæ igitur rationali prius convenit esse
vitam corpori quam esse a corpore se-
paratam. — 2. c. Gent. c. 83, rat. 2.

Secundo, si anima creatur ante corpus
que adeo absque corpore, *aut* violenter,
et naturaliter, *aut* per propriam volun-
tem, *aut* demum ex ordinatione Dei uni-
corpi. — *Primum* dici non potest :
quia cum omne violentum sit contra
naturam, homo, qui ex utroque compo-
nit, esset quid innaturale, quod patet
esse falsum; *tum* quia substantiæ in-
tellectuales alterioris ordinis sunt quam
corpora cœlestia; in corporibus autem
cœlestibus nihil invenitur violentum ne-
re contra naturam: multo igitur minus
substantiis intellectualibus. — Si au-
tem *secundum* dicatur, ergo naturaliter
anima in sui creatione appetit corpori
sibi; appetitus autem naturalis statim
redit in actum, nisi sit aliquid impe-
dium — sicut patet in motu gravium et
lum; natura enim semper uno modo
operatur — : statim ergo a principio suæ
creationis fuisse corpori unita, nisi esset
quod impediens; sed omne impediens
secutionem naturalis appetitus est vio-
lentiam inferens: per violentiam igitur
quod anima sit aliquo tempore a cor-
pore separata. Quod est inconveniens :
quia illis substantiis nihil potest esse
violentum; *tum* quia violentum et quod
contra naturam, cum sit per accidens,
potest esse prius eo quod est secun-
dum naturam, neque totam speciem con-
quens. — Neque potest dici *tertium* :
quia deserere corpus non subjacet
anæ voluntati, quod tamen esset, si ex
unitate sua se uniret corpori; *tum* quia
illius vult in statum pejorem venire nisi
ceptus; sed anima separata est altioris
status quam corpori unita; *tum* quia om-
nis effectus procedens ex concursu dua-
rum voluntatum ad invicem non ordina-

tarum est effectus casualis (sicut patet,
cum aliquis intendens emere, obviat in
foro creditori illuc non ex condicto ve-
nienti); voluntas autem patris generantis,
ex qua dependet generatio corporis, non
habet ordinem cum voluntate animæ se-
paratæ uniri volentis. Cum igitur absque
utraque voluntate unio corporis et animæ
fieri non possit, sequitur quod sit casua-
lis, et ita generatio hominis non erit a na-
tura, sed a casu; quod patet esse falsum,
cum sit ut in pluribus. — Neque demum
potest dici *quartum*, quia Deus unum-
quidque instituit secundum convenientem
modum suæ naturæ; si ergo animas
creat ante corpora, et a corporibus sepa-
ratas, oportet dicere, quod hic modus sit
convenientior eorum naturæ; non est
autem ad voluntatem et ordinationem di-
vinæ bonitatis pertinens res ad inferio-
rem statum reducere, sed magis ad me-
liorem promovere: non ergo ex divina
ordinatione fit, quod anima uniatur cor-
pori. *Praelerea*, non pertinet ad ordinatio-
nem divinæ sapientiæ, cum superiorum
detrimento ea, quæ sunt infirma, nobili-
tare. Infirma autem in ordine rerum sunt
corpora generabilia et corruptibilia. Non
ergo convenientis est ordini divinæ sapien-
tiæ, ad nobilitandum humana corpora
animas præexistentes eis unire, cum hoc
sine detrimento earum esse non possit, ut
ex dictis patet. — 2. c. Gent. c. 83, 84;
de Pot. q. 3, a. 10, c.

Tertio, anima rationalis non differt se-
cundum substantiam a sensibili et vege-
tabili, ut saepius dictum est; sed vegeta-
bilis et sensibilis animæ origo non potest
esse nisi in corpore, cum sint actus qua-
rundam partium corporis: ergo nec ani-
ma rationalis potest nisi in corpore creari
secundum naturæ suæ convenientiam,
tamen absque præjudicio divinæ potesta-
tis. — *de Pot.* q. 3, a. 10, c.

Ad primum ergo dicendum, quod Phi-
losophus in 2. *de Anima* non dicit ani-
mam esse efficientem causam corporis,
sed causam unde est principium motus,
in quantum est principium motus localis

in corpore, et augmenti et aliorum hujusmodi, ut ipsem exponit ibidem. — *de Pot.* l. c. ad 6.

Ad secundum dicendum, quod animæ de novo creantur in ultimo instanti generationis corporis, quæ sit in tempore. Unde *ad primam probationem* dicendum, quod ex eo, quod anima rationalis habet virtutem ut sit semper, non potest concludi, quod semper fuerit, sed quod semper erit. Quod patet, — *tum* quia virtus et potentia rei non se extendit ad id quod fuit, sed ad id quod est vel erit; unde et in præteritis possilitas locum non habet; — *tum* quia ex virtute non sequitur id, ad quod est virtus, nisi præsupposita virtute. Quamvis igitur anima virtutem habeat ut sit semper, non tamen potest concludi, quod anima sit semper, nisi postquam hanc virtutem accepit. Si autem sumatur, quod hanc virtutem ab æterno habuerit, erit petitum id, quod oportebit probari, scilicet quod fuerit ab æterno. — *Ad secundam vero probationem* ex æternitate veritatis quam anima intelligit sumptam dicendum, quod intellectæ veritatis æternitas dupliciter potest considerari et intelligi: uno modo, quantum ad id quod intelligitur, alio modo, quantum ad id quo intelligitur. Et si quidem veritas intellecta sit æterna quantum ad id *quod* intelligitur, sequitur æternitas rei quæ intelligitur, non autem intelligentis. Si autem veritas intellecta sit æterna quantum ad id *quo* intelligitur, sequitur intelligentem animam esse æternam. Sic autem veritas intellecta non est æterna, sed primo modo; species enim intelligibiles, quibus anima nostra intelligit veritatem, de novo nobis adveniunt ex phantasmatibus per intellectum agentem; unde non potest concludi, quod anima sit æterna, sed quod veritates intellectæ fundentur in aliquo eterno. Fundantur autem in ipsa prima veritate sicut in causa universalis contentiva omnis veritatis. Ad hoc autem æternum non comparatur anima sicut subjectum ad formam, sed sicut res ad proprium finem:

nam verum est bonum intellectus, et si ipsius; ex fine autem argumentum accipere possumus de rei duratione; sicut de initio rei argumentari possumus r causam agentem (quod enim est ordinatum ad finem sempiternum, oportet esse capax perpetuae durationis). Unde potest probari ex æternitate veritatis intelligibilis *immortalitas* anime, non autem eius *æternitas*. — 2. c. *Gent.* c. 84, ad 1 et.

Ad tertium dicendum, quod licet anima dependeat a corpore quantum ad sui principium, ut in perfectione suæ naturæ recipiat (cum enim quidquid in esse naturæ producitur, producatur secundum hanc quod individuatur; anima vero esse determinatum non possit habere, nisi secundum quod conjungitur corpori ut forma ejus: oportet quod non incipiat esse nisi in corpore); — non tamen dependet a corpore vel quantum ad suum esse vel quantum ad suum finem, quia acquiri ipsi esse in corpore ut rei subsiste, puta esse absolutum, non depresso obligatum ad corpus: unde delecto corpore nihilominus manet in suo esse individualium et distinctum ab alia anima, licet non in completione suæ naturæ, quia habet ex unione ad corpus. — *de Pot.* c. ad 16; 2. *Sent.* l. c. ad 4.

Ad quartum dicendum, quod anima angelus in hoc convenient, quod utrumque est substantia subsistens, esse actualitatem habens, et quod materiam pars non habent; ex quibus consequitur intellectualitas in utroque. In hoc tam disserunt, quod cum natura angelicæ sublimior et Deo propinquior, acquiri illi esse altius, in eujus participatione nullo modo corpus adduci potest. Ad hoc nec angelus potest forma corporis esse. Sed anima acquiritur esse inseparabile et minus nobile, in quo corpus illi datur, ut unum sit animæ esse et corporis, quod est esse conjuncti. Et ideo forma corporis; et ejus individualitas ex unione illius ad corpus. Et qualiter est forma corporis, pertinet ad genus materialium sicut formale principium;

qui si completam speciem haberet et gram sicut angelus, et secundum se retur et cum angelis magis convenit. — 2. *Sent.* l. c. ad 5; 1a, l. c. ad 2. *d quintum* dicendum, quod essentia perfectio universi consistit in specie; accidentalis vero in individuis. Cum multiplicatio animarum non sit secundum diversam speciem, sed secundum numerum tantum, relinquitur quod hoc, quod multæ animæ quotidie nuntur, nihil ad essentialem universi sectionem adjungitur, sed ad accidentem tantum; et hoc non est inconveniens. — 2. *Sent.* l. c. ad 6; 1a, q. 118, a. 2; *de Pot.* q. 3, a. 10, ad 2. *d sextum* dicendum, quod hoc, quod anima remanet post corpus sine corpore, contingit per corporis corruptionem et mortem, qui est mors, quæ consecuta ex peccato. Unde non fuit conveniens illab hoc defectu inciperent Dei opera, sicut scriptum est (*Sap.* 1, 13 et 16): *...mōrtem nō fecit.... sed impīi mās et verbīs accersierunt eam.* — 1a, 0, a. 4, ad 3; q. 118, a. 3, ad 3.

QUÆSTIO XC

DE ESSENTIA ANIMÆ RATIONALIS.

Inde considerandum est de essentia animæ rationalis.

CA QUAM QUÆRUNTUR QUATUOR:

rum anima rationalis sit aliquid subsistens.

rum anima rationalis sit composita ex materia et forma.

rum anima rationalis sit ejusdem speciei cum angelo.

rum anima rationales sint æquales in perfectione et nobilitate.

ARTICULUS I

JM ANIMA RATIONALIS SIT ALIQUID SUBSISTENS.

idetur quod anima rationalis non sit aliquid subsistens.

1. Quod enim est subsistens dicitur *hoc aliquid*; sed anima rationalis non est hoc aliquid, sed compositum ex anima et corpore. Dicit enim Philosophus 2. *de Anima* (*text.* 2; c. 1), quod substantia dividitur in materiam, formam et hoc aliquid; anima autem est forma, ex eodem ibidem: ergo anima non est aliquid subsistens. — 1a, q. 75, a. 2, arg. 1; *Quæst. disp. de Anima* a. 1, arg. 8.

2. Præterea, omne quod est subsistens, potest dici operari; sed anima non dicitur operari, quia, ut dicitur 1. *de Anima* (*text.* 64; c. 4), dicere animam sentire aut intelligere, simile est ac si quis dicat eam texere vel ædificare: ergo anima non est aliquid subsistens. — 1a, l. c. arg. 2.

3. Præterea, si anima esset aliquid subsistens, esset aliqua ejus operatio sine corpore; sed nulla est ejus operatio sine corpore, nec etiam intelligere, quia non contingit intelligere sine phantasmate; phantasma autem non est sine corpore: ergo anima rationalis non est subsistens. — *Ibid.* arg. 3.

4. Præterea, formæ proprium est, quod sit in alio; sed esse in alio, et esse per se subsistens, sunt opposita: ergo cum anima sit forma, ut dictum est, non potest esse subsistens. — *Quæst. disp. de Anima* a. 1, arg. 9.

5. Præterea, cum Deus res propter sui bonitatem fecerit, quæ in diversis rerum gradibus manifestatur, tot gradus entium instituit, quot potuit natura pati. Si igitur anima potest per se subsistere, sequitur quod anima per se existens sit unus gradus entium; formæ autem non sunt unus gradus entium seorsum sine materialiis: igitur anima, si est aliquid subsistens, non erit forma alicujus materialiæ, quod est contra Philosophum, ut dictum est (*supra* q. 48, a. 7). — *Ibid.* arg. 4.

Sed contra est: 1. quod 3. *de Anima* (*text.* 4 et sqq.; c. 4) Philosophus dicit, quod intelligere animæ non est per organum corporeum; et per consequens, quod

per se operatur; sed quod per se operatur, est per se subsistens: ergo anima rationalis est aliquid subsistens. — *Quæst. disp. de Anima* a. 1, arg. 4 *Sed contra.*

2. Præterea, anima rationalis remanet corrupto corpore, et per solam creationem potest produci; sed quod est hujusmodi, est per se subsistens: ergo anima rationalis est quid subsistens. — *de Pot.* q. 3, a. 8, ad 7; a. 9 per totum.

RESONDEO DICENDUM, quod necesse est dicere, id quod est principium intellegitualis operationis, quod dicimus animam hominis, esse quoddam principium incorporeum et subsistens. Manifestum enim est, quod homo per intellectum cognoscere potest naturas omnium corporum. Quod autem potest cognoscere aliqua, oportet ut nihil eorum habeat in sua natura, quia illud, quod inest ei naturaliter, impediret cognitionem aliorum: sicut videmus, quod lingua infirmi, que infecta est cholericō et amaro humore, non potest percipere aliquid dulce, sed omnia videntur ei amara. Si igitur principium intellectuale haberet in se naturam alicujus corporis, non posset omnia corpora cognoscere. Omne autem corpus habet aliquam naturam determinatam. Impossibile est igitur, quod principium intellectuale sit *corpus*. Et similiter impossibile est, quod intelligat *per organum corporeum*, quia si esset natura determinata illius organi corporei, prohiberet cognitionem omnium corporum: sicut si aliquis determinatus color sit non solum in pupilla, sed etiam in vase vitro, liquor infusus ejusdem coloris videbitur. Ipsum igitur intellectuale principium, quod dicitur mens vel intellectus, habet operationem per se, cui non communicat corpus. Nihil autem potest per se operari, nisi quod per se subsistit; non enim est operari nisi entis in actu. Unde modo aliquid operatur, quo est; propter quod non dicimus, quod calor calefaciat, sed calidum. Relinquitur igitur animam humanam esse aliquid incorporeum et subsistens. — *Ia, q. 73, a. 2, c.*

*A*d primum ergo dicendum, quod *hoc aliquid* potest accipi dupliciter: uno modo pro quounque subsistente, alio modo pro subsistente completo in natura alicujus speciei. Primo modo excludit inherentiam accidentis et formæ materialis; secundo modo excludit imperfecti nem partis: unde manus posset dici hoc aliquid primo modo, sed non secundo modo. Sic igitur, cum anima rationalis pars speciei humanæ, potest dici hoc aliquid primo modo, quasi subsistens sed non secundo modo: sic enim comp situm ex anima et corpore dicitur hoc aliquid. — *Ia, l. c. ad 4.*

*A*d secundum dicendum, quod Aristoteles non dicit illa verba secundum propriam sententiam, sed secundum opinionem illorum, qui dicebant, quod intelligere est moveri, ut patet ex his, quae i præmittit. — *Vel* *divendum*, quod *per agere* convenit per se existenti; sed *per se existens* quandoque potest dici aliqui si non sit inhaerens ut accidens *vel* forma materialis, etiamsi sit pars. Proprie et per se subsistens dicitur quaque primo modo est inhaerens, neque est pars; secundum quem modum oculi aut manus non posset dici per se subsistens, et per consequens nec per se operans. Unde et operationes partium attribuiuntur toti per partes. Dicimus enim quod homo videt per oculum et palpiter per manum, alter quam calidum calefit per calorem; qui calor nullo modo calefacit proprie loquendo. Potest igitur dici, quod anima intelligit, sicut oculus videt; sed magis proprie dicitur, quod homo intelligit per animam. — *Ibid. ad 4.*

*A*d tertium dicendum, quod corpus inquiritur ad actionem intellectus non ad organum, quod talis actio exercetur, ratione objecti; plantasma enim corporatur ad intellectum sicut color ad sum. Sic autem indigere corpore removet intellectum esse subsistente, alioqui animal non esset aliquid subsistens, cum indigat exterioribus sensilibus ad sentiendum. — *Ibid. ad 3.*

Id quartum dicendum, quod in alio sicut accidens in subjecto, tollit rationem ejus, quod est hoc aliquid; esse em in alio sicut partem, quomodo ma est in homine, non omnino excludit id, quod est in alio, possit hoc quid dici. — *Quæst. disp. de Anima* a. ad 9.

Id quintum dicendum, quod licet anima rationalis per se possit subsistere, tamen per se habet speciem completionis. Unde non potest esse, quod animæ caritatem constituant unum gradum en- n. — *Ibid. ad 4.*

ARTICULUS II

RUM ANIMA RATIONALIS SIT COMPOSITA EX MATERIA ET FORMA.

Videtur quod anima rationalis sit composita ex materia et forma.

Dicit enim Philosophus (8. *Metaphys. text. 16*; l. 7, c. 6), quod illa, quæ habent materiam, non habent causam sui esse; sed anima rationalis habet causam sui esse, quia, ut dictum est, datur a Deo: ergo anima habet materiam. — *Ibid. q. 75, a. 5, arg. 3.*

Præterea, quod non habet materiam, est forma tantum, est actus purus et nullus; sed hoc est solius Dei: ergo anima habet materiam. — *Ibid. arg. 4.*

Præterea, in quoquaque inveniuntur proprietates materiæ, ibi invenitur materia; sed in anima inveniuntur proprietates materiæ, quæ sunt subjici et transmutari — subjicitur enim scientiæ virtuti; et mutatur de ignorantia ad intelligentiam et de vicio ad virtutem — : erit in anima est materia. — *Ibid. arg. 2.*

Præterea, omne quod est, vel est actus purus, vel pura potentia, vel compositum ex actu et potentia; sed anima est actus purus, quia hoc solius Dei; nec est pura potentia, quia sic non separaret a materia prima: ergo est composita ex potentia et actu; ergo non est

forma tantum, cum forma sit actus. — *Quæst. disp. de Anima* a. 6, arg. 12.

5. Præterea, illud, quod est forma tantum, est ens et unum; et non indiget aliquo, quod faciat ipsum ens et unum, ut dicit Philosophus in 8. *Metaphys. text. 16*; l. 7, c. 6); sed anima indiget aliquo, quod faciat ipsam entem et unam, scilicet Deo creante: ergo anima rationalis non est forma tantum. — *Ibid. arg. 9.*

Sed contra est: 1. quod Philosophus dicit (3. *de Anima text. 38*; c. 8), quod lapis non est in anima, sed species lapidis; sed hoc est propter simplicitatem animæ, quia scilicet in ea non possunt esse materialia: ergo anima non potest esse composita ex materia et forma. — *de Spirit. Creat. a. 1, arg. 6 Sed contra.*

2. Præterea, omne compositum ex materia et forma habet formam; si igitur anima est composita ex materia et forma, anima habet formam; sed anima est forma: ergo forma habet formam; quod videtur impossibile, quia sic esset ire in infinitum. — *Quæst. disp. de Anima* a. 6, arg. *Sed contra.*

RESPONDEO DICENDUM, quod anima non habet materiam. Et hoc potest dupliciter probari: — *primo* quidem ex ratione animæ in *communi*. Est enim de ratione animæ, quod sit forma alicujus corporis; aut igitur est forma secundum se *totam*, aut secundum aliquam partem sui. Si secundum se *totam*, impossibile est, quod pars ejus sit materia, si dicatur materia aliquod ens in potentia tantum: quia forma in quantum forma est actus; id autem, quod est in potentia tantum, non potest esse pars actus; cum potentia repugnet actu, utpote contra actum divisa. Si autem sit forma secundum aliquam *partem* sui, illam partem dicemus esse animam; et illam materiam, cujus primo est actus, dicemus esse primum animatum. — *Secundo*, *specialiter* ex ratione animæ humanæ, in quantum est intellectiva. Manifestum enim est, quod omne quod recipitur in aliquo, recipitur in eo

per modum recipientis; sic autem cognoscitur unumquodque, sicut forma ejus est in cognoscente. Anima autem intellectiva cognoscit rem aliquam in sua natura absolute, puta lapidem, in quantum est lapis absolute; est igitur forma lapidis absolute secundum propriam rationem formalem in anima intellectiva. Anima igitur intellectiva est forma absoluta, non autem aliquid compositum ex materia et forma. Si enim anima intellectiva esset composita ex materia et forma, formæ rerum reciperentur in ea ut individuales; et sic non cognosceret nisi singulare, sicut accidit potentibus sensitivis, quæ recipiunt formas rerum in organo corporali; materia enim est principium individuationis formarum. Relinquitur ergo, quod anima intellectiva et omnis intellectualis substantia cognoscens formas absolute, caret compositione materialiæ et formæ. — 1a, q. 73, a. 5, c.; 2. Sent. dist. 17, q. 1, a. 2; Quæst. disp. de Anima a. 6, c.

Ad primum ergo dicendum, quod forma est causa essendi materiæ et agens; unde agens, in quantum reducit materiam in actum formæ transmutando, est ei causa essendi. Si quid autem est forma subsistens, non habet esse per aliquod formale principium, nec habet causam transmutantem de potentia in actum. Unde post verba præmissa Philosophus concludit, quod in his, quæ sunt composta ex materia et forma, nulla est alia causa nisi movens ex potestate ad actum. Quæcumque vero non habent materiam, omnia simpliciter sunt quasi vere entia. — 1a, l. c. ad 3.

Ad secundum dicendum, quod omne participatum comparatur ad participans ut actus ejus. Quaecunque autem forma creata per se subsistens ponitur, oportet quod participet esse: quia etiam ipsa vita, vel quidquid sic diceretur, participat ipsum esse, ut Dionysius (*de Div. Nom.* c. 5, § 5; — Migne t. 3, col. 819) dicit. Esse autem participatum finitur ad capacitatem participantis. Unde solus Deus,

qui est ipsum suum esse, est actus purus et infinitus. In substantiis vero intellectualibus est compositio ex actu et potentia, non quidem ex materia et forma, sed ex forma et esse participato. Unde a quibusdam dicuntur componi ex quo est et quod est, ipsum enim esse est quo aliquid sunt (1). — *Ibid.* ad 4.

Ad tertium dicendum, quod subjici et transmutari convenienter materiae, secundum quod est in potentia. Sicut ergo est alia potentia intellectus, et alia potentia materiae primæ: ita est alia ratio subjiciendi et transmutandi. Secundum hoc enim intellectus subjicitur scientiae et ignorantia transit ad scientiam, secundum quod est in potentia ad species intelligibiles. — *Ibid.* ad 2.

Ad quartum dicendum, quod licet anima non sit actus purus nec potentia pura; non tamen sequitur, quod sit composta ex materia et forma, ut ex dictis patet. — *Quæst. disp. de Anima* a. 6, ad 12

Ad quintum dicendum, quod ea, quæ sunt formæ subsistentes, ad hoc quod sin unum et ens, non requirunt causam formalem, quia ipsæ sunt formæ; habent tamen causam exteriorem agentem, quod dat eis esse. — *Ibid.* ad 9.

ARTICULUS III

UTRUM ANIMA RATIONALIS SIT EJUSMUS SPECIEI CUM ANGELO.

Videtur quod anima rationalis sit ejusdem speciei cum angelo.

1. Unumquodque enim ordinatur a proprio finem per naturam suæ specie per quam habet inclinationem ad finem sed idem est finis animæ et angelii, scilicet beatitudo aeterna: ergo sunt unus speciei — 1a, q. 73, a. 7, arg. 1.

2. Praeterea, ultima differentia specifica est nobilissima, quia complet ratione speciei; sed nihil est nobilior in angelio et anima quam intellectuale esse: ergo

(1) AL. « est ».

nveniunt angelus et anima in ultima differentia specifica : ergo sunt unius speciei. — *Ibid.* arg. 2; *Quæst. disp. de Anima* a. 7, arg. 14.

3. Præterea, anima ab angelo differre non videtur nisi per hoc, quod est corpori unita ; sed corpus, cum sit extra essentiam animæ (nam comparatur ad animam inquit materia, quæ non dat speciem formæ), non videtur ad ejus essentiam pertinere : ergo anima et angelus sunt eisdem speciei. — 1a, l. c. arg. 3.

4. Præterea, quorum est eadem operatio propria et naturalis, illa sunt eadem secundum speciem ; sed animæ et angeli est eadem operatio naturalis, puta intelligere : ergo anima et angelus sunt eisdem speciei. — *Quæst. disp. de Anima* a. 1, arg. 1.

5. Sed dices, quod intelligere animæ est cum discursu, angeli vero sine discursu, et ideo differunt. — Sed contra, diversarum operationum secundum speciem non est eadem potentia ; sed nos per eandem potentiam, scilicet intellectum possilem, intelligimus quædam per discursum, quædam sine discursu : ergo intelligere cum discursu et sine discursu non diversificat speciem. — *Ibid.* arg. 2.

6. Præterea, anima rationalis dicitur intelligere discurrendo, per hoc quod intelligit causam per effectum et e contra ; sed hoc etiam contingit angelis : dicitur enim in libro *de Causis* (prop. 8), quod intelligentia intelligit quod est supra se, quia est causatum ab ea, et intelligit quod est sub se, quia est causa ejus : ergo non differt angelus ab anima per hoc quod est intelligere cum discursu vel sine discursu. — *Ibid.* arg. 8.

Sed contra est : 1. quod unaquæque res habet proprium esse secundum rationem speciei; quorum enim est diversa ratio essendi, horum est diversa species ; esse autem animæ humanæ et substantiæ separatae non est unius rationis ; nam inesse substantiæ separatae non potest communicare corpus, sicut potest communire in esse animæ humanæ, quæ secun-

dum esse unitur corpori ut forma materiæ : ergo anima rationalis specie differt ab angelo. — 2. c. *Gent.* c. 94, n. 2.

2. Præterea, quod habet secundum ipsum speciem, non potest esse ejusdem speciei cum eo, quod non habet secundum se speciem, sed est pars speciei ; sed substantia separata habet per se ipsam speciem, anima autem non, sed est pars speciei humanæ : impossibile igitur est, quod sit ejusdem speciei cum illa. — *Ibid.* n. 3.

3. Præterea, ex propria operatione rei percipitur species ejus ; operatio enim demonstrat virtutem, quæ indicat essentiam. Sed propria operatio animæ rationalis et substantiæ separatae est intelligere ; est autem omnino aliis modus intelligendi substantiæ separatae et animæ — nam anima intelligit a phantasmatis accipiendo ; non autem substantia separata, cum non habeat organum corporeum, in quo oportet esse phantasmatum — : non sunt igitur anima rationalis et substantia separata eisdem speciei. — *Ibid.* n. 4.

RESPONDEO DICENDUM, quod Origenes (1. *Periarchon* c. 8 ; — Migne PP. Gr. t. 11, col. 180) posuit, omnes animas humanas et angelos esse unius speciei ; et hoc ideo, quia posuit diversitatem gradus in hujusmodi substantiis inventam accidentalem, utpote ex libero arbitrio provenientem. Quod non potest esse, quia in substantiis incorporeis non potest esse diversitas secundum numerum absque diversitate secundum speciem et absque naturali inæqualitate : quia cum non sint compositæ ex materia et forma, sed sint formæ subsistentes, manifestum est, quod necesse erit in eis esse diversitatem in specie. Non enim potest intelligi, quod aliqua forma separata sit nisi una unius speciei : sicut si esset albedo separata, non posset esse nisi una tantum ; hæc enim albedo non differt ab illa nisi pro hoc, quod est hujus vel illius. Diversitas autem secundum speciem semper habet diversitatem naturalem concomitantem : sicut in speciebus colorum unus est perfectior al-

tero, et similiter in aliis. Et hoc ideo, quia differentiæ dividentes genus sunt contrariæ. Contraria autem se habent secundum perfectum et imperfectum, quia principium contrarietatis est privatio et habitus, ut dicitur 10. *Metaphys.* (*text. 45 et sq.; l. 9, c. 4*). — Idem etiam sequeretur, si hujusmodi substantiæ essent compositæ ex materia et forma. Si enim materia hujus distinguitur a materia illius, necesse est quod *vel* forma sit principium distinctionis materiæ, ut scilicet materiæ sint diversæ propter habitudinem ad diversas formas — et tunc sequitur adhuc diversitas secundum speciem et inæqualitas naturalis —; *vel* materia erit principium distinctionis formarum. Nec potest dici materia hæc alia ab illa nisi secundum distinctionem quantitativam, quæ non habet locum in substantiis incorporeis, cujusmodi sunt angelus et anima. Unde non potest esse, quod angelus et anima sint unius speciei. Quomodo autem sint plures animæ unius speciei, infra (quæst. seq., art. 2) ostendetur. — 1a, q. 75, a. 7, c.; *Quæst. disp. de Anima* a. 7, c.; 2. c. *Gent.* c. 94.

Ad primum ergo dicendum, quod ratio illa procedit de fine proximo et naturali; beatitudo autem æterna est finis ultimus et supernaturalis. — 1a, l. c. ad 1.

Ad secundum dicendum, quod differentia specifica ultima est nobilissima, in quantum est maxime determinata per modum, quo actus est nobilior potentia; sic autem intellectuale non est nobilissimum, quia est indeterminatum, et commune ad multos intellectualitatis gradus, sicut sensibile ad multos gradus in esse sensibili. Urbe sicut mox omnia sensibilia sunt unius speciei, ita nec omnia intellectualia. — *Ibid.* ad 2.

Ad tertium dicendum, quod corpus non est de essentia animæ, sed animæ ex natura sua essentia habet, quod ut corpori unibilis; unde nec proprie anima est in specie, sed compositum. Et hoc ipsum, quod anima quoddam eget corpore ad suam operationem, ostendit, quod anima tenet

inferiorem gradum intellectualitatis quam angelus, qui corpori non unitur. — *Ibid.* ad 3.

Ad quartum dicendum, quod intelligere angeli et animæ non est ejusdem speciei. Manifestum est enim quod si formæ, quæ sunt principia operationum, differunt specie, necesse est et operationes ipsas differre specie, sicut calefacere et infrigidare differunt secundum differentiam caloris et frigoris; species autem intelligibles, quibus animæ intelligunt, sunt a phantasmatibus abstractæ: et ita non sunt ejusdem rationis cum speciebus intelligilibus, quibus angeli intelligunt, quæ sunt eis innatae, secundum quod dicitur in libro *de Causis* (prop. 10), quod omnis intelligentia est plena formis. Unde et intelligere hominis et angeli non est ejusdem speciei. Ex hac differentia provenit, quod angeli intelligunt sine discursu, animæ autem cum discursu; quæ necesse habent ex sensilibus effectibus in virtutes causarum pervenire, et ab accidentibus sensilibus in essentias rerum, quæ non subjacent sensui. — *Quæst. disp. de Anima* a. 7, ad 1.

Ad quintum dicendum, quod anima intellectualis principia et conclusiones intelligit per species a phantasmatibus abstractas; et ideo non est diversum intelligere secundum speciem. — *Ibid.* ad 2.

Ad sextum dicendum, quod cognoscere aliquid per alterum contingit duplieiter *uno modo*, sicut cognoscitur unum cognitum per aliud cognitum, ita quod sit distincta cognitio utriusque, sicut homo per principia cognoscit conclusiones, scotsu considerando utrumque; *alio modo*, sicut cognoscitur aliquid cognitum per speciem qua cognoscitur, ut videmus lapidem per speciem lapidis, quæ est in oculo. Primitur igitur modo cognoscere unum per alterum facit discursum, non autem secundum modo; sed hoc modo cognoscunt angelus causam per effectum, et effectum per causam, in quantum ipsa est sentia angelicæ multitudo quedam sue cause, et a multis ibi unum effectum. — *Ibid.* ad 8.

ARTICULUS IV

TRUM ANIMÆ RATIONALES SINT AÉQUALES
IN PERFECTIONE ET NOBILITATE.

Videtur quod animæ rationales sint aequales in perfectione et nobilitate.

1. Dicit enim Philosophus in *Praedict. c. 6 (5) de substantia*, quod substantia non suscipit magis et minus; sed si anima esset substantialiter perfectior, substantia susciperet magis et minus: ergo animæ rationales sunt aequales in perfectione. — V. supra in Logica q. 10, 3, quæstiunc. 5.

2. Præterea, intellectus unius hominis non potest melius intelligere quam intellectus alterius: *tum quia*, cum res sit uno modo, ab omnibus intelligitur; *tum quia* intellectus est id, quod est formalissimum in homine, differentia autem formæ causat differentiam speciei; sed operatio naturam indicat: ergo si æqualiter omnes animæ intelligunt, omnes erunt aequales in perfectione et nobilitate. — 1a, q. 85, 7, arg. 2 et 3; *de Verit.* q. 2, a. 2, arg. 1; 2. *Sent.* dist. 32, q. 2, a. 3, arg. 1.

3. Præterea, idem semper est natum accere idem, ut dicitur 2. *de Generat. ext. 56; c. 10*; unde oportet quod ab agente uniformi fiat effectus uniformis; sed anima immediate creaturæ a Deo: cum ergo in Deo nulla sit diversitas, videtur quod animæ inæquales ex creatione non sint. — 2. *Sent.* dist. 32, q. 2, a. 3, arg. 3.

4. Sed dices, quod quamvis non habeant diversitatem ab agente, habent tamen ex materia. — Contra, formæ, quæ secundum diversitatem materiæ diversificantur, de potentia materiæ educuntur, ut patet in corporalibus; sed anima rationalis non educitur de potentia materiæ, quia, ut dicitur lib. 16. *de Animal.* (i. e. *de Generat. Animal.* c. 3), intellectus est ab extrinseco: ergo nec etiam ex diversitate materiæ inæqualitas in animabus sese potest. — *Ibid.* arg. 4.

5. Præterea, dicit Philosophus 3. *Metaphys.* (*text. 41; l. 2, c. 3*), quod

in individuis unius speciei non est prædicatio secundum prius et posterius. Sed in diversis speciebus contingit esse hujusmodi prædicationem, ut scilicet genus de eis prædictetur secundum prius et posterius. Tunc autem præcipue videtur quod species per prius generis prædicationem recipiat, quando nobilior forma vel differentia naturam generis participat. Ergo in individuis hoc non contingit, ut unus homo nobiliorem formam quam aliis possideat; ergo videtur quod unus homo non habeat ex creatione nobiliorem animam quam aliis. — *Ibid.* arg. 5.

6. Præterea, forma individua supra formam non addit ullam rationem formæ; nam sic diversitas individualis esset specifica: nam diversitas competens formæ per se secundum id, quod ad rationem formæ pertinet, est specifica, et per consequens non addit aliquid substantiali: ergo animæ rationales in individuo non sunt inæquales in perfectione substantiali. — *Ibid.* arg. 1.

7. Præterea, intellectus animæ rationalis est omnino independens a corpore, quantum ad suam operationem; ergo si unus est perfectior alio, debet talis diversitas intellectui humano competere independenter a corpore, sed tantum ratione formæ; sed diversitas competens ratione formæ est specifica: ergo cum intellectus animalium rationalium non possint differre specie, non habent ullam inæqualitatem in intelligendo; et consequenter nec erit ulla inæqualitas in perfectione substantiali in ipsis animabus. — Cf. *ibid.* ad 7.

8. Præterea, *vel* diversitas animalium in perfectione oritur ex ratione ipsius formæ, *vel* ex diversitate materiæ. Sed *primum* dici non potest, quia sequeretur, ut dictum est, animas differre specie, quod est falsum. Si vero dicatur *secundum*, idem sequitur, quia diversitas materialis oritur ex diversitate formalis; diversitas enim partium integrantium, quæ est materialis, causatur ex parte formæ, quia ex hoc quod forma est talis, oportet quod corpus sit illi

sic dispositum. Ergo dicendum est, quod animæ rationales sunt omnes in perfectione et nobilitate æquales. — Cf. *ibid.* ad 6.

Sed contra est : 1. quod ubi est perfectior operatio, ibi est virtus operandi perfectior; et per consequens, ubi virtus est perfectior, ibi natura, cui competit talis virtus, est perfectior; sed unus homo, ut patet experientia, melius et profundius intelligit quam alius — sicut profundius intelligit qui conclusionem aliquam potest reducere in prima principia et causas primas, quam qui potest solum reducere in causas proximas proprias — : ergo unus homo habet intellectum perfectiorem alio, et consequenter perfectorem et nobiliorem animam. — 1a, q. 85, a. 7, arg. *Sed contra.*

2. Præterea, videmus ad sensum quosdam homines esse melioris intellectus quam alios; sed bonitas intellectus non potest causari ex corpore, quia intellectus a corpore absolutus est, ut dicitur in 3. *de Anima* (*text.* 19 et 20; c. 5) : ergo oportet quod hoc contingat ex diversitate, quam animæ a sui creatione habent. — 2. *Sent.* dist. 32, q. 2, a. 3, arg. 2 *Sed contra.*

RESPONDEO DICENDUM, quod de anima duplex est opinio. Quidam enim dicunt, quod est composita ejus substantia ex aliquo materiali et aliquo formali. Et secundum hoc potest dici, quod absque diversitate speciei potest in animabus inæqualitas inveniri secundum se ipsas, per diversitatem ejus, quod est in anima materiale. Sed quia supra dictum est, quod anima est natura et forma quadam simplex; non oportet in ipsis ponere differentiam et inæqualitatem consequentem rationem formæ, quia cum hujusmodi differentia et inæqualitas sit specifica, animæ rationales *specie* different, quod est falsum. Cum ergo numero tantum different, debet talis differentia ex materia causari, quia ex materia tantum causatur omnis differentia numerica; ac proinde distinctio animarum oriens ex diversitate

corporum. Quoniam vero omnis actus et forma recipitur in materia secundum materię capacitatem, ejusque dispositioni proportionatur, necesse est ut quæ unitur corpori melius disposito et organizato, sit majoris virtutis in intelligendo, et consequenter ipsa sit perfectior ac nobilio quam alia, quæ minus bene disposito unitur. Quod dupli signo potest etiam esse manifestum : — et primo quidem ex his, quæ diversi generis sunt : quia unumquodque invenitur tanto nobilius genus animæ participare, quanto corpus ejus ad nobilius genus complexionis pertingit, ut in hominibus, brutis et plantis; — secundo, etiam in his, quæ sunt unius generis : ex hoc enim contingit diversitas animarum, quod est in corporibus diversitas; et hoc etiam patet ex signo boni intellectus, quod Philosophus in 2. *de Anima* (*text.* 94; c. 9) dat intelligere, dicens eos, qui sunt boni tactus et molles carne, aptos mente esse; bonitas autem tactus ex æqualitate complexionis contingit : quia oportet ut instrumentum tactus inter contraria tangibilia sit medium; et quanto magis pervenit ad medium, tanto melior erit tactus. Unde patet, quod ex diversitate corporis animarum diversitas resultat. — 2. *Sent.* dist. 32, q. 2, a. 3, c.; cf. Hannibalus in 2. *Sent.* dist. 32, q. un., a. 4; 1a, q. 85, a. 7, c.; 2. *de Anima* 1. 19.

Ad primum dicendum, quod tripliciter potest considerari anima : — *primo*, quantum ad rationem speciei; et hoc modo omnes animæ sunt æquales, nec una est magis substantia quam alia; nec eadem in homine recipit magis et minus; — *secundo*, in quantum relata perfectio naturæ in perfectionem individui, per modum, quo ex principiis speciei sequuntur operationes individuorum; et secundum hoc unus homo est potentior alio in expensis operationibus speciem concernentiibus: unus enim alio promptior est ad intelligendum vel ad ratiocindum, et sic de aliis; — *tertio* potest considerari per ordinem ad corpus diversimode con-

plexionatum, in quo recipitur; et hoc modo, cum quidquid recipitur per modum recipientis recipiatur, et actus sint proportionati suis potentis, ex diversitate complexionis per accidens resultat et causatur diversitas in animalibus, ita ut una individualiter sit perfectior alia, digniusque ab una materia melius disposita participetur quam ab alia. — 2. *Sent.* dist. 32, q. 1, a. 3, c.; q. 2, a. 3, ad 1 et 6; cf. in *Logica* q. 10, a. 3, quæstiunc. 5.

Ad secundum dicendum, quod duplice potest intelligi, quod una et eadem res melius et magis ab uno quam ab alio intelligatur: — *uno modo* sic, quod *magis* determinat actum intelligendi ex parte *rei intellectæ*; et sic non potest unus eandem rem magis et melius intelligere quam alius, quia si intelligeret eam aliter quam sit, vel melius vel pejus, falleretur et non intelligeret; — *alio modo*, ut determinet actum intelligendi ex parte *intelligentis*; et sic unus potest eandem rem melius alio intelligere quia est melioris virtutis in intelligendo: sicut melius videt visione corporali rem aliquam qui est perfectioris virtutis, et in quo virtus visiva est perfectior.

Hoc autem circa intellectum contingit duplice: — *uno* quidem modo ex parte intellectus, qui est perfectior. Manifestum enim est, ut dictum est, quod quanto corpus est melius dispositum, tanto melior rem sortitur animam; quod manifeste appareat in his, quæ sunt secundum speciem diversa. Cujus ratio patet ex dictis, quia actus et forma recipitur in materia secundum materiæ capacitatem. Unde etiam cum in hominibus quidam habeant corpus melius dispositum, sortiuntur animam majoris virtutis in intelligendo. Unde videmus, inquit Philosophus, quod molles carne bene sunt apti mente. *Alio modo* contingit hoc ex parte virium inferiorum, quibus intellectus indiget ad sui operationem; illi enim, in quibus virtus imaginativa et cogitativa et memorativa sunt melius dispositæ, sunt melius dispositi ad intelligendum. — *Ad priorem* autem pro-

bationem in contrarium dicendum, quod uno modo rem eandem omnes intelligunt, quantum est ex parte rei cognitæ; secus vero quantum est ex modo cognoscentis. Ad *posteriorem* vero dicendum, quod differentia formæ, quæ non provenit nisi ex diversa dispositione materiæ, non facit diversitatem secundum speciem, sed tantum secundum numerum; sunt enim diversorum individuorum diversæ formæ secundum materiam diversificatæ. — 1a, q. 85, a. 7, c. et ad 2 et 3; *de Verit.* q. 2, a. 2, ad 11; vide etiam *de Pot.* q. 2, a. 2, in c., unde proveniat quod quis clarius alio intelligat.

Ad tertium dicendum, quod licet Deus sit unum agens in quo nulla est diversitas; tamen quia per voluntatem agit, potest multiformes effectus producere pro libito suæ voluntatis. Sed hoc esse non potest, quod aliqua in specie convenientia in forma habeant diversitatem: quia hoc implicat contradictionem; et ideo oportet quod diversitas, quæ est in animalibus ejusdem speciei, in diversitatem materiæ reducatur. — 2. *Sent.* dist. 32, q. 2, a. 3, ad 3.

Ad quartum dicendum, quod quamvis anima rationalis non educatur de potentia materiæ, tamen creatur in materia ut actus ipsius; et ideo oportet quod in ea per modum materiæ recipiatur. — *Ibid.* ad 4.

Ad quintum dicendum, quod in individuis est diversitas formalis, non quæ est formæ per se secundum id, quod ad rationem formæ pertinet — nam talis diversitas formæ diversitatem speciei inducit, et prioritatem ac posterioritatem in prædicatione generis talium specierum diversarum —; sed quæ non per se, sed per accidens ex diversitate materiæ resultat, secundum quod in materia melius disposita dignius forma participatur; hæc enim diversitas non diversificat speciem; et hæc est diversitas animarum. — *Ibid.* ad 5 et ad 1. — Et sic patet *ad sextum*.

Ad septimum dicendum, quod quamvis intellectus sit absolutus a corpore quan-

tum ad propriam operationem, quæ organo corporali non expletur; tamen conjunctionem habet ad corpus dupliciter: scilicet ex parte essentiæ animæ, quæ forma corporis est, et ex parte inferiorum potentiarum, ex quibus intellectus recipit; et per istum modum diversitas corporis in diversitatem intellectus redundat. — *Ibid.* ad 7; 1a, q. 85, a. 7, in c.

Ad octavum dicendum, quod diversitas materiæ potest accipi dupliciter: vel diversitas partium speciei, id est partium specie differentium sive *formaliter*, ut manus, pes et hujusmodi; et talis diversitas causatur ex parte formæ, quia ex hoc, quod forma est talis, oportet quod corpus sit sibi sic dispositum. Est autem quædam diversitas *materialis* tantum, quæ ad speciem non pertinet, sed ad individuum tantum; et ista redundat ex materia in formam, et non e converso. — *Ibid.* ad 6.

QUÆSTIO XCI DE UNIONE ANIMÆ RATIONALIS AD CORPUS.

Deinde considerandum est de unione animæ rationalis ad corpus.

CIRCA QUAM QUÆRUNTUR NOVEM:

1. Utrum anima rationalis uniatur corpori ut forma.
2. Utrum anima rationalis numero multiplicetur ad multiplicationem corporum, vel sit una in omnibus hominibus.
3. Utrum in corpore, ejus est forma anima rationalis, sit aliqua alia anima.
4. Utrum sit in eo aliqua alia forma substantialis.
5. Utrum anima rationalis tali corpori debat uniri, quale est corpus huminum.
6. Utrum anima rationalis uniatur corpori medianibus dispositionibus accidentalibus.
7. Utrum anima rationalis uniatur corpori mediante aliquo corpore.
8. Utrum anima rationalis sit tota in qualibet parte animalis.
9. Utrum anima rationalis, quæ unitur uni corpori, posset uniri aliis.

ARTICULUS I

UTRUM ANIMA RATIONALIS UNIATUR CORPUS UT FORMA.

Videtur quod anima rationalis non unitur corpori ut forma.

1. Dicit enim Philosophus 3 *de Anima* (*text.* 6 et 7; c. 4), quod intellectus non est mixtus cum corpore sicut sensitivum sed est separatus et nullius corporis actus non ergo unitur corpori ut forma. — 1a q. 76, a. 1, arg. 1; *Quæst. disp. de Anima* a. 2, arg. 1.

2. Præterea, omnis forma determinatur secundum naturam materiæ, cuja est forma; alioqui non requireretur proportio inter materiam et formam; si ergo intellectus uniretur corpori ut forma, cum omne corpus habeat determinatam naturam, sequeretur quod intellectus habere determinatam naturam: et sic non esse omnium cognoscitivus; quod est contradictionem intellectus. Non ergo unitur intellectus corpori ut forma. — 1a, 1, c. arg. 2; *Quæst. disp. de Anima* a. 2, arg. 18.

3. Præterea, quæcumque potentia receptiva est actus alicujus corporis, recipit formam materialiter et individualiter quia receptum est in recipiente per modum recipientis. Sed forma rei intellectus non recipitur in intellectu materialiter et individualiter, sed magis immaterialiter et universaliter; alioqui intellectus non esset cognoscitivus immaterialium et universalium, sed singularium tantum sicut et sensus. Ergo intellectus non unitur corpori ut forma. — 1a, 1, c. arg. 1.

4. Præterea, ejusdem est potentia et actio, ut dicit Philosophus (*de Somno et Vigilia* c. 1, ante med.); idem enim est quod potest agere et quod agit; sed actio intellectualis, puta intelligere, non est alicujus corporis vel organi corporis, ut dicitur 3. *de Anima* (*tert.* 6 et sqq.; c. 4) ergo nec potentia intellectiva est alicui corporis potentia; sed virtus sive poten-

ia non potest esse abstractior vel simplior quam essentia, a qua virtus vel potentia derivatur : ergo nec substantia intellectus est corporis forma. — 1a, l. c. arg. 4; *de Spirit. Creat.* a. 2, arg. 2.

5. Præterea, id quod per se habet esse, non unitur corpori ut forma, quia forma est quo aliquid est ; et sic ipsum esse formæ non est ipsius formæ secundum se ; sed intellectivum principium habet secundum se esse et est subsistens, ut dictum est : non ergo unitur corpori ut forma. — 1a, l. c. arg. 5.

6. Præterea, id quod inest alicui rei secundum se, semper inest ei. Sed formæ secundum se inest uniri materiæ ; non enim per accidens, sed per essentiam suam est actus materiæ ; alioquin ex materia et forma non fieret unum substantialiter, sed accidentaliter. Forma ergo non potest esse sine propria materia. Sed intellectivum principium, cum sit incorruptibile, ut supra ostensum est, remanet corpori non unitum, corpore corrupto. Ergo intellectivum principium non unitur corpori ut forma. — *Ibid.* arg. 6.

7. Præterea, forma non est propter materiam, sed materia propter formam. Unde anima non unitur corpori, ut perficiatur corpus, sed magis corpus unitur animæ, ut ipsa perficiatur. Sed anima rationalis non eget corpore ad sui perfectionem, cum sine corpore possit esse et intelligere ; ergo anima non unitur corpori ut forma. — *de Spirit. Creat.* a. 2, arg. 5.

8. Præterea, forma dans esse corpori physico est natura (2. *Phys. text.* 4 et 12; c. 1), et non est separabilis nisi secundum rationem, ut dicitur 2. *Phys. (text.* 12; c. 1) et 4. *Phys. (text.* 17; c. 2), et est considerationis physicæ, ut dicitur 2. *Phys. (text.* 21, 22, 23; c. 2). Sed anima rationalis non est natura (1. *de Partibus Animal.* c. 1, post med.) *, et est

separabilis secundum rem, ut dicitur *de Anima* l. 2 (*text.* 1; c. 1) et 3 (*text.* 7; c. 4), et non est considerationis physicæ (hæc enim est de corruptilibus formis, ut dicitur 1. *Phys. text.* 83; c. 9; anima autem est incorruptibilis, cum remaneat in esse, corrupto corpore, ut dictum est). Ergo. — 2. *Phys. l. 1 et 2;* 4. *Phys. l. 3;* — 2. *Phys. l. 4;* — 2. *de Anima* l. 2; 3. *de Anima* l. 7; — 1. *Phys. l. ult.*

9. Præterea, dicit Philosophus (1. *de Anima text.* 49; c. 4), quod melius est intellectui non esse cum corpore ; sed formæ non est melius esse sine propria materia : ergo anima intellectiva non est corporis forma. — 1. *de Anima* l. 8.

Sed contra est : 1. quod secundum Philosophum (8. *Metaphys. text.* 6; l. 7, c. 2) differentia sumitur a forma rei ; sed differentia constitutiva hominis est rationale, quod dicitur de homine ratione principii intellectivi : ergo intellectivum principium seu anima rationalis est forma hominis. — 1a, q. 76, a. 1, arg. *Sed contra*; *Quæst. disp. de Anima* a. 1, arg. *Sed contra*.

2. Præterea, dicit Philosophus 12. *Metaphys. text.* 17 (l. 11, c. 3) formam aliquam posse manere post corpus, non omnem, sed intellectum ; et 3. *de Anima text.* 5 (c. 4) dicit naturam intellectus esse, quod sit possibilis, nihilque actu esse eorum, quæ intelligit ; et *text.* 14 (c. 4) dicit esse sicut tabulam rasam, in qua nihil scriptum est ; — at si non esset forma, non acciperet intellectus cognitionem a sensibilibus, sed eodem modo se haberet ut substantiæ separatæ : ergo. — 12. *Metaphys. l. 3* (2); 3. *de Anima* l. 7 et 9.

3. Præterea, felicitas humana ex Philosopho (1. *Eth. c. 2 et 9, al. 1 et 10*) consistit in operatione, secundum quam homo quatenus homo distinguitur ab aliis animalibus ; et hæc operatio est speculativa, et operatio virtutum, ut demonstrat Philosophus (10. *Ethic. c. 7 et 8*). At si intellectus non est forma hominis, sed est substantia separata, non poterit operatio, quæ est contemplativa, esse felicitas ho-

* Aristoteles, edit. Bekker, p. 641 b, lin. 7 sqq.; v. Mauri Paraphrasin in 1. *de Partibus Animal.* c. 1, art. 5, n. 28.

minis, sed erit felicitas intellectus, qui est substantia separata. Impossibile enim est, si aliqua substantia operatur aliquam operationem, quod illa operatio sit alterius substantiae ab ea divisæ. Unde et Philosophus (1. Eth. c. 6, al. 4) dicit, quod sicut visus est in oculo, ita et mens in anima; est autem visus forma oculi, ut dicut Philosophus (2. de Anima text. 10; c. 1): ergo et anima rationalis est forma corporis. — 1. Eth. l. 2 et 14; 10. Eth. l. 10, 11, 12; — Quæst. disp. de Anima a. 2, c.; — 1. Eth. l. 7; 2. de Anima l. 2.

RESPONDEO DICENDUM, quod necesse est dicere, quod intellectus, qui est intellectualis operationis principium, sit humani corporis forma. Illud enim, quo primo aliquid operatur, est forma ejus, cui operatio tribuitur: sicut quo primo sanatur corpus, est sanitas, et quo primo scit anima, est scientia; unde sanitas est forma corporis, et scientia animæ. Et hujus ratio est, quia nihil agit, nisi secundum quod est actu; unde quo aliquid est actu, eo agit. Manifestum est autem, quod primum, quo corpus vivit, est anima. Et cum vita manifestetur secundum diversas operationes in diversis gradibus viventium, id, quo primo operatur unumquodque horum operum vita, est anima. Anima enim est primum, quo nutrimur, sentimus et intelligimus et movemur secundum locum; et similiter quo primo intelligimus, sive dicatur intellectus sive anima intellectiva, est forma corporis. Et haec est demonstratio Philosophi (2. de Anima text. 24; c. 2). Si quis autem velit dicere animam intellectivam non esse corporis formam, oportet quod inveniat modum, quo ista actio, quæ est intelligere, sit hujus hominis actio. Experitur enim uniusquisque se ipsum esse, qui intelligit.

Attribuitur autem aliqua *actio* alicui tricpliter, ut patet per Philosophum (3. Phys. text. 1; c. 1). Dicitur enim mouere aliquid aut agere vel secundum se totum, sicut medicus sanat; aut secundum

partem, sicut homo videt per oculum aut per accidens, sicut dicitur, quod album ædificat, quia accidit ædificatio esse album. — Cum igitur dicimus Socratem aut Platonem intelligere, manifestum est, quod non attribuitur ei per accidens: attribuitur enim ei in quantum est homo, quod essentialiter praecatur de ipso. Aut ergo oportet dicere quod Socrates intelligit secundum se tantum, sicut Plato posuit dicens hominem esse animam intellectivam; aut oportet dicere, quod intellectus sit aliqua pars Socratis. — Et primum quidem stare non potest, propter hoc quod ipse idem homo est, ut dictum est, qui percipit se intelligere et sentire; sentire autem non est sine corpore: unde oportet corpus esse aliquam hominis partem.

Relinquitur ergo, quod intellectus quo Socrates intelligit, est aliqua pars Socratis, ita quod intellectus aliquo modo corpori Socratis uniatur. Hanc autem unionem Commentator (in 3. de Anima text. 36) dicit esse per speciem intelligibilem; quæ quidem habet duplex subjectum, unum, scilicet intellectum possibilem, et aliud, phantasmata, quæ sunt organis corporeis, et sic per speciem intelligibilem continuatur intellectus possibilis corpori hujus vel illius hominis. Sed ista continuatio vel unio non sufficit ad hoc, quod actio intellectus sit actio Socratis. Et hoc patet per similitudinem sensu, ex quo Aristoteles procedit ad considerandum ea, quæ sunt intellectus. Sunt enim se habent phantasmata ad intellectum (ut dicitur 3. de Anima text. 18 et 30; 5 et 7) sicut colores ad visum. Sicut eter species colorum sunt in visu, ita species phantasmatum sunt in intellectu possibilem. Patet autem, quod ex hoc, quod colori sunt in pariete, quorum similitudines sunt in visu, actio visus non attribuitur parieti; non enim dicimus, quod parieti videat, sed magis quod videatur. hoc ergo, quod species phantasmata sunt in intellectu possibili, non sequitur quod Socrates, in quo sunt phantasmata

ntelligat, sed quod ipse vel ejus phantas-
nata intelligantur. — 1a, q, 76, a. 1, c.

Quidam autem dicere voluerunt, quod intellectus unitur corpori ut *motor*: et sic ex corpore et intellectu fit unum, ut actio intellectus toti attribui possit. Sed hoc est multipliciter falsum. *Primo* quia intellectus non movet corpus nisi per appetitum, cuius motus præsupponit operationem intellectus. Non ergo quia movetur Sortes ab intellectu, ideo intelligit; sed e contra, quia intelligit, ideo ab intellectu movetur. *Secundo*, quia cum Sortes sit quoddam individuum in natura, cuius essentia est una, composita ex materia et forma, si intellectus non est forma ejus, sequitur quod sit præter essentiam ejus: et sic intellectus comparabitur ad totum Sortem sicut motor ad motum. Intelligere autem est actio quietis in intellectu agente, non autem transiens in alterum, sicut calefactio. Non ergo intelligere potest attribui Sorti propter hoc, quod est motus ab intellectu. *Tertio*, quia actio motoris nunquam attribuitur moto nisi sicut instrumento, sicut actio carpentarii serræ. Si igitur intelligere attribuitur Sorti, quia est actio motoris ejus, sequitur quod attribuatur ei sicut instrumento; quod est contra philosophum (*de Anima* text. 12; c. 1), qui vult, quod intelligere non sit per instrumentum corporeum. *Quarto*, quia licet actio partis attribuatur toti, ut actio oculi homini, nunquam tamen attribuitur oculi parti, nisi forte per accidens. Non enim dicimus, quod manus videat propter hoc, quod oculus videt. Si ergo ex intellectu et Sorte fit unum, actio intellectus non potest attribui Sorti; si vero Sortes est totum, quod componitur ex unione ad reliqua, quæ sunt Sortis, et tamen intellectus non unitur aliis, quæ sunt Sortis, nisi sit motor, sequitur, quod Sortes non sit unum simpliciter, et per consequens nec ens simpliciter. Sic enim aliquid est ens, quomodo et unum. Relinquitur ergo solus modus, quem Aristoteles 2. *de Anima* (text. 25 et 26;

c. 2) ponit, quod hic homo intelligit, quia principium intellectivum est forma ipsius. Sic ergo ex ipsa operatione apparet, quod intellectivum principium unitur corpori ut forma. — *Ibid.*

Potest etiam idem manifestari ex ratione speciei humanæ. Natura enim uniuscujusque rei ex ejus operatione ostenditur. Propria autem operatio hominis, in quantum est homo, est intelligere; per hanc enim omnia alia transcendit — unde et Aristoteles (in 10. *Eth.* c. 7) in hac operatione, sicut in propria hominis, ultimam felicitatem constituit. Oportet ergo quod homo secundum illud speciem sortiatur, quod est hujus operationis principium. Sortitur autem unumquaque speciem per propriam formam. Relinquitur ergo quod intellectivum principium sit propria hominis forma. — *Ibid.*

Sed considerandum est, quod quanto forma est nobilior, tanto magis dominatur materiæ corporali, et minus ei immersatur, et magis sua operatione et virtute excedit eam. Unde videmus, quod forma mixti corporis habet aliam (1) operationem, quæ non causalur ex qualitatibus elementaribus. Et quanto magis proceditur in nobilitate formarum, tanto magis invenitur virtus formæ materiam elementarem excedere: sicut anima vegetabilis plus quam forma metalli; et anima sensibilis plus quam anima vegetabilis. Anima autem humana est ultima in nobilitate formarum. Unde in tantum sua virtute excedit materiam corporalem, quod habet aliquam operationem et virtutem, in qua nullo modo communicat materia corporalis; et hæc virtus dicitur intellectus. — *Ibid.*

Est autem attendendum, quod si quis poneret animam componi ex materia et forma, nullo modo posset dicere animam esse formam corporis. Cum enim forma sit actus, materia vero ens in potentia tantum; nullo modo id quod est ex mate-

(1) Al. « aliquam ».

ria et forma compositum, potest esse alterius forma secundum se totum. Si autem secundum aliquid sui sit forma, id quod est forma, dicimus animam; et id cuius est forma, dicimus primum animatum, ut supra dictum est. — 1a, q. 76, a. 1, c.

Ad primum dicendum, quod sicut Philosophus dicit in 2. *Phys.* (*text.* 26; c. 2), ultima formarum naturalium, ad quam terminatur consideratio philosophi naturalis, scilicet anima humana, est quidem separata, sed tamen in materia. Quod ex hoc probat, quia « homo ex materia generat hominem et sol ». *Separata* quidem (est) secundum virtutem intellectualem: quia virtus intellectiva non est virtus alicujus organi corporalis, sicut virtus visiva est virtus oculi; intelligere enim est actus, qui non potest exerceri per organum corporale, sicut exercetur visio; — sed *in materia* est, in quantum ipsa anima, cuius est hæc virtus, est corporis forma. Sic ergo Philosophus dicit in 3. *de Anima* (*text.* 6 et 7; c. 4), quod intellectus est separatus, quia non est virtus alicujus organi, sicut est sensus. — *Vel dic*, quod intellectus dicitur separatus, non sensus, quia intellectus remanet corpore corrupto in anima separata, non autem potentia sensitiva. — Melior tamen est prior solutio. — 1a, l. c. ad 1; *Quæst. disp. de Anima* a. 2, ad 2.

Ad secundum dicendum, quod si intellectus possibilis haberet aliquod organum corporale, oporteret quod illud organum corporale esset principium simul cum intellectu possibili quo intelligimus, sicut pupilla cum potentia visiva est principium quo videmus. — *Quæst. disp. de Anima* a. 2, ad 18.

Ad tertium dicendum, quod sufficit ad hoc quod homo possit intelligere omnia per intellectum, et ad hoc quod intellectus intelligat omnia immaterialia et universalia, quod virtus intellectiva non est corporis actus. — 1a, l. c. ad 3.

Ad quartum dicendum, quod anima rationalis non est forma in materia corpo-

rali immersa, vel ab ea totaliter comprehensa, propter suam perfectionem; ideo nihil prohibet aliquam ejus virtutem non esse corporis actum, quamvis anima secundum suam essentiam sit corporis forma. — *Ibid. ad 4; de Spirit. Creat.* a. 2, ad 2.

Ad quintum dicendum, quod anima communicat illud esse, in quo subsisti materiæ corporali, ex qua et anima intellectiva fit unum: ita quod illud esse est totius compositi, et est ipsius animæ quod non accedit in aliis formis, quae non sunt subsistentes: et propter hoc anima humana remanet in suo esse, de structo corpore, non autem aliæ forma — 1a, l. c. ad 5.

Ad sextum dicendum, quod secundum se convenit animæ unitæ corpori unitæ secundum se convenit corpori levæ esse sursum. Et sicut corpus leve manet quidem leve, cum a loco proprio fuerit separatum, cum aptitudine tamen et inclinatione ad proprium locum: ita anima humana manet in suo esse, cum fuerit corpore separata, habens aptitudinem inclinationem naturalem ad corporis unitæ. — *Ibid. ad 6.*

Ad septimum dicendum, quod nullæ pars habet perfectionem naturæ separata a toto. Unde anima cum sit pars naturæ humanae, non habet perfectionem suæ naturæ nisi in unione ad corpus. Quod patet ex hoc, quod in virtute ipsius animæ est, quod fluant ab ea quædam potentiae, quæ non sunt actus corpororum organorum, secundum quod excedit corporis proportionem; et iterum, quod fluant ab ea potentiae, quæ sunt actus organorum, in quantum potest contingi a materia corporali. Non est autem aliquid perfectum in natura sua, nisi actu explicari possit, quod in eo virtus continetur. Unde anima licet possit esse et intelligere a corpore separata, non tamen habet perfectionem suæ naturæ cum est separata a corpore, ut dicit Augustinus (12. *super Genes. ad Lit.* c. 33; — Migne PP. Lat. t. 34, col. 48)

sq.). — *de Spirit. Creat.* a. 2, ad d octavum dicendum, quod anima rationalis est *natura* ex ea parte, qua tur corpori secundum modum corpo- ; secus vero ex ea parte, qua excedit corporis capacitatem et proportionem ; uatenus naturam intellectualem habet munem cum angelis, ratione cuius mæ in ea receptæ sunt intelligibiles immateriales, et uatenus habet ope- ; onem in qua non communicat corpus. Est præterea *separabilis* secundum onem, quia, uatenus est forma cor- ; s, habet inclinationem ad illud, et est perfecta secundum suam natu- ; nis in corpore, ut dictum est ; se- ; vero uatenus est virtus operativa, intellectus caret organo corporali. — demum anima rationalis partim con- ; siderationis physicæ partim metaphysi- ; Est considerationis physicæ, qua- ; s est separata secundum esse, ha- ; tamen esse in materia : uatenus em est *separata* secundum esse, in- ; tantum virtus intellectiva, non est actus ; uetus organi corporalis, sicut virtus ova est actus oculi ; uatenus vero in materia, id est uatenus dat esse naturale tale corpori, quia ad Philoso- ; m naturalem spectat considerare for- ; m, non ut forma est, sed uatenus in eria est. — Est autem consideratio- ; metaphysicæ, uatenus est forma sim- ; ter, et secundum quod est separa- ; et sine corpore potens existere, et enus excedit capacitatem corporis et enit cum angelis. — *Quæst. disp. de na* a. 2, ad 12; *de Verit.* q. 26, a. 17; 2. *Phys.* l. 4.

nonum dicendum, quod illud di- affertur a Philosopho non tamquam propria sententia, sed ex sententia onis et aliorum, ut patet ex verbis, subdit : « quemadmodum consue- est dici, et multis videtur »; nam ui certum est, animæ rationali, cum ars, magis naturale esse et perfe- esse unitam corpori quam esse se-

paratam. — *Tabula Aurea* voce « anima » n. 115; *Opusc.* 2, c. 148, 149.

ARTICULUS II

UTRUM ANIMA RATIONALIS NUMERO MULTIPLICETUR SECUNDUM MULTIPLICATIONEM CORPORUM.

Videtur quod anima rationalis non multiplicetur numero secundum multiplicationem corporum, sed sit una in omnibus hominibus.

1. Dicit enim Philosophus 1. *de Cælo*, quod si essent plures mundi, essent plures cœli primi, et per consequens essent plures primi motores; et sic primi motores essent materiales : — pari ergo ratione si essent plures animæ rationales in pluribus hominibus, anima rationalis esset materialis, quod est impossibile. — *Quæst. disp. de Anima* a. 3, arg. 14.

2. Præterea, nulla forma multiplicatur secundum esse ad divisionem materiæ nisi forma materialis; sed anima rationalis est forma immaterialis ; non enim est composita ex materia et forma, ut supra ostendum est : ergo animæ rationales non sunt multæ in una specie, sed una est in omnibus hominibus. — 1a, q. 76, a. 2, arg. 1.

3. Præterea, remota causa removetur effectus ; si ergo secundum multiplicatio- ; nem corporum multiplicarentur animæ humanæ, consequens videtur quod remotis corporibus multitudo animarum non remaneat, sed ex omnibus anima- ; bus remaneat aliquod unum solum : quod est hæreticum ; periret enim differ- ; entia præriorum et pœnarum. — *Ibid.* arg. 2.

4. Præterea, omne quod recipitur in aliquo, recipitur in eo per modum recipi- ; entis, et non per modum sui, ut habe- ; tur in libro *de Causis* (prop. 24); si ergo anima rationalis vel intellectus indivi- ; duatur ad divisionem corporis, ut sit alia et alia vel alius et alius, oportet quod

formæ intellectuales in anima rationali vel intellectu receptæ sint individuatæ. Ex quo videntur sequi tria inconvenientia : — *primum* est, quod intellectus possibilis non erit cognoscitus universalium, sed tantum singularium ; — *secundum* est, cum nullum singulare sit intellectum in actu, sed in potentia, quod hujusmodi species non erunt intelligibles actu, sed indigebunt intelligi per alias species, et sic in infinitum procedetur ; — *tertium* est, quod erit idem modus recipiendi formas in materia prima et in intellectu possibili, quia utrobique recipiuntur, ut sunt istæ, et non ut sunt formæ simpliciter : et ita, sicut materia prima non est cognoscibilis per formas, quas recipit, ita nec intellectus possibilis. — *Ibid.* arg. 3 ; 2. *Sent.* dist. 17, q. 2, a. 1, arg. 3.

5. Præterea, intellectum est in intelligente. Si ergo intellectus meus est aliud ab intellectu tuo, et consequenter anima mea ab anima tua, oportet quod aliud sit intellectum a me, et aliud sit intellectum a te ; et ita erit individualiter numeratum et intellectum in potentia tantum, et oportebit abstrahere intentionem communem ab utroque, quia a quibuslibet diversis contingit abstrahere aliquod commune intelligibile ; quod est contra rationem intellectus, quia sic non videatur distingui intellectus a virtute imaginativa. Videtur ergo relinqui, quod sit unus intellectus omnium hominum. — 1a, l. c. arg. 4.

Sed contra est : 1. quod Philosophus (2. *Phys.* text. 38 : c. 3) dicit, quod sicut se habent causæ universales ad universalia, ita se habent causæ particulares ad particularia. Sed impossibile est, quod una anima secundum speciem sit diversorum animalium secundum speciem ; ergo impossibile est, quod anima intellectiva una numero sit diversorum secundum numerum. — 1a, q. 76, a. 2, arg. 1 *Sed contra*.

2. Præterea, unicuique motori debentur propria instrumenta — alia enim

sunt instrumenta tibicinis, alia architoris — ; anima autem comparatur corpus ut motor ipsius, ut dicitur 3. *Anima* (text. 48 ; c. 10) : sicut igitur impossibile est, quod architectus utatur instrumentis tibicinis, ita impossibile est, quod intellectus unius hominis sit intellectus alterius. — 2. c. *Gent.* c. 73, n. 2.

3. Præterea, Aristoteles (in 1. *de Anima* text. 8 ; c. 1) reprehendit antiquis de hoc, quod disserentes de anima nihil de proprio susceptibili dicebant, quod esset contingens secundum Pythagoricos fabulas, quamlibet animam quodlibet corpus induere. Non est ergo possibile, quod anima canis ingrediatur corpus lupi et anima hominis aliud corpus quam hominis. — Sed quæ proportio est anima hominis ad corpus hominis, eadem est proportio animæ hujus hominis ad corpus hujus hominis. Non est igitur possibile animam hujus hominis ingredi aliud corpus quam istius hominis. Sed animalius hominis est, per quam hic homo intelligit ; homo enim per animam integrat, secundum sententiam Aristotelis *de Anima* text. 64 ; c. 4). Non ergo una anima et unus intellectus hujus illius hominis. — *Ibid.* n. 3.

RESPONDIO MIERNDUM, quod anima rationale, vel ejus intellectum, est unam omnium hominum, omnino est impossibile. Et hoc quidem patet, si secundum Platonis sententiam homo sit in anima. Sequitur enim, si Socrates et Platonis est una anima tantum, quod Socrates et Plato sint unus homo, et quod distinguantur ab invicem nisi per hanc, quod est extra essentiam utriusque ; erit tunc distinctio Socratis et Platonis in alia quam hominis tunici et capelli, quod est omnino absurdum. — Similiter etiam patet hoc esse impossibile, si secundum sententiam Aristotelis (3. *Anima* text. 52 ; c. 10) intellectus potest pars seu potentia animæ, quae homini forma. Impossibile enim est per prius numero diversorum esse unam formam, sicut impossibile est quod cor

unum esse; nam forma est essendi principium. — Similiter etiam patet hoc esse possibile, quocunque modo quis ponat unum intellectus ad hunc vel illum unum principale agens et duo instrumenta, dici poterit unum agens simpliciter, sed plures actiones. Sic si unus homo agat diversa duabus manibus, erit unus agens, sed duo tactus. Si vero e consenso instrumentum sit unum et principes agentes diversi, dicentur quidem tres agentes, sed una actio: sicut si tri uno fune trahunt navem, erunt tri trahentes et unus tractus. Si vero unus principale sit unum et instrumentum unum, dicetur unum agens et una actio: sicut cum faber uno martello percutit, est unus percutiens et una percussio.

Manifestum est autem, quod qualiterque intellectus uniatur vel copuletur ad vel illi homini; intellectus inter se, quæ ad hominem pertinent, principalitatem habet: obediunt enim vires sensitivæ intellectui et ei deserviunt. Si ergo poneretur, quod essent plures intellectus et sensus unus duorum hominum, si duo homines haberent unum oculum, essent quidem plures videntes, sed una visio. Si vero intellectus est unus, tantumcumque diversificantur alia, quæ omnibus intellectus utitur quasi instrumentis, nullo modo Sortes et Plato erunt dici nisi unus intelligens. Et si alamus, quod ipsum intelligere, quod est ratio intellectus, non fit per aliquod aliud organum nisi per ipsum intellectum, sequitur ulterius, quod sit et agens unum actio una, id est, quod omnes homines sunt unus intelligens et unus intelligere, et autem respectu ejusdem intelligibili-

Posset autem diversificari actio intellectualis mea et tua per diversitatemphantasmatum, quia scilicet aliud est phantasma lapidis in me et aliud in te, ipsum phantasma, secundum quod aliud in me et aliud in te, esset anima intellectus possibilis; quia idem

agens secundum diversas formas producit diversas actiones, sicut secundum diversas formas rerum respectu ejusdem oculi sunt diversæ visiones. Sed ipsum phantasma non est forma intellectus possibilis, sed species intelligibilis, quæ a phantasmatisbus abstrahitur. In uno autem intellectu a phantasmatisbus diversis ejusdem speciei, non abstrahitur nisi una species intelligibilis: sicut in uno homine apparet, in quo possunt esse diversa phantasmata lapidis, et tamen ab omnibus illis abstrahitur una species intelligibilis lapidis, per quam intellectus unius hominis operatione una intelligit naturam lapidis, non obstante diversitate phantomatum. Si ergo unus intellectus esset omnium hominum, diversitates phantomatum, quæ sunt in hoc et in illo, non possent causare diversitatem intellectualis operationis hujus et illius hominis, ut Commentator singit in 3. de *Anima* (text. 6 et 36). Relinquitur ergo, quod omnino impossibile et inconveniens est ponere unum intellectum omnium hominum. — 1a, q. 76, a. 2, c.

Ad primum ergo dicendum, quod primus motor cœli est omnino separatus a materia, etiam secundum esse; unde nullo modo potest numero multiplicari. Non est autem simile de anima rationali. — *Quæst. disp. de Anima* a. 3, ad 14.

Ad secundum dicendum, quod licet anima intellectiva non habeat materiam ex qua sit, sicut nec angelus; tamen est forma materiæ alicujus, quod angelo non convenit; et ideo secundum divisionem materiæ sunt multæ animæ unius speciei; multi autem angeli unius speciei omnino esse non possunt. — 1a, l. c. ad 1.

Ad tertium dicendum, quod unumquodque hoc modo habet unitatem quo habet esse; et per consequens idem est iudicium de multiplicatione rei, et de esse ipsius. Manifestum est autem, quod anima intellectualis secundum suum esse unitur corpori ut forma; et tamen destructio corpore remanet anima intellectualis in

suo esse; — et eadem ratione multitudo animarum est secundum multitudinem corporum; et tamen destructis corporibus remanent animæ in suo esse multiplicatæ. — *Ibid.* ad 2.

Ad quartum dicendum, quod individuatio intelligentis, aut speciei per quam intelligit, non excludit intelligentiam universalium; alioqui, cum intellectus separati sint quædam substantiæ subsistentes, et per consequens particulares, non possent universalia intelligere. Sed materialitas cognoscentis, et speciei per quam cognoscitur, universalis cognitionem impedit. Sicut enim omnis actio est secundum modum formæ qua agens agit, ut calefactio secundum modum caloris; ita cognitio est secundum modum speciei, qua cognoscens cognoscit. Manifestum est autem, quod natura communis distinguitur et multiplicatur secundum principia individuantia, quæ sunt ex parte materiae. Si ergo forma, per quam sit cognitio, sit materialis, non abstracta a conditionibus materiae, erit similitudo naturæ speciei aut generis, secundum quod est distincta et multiplicata per principia individuantia; et ita non poterit cognosci natura rei in sui communitate. Si vero species sit abstracta a conditionibus materiae individualis, erit similitudo naturæ absque iis, quæ ipsam distinguunt et multiplicant, et ita cognoscetur universale. Nec refert quantum ad hoc, utrum sit unus intellectus vel plures, quia si etiam esset unus tantum, oporteret ipsum esse aliquem quandam, et speciem per quam intelligit, esse aliquam quandam. — *Ibid.* ad 3.

Ad quintum dicendum, quod sive intellectus sit unus sive plures, id quod intelligitur est unum. Id enim quod intelligitur non est in intellectu secundum se, sed secundum suam similitudinem. Lapis enim non est in anima, sed species lapidis, ut dicitur in 3. *de Anima* (*text.* 38; c. 8), et tamen lapis est id quod intelligitur, non autem species lapidis (nisi per reflexionem intellectus supra seip-

sum); alioquin scientiæ non essent de rbus, sed de speciebus intelligibilibus. Contigit enim eidem rei diversa secundum diversas formas assimilari. Et quia cognitione fit secundum assimilationem cognoscantis ad rem cognitam, sequitur quidem a diversis cognoscentibus cognosci contingit, ut patet in sensu: nam priores vident eundem colorem secundum diversas similitudines; et similiter plus intellectus intelligunt unam rem intellectam. Sed hoc tantum inter sensum et intellectum, secundum sententiam Aristotelis, quod res sentiuntur secundum illam dispositionem, quam extra animam habet in sua particularitate; natura autem rei quæ intelligitur est quidem extra animam, sed non habet illum modum essendit extra animam, secundum quem intelligitur. Intelligitur enim natura communis, seclusis prius individuantibus; non autem huiusmodum essendit habet extra animum. Sed secundum sententiam Platonis intellecta eo modo est extra animum, quo intelligitur; posuit enim naturas rum a materia separatas. — *Ibid.* 4.

ARTICULUS III

UTRUM PRAETER ANIMAM INTELLECTIVAS
SINT IN HOMINE ALIE ANIMA PER ESSEN-
TIAM DIFFERENTES.

Videtur quod praeter animam intellectivam sint in homine aliae animæ essentiam differentes, scilicet sensitivæ nutritivæ.

1. Corruptibile enim et incorruptibile non sunt unius substantiæ; sed anima intellectiva est incorruptibilis, aliae vero animæ, scilicet sensitivæ et nutritivæ sunt corruptibiles: ergo in homine potest esse una essentia animæ intellectivæ et sensitivæ et nutritivæ. — *Ad 76, a. 3, arg. 1.*

2. Si dicatur, quod anima sensitivæ homine est incorruptibilis: contra, C

uptibile et incorruptibile differunt secundum genus, ut dicitur 10. *Metaphys. text.* 26; l. 9, c. 10); sed anima sensitiva in equo et leone et aliis brutis animalibus est corruptibilis: si igitur in homine sit incorruptibilis, non erit ejusdem generis anima sensitiva in homine et in bruto. Animal autem dicitur ex eo, quod habet animam sensitivam. Neque ergo animal erit unum genus commune hominis et aliorum animalium; quod est inconveniens. — *Ibid. arg. 2.*

3. Præterea, dicit Philosophus in libro *de Generat. Animal.* (c. 3), quod embryo prius est animal quam homo. Sed hoc esse non posset, si esset eadem essentia animæ sensitivæ et intellectivæ; est enim animal per animam sensitivam, homo vero per animam intellectivam. Non ergo in homine est una essentia animæ sensitivæ et intellectivæ. — *Ibid. arg. 3.*

4. Præterea, dicit Philosophus (8. *Metaphys. text.* 6; l. 7, c. 2), quod genus sumitur a materia et differentia a forma. Sed rationale, quod est differentia constitutiva hominis, sumitur ab anima intellectiva; animal vero dicitur ex hoc, quod habet corpus animatum anima sensitiva. Anima ergo intellectiva comparatur ad corpus animatum anima sensitiva sicut forma ad materiam. Non ergo anima intellectiva est eadem per essentiam cum anima sensitiva in homine, sed præponnit eam sicut materiale suppositum. — *Ibid. arg. 4.*

5. Præterea, si anima rationalis, sensibilis et vegetabilis sunt idem secundum substantiam in homine, oportet quod in qualunque parte est una, sit etiam et alia; hoc autem est falsum: nam in ossibus est anima vegetabilis, quia nutriuntur et augentur; non autem est anima sensibilis, quia sine sensu sunt; ergo non sunt idem secundum substantiam; et sic erunt plures animæ. — *Quæst. disp. de Anima* l. 11, arg. 20.

Sed contra est: 1. quod Philosophus *l. de Anima text.* 91; c. 5) contra asse-

rentes vegetativum, sensitivum et intellectivum esse plures animas in eodem animali, probat id esse impossibile, quia diversa non possunt uni convenire, nisi ab aliquo uniantur; nihil autem est, quod illas uniat et contineat. Non enim corpus, quia anima potius continet corpus quam e contra, cum egrediente anima a corpore corpus deficiat et marcescat. Neque erit alia anima, quia, cum animæ sit continere, tunc oportebit quærere, utrum hæc sit una vel plures; si enim secundum, rursum quærendum erit, quid illas uniat, et sic in infinitum; si primum, a principio dicendum erat, quod una tantum est anima et non multiplex. — *l. de Anima* l. 14.

2. Præterea, dicit Philosophus (*de Juvent. ac Senect.* c. 1), quod necesse est unam et eandem esse particulam, secundum quam animal vivit, et secundum quam appellatur anima; eo quod animal, secundum quod animal, impossibile est non vivere; ergo eadem substantia est animæ nutritivæ et sensitivæ. — *de Juvent. ac Senect.* l. 1.

RESPONDEO DICENDUM, quod Plato posuit diversas animas esse in uno corpore, etiam secundum organa distinctas; quibus diversa opera vitæ attribuebat, dicens vim nutritivam esse in hepate, concupisibilem in corde, cognoscitivam in cerebro. Quam quidem opinionem Aristoteles reprobat in libris *de Anima* quantum ad illas animæ partes, quæ corporis organis in suis operibus utuntur, ex hoc, quod in animalibus quæ decisa vivunt in qualibet parte inveniuntur diversæ operationes animæ, sicut *sensus* et *appetitus*; hoc autem non esset, si diversa principia operationum animæ tamquam per essentiam diversæ diversis partibus corporis distributa essent. — Sed de *intellectiva* sub dubio videtur relinquere, utrum sit separata ab aliis partibus animæ solum ratione an etiam loco.

Opinio autem Platonis sustineri utique posset, si poneretur quod anima unitur corpori non ut forma, sed ut *motor*, ut

posuit Plato. Nihil enim inconveniens sequitur, si idem mobile a diversis motoribus moveatur, præcipue secundum diversas partes.

Sed si ponamus animam corpori uniri sicut *formam*, omnino impossibile videtur plures animas per essentiam differentes in uno corpore esse. Quod quidem triplici ratione manifestari potest: — *primo* quidem, quia animal non esset simpliciter unum, cuius essent animæ plures; nihil enim est simpliciter unum, nisi per formam unam, per quam habet res quod sit ens et quod sit una; et ideo ea, quæ denominantur a diversis formis, non sunt unum simpliciter, sicut homo albus. Si igitur homo ab alia forma haberet quod sit vivus, scilicet ab anima vegetabili, et ab alia forma quod animal, scilicet ab anima sensibili, et ab alia quod sit homo, scilicet ab anima rationali: seque-
retur quod homo non esset unum simpliciter; sicut et Aristoteles argumentatur contra Platonem in 3. *Metaphys.* (*text.* 20; l. 2, c. 6): quod si alia esset idea animalis et alia bipedis, non esset unum simpliciter animal bipes. Et propter hoc in 4. *de Anima* (*text.* 90; c. 5) contra ponentes diversas animas in corpore inquirit, quid continet illas, id est, quid faciat ex illis unum.

Et non potest dici, quod uniantur per corporis unitatem, quia magis anima continet corpus et facit ipsum esse unum, quam e converso. — 1a, q. 76, a. 3, c.

Secundo hoc apparet impossibile ex modo prædicationis. Quæ enim sumuntur a diversis formis, prædicantur ad invicem *vel per accidens*, si formæ non sint ad invicem ordinatae, puta cum dicimus, quod album est dulce; *vel*, si formæ sint ordinatae ad invicem, erit prædicatio *per se*, in secundo modo dicendi per se, quia subjectum pónitur in definitione prædicati, sicut superficies præambula est ad colorem. Si ergo dicamus, quod corpus superficiatum est coloratum, erit secundus modus prædicationis *per se*. Si ergo alia forma sit, a qua aliquid dicitur ani-

mal, et a qua aliquid dicitur homo; seque-
retur quod vel unum horum non possit prædicari de altero nisi per accidens, si istæ duæ formæ ad invicem ordinem non habent; vel quod sit ibi prædicatio in secundo modo dicendi per se, si una animarum sit ad aliam præambula. Utrumque autem horum est manifeste falsum: quia animal per se de homine prædicatur, non per accidens; homo autem non ponitur in definitione animalis, sed e converso. Ergo oportet eandem formam esse, per quam aliquid est animal, et per quam aliquid est homo; alioqui homo non vere esset id, quod est animal, n̄ sic animal per se de homine prædicetur — *Ibid.*

Tertio apparet hoc esse impossibile per hoc, quod una operatio animæ cum fuerit intensa impedit aliam; quod nullo modo contingere, nisi principium actionis esset per essentiam unum.

Sic ergo dicendum, quod eadem numero est anima in homine sensitiva e intellectiva et nutritiva. Quomodo autem hoc contingat, de facili considerari potest, si quis differentias specierum e formarum attendat. Inveniuntur enim rerum species et formæ differre ab invicem secundum perfectius et minus perfectum: sicut in rerum ordine animalia perfectiora sunt inanimatis et animali plantis et homines animalibus brutis et in singulis horum generum sunt gradus diversi. Et ideo Aristoteles in 7. *Metaphys.* (*text.* 40; l. 7, c. 3) assimilat species rerum numeris, qui differunt species secundum additionem vel subtractionem unitatis; et in 2. *de Anima* (*text.* 30 et 31; c. 3) comparat diversas animas speciebus figurarum, quarum inveniuntur aliam: sicut pentagonum continet tetragonum et excedit. Sic igitur anima intellectiva continet in sua virtute quidquid habet anima sensitiva brutorum, et nutritiva plantarum. Sicut enī superficies que habet figuram pentagonam, non per aliam figuram est tetrangularis et per aliam pentagona (quia in-

erflueret figura tetragona, ex quo in pentagona continetur) ; ita nec per aliam animam Sortes est homo, per aliam animal, sed per unam et eandem. — 1a, q. 3, a. 3, c.

Ad primum ergo dicendum, quod anima sensitiva non habet incorruptibilitatem ex hoc, quod est sensitiva ; sed ex hoc, quod est intellectiva, ei incorruptibilitas debetur. Quando ergo anima sensitiva tantum, corruptibilis est ; quando vero cum sensitivo intellectuum habet, est incorruptibilis ; licet animam sensitivum incorruptionem non det, tamen incorruptionem intellectivo auferre non potest. — *Ibid.* ad 1.

Ad secundum dicendum, quod formæ non collocantur in genere vel in specie, sed composita. Homo autem corruptibilis est sicut et alia animalia. Unde differentia secundum corruptibile et incorruptibile, quæ est ex parte formarum, non facit hominem secundum genus ab aliis animalibus differre. — *Ibid.* ad 2.

Ad tertium dicendum, quod prius emporio habet animam, quæ est sensitiva tantum, qua ablata advenit perfectior anima, quæ est simul sensitiva et intellectiva. — *Ibid.* ad 3.

Ad quartum dicendum, quod non oportet secundum diversas rationes vel intentiones logicas, quæ consequuntur secundum intelligendi, diversitatem in rebus naturalibus accipere ; quia ratio unum et idem secundum diversos modos comprehendere potest. Quia igitur, ut dictum est (in c.), anima intellectiva virtute continet id, quod sensitiva habet, et inde amplius ; potest seorsum ratio considerare quod pertinet ad virtutem sensitivæ, quasi quoddam imperfectum et materiale. Et quia hoc invenitur communione homini et aliis animalibus, ex hoc rationem generis format. Id vero, in quo anima intellectiva sensitivam excedit, accipit quasi formale et completivum, et ex eo format differentiam hominis. — *Ibid.* ad 4.

Ad quintum dicendum, quod licet una

sit anima sensibilis et vegetabilis, non tamen oportet quod in quocunque apparet operatio unius, appareat operatio alterius, propter diversam partium dispositionem ; ex quo etiam contingit, quod nec omnes operationes animæ sensibilis exercentur per unam partem, sed visus per oculum, auditus per aures, et sic de aliis. — *Quæst. de Anima* a. 11, ad 20.

ARTICULUS IV

UTRUM IN HOMINE SIT ALIA FORMA PRÆTER ANIMAM INTELLECTIVAM.

Videtur quod in homine sit alia forma praeter animam intellectivam.

1. Dicit enim Philosophus (*2. de Anima* text. 4 et 5; c. 1), quod anima est actus corporis physici potentia vitam habentis : comparatur igitur anima ad corpus sicut forma ad materiam ; sed corpus habet aliquam formam substantialem, per quam est corpus : ergo ante animam præcedit in corpore aliqua forma substantialis. — 1a, q. 76, a. 4, arg. 4.

2. Præterea, homo et quodlibet animal est movens seipsum ; omne autem movens seipsum dividitur in duas partes, quarum una est movens, et alia est mota, ut probatur in *8. Phys.* (text. 30; c. 4) ; pars autem movens est anima : ergo oportet quod alia pars sit talis, quæ possit esse mota. Sed materia prima non potest moveri, ut dicitur in *5. Phys.* (text. 8; c. 1), cum sit ens solum in potentia ; quinimo omne quod movetur est corpus ; ergo oportet quod in homine et in quolibet animali sit alia forma substantialis, per quam constituantur corpus. — *Ibid.* arg. 2.

3. Præterea, ordo in formis attenditur secundum habitudinem ad materiam primam. Prius enim et posterius dicitur per comparationem ad aliquod principium. Si ergo non esset in homine aliqua forma substantialis præter animam rationa-

lem, sed immediate materiæ primæ inhæreret, sequeretur quod esset in ordine imperfectissimarum formarum, quæ immediate inhærent materiæ primæ. — *Ibid.* arg. 3.

4. Præterea, corpus humanum est corpus mixtum; mixtio autem non fit secundum materiam tantum, quia tunc esset corruptio sola: oportet ergo quod remaneant formæ elementorum in corpore mixto, quæ sunt formæ substantiales; ergo in corpore humano sunt aliæ formæ substantiales præter animam intellectivam. — *Ibid.* arg. 4.

Sed contra: unius rei est unum esse substantiale; sed forma substantialis dat esse substantiale: ergo unius rei est una tantum forma substantialis. Anima autem est forma substantialis hominis; ergo possibile non est, quod in homine sit aliqua alia forma substantialis quam anima intellectiva. — 1a, q. 76, a. 4, arg. *Sed contra*.

RESPONDEO DICENDUM, quod si ponereatur anima intellectiva non uniri corpori ut forma, sed solum ut motor, ut Platonici posuerunt, necesse esset dicere, quod in homine esset alia forma substantialis, per quam corpus ab anima mobile in suo esse constitueretur. Sed si anima intellectiva unitur corpori ut forma substantialis, sicut jam supra (a. 1) dictum est, impossibile est, quod aliqua alia forma substantialis præter eam inveniatur in homine. Ad cuius evidentiam considerandum est, quod forma substantialis in hoc a forma accidentalis differt, quod forma accidentalis non dat esse simpliciter, sed esse tale: sicut calor facit suum subjectum non simpliciter esse, sed esse tale, puta calidum. Et ideo cum advenit forma accidentalis, non dicitur aliquid fieri vel generari simpliciter, sed fieri tale aut aliquo modo se habens. Et similiter cum recedit forma accidentalis, non dicitur aliquid corrupti simpliciter, sed secundum quid. Forma autem substantialis dat esse simpliciter; et ideo per ejus adventum dicitur aliquid simpliciter

generari, et per ejus recessum simpliciter corrupti. Et propter hoc antiquas naturales, quia posuerunt materiam primam esse aliquid ens actu, puta ignem aut aerem aut aliquid hujusmodi, dixerunt, quod nihil generatur aut corruptitur simpliciter, sed omne fieri statuerunt alterari, ut dicitur in 1. *Phys.* (text. 33; c. 4). Si igitur ita esset, quod præter animam intellectivam præexistere quæcunque alia forma substantialis in materia, per quam subjectum animæ esset ens actu, sequeretur quod anima nondaret esse simpliciter, et per consequeniam quod non esset forma substantialis; et quod ad adventum animæ non esse genera ratio simpliciter (1), sed solum secundum quid; quæ sunt manifeste falsa.

Unde dicendum est, quod nulla aliqua forma substantialis est in homine nisi sola anima intellectiva, et quod ipsa sic ut virtute continet animam sensitivam et nutritivam, ita virtute continet omnem inferiores formas, et facit ipsa sola quidem imperfectiores formæ in aliis facti. Et similiter est dicendum de anima sensitiva in brutis, et de nutritiva in plantis, et universaliter de omnibus perfectioribus respectu imperfectis. — 1a, q. 76, a. 4, c.

Ad primum ergo dicendum, quod Aristoteles non dicit animam esse actum corporis tantum, sed et actum corporis physici, organici, potentia vitam habentis et quod talis potentia non abjicit animam. Unde manifestum est, quod in eius anima dicitur actus, etiam anima includitur; eo modo loquendi, quo calidus actus calidi et lumen est actus lucis non quod seorsum sit lucidum sine luce sed quia est lucidum per lucem. Similiter dicitur, quod et anima est actus corporis, quia per animam et est corpus et est organicum et est potentia vitam habens. Sed actus primus dicit respectu actus secundi, qui est operatus

(1) Alibi additur: et neque per ejus secundum corrupti simpliciter.

Talis enim potentia est non abjiciens, id est non excludens animam. — *Ibid.* ad 1.

Ad secundum dicendum, quod anima non movet corpus per esse suum, secundum quod unitur corpori ut forma; sed per potentiam motivam, cuius actus præsupponit jam corpus effectum in actu per animam: ut sic anima secundum vim motivam sit pars movens, et corpus animatum sit pars mota. — *Ibid.* ad 2.

Ad tertium dicendum, quod in materia considerantur diversi gradus perfectionis, sicut esse, vivere, sentire et intelligere; semper autem secundum superveniens priori perfectius est; forma ergo, quæ dat solum primum gradum perfectionis materiæ, est imperfectissima, sed forma, quæ dat primum et secundum et tertium et sic deinceps, est perfectissima, et tamen materiæ immediata. — *Ibid.*

Ad quartum dicendum, quod *Avicenna* posuit formas substantiales clementorum integras remanere in mixto; mixtionem autem fieri, secundum quod contrariæ qualitates elementorum reducuntur ad medium. Sed hoc est impossibile, quia diversæ formæ elementorum non possunt esse nisi in diversis partibus materiæ, ad quarum diversitatem oportet intelligi dimensiones, sine quibus materia divisibilis esse non potest. Materia autem dimensioni subjecta non invenitur nisi in corpore; diversa autem corpora non possunt esse in eodem loco. Unde sequitur, quod elementa sint in mixto distincta secundum situm; et ita non erit vera mixtio, quæ est secundum totum, sed mixtio ad sensum, quæ est secundum minima juxta se posita.

Averroes autem posuit in 3. *de Cœlo* (*text. 67, 68*), quod formæ elementorum propter sui imperfectionem sunt mediæ inter formas substantiales et accidentales, et ideo recipiunt magis et minus, et ideo remittuntur in mixtione et ad medium reducuntur, et conflatur ex eis una forma. Sed hoc est etiam magis impossibile; nam esse substantiale cujuslibet rei in indivisibili consistit, et omnis ad-

ditio et subtractio variat speciem, sicut in numeris, ut dicitur in 8. *Metaphys.* (*text. 10; l. 7, c. 3*). Unde impossibile est, quod forma substantialis quæcumque recipiat magis et minus. Nec minus est impossibile aliquid esse medium inter substantiam et accidens.

Et ideo dicendum est secundum Philosophum in 1. *de Generat.* (*text. 84; c. 10*) (1), quod formæ elementorum manent in mixto non actu, sed virtute. Manent enim qualitates propriæ elementorum, licet remissæ, in quibus est virtus formarum elementarium. Et hujusmodi qualitas mixtionis est propria dispositio ad formam substantialem corporis mixti, puta formam lapidis vel animæ cujuscunque. — *Ibid.* ad 4.

ARTICULUS V

UTRUM ANIMA INTELLECTIVA CONVENIENTER TALI CORPORI UNIATUR, PUTA HUMANO.

Videtur quod anima intellectiva inconvenienter uniatur corpori humano.

1. Materia enim debet esse proportionata formæ; sed anima intellectiva est forma incorruptibilis; non ergo convenienter unitur corpori corruptibili. — 1a, q. 76, a. 5, arg. 1.

2. Præterea, anima intellectiva est forma maxime immaterialis; cuius signum est, quod habet operationem, in qua non communicat materia corporalis. Sed quanto corpus est subtilius, tanto minus habet de materia. Ergo anima deberet subtilissimo corpori uniri, puta igni, et non corpori mixto et terrestri magis. — *Ibid.* arg. 2.

3. Præterea, cum forma sit principium speciei, ab una forma non proveniunt diversæ species; sed anima intellectiva est una forma: ergo non debet uniri corpori, quod componitur ex partibus dissimilium specierum. — *Ibid.* arg. 3.

4. Præterea, perfectioris formæ debet esse perfectius susceptibile. Sed anima

(1) Cf. 2. *de Partibus Animal.* c. 1.

intellectiva est perfectissima animarum. Cum igitur aliorum animalium corpora habeant naturaliter insita tegumenta, puta pilorum loco vestum, et ungarum loco caleamentorum, habeant etiam arma naturaliter sibi data, sicut ungues, dentes et cornua ; videtur quod anima intellectiva non debuerit uniri corpori imperfecto tamquam talibus auxiliis privato. — *Ibid.* arg. 4.

Sed contra est, quod dicit Philosophus in 2. *de Anima* (*text.* 4 et 5 ; c. 1), quod anima est actus primus corporis physici, organici, potentia vitam habentis. — 1a, q. 76, a. 5, arg. *Sed contra*.

RESPONDEO DICENDUM, quod, cum forma non sit propter materiam, sed potius materia propter formam ex forma oportet accipere rationem, quare materia sit talis, et non e converso. Anima autem intellectiva, secundum naturæ ordinem, infimum gradum in substantiis intellectualibus tenet, in tantum quod non habet naturaliter sibi inditam notitiam veritatis sicut angeli, sed oportet quod eam colligat ex rebus divisilibus (1), per viam sensus, ut dicit Dionysius (*de Div. Nom.* c. 7, § 2 ; — Migne t. 3, col. 867). Natura autem nulli deest in necessariis. Unde oportuit quod anima intellectiva non solum haberet virtutem intelligendi, sed etiam virtutem sentiendi. Actio autem sensus non fit sine corporeo instrumento. Oportuit igitur animam intellectivam corpori uniri, quod posset esse conveniens organum sensus. Omnes autem alii sensus fundantur supra tactum. Ad organum autem tactus requiritur, quod sit medium inter contraria, quae sunt calidum et frigidum, humidum et siccum, et similia, quorum est tactus apprehensivus : sic enim est in potentia ad contraria et potest ea sentire. Unde quanto organum tactus fuerit magis reductum ad aequalitatem complexionis, tanto perceptibilior erit tactus. Anima autem intellectiva habet completissime virtutem sensitivam, quia quo est inferioris, praecoxit perfectius in su-

periori, ut dicit Dionysius (*de Div. Nom.* c. 7, § 2 ; — Migne, col. 870). Unde oportuit corpus, cui unitur anima intellectiva, esse corpus mixtum, inter alia omnia magis reductum ad aequalitatem complexionis. Et propter hoc homo inter omnia alia animalia melioris est tactus ; et inter ipsos homines qui sunt melioris tactus, sunt melioris intellectus : cuius signum est, quod molles carne bene aptos mente videamus, ut dicitur 2. *de Anima* (*text.* 94 ; c. 9). — 1a, q. 76, a. 5, c.

Ad primum ergo dicendum, quod hanc objectionem aliquis forte vellet evadere per hoc, quod diceret corpus hominis ante peccatum incorruptibile fuisse. Sed haec responsio non videtur sufficiens, quia corpus hominis ante peccatum immortale fuit non per naturam, sed per gratiæ donum ; alioquin immortalitas ejus per peccatum sublata non fuisset, sicut nec immortalitas dæmonis. — Et ideo aliter dicendum est, quod in materia duplex conditio invenitur : una, quæ eligitur ad hoc, quod sit conveniens formæ ; alia, quæ ex necessitate consequitur priorem dispositionem : sicut artifex ad formam serræ eligit materiam ferream, aptam ad secundum dura : sed quod dentes serræ habebati possint et rubiginem contrahere, sequitur ex necessitate materiae. Sic igitur et animæ intellectivæ debetur corpus, quod sit aequalis complexionis. Ex hoc autem de necessitate materiae sequitur, quod sit corruptibile. — Si quis vero dicat, quod Deus potuit hanc necessitatem vitare ; dicendum est, quod in constitutione rerum naturalium non consideratur, quid Deus facere possit, sed quid naturæ rerum conveniat, ut dicit Augustinus (2. *super Genes. ad Litt.* c. 1 ; — Migne t. 3¹ col. 263). Providit tamen Deus adhibendo remedium contra mortem per gratiam donum. — *Ibid.* ad 4.

Ad secundum dicendum, quod anima intellectivæ non debetur corpus propter ipsam intellectualem operationem secundum se, sed propter sensitivam virtutem quæ requirit organum aequaliter comple-

(1) Al. e visibilibus.

xionatum. Et ideo oportuit animam intellectivam tali corpori uniri, et non simplici elemento, vel corpori mixto in quo excederet ignis secundum quantitatem, quia non posset esse æqualitas complexio-nis propter excedentem ignis activam vir-tutem. Habet autem hoc corpus æqualiter complexionatum quandam dignitatem per hoc, quod est remotum a contrariis, in quo quodammodo assimilatur corpori cœ-lesti. — *Ibid.* ad 2.

Ad tertium dicendum, quod partes ani-malis, ut oculus, manus, caro et os et hujusmodi, non sunt in specie, sed totum; et ideo non potest dici, proprie loquendo, quod sint diversarum specierum, sed quod sint diversarum dispositionum. Et hoc competit animæ intellectivæ, quæ quam-vis sit una secundum essentiam, tamen propter sui perfectionem est multiplex in virtute; et ideo ad diversas operationes indiget diversis dispositionibus in parti-bus corporis, cui unitur. Et propter hoc videmus, quod major est diversitas partium in animalibus perfectis quam in imperfectis, et in his quam in plantis. — *Ibid.* ad 3.

Ad quartum dicendum, quod anima in-tellectiva, quia est universalium compre-hensiva, habet virtutem ad infinita. Et ideo non potuerunt sibi determinari a natura vel determinatæ existimationes naturales, vel etiam determinata auxilia vel defensionum vel tegumentorum, sicut aliis animalibus, quorum animæ habent apprehensionem et virtutem ad aliqua particularia determinata. Sed loco horum omnium homo habet naturaliter rationem et manus, quæ sunt organa organorum, quia per ea homo potest sibi præparare instrumenta infinitorum modorum et ad infinitos effectus. — *Ibid.* ad 4.

ARTICULUS VI

UTRUM ANIMA INTELLECTIVA UNIATUR COR-PORI MEDANTIBUS DISPOSITIONIBUS ACCI-DENTALIBUS.

Videtur quod anima intellectiva unia-

tur corpori mediantibus aliquibus dispo-sitionibus accidentalibus.

1. Omnis enim forma est in materia sibi propria et disposita; sed dispositio-nes ad formam sunt accidentia quædam: ergo oportet præintelligi accidentia ali-qua in materia ante formam substantia-lem, et ita ante animam, cum anima sit quædam substantialis forma. — 1a, q. 76, a. 6, arg. 1.

2. Præterea, diversæ formæ unius spe-ciei requirunt diversas materiæ partes; diversæ autem partes non possunt intel-ligi nisi secundum divisionem dimensiva-rum quantitatum: ergo oportet intelligere dimensiones in materia ante formas substanciales, quæ sunt multæ unius spe-ciei. — *Ibid.* arg. 2.

3. Præterea, sicut anima naturaliter unitur corpori, ita hæc anima unitur huic corpori; sed hoc corpus est per hoc, quod est sub aliquibus dimensionibus termina-tis: ergo anima unitur corpori mediantibus dimensionibus terminatis, et per con-sequens mediantibus dimensionibus acci-dentalibus. — *Quæst. disp. de Anima* a. 9, arg. 17.

4. Præterea, materia prima quantum est de se indifferenter se habet ad omnes formas; si igitur non præexistant quædam dispositiones, per quas approprietur ad hanc vel ad illam formam, non magis recipiatur in ea hæc forma quam illa. — *de Spirit. Creat.* a. 3, arg. 20.

5. Præterea, spirituale applicatur cor-porali per contactum virtutis; virtus au-tem animæ est ejus potentia: ergo vide-tur quod anima uniatur corpori mediante potentia, quæ est quoddam accidens. — 1a, l. c. arg. 3.

Sed contra est: 1. quod accidens est posterius substantia et tempore et ratio-ne, ut dicitur in 7. *Metaphys.* (*text. 4*; l. 6, c. 1); non ergo forma accidentalis ali-qua potest intelligi in materia ante ani-mam, quæ est forma substantialis. — 1a, q. 76, a. 6, arg. *Sed contra*.

2. Præterea, dicit Philosophus in 8. *Metaphys.* (*text. 15 et 16*; l. 7, c. 6), quod

forma unitur materiæ immediate ; anima autem unitur corpori ut forma : ergo unitur illi immediate. — *Quæst. disp. de Anima* a. 9, arg. *Sed contra.*

RESPONDEO DICENDUM, quod si anima uniretur corpori solum ut *motor*, nihil prohiberet, imo magis necessarium esset esse aliquas dispositiones medias inter animam et corpus, potentiam scilicet ex parte animæ, per quam moveret corpus, et aliquam habilitatem ex parte corporis, per quam corpus esset ab anima mobile. Sed si anima intellectiva unitur corpori ut *forma substantialis*, sicut jam supra dictum est, impossibile est quod aliqua dispositio accidentalis cadat media inter animam et corpus, vel inter quamcunque formam substantialem et materiam suam. Et hujus ratio est, quia, cum materia sit in potentia ad omnes actus ordine quodam, oportet quod id, quod est primum simpliciter in actibus, primo in materia intelligatur. Primum autem inter omnes actus est esse. Impossibile est ergo intelligere materiam prius esse calidam vel quantam, quam esse in actu. Esse autem in actu habet per formam substantialem, quæ facit esse simpliciter, ut dictum est. Unde impossibile est quod quæcumque dispositiones accidentales præexistant in materia ante formam substantialem, et per consequens neque ante animam. — *Ia, q. 76, a. 6, c.*

Ad *primum* ergo dicendum, quod, sicut ex supra dictis patet, forma perfectior virtute continet quidquid est inferiorum formarum ; et ideo una et eadem existens perficit materiam secundum diversos perfectionis gradus. Una enim et eadem forma est per essentiam, per quam homo est ens actu et per quam est corpus et per quam est vivum et per quam est animal et per quam est homo. Manifestum est autem, quod unumquodque genus consequuntur propria accidentia. Sicut ergo materia præ-intelligitur perfecta secundum esse ante intellectum corporeitatis, et sic de aliis, ita intelliguntur accidentia, quæ sunt propria entis, ante corporeitatem ; et sic præ-

intelliguntur dispositiones in materia ante formam, non quantum ad omnem ejus effectum, sed quantum ad posteriorem. — *Ibid. ad 1.*

Ad *secundum* dicendum, quod dimensiones quantitativæ sunt accidentia consequentia corporeitatem, quæ toti materiæ convenit. Unde materia jam intellecta sub corporeitate et dimensionibus potest intelligi ut distincta in diversas partes, ut sic accipiat diversas formas secundum ulteriores perfectionis gradus. Quamvis enī nū eadem forma sit secundum essentiam, quæ diversos perfectionis gradus materiæ attribuit, ut dictum est, tamen secundum considerationem differt. — *Ibid. ad 2.*

Ad *tertium* dicendum, quod dimensiones non possunt intelligi in materia, nisi secundum quod materia intelligitur constituta per formam substantialem in esse substanciali corporeo ; quod quidem non sit per aliam formam in homine quam per animam, ut dictum est. Unde hujusmodi dimensiones non præintelliguntur ante animam in materia totaliter, sed per ordinem ad ultimos gradus perfectionis. — *Quæst. disp. de Anima* a. 9, ad 17.

Ad *quartum* dicendum, quod materia prout nuda consideratur, se habet indifferenter ad omnes formas, sed determinatur ad speciales formas per virtutem motientis, ut traditur in *2. de Generat. (text. 53 ; c. 9)*. Et secundum ordinem intelligibilem formarum in materia est ordo agentium naturalium. Inter ipsa enim corpora celestia unum est universalius activum quam alterum ; nec universalius agens agit seorsum ab inferioribus agentibus, sed ultimum agens proprium agit in virtute omnium superiorum. Unde non imprimuntur a diversis agentibus diversæ formæ in uno individuo ; sed una forma est, quæ imprimitur a proximo agente, continens in se virtute omnes formas præcedentes ; et materia, secundum quod consideratur perfecta sub ratione formæ universalioris et accidentium consequentium, sit propria ad subsequentem perfec-

onem. — *de Spirit.* *Creat.* a. 3, ad 20. *Ad quintum* dicendum, quod substantia spiritualis, quæ unitur corpori solum motor, unitur ei per potentiam vel virtutem; sed anima intellectiva corpori unius ut forma per suum esse; administrat enim ipsum et movet per suam potentiam et virtutem. — 1a, l. c. ad 3.

ARTICULUS VII

RUM ANIMA RATIONALIS UNIATUR CORPORI HUMANO MEDIANTE ALIUO CORPORE.

Videtur quod anima rationalis uniatur corpori humano mediante aliquo corpore. 1. Illud enim, quo subtracto solvitur ratio aliquorum unitorum, videtur esse medium inter ea; sed deficiente spiritu, anima a corpore separatur: ergo spiritus, qui est quoddam corpus subtile, medium est in unione corporis et animæ. — 1a, 76, a. 7, arg. 2; *Quæst. disp. de Anima* l. a. 9, arg. 16.

2. Præterea, ea quæ sunt multum distantia, non uniuntur nisi per medium; sed anima intellectiva multum distat a corpore, et quia est corporea, et quia est corruptibilis: ergo videtur quod uniatur mediante aliquo quod sit corpus incorruptibile; et hoc videtur esse aliqua lux celestis, quæ conciliat elementa et redigit unum. — 1a, l. c. arg. 3; *Quæst. de Anima* l. c. arg. 18.

3. Præterea, unumquodque operatur in motiora per id, quod est maxime proximum; sed vires animæ diffunduntur in unum corpus per cor: ergo cor est vicinus animæ quam ceteræ partes corporis, ita mediante corde uniatur corpori. — *Quæst. disp. de Anima* l. c. arg. 13.

4. Præterea, in partibus corporis est venire diversitatem et ordinem ad invicem; sed anima est simplex secundum essentiam suam: cum ergo forma sit proportionata materiæ perfectibili, videtur quod anima uniatur primo uni parti corporis, et ea mediante aliis. — *Ibid.* arg.

Sed contra est, quod Philosophus dicit in 2 *de Anima* (*text.* 7; c. 1), quod « non oportet quærere, si unum est anima et corpus, sicut neque ceram et figuram »; sed figura unitur ceræ nullo corpore mediante: ergo et anima corpori. — 1a, q. 76, a. 7, arg. *Sed contra*.

RESPONDEO DICENDUM, quod si anima secundum Platonicos corpori uniretur solum ut motor, conveniens esset dicere, quod inter animam hominis (vel cuiuscunque animalis) et corpus aliqua alia corpora media intervenirent. Convenit enim motori aliquid distans per media magis propinqua movere. — Si vero anima unitur corpori ut forma, sicut jam dictum est, impossibile est quod uniatur ei mediante aliquo corpore. Cujus ratio est, quia sic dicitur aliquid unum, quomodo et ens. Forma autem per seipsum facit rem esse in actu, cum per essentiam suam sit actus; nec dat esse per aliquod medium. Unde unitas rei compositæ ex materia et forma est per ipsam formam, quæ secundum seipsum unitur materiæ ut actus ejus. Nec est aliquid aliud uniens, nisi agens, quod facit materiam esse in actu, ut dicitur in 8. *Metaphys.* (*text.* 15; l. 7, c. 6).

Unde patet falsas esse opiniones eorum, qui posuerunt aliqua corpora esse media inter animam et corpus hominis. Quorum quidam Platonici dixerunt, quod anima intellectiva habet corpus incorruptibile sibi naturaliter unitum, a quo nunquam separatur, et eo mediante unitur corpori humano corruptibili. Quidam vero dixerunt, quod unitur corpori mediante spiritu corporeo. Alii vero dixerunt, quod unitur corpori mediante luce, quam dicunt esse corpus et de natura quintæ essentiæ: ita quod anima vegetabilis unitur corpori mediante luce cœli siderei, anima vero sensibilis mediante luce cœli crystallini, anima vero intellectualis mediante luce cœli empyrei. Quod fictum et derisible apparet, tum quia lux non est corpus; tum quia quinta essentia non venit materialiter in compositionem

corporis mixti, cum sit inalterabilis, sed virtualiter tantum; tum etiam quia anima immediate corpori unitur ut forma materiæ. — 1a, q. 76, a. 7, c.

Ad primum ergo dicendum, quod subtracto spiritu deficit unio animæ ad corpus, non quia sit medium, sed quia tollitur dispositio, per quam corpus est dispositum ad talem unionem. Est tamen spiritus medium in movendo, sicut primum instrumentum motus. — 1a, l. c. ad 2.

Vel dic, quod sicut forma non advenit materiæ, nisi sit facta propria per debitas dispositiones, ita cessantibus propriis dispositionibus forma in materia remanere non potest; et hoc modo unio animæ ad corpus solvitur remoto calore et humiditate naturali et aliis hujusmodi, in quantum his disponitur corpus ad susceptionem animæ: unde hujusmodi cadunt media inter animam et corpus ut dispositiones. — Dispositiones autem accidentales, quæ faciunt materiam propriam ad aliquam formam, non sunt mediæ totaliter inter formam et materiam, sed inter formam secundum quod dat ultimam perfectionem, et materiam secundum quod jam est perfecta perfectione inferioris gradus. Materia enim secundum seipsam est propria respectu insini gradus perfectionis, quia materia secundum seipsam est in potentia ad esse substantiale corporeum. Nec ad hoc requirit aliquam dispositionem; sed hac perfectione praesupposita in materia requiruntur dispositiones ad ulteriorem perfectionem. Tamen sciendum est, quod si potentiae animæ sunt accidentia propria animæ, non sunt sine ea; unde non habent dispositionem ad animam, secundum quod sunt ejus potentiae, nisi secundum quod potentiae inferioris partis animæ dicuntur dispositiones ad superiorem partem, sicut potentia animæ vegetabilis ad animam sensibilem. — *Quæst. disp. de Anima* a. 9, ad 16 et 5.

Ad secundum dicendum, quod anima distat a corpore pluriuum, si utriusque conditiones seorsum considerentur. Unde

si utrumque ipsorum separatim esse haberet, oportaret quod multa media intevirent. Sed in quantum anima e forma corporis, non habet esse seorsum ab esse corporis, sed per suum esse corpori unitur immediate; sic enim et quilibet forma, si consideretur ut actu habet magnam distantiam a materia, quæ est ens in potentia tantum. — 1a, l. ad 3.

Ad tertium dicendum, quod cor primum instrumentum, per quod anima inovet ceteras partes corporis, et id mediante illo anima unitur reliquis partibus corporis ut motor; licet ut forni uniatur unicuique parti corporis per se immediate. — *Quæst. disp. de Anima* 9, ad 13.

Ad quartum dicendum, quod licet anima sit forma simplex secundum esse tantum, est tamen multiplex virtute, secundum quod est principium diversarum operationum. Et quia forma perficit materiam non solum quantum ad esse, sed etiam ad operandum; ideo oportet quod licet anima sit una forma, partes corporis diversimode perficiantur ab ipsa, et unquamque secundum quod competit ei operationi; et secundum hoc etiam oportet esse ordinem in partibus secundum ordinem operationum; sed iste ordo est secundum operationem corporis ad animam ut est *motor*. — *Ibid.* ad 14.

ARTICULUS VIII

UTRUM ANIMA SIT TOTA IN QUALIBET PARTE CORPORIS.

Videtur quod anima non sit tota in qualibet parte corporis.

1. Dicit enim Philosophus in libro *Causa Motus Animalium* c. 7 (10): « Non opus est in unaquaque corporis parte esse animam, sed in quodam principio corporis existente alia vivere, eo quod similitudinata sunt facere proprium motum per naturam ». — 1a, q. 76, a. 8, arg. 1.

2. Præterea, anima est in corpori

ujus est actus; sed est actus corporis organici: ergo non est nisi in corpore organico; sed non quælibet pars corporis omnis est corpus organicum: ergo anima non est in qualibet parte corporis organici tota. — *Ibid.* arg. 2.

3. Præterea, in 2. *de Anima* (*text.* 9 et 10; c. 1) dicitur, quod sicut se habet pars animæ ad partem corporis ut visus ad pupillam, ita anima tota ad totum corpus animalis. Si igitur tota anima est in qualibet parte corporis, sequitur quod quælibet pars corporis sit animal. — *Ibid.* arg. 3.

4. Præterea, omnes potentiae animæ in sua essentia animæ fundantur; si igitur anima tota est in qualibet parte corporis, sequitur quod omnes potentiae animæ sunt in qualibet parte corporis; et ita visus erit in aure et auditus in oculo; quod est inconveniens. — *Ibid.* arg. 4.

5. Præterea, si in qualibet parte corporis esset tota anima, quælibet pars corporis immediate dependeret ab anima; non ergo una pars dependeret ab alia, nec una pars esset principalior quam alia; modus est manifeste falsum. Non ergo anima est in qualibet parte corporis tota. — *Ibid.* arg. 5.

Sed contra: 1. Anima non dat esse corpori, nisi in quantum unitur ei; sed anima dat esse corpori et cuilibet parti eius: ergo anima est in toto corpore et in qualibet parte ejus. — *Quæst. disp. de Anima* a. 10, arg. 2 *Sed contra.*

2. Præterea, anima non operatur nisi in corpore; sed operationes animæ apparent in qualibet parte corporis: ergo anima est in toto corpore et in qualibet parte illius. — *Ibid.* arg. 3 *Sed contra.*

RESPONDEO DICENDUM, quod sicut in aliis dictum est, si anima uniretur corpori solum ut *motor*, posset dici, quod non esset in qualibet parte corporis, sed in anima tantum, per quam alias moveret. Sed anima unitur corpori ut *forma*, neesse est quod sit in toto et in qualibet parte corporis. Non enim est forma corporis accidentalis, sed substantialis;

substantialis autem forma non solum est perfectio totius, sed eujuslibet partis. Cum enim totum consistat ex partibus, forma totius, quæ dat esse singulis partibus corporis, est forma quæ est compositionis et ordinis, sicut forma domus: et talis forma est *accidentalis*. Anima vero est forma *substantialis*. Unde oportet quod sit forma et actus non solum totius, sed eujuslibet partis. Et ideo, recedente anima, sicut non dicitur animal et homo nisi aequivoce (quemadmodum et animal pictum vel lapideum); ita et de manu et oculo aut carne et osse, ut dicitur 2. *de Anima* (*text.* 9; c. 1). Cujus signum est, quod nulla pars corporis habet proprium opus anima recedente; cum tamen omne quod retinet speciem, retineat operationem speciei. Actus autem est in eo, eujus est actus. Unde oportet animam esse in toto corpore et in qualibet ejus parte.

Et quod tota sit in qualibet parte ejus, hinc considerari potest, quia cum totum sit, quod dividitur in partes, secundum triplicem divisionem est *triplex totalitas*. Est enim quoddam totum, quod dividitur in *partes quantitativas*, sicut tota linea vel totum corpus. Est etiam quoddam totum, quod dividitur in *partes rationis et essentiae*, sicut definitum in partes definitionis, et compositum resolvitur in materiam et formam. Tertium autem totum est potentiale, quod dividitur in *partes virtutis*. — Primus autem totalitatis modulus non convenit formis nisi forte per accidens et illis solis formis, quæ habent indifferentem habitudinem ad totum quantitativum et partes ejus; sicut albedo, quantum est de sui ratione, æqualiter se habet ut sit in tota superficie et in qualibet superficie parte; et ideo divisa superficie dividitur albedo per accidens. Sed forma quæ requirit diversitatem in partibus, sicut est anima, et præcipue animalium perfectorum, non æqualiter se habet ad totum et partes; unde non dividitur per accidens, scilicet per divisionem quantitatis. Sic ergo totalitas quantitativa non potest attribui animæ nec per

se nec per accidens. Sed totalitas secunda, quæ attenditur secundum rationis et essentiæ perfectionem, proprie et per se convenit formis; similiter autem et totalitas virtutis, quia forma est operationis principium.

Si ergo quæreretur de *albedine*, utrum esset tota in tota superficie et in qualibet ejus parte, distinguere oportet, quia si fiat mentio de totalitate quantitativa, quam habet albedo per accidens, non tota esset in qualibet parte superficie; et similiter dicendum est de totalitate virtutis: magis enim potest movere visum albedo quæ est in tota superficie, quam albedo quæ est in aliqua ejus particula. Sed si fiat mentio de totalitate speciei et essentiæ, tota albedo est in qualibet superficie parte. — Sed quia anima totalitatem quantitativam non habet, nec per se nec per accidens, ut dictum est, sufficit dicere, quod anima tota est in qualibet parte corporis secundum totalitatem perfectionis et essentiæ; non autem secundum totalitatem virtutis, quia non secundum quamlibet suam potentiam est in qualibet parte corporis, sed secundum visum in oculo, secundum auditum in aure, et sic de aliis. — Tamen attendendum est, quod quia anima requirit diversitatem in partibus, non eodem modo comparatur ad totum et ad partes: nam ad totum comparatur primo et per se sicut ad proprium et proportionatum perfectibile; ad partes autem per posteriorius, secundum quod partes habent ordinem ad totum. — 1a, q. 76, a. 8, c.

Ad primum ergo dicendum, quod Philosophus loquitur de potentia motiva animæ. — *Ibid.* ad 1.

Ad secundum dicendum, quod anima est actus corporis organici, sicut proportionati et primi perfectibilis. — *Ibid.* ad 2.

Ad tertium dicendum, quo l'animal est, quod componitur ex anima et corpore toto, quod est primum et proportionatum ejus perfectibile. Sic autem anima non est in parte: unde non oportet quod pars animalis sit animal. — *Ibid.* ad 3.

Ad quartum dicendum, quod potentiarum animæ quædam sunt in ea secundum quod exceedit totam corporis capacitatem, scilicet intellectus et voluntas unde hujusmodi potentiae in nulla pars corporis esse dicuntur. *Aliæ* vero potentiae sunt communes animæ et corpori; unicuique potentiarum non oportet quod qualibet sit in quocunque est anima, sed solum in illa parte corporis, quæ est proportionata ad talis potentiae operationes. — *Ibid.* ad 4.

Ad quintum dicendum, quod una pars corporis dicitur esse principalior quæ alia propter potentias diversas, quarum sunt organa partes corporis; quæ enim est principalioris potentiae organum, et principalior pars corporis, vel quæ etiam eidem potentiae principalius servit. — *Ibid.* ad 5.

ARTICULUS IX

UTRUM ANIMA RATIONALIS QUAE UNITA UNI CORPORI, POSSET UNIRI ALII CORPO.

Videtur quod anima rationalis quæ unitur uni corpori, posset uniri alii corpori.

1. Cum enim individuatio fiat secundum determinationem principiorum unicuique (nam sicut de ratione hominis est ut componatur ex anima et corpora ita de ratione hujus hominis, puta Socratis, est ut componatur ex haec anima et hoc corpore), anima rationalis, de eius essentiali compositione non est mater, debet ex se individuari; sed forma ex individuata non respicit de se magis unum corpus quam aliud: ergo anima rationalis quæ unitur uni corpori, de se posset uniri alii corpori. — *de Spirit. Cr.* a. 9, arg. 4.

2. Præterea, anima rationalis huius esse individuatum et distinctum independens a corpore, quia manet post corporis; sed omnis forma secundum eam et unitatem suam numericam indepen-

ns a corpore, non est determinata ad
ud, sed potest incipere non incipiente
o, et per consequens alteri corpori uni-
; ergo anima rationalis non ita unitur
i corpori, quin eadem posset uniri alii
rpori. — 1. *Sent.* dist. 8, q. 5, a. 2,
6; 2. *Sent.* dist. 17, q. 2, a. 2, arg.
et ad 4.

3. Præterea, anima et angelus conve-
unt in natura intellectuali; sed naturæ
intellectualis conditio est immaterialitas:
go sicut angeli ratione immaterialitatis
sua creatione non habent quod cor-
ri uniartur; similiter et animæ ratio-
nales in sua creatione saltem non erunt
obligatæ huic vel illi corpori, sed eadem,
æ unitur uni corpori, posset alteri
niri. — 2. *Sent.* dist. 17, q. 2, a. 2,
q. 5.

4. Præterea, animæ rationales omnes
ant æquales, cum inæqualitas earum
possit oriri vel a Deo creatore (quia
en in quantum idem semper est natum
cere idem, ut dicitur in 2. *de Generat.*
act. 56; c. 9), vel a materia (quia anima
rationalis non educitur ex potentia mate-
riæ); ergo æqualiter omnes respiciunt
anima corpora humana; et ita illa, quæ
unitur uni corpori, posset, quantum est
e se, alii corpori uniri. — 2. *Sent.* dist.
2, q. 2, a. 3, arg. 3 et 4.

Sed contra est: 1. quod Philosophus (1.
Anima *text.* 53; c. 3) Pythagoræorum
intentiam asserentium transmigrationem
animarum de corpore in corpus refutat,
tendens, quod anima est in corpore, et
li corpore, ita ut non posset uniri cui-
unque, sed determinato, eo quod unus-
quisque actus natus est fieri in determi-
nata et propria materia; anima autem
t actus quidam. — 1. *de Anima* l. 8.

2. Præterea, dicit Philosophus in (2.
Phys. text. 38; c. 3), quod sicut se habent
usæ universales ad universalia, ita se
habent causæ particulares ad particularia.
ed impossibile est quod una anima se-
condum speciem respiciat indifferenter
quod se diversa animalia secundum spe-
cem, ita ut anima canis informare pos-

sit corpus lupi, et anima hominis aliud
corpus quam hominis. Ergo et impossi-
bile est, quod hæc anima numero, quæ
informat hoc numero corpus, hujus scili-
cket hominis, possit informare corpus al-
terius hominis. — 1a, q. 76, a. 2, arg.
2 *Sed contra*; 2. c. *Gent.* c. 73 et 75.

3. Præterea, si anima rationalis, quæ
informat corpus Petri, naturaliter possit,
quantum est de se, informare corpus Pau-
li, sequeretur Petrum et Paulum posse
esse idem numero individuum; nam cum
unitas rei sequatur formam sicut et esse,
oportet quod illa sint idem numero, quo-
rum est forma numero una. Sed natura-
liter impossibile est Petrum et Paulum
esse idem individuum: ergo et natura-
liter impossibile erit quod anima Petri
possit informare corpus Pauli. — 2. c.
Gent. c. 83.

RESPONDEO DICENDUM, quod necesse est
dicere, quod anima rationalis quæ unitur
uni corpori, non potest uniri alii corpori.
Potest autem hoc esse manifestum ex
multis: — et primo, ex proportione inter
animam et corpus. Cum enim anima sit
forma corporis, ejusque motor et actus,
sicut inter movens et motum, agens et
patiens, actum et potentiam, materiam et
formam debet esse proportio, ex qua hoc
sit aptum natum movere, agere, actuare
et informare, illud vero moveri, pati,
actuari et informari: quia non omne
agens agit in omne patiens, nec quodlibet
movens in quodlibet motum, nec quælibet
forma et quilibet actus actuat et in-
format quamlibet potentiam et quamlibet
materiam; — ita inter animam et corpus
talis debet esse proportio, ut sicut anima
unius speciei non potest informare corpus
nisi unius et determinatæ speciei, ita hæc
anima non debeat posse informare nisi
hoc numero corpus; nam quæ est pro-
portio animæ specificæ ad corpus spe-
cificum, ea est animæ hujus numero ad
corpus tale numericum. — 1. *de Anima*
l. 8; 2. *de Anima* l. 4; 2. c. *Gent.* c. 75
et c. 81 ad rat. 3.

Secundo, ex numerica diversitate ani-

marum. Cum enim animæ humanæ non differant specie ad invicem, sed solo numero, alioqui et homines different species; differentia earum numerica non nisi ex materiali differentia seu ex principiis materialibus provenire potest. Quod patet, *tum* quia impossibile est diversitatem in numero sub eadem specie causari aliunde quam ex diversitate materiæ, quia ad diversitatem principiorum formalium sequitur diversitas specierum; *tum* quia, cum de ratione animæ humanæ sit quod sit unibilis corpori humano, quia non habet speciem completam, sed est in composito complementum speciei, non aliter multiplicari potest numero, quam quia est unibilis huic vel illi corpori. Non ergo poterit anima quæ unitur uni corpori, alteri uniri et illud actuare et informare, sed erit determinata de sua natura ad illud solum; propter quod quilibet aetus tantum aptus est fieri in determinata et propria materia. — 2. c. *Gent.* c. 83; *de Pot.* q. 3, a. 10, c.; 2. *Sent.* dist. 17, q. 2, a. 2, c. et ad 4; *Quæst. disp. de Anima* a. 3, c.

Tertio, ex habitudine hujus animæ ad hoc corpus. Cum enim anima det esse specificum et substantiale huic corpori, habet essentialē habitudinem ad hoc corpus, et cum illo unum per se essentiale constituit; ergo non poterit uniri alteri corpori: quia cum ad illud non habeat essentialē habitudinem, cum illo non constituet unum per se, sed unum per accidens. — Dicendum ergo est, quod anima quæ unitur uni corpori numero, non potest alteri numero uniri. — 2. *Sent.* dist. 17, q. 2, a. 2, ad 3; *de Spirit. Creat.* a. 9, ad 4.

Ad primum ergo dicendum, quod licet corpus non sit de essentia animæ, tamen anima secundum suam essentiam habet habitudinem ad corpus, in quantum hoc est ei essentiale, quod sit corporis forma; et ideo in definitione animæ ponitur corpus. Sicut ergo de ratione animæ est quod sit forma corporis, ita de ratione hujus animæ, in quantum est hæc anima,

est quod habeat habitudinem ad hoc corpus. — *de Spirit. Creat.* a. 9, ad 4.

Ad secundum dicendum cum Avicenn (*de Anima* part. 1, c. 1 et sqq.), quod licet anima non dependeat a corpore quantum ad suum esse vel quantum ad finem — nam cessantibus corporibus non cessat individuatio animarum —, dependet tamen a corpore quoddammodo quantum ad suum principium. Cujus duplex ratio afferri potest: *una* est, quia cum universalib[us] non habeant aliquod esse nisi in anima oportet quod quidquid in esse natura producitur, producatur secundum hoc quod individuatur. Cum ergo anima esse individuatum non possit habere, nisi secundum quod conjungitur corpori forma ejus, ut dictum est, oportet quod anima rationalis non incipiat esse nisi corpore. Sed tamen in corpore acquirit illi esse absolutum, non depresso vel obligatum ad corpus; et ideo etiam post destructionem corporis manet secundum suum esse individuata et distincta ab a' anima. — *Altera ratio* est, quia ex omnis perfectio infundatur materia secundum capacitatem suam, anima ita infunditur diversis corporibus, ut non fundatur secundum eandem nobilitatem et puritatem. Unde in unoquoque corpore habet esse terminatum, secundum mensuram corporis. Quia vero hoc esse terminatum, quamvis acquiratur anima corpore, non tamen illi acquiritur ex corpore, nec per dependentiam ad corpus ideo remotis corporibus remanet unicuique animæ suum esse terminatum secundum affectiones vel dispositiones, quae consequuntur sunt ipsam, prout fuit perfectio talis corporis. — Quod potest hoc sensibili exemplo manifestari, quo ad id ostendendum utitur Avicenna. Si enim aliquid unum non retinens figuram distinguatur per diversa vasa, sicut aqua quando removentur vasi, non remanet proprie figura distincte, sed remanserit una aqua: et hoc modo se habent formæ materiales, quae non retinent esse permanentes. Si autem sit aliquid retinens figuram,

mod distinguatur secundum diversas figuræ per diversa instrumenta, etiam motis illis remanebit distinctio figuræ, ut patet in cera: et hoc modo sebet anima rationalis. Ita enim retinet esse suum post corporis destructio- m, ut in ipsa maneat idem esse indivi- atum et distinctum. — 2. *Sent.* dist. , q. 2, a. 2, c. et ad 4.

Ad tertium dicendum, quod anima et gelus in hoc conveniunt, quod utrumque est substantia subsistens, habens esse solutum, et quod materiam partem suam habent: ex quibus consequitur intel- luctualitas in utroque; in hoc tamen dif- fidunt, quod cum natura angelica sit sub- minor et Deo propinquior, acquiritur si esse altius, in cuius participationem illo modo corpus addi potest; ac per nec angelus potest esse forma cor- pris. Sed animæ aquiritur esse infe- sus et minus nobile, in quo corpus sibi fitur, et unum sit animæ esse et corpo- r, quod est conjuncti. Et ideo est forma corporis; et sua individuatio est ex unione suis ad corpus; et individuatio talis ani- me est ad tale corpus. Nam cum det- se substantiale et specificum tali cor- pi, habet essentialē habitudinem ad eum corpus, ut dictum est, ita ut anima, quæ dat esse huic corpori, aliud corpus perficere non possit, ut docet Philosophus contra Pythagoricos (in 1. et 2. de *Anima*), dictum est. — 2. *Sent.* dist. 17, l. c. 5.

Ad quartum dicendum, quod animæ ra- nales sunt inæquales ac diversæ, et una est nobilior et perfectior alia. Verum quæ diversitas oritur tum ex Deo, tum, et principaliter, ex diversitate materiæ. Li- enim Deus sit unum agens, in quo illa est diversitas, quia tamen per voluntatem agit, potest multiformes effectus producere, pro libito suæ voluntatis. Quoniam autem esse non potest, quod aliqua specie convenientia, in forma habeant diversitatem, quia hoc contradictionem plicat; ideo oportet quod diversitas, quæ est in animalibus ejusdem speciei,

in diversitatem materiæ reducatur: quod non est ullo modo impossibile, sed rationi maxime consentaneum. Nam licet anima rationalis non educatur de potentia materiæ, creatur tamen in materia ut actus ipsus; et ideo oportet quod in ea per modum materiæ recipiatur, et per consequens quod numero multiplicetur juxta numericam pluritatem materierum. — 2. *Sent.* dist. 32, q. 2, a. 3, ad 3 et 4.

QUÆSTIO XCII

DE PRÓPRIETATIBUS ANIMÆ RATIONALIS.

Deinde considerandum est de proprietatibus animæ rationalis.

CIRCA QUAS QUÆRITUR :

Utrum anima rationalis sit immortalis et incorruptibilis.

ARTICULUS

UTRUM ANIMA RATIONALIS SIT IMMORTALIS ET INCORRUPTIBILIS.

Videtur quod anima rationalis sit mortal is et corruptibilis.

1. Ut enim in 1. *de Cœlo* (*text.* 133; c. 12) probat Philosophus, impossibile est quod aliquid habeat virtutem ad essendum semper, quod non semper fuit: quia virtus, quæ est ad hoc ut sit semper, determinatur ad tempus infinitum; et quod in tempore infinito potest esse, non habet virtutem determinatam ad hoc ut quandoque sit, quandoque non sit, quod invenitur in omni eo quod esse cœpit; — sed anima rationalis non semper fuit, quinimo cum corpore incepit: ergo nec semper erit, sed cum corpore desinet esse. — 2. *Sent.* dist. 19, q. un., a. 1, arg. 5.

2. Præterea, Philosophus probat in 8. *Phys.* (*text.* 78 et sqq.; c. 10), quod pri-

mum movens est infinitæ virtutis, quia movet tempore infinito; si igitur anima habet virtutem durandi tempore infinito, sequitur quod virtus ejus sit infinita; sed virtus infinita non est in essentia finita: ergo sequitur quod essentia animæ sit infinita. si sit incorruptibilis et immortalis; sed hoc est impossibile, quia sola divina essentia est infinita: ergo anima rationalis non est incorruptibilis et immortalis. — *Quæst. disp. de Anima* a. 14, arg. 4.

3. Præterea, dicit Philosophus (3. *de Anima* text. 36; c. 7). quod intellectus non est separatus a magnitudine; quærerit enim, quomodo intellectus non separatus a magnitudine possit intelligere spiritua-
lia et incorporea. Sed intellectus non se-
paratus a magnitudine est virtus corpo-
reo organo affixa et per consequens cor-
ruptibilis ut celeræ potentiae corruptibiles
corporeo organo immersæ; ergo intellectus et consequenter anima intellectua-
lis non est incorruptibilis et immortalis.
— 3. *de Anima* l. 12.

4. Præterea, nulla res est sine propria operatione. Sed propria operatio animæ, quæ est intelligere cum phantasmate (nihil enim sine phantasmate intelligit anima, inquit Philosophus 1. *de Anima* text. 12; c. 1; et 3. *de Anima* text. 39; c. 8), non potest esse sine corpore. Quod patet, tum quia impeditur hæso organo phantasie; tum quia phantasma non est sine corpore, ut dicitur 2. *de Anima* text. 161 (l. 3, c. 3); et in 1. *de Anima* text. 65 (c. 4) dici-
tur, quod intelligere cum phantasmate corrup-
tetur corrupto corpore; quod de aliis animæ operationibus magis manife-
stum est. Ergo anima non potest remanere destructo corpore. — 1a, q. 75, a. 6, arg. 3; 2. *Sent.* l. c. arg. 6; *de Pot.* q. 3, a. 9, arg. 22 et 23; *Quodl.* 10, a. 6, arg. 1; *Quæst. disp. de Anima* a. 14, arg. 14.

5. Præterea, Philosophus 1. *de Anima* (text. 12; c. 1) dicit, quod si intelligere est imaginatio aut non sine imaginatione, non contingit intelligere esse sine corpo-
re; sed necesse est intelligentem phanta-

smata speculari, ut dicitur 3. *de Anima* (text. 39; c. 8): ergo idem quod prius. — 1. *de Anima* l. 2; 2. c. *Gent.* c. 80, n. 5

6. Præterea, animæ humanæ multipli-
cantur secundum multiplicationem corpo-
rum, ut supra ostensum est; ergo de-
structis corporibus non possunt anima-
in sua multitudine remanere; unde oportet alterum duorum sequi: aut quod to-
taliter anima humana esse desinat, au-
quod remaneat una tantum, quod est in-
possibile. — 2. c. *Gent.* c. 80, n. 1.

7. Præterea, forma non habet esse ni-
in eo, in quo est; si igitur anima est fo-
ma corporis, ergo non potest esse nisi i-
corpore; ergo perit pereunte corpore. —
Quæst. disp. de Anima a 14, arg. 9.

8. Sed dices, quod hoc est verum de an-
ima secundum quod est forma, non secu-
dum suam essentiam. — Sed contra anima non est forma corporis per acci-
dens; alioqui cum anima constituat hi-
minem secundum quod est forma corpo-
ris, sequitur quod homo esset ens per a-
cidens. Quidquid autem competit alicui
non per accidentem, convenit ei secundum
suam essentiam. Si ergo secundum que-
est forma est corruptibilis, et secundum
suam essentiam erit corruptibilis. — *Ibid.*
arg. 10.

9. Præterea, quaecunque conveniunt ad unum esse, ita se habent, quod corrup-
tuno corruptitur et aliud; sed anima et corpus convenient ad unum esse, scilicet
ad esse hominis; ergo corrupto corpo-
rumpit anima. — *Ibid.* arg. 11; *Sent.* dist. 19, q. un., a. 1, arg. 3

10. Præterea, hominis compositi ex a-
ma et corpore est quoddam esse. A
ergo praeter hoc esse anima habet aliud
esse aut non. Si habet aliud esse, et
compositio advenit animæ post esse co-
pletum; ergo hujusmodi compositio ex
animæ accidentalis, et sic homo non es-
ens per se, sed ens per accidentem; qui
est inconveniens. Si autem non habet
aliud esse anima praeter esse compo-
site, ergo postquam deficit esse compo-
site, anima esse non potest; sed in morte corp-

ali deficit esse compositi : ergo anima post mortem corporis non remanet. — Quodl. 10, a. 6, arg. 3.

11. Præterea, quod advenit alicui et iscedit ab eo præter illius corruptionem, dvenit ei accidentaliter ; hæc enim est definitio accidentis. Si ergo anima humana non corrumpitur corpore absente, sequetur quod anima humana accidentaliter corpori uniatur ; ergo homo est ens per accidens, quia est compositus ex anima et corpore. Et sequetur ulterius, quod non sit aliqua species humana; non enim ex his, quæe conjunguntur per accidens, fit species una ; nam homibus non est aliqua species. — 2. c. Gent. c. 80, n. 4.

Sed contra est : 1. quod Philosophus multis in locis ponit animam rationalem esse formam incorruptibilem et immortalem. Nam 1. *de Anima* text. 65 (c. 4) dicit, quod intellectus videtur quædam substantia esse et non corrumpi. Quod autem hoc non possit intelligi de aliqua substantia separata, quæ sit intellectus possibilis vel agens, patet ex contextu. Subdit enim : « maxime namque corrumperetur ab ea quæ est in senio debilitate, a quam non corrumpitur » ; — et text. 66 : « intellectus », inquit, « fortassis divinus quid est et impassibile » ; et text. 82 (c. 5) dicit intellectum esse nobilissimum et secundum naturam divinum (1) ; — et text. 92 (c. 5) expresse docet intellectum non habere determinatam partem et organum in corpore, et consequenter ab illo non pendere. (1. *de Anima* l. 12 et 14.) — Et 2. *de Anima* text. 11 (c. 1) dicit, quod nihil prohibet quasdam partes separari, quoniam nullius corporis sunt actus ; — et text. 21 (c. 2) : « de intellectu autem et speculativa potentia nondum quidquam est manifestum, sed videtur genus alterum animæ esse, et hoc solum contingit separari, sicut perpetuum a corruptibili ». — Et text. 150 (l. 3, c. 3) confutat opinionem antiquorum asserentium idem esse intellectum et sensum, et intelligere esse

(1) Al. « dominum ».

aliquid corporeum sicut sensibile. (3. *de Anima* l. 4.) — Et 3. *de Anima* text. 4 (c. 4) dicit intellectum non esse mixtum ex corporibus, quia omnia intelligit ; — et text. 5 et 6, non esse mixtum corpori, seu non habere organum corporeum, quia alioqui habebit aliquam naturam determinatam ex naturis rerum sensibilium ; — et text. 15 dicit, quod etiam ipse intellectus possibilis est intelligibilis sicut cetera intelligibilia ; nam in his, quæ sunt sine materia, idem est intelligens et quod intelligitur : ergo intellectus est abstractus a materia ; quod recte probat, quia reflectitur supra se, quod non potest sensus. Et text. 19 (c. 5) : « intellectus », inquit, « separatus est, et immixtus, et impassibilis ». Cum sit autem intellectus potentia animæ rationalis, non potest separari sine suo subjecto ; unde et ipsa anima rationalis debet esse separabilis. Et text. 20 dicit, quod sola anima intellectiva est separata, immortalis et perpetua, sicut dixerat 2. *de Anima* text. 21 (c. 2). — 2. Sent. dist. 19, q. un., a. 1, arg. 1 Sed contra ; 2. c. Gent. c. 81 ; Quodl. 10, a. 8, arg. Sed contra ; Quæst. disp. *de Anima* a. 14, arg. 4 Sed contra.

2. Præterea, ut in 3. *de Anima* text. 6 (c. 4) dicit Philosophus, anima est locus specierum ; sed locus conservat locatum : ergo si similitudo bona est, oportet quod in anima intellectiva, de qua loquitur, species intelligibles conserventur. Sed intellectus potest intelligere præsentibus intelligibilibus, sicut sensus sentire præsentibus sensibilibus ; ergo anima potest per se in actu intelligendi, sine hoc quod aliquid a corpore accipiat ; et ita videtur quod sine corpore esse possit, ex regula, quam Aristoteles (1. *de Anima* text. 12 et 13 ; c. 1) ponit, quod si anima habet operationem propriam sine corpore, est separabilis. — 2. Sent. 1. c. arg. 4 Sed contra.

3. Præterea, 12. *Metaphys.* (text. 16 ; l. 11, c. 3) contra Platонem loquens dicit, quod causæ moventes præexistunt, causæ vero formales sunt simul cum his, quorum sunt causæ : quando enim sanatur

homo, tunc sanitas est, et non prius, — contra hoc quod Plato posuit formas rerum præexistere rebus. Et his dictis postmodum subdit : « si autem et posterius aliquid manet, perscrutandum est ; nam in quibusdam nihil prohibet, ut si est anima tale, non omnis, sed intellectus ». Ex quo patet, cum loquatur de formis, quod vult intellectum, qui est forma hominis, post materiam remanere, scilicet post corpus. — 2. c. Gent. c. 79, n. 10.

4. Præterea, 2. *de Generat. Animal.* (c. 3) duas proponit dubitationes : *prima* est, an omnes animæ sint in corpore cum ante non fuerint, an vero omnes cum ante fuerint, aut partim cum ante non fuerint, partim cum ante fuerint ; — *secunda*, an omnes extrinsecus adveniant non eductæ ex materia vi seminis, an nulla extrinsecus alveniat, an vero quædam extrinsecus, quædam non. Quas dubitationes simul solvit dicens non posse omnes esse ante corpus. Nam quorum principiorum actio est corporea, hæc non possunt esse sine corpore ; unde extrinsecus venire impossibile est : nec enim ipsa per se accedere possunt, cum i separabilia sint ; neque cum corpore, semen enim excrementum alimenti mutati est. Restat igitur, inquit, ut mens sola extrinsecus accedit, eaque sola divisa sit ; nihil enim cum ejus actione communicat actio corporalis. Dixerat autem Philosophus 1. *de Anima* (text. 13; c. 1), quod si anima nullam habet operationem, in qua non communicat corpus, non posse illam esse separabilem ; secus vero, si habet aliquam operationem, in qua non communient corpus. — Et in lib. *de Elementis* dicit Philosophus, quod « in nato fit spiritus vita iussu Dei ». Ergo anima rationalis est incorruptibilis. — 2. *Sent.* dist. 18, q. 2, a. 1, arg. 1 *Sed contra*.

5. Praeterea, 10. *Eth.* c. 7 et 8 (al. 7, 8, 9) probat Philosophus felicitatem contemplativam activa digniorem esse, quia est diuturnior ; sed felicitas activa extenditur usque ad terminum hujus vitae corporalis : ergo contemplativa remanet etiam

post hanc vitam ; non autem in corpore ergo in anima : ergo anima rationalis est immortalis. — 2. *Sent.* l. c. arg. 2 *Sed contra* ; *Quodl.* 10, a. 2, arg. 2 *Sed contra*.

6. Præterea, ad Deum pertinet habere curam et providentiam de omnibus quæ in mundo fiunt, et præcipue de his quæ circa homines geruntur, et præcipue circa bonos et qui sunt Deo simillimi, ut habetur ex verbis Philosophi 10. *Eth.* (c. 8), quod homo sapiens est Deo simillimus et ipsi amandissimus. Sed non potest esse sine injustitia provisoris et gubernantis ut mali non puniantur et boni non præmientur. Cum ergo injustitia in Deum cadere non possit, oportet omne malum puniri et omne bonum præmiari ; hoc autem in vita ista non contingit, cum frequente bona malis eveniant et e converso : ergo videtur quod hoc erit post hanc vitam. — 2. *Sent.* l. c. arg. 3 *Sed contra*.

RESPONDENDO DICENDUM, quod necesse est dicere animam humanam, quam dicimus intellectivum principium, esse incorruptibilem et immortalem. Quod potest esse manifestum ex duobus signis, quorum unum accipi potest ex parte intellectus — quia ea, quæ sunt in se ipsis corruptibilia, secundum quod intellectu percipiuntur, incorruptibilia sunt ; est enim intellectus apprehensivus rerum in universaliter secundum quem modum non accidit ei corruptio. (*Quest. disp. de Anima* a. 14 c., versus fin.) Præterea, quia cum operatio non possit esse nisi per se existens, oportet illud, quod per se habet operationem absolutam, etiam esse absolutum et independens a corpore habere, et per consequens esse incorruptibile. Operatio autem intellectus est ipsius absolute, sine hoc quod in hac operatione aliiquid organum corporale communicet. Quod patet præcipue ex tribus : — *Primo* quia haec operatio est omnium formarum corporalium sicut objectorum ; undique oportet illud principium, cuius est haec operatio, ab omni forma corporali absolutum esse. *Secundo*, quia intelligere es

iniversalium; in organo autem corporali recipi non possunt nisi intentiones individualæ. *Tertio*, quia intellectus intelligit se, quod non contingit in aliqua virtute cuius operatio sit per organum corporale; cuius ratio est, quia secundum Avicenam (*de Anima* part. 2, c. 2) cuiuslibet virtutis operantis per organum corporale oportet ut organum sit medium inter ipsam et objectum ejus. Visus enim nihil cognoscit nisi illud, cuius species potest fieri in pupilla. Unde cum non sit possibile ut organum corporale cadat medium inter virtutem aliquam et ipsam essentiam virtutis, non erit possibile ut aliqua virtus operans mediante organo corporali cognoscatur se ipsam. — 2. *Sent.* dist. 19, q. 1, a. 1, in c.

Alterum signum sumi potest ex naturali appetitu, qui in nulla re frustrari potest. Unumquodque enim naturaliter suu modo esse desiderat. Desiderium autem in rebus cognoscentibus sequitur cognitionem. Sensus autem non cognoscit esse nisi sub hic et nunc. Sed intellectus apprehendit esse absolute et secundum omne tempus. Unde omne habens intellectum naturaliter desiderat esse semper. Naturale autem desiderium non potest esse inane. Omnis igitur intellectualis substantia est incorruptibilis. — 1a, q. 5, a. 6, in c.; 2. c. *Gent.* c. 79, rat. 4.

Probatur secundo *ratione*, quia duplice aliquid corrumpitur: uno modo per se, alio modo per accidens. Impossibile est autem aliquid subsistens generari aut corrumpi per accidens, id est aliquo generali et corrupto: Sic enim competit aliui generari et corrumpi, sicut et esse, quod per generationem aquiritur et per corruptionem amittitur. Unde quod per se habet esse, non potest generari vel corrumpi nisi per se; quæ vero non subsunt, ut accidentia et formæ materiales, dicuntur fieri et corrumpi per generationem et corruptionem compositorum. Ossum est autem supra (1a, q. 75, a. 3), quod animæ brutorum non sunt per se subsistentes, sed sola anima humana. Un-

de animæ brutorum corrumpuntur corruptis corporibus. Anima autem humana non posset corrumpi, nisi per se corrumperetur. Quod quidem omnino est impossibile non solum de ipsa, sed de quolibet subsistente quod est forma tantum. Manifestum est enim, quod id, quod secundum se convenit alicui, est inseparabile ab ipso. Esse autem convenit formæ, quæ est actus. Unde materia secundum hoc acquirit esse in actu, quod acquirit formam; secundum hoc autem accidit in ea corruptio, quod separatur forma ab ea. Impossibile autem est quod forma separetur a seipsa. Unde impossibile est quod forma subsistens desinet esse. Est ergo anima rationalis incorruptibilis. — 1a, q. 75, a. 6, c.; *Quodl.* 10, a. 6, in c.; *Quæst. disp. de Anima* a. 14, in c.

Quod præterea confirmatur, quia nulla forma corrumpitur, nisi vel actione contrariai vel per corruptionem sui subjecti vel per defectum suæ causæ; — per actionem quidem contrariai, sicut calor destruitur per actionem frigidi; per corruptionem autem sui subjecti, sicut destruto oculo destruitur virtus visiva; per defectum autem causæ, sicut lumen aeris deficit deficiente solis præsentia, quæ erat ipsius causa. Sed anima rationalis non potest corrumpi per actionem contrariai, quia nihil est illi contrarium, cum per intellectum possibilem ipsa sit cognoscitiva et receptiva contrariorum omnium. Similiter autem neque per deficienciam suæ causæ, quia non potest habere aliquam causam nisi æternam, cum in esse produci non possit nisi per creationem, quæ soli Deo competit. Similiter autem neque per corruptionem sui subjecti, tum quia anima humana est forma non dependens a corpore secundum suum esse, ut ostensum est supra; tum quia si anima corrumpitur per corruptionem corporis, oportet quod ejus esse debilitetur per debilitatem corporis. Si autem aliqua virtus animæ debilitatur debilitato corpore, hoc non est nisi per accidens, in quantum scilicet virtus animæ indiget organo corpo-

rali, sicut visus debilitatur debilitato organo, per accidens tamen. Quod ex hoc patet : si enim ipsi virtuti per se accideret aliqua debilitas, nunquam restauraretur organo reparato. Videmus autem, quod quantumcunque vis visiva videatur debilitata, si organum reparetur, vis visiva restauratur. Unde dicit Aristoteles (*I. de Anima text. 65; c. 4*), quod si senex accipiat oculum juvenis, videbit utique sicut juvenis. Cum igitur intellectus sit virtus animæ, quæ non indiget organo, ut ex dictis patet, ipse non debilitatur, neque per se, neque per accidens per sensum vel per aliquam aliam debilitatem corporis. Si autem in operatione intellectus accidit fatigatio aut impedimentum propter infirmitatem corporis, hoc non est propter debilitatem ipsius intellectus, sed propter debilitatem virium, quibus intellectus indiget, scilicet imaginationis, memorativæ et cogitativæ virtutum. Patet igitur quod intellectus humanus est incorruptibilis et immortalis, et consequenter et anima rationalis, quæ est intellectiva substantia.

Quod præterea potest confirmari, quia operatio debet semper proportionari virtuti operanti, et contra virtus operationi; operatio enim non potest esse abstractior virtute; sed operatio propria animæ rationalis, puta intellectio, est separata a materia, ut patet ex objecto, quod est universale; — tum quia non exercetur per ullum organum. Ergo. — *2. v. Cient. c. 79, rat. 8 et 9.*

Ad primum ergo dicendum, quod ex ratione illa non plus probatur, quam hoc, scilicet quod id, quod habet virtutem ad hoc ut sit semper, dum habet illam virtutem, non terminat esse suum ad aliquod tempus ante vel post, quasi non potuerit per hanc virtutem plus quam certo tempore durasse. Et hoc etiam in anima verum est, quia per virtutem, quam modo habet, potuisse per mille millia annorum durasse; sed quia hanc virtutem a se non habet, sed ab alio, tunc ex hac virtute incepit sua duratio, quando haec virtus

ipsi data est. — *2. Sent. dist. 19, q. u. a. 1, ad 5.*

Vel die, quod illa ratio habet locum in illis, quæ sunt et corrumpuntur natura liter, in quibus ex defectu virtutis e quod non possunt nec semper fuisse nec semper fore; non autem habet locum in his, quæ per creationem sunt, quæ accipiunt a Deo virtutem ut sint semper; per quam esse non possunt, antequam illa accipient. — *Quodl. 10, a. 6, ad 2.*

Ad secundum dicendum, quod esse comparatur ad formam sicut per se consequens ipsam; non autem sicut effectus a virtutem agentis, ut puta motus ad virtutem moventis. Licet ergo quod aliquis possit movere infinito tempore, demonstraret infinitatem virtutis; tamen quod aliquid possit esse tempore infinito, non demonstrat infinitatem formæ, per qua aliiquid est, sicut est; sicut neque hoc quod dualitas semper est par, ostendit infinitum ipsius. Magis autem hoc quod aliquis tempore infinito, demonstrat virtute infinitam ejus, quod est causa essendi. — *Quast. disp. de Anima a. 4^h, ad 4.*

Ad tertium dicendum, quod Philo plus dicit intellectum non esse separatum a corpore, in quantum est quædam potentia animæ, quæ est actus corporis; quod patet, quia supra dixerat (*tert. 6. 20; c. 4 et 5*) intellectum esse separatum a corpore, quia non habet organum corporis deputatum suæ operationi. — *de Anima I. 12.*

Ad quartum dicendum, quod anima indiget aliquo corporali ad suam operationem dupliciter : *uno modo* sicut organo quod operatur, sicut in liget oculo videndum; et sic ad intelligendum non indiget aliquo organo, ut probatum est; autem sic indigeret organo ad intelligendum, esset corruptibilis, utpote non potens per se operari. *Alio modo* anima operandum indiget aliquo corpore si *objecto*, sicut ad videndum indiget corporis colorato; et animi rationalis indiget ad intelligendum phantasmatum : quiaphantasmata sunt ut sensibilia animæ intellectus.

væ, ut dicitur 3. *de Anima* (*text.* 30; c. 7). Operatio autem, quæ sic indiget aliquo corporali, a principio non potest (esse) sine corporali illo, potest autem postea. Sicut enim anima sensitiva nullam operationem habere potest, nisi prius moveatur a sensibilibus, quæ sunt extra animam, sed postea remanet actus imaginationis, etiam sensibilibus abeuntibus: similiter destruetis phantasmatisbus operatio intellectiva in anima remanere potest. — *Quodl.* 10, a. 6, ad 1; *de Pot.* q. 3, a. 9, in c. et ad 10, 22, 23 et 24.

Vel dic, quod intelligere cum phantasmate est propria operatio animæ, secundum quod corpori est unita; et de hoc loquitur Philosophus. Separata autem a corpore habebit aliud modum intelligentiæ similem aliis substantiis a corpore separatis. Cum enim unumquodque secundum hoc agat, secundum quod est; alio modo debet anima intelligere separata a corpore, et corpori unita, sicut et alio modo est. Et licet esse animæ humanæ, dum est corpori unita, sit absolutum, a corpore non dependens, tamen instrumentum quoddam ipsius et subjectum ipsam recipiens est corpus. Unde et consequenter operatio propria ipsius, quæ est intelligere, etsi non dependet a corpore quasi per organum corporale exercita, habet tamen objectum in corpore, scilicet phantasma. Unde quamdiu anima est in corpore, non potest intelligere sine phantasmate, nec etiam reminisci nisi per virtutem cogitatивam et memorativam, per quam phantasmata præparantur. Et propter hoc intelligere quantum ad hunc modum, et similiter reminisci, destruitur corpore destructo. Esse vero animæ separatae est ipsi soli absque corpore. Unde nec ejus operatio, quæ est intelligere, explebitur per respectum ad aliqua objecta in corporeis organis existentia, quæ sunt phantasmata; sed intelliget per se ipsam, per modum substantiarum, quæ sunt totaliter secundum esse a corporibus separatae. — 1a, q. 75, a. 6, ad 3; 2. c. *Gent.* c. 81, n. 5.

Ad quintum dicendum, quod Philosophus (loco citato ex 1. *de Anima*) dubitative tantum loquitur. Nam cum movisset dubitationem circa passiones animæ et operationes: utrum scilicet essent animæ propriæ sine communicatione corporis, ut Platoni videbatur; vel nulla sit animæ propria, sed omnes sint communes corporis et compositi; — et dixisset talem dubitationem esse valde difficultem: — statim ostendit difficultatem, dicens causam difficultatis esse, quia videtur quod multæ passiones sint communes, ut irasci, sentire et hujusmodi, quorum nihil patitur sine anima. Tum subdit, quod si aliqua operatio esset propria animæ, maxime esset operatio intellectus, intelligere enim, quæ est operatio intellectus, maxime videtur esse proprium animæ; sed et ipsum intelligere non videtur proprium esse animæ: cum enim intelligere vel sit phantasia, ut Platonici putabant, vel non sine phantasia, sicut hæc indiget corpore, ita et illud, et ita non erit proprium animæ, sed erit commune animæ et corpori, et ita intelligere non erit sine corpore. — Verum in 3. *de Anima* (*text.* 6 et 19; c. 4 et 5) rei veritatem manifestat, ut dictum est (supra arg. 1 *Sed contra*). — 1. *de Anima* l. 2.

Nihilominus tamen quantum ad ea, quæ docet 1. *de Anima* (loco citato), sciendum est, quod intelligere quodammodo est proprium animæ, quodammodo conjuncti. Est enim aliqua operatio animæ aut passio, quæ indiget corpore sicut instrumento et sicut objecto; sicut videre indiget corpore sicut objecto, quia color, qui est objectum visus, est in corpore; item sicut instrumento, quia visio, etsi sit ab anima, non est tamen nisi per organum visus, scilicet pupillam, quæ est ut instrumentum; et sic videre non est animæ tantum, sed etiam organi. Aliqua autem operatio est quæ indiget corpore, non tamen sicut instrumento, sed sicut objecto tantum. Intelligere enim non est per organum corporale, sed indiget objecto corporali. Sicut enim dicit Philosophus

plus in 3. *de Anima* (*text.* 18; c. 5), hoc modo se habent phantasmata ad intellectum, sicut colores ad visum; colores autem se habent ad visum sicut objecta: phantasmata ergo se habent ad intellectum sicut objecta. Cum autem phantasmata non sint sine corpore, videtur quod intelligere non sit sine corpore, ita tamen, quod sit sicut objectum et non sicut instrumentum. — Et ex hoc duo sequuntur: *unum* est, quod intelligere est propria operatio animæ, et non indiget corpore nisi ut objecto tantum, ut dictum est; videre autem et aliæ operationes et passiones non sunt animæ tantum, sed conjuncti. *Aliud* est, quod illud, quod habet operationem per se, habet etiam esse et subsistentiam per se; et illud, quod non habet operationem per se, non habet esse per se; et ideo intellectus est forma subsistens, aliae potentiae sunt formæ in materia. — 1. *de Anima* l. 2.

Ad sextum dicendum est, quod quæcunque oportet esse invicem coaptata et proportionata, simul recipiunt multitudinem vel unitatem, unumquodque ex sua causa. Si igitur esse unius dependeat ab altero, unitas vel multiplicatio ejus etiam ex illo dependet; aliqui ex causa extrinseca. Formam igitur et materiam semper oportet esse ad invicem proportionata et quasi naturaliter coaptata, quia proprius actus in propria materia fit. Unde semper oportet quod materia et forma consequantur se invicem in multitudine et unitate. Si igitur esse formæ dependet a materia, multiplicatio ipsius dependet a materia, et similiter unitas. Si autem non, erit quidem necessarium multiplicari formam secundum multiplicationem materiae (id est simul cum materia) et proportionem ipsius, non autem ita, quod dependeat unitas vel multitudine ipsius formæ a materia. Ostensum est autem, quod anima humana est forma secundum esse a materia non dependens. Unde sequitur quod multiplicantur quidem animæ secundum quod multiplican-

tur corpora, non tamen multiplicatio corporum erit causa multiplicationis animarum; et ideo non oportet quod destructis corporibus cesseret pluralitas animarum, ut ratio concludebat. — 2. c. *Gent.* c. 81 n. 1.

Ad septimum dicendum, quod anima est talis forma, quæ habet esse non dependens ab eo, cuius est forma; quod operatio ipsius ostendit. — *Quæst. disp. de Anima* a. 14, ad 9.

Ad octavum dicendum, quod licet anima per suam essentiam sit forma; tamen potest ei aliquid competere in quantum est talis forma, scilicet forma subsistens, quod non competit ei in quantum est forma; sicut intelligere non convenit homini in quantum est animal, licet homo sit animal secundum suam essentiam. — *Ibid.* ad 10.

Ad nonum dicendum, quod licet anima et corpus convenient ad unum esse hominis, tamen illud est corpori ab anima, ita quod anima humana esse suum, in quo subsistit, corpori communicat; et ideo remoto corpore adhuc manet anima. — *Ibid.* ad 11.

Et ex his patet *ad decimum*; anima enim esse suum communicat corpori; quod quidem ita acquiritur animæ in corpore, ut secundum ipsum subsistere possit; quod non est de aliis formis; et sic ipsum esse animæ fit esse compositi, et tamen manet composito destructo. — *Quæst. 10, a. 6, ad 3.*

Ad undecimum dicendum, quod non est necessarium, quod si anima manet corpore destructo, fuerit ei accidentaliter unita, ut postrema ratio concludebit. Accidens enim describitur, quod potest adesse vel abesse præter corruptionem subjecti compositi ex materia et formæ. Si autem referatur ad principia compositi subjecti, verum non invenitur. Constat enim materia primam ingenitam et incorruptibilem esse, ut probat Aristotele in 1. *Phys.* (*text.* 82; c. 9). Unde recente forma manet in sua essentia; non tamen forma accidentaliter ei umebatur,

ed essentialiter : uniebatur enim ei secundum esse unum. Similiter autem anima unitur corpori secundum esse unum; unde licet maneat post corpus, substantialiter tamen ei unitur, non accidentaliter. Quod autem materia prima remaneat actu post formam, non est nisi secundum actum alterius formæ. Anima autem humana manet in actu eodem ; et ex hoc contingit, quod anima humana est forma actus, materia autem prima potentia — 2. c. Gent. c. 81, n. 4.

QUÆSTIO XCIII

DE POTENTIIS ANIMÆ INTELLECTIVÆ IN COMMUNI.

Deinde considerandum est de potentiis animæ intellectivæ in communi.

CIRCA QUAS QUÆRUNTUR OCTO :

- . Utrum intellectus et ratio sint diversæ potentiae.
- . Utrum intelligentia sit alia potentia ab intellectu.
- . Utrum in anima rationali sit memoria.
- . Utrum memoria realiter distinguitur ab intellectu sicut potentia a potentia.
- . Utrum intellectus et voluntas sint una et eadem potentia realiter.
- . Utrum in homine sit liberum arbitrium.
- . Utrum liberum arbitriū sit etiam in brutis.
- . Utrum liberum arbitrium in homine sit potentia realiter distincta ab intellectu et voluntate.

ARTICULUS I

UTRUM INTELLECTUS ET RATIO SINT DIVERSÆ POTENTIÆ.

Videtur quod intellectus et ratio sint diversæ potentiae.

1. Dicit enim Boethius (*de Consol. Philos.* 4, prosa 6 ; — Migne t. 63, col. 817), quod intellectus comparatur ad rationem sicut æternitas ad tempus ; sed non est

ejusdem virtutis esse in æternitate et esse in tempore : ergo non est eadem potentia intellectus et ratio. — 1a, q. 79, a. 8, arg. 2.

2. Præterea, homo communicat cum angelis in intellectu, cum brutis vero in sensu ; sed ratio, quæ est propria hominis, qua animal rationale dicitur, est alia potentia a sensu : ergo pari ratione est alia potentia ab intellectu, qui proprie convenit angelis, unde et intellectuales dicuntur. — *Ibid.* arg. 3.

3. Præterea, sicut sensuum proprietum acceptiones terminantur ad sensum communem, qui de eis judicat ; ita rationis discursus terminatur ad intellectum, ut judicium feratur de his, de quibus ratio consultit. Tunc enim de his, quæ ratio confert, homo judicat, cum resolvendo ad principia devenitur, de quibus est intellectus, ratione cujus ars judicandi resolutoria nominatur. Ergo sicut sensus communis est alia potentia a sensu proprio, ita et intellectus a ratione. — *de Verit.* q. 15, a. 1, arg. 3.

Sed contra est : 1. quod potentia aliqua quanto est immaterialior, tanto ad plura se potest extendere ; sed sensus communis, qui est virtus corporalis, confert de sensibilibus propriis, ea ad invicem discernendo ; habet etiam eorum cognitionem absolute ; aliter inter ea discernere non posset, ut probatur in 2. *de Anima* (text. 145 et sqq. ; l. 3, c. 2) : ergo multo fortius ratio, quæ est virtus magis immaterialis, non solum potest conferre, sed etiam absolute accipere, quod pertinet ad intellectum ; et sic intellectus et ratio non videntur esse potentiae diversæ. — *de Verit.* q. 15, a. 1, arg. 4 *Sed contra.*

2. Præterea, in operatione animæ humanæ duplex compositio invenitur : una, qua componit et dividit subjectum cum prædicato, formando propositiones ; alia, qua componit principia cum conclusiōnibus, conferendo ; sed in prima compositione eadem potentia animæ est, quæ ipsa simplicia apprehendit, id est prædicatum et subjectum, per proprias quid-

ditates ; et quæ componendo propositio-
nem format; utrumque enim intellectui
possibili tribuitur, ut dicitur in 3. *de
Anima* (*text.* 21 et sqq.; c. 6) : ergo
et similiter una potentia erit, quæ ipsa
principia accipit, quod est intellectus,
et principia in conclusionem ordinat,
quod est rationis. — *Ibid.* arg. 6 *Sed contra.*

3. Præterea, omnis potentia, quæ com-
parat alia ad invicem, oportet quod ha-
beat utriusque absolute cognitionem :
unde probat Philosophus in 2. *de Anima*
(*text.* 144; l. 3, c. 2), quod oportet in no-
bis esse unam potentiam, quæ cognoscat
album et dulce, per hoc quod discernim-
us inter ea; sed sicut qui discernit in-
ter aliqua diversa, comparat ea ad invi-
cem, ita etiam qui confert, unum alteri
comparat : ergo illius potentiae, quæ con-
fert, scilicet rationis, erit absolute aliquid
cognoscere, quod pertinet ad intellectum.
— *Ibid.* arg. 10 *Sed contra.*

RESPONDEO DICENDUM, quo I ratio et in-
tellectus in homine non possunt esse di-
versæ potentiae. Quod manifeste cognos-
citur, si utriusque actus consideretur.
Intelligere enim est simpliciter veritatem
intelligibilem apprehendere. *Ratiocinari*
autem est procedere de uno intellecto ad
aliud ad veritatem intelligibilem cognoscendam. Et ideo angeli, qui perfecte pos-
sident secundum modum sive naturæ
cognitionem intelligibilis veritatis, non
habent necesse procedere de uno ad aliud;
sed simpliciter et absque discurso veri-
tatem rerum apprehendunt, ut dicit Diony-
sius (*de Div. Nom.* c. 7, § 2; — Migne
PP. Gr. t. 3, col. 867). Homines autem
ad intelligibilem veritatem cognoscendam
perveniunt procedendo de uno ad aliud,
ut ibidem dicitur, et ideo rationales di-
cuntur. Patet ergo, quod ratiocinari com-
paratur ad intelligere sicut moveri ad
quiescere vel acquirere ad habere; quo-
rum unum est perfecti, aliud autem im-
perfecti. Et quia motus semper ab immo-
bili procedit, et ad aliquid quietum ter-
minatur, inde est quod ratiocinatio hu-

mana secundum viam acquisitionis (1)
vel inventionis procedit a quibusdam
simpliciter intellectis, quæ sunt prima
principia; et rursus in via judicii resol-
vendo redit ad prima principia, ad qua
inventa examinat. Manifestum est autem
quod quiescere et moveri non reducuntur
ad diversas potentias, sed ad unam e
eandem, etiam in naturalibus rebus; quia
per eandem naturam aliquid movetur ac
locum et quiescit in loco. Multo ergo
magis per eandem potentiam intelligimus
et ratiocinamur. Et sic patet, quod in ho-
mine eadem potentia est ratio et inelle-
ctus. — 1a, q. 79, a. 8, c.

Ad primum ergo dicendum, quod æter-
nitas comparatur ad tempus sicut immo-
bile ad mobile; et ideo Boethius compara-
vit intellectum æternitati, rationem ver-
temperi. Sicut ergo cognitio principio-
rum, quæ habent rationem veritatis im-
mobilis, et cognitio conclusionum, quæ
habent rationem veritatis mobilis, ac
eandem potentiam pertinent; ita et intel-
lectus et ratio sub eadem potentia com-
prehenduntur. — 1a, l. c. ad 2.

Ad secundum dicendum, quod alia ani-
malia sunt ita infra hominem, quod no-
possunt attingere ad cognoscendam veri-
tatem, quam ratio inquirit. Homo ver-
attingit ad cognoscendam intelligibilem
veritatem, quam angeli cognoscunt, se-
imperfecte; et ideo vis cognoscitiva an-
gelorum non est alterius generis a vi co-
gnoscitiva rationis, sed comparatur a
ipsam ut perfectum ad imperfectum. —
Ibid. ad 3.

Ad tertium dicendum, quod sensu
communis cum omnia sensibilia percipiunt
secundum Philosophum (2. *de Anim.*
text. 145 et sqq.; l. 3, c. 2), oportet quo
in ea feratur secundum unam communem
rationem; alias non haberet unum per
objectum. Sed in hanc communem objec-
tionem nullus sensuum propriorum
pertingere potest; sed in simplicem ac-
ceptionem ratio pertingit sicut ad suum

1. Al. c inquisitionis.

erminum, ut quando discursus rationis in scientiam (1) concluditur. Unde non portet quod intellectus in nobis sit alia potentia a ratione, sicut sensus communis propriis. — *de Verit.* l. c. ad 3.

ARTICULUS II

TRUM INTELLIGENTIA SIT ALIA POTENTIA
AB INTELLECTU.

Videtur quod intelligentia sit alia potentia ab intellectu.

1. Dicitur enim in lib. *de Spiritu et Anima* (c. 41; — Migne PP. Lat. t. 40, col. 786), quod cum ab inferioribus ad superiora ascendimus, prius occurrit sensus, deinde imaginatio, tum ratio, postea intellectus, et demum intelligentia; sed imaginatio et sensus sunt diversæ potentiae: ergo et intellectus et intelligentia. — 1a, q. 79, a. 10, arg. 4.

2. Praeterea, dicit Boethius (*de Consol. Philos.* l. 5, prosa 4; — Migne t. 63, col. 849), quod « ipsum hominem aliter sensus, aliter imaginatio, aliter ratio, aliter intelligentia intuelur »; sed intellectus est eadem potentia cum ratione: ergo videtur quod intelligentia sit alia potentia quam intellectus, sicut ratio est alia potentia quam imaginatio et sensus. — *Ibid.* arg. 2.

3. Praeterea, actus sunt prævii potentias, ut dicitur 2. *de Anima* (text. 33; . 4). Sed intelligentia est quidam actus diversus ab aliis actibus qui tribuuntur intellectui. Dicit enim Damascenus (2. *de Fide Orthod.* c. 22; — Migne PP. Gr. t. 4, col. 943), quod « primus motus dicitur intelligentia; quæ vero circa aliquid est intelligentia, intentio vocatur: quæ permanens et figurans animam ad id, quod intelligitur, excogitatio dicitur; ex cogitatio vero in eodem manens et se ipsum examinans et dijudicans, phronesis dicitur, id est sapientia; « phronesis udem dilatata facit cognitionem, id est

interius dispositum sermonem »; ex quo ait « provenire sermonem per linguam enarratum ». Ergo videtur quod intelligentia sit quedam specialis potentia. — *Ibid.* arg. 3.

Sed contra est, quod Philosophus dicit in 3. *de Anima* (text. 21; c. 6), quod intelligentia indivisibilium est in quibus non est falsum; sed hujusmodi cognoscere pertinet ad intellectum: ergo intelligentia non est alia potentia præter intellectum. — 3. *de Anima* l. 11.

RESPONDEO DICENDUM, quod hoc nomen *intelligentia* proprie significat ipsum actum intellectus, qui est intelligere. In quibusdam tamen libris de Arabico translatis substantiæ separatae, quas nos angelos dicimus, intelligentiæ vocantur, forte propter hoc quod hujusmodi substantiæ semper actu intelligunt. In libris tamen de Graeco translatis dicuntur intellectus seu mentes. Sic ergo intelligentia ab intellectu non distinguitur sicut potentia a potentia, sed sicut actus a potentia. Innuitur enim talis divisio etiam a philosophis. Quandoque enim ponunt quatuor intellectus, scilicet intellectum agentem, possibilem, in habitu, et adeptum. Quorum quatuor intellectus agens et possibilis sunt diversæ potentiae, sicut et in omnibus est alia potentia activa et alia passiva; *alia* vero tria distinguuntur secundum tres status intellectus possibilis: qui quandoque est in potentia tantum, et sic dicitur possibilis; quandoque autem in actu primo, qui est scientia, et sic dicitur intellectus in habitu; quandoque autem in actu secundo, qui est considerare, et sic dicitur intellectus in actu seu intellectus adeptus. — 1a, q. 79, a. 10, c.

Ad primum ergo dicendum, quod si recipi debet illa auctoritas, intelligentia ponitur pro actu intellectus; et sic dividitur contra intellectum sicut actus contra potentiam. — 1a, l. c. ad 4.

Ad secundum dicendum, quod Boethius accipit intelligentiam pro actu intellectus, quæ transcendit actum rationis.

1. Al. « scientia ».

Unde ibidem (prosa 5; — Migne col. 854) dicit, quod « ratio tantum humani generis est, sicut intelligentia sola Dei »; proprium enim Dei est quod absque omni investigatione omnia intelligat. — *Ibid.* ad 2.

Ad tertium dicendum, quod omnes illi actus, quos Damascenus enumerat, sunt unius potentiae, scilicet intellectivæ. Quæ primo quidem simpliciter apprehendit aliquid, et hic actus dicitur intelligentia; secundo vero id quod apprehendit ordinat ad aliquid aliud cognoscendum vel operandum, et hie vocatur intentio; dum vero persistit in inquisitione illius quod intendit, vocatur cogitatio; dum vero id quod est excogitatum examinat ad aliqua certa, dicitur scire vel sapere, quod est phronesis vel sapientia — nam sapientiae est judicare, ut dicitur 1. *Metaphys.* (c. 2) — ; ex quo autem habet aliquid pro certo quasi examinatum, cogitat quomodo possit illud aliis manifestare, et haec est dispositio interioris sermonis, ex qua procedit exterior locutio. Non enim omnis differentia actuum potentias diversificat, sed sola illa, quæ non potest reduci in idem principium. — *Ibid.* al 3.

ARTICULUS III

UTRUM IN ANIMA RATIONALI SIT MEMORIA.

Videtur quod in anima rationali non sit memoria.

1. Dicit enim Philosophus in libro *de Memoria et Reminisci*. (c. I), quod memoria non est intellectivi, sed sensitivi; cum ergo anima rationali sit intellectiva et differat ab anima sensitiva, videtur quod memoria non sit in illa. — *de Verit.* q. 10, a. 2, arg. 2.

2. Præterea, intellectus et omnia quæ ad partem intellectivam atque adeo ad animam rationalem pertinent, abstrahunt ab hie et nunc; memoria vero non abstrahit; concernit namque determinatum tempus, scilicet præteritum; memoria namque præteriorum est, ut dicit Tul-

lius: ergo. — *Ibid.* arg. 3; 1a, q. 79 a. 6, arg. 2.

3. Præterea, in memoria conservantur species rerum quæ actu non cogitantur. Sed hoc non est possibile accidere in intellectu, quia intellectus sit in actu per hoc quod informatur speci intelligibili. Intellectum autem esse in actu est ipsum intelligere in actu; et si intellectus omnia intelligit in actu quorum species apud se habet. Non ergo memoria est in parte intellectiva. — *Ia* l. e. arg. 3.

4. Præterea, omnis animæ potentia habet aliquem actum; sed memoria nullum habere potest actum in anima rationali; nam ut est cognitio præteriorum ut sic pertinet ad partem sensitivam, uero est vis retentiva specierum non dicit ullum actum: ergo memoria non est in anima rationali. — *1. Sent.* dist 3, q. 4, a. 1, c.

5. Præterea, 12. *Metaphys. text.* 3 (l. 41, c. 7) dicitur a Commentatore quod natura intellectiva dividitur in intellectum et voluntatem; nec ullus unquam philosophus in parte intellectiva posuit memoriam, qui tamen potentia animæ consideraverunt: ergo memori non est in anima rationali. — *Ibia* arg. 3.

Sed contra: Philosophus dicit in 3. d *Anima* (*text.* 6; c. 4), quod anima est locus specierum, priusquam quod non tollat intellectiva; loci autem est conservare contenta in eo: eum ergo conservare species ad memoriam pertineat, videtur quod in parte intellectiva seu in anima rationali sit memoria. — *de Verit.* q. 10 a. 2, arg. 1 *Sed contra*.

Responso diuersum, quod cum d ratione memoria sit conservare species rerum quæ actu non apprehenduntur hoc primum considerari oportet, utrum species intelligibles sic in intellectu conservari possint. Posuit enim Avicenna hoc esse impossibile. In parte enim sensitiva dicebat hoc accidere quantum aliquas potentias, in quantum sunt actu

organorum corporalium, in quibus convari possunt aliquæ species absque tuali apprehensione. In intellectu autem, qui caret organo corporali, nihil existit nisi intelligibiliter. Unde oportet intelligi in actu illud, cuius similitudo intellectu existit. Sic ergo, secundum sum, quam cito aliquis actu desinit intelligere aliquam rem, desinit esse illius species in intellectu; sed oportet, si nō vult rem illam intelligere, quod invertat se ad intellectum agentem, em ponit substantiam separatam, ut

illo effluant species intelligibiles intellectum possibilem. Et ex usu exercitio convertendi se ad intellectum agentem, relinquitur secundum illum ædam habilitas in intellectu possibili invertendi se ad intellectum agentem, em dicebat esse habitum scientiæ. Secundum igitur hanc positionem nihil conservatur in parte intellectiva, quod in actu intelligatur. Unde non poterit nisi in parte intellectiva atque adeo in anima rationali memoria secundum hunc modum.

Sed hæc opinio manifeste repugnat dictis Aristotelis. Dicit enim in 3. de Anima (text. 8; c. 4), quod cum intellectus impossibilis sic fiat singula, ut sciens dicatur quis secundum actum; et quod hoc accidit, cum possit operari per se ipsum: quidem igitur et tunc potentia quomodo, non tamen simpliciter, ut alio modo addiscere aut invenire. Dicitur anima intellectus possibilis fieri singula, secundum quod recipit species singularem. Ex hoc ergo quod recipit species intelligibilium, habet quod possit operari cum voluerit, non autem quod semper operetur; quia et tunc est quodammodo in potentia, sed aliter quam ante intelligere: eo scilicet modo, quo sciens habitu est in potentia ad considerationem in actu.

Repugnat etiam praedicta positio rationi. Quod enim recipitur in aliquo, recipitur in eo secundum modum recipientis. Intellectus autem est magis sta-

bilis naturæ et immobilis quam materia corporalis. Si ergo materia corporalis formas, quas recipit, non solum tenet, dum per eas agit in actu, sed etiam postquam agere cessaverit, multo fortius intellectus immobiliter et inamissibiliter recipit species intelligibiles, sive a sensibilibus acceptas sive etiam ab aliquo superiori intellectu effluxas.

Sic igitur, si memoria accipiatur solum prout conservativa specierum, oportet dicere memoriam esse in intellectiva parte atque adeo in anima rationali. Si vero de ratione memoriæ sit, quod ejus objectum sit præteritum ut præteritum, memoria in parte intellectiva non erit, sed sensitiva tantum, quæ est apprehensiva particularium. Præteritum enim ut præteritum, cum significet esse sub determinato tempore, ad conditionem particularis pertinet. — 1a, q. 79, a. 6, c.; 2. c. Gent. c. 74.

Ad primum ergo dicendum, quod ex illa auctoritate tantum haberi potest, quod in anima rationali atque adeo in parte intellectiva non est memoria proprie sumpta, secundum quod est cognitio præteriti ut præteritum est, sed alio modo, minus proprie, prout est vis conservativa specierum. — *de Verit.* q. 10, a. 2, ad 2.

Ad secundum dicendum est eodem modo. — *Vel dic*, quod præteritio potest ad duo referri, scilicet ad objectum quod cognoscitur, et ad cognitionis actum. Quæ quidem duo simul conjunguntur in parte sensitiva, quæ est apprehensiva alicujus per hoc quod immutatur a præsenti sensibili. Unde simul animal memoratur se prius sensisse in præterito, et sensisse quoddam præteritum sensibile. Sed quantum ad partem intellectivam pertinet, præteritio accidit, et non per se convenit ex parte *objecti*. Intellectus enim intelligit hominem in quantum est homo; homini autem in quantum est homo accidit, vel in præsenti vel in præterito vel in futuro esse. Ex parte vero *actus* præteritio per

se accipi potest etiam in intellectu sicut in sensu : quia intelligere animæ nostræ est quidam particularis actus in hoc vel in illo tempore existens : secundum quod dicitur homo intelligere nunc vel heri vel cras. Et hoc non repugnat intellectualitati, quia hujusmodi intelligere, quamvis sit quoddam particulare, tamen est immaterialis actus. Et ideo, sicut intellectus intelligit se ipsum, quamvis ipse sit quidam singularis intellectus ; ita intelligit suum intelligere, quod est singularis actus, vel in præterito vel in præsenti vel in futuro existens. Sic igitur salvatur ratio memoriæ quantum ad hoc quod est præteriorum in intellectu, secundum quod intelligit se prius intellexisse, non autem secundum quod intelligit præteritum, prout est hic et nunc.

— *Ibid.* ad 3; 1a, l. c. ad 2.

Ad tertium dicendum, quod species intelligibiles aliquando sunt in intellectu in potentia tantum, et tunc dicitur intellectus esse in potentia ; aliquando autem secundum ultimam complexionem actus, et tunc intelligit actum ; aliquando medio modo se habet inter potentiam et actum, et tunc dicitur esse intellectus in habitu ; et secundum hunc modum intellectus conservat species, etiam quando actu non intelligit. — 1a, l. c. ad 3.

Ad quartum dicendum, quod omnis proprietas consequens essentiam animæ secundum suam naturam, vocatur potentia animæ, sive sit ad operandum sive non. Cum igitur natura animæ sit receptibilis, in quantum habet aliquid de possibiliitate, eo quod omne habens esse ab aliquo, est possibile in se, ut probat Avicenna (in lib. *de Intelligentiis* c. 4) ; et non sit impressa corpori organo, cum habeat operationem absolutam a corpore, scilicet intelligere : consequitur ipsam quaecumque proprietas, ut impressa retineat. Tunc dicitur 3. *de Anima* (*text.* 6; c. 4), quod anima est locus specierum, non tota, sed intellectus. Ista ergo virtus retinendi dicitur potentia memorie. — Ulterius, quia anima est immunis a materia, et

omnis talis natura est intellectualis, consequitur, ut id quod in ipsa tenetur alia intelligatur, et ita post memoriam sequitur intelligentia. — Item, quia in quod intelligitur accipitur ut conveniens intelligenti, ideo consequitur voluntas quæ tendit in ipsum conveniens ; ne potest ultra procedere, quia voluntas est respectu finis, cum ejus objectum sit bonus, et rei perfectio non extendatur ultra finem. Et secundum hoc sunt tres potentiae distinctæ ab invicem, memoria intelligentia et voluntas. — 1. *Sendist.* 3, q. 4, a. 1, c.

Ad quintum dicendum, quod philosophi accipiebant potentias illas tantum quæ ordinantur ad aliquem actum. Proprietas autem retentiva ipsius animæ non habet aliquem actum, sed loco actu habet hoc ipsum, quod est tenere ; ideo de memoria sic dicta non fecerunt mentionem inter potentias animæ. — *Ibid.* ad 3.

ARTICULUS IV

UTRUM MEMORIA DISTINGUATUR REALITER AD INTELLECTU, SICUT POTENTIA A PENTIA.

Videtur quod memoria distinguit realiter ab intellectu.

1. Dicit enim Augustinus (14. *de Tract.* 8) ; — Migne PP. Lat. t. 42, col. 1044), quod secundum hoc anima rationalis est ad imaginem Dei, quod potest ratione atque intellectu (1), atque adeo secundum potentias ; sed in animali attenditur imago, secundum quod habet tria inveniuntur in ea, nimirum memoria, intellectus et voluntas : ergo habent tria sunt tres potentiae realiter distinctæ — *de Verit.* q. 10, a. 3, arg. 1 *Sed contra.*

(1) Migne 1. c. : « Eo quippe ipso ideo ejus est, quo ejus capax est ejusque percipere esse potest. »

2. Præterea, si prædicta tria non sunt
es potentiae realiter distinctæ, oportet
quod eorum esse actum vel operatio-
m. Sed actus non semper est in anima,
n enim semper in actu intelligit aut
lt; ergo ista tria non semper erunt in
ima, et sic non esset anima ad imagi-
m Dei; quod est contra Augustinum.
ergo dicendum est memoriam esse poten-
m realiter distinctam ab aliis duabus.

Ibid. arg. 2 Sed contra.

3. Præterea, secundum Augustinum
(*de Trin. c. 11*; — Migne PP. Lat. t.
, col. 982 et sq.) memoria, intellectus
voluntas sunt ad invicem æqualia, et
um corum ab alio oritur; et ideo per
a repræsentatur æqualitas et processio
vinarum personarum; hæc autem re-
æsentari non possent, nec illa esse, si
memoria esset eadem potentia cum intel-
lectu: ergo realiter debet ab illo distin-
ti. — 1a, q. 79, a. 7, arg. 3; *de Verit.*
c. arg. 3 *Sed contra.*

4. Præterea, eadem ratio definitionis est
tentiarum sensitivæ partis et intelle-
væ; sed memoria in parte sensitiva est
a potentia realiter a sensu, ut supra
clum est: ergo memoria intellectivæ
partis debet esse alia potentia ab intel-
lectu. — 1a, l. c. arg. 2.

Sed contra est, quod de ratione memo-
riæ est quod sit thesaurus vel locus con-
servativus specierum; hoc autem Philo-
phus 3. *de Anima* (*text. 6; c. 4*) attri-
bit intellectui: non ergo in parte intel-
lectiva memoria est alia potentia realiter
ab intellectu. — 1a, q. 79, a. 7, arg.
d contra.

RESPONDEO DICENDUM, quod potentiae ani-
æ, sicut supra dictum est (q. 51, a. 3),
stinguuntur secundum diversas rationes
objectorum, eo quod ratio cuiuslibet po-
tentiae consistit in ordine ad id, ad quod
citur, quod est ejus objectum. Dictum
etiam supra (q. 51, a. 3, c.), quod si
qua potentia secundum propriam ratio-
nem ordinetur ad aliquod objectum secun-
dum communem rationem objecti, non
versificabitur illa potentia secundum

diversitates particularium differentiarum :
sicut potentia visiva, quæ respicit suum
objectum secundum rationem colorati, non
diversificatur secundum rationem albi et
nigri. Intellectus autem respicit suum
objectum secundum communem rationem
entis, eo quod intellectus possibilis est,
quo est omnia fieri. Unde secundum nul-
lam differentiam entium diversificatur
differentia intellectus possibilis. Diversi-
ficatur tamen potentia intellectus agentis
et intellectus possibilis, quia respectu
eiusdem objecti aliud principium oportet
esse potentiam activam, quæ facit obje-
ctum esse in actu, et aliud potentiam pas-
sivam, quæ movetur ab objecto in actu
existente. Et sic potentia activa compa-
ratur ad suum objectum ut ens in actu ad
ens in potentia. Potentia autem passiva
comparatur ad suum objectum e converso
ut ens in potentia ad ens in actu. Sic igitur
nulla alia differentia potentiarum in intel-
lectu esse potest nisi possibilis et agentis.
Unde patet, quod memoria non est alia
potentia ab intellectu. Ad rationem enim
potentiae passivæ pertinet conservare, sic-
ut et recipere. — 1a, q. 79, a. 7, c.

Ad primum ergo dicendum, quod imago
Trinitatis in anima potest assignari dupli-
citer: uno modo secundum perfectam
imitationem Trinitatis, alio modo secun-
dum imperfectam. Anima enim *perfecte*
Trinitatem imitatur, secundum quod me-
minit actu, intelligit actu et vult actu.
Imago vero secundum *imperfectam* imita-
tionem est, quando assignatur secundum
habitus et potentias; et hoc modo reperi-
tur in memoria, intellectu et voluntate, se-
cundum quod dicunt potentias, non tamen
hoc modo, quod memoria possit esse in
parte intellectiva alia potentia ab intel-
lectu, ut dictum est (*in c.*); sed quatenus
intellectus habet habitudinem ad diversa,
scilicet ad tenendam notitiam alicujus
habitualiter; sicut et Augustinus distin-
guit rationem inferiorem a superiori se-
cundum habitudinem ad diversa. Et de
hoc secundo modo imaginis inventæ in
anima secundum imperfectam imitatio-

nem loquitur Augustinus, non de primo modo secundum perfectam imitationem, quæ est quando anima actu imitatur Trinitatem, intelligendo eam. — *de Verit.* l. c. ad 1 *Sed contra.*

Ad secundum dicendum, quod semper est in anima imago Trinitatis aliquo modo, sed non secundum perfectam imitationem. — *Ibid.* ad 2 *Sed contra.*

Ad tertium dicendum, quod intelligentia oritur ex memoria sicut actus ex habitu, et hoc modo etiam æquatur ei; non autem sicut potentia potentiae (la, l. c. ad 3). — *Vel dic,* quod inter potentiam et actum et habitum potest esse æqualitas, secundum quod comparantur ad unum objectum; et sic imago Trinitatis inventur in anima, secundum quod fertur in Deum. Et tamen, etiam communiter loquendo de potentia, habitu et actu, inventur in eis æqualitas, non quidem secundum proprietatem naturæ, quia alterius modi habet esse operatio, habitus et potentia; sed secundum comparationem ad actum: secundum quam consideratur horum trium quantitas; nec oportet quod accipiatur unus tantum actus numero aut unus habitus, sed habitus et actus in genere. — *Ibid.* ad 3 *Sed contra.*

Ad quartum dicendum, quod præteritum et præsens possunt esse propriæ differentiæ potentiarum sensitivarum, secundum diversitatem objectorum, non autem potentiarum intellectivarum, ratione supra (art. præced.) dicta. — la, l. c. ad 2.

ARTICULUS V

UTRUM INTELLECTUS ET VOLUNTAS SINT UNA ET EADEM POTENTIA REALITER.

Videtur quod intellectus et voluntas sint realiter una et eadem potentia.

1. Dicit enim Philosophus (2. *de Anima* text. 33; c. 4), quod potentiae distinguuntur secundum objecta; objectum autem intellectus est verum, voluntatis vero bonum: cum ergo bonum et verum sint

idem supposito et differant ratione, videtur quod intellectus et voluntas sint idem, sed differant ratione. — *de Verit.* q. 22, a. 10, arg. 1.

2. Præterea, secundum Philosophum in 3. *de Anima* (text. 42; c. 9) voluntas in ratione est; ergo vel est idem, quod ratio vel pars rationis; sed ratio est ea len potentia cum intellectu: ergo et voluntas. — *Ibid.* arg. 2.

3. Præterea, vires animæ communite dividuntur in rationale, irrationali et concupiscibile; sed voluntas distinguitur ab irrationali et concupiscibili: ergo continetur sub rationali; et sic non distinguetur ab intellectu. — *Ibid.* arg. 3.

4. Præterea, ubicunque invenitur idem objectum re et ratione, est una potentia se vel voluntatis et intellectus practici et idem objectum re et ratione; utrisque enim objectum videtur bonum: ergo intellectus practicus non est alia potentia quam voluntas; sed intellectus speculatorius non est alia potentia quam practicus quia secundum Philosophum in 3. *de Anima* (text. 49; c. 10) intellectus speculatorius per extensionem fit practicus: ergo voluntas et intellectus simpliciter sunt una potentia. — *Ibid.* arg. 4.

5. Præterea, sicut ad cognoscendum differentiam duorum ad invicem, oportet quod sit idem, qui cognoscat utrumque eorum inter quæ differentia consideratur; ita oportet quod sit idem, qui cognoscat et vult. Sed ad hoc quod cognoscatur differentia inter aliqua duo, ut inter amabilem et dulcem, oportet quod eadem potentia sit, quæ cognoscat utrumque; ex quod probat Philosophus in 2. *de Anima* (text. 17 et sqq.; l. 3, c. 2) sensum communem esse. Ergo eadem ratione oportet eam unam potentiam, quæ cognoscat et vult et ita intellectus et voluntas sint una potentia. — *Ibid.* arg. 5.

Sed contra est: 1. quod appetitivum genus animæ aliud est ab intellectivo, secundum Philosophum (2. *de Anima* text. 2 c. 3); sed voluntas continetur sub appetitivo: ergo voluntas est alia potentia

intellectu. — *de Verit.* q. 22, a. 10, arg.

Sed contra.

2. Præterea, intellectus cogitur secundum Philosophum in 5. *Metaphys.*; sed voluntas non potest cogi: ergo intellectus voluntas non sunt una potentia. — *Ibid.* q. 2 *Sed contra.*

RESPONDEO DICENDUM, quod voluntas et intellectus sunt diversæ potentiae et ad diversa genera potentiarum pertinentes. Ad ejus evidentiam sciendum est, quod, cum distinctio potentiarum attendatur penes actus et objecta, non quælibet objectorum differentia ostendit diversitatem potentiarum, sed differentia objectorum in quantum objecta sunt, non autem aliqua occidentalis differentia, quæ accidit objecto secundum quod est objectum. Sensibili anim, in quantum est sensibile, accidit esse animatum vel inanimatum, quamvis rebus, quæ sentiuntur, hæc differen- tiae sint essentiales. Et ideo penes has differentias non diversificantur potentiae sensitivæ, sed penes audibile et visibile, tangibile, quæ sunt differentiae sensitivæ in quantum est sensibile, sive per se sensibile per medium, sive sine me- dio. Et quandoquidem differentiae essentiales objectorum, in quantum objecta sunt, sumuntur ut dividentes per se quod speciale objectum animæ, ex hoc diversificantur potentiae, sed non genera potentiarum: sicut sensibile nominat non objectum animæ simpliciter, sed quoddam objectum quod prædictis differentiis per se dividitur. Unde visus et auditus et tactus sunt diversæ potentiae speciales ad idem genus potentiarum animæ pertinentes, scilicet ad sensum. Sed quando differentiae acceptæ dividunt ipsum objectum communiter acceptum, tunc ex tali differentia distinguitur diversa genera potentiarum.

Dicitur autem aliquid esse objectum animæ, secundum quod habet aliquam habitudinem ad animam. Ubi ergo invenimus diversas rationes habitudinis ad animam, ibi invenimus per se differentiam objecti animæ demonstrantem diversum genus potentiarum animæ. Res autem ad-

animam invenitur duplum habitudinem habere: unam, secundum quod ipsa res est in anima per modum animæ et non per modum sui; aliam, secundum quod anima comparatur ad rem in suo esse existentem. Et sic objectum animæ est aliquid dupliciter: uno modo, in quantum natum est esse in anima non secundum esse proprium, sed secundum modum animæ, id est spiritualiter; et hæc est ratio cognoscibilis in quantum est cognoscibile. Alio modo est aliquid objectum animæ, secundum quod ad ipsum anima inclinatur et ordinatur, secundum modum ipsius rei in se ipsa existentis; et hæc est ratio appetibilis in quantum est appetibile. Unde cognoscitivum et appetitivum constituant diversa genera potentiarum. Unde cum intellectus sub cognoscitivo comprehendatur, oportet voluntatem et intellectum esse potentias genere diversas. — *de Verit.* q. 22, a. 10, c.

Ad primum ergo dicendum, quod distinctio potentiarum non ostenditur ex objectis secundum rem consideratis, sed secundum rationem, quia ipsæ rationes objectorum specificant ipsas operationes potentiarum; et ideo ubi est diversa ratio objecti, ibi invenimus diversam potentiam, quamvis sit eadem rès, quæ subest utriusque rationi, sicut est de bono et vero. Et hoc patet in rebus materialibus. Nam aer patitur ab igne in quantum est calidus, secundum quod est in potentia aer calidus; in quantum vero ignis est lucidus, patitur ab eo, secundum quod ipse est diaphanus; nec est eadem potentia in aere, secundum quam dicitur diaphanus et potentia calidus, quamvis idem ignis sit, qui in utramque potentiam agat. — *Ibid.* ad 1.

Ad secundum dicendum, quod potentia duplum potest considerari: vel in ordine ad objectum, vel in ordine ad essentiam animæ, in qua radicatur. Si ergo voluntas consideretur in ordine ad objectum: sic ad aliud genus animæ pertinet quam intellectus; et sic voluntas contra rationem et intellectum distinguitur. Si vero voluntas consideretur secundum id in quo

radicatur: sic, cum voluntas non habeat organum corporale sicut nec intellectus, voluntas et intellectus ad eandem partem animæ reducentur; et sic quandoque intellectus vel ratio sumitur prout includit in se utrumque, et sic dicitur, quod voluntas est in ratione; et secundum hoc rationale includens intellectum et voluntatem dividitur contra irascibile et concupiscibile. — *Ibid.* ad 2. — Unde patet solutio ad tertium.

Ad quartum dicendum, quod objectum intellectus practici non est bonum, sed verum relatum ad opus. — *Ibid.* ad 4.

Ad quintum dicendum, quod velle et cognoscere non sunt actus unius rationis; et ideo non possunt pertinere ad unam potentiam, sicut cognoscere album et dulce; unde non est simile. — *Ibid.* ad 5.

ARTICULUS VI

UTRUM IN HOMINE SIT LIBERUM ARBITRIUM.

Videtur quod non sit in homine liberum arbitrium.

1. Is enim, in quo est liberum arbitrium, facit quod vult, et ejus est velle et non velle; sed homo nec facit quod vult; dicitur enim *Rom.* 7, 19: *Non enim quod volo bonum, hoc ago; sed quod noli malum, illud facio;* — nec hominis est velle et non velle; dicitur enim *Rom.* 9, 16: *Non est volentis (scilicet velle) neque currentis (scilicet currere);* — ergo in homine non est liberum arbitrium. — *1a, q. 83, a. 1, arg. 1 et 2.*

2. Præterea, liberum est quod est causa sui motus; quod ergo movetur ab alio, non est liberum. Sed Deus movet voluntatem; dicitur enim *Prov.* 21, 1: *Corregis in manu Dei,* et: *quocunque voluerit, vertet illud;* et *Phil.* 2, 13: *Deus est, qui operatur in nobis velle et perficere.* Ergo homo non est liberi arbitrii. — *Ibid.* arg. 3.

3. Præterea, quicunque est liberi arbitrii, est dominus suorum actuum; sed homo non est dominus suorum actuum præsertim meritoriorum, *tum* quia excedunt facultatem naturalem arbitrii; *tu* quia ad illos operandos requiritur gratia assistens, quam multi non habent; *tu* quia universaliter dicitur *Hierem.* 10, 2 quod *non est in homine via ejus, nec vi est ut dirigat gressus suos;* *tum* quoniam quod movet motum movet sic instrumentum, ut patet per Commentatorem in 8. *Phys.* (*text.* 35; c. 5); instrumentum autem non est liberum ad agendum, cum non agat nisi secundum quoniam eo utitur. Cum ergo homo non operetur nisi motus a Deo, videtur quoniam non sit liberi arbitrii. — *Ibid.* arg. de *Verit.* q. 24, a. 1, arg. 2, 6, 1, 5.

4. Præterea, qualis unusquisque est talis finis videtur ei; sed non est in nostra potestate quod simus tales vel tales, et hoc homo ex nativitate habeat, et debeat, ut quibusdam videtur, ex dispositione stellarum: ergo non est in nostra potestate, ut hunc vel illum finem appetimus et sequamur; sed omne iudicium de agendis sumitur ex fine: ergo non simus liberi arbitrii. — *de Verit.* l. c. ai 49; *1a, l. c. arg. 5.*

5. Præterea, ita se habet finis ad cogitationes sicut principia ad ea quae ex principiis consequuntur, ut patet in 7. *L.* (c. 8 med., al. 9); sed ex principiis necessitate deducuntur conclusiones: ergo ex fine de necessitate movetur homo ad eligendum; et sic non erit in agere liberi arbitrii. — *1a 2æ, q. 13, a. 1, arg. 1.*

6. Præterea, ubi est idem motivum idem mobile, est et idem modus movere. Sed cum aliquis vult finem et ea quae sunt ad finem, idem est quod movere scilicet voluntas, et idem est movere quia ea quae sunt ad finem non vult quis, nisi in quantum vult finem: est idem modus movendi, ut scilicet, cum aliquis ex necessitate vult finem unum, ita ex necessitate vult ei quae si-

d finem. — *de Malo* q. 6, a. un., arg. 9.

7. Præterea, electio consequitur iudicium rationis de agendis; sed ratio ex necessitate judicat de aliquibus, propter necessitatem præmissarum: ergo videatur quod etiam electio ex necessitate sequitur, et per consequens quod in homine non sit liberum arbitrium. — 1a, q. 13, a. 6, arg. 2.

8. Præterea, si aliqua sunt penitus qualia, non magis movetur homo ad unum quam ad aliud: sicut famelicus habet cibum æqualiter appetibilem in diversis partibus et secundum æqualem instantiam, non magis movetur ad unum quam ad alterum, ut Plato dixit assunans rationem quietis terræ in medio, sicut dicitur in 2. *de Cælo* (*text. 75 et 3; c. 13*); sed multo minus potest eligi quod accipitur ut minus, quam quod accipitur ut æquale: ergo si proponantur duo vel tria vel plura, inter quæ unum major appareat, impossibile est aliquid minorum eligere; ergo ex necessitate eligitur illud, quod eminentius apparent. Sed omnis electio est de omni eo, quod videatur aliquo modo melius; ergo omnis electio est ex necessitate, et per consequens homo non habet liberum arbitrium; nam si haberet, libere eligeret. — *Ibid.* arg. 3.

Sed contra est: 1. quod dicitur *Ecli.* 3, 14: *Deus ab initio constituit hominem reliquit eum in manu consilii sui*; hoc item non esset, nisi haberet liberam electionem, quæ est appetitus præconsentiens, ut dicitur in 3. *Eth.* (c. 2, al. 4): ergo homo habet libertatem in suis actibus. — *de Malo* q. 6, a. un., arg. 1 *Sed contra*.

2. Præterea, potentiae rationales sunt in opposita, secundum Philosophum (9. *Metaphys. text. 3*; l. 8, c. 2); sed voluntas est potentia rationalis; est enim in intentione, ut dicitur in 3. *de Anima* (*text. 2; c. 9*): ergo voluntas se habet ad opposita, et non ex necessitate movetur ad unum. — *Ibid.* arg. 2 *Sed contra*.

3. Præterea, secundum Philosophum (in 3. et 6. *Eth.*) homo est dominus sui actus, et in ipso est agere et non agere; sed hoc non esset, si non esset liberi arbitrii: ergo. — *Ibid.* arg. 3 *Sed contra*.

RESPONDEO DICENDUM, quod homo est liberi arbitrii; alioqui frustra essent consilia, exhortationes, præcepta, prohibitions, præmia et pœnæ. Ad cujus evidentiam considerandum est, quod quædam agunt absque judicio: sicut lapis movetur deorsum, et similiter omnia cognitione parentia. Quædam autem agunt judicio, sed non libero, sicut animalia bruta. Judicat enim ovis videns lupum, eum esse fugiendum, naturali judicio et non libero, quia non ex collatione, sed ex naturali instinctu hoc judicat; et simile est de quolibet judicio brutorum animalium. Sed homo agit judicio, quia per vim cognoscitivam judicat aliquid esse fugiendum vel prosequendum. Sed judicium istud non est ex naturali instinctu in particulari operabili, sed ex collatione quadam rationis; et ideo agit libero judicio, potens in diversa ferri. Ratio enim circa contingentia habet viam ad opposita, ut patet in dialecticis syllogismis et rhetoricis persuasionibus. Particularia autem operabilia sunt quædam contingentia; et ideo circa ea judicium rationis ad diversa se habet, et non est determinatum ad unum. Et pro tanto necesse est quod homo sit liberi arbitrii, ex hoc ipso quod rationalis est. — 1a, q. 83, a. 1, c.

Ad primum ergo dicendum, quod appetitus sensitivus etsi obedit rationi, tamen potest in aliquo repugnare, concupiscendo contra illud, quod ratio dictat. Hoc ergo est bonum, quod homo non facit cum vult, scilicet non concupiscere contra rationem, ut ait glossa Augustini super primum locum Apostoli. — *Ad secundum locum dicendum*, quod verbum illud Apostoli non sic est intelligendum, quasi homo non velit et non currat libero arbitrio, sed quia liberum ar-

bitrium ad hoc non est sufficiens, nisi moveatur et juvetur a Deo. — 4a, l. c. ad 1 et 2.

Ad secundum dicendum, quod liberum arbitrium est causa sui motus, quia homo per liberum arbitrium se ipsum movet ad agendum. Non tamen hoc est de necessitate libertatis, quod sit prima causa sui id quod liberum est; sicut nec ad hoc quod aliquid sit causa alterius, requiritur quod sit prima causa ejus. Deus igitur est prima causa movens et naturales causas et voluntarias. Et sicut naturalibus causis, movendo eas, non aufert quin actus earum sint naturales; ita movendo causas voluntarias non aufert quin actiones earum sint voluntariae; sed potius hoc in eis facit: operatur enim in unoquoque secundum ejus proprietatem. — *Ibid.* ad 3.

Ad tertium dicendum, quod homo est liberi arbitrii in suis electionibus. Unde *ad primam instantiam* de opere meritorio dicendum, quod opus meritorium a non meritorio non distat in *quid* agere, sed in *qualiter* agere. Nihil enim est, quod unus homo meritorie agat et ex caritate, quod alius non possit absque merito agere aut velle. Et ideo hoc, quod homo non potest sine gratia agere opera meritoria, nihil derogat perfectæ libertati: quia homo dicitur esse liberi arbitrii, secundum quod potest agere hoc vel illud, non secundum quod potest sic vel sic agere; quia secundum Philosophum ille, qui nondum habet habitum virtutis, non habet in sua potestate agere taliter, qualiter virtuosus agit, nisi in quantum potest acquirere habitum virtutis. Gratiam autem, quae opera meritoria facit, quamvis homo non possit libero arbitrio acquirere, potest tamen se ad gratiam habendam præparare, quæ ei a Deo non denegabitur, si fecerit quod in se est. Et ideo non omnino est extra liberi arbitrii potestatem opera meritoria agere, quamvis ad hoc per se potestas liberi arbitrii non sufficiat, eo quod modus qui ad meritum requiritur, facultatem naturæ exceedit; non autem modus

qui est in operibus ex virtutibus politicis Nullus autem diceret, propter hoc hominem non esse liberi arbitrii, quia non potest taliter velle vel eligere, qualiter Deus vel angelus. — Et sic patet *ad secundam probationem*. (*de Verit.* q. 24, a 1, ad 2 et 6.) — *Ad tertiam* dicendum quod dicitur non esse in homine via ejus quantum ad exsecutiones electionum, i quibus homo impediri potest, velit nolit. Electiones autem ipsæ sunt in nobis, supposito tamen divino auxilio. Ut enim dicit Gregorius Nyssenus, in opere hominis duo est invenire, scilicet electiones operum, et hæc semper in hominis potestate consistit; et operum gestionem se exsecutionem, et hæc non semper est in hominis potestate, sed divina providentia gubernante propositum hominis a finem quandoque perducitur, quandoque vero non. Et ideo homo non dicitur esse liber suarum actionum, sed liber suæ electionis, quæ est judicium de agendi. Ethoc ipsum nomen & liberum arbitrium demonstrat. (*Ibid.* ad 1.) — *Ad quartum* dicendum, quod instrumentum duplicit dicitur: *uno modo* proprie, quando scilicet aliquid ita ab altero movetur, que non consertur ei a movente aliquod principium talis motus, sicut serra movet a carpentario; et tale instrumentum non est capax libertatis. *Alio modo* dicit instrumentum magis communiter, quod quid est movens ab alio motum, sive in ipso principium sui motus, sive non et sic ab instrumento non oportet quod omnino excludatur ratio libertatis, quia potest aliquid esse ab alio motum, quia tamen se ipsum movet; et ita est de voluntate humana. (*Ibid.* ad 3.)

Ad quartum dicendum, quod qualitas hominis est duplex, una naturalis et a superveniens. *Naturalis* autem qualitas accipi potest vel circa partem intellectuam, vel circa corporis et virtutes corporis annexas. Ex eo igitur quod homo est a qualis qualitate naturali, quæ attendit secundum intellectivam partem, naturaliter homo appetit ultimum finem, scilicet

beatitudinem. Qui quidem appetitus naturalis est, et non subjacet libero arbitrio. Ex parte vero corporis et virtutum corporis annexarum potest esse homo aliquis complexionis, vel talis dispositio-nes, ex quacunque impressione corpoream causarum, quæ non possunt in intellectivam partem imprimere, eo quod non est alicujus corporis actus. Igitur unusquisque est secundum corporis qualitatem, talis finis videtur ei : quia ex hujusmodi dispositione homo inclinatur ad eligendum aliquid vel repudandum. Sed istæ inclinationes subjacent judicio rationis, cui obedit inferior appetitus; unde per hæc libertati arbitrii non præjudicatur. Qualitates autem pervenientes sunt sicut habitus et passiones, secundum quas aliquis magis inclinatur in unum quam in alterum. Tamen istæ etiam inclinationes subjacent judicio rationis; et hujusmodi etiam qualitates ei subjacent, in quantum in nobis sunt tales qualitates acquirere vel causaliter vel dispositive, vel a nobis excludere. Et sic nihil est, quod libertati arbitrii repugnet. — 1a, l. c. arg. 5.

Ad quintum dicendum, quod non semper ex principiis ex necessitate procedit conclusio, sed tunc solum, quando principia non possunt esse vera, si conclusio sit vera; et similiter non oportet quod semper ex fine insit homini necessitas ad eligendum ea quæ sunt ad finem; quia non omne quod est ad finem tale est, quod sine eo finis haberi non possit, aut si tale sit, non semper sub ali ratione consideratur. — 1a 2æ, q. 3, a. 6, ad 1.

Ad sextum dicendum, quod quando ad finem non potest perveniri nisi una via, tunc eadem ratio est volendi finem, et a quæ sunt ad finem; sed ita non est in proposito, nam multis viis perveniri potest ad beatitudinem; et ideo licet homo ex necessitate velit beatitudinem, nihil tamen eorum, quæ ad beatitudinemducunt, ex necessitate vult. — *de Malo* q. 6, a. un., ad 9.

Ad septimum dicendum, quod sententia sive judicium rationis de rebus agendis est circa contingentia, quæ a nobis fieri possunt; in quibus conclusiones non ex necessitate sequuntur ex principiis necessariis absoluta necessitate, sed necessariis solum ex conditione, ut *si currit, movetur*. — 1a 2æ, l. c. ad 2.

Vel dic, quod judicium, cui tribuitur libertas, est judicium electionis, non autem judicium, quo sententiat homo de conclusionibus in scientiis speculativis; nam ipsa electio est quasi quædam scientia de præconsiliatis. — *de Verit.* q. 24, a. 1, ad 17.

Ad octavum dicendum, quod nihil prohibet, si aliqua duo æqualia proponantur secundum unam considerationem, quin circa alterum consideretur aliqua conditio, per quam emineat, et magis flectatur voluntas in ipsum quam in aliud. — 1a 2æ, l. c. ad 3.

ARTICULUS VII

UTRUM LIBERUM ARBITRIUM SIT IN BRUTIS.

Videtur quod liberum arbitrium sit etiam in brutis.

1. Secundum hoc enim dicimur esse liberi arbitrii, quod actus nostri sunt voluntarii; sed voluntario et pueri et bruta communicant, secundum Philosophum in 3. *Eth.* (c. 1 versus fin., al. c. 3) : ergo liberum arbitrium est in brutis. — *de Verit.* q. 24, a. 2, arg. 1.

2. Præterea, secundum Philosophum in 8. *Phys.* (*text.* 29; c. 4) in omni eo quod movet se ipsum, est moveri et non moveri; sed bruta movent se ipsa : ergo in eis est moveri et non moveri; sed hoc dicimur esse liberi arbitrii, quod in nobis est agere aliquid, ut patet per Gregorium Nyssenum et Damascenum : ergo in brutis est liberum arbitrium. — *Ibid.* arg. 2.

3. Præterea, liberum arbitrium duo

importat, scilicet judicium et libertatem, quorum utrumque est invenire in brutis. Habent enim aliquid judicium de agendis; quod patet ex hoc, quod unum prosequuntur et aliud fugiunt; habent etiam libertatem, cum possint movere et moveri. Ergo in eis est liberum arbitrium. — *Ibid.* arg. 3.

4. Præterea, illud dicitur esse liberum, quod non est obligatum alicui; sed anima bruti non est obligata ad alterum oppositorum, quia potentia ipsius non est determinata ad unum, sicut potentiae rerum naturalium, quæ semper idem faciunt: ergo anima bruti habet liberum arbitrium. — *Ibid.* arg. 5.

5. Præterea, pena non debetur nisi ei, qui habet liberum arbitrium; sed in veteri lege frequenter invenitur pena inficta brutis, sicut *Exod.* 19, 43 patet de bestia tangente montem, et 21, 29 de bove cornupeta, et *Levit.* 20, 16 de jumento, cui mulier succubuit: ergo bruta videntur esse liberi arbitrii. — *Ibid.* arg. 6.

6. Præterea, hoc est signum, quod homo est liberi arbitrii, ut Sancti dicunt, quia præceptis ad bonum instigatur et a malo retrahitur; videmus autem bruta allici beneficiis et moveri præceptis aut terrori minis ad aliquid agendum vel dimittendum: ergo idem quod prius. — *Ibid.* arg. 7.

7. Præterea, divinum præceptum non datur nisi habenti liberum arbitrium; sed divinum præceptum datur bruto; unde *Jonas* 4, 7 secundum aliam litteram dicitur, quod *præcepit Dominus vermi, et percussit ederam*: ergo bruta habent liberum arbitrium. — *Ibid.* arg. 8.

Sed contra: 1. Ex hoc videtur homo esse ad imaginem Dei, quod est liberi arbitrii, ut dicunt Damascenus (2. *de Fide Orthod.* c. 42; — Migne PP. Gr. t. 94, col. 919) et Bernardus (*de Gratia et Libero. Arb.* c. 9; — Migne PP. Lat. t. 182, col. 1016); sed bruta non sunt ad imaginem Dei: ergo non sunt liberi arbitrii. — *de Verit.* q. 24, a. 2, arg. 1 *Sed contra.*

2. Præterea, omne quod est liberi ar-

bitrii, agit et non solum agitur; sed bruta non agunt, sed aguntur, ut dicit Damascenus (2. *de Fide Orthod.* c. 27; — Migne t. 94, col. 962): ergo bruta non sunt liberi arbitrii. — *Ibid.* arg. 2.

RESPONDEO DICENDUM, quod bruta nullo modo sunt liberi arbitrii. Ad cujus evidentiam sciendum est, quod cum ad operationem nostram tria concurrant, scilicet cognitio, appetitus et ipsa operatio, tota ratio libertatis ex modo cognitionis dependet. Appetitus enim cognitionem sequitur, cum appetitus non sit nisi boni, quod sibi per vim cognitivam ponitur. Et quod quandoque appetitus videatur cognitionem non sequi, hoc ideo est, quia non circa idem accipitur appetitus et cognitionis judicium; est enim appetitus de particulari operabili, judicium vero rationis quandoque est de aliquo universalis, quod est quandoque contrarium appetitui. Sed judicium de hoc particulari operabili, ut nunc, nunquam potest esse contrarium appetitui. Qui enim vult fornicari, quamvis sciat in universalis fornicationem malum esse, tamen judicat sibi, ut tunc, fornicationis actum bonum esse, et sub specie boni ipsum eligit. Nullus enim intendens ad malum operatur, ut Dionysius dicit (*de Div. Nom.* c. 4, § 31; — Migne col. 731). Appetitum autem, si non sit aliquid prohibens, sequitur motus vel operatio. Et ideo si judicium cognitivæ non sit in potestate alicujus, sed sit aliunde determinatum; nec appetitus erit in potestate ejus, et per consequens nec motus vel operatio absolute. Judicium autem est in potestate judicantis, secundum quod potest de suo judicio judicare; de eo enim quod est in nostra potestate, possumus judicare. Judicare autem de suo judicio solius rationis est, quae super actum suum reflectitur, et cognoscit habitudinem rerum, de quibus judicat et per quas judicat. Unde totius libertatis radix est in ratione constituta. Unde secundum quod aliquid se habet ad rationem, et sic se habet ad liberum arbitrium. Ratio

autem plene et perfecte invenitur solum in homine : unde in eo solum liberum arbitrium plenarie invenitur.

Bruta autem habent aliquam similitudinem rationis, in quantum participant quandam prudentiam naturalem, secundum quod natura inferior attingit aliquatenus ad id, quod est naturæ superioris ; quæ quidem similitudo est secundum quod habent judicium ordinatum de aliquibus. Sed hoc judicium est eis ex naturali æstimatione, non ex aliqua collatione, cum rationem sui judicii ignorent ; propter quod hujusmodi judicium non se extendit ad omnia, sicut judicium rationis, sed ad quædam determinata. Et similiter in eis est quædam similitudo liberi arbitrii, in quantum possunt agere vel non agere unum et idem secundum suum judicium, ut sic sit in eis quasi quædam conditionata libertas : possunt enim agere si judicant agendum esse ; vel non agere si non judicant. Sed quia judicium eorum est determinatum ad unum, per consequens et appetitus et actio ad unum determinatur ; unde, secundum Augustinum (9. *super Genes. ad Litt. c. 14* ; — Migne t. 34, col. 402) moventur visis ; et secundum Damascenum (2. *de Fide Orthod. c. 27* ; — Migne t. 34, col. 962) aguntur passionibus : quia scilicet naturaliter de tali viso et de tali passione sic judicant ; unde necesse habent ab ipsa visione alicujus rei vel a passione insurgente moveri ad fugiendum vel prosequendum : sicut ovis viso lupo necesse habet timere et fugere, et canis insurgente passione iræ necesse habet latrare et prosequi ad nocendum. Sed homo non necessario movetur ab his, quæ sibi occurserunt, vel a passionibus insurgentibus, quia potest ea accipere vel refugere ; et deo homo est liberi arbitrii, non autem bruta. — *de Verit. q. 24, a. 2, c.*

Ad primum ergo dicendum, quod voluntarium ponitur a Philosopho in brutis non secundum quod convenit cum voluntate, sed secundum quod opponitur violento : ut sic dicatur voluntarium esse in

brutis vel pueris, quia sua sponte aliquid faciunt, non propter usum liberæ electionis. — *Ibid. ad 1.*

Ad secundum dicendum, quod potentia motiva brutorum secundum se considerata non magis inclinatur ad unum oppositorum quam ad alterum ; et sic dicitur, quod possunt moveri et non moveri. Sed judicium, quod applicatur potentia motiva ad alterum oppositorum, est determinatum ; et sic non sunt liberi arbitrii. — *Ibid. ad 2.*

Ad tertium dicendum, quod quamvis in brutis sit quædam indifferentia actionum, tamen non potest proprie dici, quod sit in eis libertas actionum, sive agendi vel non agendi ; tum quia actiones, cum per corpus exerceantur, cogi possunt vel prohiberi non solum in brutis, sed etiam in hominibus : unde nec ipse homo dicitur liber actionis suæ ; tum etiam quia, quamvis sit indifferentia ad agere et non agere in bruto, considerata ipsa actione secundum se ipsam, tamen considerato ordine ejus ad judicium, a quo provenit, quod est determinatum ad unum, etiam ad ipsas actiones obligatio quædam derivatur, ut non possit in eis inveniri ratio libertatis absolute. Tamen dato quod in eis esset libertas aliqua et judicium aliquod, non tamen sequeretur quod inesset libertas judicii, cum judicium eorum sit naturaliter determinatum ad unum. — *Ibid. ad 3.*

Ad quartum dicendum, quod quamvis potentia motiva in brutis non sit determinata ad unum ; tamen judicium eorum de agendis est determinatum ad unum, ut dictum est. — *Ibid. ad 5.*

Ad quintum dicendum, quod cum bruta sint facta in obsequium hominis, secundum hoc de brutis disponitur, quod hominibus expedit, propter quos facta sunt. Puniuntur ergo bruta lege divina non propter hoc quod ipsa peccant, sed propter hoc quod ex eorum poena homines puniantur in eorum possessione, vel terreatur ex ipsa pœnæ acerbitate, vel etiam instruantur ex mysterii significatione. — *Ibid. ad 6.*

Ad sextum dicendum, quod tam homines quam bruta beneficiis inducuntur et flagellis prohibentur, vel præceptis et prohibitionibus, sed diversimode: quia in potestate hominum est, ut eisdem rebus similiter repræsentatis, sive sint præcepta et prohibitiones, sive sint beneficia et flagella, eligant vel fugiant judicio rationis; — sed in brutis est judicium naturale determinatum ad hoc, quod id quod uno modo proponitur vel occurrit, eodem modo accipiatur vel fugiatur. Contingit autem ex memoria præteriorum beneficiorum vel flagellorum, ut bruta aliquid apprehendant quasi amicum et prosequendum vel sperandum, et aliquid quasi inimicum et fugiendum vel timendum: et ideo post flagella ex passione timoris, quæ inde eis insugit, inducuntur ad obediendum nutui instructoris. Nec est necessarium hujusmodi brutis fieri propter libertatem arbitrii, sed propter indifferentiam actionum. — *Ibid.* ad 7.

Ad septimum dicendum, quod secundum Augustinum (1) præceptum divinum brutis factum non ita factum esse credendum est, ut vox aliqua jussionis de nube facta sit eis aliquibus verbis, quæ rationales animæ audientes intelligere atque obdire solent: non enim hoc acceperunt ut possint bestiæ vel aves. In suo tamen genere obtemperant Deo, non rationalis voluntatis arbitrio; sed sicut ille movet omnia temporibus opportunitis, non ipse temporaliter motus, moventur bruta temporaliter, ut jussu ejus (2). — *Ibid.* ad 8.

ARTICULUS VIII

UTRUM LIBERUM ARBITRIUM SIT POTENTIA VEL NON.

Videtur quod liberum arbitrium non sit potentia.

1. Dicit enim Augustinus, quod liberum arbitrium est facultas voluntatis et ratio-

(1) *Super Genes. ad Lut.*

(2) Al. « ut iusta ejus efficiant ».

nis. Facultas autem nominat facilitatem potestatis, quæ est ex habitu, quia secundum eundem Augustinum habitus est quo facile quis agere potest. Ergo liberum arbitrium non est potentia, sed habitus. — *Ia, q. 83, a. 2, arg. 2; de Verit. q. 24, a. 4, arg. 1.*

2. Præterea, dicit D. Bernardus (*de Gratia et Libero Arb.* c. 1; — Migne t. 182 col. 1002), quod liberum arbitrium est habitus animi liber sui; ergo liberum arbitrium non est potentia, sed habitus. — *Ia, l. c. arg. 2; de Verit. l. c. arg. 8.*

3. Præterea, liberum arbitrium nihil est aliud quam liberum judicium; judicium autem non nominat potentiam, secundum: ergo liberum arbitrium non est potentia. — *Ia, l. c. arg. 4.*

4. Præterea, nulla potentia naturali tollitur per peccatum; sed liberum arbitrium tollitur per peccatum; Augustinus enim dicit (*Enchir. c. 30*; — Migne t. 40 col. 246), quod homo male utens liber arbitrio et se perdidit et ipsum: ergo liberum arbitrium non est potentia. — *Ia, c. arg. 3; de Verit. l. c. arg. 6.*

5. Præterea, secundum Philosophum (2. *Eth. c. 5, al. 4*) habitus sunt, secundum quos nos aliqualiter agimus; sed liberum arbitrium non solum nominat in quo agimus, sed etiam id in quo aliquahuc agimus, scilicet libere; ergo liberum arbitrium nominat habitum. — *de Verit. l. c. arg. 4.*

Sed contra: 1. Secundum Philosophum (2. *Eth. c. 5, al. 4*) tria sunt in anima potentia, habitus et passio. Liberum autem arbitrium non est passio, cum sit in superiori parte animæ, passio autem est passibilis qualitas sive solum circa partem animæ sensitivam. Similiter non est habitus, cum sit subjectum gratiae; habens enim se ad gratiam, ut dicit Augustinus (alius auctor in *Hypognosticon* 1. 3, c. 11 — Migne PP. Lat. t. 45, col. 4632), equus ad sessorem; habitus vero non potest alterius esse subjectum. Ergo relinquitur quod liberum arbitrium sit pot-

ia. — *de Verit.* q. 24, a. 4, arg. 1 *Sed contra*; 1a, q. 83, a. 2, arg. *Sed contra*.
 2. Præterea, hoc videtur inter habitum et potentiam distare, quod potentia, quæ se ad opposita habet, per habitum determinatur ad unum; sed liberum arbitrium nominat aliquid ad opposita se habens, nullo modo determinatum ad unum: ergo liberum arbitrium est potentia. — *de Verit.* l. c. arg. 2 *Sed contra*.

RESPONDEO DICENDUM, quod quamvis liberum arbitrium nominet quandam actum, secundum propriam significationem vocabuli, secundum tamen communem usum quoquendi liberum arbitrium dicimus id, quod est hujus actus principium, scilicet quo homo libere judicat. Principium autem actus in nobis est et potentia et habitus. Dicimur enim aliquid cognoscere et per scientiam et per intellectivam potentiam. Oportet ergo quod liberum arbitrium vel sit potentia vel habitus vel sit potentia cum aliquo habitu. — Quod autem non sit *habitus* neque potentia cum habitu, manifeste apparet ex duobus: primo quidem, quia si est habitus, oportet quod sit habitus naturalis. Hoc enim est naturale homini, quod sit liberi arbitrii. Nullus autem habitus naturalis ad nos ad ea, quæ subsunt libero arbitrio; quia ad ea, respectu quorum habemus habitus naturales, naturaliter inclinamur, sicut ad assentiendum primis principiis. Ea autem, ad quæ naturaliter inclinamur, non subsunt libero arbitrio, sicut patet de appetitu beatitudinis. Unde contra propriam rationem liberi arbitrii est, quod sit habitus naturalis. Contra naturalitatem autem ejus est, quod sit habitus non naturalis. Et sic relinquitur quod nullo modo sit habitus. — Secundo hoc apparet, quia habitus dicuntur, secundum quos nos habemus ad passiones vel ad actus bene vel male, ut dicitur in 2. Eth. c. 5, al. 4). Nam per temperantiam bene nos habemus ad concupiscentias, per intemperantiam autem male; per scientiam bene nos habemus ad actum intellectus, dum verum cognoscimus; per ha-

bitum vero contrarium, male. Liberum autem arbitrium indifferenter se habet ad bene eligendum vel male. Unde impossibile est quod liberum arbitrium sit habitus. Relinquitur ergo quod sit *potentia*. — 1a, q. 83, a. 2, c.

Ad primum ergo dicendum, quod aliquid dicitur esse *facile* dupliciter: uno modo propter remotionem impedimentorum; alio modo propter appositionem adjutorii. Facilitas igitur pertinens ad habitum est per adjutorii appositionem: nam habitus inclinat potentiam ad actum. Hanc autem facilitatem non nominat liberum arbitrium, eo quod, quantum est de se, non inclinatur magis ad unum quam ad aliud; sed nominat facilitatem, quæ est per remotionem impedimenti, eo quod liberum arbitrium non impeditur aliquo cogente a propria operatione. Et ideo Augustinus proprie liberum arbitrium facultatem nominavit, non facilitatem, quia facultas hoc importare videtur, ut aliquid sit in potestate facultatem habentis. (*de Verit.* q. 24, a. 4, ad 1.) — *Vel dic*, quod facultas nominat quandoque potestatem expeditam ad operandum, et sic facultas ponitur in definitione liberi arbitrii. (1a, q. 83, a. 2, ad 2.)

Ad secundum dicendum, quod Bernardus accipit habitum, non secundum quod dividitur contra potentiam, sed secundum quod significat habitudinem quandam, qua aliquo modo se aliquis habet ad actum; quod quidem est tam per potentiam quam per habitum; nam per potentiam homo se habet ut potens operari, per habitum autem ut aptus ad operandum bene vel male. (1a, l. c. ad 2.) Unde sumit habitum improprie pro quacunque facilitate. (*de Verit.* l. c. ad 8.)

Ad tertium dicendum, quod consuetum est potentiam significare nomine actus. Et sic per hunc actum, qui est liberum judicium, nominatur potentia, quæ est hujus actus principium; alioqui, si liberum arbitrium nominaret actum, non semper maneret in homine. — 1a, l. c. ad 1.

Ad quartum dicendum, quod homo pec-

cando liberum arbitrium dicitur perdisse, non quantum ad naturalem libertatem quæ est a coactione, sed quantum ad libertatem quæ est a culpa. — *Vel dic*, quod homo male utendo libero arbitrio non totaliter ipsum perdidit, sed quantum ad aliquid, quia scilicet post peccatum non potest esse sine peccato, sicut poterat ante peccatum. — 1a, q. 83, a. 2, ad 3; *de Verit.* l. c. ad 6.

Ad quintum dicendum, quod in actu duplex modus potest considerari: unus, qui pertinet ad rationem habitus, sicut cum bene vel male aliquid agitur; aliis, qui pertinet ad rationem potentiae, sicut cognoscere immaterialiter convenit intellectui ex ipsa natura potentiae. Modus igitur importatus in hoc, quod dico *libere judicare*, non pertinet ad aliquem habitum superadditum, sed ad ipsam potentiam rationem. — *de Verit.* l. c. ad 4.

ARTICULUS IX

UTRUM LIBERUM ARBITRIUM SIT POTENTIA APPETITIVA.

Videtur quod liberum arbitrium non sit potentia appetitiva, sed cognoscitiva.

1. Dicit enim Damascenus (2. *de Fide Orthod.* c. 27; — Migne t. 94, col. 939), quod cum rationali confessim comitatur liberum arbitrium; sed ratio est potentia cognoscitiva: ergo liberum arbitrium est potentia cognoscitiva. — 1a, q. 83, a. 3, arg. 1.

2. Præterea, liberum arbitrium dicitur quasi liberum judicium; sed judicare est actus potentiae cognoscitivæ: ergo liberum arbitrium est potentia cognoscitiva. — *Ibid.* arg. 2.

3. Præterea, al liberum arbitrium præcipue pertinet electio; sed electio videtur ad cognitionem pertinere, quia electio videtur quandam comparationem unius ad alterum importare, quod est proprium cognoscitivæ virtutis: ergo liberum arbitrium est potentia cognoscitiva. — *Ibid.* arg. 3.

Sed contra est, quod Philosophus dici in 3. *Eth.* (c. 2, al. 4), quod electio est desiderium eorum, quæ sunt in nobis. Secundum desiderium est actus appetitivæ virtutis ergo et electio. Liberum autem arbitrium est secundum quod eligimus; ergo liberum arbitrium est virtus appetitiva. — 1a q. 83, a. 3, arg. *Sed contra*.

RESPONDEO DICENDUM, quod proprium liberi arbitrii est electio; ex hoc enim dicimus liberi arbitrii, quod possumus unum recipere alio recusato, quod es eligere; et ideo naturam liberi arbitrii ex electione considerare oportet. Ad electionem autem concurrit aliquid ex parte cognitivæ virtutis, et aliquid ex parte appetitivæ. Ex parte autem cognitivæ requiritur consilium, per quod dijudicatur quid sit alteri præferendum. Ex parte autem appetitivæ requiritur, quod appetendo acceptetur quod per consilium dijudicatur. Et ideo Aristoleles in 6. *Eth.* (c. 2) sub dubio relinquit, utrum principalius pertineat electio ad vim appetitivam vel ad vim cognitivam. Dicit enim quod electio vel est appetitus intellectivus vel intellectus appetitivus. Sed in 3 *Eth.* (c. 3, al. 5) in hoc magis declinat quod sit appetitus intellectivus, nominans electionem « desiderium consilabile ». Et hujus ratio est, quia proprium objectum electionis est illud, quod est a finem; hoc autem in quantum hujusmodi habet rationem boni quod dicitur utile. Unde, cum bonum in quantum hujusmodi, sit objectum appetitus, sequitur quod electio sit principaliter actus appetitivæ virtutis. Et sic liberum arbitrium est appetitiva potentia. — 1a, q. 83, a. 3, c.

Ad primum ergo dicendum, quo potentiae appetitivæ concomitantur apprehensivas; et secundum hoc dicit Damascenus, quod cum rationali confessim concomitantur liberum arbitrium. — 1a q. 83, a. 3, ad 1.

Ad secundum dicendum, quod judicium est quasi conclusio et determinatio consilii. Determinatur autem consilium primi-

uidem per sententiam rationis, et secundum per acceptationem appetitus. Unde philosophus dicit in 3. Eth. (c. 3, al. 5), quod ex consiliatis judicantes desidereramus secundum consilium. — *Ibid.* ad 2.

Ad tertium dicendum, quod ista collatio, quæ importatur in nomine electionis, pertinet ad consilium præcedens, quod est rationis. Appetitus enim quamvis non sit collativus, tamen in quantum a visione cognitiva conferente movetur, habet uandam collationis similitudinem, dum unum alteri præoptat. — Ibid. ad 3.

ARTICULUS X

TRUM LIBERUM ARBITRIUM SIT VOLUNTAS,
VEL ALIA POTENTIA DISTINCTA A VOLUN-
TATE.

Videtur quod liberum arbitrium sit alia potentia a voluntate.

1. Dicit enim Damascenus (2. de *Fide Orthod.* c. 22; — Migne t. 94, col. 943), quod aliud est thelisis, aliud bulisis; thesis autem est voluntas, bulisis autem idetur liberum arbitrium, quia bulisis secundum ipsum est voluntas, quæ est circa aliquid, quasi unus per comparationem ad alterum: ergo videtur quod liberum arbitrium sit alia potentia a voluntate. — 1a, q. 83, a. 4, arg. 1.

2. Præterea, potentiae cognoscuntur per intellectus; sed eligere, quod est actus liberi arbitrii, est aliud quam velle, quod est actus voluntatis, ut patet per Philosophum (3. Eth. c. 2, al. 4): ergo liberum arbitrium est alia potentia a voluntate. — *Ibid.* arg. 2.

3. Præterea, voluntas est appetitus intellectivus; sed ex parte intellectus sunt duæ potentiae, scilicet agens et possibilis: ergo etiam ex parte appetitus intellectivi debet esse aliquæ potentia præter voluntatem; et hæc non videtur esse nisi liberum arbitrium: ergo liberum arbitrium est alia potentia præter voluntatem. — *Ibid.* arg. 3.

*Sed contra est: 1. quod Damascenus dicit (3. de *Fide Orthod.* c. 14; — Migne t. 94, col. 1038), quod liberum arbitrium nihil aliud est quam voluntas. — 1a, q. 83, a. 4, arg. Sed contra.*

2. Præterea, Philosophus dicit in 3. Eth. (c. 3, al. 5), quod electio est appetitus præconsiliati; electio autem est actus liberi arbitrii: ergo liberum arbitrium est potentia appetitiva. Sed non est appetitus inferior, qui dividitur per irascibilem et concupiscibilem; sic enim bruta haberent liberum arbitrium. Ergo est appetitus superior; et hic est voluntas secundum Philosophum in 3. de *Animæ* (*text.* 57; c. 11). Ergo liberum arbitrium est voluntas. — *de Verit.* q. 24, a. 6, arg. 2 *Sed contra.*

RESPONDEO DICENDUM, quod potentias appetitivas oportet esse proportionatas potentias apprehensivis. Sicut autem ex parte apprehensionis intellectivæ se habent intellectus et ratio, ita ex parte appetitus intellectivi se habent voluntas et liberum arbitrium, quod nihil aliud est quam vis electiva. Et hoc patet ex habitudine et objectorum et actuum. Nam *intelligere* importat simplicem acceptiōnem alicujus rei: unde intelligi dicuntur proprie principia, quæ sine collatione per se ipsa cognoscuntur. *Ratiocinari* autem proprie est devenire ex uno in cognitionem alterius: unde proprie de conclusionibus ratiocinamur, quæ ex principiis innotescunt. Similiter ex parte appetitus *velle* importat simplicem appetitum alicujus rei: unde voluntas dicitur esse de fine, qui propter se appetitur. *Eligere* autem est appetere aliquid propter alterum consequendum: unde proprie est eorum quæ sunt ad finem. Sicut autem se habet in cognitiis principium ad conclusionem, cui propter principia assentimur; ita in appetitiis se habet finis ad ea quæ sunt ad finem, quæ propter finem appetuntur. Unde manifestum est, quod sicut se habet intellectus ad rationem, ita se habet voluntas ad vim electivam, id est ad liberum arbitrium.

trium. Ostensum autem est supra, quod ejusdem potentiae est intelligere et ratiocinari, sicut ejusdem virtutis est quietoscere et moveri. Unde ejusdem etiam potentiae est velle et eligere. Et propter hoc voluntas et liberum arbitrium non sunt duæ potentiae, sed una. — 1a, q. 83, a. 4, c.

Ad primum ergo dicendum, quod bulisis distinguitur a thelisi non propter diversitatem potentiarum, sed propter differentiam actuum. — *Ibid.* ad 1.

Ad secundum dicendum, quod electio et voluntas, id est ipsum velle, sunt diversi actus, sed tamen pertinent ad eandem potentiam, sicut etiam intelligere et ratiocinari, ut dictum est. — *Ibid.* ad 2.

Ad tertium dicendum, quod intellectus comparatur ad voluntatem ut movens; et ideo non oportet in voluntate distinguere agens et possibile. — *Ibid.* ad 3.

QUÆSTIO XCIV

DE POTENTIA INTELLECTIVA.

Deinde considerandum est de potentia intellectiva.

CIRCA QUAM QUÆRUNTUR OCTO :

1. Utrum intellectus sit potentia animæ vel ejus essentia.
2. Utrum intellectus sit potentia passiva.
3. Utrum necesse sit ponere intellectum agentem.
4. Utrum intellectus agens sit aliquid animæ.
5. Utrum intellectus agens sit unus omnium.
6. Utrum ratio superior et inferior sint diversæ potentias.
7. Utrum intellectus practicus et speculativus sint diversæ potentias.
8. Utrum intellectus possibilis sit unus in utrilibus hominibus.

ARTICULUS I

UTRUM INTELLECTUS SIT POTENTIA ANIMÆ VEL EJUS ESSENTIA.

Videtur quod intellectus non sit aliqua potentia animæ, sed sit ipsa ejus essentia.

1. Dicit enim Philosophus (*in 2. de Anima text. 6; c. 1*), quod anima est actus primus, sicut scientia; sed scientia est immediatum principium actus secundi, qui est considerare: ergo anima est immediatum principium considerationis. Sed anima est immediatum principium considerationis per intellectum; ergo intellectus est ipsa essentia animæ rationalis; et sic non erit intellectus potentia animæ. — *Quæst. disp. de Anima* a. 12, arg. 14.

2. Præterea, nullum accidens excedit suum subjectum; sed intellectus excedit animam rationalem; non enim se sola intelligit anima, sed etiam alia: ergo intellectus non est accidens animæ rationalis, sed ejus substantia. — *Ibid.* arg. 5.

3. Præterea, idem est principium essendi et operandi; sed anima rationalis est principium essendi secundum seipsum, quia secundum suam essentiam est forma: ergo sua essentia est principium operandi; est autem principium intelligendi per intellectum: ergo intellectus est essentia animæ. — *Ibid.* arg. 10.

4. Præterea, ex hoc convenit aliud substantiæ quod sit intellectiva, qui est immaterialis; sed anima est immaterialis per suam essentiam: ergo videtur quod anima per suam essentiam sit intellectiva. — 1a, q. 79, a. 1, arg. 4.

Sed contra est, quod Philosophus ponit intellectivam potentiam animæ, ut patet in *2. de Anima (text. 27; c. 3)*. — 1a, q. 79, a. 1, arg. *Sed contra*.

RESPONDO DICENDUM, quod necesse est dicere, secundum præmissa, quod intellectus sit aliqua potentia animæ, et no-

psa essentia animæ. Tunc enim solum immediatum principium operationis est ipsa essentia rei operantis, quando ipsa peratio est ejus esse. Sicut enim potentia se habet ad operationem ut suum acum, ita se habet essentia ad esse. In solo Deo autem idem est intelligere, quod uum esse. Unde in solo Deo intellectus est ejus essentia; in aliis autem (in omnibus autem) creaturis intellectualibus intellectus est quædam potentia intelligentis. — 1a, q. 79, a. 1, c.

Ad primum ergo dicendum, quod similitudo inter animam et scientiam attenditur secundum quod utraque est actus primus, non autem quantum ad omnia. Inde non oportet quod anima sit immediatum principium operationum, sicut scientia. — *Quæst. de Anima* a. 12, ad 14.

Ad secundum dicendum, quod accidens non excedit suum subjectum in essendo, excedit tamen in agendo; calor enim carnis exteriora calefacit. Et secundum hoc potentiae animæ excedunt ipsam, in quantum anima intelligit et diligit non solum se, sed etiam alia. — *Ibid.* ad 5.

Ad tertium dicendum, quod anima est incipit operandi, sed primum, non secundum; operantur enim potentiae virtute animæ, sicut et qualitates elementorum in virtute formarum substantiarum. — *Ibid.* ad 10.

Ad quartum dicendum, quod ipsa immaterialitas substantiae intelligentis creaturæ non est ejus intellectus, sed ex immaterialitate habet virtutem ad intelligentiam. Unde non oportet quod intellectus substantia animæ, sed ejus virtus entia. — 1a, l. c. ad 4.

dum materiam et agit ratione formæ; sed virtus intellectiva consequitur immaterialitatem substantiae intelligentis: ergo videtur quod intellectus non sit potentia passiva. — 1a, q. 79, a. 2, arg. 1.

2. Præterea, potentia intellectiva est incorruptibilis, ut supra dictum est; sed intellectus si est passivus, est corruptibilis, ut dictum est 3. *de Anima* (*text.* 20; c. 5): ergo potentia intellectiva non est passiva. — *Ibid.* arg. 2.

3. Præterea, agens est nobilis patiente, ut dicit Aristoteles (3. *de Anima* *text.* 19; c. 5); potentiae autem omnes vegetativæ partis sunt activæ, quæ tamen sunt infimæ inter potentias animæ: ergo multo magis potentiae intellectivæ, quæ sunt supremæ, omnes sunt activæ. — *Ibid.* arg. 3.

4. Præterea, quod habet aliquam operationem, illud est activum, non passivum; sed intellectus habet aliquam operationem, puta intellectionem; ergo est potentia activa. — *de Verit.* q. 16, a. 1, arg. 13.

Sed contra est, quod Philosophus dicit in 3. *de Anima* (*text.* 12; c. 4), quod intelligere est pati quoddam. — 1a, q. 79, a. 2, arg. *Sed contra*.

RESPONDEO DICENDUM, quod *paci* tripli-citer dicitur: *uno modo propriissime*, scilicet quando aliquid removetur ab eo, quod convenit sibi secundum naturam aut secundum propriam inclinationem; sicut cum aqua frigiditatem amittit per calefactionem, et cum homo ægrotat aut sanatur. *Secundo modo minus proprie* dicitur aliquis pati ex eo quod aliquid ab ipso abjicitur, sive sit ei conveniens sive non conveniens. Et secundum hoc dicitur pati non solum qui ægrotat, sed etiam qui sanatur, et non solum qui tristatur, sed etiam qui lætatur, vel quocunque modo aliquis alteretur vel moveatur. *Tertio* dicitur aliquis pati *communiter* ex hoc solo quod id quod est in potentia ad aliquid recipit illud ad quod erat in potentia, absque hoc quod aliquid abjiciatur. Secundum quem modum omne quod exit de

ARTICULUS II

UTRUM INTELLECTUS SIT POTENTIA PASSIVA.

Videtur quod intellectus non sit potentia passiva.

. Patitur enim unumquodque secun-

potentia in actum, potest dici pati, etiam cum perficitur. Et sic intelligere nostrum est pati. Quod quidem hac ratione appareat: intellectus enim habet operationem circa ens in universali. Considerari ergo potest utrum intellectus sit in actu vel potentia, ex hoc quod consideratur quomodo intellectus se habeat ad ens universale. Invenitur enim aliquis intellectus, qui ad ens universale se habet sicut actus totius entis. Talis est intellectus divinus, quia est Dei essentia, in qua originaliter et virtualiter totonc ens præexistit sicut in prima causa; et ideo intellectus divinus non est in potentia, sed est actus purus. Nullus autem intellectus creatus potest se habere ut actus respectu totius entis universalis, quia sic oportet quod esset ens infinitum. Unde omnis intellectus creatus per hoc ipsum quod est, non est actus omnium intelligibilium, sed comparatur ad ipsa intelligibilia sicut potentia ad actum. — Potentia autem dupliciter se habet ad actum. Est enim *quædam* potentia, que semper est perfecta per actum, sicut dicimus de maria corporum cœlestium. *Quædam* autem potentia est, que non semper est in actu, sed de potentia procedit in actu, sicut invenitur in generabilibus et corruptibilibus. — Intellectus igitur angelicus semper est in actu suorum intelligibilium, propter propinquitatem ad primum intellectum, qui est actus purus. Intellectus autem humanus, qui est infimus in ordine intellectuum, et maxime remotus a perfectione divini intellectus, est in potentia respectu intelligibilium; et in principio est « sicut tabula rasa, in qua nihil est scriptum », ut Philosophus dicit in 3. *de Anima* (*text.* 44; *c.* 4). Quod manifeste apparet ex hoc, quod in principio sumus intelligentes solum in potentia, postmodum autem efficiemur intelligentes in actu. Sic igitur patet, quod intelligere nostrum est quoddam pati secundum tertium modum passionis; et per consequens intellectus est potentia passiva. — *Ia, q. 79, a. 2, c.*

Ad primum ergo dicendum, quod objectio illa procedit de primo et secundo modo passionis, qui sunt proprii materiæ prima. Tertius autem modus passionis est cujusunque in potentia existentis, quod actu reducitur. — *Ibid. ad 1.*

Ad secundum dicendum quod intellectus passivus secundum *quosdam* dicit appetitus sensitivus, in quo sunt animi passiones, qui etiam in 2. *Eth.* (*c. ult.*) dicitur rationalis per participationem, quod obedit rationi. Secundum *alios* autem intellectus passivus dicitur virtus cogitativa quæ nominatur ratio particularis. Et utrumque modo passivum accipi potest secundum primos duos modos passionis, quantum talis intellectus sic dictus est actus alicuius organi corporalis. Sed intellectus, qui est in potentia ad intelligibilem (quem Aristoteles 3. *de Anima* *text.* *c.* 4 ob hoc nominat intellectum *possibilem*), non est passivus nisi tertio modo, quia non est actus organi corporalis; ideo est incorruptibilis. — *Ibid. ad 2.*

Ad tertium dicendum, quod agens est nobilior patiente, si ad idem actio et passio referantur; non autem semper, si diversa. Intellectus autem est vis passiva respectu totius entis universalis. Vegetativum autem est activum respectu cuiusdam entis particularis, scilicet corporis coniuncti. Unde nihil prohibet hujusmodi passivum esse nobilior tali activo. — *Ib. ad 3.*

Ad quartum dicendum, quod non distinguuntur potentia activa a passiva ex hoc quod habet operationem, quia cum cuiuslibet potentie animæ tam activæ quam passivæ sit operatio aliqua, quælibet potentia animæ esset activa. Cognoscit autem earum distinctio per comparisonem potentiae ad objectum. Si enim objectum se habeat ad potentiam ut patiens transmutatum, sic erit potentia activa si autem e converso se habeat ut agens et movens, sic erit potentia passiva. Inde est quod omnes potentiae animæ intelligentibiles sunt activæ, quia alimento transmutatur per potentiam animæ tam

nutriendo quam in generando. Sed potentiae sensitivæ omnes sunt passivæ, quia er sensibilia objecta moventur et fiunt in actu. Circa intellectum vero aliqua potentia est activa, aliqua passiva, eo quod per intellectum intelligibile in potentia sit intelligibile actu, quod est intellectus agens; et sic intellectus agens est potentia activa. Ipsam etiam intelligibile in actu sit intellectum in potentia esse intellectum in actu; et sic intellectus possibilis sit potentia passiva. — *de Verit.* q. 16, . 1, ad 13.

ARTICULUS III

TRUM NECESSSE SIT PONERE INTELLECTUM AGENTEM.

Videtur quod non sit necesse ponere intellectum agentem.

1. Quod enim potest per unum fieri in natura, non fit per plura; sed homo potest sufficienter intelligere per unum intellectum, scilicet possibilem: non ergo necesse est ponere intellectum agentem. — Minor probatur, quia potentiae quæ radicantur una essentia animæ, compatiuntur ad vicem. Unde ex motu facto in potentia sensitiva relinquitur aliquid in imaginatione; nam phantasia est motus a sensu secundum actum, ut dicitur in 2. *Anima* (*text.* 161; l. 3, c. 3). Si ergo intellectus possibilis est in anima nostra, non est substantia separata, ut infra dicatur, oportet quod sit in eadem essentia imæcum imaginatione. Ergo motus imaginationis redundat in intellectum possibilem; et ita non est necessarium ponere intellectum agentem qui faciatphantasmatibus abstracta. — *Quæst. disp. de Anima* a. 4, q. 1.

2. Præterea, tactus et visus sunt diversae potentiae. Contingit autem in cæco, quod ex motu relicto in imaginatione a sensu tactus, commoveatur imaginatio ad agnendum aliquid, quod pertinet ad sumum visus; et hoc ideo, quia visus et

tactus radicantur in una essentia animæ. Si igitur intellectus possibilis est quædam potentia animæ, pari ratione ex motu imaginationis resultabit aliquid in intellectum possibilem, et ita non est necessarium ponere intellectum agentem. — *Ibid.* arg. 2.

3. Præterea, intellectus agens ad hoc ponitur, quod intelligibilia in potentia faciat intelligibilia actu. Fiunt autem aliqua intelligibilia actu per hoc, quod abstracthantur a materia et materialibus conditionibus. Sed hoc potest fieri sine intellectu agente; nam intellectus possibilis cum sit immaterialis, necesse est quod immaterialiter recipiat, cum omne receptum sit in recipiente per modum recipientis. Nulla igitur est necessitas ponendi intellectum agentem. — *Ibid.* arg. 3; 1a, q. 79, a. 3, arg. 3.

4. Præterea, sicut se habet sensus ad sensibilia, ita se habet intellectus ad intelligibilia; sed quia sensus est in potentia ad sensibilia, non ponitur sensus agens, sed sensus patiens tantum: ergo cum intellectus noster sit in potentia ad intelligibilia, videtur quod non debeat poni intellectus agens, sed possibilis tantum. — 1a, l. c. arg. 1.

5. Si dicatur, quod in sensu etiam est aliquid agens, sicut lumen; contra: lumen requiritur ad visum, in quantum facit medium lucidum in actu; nam color ipse secundum se est motivus lucidi. Sed operatione intellectus non ponitur aliquid medium, quod necesse sit fieri in actu. Ergo non est necessarium ponere intellectum agentem. — *Ibid.* arg. 2.

6. Præterea, ad hoc quod aliquid, quod est in potentia, reducatur in actu in rebus naturalibus, sufficit id quod est in actu ejusdem generis, sicut ex materia, quæ est potentia ignis, sit actu ignis per ignem, qui est in actu. Ad hoc igitur quod intellectus, qui in nobis est in potentia, fiat in actu, non requiritur nisi intellectus in actu, vel ipsiusmet intellectualitas (sicut quando ex cognitione principiorum venimus in cognitionem conclusionum)

vel alterius (sicut cum aliquis addiscit a magistro). Non est igitur necessarium ponere intellectum agentem. — *Quæst. disp. de Anima* a. 4, arg. 6.

7. Præterea, actus intellectus est intelligere; si igitur est duplex intellectus, scilicet agens et possibilis, erit unius hominis duplex intelligere; quod videtur inconveniens. — *Ibid.* arg. 8.

Sed contra est, quod Philosophus dicit in 3. *de Anima* (*text.* 17; c. 5), quod « sicut in omni natura ita et in anima est aliquid, quo est omnia fieri, et aliquid quo est omnia facere »; ergo est ponere intellectum agentem. — 4a, q. 79, a. 3, arg. *Sed contra*.

RESPONDEO DICENDUM, quod necesse est ponere intellectum agentem. — Ad cuius evidentiam considerandum est, quod cum intellectus possibilis sit in potentia ad intelligibilia, necesse est quod intelligibilia moveant intellectum possibilem. Quod autem non est, non potest aliqui movere. Intelligibile autem per intellectum possibilem non est aliquid in rerum natura existens, ut intelligibile est. Intelligit enim intellectus possibilis noster aliquid quasi unum in multis et de multis. Tale autem esse non invenitur in rerum natura subsistens, ut Aristoteles probat in 7. *Metaphys.*; oportet igitur, si intellectus possibilis debet moveri ab intelligibili, quod hujusmodi intelligibile per intellectum fiat; et cum non possit esse id quod est in potentia ut (ad) aliquid factum ipsius, oportet ponere præter intellectum possibilem intellectum agentem, qui faciat intelligibilia in actu, que moveant intellectum possibilem. Facit autem ei per abstractionem a materia et a materialibus conditionibus, que sunt principia individuationis. Cum enim natura speciei, quantum ad id, quod per se ad speciem pertinet, non habeat unde multiplicetur in diversis, sed individuant principia sint præter rationem ipsius, poterit intellectus accipere eam præter omnes conditiones individuantes; et sic accipietur ut aliquid unum. Et eadem ratione intelle-

ctus accipit naturam generis abstrahendæ a differentiis specificis, ut unum in multis (et) de multis speciebus. Si autem universalia per se subsisterent in rerum natura, sicut Platonici posuerunt, nulla esse necessitas ponendi intellectum agentem, quia ipsæ res intelligibiles per se intellectum possibilem moverent. Unde videtur Aristoteles hac ratione inductus ad ponendum intellectum agentem, quia non consensit opinioni Platonis de positione idearum. Sunt tamen et aliqua per se intelligibilia in actu, subsistentia in rerum natura, sicut sunt substantiae immateriales. Sed tamen ad ea cognoscenda intellectus possibilis pertingere non potest, sed aliqualiter in eorum cognitionem deveni per ea, quæ abstrahit a rebus materialibus. — *Quæst. disp. de Anima* a. 4, c. 4a, q. 79, a. 3, c.

Ad primum ergo dicendum, quod intelligere nostrum non potest compleri per intellectum possibilem tantum. Non enim intellectus possibilis potest intelligere nisi moveatur ab intelligibili, quod cum non praexistat in rerum natura, oportet quod fiat per intellectum agentem. Verum est autem, quod duæ potentiae, quæ sunt in substantia animæ radicatio, compatierunt sibi ad invicem; sed ista compassi quantum ad duo potest intelligi, scilicet quantum ad hoc, quod una potentia impedit vel totaliter abstrahitur a suo actu quando alia potentia intense operatur — sed hoc non est ad propositum —; ve etiam quantum ad hoc, quod una potentia ab alia movetur, sicut imaginatio a sensu. Et hoc qui leui possibile est, quia formæ imaginationis et sensus sunt ejusdem generis (utrumque enim sunt individuales) et ideo formæ que sunt in sensu possunt imprimere formas que sunt in imaginatione, movendo imaginationem, quasi similares. Formæ autem imaginationis et quantum sunt individuales, non possunt creare formas intelligibiles, cum sint universales. — *Quæst. disp. de Anima* a. 4 ad 1.

Ad secundum dicendum, quod ex spe-

iebus receptis in imaginatione a sensu actus, imaginatio non sufficeret formare formas ad visum pertinentes, nisi præxisterent formæ per visum receptæ in hesauro memoriæ vel imaginationis reservatæ. Non enim cæcus natus colorem imaginari potest per quascunque alias species sensibiles. — *Ibid.* ad 2.

Ad tertium dicendum, quod conditio recipientis non potest transferre speciem receptam de uno genere in aliud; potest amen, eodem genere manente, variare speciem receptam, secundum aliquem modum essendi. Et inde est quod cum species universalis et particularis differant secundum genus, sola cognitio intellectus possibilis non sufficit ad hoc, quod species, quæ sunt in imaginatione particulares, in eo vident universales; sed requiritur intellectus agens, qui hoc faciat. — *Ibid.* ad 3.

Vel dic, quod supposito agente, bene contingit diversimode recipi ejus similitudinem in diversis, propter eorum diversam dispositionem. Sed si agens non præexistit, nihil ad hoc faciet dispositio recipientis. Intelligibile autem in actu non est aliquid existens in rerum natura, quantum ad naturam rerum sensibilem, quæ non subsistunt præter materiam. Et deo ad intelligendum non sufficeret immaterialitas intellectus possibilis, nisi ad esset intellectus agens, qui facheret intelligibilia in actu, per modum abstractionis. — 1a, q. 79, a. 3, ad 3.

Ad quartum dicendum, quod sensibilia inveniuntur actu extra animam; et ideo non oportuit ponere sensum agentem. Et sic patet, quod in parte nutritiva omnes potentiae sunt activæ; in parte autem sensitiva omnes passivæ; in parte vero intellectiva est aliquid activum et aliquid passivum. — *Ibid.* ad 1.

Ad quintum dicendum, quod circa effectum luminis est duplex opinio. *Quidam* enim dicunt, quod lumen requiritur ad visum, ut faciat colores actu visibles. Et secundum hoc similiter requiritur, et propter idem, intellectus agens ad intelligendum, propter quod lumen ad viden-

dum. Secundum *alios* vero lumen requiritur ad videndum, non propter colores, ut siant actu visibles, sed ut medium fiat actu lucidum, ut Commentator dicit in 3. *de Anima* *text.* 18. Et secundum hoc similitudo, qua Aristoteles assimilat intellectum agentem lumini, attenditur quantum ad hoc, quod sicut hoc est necessarium ad videndum, ita illud ad intelligendum, sed non propter idem. — *Ibid.* ad 2.

Ad sextum dicendum, quod intellectus possibilis factus in actu non sufficit ad causandam scientiam in nobis, nisi præsupposito intellectu agente. Si enim loquamur de intellectu in actu qui est in ipso *addiscente*, contingit, quod intellectus possibilis alicujus sit in potentia quantum ad aliquid, et quantum ad aliquid in actu; et per quod est in actu, potest reduci etiam quantum ad id, quo^l est in potentia, in actum: sicut per id, quod est actu cognoscens principia, sit in actu cognoscens conclusiones, quas prius cognoscet in potentia; sed tamen actualem cognitionem principiorum habere non potest intellectus possibilis nisi per intellectum agentem. Cognitio enim principiorum a sensibilibus accipitur, ut dicitur in fine libri *Posteriorum* (lib. 2, *text. ult.*). A sensibilibus autem non possunt intelligibilia accipi nisi per abstractionem intellectus agentis. Et ita patet, quod intellectus in actu principiorum non sufficit ad reducendum intellectum possibilem de potentia in actum sine intellectu agente. Sed in hac reductione intellectus agens se habet sicut artifex, et principia demonstrationis sicut instrumenta. — Si autem loquamur de intellectu in actu *docentis*, manifestum est, quod docens non causat scientiam in addiscente tamquam interius agens, sed sicut exterius adminiculans: sicut etiam medicus sanat sicut exterius adminiculans, natura autem tamquam interius agens. — *Quæst. disp. de Anima* a. 4, ad 6.

Ad septimum dicendum, quod duorum intellectuum, scilicet possibilis et agentis, sunt dueæ actiones. Nam actus intellectus

possibilis est recipere intelligibilia; actio autem intellectus agentis est abstrahere intelligibilia. Nec tamen sequitur quod sit duplex intelligere in homine, quia ad unum intelligere oportet, quod utraque istarum actionum concurrat. — *Ibid.* ad 8.

ARTICULUS IV

UTRUM INTELLECTUS AGENS SIT ALIQUID ANIMÆ.

Videtur quod intellectus agens non sit aliquid animæ nostræ.

1. Intellectus enim agentis effectus est illuminare ad intelligendum; sed hoc sit per aliquid, quod est altius anima, secundum illud Joannis (1, 9): *Erat lux vera, quæ illuminat omnem hominem venientem in hunc mundum*: ergo videtur quod intellectus agens non sit aliquid animæ nostræ. — *Ibid.* q. 79, a. 5, arg. 1.

2. Præterea, Philosophus in 3. *de Anima* (*text.* 20; c. 5) attribuit intellectui agenti, quod non aliquando intelligit et aliquando non intelligit; sed anima nostra non semper intelligit, sed aliquando intelligit, aliquando non intelligit: ergo intellectus agens non est aliquid animæ nostræ. — *Ibid.* arg. 2.

3. Præterea, agens et patiens sufficiunt ad agendum. Si igitur intellectus passivus est aliquid animæ nostræ, qui est virtus passiva, et similiter intellectus agens, qui est virtus activa; sequitur quod homo semper poterit intelligere cum voluerit; quod patet esse falsum. Non est ergo intellectus agens aliquid animæ nostræ. — *Ibid.* arg. 3.

4. Præterea, Philosophus dicit in 3. *de Anima* (*text.* 19; c. 5), quod « intellectus agens est substantia actu ens ». Nihil autem est respectu ejusdem in actu et in potentia. Si ergo intellectus possibilis, qui est in potentia ad omnia intelligibilia, est aliquid animæ nostræ, videtur impossibile quod intellectus agens sit aliquid animæ nostræ. — *Ibid.* arg. 4.

5. Præterea, si intellectus agens est

aliquid animæ nostræ, oportet quod si aliqua potentia. Neque enim est passi neque habitus. Nam habitus et passione non habent rationem agentis respect passionum animæ; sed magis passio est ipsa actio potentiae passivæ, habitus autem est aliquid quod ex actibus consequitur. Omnis autem potentia fluit ab essentia animæ. Sequeretur ergo quod intellectus agens ab essentia animæ procederet; et sic non inesset animæ per participationem ab aliquo superiori intellectu quod est inconveniens. Non ergo intellectus agens est aliquid animæ nostræ. — *Ibid.* arg. 5.

Sed contra est, quod Philosophus dicit in 3. *de Anima* (*text.* 17 et 18; c. 5), quod « necesse est in anima has esse differencias », scilicet intellectum possibilem agentem. — *Ibid.* arg. *Sed contra*.

RESPONDEO DICENDUM, quod intellectus agens, de quo Philosophus loquitur, est aliquid animæ. — At cuius evidenter considerandum est, quod supra anima intellectivam humanam necesse est pone aliquem superiorem intellectum, a quo anima virtutem intelligendi obtinet. Semper enim quod participat aliquid, quod est mobile, et quod est imperfectum præexigit ante se aliquid quod est per essentiam suam tale, et quod est immobile et perfectum. Anima autem humana intellectiva dicitur per participationem intellectu dis virtutis; cuius significatio est, quod non tota est intellectiva, sed etiam aliquam sui partem. Pertinet etiam ad intelligentiam veritatis cum quantum discursu et motu, arguendo. Haec etiam imperfectam intelligentiam, talius non omnia intelligit; tum quia his quae intelligit, de potentia procedit actum. Oportet ergo esse aliquem alterum intellectum, quo anima juvetur intelligendum.

Posuerunt ergo quidam hunc intellectum secundum substantiam separata esse intellectum agentem, qui quasi strando phantasmatu facit ea intelligibilia actu. — Sed dato quod sit aliquis talis

ellectus agens separatus, nihilominus men oportet ponere in ipsa anima humana aliquam virtutem ab illo intellectu separato participatam, per quam anima humana facit intelligibilia in actu: et in aliis rebus naturalibus perfectis ræter causas universales agentes sunt propriæ virtutes inditæ singulis rebus perfectis, ab universalibus agentibus devatae; non enim solus sol generat hominem, sed est in homine virtus generativa hominis, et similiter in aliis animabus perfectis. Nihil autem est perfectius in inferioribus rebus anima humana. Unde oportet dicere, quod in ipsa sit aliqua virtus derivata a superiore intellectu, per quam possit phantasmata illustrare. Et hoc experimento cognoscimus, dum percipimus nos abstrahere formas universales a conditionibus particularibus, quod est facere actu intelligibilia. Nulla autem actio convenit alicui rei nisi per aliquid principium formaliter ei inhærens, ut supra (a. 1) dictum est, cum de intellectu potentiali ageretur. Ergo oportet virtutem, quæ est principium hujus actionis, esse aliquid in anima. Et ideo Aristoteles (3. *de Anima* text. 18; c. 5) comparavit intellectum agentem lumini, quod est aliquid receptum in aere. Plato autem intellectum separatum imprimens in animas nostras comparavit soli, ut Themistius dicit in comment. 3. *de Anima*. Sed intellectus separatus, secundum nostræ fidei documenta est ipse Deus, qui est creator animæ, et in quo solo beatificatur. Unde ab ipso anima humana lumen intellectuale participat, secundum illud Psalm. 4, 7): *Signatum est supernos lumen vultus tui Domine.* — 1a, q. 79, a. 4, c.

Ad primum ergo dicendum, quod illa lux vera illuminat sicut causa universalis, a qua anima humana participat quandam particularem virtutem, ut dictum est (in c.). — Ibid. ad 1.

Ad secundum dicendum, quod Philosophus illa verba non dicit de intellectu agente, sed de intellectu in actu. Unde supra de ipso præmiserat: « Idem autem est

secundum actum scientia rei ». — Velsi intelligatur de intellectu agente, hoc dicitur, quia non est ex parte intellectus agentis hoc, quod quandoque intelligimus et quandoque non intelligimus, sed ex parte intellectus, qui est in potentia. — *Ibid. ad 2;* cf. *Quæst. disp. de Anima* a. 5, ad 1, ubi melius solvit argumentum.

Ad tertium dicendum, quod si intellectus agens compararetur ad intellectum possibilem ut objectum agens ad potentiam, sicut visibile in actu ad visum; sequeretur quod statim omnia intelligemus, cum intellectus agens sit « quo est omnia facere »; nunc autem non se habet ut objectum, sed ut faciens objecta in actu; ad quod requiritur præter præsentiam intellectus agentis præsentia phantasmatum, et bona dispositio virium sensitivarum, et exercitium in hujusmodi opere: quia per unum intellectum fiunt etiam alia intellecta, sicut per terminos propositiones, et per prima principia conclusiones. Et quantum ad hoc non differt, utrum intellectus agens sit aliquid animæ vel aliquid separatum. — Ibid. ad 3.

Ad quartum dicendum, quod anima intellectiva est quidem actu immaterialis, sed est in potentia ad determinatas species rerum. Phantasmata autem e converso sunt quædam (sunt quidem) actu similitudines specierum quarundam, sed sunt potentia immaterialia. Unde nihil prohibet unam et eandem animam, in quantum est immaterialis in actu, habere aliquam virtutem, per quam faciat immaterialia in actu, abstrahendo a conditionibus individualis materiæ, quæ quidem virtus dicitur intellectus agens, et aliam receptivam virtutem hujusmodi specierum, quæ dicitur intellectus possibilis, in quantum est in potentia ad hujusmodi species. — Ibid. ad 4.

Ad quintum dicendum, quod cum essentia animæ sit immaterialis, a supremo intellectu creata, nihil prohibet virtutem quæ a supremo intellectu participatur, per quam abstrahitur (1) a materia, ab es-

(1) Al. « abstrahit ».

sentia ipsius procedere, sicut et alias ejus potentias. — *Ibid.* ad 5.

ARTICULUS V

UTRUM INTELLECTUS AGENS SIT UNUS
IN OMNIBUS.

Videtur quod intellectus agens sit unus in omnibus.

1. Nihil enim, quod est separatum a corpore, multiplicatur secundum multiplicationem corporum; sed intellectus agens est separatus, ut dicitur 3. *de Anima* (*text.* 19 et 20; c. 5): ergo non multiplicatur in multis corporibus hominum, sed est unus in omnibus. — 1a, q. 79, a. 5, arg. 1; *Quæst. disp. de Anima* a. 5, arg. 4.

2. Præterea, intellectus agens facit universale, quod est unum in multis; sed illud, quod est causa universalis, est magis unum: ergo intellectus agens est unus in omnibus. — 1a, l. c. arg. 2.

3. Præterea, ad actionem aliquam non requiritur nisi agens et patiens. Si igitur intellectus possibilis, qui se habet ut patiens in intelligendo, est aliqui substantiae nostræ, ut dictum est, et intellectus agens est aliquid animæ nostræ, videtur quod in nobis sufficienter habeamus, unde intelligere possimus. Nil ille ergo aliud est nobis necessarium ad intelligendum; quod tamen patet esse falsum. Indigemus enim sensibus, ex quibus experimenta accipimus ad sciendum; unde qui caret uno sensu, scilicet visu, caret una scientia, scilicet colorum. Indigemus etiam doctrina, quæ fit per magistrum, et ulterius illuminatione, quæ fit per Deum, juxta illud Joannis (1, 9): *Erat lux vera.* — *Quæst. disp. de Anima* a. 5, arg. 6.

4. Præterea, intellectus agens comparatur ad intelligibilia sicut ars, et sicut lumen ad visibilia, ut patet 3. *de Anima* (*text.* 17 et 18; c. 5); sed ars est principium separatum ab artificiis; et una lux separata, scilicet solis, sufficit ad fa-

ciendum omnia visibilia actu: ergo et ad faciendum omnia intelligibilia actu sufficit una lux separata; et sic intellectus agens erit separatus a nobis, unus in omnibus. — *Quæst de Anima* a. 5, arg. 7 et 8.

5. Præterea, agens est honorabilior paciente, ut dicitur in 3. *de Anima* (*text.* 19; c. 5). Si ergo intellectus possibilis est aliquo modo separatus, intellectus agens erit magis separatus; quod non potest esse, ut videtur, nisi omnino extra substantiam ponatur, unus in omnibus. — *Ibid.* arg. 10.

Sed contra est, quod Philosophus dicit in 3. *de Anima* (*text.* 18; c. 5), quod intellectus agens est sicut lumen; non autem est idem lumen in diversis illuminatis: ergo non est in leme intellectus agens in diversis hominibus. — 1a, l. c. arg. *Sed contra*.

RESPONDEO DICENDUM, quod veritas hujus questionis dependet ex præmissis. Si enim intellectus agens non esset aliquid animæ, sed esset quedam substantia separata, unus est et intellectus agens omnium hominum; et hoc intelligunt qui ponunt unitatem intellectus agentis. Si autem intellectus agens sit aliqui lumen ut quamlibet virtus ipsius, nece se est dicere, quod sint plures intellectus agentes secundum hunc pluralitatem animarum, qui multiplicantur secundum multiplicacionem hominum, ut supra dictum est. Non enim potest esse quod una et eadem virtus numero sit diversorum subjectorum. — 1a, q. 79, a. 5, c.

AT PRIMUM ergo dicendum, quod Philosophus probat intellectum agentem esse separatum per hoc, quod possibilis est separatus: quo, ut ipse dicit (*text.* 19; c. 5) agens est honorabilis paciente. Intellectus autem possibilis dicitur separatus, quoniam est actus alienigenæ organi corporali et secundum hunc modum etiam intellectus agentis dicitur separatus, non quoniam aliquis substantia separata. — *Ibid.* ad

AT SECUNDUM dicendum, quod intellectus agens causat universale abstrahit a materia. Ad hoc autem non requiri-

od sit unus in omnibus habentibus intellectum; sed quod sit unus in omnibus secundum habitudinem ad omnia, a quibus ostrahit universale, respectu quorum universale est unum. Et hoc competit intellectui agenti, in quantum est immaterialis. — *Ibid.* ad 2.

Ad tertium dicendum, quod licet anima nostra sit intellectus agens et possibilis, tamen requiritur aliquid extrinseco ad hoc quod intelligere possumus. Et primo quidem requiruntur phantasmata a sensibilibus accepta, per quæ represententur intellectui rerum determinatarum similitudines. Nam intellectus agens non est talis actus, in quo omnium rerum species determinatæ accipi possint vel cognoscendum; sicut nec lumen determinare potest visum ad species determinatas colorum, nisi adsint colores determinantes visum. Ulterius autem cum posuerimus intellectum agentem esse quamcum virtutem participatam in animabus nostris, velut lumen quoddam; necesse est conere aliam causam exteriorem, a qua illud lumen participetur. Et hanc dicimus Deum, qui interius docet, in quantum hujusmodi lumen animæ infundit; et supra hujusmodi lumen naturale addit pro quo beneplacito copiosius lumen ad cognoscendum ea, ad quæ naturalis ratione contingere non potest, sicut est lumen fidei et prophetiae. — *Quæst. de Anima* a. 5, ad 6.

Ad quartum dicendum, quod licet sit similitudo quædam intellectus agentis ad unum, non tamen oportet hujusmodi similitudinem quantum ad omnia extendi. — Quod vero attinget ad aliam similitudinem de lumine, dicendum, quod colores moventes visum sunt extra animam; sed phantasmata, quæ movent intellectum possibilem, sunt nobis intrinseca. Et ideo licet lux solis exterior sufficiat ad faciendum colores visibles actu; ad faciendum tamen phantasmata intelligibilia esse actu, requiritur lux interior, quæ est lux intellectus agentis. Et præterea pars intellectiva animæ est perfectior quam sensitiva;

unde necessarium est quod magis ei ad sint sufficientia principia ad propriam operationem; propter quod et secundum intellectivam partem invenimur et recipere intelligibilia et abstrahere ea; quasi in nobis existente secundum intellectum virtute activa et passiva, quod circa sensum non accidit. — *Ibid.* ad 7 et 8.

Ad quintum dicendum, quod intellectus agens est nobilior possibili, sicut virtus activa nobilior est passiva; et est magis separatus, secundum quod magis a similitudine materiæ recedit; non tamen ita, quod sit substantia separata. — *Ibid.* ad 10.

ARTICULUS VI

UTRUM RATIO SUPERIOR ET INFERIOR SINT DIVERSÆ POTENTIÆ.

Videtur quod ratio superior et inferior sint diversæ potentiae.

1. Dicit enim Augustinus (*12. de Trin.* c. 4; — Migne PP. Lat. t. 42, col. 1000), quod « *imago Trinitatis est in superiori parte rationis, non in inferiori* »; sed partes animæ sunt ipsæ ejus potentiae: ergo duæ potentiae sunt ratio superior et inferior. — *1a. q. 79, a. 9, arg. 1*; *2. Sent. dist. 24, q. 2, a. 2, arg. 3*; *de Verit. q. 15, a. 2, arg. 1*.

2. Præterea, in partibus animæ non accipitur superius et inferius animæ secundum situm, sed secundum dignitatem; sed inter partes animæ intellectivæ est invenire unam partem alia digniore, quia intellectus agens est nobilior possibili, ut dicitur in *3. de Anima* (*text. 18 et 19; c. 5*), quæ diversæ potentiae sunt, ut supra dictum est: ergo videtur quod id quod est superius in ratione, et id quod est inferior, sint diversæ potentiae. — *2. Sent. 1. c. arg. 1*.

3. Præterea, omne æternum est necessarium, et omne temporale et mutabile est contingens, ut patet per Philosophum *11. Metaphys.*; sed idem Philosophus (*6. Eth. c. 2*) dicit, quod scientificum

animæ circa necessaria est, ratiocinatum vero circa contingentia operata a nobis : ergo videtur quod scientificum sit illud idem quod ratio superior, quæ æterna conspicit, et ratiocinalivum idem quod ratio inferior, quæ temporalibus inhæret, ut dicit Augustinus (12. *de Trin.* c. 4 et 7; — Migne t. 42, col. 1000 et 1003). Sed ratiocinalivum et scientificum, ut docet Philosophus ibidem, sunt diversæ potentiae. Quod probat per hoc quod ad ea, quæ sunt genere altera, altera genere particula ordinatur; contingens autem et necessarium sunt genere altera, sicut corruptibile et incorruptibile. Ergo videtur quod ratio superior et inferior sunt diversæ potentiae. — 2. *Sent.* l. c. arg. 2; *de Verit.* q. 13, a. 2, arg. 3; 1a, l. c. arg. 3.

4. Præterea, potentiae distinguuntur per actus, et actus per objecta; sed aliud objectum est verum contemplabile, et aliud operabile bonum; et cum officium actum nominet, ut Tullius lib. *de Officiis* dicit, aliud est officium rationis superioris et aliud inferioris, ut dicit Augustinus; ergo et alia potentia est ratio superior, quæ verum contemplatur, et alia inferior, quæ bonum operatur, queque per officium geminantur, ex Augustino. — *de Verit.* l. c. arg. 3 et 12; 2. *Sent.* l. c. arg. 3.

5. Præterea, una potentia non potest simul peccare et non peccare; sed quandoque peccat ratio inferior superiori non peccante, ut patet per Augustinum (12. *de Trin.* c. 12; — Migne PP. Lat. t. 42, col. 1007) : ergo non sunt una potentia. — *de Verit.* l. c. arg. 10.

6. Præterea, ratio superior et inferior magis differunt quam intellectus agens et possibilis, cum circa idem intelligibile attendatur actus intellectus agentis et possibilis; non autem actus superioris et inferioris rationis, sed circa diversa, ut dictum est; sed intellectus agens et possibilis sunt diversæ potentiae: ergo et ratio superior et inferior. — *Ibid.* arg. 13.

7. Præterea, regulans et regulatum imperans et imperatum, movens et motum non possunt esse idem, sicut ne agens et patiens; sed ratio superior s habet ad inferiorem ut regulans ad regulatum, et ut movens ad motum, in quantum illam dirigit et gubernat: ergo non possunt esse una potentia. — *Ibid.* arg. 15; 2. *Sent.* l. c. arg. 4.

8. Præterea, nihil oritur a se ipso, se ratio inferior oritur a superiore, et ab e regulatur et dirigitur, ut dictum est ergo ratio superior est alia potentia a inferiori. — *de Verit.* l. c. arg. 14; 1a, l. c. arg. 2.

Sed contra est: 1. quod Augustinus dicit 12. *de Trin.* (c. 4 in princ.), quo ratio superior et inferior non nisi per officia distinguuntur; non ergo sunt duae potentiae. — 1a, q. 79, a. 9, arg. 1 *Sed contra*.

2. Præterea, quanto aliqua potentia est immaterialior, tanto ad plura se potest extendere. Sed ratio est immaterialio quam sensus; eadem autem potentia sensitiva (scilicet visu) et æterna sive incorruptibilia et perpetua (scilicet corpora celestia) et corruptibilia (sicut haec inferiora) cernimus: ergo et eadem potentia rationis est, quæ æterna contemplatur et temporalia disponit. — *de Verit.* q. 13, a. 2, arg. 2 *Sed contra*.

RESPONDIO DILEXIDUM, quod ad evidenter hujus questionis oportet duo præcognoscere, scilicet qualiter potentiae distinguuntur, et quomodo ratio superior inferior sint una potentia vel duæ. Scendum igitur, quod potentiarum diversitatis actus et objecta distinguitur. Quod autem dicunt hoc non esse ita intelligendum, quod actuum et objectorum diversitas sit causa diversitatis potentiarum, sed signum solummodo. Quidam vero dicunt, quod diversitas objectorum est causa diversitatis potentiarum in passim potentiis, non autem in activis. Sed si diligenter consideretur, in utriusque potentiis inveniuntur actus et objectum solum esse signa diversitatis, si

ausæ aliquo modo. Omne enim cuius sse non est nisi propter finem aliquem, abet modum sibi determinatum ex fine, d quem ordinatur; sicut serra est hujusmodi et quantum ad formam et quantum ad materiam, ut sit conveniens ad finem unum, qui est secare. Omnis autem potentia animæ sive activa sive passiva ordinatur ad actum sicut ad finem, ut patet in 9. *Metaphys.* (*text.* 43 sqq.; l. 3, c. 8). Unde unaquæque potentia habet determinatum modum et speciem, secundum quod potest esse conveniens ad tam actum. Et secundum hoc diversificatæ sunt potentiae, quod diversitas actuum diversa principia requirebat, a quibus elicentur. Cum autem objectum comparetur ad actum sicut terminus, terminis autem specificentur actus, ut patet in 5. *Phys.*, oportet quod actus penes objecta distinguantur; et ideo objectorum diversitas potentiarum diversitatem inducit. — *de Verit.* q. 15, a. 2, c.

Sed objectorum diversitas duplum potest: uno modo secundum naturas rerum, alio modo secundum rationem diversitatis objectorum; secundum naturam rerum, ut color et sapor; secundum diversam rationem objecti, ut bonum et verum. Cum autem potentiae, quæ sunt actus determinatorum organorum, non possint se extendere ultra suorum organorum dispositionem (non enim potest esse organum corporale unum et idem omnibus naturis cognoscendis accommodatum); oportet de necessitate quod potentiae, quæ sunt organis affixæ, circa quasdam naturas determinatae sint, scilicet circa naturas corporeas. Operatio enim, quæ per organum corporeum exercetur, non potest se extendere ultra naturam corpoream. Sed cum in natura corporea inveniatur aliquid in quo omnia corpora convenient, aliquid vero in quo diversa corpora diversificantur; possibile erit aptare unam potentiam corpori alligatam omnibus corporeis secundum id, quod commune habent: sicut imaginativa, prout omnia corpora com-

municant in ratione quantitatis et figuræ et consequentium (unde non solum ad naturalia, sed ad mathematica se extendit); sensus vero communis, prout in omnibus corporibus naturalibus, ad quæ solum se extendit, invenitur vis activa et immutativa. Quædam vero potentiae aptantur his, in quibus corpora diversificantur secundum diversum modum immutandi; et sic est visus circa colorem, auditus circa sonum, et sic de aliis.

Ex hoc igitur quod pars sensitiva animæ utitur organo in operando, duo ipsam consequuntur: scilicet quod non potest ei attribui aliqua potentia respi ciens commune objectum omnibus entibus; sic enim jam transcenderet corporalia; et iterum, quod possibile est in ea inveniri diversas potentias secundum diversam naturam objectorum, propter conditionem organorum, quæ aptari potest huic vel illi naturæ. Illa vero pars animæ, quæ non utitur organo corporeo in opere suo, non remanet determinata, sed quodammodo infinita, in quantum est immaterialis; et sic ejus virtus se extendit ad objectum commune omnibus entibus. Unde commune objectum intellectus dicitur esse id, quod in omnibus generibus entium invenitur. Unde Philosophus (3. *de Anima* *text.* 18; c. 5) dicit, quod « intellectus est quo est omnia facere, et quo est omnia fieri ». Unde impossibile est quod in parte intellectiva distinguantur diversæ potentiae ad diversas naturas objectorum, sed solummodo secundum rationem diversam objecti, prout scilicet secundum diversam rationem in unam et eandem rem quandoque actus animæ fertur; — et sic bonum et verum in parte animæ diversificant intellectum et voluntatem: in verum enim intelligibile fertur intellectus ut in formam, cum oporteat eo quod intelligitur, intellectum esse informatum; in bonum autem fertur ut in finem. Unde a Philosopho in 6. *Metaphys.* (*text.* 8; l. 5, c. 3) dicitur verum esse in mente, bonum et malum in rebus; cum forma sit intus, et finis extra. Non autem

eadem ratione finis et forma perficit; et sic bonum et verum non habent eandem rationem objecti. — Sic etiam circa intellectum distinguuntur intellectus agens et possibilis. Non enim eadem ratione est objectum aliquid, in quantum est in actu et in quantum est in potentia, aut in quantum agit et patitur. Intelligibile enim actu, est objectum intellectus possibilis, agens quasi ipsum, prout eo ipse exit de potentia in actum; intelligibile vero in potentia, est objectum intellectus agentis, prout sit per intellectum agentem intelligibile actu.

Sic igitur patet, qualiter in parte intellectiva potentiae distingui possunt. Ratio vero superior et inferior hoc modo distinguuntur. Sunt enim quædam naturæ anima rationali superiores, quædam inferiores. Cum vero omne quod intelligitur intelligatur per modum intelligentis, rerum quæ sunt *supra* animam, intellectus est in anima rationali inferior ipsis rebus intellectis; earum vero, quæ sunt *infra* animam, inest animæ intellectus superior ipsis rebus, cum in eis res ipsæ nobilius esse habeant quam in se ipsis; — et sic ad utrasque res diversim habitudinem habet, et ex hoc diversa sortitur officia. Secundum enim quod ad superiores naturas respicit, sive ut earum veritatem et naturam absolute contemplans, sive ut ab eis rationem et quasi exemplar operandi accipiens, superior ratio nominatur; secundum vero quod ad inferiora convertitur vel conspiienda per contemplationem vel per actionem disponenda, inferior ratio nominatur. Utraque autem, scilicet superior et inferior, secundum communem rationem intelligibili ab anima humana apprehenditur: superior quidem prout est immaterialis in se ipsis, inferior autem prout a materia per actum intellectus agentis denuo latur. Unde patet, quod ratio superior et inferior non nominant diversam potentiam, sed unum et eandem ad diversa diversim le comparatam. — *de Verit.* q. 15, a. 2, c.

Ad primum ergo dicendum, quod

cundum quamcunque rationem participationis potest pars dici. In quantum vero ratio dividitur secundum diversa officia ratio superior et inferior partitiones dicuntur, et non quia sunt diversæ potentiae. (Ia, q. 79, a. 9, ad 1.) — *Vel dic* quod imago Trinitatis in anima attenditur quidem in potentiis ut in radice, secum completere in actibus potentiarum; et secundum hoc imago dicitur ad superiorem, et non ad inferiorem rationem pertinere. — *de Verit.* q. 15, a. 2, ad 1.

Ad secundum dicendum, quod ratio superior et inferior non differunt sicut agens et possibile: quia ratio superior et inferior habent actus respectu diversorum; agens autem et possibile concurrunt semper ad idem objectum vel medium, quia impossibile est nos in intellectivam operationem progredi sine operatione intellectus possibilis et agentis. Oportet enim ut species phantasmatum quæ sunt objecta intellectus nostri, efficiantur in actu intelligibles, quod a agentem pertinet; et intellectui conjungantur in eo receptæ, quod pertinet a possibilem. Unde ex diversitate possibilis et agentis non sequitur diversitas superioris et inferioris rationis, sed ex diversitate mediæ vel objecti. — 2. *Sent.* dis 24, q. 2, a. 2, ad 1.

Ad tertium dicendum, quod *scientifcum*, de quo Philosophus loquitur, non est idem quod ratio superior. Nam necessaria scibilia inveniuntur etiam in aliis temporalibus, de quibus est scientia naturalis et mathematica. *Opinativum* autem et *rationimentum* in minus est quia ratio inferior, quia est contingentium. Nec tamen est simpliciter dicendum, quod sit alia potentia qua intellectus cognoscit necessaria, et alia quae cognoscit contingentia: qui et utraq; cognoscit secundum eandem rationem objecti, scilicet secundum rationem entis et veri. Unde et necessaria, quæ habent perfectum esse in veritate, perfecte cognoscit, utpote ad eorum quidditatem pertinentes, per quam propria accidentia

le his demonstrat. Contingentia vero imperfecte cognoscit, sicut et habent imperfectum esse et veritatem. Perfectum autem et imperfectum in actu non diversificant potentiam, sed diversificant actus quantum ad modum agendi, et per consequens principia actuum et ipsos habitus. Et ideo Philosophus posuit duas partiales animæ, *scientificum* et *ratiocinatum*, non quia sunt duæ potentiae, sed quia distinguuntur secundum diversam aptitudinem ad recipiendos diversos habitus, quorum diversitatem ibi inquirere intendit. Contingentia enim et necessaria etsi differunt secundum propria genera, convenient tamen in communi ratione entis, quam respicit intellectus; ad quam diversimode se habent secundum perfectum et imperfectum. — 1a, q. 79, a. 9, ad 3.

Ad quartum dicendum, quod verum contemplabile et bonum operabile ad diversas potentias pertinet, scilicet ad intellectum et voluntatem; sed penes hoc non distinguuntur ratio superior et inferior, cum utraque possit esse et speculativa et activa, quamvis ratione diverorum, ut dictum est. (*de Verit. I. c. ad 1.*) — Ad illud de diversitate actuum dicendum, quod, sicut Avicenna dicit id 6. *de Naturalibus*, diversitas actus quandoque indicat diversitatem potentiarum, quandoque non. Quinque enim modis in actibus animæ diversitas inveniri potest. Uno modo secundum fortitudinem et debilitatem, sicut opinari et credere. Alio modo secundum velocitatem et tarditatem, sicut currere et moveri. Tertio modo secundum habitum et privationem, ut quietescere et moveri. Quarto modo secundum operationem ad contraria ejusdem generis, ut sentire album et nigrum. Quinto modo est, quando actus est diversorum generum, ut apprehendere et moveri, vel sentire sonum et colorem. Diversitas igitur primi et secundi modi diversitatem potentiae non indicat, quia sic porteret tot esse potentias animæ distinctas, quot gradus fortitudinis vel debili-

tatis, vel velocitatis vel tarditatis inventiuntur in actibus. Similiter etiam nec diversitas tertii et quarti modi, cum ejusdem potentiae sit operari ad utrumque oppositum. Sola autem diversitas quinti modi indicat diversitatem potentiae, ut dicamus actus genere diversos, qui in ratione objecti non conveniunt. Et secundum hoc diversitas actuum rationis superioris et inferioris diversitatem potentiae non indicat. — *de Verit. I. c. ad 12.*

Ad quintum dicendum, quod cum peccare sit actus quidam, proprio loquendo, neque est rationis superioris neque inferioris, sed hominis secundum hanc vel illam. Nec est inconveniens, si una potentia ad diversa comparatur, quod secundum unam habitudinem sit peccatum, secundum aliam non: sicut cum plures habitus sunt in una potentia, contingit peccare secundum actum unius habitus, et non secundum actum alterius; ut si idem sit grammaticus et geometra, et vera de lineis enuntiet sollicitum faciendo. — *Ibid. ad 10.*

Ad sextum dicendum, quod intellectus agens et possibilis plus differunt, quam ratio superior et inferior, cum intellectus agens et possibilis diversa objecta formaliter respiciant, etsi non materialiter. Respiciunt enim diversam rationem objecti, quamvis utrumque in eadem re intelligibili possit inveniri: unum enim et idem potest esse prius intelligibile in potentia, et post intelligibile in actu. Sed ratio superior et inferior respiciunt diversa objecta materialiter, non formaliter, cum respiciant naturas diversas, secundum unam rationem objecti. Diversitas autem formalis major est quam materialis; et ideo ratio non sequitur. — *Ibid. ad 13.*

Ad septimum dicendum, quod diversitas regulantis et regulari non demonstrat diversam potentiam, sed diversum habitum. Unus enim habitus est regulatus alterius, sicut patet in scientiis speculativis, quod omnes scientias Sapientia

seu Metaphysica dirigit. Ita etiam ratio superior inferiorem dirigere dicitur. (2. *Sent.* l. c. ad 4.) Et idem dico de diversitate moventis et moti. Eatenus enim dicitur ratio superior inferiorem movere, quatenus rationes inferiores regulandæ sunt secundum superiores, sicut etiam subalternata scientia a subalternante gubernatur. — *de Verit.* q. 45, a. 2, ad 15.

Ad octavum dicendum, quod ratio inferior dicitur a ratione superiori oriri et deduci vel ab ea regulari, in quantum principia, quibus utitur inferior ratio, deducuntur et diriguntur a principiis superioris rationis. — 1a, l. c. ad 2; *de Verit.* l. c. ad 14.

ARTICULUS VII

UTRUM INTELLECTUS PRACTICUS ET SPECULATIVUS SINT DIVERSÆ POTENTIÆ.

Videtur quod intellectus practicus et speculativus sint diversæ potentiae.

1. *Apprehensivum* enim et *motivum* sunt diversa genera potentiarum, ut patet in 2. *de Anima* (*text.* 27; c. 3); sed intellectus speculativus est apprehensivus tantum, intellectus autem practicus est motivus: ergo sunt diversæ potentiae. — 1a, p. 79, a. 11, arg. 1.

2. Praeterea, diversa ratio objecti diversificat potentiam; sed objectum intellectus speculativi est verum, practici autem bonum, quae differunt ratione: ergo intellectus speculativus et practicus sunt diversæ potentiae. — *Ibid.* arg. 2.

3. Praeterea, in parte intellectiva intellectus practicus comparatur ad speculativum sicut estimativa ad imaginativa in parte sensitiva; sed estimativa differt ab imaginativa sicut potentia a potentia: ergo et intellectus practicus a speculativo. — *Ibid.* arg. 3.

Sed contra est, quod dicitur in 3. *de Anima* (*text.* 49; c. 10), quod intellectus speculativus per extensionem sit practicus; una autem potentia non movetur in

aliam: ergo intellectus speculativus et practicus non sunt diversæ potentiae. — *Ibid.* arg. *Sed contra*.

RESPONDEO DICENDUM, quod intellectus practicus et speculativus non sunt diversæ potentiae. Cujus ratio est, quia, i supra dictum est (q. 51, a. 3, in corp.) id quod accidentaliter se habet ad objecti rationem, quam respicit aliqua potentia, non diversificat potentiam. Accid. enim colorato, quod sit homo aut magnum aut parvum. Unde omnia hujus modi eadem visiva potentia apprehenduntur. Accidit autem alicui apprehensio per intellectum, quod ordinetur ad opus vel non ordinetur. Secundum hoc autem differunt intellectus speculativus et practicus. Nam intellectus speculativus est qui quod apprehendit non ordinat ad opus, sed ad solam veritatis considerationem; practicus vero intellectus dicitur qui hoc quod apprehendit ordinat ad opus. Et hoc est, quod Philosophus dicit in 3. *de Anima* (*text.* 49; c. 10), quo speculativus differt a pratico sine. Unde et a sine denominatur uterque: hic quemadmodum speculativus, ille vero practicus id est operativus. — 1a, q. 79, a. 11 c.

Ad primum ergo dicendum, quod intellectus practicus est motivus, non quasi exsequens motum, sed quasi dirigens ad motum; quod convenit ei secundum modum sue apprehensionis. — *Ibid.* ad 1.

Ad secundum dicendum, quod verum et bonum se invicem includunt. Nam verum est quoddam bonum, alioqui non esset appetibile; et bonum est quoddam verum, alioqui non esset intelligibile. Sicut igitur objectum appetitus potest esse verum in quantum habet rationem boni, sicut cum aliquis appetit veritatem cognoscere; ita objectum intellectus practici est bonum ordinabile ad opus sub ratione veri. Intellectus enim practicus veritatem cognoscit sicut et speculativus, sed veritatem cognitam ordinat ad opus. — *Ibid.* ad 2.

Ad tertium dicendum, quod multæ dif-

erentiæ diversificant potentias sensitivas, quæ non diversificant potentias intellectivas. — *Ibid.* ad 3.

ARTICULUS VIII

UTRUM INTELLECTUS POSSIBILIS SIT UNUS IN OMNIBUS HOMINIBUS.

Videtur quod intellectus possibilis sit unus in omnibus hominibus.

1. Perfectio enim est proportionata perceptibili; sed veritas est perfectio intellectus; nam verum est bonum intellectus, sicut dicit Philosophus in 6. *Eth.* Cum igitur veritas sit una, quam omnes intelligunt, videtur quod intellectus possibilis sit unus in omnibus hominibus. — *Quæst. disp. de Anima* a. 3, arg. 1.

2. Præterea, intellectus possibilis dividatur ab omni intelligibili: quia nihil est eorum quæ sunt ante intelligere, ut dicatur in 3. *de Anima* (*text.* 5 et 14; c. 1); sed, ut in eodem dicitur, ipse est intelligibilis, sicut et alia: ergo ipse est enudatus a se ipso, et ita non habet unde possit multiplicari in diversis. — *Ibid.* arg. 4.

3. Præterea, dicit Philosophus in 3. *de Anima* (*text.* 36 sqq; c. 7 et 8), quod idem est intellectus, et quod intelligitur; sed id, quod intelligitur, est idem apud omnes: ergo intellectus possibilis est unus in omnibus hominibus. — *Ibid.* arg. 7.

4. Præterea, id quod est separatum a corpore, non potest multiplicari secundum corpora; sed intellectus possibilis est separatus a corpore, ut probat Philosophus in 3. *de Anima* (*text.* 19 et 20; c. 1): ergo non potest multiplicari vel distinguiri secundum corpora; ergo in pluribus hominibus est unus. — *Ibid.* arg. 6.

5. Præterea, unumquodque in quantum est, unum est. Cujus igitur esse non dependet ab alio, ne unitas ejus dependet ab alio. Sed esse intellectus possibilis non dependet a corpore, alias corrumperetur

corrupto corpore. Ergo nec unitas intellectus possibilis dependet a corpore, et per consequens nec ejus multitudo. Non igitur intellectus possibilis multiplicatur in diversis corporibus. — *Ibid.* arg. 19.

6. Præterea, omnis virtus cognoscitiva quæ est in materia corporali, cognoscit ea tantum, quæ habent affinitatem cum materia in qua est: sicut visus cognoscit tantum colores qui habent affinitatem cum pupilla, quæ est susceptiva colorum propter suam diaphaneitatem. Sed intellectus possibilis non est susceptivus eorum tantum, quæ habent affinitatem vel cum toto corpore vel cum quacunque parte ejus. Ergo intellectus possibilis non est virtus cognoscitiva in materia corporali, neque in toto corpore, neque in aliqua parte ejus; ergo non multiplicatur secundum multiplicationem corporum. — *de Spirit. Creat.* a. 9, arg. 8.

7. Præterea, intellectus possibilis Socratis vel Platonis intelligit essentiam suam, cum intellectus possibilis in se ipsum reflectatur; ergo ipsa essentia intellectus possibilis est intellecta in actu; sed nulla forma individuata et multiplicata per materiam, est intellecta in actu: ergo intellectus possibilis non individuatur nec multiplicatur per materiam corporalem; et sic relinquitur quod sit unus intellectus possibilis in omnibus. — *Ibid.* arg. 15.

Sed contra: Per intellectum possibilem homo intelligit. Dicitur enim in 3. *de Anima* (*text.* 18, 19, 20; c. 5), quod intellectus possibilis est, quo intelligit anima. Si igitur unus sit intellectus possibilis in omnibus, sequitur quod illud, quod unus intelligit, alius intelligat; quod patet esse falsum. — *Quæst. disp. de Anima* a. 3, arg. 6. *Sed contra.*

RESPONDEO DICENDUM, quod de intellectu possibili fuit opinio Averrois in 3. *de Anima* (*text.* 5 et 6) asserentis intellectum possibilem esse substantiam quantum separatam secundum esse a corporibus hominum, sed continuari nobiscum per phantasmata, et esse unum intellectu-

ctum possibilem in omnibus. — Quæ positione primum est contraria fidei, ut facile est videre; tollit enim præmia et pœnas futuræ vitæ. Deinde contraria est veris principiis Philosophiæ; nam secundum hanc positionem sequeretur quod nullus homo particularis intelligeret aliquid. Si enim sint duæ substantiæ omnino distinctæ, una agente vel operante, alia non dicitur operari. — Sed dato, disputationis gratia, quod aliquis homo particularis per intellectum sic separatum intelligere posset, sequuntur tria inconvenientia, si ponatur, quod sit unus intellectus possibilis omnium, quo omnes intelligant. *Primo* quidem, quia non est possibile unius virtutis simul et semel esse plures actiones respectu ejusdem objecti; contingit autem duos homines simul et semel unum et idem intelligibile intelligere: si igitur uterque intelligit per unum intellectum possibilem, sequeretur quod una et eadem numero esset intellectualis operationis utriusque; sicut si duo homines viderent uno oculo, sequeretur quod eadem esset visio utriusque; quod patet esse omnino impossibile. Nec potest dici, quod intelligere meum sit aliud ab intelligere tuo propter diversitatemphantasmatum: quia phantasma non est intelligibile in actu, sed id quid est ab eo abstractum, quod ponitur esse verbum. Unde diversitasphantasmatum est extrinseca ab intellectuali operatione; et sic non potest diversificare ipsam.

Secundo, quia impossibile est eum in numeris in individuis ejusdem speciei illud, per quod speciem sortimur. Si enim duo equi convenirent in eodem secundum numerum, quo speciem equi haberent, sequeretur quod duo equi essent unus equus, quod est impossibile. Et propter hoc in 7. *Metaphys.* dicitur, quod principia speciei, secundum quod sunt determinata, constituant individuum: ut si ratio hominis est, ut sit ex anima et corpore, de ratione hujus hominis est, quod sit ex hac anima et hoc corpore. Unum principia cuiuslibet speciei oportet pluri-

sicari in pluribus individuis ejusdem species. A quo autem aliquis speciem sortitur, cognoscitur a propria operatione speciem consequente. Djudicamus enim esse verum aurum, quod habet propriam operationem auri. Propria autem operatio humanae speciei est intelligere; unde secundum hanc operationem ponit Philosophus in 10. *Eth.* (c. 7 et 8) ultimam hominis felicitatem. Hujus autem operationis principium non est intellectus passivus, id est vis cogitativa, vel vis appetitiva sensitiva, quæ participet aliqualiter ratione cum hæ vires non habeant operationem nisi per organum corporale; intelligere autem non potest esse per organum corporale, ut 3. *de Anima* (*text.* 6; c. probatur). Et sic relinquuntur quod intellectus possibilis sit, quo hic homo speciem humanam sortitur, non autem intellectus passivus, ut Averroes (3. *de Anima* *text.* 3 et 36) singit. Relinquunt ergo quod impossibile sit unum intellectum possibilem in omnibus hominibus esse. — *de Spirit. Creat.* a. 9. c.

Tertio, sequeretur quod intellectus possibilis non reciperet alias speciesphantasmatis nostris abstractas, si unus intellectus possibilis omnium que sunt et qui fuerunt; quia jam cum nulli homines precesserint multa intelligentie sequentesur quod intellectus respectu omnium illorum, quæ illi sriverunt, sit in actu, et non sit in potentia ad recipiendum; quia nihil recipit, quod jam habet. Ex quo ulterius sequeretur, si nos sumus intelligentes et scientes per intellectum possibilem, quod scire in nobis non nisi reminisci; quamvis et hoc ipsum secundum eum inconveniens videatur, quod intellectus possibilis, si sit substantia separata secundum esse, efficiatur in actu perphantasmata, cum superiori in eis non indigent inferioribus ad perfectionem. Sicut enim inconveniens est dicere, quod corpora coelestia perficiantur in actu, accipiendo a corporibus inferioribus; similiter, et multo amplius est impossibile quod aliqua substantia

arata persiciatur in actu, accipiendo a intasmatibus. Manifestum est etiam, id hæc positio repugnat verbis Aristoteli. Cum enim incipit querere de intellectu possibili, statim a principio nominis partem animæ, dicens (*3. de Anima text. 1; c. 4*) : « de parte autem animæ, qua cognoscit anima et sapit ». Dens autem inquirere de natura intellectus possibilis, præmittit quandam distinctionem, scilicet utrum pars intellectus sit separabilis ab aliis partibus animæ subjecto, ut Plato posuit, vel ratione tantum; et hoc est, quod dicit (*ibid.*) : « *vive separabili existente, sive inseparabili secundum magnitudinem, sed secundum rationem* ». Ex quo apparet, d si utrumlibet horum ponatur, statim sententia sua, quam intendit de intellectu possibili. Non autem staret, quod intellectus sit separatus secundum rationem, si prædicta positio esset vera. Unde prædicta opinio non est sententia Aristotelis. Postquam (*3. de Anima text. 5; c. 4*) etiam dicit, quod intellectus possibilis est, et opinatur et intelligit anima; et alia alia hujusmodi: ex quibus manifeste dat intelligere, quod intellectus possibilis sit aliquid animæ, et non sit constantia separata. — *de Spirit. Creat. 10, c.; Quest. disp. de Anima a. 3, c. 1*.

Id primum ergo dicendum, quod veritas est adæquatio intellectus ad rem; igitur est una veritas, quam diversi intelligunt, ex eo quod eorum conceptio- eidem rei adæquantur. — Quest. a. de Anima a. 3, ad 1.

Id secundum dicendum, quod non est essarium intellectum communem delari ab eo, quod intelligit, sed solum intellectum in potentia; sicut et omne ipiens denudatur a natura recepti. Ile si aliquis intellectus est, qui sit tantum, sicut intellectus divinus, intelligit per se ipsum. Sed intellectus possibilis intelligibilis dicitur, sicut et intelligibilia, quia per speciem intellectibilem aliorum intelligibilium se intellegit; ex obiecto enim cognoscit suam

operationem, per quam devenit ad cognitionem sui ipsius. — *Ibid. ad 4.*


Ad tertium dicendum, quod licet species intelligibilis, qua intellectus formaliter intelligit, sit in intellectu possibili istius et illius hominis, ex quo intellectus possibilis sunt plures; id tamen, quod intelligitur per hujusmodi species, est unum, si consideremus habito respectu ad rem intellectam: quia universale, quod intelligitur ab utroque, est idem in omnibus. Et quod per species multiplicatas in diversis id, quod est unum in omnibus, possit intelligi, contingit ex immaterialitate specierum, quæ repræsentant rem absque materialibus conditionibus individuantibus, ex quibus una natura secundum speciem multiplicatur numero in diversis. — Ibid. ad 7.

Ad quartum dicendum, quod licet intellectus possibilis sit separatus a corpore quantum ad operationem, est tamen potentia animæ, quæ est actus corporis. — Ibid. ad 16.

Ad quintum dicendum, quod licet esse animæ intellectivæ non dependeat a corpore, tamen habet aptitudinem ad corpus naturaliter, propter perfectionem suæ speciei. — Ibid. ad 19.

*Ad sextum dicendum, quod ex hac etiam ratione deceptus fuit Averroes; putavit enim, quod quia Aristoteles dixit intellectum possibilem esse separatum, quod esset separatus secundum esse, et per consequens, quod non multiplicaretur secundum multiplicationem corporum. Sed Aristoteles intendit, quod intellectus possibilis est virtus animæ, quæ non est actus alicujus organi, quasi habeat operationem suam per organum corporale, sicut potentia visiva est virtus organi habens operationem per organum corporale; et quia non habet operationem intellectus possibilis per organum corporale, ideo non oportet quod cognoscat ea tantum, quæ habent affinitatem vel cum toto corpore vel cum parte corporis. — *de Spirit. Creat. a. 9, ad 8.**

Ad septimum dicendum, quod esse in-



dividualē non repugnat ei, quod est esse intellectum in actu : quia substantiæ separatæ sunt intellectæ in actu, cum tamen sint individuæ ; alioqui non haberent actiones, quæ sunt singularium. Sed habere esse materiale repugnat ei, quod est esse intellectum in actu ; et ideo formæ individuales, quæ individuantur per materiam, non sunt intellectæ in actu, sed in potentia tantum. Anima autem intellectiva non sic individuatur per materiam, ut fiat forma materialis, præcipue secundum intellectum, secundum quem trascendit materia corporalis proportionem ; sed eo modo individuatur secundum materiam corporalem, in quantum habet habitudinem ut sit forma hujus corporis. Unde hoc non tollitur, quin intellectus possibilis hominis sit quid intellectum in actu, et similiter ea, quæ recipiuntur in ipso. — *Ibid.* ad 15.

QUÆSTIO XCV

DE SPECIEBUS INTELLIGIBILIBUS.

Deinde considerandum est de speciebus intelligibilibus.

CIRCA QUAS QUÆRUNTUR QUINTA :

1. Utrum sit necesse ponere species intelligibiles ad hoc, ut intellectus intelligat.
2. Utrum anima rationalis in eligat per species intelligibiles innatas.
3. Utrum species intelligibiles, per quas anima intelligit, effluant in animam ab aliquibus formis separatis.
4. Utrum anima recipiat species intelligibiles a phantasmis et a rebus sensibilibus.
5. Utrum intellectus possit intelligere per species intelligibiles, quas habet, non convertendo se ad phantasmatum.

ARTICULUS I

UTRUM SIT NECESSE PONERE SPECIES INTELLIGIBILES AD HOC, UT INTELLECTUS INTELLIGAT.

Videtur quod non sit necesse ponere species intelligibiles ad hoc, ut intellectus intelligat.

1. Impossibile enim est idem subiectum perfici simul pluribus formis unius generis et diversarum specierum ; sic impossibile est quod idem corpus secundum idem simul coloretur diversis coloribus vel figuretur diversis figuris. Sed omnes species intelligibiles sunt unius generis licet sint plures unius intellectivæ potestæ. Ergo impossibile est quod sint *plures species* in intellectu, per quas intelligat. — Sed etiam impossibile est, quod per unam speciem omnia intelligat, eum intelligere per unum sit proprium Dei ; intellectus inferiores cognoscant per multis et tanto amplius per plura, quanto amplius intellectus inferior fuerit ; certum autem est in genere intellectuum huminum intellectum esse inferiorem omnibus ergo species intelligibiles non sunt necessarie animæ rationali ad hoc, ut intelligat. — 1a, q. 83, a. 4, c. ; q. 53, a. 3,

2. Præterea, non est dare agens producens has species. Neque enim est *una substantia separata*, ut infra (a. 3) ostendimus. — Neque intellectus agens : tunc quia eatenus dicitur illas producere, quatenus illas abstrahit a conditionibus individualibus ; sed hoc non potest fieri quia intellectus agens se habet adphantasma sicut lumen ad colores, quod ne abstrahit a coloribus, sed magis influunt quia idem in quantum idem semper facit idem ; at species intelligibiles, licet sint ejusdem generis, sunt tamen diversarum specierum. — Neque est *phantasma* : primo, quia nihil incorporeum potest imprimere in rem incorpoream. Secundo, quia cum phantasma sit similitudo rei singularis, producitur in intellectu possibili similitudo rei singularis licet immaterialis. Tertio, quia non potest effectus esse immaterialior sua causa sed species intelligibilis est magis immaterialis quam phantasma : ergo. Quarto, quia quod superiores vires ab inferioribus acipient, videntur esse pervertit ordinis, que nulla debet admitti in partibus animæ. Quinto, quia eorum, quae non convenient in materia, non potest

sse actio et passio, ut patet per Philosophum in 1. *de Generat.* (*text.* 53; c. 7); sed mens nostra non communicat in materia cum rebus sensibilibus: ergo non possunt phantasmata, quæ sunt sensibilia, agere in intellectum possibilem producendo in illo species intelligibles. *Sexto*, uia agens est nobilior patiente, ut patet per Philosophum 3. *de Anima* (*text.* 19; c. 7); sed recipiens se habet ad illud quod recipit, sicut patiens ad agens: ergo cum intellectus possibilis sit nobilior sensibilibus et sensibus, non poterunt phantasmatata sensibilia quidquam in illo producere; ergo non datur talis species necessaria ad intelligendum. — 1a, q. 83, a. 1, arg. 4; a. 4 et 6, c. 1. *c. Gent.* c. 65, lib. v. Ferrariensis; 2. *c. Gent.* c. 62; 2. *ent. dist.* 20, q. 2, a. 2, arg. 2; *de Verit.* 10, a. 6, arg. 1 et 8.

3. Præterea, in intellectu est aliquando lsitas, ut dicit Philosophus 3. *de Anima* (*text.* 21 et 22; c. 2); sed non esset, si intelligeret per hujusmodi species intelligibles, quia cum semper repræsentent objectum eo modo, quo est, semper verum intelligeret, et sic nunquam falleretur: ergo non sunt necessariæ hujusmodi species ad intelligendum. — 1a, q. 17, a. 3, arg. *Sed contra*, et in c.

4. Præterea, secundum Philosophum 2. *Metaphys.* (*text.* 51; l. 11, c. 9) et 3. *de Anima* (*text.* 15; c. 4) in his quæ sunt sine materia, idem est intellectus et quod intelligitur. Id autem quod intelligitur, est idem intelligenti, ratione ejus quo intelligitur. Ergo in his quæ sunt sine materia, ut sunt animæ rationales, quo intelligitur, est ipsa substantia intelligentis, non autem species intelligibilis. — 1a, q. 55, a. 1, arg. 2.

5. Præterea, intellectus agens facit operationem sine ulla speciebus intelligibilibus, et sine ullo habitu superaddito; ergo et intellectus possibilis idem sicut, et ita non erunt necessariæ species intelligibilis. — *de Verit.* q. 20, a. 5, arg. 5.

6. Præterea, sicut se habet bonum ad

affectum, ita verum ad intellectum; sed bonum non est in affectu per aliquam sui similitudinem: ergo nec verum cognoscitur ab intellectu per aliquam sui similitudinem; ergo intellectus in intellectione non eget ulla similitudine aut specie. — *de Verit.* q. 10, a. 9, arg. 7.

7. Præterea, nulla est necessitas ponendi hujusmodi species. Neque enim primo requiruntur ad assimilandum objectum materiale intellectui immateriali: *tum* quia, ut dicit Philosophus 3. *de Anima* (*text.* 37; c. 8): « anima est quodammodo omnia »; unde, cum simile simili cognoscatur, debet anima per suam essentiam assimilari rebus cognitis, et illas intelligere; *tum* quia anima est superior corporalibus creaturis; inferiora autem sunt eminentiori modo in superioribus: quare omnes creaturæ corporeæ nobiliori modo existunt in ipsa essentia animæ quam in se ipsis; unde per suam substantiam debet posse illas cognoscere. Neque secundo requiruntur ad repræsentandum objectum, quia phantasmata sufficienter repræsentant et proponunt objectum intellectui; et ab ipsis habet intellectus possibilis, quod intelligendo producat conceptum seu verbum, atque adeo similitudinem expressam et determinatam hujus objecti et non alterius. Neque tertio requiruntur, ut fiat objectum intelligibile actu, quia intellectus angelicus cognoscit res materiales; non posset autem illas cognoscere, nisi essent intelligibles actu: ergo species intelligibilis non sunt necessariæ intellectui humano ad intelligendum. — 1a, q. 84, a. 2, arg. 2; ll. cit. in resp.

Sed contra est: 1. quod Philosophus 3. *de Anima* *text.* 3 (c. 4) dicit intellectum esse impassibilem, susceptivum tamen formarum, et ita se habere ad intelligibilia, sicut se habet sensus ad sensibilia; et *text.* 6 ait animam esse locum formarum; et *text.* 37 et sq. (c. 8) dicit animam esse omnia, quia omnium formas recipit; non enim lapis est in anima, sed forma lapidis. Hæc autem intelligi non

possunt nisi de speciebus intelligibilibus requisitis ad intelligendum; ergo hæ sunt necessariæ. — 3. *de Anima* l. 7 et 13.

2. Præterea, intellectus noster possibilis se habet in ordine intelligibilium sicut materia prima in ordine naturalium, eo quod est in potentia ad intelligibilia, sicut materia prima est in potentia ad naturalia. Sed materia non habet esse naturale nisi reducta in actum per formas naturales. Ergo nec intellectus possibilis potest habere intelligibilem operationem, nisi perficiatur per speciem intelligibilem alicujus. — 1a, q. 14, a. 2, ad 3.

3. Præterea, omnis cognitio rei sit per assimilationem rei cognitæ et cognoscentis; et ideo necessario debet esse in intellectu forma, per quam assimiletur rei cognitæ. Sed non est sufficiens forma similis in esse naturæ, quia sic oporteret dicere cum Empedocle, quod anima esset de natura omnium, ad hoc quod illa cognosceret. Ergo requiritur forma similis rei cognitæ in esse intelligibili, quæ dicitur species intelligibilis; ergo hæc est necessaria ad intelligendum. — 1a, q. 88, a. 1, ad 2; 2. *Sent.* dist. 3, q. 3, a. 4, c.; 1a, q. 84, a. 2, c.

RESPONDEO DICENDUM, quod necesse est dicere, quod species intelligibles necessarie sunt ad intelligendum. — Quod manifeste patet *primo* ex natura intellectionis ut est actio quedam. Hunc enim, quo intellectus intelligit, comparatur ad intellectum intelligentem ut forma ejus, quia forma est id, quo agens agit. Oportet autem ad hoc, quod potentia perfecte compleatur per formam, quod omnia continentur sub forma, ad quam potentia se extendit; et inde est quod in rebus corruptilibus forma non perfecte complet potentiam materię, quia potentia materię ad plura se extendit, quam sit continentia formæ hujus vel illius. Potentia autem intellectiva animæ rationalis se extendit ad intelligendum omnia; potentia enim intellectiva hominis, ut infra dicitur, habet pro objecto univer aliteromne ens. Ipsa autem essentia animæ ratio-

nalis non comprehendit in se omnia cum sit essentia determinata ad genus et speciem. Hoc autem proprium est essentiæ divinæ, quæ infinita est ut in se simpliciter omnia comprehendat perfecte. Et ideo solus Deus cognoscit omnia per suam essentiam. Anima rationalis autem non potest per suar essentiam omnia cognoscere; sed oportet intellectum ejus aliquibus speciebus perfici ad res cognoscendas. — 1a, q. 55 a. 1, c.

Secundo, probatur ex natura intellectus ut intellectio est. Hoc enim animi omniū communiter inditum est, quo simile simili cognoscitur; unde principium cognitionis debet esse forma simili rei cognitæ. Cum autem possit esse similis illi *vel* in modo essendi, ita ut forma cogniti sit in cognoscente eo modo, quæ est in re cognita; *vel* in ratione forma sed non in modo essendi formæ; — neque est necessarium neque fieri potest, i forma cogniti intellectionis principium simili similis in forma et modo essendi formæ, ut priores naturales existimabai (qui quia considerabant res cognitas esse corporeas et materiales, posuerunt oportere res cognitas etiam in anima cognoscente materialiter esse; et ideo ut animi attribuerent omnium cognitionem, posuerunt eam habere naturam communem cum omnibus; et quia natura principiorum ex principiis constituitur, attribuerunt animi naturam principii, ita que qui dixit principium omnium esse ignem posuit animam esse de natura ignis, et militer de uero et aqua): quia si oportere cognitam materialiter in cognoscere existere, nulla ratio esset, quare res, quæ materialiter extra subsistunt, cognoscere careant. — *Praeterquam* quod in materia principio, de quo antiqui philosophi loquuntur, non existunt principiata nisi in potentia. Non autem cognoscitur aliquocundum quod est in potentia, sed cunctum quod est actu, ut patet 9. *Metaphys.* (tert. 20; 1. 8, e. 9). Unde nec ipsa potentia cognoscitur nisi per actum. I-

opterea non sufficeret attribuere animæ principiorum naturam, ad hoc quod nnia cognosceret, nisi inessent ei natuæ et formæ singulorum effectuum, putas et carnis et aliorum hujusmodi, ut aristoteles contra Empedoclem argumentatur in 1. *de Anima* (*text.* 77; c. 5).

Relinquitur ergo quod oportet materia cognita in cognoscente existere non materialiter, sed immaterialiter. Et hūs ratio est, quia actus cognitionis se extendit ad ea, quæ sunt extra cognoscendū. Cognoscimus enim etiam ea, quæ extra nos sunt. Per materiam autem determinatur forma rei ad aliquid unum. Unde manifestum est, quod ratio cognitionis ex opposito se habet ad rationem materialitatis. Et ideo quæ non recipiuntur nisi materialiter, nullo modo sunt cognoscitiva, sicut plantæ, ut dicitur in 2. *de Anima* (*text.* 124; c. 12). Quanto autem aliquid immaterialius habet formam rei cognitæ, tanto perfectius cognoscit. Unde et intellectus, qui abstrahit speciem non solum a materia, sed etiam a materialibus conditionibus (individuantibus), perfectius cognoscit quam sensus, qui accipit formam rei cognitæ sine materia uidem, sed cum materialibus conditionibus. Et inter ipsos sensus, visus est magis cognoscitivus, quia est minus materialis; et inter ipsos intellectus tanto uilibet est perfectior, quanto immaterialior. — 1a, q. 84, a. 2, c.

Ex his ergo patet, quod forma, quæ est principium intellectionis, debet esse simili rei cognitæ in ratione formæ, non autem in modo essendi illius; forma autem sic similis dicitur forma seu species intelligibilis. Quare dicendum est hanc esse necessariam ad intellectionem, sicut necessarium est intellectionem fieri per assimilationem rei cognitæ et cognoscentis. — *Ibid.*

Ad primum ergo dicendum, quod plures species intelligibiles possunt esse in eodem intellectu secundum actum imperfectum, non autem secundum actum perfectum; sicut similiter plures species

sensibiles possunt esse in sensu eodem modo. Sciendum enim est, quod omnes formæ intelligibiles sunt unius generis, licet res, quarum sunt, sint diversorum generum: omnes enim eandem potentiam intellectivam respiciunt, et ideo in potentia omnes simul esse possunt in intellectu, et similiter in actu incompleto, qui est medius inter potentiam et actum completum et perfectum. Et hoc est esse species in habitu, qui est medius inter potentiam et operationem. Sed in actu perfecto plures species in intellectu vel sensu esse non possunt. — *ll. cc. in arg.; cf. 1a, q. 14, a. 12.*

Ad secundum dicendum, quod phantasma concurrit ad producendam intellectionem, et per consequens ad productionem speciei intelligibilis, dupliciter: *uno modo* tamquam materia causæ; sicut enim in objecto visus est aliquid materiale, quod accipitur ex parte rei coloratae; sed complementum formale visibilis, in quantum hujusmodi, est ex parte lucis, quæ facit visibile in potentia esse visibile in actu; ita etiam objectum intellectus quasi materialiter administratur vel offeratur a virtute imaginativa; sed in esse formalí intelligibili complectur ex lumine intellectus agentis, et secundum suam formam habet, quod sit perfectio in actu intellectus possibilis. — 1a, q. 84, a. 6, c.; 2. *Sent. dist.* 20, q. 2, a. 2, ad 2. — *Alio modo* concurrit tamquam agens instrumentale et secundarium, intellectus vero agens tamquam agens principale et primum; propter hoc enim et phantasmatum dicuntur illuminari ab intellectu agente, quia nimirum phantasmatum ex virtute intellectus agentis redunduntur habilia, ut ab eis species intelligibiles abstrahantur, seu ut haec ab illis per virtutem intellectus agentis simul concurrentis producantur, quibus mediatis intellectus possibilis consideret naturas rerum in universalis, sine conditionibus nimirum individuantibus, sicut pars sensitiva ex conjunctione ad intellectum efficitur virtuosior ad agendum. Et inde est quod actionis utriusque agentis effectus relinquitur in intellectu possibili

secundum conditionem utriusque, et non secundum conditionem alterius tantum. Nam intellectus possibilis recipit formas ut intelligiles actu ex virtute intellectus agentis, sed ut similitudines determinatarum rerum ex cognitione phantasmatum; præterquam quod species intelligibilis est a phantasmate secundum suum esse materiale, sed ab intellectu agente secundum suum esse formale, id est, ut est intelligibilis in actu. — *Quodl.* 8, a. 3, c. : 1a, q. 85, a. 1, ad 4 et 5; q. 84, a. 6, ad 2 et 3; 2. c. *Gent.* c. 77; *de Verit.* q. 10, a. 6, ad 6.

Ex his patet *ad probationes contra intellectum agentem*. Nam ad priorem dicendum, quod intellectus agens comparatur lumini, quia sicut lumen necessarium est ad videndum, ita lumen intellectus agentis ad intelligendum, licet non eodem modo. Præterea dicuntur phantasmata illuminari ab intellectu agente, quatenus, ut dictum est, ex coniunctione cum illo redundunt virtuosiora ad agendum. — Ad posteriorem vero dicendum, quod intellectus agens ex coniunctione praeficta cum phantasmatibus diversis diversas etiam producit species intelligibiles. — *Tabula Aurea* voce « intellectus » n. 147; 1a, q. 79, a. 2, ad 2; q. 85, a. 1, ad 4.

Ad primam autem probationem contra phantasmata dicendum, quod corporeum virtute agentis principalis incorporei potest agere in incorporeum. — 1a, q. 84, a. 6, c. — Ad secundam dicendum, quod licet phantasma sit similitudo rei singularis, non tamen oportet ut producat in intellectu similitudinem rei singularis: quia non agit ratione propriæ naturæ, qua ad subjectum comparatur, seu quatenus est tale accidens, et ratione materialium dispositionum, sed quatenus est similitudo rei ad extra, et ratione naturæ et formæ latentis in phantasmate. — *de Verit.* q. 2, a. 3; q. 8, a. 11; v. *Ferrariensis* in 4. c. *Gent.* c. 63. — Ad tertium dicendum, quod effectus potest esse immaterialior sua causa, quando causa prolectiva illius agit secundum quod participat

de proprietate superioris naturæ, et agit non ad transmutandam materiam, sed ad diffundendam similitudinem formæ, sive in medio sive in sensu vel intellectu, secundum similitudinem spiritualis intentionis, ut est in proposito. — *de Pot.* q. 5, a. 8, c.; v. *Ferrariensis* in 2. c. *Gent.* c. 62. — Ad quartam dicendum, quod ex eo, quod phantasma producit speciem intelligibilem in intellectu possibili ut agens instrumentale et secundarium, non sequitur deordinatio in partibus animæ, quia intellectus agens non accipit virtutem a phantasmate, sed potius e contra, ut dictum est (ad 2 princ.). — 2. *Sent.* dist. 20, q. 2, a. 2, ad 2. — Ad quintam dicendum, quod formæ sensibiles vel a sensibilibus abstractæ, ut sunt phantasmata, non possunt agere in intellectum possibilem, nisi quatenus per intellectum agentem immateriales residuntur, et sic efficiuntur quodammodo homogeneæ intellectui possibili, in quem agunt. — *de Verit.* q. 10, a. 6, ad 1. — Ad sextam dicendum, quo I quavis intellectus possibilis sit simpliciter nobilior quam phantasma; tamen secundum qui nihil prohibet phantasma nobis esse, in quantum scilicet phantasma est actu similitudo talis rei, quod intellectui possibili non convenit nisi in potentia; et sic quodammodo potest agere in intellectum possibilem virtute luminis intellectus agentis, sicut et color potest agere in visum virtute luminis corporalis — *de Verit.* q. 10, a. 6, ad 8.

Ad tertium principale dicendum, quo in intellectu non est falsitas respectu specierum intelligibilium representantium rem aliter, vel respectu rei representativæ, sed ratione compositionis et divisionis, quatenus intellectus attribuit rei cuiusquiditatem intelligit, aliquid, quo eam non consequitur, vel quod ei opponitur. — 1a, q. 17, a. 3.

Ad quartum dicendum, quod sicut sensus in actu est sensibile in actu, ut dicitur in 2. *de Anima* (*text.* 33; c. 3), ne ita quod ipsa vis sensitiva sit ipsa similitudo sensibilis, quae est in sensu; sed qui

utroque sit unum, sicut ex actu et potentia; ita et intellectus in actu dicitur esse intellectum in actu, non quod substantia intellectus sit ipsa similitudo per se intelligit, sed quia illa similitudo est forma ejus. Idem est autem, quod dicitur « in his quæ sunt sine materia, idem est intellectus et quod intelligitur », ac si esset, quod intellectus in actu est intellectum in actu. Ex hoc enim aliquid est intellectum in actu, quod est immaterialis. — 1a, q. 55, a. 1, ad 2.

Ad quintum dicendum, quod intellectus agens non egeat ullis speciebus vel modo habitu ad suam operationem, propter ex hoc, quod nihil accipit ab intelligibilibus, sed magis formam suam illis subdit faciendo illa intelligibilia actu. Intellectus vero possibilis contra se habet. — *de Verit.* q. 20, a. 2, ad 5.

Ad sextum dicendum, quod motus vel operatio cognoscitivæ partis perficitur in sua mente; et ideo oportet ad hoc, quod quid cognoscatur, esse similitudinem quam in mente, maxime si per essentiam suam non conjungitur menti ut cognitionis objectum. Sed motus vel operatio affectivæ partis incipit ab anima et terminatur ad res; et ideo non requiritur affectu similitudo rei, qua informatur, ut in intellectu. — *de Verit.* q. 10, a. ad 7.

Ad septimum dicendum, quod necessitas ponendi species intelligibiles est, ut habeat intellectus formam, per quam possit omnia cognoscere, quæ sub suo iecto continentur, ut dictum est (in c.), et non potest esse illius essentia, sed necessario debet esse forma ab illa distincta. — 2. *Sent.* dist. 20, q. 2, a. 2, ad 7. — *de Verit.* q. 10, a. 6, ad 7.

ARTICULUS II

RUM ANIMA INTELLIGAT PER SPECIES SIBI NATURALITER INDITAS.

Videtur quod anima intelligat omnia species sibi naturaliter inditas.

1. Dicitur enim in lib. *de Causis* (prop. 10), quod omnis intelligentia est plena formis; sed homo habet commune cum angelis intelligere: ergo etiam anima habet species rerum naturaliter inditas, quibus illas cognoscat. — 1a, q. 84, a. 3, arg. 1.

2. Præterea, anima intellectiva est nobilior quam materia prima corporalis; sed haec est creata a Deo sub formis, ad quas est in potentia: ergo multo magis anima intellectiva est creata a Deo sub species intelligibilibus; et sic anima intelligit corporalia per species sibi naturaliter inditas. — *Ibid.* arg. 2.

3. Præterea, nullus potest verum respondere nisi de eo, quod scit; sed aliquis etiam idiota non habens scientiam acquisitam respondet verum de singulis, si tamen ordinate interrogetur, ut narratur in *Menone* Platonis (circa med.) de quodam: ergo antequam aliquis acquirat scientiam, habet rerum cognitionem; quod non esset, nisi anima haberet species naturaliter inditas. — *Ibid.* arg. 3.

Sed contra est, quod Philosophus dicit in 3. *de Anima* (text. 14; c. 4) de intellectu loquens, quod est sicut tabula, in qua nihil est scriptum. — *Ibid.* arg. *Sed contra.*

RESPONDEO DICENDUM, quod cum forma sit principium actionis, oportet ut eo modo se habeat aliquid ad formam, quæ est actionis principium, quo se habet ad actionem illam: sicut si moveri sursum sit ex levitate, oportet, quod in potentia tantum sursum fertur, esse leve solum in potentia; quod autem actu sursum fertur, esse leve in actu. Videmus autem, quod homo est quandoque cognoscens in potentia tantum, tam secundum sensum quam secundum intellectum; et de tali potentia in actum reducitur: ut sentiat quidem per actiones sensibilium in sensum, ut intelligat autem per disciplinam aut inventionem. Unde oportet dicere, quod anima cognoscitiva sit in potentia tam ad similitudines quæ sunt principia sentiendi, quam ad similitudines quæ

sunt principia intelligendi. Et propter hoc Aristoteles 3. de *Anima* (text. 44; c. 4) posuit, quod intellectus, quo anima intelligit, non habet alias species naturaliter inditas, sed est in principio in potentia ad hujusmodi species omnes.

Sed quia id, quod habet actu formam, interdum non potest agere secundum formam propter aliquod impedimentum (sicut leve, si impediatur sursum ferri), propter hoc Plato posuit, quod intellectus hominis naturaliter est plenus omnibus speciebus intelligibiliis, sed per unionem corporis impeditur, ne possit in actum exire. — Sed hoc non videtur convenienter dictum: *primo* quidem, quia si habet anima naturalem notitiam omnium, non videtur esse possibile quod hujus naturalis notitiae tantam oblivionem capiat, quod nesciat se hujusmodi scientiam habere. Nullus enim homo obliuiseitur ea, quae naturaliter cognoscit, sicut quod omne totum sit in ius sua parte, et hujusmodi. *Præcipue* autem hoc videtur esse inconveniens, si ponatur esse animæ naturale corpori uniri, sicut supra habitum est. Inconveniens enim est, quod naturalis operatio alicujus rei totaliter impediatur per id, quod est sibi secundum naturam. *Secundo* apparet manifeste hujus positionis falsitas ex hoc, quod deficiente aliquo sensu deficit scientia eorum, quae apprehenduntur secundum illum sensum: sicut cæcus natus nullam potest habere notitiam de coloribus; quod non esset, si intellectui animæ essent naturaliter inditæ omnium intelligibilium rationes. Et ideo dicendum est, quod anima non cognoscit res corporeas et naturales per species naturaliter inditas. — *Ia*, q. 84, a. 3, c.

Ad primum ergo dicendum, quod homo quidem convenit cum angelis in intelligendo, deficit tamen ab eminentia intellectus eorum; sicut et corpora inferiora, quae tantum existunt, secundum Gregorium (*Homil. in Evang.* 29; — Migne t. 76, col. 4214) deficit ab existentia superiorum corporum. Nam materia infe-

riorum corporum non est completa totaliter per formam, sed est in potentia a formas, quas non habet; materia autem celestium corporum est totaliter comple per formam, ita quod non est in potentia ad aliam formam, ut supra habitum es. Et similiter intellectus angeli est perfectus per species intelligibiles secundum suam naturam; intellectus autem humanus est in potentia ad hujusmodi specie — *Ibid. ad 1.*

Ad secundum dicendum, quod mater prima habet esse substantiale per formam; et ideo opportuit quod crearetur super aliqua forma, alioqui non esset in acti. Sub una tamen forma existens est in potentia ad alias. Intellectus autem non habet esse substantiale per speciem intelligibilem; et ideo non est simile. — *Ibid. ad 2.*

Ad tertium dicendum, quod ordinata interrogatio procedit ex principiis communibus per se notis ad propria. Prætalem autem processum scientia causatur in anima a discentis. Unde cum verum respondet de his, de quibus secundo interrogatur, hoc non est quia prius ea novit, sed quia tunc ea de novo addiscit. Nihil enim refert, utrum ille qui docet proponendo, vel interrogando, procedat de principiis communibus ad conclusiones. Utroque enim animus audient certificatur de posterioribus per prior — *Ibid. ad 3.*

ARTICULUS III

UTRUM SPECIES INTELLIGIBILES, PER DI-
ANIMA INTELLIGIT, EFFLUANT IN HILAM
ALIQUOD FORMIS SEPARATIS.

Videtur quod species intelligibiles efflant in animam ab aliquibus formis separatis.

1. Omne enim quod per participationem est tale, causatur ab eo quod est per existentiam tale; sicut quod est ignis reducitur sicut in cœsum in ignem. Si anima intellectiva, secundum quod

actu intelligens, participat ipsa intelligibilia; intellectus enim in actu quodam modo est intellectum in actu. Ergo ea, quæ secundum se et per essentiam suam sunt intellecta in actu, sunt causæ animæ intellectivæ, quod actu intelligat. Intellecta autem in actu per essentiam suam sunt formæ in materia existentes. Species igitur intelligibiles, quibus anima intelligit, causantur a formis aliquibus separatis. — *Ibid.* q. 84, a. 4, arg. 1.

2. Præterea, intelligibilia se habent ad intellectum sicut sensibilia ad sensum. Sed sensibilia, quæ sunt in actu extra animam, sunt causæ ipsorum sensibilium quæ sunt in sensu, quibus sentimus. Ergo species intelligibiles, quibus intellectus noster intelligit, causantur ab aliquibus actu intelligibilibus extra animam existentibus. Hujusmodi autem non sunt nisi formæ a materia separatæ. Formæ igitur intelligibiles intellectus nostri effluunt ab aliquibus substantiis separatis. — *Ibid.* arg. 2.

3. Præterea, omne quod est in potentia, educitur in actum per id quod est actu. Si ergo intellectus noster prius in potentia existens postmodum actu intelligat, portet quod hoc causetur ab aliquo intellectu, qui semper est in actu; hic autem est intellectus separatus: ergo ab aliquibus substantiis separatis causantur species intelligibiles, quibus actu intelligimus. — *Ibid.* arg. 3.

Sed contra est, quia secundum hoc sensibus non indigeremus ad intelligendum; quod patet esse falsum ex hoc præcipue, quod qui caret uno sensu, nullo modo possit habere scientiam de sensibilius illius sensus. — *Ibid.* arg. *Sed contra*.

RESPONDEO DICENDUM, quod quidam posuerunt species intelligibiles nostri intellectus procedere ab aliquibus formis vel substantiis separatis. Et hoc dupliciter. Lato enim, sicut dictum est, posuit formas rerum sensibilium per se sine materia subsistentes, sicut formam hominis, quam nominabat *per se hominem*, et formam vel ideam equi, quam nominabat *per*

se equum, et sic de aliis. Has ergo formas separatas ponbat participari et ab anima nostra et a materia corporali: ab anima quidem nostra ad cognoscendum; a materia vero corporali ad essendum: ut sicut materia corporalis per hoc quod participat ideam lapidis, sit hic lapis: ita intellectus noster per hoc quod participat ideam lapidis, sit intelligens lapidem. Participatio autem ideæ fit per aliquam similitudinem ipsius ideæ in participante ipsam, per modum quo exemplar participatur ab exemplato. Sicut igitur ponebat formas sensibiles, quæ sunt in materia corporali, effluere ab ideis sicut quasdam earum similitudines; ita ponebat species intelligibiles nostri intellectus esse similitudines quasdam idearum ab eis effluentis. Et propter hoc scientias et definitiones ad ideas referebat.

Sed quia contra rationem rerum sensibilium est, quod earum formæ subsistant absque materiis, ut Aristoteles 7. *Metaphys.* (*text.* 44 usque ad 58; l. 6, c. 13 ad 16) multipliciter probat; ideo Avicenna, hac positione remota, posuit omnium rerum sensibilium intelligibiles species non quidem per se subsistere absque materia, sed præexistere immaterialiter in intellectibus separatis; a quorum primo derivantur hujusmodi species in sequentem; et sic de aliis usque ad ultimum intellectum separatum, quam nominat *intellectum agentem*: a quo, ut ipse dicit, effluunt species intelligibiles in animas nostras, et formæ sensibiles in materiam corporalem.

Et sic in hoc Avicenna cum Platone concordat, quod species intelligibiles nostri intellectus effluunt a quibusdam formis separatis, quas tamen Plato dicit per se subsistere; Avicenna vero ponit eas in intelligentia agente. Differunt etiam quantum ad hoc, quod Avicenna ponit, species intelligibiles non remanere in intellectu nostro, postquam desinit actu intelligere; sed indigere ut iterato se convertat ad recipiendum de novo; unde non ponit scientiam animæ naturaliter indi-

tam, sicut Plato, qui ponit participationes idearum immobiliter in anima permanere.

Sed secundum hanc positionem sufficiens ratio assignari non posset, quare anima nostra corpori uniretur. Non enim potest dici, quod anima intellectiva corpori unialitur propter corpus : quia nec forma est propter materiam, nec motor propter mobile, sed potius e converso. Maxime autem videtur corpus esse necessarium animæ intellectivæ ad ejus operationem propriam, quæ est intelligere : quia secundum esse suum a corpore non dependet. Si autem anima species intelligibiles secundum suam naturam apta nata esset recipere per influentiam aliquorum separatorum principiorum tantum, et non acciperet eas ex sensibus, non indigeret corpore ad intelligendum ; unde frustra corpori uniretur. — Si autem dicatur, quod indiget anima nostra sensibus ad intelligendum, quibus quoddammodo excitetur ad consideranda ea, quorum species intelligibiles a principiis separatis recipit, hoc non videtur sufficere : quia hujusmodi excitatio non videtur animæ necessaria, nisi in quantum est consopita (secundum Platonicos) quoddammodo et oblivious, propter unionem ad corpus ; et sic sensus non proficerent animæ intellectivæ, nisi ad tollendum impedimentum, quod animæ provenit ex corporis unione. Remanet igitur quærendum, quæ sit causa unionis animæ ad corpus. — Si autem dicatur secundum Avicennam, quod sensus sunt animæ necessarii, quia per eos excitatur, ut convertat se ad intelligentiam agentem, a qua recipit species ; hoc quidem non sufficit, quia si in natura animæ est ut intelligat per species ab intelligentia agente effluxas, sequeretur quod quandoque anima possit se convertere ad intelligentiam agentem ex inclinatione sue naturæ, vel etiam excitata per alium sensum, ut convertat se ad intelligentiam agentem, ad recipiendum species sensibilium, quorum sensum aliquis non habet,

Et sic cæcus natus posset habere scientiam de coloribus ; quod est manifeste falsum. Unde dicendum est, quod species intelligibiles, quibus anima nostra intelligit, non effluunt a formis separatis. — 1a, q. 84, a. 4, c.

*Ad primum ergo dicendum, quod species intelligibiles, quas participat noster intellectus, reducuntur sicut in primam causam, in aliquod principium per suam essentiam intelligibile, scilicet in Deum. Sed ab illo principio proeedunt medianibus formis rerum sensibilium et materialium, a quibus scientiam colligimus, ut Dionysius dicit (*de Div. Nom.* c. 7, § 2 ; — Migne t. 3, col. 867 et sq.). — Ibid. ad 1.*

Ad secundum dicendum, quod res materiales secundum esse quod habent extra animam, possunt esse sensibiles actu, non autem actu intelligibiles. Unde non est simile de sensu et intellectu. — Ibid. ad 2.

Ad tertium dicendum, quod intellectus noster possibilis reducitur de potentia ad actum per aliquod ens actu, id est per intellectum agentem, qui est virtus quædam animæ nostræ, ut dictum est, non autem per intellectum aliquem separatum sicut per causam propriam proximam, sed forte sicut per causam remotam. — Ibid. ad 3.

ARTICULUS IV

UTRUM ANIMA RECIPIAT SPECIES INTELLIGIBILES A PHANTASMATIBUS ET A REBUS SENSIBILIBUS.

Videtur quod anima non recipiat species intelligibiles a phantasmatibus et a rebus sensibilibus.

1. Dicit enim Philosophus in 1. *de Generat.* (text. 43 et 53; c. 6 et 7), quod eorum, quæ non convenient in materia, non potest esse actio et passio. Sed intellectus noster non communicat in materia cum rebus sensibilibus et cum phantasmatibus. Ergo non possunt phantasma-

ere in intellectum producendo species intelligibiles. — *de Verit.* q. 10, a. 6, g. 1.

2. Præterea, objectum intellectus est *od quid est*, ut dicitur 3. *de Anima* (*text.* et sqq.; c. 4); sed quidditas rei nullo modo sensu percipitur, nec phantasmate præsentatur: ergo species intelligibles non producuntur a phantasmatibus. — *Ibid.* arg. 2.

3. Præterea, si intellectus possibilis percipit species intelligibiles a phantasmatibus, hoc non potest esse, nisi in quantum species, quæ a sensibilibus accipiuntur, intellectum possibilem movet. Sed possibilis species non potest movere intellectum possibilem; non enim movet ipsum *phantasia* adhuc existens, quia ibi existens nondum est actu intelligibilis, sed potentia tantum; similiter non movet intellectum possibilem existens in *intellectu agente*, qui nullus speciei est perceptivus, alias non differret ab intellectu possibili. Similiter nec existens in *intellectu possibili*, quia forma jam inhærens subjecto subjectum non movet, sed in ipso quodammodo quiescit. Nec etiam per se existens, cum species intelligibiles non sint substantiæ, sed de genere accidentium. Ergo nullo modo species intelligibiles possunt recipi a sensibilibus seu phantasmatibus. — *Ibid.* arg. 7.

4. Præterea, effectus non se extendit ultra virtutem suæ causæ; sed species intelligibiles se extendunt ultra sensibilia et ultra phantasmata; per illas enim intelligimus quædam, quæ sensu percipiuntur, phantasmate repræsentari non possunt: ergo species intelligibilis non possunt accipi a sensibilibus. — 1a, q. 84, a. 6, arg. 3.

Sed contra est, quod Philosophus probat in 1. *Metaphys.* (c. 4) et in fine 2. *Aster.* (*text.* 27; c. 19), quod principium nostræ cognitionis est a sensu; principium autem intellectuonis est species intelligibilis: ergo. — 1a, q. 84, a. 6, arg. *Sed contra.*

RESPONDEO DICENDUM, quod circa istam

quæstionem *triplex* suit Philosophorum *opinio*. — Democritus enim posuit, quod nulla est alia causa cuiuslibet nostræ cognitionis, nisi cum ab his corporibus, quæ cogitamus, veniunt atque intrant imagines in animas nostras, ut Augustinus dicit in *Epist. ad Dioscorum* (c. 4, n. 27; — Migne t. 33, col. 445), et Aristoteles etiam dicit in lib. *de Somno et Vigilia* (*de Divinatione per Somnum* c. 2), quod Democritus posuit cognitionem fieri per idola et defluxiones. Et hujus positionis ratio fuit, quia tam ipse Democritus quam alii antiqui naturales non ponebant intellectum differre a sensu, ut Aristoteles dicit in 2. *de Anima* (*text.* 150 et 151; l. 3, c. 3). Et ideo, quia sensus immutatur a sensibili, arbitrabantur omnem nostram cognitionem fieri per solam immutationem a sensibilibus; quam quidem immutationem Democritus asserebat fieri per imaginum defluxiones.

Plato vero e contrario posuit intellectum differre a sensu, et intellectum quidem esse virtutem immaterialē organo corporeo non utentem in suo actu. Et quia incorporeum non potest immutari a corporeo, posuit, quod cognitio intellectualis non fit per immutationem intellectus a sensibilibus, sed per participationem formarum intelligibilium separatarum, ut dictum est; sensum etiam posuit virtutem quandam per se operantem. Unde nec ipse sensus, cum sit quædam vis spiritualis, immutatur a sensibilibus; sed organa sensuum a sensibilibus immutantur; ex qua immutatione anima quodammodo excitatur, ut in se species sensibilium formet. Sic igitur, secundum Platonis opinionem, neque intellectualis cognitio a sensibili procedit, neque etiam sensibilis totaliter a sensibilibus rebus; sed sensibilia excitant animam sensibilem ad sentiendum, et similiter sensus excitant animam intellectivam ad intelligendum.

Aristoteles autem media via processit: posuit enim cum Platone, intellectum differre a sensu; sed sensum posuit propriam operationem non habere sine com-

municatione corporis, ita quod sentire non sit animæ actus tantum, sed conjuncti. Et similiter posuit de omnibus operationibus sensitivæ partis. Quia igitur non est inconveniens, quod sensibilia, quæ sunt extra animam, causent aliquid in conjunctum; in hoc Aristoteles cum Democrito concordavit, quod operationes sensitivæ partis causentur per impressionem sensibilium in sensum; non per modum defluxionis, ut Democritus posuit, sed per quandam operationem. Nam et Democritus omnem actionem sieri posuit per influxionem atomorum, ut patet in 1. *de General.* (*text.* 56 et 57; c. 8). Intellectum vero posuit Aristoteles habere operationem absque communicatione corporis. Nihil autem corporeum imprimere potest in rem incorpoream. Et ideo ad causandam intellectualē operationem secundum Aristotelem non sufficit sola impressio sensibilium corporum, sed requiritur aliquid nobilius, quia agens est nobilius paciente, ut ipse dicit 3. *de Anima* (*text.* 19; c. 5); non tamen ita, quod intellectualis operatio causetur ex sola impressione aliquarum rerum superiorum, ut Plato posuit, sed requiritur illud superius et nobilius agens, quod vocal intellectum agentem, de quo jam supra diximus, quod facit phantasmatata a sensibus accepta intelligibilia in actu, per modum abstractionis ejusdam. Secundum hoc ergo ex parte phantasmatum intellectualis operatio a sensu causatur. Sed quia phantasmatata non sufficiunt immutare intellectum possibilem, sed oportet quod fiant intelligibilia actu per intellectum agentem; non potest dici, quod sensibilis cognitio sit totalis et perfecta causa intellectualis cognitionis, sed magis quodammodo est materia causa. — 1a, q. 84, a. 6, c.

Ad primum ergo dicendum, quod formæ sensibiles vel a sensibilibus abstractæ non possunt agere in mentem nostram, nisi quatenus per lumen intellectus agentis immateriales redduntur, et sic efficiuntur quodammodo homogeneæ intel-

lectui possibili, in quem agunt. — *d. Verit.* q. 10, a. 6, ad 1.

Ad secundum dicendum, quod circa idem virtus superior et inferior operantur, non similiter, sed superior sublimius unde et per formam, quæ a rebus accipitur, sensus non ita efficaciter rem cognoscit sicut intellectus; sed sensus per eam manuducitur in cognitionem exteriorum accidentium, intellectus vero per venit ad nudam quidditatem rei, secernendo eam ab omnibus materialibus conditionibus. Unde pro tanto dicitur cognitionis a sensu originem habere: non quod omne illud, quod mens cognoscit sensus apprehendat; sed quia ex his quæ sensus apprehendit, mens in aliis ulteriora manuducitur, sicut etiam sensibilia intellecta manuducunt in intelligentia divinorum. — *Ibid.* ad 2.

Ad tertium dicendum, quod in receptione, qua intellectus possibilis specie rerum accipit a phantasmatibus, se habent phantasmatata ut agens instrumentale et secundarium, intellectus vero agens ut agens principale et primum; ideo actionis effectus relinquitur in intellectu possibili secundum conditionem utriusque, et non secundum conditionem alterius tantum. Et ideo intellectus possibilis recipit formas ut intelligibiles actu ex virtute intellectus agentis, sed similitudines determinatarum rerum ex cognitione phantasmatum; et sic forma intelligibiles in actu non sunt per se existentes, neque in phantasia neque in intellectu agente, sed solum in intellectu possibili. — *Ibid.* ad 7.

Ad quartum dicendum, quod sensitivæ cognitio non est tota causa intellectuali cognitionis; et ideo non est mirum, si intellectualis cognitio ultra sensitivam extendit. — 1a, q. 84, a. 6, ad 3.

ARTICULUS V

TRUM INTELLECTUS POSSIT ACTU INTELLIGERE PER SPECIES INTELLIGIBILES, QUAS HABET, NON CONVERTENDO SE AD PHANTASMATA.

Videtur quod intellectus possit actu intelligere per species intelligibiles, quas habet abstractas a phantasmatibus, non convertendo se ad phantasmata.

1. Intellectus enim fit in actu per speciem intelligibilem, qua informatur; sed intellectum esse in actu est ipsum intelligere: ergo species intelligibiles sufficiunt ad hoc quod intellectus actu intelligat, absque eo quod ad phantasmata se convertat. — *Ibid.* q. 84, a. 7, arg. 1.

2. Præterea, magis dependet imaginatio a sensu, quam intellectus ab imaginatione; sed imaginatio potest imaginari actu absentibus sensibilibus: ergo multo magis intellectus potest intelligere actu, non convertendo se ad phantasmata. — *Ibid.* arg. 2.

3. Præterea, incorporalium non sunt aliqua phantasmata, quia imaginatio tempus et continuum non transcendent. Si ergo intellectus noster non posset aliquid intelligere in actu, nisi converteretur ad phantasmata, sequeretur quod non posset intelligere aliquid incorporeum; quod patet esse falsum; intelligimus enim veritatem ipsam et Deum et angelos. — *Ibid.* arg. 3.

4. Præterea, eadem est natura animæ conjunctæ et separatae, imo perfectior est anima conjuncta corpori quam separata, cum anima sit pars naturaliter humanæ naturæ, quælibet autem pars est perfectior in suo toto quam extra totum; sed anima separata potest intelligere sine phantasmate; ergo et conjuncta. — *Ibid.* q. 89, a. 1, c. et a. 2, arg. 1.

5. Præterea, intellectus est universale, phantasma vero est similitudo rei corporalis et singularis; ergo intellectus non intelligit convertendo se ad phantas-

mata; nam sic intelligeret singulare, non autem universalia. — *de Memoria et Reminisc.* l. 2.

Sed contra est: 1. quod Philosophus *de Anima* (text. 30; c. 7) et *de Memoria et Reminisc.* (c. 1) dicit, quod anima nunquam intelligit sine phantasmate. — 3. *de Anima* l. 12; *de Memoria et Reminisc.* l. 2.

2. Præterea, dicit Philosophus *de Memoria et Reminisc.* (c. 1), quod nihil potest homo intelligere sine continuo et tempore; sed hoc est, quia non potest intelligere sine phantasmate; quia phantasma est similitudo rei singularis, quæ est hic et nunc, quæ non potest intelligi sine phantasmate: ergo. — *de Memoria et Reminisc.* l. 2.

3. Præterea, operatio proportionatur virtuti et essentiæ; sed intellectivum hominis est in sensitivo, sicut dicitur in 2. *de Anima*: ergo propria operatio ejus est intelligere intelligibilia in phantasmatibus; sicut intellectus substantiæ separatae operatio est intelligere res secundum se intellectas. — *Ibid.*

RESPONDEO DICENDUM, quod impossibile est intellectum secundum præsentis vitæ statum, quo passibili corpori conjungitur, aliquid intelligere in actu, nisi convertendo se ad phantasmata. Et hoc duobus indiciis apparet. *Primo* quidem, quia cum intellectus sit vis quædam non utens corporali organo, nullo modo impediretur in suo actu per læsionem aliquius corporalis organi, si non requiretur ad ejus actum actus alicujus potentiarum utentis organo corporali. Utuntur autem organo corporali sensus et imaginatio et aliæ vires pertinentes ad partem sensitivam. Unde manifestum est, quod ad hoc quod intellectus actu intelligat, non solum accipiendo scientiam de novo, sed etiam utendo scientia jam acquisita, requiritur actus imaginationis et ceterarum virtutum. Videmus enim, quod impedito actu virtutis imaginativæ per læsionem organi, ut in phreneticis, et similiter impedito actu memorativæ virtutis,

ut in letargicis, impeditur homo ab intellegendo in actu etiam ea, quorum scientiam præaccepit.

Secundo, quia hoc quilibet in se ipso experiri potest, quod quando aliquis conatur aliquid intelligere, format sibi aliqua phantasmata per modum exemplorum, in quibus quasi inspiciat quod intelligere studet. Et inde est etiam quod quando aliquem volumus facere aliquid intelligere, proponimus ei exempla, ex quibus phantasmata formare possit ad intelligendum. — Hujus autem ratio est, quia potentia cognoscitiva proportionatur cognoscibili. Unde intellectus Angeli, qui est totaliter a corpore separatus, objectum proprium est substantia intelligibilis a corpore separata, et per hujusmodi intelligibile materialia cognoscit. Intellectus autem humani, qui est conjunctus corpori, proprium objectum est quidditas sive natura in materia corporali existens; et per hujusmodi naturas visibilium rerum, etiam in invisibilium rerum aliqualem cognitionem ascendit. De ratione autem hujus naturae est quod in aliquo individuo existat, quod non est absque materia corporali; sicut de ratione naturae lapidis est quod sit in hoc lapide, et de ratione naturae equi est quod sit in hoc equo, et sic de aliis. Unde natura lapidis vel cuiuscunque rei materialis cognosci non potest complete et vere, nisi secundum quod cognoscitur ut in particulari existens. Particulare autem apprehendimus per sensum et imaginationem; et ideo necesse est ad hoc, quod intellectus intelligat suum objectum proprium, quod convertat se ad phantasmata, ut speculetur naturam universalem in particulari existentem. Si autem proprium objectum intellectus nostri esset forma separata, vel si forme rerum sensibilium subsisterent non in particularibus, secundum Platonicos, non oporteret quod intellectus noster semper intelligendo converteret se ad phantasmata. — *Ia*, q. 84, a. 7, c.

Ad primum ergo dicendum, quod spe-

cies conservatæ in intellectu possibiles in eo existunt habitualiter, quando actus non intelligit. Unde ad hoc quod intelligamus in actu, non sufficit ipsa conservatio specierum; sed oportet quod ei utamur secundum quod convenit rebus quarum sunt species, quæ sunt naturæ in particularibus existentes. — *Ibid. a. 1.*

Ad secundum dicendum, quod etiam ipsum phantasma est similitudo rei particularis. Unde non indiget imaginatio aliqua alia similitudine particulari, sicut indiget intellectus. — *Ibid. ad 2.*

Ad tertium dicendum, quod incorporeæ quorum non sunt phantasmata, cognoscuntur a nobis per comparationem a corpora sensibilia, quorum sunt phantasmata; sicut veritatem intelligimus consideratione rei, circa quam veritatem speculamur; Deum autem, ut Dionysius (*de Div. Nom.* c. 1, § 5; — Migne t. 1 col. 394 — et alibi) dicit, cognoscimus ut causam et per excessum et per remotionem. Alias etiam incorporeas substancialias in statu praesentis vite cognoscere non possumus nisi per remotionem vel aliquam comparationem ad corporalia. Et ideo cum de hujusmodi aliquid intelligimus, necesse habemus converti a phantasmata corporum, licet ipsorum non sint phantasmata. — *Ibid. ad 3.*

Ad quartum dicendum, quod quia nihil operatur, nisi in quantum est actu modus autem operandi uniuscujusque sequitur modum essendi ipsius; — id quia anima habet duplum modum essendi — unum, cum unitur corporalium, cum fuerit a corpore separata secundum priorem modum competit ille modus intelligendi per conversionem a phantasmata; secundum posteriorem vero sine conversione. Et quia modus prior intelligendi est animo naturali sicut et corpori uniri, posterior vero est praeter naturam (nam ad hoc unitur corpori, ut operetur secundum suam naturam); ideo simpliciter dicendum est quod anima naturaliter intelligere no-

otest sine conversione ad phantasmata. — Nec obstat, quod posterior modus intellegendi sit perfectior, quia cum hoc stat, quod prior sit naturalior, sicut et anima separata imperfectior est considerata natura corporis, quam cum est conjuncta corpori. — 1a, q. 89, a. 1, c. et a. 2, d 1.

Ad quintum dicendum, quod anima um intelligit convertendo se ad phantasma, non habet pro objecto ipsum phantasma, sed ipsam naturam universam, quam tamen quia speculatur in particulari existentem, ideo dicitur intellegere suum objectum convertendo se ad phantasma. — *Opusc. 43, c. 6; 1a, q. 4, a. 7, c.*

QUÆSTIO XCVI

DE ACTU INTELLECTUS.

Deinde considerandum est de actu intellectus.

CIRCA QUEM QUÆRUNTUR QUINQUE :

- . Utrum omnis intellectio sit productiva verbi, seu sit dictio.
- . Utrum intellectio sit prior natura dictione, an vero posterior.
- . Utrum intellectio realiter distinguitur a verbo.
- . Utrum intellectio producatur ab intellectu et a specie intelligibili tamquam a duobus agentibus partialibus, an vero a solo intellectu.
- . Utrum intellectus sit semper in actu secundo.

ARTICULUS I

UTRUM OMNIS INTELLECTIO SIT PRODUCTIVA VERBI, SEU SIT DICTIO.

Videtur quod non omnis intellectio sit productiva verbi, seu sit dictio.

1. Dicit enim Philosophus 9. *Metaphys.*

(text. 16; l. 8, c. 8), quod per actionem immanentem nihil producitur, sicut producitur per transeuntem; sed si intellectio esset productiva verbi, per actionem immanentem aliquid produceretur: ergo non omnis saltem intellectio est productiva verbi. — 9. *Metaphys.* l. 8.

2. Praeterea, visio beatifica est intellectio; sed visio beatifica non est productiva verbi: quia verbum est medium, in quo res videtur et intelligitur; at in visione beatifica nullum est medium in quo, sed immediate tendit in divinam essentiam; ergo idem quod prius. — 4. *Sent. dist. 49, q. 2, a. 1, ad 15.*

3. Praeterea, actus reflexus intellectus est intellectio, sicut actus directus; sed actus reflexus non est productivus verbi, quia verbum, quod est expressivum rei, quæ intelligitur, non est reflexum: ergo non omnis intellectio est productiva verbi. — *Opusc. 14.*

4. Praeterea, in divinis Filius et Spiritus Sanctus intelligunt; sed Filius et Spiritus Sanctus non producunt verbum: ergo non omnis intellectio est productio verbi.

5. Praeterea, intellectus intelligit se; sed intellectus non dicit se: ergo non omnis intellectio est dictio. — *Opusc. 14.*

Sed contra est : 1. quod in omni intellectione est aliquid intellectum; sed omne intellectum necessario debet esse in intellectu; intellectum autem in intellectu nihil est aliud quam verbum mentis, quod est similitudo rei ad extra, et res ipsa intellecta, puta homo intellectus: ergo in omni intellectione datur et formatur verbum, per quod res intellecta dicitur esse in intellectu. — *de Pot. q. 7, a. 6; q. 9, a. 5, c.; 4. e. Gent. c. 11, ubi v. Ferrariensis; Quodl. 8, a. 1.* — Idem sentit Almain 3. *Sent. dist. 14.*

2. Praeterea, de ratione ejus, quod est intelligere, est conceptio: sic enim, quia in Deo est intelligere, est etiam conceptio; sed conceptio necessario terminatur ad conceptum; unde et in divinis quia est conceptio, est etiam conceptum: ergo

necessario in omni intellectione est conceptum, quod alio nomine appellatur verbum. — *de Pot.* q. 9, a. 5; 1a, q. 27, a. 1.

3. Præterea, intellectio est actio potentiae intellectivæ; sed per actionem potentiae intellectivæ procedit aliquid ad intra, quod dicitur verbum: ergo per omnem intellectu[m] producitur verbum. — *Ibid.* et 4. c. *Gent.* c. 41.

RESONDEO DICENDUM, quod dupl[iciter] potest considerari intellectus creatus: *uno modo* in via; et sic necesse est dicere, per omnem intellectu[m] produci verbum, et consequenter omnem intellectu[m] esse dictionem. — Quod potest esse manifestum ex multis: et *primo* quidem ex natura cuiuslibet actionis sive ad intra sive ad extra. Nam secundum omnem actionem tam ad intra quam ad extra, attenditur aliqua processio. Sicut enim per actionem ad extra aliquid procedit ad extra, ita et per actionem ad intra procedit aliquid ad intra. Sed ideo hoc ipso, quod quis intelligit vel amat, procedit aliquid intra ipsum, quia conceptio rei intellectu[m] ex vi intellectiva provenit, et ex ejus notitia procedit; et similiter id, quod per actum amoris producitur, per quod amatum est in amante, procedit ex voluntate. Est autem conceptio verbum cordis, quam vox significat; ergo in omni intellectu[m] formatum verbum. — *Secundo*, ex natura ipsius intelligi. Ubi enim est intelligere, ibi est intelligi; intelligi autem est esse ipsius verbi: debet ergo per omne intelligere formari verbum. — *Tertio*, ex ratione rei intellectu[m]. De ratione enim ejus est, ut sit præsens intellectui per modum objecti, seu in esse objectivo terminante intellectu[m]. Neque enim sufficit, ut sit præsens vel per speciem intelligibilem vel realiter per identitatem; nam intellectus angelicus intelligit se per verbum, et tamen est realiter idem cum specie intelligibili et cum intellectu; est autem res intellectu[m] præsens in esse objectivo intellectui mediante verbo per intellectu[m] formatu.

— *Quarto*, ex ratione rei intellectu[m], u[er]o intellecta est. Omne enim intellectum in quantum intellectum, oportet esse in intelligente; sequitur enim ipsum intelligere apprehensionem ejus, quod intelligitur per intellectum. Unde etiam intellectus noster se ipsum intelligens est in se ipso, non solum ut idem sibi p[oss]essentiam, sed etiam ut a se apprehensus intelligendo. Intellectum autem in intelligente est intentio intellectu[m] et verbum. Est igitur in quoque intelligentia per quacunque intellectu[m] verbum quasi res intellecta. — *Demum* ex ratione locutionis. Per omnem enim intellectu[m] intellectus vel sibi vel alii loquitur non potest autem intellectus loqui sit vel alii, nisi sibi vel alii manifestet rem quam loquitur; manifestatur autem res per verbum, quod tali intellectu[m] locutione formatur: unde verbum est species rei intellectu[m] ut concepta in intellectu[m] et ordinata ad manifestationem vel ad se vel ad alterum. — 1a, q. 27 a. 1, c.; 2. e. *Gent.* c. 41; 4. c. *Gent.* c. 41; *de Pot.* q. 9, a. 5; *de Verit.* q. 4, a. 2; 1. *Sent.* dist. 27, q. 2, a. 1, 2, 3, c.

*A*ltero modo potest considerari intellectus in patria ut videns Deum; et sic de divina essentia nullum verbum ab intellectu beati formatum; sed per divinum verbum, tamquam per conceptionem unam, immediate divinam essentiam intuitetur, juxta illud Zacharie ult. (14, 9) *In illa die erit Dominus unus, et unum nomen.* — Quod ex multis potest constare. Nam, *primo*, visio beatifica est immediata, carens scilicet medio in quo, tamquam speculo; cognitio autem per verbum est mediata, nam verbum habet rationem speculi et imaginis et medii, in quo res videtur, ut infra ostendam (1. *Sent.* dist. 2, q. 1, a. 3, § Quantum ad quartum). — *Secondo*, quia verbum est similitudo rei intellectu[m]; sed nulla res vel creatura potest esse similitudo divinae essentiae: *tum* quia omnis species intelligibilis, per quam intelligitur essentia et quidditas rei, comprehendit in repre-

ando rem illam; unde et orationes significantes *quod quid est*, terminos et ratios et definitiones vocamus. Impossibile autem est similitudinem creatam totaliter epræsentare Deum: *tum* quia impossibile est aliquod ens creatum, quod sit perfecte actus et similitudo omnium enī, quia sic infinite possideret naturam tantitatis; *tum* quia sicut ad hoc, ut visus ideat albedinem, oportet quod recipiatur in eo similitudo albedinis, secundum rationem suæ speciei, quamvis non secundum eundem modum essendi; ita similiter, ut intellectus intelligat aliquam quidditatem, oportet quod in eo fiat similitudo ejusdem rationis secundum speciem, licet non sit idem modus essendi triusque. Unde fit, ut sicut si fuerit in cœlo forma citrini, non dicetur videre albedinem; ita similiter, si in intellectu erit similitudo unius quidditatis, nec dicetur nec poterit intelligere aliam quidditatem. Ratio est, quia forma existens in sensu vel intellectu non est principium cognitionis secundum modum essendi, quem habet utroque, sed secundum rationem, in qua communicat cum exteriori, quod commune est tam speciei impressæ quam expressæ, quia utraque dedit intellectum in cognitionem per similitudinem, quam habet cum eis; nulla vero res creata potest communicare in specie cum divina essentia. — a, q. 12, a. 5, ad 2; 1. Sent. dist. 27, a. 2, a. 3, c.; 2. Sent. dist. 12, q. 1, a.; 1. Sent. dist. 36, q. 1, a. 3; 4. Sent. dist. 49, q. 2, a. 1, ad 5; Opusc. 13 et c. Gent. l. 1, c. 53; l. 3, c. 49; de Verit. q. 8, a. 1; q. 20, a. 2, c.

Postremo, quia ideo requiritur verbum omnem intellectuonem viatoris, quia intellectus viatoris intelligit indifferenterem præsentem et absentem, et absque his conditionibus materialibus et indi- duantibus; et quia cum intelligat intellectus loquendo sibi vel aliis, debet sibi vel aliis manifestare rem intellectam, quod sit per verbum; et quia intelligens debet uniri cum re intellecta, unitur autem per verbum. Verum hæ rationes non

urgent respectu visionis beatificæ, quia divina essentia est immaterialis, et mediante lumine gloriæ præsentissima est intellectui beati: — ut ipsa *sicut* fungitur officio speciei intelligibilis, atque adeo formæ intrinsecæ in esse repræsentativo et intelligibili; *ita* etiam fungatur officio verbi et conceptionis. Nam ex divina essentia et intellectu beati fit unum in intelligendo, quomodo ex re intellecta et intellectu viatoris mediante verbo fit unum in intelligendo. Cum autem nequeat conceptio creata repræsentare perfecte totam perfectionem divinæ essentiæ, necesse est ut talis conceptio sit ipsam et essentia divina seu divinum verbum. Et sic sufficienter intelligitur intellectus beati videre divinam essentiam per intuitum in illam, sine ulla expressione et formatione verbi. — Ceterum, licet beatus non formet per visionem beatificam unum verbum vel unum conceptum repræsentantem divinam essentiam, potest tamen formare diversos conceptus inadæquate repræsentantes divinam essentiam, sicut et diversa nomina imponit, quibus laudat ejus bonitatem, majestatem et cetera attributa, quia dum videt Deum, vel imprimuntur illi a verbo divino similitudines rerum, quas videt in verbo; vel certe ex ipsa visione divinæ essentiæ potest beatus formare in se similitudines rerum quæ in essentia divina videntur, quibus mediantibus formari possunt varii conceptus de illis. — Et sic manifestum est, quomodo omnis intellectio intellectus creati sit dictio, et consequenter productiva verbi, et quomodo non. — 1. Sent. dist. 27, q. 2, a. 1, c.; de Verit. q. 8, a. 1, c. et ad 7; a. 5, ad 5 et 6; 1. Sent. dist. 2, q. 1, a. 3, § Quantum ad quartum; dist. 27, q. 2, a. 1, c.; de Pot. q. 7, a. 6, c.; 1a, q. 12, a. 9, ad 2.

Ad primum ergo primæ partis dicendum, quod tam per actionem immanentem quam per transeuntem producitur aliquid; sed per transeuntem immutatur aliquid extrinsecum, cui per actionem infertur passio; per immanentem autem nihil extrinsecum immutatur, sed totum

in ipso agente agitur; et ideo per illam dicitur nihil produci, ad extra scilicet, sicut producitur per actionem transeuntem. — 1a, q. 27, a. 1, c.; q. 54, a. 2, c.

Ad secundum dicendum, quod beati non formant unum conceptum de Deo, quia impossibile est quod conceptio intellectus creati repræsentet totam perfectionem divinæ essentiæ, sed illis ipsa divina essentia est loco conceptus, sicut et ipsa divina essentia est loco speciei intelligibilis; vi tamen visionis beatificæ formant varios conceptus de iis, quæ vident in divina essentia, inadæquate illa repræsentantes, ut dictum est (in c.). — 1. *Sent.* dist. 2, q. 1, a. 3; *de Pot.* q. 7, a. 6; *de Verit.* q. 8, a. 5, ad 4; 1a, q. 12, a. 9, ad 2.

Ad tertium dicendum, quod omnis intellectio rei distinctæ a verbo est in via productiva verbi, atque adeo est dictio, ut dictum est (in c.); intellectio vero verbi, quatenus est res quædam, non est intellectio rei distinctæ a verbo, et ideo non est mirum, si non producat verbum, et non sit dictio. — *Opusc.* 44.

Ad quartum dicendum, quod in divinis intellectio, quæ una est, est productiva Verbi, non tamen ut est intellectio cuiuslibet divinæ personæ, sed solius Patris. — *Vel dic*, quod etiam intellectio essentialis Filii et Spiritus Sancti habet suum verbum, non tamen distinctum realiter ab intelligenti, sed tantum ratione. — 1a, q. 34, a. 1, ad 1; 1. *Sent.* dist. 27, q. 2, a. 1.

Vel dic cum sancto Doctore *de Verit.* q. 4, a. 2, ad 3.

Ad quintum dicendum, quod intellectus intelligendo se producit verbum sui, non tamen dicit se, quia non intelligit se per speciem sui, sicut intelligit alia per species aliorum, cum tantum reflexe se intelligat intelligendo species rerum. — *Opusc.* 44.

Ad primum in contrarium dicendum, quod de ratione intellectionis rei est productio verbi, non autem de ratione intel-

lectionis simpliciter, ut dictum est (in c. et ad 3). — Et sic patet *ad secundum*.

Ad tertium dicendum, quod intelligere importat solam habitudinem intelligenti ad rem intellectam, in qua nulla rati originis, et per consequens productionis importatur, sed solum informatio quædam in intellectu nostro, prout intellectus noster fit in actu per formam rei intellectæ; quæ respectu visionis beatificæ est divina essentia, habens rationem tui speciei intelligibilis tum verbi, ut dictum est; respectu vero intellectionis viator est verbum per illam formatum, quo mediante intelligitur res, cuius ipsum verbum est similitudo. — Ceterum informatio intellectus, in qua consistit ratio intellectionis, aliquando importat omnimoda identitatem; et hoc modo se habet Deo, in quo idem est intellectus et intellectum; — aliquando importat distinctionem et originem realem inter intellectum et conceptum ab illo formatum et hoc modo se habet in intellectu viatoris. — 1a, q. 34, a. 1, ad 3; 1. *Sent.* dist. 27, q. 2, a. 1, c.

ARTICULUS II

UTRUM INTELLECTIO SIT PRIOR NATURÆ DITIONE SUA PRODUCTIONE VERBI.

Videtur quod intellectio sit nota posterior productione verbi et dictionis.

1. quia intellectio terminatur ad rei non ut in se, sed ut in verbo; nam mediante verbo et in illo illam intelligit sed prius natura est id, in quo nipi cognoscitur, quam in eo cognoscatur illud: ergo prius natura est productio verbi seu dictio, quam intellectio. — *Opus. 14 de Natura Verbi*; 1. c. *Gest.* 53.

2. Praeterea, objectum proponitur rationi atque ideo intellectioni, ut dicit Philosophus 2. *de Anima*; sed verbum est objectum intellectus immediatum, et sit id, in quo intellectus res intelligit tamquam in imagine expressa et tan-

quam in speculo : ergo verbum prius natura existit et consequenter producitur, quam existat intellectio. — *Ibid.* et *Sent.* dist. 27, q. 2, a. 3 ; dist. 36, q. 1, a. 3 ; 2. *Sent.* dist. 42, q. 1, a. 3.

3. Præterea, de ratione rei intellectæ quæ adeo objecti intellectus, est ut sit præsens objective intellectui ; sed non tamen præsens nisi per verbum formatum : ergo cum objectum præcedat actionem potentiarum, ut dictum est, multo magis debet illam præcedere id, mediante quod est præsens potentiarum ; et sic prius natura producetur verbum, quam intellectus in se rem intelligat. — *c. Gent.* l. 1, c. 53; 4, c. 11; *de Pot.* q. 9, a. 5; *de Verit.* 4, a. 2.

Sed contra est : 1. quod productio verbi per intellectuionem ; non enim est verbum in nobis, nisi secundum quod intellectu intelligimus ; unde necessario præequirit intellectum in actu suo, qui est intelligere ; ergo intellectio est prior natura productione verbi, cum hæc sit effectus illius. — *de Verit.* q. 4, a. 1, ad 2; *Opusc.* 14.

2. Præterea, dictio supra intellectuionem addit aliquid aliud, puta rationem originis atque adeo habitudinem ad verbum conceptum ; sed id, cui fit additio, prius est eo, quod illi additur, et per consequens composito ex utroque ; nam compositum est posterius natura partibus componentibus : ergo intellectio est prior natura dictione. — 1a, q. 34, a. 1 ; 3, a. 7; 1. *c. Gent.* c. 18.

RESPONDEO DICENDUM, quod aliquo modo ei potest, quod intellectio natura præedit dictionem seu productionem verbi, aliquo modo illam sequitur. — Ad cuius evidentiam sciendum, quod quia res intelligibilis eo ipso intelligitur, quo intellectus formatur sua specie, prius natura intellectum informari quam intelligere, sed non tempore ; ideo videtur verbum, quod sequitur speciem rei, similiter sequi intelligere ejus. Hoc autem non est, si per speciem rei tenderet intellectus in ipsam rem ut in se, sicut visus

videt colorem extra se existentem, et tunc formaret verbum in sede (1) re prius intellecta. Sed quia intellectus accipiens speciem a re per sensus, non ducitur per ipsam in rem ut est in sui natura, sed ut in se est, quia ipse facit in se objectum quod est in eo intellectum ; objectum autem naturaliter prius est actione potentiarum circa objectum : ideo verbum, quod est intra ipsum intellectum, prius est ipso intelligere ad ipsum terminato. Aliud enim est hoc a quo accipitur species, scilicet res ipsa ; et aliud ad quod terminatur actio intellectus, scilicet similitudo rei formata ab intellectu.

Ex his autem manifestum est, quo modo attendatur prioritas unius eorum ad alterum. Prius enim natura est intellectus informatus specie, quæ est principium sufficiens intelligendi, quam gignatur verbum ; et ideo intelligere in radice est prius verbo, et verbum est terminus actionis intellectus (quamquam quia actio speciem sumit a suo principio, intellectus autem principium non solum est species intelligibilis, seu objectum mediante specie, sed etiam intellectus, quantum intelligere est actio intellectus, præcedit ipsum verbum, quod est terminus intellectuionis). Quoniam vero objectum non habetur nisi in verbo, ut dictum est, objectum autem prius est quam quælibet actio ad illud terminata, ideo verbum est prius quam intelligere. Et hoc totum ideo contingit, quia non terminatur actio intellectus ad rem extra, a qua acquirit speciem ut in se est. Si enim species nata esset ducere intellectum ad rem ut in se est, ut species coloris ducit in colorem, omnibus modis præcederet intelligere verbum. Unde manifestum est, quod verbum non est quod sequitur intellectum immediate post rationem intellectus ; sic enim simpliciter præcederet verbum actum intellectus, qui est intelligere ; sed verbum sequitur immediate intellectum in actu per speciem, a

(1) Al. omitt. « de ».

qua procedit verbum ut actus ex actu, et non ut actus ex potentia. Unde verbum est posterius actu intelligendi ex parte intellectus; et sic verbum sequitur ad intelligere, non in se, sed in sua radice; præcedit autem ipsum formaliter, quia per verbum et in verbo formato intellectus objectum, quod est extra, seu rem, cujus verbum est similitudo, intelligit. — *Opusc.* 44.

Et ex his patet *ad objecta* utriusque partis.

ARTICULUS III

UTRUM INTELLECTIO REALITER DISTINGUATUR A VERBO.

Videtur quod intellectio realiter non distinguitur a verbo.

1. Dicit enim Augustinus (9. *de Trin.* c. 40 et 41; — Migne t. 42, col. 969), quod verbum est notitia; sed notitia nihil aliud est quam intellectio: ergo intellectio non distinguitur realiter a verbo. — 1a, q. 34, a. 1, arg. 2.

2. Praeterea, verbum ponitur ut sit similitudo expressa objecti; sed hoc convenit intellectioni, ut dicit Augustinus 1*c.* *de Trin.* (c. 47; — Migne t. 42, col. 1054 sq.) et Anselmus in *Monolog.* (c. 33; — Migne 158, col. 487 et 488): ergo verbum non distinguitur realiter ab intellectione. — 1. *c. Gent.* c. 33.

3. Praeterea, verbum est quo intellectus intelligit; sed hoc ipsum convenit intellectioni, nam per intellectionem formaliter intellectus intelligit: ergo idem quod prius. — 1. *Sent.* dist. 27, q. 2, a. 1 et 2.

4. Praeterea, motus est idem realiter cum termino, ut dictum est ex Philosopho 3. *Phys.* (*tert.* 3 et 6; c. 4); et intellectio est quidam motus; est enim intelligere quoddam pati (3. *de Anima* *tert.* 12; c. 4); passio autem motus est, ut dicitur 3. *Phys.* (*tert.* 18, 19, 20; c. 3); ergo intelligere realiter idem est cum suo termino intrinseco, qui est ver-

bum. — V. supra in *Physica* q. 22, a. 1a, q. 79, a. 2, arg. *Sed contra*.

5. Praeterea, si verbum realiter distingueretur ab intellectione, posset habere verbo compleri; sed non potest compleri sine illo, propter quod verbum dicitur esse intrinsecum intellectioni: erit idem quod prius. — 1. *c. Gent.* c. 53.

Sed contra: 1. Dicit Philosophus 1 *Eth.* c. 3 (2), quod operationes virtutis et felicitas, quae est operatio intellectus non sunt qualitates, sed actiones; sed verbum est qualitas: ergo verbum distinguitur realiter ab intellectione. — 1. *Eth.* 1. 3.

2. Praeterea, verbum ideo ponitur, sit id, in quo tamquam in speculo imagine intelligitur objectum; sed simul et imago realiter distinguitur intellectione rei in speculo et imaginis ergo verbum distinguitur realiter ab intellectione. — 1. *c. Gent.* 1. 4, c. 33; 1. *c. 14*; *Opusc.* 14.

RESPONDENDO DICENDUM, quod intelligere in intelligendo ad quatuor potest habere ordinem: scilicet ad rem, quae intelliguntur; ad speciem intelligibilem, per quam intellectus in actu; ad suum intelligere; et ad conceptionem intellectus; quem postremum a reliquis tribus differt realiterque distinguitur: — a re quidem intellecta, quia res intellecta in actu est extra intellectum, conceptionem intellectus non est nisi in intellectu. Praeterea, conceptionis intellectus ordinatur ad rem intellectam sicut ad finem; propter hoc enim intellectus conceptionis rei in se format, ut rem intellectam cognoscat. — Distinguitur etiam a specie intelligibili, quia species intelligibilis permanet post intellectionem, non tenente verbo et intellectione. Praeter verbum mentis est id, quod verbo exteriori significatur, at verbum exterius significat speciem intelligibilem. Ita species intelligibilis est principium intellectionis et verbi per intellectionem producti, cum omne agens agat in quantum est actu; actu autem fit per aliquam

nam, quæ est principium actionis : nullum autem principium est idem realiter um suo principiato. — Differt demum ab intellectione : primo, quia verbum est terminus intellectionis, et quoddam constitutum per ipsam et effectus ipsius ; procedit enim ex notitia rei ; causa autem præsertim efficiens, ut est in propo-
rito, realiter distinguitur a suo effectu. Secundo, quia intellectio est realiter distincta a suo objecto, sicut visio a colore
et sensatio a sensibili ; verbum autem
mentis est primum objectum intellectus,
ut infra dicemus. Tertio, quia quoties-
unque actio non est conjuncta cum motu,
nihil aliud est actio quam relatio et habi-
tudo quædam ; sed intellectio non est
cum motu : ergo est tantum relatio
agentis ; sed verbum mentis non est re-
latio, sed est qualitas quædam et habitus
spiritualis : ergo dicendum est, quod ver-
bum mentis realiter distinguitur ab intel-
lectione. — 1a, q. 27, a. 1; q. 34, a. 1;
q. 40, a. 1; q. 41, a. 1, ad 2; q. 89, a. 4;
— c. Gent. l. 1, c. 53 (ubi v. Ferrariensis)
et 93; l. 2, c. 73 (ubi v. Ferrariensis);
l. 4, c. 11 et sqq.; — de Pot. q. 8, a. 1;
q. 9, a. 1 et 3; — de Verit. q. 4, a. 1;
— Quodl. 5, q. 5, ad 9; — Opusc. 13
et 14. — V. Capreolus in 1. Sent. dist.
27, q. 2; in 2. Sent. dist. 3, q. 2; in 4.
Sent. dist. 49, q. 5; — Aegidius Rom.
Quodl. 5, q. 9; — Hervæus, tract. de
Verbo q. 1, a. 3; — Durandus in 1. Sent.
dist. 12, q. 1.

Ad primum ergo dicendum, quod cum Augustinus dicit, quod verbum est notitia, non accipit notitiam pro actu intellectus, sed pro eo, quod intellectus concepit cognoscendo. Unde et alibi, ut 7. de Trin. c. 2 et 3 (Migne t. 42, col. 936 et sq.) dicit, quod verbum est sapientia ge-
nita, quæ nihil aliud est quam ipsa concep-
tio sapientis, quæ etiam pari modo
notitia genita dici potest. — 1a, q. 34,
a. 1, ad 2.

Ad secundum dicendum, eodem modo,
quod cum dicit Augustinus, quod intellectio est similitudo, sumit intellectionem

pro termino, seu pro eo quod producitur
per intellectionem. Ideo vero intellectio
non potest esse similitudo rei intellectæ,
quia intellectio est essentialiter respectus ; respectus autem de genere actionis
non potest esse similitudo rei absolutæ ;
nec potest esse repræsentativus nisi ra-
tione sui principii vel termini ; nam spe-
cies intelligibilis, quæ est principium
intellectionis, est similitudo impressa rei
intellectæ ; verbum vero, quod est termi-
nus intellectionis, est species expressa.

— V. Ferrariensis in 1. c. Gent. c. 53;
Capreolus in 4. Sent. dist. 49, q. 5; 1. c.
Gent. c. 93; de Verit. q. 8, a. 4.

Ad tertium dicendum, quod id, quo for-
maliter intellectus intelligit, est species
intelligibilis et intelligere ; at verbum
mentis est instrumentum, quo intellectus
intelligit ; et id, in quo intellectus intel-
ligit tamquam in speculo et in ima-
gine. — 1. Sent. dist. 27, q. 2, a. 2, c.;
Quodl. 5, a. 9, ad 1; Opusc. 13 et 14.

Ad quartum dicendum, quod intellectio
non est motus, qui est actus imper-
fecti, definitus a Philosopho 3. Phys., sed
est motus perfecti, qui est operatio, ut
dicitur 3. de Anima (text. 5; c. 4). — de
Verit. q. 4, a. 1, ad 1; de Pot. q. 10,
a. 1.

Ad quintum dicendum, quod verbum
dicitur intrinsecum intellectioni, quia
nequit intellectio terminari ad rem intel-
lectam, nisi mediante verbo ; et tam in-
tellectio quam verbum sunt in intellectu,
similque sunt, et simul desinunt ; nam
verbum in anima nequit esse sine actua-
li intellectione. — 1. c. Gent. c. 53.

ARTICULUS IV

UTRUM INTELLECTIO PRODUCATUR AB INTEL-
LECTU ET A SPECIE INTELLIGIBILI TAM-
QUAM A DUOBUS AGENTIBUS PARTIALIBUS,
AN VERO VEL A SOLO INTELLECTU VEL A
SOLA SPECIE.

Videtur quod intellectio producatur a

solo intellectu, tamquam a principio completo productivo.

1. Actio enim intellectus cum sit immanens, et non transiens in exteriorem materiam, ut dicitur 9. *Metaphys.* (*text.* 16; l. 8, c. 8), est in eo subjective, a quo est; sed actio intellectus est subjective in intellectu: ergo est productive a solo intellectu. — 1a, q. 105, a. 3, arg. 1; q. 85, a. 4, c.; q. 79, a. 2, c.

2. Præterea id, quod habet in se principium sufficiens sui motus, non moveretur ab alio, ac proinde non eget alio co-principio talis motus. Sed motus intellectus est ipsum intelligere ejus: sicut dicitur, quod intelligere vel sentire est motus quidam, secundum Philosophum in 3. *de Anima* (*text.* 28; c. 7); sufficiens autem principium intelligendi est lumen intelligibile inditum intellectui. Ergo respectu intellectionis non datur aliud principium præter intellectum. — 1a, q. 105, a. 3, arg. 2.

3. Præterea, actio intellectus est vitalis, atque adeo vita, ut dicit Philosophus (12. *Metaphys.* *text.* 39; l. 41, c. 7); et ideo principium illius est vitale. Sed species intelligibilis non est vita, cum nec sit de essentia agentis intellectualis, nec ejus potentia et proprietas, nec operatio, ut dictum est. Ergo actio intellectus non producitur a specie intelligibili. — *Tribula Aurea* voce « vita »; 1a, q. 18, a. 3, ad 4; *Opusc.* 14; *de Verit.* q. 8, a. 4.

4. Præterea, si species intelligibilis esset principium intellectionis, cum sit causa naturalis naturaliter ac necessario agens, illa posita in intellectu, necessario sequeretur intellectio rei representata per illam speciem; sed non semper intellectus intelligit res, quarum habet species intelligibiles: ergo intellectionis principium non est species intelligibilis.

5. Videtur quod sola species est causa efficiens intellectionis: quia cum causa efficiens et materialis non incident in idem numero, ut dicitur 2. *Phys.* (*text.* 70 et sqq.; c. 6), non potest idem esse causa efficiens et subjectum intellectio-

nis; sed intellectus est subjectum intellectionis: ergo non potest esse causa efficiens illius, sed hæc erit sola species. — Cfr. 1a 2æ, q. 74, a. 1, arg. 3.

Sed contra est, quod Philosophus intellectionis principium ponit et animam mediante intellectu, ut 2. *de Anima* *text.* 37 (c. 4) et objectum mediante specie, vel ab ipso producta, ut dicit 2. *de Anima* *text.* 59 et 60 (c. 5), vel ab intellectu agente, ut 3. *de Anima* *text.* 19 (c. 5); ergo species intelligibilis est comprincipium productivum intellectionis. — 2. *de Anima* l. 7 et 12; 1a, q. 85, a. 2, arg. *Sed contra*, et in c.; 3. *de Anima* l. 10.

RESPONDEO DICENDUM, quod intellectio producitur ab intellectu et a specie intelligibili tamquam a duobus principiis partialibus constituentibus unum integrum et completum. — Quod potest esse manifestum ex duobus. Et *primo* quidem ex determinatione et specificatione ipsius intellectionis; sicut enim in visione albi vel nigri non solum debet dari principium effectivum ipsius visionis ut visio est, cuius principium est ipsa potentia visualis, sed etiam ipsius visionis ut est albi et nigri, cuius principium est objectum mediante specie, ut dicit Philosophus 2. *de Anima* (*text.* 59; c. 5); ita non solum debet dari principium intellectionis ut intellectio est, cuius principium est potentia intellectiva, sed etiam intellectionis hujus vel illius objecti. Quod non potest esse aliud quam species intelligibilis. Ita enim se habet, ut dictum est (supra q. 94, a. 3, arg. 4), intellectus ad intelligibile sicut sensus ad sensibile, nisi quod sensibile immediate producit speciem sui in sensu, intelligibile vero non nisi mediante intellectu agente, ut dictum est. — 1a 2æ, q. 9, a. 1, c.

Secundo, ex natura virtutis intellectus; quia enim hæc est principium etiam in intelligenti in potentia, necessario præter illam dandum est aliud principium in actu; hoc autem est similitudo rei intellectus. Hinc enim est quod Deus duplenter dicitur mouere aliquem ad intelli-

gendum, nimirum dando virtutem ad intelligendum, vel naturalem vel superadditam, et imprimendo ei species intelligibiles, et utrumque tenendo et conservando in esse. (1a, q. 405, a. 4, c.) Præterea, quia licet intellectus possibilis sit potentia operativa, atque adeo activa actione immanente, quæ est perfectio ipsius agentis et operantis, ut patet ex Philosopho 3. de *Anima* (*text.* 28; c. 7), ut dictum est (supra q. 51, a. 9, et q. 61, a. un.); est tamen potentia passiva reducibilis ad actum ab intellectu agente, per impressionem speciei intelligibilis. Unde sit, ut quia nullum agens potest agere, nisi quatenus est actu per aliquam formam; sit autem actu intellectus possibilis per speciem illi impressam; propterea non possit intellectus intelligi esse principium completum intellectionis, nisi determinatus per talē formam, ita ut ex intellectu et tali forma fiat unum integrum principium. Et ita manifestum est, quod intellectio non producitur a solo intellectu neque a sola specie intelligibili, sed ab utroque, licet ab intellectu producatur tamquam a causa principali, cum ab illo dependeat quoad substantiam, et a specie quoad modum. — 1a, q. 79, a. 3; *Quæst. disp. de Anima* a. 4; *de Verit.* q. 8, a. 6; q. 9, a. 5.

Ad primum ergodicendum, quod intellectio recipitur in solo intellectu possibili, et non in specie: *tum* quia est actio vitalis immanens in agente intellectuali, atque adeo in principio elicitive vitali, ut dictum est (supra a. 1 et 2 hujus q.); *tum* quia intellectus possibilis est potentia passiva, quia in se recipit tam speciem intelligibilem quam ipsam intellectionem et verbum mentis per illam productum; intellectus enim, ut dictum est (supra a. 3 hujus q.), habet ordinem ad illa tria: quorum speciem intelligibilem recipit ab intellectu agente; verbum veritatis in se format, ut per illud res ad extra intelligat; intellectionem vero operatur immanenter in se et non extra se, licet illam eliciat non nisi constitutus in

actu per speciem intelligibilem. — Et ex hoc patet *ad tertium*.

Ad secundum dicendum, quod lumen intellectuale simul cuin specie intelligibili est sufficiens principium intelligendi, ut dictum est (supra in corp.).

Ad quartum dicendum, quod licet species intelligibilis sit principium intellectionis, et naturaliter agens, subditur tamen imperio voluntatis, praeterquam quod non est principium principale (hoc enim est intellectiva potentia, quæ utitur specie in intelligendo, secundum imperium voluntatis); et ideo species non semper causat intellectionem, licet ex se naturaliter agat ad illam. — 1a, q. 57, a. 4.

Ad quintum dicendum, quod ratio illa procedit in causis efficientibus, quarum actiones transeunt in materiam exteriorem, et quæ non movent se, sed alia; cuius contrarium est in intellectu et voluntate; unde ratio non sequitur. — 1a 2æ, q. 74, a. 1, ad 3.

ARTICULUS V

UTRUM INTELLECTUS SEMPER SIT IN ACTU SECUNDO.

Videtur quod intellectus semper sit in actu secundo.

1. Dicit enim Philosophus (3. de *Anima* *text.* 20; c. 5), quod intellectus non aliquando quidem intelligit, aliquando non; ergo semper intelligit. — 3. de *Anima* l. 10.

2. Præterea, intellectus sit in actu per hoc, quod formatur specie intelligibili; nam antequam illam recipiat, dicitur esse in potentia; sed intellectum esse in actu est ipsum intelligibile actu: ergo intellectus semper actu intelligit, saltem ea, quorum habet species. — 1a, q. 79, a. 6, arg. 3; q. 84, a. 7, a. 1.

3. Præterea, intellectus non est potentia libere agens sicut voluntas, sed naturaliter et necessario; sed posita causa naturali et sufficienti ponitur ejus effectus, et consequenter et ejus actio; ergo

intellectus semper est in actu secundo.

— *Tabula Aurea* voce « causa » n. 3.

4. Præterea, in anima semper est imago Trinitatis, cum sit ad imaginem Dei facta; sed non est imago Dei secundum potentias, quia hæc duæ tantum sunt: ergo erit imago Dei secundum actus; et sic semper erit intellectus in actu. — 1a, q. 93, a. 7.

5. Præterea, voluntas non potest cessare ab omni actu; sed actus voluntatis necessario supponit actum intellectus, quia movetur voluntas ab intellectu: ergo intellectus semper est in actu. — 1a 2æ, q. 71, a. 3; 2a 2æ, q. 79, a. 3.

Sed contra est: 1. quod Philosophus 3. de *Anima* (text. 16; c. 4) dicit, quod intellectus aliquando non intelligit. — 3. de *Anima* l. 9.

2. Præterea, tunc tantum intellectus possibilis actu intelligit, quando est perfecte in actu respectu specierum, quas habet; sed aliquando est imperfecte, puta modo medio inter puram potentiam et purum actum; quod est quando habitu-liter scit aliquid: ergo intellectus non semper intelligit. — *Tabula Aurea* voce « intellectus » n. 162; *de Verit.* q. 10, a. 2, ad 4; a. 3, arg. 3 *Sed contra*; 1a, q. 107, a. 1; q. 84, a. 7 et 8; q. 93, a. 7, ad 4.

RISPOBDO DICENDUM, quod intellectus non semper est in actu secundo. — Quod patet manifeste ex duobus: et primo quidem, quia ad hoc, ut intellectus intelligat actu, non solum accipiendo cognitionem et scientiam de novo, sed etiam utendo scientia jam acquisita, requiritur actus imaginativæ virtutis et reliquarum virtutum. Patet autem experientia, in homine aliquando has virtutes impediti per ligamentum sensus, ob maximam copiam evaporationum et fumo itatur resolutarum, ut contingit in dormientibus, ut dicitur in lib. *de Somno et Vigilia* c. 4 (3). Cum enim secundum dispositionem hujusmodi evaporationum contingat esse ligamentum sensus major vel minus, quandoque tantus est motus vaporum, ut non solum ligetur sensus, sed

etiam imaginatio, ita ut nulla appareant phantasmata; sicut præcipue accidit, cum aliquis incipit dormire post multum cibum et potum; et tunc non potest intellectus operari, quia quotiescumque operatur, necesse est ut appareant phantasmata ad quæ convertatur; vel per læsionem organi, ut contingit in phreneticis et letargicis, in quibus, quia impeditur actus virtutis imaginativæ per læsionem organi, ut in prioribus, et actus virtutis memorativæ, ut in posterioribus, impediuntur ab intelligendo in actu etiam ea, quorum cognitionem præaceperunt, atque adeo quorum species intelligibiles in intellectu habent. — *de Verit.* p. 40, a. 2, ad 7; 1a, q. 84, a. 7.

Secundo patet, quia tam actus rationis quam sensitivæ interioris subest imperio rationis atque adeo motioni voluntatis. Intellectus enim cum intelligit, utitur haec vel illa specie per imperium voluntatis, ut dictum est; et actus imaginativæ subjicitur imperio rationis et voluntatis; potest autem voluntas cessare ab omni actu, ita ut aliquando nihil omnino velit, *tum quia* actus voluntatis est ex eo genere naturalium, quae consequuntur materiam, quæ non semper insunt, ut dictum est in Logica (l. 37, a. 3, ad 2); *tum quia* cum sit libera, nec non aliquid faciendum vel non faciendum determinetur, potest hoc modo prætermittre aliquid, quod ejus contrarium non velit, nec de ejus contrario cogitet, ne etiam de aliquo alio, quod sit per se impedimentum ejus, quod facere tenetur. Neque est necesse quod cogitet de aliquo, quod sit per accidens impedimentum, put qui est causa, eur deinde voluntas omittit actu. Nam aliquando ista causa è naturalis et non subjecta imperio voluntatis, ut quando quis propter infirmitatem prætermittit ire ad ecclesiam; et tunc non est necesse voluntatem aliquem actu exercere circa i-tam causam. Præterea, quia antequam voluntas aliquis velit vel non velit, ratione proprie voluntatis, utrumque potest illi esse voluntate-

rium et non volitum, puta tam actus quam omissio actus. Dicitur autem actus voluntatis voluntarius, non quia super illum cadet actus voluntatis, sed quia est in potestate voluntatis, ut fiat vel non fiat, ut dicitur 3. *Eth.* c. 5 (7); ergo similiter et omissio actus seu non velle dicitur voluntarium, quia est in potestate voluntis non velle, sicut et velle. Unde relinquitur quod poterit voluntas aliquando esse sine ullo actu, et per consequens et intellectus. — *de Verit.* q. 0, a. 2, ad 4; a. 3 arg. 2 *Sed contra*; p. 25, a. 4; 1a 2æ, q. 17, a. 6; q. 71, a. 5, in c. et ad 2; 2a 2æ, q. 79, a. 3, arg. 1 et ad 4; 2. *Sent.* dist. 35, q. 1, a. 3, in c. et ad 5.

Et ex his patet *ad quintum*.

Ad primum ergo dicendum, quod Philosophus loquitur de intellectu in actu, qui consistit in ipso intelligere, non auctem de intellectu possibili absolute sumpto, vel de intellectu in habitu. — 3. *de Anima* l. 10, et ll. citand. in responso ad sequens argum.

Ad secundum dicendum, quod species conservatae intellectu possibili in eo existunt habitualiter, quando actu non intelligit. Unde ad hoc quod intellectus actu intelligat, non sufficit ipsa conservatio pecierum, sed oportet quod eis utatur secundum quod convenit rebus, quarum habet species, quæ sunt naturæ in particularibus existentes. — 1a, q. 79, a. 6, 13; q. 84, a. 7, ad 1.

Ad tertium dicendum, quod actus intellectus quoad exercitum subditur imperio voluntatis, ratione vero objecti aliquando subditur imperio naturæ, ut in his, quæ convincunt intellectum; aliquando vero subditur imperio voluntatis, ut in his, quæ non adeo convincunt intellectum, quin possit assentire vel dissentire vel altem assensum vel dissensum suspendere propter aliquam causam. In talibus enim assensus ipse vel dissensus in potestate nostra est, et sub imperio voluntatis cadit. — *Tabula Aurea* voce « intellectus » n. 222 et 229.

Ad quartum dicendum, quod imago Trinitatis semper est in anima ratione potentiarum; intellectus enim et memoria saltem ratione distinguuntur per ordinem ad diversa, non autem ratione actuum. — 1a, q. 93, a. 7.

QUÆSTIO XCVII

DE TERMINO INTRINSECO INTELLECTIONIS SEU DE VERBO MENTIS.

Deinde considerandum est de termino intrinseco intellectionis seu de verbo mentis.

CIRCA QUOD QUÆRUNTUR DUO:

1. Utrum sit necessarium ponere verbum mentis.
2. Utrum verbum mentis sit medium quo, an vero in quo, atque adeo tamquam imago, in quo intellectus res ad extra intelligat.

ARTICULUS I

UTRUM SIT NECESSARIUM PONERE VERBUM MENTIS.

Videtur quod non sit necessarium verbum mentis in intellectu ultra speciem intelligibilem a phantasmatis abstractam.

1. Omnis enim qualitas vel accidentis causatur in aliquo subjecto, in quantum est alicujus receptivum; sed agens ex hoc quod agit non recipit aliquid, sed magis ex se emittit: ergo non potest intellectus per suam actionem in se producere ullam qualitatem, atque adeo verbum. — 1a 2æ, q. 51, a. 2, arg. 1.

2. Præterea illud, in quo causatur aliqua qualitas, movetur ad illam qualitatem, ut patet in re calefacta vel infrigidata; et ideo si intellectus per intellectionem in se producit verbum, debet ad ipsum moveri; sed quod producit per suum actum aliquam qualitatem, movet, ut patet in

calefaciente et infrigidante : ergo si intellectus per suum actum producit verbum idem intellectus erit movens et motum, agens et patiens ; quod est impossibile. — *Ibid.* arg. 2.

3. Præterea, effectus non potest esse nobilior sua causa; sed verbum mentis est nobilius et perfectius specie intelligibili; nam hæc est similitudo impressa et habitualis, illud vero est actualis et expressa : ergo non potest intellectus per speciem intelligibilem verbum producere ; et per consequens nec dabitur, nam se solo intellectus non potest illud producere, quia idem in quantum idem semper natum producere idem ; at verba ponuntur multiplicia et diversa, ut patet : ergo. — *Ibid.* arg. 3; c. *Gent.* I. 1, c. 53; I. 4, c. 41.

4. Præterea, formæ que sunt ejusdem generis propinqui, quanto sunt perfectiores, tanto sunt magis activæ; sed species intelligibilis et verbum, si sit forma ejusdem rei representativa, eujus est species, sunt ejusdem generis; nulla enim ratio est, nec ex parte subjecti nec objecti nec officii, quod sint diversi generis : quia utraque est in eodem subjecto, et habet idem objectum representare ; ergo illa, que est perfectior, erit magis activa. Sed verbum est perfectior forma quam species intelligibilis : ergo si species intelligibilis simul cum intellectu possibili es sufficiens productivum verbi, multo magis verbum simul cum intellectu possibili erit sufficiens productivum alterius verbi ; et sic dabitur processus in infinitum, quod est inconveniens. Ergo non datur verbum mentis. — V. Capitulo in I. *Sent.* dist. 27, q. 2, et dist. 35, q. 1.

5. Præterea, si verbum est necessarium, vel *primo*, ut sit terminus intellectionis; et hoc non, tum quia terminus cuiuslibet intellectionis est ejus objectum, objectum autem intellectus est res, non verbum et conceptus ; tum quia alioquin scientia esset de conceptibus et non de rebus ; tum qui verbum non nisi reflexo

cognoscitur, res autem directe cognoscitur ab intellectu ; — *vel secundo*, ut uniat objectum intellectui, quippe qui indifferentem cognoscit præsens et absens; et hoc non quia hoc sufficienter facit species intelligibilis prævia intellectioni ; — *vel tertio* ut sit imago, in qua intellectus respicia suum objectum ; et hoc non, quia perfectius cognoscit intellectus quam sensus sensus autem non cognoscit sensibile in aliqua imagine, sed in se ; — *vel demum* quia objectum intellectus debet esse determinatum a conditionibus individuantibus atque a deo universale; hoc autem nihil aliud est quam ipsum verbum, ut dictum est (in Logica q. 2, a. 1); et hoc non, quia intellectus intelligit se ipsum qui est singularis ; et cum sit virtus superior ipso sensu, debet posse quidquid ill potest ; cognoscit autem sensus singulare ut patet : ergo. — Ia, q. 85, a. 2; c. *Gent.* I. 1, c. 53; I. 4, c. 41; Ia, q. 86, a. 1, arg. 3 et 4; *de Verit.* q. 10 a. 5.

Sed contra est, quod secundum Philosophum (I. *Periherm.* c. 1) « ea que sunt in voce, sunt signa eorum que sunt in anima passionum »; sed non sunt signa intellectionis vel speciei intelligibilis, ut dictum est (in Logica q. 2, a. 1) : ergo sunt signa verbi mentalis formati ab intellectu. — *Opusc.* 43 et 14 de *Pot.* q. 8, a. 1; Ia, q. 27, a. 1.

RESpondeo dicendum, quod necesse est dicere ponendum esse verbum per actu intellectus seu per intellectionem formam. — Quod potest esse manifestum multis. Et *primo* quidem ex natura actionis. Sicut enim per actionem ad extr intelligimus procedere aliquid ad exteriori et per actionem que innat in ips agente, intelligere debemus aliquid intra procedere. Cum ergo intellectio actione intellectus in intelligenti momente debet quiunque intelligit, eo ipso quod intelligit, producere aliquid in se; loquuntur est conceptus rei intellectus ex intellectiva proveniens, et ex ejus nomine procedens, qui alio nomine dicitur va-

bum mentis vel cordis, quod verbo vocis significatur. (1a, q. 27, a. 1, in c.; *de Pot.* q. 10, a. 1.) *Secundo*, ex differentia inter intelligere et dicere. Nam *intelligere* importat solam habitudinem intelligentis ad rem intellectam, in qua nulla ratio originis importatur; sed *dicere* importat principaliter habitudinem ad verbum conceptum: nihil enim aliud est dicere quam proferre verbum; et mediante verbo importat habitudinem ad rem intellectam, quæ verbo prolatu manifestatur. Sicut ergo datur actus intellectus, qui est dictio, ita necesse est dari terminum hujus operationis, qui dicitur verbum. (1a, q. 34, a. 1, c. et ad 3.) *Tertio*, ex differentia inter intelligere divinum et humanum. Quia enim in nobis dicere non solum significat intelligere, sed intelligere cum hoc, quod est ex se exprimere aliquam conceptionem, et sine tali expressione conceptus intelligere non possumus; ideo omne intelligere in nobis proprie loquendo est *dicere*. Sed Deus potest intelligere sine hoc, quod aliquid ex ipso procedat secundum rem, quia in eo idem est intelligens et intellectum et intelligere, quod in nobis non accidit. Sicut ergo in nobis necesse est omne intelligere esse dicere, ita necesse est dari verbum, ad quod terminatur ipsum dicere. (*de Verit.* q. 4, a. 2, ad 5.) *Quarto*, ex præstantialitate objecti. Cum enim objectum debeat esse præsens potentiae, et intellectus indifferenter intelligat rem præsentem et absentem, in quo cum imaginatione convenit, sicut necesse est quod imaginatio formet quandam imaginem, in quam tamquam in primum objectum inspiciat, et per quam tendat in rem imaginatam, ita ut eodem motu tendat in imaginem ut imago est, et in rem imaginatam; — ita necesse est quod per intellectionem formetur quædam intentio et conceptus, in quam immediate feratur intellectus tamquam in immediatum et primum objectum, et eodem actu tendat in rem per talem conceptum repræsentam, sive illa sit præsens sive absens. (1.

c. *Gent.* c. 53; 1. *Sent.* dist. 36, q. 1, a. 3; 2. *Sent.* dist. 12, q. 1, a. 3; 1. *Sent.* dist. 27, q. 2, a. 3, c.) *Quinto*, ex conditione objecti intellectus. Sicut enim objectum sensus est res materialis et singularis, ut objectum proportionetur virtuti, quæ materialis est; ita et objectum intellectus, quæ est potentia immaterialis, debet esse denudatum a conditionibus materialibus et individuantibus, sine quibus in rerum natura non existit. Hoc autem esse non potest, nisi intellectus per suum actum formet verbum, quod repræsentat rem sine conditionibus materialibus et individuantibus. Et est forma quidem singularis, quatenus est recepta in intellectu tamquam accidens in subiecto; sed est universalis in repræsentando. Et quia est ratio cognoscendi rem, quam repræsentat, eodem actu intellectus fertur in ipsum et in rem, quæ per verbum repræsentatur. Unde manifestum est necessario ponendum esse verbum per actum intellectus formatum. — 1a, q. 76, a. 2, ad 3; *de Spirit. Creat.* a. 9, ad 6 et 15.

Ad primum ergo dicendum, quod agens in quantum agens non recipit aliquid, sed in quantum agit motum ab alio, sic recipit aliquid a movente. Intellectus autem movetur ab objecto, mediante specie intelligibili ab intellectu agente producta. — 1a 2æ, q. 51, a. 2, ad 1; 1a, q. 79, a. 3.

Ad secundum dicendum, quod idem secundum idem non potest esse agens et patiens; potest autem secundum diversa. Intellectus autem dicitur pati secundum suam entitatem puram; dicitur autem agere, ut est constitutus in actu per formam, ut dictum est (q. præced. a. 4, ad 4). — 1a 2æ, q. 51, a. 2, ad 2.

Ad tertium dicendum, quod verbum non procedit a specie intelligibili tamquam a causa principali, sed tamquam a minus principali; principalis enim causa est intellectus, qui in intelligendo utitur speciebus, per imperium voluntatis. — 1a, q. 57, a. 4; q. 107, a. 1; *de Malo* q. 16,

a. 8; v. Capreolum in 1. *Sent.* dist. 35, q. 4.

Ad quartum dicendum, quod licet verbum et species intelligibilis sint ejusdem generis, quamvis differant specie in esse naturali, sicut et color et species coloris; habet tamen verbum esse debiliter et intentionalius quam species intelligibilis actui prævia, cum non remaneat, nisi quamdiu remanet actus intelligendi; et ideo non oportet quod sit principium ulterioris intellectionis, sicut species. — V. Capreolum in 1. *Sent.* dist. 27, q. 2; dist. 35, q. 4.

Ad quintum dicendum, quod verbum est necessarium: *primo*, ut sit terminus intrinsecus intellectionis, per quem constituitur formaliter et actualiter objectum præsens intellectui et ejus actui, ut dictum est (in c.). Dicitur autem res quæ intelligitur objectum intellectus, non autem conceptus aut verbum, sicut et scientia dicitur esse de rebus, non de conceptibus, quia conceptus ordinatur ad res sicut ad finem, ut dictum est (in Logica q. 2, a. 1, ad 4). Propterea vero dicitur verbum non nisi reflexe cognosci, quia duplicitate potest verbum considerari: uno modo formaliter et ut est imago, et sic est objectum primum intellectionis directæ; alio modo materialiter, quatenus est qualitas quædam, et sic est objectum intellectionis reflexæ. *Secundo* requiritur verbum, ut actu uniat objectum intellectioni et intellectui; ut enim dictum est (q. præced. a. 1, in c., et in Logica q. 2, a. 1), debet res intellecta esse in intellectu actu intelligenti; non est autem alio modo quam per verbum. *Tertio* requiritur verbum ut imago et medium, in quo intellectus intelligit res; in hoc enim distinguitur intellectus a sensu, quod, quia objectum sensus est extra, non est necesse ut formetur idolum, in quo sensus res sensibiles intueatur; intellectus autem objectum, quia est intra ipsum, cum indifferenter intelligat res absentes et præsentes, necesse est ut intellectus formet verbum, in quo res intellecta sit objective, et per illud

tamquam per imaginem intellectus deveiat in cognitionem rerum. *Quarto* requiritur verbum, ut constituatur objectum proportionatum virtuti intellectivæ, cuiusmodi non est singulare materiale; — dico *materiale*, quia singulare non repugnat intelligenti, quatenus est singulare, sed in quantum est materiale; et ideo si aliquid sit immateriale et singulare, sicut intellectus, hoc non repugnat intelligenti. Virtus autem superior potest quidem illud, quod virtus inferior, sed eminenti modo. Unde id quod cognoscit sensus materialiter et concrete, quod est cognoscere singulare directe, hoc cognoscit intellectus immaterialiter et abstracte, quod est cognoscere universale. — 1. *Sent.* dist. 36, q. 4, a. 3; dist. 27, q. 2, a. 3, c. — Cfr. Cajetanus in 1am, q. 27, a. 1; Capreolus in 1. *Sent.* dist. 35, q. 2, a. 1; Ferrariensis in 1. c. *Gent.* c 53; Hervæus, tract. *de Verbo* q. 1, a. 3 — 1a, q. 86, a. 1, ad 3 et 4; q. 87, a. 1 ad 3; 4. *Sent.* dist. 49, q. 2, a. 1, ad 15 *de Verit.* q. 20, a. 2; expos. super Joannem cap. 1, lect. 4.

ARTICULUS II

UTRUM VERBUM SIT TANTUM MEDIUM QUO INTELLIGENDI, AN VERO ETIAM MEDIUM IN QUO, PER MODUM IMAGINIS ET SPECULI.

Videtur quod verbum sit tantum *medium quo* intelligendi, et non *medium in quo* et tamquam imago.

1. Ita enim se habet intellectus ad intelligibilia, sicut sensus ad sensibilia; oritur enim intellectiva cognitio a sensu; se sensus non habet aliud medium, quam quo: ergo nec intellectus; et sic verbum non erit medium in quo. — 1a, q. 79, c 3, ad 1; 1. *Sent.* dist. 35, q. 1, a. 2 dist. 27, q. 2, a. 1; 1a, q. 83, a. 2.

2. Præterea, intellectus experitur vere judicat in suo intuitu omne illum quod ejus intuitum terminat; sed manifestum est, quod intelligens rosam non experitur nec judicat in suo intuitu du-

terminos, sed tantum unum, puta resam, quæ est ad extra: ergo impossibile est quod primum intellectum sit verbum, et consequenter quod sit medium in quo. — Arg. 4 Aureoli contra primam conclus apud Capreolum 1. *Sent.* dist. 27, q. 2, a. 2.

3. Præterea, verbum non potest habere in intellectu rationem speculi et imaginis propter tria: *primum*, quia illud, quod est primo cognitum et ratio cognoscendi alterum, videtur esse magis cognitum, vel saltem non minus, quam illud, quod repræsentatur et cognoscitur per ipsum, ut patet in exemplo speculi et imaginis. Sed verbum non est magis cognitum quam res principaliter intellecta, imo est totaliter ignoratum, quia omnes experimur nos cognoscere rem, quæ est principale objectum, puta hominem esse animal rationale, quæ dicitur esse cognita per verbum; sed quod in nobis sit aliqua forma per quam et in qua, sicut in imagine, cognoscamus hominem esse animal, nullus experitur, imo de hoc dubitamus, et quærimus, nec unquam clare invenimus. — *Secundum* est, quia nos experimur, quod intellectus noster nec se nec suos actus aut habitus aut species, si quas habeat, nec aliqua alia, si quæ ponuntur in illo subjective, potest cognoscere nisi actu reflexo: si ergo verbum est aliqua forma exemplaris existens subjective in intellectu, non potest cognosci per actum rectum; cuius tamen oppositum ponitur ab asserentibus verbum esse medium in quo. — *Tertium* est, quia in voluntate non est aliqua forma, quæ sit primo dilecta et ratio diligendi alterum; ergo nec in intellectu est aliqua forma, quæ sit primo intellecta et ratio intelligendi alterum; ergo verbum non est forma exemplaris et imago subjective existens in intellectu; sed si verbum ponitur esse medium in quo, necessario debet esse hujusmodi forma: ergo verbum non est medium in quo. — Arg. Durandi et Petri Palud. apud Capreolum in 1. *Sent.* d. 27, q. 2, a. 2, arg. 9 contra primam concl. (edit. Venet. 1589 pag. 394 b.).

4. Præterea, nullum objectum prius cognitum potest esse medium cognoscendi aliud quidditativo et proprio conceptu, si in se non contineat totam rationem illius, et nisi sit omnino ejusdem rationis cum eo; nam si diversum est, non potest deducere in cognitionem illius; sed verbum mentis est omnino rationis et naturæ diversæ a re intellecta: ergo non potest verbum mentis esse medium in quo. — Arg. Scoti.

5. Præterea, si verbum mentis est medium in quo, necessario erit id, quod intelligitur ab intellectu. Sed hoc manifeste apparet falsum ex duobus: *primo* quidem, quia eadem sunt, quæ intelligimus, et de quibus sunt scientiæ, at scientia est de rebus, non de conceptibus; — *secundo*, quia sequeretur error antiquorum dicentium omne quod videtur, esse verum; et similiter, quod contradictoriæ essent simul veræ. Ergo dicendum est, quod verbum mentis non se habet ad intellectum ut medium in quo, sed tantum ut medium quo. — 1a, q. 85, a. 2, in c.

6. Præterea, ipsum intelligere non specificatur a verbo, sed ab objecto; sed specificatur a re intellecta: ergo verbum mentis neque est objectum neque res intellecta; et per consequens verbum non est medium in quo. — 1a, q. 14, a. 5, arg. 3.

7. Præterea, quale est unumquodque, talia operatur; sed per hoc, quod species intelligibilis, quæ est forma intellectus et intelligendi principium, est similitudo rei exterioris, sequitur quod intellectus intentionem formet illi rei similem; et ex hoc, quod intentio intellecta est similis alicui rei, sequitur quod intellectus formando hujusmodi intentionem, rem illam intelligat. Sed species intelligibilis est tantum medium quo intelligendi; ergo et verbum, quod est intentio intellecta, erit tantum medium quo, et non in quo. — 1. c. *Gent.* c. 53.

Sed contra est.: 1. quod illud, quo cognoscimus sicut *instrumento*, oportet nobis esse primo notum; sic enim cognosci-

mus conclusionem per principia naturaliter cognita, ad quæ naturaliter comparatur intellectus sicut ad instrumenta, ut dicit Commentator 3. de *Anima*; illud vero, quo cognoscimus sicut *forma cognoscens*, non oportet esse primo notum, quia nec oculus videt lucem, quæ est de compositione oculi; nec speciem sensibilem, per quam videt. Sed species intelligibilis est forma, qua intellectus intelligit; verbum vero mentis est instrumentum ab intellectu fabricatum, quo intelligit; ergo verbum mentis est medium *in quo*. — *Quodl.* 5, a. 9, ad 1; *Quodl.* 10, a. 7, ad 2.

2. Præterea, hoc distinguitur verbum a specie intelligibili, quod licet utrumque sit similitudo rei intellectæ, species tamen est *principium* intelligibilis operationis, verbum autem est *terminus* illius; sed terminus intelligibilis operationis, sicut et cujuscunque actionis, est ejus objectum: ergo verbum est objectum intellectionis, et consequenter non tantum est medium *quo*, sed etiam *in quo* cognito aliud cognoscitur. — *Quodl.* 5, a. 9, in e.; *Quodl.* 10, a. 7; 1. *Sent. dist.* 17, q. 1, a. 5, ad 3 *.

3. Præterea, verbum mentis dicitur *intentio intellectu*; sed quod est medium quo intelligendi tantum, non est quid intellectum: ergo verbum mentis non est medium quo tantum, sed etiam medium *in quo*. — c. *Gent.* 1, 1, c. 53; 1, 4, c. 41.

RESPONDO DICENDUM, quod necesse est dicere, quod verbum mentis est *medium in quo*, et *imago* quæ visa deducit in cognitionem rei per illam representatæ. Cujus ratio est, quia de ratione medii *in quo* cognoscendi, seu imaginis, est ut sit *primo cognitum et ratio cognoscendi aliud*:

* a. *Vetus* particularis non potest cognoscere nisi illud, cuius species spiritu dicitur in pupilla potest recipi; et ideo visus non potest comprehendere suum actum. — Unde si oppositum dicit 1. *Sent. dist.* 35, q. 1, 1, 2, in e., gratia exempli id dicitur, ut bene notat Capreolus in 1. *Sent. dist.* 35, q. 2, a. 1, conclus. 6.

utrumque autem competit verbo mentis.

Et *primum* quidem multiplicitate apparet: et *primo*, quia verbum est immediatus et primus terminus intellectionis; terminus autem immediatus intellectionis, sicut et cuiuslibet actionis, est ejus objectum immediatum. *Secundo*, quia esse verbi est ipsum intelligi; implicat autem id, cuius esse est intelligi, non terminare passive intellectionem, atque adeo intelligi ut quod. *Tertio*, quia verbum intelligentis hominem est homo intellectus; immediatum autem objectum intellectus intelligentis hominem est homo intellectus; nam per hunc devenit in cognitionem hominis simpliciter. *Quarto*, quia illud, quod est primo et per se intellectum, non est res illa, cuius notitia per intellectum habetur, cum illa quandoque sit intellecta in potentia tantum, et sit extra intelligentem, et sic aliquando absens, sicut cum homo intelligit res materiales, puta lapidem, animal et similia, et aliquid absens; cum tamen oporteat quod intellectum sit in intelligenti, et unum cum ipso. — Neque etiam primo intellectum est similitudo rei intellectæ, per quam informatur intellectus ad intelligendum; intellectus enim non potest intelligere, nisi secundum quod fit actu per hanc similitudinem; sicut nihil aliud potest operari secundum quod est in potentia, sed secundum quod fit actu per aliquam formam; unde haec similitudo se habet in intelligendo sicut intelligendi *principium*, non sicut *terminus*. — Hoc ergo erit primo et per se objectum, quod intellectus in se ipso format et concepit de re intellecta, quod dicitur verbum. *Quinto*, quia, ut dictum est, objectum primum intellectus debet esse intra ipsum, sicut objectum sensus est extra, et debet esse proportionatum virtuti intelligendi; hoc autem solo verbo convenient, ut dictum est (art. præced.).

Quod vero verbum mentis sit *ratio cognoscendi res vel extra*, probatur: tum quia, ut dictum est, ratio cognoscendi

st forma rei in quantum cognita, quia er eam sit actu cognita; sit autem res etu cognita per verbum; — *tum quia* niversale est ratio cognoscendi et faciendi ea, quæ sunt a parte rei; ad hoc enim inventæ sunt artes et scientiæ, ut es in suis naturis universalibus cognoscerentur; et per consequens eatenus intellectus res extra animam existentes cognosceret, quatenus cognosceret universalia. Est autem verbum mentis tale universale, ut supra ostensum est. Cum enim verbum sit una similitudo omnium ab intellectu formata uniformiter inducens in eorum cognitionem ob sui abstractio- em a conditionibus individualibus, vere est quid universale; quod enim est tale, est ratio cognoscendi illa quæ in eo videntur et repræsentantur, sicut universale est ratio cognoscendi particularia in eo contenta. Quamvis enim verbum mentis, si consideretur secundum quod est similitudo plurium ad invicem similiūm, nihil illi tribui possit, nisi quod in rebus convenitur; si tamen consideretur secundum quod est ens quoddam in intellectu, de illo potest dici, quod sit intelligibile et universale. (2. Sent. dist. 12, q. 1, a. 3, ad 5; et supra in Logica q. 2, art. 3, 1.) — Unde manifestum est, quod verbum est medium in quo intelligendi, et non me- dium quo tantum. — 1. Sent. dist. 27, q. 1, a. 3; dist. 36, q. 1, a. 3; 2. Sent. dist. 2, q. 1, a. 3, ad 5; 4. Sent. dist. 49, q. 1, a. 3, ad 15; 1a, q. 85, a. 2; q. 87, a. 3; q. 14, a. 2; c. Gent. l. 1, c. 53, l. 2, q. 75; l. 4, c. 41; de Verit. q. 3, a. 2; q. 20, a. 2; de Pot. q. 9, a. 5; lect. 1 super ap. 1 Joannis; Opusc. 13 et 14.

Ad primum ergo dicendum, quod cognitio sensus perficitur per solam immutationem sensus a sensibili; nam per formam, quæ illi a sensibili imprimitur, sentit; non autem ipse sensus exterior format sibi aliquam formam, quomodo illam format imaginatio consimilem verbo mentis ab intellectu fabricato. — Quodl. 6, a. 9, ad 1 et 2; 1a, q. 85, a. 2, ad 3.

Ad secundum dicendum, quod quia conceptus, seu verbum ut *imago rei*, est ratio cognoscendi, facit unum cognitum cum re, quæ cognoscitur, sicut materia et forma sunt unum in esse; ideo quando intellectus per verbum intelligit rem, non judicat esse duo intellecta, sed unum, ut dictum est; secus autem esset, si intellectus intelligerer verbum ut *res quædam* est. — 3. Sent. dist. 14, q. 1, a. 1, quæstiunc. 4, in sol. — V. Capreolum in 1. Sent. dist. 27, q. 2, a. 2, ad 4 Aureoli; cf. in 1. Sent. dist. 35, q. 1.

Ad tertium dicendum, quod vere verbum habet rationem imaginis et medii in quo. Et *ad primam probationem* dicendum, quod *sicut* non experior, dum video albedinem, quod actus meus feratur in duo, puta in colorem et coloratum; imo non experior quod feratur in colorem, sed in coloratum, nisi per ratiocinationem, qua distinguo inter visibile et rationem visibilis; *ita* quia verbum mentis est ratio intelligibilitatis rei exterioris, est prius cognitum quam res extra; non tamen est ita manifestum. — *Ad secundam probationem* dicendum, quod antecedens est falsum. Nec probatio ejus valet. Licet enim species aut actus aut habitus intellectus non cognoscatur nisi reflexe; secus tamen est de verbo, quia illud est terminus intellectionis, non autem actus nec alia numerata. Nec oportet, si intellectus directe intuetur verbum, quod est subjective in ipso, quod ideo intueratur se ipsum directe, quantum ad suum quod quid est; nam intellectus possibilis in quantum hujusmodi pro isto statu non est intelligibilis in actu, nisi illo modo, quo intelligit alia. Et illo modo concedo, quod in omni intellectione intellectus intelligit se; nam dum intelligit lapidem, ipse est lapis in esse intelligibili; et ideo intelligit se eadem intellectione, qua intelligit lapidem, non tamen in quantum intellectus, sicut nec quicunque videt lignum ut pictum, videt lignum ut lignum. — *Ad tertiam probationem* dicendum, quod similitudo inter intellectum et voluntatem

non valet, quia voluntas non est potentia conceptiva sicut intellectus; nec requirit speciem prævia[m] actui sicut intellectus; nec terminatur ad rem illo modo, quo intellectus; nam objectum intellectus est res ut in intellectu, objectum vero voluntatis est res ut in se est. Conceditur tamen, quod sicut intellectus per actum suum gignit conceptionem, ita voluntas per actum suum emittit quandam impressionem amati in amante. — V. Capitulum 1. *Sent.* dist. 27, q. 2, a. 2, ad arg. 9 Durandi et Petri Palud. contra conclus. 1 (edit. Venet. 1589 pag. 399 b).

Ad quartum dicendum, quod verbum mentis est ejusdem rationis cum intellectu in esse intelligibili, non autem in esse naturali et reali. Et cum sit imago intelligibiliter repræsentans plura, ut dictum est, intelligibiliter illa in se continet.

Ad quintum dicendum, quod verbum mentis est objectum primum, ut dictum est; quomodo vero scientia sit de verbo, et de re manifestata per verbum, dictum est. Ex eo autem, quod verbum est medium in quo, sequeretur error antiquorum, si tantum intellectus judicium ferret de *ipso*, non autem de re manifestata per verbum. — 3. *Sent.* dist. 14, q. 1, a. 1, quæstiunc. 4; 1a, q. 83, a. 2; cf. etiam II. ec. in corp. hujus art.

Ad sextum dicendum, quod intelligere specificatur a re et non a verbo, quia verbum ordinatur ad rem tanquam ad finem, ut dictum est (in Logica q. 2, a. 1, ad 4).

Ad septimum dicendum, quod similitudo inter speciem intelligibilem et verbum tantum consistit in hoc, quod utrumque est similitudo repræsentans rem ad extra, non autem in activitate vel in ratione medii. — 1. c. *Gent.* c. 53.

QUÆSTIO XCVIII

DE OBJECTO INTELLECTUS.

Deinde considerandum est de objecto intellectus, et primum quidem de objecto in communi, deinde in particulari.

CIRCA PRIMUM QUÆRITUR :

Quodnam sit objectum intellectus.

ARTICULUS

QUODNAM SIT OBJECTUM INTELLECTUS.

1. Videtur quod objectum intellectus ens.

1. Illud enim est proprium objectum intellectus, quod primum omnium cadit in conceptionem intellectus; sed hoc ens, quia secundum hoc unumquodquid cognoscere est, in quantum est actu, n[on] dicitur 9. *Metaphys.* (*text.* 20; I. 8, c. 9) ergo ens est proprium objectum intellectus atque adeo primum intelligibile. — 1a q. 5, a. 1 et 2; 1. *Sent.* dist. 19, q. 5 a. 1, ad 2.

2. Praeterea, ratio cuiuslibet potentie consistit in ordine ad id, ad quod dicitur quod est ejus objectum; sed ratio intellectus dicitur ad communem rationem entis nam intellectus possibilis est quo es omnia fieri; unde secundum nullam differentiam entium diversificatur potentia intellectus possibilis; ergo objectum intellectus est ens in communi. — 1a, q. 7, c.

Sed contra est, quod modus cognoscendi sequitur modum naturae rei cognoscendi sed anima nostra quamdiu in hæc vita vivimus, habet esse in materia corporali; ergo non potest intelligere nisi ea, quæ sunt in materia corporali. Non ergo en in communi est objectum intellectus. — 1a, q. 12, a. 4 et 11, c.; q. 84, a. 8, c.; q. 89, a. 1, c.

II. — Videtur quod objectum intellectus sit *verum*.

1. Id enim est objectum intellectus, sub ius ratione percipit intellectus quid intelligit; sed intellectus intelligit sub ratione veri: ergo verum est objectum intellectus. — 1a, q. 16, a. 3, arg. 3.

2. Præterea, ita se habet ad intellectum verum, sicut ad voluntatem bonum; sed bonum est proprium objectum voluntatis: ergo et verum erit proprium objectum intellectus. — 1a 2æ, q. 60, a. 1, ad 1; 1. Sent. dist. 19, q. 5, a. 1, c.

Sed contra est, quod Philosophus (2. de Anima text. 152; l. 3, c. 3) dicit, quod contingit intelligere et vere et falso; ergo objectum intellectus non est verum. — 3. de Anima l. 4.

III. Videtur quod objectum intellectus sit *quidditas* seu *natura rei materialis*.

1. Dicit enim Philosophus (3. de Anima text. 30; c. 7), quod nihil sine phantasmate intelligit anima; sed hoc non esset verum, si objectum intellectus non esset natura et *quidditas* rei materialis: ergo acc vere est objectum intellectus. — 1a, q. 84, a. 7, arg. *Sed contra* et in c.

2. Præterea, natura cognoscens debet esse proportionata proprio objecto; sed natura animæ cognoscentis est forma in materia: ergo et ejus objectum debet esse *quidditas* in materia existens. — 1a, q. 12, a. 4 et 11, c.; q. 84, a. 7 et 8, c.

IV. Videtur quod objectum intellectus sit *phantasma*.

1. Dicit enim Philosophus (3. de Anima text. 31; c. 7), quod phantasmata se habent ad intellectum sicut sensibilia ad sensim, et colores ad visum; sed sensibilia int propria objecta sensuum: ergo et phantasmata intellectus. — 2. Sent. dist. 10, q. 2, a. 2, c.

2. Præterea, dicit Philosophus (3. de Anima text. 30; c. 7), quod oportet intelligentem phantasmata speculari; sed objectum intellectus est id, circa quod fieri speculatio intelligentis: ergo objectum intellectus est phantasma. — 3. de Anima l. 12.

3. Præterea, intellectus intelligit cum

continuo et tempore, et non sine phantasmate; sed hoc est, quia utitur phantasmibus tamquam objectis, sive in accipiendo scientiam sive in utendo ea: ergo phantasma est objectum intellectus.

— 2. Sent. dist. 23, q. 2, a. 2, ad 3; 3. Sent. dist. 14, q. 1, a. 3, quæstiunc. 2, c.; dist. 31, q. 2. a. 4; Quæst. disp. de Anima a. 15, c.

Sed contra est, quod sicut finis potentiae visivæ est cognoscere colores, ita finis potentiae intellectivæ non est cognoscere phantasmata, sed res repræsentatas per species intelligibiles; ergo sicut color est objectum visus, ita objectum intellectus erit res repræsentata per speciem intelligibilem, non autem phantasma. — 3a, q. 41, a. 2, ad 1.

V. Videtur quod objectum intellectus sit *universale*.

1. Dicit enim Philosophus (1. Phys. text. 49; c. 5), quod sensus est singularium, intellectus vero universalium; ergo sicut singulare est objectum sensus, ita universale erit objectum intellectus. — 1a, q. 86, a. 1, arg. *Sed contra*.

2. Præterea, illud est objectum intellectus possibilis, propter quod faciendum ponitur intellectus agens; sed hic ponitur ad faciendum universale: ut nimirum faciat res intelligibiles actu, abstrahendo eas a conditionibus individuantiibus, quæ faciunt rem singularem: ergo objectum intellectus est universale. — Quodl. 12, a. 11.

Sed contra est, quod connaturale est homini intelligere per intellectum naturas, quæ non habent esse nisi in natura individuali; sed intelligere formas existentes in materia individuali est intelligere singulare: ergo objectum intellectus non est universale. — 1a, q. 12, a. 4, c.; q. 85, a. 1, c.

RESPONDEO DICENDUM, quod duplice potest aliquid esse objectum intellectus: uno modo, ut id quo intellectus intelligit. Et hoc triplex est: aliud enim est, quo formaliter intellectus intelligit, sed improprie et remote, vel per modum medii;

et hoc est phantasma; — aliud vero, quo intelligit proprie et proxime; et hoc est species intelligibilis; — aliud denum, quo intellectus instrumentaliter intelligit; et hoc est verbum mentis: hoc enim est fabricatum ab intellectu tamquam instrumentum, mediante quo et in quo, ut dictum est, intellectus res intelligit. — *Alio modo, ut id quod intellectus intelligit;* et hoc est res repræsentata per speciem intelligibilem et verbum mentis. — 1a, q. 85, a. 2 et 3; 3. *Sent.* dist. 31, q. 2, a. 4, ad 5; *de Verit.* q. 2, a. 6, c.; *Quodl.* 5, a. 9, ad 1.

Verum in hac re repræsentata duo considerari possunt: unum, quod se habet quasi materialiter, et alterum est sicut formale complens rationem objecti, sicut ad visibile concurrit lux et color. Illud autem, quod se habet materialiter ad objectum intellectus, est quæcumque res intellecta, sed ratio objecti completur ex ratione *veri*; sicut id, quod se habet materialiter ad objectum voluntatis, est quæcumque res volita, sed ratio objecti completur ex ratione *boni*. Sicut enim *bonitas* dicit rationem per quam essentia ordinatur ad appetitum, ita *veritas* dicit rationem per quam essentia ordinatur ad intellectum. Unde: sicut nullum esse appetitur amota ratione boni, ita nullum esse intelligitur amota ratione veri. Materiale vero duplenter potest esse objectum potentiae: — vel *collective*, quia continet omnia quæ pertinent ad illam potentiam; et sic ens est objectum intellectus, quia nihil intelligitur nisi ens; — vel *exclusiva*, id est, quod tantum ad illam potentiam pertinet. Et hoc duplenter contingit eis: — vel *quantum ad modum* seu rationem repræsentandi consequent in actum rationis seu modum intelligendi in præsenti vita, qui modus est per abstractiōnē a conditionibus individuantibus, lumine intellectus agentis; et sic universale est objectum intellectus, quatenus intentio universalitatis consequitur modum intelligendi; — vel *quantum ad rem*

intellectam; et sic quidditas est objectum intellectus, quia solus intellectus cognoscit quidditates rerum. — Et sic pate ex his, quod plura constitui possunt objectum intellectus, sed diversimode considerata, ut dictum est. — 1. *Sent.* dist. 19, q. 5, a. 1, c. et ad 2; *cfr.* dist. 48 q. 1, a. 2, c.; *de Verit.* q. 2, a. 3, ad 12 1a, q. 85, a. 2; *de Pot.* q. 7, a. 9, c.; 4 *Metaphys.* 1. 4 (1); 4. *Poster.* 1. 2 (1).

Unde patet ad objecta.

QUÆSTIO XCIX

DE MODO, QUO ANIMA CORPORI UNITA INTELIGIT CORPORALIA, QUÆ SUNT INFRA ANIMAM.

Deinde considerandum est de objecto in particulari, cuius consideratio erit tripartita. Nam *primo* considerabimus, quomodo anima intelligat corporalia, quæ sunt infra ipsam. *Secundo*, quomodo intelligat se ipsam et ea quæ in ipsa sunt. *Tertio*, quomodo intelligat substantias spirituales, quæ supra ipsam sunt.

Circa cognitionem vero corporalium tri consideranda ocurrunt; primo, per quod ea cognoscat; secundo, quomodo, in quo ordine; tertio, quid in eis cognoscatur.

CIRCA PRIMUM QUÆRUNTUR QUINTA

1. Utrum anima cognoscat corpora per intellectum.
2. Utrum intelligat ea per essentiam suam vel per aliquas species.
3. Utrum intelligibilem cognitionem acquirat a sensu.
4. Utrum anima indigeat phantasmatisbus a intelligendum corpora.
5. Utrum judicium intellectus impediatur per impedimentum virium sensitivarum.

ARTICULUS I

UTRUM ANIMA COGNOSCAT CORPORA PER INTELLECTUM.

Videtur quod anima non cognoscat corpora per intellectum.

1. Intellectus enim habet cognoscere quidditates rerum, quia objectum intellectus est *quod quid est*, ut dicit Philosophus (3. de *Anima* text. 26; c. 6); sed quiditas rei naturalis non est ipsa corporeitas; alioqui oporteret quod omnia quæ habent quidditatem, essent corpora, quod est falsum: ergo anima non cognoscit corpora per intellectum. — *de Verit.* q. 10, a. 4, arg. 3.

2. Præterea, cognitio intellectus consequitur formam, quæ est principium cognoscendi; sed formæ intelligibiles, quæ sunt in intellectu, sunt omnino immateriales: ergo per eas intellectus non potest res materiales et corporeas cognoscere. — *Ibid.* arg. 4.

3. Præterea, omnis cognitio est per assimilationem; sed non potest esse assimilatio inter mentem et materialia, quia similitudinem facit unitas qualitatis: qualitates autem rerum corporalium sunt corporalia accidentia, quæ in intellectu se non possunt; ergo intellectus non potest corporalia intelligere. — *Ibid.* arg. 5.

4. Præterea, intellectus nihil cognoscit nisi abstrahendo a materia et conditionibus materialibus; sed res materiales, quæ sunt res naturales, non possunt etiam secundum intellectum a materia separari, quia in earum definitiis cadit materia; ergo idem quod prius. — *Ibid.* arg. 6.

5. Præterea, sicut se habet sensus ad intelligibilia, ita intellectus ad sensibilia; sed anima per sensum nullo modo potest cognoscere intelligibilia: ergo nec per intellectum sensibilia, quæ sunt corpora. — 1a, q. 84, a. 1, arg. 2.

6. Præterea, intellectus est necessarium et semper eodem modo se habendum; sed corpora omnia sunt mobilia: non eodem modo se habentia: ergo anima per intellectum non potest corporalia intelligere. — *Ibid.* arg. 3.

Sed contra est, quod scientia est in intellectu; si ergo intellectus non cognoscit corpora, sequitur quod nulla

scientia sit de corporibus; et sic peribit scientia naturalis, quæ est de corporibus. — 1a, q. 84, a. 1, arg. *Sed contra*.

RESPONDEO DICENDUM, ad evidentiam hujus quæstionis, quod primi philosophi, qui de naturis rerum inquisiverunt, putaverunt nihil esse in mundo præter corpus. Et quia videbant omnia corpora mobilia esse, et putabant ea in continuo fluxu esse, existimaverunt quod nulla certitudo de rerum veritate haberi posset a nobis. Quod enim est in continuo fluxu, per certitudinem apprehendi non potest, quia prius labitur, quam mente dijudicetur; sicut Heraclitus dixit, quod non est possibile aquam fluvii currentis bis tangere, ut recitat Philosophus (4. *Metaphys. text.* 22; l. 3, c. 5).

His autem superveniens Plato, ut posset salvare certam cognitionem veritatis a nobis per intellectum haberi, posuit præterista corporalia aliud genus entium a materia et motu separatum, quod nominabat *species* sive *ideas*, per quarum participationem unumquodque istorum singularium et sensibilium dicitur vel homo vel equus vel aliquid hujusmodi. Sic ergo dicebat scientias, definitiones et quidquid ad actum intellectus pertinet, non referri ad ista corpora sensibilia, sed ad illa immaterialia et separata: ut sic anima non intelligat ista corporalia, sed intelligat horum corporalium species separatas.

Sed hoc dupliciter appareat falsum: primo quidem, quia, cum illæ species sint immateriales et immobiles, excluderetur a scientiis cognitio motus et materiæ, quod est proprium scientiæ naturalis, et demonstratio per causas moventes et materiales. Secundo, quia derisible videtur, ut, dum rerum quæ nobis manifestæ sunt, notitiam quærimus, alia entia in medium afferamus, quæ non possunt esse eorum substantiæ, cum ab eis differant secundum esse; et sic, his substantiis separatis cognitis, non propter hoc de ipsis sensibilibus judicare possemus. — Videtur autem in hoc Plato

deviare a veritate, quia cum aestimaret omnem cognitionem per modum alicujus similitudinis esse, credidit, quod forma cogniti ex necessitate sit in cognoscente eo modo, quo est in cognito. Consideravit autem, quod forma rei intellectæ est in intellectu universaliter et immaterialiter et immobiliter, quod ex ipsa operatione intellectus apparet, qui intelligit universaliter et per modum necessitatis cuiusdam; modus enim actionis est secundum modum formæ agentis. Et ideo existimat, quod oportet res intellectas hoc modo in se ipsis subsistere, scilicet immaterialiter et immobiliter. Hoc autem necessarium non est, quia etiam in ipsis sensibilibus videmus, quod forma alio modo est in uno sensibiliū quam in altero: puta cum in uno est albedo intensior, in alio remissior; et cum in uno albedo est cum dulcedine, in alio sine dulcedine. Et per hunc etiam modum forma sensibilis alio modo est in re, quæ est extra animam, et alio modo in sensu, qui suscipit sensibilium absque materia, sicut colorem auri sine auro. Et similiter intellectus species corporum, quæ sunt materiales et mobiles, recipit immaterialiter et immobiliter, secundum modum suum; nam receptum est in recipiente per modum recipientis.

Dicendum est ergo, quod anima per intellectum cognoscit corpora cognitione immateriali, universali et necessaria. — 1a, q. 84, a. 1, c.

Ad primum ergo dicendum, quod si corporeitas sumatur a corpore prout est in genere quantitatis, sic corporeitas non est quidditas rei naturalis, sed ejus accidens, scilicet tria dimensio; si vero sumatur a corpore prout est in genere substantiae, sic corporeitas nominat rei naturalis esseentiam. Nec tamen sequitur, quod omnis quidditas sit corporeitas, nisi dicatur, quod quidditas in quantum quidditas conveniret esse corporeitatem. — *de Verit.* q. 10, a. 4, ad 3.

Ad secundum dicendum, quod, quamvis in intellectu non sint nisi immateria-

les formæ, possunt tamen esse similitudines rerum materialium. Non enim oportet quod ejusmodi esse habeat similitudo, cujusmodi est id, cujus est similitudo; sed solum quod in ratione conveniat; sicut forma hominis non habet tale esse in statua aurea, quale esse habet forma hominis in carnibus et ossibus. — *Ibid.* ad 4.

Ad tertium dicendum, quod quamvis qualitates corporales non possint esse in intellectu, possunt tamen esse similitudines qualitatum corporearum, et secundum has intellectus rebus corporeis assimilatur. — *Ibid.* ad 5.

Ad quartum dicendum, quod intellectu cognoscit abstrahendo a materia particulari et conditionibus ejus, sicut aliae carne et his ossibus; non tamen oportet quod abstrahat a materia universalis. Unde potest considerare formam naturalem in carnibus et ossibus, sed non in his. — *Ibid.* ad 6.

Ad quintum dicendum, quod in hoc differt sensus ab intellectu, quod ille tantum corporalia cognoscere potest, hic vero et corporalia. Et ratio hujus diversitatis est, quia inferior virtus non se extendit ad ea, quæ sunt superioris virtutis, sed virtus superior ea, quæ sunt inferioris virtutis, excellentiori modo operatur. — 1a, q. 84, a. 1, ad 2.

Ad sextum dicendum, quod omnis motus supponit aliquid immobile. Cum enim transmutatio sit secundum qualitatem reminet substantia immobilitis, et cum transmutatur forma substantialis, reminet materia immobilitis. Rerum etiam mutantibus sunt immobiles habitudines sicut Socrates etsi non semper soleat, tamen immobiliter est verum, quod quando sedet, in uno loco manet. Et propterea nihil prohibet de rebus mobilibus scientiam habere. — *Ibid.* ad 3.

ARTICULUS II

UTRUM ANIMA PER ESSENTIAM SUAM CORPO-
RALIA INTELLIGAT VEL PER SPECIES.

Videtur quod anima per essentiam suam corporalia intelligat.

1. Dicit enim Philosophus (3. *de Anima* text. 37; c. 8), quod anima quodam modo est omnia. Cum ergo simile simili cognoscatur, videtur quod anima per se ipsam corporalia cognoscat. — 1a, q. 84, a. 2, arg. 2.

2. Præterea, anima est superior corporalibus creaturis; inferiora autem sunt in superioribus eminentiori modo quam in se ipsis, ut dicit Dionysius (*de Cœlesti Hierarch.* c. 12, § 2; — Migne t. 3, col. 294): ergo omnes creaturæ corporeæ nobiliori modo existunt in ipsa essentia animæ quam in se ipsis; per suam ergo substantiam potest creaturas corporeas cognoscere. — *Ibid.* arg. 3.

3. Præterea, anima non potest alio modo intelligere corpora, quam vel per essentiam ipsorum corporum, vel per species acceptas ab illis, vel per essentiam suam; sed ex his modis primi duo non sunt possibles. Non enim primus, quia omnis cognitio est per aliquam formam quæ est in cognoscente principium cognitionis; sed essentiæ corporum non possunt esse in cognoscente, cum sint extra animam, ut patet. Neque secundus, quia species accepta a corporibus non potest movere intellectum possibilem, cum non sit intelligibilis in actu. Ergo restat tertius modus, ut anima per suam essentiam cognoscat corpora. — *de Verit.* q. 10, a. 4, c.; a. 6, arg. 7.

Sed contra est, quod Philosophus dicit in fine 2. *Poster.* (text. 27; c. 19), quod notitia primorum principiorum, in qua consistit originaliter omnis nostra cognitionis, oritur a sensu; sed ipsa anima non est cognoscibilis per sensus corporeos: non ergo cognoscit anima res corporeas per suam substantiam. — 1a, q. 84, a.

2, arg. *Sed contra*; *de Verit.* q. 10, a. 6, arg. *Sed contra*.

RESPONDEO DICENDUM, quid antiqui Philosophi posuerunt, quod anima per suam esse etiam cognoscit corpora. Hoc enim in animis omnium communiter inditum fuit, quod simile simili cognoscitur; existimabant autem, quod forma cogniti sit in cognoscente eo modo, quo est in re cognita. — E contrario autem Platonici posuerunt. Plato enim quia perspexit intellectualē animam immaterialē esse et immaterialiter cognoscere, posuit formas rerum cognitarum immaterialiter subsistere.

Priores vero naturales quia considerabant res cognitas esse corporeas et materiales, posuerunt oportere res cognitas etiam in anima cognoscente materialiter esse; et ideo, ut animæ attribuerent omnium cognitionem, posuerunt eam habere naturam communem cum omnibus. Et quia natura principiorum ex principiis constituitur, attribuerunt animæ naturam principii: ita quod, qui dixit principium omnium esse ignem, posuit animam esse de natura ignis; et similiter de aere et aqua. — Empedocles autem, qui posuit quatuor clementa materialia, et duo moventia, ex his etiam dixit animam esse constitutam. — Et ita, cum res materialiter in anima ponerent, posuerunt omnem cognitionem animæ materialē esse, non discernentes intellectum et sensum.

Sed hæc opinio improbat: primo quidem, quia in materiali principio, de quo loquebantur, non existunt principia nisi in potentia. Non autem cognoscitur aliquid secundum quod est in potentia, sed secundum quod est actu, ut patet in 9. *Metaphys.* (text. 20; l. 8, c. 9). Unde nec ipsa potentia cognoscitur nisi per actum. Sic igitur non sufficeret attribuere animæ principiorum naturam, ad hoc quod omnia cognosceret, nisi inessent ei naturæ et formæ singulorum effectuum, puta ossis et carnis et aliorum hujusmodi, ut Aristoteles contra Empedo-

clem argumentatur in 1. *de Anima* (*text.* 7; c. 5). Secundo, quia si oporteret rem cognitam materialiter in cognoscente existere, nulla ratio esset, quare res, quæ materialiter extra animam subsistunt, cognitione careant; puta si anima igne cognoscit ignem, et ignis etiam, qui est extra animam, ignem cognosceret.

Relinquitur ergo, quod oportet materialia cognita in cognoscente existere non materialiter, sed magis immaterialiter. Et hujus ratio est, quia actus cognitionis se extendit ad ea, quæ sunt extra cognoscentem. Cognoscimus enim etiam ea, quæ extra nos sunt. Per materiam autem determinatur forma rei ad aliquid unum. Unde manifestum est, quod ratio cognitionis ex opposito se habet ad rationem materialitatis. Et ideo, quæ non recipiunt formas nisi materialiter, nullo modo sunt cognoscitiva, sicut plantæ, ut dicitur in 2. *de Anima* (*text.* 124; c. 12). Quanto autem aliquid immaterialius habet formam rei cognitæ, tanto perfectius cognosit. Unde intellectus, qui abstrahit speciem non solum a materia, sed etiam a materialibus conditionibus individuantibus, perfectius cognoscit quam sensus, quia accipit formam rei cognitæ, sine materia quidem, sed cum materialibus conditionibus. Et inter ipsos sensus, visus est magis cognoscitivus, quia est minus materialis; et inter ipsos intellectus tanto quilibet est perfectior, quanto immaterialior. — Ex his ergo patet, quod si aliquis intellectus est qui per essentiam suam cognoscit omnia, oportet quod essentia ejus habeat in se immaterialiter omnia: sicut antiqui posuerunt essentiam anime actu componi ex principiis omnium materialium, ut cognosceret omnia. Hoc autem proprium est Dei, ut sua essentia sit immaterialiter comprehensiva omnium, prout effectus virtute praexistent in causa. Solus igitur Deus per essentiam suam omnia intelligit, non autem anima neque etiam angelus. — 1a, q. 84, a. 2, c.

Ad primum ergo dicendum, quod Ari-

stoteles non posuit animam esse actu compositam ex omnibus, sicut antiqui naturales; sed dixit quodam modo animam esse omnia, in quantum est in potentia ad omnia, per sensum quidem ad sensibilia, per intellectum vero ad intelligibilia. — 1a, l. c. ad 2.

Ad secundum dicendum, quod quilibet creatura habet esse finitum et determinatum. Unde essentia superioris creaturæ etsi habet quandam similitudinem inferioris creaturæ, prout communicant in aliquo genere, non tamen complete habet similitudinem illius, quia determinatur ad aliquam speciem, præter quam est species inferioris creaturæ. Sed essentia Dei est perfecta similitudo omnium quantum ad omnia quæ in rebus inveniuntur, sicut universale principium omnium. — Ibid. ad 3.

Ad tertium dicendum, quod anima intelligit per species acceptas a rebus et sensibus exterioribus remote, proxime vero a phantasmatibus: quia formæ sensibles, vel a sensibilibus abstractæ, non possunt agere in intellectum possibilem, nisi quatenus per lumen intellectus agentis, mediante phantasmate, immateriale redduntur; sic enim efficiuntur quodam modo homogeneæ intellectui possibili, in quem agunt. Verum in hac proxima receptione specierum in intellectu possibilis a phantasmatibus phantasmata se habent ut agens instrumentale et secundarium intellectus autem agens se habet ut agens principale et primum. Et ideo actionis effectus relinquitur in intellectu possibilis secundum conditionem utriusque, et non secundum conditionem alterius. Et ideo intellectus possibilis recipit formas ut intelligibiles actu ex virtute intellectus agentis, sed ut similitudines determinatarum rerum ex cognitione phantasmatum. Et sic formæ intelligibiles in actu neque sunt per se existentes, neque sunt vel species sensibiles vel a sensibilibus immediate abstractæ, neque sunt in phantasia, quia ibi sunt tantum intelligibile in potentia, neque sunt in intellectu.

agente, quia hic nullius speciei est receptivus, sed solum intellectus possibilis, et per has anima cognoscit res materiales et corporeas. — *de Verit.* q. 10, a. 6, ad 1 et 7; a. 9, ad 7; q. 18, a. 8, ad 5; 2. *Sent.* dist. 20, q. 2, a. 2, ad 4; *Quodl.* 8, a. 3; et ll. cc. in *Tabula Aurea* voce « intellectus », n. 147.

ARTICULUS III

UTRUM ANIMA INTELLIGIBILEM COGNITIONEM ACQUIRAT A SENSU ET SENSIBILIBUS.

Videtur quod anima intelligibilem cognitionem corporalium non acquirat a sensu.

1. Eorum enim, quæ non communicant in materia, non potest esse actio et passio, ut dicit Philosophus (1. *de Generat. text.* 45 et 53; c. 6 et 7); sed intellectus noster non communicat in materia cum rebus sensibilibus: ergo res sensibiles non possunt agere in intellectum imprimendo illi cognitionem. — *de Verit.* q. 10, a. 6, arg. 1.

2. Præterea, objectum intellectus est *quod quid est*, ut dicitur 3. *de Anima* (*text.* 26; c. 6); sed quidditas rei nullo modo sensu percipitur: ergo cognitio intellectus non accipitur a sensu. — *Ibid.* arg. 2.

3. Præterea, agens est nobilior patiente, ut patet per Philosophum in 3. *de Anima* (*text.* 19; c. 5); sed recipiens se habet ad illud, quod recipit, quasi patiens ad agens: cum ergo intellectus sit multo nobilior sensibilibus et sensibus ipsis, non poterit ab eis cognitionem recipere. — *Ibid.* arg. 8.

4. Præterea, effectus non se extendit ultra virtutem suæ causæ; sed intellectualis cognitio se extendit ultra sensibilia; intelligimus enim quædam, quæ sensu percipi non possunt: intellectualis ergo cognitio non derivatur a sensibilibus. — 1a, q. 84, a. 6, arg. 3.

Sed contra est: 1. quod Philosophus probat in 1. *Metaphys.* (c. 4) et in fine 2. *Poster.* (*text.* 27; c. 19), quod princi-

pium nostræ cognitionis est a sensu. — 1a, q. 84, a. 6, arg. *Sed contra*.

2. Præterea, dicit Philosophus (1. *Poster. text.* 33; c. 18) et experimento probatur, quod cui deficit unus sensus, deficit una scientia, sicut cæcis deest scientia de coloribus; hoc autem non esset, si anima aliunde acciperet scientiam quam per sensus: ergo a sensibilibus per sensus eam accipit. — *de Verit.* q. 10, a. 6, arg. 1 *Sed contra*.

3. Præterea, natura nihil facit frustra nec deficit in necessariis; frustra autem dati essent sensus animæ, nisi per ipsos cognitionem de rebus acciperet: ergo vere illam a sensibus accipit. — *Ibid.* arg. 3 *Sed contra*.

RESPONDEO DICENDUM, quod circa istam quæstionem triplex fuit Philosophorum opinio. — Democritus enim posuit, quod nulla alia est causa cuiuslibet nostræ cognitionis, nisi cum ab his corporibus, quæ cogitamus, veniunt atque intrant imagines in animas nostras, ut dicit Aristoteles in lib. *de Divinat. per Somnum* (c. 2) asserens, quod Democritus posuit cognitionem fieri per idola et defluxiones. Et hujus positionis ratio fuit, quia tam ipse Democritus quam alii antiqui naturales non ponebant intellectum differre a sensu, ut dicit Aristoteles in 2. *de Anima* (*text.* 150 et 151, l. 3, c. 3). Et ideo, quia sensus immutatur a sensibili, arbitrabantur omnem nostram cognitionem fieri per solam mutationem a sensibilibus: quam quidem mutationem Democritus asserebat fieri per imaginum defluxiones.

Plato vero e contrario posuit intellectum differre a sensu; et intellectum quidem esse virtutem immaterialē organo corporeo non utentem in suo actu. Et quia incorporeum non potest immutari a corporeo, posuit quod cognitio intellectualis non fit per mutationem intellectus a sensibilibus, sed per participationem formarum intelligibilium separatarum. Sensum etiam posuit virtutem quandam per se operantem. Unde nec ipse sensus, cum sit quædam vis spiri-

tualis, immutatur a sensibilibus; sed organa sensuum a sensibilibus immutantur; ex qua immutatione anima quodammodo excitatur, ut in se species sensibilium formet. Et hanc opinionem tangere videtur Augustinus 12. *super Genes. ad Litt.* (c. 24; — Migne t. 34, col. 475), ubi dicit, quod corpus non sentit, sed anima per corpus, quo velut nuntio utitur ad formandum in se ipsa quod extrinsecus nuntiatur. Sic igitur secundum Platonis opinionem neque intellectualis cognitio a sensibili procedit, neque etiam sensibilis totaliter a sensibilibus rebus; sed sensibilia excitant animam sensibilem ad sentiendum, et similiter sensus excitant animam intellectivam ad intelligendum.

Aristoteles autem media via processit. Posuit enim (2. *de Anima text.* 132; 1. 3, c. 3) cum Platone, intellectum differre a sensu. Sed sensum posuit propriam operationem non habere sine communicatione corporis, ita quod sentire non sit actus animæ tantum, sed conjuncti; et similiter posuit de omnibus operationibus sensitivæ partis. Quia igitur non est inconveniens, quod sensibilia, quæ sunt extra animam, causent aliquid in conjunctum; in hoc Aristoteles cum Democrito concordavit, quod operationes sensitivæ partis causentur per impressionem sensibilium in sensum, non per modum defluxionis, ut Democritus posuit, sed per quendam operationem. Nam et Democritus omnem actionem fieri posuit per influxionem atomorum, ut patet in 4. *de Generat. text.* 36 et sq.; c. 8). Intellectum vero posuit Aristoteles habere operationem absque communicatione corporis. Nihil autem corporeum impinguere potest in rem incorporem. Et ideo ad eandem intellectualis operationem secundum Aristotelem non sufficit sola impressio sensibilium corporum, sed requiritur aliquid nobilius, quia agens est honorabilis patiente, ut ipse dicit 3. *de Anima text.* 19; c. 5): non tamen ita, quod intellectualis operatio causetur in nobis ex

sola impressione aliquarum rerum superiorum, ut Plato posuit, sed per illum superius et nobilius agens, quod voca *intellectum agentem*, de quo jam sapr diximus, quod facit phantasmatum a sensibus accepta intelligibilia in actu, per modum abstractionis ejusdem. Secundum hoc ergo ex parte phantasmatum intellectualis operatio a sensu causatur. Se quia phantasmatum non sufficiunt immutare intellectum possibilem, sed oportet quod sicut intelligibilia actu per intellectum agentem, non potest dici, quod sensibilis cognitio sit totalis et perfecta causa intellectualis cognitionis, sed magis quodammodo est materia causæ. — *Ia*, q. 84, a. 6, c.

Ad primum ergo dicendum, quod formæ sensibiles vel a sensibilibus abstractæ non possunt agere in mente nostram nisi quatenus per lumen intellectus agentis immateriales reddituntur, et sic essent ciuntur quodammodo homogeneæ intellectui possibili, in quem agunt. — *d Verit.* q. 10, a. 6, ad 1.

Ad secundum dicendum, quod circidem virtus superior et inferior operantur; non similiter, sed superior subliius; unde et per formam, quæ a rebus accipitur, sensus non ita efficaciter rei cognoscit, sicut intellectus; sed sensus per eam manueletur in cognitione exteriorum acciuentium, intellectus verò pervenit ad modum quidditatem rei secernendo eam ab omnibus materialibus conditionibus. Unde pro tanto dicitur cognitionis a sensu originem habere; non quod omne illud, quod mens cognoscit sensus apprehendat, sed quia ex his, quæ sensus apprehendit, mens in aliqua ultiora manuducitur, sicut etiam sensibili intellectus manuducunt in intelligentia divinorum. — *Ibid.* ad 2.

Ad tertium dicendum, quod quamvis intellectus possibilis sit impliciter nobilior quam phantasma; tamen secundum quod nihil prohibet phantasma nobilis esse, quantum scilicet phantasma est actus similitudo talis rei; quod intellectui po-

bili non convenit nisi in potentia; et sic quodam modo potest agere in intellectum possibilem virtute luminis intellectus intelligentis: sicut et color potest agere in visum virtute luminis corporalis. — *Ibid.* ad 8.

Ad quartum dicendum, quod sensitiva cognitio non est tota causa intellectualis cognitionis; et ideo non est mirum, si intellectualis cognitio ultra sensitivam se extendit. — 1a, q. 84, a. 6, ad 3.

ARTICULUS IV

STRUM ANIMA INDIGEAT PHANTASMATIBUS AD INTELLIGENDA CORPORALIA.

Videtur quod anima non indigeat phantasmatibus ad intelligenda corporalia.

1. Intellectus enim sit in actu per speciem intelligibilem; sed intellectio ex parte intelligentis nihil aliud requirit, quam quod sit in actu; nam omne inagens agit, quando est in actu: ergo anima non eget phantasmatibus, sed solis speciebus intelligibilibus ad intelligentem. — 1a, q. 84, a. 7, arg. 1.

2. Præterea, si necessario requiruntur intellectu objectum phantasmata, *vel* ut cum intellectu agente producant speciem intelligibilem in intellectu possibili, *vel* sint objectum intellectu singularis; sed nerum potest dici. *Non primum*, tum quia forma gradus inferioris non potest producere similitudinem sui in gradum altiorum, phantasma vero est forma gradus inferioris respectu speciei intelligibilis; tum quia, cum phantasma sit similitudo rei singularis, tantum producet speciem representantem rem singularem; non enim agit, nisi in quantum est similitudo. *Neque secundum*, quia sequeretur, quod intellectus directe singularia cognosceret; cum enim phantasma sit similitudo rei singularis, non potest intellectus cognoscere phantasma, ut est similitudo, nisi simul cognoscat rem singularem, cum eodem motu feratur intellectus in imaginem et rem imaginatam, atque

adeo in speciem et rem representatam per illam, ut dictum est. Ergo dicendum est, quod intellectus in intelligendo res corporeas non eget phantasmatibus. — 1a, q. 84, a. 7, ad 3; *de Verit.* q. 40, a. 6, ad 7, et alibi; 2. c. *Gent.* c. 65 et 73, et vide *Ferrariensem ibid.*

Sed contra est, quo l Philosophus (3. *de Anima* text. 30; c. 7) dicit, quod nihil sine phantasmate intelligit anima. — 3. *de Animal.* 12; v. supra q. 95, a. 5.

RESPONDEO DICENDUM, quod necesse est dicere, quod anima indigeat phantasmatibus ad hoc, ut res corporeas intelligat. Quod ex duobus potest esse manifestum: et primo quidem a signo, quia ad confusionem phantasmatum sequitur confusio in actu virtutis intellectivæ, ut patet in pueris, qui in principio, ratione confusionis in phantasmatibus existentis, confusam habent cognitionem universalium quorundam, et postmodum per successionem temporum distincte unumquodque cognoscunt. Unde in 1. *Phys.* (text. 5; c. 1) dicitur, quod pueri in principio appellant omnem virum patrem, posterius autem determinant unumquodque. — Secundo ex modo essendi animæ. Cum enim modus operandi sequatur modum essendi naturæ operantis, sicut et modus actionis modum formæ agentis, ut dictum est (supra q. 98, quæstiunc. 1, arg. Sed contra; q. 99, a. 1), et anima hominis sit in hac vita corpori obligata, et quodammodo ei subjecta, et ab eo dependens, indiget ad phantasmata converti, quoties vult aliquid intelligere; et multo magis, si, quod intelligit, sit quid corporeum. Unde manifestum est, quod anima eget phantasmatibus ad intelligenda corporalia. — 2. *Sent.* dist. 20, q. 2, a. 2, c.; 3a, q. 11, a. 2, c.

Ad primum ergo dicendum, quod species conservatæ in intellectu possibili in eo existunt habitualiter, quando actu non intelligit. Unde ad hoc quod intelligat actu, non sufficit conservatio specierum, sed oportet quod eis utatur, secundum quod convenit rebus, quarum sunt spe-

cies, quæ sunt naturæ in singularibus existentes. — 1a, q. 84, a. 7, ad 1; q. 79, a. 6 et 7.

Ad secundum dicendum, quod phantasma requiritur ad duo : primo ad hoc, ut concurrat ad productionem speciei intelligibilis : tum in genere causæ efficientis; nam phantasma concurrit ut agens instrumentale et secundarium, sicut intellectus agens concurrit ut agens principale et primum ; tum in genere causæ materialis et tamquam materia causæ; nam objectum intellectus quasi materialiter administratur et offertur a virtute imaginativa, et ab eadem ipsi intellectui repræsentantur ea, quæ accepta sunt a sensibus, et præparantur phantasmata, quæ siant actu intelligibilia per intellectum agentem. — 2. Sent. dist. 20, q. 2, a. 2, ad 2; de Verit. q. 15, a. 2, ad 7; Quodl. 12, a. 11; 2. c. Gent. c. 73.

Secundo requiritur per modum medii et tamquam objectum quo remote, ut dictum est. Neque obstant adducta in contrarium. Nam *primo*, licet forma sensibilis, cuiusmodi est phantasma, non possit per se imprimere speciem intelligibilem, quia est alterius generis, cum sit forma universalis ; potest tamen id præstare virtute intellectus agentis, et ut agens instrumentale et secundarium. *Secundo*, licet phantasma sit similitudo rei singularis, non tamen inde sequitur, quod intellectus intelligat rem singularem, quia intellectus non directe fertur ex specie, quam recipit, ad cognoscendum phantasma, sed ad cognoscendum rem, cuius est phantasma; utitur enim phantasmate non tamquam objecto cognoscibili, sed tamquam medio cognitionis, per modum, quo sensus noster accipit similitudinem rei, que est in speculo, dum fertur in eam non ut rem quandam, sed ut in similitudinem rei. Verum est tamen, quod licet intellectus ex specie, quam recipit, non directe fertur in cognitionem phantasmatis, sed rei cuius est phantasma, per quandam tamen reflexionem redit etiam in cognitionem

ipsius phantasmatis, dum considerat naturam actus sui, et speciei per quam intuetur, et ejus a quo speciem abstrahi scilicet phantasmatis : sicut per similitudinem, quæ est in visu a speculo accepta directe fertur visus in cognitionem rspeculatæ ; sed per quandam reflexionem et reversionem fertur per eandem ipsam similitudinem, quæ est in specu (*de Verit. q. 2, a. 6, c.*). Et licet phantasma agat ut similitudo, non tamen agat per materiam, sed per formam ; et ideo non producit simul cum intellectu agenti speciem repræsentantem rem singularem sed universalem ; nam a forma summa ratio universalis, sicut a materia ratio singularis. — *Quodl. 8, a. 3; de Verit. 10, a. 6, ad 7; q. 18, a. 8; 1a, q. 85, 1; q. 84, a. 6, c.*

ARTICULUS V

UTRUM JUDICIO INTELLECTUS IMPEDIATU PER LIGAMENTUM SENSIUS.

Videtur quod judicium intellectus non impediatur per ligamentum sensus.

1. Superius enim non dependet ab inferiori; sed judicium intellectus est super sensum : ergo judicium intellectus non impeditur per ligamentum sensus. — 1 q. 84, a. 8, arg. 1.

2. Praeterea, syllogizare est actus intellectus; sed in somno ligatur sensus, dicitur in lib. *de Somno et Vigilia* c. 1 h (3); contingit tamen quandoque, quod aliquis dormiens syllogizet : ergo non impeditur judicium intellectus per ligamentum sensus. — *Ibid. arg. 2.*

3. Praeterea, operatio intellectus secundum hoc a sensibus dependet quod a sensibus accipit ; sed judicium est post adoptionem : ergo judicium intellectus non potest esse ligatum in somno, in quo ligantur sensus. — *de Verit. q. 12, a. 3, arg. 3.*

4. Praeterea, secundum hoc vis intellectiva potest de aliquo judicare, quod si ciem ejus recipit ; ergo judicium intel-

lus sequitur receptionem; ergo ubi est potior receptio, est etiam perfectius judicium; sed dormiens, qui habet ligatos sensus, est potior in recipiendo: ergo et debet esse potior in judicando, et sic iudicium intellectus non impeditur per ligamentum sensus. — *Ibid.* arg. 2.

5. Præterea, quicunque habet usum rationis, potest habere rectum judicium; sed in dormiendo, cum quis habet ligatos sensus, habet aliquis usum rationis: quia frequenter aliquis in somno præeligit num alteri conveniens vel dissentiens: ergo in somnis dum sunt ligati sensus, potest quis recte judicare. — 2a 2æ, q. 54, a. 5, arg. 2.

6. Præterea, quicunque non habet mentem ligatam, potest recte judicare. Sed siens dormientis non habet mentem ligatum, cum non sit actus corporis, ex cuius passione somnus accidit; imo videtur quod debeat esse magis libera, quia immobilitatis exterioribus sensibus interiores, a quibus immediate mens accipit, confortantur; et quædam quandoque extutris mente dormiens percipit, quæ vigilius percipere non potest. Ergo in somnis potest quis habere usum rationis, et per consequens recte judicare. — 4. *Sent.* dist. 9, q. 1, a. 4, quæstiunc. 1, arg. 2.

Sed contra est, quod in dormiendo ea, quæ contra licitos mores contingunt, non imputantur ad peccatum, ut docet Philosophus 1. *Eth.* (c. 13), ubi ait, quod secundum dimidium vitæ, scilicet somnum, in quo ligati sunt sensus, non differt felix misero neque vitiosus a studioso. Sed si in somno posset quis habere rectum judicium rationis, posset peccare, et sic esset differentia inter studiosum et vitiosum. Ergo judicium rationis impeditur per ligamentum sensus. — 4. *Sent.* dist. 9, q. 1, a. 4, quæstiunc. 1, arg. 2. *Sed contra.*

RESPONDEO DICENDUM, quod, sicut dictum est, objectum intellectus nostri proportionatum est naturæ rei sensibilis; iudicium autem perfectum de re aliqua et de ejus cognitione haberri non potest,

nisi per resolutionem ad principium, unde cognitio illius ortum habet, et nisi ea omnia cognoscantur, quæ ad rem illam pertinent; sicut patet, quod cognitio conclusionum ortum habet a principiis; unde iudicium rectum de conclusionibus haberi non potest, nisi resolvendo ad principia indemonstrabilia. — Cum ergo omnis cognitio intellectus nostri a sensu oriatur, non potest esse iudicium rectum, nisi reducatur ad sensum. Et ideo Philosophus dicit in 3. *de Cœlo* (text. 61; c. 7), quod complementum artis et naturæ est res sensibilis et visibilis, ex qua debemus de aliis iudicare; sicut enim finis factivæ scientiæ est opus, ita naturalis scientiæ finis est quod videtur principaliter per sensum. Faber enim non quærerit cognitionem cultelli, nisi propter opus, ut operetur hunc particularem cultellum; et similiter naturalis non quærerit cognoscere naturam lapidis et equi, nisi ut sciat rationes corum, quæ videntur secundum sensum. Manifestum est autem, quod non posset esse perfectum iudicium fabri de cultello, si opus ignoraret, et similiter non potest esse perfectum iudicium scientiæ naturalis de rebus naturalibus, si sensibilia ignorantur. Et ideo (6. *Eth. Nicomach.* c. 8, al. 9, in fine) dicit Philosophus, quod sicut principia indemonstrabilia, quorum est intellectus, sunt extrema, scilicet resolutionis, ita et singularia, quorum est sensus. — Quia ergo omnia, quæ in præsenti statu intelligimus, cognoscuntur a nobis per comparationem ad res sensibiles naturales; et in somno ligati sunt sensus, per quos res sensibiles cognoscimus; — ideo in somno non potest esse perfectum atque adeo liberum iudicium rationis vel sensus communis, et per consequens nec motus appetitivæ partis potest esse liber, ita ut homo possit in somno peccare aut mereri; quamquam potest in somno accidere signum peccati aut meriti, in quantum somnia habent causas imaginationis vigilantium. Unde dicit Philosophus in 1. *Eth.* (c. 13), quod in quantum paulatim pertrans-

eunt (1) quidam motum, scilicet a vigilanti- bus ad dormientes, meliora sunt phanta- smata studiosorum quam quorumlibet; et Augustinus (12. *super Genes. ad Litt. c. 15*; — Migne t. 34, col. 466) dicit, quod propter affectionem animæ bonam etiam in somnis quædam ejus merita clarent. Unde manifestum est, quod judicium sensus impeditur per ligamentum sensus. — 1a, q. 84, a. 8, c.; 4. *Sent. dist. 9, q. 1, a. 4, quæstiunc. 1, c.*; *de Verit. q. 12, a. 3, ad 2 et 3.*

Ad primum ergo dicendum, quod quamvis intellectus sit superior sensu, accipit tamen aliquo modo a sensu, et ejus objec- ta prima et principalia in sensilibus fundantur; et ideo necesse est quod im- pediatur judicium intellectus ex ligamen- to sensus. — 1a, q. 84, a. 8, ad 1.

*Ad secundum dicendum, quod sensus ligatur in dormientibus propter evapo- rationes quasdam et fumositates resolu- tas, ut dicitur in lib. *de Somno et Vigilia c. 4*; et ideo secundum dispositionem hu- jusmodi evaporationum contingit esse ligamentum sensus majus vel minus. Quando enim multus fuerit motus vapo- rum, ligatur non solum sensus, sed etiam imaginatio, ita ut nulla apparet phan- tasinata: sicut præcipue accidit, cum ali- quis incipit dormire post multum cibum et potum. Si vero motus vaporum ali- quantulum fuerit remissior, apparent phantasmata, sed distorta et inordinata, sicut accidit in febricitantibus. Si vero adhuc motus magis sedetur, apparent phantasmata ordinata, sicut maxime so- let contingere in fine dormitionis, et in hominibus sobriis et habentibus fortē imaginationem. Si autem motus vapo- rum fuerit modicus, non solum imagina- tio remanet libera, sed etiam ipse sensus communis ex parte solvitur, ita quod homo judicat interdum in dormiendo ea quæ videt somnia esse, quasi dijudicans inter res et rerum similitudines. Sed*

(1) Al. « quidam motuum »; al. « pertrans- eant quidem motum. »

tamen ex aliqua parte remanet sensus communis ligatus; et ideo licet aliquæ similitudines discernat a rebus, tame- semper in aliquibus decipitur. Sic igit̄ per modum, quo sensus solvitur et imagi- natio in dormiendo, liberatur judicium intellectus, non tamen ex toto. Unde il- qui dormiendo syllogizant, cum excita- tur semper cognoscunt se in aliquo defi- cisso. — *Ibid. ad 2.*

Ad tertium dicendum, quod judicium i- tellectus non dependet a sensu hoc mod- quod actus iste intellectus per organu- sensibile exerceatur; sed eo indiget sic extremo et ultimo, ad quod fiat resolu- tio. — *de Verit. q. 12, a. 3, ad 3.*

Ad quartum dicendum, quod judicium non dependet tantum a receptione spe- ciei, sed ex hoc quod ea, de quibus judi- catur, examinantur ad aliquod princ- piū cognitionis, sicut de conclusionib⁹ judicamus eas ad principia resolvendo. In somno igit̄ ligatis exterioribus sensib⁹ interiores vires quasi quietatæ ab exte- riorum sensuum tumultibus, magis pe- cipere possunt interiores impressiones factas in intellectu vel imaginatione e illustratione divina vel angelica, vel e virtute celestium corporum aut quorum- cunque; sicut tenui flagitate decurren- ad linguam videtur dormienti, quod du- cia comedat. Sed quia primum princ- piū nostræ cognitionis est sensus, et ipsum oportet, ut dictum est, quod in modo resolvere omnia, de quibus judi- camus. Propterea quia in somno ligati su- sensus, non possunt esse perfectum judi- cium nisi quantum ad aliqui, cum ho- decipiatur intendens rerum similitudi- bus tanquam rebus ipsis; quamvis qui- doque dormiens cognoscat de aliquibus quod non sunt res, et simili tunc res. — *Ibid. ad 2.*

Ad quintum dicendum, quod secun- dum quod vires sensitivæ interiore- gis vel minus opprimuntur a somno, propter vaporis turbulentiam vel puritatē secundum hoc usus rationis magis vel o- nus impeditur in dormiendo. Unde quod

neque homo dormiens considerat hæc, quæ apparent, somnia esse. Sed quia informiendo neque sunt sensus soluti ex otio, ideo judicium rationis etiam non est ex toto liberum. Unde semper cum aliqua falsitate judicium rationis est, etsi quantum ad aliquid sit verum. Et inde contingit, quod aliquis in somno aliquando consentit turpitudini, aliquando non. Quia amenjudicium rationis non est omnino liberum, nec omnino datur liberi arbitrii usus, ideo neque talis consensus vel dissensus est meritorius vel demeritorius in se, nec dormienti. — 2a 2æ, q. 54, a. 5, ad 2; 4. *Sent.* dist. 9, q. 1, a. 1, quæstiunc. 1, ad 3 et 4.

Ad sextum dicendum, quod mens humana habet duos respectus, unum ad superiora, a quibus illustratur, aliud ad corpus, a quo recipit, et quod regit. Ex parte illa, qua anima a supernis accipit, ex somnum non ligatur, imo magis libera redditur, quanto fit a corporalibus curis magis absoluta; et ideo etiam ex fluentia superni luminis aliqua de futuris percipere potest dormiens, quæ videntur scire non posset. Ex parte autem illa, qua a corpore accipit, oportet quod ligatur quantum ad ultimum judicium et completem ligatis sensibus, a quibus unus cognitio initium sumit; quamvis etiam imaginatio ejus non ligetur, quæ immediate ei species rerum subministrat. — 4. *Sent.* l. c. ad 2.

QUÆSTIO C

E MODO ET ORDINE INTELLIGENDI RES CORPOREAS.

Deinde considerandum est de modo ordine intelligendi res corporeas.

CIRCA QUÆ QUÆRUNTUR OCTO :

Utrum intellectus noster intelligat abstractendo species a phantasmatibus.

2. Utrum species intelligibiles abstractæ a phantasmatibus se habeant ad intellectum nostrum ut *quod* intellectum vel sicut id *quo* intelligitur.
3. Utrum intellectus noster naturaliter intellegit prius magis universale.
4. Utrum intellectus noster possit multa simul intelligere.
5. Utrum intellectus noster intelligat compendendo et dividendo.
6. Utrum intellectus possit errare.
7. Utrum unus possit eandem rem melius intelligere quam aliis.
8. Utrum intellectus noster per prius cognoscat indivisibile quam divisibile.

ARTICULUS I

UTRUM INTELLECTUS NOSTER INTELLIGAT ABSTRAHENDO SPECIES A PHANTASMATIBUS.

Videtur quod intellectus noster non intelligat res corporeas et materiales per abstractionem a phantasmatibus.

1. Quicunque enim intellectus intelligit rem aliter quam sit, est falsus; formæ autem rerum materialium non sunt abstractæ a particularibus, quorum similitudines sunt phantasmata: si ergo intelligamus res materiales per abstractionem specierum a phantasmatibus, erit falsitas in intellectu nostro. — 1a, q. 85, a. 1, arg. 1.

2. Præterea, res materiales sunt res naturales, in quarum definitione cadit materia; sed nihil potest intelligi sine eo, quod cadit in definitione ejus: ergo res materiales non possunt intelligi sine materia; sed materia est principium individuationis: ergo res materiales non possunt intelligi per abstractionem universalis a particulari, quod est abstrahere species intelligibiles a phantasmatibus. — *Ibid.* arg. 2.

3. Præterea, in 3. *de Anima* (text. 18 et 31; c. 5 et 6) dicitur, quod phantasmata se habent ad animam intellectivam sicut colores ad visum; sed visio non fit per abstractionem aliquarum specierum a coloribus, sed per hoc quod colores imprimunt in

visum : ergo nec intelligere contingit per hoc quod aliquid abstrahatur a phantasmibus, sed per hoc quod phantasmata imprimunt in intellectum. — *Ibid.* arg. 3.

4. Præterea, ut dicitur in 3. *de Anima*, in anima intellectiva sunt duo, scilicet intellectus possibilis et agens. Sed abstrahere a phantasmibus species intelligibiles non pertinet ad intellectum possibilem, sed recipere species jam abstractas ; sed nec etiam videtur pertinere ad intellectum agentem, qui se habet ad phantasmata sicut lumen ad colores, quod non abstrahit aliquid a coloribus, sed magis eis influit. Ergo nullo modo intelligimus abstrahendo a phantasmibus. — *Ibid.* arg. 4.

5. Præterea, Philosophus in 3. *de Anima* (*text.* 30 et sqq. ; c. 6) dicit, quod intellectus intelligit species in phantasmibus ; non ergo eas abstrahendo. — *Ibid.* arg. 5.

Sed contra est, quod dicitur in 3. *de Anima* (*text.* 41; c. 4), quod sicut res sunt separabiles a materia, sic circa intellectum sunt ; ergo oportet quod materialia intelligentur in quantum a materia abstrahuntur et a similitudinibus materialibus, quæ sunt phantasmata. — *Ibid.* arg. *Sed contra*.

RESPONDEO DICENDUM, quod, sicut supra dictum est, objectum cognoscibile proportionatur virtuti cognoscitivæ. Est autem triplex gradus cognoscitivæ virtutis. Quædam enim cognoscitiva virtus est actus corporalis organi, scilicet *sensus* ; et ideo objectum cuiuslibet sensitivæ potentiae est forma prout in materia corporali existit. Et quia hujusmodi materia est individuationis principium, ideo omnis potentia sensitivæ partis est cognoscitiva particularium tantum. Quædam autem virtus cognoscitiva est, quæ neque est actus organi corporalis, neque est aliquo modo corporali materie conjuncta, sicut *intellectus angelicus* ; et ideo hujus virtutis cognoscitivæ objectum est forma sine materia subsistens ; etsi enim materialia cognoscant, non tamen nisi in immate-

rialibus ea intuentur, vel in se ipsis vel in Deo. *Intellectus* autem *humanus* medi modo se habet : non enim est actus alius organi, sed tamen est quædam virtus animæ, quæ est forma corporis, u ex supra dictis (q. 90, a. 1) patet. Et ideo proprium ejus est cognoscere formam in materia quidem corporali individualiter existentem, non tamen prout est in tal materia. Cognoscere vero id, quod est in materia individuali, non prout est in tal materia, est abstrahere formam a materia individuali, quam repræsentant phantasma. Et ideo necesse est dicere, quod intellectus noster intelligit materialia abstrahendo a phantasmibus ; et per materialia sic considerata in immaterialium aliqualem cognitionem devenimus : sicut e contra angeli per immaterialia materialia cognoscunt. — Plato vero atten dens solum immaterialitatem intellectus humani, non autem ad hoc quod est corpori quodammodo unitus, posuit objectum intellectus ideas separatas ; et quod intelligimus non quidem abstrahendo, sed magis abstracta participando, ut supra (q. 99, a. 1) dictum est. — 1a, q. 85, a. 1, c.

Ad primum ergo dicendum, quod abstrahere contingit dupliciter : *uno modo* per modum compositionis et divisionis, sicut cum intelligimus aliquid non esse in alio, vel esse separatum ab eo ; *alio modo* per modum simplicitatis, sicut cum intelligimus unum, nihil considerando de alio. Abstrahere igitur per intellectum ea, quæ secundum rem non sunt abstracta, secundum primum modum abstrahendi, non est absque falsitate ; sed secundo modo abstrahere per intellectum, quæ non sunt abstracta secundum rem, non habet falsitatem, ut in sensu apparet. Si enim dicamus colorem non inesse corpori colorato, vel esse separatum ab eo, erit falsitas in opinione vel oratione. Si vero consideremus colorem et proprietatem ejus, nihil considerantes de pomo colorato ; vel si quod intelligimus, voce exprimamus, erit absque falsitate opinio-

nis et orationis (pomum enim non est de ratione coloris; et ideo nihil prohibet colorem intelligi, nihil intelligendo de pomo). Similiter dico, quod ea, quæ pertinent ad rationem speciei cuiuslibet rei materialis, puta lapidis aut hominis aut equi, possunt considerari sine principiis individualibus, quæ non sunt de ratione speciei. Et hoc est abstrahere universale a particulari, vel speciem intelligibilem a phantasmatibus: considerare scilicet naturam speciei absque consideratione individualium principiorum, quæ per phantasma representantur. Cum ergo dicitur, quod intellectus est falsus qui intelligit rem aliter quam sit; verum est, si ly *aliter* referatur ad rem intellectam. Tunc enim intellectus est falsus, quando intelligit rem esse aliter quam sit. Unde falsus esset intellectus, si sic abstraheret speciem lapidis a materia, ut intelligeret eam non esse in materia, ut Plato posuit. Non est autem verum quod proponitur, si ly *aliter* accipiatur ex parte intelligentis; est enim absque falsitate ut alias sit modus intelligentis in intelligendo, quam nodus rei in essendo; quia intellectum est in intelligenti immaterialiter per modum intellectus, non autem materialiter per modum rei materialis. — *Ibid.* ad 1.

Ad secundum dicendum, quod quidam putaverunt, quod species rei naturalis sit forma solum, et quod materia non sit pars speciei. Sed secundum hoc in definitionibus rerum naturalium non poneatur materia. — Et ideo aliter dicendum est, quod *materia* est *duplex*, scilicet communis, et signata vel individualis; *communis* quidem, ut caro et os; *individualis* autem, ut hæc carnes et hæc ossa. Intellectus igitur abstrahit speciem rei naturalis a materia sensibili individuali, non autem a materia sensibili communi; sicut speciem hominis abstrahit ab his carnibus et his ossibus, quæ non sunt de ratione speciei, sed partes individui, ut dicitur in 7. *Metaphys.* (*text.* 34 et 35; . 6, c. 10); et ideo sine eis considerari

potest: Sed species hominis non potest abstrahi per intellectum a carnibus et ossibus. Species autem mathematicæ possunt abstrahi per intellectum a materia sensibili non solum individuali, sed etiam communi; non tamen a materia intelligibili communi, sed solum individuali. Materia enim sensibilis dicitur materia corporalis, secundum quod subjacet qualitatibus sensilibus, scilicet calido et frigido, duro et molli, et hujusmodi. Materia vero intelligibilis dicitur substantia, secundum quod subjacet quantitati. Manifestum est autem, quod quantitas prius inest substantiæ quam qualitates sensibiles. Unde quantitates, ut numeri et dimensiones et figuræ, quæ sunt terminationes quantitatum, possunt considerari absque qualitatibus sensilibus, quod est eas abstrahi a materia sensibili; — non tamen possunt considerari sine intellectu substantiæ quantitati subjectæ, quod esset eas abstrahi a materia intelligibili communi. Possunt tamen considerari sine hac vel illa substantia, quod est eas abstrahi a materia intelligibili individuali. Quædam vero sunt, quæ possunt abstrahi etiam a materia intelligibili communi, sicut ens, unum, potentia et actus, et alia hujusmodi; quæ etiam esse possunt absque omni materia, ut patet in substantiis immaterialibus. — Et quia Plato non consideravit quod dictum est de duplo modo abstractionis: omnia, quæ diximus abstrahi per intellectum, posuit abstracta esse secundum rem. — *Ibid.* ad 2.

Ad tertium dicendum, quod colores habent eundem modum existendi, prout sunt in materia corporali individuali, sicut in potentia visiva; et ideo possunt imprimere suam similitudinem in visum. Sed phantasma, cum sint similitudines individuorum, et existant in organis corporeis, non habent eundem modum existendi, quem habet intellectus humanus, ut ex dictis patet; et ideo non possunt sua virtute imprimere in intellectum possibilem. Sed virtute intellectus agentis resultat

quædam similitudo in intellectu possibili ex conversione intellectus agentis super phantasmata, quæ est repræsentativa eorum, quorum sunt phantasmata, solum quantum ad naturam speciei. Et per hunc modum dicitur abstrahi species intelligibilis a phantasmatibus, non quod aliqua eadem numero forma, quæ prius fuit in phantasmatibus, postmodum fiat in intellectu possibili, ad modum quo corpus accipitur ab uno loco et transfertur ad alterum. — *Ibid.* ad 3.

Ad quartum dicendum, quod phantasmata et illuminatur ab intellectu agente, et iterum ab eis per virtutem intellectus agentis species intelligibiles abstrahuntur. Illuminantur quidem, quia sicut pars sensitiva ex coniunctione ad intellectum efficitur virtuosior; ita phantasmatata ex virtute intellectus agentis redundunt habilia, ut ab eis intentiones intelligibiles abstrahantur. Abstrahit autem intellectus agens species intelligibiles a phantasmatibus, in quantum per virtutem intellectus agentis accipere possumus in nostra consideratione naturas specierum sine individualibus conditionibus, secundum quarum similitudines intellectus possibilis informatur. — *Ibid.* ad 4.

Ad quintum dicendum, quod intellectus noster et abstrahit species intelligibiles a phantasmatibus, in quantum considerat naturas rerum in universalis; et tamen intelligit eas in phantasmatibus, quia non potest ea intelligere, quorum species abstrahit, nisi convertendo se ad phantasmata, ut supra dictum est. — *Ibid.* ad 5.

ARTICULUS II

UTRUM SPECIES INTELLIGIBILES A PHANTASMATIBUS ABSTRACTÆ SE HABEANT AD INTELLECTUM NOSTRUM SICUT ID, QUOD INTELLIGITUR.

Videtur quod species intelligibiles a phantasmatibus abstractæ se habeant ad

intellectum nostrum sicut *id quod* intelligitur.

1. Intellectum enim in actu est intelligentia, quia intellectum in actu est ipse intellectus in actu; sed nihil de intellecta est in intellectu actu intelligentia nisi species intelligibilis abstracta ergo hujusmodi species est ipsum intellectum in actu. — 1a, q. 83, a. 2, arg. 1

2. Præterea, intellectum in actu oportet in aliquo esse, alioqui nihil esset sed non est in re, quæ est extra animam quia cum res, quæ est extra animam, si materialis, nihil quod est in ea, potest esse intellectum in actu. Relinquitur ergo, quod intellectum in actu sit in intellectu, et ita nihil est aliud quam species intelligibilis praedicta. — *Ibid.* arg. 2

3. Præterea, Philosophus dicit in 1 *Periherm.* (c. 1), quod « voces sunt nota earum quæ sunt in anima passionum » sed voces significant res intellectas, id enim voce significamus, quod intelligimus: ergo ipsæ passiones animæ, scilicet species intelligibiles, sunt ea, quæ intelliguntur in actu. — *Ibid.* arg. 3.

Sed contra: Species intelligibilis se habet ad intellectum sicut species sensibilis ad sensum; sed species sensibilis non est illud quod sentitur, sed magis id quo sentit: ergo species intelligibilis non est *quod* intelligitur, sed *id quo* intellectus intelligit. — *Ibid.* arg. *Sed contra.*

RESPONDEO DICENDUM, quod quidam posuerunt, quod vires quæ sunt in nobis cognoscitivæ, nihil cognoscunt nisi proprias passiones; puta quo l sensus non sentit nisi passionem sui organi; et secundum hoc intellectus nihil intelligit nisi suam passionem, scilicet speciem intelligibilem in se receptam. — Sed haec opinio manifeste appareat falsa ex duobus: primo quidem, quia eadem sunt, quæ intelligimus, et de quibus sunt scientiae; si igitur ea, quæ intelligimus, essent solum species, quæ sunt in anima, sequeretur quod scientiae omnes non essent de rebus, quæ sunt extra animam, sed solum de speciebus

intelligibilibus, quæ sunt in anima; sicut secundum Platonicos omnes scientiae sunt de ideis, quas ponebant esse intellectas in actu. *Secundo*, quia sequeretur error antiquorum dicentium, omne quod videtur, esse verum; et similiter quod contradictoriæ essent simul veræ. Si enim potentia non cognoscit nisi propriam passionem, de ea solum judicat. Sicutem videtur aliquid, secundum quod potentia cognoscitiva afficitur. Semper ergo judicium potentiae cognoscitivæ erit de eo, quod judicat, scilicet de propria passione, secundum quod est. Et ita omne judicium erit verum: puta si gustus non sentit nisi propriam passionem, cum aliquis habens sanum gustum judicat mel esse dulce, vere judicabit; et similiter si ille, qui habet gustum infelictum, judicet mel esse amarum, vere judicabit: uterque enim judicabit secundum quod gustus ejus afficitur. Et sic sequitur quod omnis opinio æqualiter erit vera, et universaliter omnis acceptio.

Et ideo dicendum est, quod species intelligibilis se habet ad intellectum, ut quo intellectus intelligit; quod sic patet. Cum enim sit duplex actio, sicut dicitur *D. Metaphys.* (*text. 16*; *l. 8, c. 6*): una, quæ manet in agente, ut videre et intelligere; et altera, quæ transit in exterioriem materiam, ut calefacere et siccare: utraque fit secundum aliquam formam. Et sicut forma, secundum quam provenit actio tendens in rem exteriorem, est similitudo objecti actionis, ut calor calefacientis est similitudo calefacti; similiter forma, secundum quam provenit actio manens in agente, est similitudo objecti. Unde similitudo rei visibilis est secundum quam visus videt; et similitudo rei intellectæ, quæ est species intelligibilis, est forma secundum quam intellectus intelligit. Sed quia intellectus supra se ipsum reflectitur, secundum tandem reflexionem intelligit et suum intelligere, et speciem qua intelligit; et species intellecta secundario est id

quod intelligitur; sed id quod intelligitur primo, est res, cuius species intelligibilis est similitudo. Et hoc etiam patet ex antiquorum opinione, qui ponebant simile simili cognosci. Ponebant enim, quod anima per terram quæ in ipsa erat, cognosceret et terram quæ extra ipsam erat; et sic de aliis. Si ergo accipiamus speciem terræ loco terræ, secundum doctrinam Aristotelis, qui dicit (*3. de Anima text. 38*; *c. 8*), quod lapis non est in anima, sed species lapidis, sequetur quod anima per species intelligibiles cognoscat res quæ sunt extra animam. — *1a, q. 85, a. 2, c.*

Ad primum ergo dicendum, quod intellectum est in intelligentे per suam similitudinem; et per hunc modum dicitur, quod intellectum in actu est intellectus in actu, in quantum similitudo rei intellectæ est forma intellectus, sicut similitudo rei sensibilis est forma sensus in actu. Unde non sequitur, quod species intelligibilis abstracta sit id quod actu intelligitur, sed quod sit similitudo ejus.

— *Ibid. ad 4.*

Ad secundum dicendum, quod, cum dicitur *intellectum in actu*, duo importantur, scilicet res quæ intelligitur, et hoc quod est ipsum intelligi; et similiter cum dicitur *universale abstractum*, duo intelliguntur, scilicet ipsa natura rei, et abstractio seu universalitas. Ipsa igitur natura, cui accedit vel intelligi vel abstrahi, vel intentio universalitatis, non est nisi in singularibus; sed hoc ipsum, quod est intelligi vel abstrahi, vel intentio universalitatis, est in intellectu. Et hoc possumus videre per simile in sensu. Visus enim videt colorem pomi sine ejus odore. Si ergo queratur, ubi sit color, qui videatur sine odore, manifestum est, quod color, qui videatur, non est nisi in pomo; sed quod sit sine odore perceptus, hoc ei accedit ex parte visus, in quantum in visu est similitudo coloris et non odoris. Similiter humanitas, quæ intelligitur, non est nisi in hoc vel in illo homine; sed quod humanitas apprehendatur sine

individualibus conditionibus, quod est ipsam abstrahi, ad quod sequitur intentio universalitatis, accidit humanitati, secundum quod percipitur ab intellectu, in quo est similitudo naturæ speciei, et non individualium principiorum. — *Ibid.* ad 2.

Ad tertium dicendum, quod in parte sensitiva invenitur duplex operatio : una secundum solam immutationem; et sic perficitur operatio sensus per hoc quod immutatur a sensibili. *Alia* operatio est formatio, secundum quod vis imaginativa format sibi aliquod idolum rei absentis vel etiam nunquam visæ. Et utraque hæc operatio conjungitur in intellectu. Nam primo quidem consideratur passio intellectus possibilis, secundum quod informatur specie intelligibili; qua quidem informatus format secundo vel definitiōnem vel divisionem vel compositionem, quæ per vocem significatur. Unde ratio, quam significat nomen, est definitio; et enuntiatio significat compositionem et divisionem intellectus. Non ergo voces significant ipsas species intelligibiles, sed ea, quæ intellectus sibi format ad judicandum de rebus exterioribus. — *Ibid.* ad 3.

ARTICULUS III

UTRUM INTELLECTUS NOSTER NATURALITER PRIUS INTELLIGAT MAGIS UNIVERSALE.

Videtur quod intellectus noster naturaliter prius non intelligat magis universale.

1. Dicit enim Philosophus (*1. Metaphys.* c. 2), quod magis universalia sunt difficilima cognitu; sed que sunt difficillima cognitu, quippe remotissima a sensibus, non sunt naturaliter prius cognoscibilia: ergo magis universale non est naturaliter prius cognitum. — *1. Metaphys.* 1, 2; *Opus. 53.*

2. Præterea, ea quae sunt priora et notioria secundum naturam, sunt posteriora et minus nota secundum nos; sed universalia sunt priora secundum natu-

ram, quia « prius est a quo non convertitur subsistendi (essendi) consequentia »; ergo universalia sunt posteriora in cognitione nostri intellectus. — *1a, q. 83, a 3, arg. 1.*

3. Præterea, composita sunt priora quoad nos quam simplicia; sed universalia sunt simpliciora; ergo sunt posterius nota quoad nos. — *Ibid. arg. 2.*

4. Præterea, Philosophus dicit in *1 Phys.* (*text. 5; c. 1*), quod definitum prius cadit in cognitione nostra quam partes definitionis; sed universaliora sunt partes definitionis minus universalium, sicut animal est pars definitionis hominis: ergo universalia sunt posterius nota quoad nos. — *Ibid. arg. 3.*

5. Præterea, per effectus devenimus in causas et principia; sed universalia sunt quædam principia; ergo universalia sunt posterius nota quoad nos. — *Ibid. arg. 4.*

Sed contra est, quod dicitur in *1. Phys.* (*text. 4; c. 1*), quod ex universalibus in singularia oportet devenire. — *Ibid. arg. 5.*

RESPONDEO DICENDUM, quod in cognitione nostri intellectus duo oportet considerare : *primo* quidem, quod cognit intellectiva aliquo modo a sensitiva primordium sumit; et quia sensus est singularium, intellectus autem universalium, necessaria est quod cognitio singularium quoad nos prior sit quam universalium cognitio. *Secundo* oportet considerare, quod intellectus noster de potentia in actum procedit; omne autem quod procedit de potentia in actum, primum pervenit ad actum incompletum, qui est medius inter potentiam et actum, quia ad actum perfectum. Actus autem perfectus, ad quem pervenit intellectus, est scientia completa, per quam distinete determinate res cognoscuntur; actus autem incompletus est scientia imperfecta per quam sciuntur res indistincte, si quadam confusione. Quod enim sic cognoscitur, secundum quid cognoscitur actus, et quodam modo in potentia. Philosophus dicit in *1. Phys.* (*text. 3,*

I), quod « sunt primo nobis manifesta et certa confusa magis ; posterius autem cognoscimus distinguendo distincte principia et elementa ». Manifestum est autem, quod cognoscere aliquid in quo plura continentur, sine hoc quod habeatur propria notitia uniuscujusque eorum quae continentur in illo, est cognoscere aliquid sub confusione quadam. Sic autem potest cognosci tam totum universale, in quo partes continentur in potentia, quam etiam totum integrale. Utrumque enim totum potest cognosci in quadam confusione, sine hoc quod partes distincte cognoscantur. Cognoscere autem distincte id, quod continetur in toto universali, est habere cognitionem de re minus communi : sicut cognoscere animal indistincte, est cognoscere animal in quantum est animal ; cognoscere autem animal distincte, est cognoscere animal in quantum est animal rationale vel irrationalis, quod est cognoscere hominem vel leonem. Prius igitur occurrit intellectui nostro cognoscere animal quam cognoscere hominem. — Et eadem ratio est, si comparremus quocunque magis universale ad minus universale. Et quia sensus exit de potentia in actum, sicut et intellectus, eadem etiam ordo cognitionis apparuit in sensu. Nam prius secundum sensum dividicamus magis commune quam minus commune, et secundum locum et secundum tempus : secundum locum quidem, sicut cum aliquid videtur a remotis, prius deprehenditur esse corpus quam deprehendatur esse animal, et prius deprehenditur esse animal quam deprehendatur esse homo, et prius homo quam Socrates vel Plato ; secundum tempus autem, quia puer a principio prius distinguit hominem a non homine, quam distinguat hunc hominem ab alio homine ; et ideo pueri a principio appellant omnes viros patres, posterius autem determinant unumquemque, ut dicuntur in *Metaphys.* (*text. 5; c. 1*). Et hujus ratio est manifesta, quia qui seit aliquid indistincte, adhuc est in potentia ut sciat

distinctionis principium : sicut qui seit genus, est in potentia ut sciat differentiationem. Et sic patet, quod cognitio indistincta media est inter potentiam et actum. Est ergo dicendum, quod cognitio singularium est prior quoad nos quam cognitio universalium, sicut cognitio sensitiva quam cognitio intellectiva ; sed tam secundum sensum quam secundum intellectum cognitio magis communis, est prior quam cognitio minus communis. — *1a, q. 85, a. 3, c.*

Ad primum ergo dicendum, quod magis universalia secundum simplicem apprehensionem sunt primo nota. Nam primo in intellectu cadit ens, ut Avicenna dicit, et prius in intellectu cadit animal quam homo. Sicut enim in esse naturae, quod de potentia procedit in actum, prius est animal quam homo ; ita in generatione scientiae prius in intellectu concipiatur animal quam homo. Sed quantum ad investigationem naturalium proprietatum et causarum, prius sunt nota minus communia, eo quod per causas particulares, quae sunt unius generis vel speciei, pervenimus in causas universales. Ea autem, quae sunt universalia in causando, sunt posterius nota quoad nos, licet sint prius nota secundum naturam ; quamvis universalia per praedicationem sint aliquo modo prius quoad nos nota quam minus universalia, licet non prius nota quam singularia ; nam cognitio sensus, qui est cognoscitus singularium, in nobis precedit cognitionem intellectivam, quae est universalium. — *1. Metaphys. I. 2.*

Ad secundum dicendum, quod universale dupliciter potest considerari : uno modo secundum quod natura universalis consideratur simul cum intentione universalitatis. Et cum intentione universalitatis (ut scilicet unum et idem habeat habitudinem ad multa) proveniat ex abstractione intellectus, oportet quod secundum hunc modum universale sit posterius. Unde in *1. de Anima* (*text. 8; c. 4*) dicitur, quod animal universale aut nihil est

aut posterius est. Sed secundum Platonem, qui posuit universalia subsistentia, secundum hanc considerationem universale esset prius quam particularia, quæ secundum eum non sunt nisi per participationem universalium subsistentium, quæ dicuntur *ideæ*. — *Alio modo* potest considerari quantum ad ipsam naturam, scilicet animalitatis vel humanitatis, prout invenitur in particularibus. Et sic dicendum est, quod duplex est ordo naturæ: unus secundum viam generationis et temporis, secundum quam viam ea, quæ sunt in potentia et imperfecta, sunt priora; et hoc modo magis commune est prius secundum naturam: quod apparet manifeste in generatione hominis et animalis; nam prius generatur animal quam homo, ut dicitur in lib. 2. *de Generat. Animal.* (c. 3). Alius est ordo perfectio-
nis sive intentionis naturæ: sicut actus simpliciter est prior secundum naturam quam potentia, et perfectum prius quam imperfectum; et per hunc modum minus commune est prius secundum naturam quam magis commune, ut homo quam animal. Nature enim intentio non sistit in generatione animalis, sed intendit generare hominem. — *Ia, q. 83, a. 3, ad 1.*

Ad tertium dicendum, quod universale magis commune comparatur ad minus commune ut totum et ut pars: ut *totum* quidem, secundum quod in magis universalis non solum continetur in potentia minus universale, sed etiam alia: ut sub animali non solum homo, sed etiam equus; ut *pars* autem, secundum quod minus commune continet in sui ratione non solum magis commune, sed etiam alia: ut homo non solum animal, sed etiam rationale. Sic igitur animal consideratum in se prius est in nostra cognitione quam homo; sed homo est prius in nostra cognitione, quam quod animal sit pars rationis ejus. — *Ibid. ad 2.*

Ad quartum dicendum, quod pars aliqua duplicit et cognosci potest: uno modo absolute secundum quod in se est; et sic nullus prohibet prius cognoscere partes

quam totum, ut lapides quam dominum. *Alio modo* secundum quod sunt parte hujus totius; et sic necesse est quo prius cognoscamus totum quam partem. Prius enim cognoscimus dominum quadam confusa cognitione, quam distinguamus singulas partes ejus. Sic igitur dicendum est, quod definitia absolute considerata sunt prius nota quam definitum alioqui non notificaretur definitum pœa; sed secundum quod sunt partes definitionis, sic sunt posterius nota. Primum enim cognoscimus hominem quadam confusa cognitione, quam sciamus distinguere omnia, quæ sunt de hominis ratione. — *Ibid. ad 3.*

Ad quintum dicendum, quod univ-
erse secundum quod accipitur cum inten-
tione universalitatis, est quidem quodam
modo principium cognoscendi, prout in-
tentio universalitatis consequitur modus
intelligendi, qui est per abstractionem.
Non est autem necesse quod omne, quod
est principium cognoscendi, sit principium
essendi, ut Plato existimat: cu-
andoque cognoscamus causam per esse
et substantiam per accidentia. Unum
universale sic acceptum, secundum sententiam Aristotelis, non est principium
essendi neque substantia, ut patet in
Metaphys. (lib. 43; l. 6, c. 13). Si auto-
consideremus ipsammet naturam gene-
ri et speciei, prout est in singularibus, et
quodam modo habet rationem principii
formalis respectu singularium. Nam si
gulare est propter materiam; ratio ac-
tum speciei sumitur ex forma. Sed natu-
ra generis comparatur ad naturam speciei
magis per modum materialis principii:
quia natura generis sumitur ab eo, quod
est materiale in re, ratio vero speciei a
eo, quod est formale: sicut ratio anima-
lia sensitivo, ratio vero homini ab in-
tellectivo. Et inde est quod ultima ratio
intentio est ad speciem, non autem
individuum neque ad genus: quia for-
ma est finis generationis, materia vero
propter formam. Non autem oportet quod
enjuslibet causa vel principium coen-
trum

posterior quoad nos, cum quandoque cognoscamus per causas sensibiles effectus ignotos, quandoque autem e converso. — *Ibid.* ad 4.

ARTICULUS IV

UTRUM POSSIMUS MULTA SIMUL INTELLIGERE.

Videtur quod possimus multa simul intelligere.

1. Intellectus enim est supra tempus; sed prius et posterius ad tempus pertinent: ergo intellectus non intelligit diversa secundum prius et posterius, sed simul. — 1a, q. 80, a. 4, arg. 4.

2. Præterea, nihil prohibet diversas formas non oppositas simul eidem actu inesse, sicut odorem et colorem pomo; sed species intelligibles non sunt oppositae: ergo nihil prohibet intellectum unum simul fieri in actu secundum diversas species intelligibles, et sic potest multa simul intelligere. — *Ibid.* arg. 2.

3. Præterea, intellectus simul intelligit aliquid totum, ut hominem vel domum; sed in quolibet toto continentur multæ partes: ergo intellectus noster simul multa intelligit. — *Ibid.* arg. 3.

4. Præterea, non potest cognosci differentia unius ad alterum, nisi simul ultrunque apprehendatur, ut dicitur in 2. *de Anima* (text. 146; l. 3, c. 2); et eadem ratio est de quacunque alia comparatione; sed intellectus noster cognoscit differentiam unius ad alterum; cognoscit enim hominem non esse lapidem: ergo cognoscit multa simul, puta hominem et lapidem. — *Ibid.* arg. 4; *de Verit.* q. 8, a. 14, arg. 2.

5. Præterea, potentia sensitiva, cum sit materialis, est inferior et magis contracta quam intellectiva; sed sensus potest plura simul sentire, sicut sensus communis simul sentit album et dulce, dum eorum differentiam cognoscit: ergo multo fortius intellectus potest simul plura intelligere. — *Quodl.* 7, a. 2, arg. 1.

6. Præterea, plura intelligibilia possunt simul cognosci, in quantum sunt unum; sed omnia intelligibilia sunt unum, in quantum sunt intelligibilia: ergo omnia intelligibilia possunt simul cognosci. — *Ibid.* arg. 2.

7. Præterea, ad cognitionem intellectus sufficit species rei intelligibilis in intellectu existens; sed species intelligibles non se impediunt quin simul sint in intellectu, cum non sint contrariae, eo quod sunt a materia separatae: ergo intellectus non impeditur quin possit simul plura intelligere. — *Ibid.* arg. 4.

8. Præterea, capacitas intellectus est major quam cujuscunque corporis. Sed aliquod corpus est, in quo simul possunt plures species, etiam contrariorum, fieri; sicut patet, quod in uno puncto aeris, in quo se intersecant duæ lineæ directæ a duobus visilibus ad duos videntes, est species utriusque visibilis. Ergo multo fortius plures species actu possunt simul esse in intellectu, et ita intellectus potest simul multa intelligere. — *Ibid.* arg. 5.

Sed contra est: 1. quod dicit Philosopher in 2. *Top.* (c. 4, loc. 33; al. c. 10): « contingit plura scire, intelligere vero unum solum ». — 1a, q. 85, a. 4, arg. *Sed contra*; *Quodl.* 7, a. 2, arg. *Sed contra*.

2. Præterea, intelligere plura per modum unius vel per modum plurium, est intelligere per unam vel plures species; nam nodus cujusque actionis consequitur formam, quæ est actionis principium. Sed intellectus non potest simul intelligere per plures species; nam impossibile est idem perfici simul pluribus formis unius generis et diversarum specierum, sicut impossibile est quod idem corpus secundum idem simul coloretur diversis coloribus vel figuretur diversis figuris; omnes autem species intelligibles sunt unius generis, quia sunt perfectiones unius intellectivæ potentiae, licet res, quarum sunt species, sint diversorum generum. Ergo impossibile est quod idem intellectus simul perficiatur diversis spe-

ciebus intelligibilibus ad intelligendum in actu diversa in actu. — 1a, q. 83, a. 4, c.

RSPONDEO DICENDUM, quod intellectus dupliciter aliquid intelligit, scilicet primo et ex consequenti. *Ex consequenti* quidem plura contingit simul intelligere, in quantum habent ordinem ad unum intelligibile primum. Et hoc contingit dupliciter: uno modo ex unitate ejus, quo intelligitur, sicut quando plura intelligibilia per unam speciem intelligibilem intelliguntur, sicut intellectus divinus omnia simul videt per unam essentiam suam; et eodem modo intellectus creatus vi lens essentiam divinam potest omnia simul videre, quæ per essentiam divinam videt. *Alio modo* ex unitate ejus, quod intelligitur, scilicet quando plura intelliguntur ut unum; totum enim unum est primo intellectum, et illa plura sunt intellecta ex consequenti in illo: sicut cum intellectus intelligit lineam, simul intellectus intelligit partes lineæ, ut dicitur in 3. *de Anima* (text. 23; c. 6); et similiter cum intelligit propositionem, intelligit simul subjectum et predicatum; et cum intelligit similitudinem vel differentiam aliquorum, simul intelligit ea, quorum est similitudo vel differentia. — *Quorū. 7, a. 2, c.*

Sed quod intellectus intelligat simul plura intelligibilia *primo et principiū*, est impossibile. Cuius ratio est, qui intellectus secundum actu est omnino, id est perfecte, res intellecta, ut dicitur in 3. *de Anima* (text. 36; c. 7). Quod quidem intelligendum est, non quod essentia intellectus fiat res intellecta vel species ejus; sed quia complete informatur per speciem rei intellectae, dum eam actu intelligit. Unde intellectum simul plura actu intelligere primo, idem est ac si res una esset simul plura. In rebus enim materialibus videmus, quod una res numero non potest esse simul plura in actu; sed plura in potentia, vel secundum dispositionem, potest esse unum et item: item enim aer est simul potentia aqua et igni; et potest etiam

simul dispositiones ad utrumque, quantum ad aliquid, inesse eidem, sicut si aer ex una parte calefieret et ex alia inspissaretur; sed quod aer simul sit acte ignis et aqua, est impossibile; et similiter etiam quod aliquid sit simul actu lapis et ferrum, quæ non videntur contraria, sed disparata. — Intellectus autem ex ipsa ratione suæ potentiae est simul potentia omnia intelligibilia, sicut et sensus omnia sensibilia. Potentia autem sensitiva per similitudines sensibilium reducitur in actu dupliciter: uno modo *incomplete*, per modum dispositionis, quando scilicet species sensibiles sunt in ea ut dispositiones, quod appellat Avicenna esse ut in thesauro; alio modo *perfecte* quando scilicet species sensibiles aet informant potentiam sensitivam; et hoc vocat Avicenna apprehensionem sensus distinguens potentias sensitivas apprehendentes ab illis, in quibus sunt forma sensibiles ut in thesauro; et similiter in intellectu in habitu sunt similitudines intelligibilium ut dispositiones; sed quando sunt actu intellectæ, sunt in eo ut formæ perficientes, et tunc intellectus fit omnino res intellecta; et hoc contingit per intentionem, qua conjugit intellectum intelligibili et sensum sensibili, et dicit Augustinus. — *Ibid.*

Unde patet, quod sicut una res materialis non potest esse simul plura actu ita unus intellectus non potest simul plura intelligere primo. Et hoc est, quod Alhazel dicit, quod sicut unum corpus non potest simul figurari pluribus figuris, ita unus intellectus non potest simul plura intelligere. — Nec potest dicitur, quod intellectus formetur perfecte simul pluribus speciebus intelligibilibus, sicut unum corpus simul informatur figura et colore; quia figura et color non sunt formæ unius generis, nec in eodem ordinis recipiuntur, quia non ordinantur ad perficiendum in eis unius rationis; sed omnes formæ intelligibiles, in quantum hujusmodi, sunt unius generis; et in eodem ordine se habent ad intellectum, in quo-

tum perficiunt intellectum in hoc, quod est esse intellectum in actu. Unde plures species intelligibiles se habent sicut figuræ plures vel plures colores, qui simul actu in eodem esse non possunt secundum idem. — *Quodl. 7, a. 2, c.*

Ad primum ergo dicendum, quod intellectus est supra tempus, quod est numerus motus corporalium rerum. Sed ipsa pluralitas specierum intelligibilium causat vicissitudinem quandam intelligibilium operationum, secundum quam una operatio est prior altera; et hanc vicissitudinem Augustinus nominat tempus, cum dicit (*8. super Genes. ad Litt. c. 20*; — Migne t. 34, col. 388), quod Deus movet spiritualem creaturam per tempus. — *Ibid. ad 1a, q. 85, a. 4, ad 1.*

Ad secundum dicendum, quod non solum oppositæ formæ non possunt esse in eodem subjecto, sed nec quæcunque formæ ejusdem generis, licet non sint oppositæ, sicut patet per exemplum inductum de coloribus et figuris. — *Ibid. ad 2.*

Ad tertium dicendum, quod partes possunt intelligi dupliciter: uno modo sub quadam confusione, prout sunt in toto; et sic cognoscuntur per unam formam totius, et sic simul cognoscuntur; — alio modo cognitione distincta, secundum quod quælibet cognoscitur per suam speciem; et sic non simul intelliguntur. — *Ibid. ad 3.*

Ad quartum dicendum, quod quando intellectus intelligit differentiam vel comparationem unius ad alterum, cognoscit utrumque differentium vel comparatorum sub ratione ipsius comparationis vel differentiæ, sicut dictum est (ad 3), quod cognoscit partes sub ratione totius. — *Ibid. ad 4.*

Ad quintum dicendum, quod similiter dicendum est de potentia sensitiva, id est quod non potest plura simul sentire, sed ex consequenti, in quantum plura accipiuntur ut unum: sicut plura sensibilia uniuntur in una differentia, et plura sensibilia, quæ sunt partes, uniuntur in uno toto. Unde, quando sentitur totum,

sentiuntur simul plures partes ex consequenti; et tunc intentio sensus non feretur ad aliquam partium principaliter, sed ad totum: quia si ad aliquam partium ferretur ut ad sensibile principale, non simul sentiretur alia. Et iterum sensus communis quamvis sit una potentia secundum essentiam, tamen aliquo modo multiplicatur secundum esse, in quantum conjungitur diversis sensibus propriis, sicut unum centrum conjungitur pluribus lineis. Unde immutationes omnium sensibilium simul terminantur ad sensum communem, sicut motus, qui esset per omnes lineas, posset simul terminari ad centrum; sed intellectus non multiplicatur modo praedicto in plures potentias; et ideo non est simile. — *Quodl. 7, a. 2, ad 1.*

Ad sextum dicendum, quod cognoscibilia quæ simul cognoscuntur, oportet quod accipientur ut cognoscibile unum numero; omnia autem intelligibilia, in quantum hujusmodi, sunt unum genere, non numero; et ideo ratio non sequitur. — *Ibid. ad 2.*

Ad septimum dicendum, quod non solum prohibetur res aliqua esse plura contraria actu simul, sed etiam plura esse disparata, ut patet ex dictis. Unde, quamvis formæ intelligibiles in intellectu non sint contrariae, nihilominus tamen intellectus prohibetur simul plura intelligere, ut ex dictis patet. — *Ibid. ad 4.*

Ad octavum dicendum, quod species sensibiles, quæ sunt in medio deferente, sunt ibi per modum dispositionis, et non per modum ultimæ perfectionis, quia sunt ibi sicut in quodam fluxu; et ideo non est simile. — *Ibid. ad 5.*

ARTICULUS V

UTRUM INTELLECTUS NOSTER INTELLIGAT COMPONENDO ET DIVIDENDO.

Videtur quod intellectus noster non intelligat componendo et dividendo.

4. Compositio enim et divisio non est nisi multorum ; sed intellectus noster non potest simul multa intelligere : ergo non potest intelligere componendo et dividendo. — *Ibid.* q. 83, a. 5, arg. 1.

2. Præterea, omni compositioni et divisioni adjungitur tempus præsens, præteritum vel futurum ; sed intellectus abstrahit a tempore, sicut etiam ab aliis particularibus conditionibus : ergo intellectus non intelligit componendo et dividendo. — *Ibid.* arg. 2.

3. Præterea, intellectus intelligit per assimilationem ad res. Sed compositio et divisio nihil est in rebus. Nihil enim invenitur in rebus nisi res, quæ significatur per prædicatum et subjectum ; quæ est una et eadem, si compositio est vera ; homo enim est vere id, quod est animal. Ergo intellectus non componit et dividit. — *Ibid.* arg. 3.

Sed contra : Voces significant conceptiones intellectus, ut dicit Philosophus 1. *Periherm.* (c. 1) ; sed in vocibus est compositio et divisio, ut patet in propositionibus affirmativis et negativis : ergo intellectus componit et dividit. — *Ibid.* arg. *Sed contra.*

RESPONDo DICENDum, quod intellectus humanus necesse habet intelligere componendo et dividendo. Cum enim intellectus humanus exeat de potentia in actum, similitudinem quædam habet cum rebus generalibus, quæ non statim perfectionem suam habent, sed cum successive acquirunt. Et similiter intellectus humanus non statim in prima apprehensione capit perfectam rei cognitionem ; sed primo apprehendit aliquid de ipsa, puta quidditatem ipsius rei, quæ est primum et proprium objectum intellectus ; et deinde intelligit proprietates et accidentia et habitudines circumstantes rei essentiam. Et secundum hoc necesse habet unum apprehensum alii componere et dividere, et ex una compositione et divisione ad aliam procedere ; quod est ratiocinari. — Intellectus autem angelicus et divinus se habet sicut res

incorruptibiles, quæ statim a principio habent suam totam perfectionem. Unde intellectus angelicus et divinus statim perfecte totam rei cognitionem habet. Unde in cognoscendo quidditatem rei, cognoscit de re simul quidquid nos cognoscere possumus componendo et dividendo et ratiocinando. Et ideo intellectus humanus cognoscit componendo et dividendo, sicut et ratiocinando. Intellectus autem angelicus et divinus cognoscunt quidem compositionem et divisionem et ratiocinationem, non tamen componendo et dividendo et ratiocinando, sed per intellectum simplicis quidditatis. — *Ia*, q. 83, a. 5, c.

*A*d primum ergo dicendum, quod compositio et divisio intellectus per quandam differentiam vel comparationem fit. Unde sic intellectus cognoscit multa componendo et dividendo, sicut cognoscendo differentiam vel comparationem rerum. — *Ibid.* ad 1.

*A*d secundum dicendum, quod intellectus abstrahit a phantasmatisbus ; et tamen non intelligit actu nisi convertendo se ad phantasmatata, sicut supra dictum est. Et ex ea parte, qua se ad phantasma convertit, compositioni et divisioni intellectus adjungitur tempus. — *Ibid.* ad 2.

*A*d tertium dicendum, quod similitude rei recipitur in intellectu secundum modum intellectus, et non secundum modum rei. Unde compositioni et divisor intellectus respondet quidem aliquid e parte rei ; tamen non eodem modo s habet in re, sicut in intellectu. Intellectus enim humani objectum proprium est quiditas rei materialis, quæ sub sensu imaginationem cadit. Inventur autem duplex compositio in re materiali : per quidem formæ ad materiam ; et hinc respondet compositio intellectus, qua tota universitate de una parte præficatur. Nam genus sumitur a materia communia, differentia vero completiva perier a formis particuliare vero a materiâ individuali. Secunda vero compositio est accidens subjectum ; et hinc reali compositione re-

spondet compositio intellectus, secundum quam prædicatur accidentis de subjecto, ut cum dicitur : Homo est albus. Tamen differt compositio intellectus a compositione rei ; nam ea, quæ componuntur in re, sunt diversa ; compositio autem intellectus est signum identitatis corum, quæ componuntur. Non enim intellectus sic componit, ut dicat, quod homo est albedo ; sed dicit, quod homo est albus, id est habens albedinem (1). Et simile est de compositione materiae et formæ. Nam animal significat id, quod habet naturam sensitivam ; rationale vero, quod habet naturam intellectivam ; homo vero, quod habet utrumque ; Socrates vero, quod habet omnia hæc cum materia individuali. Et secundum hanc identitatis rationem intellectus noster unum componit alteri, prædicando. — *Ibid.* ad 3.

ARTICULUS VI

UTRUM INTELLECTUS POSSIT ESSE FALSUS.

Videtur quod intellectus possit esse falsus.

1. Dicit enim Philosophus (*6. Metaphys. text. 8*; l. 5, c. 3), quod verum et falsum sunt in mente ; mens autem et intellectus idem sunt : ergo falsitas est in intellectu. — *1a, q. 85, a. 6, arg. 1.*

2. Præterea, opinio et ratiocinatio ad intellectum pertinent ; sed in ultraque istarum invenitur falsitas : ergo potest esse falsitas in intellectu. — *Ibid. arg. 2.*

3. Præterea, peccatum in parte intellectiva est ; sed peccatum cum falsitate est ; errant enim *qui operantur malum*, ut dicitur *Proverb. 14, 22* : ergo falsitas potest esse in intellectu. — *Ibid. arg. 3.*

Sed contra est, quod Philosophus (*3. de Anima text. 51*; c. 10) ait, quod intellectus semper est rectus. — *1a, q. 17, a. 3, arg. 2* ; *q. 85, a. 6, arg. Sed contra.*

RESPONDEO DICENDUM, quod Philosophus in *3. de Anima* (*text. 26*; c. 6) com-

(1) *Al. add.* : Idem autem est subjecto quod est homo, et quod est habens albedinem.

parat quantum ad hoc intellectum sensui. Sensus enim circa *proprium objectum* non decipitur, sicut visus circa colorem, nisi forte per accidentis, ex impedimento circa organum contingente ; sicut cum gustus febricitantium dulcia judicat amara propter hoc, quod lingua malis humoribus est repleta. Circa *sensibilia* vero *communia* decipitur sensus, sicut judicando de magnitudine vel figura : ut cum judicat solem esse pedalem, qui tamen est major terra. Et multo magis decipitur circa *sensibilia per accidentis*, ut cum judicat fel esse mel, propter coloris similitudinem. Et hujus ratio est evidens, quia ad proprium objectum unaquæque potentia per se ordinatur, secundum quod ipsa ; quæ autem sunt hujusmodi, semper eodem modo se habent. Unde manente potentia non desicit ejus judicium circa proprium objectum. Objectum autem proprium intellectus est quidditas rei. Unde circa quidditatem rei, *per se loquendo*, intellectus non fallitur, sed circa ea, quæ circumstant rei essentiam vel quidditatem, intellectus potest falli, dum unum ordinat ad aliud vel componendo vel dividendo vel etiam ratiocinando. Et propter hoc etiam circa illas propositiones errare non potest, quæ statim cognoscuntur cognita terminorum quidditate, sicut accidit circa prima principia, ex quibus etiam accidit infallibilitas veritatis secundum certitudinem scientiae circa conclusiones.

Per accidentis tamen contingit intellectum decipi circa *quod quid est* in rebus compositis ; non ex parte organi, quia intellectus non est virtus utens organo ; sed ex parte compositionis intervenientis circa definitionem, dum vel definitio unius rei est falsa de alia, sicut definitio circuli de triangulo ; vel dum aliqua definitio est in se falsa, implicans compositionem impossibilium, ut si accipiatur hoc ut definitio alicujus rei, animal rationale alatum. Unde in rebus simplicibus, in quarum definitionibus compositio intervenire non potest, non possumus decipi ; sed desicimus in totaliter non attingendo,

sicut dicitur in 9. *Metaphys.* (*text.* 22; 1. 8, c. 10). — 1a, q. 83, a. 6, c.

Ad primum ergo dicendum, quod falsitas dicitur esse in mente secundum compositionem et divisionem. — Et similiter dicendum est *ad secundum* de opinione et ratiocinatione; et *ad tertium* de errore peccantium, qui consistit in applicatione ad appetibile. Sed in absoluta consideratione quidditatis rei et eorum, quae per eam cognoscuntur, intellectus nunquam decipitur; et sic loquitur auctoritas inducta *in contrarium*. — *Ibid.* ad 1, 2, 3.

ARTICULUS VII

UTRUM UNAM ET EANDEM REM UNUS ALIO MELIUS INTELLIGERE POSSIT.

Videtur quod unam et eandem rem unus alio melius intelligere non possit.

1. Quisquis enim ullam rem aliter quam est intelligit, fallitur; et omnis qui fallitur, illud in quo fallitur non intelligit; non igitur potest quidquam intelligi, nisi ut sit; ergo cum res sit uno modo, ab omnibus uno modo intelligitur, et ideo nullam rem aliis alio melius intelligit. — *de Verit.* q. 2, a. 2, arg. 11; 1a, q. 83, a. 7, arg. 1.

2. Praeterea, intellectus intelligendo verus est; veritis autem cum sit aequalitas quadam intellectus et rei, non recipit magis et minus; non enim propriè dicitur aliquid magis et minus a piale; ergo neque magis et minus aliquid intelligi dicitur. — 1a, 1, c. arg. 2.

3. Praeterea, intellectus est id, quod est formalissimum in homine; sed differentia formae eatur at differentiam speciei: si igitur unus homo magis alio intelligit, videtur quod non sint unius speciei. — *Ibid.* arg. 3.

Sed contra est, quod per experimentum inveniuntur aliqui alii profundius intelligentes: sicut profundius intelligit qui conclusionem aliquam potest reducere in prima principia et causas primas, quam qui potest reducere solum in causas proximas. — *Ibid.* arg. *Sed contra*.

RESPONDEO DICENDUM, quod aliquem intelligere unam et eandem rem magis quam alium, potest intelligi dupliciter *uno* modo sic, quod *ly magis* determine actum intelligendi ex parte rei intellectæ; et sic non potest unus eandem rem magis intelligere quam alius, quia si intelligeret eam aliter quam sit, vel melius vel pejus, falleretur et non intelligeret ut arguit Augustinus (*Librō LXXXIII QQ.* q. 32; — Migne t. 40, col. 22). *Alio* modo potest intelligi, ut determinet actum intelligendi ex parte intelligentis; et sic unus alio potest eandem rem melius intelligere, quia est melioris virtutis in intelligendo, sicut melius videt visione corporali rem aliquam qui est perfectioris virtutis, et in quo virtus visiva est perfectior. Hoe autem circa intellectum contingit dupliciter: *uno* quidem modo ex parte intellectus, qui est perfectior. Manifestum est enim, quod quanto corpus est melius dispositum, tanto meliore sortitur anima; quod manifeste appare in his, quae sunt secundum speciem diversa. Cujus ratio est, quia actus e formâ recipitur in materia secundum materialē capacitatē. Unde etiam cum in hominibus quidam habeant corpus melius dispostum, sortiuntur animam majoris virtutis in intelligendo. Unile dicitur in 2. *de Anima* (*text.* 9¹; c. 9), quod nolite catne bene oplos mente videmus. Alio modo contingit hoc ex parte inferiorum virtutum, quibus intellectus indiget sui operationem. Illi enim, in quibus virtus imaginativa et cogitativa et memoria est melius disposita, sunt in hoc dispositi ad intelligendum. — 1a, q. 83, a. 7, c.

Ad primum ergo patet solutio ex dictis.

Et similiter *ad secundum*; veritas enim intellectus in hoc consistit, quod intelligatur res esse sicut est. — 1a, 1, c. a. 1 et 2.

Ad tertium dicendum, quod differentia formæ, quae non proveniunt nisi ex diversa dispositione materiali, non facit diversitatem secundum speciem, sed solum

cundum numerum. Sunt enim diversorum individuorum diversæ formæ secundum materiam diversificatae. — *Ibid.* ad 3.

ARTICULUS VIII

UTRUM INTELLECTUS PRIUS INTELLICAT
INDIVISIBILE QUAM DIVISIBILE.

Videtur quod intellectus per prius intelligat indivisibile quam divisibile.

1. Dicit enim Philosophus (*1. Phys. text. 1*; c. 1), quod intelligimus et scimus ex principiorum et elementorum cognitione; sed indivisibilia sunt principia et elementa divisibilium: ergo per prius sunt nobis nota indivisibilia quam divisibilia. — *Ia, q. 85, a. 8, arg. 1.*

2. Præterea, id quod ponitur in definitione alicujus, per prius cognoscitur a nobis, quia definitio est ex prioribus et notioribus, ut dicitur in *6. Top. (c. 1)*; sed indivisibile ponitur in definitione divisibilis, sicut punctum in definitione incæ; linea enim, ut dicit Euclides, est longitudo sine latitudine, cujus extremitates sunt duo puncta; et unitas ponitur in definitione numeri, quia numerus est multitudo mensurata per unum, ut dicitur in *10. Metaphys. (text. 21; l. 9, c. 6)*: ergo intellectus noster per prius intelligit indivisibile quam divisibile. — *Ibid. arg. 2.*

3. Præterea, simile simili cognoscitur; sed indivisibile est magis simile intellectui quam divisibile, quia intellectus est complex, ut dicitur in *3. de Anima (text. 2; c. 4)*: ergo intellectus noster prius intelligit indivisibile. — *Ibid. arg. 3.*

Sed contra est, quod dicitur in *3. de Anima (text. 25; c. 6)*, quod indivisibile monstratur sicut privatio; sed privatio per posterius cognoscitur: ergo et indivisibile. — *Ibid. arg. Sed contra.*

RESPONDEO DICENDUM, quod objectum intellectus nostri secundum præsentem statum est quidditas rei materialis, quam phantasmatibus abstrahit, ut ex præ-

missis (supra q. 95, a. 4 et 5) patet. Et quia id, quod est primo et per se cognitum a virtute cognoscitiva, est proprium ejus objectum, considerari potest, quo ordine indivisibile intelligatur a nobis, ex ejus habitudine ad hujusmodi quidditatem. Dicitur autem indivisibile tripliciter, ut dicitur in *3. de Anima (text. 23 ad 25; c. 6)*: — *uno modo*, sicut continuum est indivisibile, quia est indivisum in actu, licet sit divisibile in potentia. Et hujusmodi indivisibile prius est intellectum a nobis quam ejus divisio, quæ est in partes: quia cognitio confusa est prior quam distincta, ut dictum est (art. 3 hujus q., ad 4). — *Altio modo* dicitur indivisibile secundum speciem, sicut ratio hominis est quiddam indivisibile. Et hoc etiam modo indivisibile est prius intellectum quam divisio ejus in partes rationis, ut supra (*ibid.*) dictum est; et iterum prius, quam intellectus componat et dividat affirmando vel negando. Et hujus ratio est, quia hujusmodi duplex indivisibile intellectus secundum se intelligit sicut proprium objectum. — *Tertio modo* indivisibile dicitur quod est omnino indivisibile, ut punctum et unitas, quæ nec actu nec potentia dividuntur. Et hujusmodi indivisibile per posterius cognoscitur per privationem divisibilis. Unde *punctum* privative definitur: *punctum est cui (cujus) pars non est*; et similiter ratio *uniuersi* est, quod sit indivisibile, ut dicitur in *10. Metaphys. (text. 1; l. 9, c. 1)*. Et hujus ratio est, quia tale indivisibile habet quandam oppositionem ad rem corporalem, cujus quidditatem primo et per se intellectus accipit. — Si autem intellectus noster intelligeret per participationem indivisibilium separatorum, ut Platonici posuerunt, sequeretur quod indivisibile hujusmodi esset primo intellectum, quia secundum Platonicos prius participatur a rebus. — *Ia, q. 85, a. 8, c.*

Ad primum ergo dicendum, quod in accipiendo scientiam non semper principia et elementa sunt priora: quia quandoque ex effectibus sensibilibus devenimus

in cognitionem principiorum et causarum intelligibilium. Sed in complemento scientiae semper scientia effectuum dependet ex cognitione principiorum et elementorum: quia, ut ibidem dicit Philosophus, tunc opinamur nos scire, cum principiata possumus in causas resolvere. — *Ibid.* ad 4.

Ad secundum dicendum, quod *punctum* non ponitur in definitione lineæ communiter sumptæ. Manifestum enim est, quod in linea infinita, et etiam in circulari, non est punctum nisi in potentia. Sed Euclides definit lineam finitam rectam, et ideo posuit punctum in definitione lineæ, sicut terminum in definitione terminati. *Unitas* vero est mensura numeri; et ideo ponitur in definitione numeri mensurati; non autem ponitur in definitione divisibilis, sed magis e converso. — *Ibid.* ad 2.

Ad tertium dicendum, quo l similitudo, per quam intelligimus, est species cogniti in cognoscente. Et ideo non secundum similitudinem naturæ ad potentiam cognoscitivam est aliquid prius cognitum, sed per convenientiam ad objectum; aliqui magis visus cognosceret auditum quam colorem. — *Ibid.* ad 3.

QUÆSTIO CI

QUID INTELLECTUS NOSTER IN REBUS MATERIALIBUS COGNOSCAT.

Deinde considerandum est, quid intellectus noster in rebus materialibus cognoscat.

ET CIRCA HOC QUERUNTUR QUATUOR:

1. Utrum cognoscat singularia.
2. Utrum cognoscat infinita.
3. Utrum cognoscat contingentia.
4. Utrum cognoscat futura.

ARTICULUS I

UTRUM INTELLECTUS NOSTER COGNOSCAT SINGULARIA.

Videtur quod intellectus noster cognoscat singularia.

1. Dicit enim Philosophus (*3. de Anima* *text.* 30; c. 7), quod oportet intelligentem phantasmata speculari; sed speculari nihil est aliud quam intelligere ergo intellectus intelligit singularia.

2. Præterea, intellectus noster non potest intelligere per species abstractas a phantasmatis nisi convertendo se ad phantasmata, ut dictum est (*supra q. 93 a. 5*); unde et Philosophus (*3. de Anima* *text.* 30 et 39; c. 7 et 8) dicit, quod phantasmata se habent ad intellectum sive insibia ad sensum. Sed phantasmata sunt quædam singularia; et conversio ad phantasma nihil est aliud quam ejus intellectio. Ergo cum phantasma sit singulare, intellectus noster cognoscet singulare. — *H. cc. in respons.*

3. Præterea, nullus cognoscit compositionem, nisi cognoscat compositionis extrema; sed hanc propositionem: « *Socrates* est homo » format meus; non enim potest eam formare aliqua sensitiva potentia, quæ hominem in universalis non apprehendit: ergo intellectus noster cognoscit singularia. — *de Verit.* q. 10, a 5, arg. 3; 1a, q. 86, a. 1, arg. 1; *Quæst. disp. de Anima* a. 20, arg. 1 *Sed contra*

4. Præterea, nullus recte judicat e disponit de aliquibus, nisi ea cognoscat sed sapiens per intellectum practican atque adeo per mentem recte judicat e disponit de singularibus, puta de actibus suis, qui sunt circa singularia, et de sua familia rebusque suis: ergo intellectus intelligit singularia. — *de Verit.* 1. c. arg 2; 1a, 1. c. arg. 2; 4. *Sent.* dist. 50, q 1, a. 3, arg. 3 *Sed contra*.

5. Præterea, eadem potentia cognosci comparationem unius ad alterum; eadem enim potentia sensitiva communis cognoscit differentiam albi et dulcis; sed intellectus cognoscit comparationem universalis a singulare: ergo intellectus cognoscit singulare. — *3. de Anima* 4. 8.

6. Præterea, nullus potest imperat objectum aliquem, nisi cognoscat objectum illius; sed mens sive ratio imperat objectum concupisibilis et iracibili, ut patet 1

Eth. (c. ult.): ergo cum illorum objectum sit singulare, illud poterit ab intellectu cognosci. — *de Verit.* q. 10, a. 5, arg. 4.

7. Præterea, intellectus noster cognoscit se ipsum; ipse autem est quoddam singulare; alioqui non haberet actum aliquem, actus enim singularium sunt: ergo intellectus noster cognoscit singularia. — 1a, q. 86, a. 1, arg. 3.

8. Præterea, quidquid potest virtus inferior, potest superior; sed sensus cognoscit singulare: ergo multo magis poterit intellectus illud cognoscere. — *Ibid.* arg. 4.

9. Præterea, per intellectum cognoscimus sensum errare judicando de aliquo singulari, ut quod sol sit pedalis; ergo per intellectum cognoscimus singulare sensibile demonstratum. — V. Capreolum in 1. *Sent.* dist. 33, q. 2, a. 1, arg. 9 ex 15 contra quartam conclus. (Edit. Venet. an. 1589 tom. 1, pag. 470, b).

10. Præterea, si per intellectum non cognosceremus singularia sensibilia demonstrata, sequeretur quod nulla principia scientiarum, quæ per experientiam singularium sumuntur, ut dicitur 2. *Posterior.* (text. 27; c. 19) et 1. *Metaphys.* (c. 1), habere possemus; consequens autem est falsum: ergo et antecedens; ergo idem quod prius. — V. Capreolum l. c. arg. 10.

11. Præterea, prudentia est circa singularia (6. *Eth.* c. 5), et ex altera præmissa universalis et altera singulari concludit conclusionem singularem; sed talis deductio non potest fieri per sensum, cum non habeat universalem conceptionem. Nec potest dici, quod universalis sit nota per intellectum et singularis per sensum, quia cum conclusio non concludatur ex altera tantum, ut patet ex 1. *Priorum* (c. 1), sed ex ultraque simul; tunc nec per sensum nec per intellectum inferretur conclusio, cum per eandem vim cognoscitivam oportet cognosci conclusionem et præmissas. Ergo. — V. Capreolum l. c. arg. 11.

12. Præterea, anima separata cognoscit singularia; ergo et conjuncta; nam

eadem est anima et eadem potentia intellectiva; ergo intellectus potest cognoscere singulare. — V. Capreolum l. c. arg. 14.

Sed contra est quo l. dicit Philosophus 1. *Phys.* (text. 49; c. 5), quod universale secundum rationem est notum, singulare autem secundum sensum; et 3. *de Anima* (text. 10 et 11; c. 4) dicit, quod sensus cognoscit hanc carnem et ejus qualitates, et intellectus cognoscit esse carnis; sed ejus quidditatem directe, indirecte vero et per reflexionem cognoscit hanc carnem. — 1a, q. 86, a. 1, arg. *Sed contra.*

RESPONDEO DICENDUM, quod singulare in rebus materialibus intellectus noster directe et primo cognoscere non potest. Cujus ratio est, quia principium singularitatis in rebus materialibus est materia individualis. Intellectus autem noster, sicut supra (q. 100, a. 1) dictum est, intelligit abstrahendo speciem intelligibilem ab hujusmodi materia. Quod autem a materia individuali abstrahitur, est universale. Unde intellectus noster directe non est cognoscitivus nisi universalium. Indirecte autem et quasi per reflexionem potest cognoscere singulare, quia, sicut supra dictum est, etiam postquam species intelligibles abstraxerit, non potest secundum eas actu intelligere nisi convertendo se ad phantasmata, in quibus species intelligibles intelligit, ut dicitur in 3. *de Anima* (text. 32; c. 7). Sic igitur ipsum universale per speciem intelligibilem directe intelligit, indirecte autem singularia, quorum sunt phantasmata. Et hoc modo format hanc propositionem: Socrates est homo. — 1a, q. 86, a. 1, c.

Ad primum ergo dicendum, quod speculatio illa, de qua dicit Aristoteles, quod intelligentem necesse est phantasmata speculari, non est actus intellectus, sed imaginationis et phantasie. Ad imperium enim intellectus formatur in imaginatione phantasma conveniens speciei intelligibili, in quo resplendet species intelligibilis sicut exemplar in exemplo; et ista operatio virtutis imaginativæ dicitur speculatio phan-

tasmatis. — *Vel dic*, quod non dicit Philosophus oportere intelligentem phantasmata speculari, sed quod anima nunquam sine phantasmate intelligit, quia nimis homo qui intelligit non potest intelligere nisi phantasietur illud, quod vult intelligere. Formato enim phantasmate, virtute intellectus agentis phantasma movet intellectum possibilem, qui factus in actu per speciem intelligibilem productam a phantasmate instrumentaliter, intelligibilem operationem producit. Et hinc est quod homo præcognoscit singularia per imaginationem et sensum; et ideo potest applicare universalem cognitionem, quæ est in intellectu, ad particulare; non enim proprius intellectus aut sensus cognoscunt, sed homo per utrumque, ut dicitur *1. de Anima* (*text. 64*; *c. 4*). — *2. c. Gent.* *c. 73*. — *V. Capreolum* *l. c. ad 2* (pag. 475, a et b).

Ad secundum dicendum, quod intellectum converti ad phantasmata non est intellectum intelligere phantasmata, sed pati intellectum a phantasmate, et accipere ab eo speciem intelligibilem. Illa enim receptio est quedam continuatio intellectus ad phantasmata, et quadam conversio, sicut etiam anima separata convertitur ad superiora recipiendo lumen intelligibile ab eis. — Phantasmata emulhet se habeant in hoc sensu ad intellectum sicut sensibilia ad ensim, quod sicut species, quæ est in sensu, abstrahitur a rebus ipsis, et per eum continuatur cognitio sensus ad res ipsas sensibiles, ita intellectus noster abstrahit speciem a phantasmatibus, et per eum ejus cognitio quadammodo ad phantasmata continuatur. — Est tamen hoc discrimen inter phantasmata et sensibilia respectu intellectus et sensus, quod similitudo quæ est in sensu, abstrahitur a re ut ab objecto cognoscibili, et ideo res ipsa per illum similitudinem per se directe cognoscitur; — similitudo autem quæ est in intellectu, non abstrahitur a phantasmate sicut ab objecto cognoscibili, sed sicut a medio cognitionis, per modum quo sensus noster acci-

pit similitudinem rei, quæ est in speculo dum fertur in eam non ut in rem quan- dam, sed ut in similitudinem rei. Und intellectus noster non directe ex specie quam recipit, fertur ad cognoscendum phantasmata, sed tantum per quandam reflexionem reddit etiam in cognitionem ipsius phantasmatis, dum considerat na turam sui actus et speciei per quam intuetur, et ejus a quo speciem abstrahit scilicet phantasmatis: sicut per similitudinem quæ est in visu a speculo acceptam directe fertur visus in cognitionem re speculative, sed per quandam reversionem fertur per eandem in ipsam similitudinem quæ est in speculo. In quantum ergo intellectus noster per similitudinem acceptam a phantasmate reflectitur in ipsum phantasma, quod est similitudo particu laris, habet quandam cognitionem de singulare, secundum continuationem quan dum intellectus ad imaginationem. — *de Verit.* *q. 2, a. 6, in c.*

Ad textum vero Philosophi dicendum quod similitudo phantasmatum ad intellectum, et colorum ad visum, non consistit in hoc, quod sicut colores sunt objectum vi sus, ita phantasmata intellectus; sed in hoc, quod sicut species sensibilis abstrahitur a rebus sensibilibus, ita et species intelligibilis a phantasmatibus, ut dictum est; et sicut sensus percipit res sensibiles representatas per species sensibiles, ita et intellectus cognoscit ea, quorum sunt phantasmata. — *de Verit.* *q. 2, a. 6, in c.*; *q. 10, a. 9, in c.*

Ad tertium dicendum, quod intellectus noster in statu viae indirecte et per quandam reflexionem cognoscit singulare, quatenus continuatur viribus sensitivis, que circa particularia versantur. Quæ quid in continuatio est duplex: uno modo, in quantum motus sensitivæ partis terminatur ad mentem, sicut accedit in motu qui est a rebus ad animam; et sic mens singulare cognoscit per quandam reflexionem, prout scilicet mens cognoscendu objectum suum, quod est aliquo natura univerali, rudit in cognitionem suam actu-

et ulterius in speciem, quæ est actus sui principium, et ulterius in phantasma, a quo species est abstracta; et sic aliquam cognitionem de singularibus accipit. *Alio modo*, secundum quod motus qui est ab anima ad res, incipit in mente et procedit in partem sensitivam, prout mens regit inferiores vires, et sic singularibus se impinguat, mediante ratione particulari, quæ est potentia quædam (1) componens et dividens intentiones individuales, quæ alio nomine dicitur cogitativa, et habet determinatum organum in capite, scilicet medium cellulam capitis. Universalem vero sententiam, quam mens habet de operibus, non est possibile applicari ad particularem actum, nisi per aliquam potentiam medium apprehendentem singulare: ut sic fiat quidem syllogismus, cuius major sit universalis, quæ est sententia mentis; minor autem singularis, quæ est applicatio particularis rationis; conclusio vero est electio singularis operis, ut patet per illud, quod habetur 3. *de Anima* (*text.* 58; c. 11). — *de Verit.* q. 10, a. 5, in c.; 4. *Sent.* dist. 50, q. 1, a. 3, c.; 1a, q. 86, a. 1, in c.

Ad quartum dicendum, quod intellectus practicus ad hoc, ut de singularibus disponat, ut dicitur in 3. *de Anima* (*text.* 58; c. 11), indiget ratione particulari; qua mediante opinio quæ est universalis, quæ est in intellectu, ad particulare opus applicatur: ut sic fiat syllogismus, cuius major est universalis, quæ est opinio intellectus practici; minor vero singularis, quæ est aestimatio rationis particularis seu cogitativæ; conclusio vero consistit in electione operis. — 4. *Sent.* dist. 50, q. 1, a. 3, ad 3. — Et ideo dispositio sapientis de singularibus non sit per mentem nisi mediante vi cogitativa, cuius est intentiones singulares cognoscere. — *de Verit.* q. 10, a. 5, ad 2; 1a, q. 86, a. 1, ad 2; *Quæst. de Anima* a. 20, ad arg. 1 in contrarium.

Ad quintum dicendum, quod intellectus intelligit universale et singulare, sed alio

et alio modo; cognoscit enim naturam speciei seu quod quid est, directe, ipsum autem singulare per quandam reflexionem, ut dictum est. — 3. *de Anima* l. 8.

Ad sextum dicendum, quod intellectus sive ratio cognoscit in universali fine, ad quem ordinat actum concupisibilis et irascibilis, imperando eos. Hanc autem cognitionem universalem mediante vi cogitativa ad singularia applicat, ut dictum est. — *de Verit.* q. 10, a. 5, ad 4.

Ad septimum dicendum, quod singulare non repugnat intelligenti in quantum est singulare, sed in quantum est materiale materia signata, quia nihil intelligitur nisi immaterialiter: et ideo si sit aliquid singulare et immateriale, sicut est intellectus, hoc non repugnat intelligi. — 1a, q. 86, a. 1, ad 3.

Ad octavum dicendum, quod virtus superior potest illud, quod virtus inferior, sed modo eminentiori. Unde id, quod cognoscit sensus materialiter et concrete, quod est cognoscere singulare directe, hoc cognoscit intellectus immaterialiter et abstracte, quod est cognoscere universale. — 1a, l. c. ad 4.

Ad nonum dicendum, quod intellectus judicat sensum errare circa hoc individuum solis demonstratum; intellectus enim ex sui continuatione ad virtutem cogitativam, quæ dicitur intellectus passivus, potest syllogizare ex una universalis et altera singulari, et concludere singularem propositionem oppositam ei, quam imaginatio formavit. Nec propter hoc oportet quod apprehensio individui sit subjective in intellectu possibili, sed in intellectu passivo, qui potest etiam syllogizare, licet non ex universalibus. Unde ad habendum tale judicium sufficit identitas animæ habentis duas potentias continuatas modo prædicto, per quarum unam format propositionem universalem, per aliam vero propositionem particularem. Imo quandoque per unam potentiam concipit subjectum, et per aliam prædicatum, ut cum dicit: Socrates est homo. — V. *Capreolum* l. c. ad 9 (pag. 476, b).

(1) *Al. add.* sensitivæ partis.

Ad decimum negatur consequentia. Et ad probationem dicendum, ut prius, quod non oportet eandem esse virtutem, quæ format præmissas in se ipsa, et illam, quæ infert conclusionem in se subjective; licet possit dici, quod utrumque facit intellectus, licet unum per se et aliud per virtutem cogitativam. Neque hinc sequitur quod eodem modo dici posset, quod unus homo formare posset præmissas et alius conclusionem, quia virtus cognoscitiva unius hominis nullo modo est unum, nec continuatur cum virtute cognoscitiva alterius, sicut est in proposito. — V. Capitulo I. c. ad 10.

Ad undecimum dicendum est, quod dispositio prudentis et sapientis de singularibus non sit per mentem, nisi mediante via cogitativa, cujus est intentiones singulares cognoscere, ut dictum est (supra a 1 4). — de Verit. q. 10, a. 5, ad 2; v. Capitulo I. c. ad 11.

Ad duodecimum dicendum, quod non est eadem ratio animæ conjunctæ et separatae; nam separata habet aliud modum cognoscendi quam conjuncta: cognoscit enim per species influxas, quæ sunt similitudines rerum quoad principia specifica et individuaria, quoniam non cognoscit conjuncta. — Ia, q. 89, a. 4; 4. Sent. dist. 50, q. 1, a. 3; v. Capitulo I. c. ad 14.

ARTICULUS II

UTRUM INTELLECTUS NOSTER POSSIT COGNOSCERE INFINITAM.

Videtur quod intellectus noster possit cognoscere infinitam.

1. Deus enim excedit omnia infinita; et intellectus noster potest cognoscere Deum; ergo multo magis potest cognoscere omnia alia infinita. — Ia, q. 86, a. 2, arg. 1.

2. Præterea, intellectus noster natus est cognoscere genera et species; sed quorundam generum sunt infinitæ species, sicut numeri, proportiones et figurae;

ræ; ergo intellectus noster potest cognoscere infinita. — *Ibid.* arg. 2.

3. Præterea, si unum corpus non impediret aliud ab existendo in uno et eodem loco, nihil prohiberet infinita corpora in uno loco esse; sed una species intelligibilis non prohibet aliam ab existendo simul in eodem intellectu; contingit enim multa scire in habitu; ergo nihil prohibet intellectum nostrum infinitorum scientiam habere in habitu. — *Ibid.* arg. 3.

4. Præterea, intellectus cum non si virtus materiæ corporalis, videtur esse potentia infinita; sed virtus infinita potest super infinita: ergo intellectus noster potest cognoscere infinita. — *Ibid.* arg. 4.

*Sed contra est, quod dicitur 1. Phys. (text. 35; c. 4), quod infinitum, in quantum infinitum, est ignotum. — *Ibid.* arg. 5. Sed contra.*

RESPONDEO DICENDUM, quod cum potentia proportionetur suo objecto, oportet hoc modo se habere intellectum ad infinitum, sicut se habet ejus objectum quod est quidditas rei materialis. In rebus autem materialibus non invenitur infinitum in actu, sed solum in potentia, secundum quod unum succedit alteri, ut dicitur in 3. Phys. (text. 57; c. 6). E ideo in intellectu nostro inventur infinitum in potentia, in accipiendo scilicet unum post aliud, quia nunquam intellectus noster tot intelligit, quin possit pluri intelligere. Actu autem vel latitu no potest intellectus noster cognoscere infinita. Actu quidem non, quia intellectus noster non potest simul actu cognoscere, nisi quod per unam speciem cognoscat. Infinitum autem non habet unam speciem; aliqui haberet rationem totum et perfecti. Et ideo non potest intellectus nisi accipiendo partem post partem, ut ex ejus definitione patet in 3. Phys. (text. 63; c. 6); est enim infinitum, cuius quantitatem accipientibus semper est aliquid extra accipere. Et sic infinitum non posset actu cognosci, nisi omnes ejus partes numerarentur, quod est impossibile. Et eadem ratione non possumus au-

elligere infinita in habitu. In nobis enim habitualis cognitio causatur ex actuali consideratione; intelligendo enim efficiuntur scientes, ut dicitur in 2. Eth. (c. 4). Inde non possemus habere habitum infinitorum secundum distinctam cognitionem, nisi consideravissimus omnino infinita, numerando ea secundum cognitionis successionem; quod est impossibile. Et ita nec actu nec habitu intellectus noster potest cognoscere infinita, sed in potentia tantum, ut dictum est. — 1a, q. 6, a. 2, c.

Ad primum ergo dicendum, quod, sicut supra (in c.) dictum est, Deus dicitur infinitus, sicut forma, quæ non est terminata per aliquam materiam. In rebus utebus materialibus aliquid dicitur infinitum per privationem formalis terminacionis. Et quia forma secundum se nota est, materia autem sine forma ignota; unde est quod infinitum materiale est secundum se ignotum. Infinitum autem formale, quod est Deus, est secundum se otum; ignotum autem quoad nos, propter defectum intellectus nostri, qui secundum statum præsentis vitæ habet naturalem aptitudinem ad materialia cognoscenda. Et ideo in præsenti Deum cognoscere non possumus nisi per materiales effectus. In futuro autem tolletur defectus intellectus nostri per gloriam; et tunc possum Deum in essentia videre poterimus, tamen absque comprehensione. — Ibid. ad 1.

Ad secundum dicendum, quod intellectus noster natus est cognoscere species per abstractionem a phantasmatibus. Et ideo illas species numerorum et figurarum, quas quis non est imaginatus, non potest cognoscere nec actu nec habitu, nisi forte in genere et in principiis universalibus; quod est cognoscere in potentia et confuse. — Ibid. ad 2.

Ad tertium dicendum, quod si duo corpora essent in uno loco vel plura, non poteret quod successive subintrarent cum, ut sic per ipsam subintrationis accessionem numerarentur locata. Sed

species intelligibiles ingrediuntur intellectum nostrum successive, quia non multa simul actu intelliguntur. — *Ibid. ad 3.*

Ad quartum dicendum, quod sicut intellectus noster est infinitus virtute, ita infinitum cognoscit. Est enim virtus ejus infinita, secundum quod non terminatur per materiam corporalem; et est cognoscitivus universalis, quod est abstractum a materia individuali, et per consequens non finitur ad aliquod individuum; sed quantum est de se, ad infinita individua se extendit. — Ibid. ad 4.

ARTICULUS III

UTRUM INTELLECTUS NOSTER SIT COGNOSCITIVUS CONTINGENTIUM.

Videtur quod intellectus noster non sit cognoscitivus contingentium: —

1. quia, ut dicitur in 6. Eth. (c. 6), intellectus et sapientia et scientia non sunt contingentium, sed necessariorum. — 1a, q. 86, a. 3, arg. 1.

2. Præterea, sicut dicitur in 3. Phys. (text. 120; c. 12) ea, quæ quandoque sunt quandoque non sunt, tempore mensurantur; intellectus autem a tempore abstrahit, sicut et ab aliis conditionibus materiæ. Cum igitur proprium contingentium sit quandoque esse et quandoque non esse, videtur quod contingentia non cognoscantur ab intellectu. — *Ibid. arg. 2.*

Sed contra: Omnis scientia est in intellectu; sed quædam scientiæ sunt de contingentibus, sicut scientiæ morales, quæ sunt de actibus humanis subjectis libero arbitrio; et etiam scientiæ naturales, quautum ad partem quæ tractat de generabilibus et corruptilibus: ergo intellectus est cognoscitivus contingentium. — Ibid. arg. Sed contra.

RESPONDEO DICENDUM, quod contingentia dupliciter possunt considerari: *uno modo, secundum quod contingentia sunt;*

alio modo, secundum quod in eis aliquid necessitatis invenitur. Nihil enim est adeo contingens, quin in se aliquid necessarium habeat : sicut hoc ipsum, quod est « Socratem currere », in se quidem contingens est, sed habitudo cursus ad motum est necessaria ; necessarium enim est « Socratem moveri, si currit ». Est autem unumquodque contingens ex parte materiæ, quia contingens est quod potest esse et non esse. Potentia autem pertinet ad materiam ; necessitas autem consequitur rationem formæ ; quia ea, quæ consequuntur ad formam, ex necessitate insunt. Materia autem est individuationis principium. Ratio autem universalis accipitur secundum abstractiōnem formæ a materia particulari. Dicitum autem est supra (a. 1), quod per se et directe intellectus est universalium, sensus autem singularium ; quorum etiam indirecte quodam modo est intellectus. Sic igitur contingentia, prout contingentia sunt, cognoscuntur directe quidem sensu, indirecte autem ab intellectu ; rationes autem universales et necessariae contingentium cognoscuntur per intellectum. Unde si attendantur rationes universales sensibilium, omnes scientiae sunt de necessariis ; si autem attendantur ipsæ res, sic quedam scientia est de necessariis, quedam vero de contingentibus. — Ia, q. 86, a. 3, c.

Et per hoc patet solutio *ad objecta*.

ARTICULUS IV

UTRUM INTELLECTUS NOSTER COGNOSCAT FUTURA.

Videtur quod intellectus noster cognoscat futura.

1. Intellectus enim noster cognoscit species intelligibiles, que abstrahunt ab hic et nunc, et ita se habent indifferenter ad omne tempus ; sed potest cognoscere praesentia : ergo potest cognoscere futura. — Ia, q. 86, a. 4, arg. 1.

2. Præterea, homo quando alienatur a sensibus, aliqua futura cognoscere potest, ut patet in dormientibus et phreneticis ; sed quando alienatur a sensibus, magis indiget (1) intellectu : ergo intellectus, quantum est de se, est cognoscitivus futorum. — *Ibid.* arg. 2.

3. Præterea, cognitio intellectiva hominis efficacior est, quam cognitio quæcunque brutorum animalium ; sed quædam animalia sunt, quæ cognoscunt quædam futura, sicut corniculæ frequenter crocitantes significant pluviam mox futuram : ergo multo magis intellectus humanus potest futura cognoscere. — *Ibid.* arg. 3.

Sed contra est, quod dicitur *Eccle.* § (v. 6 et 7) : *Multa hominis afflictio, quia ignorat præterita, et futura nullo seire potest nuntio.* — *Ibid.* arg. *Sed contra*.

RESPONDEO DICENDUM, quod de cognitione futurorum eodem modo distinguendum est, sicut de cognitione contingentium. Nam ipsa futura, ut sub tempore cadunt, sunt singularia, quæ intellectus humanus non cognoscit, nisi per reflexionem, ut supra dictum est ; rationes autem futurorum possunt esse universales e intellectu perceptibles, et de eis etiam possunt esse scientiae. Ut tamen communiter de cognitione futurorum loquamur sciendum est, quod futura dupliciter cognosci possunt : uno modo in se ipsis, alio modo in suis causis. In se ipsis quidem futura cognosci non possunt nisi a Deo cui etiam sunt præsentia, dum in cursum sunt futura, in quantum ejus aeternus intuitus simul fertur supra totum temporis cursum. Sed prout sunt in suis causis, cognosci possunt etiam nobis. Et si quidem in suis causis sint ut ex quibus ex necessitate provenient cognoscuntur per certitudinem scientie sicut astrologus præcognoscit eclipsim futuram. Si autem sic sint in suis causis, ut ab eis proveniant ut in pluribus sic cognosci possunt per quandam con-

ectorum vel magis vel minus certam, secundum quod causæ sunt vel magis vel minus inclinatæ ad effectus. — 1a, q. 36, a. 4, c.

Ad primum ergo dicendum, quod ratio lla procedit de cognitione quæ sit per rationes universales causarum, ex quibus futura cognosci possunt secundum modum ordinis effectus ad causam. — *Ibid. ad 1.*

*Ad secundum dicendum, quod sicut Augustinus dicit in 42. *Confessionum* (1), anima habet quandam « vim sortis », ut ex sui natura possit futura cognoscere. Et ideo, quando retrahitur a corporeis sensibus, et quodam modo revertitur ad se ipsam, fit particeps notitiæ futurorum. Et hæc quidem opinio rationabilis esset, si poneremus, quod anima acciperet cognitionem rerum secundum participationem idealium, sicut Platonici posuerunt; quia sic anima ex sui natura cognosceret universales causas omnium effectuum, sed impeditur (2) per corpus; unde quando a corporeis sensibus abstrahitur, futura cognoscit (3). Sed quia iste modus cognoscendi non est connaturalis intellectui nostro, sed magis ut cognitionem a sensibus accipiat; ideo non est secundum naturam animæ quod futura cognoscatur, cum a sensibus alienatur; sed magis per impressionem aliquarum causarum superiorum spiritualium et corporalium; spiritualium quidem, sicut cum virtute divina ministerio angelorum intellectus humanus illuminatur, et phantasmata ordinantur ad futura aliqua cognoscenda; vel etiam cum per operationem dæmonum fit aliqua commotio in phantasia ad præsignandum aliqua futura, quæ dæmones cognoscunt. Hujusmodi autem impressiones causarum spiritualium magis nata est anima humana suscipere, cum a sensibus alienatur, quia*

per hoc propinquior sit substantiis spiritualibus et magis libera ab exterioribus inquietudinibus. Contingit autem et hoc per impressionem superiorum causarum corporalium (materialium). Manifestum est enim, quod corpora superiora imprimunt in corpora inferiora. Unde cum vires sensitivæ sint actus corporalium organorum, consequens est quod ex impressione cœlestium corporum immutetur quodam modo phantasia. Unde cum cœlestia corpora sint causa multorum futurorum, fiunt in imaginatione aliqua signa quorundam futurorum. Hæc autem signa magis percipiuntur in nocte et a dormientibus quam de die et a vigilantibus; quia, ut dicitur in lib. *de Somno et Vigilia* (*de Divinal. per Somnum* c. 2), « quæ deferuntur de die, dissolvuntur magis. Plus est enim sine turbatione aer noctis, eo quod silentiores sunt noctes, et in corpore faciunt sensum propter somnum; quia parvi motus interiores magis sentiuntur a dormientibus quam a vigilantibus. Hi vero motus faciunt phantasmata, ex quibus prævidentur futura. » — *Ibid. ad 2.*

*Ad tertium dicendum, quod animalia bruta non habent aliquid supra phantasiam, quod ordinet phantasmata, sicut habent homines rationem; et ideo phantasia brutorum animalium totaliter sequitur impressionem cœlestem. Et ideo ex motibus hujusmodi animalium magis possunt cognosci quædam futura, ut pluvia et hujusmodi, quam ex motibus hominum, qui moventur per consilium rationis. Unde Philosophus dicit in lib. *de Divinal. per Somnum* (c. 2), quod « quidam imprudentissimi sunt maxime prævidentes. Nam intelligentia horum non est curis affecta; sed tamquam deserta et vacua ab omnibus, et mota secundum movens ducitur. » — *Ibid. ad 3.**

(1) Potius 1. 7, c. 6 (Migne t. 32, col. 737): « conjecturas autem hominum habere sæpe vim sortis ».

(2) Al. « impeditur ».

(3) Al. « cognosceret ».

QUÆSTIO CH

QUOMODO ANIMA INTELLECTIVA SE IPSAM ET EA, QUÆ SUNT IN IPSA, COGNOSCAT.

Deinde considerandum est, quomodo anima intellectiva cognoscat se ipsam et ea, quæ in ipsa sunt.

CIRCA HOC QUERUNTUR QUATUOR :

1. Ulrum cognoscat se ipsam per suam essentiam.
2. Quomodo cognoscat habitus in se existentes.
3. Quomodo intellectus cognoscat proprium actum.
4. Quomodo cognoscat actum voluntatis.

ARTICULUS I

UTRUM ANIMA INTELLECTIVA SE IPSAM COGNOSCET PER SUAM ESSENTIAM.

Videtur quod anima intellectiva se ipsam cognoscet per suam essentiam.

1. Dicit enim Philosophus in 3. *de Anima* (*text.* 15; c. 4), quod in his, que sunt separata a materia, idem est quod intelligit et quod intelligitur; sed anima est quædam res immaterialis: ergo per essentiam suam se intelligit. — *de Verit.* q. 10, a. 8, arg. 3 *Sed contra*.

2. Præterea, dicit Augustinus (9. *de Trin.* c. 3 in fine; — Migne t. 42, col. 963), quod mens se ipsum per se ipsum novit, quoniam est incorporeæ; ergo idem quod prius. — *Ibid.* arg. 1 *Sed contra*; *Ia*, q. 87, a. 1, arg. 1.

3. Præterea, angelus et anima humana convenient in genere intellectualis substantiæ; sed angelus intelligit se ipsum per suam essentiam: ergo et anima humana. — *Ia*, l. c. arg. 2.

4. Præterea, omne id, quod est praesens intellectui ut intelligibile, intelligitur ab intellectu. Sed ipsi essentiæ anime est praesens intellectui per medium intelligibilis; est etiam prædicta per am-

veritatem; veritas enim (1) est ratio intelligendi, sicut bonitas est ratio diligendi. Ergo anima per essentiam suam se intelligit. — *de Verit.* l. c. arg. 4 *Sed contra*.

5. Præterea, species per quam intelligitur, est simplicior eo quod per eam intelligitur; sed anima non habet aliquam speciem se simpliciorem, quæ ab ea abstrahi possit: ergo anima non intelligit se per aliquam speciem, sed per essentiam suam. — *Ibid.* arg. 5 *Sed contra*.

6. Præterea, omnis scientia est per assimilationem scientis ad scitum; sed nihil est aliud animæ similius quam sua essentia: ergo per nihil aliud se intelligit quam per essentiam suam. — *Ibid.* arg. 6 *Sed contra*.

7. Præterea, omnis species per quam anima nostra intelligit, est a sensibilibus abstracta; sed nullum sensibile est a quo anima potest suam quidditatem vel speciem abstrahere: ergo anima non cognoscit se ipsum per aliquam similitudinem. — *Ibid.* arg. 9 *Sed contra*.

8. Præterea, sicut lux corporalis facit esse omnia visibilia in actu, ita anima per suam lucem facit omnia materialia esse intelligibilia actu, ut patet in 3. *de Anima* (*text.* 18; c. 5); sed lux corporalis per se ipsum videtur, non per aliquam similitudinem sui: ergo et anima per suam essentiam intelligitur, non per aliquam similitudinem. — *Ibid.* arg. 10.

9. Præterea, sicut dicit Philosophus in 3. *de Anima* (*text.* 18; c. 5), intellectus agens non aliquando quidem intelligit, aliquando non, sed semper intelligit. Sed non intelligit semper nisi se ipsum. Nec hoc etiam posset, si per speciem a sensibus abstractam se intelligeret: quia sic ante abstractionem non se intelligeret. Ergo anima nostra intelligit se per suam essentiam. — *Ibid.* arg. 11.

Sed contra est, quod dicitur in 3. *de Anima* (*text.* 15; c. 4), quod intellectus intelligit se ipsum sicut et alia; sed alii non intelligunt per essentiam eorum, sed

(1) Ali. ergo veritas.

per eorum similitudines : ergo neque se ipsum per suam essentiam intelligit. — 1a, q. 87, a. 1, arg. *Sed contra.*

RESPONDEO DICENDUM, quod unumquodque cognoscibile est, secundum quod est in actu, et non secundum quod est in potentia, ut dicitur 9. *Metaphys.* (*text.* 20; l. 8, c. 9). Sic enim aliquid est ens et verum, quod sub cognitione cadit, prout actu est. Et hoc quidem manifeste apparet in rebus sensibilibus. Non enim visus percipit coloratum in potentia, sed solum coloratum in actu ; et similiter intellectus. Manifestum est enim, quod in quantum est cognoscitus rerum materialium, non cognoscit nisi quod est actu. Et inde est quod non cognoscit materiam primam nisi secundum proportionem ad formam, ut dicitur in 1. *Phys.* (*text.* 69; c. 7). Unde et in substantiis immaterialibus, secundum quod unaquæque earum se habet ad hoc quod sit in actu per essentiam suam, ita se habet ad hoc quod sit per essentiam suam intelligibilis.

Essentia igitur Dei, quæ est actus purus et perfectus, est simpliciter et perfecte secundum se ipsam intelligibilis. Unde Deus per suam essentiam non solum se ipsum, sed etiam omnia intelligit.

— Angeli autem essentia est quidem in genere intelligibilium ut actus, non tamen ut actus purus neque completus. Unde ejus intelligere non completur per essentiam suam. Etsi enim per essentiam suam se intelligat angelus, tamen non omnia potest per essentiam suam cognoscere, sed cognoscit alia a se per eorum similitudines. — Intellectus autem humanus se habet in genere intelligibilium ut ens in potentia tantum, sicut et materia prima se habet in genere rerum sensibilium, unde *possibilis* nominatur. Sic igitur in sua essentia consideratus se habet ut potentia intelligens. Unde ex se ipso habet virtutem ut intelligat, non autem ut intelligatur nisi secundum id, quod sit actu. Sic enim etiam Platonici posuerunt ordinem entium intelligibilium supra ordinem intellectuum : quia intelle-

ctus non intelligit nisi per participans (1); participans autem est infra participatum secundum eos. Si igitur intellectus humanus fieret actu per participationes formarum intelligibilium separatarum, ut Platonici posuerunt; per hujusmodi participationem rerum incorporearum intellectus humanus se ipsum intelligeret. Sed quia connaturale est intellectui nostro secundum statum praesentis vitæ, quod ad materialia et sensibilia respiciat, ut supra dictum est; consequens est, ut sic se ipsum intelligat intellectus noster, secundum quod fit actu per species a sensibilibus abstractas per lumen intellectus agentis, quod est actus ipsorum intelligibilium ; et eis mediantibus intelligit intellectus possibilis. Non ergo per essentiam suam, sed per actum suum se cognoscit intellectus noster; et hoc duplíciter : uno modo *particulariter*, secundum quod Socrates vel Plato percipit se habere animam intellectivam ex hoc quod percipit se intelligere; alio modo *in universali*, secundum quod naturam humanæ mentis ex actu intellectus consideramus. — 1a, q. 87, a. 1, c.

Sed verum est, quod judicium et efficiacia hujus cognitionis, per quam naturam animæ cognoscimus, competit nobis secundum derivationem luminis intellectus nostri a veritate divina, in qua rationes omnium rerum continentur. Unde Augustinus dicit (9. *de Trin.* c. 6 ; — Migne t. 42, col. 466) : « Intuemur inviolabilem veritatem, ex qua perfecte quantum possumus definimus, non qualis sit uniuscujusque hominis mens, sed qualis esse sempiternis rationibus debeat. » — Est autem differentia inter has duas cognitiones. Nam ad *primam* cognitionem de mente habendam sufficit ipsa mentis praesentia, quæ est principium actus, ex quo mens percipit se ipsam ; et ideo dicitur se cognoscere per suam praesentiam. Sed ad *secundam* cognitionem de mente habendam non sufficit ejus praesentia, sed

(1) Al. « nisi per participationem intelligibilem » vel « intelligibilis. »

requiritur diligens et subtilis inquisitio. Unde et multi naturam animæ ignorant, et multi etiam circa naturam animæ erraveront. Propter quod dicit Augustinus (10. de Trin. c. 9; — Migne t. 42, col. 980) de tali inquisitione mentis : « Non velut absentem se quærat mens cernere, sed præsentem quærat discerne-re », id est cognoscere differentiam suam ab aliis rebus; quod est cognoscere quiditatem et naturam suam. — 1a, q. 87, a. 1, c.

Ad primum ergo dicendum, quod verbum Philosophi intelligendum est de intellectu, qui est omnino a materia separatus, ut Commentator ibidem exponit, sicut sunt intellectus angelorum; non autem de intellectu humano; alias sequeretur quod scientia speculativa idem esset, quod res scita; quod est impossibile, ut etiam Commentator ibidem dicit. — *de Verit.* q. 10, a. 8, ad 3, secundo loco.

Ad secundum dicendum, quod verbum Augustini est intelligendum, quod mens se ipsam per se ipsam cognoscit, quod ex ipsa mente est ei, unde possit in actu prodire, quo se actualiter cognoscat, percipiendo se esse; sicut ex specie habitualiter in mente recepta est in mente, ut possit actualiter rem illam considerare. Sed qualis est natura ipsius mentis, mens non potest percipere nisi ex consideratione sui objecti. — *Ibid.* ad 1.

Ad tertium dicendum, quod essentia angeli est sicut actus in genere intelligibilium; et ideo se habet ut intellectus et ut intellectum. Unde angelus unam essentiam per se ipsum apprehendit; non autem intellectus humanus, qui vel est omnino in potentia respectu intelligibilium, sicut intellectus possibilis; vel est actus intelligibilium, qua abstrahuntur a phantasmatibus, sicut intellectus agens. — 1a, q. 87, a. 1, ad 2.

Ad quartum dicendum, quod anima est sibi ipsi præsens ut intelligibilis, id est ut intelligi possit; non autem ut per se ipsum intelligatur, sed ex objecto suo. — *de Verit.* I. c. ad 4, secundo loco.

Ad quintum dicendum, quod anima non cognoscitur per aliam speciem abstractam a se, sed per speciem objecti sui, quæ sit forma ejus secundum quod intelligit actu; unde ratio non sequitur. — *Ibid.* ad 5.

Ad sextum dicendum, quod quamvis anima nostra sit sibi ipsi simillima, non tamen potest esse principium cognoscendi se ipsam ut species intelligibilis, sicut nec materia prima: eo quod hoc modo se habet intellectus noster in ordine intelligibilium, sicut materia prima in ordine sensibilium, ut Commentator dicit in 3. *de Anima* (*text.* 19). — *Ibid.* ad 6.

Ad septimum dicendum, quod anima non cognoscitur per speciem a sensibus abstractam, quasi intelligatur species illa esse animæ similitudo; sed quia, naturam speciei considerando, quæ a sensilibus abstrahitur, invenitur natura animæ, in qua hujusmodi species recipitur: sicut ex forma cognoscitur materia. — *Ibid.* ad 9.

Ad octavum dicendum, quod lux corporalis non videtur per essentiam, nisi quatenus sit ratio visibilitatis visibilium, et forma quedam dans esse eis actu visible; ipsa enim lux quæ est in sole, non videtur a nobis nisi per similitudinem ejus in visu nostro existentem. Sicut enim species lapidis non est in oculo, sed similitudo ejus; ita non potest esse quod forma lucis quæ est in sole, sit ipsa eadem in oculo; et similiter lumen intellectus agentis per se ipsum a nobis intelligitur, in quantum est ratio specierum intelligibilium, faciens eas intelligibiles actu. — *Ibid.* ad 10.

Ad nonum dicendum, quod verbum illud Philosophi potest dupliciter exponi, secundum duas opiniones de intellectu agente. Quidam enim posuerunt intellectum agentem substantiam separatam, unam de aliis intelligentiis; et secundum hoc semper actu intelligit, sicut aliae intelligentiae. Quidam vero ponunt intellectum agentem esse potentiam animæ; et secundum hoc dicitur, quod intellectu-

agens quandoque intelligit et quandoque non, quia causa quandoque intelligendi et quandoque non, non est ex parte ejus, sed ex parte intellectus possibilis. In omni enim actu quo homo intelligit, concurrit operatio intellectus agentis et intellectus possibilis. Intellectus autem agens non recipit aliquid ab extrinseco, sed solum intellectus possibilis ; unde quantum ad id, quod requiritur ad nostram considerationem ex parte intellectus agentis, non deest quin semper intelligamus ; sed quantum ad id, quod requiritur ex parte intellectus possibilis ; quod nunquam impletur nisi per species intelligibles a phantasmatibus abstractas. — *Ibid.* ad 11.

ARTICULUS II

UTRUM INTELLECTUS NOSTER COGNOSCAT
HABITUS ANIMÆ PER ESSENTIAM EORUM.

Videtur quod intellectus noster cognoscat habitus animæ per essentiam eorum, et non per alias similitudines.

1. Dicit enim Augustinus (*13. de Trin. c. 1* ; — Migne t. 42, col. 1014) : « Non sic videtur fides in corde, in quo est, sicut anima alterius hominis ex motibus corporis videtur ; sed eam tenet certissima scientia, clamque conscientia » ; et eadem ratio est de aliis habitibus animæ. Ergo habitus animæ non cognoscuntur per actus, sed per se ipsos. — *Ibid.* q. 87, a. 2, arg. 1.

2. Præterea, res materiales, quæ sunt extra animam, cognoscuntur per hoc quod similitudines earum sunt præsentialiter in anima ; et ideo dicuntur per suas similitudines cognosci ; sed habitus animæ præsentialiter sunt per suam essentiam in anima : ergo per suam essentiam cognoscuntur. — *Ibid.* arg. 2.

3. Præterea, « propter quod unumquodque tale, et illud magis » ; sed res aliæ cognoscuntur ab anima propter habitus et species intelligibles : ergo ista magis

per se ipsa ab anima cognoscuntur. — *Ibid.* arg. 3.

4. Præterea, omne quod cognoscitur a mente per sui similitudinem, prius fuit in sensu quam fuit in mente ; sed habitus mentis nunquam fuit in sensu : ergo non cognoscitur a mente per aliquam similitudinem, sed per ejus essentiam. — *de Verit. q. 10, a. 9, arg. 4.*

5. Præterea, quanto aliquid est propinquius menti, tanto a mente magis cognoscitur ; sed habitus est propinquior potentiae intellectivæ mentis quam actus, et actus quam objectum : ergo mens magis cognoscit habitum quam actum vel objectum vel alias similitudines. — *Ibid. arg. 5.*

6. Præterea, intellectus cognoscit speciem intelligibilem quæ in ipso est ; non autem cognoscit eam per aliam speciem, sed per essentiam suam, quia sic esset abire in infinitum. Hoc autem non est, nisi quia species ipsæ intellectum formant. Cum ergo similiter intellectus per habitus informetur, videtur quod eos per essentiam mens cognoscat. — *Ibid. arg. 10.*

Sed contra : 1. Habitus sunt principia actuum, sicut et potentiae ; sed, sicut dicitur in *2. de Anima (text. 33; c. 4)*, actus et operationes sunt priores potentias secundum rationem : ergo eadem ratione sunt priores habitibus ; et ita habitus per actus cognoscuntur, sicut et potentiae. — *Ibid. q. 87, a. 2, arg. Sed contra.*

2. Præterea, ad hoc quod intellectus, qui est potentia intelligens, actu intelligat, requiritur quod per aliquid reducatur in actum, et id est, quo intellectus intelligit actu. Sed essentia habitus, in quantum est præsens menti, non reducit intellectum de potentia in actum, quia sic oporteret quod quamdiu habitus sunt præsentes in anima, actu intelligerentur. Ergo habituum essentia non est id, quo (in quo) habitus intelliguntur. — *de Verit. q. 10, a. 9, arg. 8 Sed contra.*

RESPONDEO DICENDUM, quod habitus quodammodo est medium inter potentiam

puram et actum purum. Jam autem dictum est, quod nihil cognoscitur, nisi secundum quod est actu. Sic ergo, in quantum habitus deficit ab actu perfecto, deficit ab hoc ut non sit per se ipsum cognoscibilis; sed necesse est quod per actum suum cognoscatur, sive dum aliquis percipit se habere habitum per hoc quod percipit se producere actum proprium illius habitus; sive dum aliquis inquirit naturam et rationem habitus ex consideratione actus. Et prima quidem cognitio habitus sit per ipsam praesentiam habitus, quia ex hoc ipso quod est praesens, actu causat, in quo statim percipitur. Secunda autem cognitio habitus sit per studiosam inquisitionem, sicut supra dictum est de mente. — 1a, q. 87, a. 2. c.

Ad primum ergo dicendum, quod etsi fides non cognoscatur per exteriores corporis motus, percipitur tamen etiam ab eo, in quo est, per interiorem actum cordis. Nullus enim fidem se habere seit, nisi per hoc quod se credere perspicit. — *Ibid. ad 1.*

Ad secundum dicendum, quod habitus sunt praesentes in intellectu nostro, non sicut objecta intellectus, quia objectum intellectus nostri secundum statum praesentis vitae est natura rei materialis, ut supra dictum est; sed sunt praesentes in intellectu, ut quibus intellectus intelligit. — *Ibid. ad 2.*

Ad tertium dicendum, quod cum dicatur: « Propter quod unumquodque, et illud magis », veritatem habet, si intelligatur in his quae sunt unius ordinis, puta in uno genere causae: puta si dicatur, quod sanitas est deiderabilis propter vitam, sequitur quod vita sit magis desiderabilis. Si autem accipiuntur ea, quae sunt diversorum ordinum, non habet veritatem: ut si dicatur, quod sanitas est desiderabilis propter medicinam, non ideo sequitur quod medicina sit magis desiderabilis; quia sanitas est in ordine finium, medicina autem in ordine causarum efficientium. Sic igitur si accipiamus

duo, quorum utrumque sit per se in o-
dine objectorum cognitionis, illud propter quod aliud cognoscitur, erit mag-
notum, sicut principia conclusionibus. S-
habitus non est de ordine objectorum,
quantum est habitus; nec propter ha-
bitum aliqua cognoscuntur, sicut propter ob-
jectum cognitionis, sed sicut propter di-
positionem vel formam, qua cognoscit.
Ibid. ad 3.

*Ad quartum dicendum, quod habitus non cognoscitur ab anima per aliqua ejus speciem a sensu abstractam, se-
per species eorum quae per habitum e-
gnoscuntur; et in hoc ipso quod alia e-
gnoscuntur, et habitus cognoscitur
principium cognitionis (1). — de Fer-
q. 10, a. 9, ad 4.*

*Ad quintum dicendum, quod quamvis
habitus sit propinquior potentiae qua-
ctus, tamen actus est propinquior objec-
to; unde habet rationem cogniti, poten-
tia vero habet rationem principii eognos-
endi; et ideo actus per prius cognoscitur
quam habitus; sed habitus est magis
cognitionis principium. — Ibid. ad 5.*

*Ad sextum dicendum, quod intellectus cognoscit speciem intelligibilem, non pe-
resentiam suam, neque per aliquam spe-
ciem, sed cognoscendo objectum cujus-
est species, per quandam reflexionem.* — *Ibid. ad 10.*

ARTICULUS III

UTRUM INTELLECTUS COGNOSCAT PROPRIMUM ACTUM.

Videtur quod intellectus non cognoscat proprium actum.

1. Illud enim proprio cognoscitur quod est objectum cognitionis virtutis, sed actus differt ab objecto: ergo intellectus non cognoscit suum actum. — 1a, q. 87, a. 3, arg. 1.

2. Praeterea, quidquid cognoscitur, ali-
quo actu cognoscitur; si igitur intelle-
ctus at add. eorum,

ctus cognoscit actum suum, aliquo actu cognoscit illum, et iterum illum actum alio actu : erit ergo procedere in infinitum ; quod videtur impossibile. — *Ibid.* arg. 2.

3. Præterea, sicut se habet sensus ad actum suum, ita et intellectus ; sed sensus proprius non sentit actum suum, sed hoc pertinet ad sensum communem, ut dicitur in lib. 2. *de Anima* (*text.* 132 et sq.; l. 3, c. 4) : ergo neque intellectus intelligit actum suum. — *Ibid.* arg. 3.

Sed contra est, quod intellectus supra se ipsum reflectitur ; unde Augustinus (10. *de Trin.* c. 11; — Migne t. 42, col. 983) dicit, quod « intelligo me intelligere » ; sed potentia reflexiva cognoscit suos actus : ergo et intellectus cognoscit suum actum. — 1a. q. 87, a. 3, arg. *Sed contra*; q. 83, a. 2, in c.

RESPONDEO DICENDUM, quod, sicut jam dictum est (supra a. 1 et 2), unumquodque cognoscitur secundum quod est actu. Ultima autem perfectio intellectus est ejus operatio. Non enim est sicut actio tendens in alterum, quæ sit perfectio operati, sicut ædificatio ædificati ; sed manet in operante ut perfectio et actus ejus, ut dicitur in 9. *Metaphys.* (*text.* 16; l. 8, c. 8). Hoc igitur est primum, quod de intellectu intelligitur, scilicet ipsum ejus intelligere.

Sed circa hoc diversi intellectus diversimode se habent. Est enim aliquis intellectus, scilicet divinus, qui est ipsum suum intelligere. Et sic in Deo idem est, quod intelligat se intelligere, et quod intelligat suam essentiam : quia sua essentia est suum intelligere. — Est etiam aliis intellectus, scilicet angelicus, qui non est suum intelligere, sed tamen primum objectum sui intelligere est ejus essentia. Unde etsi aliud sit in angelo secundum rationem, quod intelligat se intelligere, et quod intelligat suam essentiam ; tamen simul et uno actu utrumque intelligit, quia hoc, quod est intelligere suam essentiam, est propria perfectio suæ essentiæ ; simul autem et uno actu

intelligitur res cum sua perfectione. — Est autem aliis intellectus, scilicet humanus, qui nec est suum intelligere, nec sui intelligere objectum primum est ipsa ejus essentia, sed aliquid extrinsecum, scilicet natura materialis rei. Et ideo id, quod primo cognoscitur ab intellectu humano, est hujusmodi objectum ; et secundario cognoscitur ipse actus, quo cognoscitur objectum ; et per actum cognoscitur ipse intellectus, cuius est perfectio ipsum intelligere. Et ideo Philosophus dicit (2. *de Anima* *text.* 33; c. 4), quod objecta præcognoscuntur actibus, et actus potentiis. — 1a. q. 87, a. 3, c.

Ad primum ergo dicendum, quod objectum intellectus est commune quadam, scilicet ens et verum, sub quo comprehenditur etiam ipse actus intelligendi. Unde intellectus potest suum actum cognoscere, sed non primo : quia nec primum objectum intellectus nostri secundum præsentem statum est quodlibet ens et verum, sed ens et verum consideratum in rebus materialibus, ut dictum est, ex quibus in cognitionem omnium aliorum devenit. — *Ibid.* ad 1.

Ad secundum dicendum, quod ipsum intelligere humanum non est actus et perfectio naturæ intellectæ, ut sic possit uno actu intelligi natura rei materialis et ipsum intelligere, sicut uno actu intelligitur res cum sua perfectione. Unde aliis est actus quo intellectus intelligit lapidem, et aliis quo intelligit se intelligere lapidem, et sic deinde. Nec est inconveniens intellectum esse infinitum in potentia, ut supra (q. præced. a. 2) dictum est. — *Ibid.* ad 2.

Ad tertium dicendum, quod sensus proprius sentit secundum immutationem materialis organi a sensibili exteriori. Non est autem possibile, quod aliquid materiale immutet se ipsum, sed unum immutatur ab alio ; et ideo actus sensus proprii percipitur per sensum communem. Sed intellectus noster non intelligit per materiale immutationem organi, et ideo non est simile. — *Ibid.* ad 3.

ARTICULUS IV

UTRUM INTELLECTUS INTELLIGAT ACTUM
VOLUNTATIS.

Videtur quod intellectus non intelligat actum voluntatis.

1. Nihil enim cognoscitur ab intellectu, nisi sit aliquo modo præsens in intellectu; sed actus voluntatis non est præsens in intellectu, cum sint diversæ potentiae: ergo actus voluntatis non cognoscitur ab intellectu. — *Ia, q. 87, a. 4, arg. 1.*

2. Præterea, actus habet speciem ab objecto; sed objectum voluntatis differt ab objecto intellectus: ergo et actus voluntatis speciem habet diversam ab objecto intellectus; non ergo cognoscitur ab intellectu. — *Ibid. arg. 2.*

Sed contra est, quod objectum intellectus, ut dictum est supra (art. præced. ad 1), est commune quoddam, scilicet ens et verum; sed sub ente et vero comprehenditur etiam actus voluntatis: ergo intellectus illum intelligit.

RESPONDEO DICENDUM, quod actus voluntatis nihil aliud est, quam inclinatio quælam consequens formam intellectam, sicut appetitus naturalis est inclinatio consequens formam naturalem. Inclinatio autem ejuslibet rei est in ipsa re per modum ejus. Unde inclinatio naturalis est naturaliter in re naturali; inclinatio autem quæ est appetitus sensibilis, est sensibiliter in sentiente; et similiter inclinatio intelligibilis, quæ est actus voluntatis, est intelligibiliter in intelligentे, sicut in primo principio et in proprio subjecto. Unde et Philosophus hoc modo loquendi utitur in 3. de Anima (*text. 42; c. 9*), quod « voluntas in ratione est ». Quod autem intelligibiliter est in aliquo intelligentе, consequens est ut ab eo intelligatur. Unde actus voluntatis intelligitur ab intellectu, et in quantum aliquis percipit se velle, et in quantum aliquis cognoscit naturam huius actus, et per consequens naturam ejus principii, quod est

habitus vel potentia. — *1a, q. 87, a. 4, c.*

Ad primum ergo dicendum, quod ratio illa procederet, si voluntas et intellectus, sicut sunt diversæ potentiae, ita etiam subjecto differrent. Sic enim quod est in voluntate, esset absens ab intellectu. Nunc autem cum utrumque radicetur in una substantia animæ, et unum sit quodam modo principium alterius, consequens est ut quod est in voluntate, sit etiam quodam modo in intellectu. — *Ibid. ad 1.*

Ad secundum dicendum, quod bonum et verum, quæ sunt objecta voluntatis et intellectus, differunt quidem ratione; verumtamen unum eorum continetur sub alio; nam verum est quoddam bonum, et bonum est quoddam verum. Et ideo quæ sunt voluntatis, cadunt sub intellectu; et quæ sunt intellectus, possunt cadere sub voluntate. — *Ibid. ad 2.*

QUÆSTIO CIII

QUOMODO ANIMA COGNOSCET EA, QUAE SUPRA
ILLAM SUNT.

Deinde considerandum est, quomodo anima humana cognoscat ea, quae supra illam sunt, scilicet immateriales substantias.

ET CIRCA HOC QUERUNTUR TRIA:

1. Utrum anima humana secundum statum præsentis vitæ possit intelligere substantias immateriales, quas angelos dicimus, per se ipsas.
2. Utrum possit ad eorum notitiam pervenire per cognitionem rerum materialium.
3. Utrum Deus sit id, quod primum a nobis cognoscitur.

ARTICULUS I

UTRUM ANIMA HUMANA SECUNDUM STATUM
VITÆ PRÆSENTIS POSSIT INTELLIGERE
SUBSTANTIAS IMMATERIALES PER SE IPHAS.

Videtur quod anima humana secun-

dum statum vitæ præsentis possit intelligere substantias immateriales per se ipsas.

1. Dicit enim Augustinus (*9. de Trin. c. 3*; — Migne t. 42, col. 963) : « Mens ipsa sicut corporearum rerum notitias per sensus corporis colligit, sic incorporearum rerum per semet ipsam ». Hujusmodi autem sunt substantiae immateriales; ergo mens humana substantias immateriales intelligit. — *1a, q. 88, a. 1, arg. 4.*

2. Præterea, simile simili cognoscitur. Sed magis assimilatur mens humana rebus immaterialibus quam materialibus, cum nostra mens sit immaterialis. Cum ergo mens nostra intelligat res materialis dissimiles, magis intelliget immateriales, quæ sunt similes. — *Ibid. arg. 2.*

3. Præterea, quod ea, quæ sunt secundum se maxime sensibilia, non maxime sentiantur a nobis, provenit ex hoc quod excellentiæ sensibilium corrumpunt sensum. Sed excellentiæ intelligibilium non corrumpunt intellectum, ut dicitur in *3. de Anima (text. 7; c. 4)*. Ergo ea, quæ sunt secundum se maxime intelligibilia, sunt etiam maxime intelligibilia nobis. Sed cum res materiales non sint intelligibiles, nisi quia facimus eos intelligibiles actu, abstrahendo a materia; manifestum est, quod magis sint secundum se intelligibiles substantiae quæ secundum suam naturam sunt immateriales. Ergo multo magis intelliguntur a nobis quam res materiales. — *Ibid. arg. 3.*

4. Præterea, Commentator dicit in *2. Metaphys. (text. 1 in fine)*, quod si substantiæ abstractæ non possent intelligi a nobis, tunc natura « otiose egisset, quia fecit illud, quod est naturaliter in se intellectum, non intellectum ab aliquo ». Sed nihil est otiosum seu frustra in natura; ergo substantiæ immateriales possunt intelligi a nobis. — *Ibid. arg. 4.*

5. Præterea, sicut se habet sensus ad sensibilia, ita intellectus ad intelligibilia; sed visus noster potest videre omnia cor-

poreæ, sive sint superiora et incorruptibilia, sive sint inferiora et corruptibilia: ergo intellectus noster potest intelligere omnes substantias intelligibiles, et superiores et immateriales. — *Ibid. arg. 5.*

6. Præterea, anima unita corpori intelligit se ipsam, ut dictum est (*arg. 1*); sed ipsa est de natura substantiarum separatarum intellectualium: ergo anima unita corpori potest intelligere substantias separatas. — *Quæst. disp. de Anima a. 16, arg. 8.*

7. Præterea, nulla forma impeditur a fine suo per materiam, cui naturaliter unitur. Sed finis animæ intellectivæ est intelligere substantias separatas, quæ sunt maxime intelligibiles; uniuscujusque enim rei finis est ut perveniat ad perfectum in sua operatione; ultima autem perfectio et felicitas hominis consistit in operatione nobilissimæ potentiae, puta intellectus, respectu nobilissimi objecti, quod non videtur esse nisi substantia separata. Ergo anima corpori unita potest intelligere substantias separatas. — *Ibid. arg. 1 et 2.*

Sed contra : 1. Nihil sine phantasmate intelligit anima, ut dicit Philosophus (*3. de Anima text. 30; c. 7*); sed per phantasma non possunt intelligi substantiae separatae: ergo anima unita corpori non potest intelligere substantias separatas. — *Quæst. disp. de Anima a. 16, arg. Sed contra.*

2. Præterea, dicit Philosophus *2. Metaphys. (text. 1; l. 1 min., c. 1)*, quod « difficultas intelligendi substantias separatas accidit ex nobis, non ex illis; nam intellectus noster se habet ad manifestissima rerum, sicut se habet oculus vespertilionis ad lucem solis ». Sed oculus vespertilionis nunquam potest videre lucem solis. Ergo nec intellectus animæ unitæ corpori potest intelligere substantias separatas. — *3. c. Gent. c. 45.*

RESPONDEO DICENDUM, quod secundum opinionem Platonis substantiae immateriales non solum a nobis intelliguntur, sed etiam sunt prima a nobis intellecta.

Posuit enim Plato formas immateriales subsistentes, quas ideas vocabat, esse propria objecta nostri intellectus; et ita primo et per se intelliguntur a nobis. Applicatur tamen animæ cognitio rebus materialibus, secundum quod intellectui permiscetur phantasia et sensus. Unde quanto magis intellectus fuerit depuratus, tanto magis percipit immaterialium intelligibilem veritatem. — *Ia*, q. 88, a. 1, c.

Sed secundum Aristotelis sententiam, quam magis experimur, intellectus noster secundum statum præsentis vitæ naturalem respectum habet ad naturas rerum materialium; unde nihil intelligit nisi convertendo se ad phantasmata, ut ex dictis patet. Et sic manifestum est, quod substantias immateriales, quæ sub sensu et imaginatione non cadunt, primo et per se secundum modum cognitionis nobis expertum intelligere non possumus. — *Ibid.*

Sed tamen Averroes in Comment. 3. de *Anima* (*text.* 36) ponit, quod in fine in hac vita homo pervenire potest ad hoc, quod intelligat substantiam separatam per continuationem vel unionem eujusdam substantiae separatae a nobis, quam vocat intellectum agentem; qui quidem cum sit substantia separata, naturaliter substantias separatas intelligit. Unde eum fuerit nobis unitus sic, ut per eum intelligere possimus, intelligemus et nos substantias separatas, sicut nunc per intellectum possibilem nobis unitum intelligimus res materiales. Ponit autem intellectum agentem si nobis uniri. Cum enim intelligamus per intellectum agentem et per intelligibilia speculata, ut patet cum conclusiones intelligimus per principia intellectu, necesse est quod intellectus agens comparetur ad intellecta speculata vel sicut agens principale ad instrumenta, vel sicut forma ad materiam. His enim duobus modis attribuitur actio aliqua duobus principiis: principali quidem agenti et instrumento, sicut sectio artifici et serræ; formæ autem et subjecto, sicut calefactio calori et igni. Sed utroque modo intellectus agens compara-

bitur ad intelligibilia speculata, sicut perfectio ad perfectibile et actus ad potentiam. Simul autem recipiuntur in aliquo perfectum et perfectio, sicut visibile in actu, et lumen in pupilla. Simul igitur in intellectu possibili recipiuntur intellecta speculata, et intellectus agens; et quando plura intellecta speculata recipimus, tanto magis appropinquamus ad hoc quod intellectus agens perfecte uniatur nobis: ita quod cum omnia intellecta speculata cognoverimus, intellectus agens perfecte uniatur nobis, et poterimus per eum omnia cognoscere et materialia et immaterialia. Et in hoc posuit ultimam homini felicitatem. Nec refert, quantum ad propositum pertinet, utrum in illo statu felicitatis intellectus possibilis intelligat substantias separatas per intellectum agentem, ut ipse sentit, vel (ut ipse imponi Alexandro) intellectus possibilis nunquam intelligat substantias separatas, propter hoc quod ponit intellectum possibilis corruptibilem; sed homo intelligit substantias separatas per intellectum agentem. — *Ibid.*

Sed prædicta stare non possunt: — *Primo* quidem, quia si intellectus agens est substantia separata, impossibile est quod per ipsum formaliter intelligamus quia id, quo formaliter agens agit, est forma et actus agentis, cum omne agens agat in quantum est actu, ut supra dictum est circa intellectum possibilem. — *Secundo* quia secundum modum prædictum, intellectus agens, si est substantia separata non uniatur nobis secundum suam substantiam, sed solum lumen ejus, secundum quod participatur in intellectis speculatis, et non quantum ad alias actiones intellectus agentis, ut possimus per hoc intelligere substantias immateriales; secundum videmus colores illuminatos a sole non unitur nobis substantia solis, ut prius actiones solis agere, sed solum unitur nobis lumen solis ad visionem eorum. — *Tertio*, quia dato quod secundum modum prædictum uniatur nobis substantia intellectus agentis, tamen si

non ponunt, quod intellectus agens totaliter unijatur nobis secundum unum intelligibile vel duo, sed secundum omnia intellecta speculata. Sed omnia intellecta speculata deficiunt a virtute intellectus agentis, quia multo plus est intelligere substantias separatas, quam intelligere omnia materialia. Unde manifestum est, quod etiam intellectis omnibus materialibus, non sic uniretur intellectus agens nobis, ut possemus intelligere per eum substantias separatas. — *Quarto*, quia intelligere omnia intellecta materialia vix competit (contingit) alicui in hoc mundo; et sic nullus vel paucissimi ad felicitatem pervenient; quod est contra Philosophum *I. Eth.* c. 9 (10), qui dicit, quod « felicitas est quoddam bonum commune, quod potest convenire omnibus non orbatis ad virtutem ». Est etiam contra rationem, quod finem aliquius speciei ut in paucioribus consequantur ea quæ continentur sub specie. — *Quinto*, quia Philosophus dicit expresse in *I. Eth.* c. 10 (11), quod « felicitas est operatio secundum perfectam virtutem »; et enumeratis multis virtutibus lib. 10, c. 7, concludit, quod felicitas ultima consistens in cognitione maximorum intelligibilium est secundum virtutem sapientiae, quam posuerat in *6. Eth.*, c. 7, esse caput scientiarum speculativarum. Unde patet, quod Aristoteles posuit ultimam felicitatem hominis in cognitione substantiarum separatarum, qualis potest haberi per scientias speculativas, et non per continuationem intellectus agentis a quibusdam confictam. — *Sexto*, quia supra (q. 94, a. 4) ostensum est, quod intellectus agens non est substantia separata, sed virtus quædam animæ ad eadem se active extendens, ad quæ se extendit intellectus possibilis receptive; quia, ut dicitur in *3. de Anima* (*text.* 18; c. 5), intellectus possibilis est « quo est omnia fieri », intellectus agens « quo est omnia facere ». Uterque ergo intellectus se extendit secundum statum præsentis vitæ ad materialia sola, quæ intellectus agens facit intelligibilia actu, et recipiuntur in intellectu possibili.

Unde secundum statum præsentis vitæ neque per intellectum possibilem neque per intellectum agentem possumus intelligere substantias separatas immateriales secundum se ipsas. — *Ia*, q. 88, a. 1, c.

Ad primum ergo dicendum, quod ex illa auctoritate Augustini haberi potest, quod illud, quod mens nostra de cognitione incorporalium rerum accipit, per se ipsam cognoscere possit. Et hoc adeo verum est, ut etiam apud Philosophum (*I. de Anima* *text.* 2; c. 1) dicatur, quod scientia de anima est principium quoddam ad cognoscendum substantias separatas. Per hoc enim quod anima nostra cognoscit se ipsam, pertinet ad cognitionem aliquam habendam de substantiis incorporeis, qualem eam contingit habere, non quod simpliciter et perfecte eas cognoscat cognoscendo se ipsam. — *Ibid.* ad 1.

Ad secundum dicendum, quod similitudo naturæ non est ratio sufficiens ad cognitionem; alioqui oportet dicere, quod Empedocles dixit, quod anima esset de natura omnium, ad hoc quod omnia cognosceret. Sed requiritur ad cognoscendum, ut sit similitudo rei cognitæ in cognoscente quasi quædam forma ipsius. Intellectus autem noster possibilis secundum statum præsentis vitæ est natus informari similitudinibus rerum materialium a phantasmatibus abstractis; et ideo cognoscit magis materialia quam substantias immateriales. — *Ibid.* ad 2.

Ad tertium dicendum, quod requiritur aliqua proportio objecti ad potentiam cognoscitivam, ut activi ad passivum, et perfectionis ad perfectibile. Unde quod excellentia sensibilia non capiantur a sensu, non sola ratio est, quia corruptunt organa sensibilia, sed etiam quia sunt improportionatae potentiarum sensitivis. Et hoc modo substantiae immateriales sunt improportionatae intellectui nostro secundum præsentem statum, ut non possint ab eo intelligi. — *Ibid.* ad 3.

Ad quartum dicendum; quod illa ratio Commentatoris multipliciter deficit: — primo quidem, quia non sequitur, quod

si substantiæ separatæ non intelliguntur a nobis, non intelligantur ab aliquo intellectu; intelliguntur enim a se ipsis et a se invicem. *Secundo*, quia non est finis substantiarum separatarum ut intelligantur a nobis. Illud autem otiose et frustra esse dicitur, quod non consequitur finem ad quem est; et sic non sequitur substantias immateriales esse frustra, etiam si nullo modo intelligerentur a nobis. — *Ibid.* ad 4.

Ad quintum dicendum, quod eodem modo sensus cognoscit et superiora et inferiora corpora, scilicet per immutationem organi a sensibili. Non autem intelliguntur eodem modo a nobis substantiæ materiales, quæ intelliguntur per modum abstractionis, et substantiæ immateriales, quæ non possunt sicut a nobis intelligi, quia non sunt earum aliqua phantasmatum. Quod est dicere, quod species, quarum visus est receptivus, possunt esse similitudines quorumunque corporum, sive corruptibilem sive incorruptibilem; sed species a phantasmatisbus abstractæ, quarum est receptivus intellectus possibilis, non sunt similitudines substantiarum separatarum; et ideo non est simile. — *Ibid.* ad 5.

Ad sextum dicendum, quod intellectus possibilis noster intelligit se ipsum non directe apprehendendo essentiam suam, sed per speciem a phantasmatisbus acceptam. Unde Philosophus dicit in 3. *de Anima* (*text.* 16; c. 4), quod intellectus possibilis est intelligibilis sicut et alii. Et hoc ideo est, quia nihil est intelligibile secundum quod est in potentia, sed secundum quod est actu, ut dicitur in 9. *Metaphys.* (*text.* 20; l. 8, c. 9). Unde cum intellectus possibilis sit in potentia tantum in esse intelligibili, non potest intelligi nisi per formam suam, per quam fit actu, quae est species a phantasmatisbus abstracta; sicut et quelibet alia res intelligitur per formam suam; et hoc est communis in omnibus potentiis animarum, quod actus cognoscuntur per objecta, et potentiae per actus, et animi per suas poten-

tias. Sic igitur et anima intellectiva per suum intelligere cognoscitur. Species autem a phantasmatisbus accepta non est forma substantiæ separatae, ut per ea cognosci possit, sicut per eam aliquatenus cognoscitur intellectus possibilis. — *Quæs. disp. de Anima* a. 16, ad 8.

Ad septimum dicendum, quod finis, a quem se extendit naturalis possibilitas animalium humanarum, est ut cognoscat substantias separatas secundum modum illi possibilem in hac vita; a quo modo non impeditur per hoc quod corpori unitur. (*Ibid.* ad 1) — In tantum autem anima, dum est unita corpori, potest ad cognitionem substantiarum separatarum ascendere, in quantum potest per species a phantasmatisbus acceptas manuduci. Hoc autem non est, ut intelligatur de eis *quid sint*, cum substantiae excedant omnem proportionem horum intelligibilium; sed possumus hinc modo de substantiis separatis aliquo modo cognoscere *quia sunt*, sicut per effectu deficientes devenimus in causas excellentes, ut cognoscamus de eis tantum quae sunt; et dum cognoscimus quia sunt causa excellentes, scimus de eis, quia non sunt tales, quales sunt earum effectus; et hoc est scire de eis magis *quid non sunt*, quam *quid sunt*. Et secundum hoc est etiam aliquiter verum, quod in quantum intelligimus quidditates quas abstrahimur a rebus materialibus, intellectus noster convertendo se ad illas quidditates potest intelligere substantias separatas, ut intelligat eas esse immateriales, sicut ipsa quidditates sunt a materia abstractæ; et sic per considerationem intellectus noster deducimur in cognitionem substantiarum separatarum intelligibilium. Neque vere mirum est quod substantias separatas non possumus in hac vita cognoscere, intelligendo quid sunt, sicut quid non sunt: qui etiam quidditatem et naturam corporum celestium non aliter cognoscere possumus. Sic enim etiam Aristoteles notificat ea in 1. *de Cielo et Mondo* (*text.* 18 et seqq.; c. 3), ostendens quod non sunt gravia neque levia, neque generabilia neque

corruptibilia, neque contrarietatem habentia. — *Ibid.* in corp. versus fin. — Et similiter in hac cognitione nobis in hac vita possibili substantiæ separatae ultima est felicitas hominis, ad quam per naturalia pervenire potest. — *Ibid.* ad 1.

ARTICULUS II

UTRUM INTELLECTUS NOSTER PER COGNITIONEM RERUM MATERIALIUM POSSIT PERVENIRE AD INTELLIGENDUM SUBSTANTIAS IMMATERIALES.

Videtur quod intellectus noster per cognitionem rerum materialium possit pervenire ad intelligendum substantias immateriales.

1. Dicit enim Dionysius (*de Cœlesti Hierarch. c. I, § 3; — Migne t. 3, col. 422*), quod « non est possibile humanæ menti ad immateriale illam sursum excitari cœlestium hierarchiarum contemplationem, nisi secundum se materiali manudictione utatur ». Relinquitur ergo quod per materialia manuduci possumus ad intelligendum substantias immateriales. — 1a, q. 88, a. 2, arg. 1.

2. Præterea, scientia est in intellectu; sed scientiæ et definitiones maxime sunt de substantiis immaterialibus, ut scientia metaphysica seu Sapientia et Prima Philosophia: ergo substantiæ immateriales intelligi possunt a nobis. — *Ibid.* arg. 2; 1. *Metaphys.* l. 1.

3. Præterea, anima humana est de genere substantiarum immaterialium; sed ipsa intelligi potest a nobis per actum suum, quo intelligit materialia: ergo et aliæ substantiæ immateriales intelligi possunt a nobis per effectus suos in rebus materialibus. — *Ibid.* arg. 3.

4. Præterea, illa sola causa per suos effectus comprehendendi non potest, quæ in infinitum distat a suis effectibus; hoc autem solius Dci est proprium: ergo aliæ substantiæ immateriales creatæ intelligi possunt a nobis per res materiales. — *Ibid.* arg. 4.

5. Præterea, innatum est nobis per effectus causas cognoscere. Sed oportet aliquos effectus substantiarum separatarum in rebus sensibilibus et materialibus esse, cum omnia corporalia a Deo per angelos administrentur, et mediante motu cœli, qui ab angelis provenit, ut dictum est, sint causa generationis in sublunariis. Potest igitur intellectus noster per sensibia intelligere substantias immateriales. — *Quæst. disp. de Anima* a. 16, arg. 7.

6. Præterea, intellectus potest intelligere res materiales, abstrahendo quidditatem a supposito materiali; et si illa quidditas est iterum suppositum habens quidditatem, poterit pari ratione ab illo quidditatem abstrahere; et cum non sit abire in infinitum, deveniet tandem ad hoc quod intelliget quidditatem aliquam simplicem, non habentem aliam quidditatem. Sed hujusmodi est quidditas substantiæ separatae. Ergo intellectus noster potest saltem per quidditates rerum materialium venire in cognitionem substantiarum immaterialium. — *de Verit. q. 18, a. 5, arg. 6.*

Sed contra est : 1. quod intellectum, in quantum hujusmodi, est universale; et ideo oportet quod quidditas intellecti sit quidditas alicujus universalis, scilicet generis vel speciei. Sed quidditas generis vel speciei horum sensibilium, cuius cognitionem intellectivam per phantasmatum accipimus, comprehendit in se materiam et formam. Est ergo omnino dissimilis quidditati substantiarum separatarum, quæ est simplex et immaterialis. — 3. c. *Gent. c. 41, rat. 1.*

2. Præterea, non est ejusdem rationis forma quæ secundum se separari non potest ab aliquo subjecto, cum illa quæ separari potest secundum esse a tali subjecto; licet utraque secundum considerationem accipiatur absque subjecto. Sed quidditas generis vel speciei rerum sensibilium non potest separari secundum esse ab hac individuali materia. Est ergo omnino dissimilis quidditas prædicta a

substantiis separatis, quæ nullo modo sunt in materia. Non ergo per hoc quod hæ quidditates intelliguntur, substantiæ separatae possunt intelligi. — *Ibid.* rat. 2.

3. Præterea, major est distantia substantiæ separatae a sensibilibus, quam unius sensibilis ab alio. Sed intelligere quidditatem unius sensibilis non sufficit ad intelligendam quidditatem alterius : cæcus enim per hoc quod intelligit quidditatem soni, non potest intelligere quidditatem coloris. Multo igitur minus per hoc quod quis intelligit quidditatem sensibilis substantiæ, poterit intelligere quidditatem substantiæ separatae. — *Ibid.* rat. 4.

RSPONDEO DICENDUM, quod Philosophus 3. *de Anima* (*text.* 36; c. 7) movet hanc quæstionem : utrum intellectus noster posse intelligere ea, quæ sunt omnino separata secundum esse a magnitudine, puta substantias separatas, et eam tamquam ad Metaphysicam pertinentem reliquit insolutam ; quam tamen neque in Metaphysica solvit, vel quia complementum illius scientie nondum ad nos pervenit, vel quia nondum est totus liber translatus, vel quia forte morte præventus non potuit completere. Unde sectatoribus ejus occasionem dedit diversimode procedendi ad hujusmodi solutionem. — *Quidam* enim dixerunt, quod intellectus noster non potest intelligere substantias separatas. *Quidam* vero posuerunt, quod ad hoc pertingere potest. Horum autem *quidam* usi sunt rationibus insufficientibus, ut Avempaze, qui posuit, ut notat Averroës in 3. *de Anima* (*text.* 36), quod per intellectionem substantiarum materialium possimus venire in cognitionem substantiarum immaterialium, nixus argumento postremo ineffici, ut patet ex ejus solutione. *Alii* vero usi sunt positionibus extraneis et contra fidem, ut Alexander et Commentator.

Quibus omissis dicendum est, impossibile esse quod per quidditates rerum ma-

terialium deveniamus in cognitionem perfectam substantiarum immaterialium. Cujus ratio est, quia in nullo genere potentia passiva naturalis se extendit ultra id, ad quod se extendit potentia activa ejusdem generis ; sicut potentia passiva in natura non invenitur nisi respectu eorum, ad quæ aliqua potentia activa naturalis se potest extendere, ut dicit Commentator in 9. *Metaphys.* (*text.* 11). In animæ autem humanæ intellectu duplex potentia invenitur : una quasi passiva, scilicet intellectus possibilis, et alia quasi activa, scilicet intellectus agens. Unde intellectus possibilis naturaliter non est in potentia ut in eo siant nisi ea quæ intellectus agens natus est facere ; quamvis per hoc non excludatur, quin aliqua alia in eo fieri possint operatione divina, sicut in natura corporali per operationem miraculi. Actione autem intellectus agentis non sunt intelligibilia ea, quæ sunt de se ipsis potentia intelligibilia, qualia sunt essentiæ rerum naturalium, quæ per sensum et imaginationem capiuntur. Unde in intellectu possibili naturaliter non sunt nisi illæ species intelligibiles, quæ sunt a phantasmatibus abstractæ ; per hujusmodi autem species impossibile est pervenire ad intuendum essentiam substantiæ separatae, cum sint improportionabiles et quasi alterius generis cum ipsis essentiis spiritualibus. It ideo naturali cognitione homo non potest pertingere ut cognoseat angelos perfecte, puta quid sint ; imperfecte enim potest per cognitionem quidditatis rerum materialium, illorum naturam cognoscere, puta secundum rationem communem, remotumque genus, non autem secundum rationem speciei ; et præterea potest illos cognoscere *qui sunt*, ut dictum est (*ib.* *præced.* *ad 7.*) — *Quæst. disp.* *de Anima* a. 46, m. c. ; 3. *de Anima* l. 42 ; *de Venit.* q. 18, a. 5, ad 8 ; 1a, q. 88, a. 2, in c.

Ad primum ergo dicendum, quod ex rebus materialibus ascendero possum in aliquam cognitionem immaterialium

rerum; non tamen in perfectam, quia non est sufficiens comparatio rerum materialium ad immateriales; sed similitudines, si quæ a materialibus accipiuntur ad immaterialia intelligenda, sunt multum dissimiles. — *Ibid.* q. 88, a. 2, ad 1.

Ad secundum dicendum, quod de superioribus rebus in scientiis maxime tractatur per viam remotionis. Sic enim corpora cœlestia notificat Aristoteles (*1. de Cælo* text. 17 sqq. ; c. 3) per negationem proprietatum inferiorum corporum. Unde multo magis immateriales substantiae a nobis cognosci non possunt, ut earum quidditates apprehendamus; sed de eis nobis in scientiis documenta traduntur per viam remotionis et aliquibus habitudinis ad res materiales. — *Ibid.* ad 2.

Ad tertium dicendum, quod anima humana intelligit se ipsam per suum intelligere, quod est actus proprius ejus, perfecte demonstrans virtutem ejus et naturam. Sed neque per hoc, neque per alia quæ in rebus materialibus inveniuntur, perfecte potest cognosci immaterialium substantiarum virtus et natura, quia huiusmodi non adæquant earum virtutes. — *Ibid.* ad 3.

Ad quartum dicendum, quod substantiae immateriales creatæ in genere qualem naturali non conveniunt cum substantiis materialibus, quia non est in eis sicut in rebus materialibus, ratio potentiae et materiæ; conveniunt tamen cum eis in genere logico, quia etiam substantiae immateriales sunt in prædicamento substantiæ, cum earum quidditas non sit earum esse. Sed Deus non convenit cum rebus materialibus, neque secundum genus naturale, neque secundum genus logicum, quia Deus nullo modo est in genere, ut dictum est (*Ibid.* q. 3, a. 5). Unde per similitudines rerum materialium aliquid affirmative potest cognosci de angelis secundum rationem communem, licet non secundum rationem speciei; de Deo autem nullo modo — *Ibid.* ad 4.

Ad quintum dicendum, quod per res

materiales, tamquam per effectus substantiarum separatarum, sive moveant orbes, ex quorum motibus causantur formæ sensibilium, sive alio modo concurrant ad mundi administrationem, non possumus sufficienter venire in cognitionem quidditatis substantiarum separatarum. — Nam per effectus scitur causa, vel ratione similitudinis quæ est inter effectum et causam, vel in quantum effectus demonstrat virtutem causæ. Ratione autem similitudinis ex effectu non poterit sciri de causâ *quid est*, nisi sit agens unius speciei; sic autem non se habent substantiæ separatae ad sensibilia. Ratione autem virtutis hoc etiam esse non potest, nisi quando effectus adæquat virtutem causæ (tunc enim per effectum tota virtus causæ cognoscitur; virtus autem rei demonstrat substantiam ipsius). Hoc autem in proposito dici non potest; nam virtutes substantiarum separatarum excedunt effectus sensibiles omnes quos intellectu comprehendimus, sicut virtus universalis effectum particularem. Unde non est possibile, quod per sensibilem intellectum devenire possimus ad intelligendum perfecte substantias separatas. — 3. c. *Gent.* c. 41, rat. 5; *Quæst. disp. de Anima* a. 16, ad 6 et 7.

Ad sextum dicendum, quod intellectus potest abstrahendo pervenire ad quidditatem rei naturalis non habentem aliam quidditatem; quam quidem intelligere potest, quia eam a phantasmatisbus abstractit, et est facta intelligibilis per lumen intellectus agentis, ex quo habet quod ea possit persici sicut propria perfectione; sed ex hac quidditate non potest assurgere ad cognoscendam essentiam substantiæ separatae, eo quod ista quidditas est omnino deficiens a representatione illius quidditatis: cum non omnino eodem modo inveniatur quidditas in substantiis separatis et in rebus materialibus, sed quasi æquivoce, ut dicit Commentator (*in 3. de Anima* text. 36). Dato etiam quod per hanc quidditatem possit intellectus cognoscere quidditatem

substantiæ separatæ in quodam communione, non tamen adhuc videret essentiam angeli, ita quod sciret differentiam uniuscujusque essentiæ separatæ ab aliis essentiis separatis. — *de Verit.* q. 18, a. 5, ad 6; 1a, l.c., in c.; *Quæst. disp. de Animalia* a. 16, ad 6.

ARTICULUS III

UTRUM DEUS SIT PRIMUM, QUOD A MENTE HUMANA COGNOSCITUR.

Videtur quod Deus sit primum, quod a mente humana cognoscitur.

1. Illud enim, in quo omnia alia cognoscuntur, et per quod de aliis judicamus, est primo cognitum a nobis: sicut lux est prius nota oculo, quam quæ per lucem videntur, et principia intelliguntur prius quam conclusiones. Sed omnia in prima veritate cognoscuntur, et per ipsam de omnibus judicamus, ut Augustinus dicit in lib. *de Trin.*, et *de Vera Relig.* Ergo prima veritas est primum cognitum a nobis. — 1a, q. 88, a. 3, arg. 1; *Opusc.* 70, q. 1, a. 3, arg. 1.

2. Præterea, « propter quod unumquodque, et illud magis ». Sed Deus est causa omnis nostræ cognitionis; ipse enim est *lux vera, quæ illuminat omnem hominem venientem in hunc mundum*, ut dicitur *Joannis 3, 9*. Ergo Deus est id, quod primo et maxime est cognitum nobis. — 1a, l.c. arg. 2.

3. Præterea, id quod primo cognoscitur in imagine, est exemplar, quo formatur imago; sed in mente nostra est Dei imago, ut Augustinus dicit: ergo id quod primo cognoscitur in mente nostra, est Deus. — *Ibid.* arg. 3.

4. Præterea, quando sunt plures causæ ordinatae, prima causa prius influit in causatum quam causa secunda, et ultimo dimittit ipsum, ut dicitur in lib. *de Causis* (propos. 1). Sed cum scientia humana sit causata a rebus, scibile vel intelligibile est menti humanae causa intelligendi. Ergo primum intelligibilium

prius influit in ipsam. Sed influxus intelligibilis in intellectum, in quantum huic modi, est ut intelligatur. Ergo Deus, qui est primum intelligibile, ab intellectu nostro prius intelligitur. — *Opusc.* 70, l. c. arg. 2.

5. Præterea, in omni cognitione, in qua ea quæ sunt priora et simpliciora prius cognoscuntur, id quod est primum et simplicissimum, primo cognoscitur. Sed in cognitione humana ea quæ priora occurrent, sunt priora et simpliciora, videtur: quia ens est illud quod præcadit in conceptione humana, ut Avicenna dicit; esse autem est primum intercreata. Ergo et cognitioni humanae prior occurrit Deus, qui est simpliciter primum et simplicissimum. — *Ibid.* arg. 3.

6. Præterea, finis, qui est ultimus consecutio, est primum in intentione, sed Deus est ultimus finis humanæ voluntatis, ad quem omnes alii fines ordinantur: ergo est primum in intentione, sed hoc non potest esse, nisi sit cognitus: ergo quod primo occurrit cognoscendum, est Deus. — *Ibid.* arg. 4.

7. Præterea, id quod non indiget a qua præcedente operatione, ad hoc que circa ipsum sit operatio operantis alicuius prius cadit sub operatione illius operatis, quam hoc quod indiget aliqua altera operatione: sicut lignum jam dolatum prius cadit sub operatione facientis scilicet scilicet, quam lignum adhuc non dolatum. Sed res sensibiles indigent quod abstrahantur a materia per intellectum agentem, antequam intelligantur ab intellectu possibili; Deus autem per se ipsum maxime est a materia separatus: ei ipse prius intelligitur ab intellectu possibili quam res sensibiles. — *Ibid.* arg.

8. Præterea, naturaliter cognita et quae non possunt intelligi non esse, sunt illæ quæ primo nostræ cognitioni occurserunt. Sed cognitio existendi Deum omnibus naturaliter inserta, ut Damascenus dicit. Nec potest Deus cogitari non esse, Anselmus dicit. Ergo Deus est primum quod a nobis cognoscitur. — *Ibid.* arg.

*Sed contra est : 1. quod dicitur Joan-
nis 1, 18 : Deum nemo vidit unquam. —
1a, l. c. arg. Sed contra.*

2. Præterea, secundum Philosophum
omnis vera cognitio ortum habet a sensu ;
sed Deus est maxime remotus a sensu :
ergo ipse non est primo cognitus a nobis,
sed ultimo. — *Opusc. 70, q. 1, a. 3, arg.*
1 Sed contra.

3. Præterea, secundum Philosophum
ea quæ sunt posteriora secundum natu-
ram, sunt prius nota quoad nos, et mi-
nus nota secundum naturam sunt magis
nota quoad nos ; sed creaturæ sunt po-
steriores et minus notæ secundum natu-
ram quam ipse Deus : ergo ipse poste-
rius notus est quoad nos. — *Ibid. arg. 2*
Sed contra.

4. Præterea, id quod promittitur ut
ultimum præmium, non est primum quod
præcedit omnia merita ; sed cognitio Dei
promittitur nobis ut ultimum præmium
omnis cognitionis et actionis : ergo Deus
non est primo a nobis cognitus. — *Ibid.*
arg. 3 Sed contra.

5. Præterea, intellectus humanus se-
cundum statum præsentis vitæ non potest
intelligere substantias immateriales crea-
tas, ut dictum est (art. præced.) ; ergo
multo minus poterit intelligere essentiam
substantiæ increatæ ; et ita non erit
Deus primum quod a nobis cognoscitur.
— *1a, q. 88, a. 3, in c.*

RESPONDEO DICENDUM, quod quidam
dixerunt, quod primum, quod a mente
humana cognoscitur, etiam in hac vita,
est ipse Deus, qui est veritas prima, et
per hunc omnia alia cognoscuntur. Sed
hoc aperte est falsum : quia cognoscere
Deum per essentiam est hominis beati-
tudo ; unde sequeretur omnem hominem
beatum esse. Et præterea, cum in divina
essentia omnia quæ dicuntur de ipsa,
sint unum, nullus erraret circa ea quæ
de Deo dicuntur ; quod experimento pa-
ret esse falsum. Et iterum, ea quæ sunt
prima in cognitione intellectus, oportet
esse certissima ; unde intellectus certus
est se ea intelligere ; quod patet in propo-

sito non esse. Repugnat etiam hæc posi-
tio auctoritati Scripturæ (*Exod. 33, 20*) :
Non videbit me homo, et vivet.

Unde alii dicunt, quod divina essentia
non est primum cognitum a nobis in via,
sed influentia luminis illius ; et secun-
dum hoc Deus est primum quod a nobis
cognoscitur. Sed hoc etiam stare non
potest, quia prima lux influxa divinitus
in mentem est lux naturalis, per quam
constituitur vis intellectiva. Hæc autem
lux non est primum cognita a mente : ne-
que cognitione qua scitur de ea *quid est*,
cum multa inquisitione indigeat ad co-
gnoscendum quid est intellectus ; neque
cognitione qua cognoscitur *an est*, quia
intellectum nos habere non percipimus,
nisi in quantum percipimus nos intelli-
gere, ut patet per Philosophum 3. *Eth.*
Nullus autem intelligit se aliquid intelli-
gere, nisi in quantum intelligit aliquod
intelligibile. Ex quo patet, quod cognitio
alicujus intelligibilis, præcedit cognitio-
nen quia quis cognoscit se intelligere,
et per consequens cognitionem quia quis
cognoscit se habere intellectum. Et sic
influentia lucis intelligibilis naturalis non
potest esse primum cognitum a nobis, et
multo minus quælibet alia influentia
lucis. — *Opusc. 70, q. 1, a. 3, c.*

Et ideo dicendum, quod primo cogni-
tum homini potest accipi dupliciter : aut
secundum ordinem diversarum potentia-
rum, aut secundum ordinem objectorum
in una potentia. *Primo* quidem modo,
cum cognitio intellectus nostri tota deri-
vetur a sensu : id, quod cognoscibile est
a nobis a sensu, est primo notum nobis
quam id, quod est cognoscibile ab intelle-
ctu, scilicet singulare vel sensibile intelli-
gibile. *Alio modo*, scilicet secundum ordi-
nem objectorum in una potentia, cuilibet
potentiæ est cognoscibile primo suum
proprium objectum. Cum autem in intel-
lectu humano sit potentia activa et pas-
siva, objectum potentiae passivæ, scilicet
intellectus possibilis, erit id quod est
actu per potentiam activam, scilicet in-
tellectum agentem : quia potentiae passi-

væ debet respondere suum activum. Intellectus autem agens non facit intelligibiles formas separatas, quæ sunt ex se ipsis intelligibles, sed formas, quas abstracthit a phantasmatibus; et ideo hujusmodi sunt, quæ prius intellectus noster intelligit. Et inter hæc illa sunt priora, quæ intellectui abstrahenti primo occurunt. Hæc autem sunt quæ plura comprehendunt, vel per modum totius universalis vel per modum totius integralis; et ideo magis universalia sunt primo nota intellectui, et composita componentibus, ut definitum partibus definitionis. Et secundum hoc quædam imitatio intellectus in sensu est, qui etiam quodammodo abstracta a materia recipit; nam apud sensum etiam singularia magis communia sunt nota primo, ut hoc corpus quam hoc animal. Unde patet, quod Deus et aliæ substantiæ separatae nullo modo possunt esse primo intellecta, sed intelliguntur ex aliis, ut dicitur *Rom. 1, 20: Invisibilia Dei a creatura mundi per ea, quæ facta sunt, intellecta conspiciuntur.* — *Opusc. 70, q. 1, a. 3, c.*

Primum autem, quod intelligitur a nobis secundum statum presentis vitæ, est quidditas rei materialis, quæ est nostri intellectus objectum, ut supra dictum est. — *1a, q. 88, a. 3, in c.*

Ad primum ergo dicendum, quod in luce primæ veritatis omnia intelligimus et judicamus, in quantum ipsum lumen intellectus nostri sive naturale sive gratuitum nihil aliud est, quam quedam impressio veritatis primæ. Unde cum ipsum lumen intellectus nostri non se habeat ad intellectum nostrum sicut *quod intelligitur*, sed sicut *quo intelligitur*; multo minus Deus est id, quod primo a nostro intellectu intelligitur. — *1a, l. c. ad 1; Opusc. 70, l. c. ad 1.*

Ad secundum dicendum, quod propter quod unumquodque tale, illud magis intelligendum est in his, quæ sunt unius ordinis, ut supra (q. præced. a. 2, ad 3) dictum est. Propter Deum autem alia cognoscuntur, non sicut propter primum

cognitum, sed sicut propter primam cognoscitivæ virtutis causam. — *1a, l. c. ad 2.*

Ad tertium dicendum, quod si in anima nostra esset perfecta imago Dei, sicut Filius est perfecta imago Patris, statim mens nostra intelligeret Deum. Est autem imperfecta imago; unde ratio non sequitur. — *Ibid. ad 3.*

Ad quartum dicendum, quod non omnium causarum ordinatarum est influentia unius rationis ad (in) ultimum effectum. Unde non oportet quod primum intelligibile hoc modo influat in intellectum nostrum quod intelligatur, sed quod præstet intelligendi virtutem. Vel dicendum, quod quamvis Deus sit in ordine intelligibilium primum simpliciter, non tamen est primum in ordine intelligibilium nobis. — *Opusc. 70, l. c. ad 2.*

Ad quintum dicendum, quod quamvis illa, quæ sunt prima in genere eorum, quæ intellectus abstracthit a phantasmatibus, sint prima cognita a nobis, ut ens et unum; non tamen oportet quod illa quæ sunt prima simpliciter, quæ non continentur in genere proprii objecti, sint primo cognita a nobis. — *Ibid. ad 3.*

Ad sextum dicendum, quod quamvis Deus sit ultimum finis in consecutione, et primum in intentione appetitus naturalis; non tamen oportet quod sit primum in cognitione mentis humanæ, quæ ordinatur in finem; sed in cognitione ordinantis; sicut et in aliis, quæ naturali appetitu tendunt in finem suum. Cognoscitur tamen a principio et intenditur in quadam generalitate, prout mens appetit se bene esse et bene vivere, quod tunc solum est ei, cum Deum habet. — *Ibid. ad 4.*

Ad septimum dicendum, quod substantiæ separatae, quamvis abstractione non indigeant ad hoc quod intelligantur, tamen non sunt intelligibiles per lumen intellectus agentis. Unde non primo ab intellectu nostro intelliguntur. — *Ibid. ad 5.*

Ad octavum dicendum, quod Deum e se, quantum est in se, est per se notum,

quia sua essentia est suum esse; et hoc modo loquitur Anselmus; non autem nobis, qui ejus essentiam non videmus. Sed tamen ejus cognitio nobis innata dicitur esse, in quantum per principia nobis innata de facili percipere possumus Deum esse. — *Ibid.* ad 6.

QUÆSTIO CIV

DE POTENTIA VOLUNTATIS.

Consideratis his, quæ pertinent ad potentiam intellectivam, restat considerare de his, quæ pertinent ad potentiam voluntatis. Cujus consideratio erit bipartita; nam *primo* dicendum est de potentia voluntatis absolute; *deinde* comparative ad intellectum et alias vires.

Circa primum considerabimus similiter illa, quæ consideravimus in potentia intellectiva, nimis ipam potentiam voluntatis, ejus actum, terminum intrinsecum actus, terminum extrinsecum seu objectum, et modum tendendi in objecum.

CIRCA PRIMUM QUÆRUNTUR DUO :

1. Utrum voluntas sit alia potentia praeter appetitum sensitivum.
2. Utrum voluntas distinguitur in irascibilem et concupiscibilem.

ARTICULUS I

UTRUM VOLUNTAS SIT ALIA POTENTIA AB APPETITU SENSITIVO.

Videtur quod voluntas non sit alia potentia ab appetitu sensitivo.

1. Philosophus enim (in 2. *de Anima* text. 27; c. 3) distinguit quinque generae potentiarum animæ et operationum: quorum unum includit generationem, nutritionem et augmentum; secundum, sensum; tertium, appetitum; quartum, moti-

vum (1) secundum locum; quintum, intellectum; — ubi intellectus a sensu distinguatur, non autem appetitus intellectivus a sensitivo. Ergo non videtur quod distinguatur potentia appetitiva superior ab inferiori, sicut potentia apprehensiva superior ab apprehensiva inferiori. — *de Verit.* q. 22, a. 4, arg. 4.

2. Præterea, accidentalis differentia objectorum non diversificat potentias. Sed objecta voluntatis et appetitus sensitivi non differunt nisi per accidentales differentias boni, quod est per se objectum appetitus; non enim videntur aliter differre, nisi quod voluntas est boni appreheensi per intellectum, appetitus autem sensitivus est boni appreheensi per sensum, quæ accidunt bono in quantum est bonum. Ergo voluntas non est alia potentia ab appetitu sensitivo. — *Ibid.* arg. 1; 1a, q. 80, a. 2, arg. 1.

3. Præterea, cognitio intellectiva est universalium; et secundum hoc distinguitur a sensitiva, quæ est singularium; sed ista distinctio non habet locum ex parte appetitivæ; cum enim appetitus sit motus ab anima ad res, quæ sunt singulares, omnes appetitus videntur esse rei singularis: non ergo appetitus intellectivus debet distingui a sensitivo. — 1a, q. 80, a. 2, arg. 2; *de Verit.* q. 22, a. 4, arg. 2.

4. Præterea, sicut sub appprehensivo ordinatur appetitivum ut inferior potentia, ita et motivum; sed non est aliud motivum in homine consequens intellectum quam in aliis animalibus consequens sensum: ergo par i ratione neque est aliud appetitivum. — 1a, l. c. arg. 3; *de Verit.* l. c. arg. 3.

Sed contra est : 1. quod Philosophus 3. *de Anima* (text. 52 et sqq.; c. 10) et 12. *Metaphys.* (text. 35; l. 11, c. 7) distinguit duplē appetitum, et dicit, quod « appetitus superior movet inferiorem », qui est appetitus sensitivus, « ut sphæra sphæram »; quæcumque autem ordinata sunt ad invicem, oportet esse distincta: ergo.

(1) Al. « motum ».

— 1a, q. 80, a. 2, arg. *Sed contra; de Verit.* q. 22, a. 4, arg. 1 et 2 *Sed contra.*

2. Præterea, potentia appetitiva est potentia passiva, quæ nata est moveri ab apprehenso; unde appetibile apprehensum est movens non motum; appetitus autem movens motum, ut dicitur 3. *de Anima* et 12. *Metaphys.* (ll. cc.). Sed passiva et mobilia distinguuntur secundum distinctionem activorum et motivorum: quia oportet motivum esse proportionatum mobili, et activum passivo; et ipsa potentia passiva propriam rationem habet ex ordine ad suum activum. Ergo sicut alterius generis est apprehensum per intellectum et per sensum, ita appetitus intellectus erit alia potentia ab appetitu sensitivo. — 1a, q. 80, a. 2, c.

RESPONDEO DICENDUM, quod voluntas est alia potentia ab appetitu sensitivo. Ad cujus evidentiam sciendum est, quod sicut appetitus sensitivus distinguitur ab appetitu naturali propter perfectiorem modum appetendi; ita appetitus rationalis ab appetitus sensitivo. Quanto enim aliqua natura est Deo propinquior, tanto expressior in ea divinæ dignitatis similitudo invenitur. Hoc autem ad divinam dignitatem pertinet, ut omnia moveat et inclinet et dirigat, ipse a nullo alio motus vel inclinatus vel directus. Unde, quanto aliqua natura est Deo vicinior, tanto minus ab eo inclinatur, et magis nata est se ipsam inclinare. *Natura* igitur *insensibilis*, quæ ratione sue materialitatis est maxime a Deo remota, inclinatur quidem in aliquem finem, non tamen est in ea aliquid inclinans sed solummodo *inclinationis principium*. *Natura* autem *sensitiva*, ut Deo propinquior, in se ipsa habet aliquid inclinans, scilicet *appetibile apprehensum*; sed tamen inclinatio ipsa non est in potestate ipsius animalis quod inclinatur, sed est ei aliunde determinata. Animal enim ad aspectum delectabilis non potest non concupiscere illud, quia illa animalia non habent dominum sue inclinationis, unde & non agunt, sed magis coguntur ², secundum Damascenum (2. *de Fide Orthod.*

c. 27; — Migne t. 94, col. 962); et hoc ideo, quia vis appetitiva sensibilis habet organum corporale, et ideo viciatur dispositionibus materiæ et rerum corporalium, ut moveatur magis quam moveat. — *Sed natura rationalis*, quæ est Deo vicinissima, non solum habet *inclinationem* in aliquid, sicut habent inanimata, nec solum est *movens* hanc inclinationem quasi aliunde eis determinatam, sicut natura sensibilis; sed ultra hoc habet in potestate ipsam inclinationem, ut non sit ei necessarium inclinari ad appetibile apprehensum, sed possit inclinari vel non inclinari; et sic ipsa inclinatio non determinatur ei ab alio, sed a se ipsa. Et hoc quidem competit ei, in quantum non utitur organo corporali; et sic recedens a natura mobilis, accedit ad naturam moventis et agentis. Quod autem aliquid determinet sibi inclinationem in finem, non potest contingere, nisi cognoscat finem et habitudinem finis in ea quæ sunt ad finem; quod est tantum rationis. Et ideo talis *appetitus non determinatus* ex aliquo alio de necessitate, sequitur apprehensionem rationis. — Unde appetitus rationalis, qui voluntas dicitur, est alia potentia ab appetitu sensitivo. — *de Verit.* q. 22, a. 4, c.

* *Ad primum ergo dicendum*, quod sensus et intellectus differunt per rationes apprehensibilis in quantum est apprehensibile, propter hoc quod ad diversa genera pertinet potentiarum: sensus enim tenet (1) apprehendendo particularē, intellectus autem apprehendendo universale. Appetitus vero superior et inferior non differunt per differentias appetibilis in quantum est appetibile, cum in idem tendat bonum quandoque uterque appetitus; sed differunt penes diversum modum appetendi, ut ex dictis (*de Verit.* q. 22, a. 3) patet: et ideo sunt quidem diverse potentiae, sed non diversa potentiarum genera. — *Ibid.* ad 4.

(1) Ali. & tenet in apprehendendo particularē, intellectus autem in apprehendendo universale.

*Ad secundum dicendum, quod voluntas ab appetitu sensibili non distinguitur directe per hoc quod est sequi apprehensionem hanc vel illam; sed per (ex) hoc quod est determinare sibi inclinationem, vel illam habere determinatam ab alio: quæ duo exigunt potentiam non unius modi. Sed talis diversitas requirit diversitatem apprehensionum, ut ex prædictis (*de Verit.* l. c. ad 2) patet. Unde quasi ex consequenti accipitur distinctio appetitivarum virium penes distinctionem apprehensionum (1), et non principaliter. — *Vel dicendum*, quod appetibili non accidit esse apprehensum per sensum vel intellectum, sed per se ei convenit. Nam appetibile non movet appetitum, nisi in quantum est apprehensum. Unde differentiæ apprehensi sunt per se differentiæ appetibilis. Unde potentiaæ appetitivæ distinguuntur secundum differentiam apprehensorum, sicut secundum propria objecta. — *Ibid.* ad 1; 1a, q. 80, a. 2, ad 1.*

*Ad tertium dicendum, quod appetitus intellectivus, licet feratur in res, quæ sunt extra animam singulares, fertur tamen in eas quandoque secundum aliquam rationem universalem: sicut cum appetit aliquid, quia est bonum. Unde Philosophus dicit in sua *Rhetorica* (l. 2, c. 4), quod odium potest esse de aliquo universalis, puta cum odio habemus omne latronum genus. Similiter etiam per appetitum intellectivum appetere possumus immaterialia bona, quæ sensus non apprehendit, sicut scientiam, virtutes et alia hujusmodi. — 1a, q. 80, a. 2, ad 2.*

*Ad quartum dicendum, quod, sicut dicitur in 3. *de Anima* (text. 57 et 58; c. 10), opinio universalis non movet nisi mediante particulari; et similiter appetitus superior movet mediante inferiori. Et ideo non est alia vis motiva consequens intellectum et sensum. — 1a, l. c. ad 3; *de Verit.* l. c. ad 3.*

(1) Al. « apprehensivarum ».

ARTICULUS II

UTRUM VOLUNTAS DISTINGUATUR IN IRASCIBILEM ET CONCUPISCIBILEM.

Videtur quod voluntas distinguitur in irascibilem et concupiscibilem.

1. Voluntas enim ad plura se extendit quam appetitus sensitivus, cum sit et corporalium et spiritualium; sed appetitus sensitivus dividitur in irascibilem et concupiscibilem: ergo et voluntas. — *de Verit.* q. 25, a. 3, arg. 1.

2. Præterea, vis concupiscibilis dicitur a concupiscendo, et irascibilis ab irascendo; sed aliqua concupiscentia est, quæ non potest pertinere ad appetitum sensitivum, sed solum ad intellectivum, qui est voluntas; sicut concupiscentia sapientiae, de qua dicitur *Sap.* 6, 21: *Concupiscentia sapientiae perducit (1) ad regnum perfectum.* Est etiam ira quedam, quæ non potest pertinere ad appetitum sensitivum, sed ad intellectivum tantum, sicut cum irascimur contra vitia. Ergo irascibilis et concupiscibilis distingui debent in appetitu intellectivo, sicut in sensitivo. — 1a, q. 82, a. 5, arg. 1.

3. Præterea, secundum quod communiter dicitur, caritas est in concupiscibili, spes autem in irascibili; non autem possunt esse in appetitu sensitivo, quia non sunt sensibilium objectorum, sed intelligibilium: ergo concupiscibilis et irascibilis sunt ponendæ in parte intellectiva. — *Ibid.* arg. 2.

4. Præterea, vires humanæ dicuntur illæ, quas homo supra cetera animalia habet, quæ pertinent ad superiorem partem animæ; sed distinguitur a magistris duplex irascibilis, humana et non humana, et similiter concupiscibilis: ergo prædictæ vires non sunt tantum in appetitu inferiori, sed etiam in superiori. — *de Verit.* q. 25, a. 3, arg. 6.

5. Præterea, operationes virium sensitivarum tam apprehensivarum quam ap-

(1) Vulg. « deducit ».

petitivarum non manent in anima separata, quia per corporis organa exercentur; — alias anima sensibilis in brutis esset incorruptibilis, utpote potens suam operationem habere per se ipsam. Sed in anima separata remanent gaudium et tristitia, amor et timor, et alia hujusmodi, quæ attribuuntur irascibili et concupiscibili: ergo hæ non tantum sunt in parte sensitiva, sed etiam in intellectiva. — *Ibid.* arg. 7.

Sed contra est, quod Gregorius Nyssenus (l. 4 de *Viribus Animæ* c. 6) (1) dicit, quod irrationalis pars animæ dividitur in desiderativum et irascitivum; et idem dicit Damascenus (*de Fide Orthod.* c. 42; — Migne t. 94, col. 927); et Philosophus dicit (in 3. de *Anima* text. 42; c. 9), quod voluntas in ratione est; in irrationali autem parte animæ concupiscentia et ira, vel desiderium et animus. — 1a, q. 82, a. 5, arg. *Sed contra*.

RESPONDEO DICENDUM, quod irascibilis et concupiscibilis non sunt partes intellectivi appetitus, qui dicitur voluntas: quia, ut supra dictum est (q. 93, a. 4, c.) potentia quæ ordinatur ad aliquod objectum secundum communem rationem, non diversificatur per differentias species colorum. Si autem esset aliqua potentia quæ esset albi in quantum est album, et non in quantum est coloratum, diversificaretur a potentia quæ esset nigri in quantum est nigrum. Appetitus autem sensitivus non respicit communem rationem boni, quia nec sensus apprehendit universale; et ideo secundum diversas rationes particularium bonorum diversificantur partes appetitus sensitivi. Nam concupiscibilis respicit propriam rationem boni, in quantum est delectabile secundum sensum et conveniens naturæ; irascibilis autem respicit ratio-

(1) Vide Nemicil opus *de Naturâ Hominis*, c. 17; — Migne PP. Gr. t. 40 col. 675.

nem boni, secundum quod est repulsivum et impugnativum ejus quod infernocumentum. Sed voluntas respicit bonum sub communi ratione boni; et ideo non diversificantur in ipsa, quæ est appetitus intellectivus, aliquæ potentiae appetitivæ, ut sit in appetitu intellectivo alia potentia irascibilis, et alia concupiscibilis sicut etiam ex parte intellectus non multiplicantur vires apprehensivæ, licet multiplicentur ex parte sensus. — 1a, q. 82, a. 5, c.

Ad primum ergo dicendum, quod quamvis appetitus superior in plura se extendat quam inferior; tamen, quia habet universale bonum pro proprio objecto, non dividitur in plures potentias. — *de Verit.* q. 23, a. 3, ad 1.

Ad secundum dicendum, quod amor, concupiscentia et hujusmodi *dupliciter* accipiuntur: — *uno modo* secundum quod sunt quadam passiones, cum quadam scilicet concitatione animi provenientes; et sic communiter accipiuntur; et hoc modo sunt solum in appetitu sensitivo. *Alio modo* significant simplicem affectum absque passione vel animi concitatione; et sic sunt actus voluntatis; et hoc etiam modo attribuuntur angelis et Deo. Sed prout sic accipiuntur, non pertinent ad diversas potentias, sed ad unam tantum, quæ dicitur voluntas. — 1a, l. c. ad 1.

Ad tertium dicendum, quod ipsa voluntas potest dici irascibilis, prout vult impugnare malum, non ex impetu passionis, sed ex judicio rationis; et eodem modo potest dici concupiscibilis propter desiderium boni. Et sic in irascibili et concupiscibili sunt caritas et spes, id est in voluntate secundum quod habet ordinem ad hujusmodi actus. — *Ibid.* ad 2.

Ad quartum dicendum, quod irascibilis et concupiscibilis dicuntur humanae sive rationales, non *per essentiam*, quasi ad partem superiorem pertineant, sed *per participationem*, in quantum obediunt rationi et participant regimen illius. — *de Verit.* q. 23, a. 3, ad 6.

Ad quintum dicendum, quod gaudium

et timor, quæ sunt passiones, non remanent in anima separata, cum corporali immutatione peragantur ; sed remanent actus voluntatis similes illis passionibus. — *Ibid.* ad 7.

QUÆSTIO CV

DE ACTU VOLUNTATIS.

Deinde considerandum est de actu voluntatis.

ET CIRCA HOC QUÆRUNTUR TRIA :

1. Utrum actus voluntatis producatur effective a voluntate et cognitione objecti, tamquam a duobus agentibus partialibus, an vero totaliter producatur a sola voluntate.
2. Utrum per actum voluntatis producatur aliquis terminus intrinsecus.
3. Utrum iste terminus realiter distinguitur ab actu voluntatis.

ARTICULUS I

UTRUM ACTUS VOLUNTATIS PRODUCATUR EFFECTIVE A VOLUNTATE ET COGNITIONE OBJECTI, TAMQUAM A DUOBUS AGENTIBUS PARTIALIBUS, AN VERO TOTALITER PRODUCATUR A SOLA VOLUNTATE.

Videtur quod actus voluntatis producatur totaliter effective a sola voluntate.

1. Dicit enim Philosophus (*2. Phys. text.* 30; c. 3; *5. Metaphys. text.* 3; l. 4, c. 2), quod duæ causæ non possunt esse sibi invicem causæ in eodem genere ; nam respectu ejusdem non potest esse movens et motum. Sed voluntas movet intellectum per modum causæ efficientis ; ergo intellectus non poterit in eodem genere movere voluntatem : et ita voluntatis actus non comproducetur effective ab actu intellectus. — *2. Phys.* l. 5; *5. Metaphys.* l. 3; 1a 2æ, q. 9, a. 1, arg. 3; 1a, q. 82, a. 4, arg. 2; *de Verit.* q. 22, a. 12, c.

2. Præterea, intellectus se habet ad voluntatem ut demonstrans appetibile, sicut imaginatio demonstrat appetibile

appetitui sensitivo. Sed imaginatio demonstrans appetibile non movet effective appetitum sensitivum ad actum suum ; quia quandoque ita nos habemus ad ea quæ imaginamur, sicut ad ea quæ in pictura nobis ostenduntur, ex quibus non movemur, ut dicitur in *2. de Anima (text.* 154; l. 3, c. 3). Ergo actus voluntatis non potest effective comproduci a cognitione intellectiva. — 1a 2æ, q. 9, a. 1, arg. 2.

3. Præterea, hoc differt voluntas ab intellectu, quod hic ponitur in actu per hoc quod res intellecta est in intellectu secundum suam similitudinem ; voluntas autem non constituitur in actu per aliquid sibi inhærens. Sed sufficienter actio procedit ab agente constituto in actu : ergo actus voluntatis non producitur partialiter effective a cognitione. — 1a, q. 27, a. 4, c.

4. Præterea, voluntas movetur ab intellectu, quatenus movetur ab objecto cognito. Sicut enim intellectus movetur ab objecto, et ab eo qui virtutem dedit intelligendi : ita et voluntas debet moveri ab objecto, quod est bonum, et ab eo qui dedit virtutem volendi. Sed objectum movet voluntatem ad suum actum tamquam finis, qui est causa valde diversa ab efficiente, ut patet. Ergo actus voluntatis non comproducitur effective a cognitione, sed tantum ab objecto per cognitionem repræsentato, finaliter. — 1a, q. 105, a. 4, c. ; q. 82, a. 4, c. ; *de Verit.* q. 22, a. 12, c.

5. Præterea, in actu voluntatis tantum duo sunt, substantia, et modus seu forma a qua perfectionem habet ; sed substantia sufficienter habetur a potentia voluntatis, et modus, verbi gratia dilectionis, sufficienter habetur ab habitu caritatis : ergo actus voluntatis non comproducitur effective ab intellectu mediante cognitione. — 4. *Sent. dist.* 49, q. 1, a. 2, quæstiunc. 2, ad 2 ; 2. *Sent. dist.* 26, q. 1, a. 5, ad 4.

6. Præterea, si cognitio est causa actus voluntatis, verbi gratia amoris, major

cognitio causaret majorem amorem et non amari posset aliquid plus, quam cognosceretur ; sed hoc est falsum ; nam eamamus amore ejusdem speciei rem incognitam et eandem cognitam, et in hac vita amamus Deum plus, quam illum cognoscamus : ergo actus voluntatis non comproducitur effective ab intellectu.

Sed contra est : 1. quod Philosophus dicit in 3. de *Anima* (*text.* 54; c. 10), quod appetibile intellectum est movens non motum, atque adeo primum movens; voluntas vero est movens motum, et secundum movens. Sed voluntas est movens effectivum et non finale. Ergo appetibile erit movens primum effectivum mediante cognitione. — 1a 2æ, q. 9, a. 1, arg. *Sed contra*; 3. de *Anima* l. 45.

2. Præterea, actio speciem sumit a suo principio effectivo, seu ab actu, qui est principium agendi (ut dicitur in 3. *Phys.* *text.* 22; c. 3) definiens actionem, quod sit actus agentis. Sed specificans actionem voluntatis est bonum apprehensum; ergo bonum apprehensum effective comproducit actum voluntatis. — 1a 2æ, q. 1, a. 3, c.; 1a, q. 14, a. 5, ad 3, et q. 77, a. 3, c.

RESPONDEO DICENDUM, quod actus voluntatis effective producitur a voluntate et a cognitione objecti, tamquam a duobus agentibus partialibus. Quod multipliciter potest esse manifestum : — *et primo* ex diversitate volitionum. Sicut enim visio albi et visio nigri sunt actiones diversæ secundum numerum et secundum modum : ita et dilectio, verbi gratia, Dei et dilectio proximi. Diversitas autem visionum predictarum effective procedit ab objecto et non a potentia visiva; ergo similiter diversitas volitionum et dilectionum effective debet ab alio quam ab ipsa voluntate derivari; quod non potest esse nisi objecti cognitio. — 3. *Sent.* dist. 27, q. 2, a. 4, sol. 1, ad 3. — *Secundo* ex ratione volitionis talis. Non enim minus eget voluntas effective moveri ad exercitium actus voluntatis quam ad determinationem actus. In tantum enim

aliquid indiget moveri ab alio, in quantum est in potentia ad plura. Oportet enim ut id quod est in potentia, reducatur in actum per aliquid quod est actu : et hoc est movere. *Dupliciter* autem voluntas invenitur esse in potentia ad diversa : uno modo quantum ad agere et non agere, alio modo quantum ad agere hoc vel illud : sicut visus quandoque videt actu et quandoque non videt; et quandoque videt album et quandoque nigrum. Cum ergo voluntas egeat movente effectivo quantum ad duo, puta quantum ad exercitium vel usum actus et quantum ad determinationem actus, quorum primum est ex parte subjecti, quod quandoque invenitur agens quandoque non agens; aliud autem ex parte objecti — sicut ad primum ipsa voluntas se movet effectivo (per hoc enim quod vult finem, se movet effectivo ad volendum media) —; ita ad secundum movebitur effectivo ab objecto apprehenso. Cum enim objectum apprehensum moveat determinando actum, ad modum principii formalis, a quo in rebus naturalibus actio specificatur, ut calefactio a calore — sicut in naturalibus principium formale specificans actionem est *principium quo effectivum* illius seu ratio agendi effectiva, ut patet in exemplo allato coloris, et docet Philosophus, ut supra dictum est —; ita objectum apprehensum, cum sit formale principium specificans actum voluntatis, erit ejusdem *comprincipium quo effectivum*, et ita simul cum voluntate comproducet ejus actum. — 1a 2æ, q. 9, a. 1 et 3, c. et q. 1, a. 3, c. — *Tertio* ex natura divini amoris, in cuius cognitionem ex amore creando proportionaliter devenimus. Ideo enim processio Spiritus Sancti est realiter distincta a processione divini Verbi, quia est ab illa; propterea vero est ab illa, quia de ratione amoris est procedere a cognitione objecti. Processio autem Spiritus Sancti est a processione Verbi in genere principii activi ; nam distinctio inter processiones divinarum personarum non est nisi ratione oppositionis ; omnis autem

oppositio in divinis est secundum originem; ordo autem originis est ordo a quo aliis et qui ab alio. Dicendum ergo est, quod conceptio intellectus est causa partialis, ratione objecti concepti, actus amoris et cujuscunque actus voluntatis. — 1a, q. 27, a. 3, ad 3; *de Pot.* q. 10, a. 4, c.

Ad primum ergo dicendum, quod voluntas movet ceteras potentias tamquam efficiens quod, cum imperet illis earum actus; et intellectus movet voluntatem per modum finis; de cuius ratione est quod moveat tamquam ratio agendi et efficiendi; nam specificat actionem voluntatis, quod est proprium principii formalis quo effectivi, ut patet in calore respectu calefactionis. — 1a, q. 82, a. 4, in c. et ad 2; *de Verit.* q. 22, a. 12, c. — *Vel die*, quod voluntas movet intellectum quoad exercitium actus, sed rursum movetur voluntas ab intellectu quoad specificationem et determinationem actus. — 1a 2æ, q. 9, a. 1, ad 3.

Ad secundum dicendum, quod eodem modo objectum apprehensum a sensu, per modum convenientis vel nocivi, movet appetitum sensitivum, sicut intellectus practicus movet voluntatem. — *Ibid.* ad 2.

Ad tertium dicendum, quod quia intellectus fit in actu secundo per hoc quod concipit in se similitudinem objecti; voluntas vero per hoc quod habet inclinationem in objectum volitum: ideo antequam intellectus concipiatur talem similitudinem, debet constitui in *actu primo* per aliquam aliam similitudinem ab objecto, mediante intellectu agente in eo productam, quæ sit alterius similitudinis concausa. Voluntas vero non eget ulla similitudine, per quam constituatur in actu primo, sed solum requirit in intellectu formam seu principium formale. Omnis enim appetitus est inclinatio consequens formam: naturalis quidem naturalem, sensitivus apprehensam a sensu, et intellectivus apprehensam ab intellectu. Unde sicut forma naturalis est principium activum quo motus naturalis,

ut dictum est (in c. et ad 1), ita et forma apprehensa erit principium effectivum quo actus appetitus. — 1a, q. 27, a. 4, c.; q. 78, a. 1, ad 3; q. 80, a. 1, c.; q. 81, a. 1, c., et alibi.

Ad quartum dicendum, quod objectum movet voluntatem tamquam ratio agendi effectiva et tamquam causa finalis, ut dictum est (in c. et ad 1).

Ad quintum dicendum quod, sicut in actu intellectus insunt: *substantia*, nimirum actus, *determinatio* seu *specificatio* actus, et *modus* actus; et primum fit ab intellectu, secundum a specie, ut dictum est (vel certe a supplente vicem speciei, ut in visione divina a divina essentia, quæ habet rationem speciei intelligibilis), tertium ab habitu sive acquiso sive supernaturali (ut in visione beatifica a lumine gloriæ); — *ita* in actu voluntatis primum fit a voluntate, secundum ab objecto, tertium ab habitu acquiso vel supernaturali. — 4. *Sent. dist.* 49, q. 1, a. 2, sol. 2, ad 2; q. 2, a. 1, ad 15.

Ad sextum dicendum, quod cognitio est quidem causa amoris, sed non ratione sui, sed ratione objecti et boni, quod per ipsam apprehenditur et concipitur; et ideo fieri potest ut aliquid plus ametur quam cognoscatur. Non enim diligitur res, quia cognoscitur, sed quia est bona; nam voluntas fertur in rem secundum quod in se est. Non potest tamen hoc bonum movere voluntatem per modum formæ specificantis et coefficientis actum voluntatis simul cum ipsa voluntate, nisi apprehendatur per intellectum; et ideo dicitur quod cognitio est causa amoris. — 1a 2æ, q. 27, a. 2, ad 2; 2a 2æ, q. 27, a. 4, ad 1; *Quæst. disp. de Caritate* a. 4, ad 4.

ARTICULUS II

UTRUM PER ACTUM VOLUNTATIS PRODUCATUR ALIQUIS TERMINUS INTRINSECUS.

Videtur quod per actum voluntatis non producatur aliquis terminus intrinsecus.

1. Si enim produceretur aliquid, deberet aliquid esse in voluntate, quod posset significari ut res procedens et non tantum ut operatio — sicut quia in intellectu datur aliquid procedens et per modum operationis et per modum operati, datur aliquid quod significatur ut res procedens, puta *verbum* — ; sed in voluntate nihil datur hujusmodi ; *amor* enim, qui posset assignari, tantum significatur ut operatio procedens : ergo per actionem voluntatis nihil producitur. — 1a, q. 37, a. 1, c. ; *de Verit.* q. 4, a. 2, ad 3 primo loco.

2. Præterea, motus et operatio voluntatis terminatur ad res, in quibus est bonum et malum : sicut operatio intellectus terminatur in mente, in qua est verum et falsum. Et ideo non requiritur in illa similitudo qua informetur, sicut requiritur in intellectu. Sed non ob aliam rationem dici potest per actum voluntatis produci aliquid per modum termini intrinseci, quam ut in ipsum tendat tamquam in objectum, sicut patet in intellectu. Ergo per actum voluntatis nihil producitur. — *de Verit.* q. 4, a. 2, c. ; et q. 10, a. 9, ad 7.

Sed contra est, quod amatum non solum est in intellectu sed etiam in voluntate ; sed est in intellectu mediante verbo, quod est terminus intrinsecus intellectus, et est similitudo rei amatæ : ergo et in voluntate erit mediante aliquo termino producto, per quam voluntas inclinatur et impellitur in amatum ; et ita per actum voluntatis producetur aliquid, puta impulsus amantis in amatum. — 4, c. *Gent.* c. 19.

RESPONDO DICENDUM, quod necesse est dicere, quod non solum ab intellectu, sed etiam a voluntate procedit aliquid per modum operati et producti. Ad cujus evidentiam sciendum, quod cum omnis processio sit secundum aliquam actionem, sicut secundum actionem quae tenet in exteriorem materiam est aliqua processio ad extra; ita secundum actionem quæ manet in ipso agente atten-

ditur processio quædam ad intra, et per consequens aliquid ad intra productum et operatum. Et hoc maxime patet in intellectu, cuius actio, scilicet intelligere, manet in intelligente. Quicunque enim intelligit, ex hoc ipso quod intelligit, procedit aliquid intra ipsum, quod est conceptio rei intellectæ, ex vi intellectiva proveniens et ex ejus notitia procedens : quam conceptionem vox significat ; et dicitur verbum cordis seu mentis. — Similiter ergo in voluntate, ex hoc quod aliquis rem aliquam amat, producetur aliquid ; et quoniam voluntas natura sua fertur ad res ut in se sunt, sicut intellectus fertur ad res ut sunt in ipso, ab actu voluntatis proveniet aliquid per modum inclinationis et impressionis rei amatæ in affectu amantis, secundum quam amatum dicitur esse in amante, sicut et intellectum in intelligenti : ita quod, cum aliquis se ipsum intelligit et amat, est in se ipso, non solum per idenitatem rei, sed etiam ut intellectum in intelligenti, et amatum in amante ; nisi quod *ex parte intellectus* sunt vocabula inventa, *tum* ad significandam operationem ipsam seu respectum intelligentis ad rem intellectam (ut patet in hoc quod dico *intelligere*), *tum* rem ipsam operatam et terminum productum, ipsumque processum intellectualis conceptionis, scilicet ipsum *dicere* et *verbum* ; *ex parte autem voluntatis* præter diligere et amare, quæ important operationem voluntatis seu habitudinem amantis ad rem amatam, non sunt aliqua vocabula imposita, quæ importent habitudinem ipsius impressionis vel affectiōnis rei amatæ (quæ provenit in amante ex hoc quod amat, ad suum principium, aut e converso) ; et ideo propter vocabularia inopiam hujusmodi habitudines significamus vocabulis amoris et dilectionis: sicut si verbum nominemus intelligentiam conceptam, vel sapientiam genitam. — 1a, q. 27, a. 1, c. ; q. 37, a. 1, c. ; *Tubuli* *Auræ* voce « intellectus » n. 212.

Et ex his patet *ad primum objectum*.

Ad secundum dicendum, quod licet voluntas nihil producat, quod sit similitudo rei amatæ, sive intus sive extra, sicut utrobique illam producit intellectus: intus quidem, quia verbum est similitudo rei intellectæ, et intellectus intelligentis se ipsum; extra vero sicut forma intellecta inducitur in artificiatum (voluntas vero non producit suam similitudinem nec intus nec extra: non intus, quia amor procedens per actum voluntatis non est similitudo rei amatæ: neque extra, quia voluntas imprimi^t (1) in artificiatum formam intellectam prius quam voluntatem secundum ordinem rationis); — procedit *tamen* per voluntatis actum aliquid ad intra per modum inclinationis et impressionis in rem amatam, per quod amans impellitur in ipsam, ut dictum est (in c.). — *de Pot.* q. 10, a. 2, ad 11; *de Verit.* q. 4, a. 2, ad 7.

ARTICULUS III

UTRUM TERMINUS INTRINSECUS PRODUCTUS PER ACTUM VOLUNTATIS SIT REALITER AB ACTU DISTINCTUS.

Videtur quod terminus intrinsecus per actum voluntatis productus non sit realiter ab illo distinctus.

1. Terminus enim motus non distinguitur a motu, ut dicit Philosophus (3. *Phys. text.* 18 et 20; c. 2); sed quidquid producitur per actum appetitus, est terminus motus illius: ergo non distinguitur realiter ab illo. — 3. *Sent.* dist. 27, q. 1, a. 2, c.

2. Præterea, potentia operativa unitur mediante operatione cum operato; sed voluntas est potentia operativa: ergo unitur cum operato mediante operatione; sed unitur maxime per amorem, nam hic est unio amantis ad amatum: ergo amor non distinguitur ab operatione, et eadem ratione quidquid producitur

(1) Al. « exprimit »:

per voluntatem non distinguetur ab illius operatione. — 1a, q. 8, a. 1, c; q. 37, a. 1, arg. 3; *Tabula Aurea* voce • amor • nn. 199 et 200.

Sed contra est, quod dicit Philosophus (10 *Eth.* c. 2), quod operationes virtutum non sunt qualitates; sed terminus productus per actum voluntatis, puta impressio, et inclinatio in rem volitam est qualitas; est enim forma quædam, qua objectum volitum vel amatum informat volentem vel amantem: ergo terminus productus per actum voluntatis est ab illo realiter distinctus. — 3. *Sent.* dist. 27, q. 1, a. 3, c.; dist. 31, q. 2, a. 2, c.; *de Verit.* q. 26, a. 4, c.

RESPONDEO DICENDUM, quod ex dictis (in art. præced.) manifeste patet, quod actus voluntatis est realiter distinctus a termino per illum producto. Cum enim *dupliciter* possit sumi talis terminus, puta amor, *vel* ut dicit operationem voluntatis seu actum amoris, *vel* ut dicit quid procedens et productum per talem actum; si *priori modo* sumatur, nihil aliud est amor seu amare, quam habitudo amantis ad amatum; sicut similiter intelligere nihil est aliud, quam habitudo intelligentis ad intellectum. Et ratio hujus est, quia quotiescumque actio non est conjuncta cum motu physico, non est actio nisi relatio, ut dictum est (supra q. 96, a. 3, c.); relatio autem realiter distinguitur a quoconque alio accidente, et a substantia, ut etiam dictum est (in Logica q. 13, a. 2). Si autem sumatur *posteriori modo*, non est relatio, sed aliquid dicens relationem, puta qualitas quædam, quæ tamdiu manet, quamdiu manet operatio, ut in simili dictum est de verbo mentis; qualitas autem distinguitur realiter a relatione. Unde manifestum est, quod terminus intrinsecus productus per actum voluntatis realiter ab illo distinguitur. — 1a, q. 37, a. 1, c.; *de Verit.* q. 4, a. 2, ad 7; *de Pot.* q. 10, a. 2, ad 11.

Ad primum ergo dicendum, quod actus voluntatis non est motus definitus a Philosopho, sicut nec actus intellectus, ut

dictum est (supra q. 96, a. 3, c.); eadem enim est ratio utriusque, cum sit uterque actus immanens. Secus vero dicendum est de actu appetitus sensitivi, saltem ratione transmutationis corporis (et præcipue cordis, quod est principium in animali), quæ transmutatio semper illum concomitatur. — 1a, q. 14, a. 2, ad 2; q. 20, a. 1, ad 1.

Ad secundum dicendum, quod unio, quæ est relatio, consequitur amorem; quæ vero est actus quidam et forma, essentialiter est ipse amor. Unde fit, ut tripliciter amans uniatur cum amato: primo mediante operatione, secundo mediante termino, tertio mediante relatione consequente, ut ex dictis (art. præced.) potest esse manifestum. — 1a 2æ, q. 26, a. 2, ad 2; q. 28, a. 1, ad 2.

QUÆSTIO CVI

DE TERMINO INTRINSECO ACTUS VOLUNTA- TIS.

Deinde considerandum est de termino intrinseco actus voluntatis.

CIRCA HOC QUÆRITUR :

Utrum terminus intrinsecus actus voluntatis sit immediatum objectum illius.

ARTICULUS

UTRUM TERMINUS INTRINSECUS ACTUS VO- LUNTATIS SIT IMMEDIATUM OBJECTUM IL- LIUS.

Videtur quod terminus intrinsecus actus voluntatis sit immediatum objectum voluntatis.

1. Ita enim se habet bonum ad affectum, sicut verum ad intellectum. Sed verum, quod est objectum intellectus, est in mente, et est terminus intrinsecus productus per actum intellectus: ergo et bonum, quod est objectum voluntatis,

erit in voluntate et erit terminus intrinsecus productus per actum voluntatis. — *de Verit.* q. 10, a. 9, arg. 7.

2. Præterea, sicut intellectum est in intellectu, ita et amatum est in amante, ut dictum est (supra q. 103, a. 2); sed intellectum in intellectu est terminus intrinsecus per actum intellectus productus, et est ejus objectum immediatum: ergo et amatum in amante erit terminus intrinsecus per actum voluntatis productus, et erit ejus objectum immediatum. — Il. cc. in respons.; cf. Logica q. 2, a. 2.

3. Præterea, terminus productus per actum voluntatis non potest habere aliam rationem, quam vel inclinationis in objectum, vel objecti; sed non potest habere priorem rationem, quia voluntas sufficienter inclinatur in objectum per habitus superadditos; natura autem non facit per duo, quod per unum facere potest, ut dictum est (in Logica q. 1, a. 4, arg. 4): ergo habet posteriorem rationem, et ita erit immediatum objectum voluntatis.

Sed contra est, quod objectum voluntatis est bonum, sicut verum est objectum intellectus. Sed bonum non est in voluntate, sed in re extra voluntatem; et contra verum est in mente, ut dicit Philosophus (6. *Metaphys. text.* 8; 1. 5, c. 3). Ergo objectum voluntatis non potest esse in ipsa, et per consequens terminus intrinsecus per actum voluntatis productus non potest esse illius objectum immediatum. — 6. *Metaphys.* 1. 4.

RESPONDIO DICENDUM, quod terminus intrinsecus per actum voluntatis productus non est immediatum objectum ipsum. Cujus ratio manifeste patet ex natura diversa voluntatis et intellectus. Quia enim *hic* tendit in objectum, ut est in ipso; ideo in intellectu est species aliqua, quæ est similitudo objecti, in quantum in imagine objectum intelligit, ut dictum est (q. præced. a. 2, c. et ad 1 et alibi passim), ejusque actus perficitur, secundum quod res intelligibile

sunt in intellectu per modum ipsius intellectus. Unde etiam est, quod ex rebus intelligibilibus non inficitur, sed magis perficitur. Contra vero *appetitus* quia ex natura sua tendit in objectum extra ut in se est, ejusque actus nihil aliud est quam inclinatio in objectum : per actum voluntatis non producitur ulla similitudo, sed tantum quædam inclinatio ad rem ad extra, per quam fertur in rem amatam, ex qua etiam inficitur. Et quia talis inclinatio non est similitudo rei amatæ, sed unio et copula quædam cum amato, non potest esse objectum voluntatis, sed est id per quod voluntas inclinatur et impellitur in objectum, ut dictum est (q. 105, a. 2, c. et ad 2). — Vide II. cc. supra ad q. 105, a. 2, c. et ad 2; *Tabula Aurea* voce « intellectus » n. 211 et sqq.

Ad primum ergo dicendum, quod, quia motus vel operatio cognoscitivæ partis perficitur in ipsa mente, oportet quod ad hoc quod aliquid cognoscatur, sit aliqua similitudo in mente. Quia vero motus vel operatio affectivæ partis incipit ab anima et terminatur ad res ipsas, ideo non requiritur in illa similitudo rei, qua informetur, sicut in intellectu. Et propterea non est mirum, quod per actum intellectus producatur similitudo objecti, quæ se habet ut objectum immediatum illius ; per actum vero voluntatis producatur inclinatio et impulsus, per quem voluntas immediate fertur in objectum extra, atque adeo in rem amatam. — *de Verit.* q. 10, a. 9, ad 7; 1a, q. 27 et q. 37, a. 1, c.

Ad secundum dicendum, quod intellectum est in intellectu tamquam objectum cognitum ; amatum vero est in amante ratione impulsus in eo existentis, per quem fertur et inclinatur in ipsum amatum, ut dictum est (in c.). — 1a, q. 27 et 37, a. 1, c.; *de Verit.* q. 10, a. 9, ad 7.

Ad tertium dicendum, quod ad ea, ad quæ sufficienter voluntas inclinatur per naturam suam, non indiget aliqua qualitate inclinante, sed sufficit terminus productus per actum ipsius. Quia vero ne-

cessarium est ad finem humanæ vitæ, quod vis appetitiva inclinetur ad aliquid determinatum, ad quod non inclinatur ex natura potentiae, quæ se habet ad multa et diversa ; — ideo necesse est quod in voluntate et in aliis viribus appetitivis sint quædam qualitates inclinantes superadditæ, quæ habitus dicuntur. — 1a 2æ, q. 50, a. 5, ad 1.

QUÆSTIO CVII

DE OBJECTO VOLUNTATIS.

Deinde considerandum est de objecto voluntatis.

CIRCA HOC QUÆRUNTUR DUO :

1. Utrum objectum formale voluntatis sit tantum bonum, an bonum et malum.
2. Utrum objectum materiale voluntatis sit tantum finis, an etiam ea quæ sunt ad finem.

ARTICULUS I

UTRUM OBJECTUM FORMALE VOLUNTATIS SIT TANTUM BONUM, AN BONUM ET MALUM.

Videtur quod objectum formale voluntatis non sit tantum bonum.

1. Eadem enim est potentia oppositorum, sicut visus albi et nigri; sed bonum et malum sunt opposita : ergo voluntatis objectum non est tantum bonum, sed bonum et malum. — 1a 2æ, q. 8, a. 1, arg. 1.

2. Præterea, potentiae rationales sunt ad opposita prosequenda, secundum Philosophum (9. *Metaphys. text.* 3; 1. 8, c. 2); sed voluntas est potentia rationalis; est enim in ratione, ut dicitur in 3. *de Anima* (*text.* 42; c. 9) : ergo voluntas se habet ad opposita. Non ergo voluntatis objectum est tantum bonum, sed etiam malum. — *Ibid.* arg. 2.

3. Præterea, bonum et ens convertun-

tur; sed voluntas non solum est entium, sed etiam non entium; volumus enim quandoque non ambulare et non loqui; volumus etiam interdum quædam futura, quæ non sunt entia in actu: ergo voluntatis objectum adæquatum non est bonum.

— *Ibid.* arg. 3.

4. Præterea, quidquid est volitum a voluntate, pertinet ad ejus objectum, sicut quidquid est intellectum ab intellectu, sub ejus objecto continetur; sed aliquando quis vult fieri malum, ut qui operatur malum voluntarie: ergo malum fieri et ipsum malum pertinet ad objectum voluntatis. — 1. *Sent.* dist. 46, q. 1, a. 2, arg. 2.

5. Præterea, secundum Philosophum (7. *Eth.* c. 8 et 9, al. c. 9 et 10), quidam habentes rationem rectam, contra rationem operantur; non autem operarentur, nisi appererent vel vellent; sed quod est contra rectam rationem, est malum: ergo quidam appetunt malum; ergo malum etiam comprehenditur sub objecto voluntatis, alioqui non posset appeti, cum potentia non possit extendi ultra suum objectum. — *de Verit.* q. 22, a. 1, arg. 6.

6. Præterea, qui vult dare eleemosynam propter inanem gloriam, vult id quod de se est bonum, sub ratione mali; sed proprium objectum potentiae vel habitus est illud, sub cuius ratione formaliter aliquid resertur ad potentiam vel habitum: ergo voluntatis objectum non est tantum bonum. — 1a 2æ, q. 19, a. 7, ad 2; 1a, q. 1, a. 7, c.; 2a 2æ, q. 1, a. 3, c.; 3. *Sent.* dist. 27, q. 2, a. 4, quæstiunc. 1 et 2.

7. Præterea, illum odiimus, cui volumus et operamur malum; sed voluntas nostra potest odisse et velle alicui malum: ergo objectum voluntatis non est tantum bonum. — 1. *Sent.* dist. 46, q. 1, a. 2, arg. 2.

Sed contra est: 1. quod Philosophus 1. *Eth.* (c. 1) dicit, quod omnis ars omnisque doctrina et electio bonum appetit, et quod hac de causa recte aliqui dixerunt, quod «bonum est quod omnia appeti-

tunt». At vero si posset malum appeti et bonum odio haberi, non omnia appeterent bonum, nec bonum diceretur ab omnibus appeti; ergo dicendum, quod bonum est adæquatum objectum voluntatis. — 1. *Eth.* 1. 1.

2. Præterea, dicit Dionysius (*de Div. Nom.* c. 4, § 32; — Migne PP. Gr. t. 3, col. 731), quod malum est præter voluntatem, et quod nemo intendens malum operatur, et quod omnia quæ sunt, sunt gratia alicujus boni, quia omnia appetunt bonum: ergo. — 1a 2æ, q. 8, a. 1, arg. *Sed contra.*

3. Præterea, ratio boni est ratio appetibilis; ergo malum, quod est oppositum bono, non potest esse per se appetibile, sed tantum *per accidens*, quatenus consequitur ad aliquod bonum magis appetitum: ergo objectum appetitus aliquid adeo voluntatis, quæ est appetitus rationalis, est tantum bonum. — 1a 2æ, q. 19, a. 9, c.

RESPONDEO DICENDUM, quod voluntas est appetitus quidam rationalis. Omnis autem appetitus non est nisi boni. Cujus ratio est, quia appetitus nihil aliud est quam quedam inclinatio appetentis in aliquid. Nihil autem inclinatur nisi in aliquid simile et conveniens. Cum igitur omnis res, in quantum est ens et substantia, sit quoddam bonum, necesse est ut omnis inclinatio sit in bonum. Et inde est quod Philosophus dicit (in 1. *Eth.* c. 1), quod «bonum est quod omnia appetunt». Sed considerandum est, quod cum omnis inclinatio consequatur aliquam formam, appetitus naturalis consequitur formam in natura existentem; appetitus autem sensitivus, vel etiam intellectivus seu rationalis, qui dicitur voluntas, sequitur formam apprehensam. Sicut igitur id in quod tendit appetitus naturalis, est bonum existens in re, ita id in quod tendit appetitus animalis vel voluntarius, est bonum apprehensum. Ad hoc igitur quod voluntas in aliquid tendat, non requiritur quod sit bonum in rei veritate, sed quod apprehendatur in ratione boni; et

propter hoc dicit Philosophus (in 2. *Phys. text.* 31; c. 3), quod « finis est bonum, vel apparenſ bonum »; ita enim se habet finis et ea quæ sunt ad finem ad bonum, sicut albedo et nigredo et quilibet alijs color ad colorem respectu visus. Sicut enim objectum materiale visus sunt albedo et nigredo ceterique alii colores, color vero est ratio formalis objecti viſus; — ita objectum materiale voluntatis est finis et ea quæ sunt ad finem; sed ratio formalis objecti voluntatis est bonum, sive reale sive apparenſ. — 1a 2æ, q. 8, a. 1, 2 et 3, c.; 2. *Sent.* dist. 24, q. 1, a. 3, ad 3.

Ad primum ergo dicendum, quod eadem est potentia oppositorum, sed non eodem modo se habet ad utrumque. Voluntas igitur se habet et ad bonum et ad malum; sed ad bonum, appetendo ipsum; ad malum vero, fugiendo illud. Ipse ergo actualis appetitus boni vocatur voluntas, secundum quod voluntas nominat actum voluntatis; fuga vero mali magis dicitur voluntas (*noluntas*). Unde sicut voluntas est boni, ita voluntas (*noluntas*) est mali. — 1a 2æ, q. 8, a. 1, ad 1.

Ad secundum dicendum, quod potentia rationalis non se habet ad quælibet opposita prosequenda, sed ad ea quæ sub suo objecto convenienti continentur; quia nulla potentia prosequitur nisi suum conveniens objectum. Objectum autem voluntatis est bonum. Unde ad illa opposita prosequenda se habet voluntas, quæ sub bono comprehenduntur, sicut moveri et quiescere, loqui et tacere, et alia hujusmodi; in utrumque enim horum voluntas fertur sub ratione boni. — *Ibid.* ad 2.

Ad tertium dicendum, quod illud, quod non est ens in rerum natura, accipitur ut ens in ratione. Unde negationes et privationes dicuntur entia rationis: per quem etiam modum futura, prout apprehenduntur, sunt entia. In quantum igitur sunt hujusmodi entia, apprehenduntur sub ratione boni; et sic voluntas in ea tendit. Unde Philosophus dicit (in 5. *Eth.*

c. 1, a princ.), quod « carere malo, habet rationem boni ». — *Ibid.* ad 3.

Ad quartum dicendum, quod mala fieri non est volitum *per se*, sed *per accidens* tantum, in quantum est bonum æstimatum ratione boni alicujus annexi: quia nihil est pure malum, secundum Dionysium (cf. *de Div. Nom.* c. 4, § 32; — Migne PP. Gr. t. 3, col. 731). Et ideo omnis malus est quodammodo ignorans, secundum Philosophum (in 3. *Eth.* c. 1, al. 2), in quantum decipitur in eligendo. — 1. *Sent.* dist. 46, q. 1, a. 2, ad 2.

Ad quintum dicendum, quod qui operantur contra rationem, appetunt bonum per se, utpote qui fornicantur, attendunt ad id quod est bonum et delectabile secundum sensum: sed quod sit malum secundum rationem, est præter intentionem illorum. Unde bonum est desideratum per se, malum vero per accidens. — *de Verit.* q. 22, a. 1, ad 6; 1a 2æ, q. 19, a. 10, c.

Ad sextum dicendum, quod voluntas dicitur velle bonum sub ratione mali, quando vult bonum vel malum propter aliquem finem malum; verum tunc, quod primo movet voluntatem ad volendum, non est malitia moralis, sed bonum utile vel delectabile, cui annexa est talis malitia. Quæ propterea dupliciter dicitur volita: *vel secundario* et consequenter, quatenus quis non refugit incurrere et pati deformitatem, quam videt conjunctam bono delectabili quo frui vult, ne bono concupito privetur; *vel per accidens* et non per se, quatenus est æstimatum bonum ratione alicujus boni annexi: quomodo ab operante voluntarie malum dicitur esse volitum ipsum fieri malum. — *de Malo* q. 3, a. 12, in c. et ad 1; 1. *Sent.* dist. 46, q. 1, a. 2, ad 2.

Ad septimum dicendum, quod nullus sibi vel alii vult vel facit malum, nisi in quantum apprehendit illud sub ratione boni. — 1. *Sent.* l. c.

ARTICULUS II

UTRUM OBJECTUM MATERIALE VOLUNTATIS
SIT TANTUM FINIS, AN ETIAM EA QUÆ
SUNT AD FINEM.

Videtur quod voluntas sit tantum finis.

1. Dicit enim Philosophus (*3. Eth. c. 2, al. 4*), quod voluntas est finis, electio autem eorum quæ sunt ad finem. — *1a 2æ, q. 8, a. 2, arg. 1.*

2. Præterea, ad ea quæ sunt diversa genere, diversæ potentiae animæ ordinantur, ut dicitur *6. Eth. (c. 4, al. 2)*; sed finis, et ea quæ sunt ad finem, sunt in diverso genere boni; — nam finis, qui est bonum honestum vel delectabile, est in genere qualitatis vel actionis aut passionis; bonum autem quod dicitur utile, quod est ad finem, est in ad aliquid, ut dicitur *1. Eth. (c. 6, al. 4)*: ergo, si voluntas est finis, non erit eorum quæ sunt ad finem. — *Ibid. arg. 2.*

3. Præterea, habitus proportionantur potentias, cum sint earum perfectiones. Sed in habitibus, qui dicuntur artes operativæ, ad aliud pertinet finis, et ad aliud quod est ad finem: sicut ad gubernatorem pertinet usus navis, qui est finis ejus; ad navis factivam vero constructio navis, quæ est propter finem. Ergo cum voluntas sit finis, non erit eorum quæ sunt ad finem. — *Ibid. arg. 3.*

Sed contra est: quia in rebus naturalibus per eandem potentiam aliquid transit media et pertingit ad terminum; sed ea quæ sunt ad finem, sunt quædam media, per quæ pervenitur ad finem sicut ad terminum: ergo si voluntas est finis, ipsa etiam est eorum quæ sunt ad finem. — *Ibid. arg. Sed contra.*

RESPONDO DICENDUM, quod voluntas quandoque dicitur ipsa potentia, qua voluntus, quandoque ipse voluntatis actus. Si ergo loquamur de voluntate secundum quod nominat *potentiam*, sic se extendit

et ad finem et ad ea quæ sunt ad finem. Ad ea enim se extendit unaquæque potentia, in quibus inveniri potest quocunque modo ratio sui objecti: sicut visus se extendit ad omnia quæ participant quomodounque colorem. Ratio autem boni, quod est objectum potentiae voluntatis, invenitur non solum in fine, sed etiam in his quæ sunt ad finem. — Si autem loquamur de voluntate secundum quod nominat proprio *actum*; sic, proprio loquendo, est finis tantum. Omnis enim actus denominatus a potentia, nominat simplicem actum illius potentiae, sicut intelligere nominat simplicem actum intellectus. Simplex autem actus potentiae est in id quod est secundum se objectum potentiae. Id autem quod est propter se bonum et volitum, est finis; unde voluntas proprio est ipsius finis. Ea vero quæ sunt ad finem, non sunt bona vel volita propter se, sed ex ordine ad finem; unde voluntas in ea non fertur, nisi quatenus fertur in finem; unde hoc ipsum, quod in eis vult, est finis: sicut et intelligere proprio est eorum, quæ secundum se cognoscuntur, scilicet principiorum; eorum autem, quæ cognoscuntur per principia, non dicitur esse intelligentia, nisi in quantum in eis ipsa principia considerantur; sic enim se habet finis in appetibilibus, sicut se habet principium in intelligibilibus, ut dicitur *7. Eth. (c. 8, al. 9)*. — *1a 2æ, q. 8, a. 2, e.*

Ad primum ergo dicendum, quod Philosophus loquitur de voluntate, secundum quod proprio nominat simplicem actum voluntatis, non autem secundum quod nominat potentiam. — *Ibid. ad 1.*

Ad secundum dicendum, quod ad ea quæ sunt diversa genere, ex aequo se habentia, ordinantur diversæ potentiae: sicut sonus et color sunt diversa genera sensibilium, ad quæ ordinantur auditus et visus. Sed utile et honestum non ex aequo se habent, sed sicut quod est secundum se, et secundum alterum; hujusmodi autem semper referuntur ad eandem potentiam, sicut per potentiam vi-

sivam sentitur et color, et lux, per quam videtur color. — *Ibid.* ad 2.

Ad tertium dicendum, quod non quidquid diversificat habitum, diversificat potentiam; habitus enim sunt quædam determinationes potentiarum ad aliquos speciales actus. Et tamen quælibet ars operativa considerat et finem et id quod est ad finem. Nam ars gubernatoris considerat quidem finem, ut quem operatur; id autem quod est ad finem, ut quod imperat; e contra vero navifactiva considerat id quod est ad finem, ut quod operatur; id vero quod est finis, ut ad quod ordinat id quod operatur. Et iterum in unaquaque arte operativa est et aliquis finis proprius, et aliquid quod est ad finem, quod proprie ad illam artem pertinet. — *Ibid.* ad 3.

gustinus dicit (5. *de Civit. Dei* c. 10; — Migne t. 41, col. 152 et sq.), quod « si aliiquid est necessarium, non est voluntarium ». Sed quidquid voluntas appetit, est voluntarium: ergo voluntas nihil appetit ex necessitate. — 1a, q. 82, a. 1, arg. 1; 1a 2æ, q. 10, a. 1, arg. 1.

2. Præterea, potentiae rationales secundum Philosophum (9. *Metaphys. text.* 3; l. 8, c. 2) se habent ad opposita; natura vero est determinata ad unum; sed voluntas est potentia rationalis, quia, ut dicitur in 3. *de Anima* (*text.* 42; c. 9), voluntas est in ratione: ergo voluntas se habet ad opposita; ad nihil ergo determinatur ex necessitate. — 1a, l. c. arg. 2; 1a 2æ, l. c. arg. 3.

3. Præterea, libertas opponitur necessitati; sed voluntas est libera; secundum enim voluntatem sumus domini nostrorum actuum: ergo non de necessitate aliquid vult, quia ejus quod ex necessitate est, non sumus domini. — *de Verit.* q. 22, a. 5, arg. 3; 1a, l. c. arg. 3.

4. Præterea, id quod est naturale, inest alicui semper, sicut igni esse calidum; sed nullus motus inest voluntati semper: ergo nullus motus est naturalis voluntati, et per consequens nihil vult ex necessitate. — 1a 2æ, l. c. arg. 2.

5. Præterea, illud quod naturale est, neque assuescimus, ut dicitur in 2. *Eth.* (c. 1), et semper est in actu suo; et si deficit, non deficit nisi in minori parte, propter aliquod accidentale impedimentum; et secundum naturalia neque meremur neque demeremur. Sed homo per assuetudinem efficitur habilior ad volendum bona, et frequenter deficit a volendo bona, et meretur volendo bonum, sicut demeretur non volendo bonum, sed volendo malum. Ergo voluntas non potest ex necessitate aliquid velle. — 2. *Sent.* dist. 39, q. 2, a. 1, arg. 2, 3, 4.

Sed contra est: 1. quod motus voluntatis sequitur actum intellectus; sed intellectus aliqua intelligit naturaliter: ergo et voluntas aliqua vult naturaliter. — 1a 2æ, q. 10, a. 1, arg. *Sed contra.*

QUÆSTIO CVIII

DE MODO, QUO VOLUNTAS TENDIT IN OBJECTUM.

Deinde considerandum est de modo, quo voluntas tendit in objectum.

CIRCA HOC QUÆRUNTUR TRIA:

1. Utrum voluntas appetat aliquid ex necessitate.
2. Utrum voluntas ex necessitate velit quæcunque vult.
3. Utrum voluntas eodem actu feratur in finem et ea quæ sunt ad finem.

ARTICULUS I

UTRUM VOLUNTAS APPETAT ALIQUID EX NECESSITATE.

Videtur quod voluntas nihil ex necessitate appetat.

1. Agens enim naturale dividitur contra voluntarium, ut patet in principio 2. *Phys.* (*text.* 3 et sqq.; c. 1); unde et Au-

2. Præterea, omne motivum perfectæ virtutis de necessitate movet suum mobile ; sed secundum Philosophum (3. *de Anima* text. 54 ; c. 10) bonum est motivum voluntatis secundum quod apprehenditur : ergo cum aliquid sit perfectum bonum, sicut Deus et beatitudo, ut dicitur in 1. *Eth.*, aliquid erit quod de necessitate movebit voluntatem ; et ita voluntas aliquid ex necessitate appetet. — *de Verit.* q. 22, a. 5, arg. 2.

RESPONDEO DICENDUM, quod necessitas multipliciter dicitur. Necessus enim est, quod non potest non esse. Quod quidem convenit alicui uno modo ex principio intrinseco : *sive* materiali, sicut cum dicimus, quod omne compositum ex contrariis necessus est corrumpi ; *sive* formalis, sicut cum dicimus, quod necessus est triangulum habere tres angulos æquales duobus rectis. Et hæc est *necessitas naturalis et absoluta*. — Alio modo convenit alicui, quod non possit non esse ex aliœ extrinseco, vel sine vel agente : *sine* quidem, sicut cum aliquis non potest sine hoc consequi, aut bene consequi, finem aliquem, ut cibus dicitur necessarius ad vitam, et equus ad iter ; et hæc vocatur *necessitas finis*, quæ interdum etiam utilitas dicitur. Ex *agente* autem hoc alicui convenit, sicut cum aliquis cogitur ab aliquo agente ita, quod non possit contrarium agere ; et hæc vocatur *necessitas coactionis*.

Hæc igitur *necessitas coactionis* omnino repugnat voluntati. Nam hoc dicimus esse violentum, quod est contra inclinationem rei. Ipse autem motus voluntatis est inclinatio quedam in aliquid ; et ideo sicut dicitur aliquid naturale, quia est secundum inclinationem naturæ : ita dicitur aliquid voluntarium, quia est secundum inclinationem voluntatis. Sicut ergo impossibile est quod aliquid sit simul violentum et naturale, ita impossibile est quod aliquid simpleiter sit coactum *sive* violentum, et voluntarium.

Necessitas autem *finis* non repugnat voluntati, quando ad finem non potest perveniri nisi uno modo : sicut ex volun-

tate transeundi mare sit necessitas in voluntate ut velit navem. — Similiter etiam nec *necessitas naturalis* repugnat voluntati ; quin imo necesse est quod, sicut intellectus ex necessitate inhæret primis principiis, ita voluntas ex necessitate inhæreat ultimo fini, qui est beatitudo. Finis enim se habet in operativis, sicut principium in speculativis, ut dicitur in 2. *Phys.* (text. 89 ; c. 9). Oportet enim quod illud, quod naturaliter alicui convenit et immobiliter, sit fundamentum et principium omnium aliorum, quia natura rei est primum in unoquoque, et omnis motus procedit ab aliquo immobili. — 1a, q. 82, a. 1, c.

Ad primum ergo dicendum, quod voluntas dividitur contra naturam sicut una causa contra aliam ; quedam enim naturaliter fiunt, et quedam fiunt voluntarie. Est autem alias modus causandi proprius voluntatis, quæ est domina sui actus, præter modum qui convenit naturæ, quæ est determinata ad unum. Sed quia voluntas in aliqua natura fundatur, necesse est quod modus proprius naturæ quantum ad aliquid participetur a voluntate : sicut quod est prioris causæ, participatur a posteriori. Est enim prius in unaquaque re ipsum esse, quod est per naturam, quam velle, quo l est per voluntatem ; et inde est quod voluntas naturaliter aliquid vult. — 1a 2æ, q. 10, a. 1, ad 1.

Ad secundum dicendum, quod voluntas, secundum quod aliquid vult naturaliter, magis respondet intellectui naturalium principiorum quam rationi, quæ ad opposita se habet. Unde secundum hoc magis est intellectualis quam rationalis potestas. (1a, l. e. ad 2.) Quod est dicere, quod voluntas, in quantum est rationalis, ad opposita se habet (hoc enim est considerare eam secundum hoc, quod est ei proprium) ; sed prout est natura quedam, nihil prohibet eam determinari ad unum. (*de Verit.* q. 22, a. 5, ad 3.) — *Vel dic*, quod voluntas est natura quedam. Verum natura debet respondere unum proportionatum ip-

naturæ : naturæ enim in genere respondet aliquid unum in genere ; et naturæ in specie acceptæ respondet aliquid unum in specie ; naturæ autem individuatæ respondet aliquid unum individuale. Cum igitur voluntas sit quædam vis immaterialis, sicut et intellectus, respondet ipsi naturaliter aliquod unum commune, scilicet bonum, sicut etiam intellectui aliquod bonum commune, scilicet verum vel ens vel quidquid est hujusmodi. Sub bono autem communi multa particularia bona continentur, ad quorum nullum voluntas determinatur. — 1a 2æ, q. 10, a. 1, ad 3.

Ad tertium dicendum, quod libertas opponitur coactioni, et necessitati ; et ideo voluntas, in quantum rationalis, se habet ad opposita, et non est determinata ad unum ; quia tamen voluntas est natura quædam, ideo ut sic est determinata ad unum, ut dictum est. — de Verit. q. 22, a. 5, ad 3 ; 1a, q. 82, a. 1, c. ; q. 83, a. 1 et 3, c.

Ad quartum dicendum, quod in rebus naturalibus id, quod est naturale quasi consequens formam tantum, semper actu inest, sicut calidum igni ; quod autem est naturale sicut consequens materiam, non semper actu inest, sed quandoque secundum potentiam tantum. Nam forma est actus, materia vero potentia ; motus autem est actus existentis in potentia ; et ideo illa, quæ pertinent ad motum, vel quæ sequuntur motum in rebus naturalibus, non semper insunt : sicut ignis non semper movetur sursum, sed quando est extra locum suum. Et similiter non oportet quod voluntas, quæ de potentia in actum reducitur, dum aliquid vult, semper actu velit, sed solum quando est in aliqua dispositione determinata. Voluntas autem Dei, quæ est actus purus, semper est in actu volendi. — 1a 2æ, q. 10, a. 1, ad 2.

Ad quintum dicendum primo, quod inclinatio voluntatis ad bonum, quæ est in natura humana, non est per assuetudinem ; sed habitus, quo perficitur ista habilitas, est vel per consuetudinem vel per

infusionem. *Secundo, licet in illis, quæ sunt determinata ad unum, semper sequatur actus naturalis, nisi impediatur, et impedimentum contingat in minori parte ; quia tamen voluntas non est natura quædam determinata ad unum, et præterea habet impedimentum semper sibi conjunctum, scilicet carnem repugnantem : ideo homo a voluntate boni simpliciter, abducitur in id quod est apprens bonum. Tertio, actus naturalis in his quæ sunt determinata ad unum, non potest esse meritorius, quia tales actus voluntati non subjacent, ut patet in actibus nutritivæ partis ; sed actus illi qui voluntatis imperio subjacent, meritorii sunt, etiam si homo naturaliter illos velit. — 2. Sent. dist. 39, q. 2, a. 1, ad 2, 3, 4.*

ARTICULUS II

UTRUM VOLUNTAS EX NECESSITATE VELIT QUÆCUNQUE VULT.

Videtur quod voluntas ex necessitate velit quæcunque vult.

1. Dicit enim Philosophus 6. *Eth.* (c. 2) et 7. *Eth.* (c. 8, al. 9), quod sicut principia se habet ad conclusiones in scientiis speculativis, ita fines ad ea quæ sunt ad fines in operabilibus et appetibilibus. Sed ex principiis, quæ sunt naturaliter scita, inducitur intellectus, ut conclusiones cognoscat de necessitate. Ergo cum voluntas de necessitate velit ultimum finem, cum illum naturaliter appetat, quia ipsum respicit et ad ipsum ordinatur, ut natura — unde et se habet tamquam fundamentum omnium, quæ appetuntur propter finem, a voluntate ut voluntas est (*de Verit.* q. 22, a. 5, in c.) — ; de necessitate etiam volet omnia alia, quæ in finem ultimum ordinantur. — *de Verit.* q. 22, a. 6, arg. 4.

2. Præterea, omne illud quod est naturaliter determinatum ad aliquid, de necessitate consequitur illud, nisi sit aliquid impediens. Sed voluntas naturaliter

vult bonum. Ita enim perficitur voluntas in volitione boni, sicut intellectus in cognitione veri; cognoscere autem verum est naturaliter desideratum ad omnibus, quia « omnes homines natura scire desiderant », ut dicitur in proœmio *Metaphys.* Ergo voluntas immutabiliter vult bonum, cum non sit aliquid quod eam impediri possit, eo quod est sub Deo potentissima. — *Ibid.* arg. 5; 2. *Sent.* dist. 39, q. 2, a. 1, arg. 2 *Sed contra.*

3. Præterea, objectum voluntatis comparatur ad ipsam sicut movens ad mobile; sed motus mobilis necessario consequitur ex movente: ergo videtur quod objectum voluntatis ex necessitate movet ipsam. — 1a 2æ, q. 10, a. 2, arg. 1; 1a, q. 82, a. 2, arg. 2.

4. Præterea, sicut apprehensum secundum sensum est objectum appetitus sensitivi, ita apprehensum secundum intellectum est objectum appetitus intellectivi seu voluntatis. Sed apprehensum secundum sensum ex necessitate movet appetitum sensitivum; sic enim animalia ex necessitate moventur visis. Ergo et apprehensum secundum intellectum ex necessitate movebit voluntatem. — 1a, l. c. arg. 3.

5. Præterea, sicut voluntas est vis immaterialis, ita et intellectus; et utraque potentia ad objectum universale ordinatur. Sed intellectus ex necessitate movetur a suo objecto. Ergo et voluntas movebitur ex necessitate a suo. — 1a 2æ, l. c. arg. 2.

Sed contra est. quod potentiae rationales sunt ad opposita; sed voluntas est potentia rationalis: est enim in ratione, ut dictum est ex 3. de *Animu* (text. 42; c. 9); ergo voluntas se habet ad opposita, et ita non vult ex necessitate omnia que vult. — 1a 2æ, q. 10, a. 2, arg. *Sed contra.*

RISPONDIO DICENDUM, quod voluntas movetur dupliciter: uno modo quantum ad exercitium actus; alio modo quantum ad specificationem actus, que est ex objecto. *Primo* igitur modo voluntas a nullo

objecto ex necessitate movetur; neque ex necessitate vult quæcunque vult, nam potest aliquis de quocunque objecto non cogitare, et per consequens neque actu velle illud. — Sed quantum ad secundum motionis modum, voluntas potest ex necessitate aliquod objectum velle, et ab illo consequenter necessario movetur; aliquod vero, et ab aliquo, non. In motu enim cuiuslibet potentiae a suo objecto consideranda est ratio, per quam objectum movet potentiam. Visibile enim movet visum sub ratione coloris actu visibilis. Unde si color proponatur visui, ex necessitate movet ipsum; nisi aliquis visum avertat, quod pertinet ad exercitium actus. Si autem proponeretur aliud visui, quod non omnibus modis esset color in actu, sed secundum aliud esset tale, secundum autem aliud non tale, non ex necessitate visus tale objectum videret: posset enim intendere in ipsum ex ea parte, qua non est coloratum in actu, et sic ipsum non videret. Sicut autem coloratum in actu est objectum visus, ita bonum est objectum voluntatis. — Unde si proponatur aliud objectum voluntati, quod sit universaliter bonum et secundum omnem considerationem, ex necessitate voluntas in illud tendit, si aliud velit; non enim poterit velle oppositum. Hujusmodi autem est finis ultimus, quia est bonum perfectum: et similiter illa, que ordinantur ad hunc finem, sine quibus haberi non potest, sicut esse, vivere, intelligere et hujusmodi. (1a, 2a, q. 10, a. 2, ad 3; v. Cajetanum.) Si autem ipsi proponatur aliud objectum, quod non secundum quilibet considerationem sit bonum, non ex necessitate voluntas feretur in illud. Et quia defectus enjuscunque boni habet rationem non boni, ideo illud solum bonum, quod est perfectum, et cui nihil deficit, est tale bonum, quod voluntas non potest non velle, quod est beatitudo. Alia autem particularia bona, in quantum deficiunt ab aliquo bono, possunt accipi ut non bona, et secundum hanc considerationem possunt repudari

vel approbari a voluntate, quæ potest in idem ferri secundum diversas considerationes. — 1a 2æ, q. 10, a. 2, c.

Ad primum ergo dicendum, quod in scientiis demonstrativis conclusiones hoc modo se habent ad principia, quod remota conclusione removetur principium; et sic propter hanc determinationem conclusionum respectu principiorum ex ipsis principiis intellectus cogitur ad consentiendum conclusionibus. Sed ea, quæ sunt ad finem, non habent hanc determinationem respectu finis, ut remoto aliquo eorum removeatur finis, cum per diversas vias possit perveniri ad finem ultimum vel secundum veritatem vel secundum apparentiam. Et ideo ex necessitate, quæ inest appetitui voluntario respectu finis, non inducitur necessitas respectu eorum quæ sunt ad finem. — *de Verit.* q. 22, a. 6, ad 4.

Ad secundum dicendum, quod voluntas vult naturaliter bonum, sed non determinate hoc bonum vel illud: sicut visus naturaliter videt colorem, sed non hunc vel illum determinate; et propter hoc quidquid vult; vult sub ratione boni, non tamen oportet quod semper hoc vel illud bonum velit. — *Vel dic,* quod voluntas naturaliter vult bonum, quatenus a bono movetur naturaliter, secundum specificationem; non autem vult ipsum naturaliter, sed libere, quatenus a nullo bono naturaliter movetur, quoad exercitium actus, ut dictum est (*in c.*). — *Ibid.* ad 5.

Ad tertium dicendum, quod sufficiens motivum alicujus potentiae non est nisi objectum, quod totaliter habet rationem motivi; si autem in aliquo deficiat, non ex necessitate movebit, ut dictum est. — 1a 2æ, q. 10, a. 2, ad 1; 1a, q. 82, a. 2, ad 2.

Ad quartum dicendum, quod vis sensitiva non est collativa diversorum sicut ratio, sed simpliciter aliquid unum apprehendit; et ideo secundum illud unum determinate movet appetitum sensitivum. Sed ratio est collativa plurium; et ideo

ex pluribus moveri potest appetitus intellectivus, scilicet voluntas, et non ex uno ex necessitate. — 1a, l. c. ad 3.

Ad quintum dicendum, quod intellectus ex necessitate moveatur a tali objecto, quod est semper et ex necessitate verum; non autem ab eo, quod potest esse verum et falsum, scilicet a contingenti, sicut et de bono dictum est (*in c.*). — 1a 2æ, l. c. ad 2.

ARTICULUS III

UTRUM VOLUNTAS EODEM ACTU FERATUR IN FINEM, ET IN EA QUÆ SUNT AD FINEM.

Videtur quod voluntas eodem actu feratur in finem, et in ea quæ sunt ad finem: —

1. quia secundum Philosophum (3. *Top.* c. 2), ubi est unum propter alterum, ibi est unum tantum; sed voluntas non vult id quod est ad finem, nisi propter finem: ergo eodem actu movetur in utrumque. — 1a 2æ, q. 8, a. 3, arg. 1.

2. Præterea, finis est ratio volendi ea quæ sunt ad finem, sicut lumen est ratio visionis colorum; sed eodem actu videtur lumen et color: ergo idem est motus voluntatis, quo vult finem et ea quæ sunt ad finem. — *Ibid.* arg. 2.

3. Præterea, idem numero motus naturalis est, qui per media tendit ad ultimum seu ad terminum; sed ea quæ sunt ad finem, comparantur ad finem sicut medium ad terminum: ergo idem motus voluntatis est in finem, et in ea quæ sunt ad finem. — *Ibid.* arg. 3.

4. Præterea, duo actus non possunt esse simul unius potentiae; sed voluntas, dum vult id quod est ad finem, simul intendit finem: ergo intentio finis, et voluntas ejus quod est ad finem, non sunt diversi actus. — *de Verit.* q. 22, a. 14, arg. 1 *Sed contra.*

Sed contra: 1. Actus diversificantur secundum objecta; sed diversæ species boni sunt finis, et id quod est ad finem,

quod dicitur utile : ergo non eodem actu voluntas fertur in utrumque. — 1a 2æ, q. 8, a. 3, arg. *Sed contra* ; q. 12, a. 4, arg. 2; *de Verit.* q. 22, a. 14, arg. 4.

2. Præterea, non est idem specie motus, qui est ad ultimum terminum, et qui est ad medium, ut dicitur 10. *Eth.* (c. 4, al. 3), sicut qui est ad nigredinem, et qui est ad pallorem ab albedine. Sed illud quod est ad finem, est sicut medium, per quod itur in finem quasi in ultimum terminum. Ergo non est idem motus voluntatis in finem, et in id quod est ad finem. — 2. *Sent.* dist. 38, q. 1, a. 4, arg. 2.

3. Præterea, actus voluntatis sequitur actum intellectus; sed non est eadem cogitatio de fine, et de eo quod est ad finem : ergo nec idem voluntatis motus. — *Ibid.* arg. 3.

4. Præterea, contraria non possunt eidem simul inesse; sed in eo qui vult dare elemosynam propter vanam gloriam, voluntas quæ est finis, est mala, et quæ est ejus quod est ad finem, est bona : ergo non est idem actus voluntatis utrobique. — *Ibid.* arg. 4.

5. Præterea, voluntas finis dicitur intentio, voluntas vero ejus quod est ad finem, dicitur electio; sed non est idem actus voluntatis intentio et electio : ergo idem quod prius. — 1a 2æ, q. 12, a. 4, arg. 3.

6. Præterea, secundum Philosophum 7. *Eth.* (c. 8, al. 9) fines in practicis sunt sicut principia in demonstrativis scientiis. Sed non est idem actus intellectus speculativi quo intelliguntur principia, et quo considerantur conclusiones; quod patet ex hoc, quod diversis habitibus elicuntur : est enim intellectus habitus principiorum, scientia vero conclusionum. Ergo in operativis non est idem actus voluntatis quo intendit finem, et quo eligit et vult ea quæ sunt ad finem. — *de Verit.* q. 22, a. 14, arg. 3.

RESPONDIO DICENDUM, quod cum finis sit secundum eum volitus, id autem quod

est ad finem, in quantum hujusmodi, non sit volitum nisi propter finem; manifestum est, quod voluntas potest ferri in finem, in quantum hujusmodi, sine hoc quod feratur in ea quæ sunt ad finem. Sed in ea quæ sunt ad finem, in quantum hujusmodi, non potest ferri, nisi feratur in ipsum finem. Sic ergo voluntas in ipsum finem dupliciter potest ferri : uno modo absolute et secundum se; et sic simpliciter sunt duo motus voluntatis, in finem et id quod est ad finem; et prior actus in finem absolute quandoque præcedit tempore : sicut cum aliquis primo vult sanitatem, et postea deliberans quomodo possit sanari, vult conducere medicum, ut sanetur. Alio modo ut in rationem volendi ea quæ sunt ad finem; et hoc modo unus et idem motus est voluntatis, quo fertur in finem, et in id quod est ad finem; sicut cum dico : volo medicinam propter sanitatem, non designatur nisi unus motus voluntatis; cuius ratio est, quia in hoc secundo casu finis volitus est ut ratio volendi ea quæ sunt a l finem. Idem autem actus cedit super objectum, et super rationem objecti, sicut eadem visio est coloris et luminis, ut supra dictum est. Et est simile de intellectu; nam primo aliquis absolute et secundum se considerat ipsa principia, tum conclusiones : et tunc sunt duo actus; postmodum autem intelligit principia in conclusionibus, secundum quod assentitur conclusionibus propter principia : et tunc est unus actus intellectus tantum. — 1a 2æ, q. 8, a. 3, c.; q. 12, a. 4, c.; *de Verit.* q. 22, a. 14, ad 3.

Ad primum ergo dicendum, quod ratio illa procedit secundum quod voluntas fertur in finem ut est ratio volendi ei quæ sunt a l finem. — 1a 2æ, q. 8, a. 3, ad 1.

Ad secundum dicendum, quod quandounque videtur color, eodem actu videtur lumen; potest tamen videri lumen sine hoc quod videatur color; et similiter quandounque quis vult ea quæ sunt

ad finem, vult eodem actu finem, non e converso. — *Ibid.* ad 2.

Ad tertium dicendum, quod in exsecutione operis ea quæ sunt ad finem, habent se ut media, et finis ut terminus. Unde, sicut motus naturalis interdum sistit in medio, et non pertingit ad terminum, ita quandoque operatur aliquis id, quod est ad finem, et tamen non consequitur finem. Sed in volendo est e converso; nam voluntas per finem devenit ad volendum ea quæ sunt ad finem: sicut et intellectus devenit in conclusiones per principia, quæ media dicuntur. Unde sicut intellectus aliquando intelligit medium, et ex eo non procedit ad conclusionem; ita similiter voluntas aliquando vult finem, et tamen non procedit ad volendum id quod est ad finem. — *Ibid.* ad 3.

Ad quartum dicendum, quod aliquando sunt duo actus, quibus voluntas vult finem et id quod est ad finem, quando scilicet voluntas vult finem absolute et secundum se; et tunc voluntas finis tempore quandoque præcedit voluntatem mediorum; aliquando vero sunt unus actus, quando nimis voluntas vult finem ut rationem volendi, ut dictum est (in c.).

Ad primum vero, quod objicitur *in contrarium*, dicendum, quod *utile* et *honestum* non sunt species boni ex æquo divisæ, sed se habent sicut *propter* se et secundum se, et *propter* alterum vel secundum alterum. Unde actus voluntatis in unum potest ferri, sine hoc quod feratur in alterum, sed non e contra. — 1a 2æ, q. 8, a. 3, ad arg. *in contrarium*.

Vel dic, quod finis, in quantum est res quædam, est aliud voluntatis objectum quam id quod est ad finem; sed in quantum est ratio volendi id quod est ad finem, est unum et idem objectum; sicut lumen et color sunt etiam unum objectum. Et ratio hujus est, quia finis sumptus ut ratio volendi est sicut formale, id vero quod est ad finem, est sicut materiale; ex formali vero et materiali fit

quid unum. — 1a, 2æ, q. 12, a. 4, ad 2; 2. *Sent.* dist. 38, q. 1, a. 4, ad 1.

Ad secundum dicendum, quod quando voluntas fertur in id quod est ad finem, prout est ad finem, non est terminus ejus; et ideo non oportet quod ibi sint duo motus; sicut est etiam unus motus continuus, qui de extremo in extremum per media transit, nisi medio ut termino, in medio quiescendo, utatur. — 2. *Sent.* dist. 38, q. 1, a. 4, ad 2.

Ad tertium dicendum, quod etiam cogitatio de eo quod est ad finem prout consideratur in ordine ad finem, est eadem cum cogitatione finis; non autem cogitatio de eo quod est ad finem ut est res quædam; et similiter nec voluntas. — *Ibid.* ad 3.

Ad quartum dicendum, quod cum aliquis vult dare eleemosynam propter inanem gloriam, hic est unus actus voluntatis; et hic actus totus malus est, licet nunquam ad omne id quod in eo est malitiam habeat. Unus enim particularis defectus sufficit ad hoc, quod aliquid simpliciter malum dicatur. Verum est tamen, quod si vellet hoc, quod est dare eleemosynam, ut rem quandam non in ordine ad tam finem, actus ille voluntatis esset bonus, et esset alias actus voluntatis ab eo, quo vult inanem gloriam. — *Ibid.* ad 4.

Ad quintum dicendum, quod motus qui est unus subjecto, potest ratione differre secundum principium et finem, ut ascensio et descensio, sicut dicitur in 3. *Phys.* (text. 21; c. 3). Sic igitur in quantum motus voluntatis fertur in id quod est ad finem, prout ordinatur ad finem, est electio; motus autem voluntatis, qui fertur in finem, secundum quod acquiritur per ea quæ sunt ad finem, vocatur intentio; cuius signum est, quod intentio finis esse potest, etiam nondum determinatis his quæ sunt ad finem, quorum est electio. — 1a 2æ, q. 12, a. 4, ad 3.

Ad sextum patet ex dictis (in c.).

QUÆSTIO CIX

DE VOLUNTATE PER ORDINEM AD INTELLEGENDUM ET CETERAS VIRES.

Deinde considerandum est de voluntate per ordinem ad intellectum et ceteras vires.

CIRCA HOC QUÆRUNTUR DUO:

1. Utrum voluntas sit nobilior intellectu.
2. Utrum voluntas moveat intellectum et ceteras vires.

ARTICULUS I

UTRUM VOLUNTAS SIT NOBILIOR INTELLECTU.

Videtur quod volunta sit nobilior potentia quam intellectus.

1. Bonum enim et finis est objectum voluntatis; sed finis est prima et altissima causarum, et est potissimum in unaquaque re: ergo et voluntas est prima et altissima potentiarum, nam potentia sumit suam nobilitatem ex objecto. — 1a, q. 82, a. 3, arg. 1; 3, *Sent.* dist. 27, q. 1, a. 4, arg. 4 *Sed contra*.

2. Præterea, res naturales inveniuntur procedere de imperfectis ad perfecta, et hoc etiam in potentiis animæ apparet; proceditur enim de sensu ad intellectum, qui est nobilior; sed naturalis processus est de actu intellectus in actum voluntatis: ergo voluntas est perfectior et nobilior intellectu. — 1a, l. c. arg. 2.

3. Præterea, habitus sunt proportionati potentiis sicut perfectiones perfectibilibus. Sed habitus quo perficitur voluntas, scilicet caritas, est nobilior habitibus quibus perficitur intellectus; dicitur enim 1. Cor. 13, 2: *Si noverim mystria omnia, caritatem autem non habuero, nihil sum;* et ibidem dicitur (v. 13): *Nunc manent fides, spes, caritas;*

major autem horum est caritas. Ergo voluntas est nobilior potentia. — 1a, l. c. arg. 3; *de Verit.* q. 22, a. 11, arg. 1 *Sed contra.*

4. Præterea, secundum Dionysium (*de Div. Nom.* c. 5, § 1 et sqq.; — Migne t. 3, col. 815 et sqq.) quanto aliqua divinarum participationum est communior, tanto est nobilior; sed voluntas est intellectu communior, quia quædam participant voluntatem, et amorem, qui ad voluntatem spectat, quæ non participant intellectum et ejus operationem, puta cognitionem: ergo voluntas est intellectu nobilior. — *de Verit.* l. c. arg. 4 *Sed contra*; 3. *Sent.* l. c. arg. 6 *Sed contra*.

5. Præterea, illud quod est liberum sui, est nobilior eo quod non est liberum; sed intellectus non est liber, cum possit cogi, voluntas autem est libera, cum non possit cogi: ergo idem quod prius. — *de Verit.* l. c. arg. 2 *Sed contra*.

6. Præterea, quanto aliquid est Deo propinquius, tanto est nobilior; sed voluntas magis appropinquat Deo quam intellectus, quia, sicut dicit Hugo de S. Victore (*Expos. in Hierarch. Cœlest.* S. Dionys., cap. 7, l. 6 med.; — Migne PP. Lat. t. 175, col. 1038), *et ibi dilectio intrat, ubi cognitio foris est . . .* plus enim Deum diligimus, quam ipsum possumus cognoscere. Ergo voluntas est nobilior intellectu. — *Ibid.* arg. 5 *Sed contra*; 3. *Sent.* l. c. arg. 3 *Sed contra*.

Sed contra *rst*, quod Philosophus (10. *Eth.* c. 7) ponit altissimam potentiam animæ intellectum. — 1a, q. 82, a. 3, arg. 3 *Sed contra*.

RESPONDÖ DICENDUM, quod eminentia aliquujus ad alterum potest attendi duplèciter: uno modo simpliciter, alio modo secundum quid. Consideratur autem aliquid tale simpliciter, prout est secundum se ipsum tale; secundum quid autem, prout dicitur tale secundum respectum ad alterum.

Si ergo intellectus et voluntas considerentur secundum se, sic intellectu-

eminentior invenitur. Et hoc apparet ex comparatione objectorum ad invicem. Objectum enim intellectus est simplicius et magis absolutum quam objectum voluntatis; nam objectum intellectus est ipsa ratio boni appetibilis; bonum autem appetibile, cuius ratio est in intellectu, est objectum voluntatis. Quanto autem aliquid est simplicius et abstractius, tanto secundum se est nobilis et altius; et ideo objectum intellectus est altius quam objectum voluntatis. Cum ergo propria ratio potentiae sit secundum ordinem ad objectum, sequitur quod secundum se et simpliciter intellectus sit altior et nobilior voluntate. — *Secundum quid* autem et per comparationem ad alterum voluntas invenitur interdum altior intellectu, ex eo scilicet quod objectum voluntatis in altiore re invenitur quam objectum intellectus; sicut si dicerem auditum esse secundum quid nobiliorem visu, in quantum res aliqua cuius est sonus, nobilior est aliqua re cuius est color, quamvis color sit nobilior et simplicior sono. Actio enim intellectus consistit in hoc, quod ratio rei intellectae est in intelligente; actus vero voluntatis perficitur ex eo, quod voluntas inclinatur ad ipsam rem prout in se est. Et ideo Philosophus dicit in 6. *Metaphys.* (*text. 8; l. 5, c. 3*), quod bonum et malum, quæ sunt objecta voluntatis, sunt in rebus; verum autem et falsum, quæ sunt objecta intellectus, sunt in mente. Quando igitur res, in qua est bonum, est nobilior ipsa anima, in qua est ratio intellecta, per comparationem ad talem rem, voluntas est altior intellectu; quando vero res, in qua est bonum, est inferior anima, tunc etiam in comparatione ad talem rem, intellectus est altior voluntate. Unde melior est amor Dei, quam cognitio Dei; e contra vero melior est cognitio rerum corporalium quam amor. Simpliciter tamen intellectus est nobilior quam voluntas. — 1a, q. 82, a. 3, c.

Ad primum ergo dicendum, quod ratio causæ accipitur secundum compara-

tionem unius ad alterum; et in tali comparatione ratio boni principalior invenitur. Sed verum dicitur magis absolute et ipsius boni rationem significat; unde et bonum quoddam verum est. Sed rursus et ipsum verum est quoddam bonum, secundum quod intellectus res quædam est, et verum finis ipsius. Et inter alios fines iste finis est excellentior, sicut intellectus inter alias potentias. — 1a, l. c. ad 1; 3. *Sent. dist. 27, q. 1, a. 4, ad 11.*

Ad secundum dicendum, quod illud, quod est prius generatione et tempore, est imperfectius, quia in uno eodemque potentia tempore præcedit actum, et imperfectio perfectionem. Sed illud, quod est prius simpliciter et secundum naturæ ordinem, est perfectius; sic enim actus est prior potentia; et hoc modo intellectus est prior voluntate, sicut motivum mobili et activum passivo; bonum enim intellectum movet voluntatem. — 1a, l. c. ad 2.

Ad tertium dicendum, quod ratio illa procedit de voluntate secundum comparationem ad id, quod supra animam est. Virtus enim caritatis est, qua Deum amamus. — 1a, l. c. ad 3; *de Verit. q. 22, a. 11, ad 1 Sed contra.*

Ad quartum dicendum, quod velle non invenitur in pluribus quam intelligere, quamvis appetere in pluribus inveniatur. Sciendum tamen est, quod in hac ratione non inducitur auctoritas Dionysii secundum ejus intentionem, propter duo: *primo*, quia Dionysius loquitur, quando unum includitur in ratione alterius, sicut esse et vivere et intelligere, cum dicit unum esse simplicius altero; *secundo*, quia quamvis participatio quæ est simplicior sit nobilior: tamen si accipiatur cum illo modo, quo invenitur in rebus parentibus superadditis participationibus, erit ignobilior: sicut esse, quod est nobilis quam vivere, si accipiatur cum illo modo, quo inanimata sunt, ille modus essendi erit ignobilior, quam esse viventium, quod est vivere. Et sic non oportet quod sem-

per id, quod est in pluribus, sit nobilior; alias oporteret dicere sensum esse nobiliorem intellectu, et nutritivam potentiam quam sensitivam. — *de Verit.* l. c. ad 4 *Sed contra.*

Ad quintum dicendum, quod libertas voluntatis non ostendit eam esse nobiliorem simpliciter, sed nobiliorem in movendo. — *Ibid.* ad 2 *Sed contra.*

Ad sextum dicendum, quod ratio illa procedit de voluntate secundum comparationem ad id quod est supra animam, puta ad Deum; et sic conceditur esse nobilior. — *Ibid.* ad 5 *Sed contra.*

ARTICULUS II

UTRUM VOLUNTAS MOVEAT INTELLECTUM ET CETERAS VIRES.

Videtur quod voluntas non moveat intellectum et ceteras animae vires.

1. Movens enim est nobilior et prius moto, quia movens est agens, agens autem est prius et nobilior paciente, ut dicit Philosophus (3. *de Anima* *text.* 19; c. 5); sed intellectus est prior et nobilior voluntate, ut dictum est: ergo voluntas non movet intellectum. — *Ia*, q. 82, a. 4, arg. 4.

2. Praeterea, movens non movetur a moto, nisi forte per accidens. Sed intellectus movet voluntatem, quia appetibile apprehensum per intellectum est movens non motum; appetitus autem est movens motum, ut dicitur in 3. *de Anima* (*text.* 49; c. 10): ergo intellectus non movetur a voluntate. — *Ibid.* arg. 2.

3. Praeterea, nihil velle possumus nisi intellectum; si igitur ad intelligendum movet voluntas volendo intelligere, oportebit quod etiam illud velle præcedat aliud intelligere, et illud intelligere aliud velle, et sic in infinitum, quod est impossibile. Non ergo voluntas movet intellectum. — *Ibid.* arg. 3; *de Verit.* q. 22, a. 42, arg. 2.

4. Praeterea, quod una potentia dicatur

aliam movere, hoc non est nisi propter imperium, quod una supra aliam habet; sed imperare est rationis, ut dicitur in 1. *Eth.* (c. ult.): ergo ejus est movere alias potentias, et non voluntatis. — *de Verit.* q. 22, a. 42, arg. 4.

Sed contra est, quod secundum Philosophum in 2. *Meteorol.* (1) omnis motus est propter finem; sed bonum et finis est objectum voluntatis: ergo voluntas movet alias animae vires. — *de Verit.* q. 22, a. 42, arg. 3 *Sed contra.*

RESPONDEO DICENDUM, quod aliquid dicitur movere duplicitate: uno modo per modum *finis*, sicut dicitur quod finis movet efficientem; et hoc modo intellectus movet voluntatem, quia bonum intellectum est objectum voluntatis, et movet ipsam ut finis. Alio modo dicitur aliquid movere per modum *agentis*, sicut alterans movet alteratum, et impellens movet impulsum; et hoc modo voluntas movet intellectum et omnes animae vires. — Cujus ratio est, quia in omnibus potentiis activis ordinatis illa potentia, quae respicit finem universalem, movet potentias, quae respiciunt fines particulares. Et hoc apparet tam in naturalibus quam in politicis. Cuius enim, quod agit a universalem conservationem generabilem et corruptibilem, movet omnia inferiora corpora, quorum unumquodque agit ad conservationem propriæ speciei vel etiæ in individu. Rex etiam, quia intendit bonum commune totius regni, movet per suum imperium singulos præpositos civitatum, qui singulis civitatibus curam regimini impendunt. Objectum autem voluntatis est bonum et finis in communi. Quodlibet autem potentia comparatur ad aliquod bonum proprium sibi conveniens, sicut visus ad perceptionem coloris, intellectus ad cognitionem veri. Et ideo voluntas per modum agentis movet omnes animae potentias ad suos actus præter vires naturales vegetativæ partis, quae nostro

(1) 40. *Eth.* (c. 4, al. 3): Fit omnis motus in tempore, et hinc aliquipus ex diu suscipitur. — Cf. 2. *Phys.* (*text.* 75 sqq.; c. 8).

arbitrio non subduntur. — 1a, q. 82, a. 4, c.

Ad primum ergo dicendum, quod intellectus dupliciter considerari potest : *uno modo* secundum quod intellectus est apprehensivus entis et veri universalis ; *alio modo* secundum quod est quædam res, et particularis potentia, habens determinatum actum. Et similiter voluntas dupliciter considerari potest : *uno modo* secundum communitatem sui objecti, prout scilicet est apprehensiva (1) boni communis ; *alio modo* secundum quod est quædam determinata animæ potentia, habens determinatum actum. Si ergo comparentur intellectus et voluntas secundum rationem communitatis objectorum utriusque : sic dictum est supra (art. præced), quod intellectus est simpliciter altior et nobilior voluntate. Si autem consideretur intellectus secundum communitatem sui objecti, et voluntas secundum quod est quædam determinata potentia : sic iterum intellectus est altior et prior voluntate, quia sub ratione entis et veri, quam apprehendit intellectus, continetur voluntas ipsa et actus ejus et ipsius objectum. Unde intellectus intelligit voluntatem et actum ejus et ipsius objectum, sicut et alia specialia intellecta, ut lapidem aut lignum, quæ continentur sub communi ratione entis et veri. — Si vero consideretur voluntas secundum communem rationem sui objecti, quo est bonum, intellectus autem secundum quod est quædam res et potentia specialis : sic sub communi ratione boni continentur, veluti quoddam speciale, et intellectus ipse et ipsum intelligere et objectum ejus, quod est verum, quorum quodlibet est quoddam speciale bonum ; et secundum hoc voluntas est altior intellectu, et potest ipsum movere.

Ex his ergo appareat ratio, quare hæc

(1) Al. « appetitiva ».

potentiae suis actibus invicem se inclidunt, quia intellectus intelligit voluntatem velle, et voluntas vult intellectum intelligere. Et simili ratione bonum continetur sub vero, in quantum est quoddam verum intellectum ; et verum continetur sub bono, in quantum est quoddam bonum desideratum. — 1a, q. 82, a. 4, ad 1.

Ad secundum dicendum, quod intellectus alio modo movet voluntatem quam voluntas intellectum, ut jam dictum est. — *Ibid.* ad 2.

Ad tertium dicendum, quod non oportet procedere in infinitum, sed statur in intellectu sicut in primo. Omnen enim voluntatis motum necesse est quod præcedat apprehensio ; sed non omnem apprehensionem præcedit motus voluntatis ; sed principium consiliandi (2) et intelligendi est aliquod intellectivum principium altius intellectu nostro, quod est Deus, ut etiam Aristoteles dicit in 7. *Eth. ad Eudemum* (c. 18, al. * 14), ubi per hunc modum ostendit, quod non est procedere in infinitum. — *Ibid.* ad 3.


Vel dic, quod non est procedere in infinitum, quia statur in appetitu naturali, quo inclinatur intellectus in suum actum. — *de Verit.* q. 22, a. 12, ad 2.

Ad quartum dicendum, quod imperium est et voluntatis et rationis, quantum ad diversa : voluntatis quidem, secundum quod imperium inclinationem quandam importat ; rationis vero, secundum quod hæc inclinatio distribuitur et ordinatur exsequenda per hunc vel illum. (*de Verit.* l. c. ad 4.) — *Vel dic*, quod imperare non est movere quoconque modo, sed cum quadam intimatione denuntiativa ad alterum, quod est rationis.

Et hæc dicta sint in libros *de Anima*.

(2) Al. « considerandi ».

* Aristoteles, edit. Bekker, pag. 1248a, lin. 18 sqq.; cf. Mauri *Paraphrasin* in h. l.



INDEX

QUÆSTIONUM ET ARTICULORUM

QUÆ IN HAC TERTIA SECUNDÆ SUMMÆ PHILOSOPHICÆ

E D. THOMÆ DOCTRINA CONTINENTUR

IN LIBROS DE ANIMA

QUÆSTIO XLVIII

DE ESSENTIA ANIMÆ

Art. I. — Utrum anima sit corpus	1
II. — Utrum anima sit composita ex materia et forma	3
III. — Utrum anima sit ipsum corpus animatum, puta planta, equus, homo	6
IV. — Quot sint genera animarum	7
V. — Utrum prior definitio animæ a Philosopho allata sit conveniens	8
VI. — Utrum posterior definitio ejusdem sit conveniens	11
VII. — Utrum anima sit in toto corpore et in qualibet parte corporis	13
VIII. — Utrum anima sit in toto corpore indivisibiliter, ita ut sit tota in toto, et tota in qualibet parte ejus, an vero divisibiliter, ita ut tota sit in toto, et pars in parte	17

QUÆSTIO XLIX

DE PROPRIETATIBUS ANIMÆ

Art. I. — Utrum anima sit mobilis per se . .	21
II. — Utrum omnis anima sit inseparabilis a corpore	22

QUÆSTIO L DE CORPORE QUOD EST MATERIA ANIMÆ

Art. I. — Utrum præter animam in corpore sit alia forma substantialis	23
II. — Utrum partes corporis viventis, puta os, caro, et similes, specie differant	27
III. — Quænam sint veræ partes corporis viventis	28

QUÆSTIO LI DE POTENTIIS ANIMÆ IN COMMUNI

Art. I. — Utrum essentia animæ sit cius potentia	32
II. — Utrum sit tantum una potentia animæ, an plures	36
III. — Utrum potentiae distinguantur per actus et objecta	37
IV. — Utrum in potentiis animæ sit ordo . .	40
V. — Utrum anima sit subjectum potentiarum	41
VI. — Utrum potentiae fluant ab essentia animæ	41
VII. — Utrum una potentia oriatur ex alia	43
VIII. — Utrum potentiae omnes remaneant in anima separata	43
IX. — Utrum quinque genera potentiarum animæ sint distinguenda . .	45

QUÆSTIO LII

DE ANIMA VEGETATIVA

- Art. I. — Utrum anima vegetativa sit forma corporis viventis 49

QUÆSTIO LIII

DE POTENTIIS ANIMÆ VEGETATIVÆ IN COMMUNI

- Art. I. — Utrum convenienter assignentur tres potentiae animæ vegetativæ, generativa, nutritiva et augmentativa 50

QUÆSTIO LIV

DE POTENTIA GENERATIVA

- Art. I. — Utrum generatio sit opus naturallissimum et perfectissimum inter opera animæ vegetativæ 54
 II. — Quid sit potentia generativa 55
 III. — Utrum potentia generativa activa sit in matre 57
 IV. — Utrum omnia, quæ ex semine generantur, possint sine semine per putrefactionem generari 60
 V. — Utrum animalia genita per putrefactionem sint ejusdem specierum genitus ex semine 61

QUÆSTIO LV

DE POTENTIA AUGMENTATIVA

- Art. I. — Utrum augmentum proprium sit tantum in viventibus 63
 II. — Utrum potentia augmentativa sit realiter distincta a nutritiva 64

QUÆSTIO LVI

DE POTENTIA NUTRITIVA

- Art. I. — Utrum nutritio proprie tantum conveniat viventibus 66
 II. — Utrum potentia nutritiva distinguitur realiter a generativa 67

QUÆSTIO LXVII

DE ANIMA SENSITIVA

- Art. I. — Utrum animæ brutorum sint subsistentes 68
 II. — Utrum anima sensitiva traducatur cum semine 69
 III. — Utrum anima sensitiva sit in se-

- mine a principio, quando deciditur 71
 IV. — Utrum anima sensitiva sit forma substantialis animalis 74

QUÆSTIO LVIII

DE PROPRIETATIBUS ANIMÆ SENSITIVÆ

- Art. I. — Utrum anima sensitiva sit corruptibilis 75
 II. — Utrum anima sensitiva in homine sit nobilior et perfectior quam in bruto 77

QUÆSTIO LIX

DE OBJECTO SENSUS

- Art. I. — Utrum objectum sensus sit extra sensum 78
 II. — Utrum objectum sensus sit tantum res existens et præsens 81
 III. — Utrum objectum sensus sit substantia 82
 IV. — Utrum simul possint plura sensibilia per sensum ab eodem percipi 83
 V. — Utrum recte dividatur sensibile in per accidens et per se, et per se in proprium et commune 84
 VI. — Utrum sensibilia communia sint tantum quinque 85
 VII. — Utrum sensus possit decipi circa proprium sensibile 87

QUÆSTIO LX

DE SPECIEBUS SENSIBILIBUS

- Art. I. — Utrum dentur species, que sint necessarie ad actum sentiendi 89
 II. — Utrum hæc species sint diverse speciei a qualitatibus sensibilibus 90
 III. — Utrum species sensibiles sensu externo percipiantur, ut species visibles visu 97

QUÆSTIO LXI

DE SENSATIONE

- Art. I. — Utrum sensatio tantum consistat in receptione speciei sensibili 99

QUÆSTIO LXII

DE ORGANO SENSUS

- Art. I. — Utrum sensibile positum super organum faciat sensationem 101

- II. — Utrum excellens sensibile corrum-
pat sensorium 105

QUÆSTIO LXIII

DE POTENTIA SENSITIVA

- Art. I. — Utrum recte definiatur a Philoso-
pho sensus 107

QUÆSTIO LXIV

DE SENSIBUS EXTERIORIBUS

- Art. I. — Utrum in quolibet sensu externo
sit reperire sensum agentem et
patientem 109
II. — Utrum sint tantum quinque sen-
sus exterioribus 110
III. — Utrum sensus exterioribus indigeant
medio 115

QUÆSTIO LXV

DE OBJECTO POTENTIÆ VISIVÆ

- Art. I. — Utrum objectum visus sit color . . 117
II. — Utrum color recte definiatur a Phi-
losopho 119
III. — Utrum lumen sit corpus 121
IV. — Utrum lumen sit qualitas 123
V. — Utrum lumen sit realiter in medio,
an vero tantum intentionaliter 125

QUÆSTIO LXVI

DE VISIONE

- Art. I. — Utrum visio fiat per extramissio-
nem radiorum ab oculis, an vero
per intus receptionem 126

QUÆSTIO LXVII

DE ORGANO VISUS

- Art. I. — Utrum visio fiat in humore crystal-
lino, an vero in nervis opticis 130

QUÆSTIO LXVIII

DE POTENTIA VISIVA

- Art. I. — Utrum potentia visiva sit perfectior
aliis potentias sensitivis exter-
nis 133
II. — Utrum sit nobis carior reliquis
sensibus 136
III. — Utrum visus inter alias potentias
sensitivas externas faciat magis
scire 137

QUÆSTIO LXIX

DE POTENTIÆ ADITIVÆ OBJECTO

- Art. I. — Utrum sonus sit qualitas, an vero
motus 133
II. — Utrum sonus sit in corpore sonante,
an vero in medio 139

QUÆSTIO LXX

DE AUDITIONE

- Art. I. — Utrum ad auditionem requiratur,
quod sonus realiter perveniat ad
auditum per motum aeris 140

QUÆSTIO LXXI

DE ORGANO AUDITUS

- Art. I. — Utrum organum auditus sit aer
internus intra meningam con-
tentus 144

QUÆSTIO LXXII

DE OBJECTO POTENTIÆ ODORATIVÆ

- Art. I. — Quid sit odor 146
II. — Utrum odor sit ex prædominio ca-
lidi et siccii 147
III. — Utrum odor nutrit 150

QUÆSTIO LXXIII

DE ACTU ODORANDI

- Art. I. — Utrum ad actum odorandi requira-
tur, ut odor realiter perveniat ad
odoratum 151

QUÆSTIO LXXIV

DE ORGANO ODORATUS

- Art. I. — Utrum carunculae mammillares sint
organum odoratus 153

QUÆSTIO LXXV

DE POTENTIA ODORATIVA

- Art. I. — Utrum odoratus hominis sit pejor
odoratu aliorum animalium 156

QUÆSTIO LXXVI

DE OBJECTO POTENTIÆ GUSTATIVÆ

- Art. I. — Utrum recte definiatur a Philoso-
pho sapor 157

INDEX

II. — Quot sint species saporum	159
III. — Utrum extremi sapores sint dulcis et amarus.	160

QUÆSTIO LXXVII

DE GUSTATIONE

Art. I. — Utrum ad gustationem requiratur medium extraneum	160
---	-----

QUÆSTIO LXXVIII

DE ORGANO POTENTIÆ GUSTATIVÆ

Art. I. — Quod sit organum potentiae gusta- tivæ	162
---	-----

QUÆSTIO LXXIX

DE POTENTIA GUSTATIVA

Art. I. — Utrum potentia gustativa necessa- rio insit omnibus animalibus	163
---	-----

QUÆSTIO LXXX

DE SENSATIONE TACTUS

Art. I. — Utrum ad sensationem tactus requiri- ratur medium externum	164
---	-----

QUÆSTIO LXXXI

DE ORGANO TACTUS

Art. I. — Utrum caro sit organum tactus, an aliquid iuxta eorū	165
---	-----

QUÆSTIO LXXXII

DE POTENTIA TACTIVA

Art. I. — Utrum tacitus sit una potentia spe- cie	167
--	-----

QUÆSTIO LXXXIII

DE SENSIBUS INTERNIS

Art. I. — Utrum præter organa exter- na detur aliquæ sensus interni	168
II. — Quoq[ue] sensus interni	169
III. — Utrum omnes sensus interni in- simi omnibus animalibus	173
IV. — Utrum detur sensus a corpore	177

QUÆSTIO LXXXIV

DE ORGANIS SENSIUM INTERNORUM

Art. I. — Utrum cerebrum sit organum sen- suum internorum	179
--	-----

159

QUESTIO LXXXV

DE APPETITU SENSITIVO

Art. I. — Utrum appetitus sit aliqua specia- lis potentia animæ	183
II. — Utrum appetitus dividatur in sensi- tivum et intellectivum tamquam in diversas potentias	185
III. — Utrum appetitus sensitivus dividatur in irascibilem et concupisci- bilem tamquam in diversas po- tentias	187
IV. — Utrum etiam appetitus intellectivus divideatur in irascibilem et concupiscibilem tamquam in di- versas potentias	189
V. — Utrum appetitus concupiscibilis et irascibilis obdiant rationi . . .	191

QUESTIO LXXXVI

DE ORGANO APPETITUS SENSITIVI

Art. I. — Utrum organum appetitus sensitivi sit cor	194
--	-----

QUESTIO LXXXVII

DE VIRTUTE MOTIVA NATURALI

Art. I. — Utrum motus cordis et arteriarum sit ab anima	195
II. — Utrum motus respirationis sit ab anima	198
III. — Quoq[ue] sit organum virtutis pulsa- tivæ et respirativæ	199

QUESTIO LXXXVIII

DE VIRTUTE MOTIVA ANIMALIS

Art. I. — Utrum virtus motiva animalis sit potentia distincta ab aliis poten- tiis sensitivis	199
II. — Utrum organum potentiae motiva- tivæ sit nervi et muscle	201

QUESTIO LXXXIX

DE ANIMÆ RATIONALIS PRODUCTIONE

Art. I. — Utrum anima rationalis sit do- cubilans Deum vel aliquid factum .	202
II. — Utrum producatur ex parentibus sive ex progenie ex semine	204
III. — Utrum producatur a Deo per crea- tionem	206
IV. — Utrum producatur a Deo median- tibus angelis	208
V. — Utrum sit producta ante corpora .	209

QUESTIO XC^o

DE ESSENTIA ANIMÆ RATIONALIS

Art. I. — Utrum anima rationalis sit aliquid subsistens	213
II. — Utrum anima rationalis sit composita ex materia et forma	215
III. — Utrum anima rationalis sit ejusdem speciei eum angelo	217
IV. — Utrum animæ rationales sint æquales in perfectione et nobilitate	219

QUESTIO XCI

DE UNIONE ANIMÆ RATIONALIS AD CORPUS

Art. I. — Utrum anima rationalis uniatur corpori ut forma	222
II. — Utrum anima rationalis numero multiplicetur ad multiplicacionem corporum, vel sit una in omnibus hominibus	227
III. — Utrum in corpore, cuius est forma anima rationalis, sit aliqua alia anima	230
IV. — Utrum sit in eo aliqua alia forma subs'animalis	233
V. — Utrum anima rationalis tali corpori debeat uniri, quale est corpus humanum	235
VI. — Utrum anima rationalis uniatur corpori medianibus dispositiōnibus accidentalibus	237
VII. — Utrum anima rationalis uniatur corpori mediante aliquo corpore	239
VIII. — Utrum anima rationalis sit tota in qualibet parte animalis	241
IX. — Utrum anima rationalis, que uniatur uni corpori, posset uniri alii	243

QUESTIO XCII

DE PROPRIETATIBUS ANIMÆ RATIONALIS

Art. I. — Utrum anima rationalis sit immortalis et incorruptibilis	245
--	-----

QUESTIO XCIII

DE POTENTIS ANIMÆ INTELLECTIVÆ IN COMMUNI

Art. I. — Utrum intellectus et ratio sint diversæ potentiae	253
II. — Utrum intelligentia sit alia potentia ab intellectu	255

III. — Utrum in anima rationali sit memoria	256
IV. — Utrum memoria realiter distinguitur ab intellectu sicut potentia a potentia	258
V. — Utrum intellectus et voluntas sint una et eadem potentia realiter .	260
VI. — Utrum in homine sit liberum arbitrium	262
VII. — Utrum liberum arbitrium sit etiam in brutis	265
VIII. — Utrum liberum arbitrium in homine sit potentia realiter distinguita ab intellectu et voluntate	268
IX. — Utrum liberum arbitrium sit potentia appetitiva	270
X. — Utrum liberum arbitrium sit voluntas, vel alia potentia distincta a voluntate	271

QUESTIO XCIV

DE POTENTIA INTELLECTIVA

Art. I. — Utrum intellectus sit potentia animæ vel ejus essentia	272
II. — Utrum intellectus sit potentia passiva	273
III. — Utrum necesse sit ponere intellectum agentem	275
IV. — Utrum intellectus agens sit aliquid animæ	278
V. — Utrum intellectus agens sit unus omnium	280
VI. — Utrum ratio superior et inferior sint diversæ potentiae	281
VII. — Utrum intellectus practicus et speculativus sint diversæ potentiae	286
VIII. — Utrum intellectus possibilis sit unus in omnibus hominibus	287

QUESTIO XCV

DE SPECIEBUS INTELLIGIBILIBUS

Art. I. — Utrum sit necesse ponere species intelligibiles ad huc ut intellectus intelligat	290
II. — Utrum anima rationalis intelligat per species intelligibiles innatas	295
III. — Utrum species intelligibiles, per quas anima intelligit, effluant in animam ab aliquibus formis separatis	296
IV. — Utrum anima recipiat species intelligibiles a phantasmatisbus et a rebus sensibili bus	298
V. — Utrum intellectus possit intelligere per species intelligibiles, quas habet, non convertendo se ad phantasmatata	301

INDEX

QUÆSTIO XCVI

DE ACTU INTELLECTUS

Art. I. — Utrum omnis intellectio sit productiva verbi seu sit dictio	303
II. — Utrum intellectio sit prior natura dictione, an vero posterior.	306
III. — Utrum intellectio realiter distingualur a verbo	308
IV. — Utrum intellectio producatur ab intellectu et a specie intelligibili tamquam a duobus agentibus partialibus, an vero a solo intellectu	309
V. — Utrum intellectus sit semper in actu secundo.	311

QUESTIO XCVII

DE TERMINO INTRINSECO INTELLCTIONIS SEU DE VERBO MENTIS

Art. I. — Utrum sit necessarium ponere verbum mentis	313
II. — Utrum verbum mentis sit tantum medium quo, an vero etiam in quo a'que adeo tamquam imago, in quo intellectus res ad extra intelligit.	316

QUESTIO XCVIII

DE OBJECTO INTELLECTUS

Art. I. — Quodnam sit objectum intellectus.	320
---	-----

QUESTIO XCIX

DE MODO, QUO ANIMA CORPORI UNITA INTELLIGIT CORPORALIA, QUÆ SUNT INFRA ANIMAM

Art. I. — Utrum anima cognoscat corpora per intellectum.	324
II. — Utrum intelligat ea per continentiam suam vel per aliquas species	325
III. — Utrum intelligibilem cognitionem requiratur a circulo	327
IV. — Utrum anima inducat phantasmatibus ad intelligendum corpora	329
V. — Utrum judicium intellectus impeditur per impedimentum virum seu divarum.	330

QUESTIO C

DE MODO ET ORDINE INTELLIGENDI RES CORPOREAS

Art. I. — Utrum intellectus noster intelligat abstracto rhando species a phantasmatibus	344
---	-----

II. — Utrum species intelligibiles abstractæ a phantasmatibus se habeant ad intellectum nostrum ut quod, vel sicut id quo intelligitur.	336
III. — Utrum intellectus noster naturaliter intelligat prius magis universale	338
IV. — Utrum intellectus noster possit multa simul intelligere.	341
V. — Utrum intellectus noster intelligat componendo et dividendo	343
VI. — Utrum intellectus possit errare.	345
VII. — Utrum unus possit eandem rem melius intelligere, quam alius	346
VIII. — Utrum intellectus noster per prius cognoseat indivisible, quam divisibile	347

QUESTIO CI

QUID INTELLECTUS NOSTER IN REBUS MATERIALIBUS COGNOSCAT

Art. I. — Utrum cognoscat singularia.	348
II. — Utrum cognoscat infinita.	352
III. — Utrum cognoscat contingentia	353
IV. — Utrum cognoscat futura	354

QUESTIO CII

QUOMODO ANIMA INTELLECTIVA SE IPSAM ET EA, QUÆ SUNT IN IPSA, COGNOSCAT

Art. I. — Utrum cognoscat se ipsam per suam essentiam	356
II. — Quomodo cognoscat habitus in se existentes.	359
III. — Quomodo intellectus cognoscat proprium actum	360
IV. — Quomodo cognoscit nolum voluntatis	362

QUESTIO CIII

QUOMODO ANIMA COGNOSCAT EA, QUÆ SUPRA ILLAM SUNT

Art. I. — Utrum anima humora secundum statum presentis viæ possit intelligere substantias immateriales, quae auctoritate dicimus, per speciem	362
II. — Utrum possit ad carum notitiam pervenire per cognitionem rerum materialium	367
III. — Utrum Deus sit id, quod primo a nobis cognoscitur	370

QUESTIO CIV

DE POTENTIA VOLUNTATIS

Art. I. — Utrum voluntas sit alia potentia
--

- præter appetitum sensitivum 373
 II. — Utrum voluntas distinguatur in irascibilem et concupisibilem 375

QUÆSTIO CV

DE ACTU VOLUNTATIS

- Art. I. — Utrum actus voluntatis producatur effectiva a voluntate et cognitione objecti tamquam a duobus agentibus partialibus, an vero totaliter producatur a sola voluntate 377
 II. — Utrum per actum voluntatis producatur aliquis terminus intrinsecus 379
 III. — Utrum iste terminus realiter distinguiatur ab actu voluntatis 381

QUÆSTIO CVI

DE TERMINO INTRINSECO ACTUS VOLUNTATIS

- Art. I. — Utrum terminus intrinsecus actus voluntatis sit immediatum objectum illius 382

DE OBJECTO VOLUNTATIS

- Art. I. — Utrum objectum formale voluntatis sit tantum bonum, an bonum et malum 383
 II. — Utrum objectum materiale voluntatis sit tantum finis, an etiam ea quæ sunt ad finem 386

QUÆSTIO CVIII

DE MODO QUO VOLUNTAS TEDIT IN OBJECTUM


- Art. I. — Utrum voluntas appetat aliquid ex necessitate 387
 II. — Utrum voluntas ex necessitate velit quæcumque vult 389
 III. — Utrum voluntas eodem actu feratur in finem, et ea quæ sunt ad finem 391


QUÆSTIO CIX


DE VOLUNTATE PER ORDINEM AD INTELLECTUM ET CETERAS VIRES

- Art. I. — Utrum voluntas sit nobilior intellectu 394
 II. — Utrum voluntas moveat intellectum et ceteras vires 396

Pag. 287 a lin. 3 infra: ne *lege* nec.







B 765 .T51 1885 v.2 IMS
Thomas,
Summa philosophiae ex variis
libris D. Thomae Aquinatis [I
47090642

